

清
實
錄

文宗顯皇帝實錄(三)
卷一七至卷一八七
咸豐四年至五年

清實錄

第四二冊

中華書局影印

清 實 錄

(第 四二 冊)

文 宗 實 錄 (三)

•

中 華 書 局 出 版

(北京王府井大街 36 號)

北京市中國書店發行

中國建築工業出版社印刷廠印刷

•

787×1092 毫米 1/16 • 69 1/8 印張

1986 年 11 月第 1 版 1986 年 11 月北京第 1 次印刷

印數 0,001 — 1,500 冊

統一書號: 11018 • 1355—42 定價: 52.00 元

清實錄第四一冊目錄

文宗顯皇帝實錄(三)

卷一一七	咸豐四年正月上	一
卷一一八	咸豐四年正月中	一九
卷一一九	咸豐四年正月下	三六
卷一二〇	咸豐四年二月上	五六
卷一二一	咸豐四年二月中	六七
卷一二二	咸豐四年二月下	九五
卷一二三	咸豐四年三月上	一二五
卷一二四	咸豐四年三月中	一四六
卷一二五	咸豐四年三月下	一八〇
卷一二六	咸豐四年四月上	二二一
卷一二七	咸豐四年四月中	二三八
卷一二八	咸豐四年四月下	二六三
卷一二九	咸豐四年五月上	二八一
卷一三〇	咸豐四年五月中	三〇二
卷一三一	咸豐四年五月下	三三一

卷一三二	咸豐四年六月上	三四三
卷一三三	咸豐四年六月中	三五七
卷一三四	咸豐四年六月下	三七二
卷一三五	咸豐四年七月上	三八二
卷一三六	咸豐四年七月中	三九二
卷一三七	咸豐四年七月下	四〇九
卷一三八	咸豐四年閏七月上	四二七
卷一三九	咸豐四年閏七月中	四四三
卷一四〇	咸豐四年閏七月下	四六〇
卷一四一	咸豐四年八月上	四七五
卷一四二	咸豐四年八月中	四九五
卷一四三	咸豐四年八月下	五〇六
卷一四四	咸豐四年九月上	五二六
卷一四五	咸豐四年九月中	五四四
卷一四六	咸豐四年九月下	五六〇
卷一四七	咸豐四年十月上	五七五
卷一四八	咸豐四年十月中	五九一
卷一四九	咸豐四年十月下	六〇二
卷一五〇	咸豐四年十一月上	六二一

卷一五一	咸豐四年十一月中	六三二	卷一七〇	咸豐五年六月下	八七八
卷一五二	咸豐四年十一月下	六四一	卷一七一	咸豐五年七月上	八九六
卷一五三	咸豐四年十二月上	六五三	卷一七二	咸豐五年七月中	九一一
卷一五四	咸豐四年十二月中	六六六	卷一七三	咸豐五年七月下	九三〇
卷一五五	咸豐四年十二月下	六八〇	卷一七四	咸豐五年八月上	九三五
卷一五六	咸豐五年正月上	六九四	卷一七五	咸豐五年八月下	九五〇
卷一五七	咸豐五年正月下	七〇六	卷一七六	咸豐五年九月上	九六四
卷一五八	咸豐五年二月上	七二七	卷一七七	咸豐五年九月中	九七六
卷一五九	咸豐五年二月中	七三七	卷一七八	咸豐五年九月下	九八五
卷一六〇	咸豐五年二月下	七五二	卷一七九	咸豐五年十月上	一〇〇〇
卷一六一	咸豐五年三月上	七六三	卷一八〇	咸豐五年十月中	一〇〇九
卷一六二	咸豐五年三月中	七七五	卷一八一	咸豐五年十月下	一〇二二
卷一六三	咸豐五年三月下	七八五	卷一八二	咸豐五年十一月上	一〇三三
卷一六四	咸豐五年四月上	七九五	卷一八三	咸豐五年十一月中	一〇四一
卷一六五	咸豐五年四月中	八一〇	卷一八四	咸豐五年十一月下	一〇五四
卷一六六	咸豐五年四月下	八二三	卷一八五	咸豐五年十二月上	一〇六二
卷一六七	咸豐五年五月上	八三七	卷一八六	咸豐五年十二月中	一〇七四
卷一六八	咸豐五年五月下	八五二	卷一八七	咸豐五年十二月下	一〇九〇
卷一六九	咸豐五年六月上	八六五			

壽皇殿行禮○陝西巡撫王慶雲奏報到任日

清實錄
咸豐四年正月上

邇該革員所帶之兵前已有旨統歸和春管帶著卽督率各路將弁兵勇迅圖克復廬州如有不遵調遣者卽著以軍法從事 又諭毓通奏喀喇沙爾土爾扈特盟長署理汗印喀屯鄂克庫濟拉噶爾情願捐輸銀兩以備軍需呈請轉奏請旨一摺土爾扈特盟長署理汗印喀屯鄂克庫濟拉噶爾以現在籌備軍需具呈情願捐銀五千兩衷悃出於至誠深堪嘉尚惟念該汗等此項銀兩藉資生計

著毋庸賞收以示朕矜恤蒙古之至意諭
軍機大臣等勝保前奏十八日進仗時連放
神威礮因下藥太多以致震裂管礮章京黃
周賓即時陣亡各等情朕即決其是日進仗
必係失礮無疑批令據實明白回奏本日據
該大臣覆奏裂礮三尊礮兵因係廢物未及
護回是果有失礮情事而該大臣仍未肯明
言支吾掩飾顯有不實不盡著再據實覆奏
無稍含糊至各路防兵屢次諭令嚴密堵截

續纂卷一七

三

何以任令賊匪占踞于家莊等村究係向何
路竄出著即查明帶兵之員據實嚴叅此股
零匪僅有數百人官兵現已將賊匪圍困該
大臣又派兵前往勦截務即嚴飭各路將弁
趕緊將此股勦洗淨盡儻再有疏失任令竄
逸惟勝保是問據奏進攻賊巢情形屢云賊
勢窮蹙已極粉飾鋪張敷衍塞責而至今賊
勢仍屬兇悍勝保督兵已逾三月尚未能掃
穴擒渠自問於心能無愧乎總之朕惟以勦

滅賊匪為憑豈徒虛言所能了事耶現在已
屆新歲勢難再寬時日著即乘機進勦迅殄
賊氛無得再事遷延致干重罪將此由六百
里加緊諭令知之○又諭袁甲三奏賊陷廬
州請急圖克復一摺自廬郡失守疊次諭令
和春督兵進勦並令其總統諸軍俾事權歸
一以專責成據袁甲三奏廬州城內米糧尚
足火藥缺乏正可乘逆匪守禦未備力圖克
復不可專待薩炳阿奏定三之兵遷延時日

續纂卷一七

四

致該逆又成員竭之勢總兵郝光甲楊青鶴
皆係舒興阿軍營帶兵之員如果不知奮勉
著和春即據實嚴叅江忠源為國捐軀每一
念及不勝悼惜其弟江忠濟江忠濬隨同江
忠源管帶楚勇屢著勞績一門忠勇實屬可
嘉著和春即將本日所降恩旨傳諭該員等
加以激勵俾令仍帶兵勇隨同該提督勦賊
若能始終出力不難優予恩施福濟現授安
徽巡撫責無旁貸務即帶兵前往與和春合

力勦辦毋得僅以道塗阻滯供應缺乏藉詞不進致誤事機臨淮關一帶即責成刑部郎中李文安督帶鄉勇實力防勦其長淮衛十里城沫河口老鵲河等處應否撥兵堵禦著和春迅籌布置以杜逆匪北竄之路和春身為統帥務與福濟激勵兵勇迅速進勦毋稍延誤其河南陳州與皖省連界等處擒匪已諭英桂飭令徐廣縉牛鑑相機勦辦矣將此由六百里加緊各諭令知之○又諭本日據

袁甲三奏請令曾國藩督帶兵勇船礮由九江直赴安徽安慶刻下賊數無多或先克復安慶亦可斷賊歸路等語廬州為南北要衝現在為賊所據必須乘其喘息未定趕緊進勦遏賊紛竄之路曾國藩製辦船礮並所募楚勇數千人此時諒已齊備著即遵前旨迅速由長江駛赴安徽會同和春福濟水陸並進南北夾攻迅殄賊氛以慰廑念將此由六百里加緊諭令知之○又諭袁甲三奏勦辦

潁州擒匪請飭河南巡撫派員捕勦等語前有旨令牛鑑馳赴陳州等處與徐廣縉勦捕擒匪現在廬郡失陷皖省軍務正當喫緊之時而潁州擒首李士林糾合多股勢甚猖獗袁甲三已移營宿州潁郡西南鄉與豫省交界地方距宿州四百餘里計程較遠自應就近由河南派員督辦免致蔓延著英桂即飭牛鑑徐廣縉酌帶兵勇越境掩捕無分畛域以期迅速翦除勿令勾結為患其河南防堵

事宜即著英桂督率將弁並地方官實力防範不得稍有疏虞致干罪戾將此由六百里諭令知之○又諭前因舒興阿奏軍餉將次用竣諭令張祥河迅速籌款解赴軍營諒已遵照辦理現在廬郡失守正當攻勦喫緊之際需餉浩繁儻有缺乏所關匪細著王慶雲仍遵前旨督同藩司迅即籌撥銀十萬兩派委幹員解赴和春軍營應用並著該撫寬為籌備源源接濟無誤要需將此由六百里加

緊諭令知之。參贊大臣僧格林沁奏賊撲王家口。如探有北犯確信。即至固安截剿。得旨。前路逆情。隨時探聽。仍應會剿。為是。現在西面雖有竄出之賊。尚有伊勒東阿等儘數防剿。汝可速定進止。於接奉批回摺。即行覆奏。欽差大臣勝保奏連日進攻逆匪。疊斃多名。得旨。賊匪情形。並未窮蹙。何得如是。鋪張不過。因已逾新歲。敷衍搪塞。若有可乘之機。隨時密辦。三品卿銜兵科給事中袁甲

三奏。探聞靜海逆匪已被官兵掃蕩。請飭勝保督兵來皖。得旨。靜海之賊。若已掃蕩。固應如汝所籌。現在實未克復也。錦州副都統維祿緣病休致。所帶盛京官兵。命西安左翼副都統慶齡管帶。調正白旗蒙古副都統定福。為錦州副都統。以頭等侍衛阿勒吉善為正白旗蒙古副都統。實授易棠陝甘總督。賞陣亡安徽巡撫江忠源第六品銜忠濬。以知州用。緩徵直隸保定文安固安天

津薊甯河霸大城永清新城雄安高陽吳橋東光青豐潤玉田武清寶坻東安灤清苑安肅博野蠡祁東鹿河間阜城任邱南皮鹽山慶雲正定無極南和唐山平鄉廣宗永年邯鄲雞澤磁元城大名南樂清豐武邑衡水深澤完景平山鉅鹿南宮新河甯晉武強五十九州縣被水村莊新舊額賦及津軍廳葦漁課加賑保定文安固安天津西縣貧民一月口糧。癸卯。

高宗純皇帝忌辰遣官祭

裕陵

上詣

壽皇殿行禮。詣

闕帝廟拈香。諭軍機大臣等。前有旨。僧格林沁統帶馬步各隊移營前進。與勝保合為一軍。昨據該大臣奏。靜海逆匪意圖西竄。擬仍由武清橫至固安攔前堵剿。已於摺內批示矣。現在西路本有伊勒東阿所帶官兵。

儘數防勦。本日復命布彥泰馳往王慶坨後路之防。愈形周密。僧格林沁即當迅速移營。親赴前敵。不得再有耽延。推諉該大臣督兵出京。已及四月初。時原為勝保一軍足數。勦辦是以准其駐劄。以障京師。以現在情形而論。非合力攻勦。不能迅速殄滅。若徒株守一隅。何時歲事。著僧格林沁於接奉此旨後。刻即前進。其北面防堵事宜。即交布彥泰督辦。並將如何會勦情形。迅速據實覆奏。逆賊員。竭已久。萬不能再任稽誅。該大臣若稍事遷延。貽誤之罪。不獨勝保一人當之。也將此由六百里加緊諭令知之。○又諭前因廬郡賊勢猖獗。節經諭令向榮將和春原帶之湖南親兵七百名。飭令鄭魁士統帶赴皖。復派秦定三管帶得力兵丁一二千名。星馳赴援。廬州關係北路要衝。若不迅圖勦滅。於大局更不可問。現在調到之兵半多未經戰陣。恐出敵不能應手。必致貽誤軍情。著向榮懍遵前

旨。即將湖南官兵並前調軍營得力之兵。派委鄭魁士秦定三迅速管帶啟程。交和春調遣。以資攻勦。不准率行請留。致有延誤。其金陵鎮江應如何力籌堵勦之處。仍著向榮周密布置。及早攻克。不得以分兵藉口。稍涉疏虞。致干重罪。將此由六百里加緊諭令知之。又諭據向榮奏請調廣東水師提督快蟹各船並水師得力員弁。兼籌借餉等語。此事屢經降旨飭調。該督撫屢次奏覆。總以窒礙為詞。然向榮前在廣西。目擊勦辦艇匪。及現詢在營兩粵官弁。均以粵東水師船隻為得力。且內外臣工條奏所見略同。江南賊匪騷擾經年。患在腹心。豈可再事延緩。若以經費支絀。畏難不辦。或心存畛域。藉詞堅拒。該督撫素日辦事尚屬認真。不當如是。著葉名琛柏貴按照向榮所奏。悉心體察。迅即選調外海水師提督船五十隻。檄調副將梁顯揚等分起管帶。剋日出洋。速赴江南。並飭屬趕緊

招募快蟹船五十隻雇齊水勇隨同挖署前往相輔協勦仍遵前旨諄勸伍崇曜龍元僖蘇廷魁或專任集捐趕辦或專司統領開行務期事在必成毋令藉詞推諉儻能同心協力將大江賊艇與該省陸路各軍迅速會勦全數掃除則破格酬庸朕所不吝其福建截留駛回廣東修整之紅單船隻亦著查明趕緊修理完竣仍飭令陳國泰吳全美等管帶船礮由海路駛赴大江與此次選調各船一併前往協勦可望速殲醜類其調赴楚北之兵丁礮匠人等諒早已前往想曾國藩可以帶赴安徽足資攻勦至頒給官票酌借軍餉一節並著妥籌酌辦該督撫接奉此旨迅將辦理情形先行馳奏以慰朕念向榮片著鈔給閱看將此由六百里諭令知之○步軍統領聯順等奏郭懇案內疏忽之叅將李長清等請摘頂帶得旨此案已隔多月何至今年始行叅奏况南營將升例不准擅入

天壇是否另有別情藉端叅處著明白回奏候旨行○前任禮部侍郎曾國藩奏衡永桂陽股匪未淨情形得旨汝以在籍人員能如是出力已屬可嘉著知會撫臣勦辦或有汝素來深信之紳士酌保辦理亦可又奏通籌防勦情形批成敗利鈍固不可逆睹然汝之心可質天日非獨朕知若甘受畏蕙之罪殊屬非是又奏請嚴禁銜清二縣保甲收餉弊端又批此應亟更易者著知照駱秉章將改辦章程速行覆奏○欽差大臣向榮奏勦賊獲勝請飭琦善派馬隊一千名並調廣東挖署等船至江南助勦得旨一派鋪張並非真能得手汝自廣西追賊至江南徒費多兵未見有尺寸之功尚何面目撥江北之兵斷不准行汝必要撥江北之兵可將汝首送來又批籌畫尚周恐未能盡如所請又奏請飭令劉開泰仍赴安徽壽春鎮總兵任署總兵全玉貴因打仗箭傷請加副將銜仍留營調遣又

批全玉貴著賞加副將銜。俟傷痊後即赴署任。不准留營。劉開泰已授南贛鎮。所請仍赴壽春著不准行。汝係欽差大臣。專司軍務。汝營中將弁。特旨簡放。何得擅留。况江南地方非汝所轄。殊屬多事。江南提督和春奏。皖省賊勢益張。請飭向榮撥兵至江北會剿。得旨。所籌俱是。汝身經百戰。自能洞悉逆情。著奮勉力圖剿滅。速膺懋賞。已有旨諭向榮矣。

○命正白旗漢軍副都統布彥泰馳赴王慶

坨軍營。○命二等侍衛穆騰阿圖庫爾赴參贊大臣僧格林沁軍營差遣委用。○甲辰諭軍機大臣等。前據僧格林沁奏。靜海逆匪竄撲王家口地方。占踞村莊數處。本日覆據勝保奏報。情形大略相同。是逆匪意圖西竄。王家口霸臺一帶。最為喫重。雖經勝保抽撥官兵會同那敷德堵剿。仍恐兵力不敷。僧格林沁所帶官兵。本係扼賊北竄。若此時再不向前迎剿。直待有北犯確信。始行向西橫截。已

落後著現在逆匪所踞多係零星村莊。大兵一到即可殄除。儻稍有遲延。致逆匪分布聯絡。靜海大股潰圍突出。勢更不可收拾。僧格林沁自接奉移營前進諭旨後。連日奏報均不免藉詞推諉。今軍情既有變遷。自不必再往獨流。即著刻日帶兵徑赴王家口霸臺一帶。盡力攻剿。務將賊踞村莊全數奪回。使西北兩路均無可竄。此係緊要機宜。亦即可乘之機會。僧格林沁若再有推諉。則平日所籌皆係虛詞。竟是臨事畏蕙。大負朕之委任。諒該大臣必不敢如是也。此時賊匪占踞村莊。必當趕緊剿辦。不容殘喘苟延。免致又成負隅之勢。現在伊勒東阿等嚴防後路。該大臣必當迅速前進。斷不可俟布彥泰到營再行前往。致誤事機。一切軍情務須與勝保和衷商榷。東北與西南雖分兩路。仍無異合為一軍。不得稍分畛域。有誤大局。將此由六百里加緊諭令知之。○又諭據勝保奏逆匪勢欲

西竄。現籌勦辦各摺片。本日已諭知僧格林沁統領官軍移營王家口。嚴密堵勦該逆乘虛肆竄。是其慣技。既據奏稱王家口霸臺一帶為遏賊西竄之衝。自應扼要堵截。僧格林沁節經嚴旨催令迅赴前敵會攻。想日內必應趕到。勝保與該大臣共辦一事。或應分堵。或須合擊。應如何妥密布置。務須和衷商榷。互為應援。萬不可稍存意見。致有貽誤。至逆蹤剽悍。若由西而北。固關緊要。即折而南奔。亦須籌備。所稱青縣以北。程官屯等處。抽撥馬步隊分布之處。是否足資攔截。並著嚴飭帶兵各員。加意嚴防。西凌阿善祿防勦靜海。是其專責。何以屢經賊眾撲出。並不能實力抵禦。如有遷延疏懈情事。即行據實嚴叅懲辦。所有現在占踞各村莊之賊。務即乘其壁壘未堅。迅速勦除。不得任令大股續至。又成負固之勢。其獨流逆黨。仍著亟籌攻勦。務與僧格林沁隨時會商妥辦。儻再遲延玩誤。惟

僧格林沁與勝保是問。將此由六百里加緊諭知勝保。並諭德勒克色楞知之。○又諭賈楨奏順天承辦糧臺。應否移歸天津支應一摺。現在僧格林沁移營王家口。該叅贊隨營糧臺向係順天府承辦。著賈楨等仍飭令通永道海瑛照舊供支。毋庸歸天津糧臺併辦。庶分路支應較為便利。該兼尹等務當嚴飭該道一手妥辦。以專責成。不得因該叅贊大臣移營前進稍有貽誤。將此諭令知之。○又諭前因勝保軍營需餉孔亟。令山西巡撫籌撥餉銀三十萬兩。已據恆春咨報分起解赴直隸。轉解軍營接濟。並准戶部奏將直隸捐輸項下銀三萬餘兩撥解勝保軍營以備支放。茲據勝保奏稱三月以來僅收晉餉十七萬兩。餘均屢催未到等語。現在勝保所統各路官兵應給口食。竟有一二月未曾開支者。若再稽延。致令兵潰。直隸承辦糧臺各員豈能當此重罪。著桂良嚴飭藩司迅將山西

解款並應撥捐輸款項星飛委解無再遲誤
昨日據僧格林沁奏稱逆匪竄踞東河頭梁
頭莊孫家莊劉木勺周家莊新莊小米莊李
莊等處本日勝保馳報靜海賊匪續又竄擾
于家莊等處王家口霸臺一帶情形喫緊是
賊勢被勦窮蹙欲向西南竄逸桂良辦理防
堵業逾半載諒已偵探明確先期設防其應
如何巡緝堵禦勿令匪蹤闖入當必早有把
握著再督飭地方文武員弁嚴密布置以固
藩籬將此由六百里諭令知之○步軍統領
聯順等覆奏營汛將弁失察郭舉出入

天壇奏參遲延自請議處得旨所參李長清等
均照前摺所擬聯順等均著交該部院察議
今日回奏摺內又漏敘李長清等處分殊屬
疏忽昨日硃批有候旨行三字豈未看出著
再傳旨申飭○參贊大臣僧格林沁奏北路
緊要請仍駐劄王慶坨扼截北犯得旨今日
已另有寄諭現在布彥泰因有瘡疾請假數

日汝若輕騎先往不若酌帶官兵若由京再
發重兵前往接防實無可再撥若由別省趕
調更不能濟急本日寄諭接到汝自明白○
長蘆鹽政文謙奏天津兵勇需餉孔亟奉撥
山東餉銀未到請將應行解京各衙門辦公
銀兩暫留運庫支放其各衙門需用請照應
解原數發給寶鈔以資辦公得旨著戶部查
照一律發給不可專待各該衙門自行奏請
革職留任湖北巡撫崇綸奏防守省城兵

力單弱雇募壯丁以張聲勢得旨兵勇不甚
多自應如是扼要布置吳文鎔出省自擁多
兵置省垣重地於不問殊昧大局不知輕重
是視自己性命有重於地方著速傳旨吳文
鎔將伊所帶之兵勇酌量撤回以固根本並
將此原摺硃批寄與閱看朕豈為保一崇綸
實為鄂省民命計也○貴州巡撫蔣蔚遠奏
兵餉不繼請催各省奉撥餉銀迅速解黔以
應急需得旨著戶部迅速催解不准各處截

留○命新授順天府府尹楊需暫留欽差大臣勝保軍營以刑部左侍郎李鈞兼署順天府府尹○以直隸靜海截擊餘匪不力摘總兵官經文岱營總柏林頂帶○緩徵山東章邱齊東濟陽德平陽信樂陵利津霑化鄒單范濮朝城聊城堂邑清平館陶冠恩臨清邱鄒平長山齊河臨邑陵德新城平原商河滋陽陽嶧陽穀壽張鉅野樂安壽光濰夏津濟甯金鄉魚臺嘉祥四十四州縣被水被旱被風被雹村莊額賦及各項銀租有差○乙巳諭軍機大臣等據勝保奏攻勦竄出逆匪情形逆匪盤踞獨流靜海三月有餘尚未撲滅淨盡現復由西南竄出占踞各處村莊雖經善祥等督兵於初二日奪回于家莊等四處並德坤等帶兵奪回梁頭等村三處而東河頭一村尚未奪回難保該逆不另謀巢穴分我兵力昨已諭令僧格林沁剋日帶兵赴王家口霸臺一帶盡力攻勦遏賊西竄之衝諒

已移營前進並諭勝保於南路程官屯等處加意嚴防毋稍貽誤現在已將賊踞村莊奪回七處正可乘此機會將東河頭一村立即奪回以杜賊匪紛竄之路德勒克色楞計已到營著僧格林沁即與勝保趕緊會商進勦機宜既已合為一軍該大臣等自當統籌全局合力同心會籌進勦僅仍各存意見致令逆匪再有竄逸之處朕惟該大臣等是問將此由六百里加緊諭僧格林沁勝保並諭德勒克色楞知之○又諭福濟奏通籌廬鳳大局請就近撥兵防賊北竄一摺據稱關山形勢險要為自江入皖緊要門戶濶溪亦為東面直達臨淮要隘皆在廬州後路尤宜豫防等語自係實在情形惟前因廬州失守降旨令琦善撥兵四千名向榮撥兵一二千名均歸和春調遣此時諒已陸續啟程合計和春統帶之兵為數不少所有琦善軍營官兵未便再行調撥現在賊踞廬州必須迅速殄滅

則江北一帶可期漸就肅清福濟著即星速前往與和春合力進攻兵貴神速不得藉口雨雪阻滯致誤事機並飛催琦善向榮嚴飭薩炳阿秦定三將所調各兵迅速管帶赴和春軍營不可稍有稽遲該撫與和春務當戮力同心迅殲醜類臨淮關一帶前有旨令刑部郎中李文安督帶鄉勇實力防勦關山等處著該撫酌量情形撥兵堵截以杜逆匪北竄之路另片奏經費支絀請仿照成案設局

實錄卷一百七

三

開捐並請將安徽江北各州縣錢糧留抵軍需等語現在廬州待餉孔亟著即照所議辦理該撫仍當督飭所屬撙節支發毋得稍有冒濫將此由六百里加緊諭令知之○以湖北官紳辦理團練出力予知府易容之等升敘有差○撥內庫銀三十萬兩解赴欽差大臣勝保軍營以備要需○貸江西建昌德化瑞昌興國都昌湖口彭澤七縣被賊難民籽種口糧○丙午諭內閣刑部奏遵旨審明刊

刻並未發鈔奏章人犯並將案內職官傳質明確請旨遵行一摺暫行革職之給事中吳廷溥著即革職交刑部定擬罪名具奏給事中鳳寶等著該部仍遵前旨照例議處尋奏遵議吳廷溥發新疆効力贖罪鳳寶等降一級留任從之○丁未

世祖章皇帝忌辰遣官祭

孝陵○諭內閣上年冬至

圓丘大祀朕以偶患痼疾未能親詣行禮私衷

實錄卷一百七

三

正深乾惕茲屆

祈穀大祀自應敬謹舉行虔申忱悃惟微疴尚未全除登降猶虞隕越若仍遣官恭代則大禮久曠朕心益覺難安因命禮臣查照遣官分獻禮節及經由道路先期具奏原為暫省繁文期於對越之時倍昭誠敬並非輕改舊章著為成例本日據宋晉奏請停新議仍遵成憲一摺是於朕權宜申敬之衷尚未深喻所有此次親行禮節仍著照該衙門所議行一

俟朕躬步履如恆即當照常將事大小臣工當知朕應

天以寶不以文之意也○參贊大臣僧格林沁奏帶兵赴王家口調回多爾濟那木凱防王慶坨得旨著傳旨與培成嚴密防範勿稍疏忽現在東河頭地方尚為賊踞確實情形可即行奏來○欽差大臣琦善奏查明瓜州等處大股賊船全回金陵擬酌撥馬隊渡江助剿得旨向榮已奏請調兵過江朕因金陵餘

軍機處

賊無多故嚴批謂汝要江北之兵可取汝首來今觀汝奏逆賊竄回太多向榮營盤無虞衝突蘇常一帶甚為可慮所撥馬隊若能設法渡江固好究不若步兵為宜可撥即撥恐向榮奉有嚴批不敢再調此次批諭著寄與向榮看又奏遵撥官兵三千名交薩炳阿統帶赴皖並請飭部迅籌軍餉批續觀此奏馬隊已改撥安徽朕料汝營光景步隊尤不克再行分撥既難顧彼失此仍應嚴扼瓜州杜

其北竄是時惟盼靜海之賊速平則江安之逆無難消蕩所有軍餉一節已飭戶部矣又奏潰勇傷害弁兵咨行地方官嚴懲又批潰勇逃兵皆應嚴懲著通行江省各屬遇有此項滋事者一概准其格殺勿論不徒弭患之益兼可激發隨營者上進之心又奏前因揚城勇潰賊係東竄慧成捏稱由南門竄出強顏諉過又批汝為統帥咎無可辭慧成不肯為汝下亦是實情至汝駁伊共分其咎一語

軍機處

旨

是汝疑慮過甚總因從前汝未顧東路東路諸臣亦未籌及西面朕平心而論厥咎維均此數語可洞鑒汝之肺腑○以湖北攻擊黃州賊匪獲勝賞都司劉富成花翎百長宋屏翰藍翎○以江蘇六合團練出力予知縣溫紹原以知府用○是日立春順天府進土牛春山寶座○戊申諭內閣工部右侍郎玉明和碩額駙恩醇每遇緊要差使輒先期藉詞請假今日又均以舊疾復發請假數日殊屬

有意規避。玉明著革去工部右侍郎恩。醇著革去管理嚮導處事務。並無庸署理鑲黃旗護軍統領。以示薄懲。諭軍機大臣等。前據和春奏。與舒興阿面商。分撥官兵。舒興阿以官兵僅數。調遣為詞。再三婉商。不肯允行。旋據袁甲三將和春所致信件呈覽。內稱舒興阿近在西路。並不通信。於十八日。差人送文三件。聲明八百里飛催。該提督前往。倒填十五十六等日期。是舒興阿與和春。顯有意見。

不合。本日據舒興阿奏。則稱和春來營面商。後即赴店埠。疊次備文移催。迄未見覆。嗣接該提督來咨。又有將陝甘官兵留於西面防守之語。請飭該提督將所撥之兵。調取統帶等語。究竟該提督當時如何與舒興阿婉商。舒興阿所稱。令和春將兵帶來。以便就近撥給官兵之語。是何意見。所稱疊次備文移催。是否即和春所指。倒填月日之文。和春既謂兵單。何以咨覆舒興阿文內。又將陝甘官兵

留於西面。是否因舒興阿前此不肯分撥。遂不願調取。舒興阿現奏。所帶各路官兵。共祇六千餘名。何以該提督前奏。輒稱兵勇萬餘名。均著和春詳細查明。據實具奏。現在舒興阿業已革職。廬州各路援兵。均歸和春調遣。自不慮有掣肘。著即趕緊分撥進攻。迅圖克復。不得專待江南江北分調之兵。致滋玩誤。琦善昨奏。派薩炳阿帶馬步官兵三千名。赴廬州協剿。此時如未到皖。亦著飛催前進。其

北路防堵事宜。即與福濟袁甲三妥為籌辦。毋稍疏虞。將此由六百里諭令知之。江西巡撫張芾。奏賊擾饒州。已革通判王煊宇先期出城查點木植。嗣後被擄。罵賊遇害。全家殉難。請開復予卹。得旨。王煊宇聞警先期出城。迨聞母病。即赴饒省視責。以有家而不顧國。即明正典刑。尚不足蔽辜。乃因為賊所殺。即裝點各情。謂其罵賊不屈。謂其因查木植。不過為袒護情面。王煊宇著不准開復原官。

亦無庸議給卹典其家屬及伊子著仍准其議卹○調工部左侍郎戴齡為右侍郎兼管錢法堂事務理藩院右侍郎培成為工部左侍郎未到任前以內閣學士文清署理以正白旗護軍統領伊勒東阿為理藩院右侍郎未到任前以工部右侍郎戴齡兼署○以禮部尚書麟魁管理嚮導處事務鑲白旗漢軍副都統綿森署鑲藍旗護軍統領○以直隸獨石口協副將雙祿為正定鎮總兵官○予安徽陣亡守備楊均源千總柴廷棟把總王學禮陳連朱連升張化鯤外委馬偉王兆希張寅趙發祭葬世職○

上以次辛祈穀於

上帝自是日始齋戒三日○已酉享

太廟遣恭親王奕訢恭代行禮○遣官祭

太歲之神○諭內閣奕興等奏團練緝捕請

置備烏槍等語民間私藏烏槍例禁綦嚴惟

現辦團練自應置備以資防守著照所請所

平定縣志卷之二十七

三

平定縣志卷之二十七

三

有奉天團練緝捕無論旗民均准其置備烏槍並於槍上鑿字以便稽查造冊報明充為公用遇有盜匪持械逞兇拒捕者即用烏槍轟擊依律格殺勿論該將軍等即嚴飭地方官明白曉示實力稽查如有挾嫌致斃良民及私藏不鑿字號烏槍者仍照例治罪○諭軍機大臣等慧成奏營中存兵無多不能成隊請統帶前往廬州之原管熱河宣化徐州各營兵馳往安徽督同查文經等協剿一摺慧成自到揚州以來株守灣頭及至勇潰賊竄一籌莫展屢次奏報無非與琦善齟齬爭辯於軍情布置毫無實際茲又欲將撥往廬州各兵自行帶往仍係不歸琦善調遣意見有心取巧即准令前赴廬州亦不過擁兵自衛於事何濟現在皖省諸軍統歸和春調遣原以一事權而肅軍律若再添派帶兵大員轉致掣肘貽誤慧成著不准前往安徽仍在揚子橋一帶力圖堵禦竄匪以贖前愆昨據

琦善奏酌撥馬步官兵三千名交薩炳阿帶往廬州。惟薩炳阿前已派赴六合。現飭錫綸前往更換等語。刻下皖省情形萬分喫緊。赴援之兵勢不可緩。著琦善即飛催薩炳阿星速帶兵馳赴安徽。毋得稍有延誤。慧成既歸。琦善調遣。則江北一帶防剿均應責歸琦善。當此勦匪喫緊之際。該大臣惟當激發天良。督飭帶兵各員力圖肅清江口。若仍狃於積習。各存意見。冀圖洩憤。以致再誤事機。朕必

平定回疆方略卷一百一十五

六

重治該大臣之罪。不能盡歸罪於慧成。如慧成等不聽調遣。朕亦必執法從事。決不寬貸。將此由五百里諭知琦善。並傳諭慧成知之。欽差大臣勝保奏。密籌圍攻獨流。靜海逆匪現已宣示各兵勇。破壘先登。立予優獎。得旨。即有一二人奮勇先登。徒傷無益。全局之計至緊要也。汝等妥辦。勿俾再滋蔓延。又覆奏。礮位震傷。因正在禦敵。未即查驗。請交部議處。批。此節亦不必議處。汝總以勦盡逆賊。

平定回疆方略卷一百一十五

七

方為副朕委任。若先自以為不能取信。則大誤也。朕若疑汝何不撤回。或殺之。皆因汝先不自信。故未能仰體朕衷。又奏賊糧已盡。現獲賊犯供稱。靜海西邊有人運賣糧草。豬雞等物。請飭西路官兵認真巡緝。斷賊接濟。又批。著知照僧格林沁嚴查懲辦。雖東路未據供出。亦難保其必無。又奏那敷德會同桂齡等初三日進剿。東河頭賊匪昭烏達兵格吉噶爾當先擊賊。將賊殺退。又批。蒙古兵此次在軍營甚為出力。格吉噶爾尤屬奮勇。著即行保奏。直隸總督桂良奏報得雪尺寸。得旨。祥雲普被寅感。實深總期盡埽妖氛。休養吾民。是時斷不敢心存自滿。亦不敢謂豐年豫兆。汝為大吏者。亦應善體朕衷。山西巡撫恆春奏委韓省銘署蒲州府。知府得旨。韓省銘人甚中平。著隨時查看。據實具奏。該府曾任秋曹。汝必深知。斷不准稍有迴護。以攻勦直隸獨流賊匪。獲勝賞副都統明慶玉。

搬指翎管吉林協領倭克金德廉花翎已革副都統德順六品頂帶○以浙江辦理海運出力布政使麟桂等交部優敘知府繆梓等升敘有差○予直隸陣亡都司凌志守備永志把總李景和外委張雙馬圖汪伏忠雲騎尉穆臨委叅領霍隆武委驍騎校斌恆承德祭葬世職領催富爾當阿德亮賞卹如例蠲緩山西垣曲洪洞二縣被擾村莊新舊額賦並給貸口糧籽種有差○蠲緩浙江錢塘富陽餘杭臨安新城桐鄉安吉仁和海甯嘉興秀水嘉善海鹽平湖石門歸安烏程長興德清武康二十州縣上年被水被雹地畝漕糧杭嘉湖三府及於潛縣災區未完帶徵額賦○庚戌

上詣

南郊齋宮齋宿○諭內閣勝保等奏乘夜督兵攻克獨流餘匪潰竄一摺本月初八日勝保督率各路兵勇進攻逆匪於亥刻直抵獨流

木壘越濠而進兵勇踴躍先登守壘之賊俱被殺斃大兵隨後齊進開放槍礮直向賊巢轟擊燒毀木壘該逆猶復拌死抵拒我兵斃賊無數奪獲烏槍擡礮旗幟百餘件贏馬數十匹又將街內各處藏匿之賊撻殺二百餘名餘匪紛紛奔竄該大臣現派魁福帶領馬隊跟蹤追剿又派天津西甯正定步隊隨後繼進現在王家口一路有瑞昌帶兵堵禦青縣唐官屯一帶有明慶崇恩帶領馬步官兵扼守范家口一帶有瑞麟慶祺督兵堵截又有西凌阿善祿帶領馬隊追擊著該大臣等督飭各路官兵四面兜剿迅掃賊氛毋令紛竄○諭軍機大臣等勝保奏獨流逆匪向西南奔竄督兵追剿等情一摺覽奏曷勝憤懣逆匪占踞獨流以來屢次諭令該大臣嚴密堵截無任竄逸以期聚而殲旃即該大臣疊次奏報亦云賊勢窮蹙已極且布置周密賊匪無路可竄朕日望捷音以為剋期必能掃

蕩乃本日據奏獨流逆匪於初八日夜向西
南奔逸或歸靜海或奔河西尚未可定等語
是獨流之賊全股竄出且並不知逃往何處
比及偵探明確派兵勦擊而賊蹤已遠又成
尾追之勢該大臣統領大兵數萬有餘布置
數月之久乃竟任令久困餘匪奔突而出僅
復占踞要隘賊勢益張近畿一帶生民又遭
荼毒該大臣等自問當得何罪另片奏子牙
鎮為糧米所聚僧格林沁咨令瑞昌劉營王

僧格林沁

奏

家口以南等語本日已諭令僧格林沁即折
回王慶坨防堵仍將所帶之兵一千餘名歸
勝保統帶如僧格林沁未赴王家口即著勝
保將此項官兵飛調前來以資攻剿所有瑞
昌那敷德史榮椿等所帶之兵均歸勝保調
遣如僧格林沁不肯將各官兵交付即著勝
保傳旨飛調仍一面據實奏奏如帶兵各員
不遵調度並著嚴叅治罪勝保身為統帥既
經貽誤於前已屬罪無可逭德勒克色楞及

西凌阿善祿等俱係幫辦之員均難辭罪趁
此賊匪狂奔喘息未定前截後追正可殄滅
無餘僅再失機會致令餘匪肆擾鳴張或竄
踞他處負隅固守朕必將勝保等一併從重
治罪現將僧格林沁所帶官兵添撥勝保軍
營已嚴諭僧格林沁不得掣肘該大臣統領
重兵事權既已歸一防剿均難卸責若不迅
殄賊氛更有何顏對朕耶將此由六百里加
緊諭令勝保並諭德勒克色楞西凌阿善祿

僧格林沁

奏

知之○又諭前因靜海逆匪竄撲東河頭等
處地方諭令僧格林沁帶兵徑赴王家口霸
臺一帶攻剿昨據勝保奏該大臣於初六日
至王家口而僧格林沁並未奏報本日據勝
保等奏督兵攻克獨流逆匪向西南潰竄又
稱賊踞東河頭直通子牙鎮該處西通大城
南通青縣勝保於初六日已令瑞昌馳往堵
剿初九日接僧格林沁咨令瑞昌劉營王家
口以南不必往子牙鎮各等語官兵克復獨

流逆匪紛竄西南一帶尚無定向子牙鎮為糧米所聚若竄踞該處又成負隅之勢勦辦更難得手勝保既令瑞昌帶兵前往堵勦何以僧格林沁竟行截留遲至三日始行咨明勝保實屬不知緩急該大臣與勝保共辦一事當此軍情萬分喫緊自應合力同心統籌全局豈可堅執意見致令掣肘就目下賊情而論王慶坨仍係西北要隘布彥泰病尚未痊一時尚難前往著僧格林沁即行折回王

增錄卷一百一

三

慶坨探賊所向實力堵勦所有瑞昌那敷德史榮椿及僧格林沁帶赴王家口各官兵均著交勝保調遣以備攻勦如僧格林沁此時尚未赴王家口亦即將前此奏明帶往之兵一千餘名迅交勝保調撥毋許擅留再有貽誤至培成伊勒東阿所帶官兵仍歸僧格林沁統帶逆匪潰竄志在狂奔務當偵探明確相機截勦兵貴神速最忌牽制該大臣屢奉諭旨遲回不決已失事機若再有延誤恐不

能當此重罪也將此由六百里加緊諭令知之○又諭本日據勝保奏乘夜攻勦獨流焚燒木壘殺賊千餘名餘匪奔竄並占踞東河頭地方直通子牙鎮該處西通大城南通青縣為王家口脅齒等語現在逆匪意圖奔突賊蹤靡定已飭令勝保督帶各路官兵前截後追靜海西南一路最關緊要著桂良速派得力將弁於各處要隘嚴加防守並探明賊蹤扼要堵截萬不可令該逆再踞要隘地方

增錄卷一百一

三

致成負隅之勢勦辦更難得手該督務當熟籌緩急嚴密布置無誤事機將此由六百里加緊諭令知之○貴州學政黃統奏訪獲私雕學政關防人犯訊稱夥犯未獲勢必隨棚招搖污臣名節得旨著知照蔣蔚遠從嚴懲辦又批即使該犯撞騙得財事後必能破獲於汝名節何干汝以欽命官與該犯較量錙銖殊覺識見未廣朕以小事觀之汝祇知顧一己之名亦屬習氣太重嗣後務須存大識

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百十七

[illegible]

咸豐四年甲寅正月辛亥祈穀於

上帝

上親詣行禮。

孝全成皇后忌辰遣官祭

慕陵○
○詣

關帝廟拈香○諭內閣前有旨諭琦善飭令河南布政使鄭敦謹將糧臺經手事務移交接辦之員○即回本任○現在英桂駐劄汝陽辦理防堵事宜○河南省城不可無大員鎮撫○鄭敦謹著即遵照前旨迅速回任○毋稍遲延○

又諭王懿德奏閩省營務廢弛情形一摺。福建地處海疆。額設水陸各營。除每年赴臺換防外。內地存兵數逾四萬有奇。如果統兵將領平日認真練閱。嚴覈虛伍。慎重操防。即偶遇地方有警。足資捍禦。乃近日漳泉各屬。竟有富家子弟。賄買名糧。一遇徵調。半係頂雇。當差積習相沿。殊堪痛恨。至水師巡洋捕盜。所修戰艦。豈容不肖營員偷減工料。現在該省土會各匪。經王懿德督兵勦辦。漸就肅清。

王懿德奏

二

所有水陸各營。從前積弊。亟應力圖整頓。著王懿德會同署總督有鳳。督飭將弁各官。破除情面。實力整飭。如有前項弊端。一經查出。即將該管官從嚴叅辦。毋稍寬縱。○又諭王懿德奏請將失守汎地之千總。免予治罪。並留營效力等語。福建已革千總陳吳失守汎地。罪有應得。惟於廈門失守後。隨同官軍打仗克復。且念伊父陳勝元上年在安徽蕪湖陣亡。忠烈可憫。陳吳著免其治罪。仍留原營。

效。○諭軍機大臣等。張之萬奏靜海東南一帶。南行經由鹽山。直抵山東。北行則沿海。仍抵天津。恐兵單未能堵禦。擬自東路水邊。西至運河隄岸。十數里內。挖為長溝。即以其土堆為土壘。我兵盡屯壘南。使賊無計可施。再由北路日夕攻之。可期指日殄滅。又稱帶兵大臣行知山東。將運河築壩堵截。並令河南將衛河上流。全行堵截。均屬非計。所奏不為無見。惟現在逆匪竄向西南。與該學政所

王懿德奏

三

奏情形。是否相同。勝保昨奏。於西南北三面。皆有布置。獨於東面。未經詳細敘及。是否此路情形較輕。抑已防堵嚴密。著勝保悉心體察。分別辦理。至堵截運河衛河一節。是否果有其事。此舉極關緊要。未可輕為嘗試。該大臣務須妥慎籌辦。毋致別滋流弊。此時靜海縣城內。及東河頭兩處。賊匪是否仍行盤踞。抑或希圖乘間竄逸。我兵應如何分攻合剿。並著將辦理情形。迅速具奏。張之萬摺片均

著鈔給閱看。將此由五百里諭令知之。○又諭前因琦善奏賊船竄回金陵太多。蘇常一帶甚為可慮。曾諭琦善撥兵協剿。並令將批諭之摺寄與向榮閱看。本日又據慧成奏。探報金陵大幫賊船陸續開往上游。恐其併赴廬州。或分赴江西。湖北。並東壩等處。著向榮迅即偵探明確。賊船究往何處。如我兵併力攻城。亦可牽制賊船。不敢遠竄。或乘賊船駛往他處。設法攻取金陵。其東壩一帶。並著嚴

○奉
上諭

○

飭該處帶兵員弁實力防禦。毋令賊蹤闖入。原摺著鈔給閱看。將此由六百里諭令知之。○命前任河南布政使王簡赴直隸山東交界地方辦理防堵。○以辦理福建泉州團練並隨營出力。賞道員莊俊元員外郎莊志謙主事姚近寶。遊擊慶善花翎都司王連安等。藍翎餘升敘有差。○壬子。

上詣

壽康宮問

皇貴太妃安。○諭內閣吏部奏遵旨議處一摺。江西巡撫張芾陳奏截留銀兩濫保員弁率多任意妄行。其守城兵餉亦多冒濫。朕於摺內批示加之訓誨。原係成全造就之意。乃張芾負氣逞詞。嘵嘵置辯。並於另片奏稱。疑尚書陳孚恩有不合朕心之處。力陳該尚書小心謙謹。守城時積勞成疾。忽奉嚴旨。若非言官糾彈。即係大臣挾嫌攻訐等語。尤屬可笑。賞罰之權操之自上。朕獎功黜罪一秉大公。

○奉
上諭

○

無論言官糾劾。總須察有實據。分別懲從。未嘗以風聞影響之詞遽加罪戾。即左右大臣如有挾嫌攻訐之事。亦豈能逃朕洞鑒。陳孚恩守城出力。業經賞戴花翎。伊子陳景謨亦賞戴藍翎。並未沒其微勞。何至紳士等羣情渙散。如張芾所云耶。張芾身任封圻。敢以私意揣測朕衷。實屬膽大糊塗。不堪造就。著照部議。即行革職。○又諭刑部奏審擬偷竊米石人犯。現訊情形一摺。據稱該犯王七恃

無質證。任意狡展。必須傳到原拏兵役。及受傷之孫四。送部質訊。再行從重定擬。殊屬非是。王七既係在倉被獲。且帶有單刀口袋等物。並將更夫孫四毆傷。其為行竊拒捕。已屬顯然。若必待提到原拏之兵役人等質訊。使兵役轉成被告。必致遷就消弭。該部所奏。實屬有意取巧。仍著迅提該犯。切實根究。毋任狡展。從重定擬。○諭軍機大臣等。據奉命大將軍惠親王。並恭親王奕訢。將勝保德勒克色楞瑞麟。信函二件呈覽。知靜海獨流逆匪。全股西竄。僧格林沁。已馳抵大城。與賊接仗。勝保疾趨霸州。遏其北竄。該大臣等。奉旨勦賊日久無功。致令乘虛奔突。即將該大臣等。以軍法從事。亦不足惜。惟畿輔近地。事機緊急。該大臣等。果稍有天良。必當趁該逆奔竄未定之時。盡力堵禦。迅速勦除。以贖罪戾。現已諭知僧格林沁。即由文安大城一帶。督兵截擊。不得令該逆更向西南紛擾。尤不可任

令北竄。勝保意在由北而南。迎頭截剿。徑赴霸州。但自大城而西北。尚隔保定。任邱等縣。及東西淀。會同河。若令過河而西。將更不可收拾。本日已命大將軍等。將東路三營。即日移劄東安固安涿州。為黃村前敵。著德勒克色楞。於奉到諭旨。即行揀帶精銳官兵一千名。兼程馳往固安。駐劄防守。所有黃村東安固安涿州通州盧溝橋等處官兵。統歸德勒克色楞節制。其餘該貝子所帶各兵。統交瑞麟管帶。隨同勝保。前往迎剿。該大臣可以無須兼顧北路。即刻督兵向南扼賊竄路。極力截殺。與僧格林沁隨時知照。為夾擊之計。萬不許令該逆再有占踞地方。或竟敢窺伺保定省垣。該處為京師屏蔽。財物充阜。尤不可稍有疏虞。勝保當探明賊蹤。迅督各路官軍。層層布置。迎擊兜剿。不得更以積冰積水為詞。稍事迂緩。仍與僧格林沁。德勒克色楞。西凌阿善祥。桂良。時相知照。密籌防禦。該大臣

等負罪已深。此次暫勿加譴。若再不將該逆悉數埽除。但有一處蔓延。必將該大臣等就地正法。勿謂寬典可冀。倖邀也。仍將進兵機宜及賊情如何。星速由驛馳奏。軍情緊急。一切奏報。不必拘泥繕寫楷書。總以據實迅奏為要。將此由六百里加緊諭知勝保。德勒克色楞並諭西凌阿。善祿。瑞麟知之。○又諭。前因僧格林沁曾否已至王家口。未據奏報。特降諭旨。令其折回王慶坨。以防西北要隘。本

日據奉命大將軍惠親王等奏。接到勝保等來函。並探報情形。僧格林沁已在大城地方與賊接仗。殲斃逆匪數百名。是該大臣已追賊南下。事機緊要。若仍拘泥諭旨。遽行折回。恐逆匪竟奔西南。保定一帶又被滋擾。著僧格林沁即行追趕。不可使該逆稍留喘息之地。勝保因恐驅賊北上。已帶兵馳赴霸州。為迎頭邀截之計。本日亦諭令迅速由北而南迎頭邀擊。其北面各路已於涿州固安東安

三處及後路之黃村節節布置。已有兵五六千名。並令德勒克色楞暫回固安調度北路諸軍。該大臣等可無後顧之憂。總以盡力追殺為要。無恤其他。勝保不能嚴密防範。僧格林沁屢次遲回不進。以致逆匪紛竄。若按軍律治罪。該大臣等均無可辭。儻再不痛加勦洗。稍贖前愆。自問數月以來。老師糜餉。更有何面目對朕耶。直隸保定省城為京師屏蔽。防守甚關緊要。昨據桂良奏。唐官屯范家口

等處皆止官兵百餘名。勝保所奏續派明慶瑞昌瑞麟慶祺等分堵之兵。未知到否。即使趕到。已落賊後。儻保定稍有疏失。朕惟僧格林沁勝保是問。連日接仗。如何情形。即著迅速具奏。軍情緊急。一切奏報。毋庸拘泥繕寫楷書。總以迅速具奏為要。毋稍遲延貽誤。將此由六百里加緊諭令知之。○戶部錢法堂呈進當十當五十當百當五百當千大錢式樣。請如式鼓鑄從之。○以江蘇布政使陳啟

邁為江西巡撫調浙江布政使麟桂為江蘇布政使以福建按察使韓椿為浙江布政使

○癸丑諭內閣載齡奏請飭修

天壇牆基一摺

天壇重地理宜嚴肅自應一律修整隨時稽查以昭慎重所有西南牆角內外沙土淤積及東西北三面牆基外露並有積水淹浸坍塌數處著步軍統領衙門速派兵役將沙土剷除淨盡並擇坍塌較重處所先為培護其餘

實錄卷一百一十八

酌量輕重情形分別辦理○又諭僧格林沁奏連日督兵追勦逆匪大獲勝仗一摺僧格林沁於初六日馳抵王家口初九日靜海等處賊匪全股撲至因見我兵有備遂向西南逃竄僧格林沁即督帶馬隊官兵跟蹤追擊自子牙鎮至張家莊六十餘里賊屍枕藉約斃長髮賊千餘名生擒一百七十餘名初十日仍督兵追擊逆匪沿途拋棄火藥鉛丸衣服食物欲誘我兵揀拾希圖脫逃該大臣嚴

申軍律飛飭追兵前進適西凌阿等帶領吉林黑龍江馬隊趕到合隊追勦探知該逆在東城村盤踞我兵追至該逆膽敢列隊抗拒復被我兵追殺三四百名餘匪竄入村內獨流靜海五里莊東河頭村等處逆匪屢經我兵攻勦窮蹙全數潰圍逃竄僧格林沁督帶馬隊官兵沿途追擊斃賊二千餘名勦捕尚為迅速著該大臣督飭各路大兵趕緊兜圍並著勝保統帶馬步各隊飛速前進合力夾擊務期盡殲醜類毋令竄逸○又諭毓通奏霍碩特正盟長貝子多爾濟那木扎勒等捐備軍需呈請轉奏請旨一摺霍碩特正盟長貝子多爾濟那木扎勒副盟長扎薩克頭等台吉棍齊克扎普扎薩克頭等台吉拉什德勒克聞軍務未竣情願各捐銀一千兩衷悃出於至誠深堪嘉尚惟該貝子等此項銀兩藉資生計著毓通轉行曉諭多爾濟那木扎勒等所捐銀兩著毋庸賞收以示朕矜恤蒙

古之至意○又諭前因揚州賊匪竄突東路鄉勇潰散職員張翊國帶兵防禦不能固守業經降旨將該革員發往新疆充當苦差復因雷以誠奏稱張翊國曾在施家橋擊賊獲勝當交琦善確查具奏茲據該大臣查明張翊國自勇潰之後並未與賊接仗著仍遵前旨將張翊國發往新疆充當苦差○諭軍機大臣等僧格林沁奏督兵追擊賊匪連次大獲勝仗一摺獨流逆匪全股向西南逃竄經

該大臣督帶馬隊連日跟追先後殲擒賊匪二千餘名僧格林沁初次與賊接仗即能激勵將士痛加勦洗且跟蹤緊追行走迅速尚屬可嘉現在逆匪竄踞東城村西凌阿等所帶馬隊均已趕到僧格林沁現帶馬隊三千餘名在東城村外屯劄正可乘其喘息未定盡力攻擊並嚴飭各路弁兵認真堵截無令再有寬逸勝保統領大兵由北而南現在行抵何處並未據奏報兵貴神速現當追勦喫

緊之際豈得再有遲誤勝保前在山西追賊甚為迅速此次何以藉按捕餘匪冰水難行為詞至今尚未趕到豈以追賊之事竟諉之僧格林沁耶北路一帶昨已諭令德勒克色楞帶兵一千名馳往固安所有黃村等處官兵統歸節制僧格林沁勝保此時總以合力夾擊迅殲逋寇為要若因北路牽制攻勦轉難得力著即督兵星速前進併力兜圍斷不准任令賊匪占踞鄉村擾撲城邑又成負隅

之勢僧格林沁與勝保督兵數月攻勦既未得手防範又有疏虞致賊竄逸已屬罪無可逭若再不同心協力迅殲賊氛自問當得何罪前撥內庫銀三十萬兩已分別解赴兩處軍營著該大臣等分飭糧臺派委妥員迅速迎提勿稍疏失將此由六百里加緊各諭令知之○又諭琦善奏總兵武慶呈出江浦縣幕友與向榮營務處李春寅來往書信語多含糊難於解釋果係密謀攻賊何以向榮未

經咨會。若此信虛謊。則北岸難保。所關甚鉅。等語。著向榮傳詢李春寅是否實有此事。迅即查明據實具奏。並飛速咨會琦善。妥籌布置。勿失事機。原摺及信彙二件。均鈔給閱看。至疊次諭令將和春原帶之湖南官兵。並軍營得力弁兵。派鄭魁士。秦定三帶赴安徽。至今未見覆奏。著即飛催前往廬州。毋稍延緩。其金陵鎮江攻剿情形。現在如何。仍著向榮相機設法。迅圖克復。不得藉詞分兵皖省。再事遷延也。將此由六百里諭令知之。尋奏遵查。守備李春寅辦事精細。特令專辦。內應之事。數月以來。解散脅從之船不少。擬令各船開往江北。斷賊上竄之路。適據江浦縣知縣曾勉禮稟稱。其幕友卞姓。亦係熟悉內應之人。故令李春寅致函往商。密行知會總兵武慶。以釋北岸兵民之疑。並安各船戶反側之心。事屬豫籌。故未即咨明琦善報聞。○又諭。本日據王履謙奏豫省吏治廢弛。軍需浮冒。

河工糜費一摺。據稱豫省州縣紛紛調署。公事廢弛。甚至規避處分。調劑屬員。五月間汴梁被圍。藩庫存銀三十餘萬兩。幾為一空。懷慶解圍後。辦理防守事宜。支發不及二萬。稟報至八萬餘兩之多。前署河南府知府李潔官聲本屬平常。借防堵為名。擅動發商生息銀兩。至河工錢糧。東河每年不下一百四五十萬兩。實在辦公不及十分之六。任情揮霍。種種糜費各等語。現當防堵喫緊之際。各州縣豈容任意調署。無所專責。其支發各款。詎可浮濫報銷。至數倍之多。著英桂飭令藩司鄭敦謹。逐款句稽。據實查辦。並將浮冒各員嚴行叅處。其河工歲料。著長臻詳細查明。應如何革除浮費。俾錢糧皆歸實用。安定章程具奏。原摺著摘鈔閱看。將此由五百里各諭令知之。○又諭。王履謙奏急籌軍餉。以濟要需。一摺。據稱山西一省。向多饒富之家。民風淳樸。好義急公。如諭以大義。示以成約。飭藩

司按照借數出給印票分年照期歸還如有借至十萬兩以上者除按年拔還銀兩外或本身已得功名准其賞給祖父封典等語著恆春即照所奏悉心體察如何辦理據實具奏原摺著摘鈔閱看將此由五百里諭令知之○河東河道總督長臻奏稽查下游河口緝拏匪類並籌兵扼堵得旨逆匪未平河防總關緊要不可稍涉疏忽○以福建臺灣道徐宗幹為按察使○以喀什噶爾領隊大臣

常清為葉爾羌參贊大臣密雲副都統扎拉芬為喀什噶爾領隊大臣前鋒參領郭什訥為密雲副都統○甲寅宣宗成皇帝忌辰遣官祭

慕陵○

上詣

奉先殿

壽皇殿行禮○諭內閣宋晉奏滙陳因循積習難挽請慎行賞罰一摺朕自御極以來兢兢

業業四載於茲當此國計艱難民生彫敝未嘗不深宮循省寢饋難安上年特頒手詔力戒因循原期中外臣工力除積習用副朕勤求治理之心若徒事虛文日申誥誡究於實政何裨自逆匪肆擾統兵債事各員失律喪師均屬罪無可逭或立予重懲或由部臣定擬情節既有不同罪名豈能一致朕賞功罰罪權衡輕重一秉大公即如守城出力各員無不立沛恩施或諸臣不能承受朕恩自招

罪戾亦不得因其出力在先概從寬宥總之各部院大臣陳奏事件必期確有實際俾可見諸施行若徒託空言以一奏為沽名市譽之地亦難逃朕鑒也○又諭前有旨令德勒克色楞額帶精銳官兵一千名在固安一帶防守現在德勒克色楞額已同勝保統帶大兵兜剿逆匪著改派載齡馳赴固安駐劄統領固安東安黃村涿州通州盧溝橋等處官兵各路帶兵大員均歸調遣○又諭福濟奏請

將革員解審等語。江蘇山陽縣已革候補中書丁晏藉辦團勇，斂錢擾害，前經降旨交查。文經嚴訊確情，現在查文經業已革職，著福濟即將丁晏及此案人證提解鳳陽督同臬司恩錫嚴行審訊，按律定擬具奏。諭軍機大臣等：前因逆匪全股西竄，諭令德勒克色楞帶兵一千名馳往固安駐劄，以防北路。本日據勝保、德勒克色楞奏，已於十二日馳抵任邱，先帶馬隊前往軍營，與僧格林沁會

商勦辦等語。現在賊踞米家莊東城一帶，任邱去該處甚近，正可乘機剋期進勦。德勒克色楞著毋庸折回固安，即與勝保統帶各兵趕赴前敵，會同僧格林沁併力圍勦。其後路未到之兵，均著嚴提前進，不准藉詞逗遛。至北路一帶，本日已命載齡前赴固安，所有黃村等處官兵統歸調遣。該大臣等著即懍遵，疊次諭旨，同心協力，四面兜勦，迅殄賊氛，斷不准再令竄逸，滋擾其慶祺、瑞麟所帶之兵。

或暫留任邱防守，或調赴前營，均著該大臣等相機調度。總之軍情變幻靡常，全在臨時酌度。緩急隨機，應變切不可以有用之兵置之無用之地。將此由六百里加緊各諭令知之。又諭福濟奏安徽徵收錢糧請暫行變通一摺，據稱皖省廬鳳潁所屬州縣去年下忙地丁分釐未解，緣鳳陽等處率以制錢一千八九百文作銀一兩，近來銀價日昂，不敷報解。一議加增人情惶駭，且自賊匪滋擾，小

民流離遷徙，實有未能盡徵之勢。請將完善之區本年上忙新賦准交制錢二千作銀一兩暫行變通等語。地方應納錢糧向有定例，原未可輕易更張。該撫所奏體恤民情兼可接濟軍餉，係一時權宜之計。即著照所議辦理。若元氣稍復，仍著按照舊章徵收，不得援以為例。另片奏徐州製造局仍派王夢齡經管，其經費由安徽撥解，並可支放宿州一帶兵勇口糧，其前路各營餉糈專交鳳陽糧臺

署臬司恩錫辦理等語。著照所請。督飭該員等認真經理。覈實報銷。毋稍冒濫。將此由六百里諭令知之。○又諭。昨據僧格林沁奏。獨流等處賊匪全股潰圍。逃竄連日。督兵追擊。大獲勝仗。該逆竄入東城村。現在進兵追擊。本日據勝保奏。十二日馳抵任邱。探知該夷竄踞米家莊東城一帶。即日帶兵前進。與僧格林沁合力兜剿。各等語。逆匪利在狂奔。且聲東擊西。是其慣技。現雖竄往西南。仍去天津未遠。著文謙督飭分守各路兵勇。揆捕餘匪。嚴密防守。毋得稍有鬆懈。靜海獨流各村莊業已收復。該處百姓慘遭荼毒。蕩產破家。深堪憫惻。著即督飭地方官妥為安撫。勿令一夫失所。並嚴催張起鵠迅速隨營支應糧臺。前由京解往餉銀。妥慎收發。毋稍疏忽。○參贊大臣僧格林沁奏。靜海逆匪竄踞河間東城村一帶。現盼勝保慶祺督兵會剿。得旨。料勝保即日可到。逆匪所占村莊不可使之

實錄卷一百一

十

喘息已定。築壘固守方好。○已革閩浙總督慧成奏。駐劄灣頭。扼守北路。請添調山西營兵防堵。得旨。汝祇知擁兵自衛。並未與琦善商酌。○以乾清門頭等侍衛西拉布為鑲黃旗漢軍副都統。前任熱河都統。惟勤署密雲副都統。賞喀什噶爾領隊大臣扎拉芬副都統銜。○以直隸天津糧臺支應遲誤。摘道員張起鵠頂帶暫行革職。○以安徽支應軍行夫馬遲誤。革署知縣侯敦典職。發軍台效力。

○乙卯頒河南嵩山

伽藍神

御書扁額曰威靈鎮佑。○諭軍機大臣等。現在靜海獨流賊匪全股竄出。屯聚河間所屬之東城村。經僧格林沁疊次斬擒。大獲勝仗。勝保等亦由任邱督兵前進。會同剿辦。該逆情形窮蹙。難保不分投四竄。西南兩路雖經派兵堵截。惟該逆聲東擊西。是其慣技。河間接壤山東德州尤為喫重。其河南之武安涉縣

與山西之黎城潞城等處為該逆入直來路尤當先籌防範其山東臨清上下毗連直隸處所尤防零匪竄入豫省之河北各縣與山西之東北凡有鄰近直隸各要隘均宜一體設防著張亮基恆春英桂督飭文武員弁嚴密巡查實力堵禦毋許匪蹤闖入張亮基駐劄德州尤當激勵將士申明紀律勤加偵探與僧格林沁勝保大營聯絡聲勢隨時知照一切靜海獨流雖已收復東路武定一帶仍須密飭防範不可稍涉大意將此由六百里各諭令知之○參贊大臣僧格林沁奏與勝保會商厚集兵力四面圍剿並以固安兵力尚單札令多爾濟那木凱帶兵隨同嚴密防堵得旨昨因德勒克色楞額已抵任卹諭令不必回固安著仍遵前旨即行折回隨同僧格林沁等攻剿其多爾濟那木凱所帶之兵可即調回固安以昭嚴密而歸覈實察哈爾及山西兵仍應歸順天糧臺支應軍餉○幫辦

軍務土默特貝子德勒克色楞額奏遵旨帶兵馳往固安並請將黑龍江後到之兵交瑞麟帶赴欽差大臣勝保軍營得旨著即行折回汝所帶之兵一併帶回惟勝保所添派多爾濟那木凱之兵可調赴固安防堵○長蘆鹽政文謙奏逆匪潰竄撫綏彈壓甚關緊要天津道張起鵠前經調辦糧臺可否仍回本任得旨張起鵠已有旨催赴大營軍務緊要萬不能飭回本任現在天津乏員天津道著吳廷棟署理○欽差大臣向榮奏遵旨籌撥官兵馳應皖北並江南防剿情形得旨汝在江南日久無功不思設法勦洗乃率請飭赴江北明係兵力較單可以諉過於人殊屬無恥○已革翰林院侍讀學士晉康奏謝革職自效恩得旨汝父尚未開缺現在軍營奏事尚可汝由學士革職已為閒散何得仍奏謝恩摺殊屬謬妄○以吏部右侍郎愛仁兼署工部右侍郎兼管錢法堂事務○以內閣學士

盛桂署正紅旗滿洲副都統○丙辰諭內閣
戶部奏籌議浙江海運章程一摺本年浙江
省辦理海運改由劉河口受兌放洋一切經
理事宜業經浙江巡撫黃宗漢派員妥辦惟
該處海口係江蘇所轄若專令浙江委員催
辦尚恐呼應不靈致有貽誤著怡良許乃釗
立即派委大員並熟諳海運之員駐劄劉河
會同浙江委員設局妥速籌辦不得稍分畛
域至海船駛抵天津以後應用剝船著桂良

督飭天津道府寬為豫備以濟剝運其江蘇
省海運事宜仍著該督撫迅籌具奏毋許藉
口軍務因循延宕致誤正供○湖南巡撫駱
秉章奏遵查咸豐二年七月粵逆竄擾益陽
知縣陳應台未能將河面船隻收至北岸以
致潰匪搶渡實屬失於防範請革職免議得
旨陳應台不收船隻致令逆賊得以搶渡罪
無可寬乃駱秉章故意開脫並因所奉札文
在後以為非有意抗違試問即無札飭船隻

顧不必收耶逆賊竄擾數省雖非陳應台一
人之罪但該犯身為縣令事前既疏於防範
事後又捏稟回城救援規避情形已屬顯然
駱秉章僅科以失盜從重例已革罷議不但
謬妄已極實屬迴護習氣太重駱秉章兩任
湖南尚不知振作無恥已極況此案係前歲
之事至去歲臘月已逾一年又非命盜之案
人證難齊不過故稽時日減緩該犯之罪料
朕不咎既往含混批交部議有意取巧尤堪

痛恨駱秉章著交部議處陳應台著刑部從
嚴定罪具奏尋奏陳應台請從重發新疆效
力贖罪從之又奏駱秉章請照溺職例革職
得旨駱秉章著改為降五級留任不准抵銷
○丁巳諭內閣德勒克多爾濟等奏圖謝圖
汗車臣汗二部落之汗王等捐輸銀兩呈請
轉奏請旨一摺圖謝圖汗二部落現經管理
游牧旗務與未經管理之汗王貝子公扎薩
克台吉閒散頭二等台吉等情願將本年正

月應領俸銀扣存部庫備撥軍餉忠悃出於至誠深堪嘉尚惟該汗王等此項俸銀藉資當差所捐銀兩著勿庸賞收以示朕矜恤之至意○又諭御史蔡紹洛奏請將辦理團練得力之知縣隨營攻勦一摺據稱湖北麻城縣知縣姚國振果敢有為勇於緝捕該員果能保衛城鄉力禦外侮該省督撫自能據實保奏且麻城地方亦係要隘若將該員調往他處轉恐本境防堵疏懈所請令姚國振隨

平定人三

三三

營攻勦之處著不准行另片奏保舉在籍紳士倡率練勇等語湖北在籍刑部候補主事吳榮黃雲鵠前任四川綿竹縣知縣文鳳喈前任山東鄒平縣知縣潘煥龍候選中書徐偉度候選教諭羅文樞候選經歷楊醇均著隨同地方官辦理團練其前任直隸昌黎縣知縣胡璧華前任江蘇吳江縣知縣帥宗縈均著毋庸隨同辦理○諭軍機大臣等據慧成奏勇頭高鴻猷李興清即李三闌本係捻

平定人三

三七

匪前經楊殿邦派在揚州防剿至慧成接管各勇相繼潰散近聞李興清之勇蟻聚泗州靈壁交界之高興集地方恐於進攻廬州後路有礙等語前據袁甲三奏李興清自揚州潰逃後在靈泗交界地方以招勇為名聚集二三千人蹤迹叵測已派臧紆青會同靈壁縣嚴密查拏是否拏獲未見續奏現在廬州尚未收復該處捻匪難保不乘機滋擾與逆黨勾結為患著福濟即飭帶兵員弁及地方文武巡邏掩捕並知照和春袁甲三一體設法誘擒勿令與逆匪勾結再致蔓延將此由六百里諭令知之○巡防王大臣奉命大將軍惠親王等奏遵查侍衛早興帶兵駐劄定福莊巡防先後拏獲形迹可疑人犯二起業經審辦奏結此外拏獲人犯數起審問俱無證據由附近村民保釋並無縱放奸匪之事得旨該侍衛所討保釋放者非廢弛而何若云伊營內並無疏懈其誰信乎第現當巡防

喫緊之際驟易生手恐難得力著仍飭令該員赴前路防堵自應倍加奮勉以觀後效此次硃批可傳與阜興知之又奏審明被賊裹脅人犯石寶山代買火硝二次僅止引路並未隨同打仗請發黑龍江給兵丁為奴批石寶山代買火硝情節尤重豈能僅科以指引道路究與甘心代買火藥者有間試問火硝何用與火藥何以分別又豈能以並未打仗為從寬之據愚民無知從賊殺人尚迫於不

奏

奏

得已甘心代買心迹悖亂已極石寶山著照軍法從事即行處斬○步軍統領聯順等奏遵旨會議南營兵丁擬分三廠按日操演五城壯勇擬歸團防處彙齊訓練得旨所奏按日操演是何演法若徒有具文終屬無益汝等團防處所辦之事藉以消弭竊案則可並非用以豫防逆匪何如是之張皇為也著一切仍循照舊章以歸覈實○戶部右侍郎王茂蔭等奏籌辦團防彈壓布置必須得人請

飭通政使崇實前任葉爾羌幫辦大臣倭仁會同辦理得旨京內精兵數有十萬團練斷不能有益徒覺頭緒繁冗所請之處著不必行崇實人頗勇敢朕另有用處倭仁斷無幹濟之才況此事非伊所長此必何桂珍所深許者所請該二員著亦不准行又奏知府鄒培經候補副指揮任正訓前任光祿寺署正賈致恂筆帖式麟壽皆勤敏任事請隨同辦理團練批鄒培經既經奉旨交順天差委此

奏

奏

時正需人之際豈能率准該員仍著順天差委其餘任正訓等三員著交團防處差委不必辦理團練○巡視中城給事中鳳寶等奏拏獲外城土棍大肱膊林三等二十九名請交刑部從重懲辦得旨此等匪棍在平時猶應嚴辦況當此不靖之時刑部每遇此等案件即曲為開脫以圖省事所有此次所獲二十九犯著即行從嚴定擬具奏尋奏遵議林三等請依棍徒擾害律發極邊足四千里充

軍蕭泳太等擬杖一百徒三年從之○命散秩大臣載崇往奠故昭烏達盟長扎魯特貝勒色特爾茶酒予祭葬○予故革職理藩院尚書恩華六品頂帶○戊午諭軍機大臣等前有旨令琦善撥兵四千名向榮撥兵一二千名馳赴安徽歸和春調遣嗣據琦善奏派馬步官兵三千名交薩炳阿管帶由浦口六合徑達廬州向榮奏派撥楚兵一千三百餘名飭令吉順統帶督同鄭魁士由下游北渡並稱秦定三原帶貴州官兵未便更易生手本日據和春奏先後所調鎮江金陵揚州官兵請再行飛催並請飭向榮速令秦定三帶領貴州官兵來廬會剿等語逆匪現踞廬州尚無竄志趁此逆蹤未定必須厚集兵力四面兜圍急圖克復著該大臣等迅飭帶兵各員飛速前往廬州軍營以資調遣並飛咨和春派員迎提不得稍有遲延儻帶兵員弁藉詞逗遛即著從嚴叅辦此時江北情形極為

喫重和春軍營兵力甚單必須得力大員統帶勁兵俾資進剿諒該大臣等必能統籌全局先其所急也將此由六百里加緊各諭令知之○又諭前因豫籌軍餉部議請令四川等省辦理借徵茲據裕瑞奏稱體察川省民情惟有仿照成案勸諭紳民按糧津貼請免借徵等語川省連年辦理防堵一切度支多係借資津貼該督仍請循案辦理俾民間不致驚擾自係實在情形惟徵收一切責在地方若令不肖州縣從中勒派易啟弊端著裕瑞即嚴飭地方官選派公正紳耆設立公局妥為經收不得假手書役另有絲毫苛派該督仍隨時訪察儻有前項弊端即行嚴叅懲辦並飭司詳覈各屬津貼銀數奏請加廣學額舉額以昭優獎俟收有成數即速派員解京至留充本省兵餉仍須覈實酌辦或於扣廉勸捐項內先儘抵撥不得將此項津貼竟留一半致誤軍需將此由五百里諭令知之

○參贊大臣僧格林沁欽差大臣勝保奏報官軍連日合力圍剿賊匪獲勝情形得旨如此甚好汝二人功成之後同膺懋賞方不負朕之恩○以故貝子載鈐繼子溥治降襲鎮國公○命科爾沁鎮國公棍楚克林沁馳赴參贊大臣僧格林沁軍營差委○己未

上詣

壽康宮問

皇貴太妃安○諭內閣羅繞典吳振棫奏覆查

總兵等官請分別辦理等語總兵常存著總兵愛興阿前因會剿回匪延誤經吳文鎔奏參降旨將常存暫革愛興阿革職留營效力茲據該督等查明常存被參後即能督率兵勇殺賊立功尚知愧奮著開復原官毋庸來京陛見愛興阿自革職後卧病尋旬不能隨營出力著勒令休致直隸杜勝營都司白人鵬派赴協剿屢獲勝仗尤為得力著以參將留於雲南儘先補用○又諭福濟奏督銷准

鹽接濟軍餉等語准北鹽務著仍歸福濟一手經理實力督銷其未繳銀兩即著趕緊催徵毋任延宕○湖廣總督吳文鎔奏參知縣姚國振侵用紳富捐款延誤軍糈得旨姚國振著革職等因即行從重定擬具奏仍先行勒令交清開具捐紳名冊○以福建巡撫王懿德為閩浙總督貴州布政使呂佺孫為福建巡撫甘肅鎮迪道炳綱署貴州布政使○以雲南勦辦回匪出力賞縣丞王炳楠等藍翎知府鄧爾恆等加銜升敘有差○庚申改定新疆南路換防兵制添派伊犁滿洲營兵二百名烏魯木齊綠營兵一千二百名滿洲兵三百名裁葉爾羌喀什噶爾烏什阿克蘇四城防兵一千六十二名以現裁及告留各兵補充缺額並就近招募易為眷兵從陝甘總督易棠等請也

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百十八

實錄卷一百十八

五

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百十九

纂修總纂官臣孫毓汶臣李瀚章臣徐承燾臣李鴻章臣翁同龢臣張之洞臣劉坤一臣李瀚章臣徐承燾臣李鴻章臣翁同龢臣張之洞臣劉坤一臣

大學士管理戶部三庫事務管理刑部事務加三級紀錄十次臣周祖蔭臣戴鴻慈臣翁同龢臣張之洞臣劉坤一臣

大學士管理戶部三庫事務管理刑部事務加三級紀錄十次臣周祖蔭臣戴鴻慈臣翁同龢臣張之洞臣劉坤一臣

大學士管理戶部三庫事務管理刑部事務加三級紀錄十次臣周祖蔭臣戴鴻慈臣翁同龢臣張之洞臣劉坤一臣

大學士管理戶部三庫事務管理刑部事務加三級紀錄十次臣周祖蔭臣戴鴻慈臣翁同龢臣張之洞臣劉坤一臣

秋修

咸豐四年甲寅正月辛酉

孝穆成皇后忌辰遣官祭

慕陵○諭軍機大臣等前因書元奏參協領塔

芬布挾制上司各案當經降旨派柏後前往

盛京會同善燾查辦本日據書元奏稱協領

塔芬布佐領恩令父子狼狽為奸於上年十

二月二十八日輕聽謠言擅調兵勇自護私

宅於歲除日申刻闖城以致旗民惶惑幾至

激變將軍奕興任其播弄曲為袒護等語盛

京為根本重地豈容此等劣員任性妄為致

滋驚擾。本日已有旨。將塔芬布恩合革職。拏問。交盛京刑部監禁。著柏後於馳抵盛京後。即會同善燾。監提該革員等。嚴行審辦。秉公定擬。毋得稍有瞻徇。又據恆毓書元奏。請將供詞狡展。屢控不休。之已革舉人劉祖堯等。移交柏後等。就近審辦等語。此案著一併交柏後。善燾。親提人證卷宗。秉公研訊。確情按律定擬具奏。原摺二件。均著鈔給閱看。將此各諭。令知之。○又諭。自逆匪由獨流靜海竄

出。占踞河間縣屬之束城村一帶。經該大臣等。統帶馬步各隊。先後趕到。並據奏稱。瑞麟慶祺。培成。伊勒東阿。達洪阿等。督帶各路官兵。均已次第到營。德勒克色楞。此時想亦由固安折回。現在大兵雲集。逆匪竄踞鄉村。喘息未定。正當乘勢督兵圍剿。聚而殲旃。連日亟盼捷音。肅清畿甸。乃數日來。未據續報。實深懸繫。兵貴神速。似此觀望遷延。日復一日。使逆匪得以從容防備。深溝高壘。又成負隅。

之勢。攻剿更難得手。僧格林沁。追賊至河間。尚屬奮勉。乃遷延數日。未見有何振作。朕實不解。勝保辦理軍務以來。毫無成效。致圍攻數月之賊。復俾滋蔓。若再不奮勉贖愆。國法豈能倖逃。汝二人現在一處。斷不准互相推諉。致誤全局。果能在正月內。埽數殲除。同受厚恩。不獨有益於國。亦全朕用人體面。汝二人熟思攻剿之策。勿致再有貽誤。身家性命。豈能保耶。著僧格林沁。勝保。嚴飭各路帶兵。

大員。趕緊進攻。合力圍剿。務將此股逆匪。剋日殄除。毋再延誤。致干重罪。現在該大臣等。如何布置。是否確有把握。著即詳細奏聞。以慰朕念。將此由六百里加緊諭知。僧格林沁。勝保。並諭德勒克色楞。西凌阿。善祿。知之。○又諭。英桂奏。揚州現已收復。追兵南下。軍營需用軍火等項。應請歸併宿遷糧臺。就近支應。一摺。揚州收復以後。琦善移兵前進。一切所需軍火器械。距豫較遠。轉運愈難。該撫所

奏。自係實在情形。著琦善即飭接辦糧臺之藩司文煜。將營中應用軍火器械等項。歸併宿遷糧臺。就近解赴軍營。以期迅速。而免遲誤。至鄭敦謹所帶河南省辦理糧臺各員。仍著酌留數員。藉資熟手。毋任推諉。將此由六百里諭令知之。○又諭。上年據崇綸奏稱。賊踞巴河。屢勸督臣派兵攻剿。決意不從。閉城坐守。嗣據吳文鎔滙陳。崇綸與該督齟齬。及吳文鎔遵旨帶兵出省。崇綸又稱俟兵餉充足。督臣再行親往。吳文鎔任性偏執。息促即行。朕閱該督撫歷次奏報。無非彼此爭辯。顯係不能和衷辦事。督撫大吏。責任封疆。若各挾私意。當此防勒喫緊之際。必致貽誤地方。且吳文鎔摺內。有崇綸駐守城上。每日回署就食。實欲避人吸食鴉片之語。著青慶將該督撫因何起釁不和緣由。秉公密察。據實具奏。崇綸是否吸食鴉片煙。著一併確查密奏。不准稍有迴護。將此由六百里密諭知之。尋

奏。督臣吳文鎔。因賊眾兵單。矢志堅守。撫臣崇綸。屢迫其帶兵出城迎敵。而已居守。是以意見不合。至崇綸吸食鴉片。臣久有所聞。不敢為伊諱飾。報聞。○欽差大臣琦善奏報。進攻瓜州賊匪獲勝情形。得旨。現在惟有實力嚴防北竄。這幾次獲勝。豈能已挫兇鋒。務期將瓜州之賊。盡行殲戮方好。又奏。陷賊之人。往往陽託投誠。暗生狡計。向榮屢用內應之策。恐無益於事。批。向榮殊不曉事。輕率已極。○命已革廣東高廉鎮總兵官楊昌泗。留湖北軍營效力。○壬戌。諭內閣。僧格林沁。勝保。奏。連日剿辦逆匪情形。並請將前次追賊出力官兵。酌量保奏一摺。逆匪由獨流靜海。竄至東城村一帶。經僧格林沁帶兵追剿。頗有斬獲。尚屬奮勉。及至逆匪占踞村莊。仍復遷延數日。未見立功。勝保自到獨流。經朕屢次嚴諭。務將此股逆匪。掃除淨盡。不准再有竄逸。乃以圍攻數月之賊。又任乘間逃竄。致滋

蔓延攻勦未能得手。堵禦又復不力。僧格林沁勝保均屬罪無可逭。朕屢次寬宥。不加嚴譴。正冀其奮勉圖功。稍贖前愆。本日據奏勦賊各情。雖經疊有斬擒。總未能痛加勦洗。亦不過敷衍塞責。耽延時日。現在德勒克色楞瑞麟慶祺培成伊勒東阿達洪阿等督帶官兵均已次第到營。大兵雲集。豈可再失事機。著該大臣等即督飭各路官兵趕緊進攻。合力兜圍。務將此股逆匪全數埽除。肅清畿輔。

若再遲延貽誤。國法豈能倖逃。所有初九初十等日追賊打仗官兵著擇其尤為出力者。秉公酌保候朕施恩。毋許冒濫。○又諭楊以增袁甲三奏勦辦潰勇獲勝各一摺。揚州勇目李興清即李三開潰逃後至原籍泗州盤踞高家集。豎旗築壘。聚眾搶掠。實屬罪大惡極。現經楊以增袁甲三派撥兵勇會同勦辦。業將該匪大股殲斃殆盡。惟首匪李三開尚未弋獲。著楊以增袁甲三仍督飭文武員弁

迅速掩捕。毋令漏網。鄉民練勇有能將首犯購綫擒獻者著即據實保奏。所有此次出力員弁兵勇並著楊以增袁甲三查明奏請獎勵。毋稍冒濫。○又諭楊以增奏參職官藉公索詐請旨革訊一摺。南河候補州同張恩培藉派團練索詐銀錢並有佐領富森冒充委員副貢生張喬生捏造假帳種種擾害業經前任江蘇臬司查文經稟稱查訊屬實。現當團練喫緊之時似此藉端滋擾於地方大有

關繫。張恩培富森均著革職。張喬生著革去副貢生。即交楊以增提齊該革員等研訊確情按律定擬具奏。○又諭本年輪應查閱山東河南江蘇安徽江西等省營伍之期山東著即派張亮基河南著即派英桂江蘇著即派怡良安徽著即派福濟江西著即派陳啟邁逐一查閱認真簡校。如查有訓練不精軍實不齊即將廢弛之將弁據實劾參毋得視為具文。○諭軍機大臣等據袁甲三奏皖省

壽州六安向稱殷富恐為賊所覬覦壽州正陽關為賊西竄豫省門戶六安為賊南竄豫省門戶現在兩處逼近賊鋒距廬郡各一百八十里聞有奸細潛至六安張貼偽示居民遷徙請撥兵嚴防等語此時廬州正當勦辦喫緊之際和春兵力勢難兼顧河南防兵正可越境扼要堵勦固豫省之藩籬即以杜北竄之要路著英桂飭令河南與安徽接壤防兵馳赴正陽六安兩路嚴加防守並飭徐廣縉等督帶兵勇前往相機勦辦不可株守本境坐視鄰省賊匪紛竄致誤事機將此由六百里加緊諭令知之○參贊大臣僧格林沁等奏逆匪礮火猛烈難於逼近其巢擬俟大礮運到極力攻勦得旨昨有寄諭朕謂僧格林沁數日間未見振作勝保辦理軍務毫無成效今覽此奏固非有意遷延然只言其難以待大礮為詞豈能任其喘息已定又肆猖狂汝二人何若是昧於事機再令竄逸尚成

何事體著趕緊勦洗以符朕所定期限又奏生擒賊犯供稱該逆欲乘隙圖竄批可見該逆未有久踞之意攻勦更應得手解散脅從隨時酌量出示辦理現當喫緊之際礙難降旨由汝等辦則可然不能若勝保以前所示投戈長跪漫無限制也○三品卿銜兵科給事中袁甲三奏現在揚儀收復賊斷不至北竄山東請飭厲恩官移駐臨淮得旨厲恩官亦不能舍東省之防遠赴皖省又奏請嗣後凡關涉籌款摺件即由軍機處專交承辦衙門如有應行知照之處該衙門自行咨會毋庸發交內閣致各處報房濫行鈔傳以昭慎重批所見甚周著照所請軍機大臣等留心辦理勿稍疏忽○以託疾規避署密雲副都統惟勤勒令休致以散秩大臣穆隆阿署密雲副都統○癸亥
孝聖憲皇后忌辰遣官祭
泰東陵

上詣

壽康宮前殿行禮。後殿問

皇貴太妃安。○諭內閣。御史英匪奏。辦理兵差

請飭嚴禁。強拏車輛一摺。前因直隸軍務未

竣。兵差絡繹。順天府承辦駝隻車贏。恐吏胥

人等藉差肆擾。曾經降旨。令順天府飭屬嚴

禁。茲據該御史奏稱。近日兵差雇覓車輛。宛

平縣尚給錢文。大興縣則任聽胥役。四出強

拏。甚至得錢買放。仍未照例給價。以致貿易

車輛。不敢進京。食物昂貴。累及旗民。亟應嚴

行申禁。著順天府兼尹府尹。隨時查察。如有

前項情弊。即將胥役從嚴懲辦。並將該地方

官叅奏。以便商民而免擾累。○諭軍機大臣

等。昨於僧格林沁勝保摺片內。批諭解散脅

從一節。隨時酌量出示辦理。不能若勝保已

前所示役戈長跪。漫無限制。因思該逆亡命

長驅。專以裹脅為事。現在奔竄餘匪。其老賊

為數尚多。而被脅隨行者。亦復不少。誠恐愚

氓無知。悔罪思歸。投誠無路。轉堅其從逆之

心。為該匪拒守之助。惟在該大臣等相機酌

辦。或出示曉諭。射入賊壘。使賊黨自相疑貳。

或臨陣豎旗。如能殺賊投誠。及自拔來歸。確

有憑據者。准其免罪。隨地妥為安置。並酌量

咨遣回籍。其有設計詐降。圖為內應者。尤當

隨機應變。察其真偽。賊情詭譎。不可不加意

防備。萬勿墮賊奸計。著僧格林沁勝保。妥籌

辦理。於解散之中。仍寓區別之意。庶足以孤

賊勢。而杜奸謀。至連日進攻情形。並著趕緊

設法勦除。勿得以守候大礮為詞。致令再有

竄逸。將此由六百里諭令知之。○甲子

上詣

壽安宮西所問

如皇貴太妃安。○諭內閣。清安奏。請來京陛見

一摺。前因將軍英隆。派撥黑龍江官兵。豫備

調遣。摺內已降旨。批令管領官兵。聽候調撥

矣。現在雖無調遣之期。第清安係帶兵之員。

自應在任聽候調遣。乃因三年期滿。意欲來京。陛見。率行奏請。實屬糊塗。不知緩急。且於所奏清字摺內。輒將漢字諭旨。任意添入。實屬罕見。清安著交部議處。○諭軍機大臣等。怡良。許乃釗。奏。節次攻勦。獲勝一摺。上海蕞爾孤城。滋事匪徒。不過烏合之眾。何至圍攻數月。迄無成功。詳閱所奏。西北一帶文武員弁。尚皆出力。而東南隅兵勇。僅止堵截牽制。至吳健彰水營。不過守護礮臺。隔江轟擊。似

此任意遷延。何時始能蕺事。據奏。夷人從中掣肘。誠在意計之中。許乃釗既經專辦此事。豈不能設法妥籌。况吳健彰素稱熟悉夷情。此時該夷暗阻兵機。何竟束手無策。前此誤聽撫議。果致謝繼超遇害。事機中變。勒辦大局。重費經營。該署撫。猶復不鑒前車。嘵嘵以撫事無成。為惜。所見抑何迂謬。著即督飭水陸帶兵員弁。盡力進攻。總以克復城池為要。不准再為浮言所惑。亦不准以難辦為詞。妄

希延緩。許乃釗自奉命幫辦軍務以來。久駐金陵。並無尺寸之功。今統領全軍。勦此窮寇。尚不能迅速埽除。無怪其坐視粵匪。久踞長江。一籌莫展也。且本任巡撫。應辦之事。如接濟軍餉。籌辦海運。處處皆關緊要。乃竟因小醜牽掣。一概置為後圖。專恃仰給於鄰省。自問何顏膺茲重寄。吳健彰小有機變。以其尚能羈縻夷人。未遽加以失守城池之罪。乃當逆匪起事之時。即潛身夷館。迨夷酋狡詐阻撓。又止安坐水營。往返傳話。此一通事所能了。於事何濟。著許乃釗嚴諭該道。務將奸夷詭謀。設法杜絕。以便攻勦。若再不知奮勉。朕必將許乃釗從重治罪。即吳健彰亦不能以職分較輕。倖從寬典也。所有十二月十五日進攻陣亡各員。著查明照例請卹。將此由六百里加緊各諭令知之。○又諭。戶部侍郎羅惇衍奏。京倉支絀。請飭廣東採買米石。以資接濟一摺。前以江南等省漕糧到通。恐有梗

阻降旨令葉名琛柏貴勸諭官紳捐銀辦米運赴上海兌收轉運天津。未據該督撫等將辦理情形覆奏。茲據該侍郎奏。京精亟應籌備。廣東高廉雷瓊等府。素為產米之區。且洋米到粵者。尤為饒裕。請飭官為採買。徑運天津。並請於屯田溢坦地畝變價。及捐輸銀兩內撥款辦理等語。本年江。安。江。西。湖。南。湖。北等省漕糧。未能運通。江蘇浙江海運。尚未兌收放洋。其餘省分。復有截留蠲緩之處。自應及早綢繆。以裕支放。著葉名琛柏貴體察情形。飭屬籌辦。現在上海縣城。尚未克復。所購米石。自應設法運至天津兌收。以期妥速。其屯田溢坦地畝變價一事。前飭該督撫等。妥辦。曾否集有成數。現除勸諭捐輸外。有無可撥之款。務期悉心籌畫。酌量購買。不得以籌款維艱。空言了事。並著該督撫。於接奉此旨後。迅將籌辦情形。由驛具奏。原摺著鈔給閱看。將此由五百里諭令知之。○以江蘇糧儲

道吳其泰為按察使。○改鑄江蘇丹陽縣知縣印信。從署巡撫許乃釗請也。○乙丑諭內閣。葉名琛等奏。請留道員辦理軍需報銷等語。前任廣東高廉道調補廣西左江道沈棣輝著開缺。仍留廣東以道員候補。所有該省軍需報銷事宜。即責成該員一手經理。勿得再有宕延致滋膠轕。○又諭。葉名琛奏。請將道員留辦勦捕等語。廣西右江道張敬修。前經勞崇光奏委購辦船礮。督帶赴楚。茲據該督奏稱。張敬修在廣西年久。熟悉情形。辦理勦匪事宜。歷有成效。現在潯州等處。股匪尚未肅清。自應責令認真督辦。張敬修著毋庸前赴楚省。即飭回廣西右江道本任。該督撫即督飭該員。務將股匪迅速勦除。毋留餘孽。○又諭。理藩院奏。喀爾喀扎薩克郡王托克托瑚圖魯。捐備銀兩。奉經呈請轉奏。請旨一摺。喀爾喀扎薩克郡王托克托瑚圖魯。現以賊氛未靖。情願將前未賞收之銀兩。捐輸寺

院。奉經祈禱。哀惻出於至誠。深堪嘉尚。著准其在伊該游牧廟宇。奉經。諭軍機大臣等。前因逆匪竄擾江面。未能肅清。諭令湖南湖北各督撫。製備戰船。並令葉名琛等。購備夷礮千餘尊。解至武昌。配搭船隻。為水陸夾攻之計。茲據葉名琛等奏稱。派委副將懷塔布。購得夷礮三百二十尊。配齊礮架礮具等項。由廣東派員押解啟程。至韶州府樂昌縣。經湖南宜章等縣。直抵湖北武昌省城。投收等語。前據曾國藩奏。新造改造戰船。共四百號。礮位須八百尊。始敷分配。廣東購買頭起礮位八十尊。已於十二月到衡。現據葉名琛等奏。三起三起礮位。業於十一月內。先後啟程。此項礮位。即著駱秉章。曾國藩派員迎提。趕緊分配船隻。仍須選派得力將弁。慎重督帶。以期有濟實用。不准稍有疏虞。如曾國藩先已啟程。即著吳文鎔。駱秉章。崇綸。派員解交曾國藩。駛赴長江下游。以備水陸夾擊。迅殄

賊氛。肅清江面。並著該督撫等。分飭沿途地方文武。妥為護送。其不敷礮位。仍著葉名琛等。派員陸續趕緊購買。設法運解。勿稍遲誤。將此由六百里各諭令知之。○兩廣總督葉名琛等奏。鎮口等村土匪滋事。調兵勦辦。情形得旨。迅速殄滅。方妥。全靠紳耆。究非萬全之策。○丙寅。諭內閣。前因勞崇光奏。請將調補江西九江府知府李孟羣。暫留廣西督辦捕務。已有旨允准。本日據張芾奏稱。九江界連楚皖。籌防緊要。員缺未便久懸等語。調補江西九江府知府李孟羣。著即開缺。留於廣西。以知府候補。○又諭。扎拉芬泰奏。喀爾喀二部落蒙古呼圖克圖等。因軍務未竣。捐備銀兩。駝馬。呈請轉奏。請旨一摺。扎薩克圖汗三音諾顏。二部落汗王。公扎薩克台吉等。及車臣汗部落頭等台吉。車林多爾濟。二部落之呼圖克圖等。情願各捐銀兩。駝馬。並在本部落。奉經祈禱。哀惻出於至誠。深堪嘉尚。惟

該蒙古人等。此項銀兩牲畜。藉資生計。且本年雨雪較多。道路泥滑。軍營需用駝隻。不甚得力。張家口距該部落。又復遙遠。若盡行賞收。朕心實為不忍。著扎拉芬泰等。轉諭該蒙古呼圖克圖等。所捐銀兩駝隻。毋庸賞收。惟所捐馬四百匹。即著賞收。並准該呼圖克圖等。各在本部落。俾經。以示朕矜恤蒙古之至意。○又諭。賚章。曾國藩奏。勦辦土匪事竣。一摺。上年湖南永興土匪。圖劫軍餉。礙位。並

竄赴縣署搶掠。經該州文武。及委員羅澤南等。分起勦辦。首要各犯。多被殲擒。其道州四眼橋之匪。亦經各路兵勇。合力勦捕。殲擒多名。現在地方。一律肅清。其逸出匪徒。仍著賚章等。飭屬撻拏。勿留餘孽。所有在事出力之文武員弁。紳士兵勇人等。著賚章。曾國藩。擇其尤為出力者。酌量保奏。候朕施恩。毋許冒濫。○朝鮮國王李昇。遣使表賀。萬壽元旦。冬至。三大節。並貢方物。賞賚筵宴如

例。○正白旗漢軍副都統布彥泰。因病解任。以頭等侍衛德興阿。為正白旗漢軍副都統。○革湖南擅離營伍都司陳進榜。把總張士秀。外委陳宗文。世職羅榮升。職。並逮問。○追予江西陣亡總兵官馬濟美。建立專祠。○予江西陣亡遊擊蔣式璘。裴還之。都司沙拉馬海。守備李春方。千總劉應鍾。陳志榮。把總龍吟。唐應得。王家發。外委艾廷玉。劉秉忠。葉定清。祭葬。世職。賞附貢生傅霖。森。六品銜。予祭

葬。世職。○予湖南陣亡把總呂至貴。典史王鑒。六品軍功。喻雲。會。祭葬。世職。加等。○旌表湖南毆賊被戕典史嚴兆勳女。○丁卯。諭內閣。太常寺。步軍統領衙門。奏。遵查例案。會同請旨。一摺。

天壇重地理宜嚴肅。所有東西北三面牆基外。露。並積水淹浸坍塌之處。著工部。遵照前旨。速行修理。至起除沙土一節。既據查明關繫風水。未敢輕動。即毋庸另派大臣前往查勘。

至牧放馬匹。偷砍樹株。例禁甚嚴。必當認真查察。所有

天壇圍牆以內。著太常寺飭令壇官奉祀官率同壇戶人等敬謹看守。其圍牆以外。著步軍統領衙門飭令值班官兵梭織巡查。以昭慎重。仍著太常寺堂官及步軍統領等不時親往稽查。儻有疏懈。即著將該班官員兵丁等嚴叅懲辦。毋得視為具文。○又諭前有旨。令惠親王於尋常召對及內廷宴賚。均毋庸叩

拜。遇有賞賜物件。併著具摺謝恩。毋庸當面叩首。原以惠親王係朕之叔。行輩甚尊。若令常行叩拜。朕心實有不安。數年來。王於召見賜坐時。仍行叩拜。尚未深悉朕衷。嗣後除朝會大典外。惠親王於召見便殿賜坐時。著仍遵前旨。不必叩拜。並著於該管各衙門帶領引見時。無須入班帶領。以示朕敬長親親有加。無已至意。王其上體朕心。不准固辭。○又諭本日工部右侍郎載齡奏報一件。並無里

數日期。是否係該侍郎疏漏。抑係沿途驛遞遺失傳牌。著兵部迅速查明具奏。○諭軍機大臣等。僧格林沁勝保奏連日攻勦情形一摺。該大臣等會督大兵追勦竄匪。將及兩旬。屢次奏報。均不過小有斬獲。似此窮蹙奔突。喘息未定之賊。尚未能大加懲創。剋日掃除。前經嚴旨切責。該大臣等不知愧勵奮勉。迅圖殄滅。總以專恃大礮為詞。逐日遷延。何時始能竣事。若待該逆零星逃竄。始議處處兜拏。則兵力既分。辦理更形棘手。且束城等村與獨流之可以負隅久踞者。迥別。何以不能逼近賊壘。是否該逆又經築有木城。該大臣等匿不以聞。即徘徊村賊營逆匪。於牆孔施放槍礮。該處牆垣。不過民間住戶。輒土矮牆。何至堅厚若此。難以攻破。東西兩路分兵疊進。該逆均得由束城分股接應。該大臣等所謂智取者何在。披圖詳閱。各營盤距賊巢較遠。且朕聞僧格林沁勝保大營亦與賊營不

近况據奏西南一帶尚屬空虛恐布置未臻嚴密兜圍必難周布現在大礮已到三尊其餘指日亦可運到該大臣等無所藉口耽延著即督飭各路將弁兵勇趕緊設法急圖殲滅之方斷不准再令逆匪乘間竄逸經文岱蘊秀前統官兵不能遏賊西竄厥罪甚重該二員現在何處著即查明下落據實具奏僧格林沁所保之頭等護衛那穆薩賚扎布係何人所帶有何勞績著一併查明具奏將此

由六百里加緊諭令僧格林沁勝保等知之○又諭琦善奏請裁併糧臺等語現在慧成原帶官兵除調撥前赴安徽外僅存六百餘名業經琦善派歸陳金綬統帶其糧臺應領等項自應裁撤歸併以免歧異著琦善飭令法良將所管糧臺即行撤去所有部撥軍需銀兩統歸文煜糧臺支發並著法良將承辦委員酌留數人交文煜派令隨同稽覈以資熟手琦善總制諸軍於各路兵勇餉需務當

督飭管理糧臺各員撙節辦理毋許冒濫將此由六百里加緊諭令知之○又諭崇綸青慶奏探聞黃州營盤被賊攻焚兵勇全行潰散一摺覽奏殊堪詫異逆賊竄踞黃州前經吳文鎔督兵進剿節次奏報尚有斬獲乃此次進仗竟致兵勇相繼潰逃全軍敗散且營盤十一座盡被賊匪焚燒總督吳文鎔並有騎羸避至靈沙河之事其餘各官亦不知下落現在逆眾占踞堵城大營並聞陽邏一帶

已有賊船陸續上竄若不趕緊迎頭堵剿必致賊勢愈張辦理更形棘手台湧現駐德安著即酌帶官兵馳赴前路確探賊蹤所向盡力迎剿其潰散兵丁仍當招集至該處募勇屢次遇賊首先潰逃恐有奸匪從中勾結必須加意嚴防毋蹈前轍該將軍當此軍情緊急迫之際惟當激勵將士星速趨程前進總以迅掃妖氛為要毋得稍事遷延致有貽誤並將酌帶兵數啟程日期先行由驛馳報仍確

查吳文鎔現在何處。各員弁如何下落。及此次失事實情。切實具奏。又據崇綸等片稱。探聞唐樹義統領舟師。因見火起。兵散。將船礮退至葉家洲等語。此項船礮。著毋庸撤回省城。一併歸台湧統帶調遣。以備水陸夾攻。所有德安北路等處。仍著台湧設法籌餉。毋稍疏虞。將此由六百里加緊諭令知之。○又諭據崇綸、青慶奏。探聞黃州兵勇潰散。營盤被賊焚燒一摺。賊船既有上竄陽邏之信。

省城重地。關繫緊要。著崇綸、青慶督同文武激勵兵民。合力固守。毋得藉口人心不齊。稍疏防備。所有魁玉現帶之官兵一千名。即著留於省城。勿庸隨同台湧前進。漢口一鎮。為自江入漢要路。設賊匪逞其故智。揚帆直上。荆襄德安等處。均屬可慮。漢陽近在對江。該撫務當設法撥兵防守。勿令賊船闖越。僅有疏失。朕惟該撫等是問。唐樹義所帶礮船。雖不甚多。惟現在湖南礮船。尚未抵鄂。江面攻

勦。尚賴有此利器。已諭知台湧於進攻時酌量調帶。以便水陸夾擊。力遏兇鋒。至各處土匪乘間肆搶。必須及早嚴拏。方免勾結。該撫身任封疆。該學政亦係特派防堵大員。豈能坐視無策。僅以人情險惡一奏塞責。總之嚴守省垣。力扼漢陽漢口。皆係該撫等之責。其黃州一帶賊匪。仍與台湧會商勦辦。不得專待援兵。致成株守。吳文鎔現在何處。隨營文武如何下落。均著速查詳奏。將此由六百里

加緊諭令知之。○又諭張亮基奏。酌移東省邊界防兵。堵賊西竄一摺。現在逆匪占踞河間所屬之束城村一帶。疊經大兵攻勦。據僧格林沁勝保奏。拏獲奸細。並逃出難民。供有賊巢中糧米無多。不能久踞。欲零星逃竄等語。該處距山東境界甚近。難保逆匪不乘間竄逸。張亮基奏請將前撥鹽山防兵撤回。調赴德平縣。及德州分劄要隘防守。以期聲勢聯絡。自應如此辦理。惟賊情詭譎。奔突靡常。

儻由河間西竄。雖德平德州等處情形稍緩。該撫仍當不分畛域。相機移師出境應援。迎頭截擊。毋得株守一隅。致誤事機。該撫身任封疆。必當統籌全局。嚴密布置。若徒以守禦情形一奏塞責。設有緩急。毫無把握。恐不能當此重罪也。將此由六百里諭令知之。○戶部議覆四川學政何紹基捐餉請獎。得旨。陳奏事件。貴在辭簡意達。何紹基原摺已屬可笑。該學政奏到次日。朕於召見時。曾經論及。祁寯藻尚云太覺迂拘。何於爾部議奏摺。亦如是違用駢體。實屬疏忽。以大學士管理部務。司員所定之稿。豈不敢改一字耶。嗣後應倍加勤慎。嚴以濟寬。勉之。○參贊大臣僧格林沁等奏。連日攻剿逆匪獲勝情形。並催提大礮。得旨。仍不過小有獲勝。該逆並未大受懲創。零星逃竄。防範尤難。再過數日。束城各村已空。尚以攻破賊巢為詞。汝等有何顏對朕。仍急圖勦滅之方。勿稍遲延。○欽差大臣

琦善奏。進攻瓜州賊匪獲勝。現在聯絡水師。諭令夾攻。得旨。水陸夾攻。自可得手。著即趕緊進攻。剋日殲除。不准以尚未得手。搪塞又奏。統帶艇師各總兵。統歸向榮調遣。恐呼應不靈。得旨。統歸汝調遣。不遵者即行正法。○以散秩大臣載岱為正白旗蒙古副都統。○賞參贊大臣僧格林沁。扎拉濟特貝勒拉木棍布扎布。巴圖魯名號。○以直隸勦賊出力。賞侍衛綢閣。巴圖魯名號。參將李萬年。委參領多隆阿。二等台吉莽噶喇。墨爾根。巴圖。四等台吉烏爾棍保。巴圖。鄂綽爾那遜。呼圖克布圖。呼巴扎爾棍布。三達爾。都瓦薩特。吉伯爾。哈爾齊克。克興額。額恩克。巴雅爾。額爾登桑。二等護衛泰斐音阿。三等護衛喇特那。花翎。參領德楞克等。藍翎。餘升擢有差。○以湖北隨州拏獲奸匪。子知州楊嘉運等。升敘有差。○予直隸陣亡哲里木盟四等台吉倭爾圖。那蘇圖。昭烏達盟三等台吉柴卜桑。祭葬。

世職。○予故御前侍衛阿爾吉善祭葬。賞銀三百兩治喪。○戊辰諭軍機大臣等。昨據崇綸等奏。黃州兵勇潰散情形。當諭知台湧。迅即統兵馳赴前路迎擊。本日復諭令駱秉章。由湖南調撥官兵一二千名。並飭令曾國藩。即日配帶舟師。駛赴下游。與台湧會合夾攻。茲據台湧奏稱。大營失利。江北情形緊急。並探聞賊匪水陸已至漢陽。覽奏實深焦灼。著台湧遵照昨日寄諭。通籌江北大局。一面布置要隘。一面督兵前進。以期力挫兇鋒。遏賊北竄。所有荆襄等處。據奏已飭各該文武大員。妥籌堵禦。仍著該將軍隨時嚴飭帶兵各員。實力防堵。務與防守豫境邊界之巡撫英桂。總兵柏山。聯絡聲勢。互為應援。武昌為省垣重地。漢陽近在對江。應如何設法兼顧。並著該將軍相機籌辦。至台湧現帶官兵。是否足數。截剿前據青麇奏稱。查有四川松潘建昌兩鎮。統帶官兵已來湖北之巴東。利川二

縣防堵等語。此項官兵原為保障川省門戶而設。惟遠防不如近扼。已據青麇咨商裕瑞酌派該鎮帶兵二千名。前赴漢口一帶。即著該將軍迅速飛催前進。為移緩就急之計。並統歸台湧調遣。以資協剿。武昌防守情形。並著隨時探明速奏。將此由六百里加緊諭令知之。○又諭。本日台湧奏稱。賊匪水陸並進。竄至漢陽。該將軍已飛調官兵在武勝關外一帶。與豫省防兵互為聯絡。以壯聲威。惟賊勢狡獪。意圖北竄。固楚北之藩籬。即可以保河南之門戶。英桂現在汝陽。與湖北黃陂等處接壤。台湧所帶兵力甚形單薄。恐未足挫此兇鋒。此時楚北軍情萬分喫緊。亟宜以勦為防。著英桂飛飭總兵柏山。選帶精兵出境截殺。與台湧聯兵應援。迅蕩賊氛。不得區分畛域。但知防守本境。置鄰省於不顧。稍有疏虞。罪將誰諉。其光州信陽各處。與德安麻城毗連。並著英桂督飭所屬一體嚴防。毋稍疏

失。至湖北大兵雲集。所需火藥軍餉。如有應行接濟之處。仍著該撫與台湧隨時知照。妥為辦理。將此由六百里加緊諭令知之。○又諭。本日據台湧奏稱。賊匪水陸已至漢陽。其德安襄陽等處。皆與豫省接壤。甚關緊要。台湧遵旨前進。亦未必能多帶官兵。黃州潰兵。即收集亦必不甚得力。鄰近省分。萬無可調。惟有湖南撥兵應援。較為近便。著駱秉章迅即選派精銳官兵一二千名。並派曾經戰陣。

諳悉賊情之將弁。管帶前往湖北。交台湧調遣。勿稍延緩。現在賊蹤已距武昌甚近。唐樹義師船。因岸上官兵潰散。撤回武昌。現已有旨。諭令台湧調遣水陸堵禦。尚形單弱。省城兵勇合計約有六七千名。僅數分布要隘。漢陽漢口。恐難兼顧。僅逆匪沂漢而上。窺伺荆襄。攻勦更難得手。此時惟有曾國藩統帶礮船兵勇。迅速順流而下。直抵武漢。可以扼賊之吭。此舉關係南北大局。甚為緊要。現已逾

正月中旬。船勇當早齊備。廣東所購洋礮。諒亦陸續解到。著曾國藩迅即統帶。刻日開行。由長江下駛。與台湧會合。並督同唐樹義師。船水陸並進。以期力遏兇鋒。肅清江漢。此時水路進勦。專恃此軍接應。昨據崇綸等奏。業已咨催。諒該侍郎必能深悉緊急情形。兼程赴援。一切機宜。即與台湧會合妥籌。和衷商辦。毋失事機。將此由六百里加緊各諭令知之。○己巳。

孝儀純皇后忌辰。遣官祭。

裕陵。○諭內閣。福建學政李聯琇奏。武員懸缺。亟應派署。並稽查要隘。酌減局員等語。據稱江南提督所轄五營。內有四營員弁。隨赴軍營。惟留一人兼護。當此勦匪喫緊之際。自未便令員缺久懸。著該督撫查明。即行遴委妥員往署。以資鎮撫。並著沿海各督撫。隨時稽查奸匪。勿令勾結為患。現在江浙二省。設立籌防軍需等局。一切經費。必須撙節支銷。若

派委多員。徒滋糜費。即辦理海運亦不得多派局員。豫為保舉地步。著各該督撫嚴加甄汰。勿令濫竽充數。轉啟弊端。○又諭。前據向榮奏保堵剿得力之署江蘇六合縣知縣溫紹原。曾經降旨。以知府用。暫留本任。茲復據怡良許乃釗奏。該署縣團練壯勇。製備船隻器械。於逆匪竄擾縣境。督勇堵剿。力保危城。懇恩優獎。並請加增學額。酌蠲錢漕一摺。溫紹原。勸諭團練。先事豫防。為民保障。洵屬奮勉出力。著再加恩。賞戴花翎。以昭激勸。至該縣紳董深明大義。隨同該縣堵剿。甚為出力。並著加恩。蠲免該縣一年錢漕。以示破格優獎。其應如何酌量增廣學額。年分名數。著該部覈議具奏。○又諭。僧格林沁。勝保等奏進攻逆匪。獲勝一摺。二十六日。僧格林沁督兵先攻束城村。逆匪堅匿不出。復折赴徘徊村。會同勝保督兵進攻。達洪阿帶領健銳火器等營。及古北口官兵。天津壯勇。攻其西南。天

津固原官兵。及四川山東河南練勇。攻其東北。逼近村邊。達洪阿親冒鋒鏑。奮勇直前。將該逆鹿角寨拆毀。賊匪情急。於村口分股撲出。我兵兩路合力夾擊。斃賊百餘名。賊眾披靡。復有賊千餘名。由束城陳官村撲出。經天津固原官兵。施放連環槍礮。瑞麟亦用銅礮向賊眾轟擊。培成督帶馬隊。從西面攻剿。斃賊百餘名。步隊官兵奮勇繼進。又追殺數十名。其由束城以北。攻撲桃園之賊。亦經西凌阿督飭副將史榮椿等。開放礮山礮。轟斃賊匪三十餘名。賊馬十餘匹。又經黑龍江察哈爾馬隊。由兩翼截殺賊匪十餘名。另股賊匪攻撲王村。經總兵孔廣順督兵奮擊。殺賊多名。逆匪竄踞束城各村。屢欲乘間逃逸。經僧格林沁。勝保親督官兵奮力擊退。斃賊甚多。現在大礮業已運到。著僧格林沁。勝保乘此聲威。迅速進剿。斷不准再有延誤。○諭軍機大臣等。僧格林沁。勝保等奏進攻獲勝等情。

一摺。前據該大臣等奏。大礮已運到三尊。其餘礮位。亦可陸續到營。密飭各營於二十六日。齊隊奮攻。朕以為一切布置。必有把握。可期。一鼓蕩平。乃本日據奏。進剿情形。仍不過小有斬擒。且有賊匪抄入。變成營盤。焚毀帳房。損傷馬匹之事。該大臣等前奏所謂布置周妥。安在耶。現在廬州等處。賊匪復肆鴟張。仍圖北竄。又據崇綸。青麀。台湧先後奏到。黃州大營失利。營盤盡被賊匪焚燒。兵勇全行潰散。探聞賊匪水陸已至漢陽。江北情形。如此緊急。該大臣等。尤應兼籌並計。肅清畿輔。為移兵南下之舉。此時河間一帶。勒匪情形。關繫大局。必當迅速殲滅。或聚而殲旃。或誘令出巢。四面兜擊。務將首逆擒獲。餘匪自不難勦洗。僧格林沁。勝保。統領大兵。經朕屢次嚴諭切責。宜如何奮勉立功。以圖報稱。乃此次奏報。挑長濠。則以人夫逃散為詞。攻賊壘。則仍以待運大礮藉口。似此任意耽延。日復

平定卷一百一十七

言

一日。僅皖楚賊黨北竄。與此股逆匪句結。勒辦更難得手。該大臣等。惟當懍遵。屢次諭旨。趕緊設法攻剿。迅速奏功。以慰朕念。勿得再有遷延。致干重罪。將此由六百里加緊諭令。僧格林沁。勝保等。知之。○又諭。昨因台湧奏。探黃州官兵。勦賊失利。賊至漢陽。該將軍所帶官兵。尚形單弱。諭令英桂。飛飭柏山。帶兵出境。與台湧聯絡應援。茲據該撫奏稱。統籌豫省全局。北路重於南路。所有光州。汝甯。信

平定卷一百一十七

言

陽一帶。責成鎮道等。會商堵剿。該撫帶兵回省。確探賊蹤。隨時籌度等語。此時楚北情形。較之河北彰衛等處。尤為緊急。賊勢猖獗。必須防其北竄。著英桂。即遵前旨。嚴催總兵柏山。飛速帶兵前進。以勒為防。與台湧所帶官兵。聯為一氣。以期力遏賊氛。該撫現已回省。僅楚豫交界地方。情形緊急。調度恐致有誤。著即折回汝陽等處。督同南汝光道余炳壽。汝甯府知府廖銓。妥為守禦。無失事機。現在

靜海獨流逆匪竄踞河間縣屬之束城村一帶。經僧格林沁勝保等屢次斬擒。勢甚窮蹙。亦難保不衝突南奔。河北一路與直隸毗連。著即嚴飭地方文武員弁。加意嚴防。各處渡口尤不可稍涉大意。致令逸匪偷渡。該撫身任封疆。務當權衡緩急。相機策應。不得以專防北路為詞。轉將南來楚匪委之柏山一人堵剿。致有疏虞。將此由六百里加緊諭令知之。○又諭據雷以誠奏。瓜州東路緊要。請添

平定本言元

三七

募練勇等語。前因該革員奏稱存勇過多。當諭令琦善酌量裁汰。仍留二千餘名。交雷以誠管帶。如果緩急足恃。已可協助兵力。況前次揚州儀徵賊匪紛竄。半因潰勇所致。練勇之不足恃。已可概見。所請添募之處。著不准行。此時移營前進。雷以誠尚在萬福橋。是否係扼要之處。著琦善體察情形。或將雷以誠併歸前營。飭令助剿瓜州逆匪。並著斟酌辦理。將此由六百里諭令知之。○又諭德勒克

多爾濟等奏。俄囉斯固畢爾那托爾呈請轉解給伊住京喀喇喇嘛等銀兩一摺。現據該大臣等查明。自道光三年。經前任庫倫辦事大臣蘊端多爾濟等奏駁後。迄今並無似此懇求由驛解送銀錢之事。自係窒礙難行。此次回文。若業經咨行。即著照該大臣等所請。將解來銀兩。瑪爾爾眼同恰克圖部員。平兌封妥轉解。斷不准援以為例。若未經咨行。該大臣等即傳知俄囉斯等。應照舊章。給與恰

實錄本言元

三七

克圖商民等工食。令其運解。現在此等尋常事件。該大臣即不必請旨。嗣後俄囉斯地方遇有例外懇求事件。該大臣等即行明白曉示。遵照舊章辦理。不可另生枝節。○欽差大臣向榮奏。自分撥楚兵赴廬。兵力較減。進攻未能得手。並以上海久稽克復。撥兵一千九百名。馳往助剿。得旨。汝在江南勞師糜餉。日久無功。任賊紛紛竄逸。蔓延畿輔。雖立斬汝首。尚不足蔽汝一人之罪。尚不足稍洩數省

積念萬人之心第一時乏人姑念汝自廣西至今情形尚熟暫留汝項上之首以待汝奮勉立功若每次奏報仍不過敷衍塞責是汝無福不能承受朕恩自速其死○河南巡撫英桂奏南北兩路防堵喫緊遵錄寄諭飛咨河北鎮總兵官花里雅遜布並檄行彰衛懷道蔣啟敬會督守禦加意嚴防得旨凡內發寄諭皆係緊要或機密之事豈可全錄飛咨嗣後遇有緊要廷寄可密寫信至各處知照

實錄卷一百九

三

朕素聞外省視廷寄與明發無異毫不慎密從前曾有出差回京將外省擅刻廷寄呈覽者○安徽巡撫福濟奏報到任日期並廬郡大概情形得旨現在廬郡被賊占踞桐舒均未克復是安省軍情緊急之至汝可數日即發一報來雖無甚動靜亦不准過十日庶朕能速知籌辦尚可趕得上將此旨並傳知和春遵行○以直隸防堵不力摘副都統雙成頂帶予陣亡參領恭訥春祭葬世職○予江

蘇陣亡千總陳鎮川羅士傑祭葬世職武生胡溶賞卹如例

實錄卷一百九

三

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百十九

大清文宗協天翊運執中垂謨懋德振武聖孝

淵恭端仁寬敏顯皇帝實錄卷之一百二十

監修總裁官經筵日講起居注官李鴻藻太子太傅上書院總纂修官徐松文淵閣總纂修官徐松文淵閣總纂修官徐松

大學士管理兵部事務加十三級紀錄十四次臣等謹將本年應行開列各案恭摺具奏伏乞聖鑒訓示謹奏

大學士管理戶部三庫事務管理刑部事務加十三級紀錄十六次臣等謹將本年應行開列各案恭摺具奏伏乞聖鑒訓示謹奏

鑲藍旗滿洲副都統部內管理三庫事務加四級應得加五級紀錄十二次臣等謹將本年應行開列各案恭摺具奏伏乞聖鑒訓示謹奏

鑲黃旗蒙古副都統部內管理三庫事務加四級應得加五級紀錄十二次臣等謹將本年應行開列各案恭摺具奏伏乞聖鑒訓示謹奏

赦修

咸豐四年甲寅二月庚午朔免江蘇殉難知

縣章惠人解海運變價銀兩○辛未

上詣

壽康宮問

皇貴太妃安○諭內閣浙江巡撫黃宗漢自簡

任以來辦理各路防堵不動聲色措置裕如

督辦漕糧海運亦極認真上年勦捕台州及

杭州之昌化於潛並甯波各處匪徒與現在

嘉湖兩屬聚眾抗糧匪犯均能立時擒獲辦

理甚屬妥速地方悉臻安靜歷覽該撫奏報

精詳之至毫無瞻顧深堪嘉尚著發去朕書

忠勤正直扁額一面賞給黃宗漢該撫領朕

所賜御書不必作獎勵觀作紀實觀朕尤願

汝慎終如始以成一代之名臣○諭軍機大

臣等葉名琛柏貴奏紅單船隻現在分別趕

修添雇一摺前因紅單船隻在福建廈門勦

匪損壞准令回粵修理並諭葉名琛等責成

紳士伍崇曜等寬為雇備由海道駛入長江

助勦茲據該督等奏續經雇募船二十三隻

連修理各船十九隻共四十二隻於二月初

旬儘數啟程現在已屆仲春南風漸轉諒已

剋日放洋即著仍派陳國泰吳全美管帶此

次船隻較多一切駕馭彈壓必須專派大員

方資得力著葉名琛於該省水師總兵副將

內擇其熟悉洋面情形勦捕素稱勇敢者酌

派一二員統帶前往務於春間悉數駛抵大

江不准沿途逗遛耽誤其分起管帶之備弁

各員亦著認真遴選軍火器械尤當寬為籌

備。毋致中途缺乏。至蘇廷魁。既不能管帶師船。即著毋庸前往。仍責令該員會同伍崇曜。龍元僊等。籌勸經費。以資協濟。將此由六百里諭令知之。○又諭。前因河南陳州等處。擒匪滋擾。降旨令英桂飭牛鑑。與徐廣縉。協帶兵勇馳往掩捕。本日據牛鑑奏。已卸署臬篆。挑選壯勇五六百名。隨帶捐備礮位刀械之紳士宋玉瑾等。前往會剿。其應領餉糈等項。即由勸捐局內捐輸項下提用。均著照所奏。

辦理。飭令趕緊將各股擒匪。悉數殲除。毋令滋蔓。惟牛鑑係賞給五品頂帶之員。不應自行奏事。著英桂傳諭該員。嗣後剿匪情形。有應行入奏者。均著由該撫代為轉奏。以符體制。將此由五百里諭令知之。○浙江學政萬青藜奏報歲試情形。得旨。文武並重。所見甚是。毫無習氣之語也。朕願汝言行相符。以冀可收實效。○葉爾羌參贊大臣德齡奏報喀什噶爾回子承襲金頂報聞。又批。朕聞汝在

葉爾羌地方。於前歲有建立生祠之事。又聞有彼處兵民。潛除汝像之鬚。剔除眼睛之事。著一一明白回奏。稍有不實。必將汝從重治罪。○河南布政使鄭敦謹奏報回任日期。得旨。河南藩庫款項。及陸應穀在任所開銷軍需之款。俱著趕緊清理。和盤托出。若稍有迴護徇隱。是尚有人心者耶。況近年款項。胥關軍務。一有不實。軍法從之。朕知汝之才能。理劇裕如。斷不准甘受欺誑之罪。以身家性命

為質也。○浙江巡撫黃宗漢奏。上年杭州嘉興湖州等屬。有漕州縣。因風雨蟲傷。米質未能一律圓潔。請將應徵漕糧紅白兼收。私粳並納從之。○以廣東紳士捐輸軍餉。永廣南海縣學額四名。順德新會兩縣各一名。○賑江蘇沛豐邳銅山碭山五州縣被水災民。○壬申。上幸瀛臺。○遣官祭文昌帝君廟。○山西巡撫恒春。遵旨另奏各

官考語得旨。凡屬員之賢否。自有定評。是則是。非則非。今觀汝單中有五人考語。末句皆註尚堪供職。是何言耶。堪供職。自應留任。不堪供職。自應罷斥。以一模稜之語。豫存立腳地步。殊屬非是。可見汝平日並未留心著將汝單中所開尚堪供職之五人。有無別項劣蹟。及別有片善可取之處。一一詳細密奏。看汝此次所出考語。固比前次差勝。然所謂尚堪供職之人。考語內尚有不實不盡。汝密奏

來。惟朕一人知之。向來各省密考。雖樞務之王大臣。猶不得預聞。又奏。請以朔平府知府祥奎。調署太原府知府。批。俟祥奎到任後。留心察看。以地方為重。不准遷就。朕因祥奎外任未久。故飭汝留心。若實堪勝任。亦不准因有硃批。故意叅劾。○以進攻黃州失利。革提督佈克慎職。仍命隨同台湧帶兵征剿。○癸酉。諭軍機大臣等。英桂奏。賊氛逼近豫疆。南路情形喫重。該撫暫駐汝郡。籌勦並嚴防交

界一摺。所奏甚合機宜。據稱六安州城。亦探聞被匪竄擾。皖豫交界處。所必須嚴密設防。其湖北黃州賊匪。直撲漢陽。勢甚猖獗。河南信陽羅山等處。防範尤不可少疏。該撫現駐汝陽。以為各路應援。仍當體察情形。相機前進。並隨時知會台湧。督飭將弁。互為聲援。以期力遏賊氛。武昌省城。該匪是否竄偏。著即確探馳奏。本日據張之萬奏。歸德陳州一帶。辦理團練。請統歸署太康縣知縣祝塏經理。

以牛鑑。徐廣縉總其成等語。各州縣團練鄉勇。原以助兵力之不足。該署縣祝塏。如果民情愛戴。俾令統辦。皖豫交界各處團練。必能得力。著該撫察看該員。並酌量地方情形。妥速籌辦。張之萬摺。著鈔給閱看。將此由六百里加緊諭令知之。○又諭武昌為省垣重地。距漢陽僅一江之隔。賊匪竄踞漢陽。勢必擾及武昌。崇綸。青麐守禦省城情形。甚屬危急。唐樹義礮船。究在何處逗遛。吳文鎔是否查

有下落。省城待援甚急。實深懸繫。台湧接奉此旨。著即督催官兵。相機進剿。並將近日賊蹤動靜。及武昌情形。迅速奏聞。仍著隨時知會英桂。柏山等。於楚豫交界處所。聯絡聲勢。力挫賊鋒。遏其北竄。其荆襄一帶。仍當隨時兼顧。督飭員弁。嚴加防守。佈克慎。現退至孝感一帶地方。已有旨將該員革職。令其隨同該將軍帶兵進剿。其潰散兵勇。應如何分別收集。並著妥籌辦理。無誤事機。將此由六百

里加緊諭令知之。○又諭僧格林沁。勝保等。奏連日進攻賊巢。獲勝等情。一摺。逆匪竄踞東城等村。疊經大兵四面環攻。尚未能痛加剿洗。據現獲奸細供稱。賊因糧食將盡。有欲於數日內他竄之語。該大臣等正當乘機合力進攻。為埽穴擒渠之計。至設伏誘賊出巢。分股截殺。固亦剿賊之一法。但恐賊衆拌命奔突。一時堵截稍疏。仍不免潰圍他竄。勦辦又致費手。總不如移營逼近賊巢。併力攻擊。

使逆匪無路逃竄。即可聚而殲旃。殄除淨盡。乃為上策。前奏稱擬挖長濠。是否挑挖已就。足資堵截。茲復據奏。徘徊村距東城較遠。以致我軍劄營接連數十里。似此遙遙圍截。分我兵力。聲勢何由聯絡。該大臣等務當迅速設法攻剿。萬不可再延時日。復滋蔓延。太僕寺卿齊承彥。奏長髮賊不能耐寒。乘此嚴寒。冰雪之際。亟宜進剿等語。自係實在情形。著即激勵將弁兵勇。及時進攻。勿失機會。至所

稱解散脅從一節。著一併體察情形。妥慎籌辦。切勿墮賊奸計。齊承彥摺著鈔給閱看。將此由六百里加緊諭令僧格林沁。勝保等知之。○河南巡撫英桂奏。南路邊防喫重。現駐汝郡辦理防剿情形。得旨。汝能隨機應變。不致拘泥。甚是。楚省尤關緊要。著迅速探聽武昌城信息。加緊馳奏。○湖北學政青麐奏。陳武昌緊急情形。得旨。覽奏。曷勝憤悶。本日已有旨。催台湧進兵。不知趕得上否。吳文鎔喪

律遭敗。俾賊勢復張。深堪痛恨。現在並無下落。至該督能全大節與否。朕實不能許之。又奏唐樹義統帶礮船。尚無確音。批。唐樹義真係一無用之輩。前此起用。該員並不知感。惟以高節自居。謂勉強出山。稍酬高厚。屢次抗違。死有餘辜。○以貴州安義鎮總兵官趙萬春為提督。福建漳州鎮標左營遊擊饒廷選為貴州安義鎮總兵官。○以直隸勦賊出力。賞達爾罕王護衛那木薩賚扎布。巴圖魯名

號。號騎校色爾固善等。藍翎。並升敘有差。○以進攻直隸束城村賊匪。獲勝。免投誠蕭良芳等六名罪。並賞六品頂帶。○甲戌。遣官祭先醫之神。○諭內閣。前因福濟帶兵赴皖。慧成所帶之兵。疊經裁撥。當諭令琦善將法良所管糧臺。統歸文煜經理。茲據楊以增奏。請將宿遷糧臺裁撤。歸併清江。著即遵照前旨。覈實辦理。至清江籌防局。仍著暫留法良經管。飭令將一切用款。認真裁汰。毋許冒濫。

乙亥。欽差吏部尚書柏葰等奏。解任承德縣知縣延瑞。呈訴冤抑。並將原供咨送軍機處。得旨。該員原供。或另封。或鈔錄進呈。皆可。何必咨送軍機處。殊屬不知慎密。可惡。已極。柏葰等。著交部議處。○以刑部左侍郎李和春。巡撫福濟。總兵官音德布。下部議處。○上以祭

社稷壇。自是日始齋戒三日。○丙子。

孝淑睿皇后忌辰。遣官祭。

昌陵。○諭軍機大臣等。張亮基奏。渡口接運官鹽。派員監運一摺。官鹽運銷。關係國課。民食自應亟籌妥辦。惟當此防河喫緊之際。若稽查稍有不力。必致奸匪。涸跡其間。現在獨流潰竄餘匪。仍踞束城村一帶。而皖楚賊勢。方張尤不可不豫籌防堵。張亮基請於曹州屬之董家口。設小船十隻。每日接運官鹽南北兩岸人夫。均不准過岸。並責成委員李天錫。

監運即照所議妥為趕辦。但不准拘定四十日之限。總以迅速運竣為要。儻不肖員弁不能實力稽查。甚至胥吏營私。潛行賣放。務即隨時密查嚴辦。其尋常販運煤米船隻。仍著一概收集。毋令奸匪乘間偷渡。王履謙巡河是其專責。長臻職司總河。英桂張亮基身任地方。均屬責無旁貸。著懍遵節次所奉諭旨。督飭各該委員。及地方文武營汛認真巡緝。不准稍涉疏虞。儻再有賊蹤闖入情事。國法具在。豈能倖逃。將此由五百里各諭令知之。

○丁丑祭

先師孔子遣大學士裕誠行禮。○以舉行仲春經筵遣官告祭

奉先殿○

上詣

傳心殿行禮

御文華殿經筵直講官文慶賈楨進講中庸誠者天之道也講畢

上宣御論曰。道之大原出於天。自古聖人保合太和。參贊化育。未有不本於至誠无妄。與天合德者也。中庸為言誠之書。君子誠之為貴。立極於道。而求端於天。天者造化之樞紐。品彙之根柢。試觀雨露者天之恩。雷霆者天之威。日月者天之文明。星辰者天之經緯。四時寒暑者天之運行。以至剛柔愚智。以人治人者。天之賦畀。飛潛動植。因物付物者。天之化醇。莫非無私之覆。即莫非无妄之誠。是故無

聲無臭者。天也不偏不倚者。天之誠也。曰明曰旦者。天也。成始成終者。天之誠也。巍巍蕩蕩。得一以清。不言而信。無為而成。所福者善。所瘳者惡。所助者順。所殛者逆。無將迎。無意必。大中至正。純任自然。此謂誠者天之道也。惟天牖民。惟聖憲天。不勉而中。不思而得。從容中道。非天下之至誠。其孰能與於斯。直講官阿靈阿朱鳳標進講易經自強不息講畢。上宣御論曰。從來天之體至剛。天之命不已。人

受生於天。莫不稟是以為德焉。自人不能純乎天。於是德之至剛者失其剛。德之不已者有時已。苟欲天體常立。天命常行。則非法天不可。此其理於大易乾象見之。夫人之不能自強者。由於賦質之偏。成於積習之誤。性既安於萎靡。則變化之功無所施。情復中於宴安。則惕厲之心無由入。雖或奮勉於一時。終至怠荒於末路。必也志足以帥氣。使剛大之氣浩然而常伸。理足以勝私。使純一之理粹然而不雜。夫而後天體天命之賦於我者。自然流行而不息矣。然而人情多肆。肆則易弛。主之以敬。斯精神足以檢攝乎內外。莊敬所以日強也。人心易虛。虛則有閒。存之以誠。斯志力足以貫徹乎始終。至誠所以無息也。伊古以來。堯之欽明。舜之允恭。禹之祗台。湯之聖敬。以及文武之緝熙。執競性反雖殊。而其盡人合天之詣則無異。此君子所以重法天也。禮成。

上幸文淵閣。賜講官及聽講諸臣茶。復賜宴於本仁殿。○諭軍機大臣等。易棠奏。番族飾詞投誠。西甯辦事大臣姑允所請。以致番族效尤偷渡。現在設法招撫一摺。蒙古番族游牧各有界限。歷年以來。野番潛住河北。屢滋事端。早應逐令回巢。以安邊圉。乃該辦事大臣吳必瀄。輒聽偷渡河北之拉安族番飾詞投誠。藉護送堪布之名。欲在河北住坐。且有不准投誠。照舊為匪之語。情詞桀驁。顯係有挾而求。吳必瀄毫無定見。輒允所請。實屬謬妄。糊塗該督現已移咨吳必瀄。飭令駐防副將及青海兩翼盟長等。將偷渡河北番族相機逐令回巢。自應如此辦理。至吳必瀄所稱。非稍須兵力。不足以杜邊釁等語。現在該番族並未滋事。何得率請用兵。著易棠即飭令該廳營督率千百戶。將偷渡之都受族等番子招集回巢。並曉諭各番。絕其妄念。仍飭令駐防副將及該盟長等。設法驅逐。務使消患未

萌母任別生枝節。將此由五百里諭知易崇並諭吳必瀆知之。○予安徽廬州殉難布政使劉裕鈐祭葬世職。謚勤壯。知縣張文斌祭葬世職。○戊寅祭。

大社

大稷

上親詣行禮。○詣

壽康宮。問

皇貴太妃安。○諭軍機大臣等。僧格林沁勝保

等奏。逆匪受創以後。仍堅匿不出。連日設法進擊。以圍為攻。一摺。逆匪竄踞束城等村。已逾一月。疊次諭令該大臣等督飭官兵。逼近賊巢。痛加勦洗。數日未見奏報。焦急殊深。乃細閱本日奏到各情。竟稱該逆死拒不出。調到大礮。僅能轟塌屋宇。該逆仍乘夜撲擾各路營盤。我兵屢次進攻。皆有傷折。現在惟有挖濠樹柵。待其自潰。並請暫寬時日等語。此股竄匪。該大臣等若早能於奔突未定之時。

乘機協剿。何致遷延至此。尚不能埽穴擒渠。乃日久布置。仍似此敷衍入奏。並未立有尺寸之功。自問於心。能無愧乎。刻下大礮已到。東北西北挖濠已竣。西南東南兩路亦皆設法堵截。著即督率各路官兵。趕緊進攻。斷不准以冰雪皆融。泥淖難進為詞。再延時日。該大臣等屢經嚴旨飭催。若不及早奏功。國法豈能再宥。所有打仗陣亡之鑲紅旗護軍校景文著交部議卹。將此由六百里加緊諭令。

僧格林沁勝保等知之。○又諭前因書元奏協領塔芬布佐領恩合父子狼狽為奸。將軍奕興曲為袒護。當經降旨將塔芬布恩合革職。等因。交柏葰善燾嚴行審訊。本日據奕興奏上年派兵在監獄堆撥前後嚴密巡查。及除夕照常關閉城門各情。並稱塔芬布當差認真辦事妥協。恩合任勞任怨。屢獲竊盜案犯。侍郎書元因該協領等拘於成例。不能順所欲為。以致挾嫌刻責等語。該將軍不候查。

辦。噍噍置辯。實屬負氣妄為。已交宗人府先行議處矣。著柏俊善。仍遵前旨。秉公嚴訊。務將塔芬布等劣蹟。確切詳究。與興是否飾詞袒護。書元有無任意苛求。並著一併確查。據實具奏。毋得稍有瞻徇。原摺著鈔給閱看。將此諭令知之。○欽差大臣琦善奏。瓜州擊賊獲勝。請飭帶艇船之總兵葉常春等緊扼江口。得旨。覽奏各情均悉。此次尤為出力者。查明保奏。葉常春。李德麟。周士法。均革去頂帶。以觀後效。如再有藉詞觀望之處。即先行正法。順便奏聞。又奏宿遷緊要。駐兵毋庸調往他處。批。著照所擬。軍營總貴事權歸一。馬能事事請旨。慧成父子。口若懸河。藉效忠之名。實只自衛而已。○參贊大臣僧格林沁等奏。賊匪竄匿束城村。設法圍攻情形。得旨。朕數日未聞軍報。即覺煩悶難堪。今早忽接軍報。以為必可得手。及細閱情形。仍屬敷衍。若不趕緊滅盡。何日是了。又藉口冰雪皆融。若

早能殲滅。焉致今日之費力。斷不能再寬時日。○盛京將軍奕興奏。陳上年派兵防守監獄。並塔芬布辦事認真情形。得旨。失口亂辯。即汝之初供。汝謂塔芬布可用處。正是汝之柔懦。不能振作。受欺蒙蔽。此案已派有人訊辦。膽敢於未定案之先。噍噍不已。實屬負氣妄為。即此可見平日汝之受屬員挾制。有由來矣。○己卯。諭內閣。裕誠等奏會審案內。擬罪失當。遵旨另議一摺。此案已革刑部主事王式言。於承審命案。聽受請託。失入絞罪。且與說事之張五見面。並有該革員家人受賄確供。其為得贓枉斷。毫無疑義。可惡之至。王式言著發往新疆效力贖罪。會審此案之大學士裕誠。侍郎愛仁。並刑部尚書德興。署左侍郎基溥。左侍郎李鈞。署右侍郎常志。李道生。於王式言聽囑妄斷各重情。既經訊出。並不從重定擬。輒行含混具奏。裕誠。德興。基溥。李鈞。常志。李道生。均著交部議處。愛仁著交

都察院議處。刑部尚書許乃普前因王式言係伊門生。奏請迴避。未允所請。復有旨諭令該部將實情審出。寬其失察之罪。若故意開脫。必當加等治罪。許乃普豈不知例案輕重。於王式言初斷罪名錯誤。並未察出。經朕疊次訓諭。應如何秉公定擬。力除積習。乃於此案供情處處為王式言開脫地步。實屬有心迴護。許乃普即著革去尚書。降補內閣學士。毋庸在南書房行走。以示薄懲。在逃之要犯

張五、英五等。仍著步軍統領衙門順天府五城一體嚴拏。務獲究辦。餘著照原擬辦理。○又諭刑部奏巡撫應奏事件。徑行咨部。與向辦章程不符一摺。向例各直省辦理情罪重大之案。一面正法。一面專摺奏聞。茲據該部奏貴州巡撫蔣蔚遠於審辦盜匪王把驚等聚眾壘劫殺人重案。徑行咨報刑部。並未專摺具奏。與向辦章程不符。蔣蔚遠著交部議處。○諭軍機大臣等。據黃宗漢奏海運漕糧

將次受兌。放洋一摺。本年浙省海運糧米。經黃宗漢議由江蘇太倉州屬之劉河口受兌起運。現在業經收有成數。剋日即可放洋北上。所有經過各該處洋面海口。自應嚴飭水陸文武員弁。帶領兵役。加意防衛。以期妥速。狼山鎮總兵。泊承陞。現帶水師在上海。勒匪著怡良。許乃釗。即飭令該鎮於漕米放洋時。督帶兵船。妥為護送。並著張亮基迅速揀派熟悉洋面之員。於漕艘經由地方。及收泊口

岸。節節防護。毋任疏虞。至駛抵天津海口時。即著桂良。派委文武各員。妥籌起剝。仍遵前旨。寬為豫備。剝船以濟撥運。至前踞獨流之賊。現已潰竄河間屬境。距天津較遠。所有浙江派赴天津會同收米各委員。仍即照舊馳赴該處。隨同驗收。毋稍遲誤。將此由六百里加緊各諭令知之。○又諭怡良。許乃釗。奏轟塌上海城垣。並連日獲勝情形一摺。此次進剿將弁。如虎嵩林。秦如虎等。皆能奮勇爭先。

身受重傷。實屬出力。據該督撫所奏。逆匪接濟已斷。傷斃甚多。正可乘此聲勢。剋期殄滅。何以另片所陳。尚稱兵力單薄。慮其他竄。此等烏合之賊。圍攻數月。猶不能悉數殲除。轉以賊勢愈蹙。圖竄益堅。並以夷人持械攔阻等詞。豫為地步。實屬遷延玩誤。許乃釗專辦此事。日久無功。已屬罪無可逭。若再不痛自振作。趕緊克復城池。僅嘉定等處竄出餘匪。或有蔓延。致令江浙海運漕糧。稍有阻滯。自問當得何罪。怡良近在蘇州。不能加緊督催。亦難辭咎。著該督撫。於接奉此旨後。迅即督飭水陸將弁。合力進攻。剋日克復上海。將各股逆首盡數殲擒。不准稍留餘孽。此次出力將弁著准其酌量保奏。現在上海未復。無可論功。特因各該員等。尚能不避鋒鏑。准其酌保數員。以為奮勇者勸。若稍有冒濫。自難逃朕洞鑒。陣亡之弁兵。亦著查明照例請卹。至江蘇海運事宜。迄今未據奏報。京倉支絀情

形。該督撫等豈未深悉。現在已屆二月中旬。何可再有耽誤。著即將現辦情形。趕緊馳奏。江蘇地方州縣。疲玩蒙混。積習已深。該督撫不能嚴催趕辦。已難辭咎。若再不設法督催。以速補遞。朕必將該督撫治以貽誤漕糧之罪。決不寬貸。將此由六百里加緊各諭令知之。○兩江總督怡良。署江蘇巡撫。許乃釗奏。江蘇接濟金陵軍餉。未能懸定。得旨。向榮在江南。日久無功。死有餘辜。猶謂其聲威夙著。琦善在揚州。獨力支持。雖未能埽數廓清。而北面實賴為屏蔽。尚百般造作蜚語。以逞談鋒。許乃釗祇知有江南。不知有全局。祇知有身家。不知有國家。真可謂喪盡天良。辜負深恩。且琦善同一軍營。因何未有一語題及。近來張芾之事。想汝已悉。汝若再不知悔。更甚於張芾之罪。所請停撥之處。著不准行。若仍行瀆請。必斷汝首。○以都察院左都御史朱鳳標為刑部尚書。吏部左侍郎周祖培為都

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百二十

監修總載官經旨議起居注官太子文任主書序總師傅文淵閣領閣事翰林院掌院學士稽察欽奉二諭事件處國子監總載官武英殿大學士管理兵部事務加十三級紀錄十四次臣曹振鏞奏本總載官經旨遵議旨太子太傅文淵閣領閣事武英殿總載官欽察原書士體仁閣大學士管理戶部三庫事務管理刑部事務加二十五級紀錄十六次臣周紹琦總載官太子少保管理內閣書房事務對引大臣軍機大臣領直隸滿洲都統戶部尚書管理三庫事務加四級隨帶加五級紀錄十二次臣寶璧總載官經旨遵議官於乾隆庚子清文達達書序總讀書達國文館總載官正藍旗蒙古都統禮部尚書管理文宗寺鴻臚寺事務加二級軍功加四級隨帶加八級紀錄五次臣倭什琿布等奉

咸豐四年甲寅二月庚辰

孝陵○諭軍機大臣等袁甲三奏土匪假充逆賊竄擾潁上蒙城現在籌勦一摺該匪等假充逆賊乘人心搖動之際肆意焚掠潁上蒙城兩縣疊被竄擾更難保非逆賊勾通故令先為嚮導現在廬州未復六安又陷亟須將此股土匪迅速殲滅方不致該逆乘虛北竄現在臨淮防守聲勢尚不單弱該給事中將進駐臨淮鄉兵檄令折回並隨營練勇官兵

即著親自統帶馳往蒙城迅籌撲滅並探明
潁上賊匪是否退出應如何分投攻擊俾該
匪彼此不能相顧即於和春等派來官兵內
酌撥若干名分赴潁上勦洗其薩炳阿等所
帶官兵駐劄臨淮亦著隨時知照互相策應
惟當相機妥辦萬不可令匪蹤闖入潁亳更
滋延蔓如必須河南兵勇前赴皖境夾擊著
即飛咨徐廣縉等遵照前旨帶兵應援以冀
南北兩路均有官兵迎勦可望迅速竣事據

奏所募壯勇堪資驅策該給事中正可乘其
銳氣多方鼓勵殄除羣醜俟此股匪徒掃蕩
仍酌度何處緊急即赴何處與和春等聲勢
聯絡併力勦辦為要將此由六百里加緊諭
令知之○又諭袁甲三奏鳳潁一帶土匪猖
獗現籌勦辦一摺該處關繫北路要衝尤應
亟籌攻勦以固藩籬袁甲三所帶兵勇無多
實屬不敷勦辦著和春福濟等迅即於廬州
大營內酌撥精兵一二千名派委得力員弁

帶往交袁甲三督帶進勦該提督等務宜先
其所急勿誤事機為要至廬州等處現在賊
情如何大兵如何進攻即著和春等迅速督
兵圍勦毋任逆蹤肆意衝突並將現辦情形
隨時由驛馳奏以慰廑念將此由六百里加
緊各諭令知之○又諭前因皖省情形緊急
諭令英桂於皖豫交界嚴加防守並飭徐廣
縉等帶兵前往勦辦本日據袁甲三奏鳳潁
一帶土匪假冒逆賊竄入潁上蒙城兩縣勢

甚猖獗袁甲三現已馳赴蒙城勦辦該處與
潁上距豫境甚近著英桂即嚴飭歸德陳州
一帶文武員弁於交界處所嚴密設防不准
稍有匪蹤闖入並仍遵前旨即飭牛鑑徐廣
縉等酌撥兵勇相機出境掩捕務與袁甲三
隨時知照互相聯絡將此股土匪迅速殲除
勿令蔓延為患至豫省南路防堵楚匪情形
仍著妥籌辦理毋稍疏虞將此由六百里加
緊諭令知之○以工部尚書趙光為

實錄館總裁官。兵部左侍郎彭蘊章為副總裁官。○賞降調總兵官保恆頭等侍衛為塔爾巴哈台參贊大臣。未到任前以領隊大臣英秀兼署。○以安徽土匪竄擾潁上蒙城革知縣程鈺劉瀛階職。革正陽關通判文康職。仍戴罪效力。○辛巳。

上詣

壽康宮問

皇貴太妃安。○諭軍機大臣等前因羅惇衍奏。

請飭廣東採買洋米接濟倉儲已諭令葉名琛。柏貴。妥速籌辦。茲據戶部奏京倉支絀仍請飭各直省一律採買。據稱廣東洋米福建臺米向來米多價賤兼有海道可通現值支放不敷自應急為籌備著葉名琛。柏貴即遵前旨迅速購買米數十萬石並著王懿德購買臺米三十萬石均按照該省實在市價採買設法多備船隻趁風信順利之時運送天津其米稅船鈔均免徵收並准帶貨物二成

免稅以期迅速動用何項即著先行奏明作正開銷至捐輸米石辦有成案並著該督撫等悉心籌畫妥速辦理京倉關繫緊要毋得畏難推諉致誤急需將此由六百里各諭令知之。○又諭據戶部奏京倉亟宜籌備請飭各省設法採買以資接濟一摺上年因運道梗塞曾經飭令奉天等省酌量採買是否辦有章程至今尚未覆奏京倉儲備支放攸關自應亟為籌畫著盛京將軍奉天府兼尹府

尹直隸山東河南各督撫於各該地方無論何項糧米設法採買一二十萬石迅速運至天津交局收買各省米價均著照戶部所奏按照實在市價購買其關津米稅船鈔均著免其徵收至採買價值即各就本省悉心籌畫動用何項銀兩准其作正開銷京倉關繫緊要此係萬不可緩之事該將軍等務須實力奉行斷不可藉詞推諉至捐輸米石均有成案可循各該省如有紳商捐輸米石著即

奏明一律辦理。總期有益京倉。不至虛糜經費。將此由五百里各諭令知之。○又諭逆匪竄踞束城等村。業經卅月。前經屢降嚴旨。令該大臣迅速進攻。痛加勦洗。乃數日又無奏報。朕心實深焦灼。束城各村地方褊小。積穀無多。且聞賊匪所搭木壘。半用樹枝支架。必不能十分堅固。趁此進勦。自易殲除。若僅於賊匪撲營時。竭力抵禦。及至遁回賊巢。又復坐觀不進。老師糜餉。日久無功。何時始克戡

事。現在大兵雲集。圍此窮蹙之寇。若不及早併力進兵。又將竄擾他處。且此時已屆二月中旬。春融冰泮。馬隊難行。勦辦更難得手。著該大臣等。務當嚴飭帶兵大員。激勵將士。協力同心。一鼓作氣。直搗賊巢。迅除醜類。如將弁中有不遵號令。及一營出隊。他營不為應援者。即著照軍法懲辦。以肅戎行。若僧格林沁等。各存意見。不能會合進攻。耽延時日。朕亦惟執法從事。決不寬貸。將此由六百里諭

令僧格林沁勝保等知之。○又諭崇綸青磨奏。探聞總督吳文鎔。兵敗捐軀。並賊船上竄。各等語。該逆飄忽靡常。現在金口漢口賊踪。均已連牆上駛。武昌情形稍緩。而荆襄一帶。萬分喫緊。自應先其所急。酌撥兵勇前進。與台湧聯絡聲威。互相應援。省城防兵六千餘名。加以魁玉所帶官兵一千名。為數尚多。不得藉口守城。置上游於不顧。著崇綸等迅速抽撥。交魁玉帶往助勦。仍一面密為布置。扼

其回竄武昌之路。軍情變遷無定。該撫等務當權衡緩急。統籌妥辦。毋稍疏虞。將此由六百里加緊諭令知之。○又諭逆匪上竄。荆襄一帶。最關緊要。台湧現授為湖廣總督。統轄全省。責無旁貸。該督前駐德安。此時情形較緩。自應移兵荆襄。一帶力遏賊衝。並隨時知照駱秉章。曾國藩。督飭兵勇。合力夾擊。飛催湖南礮船。迅速前進。勿稍遲誤。荆襄為南北要隘。斷不可令賊竄擾。官文已授為荊州將

軍與該督可以互相策應。魁玉所帶駐防官兵由武昌上援。或令防守荊郡。或令隨營勦賊。並著該督酌量調遣。毋失事機。將此由六百里加緊諭令知之。○又諭湖北賊勢猖獗。亟須遏其紛竄。前調湖南之兵。諒已啟程。仍著駱秉章於交界處所。派兵嚴密設防。杜其竄擾。如須出境協勦。即著無分畛域。嚴飭帶兵員弁。隨同台湧協力勦擊。曾國藩統帶礮船。想已開行。著即兼程馳赴下游。迎頭截勦。

此時水路進攻。專恃湖南礮船。遏其兇鋒。務須趕緊前進。勿稍延誤。至礮船所需糧餉。現據戶部奏稱。湖南江西各省。如有款可籌。自當就近提用。著曾國藩迅即咨明各該撫酌量籌辦。將此由六百里加緊各諭令知之。○又諭安徽已革廬州府知府胡元煒。前經周天爵王茂蔭先後參奏各劣蹟。本日復有人奏該革員練勇皆係班役中人。及賊匪攻城。勇皆逃走。並風聞胡元煒有從賊等事。胡元

煒居官聲名狼籍。前已有旨革職拏問。如果城陷之後。復甘心從逆。實屬罪不容誅。著和春等確切查明。據實奏聞。毋稍含混。再昨據袁甲三奏。該給事中練勇一千餘名。並鄉民練勇五軍。共得三千餘人。頗堪備用。現在和春福濟營中。想亦有招募壯勇。是否實係可靠。不致奸匪溷跡其中。著和春福濟袁甲三各將所募之勇。查明確數具奏。將此由六百里各諭令知之。尋江南提督和春奏。已革知

府胡元煒所招練勇。城陷時多半潰逃。該員官聲狼籍。廬城失陷。逃出難民。僉稱其未死。惟果否從賊。並無確據。至臣等統帶之勇。前招募時。均有認保甘結。不致奸匪溷跡。報聞。○以荊州將軍台湧為湖廣總督。仍兼署湖北提督。湖南鹽法道曹楫堅為湖北按察使。○以荊州右翼副都統官文為將軍。德州城守尉慶如為荊州右翼副都統。○緩福建各屬本年買補倉穀。○壬午遣官祭昭忠祠。○

諭內閣怡良奏請留己革運司辦理揚州撫恤善後事宜等語。己革前任兩淮鹽運使但明倫上年派令隨同楊殿邦在揚州辦理防堵嗣因賊擾揚城當將該員革職發往新疆充當苦差仍暫留清江浦辦理防堵戴罪自效該革員自留營以來並無出力之處該督輒藉詞紳士稟留委辦捐務其為該革員夤緣差使豫為免罪保舉地步已可概見但明倫著即行發遣所請留於揚州差委之處著

不准行。所有揚城勸捐撫恤及善後事宜著即責成署揚州府知府存葆妥為經理儻不敷差委著該督添派道府大員幫辦己革漕運總督楊殿邦與但明倫均係發往新疆充當苦差之員著一併即行發遣不准逗遛。○諭軍機大臣等僧格林沁勝保奏逆賊乘夜窮竄督兵追勦一摺逆匪竄踞束城等村我兵圍攻已逾半月疊次諭令該大臣等迅速進攻並嚴防竄路乃本日據奏逆匪於初九

日乘霧由小禮文向東南奔竄雖經我兵追殺多名而逆匪拌死狂奔由獻縣南門竄出後究竟逃往何處摺內並未奏明本日復據桂良奏稱該逆向東南西南竄逸是賊匪顯係分股潰竄我兵正當乘其喘息未定四面兜擊庶可聚而殲旃若徒事尾追勢必節節落後勦辦終難得手我兵馬隊最利追勦著僧格林沁勝保迅即探明賊蹤派撥精兵繞赴賊前截擊務期前後夾攻盡殲醜類其首逆各犯尤不可令其乘閒免脫並飛咨張亮基於山東直隸交界地方嚴密堵截以遏賊衝此次賊匪係由小禮文地方竄出防卡官兵何以任令奔突不能堵截著該大臣等查明參奏儻有畏葸逃避情事即著以軍法從事毋稍寬貸賊眾志在奔突必須盡力窮追據奏河橋為賊燒斷我兵繞至臧家橋已屬落後以致賊得竄入獻縣又因我兵連夜跟追暫令少休恐賊匪乘閒遠颺現在僧格林

沁業已先督馬隊追擊何以勝保僅尾督後隊繼進前此賊由獨流竄出經僧格林沁痛加勦洗勝保耽延數日始行趕到此次若復稍有遷延罪將誰諉刻下賊蹤是否分股奔竄該大臣等是否分路追擊各路帶兵大員如何兜截前後策應著即迅速具奏正在寄諭間復據僧格林沁勝保等奏逆匪由獻縣南門竄出我兵追及斃賊千餘名該逆隨拒隨走至富莊驛村內設伏我兵實難撲進等

語逆匪紛竄追勦尚屬迅速惟據稱富莊驛地方牆垣堅厚我兵俱係馬隊並無槍礮行軍以火器為最利現在軍營便捷礮位為數不少該大臣等既跟蹤追勦並不帶槍礮以徒手擊賊有是理乎至逆匪奔竄後占踞集鎮輒云礮火猛烈不能撲進而我兵轉藉口於無槍無礮似此遷延遲緩必致貽誤事機且前此逆匪初到東城該大臣等即以專待礮位為詞此次又以無礮藉口其誰欺手若

少事耽擱該逆又將築壘挖壕負隅死守或乘隙奔突若不西竄即南撲景州德州一帶皆係水陸要隘我兵又成尾追之勢勦辦何日可了兵貴神速豈可一誤再誤著僧格林沁勝保等迅就現到之兵設法進攻以期掃穴擒渠並飛催後隊官兵星速前進不准片刻遲延若復藉口槍礮未到以致老師糜餉又蹈東城故轍朕惟將該大臣等從重治罪決不寬貸將此由六百里加緊諭令僧格林

沁勝保等知之○又諭琦善奏進勦瓜州逆匪連獲勝仗總兵瞿騰龍深入遇害一摺該逆自儀揚退竄以後尚分股屯聚瓜州為拒守計雖經我軍疊次攻勦總未能破其巢穴琦善前次奏報約會師船合力夾擊亦不過小有斬擒朕方冀琦善能自愧奮激勵將士一鼓殲除乃本日馳奏獲勝情形仍不能克復瓜州且瞿騰龍以鎮將中得力大員深入遇害其隨同打仗各將弁陣亡亦復不少是

連日雖獲勝仗。豈能償此挫失。現在官兵數逾萬人。水路廣艇各船。亦不下數十號。著琦善督飭各路帶兵大員。激勵將士。設法進剿。稍贖前愆。斷不准再有延誤。至統帶艇船之總兵葉常春等。前因琦善疊次奏稱。呼應不靈。難以調遣。請嚴飭該總兵等。緊扼瓜州。斷賊接濟等語。已降旨將葉常春等摘頂示懲。並於該大臣摺內批示。如有不遵調度者。即行正法。著琦善仍遵前旨。嚴飭軍營將弁兵

勇。水陸夾擊。迅速將瓜州逆匪盡數殄滅。毋得貽誤事機。致干重罪。將此由六百里加緊諭令知之。○又諭。台湧奏賊匪分竄德安一帶。派兵勦捕。孝感應山等處。疊有斬擒。並扼要布置各情形。當此逆勢狃猖。該督必當統籌全局。妥為布置。惟兵力尚覺單弱。本日據曾國藩奏。已於正月二十八日。督帶礮船自衡州啟程。統計全軍約一萬七千餘人。曾國藩一人統領重兵。朕心實深懸繫。台湧統轄

兩省。責無旁貸。所有湖南礮船。應如何調撥。布置之處。著該督與該侍郎和衷籌畫。以期迅殄賊氛。現在魁玉已帶兵由武昌上援。自可酌量調度。佈克慎現由麻城帶兵到營。著即飭令該革員前往曾國藩水營。隨同管帶礮船。稍贖前愆。至都司董玉龍等。在黃陂一帶。收集潰散兵勇。分路進剿。該督務須嚴飭該員等。迅速進攻。扼要堵截。毋得稍涉遷延。再誤事機。將此由六百里加緊諭令知之。○

又諭。本日據青麇奏稱。探聞曾國藩帶勇已距金口百有餘里。貴州道胡林翼隨同前來。現復退往上游。賊船飄忽上竄。急須出其不意。順流轟擊。該侍郎礮船早入楚北。胡林翼何以退守。著曾國藩飭知該道。迅速前進。無稍遲延。其應如何相機攻剿之處。著隨時知照。台湧務期水陸聲息聯絡。合力勦辦。勿稍疏虞。將此由六百里加緊諭令知之。○又諭。青麇奏。連日防守省城情形。一摺。現在賊船

全行上竄武昌情形稍緩魁王所帶之兵即可令其馳赴荊州以資防剿該學政係奉旨籌辦防堵大員一切應辦事宜自可會同巡撫熟籌妥辦遇有調遣之處地方文武何至呼應不靈乃該學政屢次奏報總以無權之官人未輕信為詞殊不可解台湧已授為湖廣總督統兵勦賊武昌省城防禦緊要著與崇綸迅速嚴密布置毋得各存意見致誤事機將此由六百里加緊諭令知之○命降調

葉爾羌幫辦大臣倭仁以翰林院侍講候補在上書房行走○以福建營務廢弛革陸路提督炳文職以貴州鎮遠鎮總兵官秦定三為福建陸路提督未到任前以雲南臨元鎮總兵官文俊署理以四川松潘鎮總兵官萬福為提督陝西定邊協副將文祥為四川松潘鎮總兵官湖北施南協副將訥欽為鄖陽鎮總兵官福建臺灣協副將呂大陞為貴州鎮遠鎮總兵官○以四川提督蘇布通阿為

江甯將軍正白旗蒙古副都統載岱署青州副都統○以直隸獻縣勦賊出力復副都統達洪阿職以不能遏賊竄逸革副都統慶齡職○贈江蘇瓜州陣亡湖北鄖陽鎮總兵官瞿騰龍提督予祭葬世職如提督例諡威壯賞其子輔廷廣善廷熊廷豹守備予隨同陣亡之遊擊王禮守備崔萬鎰千總詹榮純楊兆熊黎玖武孝雲騎尉張秀把總李源白生蘭李永和劉慶祥外委金有貴護軍校武奎

祭葬世職額外外委王文德黃和春賞卹如例○緩徵福建福安福鼎壽甯霞浦永定上杭六縣被水田畝額賦並賑上杭縣災民口糧○蠲免福建上年被擾之雲霄石碼廈防永春龍溪漳浦海澄長泰同安安溪仙遊沙永安尤溪德化大田鳳山十七廳州縣額賦緩徵興糧淡水臺防噶瑪蘭半潭蚶江馬港龍巖莆田平和詔安南平臺灣嘉義福清永福閩清古田晉江南安惠安南靖順昌將樂

漳平甯洋彰化二十七廳州縣及水口南日
峽陽羅溪金門佛曇橋華封七縣丞所屬新
舊額賦有差○癸未

上御乾清門聽政○諭內閣台湧奏遵查督臣
臨陣捐軀駱秉章奏湖北臬司殉難各一摺
湖廣總督吳文鎔歷任封圻均能盡心職守
自調任湖廣即值逆匪復擾武昌漢陽當經
督率官兵擊退迨該逆竄聚黃州吳文鎔出
省迎勦先經獲有勝仗正月十五日以力攻

堵城中賊詭計連營被燒遂致陣亡據台湧
奏該督滅賊心急催戰甚嚴因而失事吳文
鎔此次督兵失利本屬罪有應得念其臨陣
捐軀不虧大節殊堪矜惻吳文鎔著照總督
陣亡例從優賜卹任內一切處分悉予開復
應得卹典該衙門查例具奏二品頂帶湖北
臬司唐樹義督帶水勇礮船趕赴金口扼賊
上竄疊次襲擊獲勝旋因賊船蟻集極力督
戰被賊將船隻擊破落水身死亦堪憫惻唐

樹義著加恩開復革職處分照臬司例賜卹
尋均予祭葬世職吳文鎔諡文節○又諭端
華杜翰奏查大通橋挑晾米豆均屬不堪食
用請分別著賠以歸覈實一摺上年海運六
十一起米一萬七千餘石奉豆一萬五千餘
石經全慶朱嶧奏明在大通橋挑晾並請變
通辦理當經派令端華杜翰前往確查具奏
茲據奏稱查驗此項米豆攪雜潮溼情形極
重均已不堪食用其米豆經抽斛節颺約虧

短至七千石內外該經紀等玩法舞弊可惡
已極所有海運米一萬七千餘石著全慶等
即責令該經紀等悉數折銀賠補並以平斛
申算按照順天府月報糧價勒限四箇月交
納其車戶等有無通同作弊應否分成賠補
著刑部於訊明後咨照辦理仍責成全慶等
嚴行催比儻該經紀等於限內不能賠交清
楚即著落該倉場侍郎及坐糧廳監督等分
成賠補並著戶部查照例限勒令交納設逾

限不交。即行嚴叅。其奉天省豆一萬五千餘石。著於本年車戶應行承領之豫東官豆二萬石內。照數扣抵。即勒限令該經紀等。按照市價折銀。兌交車戶。毋許延宕。至大通橋另儲之奉天粟米一千數百餘石。經端華等查明。亦屬不堪食用。並著勒令該經紀等。採買賠補。以裕正供。○諭軍機大臣等。昨據僧格林沁等奏。逆匪由獻縣竄出。占踞富莊驛村內。並未詳敘有無分股。而桂良所奏。則稱接據勝保來咨。有賊向東南西南紛竄之語。是其分股潰竄。已屬顯然。本日據載齡奏報。又稱。探聞逆匪潛逃。被伏兵擊回。復經河間鄉勇擊退。現在河間府屬迤北二十里堡盤踞等語。據三處奏報。互相印證。均屬參差。富莊驛既在河間府城以南。二十里堡又在河間府城以北。相距一百數十里。其間必有分擾之處。究竟該逆是否全聚富莊驛村內。抑或另有零匪潛匿附近村莊。束城等村。是否尚

有餘賊。著該大臣等。迅速據實具奏。務須分投確探。四面挖勒。方能盡殲醜類。現在大兵盡力南趨。儻北面尚留餘孽。致令再有裹脅衝突情事。豈非顧此失彼。著僧格林沁勝保嚴飭各路帶兵大員。激勵將士。迅埽賊氛。肅清畿輔。斷不准復以無礮無槍藉口。耽延時日。自取重罪。將此由六百里加緊諭令知之。○又諭。現在逆匪亡命狂奔。賊蹤靡定。後路之防。尤關緊要。著載齡即飭各路弁兵分投

確探。隨時速奏。其固安。東安。黃村。涿州。通州。盧溝橋等處防堵各營。仍著該侍郎嚴飭各該帶兵員弁。加意嚴防。不得因逆氛漸遠。稍存大意。將此由六百里諭令知之。○又諭。駱秉章奏湖南庫款支絀。請飭川廣督撫協濟軍需一摺。現在漢口賊船紛紛上竄。楚北軍情。甚為緊急。曾國藩督帶兵勇船礮。已由湖南衡州駛赴下游會剿。所需軍餉甚鉅。自應先事豫籌。該省歷年防剿需用浩繁。司庫所

存銀兩。為數無多。不敷支發。著裕瑞、葉名琛、柏貴接奉此旨。即迅速妥籌。無論該省何款項下。有可動支者。立即設法籌撥。派委妥員。飛速解交楚省。斷不准稍有推諉。現在湖北情形。萬分喫緊。該省官兵。不敷分撥。急須曾國藩所帶礮船。藉資勦賊之用。該督撫等務當不分畛域。趕緊接濟。無誤要需。將此由六百里各諭令知之。○又諭。自逆匪竄擾以來。長江數千里。任賊往來遊駛。現在金陵未克。廬州復陷。而回竄武昌之賊。紛紛駛赴漢陽。金口一帶。逆蹤飄忽。非亟籌肅清江面之計。不能奏功。曾國藩現由湖南統帶舟師順流迎擊。業於正月二十八日啟程。計期應可行抵楚北。上年八月。開張芾有飭令夏廷樾修造船筏之奏。此項戰船。為數若干。停泊何處。即著陳啟邁飭知陸元烺。揀派諳習軍務及熟悉水師得力員弁。配齊軍火礮位。星速管帶駛出九江。擇扼要之區。截賊往來之路。與

曾國藩聲勢聯絡。上下夾擊。非但遏賊分竄南昌。且使皖楚紛擾之賊首尾不能相顧。庶勦辦可期。得力該撫等。惟當妥速籌辦。不准遷延迂緩。致誤事機。陳啟邁著即兼程前赴新任。其未到任以前。即著陸元烺趕緊籌辦。勿稍遲延。將此由六百里諭知陳啟邁。並傳諭陸元烺知之。○以重遇鹿鳴宴。賞如前任協辦大學士吏部尚書湯金釗。太子太保。御書扁額曰慶衍恩榮。前任兵部尚書特登額。

太子少保

御書扁額曰養恬篤祐。均准其於明年乙卯正科重與鹿鳴筵宴。○以翰林院侍讀學士何彤雲。為內閣學士。兼禮部侍郎銜。太僕寺卿齊承彥。為都察院左副都御史。翰林院侍讀學士李聯琇。為大理寺卿。仍留福建學政任。○以內務府大臣存佑。署正白旗蒙古副都統。○賞烏什辦事大臣春熙。副都統銜。為塔爾巴哈台參贊大臣。調塔爾巴哈台參贊大

臣保恆為烏什辦事大臣○命刑部左侍郎李鈞馳往天津會同署倉場侍郎全慶驗收海運米石○以江西勦辦土匪出力賞知縣潘安國花翎以同知直隸州升補○甲申遣官祭黑龍潭

昭靈沛澤龍王之神玉泉山

惠濟慈佑靈護龍王之神昆明湖

安佑普濟沛澤廣生龍王之神密雲縣白龍潭

昭靈廣濟普澤龍王之神○遣官祭圓明園惠濟祠

河神廟○諭軍機大臣等據青麇奏武昌被圍已久請飭川陝河南撥兵撥餉一摺覽奏均係棘手情形並無籌辦之策該學政係防堵大員屢次總以呼應不靈為說前次寄諭內業經嚴斥現在賊船陸續上竄荊州情形亦甚喫重而孝感應山等處皆有賊匪肆擾賊船盤踞江面台湧所帶官兵無多亦豈能

飛渡竟置北岸於不顧省城防兵共有六千江面礮船亦尚有二十餘隻昨據崇綸青麇奏報攻勦情形尚云擊沈賊船多隻而青麇則總稱地利人心兩不足恃且崇綸奏報均與青麇聯銜而青麇則單銜具奏並云崇綸不及會銜豈有同在一城防守竟至隔閡如是值此危急之時兩人各存意見必致誤事河南地面緊接江北前諭英桂飭總兵柏山越境協勦自為德安襄陽一帶喫重勦楚省之逆匪即因河南之藩籬斷不能令繞越赴鄂為該撫等株守省城之用四川松潘等處官兵由荆江下駛較為便捷本日已諭知裕瑞迅速飛催諒可計日趕到陝西調兵已多即由商維一帶派兵出境仍在大江以北亦屬緩不濟急該學政昧於事機不知輕重該撫復一籌莫展徒事抵牾豈江北各府非該撫等所轄耶至摺內所陳明言賊在漢陽陸續上竄忽又言武昌被圍既言曾國藩於正

月杪可以啟程而青麐正月二十八日所發之報又稱曾國藩已距金口不遠其偵探之不確已可概見崇綸前此請飭吳文鎔出省勦賊逮朕嚴諭吳文鎔前赴黃州該撫又稱省城緊要請令暫留似此毫無定見即知省城布置亦未必確有把握現在台湧已授為湖廣總督亟應先將江北逆匪勦除以杜北竄該撫等但當協力和衷固守省垣不得徒以無可籌辦藉詞為他日卸罪地步總之德

安一帶賊匪盡除則漢口逆匪自不敢徑攻武昌而川兵直抵荆襄曾國藩亦順流下駛會同夾擊尚可得手朕於軍形緩急慎重權衡並非重北輕南不為湖北省垣計也將此由六百里加緊各諭令知之○又諭連日據台湧崇綸青麐奏賊船回竄武昌紛紛駛擾漢陽金口一帶並探聞岳州復有賊踪停泊節經諭令台湧由德安督兵進勦兼扼荆襄要隘並據曾國藩奏報於正月杪統帶船礮

水勇馳赴下游迎頭截擊惟賊蹤剽疾尤應防其乘虛分竄所有陝省界連湖北之商雜一帶均須一體設防扼要堵剿桂明現駐潼關著即嚴飭帶兵員弁實力巡防隨時與楚省知照聯絡聲勢互為應援毋任匪蹤闖入並著王慶雲督飭各該地方文武嚴密防守邊境勿稍疏失將此由六百里加緊各諭令知之○又諭據台湧崇綸青麐奏賊船由武昌漢陽上竄金口荆襄情形喫重兵餉兩缺亟待應援等語前經裕瑞派令署總兵雙保總兵福忻統帶官兵二千餘名馳赴湖北巴東利川各要隘分撥防禦現在賊勢猖獗台湧嚴扼北路恐該匪沿江上竄一經滋蔓勦辦愈難著裕瑞飛飭雙保福忻迅即帶兵前進迎頭截擊一面知會台湧應向何路分派援應相機妥辦並著裕瑞派員確探楚境賊情如應添兵接應即著於各路防兵內酌量緩急調撥前往攻勦無得株守一隅致誤事

機仍嚴飭界連楚省各文武隨時嚴密防範無任匪蹤闖入所有軍行器械火藥錢糧並著該督妥籌源源接濟將此由六百里加緊諭令知之○乙酉諭軍機大臣等袁甲三奏皖省逆匪由六安正陽竄至蒙城永城復由永城竄往西北該處路通徐州碭山河南夏邑等縣賊蹤飄忽靡定並聞後路之賊復有分赴亳永之說逆匪由皖省陸續竄擾亳永一帶顯係意圖北竄與直隸逆匪互相勾結

本日已諭令和春福濟撥兵堵剿並諭英桂扼要嚴防矣惟河南兵力甚單不敷勦辦朕權其緩急若俟直隸軍務告竣始行撥兵前往應援恐有貽誤著僧格林沁勝保迅撥馬步精兵一千名揀派得力大員管帶星夜馳赴河南歸德一帶探明賊蹤所向迎頭截擊會同英桂勦辦斷不准令皖匪闖入豫境蔓延為患河南防兵並准此次派往大員酌量調撥惟所派之員必須慎重遴選庶可獨當

一面足資防剿該大臣等現帶各兵已有數萬諒已足數追剿京旗各營兵調赴大營者為數不少勢難再行分撥惟該大臣等追剿逆匪正在喫緊之際儻必須撥兵協剿即著迅速奏明辦理又據桂良奏署都司陳毅協同署獻縣知縣羅錦雯拏獲賊目據同獲之賊指認為逆首林馮翔現已解赴大營著僧格林沁等審明該犯如實係林逆迅即派員妥速解京毋稍疏虞正在寄諭聞據僧格林

沁勝保等奏追剿逆匪屢戰屢勝一摺逆匪亡命狂奔我兵追剿尚屬迅速惟逆匪竄踞阜城縣城並分踞村莊為犄角之勢若不乘此聲威奮力進擊恐該逆復築壘窠壕負隅死守或乘間竄逸又致蔓延為患現在皖楚賊氛已徧豫境較前情形更為緊急是以令該大臣等分兵往援尚恐一千名不敷勦辦若此股賊匪不能剋日殄滅致令大兵為所牽掣遲延貽誤之罪更將何辭張亮基現帶

兵勇馳赴景州以北正可前後夾擊使逆匪腹背受敵自不難迅就埽除也將此由六百里加緊諭令知之○又諭袁甲三奏逆匪由蒙城分竄請飭南北兩路截擊一摺徐廣縉牛鑑所帶兵勇由歸德陳州出境迎勦尚恐未能得力刻下廬州派來之兵如尚未到著即派員迎提飛催來營以資防勦參將劉玉豹所帶山東官兵一千餘名亦可就近調遣確探賊蹤迎頭截擊毋令逆匪勾結為要並著隨時知照和春福濟英桂等以期聲勢聯絡併力勦辦庶可迅埽賊氛皖省兵餉屢經飭部籌撥著與和春福濟商酌通融協濟近日籌餉甚艱仍須加意撙節或體察地方情形應如何設法勸捐籌辦無論銀錢米石皆可濟用該給事中所奏速撥大餉豈尚未悉現在籌撥情形耶將此由六百里加緊諭令知之○又諭桂良奏探聞大兵追勦賊匪情形並拏獲賊目一摺賊匪竄入直境僧格林

沁勝保統兵堵勦桂良及署提督張殿元鎮守省城藉資捍衛現在賊匪由富莊驛南竄阜城僧格林沁等跟蹤追捕後路尤關緊要逆匪聲東擊西是其慣技現雖逃竄東南距省較遠亦難保不分股乘閒又圖他竄該督務當察看情形相機堵禦或自行出省防守或令署提督張殿元帶兵擇要駐劄必須悉心籌畫斷不可株守省城致有貽誤至署都司陳毅等拏獲之賊目均指認為逆首林淵翔著即派員解赴大營毋得稍有疏虞將此由六百里加緊諭令知之○又諭據袁甲三奏逆匪大股陸續由蒙城西北竄往亳州永城又有由永城他竄之說是歸德適當其衝袁甲三跟追至宿未能繞出賊前碭山夏邑一帶處處宜防雖歸德有徐廣縉所帶兵勇牛鑑亦馳赴陳州但兵力尚單恐未足遏其兇鋒英桂前奏暫駐汝郡原為楚北賊氛逼近該撫居中駐劄以為各路應援現在楚省

逆賊雖盤踞漢陽竄擾沿江地面而皖省之賊已入豫境英桂統轄全省自當相度緩急扼要嚴守切不可顧此失彼致有疏虞本日諭令僧格林沁勝保迅撥精兵一千名遴派得力大員管帶剋期前往河南與英桂會同堵剿其河南各路將弁兵勇及柏山所帶官兵均准此次派往大員相機調撥至省城並河北各屬距賊雖遠亦應嚴密設防著即責令藩司鄭敦謹妥為布置英桂務當確探賊

蹤實力堵禦並將近日軍情迅速奏聞將此由六百里加緊諭知英桂並傳諭鄭敦謹知之○又諭前因鳳穎一帶土匪肆擾當經諭令於廬州大營內撥兵一二十名交袁甲三統帶進剿現在河開束城逆匪南竄阜城壘經大兵痛剿餘匪仍恐分竄而皖省逆匪又由永城竄往西北儻南北兩股乘閒勾結勒辦更形棘手且恐與廬州之賊潛通消息前調之兵如已啟程即飛催前進交袁甲三調

遣以期迅殄賊氛昨據該提督等奏賊匪撲營督兵擊退大獲勝仗吉順薩炳阿全玉貴等帶領各路官兵甚屬得力又據向榮奏已飭令秦定三渡江赴皖著即乘此聲威迅速進剿並設法斷賊往來勾結之路隨時確探賊情勿墮奸計將此由六百里加緊諭令知之○參贊大臣僧格林沁等奏報賊竄阜城追剿屢獲勝仗得旨屢次獲勝必能指日殲除僧格林沁勝保等調度有方奮勇追擊深

堪嘉尚現在該逆所占縣城必不可俾令久踞又成員噶看來此賊情勢亦必不久據阜城著趕緊殺盡將首逆三名務期生擒致闕○太常寺卿王履謙奏查署曹河同知鄭勗離署緣由得旨別項事務豈有重於防河者該同知罔知輕重仍著交部議處○命前任江甯將軍托明阿仍幫辦僧格林沁勝保軍務○以富莊驛阜城等處剿賊屢獲勝仗參贊大臣僧格林沁欽差大臣勝保得旨賞賚

賞二等侍衛達崇阿。吉林營總關保。巴圖魯名號。營總昇伸。巴揚阿。參領業普。銓額。富克精阿。花翎。復暫革總兵官經文。岱職。餘升敘有差。予陣亡哲哩木盟梅勒章京珠勒濟胡圖克。祭葬。世職加等。○丙戌諭內閣。前因彭蘊章。基溥奏。直隸遷安縣屬之桑園山。礦苗甚旺。當經派令柏後會同慶錫查看。茲據慶錫奏稱。桑園山礦地。必須勘明地脈。再議開採等語。柏後現赴盛京查辦事件。著俟差竣

進關時。派已革河南巡撫陸應穀前往。隨同柏後等。詳細查勘。○又諭喀爾喀扎薩克親王車林多爾濟。願捐銀一千兩。以備軍需。自係忠悃。出於至誠。甚屬可嘉。惟此項銀兩。該王藉資養贍。著毋庸賞收。以示朕嘉獎蒙古之餘。猶寓矜恤。臣僕之至意。○諭軍機大臣等。駱秉章。鮑起豹。奏稱。探聞逆船在漢口金口。勾引通山等處土匪。擾及崇陽。本月初一日。賊船已到岳州城外。闖入西門。並聞該逆

分水陸兩路由岳州上竄。湘陰各等語。覽奏。曷勝憤懣。賊匪已竄至湘陰。距省甚近。急應派撥將弁兵勇。前往堵剿。省城防守。最為喫緊。曾國藩既已行抵湘潭。著該侍郎迅速統帶礮船練勇。馳赴省垣。會籌進剿。勿稍遲延。前據該撫等奏。岳州為水陸交衝。陸續派撥兵勇一千餘名。交該府賈亨晉及參將烏拉哩統帶駐劄。並咨江西令將南省派往兵勇五千八百餘名。酌量撤回。何以賊至岳州。並無兵勇接仗。遽令賊匪闖入。其出省勦辦土匪之署。參將塔齊布。並江西撤回之兵勇。此時是否均已趕到。著駱秉章即速催調。妥為布置。保衛省垣。鮑起豹。節制全省軍務。現在賊蹤已近。著與該撫酌量緩急。相機迎剿。務須扼要攻擊。不得徒事株守。致誤事機。岳州失守。文武員弁下落。迅即查明奏聞。至荊襄一帶。與湖南接壤地方。是否有另股賊船駛往滋擾。並著隨時確探具奏。將此由六百里

加緊各諭令知之○山東巡撫張亮基奏報截獲賊營頭目得旨○佟鑑奮勇捐軀深堪憫惻謝于澄素得民心效死疆場今既獲逆犯王小湧其為戕官逆犯無疑已經摘心遙祭洵足以快人心著該旗傳知佟鑑家屬俾伊家自行告祭以慰忠魂並著該部亦傳知謝子澄家屬○工部右侍郎載齡奏探賊蹤詭譎現在嚴密巡緝情形得旨京營地面尤為緊要著聯順等嚴飭南營參將李英等實力

稽查認真盤獲此摺著專交聯順等閱看○

丁亥

上詣

壽康宮問

皇貴太妃安○諭內閣前任安徽巡撫江忠源因廬州被陷臨陣捐軀當經降旨追贈總督建立專祠並准其入祀昭忠祠以示優卹復將伊弟江忠濟江忠濬先後分別加恩以知府知州用因念江忠源身經百戰力守危城

厥功甚偉卒以外援不力致命行閒每憶孤忠時深矜惻其靈柩回籍時著福濟和春派委妥員護送出境並著沿途地方文武各官妥為照料用示朕垂念忠藎至意○諭軍機大臣等僧格林沁等奏官兵克復三村大獲勝仗一摺該逆經此次痛剿存城賊黨無多必當乘勝將縣城攻克生擒首逆掃蕩羣醜方為妥善不得因其勢已窮蹙不致北竄遂謂可以無慮僅稍涉鬆懈任該逆窠壕築壘

為負隅之計或又乘閒奔突不但西向武邑南向景州蔓延為患即東濱運河亦防其復行掠船偷渡官兵分投追剿又落後著惟有乘其蟻聚城中一鼓殲擒毋留餘孽况皖境賊匪大股已由蒙城亳州竄入河南永城而徐州蕭縣黃家口地方又有土匪為賊嚮導並有將擾徐州之謠是皖賊北竄情形萬分緊急前諭該大臣等派委大員帶兵一千名前往歸德一帶諒已遵旨趕緊派往然該處

兵力卽有此千名亦恐不敷該大臣等不速將阜城之賊悉數埽除儻永亳等處逆賊分路衝突南北勾結又將何以禦之惟盼北路得勝勁兵前往截擊庶足以遏兇鋒該大臣等豈不知朕日夜焦急渴望捷音猶以藏事尚難剋期為詞若不趕緊殄滅羣醜更將何顏對朕耶德勒克色楞現在何處駐劄何以兩次奏報並未見其帶兵攻勦著遇便覆奏將此由六百里加緊各諭令知之○又諭百

勝等奏皖省逆匪分竄豫省並擾及徐州邊界現籌防勦一摺該匪由賴上蒙城分竄永城並擾夏邑其地由蕭碭分道路徑紛歧距徐州甚近該處僅有大同兵九百名練勇千名兵力甚為單弱該總兵等現飭地方官實力團練自應如此辦理另片奏蕭縣黃家口地方土匪肆行焚掠難保非逆賊勾通令其先為嚮導百勝現駐徐城儻附近之處何路有警卽著統兵趕緊迎擊並飭王夢齡帶領

練勇等策應於各處要隘令地方文武嚴密設防萬不可令匪蹤闖入至東豫交界之處已疊諭張亮基英桂分路嚴防又諭令僧格林沁等迅撥精兵一千名赴歸德一帶協勦該總兵等務當與和春福濟袁甲三等並隨時知照山東河南巡撫聯絡聲勢併力防勦為要將此由六百里加緊傳諭知之○又諭據琦善奏請飭蘇州總局豫備火藥鉛彈接濟艇船一摺水師制勝火器為先現當圍攻瓜州喫緊之際各艇船火藥鉛彈將次用竣設有缺乏必致貽誤事機著怡良許乃鈞迅飭蘇州總局委員將應用一切火器寬為豫備趕緊運赴京口糧臺以便隨時接濟所有焦山水師船隻卽遵前旨統歸琦善節制調遣該署總兵李德麟等儻敢抗不遵調及藉詞遷延不進卽著按軍律懲辦該大臣統領全軍殄茲羣醜務卽迅速攻勦及早克復瓜州勿再遲延貽誤致干重罪將此由六百里

加緊各諭令知之○又諭據桂良奏稱上屆海運江浙兩省僅派文員來津不足以資彈壓○天庾正供關繫至重且天津靜海一帶賊氛甫退一切稽查彈壓均不可稍涉疏虞昨經降旨令怡良等派令狼山鎮總兵泊承陞督帶師船於海運沙船放洋時護送出口惟天津進口時仍須有江浙武職大員會同稽查更為得力著怡良許乃釗黃宗漢於江浙兩省水師內迅速揀派武職大員酌帶兵丁

隨同海運沙船頭起先來天津與所派文員稽查彈壓其沙船駛抵天津以後應行查驗人數收繳器械即責成該員弁等會同各該委員一體查辦至米數清冊並著趕緊飭令局員先期造報務於沙船未到以前咨送到津以憑查覈將此由六百里各諭令知之○欽差大臣琦善奏請撥軍餉得旨揚州與別處同是軍營甘苦不均豈能復責其拌死疆場況琦善營缺餉日久非他營可比著戶部

再為籌畫若仍前指款改撥或復請飭下妥籌俱屬畫餅非濟急之策設使部臣出外視師身歷其艱亦必知非易易也○參贊大臣僧格林沁等奏報進攻阜城賊匪獲勝情形得旨十五日之仗斬獲甚多但縣城未復終恐思竄著趕緊殲除勿留餘孽僧格林沁等必知朕渴盼捷音之速至也○安徽巡撫福濟奏皖省徵收請展限緩辦得旨此時固難趕辦然不可藉此耽延著姑允所請暫緩數

日斷不可俟省城克復也○以陝西潼關營副將常英為山東兗州鎮總兵官○以直隸阜城勦賊獲勝賞總兵官孔廣順副將史榮椿吳燦參將樂善遊擊文魁巴圖魯名號台吉布木濟特總管約遜協領那爾瑚善豐山都司李鴻寶龍汝元守備楊殿林朱起鴻花翎守備額音額等藍翎復侍衛蘊秀職餘升敘有差予陣亡護軍校崇瑞步軍校霍隆武祭葬世職○以勦賊急玩捏報邀功革總兵

官德坤遊擊格洪額職仍戴罪效力○以川黔兵丁滋事革副將清長守備王萬壽職仍戴罪效力○以直隸阜城縣被賊竄陷知縣曾錫齡革職逮問○以安徽六安州被賊竄陷革知州宋培之把總郝顯揚職○予安徽繁昌縣陣亡知縣張廷槐祭葬世職如知府例並建專祠武生張占鼇等賞卹如例○戊子諭軍機大臣等昨據百勝等奏永城之賊已竄及夏邑徐州蕭縣界內亦有賊蹤此時靜海竄出之賊尚在阜城一帶盤踞未能掃除淨盡北路兵力既難驟分廬州大兵又不能兼顧河南歸德等處兵數過單且無大員督辦設有貽誤所關非細桂明現在潼關所帶防兵皆係業經選派毋庸另行挑備約計潼關大慶關等處分隘駐劄官兵不下數千名即著的帶精銳官兵一千五百名剋日啟程星夜馳赴歸德一帶迎頭截剿由潼關至歸德計程不過一千餘里旬日即可趕到萬

不准藉詞夫馬耽延稍有推諉其歸德陳州原設防兵及徐廣縉牛鑑等所帶練勇均歸該提督調遣以資攻剿該逆剽急異常此時竄擾各處均係逼近黃河該提督於奉旨後即日迅速啟程兵貴神速若行走稍遲致令賊蹤闖入河北或沿河而西擾及豫省腹地朕惟該提督是問桂明出省後應需糧餉已飭王慶雲籌款源源接濟但當迅速進兵探賊所向迎頭截擊勿稍遲延貽誤桂明接奉此旨即將啟程日期先行馳奏將此由六百里加緊諭令知之○又諭河南歸德一帶兵力甚單本日已諭令桂明酌帶潼關等處防兵一千五百名剋日啟程前往迎剿其潼關一帶防堵事宜著舒倫保即日馳往接辦該處防兵經桂明帶出之後誠恐不敷布置著於西安滿洲營備調兵內酌帶五百名馳赴潼關並桂明所留官兵一併歸該將軍調遣以資防堵至桂明軍營應需糧餉亟應寬為

籌備著王慶雲先行籌款專委妥員解往該提督軍營應用並著王慶雲設法源源接濟舒倫保出省後西安駐防官兵現無大員統轄一切應辦事宜即著該撫就近照料仍可與舒倫保隨時商辦至商維一帶防堵事宜亦關緊要仍著舒倫保王慶雲督飭分防之督糧道陳景亮確探湖北賊蹤認真嚴防勿稍鬆懈如須添調甘肅官兵移遠就近以備防剿並著與易棠隨時知照妥速籌辦將此

由六百里加緊諭令知之○又諭連日疊諭僧格林沁勝保迅派大員帶兵一千名馳赴河南歸德一帶截剿尚未據該大臣等覆奏逆匪既陷永城復擾夏邑該處情形萬分緊急徐州蕭碭地方復有土匪肆行搶掠為賊嚮導亦須撥兵援應朕思阜城剿辦賊匪正在喫緊之際前諭派兵一千名前赴歸德是否以抽撥軍情緩急難以懸揣該大臣等兩次將竄匪剿洗若能於數日內攻克阜城

殲除逆匪便可移兵乘勝而南此次抽撥之兵即稍緩數日亦尚不遲若再事遷延致豫境與徐州賊匪分股北竄豈能不派兵往剿著僧格林沁勝保統籌全局以現在賊情而論或急須撥兵前往或於剿滅此股後再以重兵分路南下該大臣等接奉此旨迅速商酌具奏朕畀僧格林沁勝保剿賊重任斷不肯令爾等掣肘爾等亦當仰體朕宵旰焦勞之苦衷也將此由六百里加緊諭令知之○

又諭疊據琦善奏陳軍餉告匱情形均經批飭戶部速籌惟撥款轉解需時即使指撥改撥各款如數解到亦僅敷一月之糧此外更無濟急之策因思淮揚淮海淮徐三屬錢糧漕米俱屬維正之供該督撫遠在江南值此賊氛竄擾輾轉催提尚恐鞭長莫及楊以增近在江北即著飭令該管道府督率所屬認真實力催徵隨時運解琦善軍營俾可源源接濟郭沛霖現署兩淮運司駐劄泰州督銷

鹽引所徵鹽課亦可協撥軍糈著楊以增督催趕緊銷運以濟軍需並著琦善就近提取應用事竣覈實報銷此時各路軍餉籌撥甚難惟有先就本地情形設法籌辦以期於事有濟不致遲誤將此由六百里加緊各諭令知之○改鑄福建興泉永道關防從署總督有鳳請也○舉行咸豐三年大計奉天才力不及官二員浙江卓異官十員不謹官四員才力不及官二員年老官三員湖南卓異官

廣東卓異官

卓異官

十員不謹官五員罷輟官二員浮躁官一員才力不及官四員有疾官二員年老官四員山西卓異官六員才力不及官三員有疾官三員年老官一員陝西卓異官七員不謹官二員才力不及官一員有疾官一員年老官三員甘肅卓異官六員不謹官一員年老官二員四川卓異官十四員不謹官三員才力不及官二員有疾官三員年老官七員廣東卓異官十二員不謹官五員罷輟官一員浮

躁官二員才力不及官三員有疾官三員年老官二員廣西卓異官九員不謹官三員才力不及官二員有疾官一員年老官四員雲南卓異官九員不謹官二員罷輟官二員才力不及官二員有疾官二員年老官一員貴州卓異官六員不謹官一員浮躁官一員才力不及官二員有疾官一員年老官一員分別議敘處分如例○己丑遣官祭

關帝廟

諭軍機大臣等前有旨諭令僧格

林沁勝保派員帶兵一千名赴河南歸德一帶截剿昨因阜城勒賊喫緊復諭該大臣等暫緩抽撥酌商迅奏茲據徐州鎮總兵百勝等奏本月十二日先有土匪竄入蕭縣黃家口焚掠次日突有大股逆匪踵至在豐工以下屯踞南北兩岸各村意圖分道直趨徐城現在存營兵勇勢甚單薄軍火錢糧皆儲城內請派兵救援各等語徐州為南北要衝且係糧臺重地斷不可不嚴為防範本日已諭

令琦善撥兵一二千名援應徐州並令袁甲三由宿州馳赴該處扼守尚未知能否分撥赴援且均在徐州以南而北路空虛甚屬可慮著該大臣等仍揀派得力大員帶兵一千名迅速前往協勦並偵探歸德一帶情形酌量何路緊急即帶兵由何路截擊張亮基現在景州一帶崇恩亦隨大營勦賊山東與徐州接壤關繫緊要該大臣即就近與張亮基籌酌辦理毋稍延誤阜城賊匪攻勦情形如何

奏

奏

何甚為懸念該大臣等頓兵日久未能速殄賊氛轉致大兵為所牽掣勢且貽誤大局罪將誰諉耶將此由六百里加緊諭令知之○又諭賊氛逼近徐城該處為南北咽喉且係糧臺重地著琦善迅即抽撥精兵一二千名派委得力將弁管帶馳赴徐州協勦既可保衛糧臺又可遏賊北竄斷不准以無兵可撥藉詞推諉將此由六百里加緊諭令知之○又諭徐州為南北要衝且係糧臺重地萬不

可稍有疏虞著和春福濟再行撥兵二三千名馳赴徐州會勦其派赴臨淮等處兵勇亦可權衡緩急酌量分撥惟統帶兵勇必須勇敢素著之員方資得力前據向榮奏已飭秦定三即日赴廬此時諒已趕到著和春等即飭該提督統帶官兵馳往徐州會同百勝等合力攻勦逆匪由皖省陸續北竄和春等統帶大兵攻勦廬州已在賊後若不將徐州一帶逆匪趕緊肅清不惟賊蹤剽疾北竄可虞

奏

奏

即廬州大營亦有腹背受敵之勢軍情變幻靡常和春等務當統籌全局先其所急不致顧此失彼將此由六百里加緊諭令知之○又諭前據袁甲三奏逆匪有直趨徐州之說本日據百勝王夢齡奏該逆竄入徐州碭山縣境賊勢猖獗兵力實形單弱等語該給事中現駐宿州前諭令和春酌撥精兵一二千名交袁甲三管帶未知曾否趕到著即將現有之兵勇迅速督帶前進與百勝等會合夾

擊力挫賊鋒。遏其北竄。不可株守一隅。致誤事機。將此由六百里加緊諭令知之。○又諭昨有旨諭令桂明帶兵一千五百名馳赴歸德一帶迎剿。茲據王履謙長臻奏逆匪逼近豫省。黃河防守兵勇甚單等語。已諭令恆春於澤潞防兵內抽撥兵一千名馳赴黃河以南迎頭截剿。該提督著即趕緊帶兵由潼關直趨黃河南岸探賊所向扼要進剿。所有山西派往之兵及河南防兵均歸調遣。本日據

實錄卷三十一

五

百勝奏賊由永城夏邑竄入碭山縣境逼近徐州情形萬分喫緊。桂明抵豫後熟籌輕重如歸德一帶情形稍緩著即帶兵馳赴徐州與百勝等會合攻剿。力遏兇鋒尤防賊匪沿河偷渡北竄。萬勿遷延觀望致誤事機。所需軍餉昨已諭王慶雲籌款接濟。本日復諭令英桂設法籌辦矣。將此由六百里加緊諭令知之。○又諭安徽賊匪竄逼徐州豫省兵力尚單仍須鄰省添兵協剿著恆春即於澤潞

實錄卷三十一

至

等處防兵抽撥一千名選派得力將弁管帶迅速馳赴黃河以南探明匪蹤迎頭堵剿並可扼賊偷渡北竄之路。此項官兵即歸桂明節制調遣毋稍延緩致誤事機。將此由六百里加緊諭令知之。○又諭前據駱秉章鮑起豹奏岳州失守賊竄湘陰本日崇綸青麐奏報近日賊情亦有竄往岳州及上擾荊州之說。惟據云驛路梗塞差弁折回實在賊蹤不能確探。台湧自德安馳奏布置各情後日久未見續報殊深懸念。現在賊匪已竄岳州其荆襄一帶是否另有股匪滋擾曾國藩水軍甫抵湘潭不能遽援楚北崇綸青麐又以武昌兵弁不敷調遣為詞。現今江西巡撫陳啟邁備齊船礮赴援或先派精兵一二千名由陸路馳往應援。連日據崇綸等奏漢陽一帶逆匪半係烏合之眾其長髮老賊為數無多據此情形不難剿滅。台湧統轄全省務即督率將弁探賊所向痛加剿洗無得株守德安

致逆氛愈肆猖獗其荊州襄陽各路是否已有賊蹤抑或由何處分竄著迅速查明具奏毋再延緩將此由六百里加緊諭令知之○又諭前因賊船竄擾漢陽金口一帶已諭陳啟邁飭派得力水師員弁管帶礮船駛出九江斷賊往來之路茲據崇綸青麇奏稱該逆以船為巢大江之上任意游行現在湖北兵力甚形單弱不敷剿辦上游下游賊船隨地肆擾勢甚猖獗著陳啟邁仍遵前旨迅即配

實錄卷一百三

五

齊礮船派委得力將弁由南昌九江星速駛赴楚北會同進剿如礮船一時驟難齊備亦必須先撥精兵二千名派員管帶由陸路前往湖北援應仍一面籌畫船礮設法協剿該撫等務當統籌全局不分畛域合力攻剿遏楚北之兇鋒即可保導江之門戶該撫接奉此旨後迅即籌辦不准稍有遷延致誤事機此時陳啟邁如尚未到任即著陸元煥先行遵旨籌辦無稍遲誤將此由六百里加緊諭

知陳啟邁並傳諭陸元煥知之○又諭崇綸青麇奏報近日賊情一摺逆匪盤踞漢郡近又南竄岳州逼近長沙其荆襄上游等處亦甚喫重台湧現授總督自應探賊所向相機進剿勢難遽赴武昌防守省城崇綸職任守土青麇係防堵大員均屬責無旁貸自以力捍危城為要據稱背城一戰恐係因籌防棘手姑為出城之說為他日卸責地步此股賊匪既係烏合之眾長髮賊目無多台湧兵到

實錄卷一百三

五

漢陽不難克復其省垣重地仍責成該撫等竭力防堵若擅離城池致有疏失朕惟崇綸青麇是問至驛站文報仍著隨時設法繞道行走楚北賊勢蔓延犬股已竄過岳州現在荆襄一帶該逆是否分股旁竄並著速行偵探隨時奏聞將此由六百里加緊諭令知之○又諭本日據百勝等奏犬股逆匪屯踞豐工以下之黃河兩岸意圖直趨徐城該處逼近豫東請飭嚴防要隘等語賊匪逼近徐州

即係永城股匪由碭山一帶竄來其歸德等處是否另有賊股竄擾該撫現在如何防剿日久未見奏報實深焦灼昨諭令陝西提督桂明帶兵一千五百名徑赴歸德一帶迎頭截擊本日已飛催前進該提督統兵出省應需糧餉已諭王慶雲籌款接濟一入河南境內一切夫馬糧餉仍著英桂妥速接濟毋令缺乏致誤軍行近日賊蹤竄至何處該撫與總兵相商在何處堵截徐廣縉等如何帶勇

實錄卷百五

五

防剿務當隨時奏報勿稍遲延將此由六百里加緊諭令知之○又諭本日據王履謙長臻奏河防喫重守禦兵單一摺逆匪逼近徐州歸德等處河防更關緊要現已諭令桂明由潼關帶兵一千五百名馳往歸德一帶迎剿復諭恆春迅撥澤潞防兵一千名馳赴河南交桂明調遣惟援兵一時不能遽集王履謙長臻巡防河岸是其專責著即就現有兵勇派撥扼要防守仍須親身往來督飭地方

河工員弁等稽察河口毋使奸細乘閒偷渡並與山東河南互相知照以期聲勢聯絡毋稍疏虞將此由六百里加緊諭令知之○又諭據百勝等奏逆匪屯踞豐工兩岸意圖直趨徐州等語徐州與東省毗連情形甚為喫緊張亮基現駐景州杜賊南竄固為要著而山東與徐州交界地方尤不可不嚴為防範著該撫酌度情形緩急或自行統兵折回南路扼要堵截留崇恩駐劄景州或令崇恩帶

實錄卷百五

五

兵前往徐州交界遏賊竄擾之路務當悉心籌畫毋誤事機將此由六百里加緊諭令張亮基並傳諭崇恩知之○又諭百勝王夢齡奏逆匪竄逼徐州竭力堵禦一摺覽奏曷勝焦急徐州逼近黃河為南北要衝且係糧臺重地萬不可稍有疏虞百勝等現在南北兩岸劄營扼堵惟城中軍火錢糧關繫緊要此時該處兵力甚單儻勢難兼顧或暫將糧臺移至後路該總兵等務當體察情形一面扼

賊北竄之路一面捍衛城池保守糧臺毋得顧此失彼斷不准任令賊匪闖入以塞南北咽喉並著將現在防勦賊匪情形隨時奏報毋稍遲誤將此由六百里加緊傳諭知之

實錄卷五十五

五十六

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百二十一

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百二十二

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百二十二

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百二十二

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百二十二

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百二十二

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百二十二

教條

咸豐四年甲寅二月庚寅

上詣

雍和宮行禮

火神廟

關帝廟拈香○以湖南官軍勦辦江西土匪出力賞參將塔齊布知縣楊恩綏花翎餘升敘有差○辛卯諭軍機大臣等前因賊竄永城諭令僧格林沁派兵馳往歸德一帶截擊昨因徐州蕭碭等屬已有賊蹤即城喫緊復諭該大臣等酌量緩急或徑赴徐州或馳往

歸德○扼賊北竄○本日該大臣等奏已派善祿帶兵二千五百名○前赴劉家口○尚係籌辦歸德一路而張亮基奏報復稱逆賊已由豐工二壩渡河有直撲濟甯之信○是山東情形尤為緊急○兗州一帶平原曠野○無險可扼○儻勦辦稍遲○必至與徐州歸德之賊聯為一氣○沿河一帶勢若燎原○大局幾不可問○已另有寄諭飭令善祿會同張亮基星馳前赴山東南路迎勦○僧格林沁等所派之兵○即著飭令星夜啟程○毋庸俟慶祺來營致滋延誤○阜城之賊雖經痛勦○尚未見實在窮蹙○顯係牽掣我師○以待南賊來援○該大臣等目覩南路賊情如此猖獗○猶不趕緊進攻○先斷根株○奏報摺內尚稱儻能擒渠埽穴○再行督師南下○如急切未能得手○再圖兩全○兼顧之策○事勢至此○猶復游移無準○僅以憂憤為詞○於事何濟○所有阜城勦賊事宜○即著責成僧格林沁專辦○務將該逆設法誘出○盡數殲滅○不准再請展

緩時日○勝保即與僧格林沁商酌督帶馬步精兵進駐德州一帶○為善祿等後路策應○該處為水陸咽喉○既可杜南來之賊○並可遏阜城賊匪南竄之路○與僧格林沁軍營聲勢聯絡○勝保接奉此旨○即將如何分兵○何日啟程○迅速馳奏○此係因汝等勦賊遲延○以致南賊北犯○不能不分兵兩路為兼顧之計○並非令勝保擁兵德州○遙為善祿等聲援○儻前路緊急○即須馳往竭力堵勦○若令南北賊匪勾結○惟勝保是問○沿途所需軍餉○即於山東省無論何款內酌提應用○所請敕部籌撥現銀之處○已諭戶部速籌接濟○其截存內帑一項○除陸續撥解順天糧臺外○現尚存銀一萬兩○亦諭知戶部○即日改解勝保糧臺矣○至阜城之賊○尚有塔兒頭紅葉莊二處盤踞○為犄角之勢○必須剋日攻勦○埽除淨盡○斷不准再延時日○致干重罪○經文岱本日謝恩○經朕批令隨同勝保前來○今勝保前赴德州○軍情緊急○著

毋庸來京。陛見經文岱亦即飭令毋庸前來。將此由六百里加緊諭令知之。又諭張亮基奏逆賊渡河山東危急一摺。張亮基親督練勇二千名。即日馳赴南路迎擊。著善祿即將僧格林沁勝保由大營派撥之精兵二千五百名。剋日統領啟程。與張亮基會合前進。務即探明賊蹤所向。何路緊急。即向何路迎頭堵剿。嚴扼北竄。斷不可任令此股逆匪與阜城之賊聯絡勾結。致勒辦更難得手。至濟

南省城及南路金鄉魚臺一帶。並附近豐北各偏僻要隘。著善祿張亮基嚴飭各該地方文武員弁一體嚴密籌防。毋稍疏失。將此由六百里加緊各諭令知之。又諭前因皖境賊匪竄入河南永城夏邑英桂並無奏報到京。降旨詢問。本日始據英桂奏勒辦光固擒匪獲勝。並調兵飭援歸德一摺。又片奏患病情形等語。英桂久任外省。司道大員於地方形勢何處緊要鄰省賊氛何處切近。本應早

事籌防。况簡任巡撫兼管提督全省軍務。皆其專責。乃株守汝甯。於探報楚省賊蹤既未詳確。徒以堵禦六安逆匪為辭。竟不知永夏兩縣業被竄擾。旬日所報光固勒辦擒匪獲勝。現有柏山在彼搜捕。辦理防堵該撫何以不移營疾向歸陳一帶迅速迎剿。賊匪已入境內。尚未探明。直是形同聾瞶。所患肝疾並非急證。儘可隨營調養。前既未據陳奏。現當事勢喫緊之時。豈得以精神委頓自占地步。

前令桂明帶兵一千五百名馳赴歸德。昨又諭恆春撥兵一千名赴豫。交桂明調遣。著英桂檄飭各屬豫備夫馬糧餉。俾桂明一路軍需不致缺乏。可期星速進行。並著飛咨恆春提催澤潞官兵趕緊來援。仍通籌河南全省大局。何處防兵可以移緩就急。即調至歸德陳州一帶節節接應。一面嚴飭省城文武大員填密防守。以固根本。現在湖北賊船已由金口上竄岳州。直趨湘陰。其荆襄上游未據

報有賊蹤。仍當飭令柏山隨時確探。盡力防範。近日該撫奏事遲緩。甚至各路軍營及他省督撫。報到數日。而英桂於本省軍情。與賊勢猖獗。尚未探明詳奏。豈空言寢食俱廢。便能了事耶。桂明未到之前。徐廣縉能否堵禦。所派赴援官兵七百名。是否足資勦辦。現在如何籌畫布置。即著詳細速奏。儻稍事遷延。致賊匪更竄他處。惟英桂是問。將此由六百里加緊諭令知之。○又諭。現在和春帶兵攻

勦廬州賊匪。所有大營需餉。萬分緊急。徐州一帶。現有賊匪竄擾。道路不無梗塞。各省解皖軍餉。若仍由徐州糧臺解廬。恐有疏虞。著黃宗漢、陳啟邁、恆春、王慶雲於各該省應解皖餉。遴委妥員。迅速徑解廬州一帶。和春軍營務須探明路徑。及賊匪蹤跡。務令委員妥慎護解。並知照沿途經過地方。派撥兵役一體小心護送。毋誤要需。將此由六百里加緊各諭令知之。○又諭。和春、福濟奏軍餉緊要。

請飭各省委員徑解廬州軍營一摺。前以皖省軍情緊急。於福濟奏報內批令數日即發一報。以慰朕念。並令傳諭和春知悉。茲閱和春、福濟所發奏報。於廬州賊情及現在如何攻勦之處。並未提及一字。實屬不知輕重。所請將各省奉撥軍餉。徑解廬州。已諭令山東、山西、陝西、浙江、江西各省照議辦理。該提督等即分投迎提。以資接濟。前曾諭令和春酌撥精兵一二千名。交袁甲三管帶。復以賊匪屯踞豐工南北兩岸。徐州危急。諭令該提督等即派秦定三帶兵前往會勦。著即嚴飭所派官兵。星馳前進。毋誤事機。至廬州賊情。及該提督等如何設法圍勦。並著迅速奏聞。另片奏請將知縣程鈺、劉瀛階革職之處。前因袁甲三叅奏。已明降諭旨。將該員等革職查辦矣。仍著和春、福濟查明各該員如有逃避情事。即遵前旨以軍法從事。將此由六百里加緊諭令知之。○戶部奏議發四川省空名

監照請飭將飯銀照費併解以資辦公得旨
飯銀照費皆是無要之款現在各省辦理捐
監雖剔盡弊端尚恐不能盡除乃初有成效
即冀專濟部費是導外省吏胥滋擾也況軍
營餉需尚且不敷爾部何關緊要如是之撥
羅也祁窩藻等均著傳旨嚴飭辦臬司員著
查明記過一次○參贊大臣僧格林沁等奏
阜城逆匪死守不出情形得旨覽奏焦急實
深數日來滿望可接捷書何以令該逆又成

死守之勢挑挖長濠固為扼吭之善策第此
時賊之不出非盡窮蹙實故意老我師以待
彼之南援彼時腹背受敵或兼顧不暇皆在
意中無異於將斃之虎又添雙翼也著僧格
林沁等設法誘出盡行殲滅萬不可再任竄
逸○鑲白旗蒙古副都統烏爾棍泰奏拏獲
形跡可疑之尚克明等請交巡防處審辦得
旨尚克明等均著交巡防處嚴訊嗣後尋常
可疑人犯著送至載齡處轉解若要緊頭目

著直解巡防處統不必奏以歸畫一若實有
至緊至要機密之事仍著封奏亦不必差專
人可由驛馳遞○以直隸勦匪出力賞副都
統郭什訥花翎驍騎校多隆阿以佐領升用
○命協辦大學士吏部尚書賈楨兵部左侍
郎常志署鑲紅旗滿洲副都統基溥刑部左
侍郎李鈞敬修

天壇
地壇

先農壇工程○壬辰春分朝

日於東郊遣惠親王綿愉恭代行禮

上詣

壽康宮問

皇貴太妃安○江南河道總督楊以增奏逆匪
逼近徐州急籌防勦情形得旨汝在清江何
無探報專待該鎮道具稟到汝始行具奏朕
已早知數日矣現在逆匪業已渡黃汝竟毫
無知覺形同聾瞶即使續有報來已是遲了

又奏團練民勇勸捐木石情形批各處團練原為守禦本處若必使有一團即籌一團之費是虛糜帑項擲之無用之地此等團練斷不准豫籌經費如有捐輸較多者奏明破格請獎將捐項徑解琦善大營○癸巳

上詣

永安寺拈香○諭內閣前因奕興奏盛京刑部主事明祿稟請代奏各情並書元叅奏明祿乖僻妄為各一摺當派柏葰會同善燾秉

公研訊茲據柏葰等訊明定擬具奏此案已革主事明祿所稟各情雖查係事出有因惟於書元修理公寓指為私宅殊屬謬妄且於遞稟時因書元向其詰問輒敢負氣走出實屬乖僻任性此等挾制刁風必應重懲僅予革職不足蔽辜明祿著發往軍臺效力贖罪主事煥德勸令明祿撤稟筆帖式清奎收存稟詞延未呈出均有不合煥德清奎均著交部議處書元借項充公雖查無抑勒情事惟

於屬員稟請代奏牽涉堂司各官並不據稟直陳顯係意存迴護書元著交部議處○又諭柏葰善燾奏審明已革協領佐領派兵自護私宅並將軍奕興奏辯各情一摺此案已革協領塔芬布因聞兵丁妄報輒調集兵勇已屬輕舉妄動又撥兵在家守護復任聽伊子恩合派令練勇衛護私宅實屬假公濟私膽大專擅塔芬布著即發往新疆效力贖罪已革佐領恩合擅派練勇衛護私宅亦屬任性妄為著即發往軍臺效力贖罪盛京將軍奕興於屬員擅調兵勇各情並不據實奏叅迨經書元叅劾後又復不候查辦負氣陳奏嘵嘵瀆辯實屬有心徇庇前已有旨將奕興交宗人府議處外並著革去盛京將軍以示懲儆○又諭柏葰善燾奏查明書元前奏將軍衙門設立獄局等語盛京旗民命盜案件乾隆年間屢次奏定章程均歸刑部辦理自應循照舊章恪遵勿替將軍衙門審辦案件

自有專司。何得添設獄局。致滋流弊。嗣後命盜重案。及應擬軍流徒罪各犯。俱仍照例歸刑部審辦。其例應會同將軍審辦者。亦著由刑部主稿。將軍衙門不准另立獄局。添設刑具。即寄監監提各犯。亦著備文咨送刑部。以昭慎重。而專責成。○諭軍機大臣等。僧格林沁勝保等奏。據張亮基咨稱。兗濟一帶喫緊。該撫馳回邀截。請撥兵扼守德州。該大臣等復派魁福督帶馬隊五百名。為善祿後路應

援。並選備馬隊二千名。如東豫情形。十分喫重。勝保即分督官兵。親往迎勦各等語。此時阜城賊匪。尚未埽除淨盡。而南賊復行北犯。事勢至此。急宜迅籌勦辦。斷不能稍寬時日。再事游移。勝保著仍遵前旨。即日帶兵進駐德州一帶。相機迎勦。不准稍有遷延。魁福所帶吉林馬隊五百名。即飭令歸善祿軍營。併力迎擊。副將卹聯恩。移劄景州。務須嚴飭扼守。遏賊南奔。阜城附近村莊。據稱地方狹小。

較易合圍。現已完濠樹柵。杜賊竄路。著僧格林沁激勵將士。設法進攻。務期及早克復。縣城盡殲醜類。為移兵南下之舉。庶免顧此失彼。以圖全局。○諭軍機大臣等。僧格林沁是問。至勝保善祿魁福。均已督兵馳往前路。勦賊德勒克色楞。又患瘡疾。此時阜城賊匪。急須殄滅。僧格林沁統領全軍。責無旁貸。務當督飭各路帶兵大員。加意嚴防。若復蹈前轍。致令賊匪乘間竄逸。又滋他

患。該大臣豈能當此重罪耶。將此由六百里加緊諭令知之。○參贊大臣僧格林沁等奏。陳統籌防勦事宜。得旨。前日寄諭。與汝等統籌之策相符。已有旨飭令勝保。即日移駐德州。相機前進。軍興以來。我軍處處遲緩。勝保豈不知耶。○以恭親王奕訢為鑲紅旗蒙古都統。鑲藍旗滿洲副都統。聯順著鑲白旗漢軍都統。○調黑龍江將軍英隆為盛京將軍。以鑲紅旗蒙古都統奕格為黑龍江將軍。

甲午遣官祭賢良祠○諭內閣百勝王夢齡奏豐工下游包家樓一帶現有土匪假充逆賊紮筏渡河該鎮等未能杜其偷竄均屬罪有應得除准徐道王夢齡前經革職暫留本任外徐州鎮總兵百勝著即革職仍留本任與王夢齡督帶兵勇迅將股匪勦捕淨盡毋再疏虞致干重罪江南河道總督楊以增未能先事籌防並著交部議處○又諭曾國藩奏已故巡撫之孫捐輸軍餉請將伊祖入祀

鄉賢祠一摺所奏荒謬之至原任湖北巡撫楊健道光年間因隨聲附和年力就衰奉旨降為三品頂帶休致其非德望素優已可概見嗣因該地方官題請入祀鄉賢經部議奏駁奉

旨允准茲據曾國藩奏稱楊健之孫候選員外郎楊江捐輸軍餉銀二萬兩率請將楊健從祀鄉賢祠實屬袒護同鄉以私廢公顯背聖旨可惡已極各省題請鄉賢例由督撫學政

覈其事實具題曾國藩以在籍侍郎輒敢專擅入奏並請特旨允准毋庸交部是必欲朕俯如所請跡近要求朕知該侍郎斷不敢故意違

旨總因見解未充遇事拘泥復過於好名所致甚至飾詞巧辯有名宦以吏治為衡鄉賢以輿論為斷之語竟似從祀鄉賢不必問其平日居官何若所奏更不成話曾國藩著交部議處其楊江所捐銀兩應得獎敘之處仍著

該部覈議具奏○諭軍機大臣等袁甲三奏賊到豐工下游之包家樓紮筏渡河賊蹤飄忽萬難追及即時折回宿州嚴堵南路續來竄匪並稱此股逆匪分為三起接連而行意在接應河間之賊各等語現在徐州雖保無虞糧臺重地必應嚴為防範百勝等所帶兵勇為數無多深恐難資堵禦前有旨令袁甲三趕緊赴援移緩就急以遏賊匪北竄豈不知權其輕重以顧大局轉以徐州鎮道兵勇

足數勦辦為詞。希圖卸責。又以賊已渡河。追勦不及。藉口折回。僕僕在道。總未見賊。豈不知愧恨耶。袁甲三自到皖省以來。疊次勦辦土匪。尚屬出力。及至大股逆匪蜂擁北犯。踰踰趨避。朕倚任該給事中。不為不專宜。如何竭盡心力。以副委任。乃止知株守宿州。總未與賊接仗。朕實不解。況河間竄匪勢雖窮蹙。而惟欲死守待援。既據奸細供稱南北之賊意在援救河間。萬一乘虛奔突。不惟句結堪虞。

轉致分我兵力。該給事中如趕緊跟追。相距亦止兩日。安見竟不能及。且既稱南路稟報尚無續竄之賊。何以徑行折回。置北來之賊於不顧。本日已諭令百勝等嚴守徐州。能否布置得宜。朕心實深懸繫。該給事中現既折回。若再令北來更屬緩不濟急。著即督飭兵勇盡力之所能。為杜截南路竄匪。不准稍有疏虞。儻再貽誤事機。自問當得何罪。將此由六百里加緊諭令知之。○又諭本日據百

勝王夢齡奏逆匪大股竄擾。及會籌追勦各情形。現在賊匪已由黃家口包家樓一帶。圻屋紮筏。竄渡黃河。而盤獲奸細。並有直撲徐城。由荆山橋北竄之意。袁甲三追賊不及。已折回宿州。該總兵等疏防於前。若再不實力堵截。自問當得何罪。前據楊以增奏百勝等所帶兵勇及調募河兵練勇。並招致民勇等項。約計尚有數千。著即於口岸緊要處所。分布扼守。毋得再令逆匪續行偷渡。至山東南

路情形喫重。已有旨派善祿帶兵與張亮基馳往探賊所向。迎頭截擊。復命勝保督帶重兵前往策應。百勝等務當先就現有兵勇。力保郡城。嚴防竄越。若因黃河斷流無險可扼。任令大股賊匪陸續竄渡。朕必將該總兵等從重治罪。決不寬貸。將此由六百里加緊傳諭知之。○又諭朕聞盛京錦縣一帶時有匪徒劫奪情事。如牛莊稅銀被劫。綠兒山回民戴秉權張丙等盜犯。及金寶昌租銀被搶。原

任知州沈逢恩之子銀兩被劫各案均未緝獲要犯以致往來之人無不持械自衛捕務廢弛深堪痛恨盛京為根本重地理宜一律肅清豈容奸徒涸跡使行旅俱有戒心現在被劫之案層見疊出盜匪肆行無忌若不亟加整飭何以弭奸暴而安善良承志現署盛京將軍著即會同恆毓文蔚嚴飭各屬將各案盜犯悉數緝獲按律懲辦仍諄飭旗民各界一體嚴密偵緝總期有犯必懲毋得推諉貽誤如該管文武各員仍前怠玩不知振作即著從嚴叅處毋稍姑容將此諭令知之○以內閣學士文清為禮部右侍郎仍兼署工部左侍郎通政使司通政使崇實為內閣學士兼禮部侍郎銜○以盛京副都統承志暫署盛京將軍○以禮部右侍郎青譽為湖北巡撫命丁憂湖北巡撫崇綸協辦防勤事宜○命翰林院侍講學士馮譽驥提督湖北學政○予廣東陣亡千總涂得照外委嚴振綸

錢高科葉崇升祭葬世職○乙未孝昭仁皇后忌辰遣官祭景陵上詣壽康宮問皇貴太妃安○內閣欽奉諭旨貴人那拉氏晉封為懿嬪江南河道總督楊以增奏陳徐州危急堵禦情形得旨若欲專待汝奏報則事事遲誤現在竟不知逆匪已渡黃河惟問汝是河督抑是清江知縣豈有無一探報僅據稟轉奏營兵家丁有可靠者皆可使令偵探軍情重賞之下必得壯士若靳茲小費是直自貽咎也○河南布政使鄭敦謹奏籌防省城及河北要隘情形並請飭合力嚴防賊匪北竄得旨河北之防殊不足恃著再為妥速籌之緊急軍情或用六百里或添加緊若無甚緊

要亦可用五百里。汝此次奏報用四百里加緊殊覺罕見。又批所見尚是業經派勝保迎勦黃逆匪。汝在省城何無一探報。設若有警必致著者落後。丙申諭內閣散秩大臣公崇錫奏請派大臣率同宗室人員前往山陝勸捐一摺。各省捐輸事宜前已疊降諭旨令該督撫率屬妥辦並令在籍紳士人等協同辦理以期稍充軍餉不致擾累閭閻。茲據崇錫奏稱文舉人宗室豫璋候補筆帖式宗

室豫津熟悉山陝情形請欽派大臣率同伊等前往勸諭捐輸事屬窒礙難行且無此政體崇錫遽行瀆請殊屬冒昧惟念其因公起見姑免置議所奏著不准行。諭軍機大臣等前經勝保派員前赴山西勸諭捐輸藉助軍餉現在捐款已集有數萬一時未能繳齊惟軍營需餉緊急若待此項捐款收齊必致貽誤要需即著恆春於該省司道各庫無論何款先行籌墊銀十萬兩即日遴委委員星

速解赴直隸交勝保軍營以濟急需一俟捐款稍有成數即行撥還歸款至應解京餉甚關緊要並著迅籌起解毋稍遷延不准以部撥外省為數甚鉅遂置京餉於不顧藉口稽遲諒該撫不能當此重咎也將此由六百里諭令知之。又諭僧格林沁勝保等奏查探東豫賊情請暫緩分兵南下一摺如該大臣等所奏果係確情則現在善祿帶兵南下自已足數勦辦勝保暫緩分兵亦係通籌全局

之計惟此股南來之匪究係土匪逆匪仍未可定且即係土匪亦難保無勾結逆黨先為嚮導情事朕所以命勝保進駐德州者原因阜城之賊日久未滅慮其與南賊勾連勦辦更形費手是以斟酌再三為此南北兼籌之策該大臣等身在行間既有此奏自必確有把握原可不必拘泥前旨致誤事機如果東豫之賊實係皖賊大股業經朕先事豫籌而該大臣等以大意誤事朕亦不能曲宥至所

稱先將此股逆匪殄除。再以大兵全力南注。自可迎刃而解。究竟此股逆匪何時可以殄滅。大兵何時可以南下。朕日夜焦灼。迫不能待。該大臣等徒事遷延。不即剋日殲除。坐令南北大局。為此垂斃之賊所牽掣。豈不更墮逆賊奸計。善祿已馳赴荏平。諒已探明南賊確情。惟距大營稍遠。若事事由該大臣等轉奏。不免耽延。著傳知該將軍。凡一切進剿機宜。及逆匪情形。均准其一面馳奏。一面知照。

該大臣等以期迅速。至武邑防兵。據該大臣等奏。請移赴大名。頃據桂良奏報。則稱武邑未可撤防。馬隊仍須撥回。並另派副將達年。赴大名設防。著該大臣等酌度緩急。毋致疏失。將此由六百里加緊諭令知之。予直隸阜城陣亡六品頂帶勇目朱昌齡。祭葬世職。如千總例。○丁酉。諭軍機大臣等。昨據僧格林沁。勝保等奏。令張殿元帶兵前赴大名。並據桂良奏。武邑喫重。未可撤防。另派副將達

年。馳往堵禦。朕詳加披閱。武邑逼近阜城。防堵固屬緊要。但統籌全局。權衡輕重。兼顧南北。自以大名為扼要之地。現在皖賊由碭山偷渡黃河。擾及單縣。雖有善祿等馳往迎剿。似可遏其北竄之路。儻該逆沿河西竄。從東明開州等處。乘虛窺伺。則大名係入直門戶。亟應添撥重兵駐守。以資堵禦。張殿元原帶官兵。並僧格林沁等調換之通永宣化步隊各兵。著桂良飛飭該署提督。迅往大名扼截。

至阜城逆匪困守一隅。我軍四面兜圍。當可指日殲除。然亦難保不因被勒情急突圍逃竄。桂良職任封圻。責無可貸。務當統籌大局。督飭文武員弁。兵勇勤加偵探。實力防剿。不得稍有疏失。軍情變幻靡常。難以臆定。該督仍當與僧格林沁。勝保善祿等隨時知照。酌量緩急。妥為布置。不得稍涉大意。致誤事機。將此由六百里加緊諭令知之。○又諭前因歸德喫重。諭令恆春將澤潞防兵抽撥一千。

名。赴黃河以南。歸桂明調遣。現在阜城竄匪。尚未殄滅。淨盡而南來之賊。如由單縣沿河西竄。則曹州濮州。即與直隸大名接壤。本日已諭令桂良。即令署提督張殿元。帶兵赴大名。一路扼要駐守。尚恐兵力單弱。永城夏邑等處。關係土匪乘機竄擾。較之單縣一帶。情形稍緩。所有前次諭令。抽撥之澤潞防兵一千名。著直赴大名。歸張殿元統帶。以資防剿。將此由六百里加緊諭令知之。○又諭昨據

桂良奏。武邑未可撤防。另派副將達年。赴大名防剿。已諭令僧格林沁等。酌度辦理。直隸東明開州。均與東境毗連。本日已諭令桂良。飭署提督張殿元。馳往大名。扼要嚴防。其武邑一帶。距阜城甚近。仍著該大臣等。實力堵禦。毋令逆匪乘間竄逸。以目前情形而論。阜城現為賊踞。武邑自未便撤防。若統籌全局。則南來賊衆。已至單縣。是大名一帶。尤不可不早為布置。總之阜城逆匪。急當剋期剿滅。

萬不可緩。若再事遷延。致令垂斃之賊。牽掣我師。而南來賊匪。闖入直境。該大臣等。貽誤之罪。豈能稍寬耶。將此由六百里加緊諭令知之。○又諭琦善奏。稱艇船大藥鉛丸。現已用盡。不能上駛。京口糧臺。暨蘇局兩處。輾轉延挨。迄今尚未運到。並據葉常春等稟請。由附近軍營撥解。該大臣營中所存無多。未能分撥各等語。現在瓜州勒賊。正當喫緊之時。而水師艇船大藥鉛丸。未能應手。何以為水

陸夾攻之計。貽誤大局。關係匪輕。著怡良。許乃鈞。仍遵前旨。飛飭蘇州總局委員。將應用大藥鉛丸。趕緊運赴京口糧臺。以濟急需。若再藉詞推諉。朕必將該督撫等。從重治罪。至上海叢爾孤城。許乃鈞帶兵圍攻數月。始以誤聽議撫。墮賊詭計。既又以夷人持械攔阻。藉口遷延。似此任意玩誤。何日方能蕆事。糜帑失機。罪將誰諉。怡良近在蘇州。亦不能上緊督催。致縣城日久未復。亦難辭咎。著該督

撫督飭水陸將弁。即日克復上海。將逆匪悉數殲除。毋得再有延誤。致干重罪。將此由六百里加緊諭令知之。○又諭。前因逆賊由黃家口。包家樓竄渡黃河。並有直撲徐州。由荆山橋北竄之意。當經諭令百勝。王夢齡。於口岸緊要處所。分布扼守。想已遵照辦理矣。昨據僧格林沁。勝保奏稱。賊由碭山渡河。現踞單縣。善祿已督兵馳赴荏平。探明迎剿。是渡河賊匪已竄至單縣。其屯聚包家樓之賊。現

又竄往何處。是否尚在該處占踞。近日有無賊匪續行偷渡。百勝等作何布置。連日未接奏報。實深懸繫。前此袁甲三奏報該逆自十六日至十八日。由包家樓紮筏渡河。現在黃家口。包家樓兩處。仍有土匪占踞。且據奏賊匪係分三起陸續北竄。其盤踞河岸之土匪。既將前股賊衆導送渡河。安知續來逆匪又不藉為嚮導。著百勝等即就現在所帶兵勇。一面保守郡城。一面竭力堵剿。將此股盤踞

賊匪。剿滅淨盡。不得專以保護郡城為詞。任令南來賊匪陸續偷渡。致滋蔓延。至南路軍情。仍著隨時奏報。毋稍延緩。將此由六百里加緊傳諭知之。○又諭。前有旨令桂明帶兵馳赴河南。相機剿賊。並諭恆春。將澤潞防兵酌撥一千名。交桂明管帶。昨據僧格林沁等奏。賊自碭山渡河。有現據單縣村鎮之說。善祿。張亮基。此時已帶兵馳往剿辦。但恐該匪由曹單西竄。直隸大名等處。甚覺空虛。本日已諭令桂良。飭令張殿元帶兵馳赴該處防剿。並諭恆春。將前調山西防兵。派赴大名一帶。併交張殿元管帶矣。桂明仍遵前旨。督帶官兵。星速徑赴河南歸德一帶。探明賊蹤。何路緊急。即由何路迎剿。毋得遲延。致誤事機。將此由六百里加緊諭令知之。○欽差大臣琦善。奏陳軍營並帶兵官實在情形。得旨。所論陳金綬。誠為公當。鞠殿華在二年夏間。推升山西參將。引見時朕見其漢仗好。箭射有

準持旨仍留直隸。不料該員能如是出力。雖有逃兵。亦難吹毛求疵。直隸總督桂良奏陳軍需緊要。請飭部另行籌撥。得旨。著戶部迅速變通籌畫。本年上半年上忙儘可先供軍需。雖各營需餉。尤應以征兵為重。以本省之錢糧作為本省之軍需。其餘亦可續籌。惟開徵以前。作何接濟。尤須趕緊豫籌。桂良身任直督。責無旁貸。豈能專待別省協撥。改鑄湖南澧州知州印信。從巡撫駱秉章請也。戊戌。

諭軍機大臣等。張亮基奏稱賊匪渡河後。攻陷豐縣。竄近單縣。經該營縣等督率兵勇兩次截擊。獲勝。該匪復於二十一日竄入金鄉縣城。該撫現由山路徑赴濟甯。善祿由湖路東昌一帶馳赴曹州迎勦。各等語。現在阜城之賊尚未殄滅。淨盡勦辦正在喫緊。勝保已暫緩分兵前赴德州。僧格林沁等先飭魁福統帶馬隊五百名直赴山東。刻下賊匪已竄至金鄉。善祿自應督兵迎探賊蹤所向。扼要

截擊。萬不可墮奸匪聲東擊西之計。致落賊後。張亮基亦當探賊所至。迎頭截勦。與善祿兩路夾攻。方可得手。若因已派善祿帶兵進勦。該撫即紆道遷延。意存觀望。貽誤之罪。更將誰諉。其附近要隘。若有須分兵扼堵之處。或令魁福帶兵前往。著善祿張亮基酌量布置。總須併力兜勦。萬不可令賊匪北竄。與阜城之賊勾結。再致蔓延。臬司厲恩官帶兵駐劄宿遷。此時賊竄山東。徐州亦尚有賊匪踴

至。或飭令該臬司就近赴援徐州。或折回山東防勦。著張亮基酌度情形。相機調度。並著嚴飭地方文武員弁一體嚴密防範。毋得再有疏虞。將此由六百里加緊各諭令知之。又諭。百勝等奏賊匪於二十日全竄東省。而竄回永城之賊距徐甚近。該處存城兵勇僅止千餘。兵力尚形單弱。著和春福濟即飭令奉定三迅速統帶官兵馳往徐州相機進勦。毋稍延誤。其所調貴州官兵一千名已諭令

向榮迅速派撥。惟此項兵丁到皖需時。尚恐緩不濟急。現在黃河南北情形緊急。無論何項官兵。皆可交秦定三帶領。星速赴徐州一帶。勦辦逆匪。並遏南來之賊。與潁亳永城等處聲勢亦可聯絡。斷不准任令賊匪再行偷渡河北。致滋蔓延。所請山西陝西協解廬州軍餉銀各八萬兩一節。此時京餉及各處軍營餉銀。均賴山陝兩省接濟。廬州每月需銀十七萬餘兩。為數甚鉅。豈能全數取給於山

陝。本日已諭恆春王慶雲酌量撥解。仍著和春等設法籌辦。並嚴覈兵勇確數。力加撙節。不可稍有浮濫。皖省應徵錢糧及淮北鹽課。仍當實力督催。以期有裨。要需不得專待他省協撥。致有貽誤。將此由六百里加緊諭令知之。○又諭和春前派參將吉連等帶陝甘官兵一千名。參將劉玉豹帶山東官兵一千二百名。統歸袁甲三調遣。此時該給事中折回宿州。而徐州情形更為緊要。徐州為南北

要衝。既已疏防於前。致賊偷渡。若再不力遏南來賊匪。任令陸續北竄。該給事所謂籌畫全局者。安在現已有旨。派秦定三前赴徐州一帶會勦。吉連劉玉豹所帶之兵。皆係勁旅。著袁甲三即將所調各兵。交秦定三星速馳赴徐州。會同百勝等合力堵勦。毋稍延誤。厲恩官帶兵一千餘名。駐劄宿遷。亦可就近飭令前往。將此由六百里加緊諭令知之。○又諭台灣奏分派官兵三路勦賊。大獲勝仗。

克復黃陂縣城。現籌速勦孝感一帶股匪。進攻漢陽等語。前據崇綸等奏漢陽逆匪半係烏合。長髮老賊為數無多。自不難剋日掃除。若稍事遷延。致賊勢鴟張。更難殲滅。該督節制兩省。務當統籌全局。乘此聲威。督率官兵將孝感一帶賊匪迅速殲除。一面督兵收復漢陽。保衛武昌。一面與駱秉章曾國藩迅籌勦辦。務將岳州湘陰等處逆匪次第殄除。毋得株守德安。僅派弁兵撥捕零匪。致誤大局。

荆襄一帶。是否有賊上竄。仍須督飭文武員弁實力防守。本日據英桂奏。四川銅斤。前經戶部奏明。由湖北轉運陸路至河南運京。現在尚未行抵豫境等語。京局需銅甚急。著台湧速飭所屬查明該運員等銅船現抵何處。催令星速運至江北陸路由河南轉運。萬不可稍有延誤。將此由六百里加緊諭令知之。

○又諭。據和春福濟奏。統帶各路兵勇共二萬四千餘名。每月鹽菜口糧馬乾等項需銀

十七萬兩。請由山陝按月各協解銀八萬兩等語。現在廬州情形緊急。兵勇需餉甚殷。揚州軍營停兵待餉。更甚於安徽。尤應急行籌畫。惟現在部庫告匱。京餉尤關緊要。山陝兩省捐輸銀兩。及地丁鹽務各款。必須迅速解京。源源接濟。而琦善和春等兩營軍餉亦斷難置之不顧。著該撫等通盤籌畫。每月協濟兩處軍餉若干萬兩。迅即奏明。由該省徑解揚州廬州兩處糧臺。勿稍遲緩。前經戶部奏

由山西鹽商捐款內撥解琦善營十五萬兩和春營五萬兩。並著恆春迅速派委委員解往。無誤要需。將此由六百里加緊各諭令知之。

○又諭。前有旨令向榮速飭秦定三酌帶貴州官兵赴廬會剿。本日據和春等奏。秦定三由江南到營。並未帶兵。若另撥官兵。派令管帶。恐兵將隔膜。難期得力。請將秦定三原帶兵丁仍飭迅速赴廬等語。秦定三驍勇素著。若無得力之兵。歸其調遣。又將憑何勦辦。

況現在賊由蒙亳永城夏邑竄至徐州。已諭和春飭令秦定三帶兵赴徐勦賊。皖省待兵甚急。著向榮仍遵前旨。迅將秦定三原帶之貴州鎮遠等營官兵一千名。飭令星馳前赴廬州軍營。毋稍遲延。至金陵現在籌辦攻剿情形。日久未據奏報。該大臣坐擁重兵。耽延時日。既不能迅速克復。又不肯撥兵協勦。移緩就急。坐視賊匪蔓延。是誠何心。向榮於接奉此旨後。迅速撥兵赴援。仍著設法攻克金

陵以贖前愆。若徒以兵分將少為詞。遷延觀望。罪將誰諉。將此由六百里加緊諭令知之。○又諭前有旨。令琦善撥兵一二千名赴徐州。協勦尚未據該大臣奏報。如何派兵赴援。本日百勝等奏。請飭帶兵大員。撥兵赴徐。勦辦等語。現在大股賊匪。由豐工下游渡河。已入東境。其未及渡河之賊。經官兵擊回。仍竄永城。該處距徐甚近。百勝等所帶兵勇。尚形單弱。若該逆復行北竄。深恐不敷堵禦。著該

中書

書

大臣仍遵前旨。迅即抽撥精兵一二千名。派委得力將弁。即日管帶啟程。馳赴徐州。協同百勝等妥籌勦辦。毋稍遲緩。致誤事機。將此由六百里加緊諭令知之。○又諭本日據百勝等奏。分兵防勦各情。並請飭附近統兵大員。撥兵應援等語。逆蹤飄忽無定。此次由包家樓蔡家莊等處。紮筏竄渡。雖經都司崇順督同兵壯練勇等殲斃多名。餘匪回竄永城。惟永邑距徐甚近。所獲奸細。業經訊供有二

中書

書

十二軍。分起北竄。救援阜城之賊。並沿途均有土匪為之嚮導。則徐州水陸各路。皆須加意設防。百勝等現已派顏培高帶領臧紆青所留練勇。前往永城。其河岸口門以下。務當實力堵禦。據稱存城兵勇。僅一千餘名。請撥兵來徐會勦。奏定三現抵廬州。本日已諭令和春福濟。迅催該提督帶兵援徐。並諭琦善袁甲三等。飛速撥兵會勦。百勝等務當就現有兵勇。併力堵禦。不得株守郡城。專待援兵。任令南來之賊。紛紛偷渡。再致貽誤。山東臬司厲恩官。現在宿遷防堵。是否該處亦有賊匪。何以並未帶兵接應。徐郡且賊已由豐縣闖入山東境內。該臬司何以尚株守一隅。不為分兵兼顧之計。著即查明具奏。至所稱豐縣賊匪。全竄東省一節。現據張亮基奏。金鄉已被賊陷。此時善祿等大兵趕到。當能遏其北竄。百勝等既疏防於前。若再不能力遏竄匪。致令陸續偷渡。必當從重治罪。決不寬貸。

將此由六百里加緊傳諭知之。○蠲緩河南祥符陳留鄭商邱睢河內濟源鞏杞中牟滎陽甯陵溫安陽湯陰臨漳內黃十七州縣被擾村莊上年額賦有差。○己亥諭內閣御史吉勒通阿奏請查禁出局銅斤一摺。向來銅斤出局例禁綦嚴。乃據該御史所見裝載銅斤約計數萬斤。查係戶部寶泉局煎鍊拉運出城等語。當此銅斤短絀之際。尤應認真查察。以杜弊端。況煎鍊銅斤向在局內設鑪。何

實錄卷一百一十二

三六

以此次裝運出城。顯有情弊。著兼管戶部錢法堂侍郎確查具奏。並著戶工二部兼管錢法堂侍郎隨時稽察。嚴行申禁。以防偷漏。而重鼓鑄。○諭軍機大臣等。前據僧格林沁等奏通籌勦辦情形。當經降旨。准令勝保暫緩進駐德州。原因該大臣等奏稱。先將此股逆匪殄除。再以大兵全力南注。該大臣等自必胸有成算。不致徒託空言。但該逆竄擾畿疆。已踰五月。屢陷城邑。久抗王師。該大臣等雖

迭次斬擒多匪。每云賊勢窮蹙。何以占距阜城。後復任令堅匿死拒。又將兩旬。以厚集之兵。乘得勝之勢。叢爾小邑。豈難攻克。即謂必須計取。又豈數日來尚未籌及。坐俟城闕。及塔兒頭等村賊糧食盡。後聽其仍前紛竄。耶南路賊蹤。渡河後攻陷豐縣。逼近單縣。復於二十一日竄入金鄉。逆蹤逾張日趨而北。善祿張亮基分帶兵勇迎擊。而賊情詭譎。設由歧途捷徑。飄忽疾走。與阜城之賊一經勾結。

實錄卷一百一十二

三七

彼時該大臣等再議。前截後勦。辦理更形掣肘。不趁此時殄茲窮寇。一味遷延玩誤。實不解是何意見。朕信任僧格林沁。勝保所請無不允行。不能藉口於朝命之遙制。即僧格林沁勝保二人平日辦事性情各有所偏。早在朕鑒之中。屢加策勵。亟望其同心合力。迅奏膚功。若各挾己見。兩不相下。以私廢公。坐致貽誤。絕不念朕心之焦切。民生之疾苦。稍有天良。不應如此時事。至今萬難再寬期限。著

僧格林沁勝保即將此股賊匪埽除或可不加罪譴訥庫尼素光刀神雀刀之賜非為該大臣等飾寵示威似此因循日久糜餉老師律以軍法夫復何辭儻以歷奉嚴旨視為具文不即奮迅圖功是該大臣等無福承受朕恩朕亦不復再諭矣懍之將此由六百里加緊諭令知之又諭恆春奏變通借徵辦法等語現在上忙新賦業已開徵所有借徵騰黃著准其暫緩張貼仍嚴飭各該州縣將本年應徵上忙地丁銀兩實力催徵不准絲毫帶欠其下忙錢糧亦著設法勸諭提前徵解不必拘泥一二分之數總以盡力催解為要至上年下忙錢糧據另摺所奏除蠲緩外實欠銀數尚有三十四萬五千餘兩山西地方輸納向稱踴躍何至民欠如此之多總由地方官催徵不力起解不前所致著該撫嚴飭各該州縣務將上年欠數及本年應徵之項埽數徵完報解儻有徵收不力及徵存未解

實錄卷一百三十二

三六

情弊即著嚴行叅辦以儆惰徵而濟要需至鹽務捐免充商銀兩據稱有三百餘萬現僅據該撫報解銀十五萬兩京餉需用甚急斷難久待著即嚴飭總局委員催令各該商等趕緊依限完繳隨時起解毋任延宕此外各屬捐輸軍餉銀兩現在解司者已有若干恐各州縣擅將捐輸之款侵挪抵用不肯如數解司著該撫飭令署藩司沈兆澐嚴查各屬催令迅速報解儻有侵挪情弊並著據實嚴叅將此由四百里諭令知之○命已革太僕寺少卿徐繼畬督辦山西澤潞遼州防堵事宜

實錄卷一百三十二

三九

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百二十二

實錄卷一百二十二

四十

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百二十三

監修總纂官日講起居注官太子太保工部尚書總纂官文淵閣領事翰林院掌院學士徐宗幹太子太保工部尚書總纂官

太學士管理戶部三庫事務管理刑部事務加十三級紀錄十六次周祖培總纂官太子少保管理內務府事務管理內務府事務

大學士管理戶部三庫事務管理刑部事務加十三級紀錄十六次周祖培總纂官太子少保管理內務府事務管理內務府事務

總纂滿洲都統戶部尚書管理三庫事務加四級隨帶加五級紀錄十六次實鑒總纂官監修總纂官監修總纂官監修總纂官

達爾扎雅總纂官監修總纂官監修總纂官監修總纂官監修總纂官監修總纂官監修總纂官監修總纂官監修總纂官

敕修

咸豐四年甲寅三月庚子朔諭內閣載銓等

實錄卷一百二十三

奏遵查輪應進朝之王公均未進內朝集一
摺常朝坐班典禮攸關豈容曠誤克勤郡王
慶惠貝子載鈞鎮國公奕湘奕櫛輔國公續
銘於二月三十日輪應朝集之期並未進內
均著交宗人府議處此後左右翼王公及八
旗各部院等衙門輪應常朝坐班之文武堂
屬各員均著恪遵定例按期進內朝集如有
曠誤不到者著宗人府及各部院等衙門堂
官並糾儀查班之御史指名叅奏○諭軍機

大臣等。本日據張亮基奏。逆匪於二十四日攻陷鉅野。二十五日攻陷鄆城。該撫擬由間道趨赴東平。設法繞出賊前。迎頭截擊等語。賊蹤飄忽。已極。據各路奏報。皆稱該逆意在救援阜城之賊。該大臣等前此所奏。多係疑詞。數日以來。又無續報。豈此等緊急情形。竟未能探得一二耶。善祿由東昌一路進兵。究竟已抵何處。張亮基由東平一路進兵。亦未知能否即與賊遇。直隸山東交界處所。路徑紛歧。賊蹤處處皆可闖入。而我兵來往奔馳。每苦不能相及。我兵稍延一日。賊即深入一步。每一念及。焦灼難名。此時張殿元曾否前往大名。前所調山西澤潞官兵。趕到尚需時日。惟有先儘現帶之兵。星夜前進。隨探隨剿。以遏賊鋒。張殿元所帶之兵。不敷勦辦。且多未經行陣。仍須於該大臣等營中。派撥馬步精兵。並派得力將弁。統帶前往勦辦。方能得手。亦不得專事防堵大名。致成株守。至阜城

之賊。負隅死拒。一聞南賊將來。必更急圖竄逸。該大臣等既不肯分兵南下。又不能立將此股殲除。徒事遷延。是何意見。朕昨降諭旨。甚明。本無可再行申諭。特以東省賊情。該大臣等竟茫無知覺。不得不詳晰宣示。儻僧格林沁。勝保。仍前大意。不即速籌勦辦。致令南賊乘虛北竄。復有勾結蔓延情事。朕必將該大臣等身家性命相抵。別無他諭也。布置情形。著即飛速馳奏。張亮基摺片。均著鈔給閱看。將此由六百里加緊諭令知之。○又諭。張亮基奏賊匪攻陷鉅野。並續陷鄆城各摺片。覽奏憤懣之至。該撫與善祿分路迎剿逆匪。既欲由鄆城竄撲范縣。壽張東平。是該撫馳赴東平。正可迎頭截擊。惟稱善祿約可行抵曹州。是該將軍轉在賊後。逆匪不由鄆城西奔濮州。乃折而東北。欲由范縣壽張奔竄。或係探知善祿由湖路南來。為此巧避之計。該將軍於中途曾否得信。趕緊由曹州折回東

北繞出賊前。與張亮基兩路夾擊。該省山路湖路。閒道紛歧。若無確實探報。偵知賊蹤所向。及至官軍趕到。而該逆早已剽掠而去。輾轉馳逐。貽誤更多。西界直隸大名各屬。已屢飭桂良。派張殿元帶兵防堵。並由山西調兵前來協防。惟該逆意在接應阜城。則范縣壽張一帶。既須嚴行截阻。且東昌臨清為商賈雲集。士民富饒之區。尤不可為賊所覬覦。致令闖入。至運河東路汶上東平各縣下則近

接濟甯。上可東趨省會。該逆如經官兵攔截。或肆意衝突。亦須豫籌堵禦。究竟此起賊匪。共有幾股。是否接連而行。抑係分路抄掠。急須探明情形。方不至誤向他途。致兵與賊不得一遇。現在能否將該逆截勦。該撫與該將軍如何聯絡聲勢。賊匪究向何處。著善祿張亮基迅籌合力邀擊。仍隨時馳奏。並知照僧格林沁勝保桂良一體派兵截擊。毋任北竄。將此由六百里加緊各諭令知之。○又諭前

以大名防堵緊要。諭令桂良飛調張殿元原帶官兵及僧格林沁等調換之通永宣化步隊各兵歸該署提督統帶。馳往扼守。原以賊勢剽疾。一經乘虛西竄。該處為由東入直門戶。不可不先事籌防。茲據張亮基奏稱逆賊自竄踞金鄉以後。分股向西北竄逸。鉅野鄆城二縣復於二十四五兩日先後失守。現在善祿行近曹屬。張亮基亦可行抵濟甯分東西兩路進兵攻擊。惟逆黨捨命狂奔。飄忽已

極。若由范縣濮州一帶乘閒分竄。或南向東明西趨開州路徑紛歧。大名一帶尤關緊要。著桂良即遵前旨嚴飭署提督張殿元督兵前往扼截。並前派赴協防之副將達年亦著飛飭帶兵前進。隨時探明賊情。相機迎勦。毋得株守一隅。致誤事機。至直隸與山東毗連各要隘。無論南北兩路。仍著桂良勤加偵探。飭令各該文武嚴密堵禦。勿令匪蹤闖入。並與僧格林沁勝保互相知照。以期緩急可恃。

軍情緊急。桂良職任封疆。務當統籌全局。妥速布置。萬勿稍有疏失。將此由六百里加緊諭令知之。○又諭本日據張亮基奏。賊匪連陷鉅野鄆城。欲從范縣濮州等處潛入直境。且稱永城之賊。尚欲續行渡黃。該河督雖距徐州稍遠。而黃河兩岸。是其專轄。百勝等防堵徐州。為日已久。一切布置。尤應早為豫備。前此疏於防範。朕不加嚴譴。已屬格外從寬。儻仍不知奮勉。致令逆匪再有偷渡。自問當得何罪。此時軍務。總應以勦為防。固不可空城而出。亦豈有株守郡垣之理。現在李湘棻所帶官兵五百名。曾否趕到。顏培高所帶練勇七百名。是否足恃。並前命琦善撥兵來援。何日趕到。均著趕緊妥籌布置。不得因有泰定三帶兵赴援。遂以勦賊之事。專諉之該提督也。楊以增所奏。蔣壩等處。水陸似皆有備。而豐工口岸。並未提及。豈百勝等如何布置。該河督竟未與聞耶。著即將籌辦情形。迅速

馳奏。百勝等仍就現帶兵勇。嚴扼河岸。實力防勦。若再令永城逆匪。陸續渡黃。朕必將百勝等從重治罪。即楊以增亦不能辭重罪也。將此由六百里加緊諭知。楊以增並傳諭百勝主夢齡知之。○又諭本日據青麇奏。省城因援兵不至。實難保守。並歷陳他處保全城池。總賴外援接應等語。現在皖省及東豫情形。均極喫緊。即有可調之兵。各處亦俱須援應。豈能專顧湖北。即漢陽黃州等處逆匪紛擾。亦當次第殲除。豈能專顧武昌省城。青麇疊次奏報。不但毫無籌畫。且於別處情形。總未知悉。偵探亦不能確實。是以所奏軍情。於現在時勢。總皆隔膜。至所稱意見所及。權不能行。尤屬藉詞推諉。與崇綸同在一城。每次皆單銜具奏。並不會銜。是青麇先已自存意見。青麇現已投為湖北巡撫。統轄全省。尚得謂事權不屬乎。噉噉瀆辯。於事何濟。此時惟有盡心籌畫。竭力防守。台湧已克復黃陂。進

攻漢陽。當可與省城聲勢聯絡。至曾國藩所帶船礮。現因賊由岳州上竄。近逼長沙。該侍郎初抵長沙省城。已與賊遇。不能剋期下駛。著青麐崇綸。就現有兵勇。於城內外審度機宜。妥籌布置。與台湧隨時知照。盡心堵禦。毋徒坐待援兵。諉過他人也。將此由六百里加緊諭知青麐。並諭崇綸知之。○陝西巡撫王慶雲奏。試行官票。籌議分成搭放。並兼用大錢制錢。以期流通。於經費亦稍可搏節。下部

議。尋奏。遵查該撫所稱司庫全年收支款項。以二成官票搭放。搭收官兵俸餉草乾等項。搭放錢票二成。文職廉俸雜支各款。搭放錢票三成。其餘成數。仍給現銀等語。應如所奏辦理。至錢票官票。赴局取錢。均以大錢制錢各半開發一節。恐所鑄錢文。不敷支給。應仍由該撫飭同藩司。妥為籌辦。從之。○辛丑。

上詣

壽康宮問

皇貴太妃安。○遣官祭

歷代帝王廟。○諭內閣吏部奏。遵議曾國藩處分一摺。前因曾國藩請將休致巡撫楊健從祀鄉賢祠。係道光年間奉

旨不准之案。該侍郎袒護同鄉。專擅入奏。降旨交部議處。茲據吏部奏請革職實屬咎所應得。惟念該侍郎現在督帶礮船。勦辦賊匪。連獲勝仗。尚知奮勉。曾國藩著加恩改為降二級調用。仍著督帶兵勇。迅殄賊氛。毋稍延緩。

○又諭戶部錢法堂奏。遵查銅斤拉運出城一摺。據稱此項銅斤。係各廠鑪頭呈交廠內。歷年存積鐵砂低銅。發商試鍊。該商係在城外。因將銅斤拉運出城等語。向來煎鍊銅斤。均係在局設鑪。不准出局。此次銅斤拉運出城。雖據查明實無情弊。究與向例不符。著該侍郎等。仍飭該監督等。遵照舊章。在局煎鍊。不准拉運出城。並著隨時稽查。毋任偷漏滋弊。○諭軍機大臣等。僧格林沁勝保奏請飭

固安涿州防兵一律進駐河間獻縣一帶等語。逆匪竄入張秋鎮。善祿即日帶兵迎擊。此時尚未遇賊接仗。如果賊勢披猖。勝保自應移兵進剿。阜城迤北。兵力尚形單弱。仍應添兵協剿。惟固安等處防兵。均係保衛京師。亦難全數調往。儻必須勝保前往。亦不過酌帶精兵數千。何至撤兵萬餘。目下情形。總當迅將阜城逆匪全數殄除。則南來之賊。聞風膽落。萬不可以賊匪堅守為詞。再延時日。軍情變幻靡常。該大臣等一面督飭將弁迅克賊巢。一面確探南路情形。相機籌辦。務當凜遵疊次諭旨。勿得觀望遷延。自干重罪。將此由六百里加緊諭令知之。○又諭據僧格林沁勝保奏請撥防兵進駐獻縣等語。據稱賊陷鄆城於二十七日竄入張秋鎮。現派總兵桂齡帶官兵一千名。台祿帶吉林馬隊二百五十名。駐劄德州。以為善祿後路聲援。如賊勢猖獗。勝保即督馬隊前往迎剿。惟阜城之賊。

經大兵四面兜圍。無隙可乘。勢必拚死抗拒。兵力既分。難免顧此失彼。不能不先事豫防。添撥重兵。以資勦辦。著載齡即派雙禧穆輅將原帶防兵各一千名。迅速管帶馳往河間獻縣一帶。聽候僧格林沁等調遣。毋稍遲誤。現在阜城之賊。尚未殄滅。徐州渡黃逆匪。已擾及山東境內。直隸大名等處。防堵均關緊要。雙禧穆輅現令帶兵前赴河間。近畿一帶尤當加意嚴防。是否應須分撥布置之處。即著載齡酌量情形。妥速籌辦。並飭各路帶兵大員嚴密防範。勤加偵探。毋得稍有疏虞。將此由六百里諭令知之。○又諭前據恆春奏請於山西省簡練精兵。以節經費。當派恭親王奕訢裕誠徐澤醇會同該部議奏。嗣據該王大臣等覆覈具奏。行令恆春悉心體察。可以裁汰兵丁若干。節省餉銀若干。詳查覆奏。尚未據該撫奏到。本日據御史蔣達奏請仿照古法。每州縣三十戶。出丁一名。出丁之家。

免其徭役。每戶出制錢一千。以為一丁終歲口糧。無事則仍歸耕鑿。有事則共赴疆場。將來各省有名無實之兵弁。皆可由此漸次酌減。於國計亦有裨益。此等練勇。止可於附近調用。各等語。軍興以來。地方被賊蹂躪。已及數省。調兵籌餉。徒事紛繁。各直省大吏。誠能豫籌練兵之法。保衛地方。何至糜餉老師。毫無實濟。該御史所稱足兵省費。不為無見。且該撫前奏。亦有查明汎地之衝。簡酌留兵丁

名數。餘俱裁汰。自係為覈實起見。現在山西如何籌辦。著即詳議章程。迅速奏聞。該御史所請。著一併悉心詳議具奏。務期兵歸實用。餉不虛糜。方為妥善。原摺片均著鈔給閱看。將此由四百里諭令知之。尋奏。各省地方情形不同。若悉令按戶出丁出錢。轉恐近於抑勒。應請飭令各地方官。詳察本地情形。實心籌辦。使富者出貲。貧者出力。庶可收眾志成城之效。下王大臣會同兵部議行。○又諭齊

承彥奏。沙船抵津。請變通辦理一摺。向來海運抵津。船泊牐口。逼近天津郡城。上年有沙船滋事之案。現在賊匪未靖。擬援照商船抵津成案。改泊葛沽。以便防範。沙船由海抵津。水手眾多。難保無匪徒潛跡。現當嚴防奸宄之時。尤應密加稽察。著李鈞全慶。於到津時。會同文謙。所有一切稽查彈壓事宜。均著妥籌辦理。原摺著鈔給閱看。將此諭令知之。○又諭齊承彥奏。海運米船停泊牐口。逼近天

津郡城。或有奸匪潛跡。擬援商船例。改泊葛沽。自為慎重起見。現在海運新漕。計已放洋。南省逆氛未靖。所募水手。難保無奸匪冒充。其應灣泊地方。及兵勇駐劄之處。並剝運事宜。皆應豫為籌畫。勿致臨事周章。著桂良悉心妥籌。並傳諭文謙。就近體察情形。酌派兵勇實力巡查。勿令滋事。原摺著鈔給閱看。將此由四百里諭知桂良。並傳諭文謙知之。○又諭盛燠等奏。請旨酌撥官兵赴晉一摺。賊

匪前竄河南永城一帶。山西與豫省壤地毗連。自應及早籌防。既據恆春咨令盛堽等。派兵赴省。所有綏遠城前經備調之官兵一千名。即准恆春調撥。至綏遠歸化各城地方。仍著盛堽等隨時稽察彈壓。毋稍疏虞。將此由六百里各諭令知之。○參贊大臣僧格林沁。欽差大臣勝保奏。連日進攻賊巢。驟難得手。現用大礮轟擊。設法攻取。得旨。豈能再寬時日。若不趕緊殲除。汝二人厥罪維均。若即日

藏功。則皆膺爵賞。即或勝保移營後方能竣事。該大臣轉戰數省。朕豈忍泯其功績。又奏。該逆密布鹿角樹柵。層層增設。批。若果窮蹙。能如是乎。又奏。我兵冒死拉砍樹柵。及至拉開一層。傷亡已十餘人。未經拉開者。尚有七八層。又批。該逆樹柵多至七八層。使該逆踞阜城。即行速剿。何至又成負隅。又奏。此外鋪氈墊板。靡計不施。竟難撲入。又批。豈無別計可施。又奏。晝夜轟擊。俾賊不能安身。乘間

誘令出巢。以便痛加勦洗。又批。即使出巢。該逆豈肯專待圍剿。致斃。併力衝突。北犯無虞。必直竄東省。與南賊句合。更滋蔓難圖也。○湖南巡撫駱秉章奏。逆匪上竄岳州。擬俟南省勦辦事竣。即撥兵援鄂。得旨。楚南之賊。明係分竄。現在湖北尚有多賊。曾國藩礮船。原為肅清江面。第此時道路不通。暫可留在湖南勦辦。亦不能專待事竣。緩緩北上。俟楚南辦有頭緒。仍應速赴湖北。為是。曾國藩素明

大義。諒不敢專顧桑梓。置全局於不問。北重於南。皖鄂重於楚南。此不易之局也。又奏。飭委貴州候補道胡林翼。在楚南勦賊。批。胡林翼著暫留湖南。俟岳州府收復後。即行飭令速赴湖北。或至武昌。或至台湧軍營。○兩江總督怡良等奏。請飭前任江南河道總督潘錫恩。安徽學政孫銘恩。辦理甯國等屬防勦事宜。允之。○以殲斃直隸阜城逆首吉文元。賞甲兵金陞。伊勒喜。六品翎頂。○以湖南岳

州府甯鄉縣兩城被賊竄陷革參將烏拉理署知縣馬丕慶職均逮問予陣亡訓導儲玖躬祭葬世職○以勦辦福建艇匪出力賞同知張啟煊藍翎餘升敘有差○予福建陣亡通判董正官祭葬世職○予安徽陣亡知縣唐治祭葬世職○壬寅諭內閣裕瑞奏叅知縣被劾稟計藩司一摺四川前任梁山縣知縣臧翰因該省舉行計典經該督裕瑞督同藩司楊培署臬司清安泰察看該員精力就

衰難期盡職彙案題叅該員於被叅後輒敢撫拾空言列款稟計藩司實屬懷私報復逞刁挾制臧翰著即行革職以示懲儆○又諭裕瑞奏請將擅離營伍投效軍營之世職註銷保舉一摺四川綏甯協屬世襲雲騎尉王家冀前在該副將衙門稟請前赴廣西軍營差遣不候轉稟該管總兵批示即行啟程迨軍營得有保舉又復告病回營實屬謬妄王家冀前經降旨以本班儘先補用之處著即

撤銷由營責懲軍營投效人員原期有裨實用若本無技能鑽營保薦以為進身之階實為近來惡習前經疊次申諭軍營嚴行甄覈恐濫竽充數者仍復不少著各路統兵大臣查明現在軍營效力文武員弁除奉旨發往及該大臣等奏明帶往外如有自行投效於軍務不能得力者即著嚴行裁汰不准稍事瞻徇致多冒濫將此通諭知之○諭軍機大臣等善祿奏二十七日馳抵東昌探聞賊眾

三四十人被脅難民無數占踞張秋鎮該處為三岔總路且橫跨運河中有橋梁分頭進剿既難防其分竄又恐直撲東昌該將軍現在南關外劄營嚴兵以待二十九日該逆又竄入陽穀縣城等語此股逆匪意在救援阜城賊眾奸謀詭譎聲東擊西現既與賊相遇著即趕緊督兵進剿並知會張亮基星速前進為兩路夾攻之舉正可乘其喘息未定激勵弁兵一股殲除毋得專事堵禦致失事機若

攻勦稍遲該逆非負隅死守即乘間紛竄勦辦更難得手昨據僧格林沁勝保等奏已派總兵桂齡帶西甯固原河州官兵一千名台祿帶吉林馬隊二百五十名馳赴德州以為該將軍後路聲援本日復諭令該大臣等酌量派兵策應著善祿即催提此項續派官兵應於何處分撥遏賊竄路務當以勦為防萬勿遷延貽誤張亮基所帶之勇改赴東平計日已早到營該逆利在狂奔臨清大名各路均關緊要此股逆匪即責成善祿張亮基合力進攻儻有疏虞致令乘隙竄擾朕惟善祿張亮基是問將此由六百里加緊各諭令知之○又諭善祿奏探明賊蹤迎頭堵剿一摺該將軍馳抵東昌探聞賊匪數千竄入陽穀縣城聲言仍撲東昌善祿現在南關外劄營已咨勝保添兵截剿此股逆匪勢甚剽疾意在接應阜城之賊必須乘賊蹤未定一鼓殲除勿令句結為患著僧格林沁勝保即酌量

添派精兵馳赴善祿軍營毋稍遲誤其直隸大名一帶仍嚴飭張殿元實力巡防妥為布置該大臣等務當統籌全局權衡輕重斷不准任令匪蹤闖入直境更滋蔓延將此由六百里加緊諭令知之○又諭有人奏叅山西徐溝縣知縣賈聯芳聲名狼藉屢藉捐輸為名按戶勒幫有威偪縣民劉青萬等餽銀之事上年因賊擾懷慶深夜送眷出城以致民心慌亂該縣之甥騫錫齡庫吏喬樹德等現在縣署表裏為奸把持公事戶吏孟吉經該府因控案責革該縣仍不斥退似此貪劣之員種種荒謬亟應嚴叅懲辦著恆春按照所叅各款逐一嚴行查究據實叅辦以儆官邪毋得稍有迴護原摺著鈔給閱看將此諭令知之○癸卯諭內閣裕誠等奏北新倉開放正藍旗滿洲甲米不堪食用請派員查辦一摺此項米石既據戶部將廩座開單聲明俱係上年新收並無年分較多之米何以遽致

徽變顯有攙雜情弊。著派綿森會同倉場侍郎迅速查明。據實具奏。又諭孫銘恩奏懇恩開缺。回籍省親一摺。上年以賊竄池州等處。諭令安徽學政孫銘恩傳諭各屬紳民認真團練。曾據將籌議情形覆奏。昨復明降諭旨。令該學政督同潘錫恩辦理防剿。原以皖省賊氛肆擾。該學政於考試事宜未能按期舉行。正可專心督辦防剿。茲據奏稱伊父年老多病。請開缺回籍省親。並未聲明伊父年

歲若干。亦未奏請假期。並云臣自履任以來。深以規避為恥。意圖欺飾。豈知欲蓋彌彰。該學政值國事之艱。則視如秦越。朕斷不深究。若該學政之父病非沉重。孫銘恩尚有面目見天下士乎。若必留伊在皖。於事無益。孫銘恩著准其開缺。回籍省親。俟銷假時。以三四品京堂降補。○諭軍機大臣等。平安峪吉壤本係陸應穀等選擇。前年朕親往履看。復令裕誠等前往覆勘。其時陸應穀在河南巡撫

任內。未及隨同前往。現派柏復慶錫帶同陸應穀查勘遷安縣桑園山銀礦。著俟勘明後。柏復即督同陸應穀前往平安峪覆加相度。詳細履勘。前年所定標識處所。高下丈尺。是否合宜。並山向水法。一切形勢。繪圖貼說。由柏復具奏。將此諭令知之。○工部右侍郎戴齡奏。分派各員。擇要防堵。並請飭長蘆鹽政文謙籌防天津。得旨。東路防堵。即由汝處行知。文謙等遵辦。○命國子監司業沈祖懋提

督安徽學政。○以都察院左副御史李蕙為兵部右侍郎。○命江西九江鎮總兵官佛隆來京引見。以浙江湖州協副將居隆阿為江西九江鎮總兵官。○甲辰。諭軍機大臣等。前曾疊降諭旨。以直隸大名一帶空虛。飭令僧格林沁。勝保。統籌布置。並令桂良。嚴飭張殿元。督兵前往扼截。兼令副將達年。帶兵迎剿。屢次寄諭。並謂不得專事防堵。大名致成株守。原以張殿元未經與賊接仗。恐不能深

悉賊情。所帶各兵尤恐不能得力。既經諭令桂良嚴密防堵。仍責成該大臣等酌撥馬步精兵前往勦辦。該大臣等自應遵照諭旨通籌大局。斷不准東境賊蹤闖入直隸。致與阜城賊匪會合。乃本日據勝保馳奏。賊由陽穀竄過莘縣。攻陷冠縣。竟於初一日竄至清河縣屬之小灘地方屯聚。並有由館陶清水莊竄至距臨清二十五里之李官莊各稟報覽。奏曷勝憤懣。善祿前奏已抵東昌南關。而賊由西路繞出其後。張亮基在東平尚隔運河。均恐為該逆避實擊虛。奸計所誤。勝保帶兵星速前進。所見尚是崇恩防守臨清。未悉兵力如何。著勝保於馳抵故城後。迅即迎至清河。盡力截勦。萬不可令北與阜城之匪聯絡。仍飛飭善祿趕緊設法繞赴館陶冠縣西北各路面面兜圍。俾不得遁入大名界內。與威縣等處並隨時與僧格林沁知會。如須添調馬隊。即由該大臣咨商妥辦。總期兼籌統計。

不可顧此失彼。此股賊匪自皖豫北來。眾至數萬。亡命赴援。其兇悍殊堪髮指。若不迅將阜城賊匪掃除。萬一突圍而出。與南賊合併。勢更不可收拾。僧格林沁督兵一萬數千名。足資圍勦。著即迅圖攻克。不得再事遷延。坐俟南賊之至。其武邑衡水棗強各處尚有勝保大軍在南。如阜城附近各村賊匪南竄。尚可回兵夾擊。其阜城東北各路如何設防。該大臣有無把握。雙禧穆輅所帶官兵二千名。曾否趕到。添撥何處防守。均著迅速馳奏。並著該大臣等隨事隨時得有探報。飛咨桂良載齡一體嚴防。將此由六百里加緊各諭令知之。又諭前經疊降諭旨。令各省大吏嚴飭地方官實力舉行團練。藉以協助官兵之不逮。如果認真辦理。著有成效。何至逆賊經過地方所向披靡。如入無人之境。若直隸省之天津饒陽武清等縣。練勇甚為整齊。即山東單縣嘉祥兩縣民勇亦甚得力。賊蹤均無

由關入。是即認真團練之明驗。現在阜城餘賊尚未殲滅淨盡。而南來之匪復竄及鉅野鄆城。陽穀各縣。已偏直境。即紛紛檄調官兵。亦恐緩不濟急。著桂良張亮基仍遵前旨。嚴飭所屬。凡未經被賊各府州縣。一體勸諭紳民趕緊辦理聯莊。既可協助兵力。即以自衛身家。惟在該地方官妥籌辦理。儻有不肖官吏。陽奉陰違。均著隨時從嚴參辦。至直隸大名一帶情形緊要。本日復諭令僧格林沁等。

酌派得力將弁添兵前往。協同張殿元加意嚴防。張亮基向東平一路迎勦。並未與賊相遇。若再不迅速探明賊蹤。與善祿分投夾攻。任令逆賊北竄。必將該撫從重治罪。將此由六百里加緊各諭令知之。○又諭怡良許乃釗奏勦辦上海逆匪情形一摺。所敘連日接仗情節。均係逆匪撲出。我兵堵截。並未見奮力進攻。不過小有斬獲。何時能埽穴擒渠。蕞爾孤城。勦辦如此費事。實所不解。據奏逆匪

圖竄之意甚堅。連日竄撲。或千餘人。或數百人。而我兵所殺總不甚多。即十二日之戰。逆匪改裝衝突。被兵勇追擊。四路潰散。尤難保無乘間逃逸之匪。潛匿附近地方。上海接壤各處。如松江府嘉定太倉川沙南匯等屬。雖經怡良等前此派有弁兵。豫為防範。究竟能否得力。儻城中逆首未殲。而鄰境復有勾結勦辦愈形費手。現在向榮添派之兵。又經續到一千名。豈得尚以兵力單薄為詞。著即嚴

飭帶兵各員趕緊進攻。萬不准徒事堵禦。空勞兵力。至水路各營。據連次所奏。僅於陸路接仗時。遙為聲援。尤屬不成事體。豈將以黃浦師船為吳健彰等藏身之固。而專恃一投誠報仇之李紹熙。遂能力遏賊鋒耶。許乃釗若再不迅速籌攻。祇知以陰雨難行硝磺不繼為詞。朕決不能再從寬貸。怡良身任兼圻。亦難辭罪也。將此由六百里加緊諭令知之。○又諭台湧奏統籌兩省全局一摺。所見俱

是楚北逆匪。全股盤踞漢陽。其分竄德安一帶之賊。前經台湧撥兵截剿。業將黃陂縣城攻克。必須乘勝進攻。將雲夢。應城。孝感等處餘匪次第殲除。方能全軍南注。為肅清漢陽之計。武昌省垣。為江路阻隔。目下賊蹤蟻聚北岸。省城情形較緩。且存城兵勇。為數尚多。足敷布置。若將北路得力之兵。撤調赴省。則江北更屬空虛。崇綸現在丁憂。仍留該省辦理防勦事宜。已授青麐為湖北巡撫。疊據該撫奏報各情。惟以孤守無援為詞。別無籌辦之策。節經諭令就現存之兵。盡心守禦。惟能否得力。殊不足恃。著台湧體察機宜。隨時與該撫互為知照。以期聲勢聯絡。所調江西水陸各軍。並著飛提駛赴上游。會合迎剿。僅能先將江面疏通。則漢陽與武昌南北無阻。剿辦庶易得力。該督又稱岳州對岸之荊河腦地方。為荊州要口。若竄岳之賊。被剿窮蹙。恐由此路旁趨至荊。所慮亦不為無見。昨據駱

秉章等奏稱。帶勇分剿靖江喬口。及甯鄉等處賊匪。辦理尚屬得手。該逆現已全數下竄。曾國藩亦即統領兵勇。跟蹤進剿。仍著台湧兼籌扼截之策。於四川松潘。建昌兩鎮官兵。提到後。即嚴飭各該員弁。將此項兵丁。駐劄荊州。嚴密布置。以扼賊匪上竄之路。仍須探明岳州賊情。如須出境迎擊。即剋期統帶前往。與湖南會剿。勿以有用之兵。置之無用之地。本日已諭令佈克慎署理湖北提督。該員現在黃陂一帶進剿。著即毋庸前赴湖南。台湧身任兼圻。責無旁貸。一切剿辦機宜。惟當妥籌大局。迅埽妖氛。以副委任。將此由六百里加緊諭令知之。○又諭本日據鄭敦謹奏。歸德土匪。現有牛鑑等督勇剿辦。請飭桂明速由黃河北岸。徑趨曹州一帶迎擊。自係先其所急。惟據勝保所奏逆匪已由莘縣竄入直隸清河縣境。鄭敦謹所請意在保山東以固河南。就軍情緩急而論。惟有徑赴直隸方

能迎頭邀擊。若專注曹州。已落賊後。著桂明即統所帶官兵。無論何處渡口。星夜渡河而北。沿途遇賊。即行截擊。若能閒道出奇。繞赴大名以北。更可得手。斷不准故意紆折。致誤事機。桂明防堵潼關。已將一載。所帶官兵。蓄銳已久。諒不致沿途停頓。自干重罪也。將此由六百里加緊諭令知之。○又諭。本日據勝保奏。探聞賊已攻陷冠縣。並踞館陶縣所屬之地。距臨清甚近。北路情形。萬分緊急。儻再有南來逆匪。陸續渡黃。與東省之賊接應。勦辦愈難得手。楊以增既專轄黃河。百勝等又防堵徐州日久。業已疏忽於前。漫無抵禦。若再任該逆偷渡。罪更難追。茲據張之萬奏。黃河上流各渡。惟碭山一帶河口。最關緊要。若該處不扼要嚴防。必致皖省之賊。任意往來。與渡河逆匪。時通消息。著楊以增等。迅將碭山一帶。趕緊設法籌防。派令精銳弁兵。嚴緝奸宄。斷其往來之路。並著百勝等。即就現帶

兵勇。實力防勦。儻仍不知奮勉。疊次嚴諭。視為具文。使逆匪續有偷渡。必將該河督等從重治罪。所有現在籌辦情形。並著隨時奏報。毋稍延緩。將此由六百里加緊諭知。楊以增並傳諭百勝。王夢齡知之。○戶部右侍郎王茂蔭奏。鈔法未善。酌擬章程四條。並以兵民怨恨。自請嚴議。得旨。王茂蔭身任貳卿。顧專為商人指使。且有不便於國而利於商者。亦周慮而附於條款內。何漠不關心於國事。至

如是乎。並自請嚴議。以謝天下。明係與祁寓藻等。負氣相爭。讀聖賢書。度量顧如是乎。且謂廢黜不敢怨悔。設是時故激朕怒。將伊罷斥。伊反得身後指使。百計阻撓。看伊奏摺。似欲鈔之通行。細審伊心。實欲鈔之不行。且有挾而求。必應照伊所奏。如是欺罔。將謂朕看不出耶。此摺著軍機大臣詳閱後。專交與恭親王。載銓。速行覈議。以杜浮言。又奏。愚民誤用偽鈔。請飭下刑部。但有來手承認。即將收

用之人省釋。以免民累。批。此奏尚不為無見。
○兩江總督怡良等奏。上海逆匪。向奸夷買
銅火藥帽。自來機火槍。雖大雨亦可利用。得
旨。銅帽槍實為利器之最。尤利於風雨。現在
軍營。能否購買應用。著傳知吳健彰。酌量籌
辦。雖不甚多。亦可。若無風雨時用之。固覺捷
便。然出槍太多。內有藥渣堵塞火門。尚不如
火繩。可百發百出。○江南河道總督楊以增
奏。分飭揚徐海三屬。將已徵錢糧。漕米鹽課。

迅解江北大營。接濟兵餉。得旨。非尋常照例
飭催者可比。著加緊嚴催。以期軍營早得接
濟。○欽差大臣勝保奏。南賊急圖北犯。移師
前進。相機迎剿。得旨。汝在軍營。得信較速。權
其緩急。自應移營前進。總以遏其北竄為要。
○湖廣總督台湧奏。賊竄湖南。統籌全局。酌
擬辦理。得旨。朕惟觀汝之心地。試汝之才具。
學與不學。何關緊要。汝由將軍放總督。朕尚
冀汝無文員習氣。何任事之初。先存此見。又

批。始終如一。不可行與言違。○以江蘇常鎮
通海道吉爾杭阿。為布政使。○以已革貴州
提督佈克慎。署湖北提督。○以江南揚州剿
賊出力。賞總管西昌阿。副總管海全。協領台
斐音保。富明阿。亮德。布特哈。佐領烏爾恭額。
恆吉。富克錦。布色。克圖恩。全永。雙成。防禦常
魁。常壽。魁霖。外火器營總德克津布。都司
吳奉龍。滿祿。守備石皓。花翎。驍騎校托克托
布等。藍翎。餘加銜。開復。升敘。有差。○以江南

瓜州剿賊奮勇。賞副都統德興阿。已圖魯名
號。德崇額。開復處分。○予江南陣亡千總盧
銘揚。把總蔡致勝。外委羅坤。張天陞。李信。常
萬里。李萬春。祭葬。世職。○乙巳。祭
先蠶之神。

皇后親詣行禮。○諭內閣。德齡等奏。各城年班
伯克。請俟下屆進京。並應進貢物。請旨遵行。
一摺。所有各城年班伯克。著統俟咸豐六年
年班。再行來京。葉爾羌。喀什噶爾。應進道光

二十七年額貢著加恩豁免其咸豐三年分貢物著俟六年年班伯克進京時一併呈進以示體恤○諭軍機大臣等僧格林沁等奏連日攻剿逆匪一摺此次誘賊離巢殄斃賊匪二百餘名仍不過小有斬獲未能迅克賊巢覽奏殊深焦急勝保移營後阜城東北令德勒克色楞托明阿帶兵駐劄自應如此布置勝保及善祿等所帶官兵統計一萬一千餘名諒已足數剿辦設該逆繞道北犯德勒

克色楞西凌阿托明阿皆係幫辦大員儘可酌派一員督帶馬隊前往奮力截擊若僧格林沁自行帶兵前往竟將阜城圍困之賊交德勒克色楞等剿辦該幫辦等無所統屬事權不能歸一儻該逆乘虛竄出與南來之賊互相勾結或仍由東北回竄交河等處豈非該大臣貽誤之罪此時逆匪竄擾清河勝保由故城進剿必應力遏賊衝尤當設法兜截勿令逆匪繞越致我兵又成尾追之勢本日

據張亮基奏探聞真賊不過千名餘皆沿途裹脅此等烏合之眾自入山東境內並未大受懲創若我兵奮力攻擊尚不難一鼓殲擒兵貴神速萬不可少涉觀望致誤事機雙禧穆輅所帶官兵二千名前諭令調赴河間茲據僧格林沁奏稱北防緊要復令折回涿州朕思遠防不如近剿該逆知我兵由故城進攻或折而西竄則東強南宮冀州等處在在堪虞著僧格林沁即將雙禧等所帶官兵酌

撥於保定迤南扼要地方以剿為防毋庸折回涿州其北路一帶已諭載齡妥為布置矣阜城逆匪不過數千僧格林沁尚有兵二萬三千餘名勝保亦帶兵萬餘兵力不為不厚若以兵分力單為詞再事遷延不思迅掃賊氛是該大臣等一誤再誤厥罪維均朕惟執法從事不能倖邀寬典也將此由六百里加緊各諭令知之○又諭本日據張亮基奏豐單交界處所已委同知高振洛募勇巡防惟

豐工南北兩岸均隸江南請迅飭撥兵嚴守等語現在偷渡逆匪竄擾山東陽穀等縣距臨清甚近為數亦復不少若再有逆匪續行偷渡恐勾結愈多更難剿辦著楊以增等迅就現有兵勇於豐工兩岸各要隘嚴密堵禦遏賊續竄前派秦定三赴徐會剿並吉連劉玉豹所帶各兵是否趕到並著星速迎提以資防守該督等屢誤事機罪無可逭若再有疏虞國法具在朕斷不能曲宥也將此由六

百里加緊諭知楊以增並傳諭百勝王夢齡知之○又諭前有旨令載齡飭雙禧穆輅各帶防兵一千名赴河間獻縣聽候僧格林沁等調遣本日已諭令馳赴保定迤南迎賊所向以剿為防遏其紛竄該逆既狂奔北犯各路官兵即須層層分布移緩就急使賊匪無隙可乘是為至要載齡所統各路防兵若固安東安通州等處防堵似不甚喫緊而涿州一帶尚覺空虛著載齡熟籌北路緩急權其

輕重悉心體察形勢扼要布置或應分撥或應移營總須實力堵禦以重北防毋以有用之兵置之無用之地將此由六百里加緊諭令知之○又諭昨據勝保奏稱賊由陽穀竄過莘縣攻陷冠縣初一日竄至清河縣屬之小灘地方屯聚本日據張亮基奏報各情大略相同惟賊竄清河並未提及豈該逆已由東入直該撫竟茫無聞見耶此股竄匪剽疾異常渡黃後連陷金鄉等處豕突狼奔意圖

北竄自到山東所過州縣毫無阻滯如入無人之境張亮基統轄全省已屬罪有應得乃該撫前由景州迎剿並未與賊一遇復由齊河繞至東阿賊方北竄而該撫轉向南趨據稱由博平清平一帶繞越前進豈非徒託空言仍落賊後刻下勝保已帶兵由故城迎頭截擊遏賊北竄張亮基若不趕緊督帶練勇設法攻擊為兩路夾攻之計豈以賊匪竄出東境遂可卸責諉罪耶至各屬土匪即飭臬

司屬恩官。痛加勦洗。毋令與逆匪勾結。並飭同知高振洛。於豐單交界處所。嚴防河口。勿任南匪續竄。將此由六百里加緊諭令知之。○又諭。現在直隸萬分喫緊。賊竄清河。復有由館陶等處。竄至臨清州李官莊之信。顯係分股竄擾。張亮基由博平一帶。繞越前進。善祿由東昌一路橫擊。均恐落後。勝保現已帶兵。馳赴故城。遏其竄路。桂明接奉前旨。諒亦渡河由北岸行走。著即督率官兵。迅速前赴

直隸境內。沿途偵探賊蹤。何路緊急。設法追截。若能出其不意。中途邀擊。勦辦更為得手。萬不可稍有遲延。致誤事機。前調之山西澤潞官兵一千名。並著飛催趕到。以資攻勦。將此由六百里加緊諭令知之。○又諭。本日據張亮基奏。山東省額兵。屢經徵調出營。請將三汊河防堵官兵。調回山東等語。賊匪竄擾山東。連陷金鄉鉅野等處。現在竄擾臨清一帶。直東交界處所。情形十分喫緊。該省南北

兩路防勦。均關緊要。額設官兵。既無可抽撥。附近亦難徵調。既據該撫奏稱。請將調赴揚州之寬曹等營官兵一千名。仍調回營。以本省之兵。為本省防勦之用。更為得力。現在北路防勦。重於南路。不能不先其所急。著琦善即飭德州營參將安勇。壽張營遊擊毛三元。將所帶官兵。迅即管帶回東。以資防勦。該大臣務當統籌南北大局。力遏瓜州等處逆匪北竄。將此由六百里加緊諭令知之。○丙午。

上詣

壽康宮問

皇貴太妃安。○諭內閣。前因安徽賊匪。由豐工偷渡黃河。竄擾山東金鄉等處。經僧格林沁。勝保。派令善祿等。督兵迎勦。本日據崇恩奏。逆匪直撲臨清州。該藩司派濟南城守營參將吉興等。分路迎擊。復派署臨清營副將慶順等。出城接應。轟斃賊匪數百名。奪獲旗幟器械火藥雲梯多件。生擒賊匪三十餘名。該

逆復在南關占踞。又據善祿奏。馳抵臨清。探知賊在李官莊等處屯聚。該將軍派令魁福帶馬隊在臨清迤南堵剿。善祿等帶兵進攻。賊匪分股抗拒。我兵奮勇攻撲。槍礮齊施。斃賊不計其數。賊眾蟻聚河岸。我兵大隊繼至。復斃賊七八百名。此次逆匪竄擾臨清。崇恩督率將士等奮力擊退。所有出力官兵紳勇著崇恩酌量保奏。毋許冒濫。善祿等督兵進剿。疊獲勝仗。惟逆匪分股偷渡運河。該將軍

等未能竭力堵禦。實屬罪有應得。善祿魁福均著革職留任。勝保現已帶兵迎剿。即著該大臣督率各路官兵迅殄賊氛。毋稍延緩。諭軍機大臣等。善祿奏賊匪屯聚李官莊。我兵接仗情形一摺。本日已明降諭旨。將善祿等革職留任矣。該將軍行抵臨清。初次與賊接仗。雖殲斃賊匪約七八百名。而該逆已渡河北竄。臨清關外尚有未經渡河之賊。屯踞民房前據勝保奏。賊於初一日竄至清河縣

屬之小灘地方。該大臣已帶兵由故城迎擊。計日當可趕到。此時善祿自應迅速渡河追剿。與勝保大兵合力夾擊。為一鼓蕩平之計。斷不准藉口兵馬疲乏。遷延貽誤。任令逆匪紛竄。剿辦更難得手。善祿等不能遏賊北竄。已屬罪有應得。若再有疏虞。不知奮勉。國法具在。豈能倖邀寬典耶。正在寄諭間。據勝保奏。馳抵鄭家口。先派桂齡督帶馬步各隊官兵前往臨清攻剿等語。該大臣因恐該逆繞

道北趨。暫駐該處。為南北兼顧之計。善祿係幫辦大員。著即督同桂齡迅將渡河逆匪合力殲除。毋得專待該大臣馳往督剿。轉滋貽誤。此股渡河竄匪。剿滅淨盡。即著馳赴臨清以南。與張亮基等督率兵勇肅清東境。毋令蔓延。將此由六百里加緊諭令知之。又諭和春。福濟奏。徐州軍情較緩。無庸撥兵一摺。前據袁甲三。百勝。王夢齡。疊次奏報逆匪竄入徐境。其被兵勇擊敗。逃回永城者亦距徐

甚近。袁甲三折回宿州扼截。徐州兵勇單弱。屢經降旨諭和春福濟撥兵赴援。並因秦定三已至廬郡。即令統帶官兵馳往會剿。原以徐州竄渡之賊。皆由皖省未能嚴密堵禦。致令陸續北來。故為此兼權南北之計。現在逆匪奔突。已竄至清河。屯踞小灘及李官莊等處。勝保分兵由故城迎頭截擊。善祿崇恩亦於臨清各獲勝仗。此股賊匪冒死深入。原為接濟阜城而來。若和春等早能先事豫籌。斷

賊來路。何至肆其狂奔。分我兵力。此時秦定三既無庸前往徐州。則廬州西北等處亟應密籌布置。不但圍攻廬城。尤當力杜南來匪徒。勿再令乘間續行北竄。此時若專待向榮撥到貴州官兵。再令秦定三帶往。已誤事機。著和春福濟即酌撥官兵。交秦定三帶赴西北一帶扼要截剿。或將撥歸袁甲三調遣之臨淮壽州各路防堵官兵移交秦定三調遣。欲固徐州之藩籬。必嚴杜皖省之竄匪。和春

福濟業經疏防於前。若但知圍一廬州而不顧賊匪由潁亳各處闖入徐界貽誤之罪。復將誰諉。廬州逆賊雖被攻剿窮蹙。尚未克復城池。和春等所統兵勇不為不厚。豈容藉口於城大兵單。遷延時日。著即激勵將士乘勝克復。毋再延緩。其甯國徽州廣德等屬防剿事宜。現在孫銘恩已告假回籍。即著福濟督飭潘錫恩認真籌辦。毋稍疏虞。將此由六百里加緊諭令知之。又諭崇恩奏逆賊直撲

臨清州城。迎擊獲勝。並現在守禦各情。本日復據善祿奏稱賊匪於初三日在李官莊被官兵擊敗。後隊賊匪直奔牯口。紮筏渡河。又經官兵斬擒多名。未渡河之賊奔回臨清關外民房屯踞。該將軍暫劄五里廟地方相機追剿等語。臨清城外竄匪顯係意圖牽制我兵。而分股渡河。援應阜城之賊。現已諭令善祿督兵跟追。渡河進剿。據稱張亮基日內可到東昌。著即迅赴臨清嚴督兵勇盡力攻剿。

務當乘其喘息未定與崇恩守城之兵內外夾擊悉數殲除斷不可閉門株守貽誤事機此股未經渡河賊匪即責成張亮基崇恩實力勦辦儻令該匪續行由臨清渡河北來朕惟該撫等是問將此由六百里加緊諭令知之○又諭貴州學政黃統奏粵西匪徒充斥請速撥兵餉勦辦一摺上年因廣西省自逆匪竄出之後伏莽未清蔓延通省當經諭令勞崇光督飭所屬揀選兵勇認真勦辦並曉諭地方紳民人等舉行團練該撫果能實力勦捕不難即時撲滅若如該學政所奏柳州慶遠百色等府廳盜賊成羣肆行無忌以致沿邊界連地方無不戒嚴防範殊屬不成事體且恐蔓延湖南雲貴勾結廣東土匪勦辦更為棘手右江道張敬修前據葉名琛奏已飭令回任該員緝捕向稱得力並熟悉廣西情形著該撫與提督惠慶督飭該員並地方文武趕緊將各股匪徒盡行勦除毋令日久

為患一面仍諄諭地方紳士各自辦理團練以助兵力至該學政所請添兵籌餉一節近來各路軍務殷繁不但帑項支絀即徵調亦緩不濟急該撫惟有就本省地方設法籌辦並隨時知照葉名琛就近接濟毋得任令匪徒肆擾致干重罪將此由六百里諭令知之○欽差大臣勝保奏暫駐鄭家口派總兵桂齡馳赴臨清合剿得旨汝臨時酌度緩急料能胸有成竹但桂齡前路得手或能殲擒眾多汝在後路正可杜其豕突豈有置而不問轉回阜城之理必致兩處貽誤咎將誰執著隨時相機前進軍威一振逆魄應褫斷難老在鄭口待其竄至句合然必須嚴防繞越亦不可疏忽○江南提督和春等奏廬州攻剿獲勝情形得旨屢次進攻總未迅克府城著趕緊克復再嚴防北竄○貴州學政黃統奏請收洋煙之稅並嚴禁銅錢出洋得旨所奏亦不盡非又奏自粵匪滋事以來軍需已四

千餘萬。請飭各統兵大員。迅圖勦滅。以節國帑。而蘇民困。批。汝遠在邊省。自不能全悉各省之情形。所奏尚無不是處。此時各省軍營。攻勦不暇。何能兼顧別事。况摺內並無實在辦法。殊覺太空。○二品銜已革漕運總督李湘荼奏。探聞賊匪北竄。擬徑趨濟兗一帶。抄出賊前。迎頭勦擊。得旨。覽。汝以革任大員。猶單銜奏事。並未有與賊接仗。迫不可緩之勢。殊屬妄為。李湘荼著降為三品頂帶。伊若奮

勉出力。朕必格外加恩。若遇賊接仗。大獲全勝。方准伊專摺具奏。○以拏獲貴州烏沙山匪徒出力。予州判韓超等。升補有差。○丁未清明節。

上詣

奉先殿。

壽皇殿。行禮。○遣官祭

永陵。

福陵。

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵。○遣官祭

孝德皇后殯宮。○遣官祭

端慧皇太子園寢。○諭內閣。恭親王奕訢親王銜定郡王載銓奏。遵議王茂蔭條陳鈔法窒礙難行一摺。著即照所奏。均無庸議。寶鈔之設。原以裕國便民。王茂蔭由戶部司員。經朕游擢侍郎。宜如何任勞任怨。籌計萬全。乃於鈔法初行之時。先不能和衷共濟。祇知以

專利商賈之詞率行瀆奏竟置國事於不問殊屬不知大體復自請嚴議以謝天下尤屬膽大設使朕將伊罷斥轉得身後指使百計阻撓如是欺罔豈能逃朕洞鑒耶王茂陰著傳旨嚴行申飭○又諭綿森等奏遵查北新倉開放甲米不堪食用一摺據稱所查廩內存米黑白成色不一並未將攪和情弊確切根究顯有不實不盡著派翁心存基溥覆查明確據實具奏北新倉監督著查取職名先行交部議處○又諭載齡奏知縣未能約束壯勇並訪獲夥犯訊供等語固安縣知縣吳燾所募壯勇不給工食以致漫散滋事現經烏爾棍泰拏獲夥犯金有等六名訊有從賊情事可惡已極金有等並續獲各犯即著載齡嚴訊明確就地正法固安縣知縣吳燾辦理團練不善已屬咎無可辭復以土匪勾串官兵藉詞掩飾尤屬荒謬吳燾著即撤任俟該侍郎審明定案時再行叅辦至張海龍一

案仍著將續獲各犯訊取確供一併就地正法○諭軍機大臣等載齡奏涿州地方緊要擬移兵駐劄一摺前以賊竄臨清直隸情形萬分喫緊諭令載齡熟籌緩急扼要布置茲據載齡奏拏獲奸細供稱該逆欲圖西竄涿州為近畿要隘擬即挑選精兵親往該處並請飭文瑞前往固安等語現在涿州雖有烏爾棍泰帶兵在彼駐劄深恐未能得力該侍郎自應親赴該處以資防守文瑞病尚未就痊愈現復請假調理本日已諭令假滿後即往軍營該侍郎俟文瑞到營迅即移營涿州未啟程以前所有涿州等處防堵事宜仍著載齡隨時妥籌嚴密布置並飭烏爾棍泰認真防範毋得稍涉大意至固安留兵僅二百餘名尚形單弱可否將黃村駐劄之兵移赴固安以資防守並著酌量辦理將此由六百里加緊諭令知之○又諭前因袁甲三追賊不及折回宿州當諭令嚴防南來竄匪連日

以來並未據該給事中奏報軍情。究竟回竄永城之賊蹤跡若何。該給事中曾否向前迎勦。本日據百勝等奏永城賊匪在潁州迴溜集地方被民勇截擊不能竄回六安並有袁甲三帶兵馳往之語。現在廬州迤北逆匪土匪充斥紛擾。秦定三在西北一帶堵截未能專顧徐州。百勝等又不能離城遠出。該處帶兵大員僅止袁甲三一人。袁甲三所帶兵勇為數不少。豈可株守宿州不為進勦之計。且

永城雖經收復。據百勝等所奏尚有陳家集。亢冢集等處。擒匪李月宋萬逆黨數千人。肆行焚劫。正陽關一帶雖有劉玉豹撥兵駐守。其六安迤北之霍邱縣亦為南賊北竄要路。袁甲三及和春等疊次奏報均未籌及和春等。但知圍一廬州固難辭咎。然北路不能兼顧亦係實情。該給事中若仍專駐宿州則潁毫歸陳一帶將聽匪黨橫行置之不問耶。著袁甲三即督現帶兵勇趕緊勦辦。務將廬州

北路賊匪悉數埽除。並嚴杜逆賊自六安一帶續來之路。與河南防勦兵勇合力兜截。儻再有疏失。惟袁甲三是問。壽州臨淮兩處防兵應如何移緩就急以勦為防之處。即與和春福濟妥籌酌撥。將此由六百里加緊諭令知之。又諭百勝王夢齡奏徐郡紳士團練民勇設防勸捐並保衛蕭碭縣城請將該紳民給予獎勵等語。此次逆匪竄入徐境郡城兵力甚單。該紳士等挑選民勇竭力扼防。並

隨同官員堵禦追勦。俾蕭碭縣城得以保衛。尚屬奮勉急公。著百勝王夢齡擇其尤為出力者酌請獎敘。候朕施恩。毋許冒濫。至該地方文武員弁本有守禦之責。業已任賊偷渡黃河不能堵截已屬罪有應得。惟念守禦縣城尚無疏虞。姑免置議。著百勝等懍遵疊次諭旨督率兵勇紳民將南來逆匪實力防勦。毋令續有偷渡致干重罪。將此由六百里傳諭知之。○成都將軍樂斌奏報到任日期得

旨。川省地方緊要。宜嚴不宜寬。與裕瑞和衷共濟。方能有益於地方。凡事奏牘。皆應字字從實。若稍染習氣。半句不實。不獨深負朕恩。於汝亦大無益也。○山東巡撫張亮基奏。馳抵臨清東關。擬與將軍善祿會商勦辦。得旨。該逆分股過河。仍復占踞臨清。意圖牽掣我兵。逞其逆燄。昨有旨催善祿往北緊追。今觀汝奏。欲與伊會商。朕恐汝留下善祿。或善祿亦藉詞不進。則斷不可。汝所帶練勇。既可自

信。則足敷勦辦。李湘棻能否得力。著隨便奏聞。斷不准因係本省大紳。稍有迴護。又批。賊情變幻靡常。此數日又不知若何情形。若臨清勢緩。汝仍應迅往北來夾擊。為是不可託。故觀望。○三品卿銜給事中袁甲三奏。賊竄正陽關。請派大員帶兵移駐。並擬即回宿州。得旨。門戶已開。尚堪補救。豈能任其奔突。置若罔聞。汝因何又要折回宿州。又奏宿州臨淮。均須守禦。請指派駐劄處所。批。朕豈能指

汝一定之處。是時總以嚴防續來北竄之賊為要。又豈能專顧宿州。朕若指示一處。將來正可藉口。○以江蘇六合縣紳民守城出力。永廣學額二名。○戊申。

上幸瀛臺。○諭內閣。王茂蔭。宋晉奏清查保甲完竣一摺。五城保甲事宜。本應時加查察。現當巡防喫緊之際。尤不可稍有疏忽。既據王茂蔭等奏稱。現已逐戶清查。編造戶冊完竣。嗣後著即責成巡視五城。及稽察各御史督

飭所屬。實力稽查。毋許鬆懈。○諭軍機大臣等。據僧格林沁奏。請駐兵易州。並勝保奏稱。馳赴臨清。迎勦各摺。片。現在南來逆匪。大股盤踞臨清州城外。眾已數萬。復又紮壘築城。意圖抗拒。該州為南北水陸要衝。雖經善祿崇恩竭力守禦。深恐兵力單薄。不敷勦辦。已諭令勝保。星速統兵前進。合力兜勦。以期及早殲除。免致南北勾結。惟勝保所帶馬隊。僅止二千餘名。且運河兩岸。道路紛歧。一經被

勦窮竄。四路突出。在在堪虞。德勒克色楞。本係幫辦勝保軍務。著僧格林沁。迅由阜城大營內。挑撥馬隊一千名。即日交該貝子統領。前往勝保軍營。以資勦辦。毋少遲延。至所請移兵易州。紫荆關之處。原為擇要駐守起見。但以現在軍情而論。阜城餘寇。未能殲滅。而東境逆勢方張。自應扼守來路。可期以防為勦。所有雙禧穆輅。原帶官兵二千名。著仍遵前旨。於保定迤南一帶。扼要布置。既可固守。

省垣根本。兼可為勝保後路聲援。但能於前路堵截。則西北易州一路。自可無虞。該大臣勦辦此股逆賊。究竟何日可以蕆事。應如何設法智取。為埽穴擒渠之計。著即趕緊籌策。毋再遷延玩誤。仍著隨時與勝保載齡。桂良。互相知照。並勤加偵探。聯絡聲勢。為要。將此由六百里加緊諭令知之。○又諭。昨據善祿奏。臨清州城。危在呼吸。本日據勝保奏。由油坊鎮督兵前進一摺。該匪攻擾臨清州城。紮

立木壘。三面圍撲。雖經善祿崇恩等。先後擊退。惟兵力甚單。賊勢猖獗。該州南門月城。已被地雷轟陷。暫用木柵攔護。情形甚屬危急。據勝保奏。稱桂齡於初六日趕到。與善祿會攻賊巢。殲斃多名。該逆仍堅匿不出。州城尚未解圍。殊深焦灼。計該大臣刻下。亦必馳抵臨清。即著與善祿等。設法分路勦辦。並與張亮基。崇恩。妥籌內外夾擊。務將此股逆匪。趕早殲擒。萬勿令其窺伺西岸空虛。或致奔突。

大名等處。更滋蔓延。仍隨時與僧格林沁。載齡。桂良。互相知照。聯絡聲勢。斷不准耽延時日。致干重罪。將此由六百里加緊諭令知之。○又諭。現在潁亳一帶。土匪蜂起。永城逆匪。雖由正陽關奪船回竄。六安等處。難保其不去而復來。和春等圍攻廬州。固應迅圖克復。但逆匪西繞六安。乘機紛竄。處處可以北犯。大兵全刀。專注廬州。而正陽關門戶洞開。僅恃劉玉豹千餘兵勇。豈能堵遏。況和春等。連

日奏報並無圍攻之策。不過賊出與之接仗。賊歸即計無所施。逆匪負隅死守。牽掣大兵。無論郡城尚未攻克。即使剋日攻破而六安。霍邱。潁上。蒙城一帶。任賊來往自如。大軍全駐東南。於大局仍難收拾。和春等統領全軍。豈不知時勢緩急。但顧目前。以重兵攻城。而不計正陽關一路。任賊往來。紛紛北竄。總不肯遽為抽撥。貽誤之罪。其何能辭。朕以皖省全局。委之和春等。並非專令株守廬州也。本

十三年十一月

帝

日已諭袁甲三。由宿州進駐臨淮。扼廬州東北之衝。如賊由該處北竄。惟袁甲三是問。其西北一帶。壽州。霍邱。正陽關等處。即著和春等添撥兵勇。飭令秦定三管帶。扼要防剿。乘此逆賊回竄之時。迅速前往。妥為布置。不准稍有延緩。秦定三抵正陽關後。或應進攻六安。或應沿河迎剿。以分廬州賊勢。並杜逆匪北竄之路。均著隨時審度機宜。向前截擊。亦非令其專事防堵。避難就易。潁毫等處村集。

距正陽關均不甚遠。所有勦辦土匪。亦可隨時聯絡河南兵勇。就近夾擊。袁甲三前在宿州。自與蒙亳較近。今既進劄臨淮。聲息稍遠。而宿州鄉兵。素與袁甲三相習。仍可隨時知照。互為聲援。若逆匪再由西面繞越北來。秦定三不能以勦為防。朕必重治其罪。諒該提督久歷戎行。必不敢自存大意。致蹈嚴刑也。將此由六百里加緊諭知和春。福濟並諭令秦定三知之。○又諭。昨據袁甲三奏。請派大

十三年十一月

帝

員帶兵駐劄正陽關等語。本日已諭知和春。福濟。令秦定三迅帶精兵。即日前往正陽關。斷賊南北往來之路。現在永城敗竄。賊匪已由正陽關南竄六安。該給事中追剿不及。又因所帶鄉勇。係宿州士民。難以強之遠行。仍欲折回宿州。該州為徐毫適中之地。而臨淮為前路要隘。必須兼顧。今正陽關一帶。有秦定三扼守。可以杜賊竄突。潁毫之路。惟臨淮要隘。僅有吉連。李文安。臧紆青等。在彼防堵。

兵力尚覺單薄。著袁甲三即帶得力兵勇迅速前往扼守臨淮。督同該處防兵遏賊北竄。儻有土匪勾結滋擾。仍隨時派兵勦辦。並可與秦定三、劉玉豹聯絡聲勢。俾廬州賊匪不敢北窺。如賊由鳳陽左右分股渡河。或擾及定遠。均惟袁甲三是問。至宿州壯勇應否撤回防守本處。或留若干名。即著袁甲三酌量布置。毋稍疏虞。該給事中仍須統籌全局。不得株守臨淮。幸賊蹤尚未及關。謂可塞責也。

實錄

奏

將此由六百里加緊諭令知之。○參贊大臣僧格林沁等奏。連日進勦獲勝情形。得旨。不過仍是小勝。何日方能蕲事。殊深焦急。屢降嚴諭。實無可再加。若有心遲延。朕即將正月半以後嚴旨。彙齊閱看。次第治汝應得之罪。○直隸總督桂良奏。遵查永平府被搶各案。飭屬實力查拏。得旨。緝捕一事。為地方官之首務。汝為總督。尤應認真講求。為屬吏表率。○代辦江西巡撫陸元烺奏。撥兵赴楚援勦。

並籌發口糧。會同在籍尚書陳孚恩附片陳明。得旨。陳孚恩從前有旨辦理省城防守。嗣後別省及本省軍務。不必與伊會銜。陳孚恩亦不准干預。○改鑄江西鄱陽縣石門鎮巡檢印信。從代辦巡撫陸元烺請也。○己酉。諭軍機大臣等。前因台湧奏統籌兩省全局。當經諭令體察機宜。與巡撫青麐互相知照。以期聲勢聯絡。本日據青麐奏。連日擊賊獲勝。惟因援兵不至。省城兵勇無多。未能分撥進

實錄

奏

勦一摺。現在賊氛肆擾。各路官兵業已無可徵調。且恐緩不濟急。台湧現在勦辦雲夢。應城孝感等處餘匪。務須趕緊殲除。統兵全力南注。將漢陽屯踞賊匪勦洗。則江面自無虞梗。塞青麐職任巡撫。防守省城。是其專責。據稱連日擊賊獲勝。兵勇尚能齊心。惟有激勵將士。竭力固守。昨據陸元烺奏。抽撥江西防兵五百名。練勇五百名。派委南昌協副將羅玉斌管帶赴楚援勦。著青麐即行派員迎提。

以資協勦。將此由六百里加緊各諭令知之。
○又諭戴齡奏帶兵移劄涿州。並擬派兵防守易州一摺。昨據僧格林沁奏請移兵紫荆關一帶扼守山路。自係為慎重地方起見。惟現在阜城餘匪未淨。而臨清賊勢方張。不得以有用之兵置之無用之地。致我兵多所牽掣。該侍郎請令珠勒亨駐劄易州之處。著即無庸前往。良鄉一路。又添都爾通阿之兵。亦可與固安互相策應。嚴飭該員等加意防範。

實錄卷二十三

奏

不准稍有疏懈。本日復諭令恆春將綏遠城備調駐防官兵一千名調赴紫荆關一帶駐劄。如該處情形喫緊。亦可就近調遣。將此由六百里加緊諭令知之。○又諭前有旨令恆春將澤潞防兵抽撥一千名赴大名歸張殿元統帶。日久未據覆奏。此項官兵是否業經啟程。現在皖匪竄擾臨清。阜城逆匪亦未殄滅。必須厚集兵力以資勦辦。著恆春即將澤潞防兵迅飭帶兵各員星夜前進。毋稍延緩。

實錄卷二十三

奏

再綏遠城官兵一千名。前准該撫調赴省城。此時晉豫交界防勦情形較緩。著即派赴紫荆關一帶扼要駐劄。聽候調遣。將此由六百里加緊諭令知之。○又諭前經疊次諭令百里勝等就現有兵勇捍衛郡城。並嚴防河岸。毋任南來竄匪續行渡黃。本日據百勝王夢齡奏現籌防禦情形。仍以兵力不足為詞。並因奏定三援師未到。欲請飭屬恩官移駐豐碭。黃河兩岸徐州為江南重鎮。北竄要衝。自應嚴密防範。以固北路門戶。惟現在潁亳土匪蜂起。永城逆匪亦回竄六安等處。是該郡賊情較前稍緩。而欲固徐州之藩籬。尤必斷皖匪之來路。昨諭和春福濟令奏定三帶兵與劉玉豹扼守正陽關。袁甲三進劄臨淮。東西兩路力遏賊鋒。則徐州一帶亦可藉資保障。此時各省無兵可撥。屬恩官已折回山東。隨同張亮基勦辦臨清竄匪李湘茶亦帶兵勇在曹沂等屬勦辦土匪。百勝等仍著遵照疊

次諭旨督飭現有兵勇夾岸分布並諄諭鄉團一體巡緝勿稍鬆懈前據張亮基奏請調回德州營參將安勇壽張營遊擊毛三元等原帶兗曹各營官兵一千名已令琦善飭令迅速回東如此項官兵過徐或可暫留協防之處著百勝王夢齡酌量辦理毋得一意株待致皖匪陸續偷渡亦不得因徐州前路有秦定三袁甲三等帶兵堵截轉於徐境遂不設備也將此由六百里加緊傳諭知之○廣

實錄卷百三

三

西道御史倫惠奏棍徒把持倉務請飭查拏得旨著聯順等即日派番役按名拏獲不准一名漏網○以廣西融縣被賊竄陷革署知縣盧際運署典史吳嘉彥都司唐文燦把總王啟緒職予陣亡外委趙元祥祭葬世職○以圍剿廣西柳州府城外賊匪出力賞知縣江載懃花翎同知銜

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百二十三

實錄卷百三

三

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百二十四

監修總或官經選日講起居注官李太僕上書唐親師傳又淵閣領閣事翰林院掌院學士稽察館有一翰事件處國史館總纂官成

大學士管理兵部事務加十三級紀錄十四次臣賈積堂本總裁官經筵講官太子太保文淵閣領閣事武英殿總裁官教習庶吉士體仁閣

大學士管理戶部三庫事務管理刑部事務加三級紀錄十六次
周祖培總裁官太子少保管理內閣書房事務引大臣軍機大臣

鎮蘇棋滿洲都統戶部尚書管理三庫事務加四級隨帶加五級紀錄十二次臣實鑒總教習巡遊講官弘德殿教習清文諸達古庫驛

達國文館總管官立藍旗蒙古都統禮部尚書管理太常寺鴻臚寺事務加二級軍功加四級隨帶加八級紀錄五次

敕修

咸豐四年甲寅三月庚戌

孝賢純皇后忌辰遣官祭

裕陵○諭內閣太常寺卿富廉前經派往

東陵查看祀典禮節回京後自應即日具摺覆

奏乃據奏稱因齋戒期內有迴避字樣未便

具摺等語

陵寢字樣本可無須迴避富廉所奏殊屬糊塗

著傳旨申飭所有查看典禮著即於明日具

奏○諭軍機大臣等○戶部奏遵議蘇松等屬

漕米一摺。蘇省漕糧為京倉支放。大宗原不

准改行折色。既據該督等憑陳辦漕棘手情
形。不能不量為變通。惟折漕銀兩。專為採買
米糧之用。現在京倉存米無多。若不急籌買
補。餉糈憑何支發。該省為產米之區。本年停
運數十萬石。地方即多數十萬石之米。如果
實力妥籌。不難即時足額。漕糧為天庾正供。
該督撫身任封疆。既已貽誤於前。若再不急
籌補苴。置京倉於不顧。自問當得何罪。怡良
許乃釗接奉此旨。著即派委幹員。如數採辦。

迅速由海船運赴天津務於五月以前放洋不准稍有遲誤除採買米石若干外所餘折色銀兩仍即迅解部庫不得以軍餉藉詞截留並將現在辦理情形由驛先行馳奏此時京倉於盛京各處採買米石需費浩繁專待此項到京以資接濟儻米糧不能如期起運銀兩又不能作速解京朕惟有將該督撫等治以貽誤之罪決不寬貸戶部摺著鈔給閱看將此由六百里加緊諭令知之○又諭前

因賊竄臨清。諭令僧格林沁迅由軍營挑撥馬隊一千名交德勒克色楞統帶前往勝保軍營協勦。茲據勝保奏稱初七日行抵臨清城外接仗殲斃數百名查勘臨清城外東西南三面俱為賊踞該大臣現帶之兵不敷圍攻。請添調官兵助勦等語。此股南來逆匪意在援應阜城並有繞道北犯之意必須於前路厚集兵力遏其兇鋒現在京營各兵實難抽撥已諭令勝保先就現帶之兵相機籌辦

著僧格林沁即飭德勒克色楞剋日督帶馬隊一千名前往勝保軍營毋稍遲誤阜城距臨清甚近我軍兵力既分難保該逆不潛通消息伺隙奔逃該大臣惟當趕緊設法籌攻迅圖蕞事本日據富興阿奏稱阜城現設長圍仍留東面一路不知是否如此情形若果東面空虛亦恐該逆乘間衝突刻下軍情緊急如臨清之賊北竄惟勝保是問如阜城仍不能即日克復以致賊匪突圍而出又滋蔓

延惟僧格林沁是問此時勝保帶兵前進據稱接辦糧臺尚未有人著僧格林沁仍飭暫革道員張起鵠迅赴勝保軍營以免貽誤至僧格林沁軍營官兵著即統歸順天糧臺支應以昭畫一本日據巡防王大臣奏已撥內帑銀十萬兩迅速解往該大臣軍營矣將此由六百里加緊諭令知之○又諭勝保奏馳抵臨清勦賊獲勝請多調官兵以資勦辦一摺逆匪竄擾臨清現在城外東西南三面關

廂俱為賊踞據稱非有兵四五萬不能合圍勝保及善祿魁福桂齡等先後帶兵一萬數千名復諭令僧格林沁挑撥馬隊一千名交德勒克色楞帶往勝保軍營此股逆匪眾至三四萬其中多係裹脅之人助逆鵠張該大臣請多調官兵圍勦無論京營各兵屢經徵調勢難再行抽撥即現在阜城之兵勦辦正當喫緊若調撥太多亦恐久困之匪乘間竄出與南賊勾結勦辦更難得手前諭陝西提

督桂明帶兵徑赴直隸。該提督統兵二千餘名。並諭恆春。迅撥澤潞防兵一千名。赴大名一帶。疊經降旨嚴催。著該大臣迅速迎提。勿任延宕。張殿元是否已抵大名。並著勝保飛催前進。所有桂明、張殿元之兵。均歸該大臣酌量調遣。至僧格林沁欲親帶官兵迎勦。本無如此辦法。前已有旨諭令該大臣仍駐阜城。此時阜城之賊。專責僧格林沁。迅圖殄滅。一俟埽穴擒渠。即可與勝保合軍併力勦辦。

南來之賊。若臨清逆匪。乘間竄越直境。朕惟勝保是問。該大臣久歷戎行。自必洞悉賊情。此股逆匪。雖恃眾猖獗。斷不可先存畏難之見。務當督飭善祿、張亮基等。迅速進攻。勿令負隅久踞。及分股北竄。致干重罪。善祿、張亮基先後由景州阜城督兵迎勦。何以於賊未到臨清以前。俱未遇賊接仗。以致州城被圍。城外關廂賊得踞為巢穴。著勝保確切查明。如有遷延觀望情事。即著據實嚴參。毋得稍

有瞻徇。將此由六百里加緊諭令知之。○又諭現在阜城尚未克復。南來逆匪已竄至臨清。城外盤踞村莊。樹立木壘。崇恩、善祿等防勦兵單。勝保於初七日督兵赴勦。雖獲勝仗。惟該州為南北衝途。三面濱臨運河。其漳河一路可達大名。現獲奸細訊供。有逆匪若未能直援阜城。便由他道竄擾畿疆之說。直東接壤處處可通。而大名尤為扼要。前據桂良奏存城兵勇已有二千餘名。合以副將達年

所帶及墨爾賡額管帶之吉林馬隊。並張殿元原帶步兵九百名。僧格林沁等調換之通永宣化各兵。為數不下數千。本日據勝保奏臨清西面無兵堵禦。不知張殿元達年等是否趕到。著該督迅即嚴飭該署提督等與地方文武。於要隘處所嚴密設防。加意堵截。毋誤事機。其武邑防守事宜。該督已派正定鎮總兵雙祿前往駐劄。亦須先期布置。以臻周密。桂良統轄直隸辦理防堵已逾半年。當此

逆匪奔竄。軍情緊急之時。務當統籌大局。不得因阜城之賊。現有僧格林沁等圍剿。臨清之賊。勝保等亦已進兵攻擊。遂於交界要隘。防勦事宜。推諉觀望。致干罪戾。將此由六百里加緊諭令知之。○又諭。本日據勝保馳奏。賊匪竄踞臨清。勢甚猖獗。該處與直隸接壤。大名一帶。無兵扼守。甚覺空虛。著恆春即遵前旨。迅將澤潞防兵一千名。派員管帶。星夜飛催。前赴大名。聽候勝保調遣。其綏遠城官

兵。速飭前赴紫荊關一帶扼要駐劄。毋得稍延。致干重罪。將此由六百里加緊諭令知之。○又諭。據勝保等奏報。賊匪已屯聚臨清州城外。東西南三關地面。均為所踞。雖經崇恩善祿協力防勦。勝保亦駐劄該州西岸。力遏其北竄之路。而逆賊沿途裹脅。人數眾多。該處為南北要衝。並可由漳河一路直達大名地界。我軍馬步隊。雖有萬餘。不敷三面防堵。此時桂明當已渡河。著即飛速帶領官兵。星

夜趕赴直隸大名一帶。聽候勝保調遣。設或該逆由臨清衝突西來。務即痛加勦洗。毋令蔓延。將此由六百里加緊諭令知之。○雲貴總督羅繞典奏。校閱省標官兵情形。一摺。得旨。所云十二力弓者。十居其四。殊屬粉飾能開。八九力弓。射箭者。已屬寥寥。豈有十二力弓。尚能從容。其誰信之。簡閱軍實。乃督撫職任。最重最要之事。汝輩文員出身。平時並未諳習。不過照例閱看。敷衍入奏。無怪乎日久

廢弛。有名無實。嗣後務須據實入奏。以期漸有起色。尤須屏除積習。武文並重。懍之勿忽。○命正白旗滿洲副都統基溥。刑部左侍郎李鈞。都察院左副都御史文彩。內閣學士崇實。辦理採買米石事宜。○改派鄭親王端華。馳往天津。驗收海運漕糧。○辛亥

上耕藉詣

先農壇行禮。更服至藉田所。

躬耕三推。復加一推。

御觀耕臺。命豫親王義道克勤郡王慶惠成郡王載銳各五推戶部尚書文慶禮部尚書徐澤醇刑部尚書朱鳳標工部尚書花沙納署戶部右侍郎靈桂禮部右侍郎文清兵部右侍郎春佑工部左侍郎杜翻通政使司參議慶賢各九推畢順天府府尹率農夫終畝賞賚農夫耆老如例。○諭內閣張亮基奏攻剿逆匪獲勝一摺。逆賊竄踞臨清州城外前經善祿崇恩督兵分路迎擊斃賊七八百名。嗣

經勝保馳抵該州即日督隊進攻殺賊四五百名奪毀村莊二處。茲據張亮基奏稱探知城外東南賊眾屯聚黑家莊地方該撫即督率文武員弁選帶練勇於初七日夜間分路攻撲南北兩路之勇同時並至善祿崇恩亦派隊接應該逆正在聚食間我兵奮勇直前逆眾猝不及防登時驚潰其擊斃及焚死者不計其數冒火竄突之匪又復紛紛自相踐踏我兵乘勝轉至東城根奪取礮臺立時將

木城轟毀又殲斃逆匪多名生擒二十三名屍骸枕藉計共二千餘人逃出被脅難民亦有二千餘眾著勝保善祿張亮基等迅即督飭各路兵勇奮力圍攻以遏兇鋒毋令延蔓。○諭軍機大臣等張亮基奏夜襲賊巢大獲勝仗一摺現在逆匪圍踞臨清東西南三面眾至三四萬之多雖經勦殺多名兇鋒仍未大挫昨據勝保奏報已於初七日卯刻行抵臨清亦經獲有勝仗正可乘此聲勢合力進

攻將此股逆匪迅速殲除絕其北竄之路所有南路土匪既有屬恩官帶兵現抵荏平李湘荼亦由蘭郊山路徑赴沂州儘可責令分投勦辦該撫但當專意進攻與善祿等併力兜勦一切機宜隨時咨報勝保妥籌商辦另片奏因所屬失守城池自請嚴議等語該撫身任封疆致屬境城池屢遭蹂躪罪實難辭本日明降諭旨僅將該撫交部議處以示懲該撫應如何激發天良知感知奮盡力勦

賊稍贖前愆。若但以土匪肆擾為詞。希圖避難就易。或將臨清逆匪驅入直境。遂謂本省無事。朕必將張亮基從重治罪。決不寬貸。至莘縣冠縣朝城等處失事知縣。被傷被害各情形。均著確切查明。並前此金鄉鉅野鄆城陽穀等縣如何失守。地方文武如何下落。一併覈實具奏。分別辦理。將此由六百里加緊諭令知之。○又諭張亮基奏生擒逆犯據供賊匪潛入都城四散藏匿等語。現在阜城賊

匪尚未殲除。而南來之逆又復盤踞臨清。勢甚猖獗。難保無奸細溷跡京師。窺探消息。既據該撫奏拏獲逆匪。供稱藏匿都城之匪已有九軍。該逆狡獪百出。雖所供未可深信。惟當此巡防喫緊之際。尤應加意嚴查緝捕。著巡防王大臣步軍統領衙門。順天府兼尹府尹派委妥員督率弁兵。晝夜梭巡。留心偵緝。並於京城外附近偏僻地方一體認真查察。毋稍疏懈。原片鈔給閱看。將此各諭令知之。

○轉吏部右侍郎潘曾瑩為左侍郎。調禮部左侍郎何桂清為吏部右侍郎。仍留江蘇學政任吏部左侍郎。翁心存為戶部右侍郎。兼管錢法堂事務。兵部左侍郎彭蘊章為禮部左侍郎。轉兵部右侍郎李嵩為左侍郎。調戶部右侍郎王茂蔭為兵部右侍郎。以都察院左副都御史齊承彥為刑部右侍郎。○以前任陝西巡撫張祥河為內閣學士兼禮部侍郎銜。並署吏部右侍郎。○實授許乃釗江蘇

巡撫。○壬子

上詣

壽康宮問

皇貴太妃安。○諭內閣。翁心存基溥奏遵查北新倉米石情形一摺。前因綿森等查覆北新倉放米徵變並未將攬和情弊確切查明。當交該侍郎等覆查具奏。茲據奏稱該廢之米收存甫逾半載。實因該倉監督任令該花戶等那移抵換。攬和充數。以致不堪食用。顯有

偷漏虧短情弊。花戶薛起祥、李茂均著交刑部嚴行審辦。務期水落石出。毋稍寬縱。該倉監督等業經交部議處。並著聽候傳質。又諭。昨據張亮基奏。初七日督率兵勇於黑家莊地方勦匪獲勝。本日據勝保奏。該撫玩視軍務。觀望逗遛。並欺飾冒功。各摺片覽奏。曷勝駭異。張亮基前由雲南巡撫調任湖南。適聞賊竄長沙。即奏請防守常德。擁兵折回。並截留長沙軍餉。舉動乖方。不知事勢緩急。嗣

經嚴飭赴省。保守城池。並辦理湖南湖北善後事宜。尚有頭緒。是以於署湖廣總督任內。調令巡撫山東。該員交卸時。賊氛將近武昌。並不將以前有無布置。如何守禦情形詳細。向吳文鎔告知。輒即趕緊渡江。專為自全之計。迨抵河南。即以山東兵餉匱乏等詞入奏。豫占地步。朕已知其居心巧詐。當經硃批。訓飭該員。應如何愧奮。固守疆圻。乃賊匪竄入東境。屢陷各城。以致臨清被圍。重煩兵力。猶

不知趕赴城下。與善祿、崇恩內外夾擊。由德州紆折回省。繞道東平。遷延不進。至臨清後。劄營八里莊。距城遙遠。經勝保咨商。該員仍不移營前進。亦不肯分撥練勇。為崇恩守城之助。推諉取巧。已堪痛恨。復向黑家莊無賊地方。空放槍礮。縱火焚燒閒房。捏稱殺賊二千餘名。冒功陳奏。經該大臣查明。該處並無殺賊痕跡。據實奏參。不知張亮基是何肺腑。敢肆欺罔。若將其即行正法。軍前亦屬罪所

應得。姑念其平日尚能辦理地方公事。張亮基前已革職。留任著即革任。發往軍臺效力贖罪。即交勝保派員押解啟程。不必再留軍營。俾軍務告竣後。轉得希冀邀恩也。諭軍機大臣等。僧格林沁等奏請調大礮。並自請治罪各等語。所有武成永固大礮。並礮子火藥等件。已諭巡防王大臣如數解往矣。阜城逆賊窮蹙餘生。即使堅匿死拒。亦何至兼旬累月。無計可施。朕若欲加僧格林沁以罪。原

不難立降嚴旨。即見施行。所以屢次訓諭。不即加罪者。尚冀該大臣知感。知奮。迅速圖功。乃此次忽以自請從重治罪等詞。搪塞入奏。豈謂有此一奏。便可卸責耶。抑將謂軍營勦辦遲延。例應有此一請耶。朕於該大臣倚任。不為不專。相待不為不恕。遇有調槍調馬。急需應用之處。無不立予允准。從未嘗稍形牽掣。而一切辦理遲緩之處。朕總詳細指示。不肯遽加嚴譴。該大臣乃稱非敢有心遷延。實

因無能所致。試思有心遷延。應得何罪。該大臣豈能當之。即此無能二字。已不應出之於口。如各路統兵大臣。人人皆以無能請罪。國事孔艱。更有何人可任。該大臣素性質直。乃亦效此虛文。殊不可解。如果視朕疊次嚴旨。為具文。故意遷延。不能迅克阜城。朕自能按律治罪。不待僧格林沁之奏請也。昨所諭東面合圍未密一節。固係防賊竄突。然合圍之道。總須面面偏緊。若但遠劄營盤。遙施槍礮。

即使無隙可乘。賊亦豈能坐斃。現在南賊方張。此股一日不除。賊心終不肯死。其中消息。該大臣身在行間。斷無不熟思計及也。另片奏將寶坻縣監犯丁二成等留營差遣之處。著即照所請行。其各該州縣應照此辦理者。亦諭知桂良將應行處決及發遣之犯。即行分別辦理。勿令留獄。如情罪較輕。而堪備驅策之犯。即照該大臣所請解營效力。以杜奸萌。將此由六百里加緊諭令知之。又諭勝

保奏擊賊情形。並統籌大局一摺。賊匪攻撲臨清。守城兵勇單弱。經該大臣挑派兵勇五百名。排列馬隊。護送入城。協同守禦。當將要截賊匪殲斃多名。惟賊眾兵寡。該大臣一面就現有兵勇設法攻擊。一面嚴催桂明所帶官兵。並澤潞防兵。迅即前來。酌量調遣。桂明於初七日已抵祥符。本日復諭令星馳就道。不得藉口夫馬未齊。致有耽延。張亮基所帶練勇二千。應歸何員管帶。著勝保酌度派撥。

藉資協勦。河北鎮總兵花里雅遜布前曾帶兵在直豫一帶勦辦賊匪。現在河北並非喫緊。該員所帶官兵。是否可以檄調助勦。著該大臣查明。如果得力。即酌量調遣。至前請添調馬隊。早經諭令德勒克色楞統帶精銳一千名前往臨清計期亦應趕到。所有各路官兵統歸勝保節制。崇恩現已授為巡撫。該員經朕棄瑕錄用。現復統轄全省地方。正當力籌保衛州城。埽除此股賊匪。以報厚恩。儻復意存自滿。故蹈前愆。或以軍務重大。兵勇雲集。諉之統帥。為避難就易之計。恐不能如張亮基之輕予薄懲也。著該大臣傳旨諭知該撫。合力同心。內外夾擊。一併與桂明、張殿元歸該大臣節制。所有前撥山東餉銀十萬兩。並著傳旨崇恩飭令藩運各司迅速解交該大臣軍營。以濟急需。至該大臣統籌南北大局。此時阜城逆匪負嵎死守。臨清復被圍擾。務須兼籌熟計。不得任賊東西分竄。致與阜

城之逆會合。一切機宜。該大臣隨時酌辦。朕信任既專。不為遙制。如有應行更張改絃之處。該大臣見解所到。不妨遇便奏聞。惟北路及京營官兵已屬無可再調。大江南北逆黨尚多。誠不能不虞其陸續偷渡。北竄節經嚴飭東南兩河總督並徐州鎮道扼守河口。分派秦定三、袁甲三駐劄臨淮。正陽關等處。遏賊北來。現復嚴諭和春、福濟兼顧淮北。不得株守廬州一郡。惟地勢則北重於南。而賊眾則南多於北。朕日盼該大臣迅將臨清逆匪埽蕩。俾阜城窮寇無可希冀。應援僧格林沁亦可辦理得手。即會同統兵南下。殄除羣兇。拯救生民。是所望於該大臣也。將此由六百里加緊諭令知之。○又諭僧格林沁奏賊匪逼近各州縣。監禁重犯。請飭迅速辦理等語。逆賊竄擾處所。動輒開放獄囚。藉作嚮導。前因該逆北竄。經桂良奏請將斬犯徐挺舉等。即行處決。實屬權宜應變之法。現在阜城之

賊時思竄出而南來賊匪亦復偪近清河等處自應先事豫籌免令兇狡之徒轉為賊用著桂良督飭司道將各州縣監禁各犯詳覈案情除斬絞重犯法無可貸者立即隨地正法外至情有可矜例不入秋審情實者即予減等辦理應遣徙者亦即審結起解務期獄無留滯以免疏虞至軍流以下各犯有年力精壯如天津監犯劉積德之力能殺賊者並著酌量收錄俾得效力行間立功贖罪固不可因有此旨將軍流以下人犯濫行寬縱亦不可因處決重犯轉致別滋事端將此由六百里諭令知之○又諭前因曾國藩督帶兵勇船礮需餉甚鉅曾降旨令裕瑞迅速籌款派員解楚本日據台湧奏孝感一帶賊勢猖獗該督帶兵堵剿軍餉缺乏情形萬分窘迫等語已諭令駱秉章速行籌款以資接濟惟該省前經奏明存款無多不敷支發非鄰省趕緊協濟必至貽誤軍需著裕瑞接奉此旨

即迅速妥籌無論該省何款項下立即設法籌撥銀十萬兩派委妥員飛速解交湖北德安一帶台湧軍營並檄飭沿途小心護解毋得稍有疏忽將此由六百里加緊諭令知之○又諭台湧奏孝感賊勢猖獗並兵單餉乏各情江北雲夢應城兩處賊匪經台湧疊次勦敗退竄出湖惟孝感縣屬又有賊船闖入著該督即就現有兵勇迅速相機迎剿堵賊竄路其涓口要隘往來逆船仍須及早勦洗務將此股逆匪掃除淨盡方能以次攻克漢口漢陽該督所稱兵力單薄自係實在情形所有松潘建昌兩鎮官兵仍著派員迎提前進以資攻剿其竄往湖南賊眾據駱秉章等奏報節次截剿獲勝收復岳州府城惟該逆全數由洞庭湖下竄則鄂省大江南北均形喫重曾國藩統帶舟師於二月二十八日自長沙啟程跟蹤追剿自可扼賊後路並著台湧派員繞越迎催東下為肅清江面之計斷

不准青麀崇綸等擅行截留。專事防守武昌。致誤全省大局。據該督奏稱。省城兵勇。為數尚多。足敷堵禦。惟目下江路阻隔。能否設法疏通。與省城聯絡聲勢。並著相機籌辦。上游荆襄一帶。仍應嚴密籌防。勿致顧此失彼。該督統轄全省。惟當隨事酌度。緩急妥速辦理。仍與駱秉章、曾國藩等互為聲援。以期併力勦除。勿令由岳州下竄逆蹤。再滋延蔓。將此由六百里加緊諭令知之。○又諭昨據舒倫保奏。業已行抵潼關。本日復據桂明奏。遵旨渡河。赴直隸一帶迎勦。現在永城夏邑逆匪。已由豐縣渡黃。擾及山東臨清。其經徐州擊敗之賊。復由正陽關一路竄回六安。臨清距直隸僅隔運河。而永城夏邑均已收復。是以令桂明星夜渡河。赴大名一帶迎勦。此時歸德雖暫保無事。而正陽等處。兵力尚單。僅逆匪去而復來。河南仍形喫緊。本日又據勝保奏。請於汴梁添駐重兵。所籌誠為要著。但就

河南情形而論。斷無可以添調之兵。若將舒倫保防守潼關之兵。移至豫省駐劄黃河南岸。較為近便。於歸德、徐州等處。均可援應。但舒倫保出境之後。距陝較遠。副都統常亮雙成。又皆在軍營。西安駐防官兵事務。並無大員督辦。且湖北逆賊。經台湧擊敗後。復有大股賊船四五百隻。竄踞孝感、應城、黃陂、漢陽一帶。紅鸞渡一帶肆掠。雖去潼關尚遠。而商雒等處。均與湖北毗連。舒倫保能否分身。亦難懸揣。著舒倫保、王慶雲即行妥商陝西防堵。如何布置。但期有可靠之人。總以分兵赴豫策應為要。將此由六百里加緊各諭令知之。○又諭桂明奏督兵過河。馳赴直隸迎勦一摺。前因賊匪屯聚臨清州城外。人數眾多。我軍不敷防堵。恐該逆匪由漳河等處直竄大名。諭令桂明星速渡河。馳赴大名一帶。聽候勝保調遣。茲閱桂明奏報於初七日行抵汴梁。後至初十日尚未啟程渡河。惟以飛飭前途

豫備船隻車馬為詞。深恐遲延貽誤。直隸為畿疆重地。現在臨清賊匪。逼近清河。雖經勝保等獲有勝仗。而兵力尚單。僅該逆等伺隙西竄。大名一帶情形喫緊。著桂明仍遵前旨。督帶官兵飛速渡河。於馳抵大名後。聽候勝保調遣。並沿途偵探賊情。如有竄越。即盡力截勦。萬不准以州縣供支車馬。遲延藉口。貽誤事機。致干重罪。將此由六百里加緊諭令知之。○又諭前因正陽關為南北緊要門戶。

諭令秦定三移兵扼守。以杜南賊續竄之路。並令袁甲三移劄臨淮一帶。相機截勦。誠以全局關繫。北重於南。如果和春、福濟早經籌計。及此何至任賊來往自如。紛紛北竄。乃擁兵日久。莫展一籌。致令萬餘兵勇。為一廬州之匪所牽制。坐視該逆分股北犯。益肆猖獗。由皖而豫而東。長驅疾走。如入無人之境。現在全股竄踞臨清州城外。多至三四萬人。雖經勝保帶兵趕到。而逆燄方張。勦辦殊形棘

手。況阜城餘寇。仍復負隅死守。一經會合。勢將不可收拾。為今之計。總以嚴扼北路關隘。為第一要著。即著和春、福濟通籌熟計。應於何路分兵扼勦。以挫賊氛。並如何兼顧廬州。力籌攻克。以及六安、霍邱西北一帶。作何布置。務即趕緊相機籌辦。不得以派有秦定三、袁甲三。分路扼防。該提督等遂藉口為諉卸地步。此時固當攻克廬州為要。然權其緩急。輕重。嚴防北路尤為要著。即使廬州剋日收

復。而大股賊匪紛紛北竄。伊於胡底。和春職司統領。福濟身任封疆。自勦辦數月以來。迄無成效。本屬罪無可逭。儻再不能遏賊北竄。或仍令南賊安踞如常。朕惟有執法從事。決不寬貸。將此由六百里加緊諭令知之。○又諭王慶雲奏籌解歸德、廬州軍餉。請飭沿途迎護一摺。陝西省委解和春等軍餉銀五萬兩。桂明軍餉銀四萬兩。據稱豫省道多梗塞。請由各軍營派兵迎護等語。現在歸德一帶。

逆匪雖已四竄而土匪尚形充斥所有廬州軍餉應由何路行走著英桂即飭沿途文武詳細探明路徑妥為護送不得稍有疏失至桂明軍餉本應解赴歸德現在該提督改赴直隸據奏已經渡河如此項餉銀行抵豫境亦由英桂飭屬妥為護送一面知照桂明派兵迎提以期迅速英桂現時曾否出省歸德信陽兩路防堵情形如何布置逆賊已擾及山東臨清北路萬分喫緊若皖賊再有續來

勦辦愈難著手湖北黃陂雖經收復而逆賊大股復踞孝感縣之龍宮廟等處勢甚披猖豫省兩面當衝不可無重兵防勦而各省兵力現實無可再分本日已諭令舒倫保王慶雲體察陝西情形如可移緩就急舒倫保即帶兵赴豫惟陝兵調出已多商維一路亦界連湖北軍情變幻靡常難以臆度英桂仍當與舒倫保等隨時知照並督飭南陽鎮道及牛鑑徐廣縉等先就本省應防要隘嚴密布

置不得株守省城致誤事機將此由六百里加緊諭令知之○又諭據台湧奏勦辦逆匪兵單餉缺情形萬分窘迫等語現在孝感一帶賊勢披猖該督竭力堵勦非趕緊接濟餉銀必至貽誤軍需著駱秉章就近妥籌無論庫存何款迅即設法籌備銀數萬兩派委妥員飛速解交湖北德安一帶以濟台湧軍餉即該省現存庫款不敷支發亦須移緩就急先行墊解俟川省解餉到楚屆時再行酌量扣抵歸款斷不准藉詞推諉致滋貽誤將此由六百里加緊諭令知之○工部右侍郎載齡奏請飭大兵進勦迅滅賊氛得旨所奏尚是惟臨清之賊不下數萬汝所奏之情自係探聞未確○直隸布政使庚長奏報到任日期得旨畿輔藩司責任最重勉為之○以山東布政使崇恩為巡撫按察使厲恩官為布政使署布政使劉源灝署按察使○以湖南湘陰縣城被賊竄陷革署知縣恩霖千總蕭

捷三職均逮問。予故兵部尚書特登額祭葬。諡恭慎。○癸丑諭內閣有鳳王懿德奏請寬免藩臬兩司處分等語。閩省匪徒滋事失守城池及奸民結會。該管司道均有應得之咎。據稱福建藩司慶端於上年逆匪滋事辦理軍需講求備禦勸捐等事。不辭勞怨代辦臬司史渭綸甫經到任。即值仙遊失守破獲奸匪。控拏逆黨悉心調度。功過尚足相抵。所有慶端史渭綸應得處分均著加恩寬免。

又諭有鳳奏參巡洋不力之水師將領一摺。福建洋面遼闊防勦均關緊要。經該署督派委署閩安協副將銅山營參將賴信揚署烽火門參將福甯鎮標左營水師遊擊王超前往巡哨防緝。乃該署副將等一味因循不知振作。以致海壇閩安兩營疊劫盜案至十九起之多。日久並無一案破獲。實屬懈弛已極。賴信揚著革職留任。王超著摘去頂帶。均勒限兩箇月。務將各案盜匪悉數弋獲。如敢仍

前玩延。即著嚴叅懲辦。○諭軍機大臣等。昨因勝保奏張亮基欺飾冒功降旨將該員革任。發往軍臺。本日據張亮基奏初九日派委員陳韜等整隊出擊。進至東南沙灘設法誘敵。陳韜手刃賊目一名。我軍乘勢掩殺。斬擒無算。並生擒偽總制曹成等五名。共斃賊千餘名。等語。所奏是否飾詞欺罔。希圖掩過邀功。著勝保善祿崇恩迅即查明據實具奏。行軍之道首貴賞罰。嚴明既據稱殺賊千餘

名。且兵勇亦有陣亡受傷。如果是日打仗獲勝。自必共見共聞。張亮基已身獲重罪。其出力員弁亦不可沒其勞績。該大臣亦毋得因有前奏稍存迴護。本日復據桂良奏開州拏獲奸匪。有逆匪催令後起。由蘭儀渡河之語。已諭令王履謙長臻楊以增英桂等嚴防河岸。並著崇恩飭屬一體嚴防。毋稍疏懈。臨清逆匪又成負隅之勢。該大臣務當激勵將士督率兵勇迅速設法內外夾攻。毋再延緩。致

干重罪。張亮基摺著鈔給閱看。將此由六百里加緊諭令知之。○又諭桂良奏酌籌防剿事宜一摺。昨據勝保奏逆匪圍逼臨清。不下三四萬。我兵不過萬人。眾寡未免懸殊。儻該逆繞竄正西。即入大名府境。東面又可直達天津。皆當豫為防範。刻下阜城之賊。尚未殲除。難保不乘我兵力稍分。意圖奔突。與南來賊匪互相勾結。張殿元在大名防守。派令達年赴開州東明一路防堵。著嚴飭該員等相

機勦辦。不得以有用之兵。置之無用之地。總期以勦為防。毋許一味株守。致失事機。至清河威縣一帶。即係臨清西面。甚關緊要。所有雙禧穆輅統帶官兵二千名。即著飭令駐劄該處。擇要設防。既可為勝保後路聲援。即可杜賊匪北竄。不准觀望遷延。軍情變幻靡常。該督務當督飭文武員弁。妥籌布置。勤加偵探。仍著隨時與僧格林沁勝保等互相知照。以期聲勢聯絡。毋得稍有疏忽。將此由六百

里加緊諭令知之。○又諭前因皖省逆匪陸續北竄。均由河岸偷渡。河南山東等省辦理防堵。以扼守黃河為第一要著。長臻楊以增皆職任河督。王履謙係奉旨派辦防河大員。英桂統轄豫省。於河南境內口岸處所。均應實力巡緝。疊經嚴諭英桂等督率地方文武認真稽查。毋稍鬆懈。現在南來之賊。攻擾臨清。已有四五萬眾。若從前豐工下游撥兵扼守。何至任賊渡黃。肆行奔竄。本日據桂良奏

開州拏獲奸匪。及署提督張殿元所報。均有賊目催令安徽後起賊匪。由蘭儀渡河北犯之說。著王履謙長臻英桂等嚴飭地方河工文武。校織巡邏。力加堵截。楊以增近在清河。亦應一體緝捕。儻再令匪蹤北犯。朕必將王履謙等從重治罪。不能倖邀寬典也。將此由六百里加緊各諭令知之。○又諭寄諭江南提督和春安徽巡撫福濟載岱奏請將滿營官兵調回防堵一摺。青州駐防官兵。素稱勁

旅。如果調遣合宜。攻勦可資得力。所有副都統常清帶領前赴安徽之青州官兵。現在駐劄何處。是否實係扼要地方。此時黃河兩岸正在防勦喫緊之際。自未便遽行撤回。若將此項兵丁。派赴要隘處所。庶可遏賊紛竄。本日已諭令楊以增等。於黃河兩岸嚴行防範。或即派常清統帶青州兵屯劄河岸。杜賊續行竄逸之路。亦為要著。著該提督等熟籌妥辦。勿以有用之兵。置之無用之地。將此由六

百里加緊諭令知之。○又諭本日據桂良奏開州拏獲奸細。及署提督張殿元所報均有賊目。催令安徽後起賊匪。由蘭儀渡河北犯之說。河岸防禦關繫匪輕。儻皖楚賊匪闖入豫省。而潼關之兵始行出境堵截。仍恐緩不濟急。著舒倫保即行帶兵馳赴豫省。於黃河南岸擇要駐劄。實力防守。如有南來匪徒。冀圖渡河北竄。即行督兵截擊。並與王履謙長臻英桂等隨時知照。以期聲勢聯絡。毋稍大

意。至商雒等處與湖北毗連。應如何派兵防堵之處。即著王慶雲妥籌辦理。將此由六百里加緊諭令知之。○又諭載岱奏請將駐防官兵調回本省防勦一摺。現在南來賊匪竄擾臨清一帶。自應嚴密防範。惟黃河兩岸正在防勦喫緊之際。此項兵丁自未能撤回。該署副都統於青州駐防餘兵閒散內揀選精壯五百名。訓練可期得力。著即將存營兵丁勤加操演。或再多選餘丁練習技藝。以資捍

衛。務須實力整飭。毋稍疏懈。將此由六百里諭令知之。○以守禦山東臨清州城出力。賞都司武殿魁。守備劉鳳祥。知州張積功。花翎。知縣張槃等藍翎。餘升敘有差。○以防守福建省城出力。賞副將趙殿元。參將賈開泰。同知保泰。婁浩。在籍御史鄭元璧。花翎。教諭陳枏等藍翎。餘升敘有差。○以福建漳浦海澄安溪龍溪四縣城被賊竄陷。革知縣周培。汪世清。代理知縣陳鳳音。縣丞陳宗克。巡檢吳

炳鴻典史楊明遠胡嘉斌從九品黃煥職
甲寅諭內閣前因臺灣道徐宗幹與該總兵
恆裕辦理土匪意見不合徐宗幹藉詞稱病
當將該鎮道交部議處並著有鳳王懿德密
查具奏茲據奏稱臺灣鎮總兵恆裕辦事竭
蹙性情偏執臺灣道徐宗幹藉詞引退不免
推諉均未便再留本任致滋貽誤恆裕著送
部引見徐宗幹已升福建按察使著即撤任
仍交王懿德察看具奏 又諭英桂奏查明

隨同守城出力監犯懇恩免罪一摺上年賊
擾懷慶屢於城外偷窺地道經該縣知縣提
出監犯任隨成等設法察聽先後破地雷十
二處並焚燬賊營幫同殺賊俱屬著有微勞
所有任隨成等十五名原犯罪名均著加恩
寬免並著該撫察看如果實在得力准其酌
量留營效力 又諭富勒敦奏泰軍營潛逃
跟役請飭嚴辦並將山海關拏獲跟役數目
開單呈覽一摺征兵所帶跟役原以助兵力

而備補額該管官果能認真約束何至任令
紛紛潛逃且恐逃兵畏避罪名捏稱跟役尤
於軍務有關著各路軍營統帶盛京官兵大
員嚴飭該管營總等申明紀律嚴行查禁如
有潛逃兵役立即開寫年貌通緝務獲以憑
究辦所有該副都統單開拏解軍營及解交
各本營跟役即著該營認真查辦仍飭各地
方隨時嚴緝其各省軍營征兵跟役人等如
有潛逃情弊著一併確查嚴行懲辦毋稍疏
縱 諭軍機大臣等給事中仙保奏官荒地
畝請開墾升課以裕經費一摺據稱道光年
間該給事中在張家口監督任內曾見八旗
官荒地畝無人耕種詢之土著僉稱有可墾
者因工本甚鉅必須殷實商民方能報墾奕
興馬廠為八旗官荒地內肥美之區如招商
開墾庶於國帑有濟等語現當經費支絀之
際籌款維殷若如該給事中所奏此項地畝
數千頃土潤草肥四至分明與游牧並無妨

礙果能招集富商開墾升課於經費不無裨益著華山秦慶昫按照摺內所奏派委妥員詳細履勘據實具奏不得稍存畏難之見一奏塞責原摺著鈔給閱看將此諭令知之尋奏遵諭詳勘該牧廠界址惟賽爾地方有私墾地三百餘頃與該給事中原奏四至相符并詢據該蒙古家奴等僉稱此項牧廠招商開墾伊等均願遷移在廠內居住其頃畝數目礙難懸揣俟開墾時再行照例丈量奏報

下部議行○又諭昨諭和春福濟嚴防賊匪續行北竄係目下最要關鍵不得專以圍攻廬州為株守之計竟置南北大局於不顧茲據桂良奏開州拏獲奸細及署提督張殿元所報均有賊目催令安徽後起賊匪由蘭儀渡河之說復據勝保奏報大略相同並據賊供現來之賊係偽西王所派尚有偽翼王偽東王派來之賊未到等語皖省逆賊自攻破廬州旋由蒙城至永城等縣折回碭山乘間

渡河因聞廬州被攻緊急後起賊匪趕回安徽其前起賊匪由豐縣連陷山東魚臺各縣復令賊眾至廬州送信約其分股北犯該匪來往自如毫無攔阻和春福濟駐劄廬州城外徒擁重兵城中大股逆匪既未能設計殲除即外來奸匪又不能實力盤獲已屬罪無可逭現在賊偏臨清勢甚猖獗阜城餘匪亦未殄除萬一再有續來逆匪偷渡黃河勦辦更形棘手和春福濟必當懍遵前旨總以嚴

遏賊匪續行北犯為要秦定三此時想已帶兵馳赴正陽關扼要堵擊但恐兵力尚單不敷防勦袁甲三所帶多係鄉勇不過隨時勦辦土匪並未與逆匪接仗一次能否得力難以臆度現在勦辦逆匪遏賊偷渡北重於南自應督兵扼守移緩就急著和春福濟分兵圍攻廬州不得任令該逆出入自由該提督統領重兵扼要嚴防逆匪乘虛北竄與秦定三袁甲三等聯絡聲勢互相策應和春總統

全軍福濟身膺疆寄務當通籌熟計以顧全局。儻逆匪再有續行渡黃北犯和春等不能遏勦。惟有執法從事決不寬貸。原供著鈔給閱看。將此由六百里加緊諭令知之。又諭恆春奏請飭挑選官兵豫備調遣等語。現在阜城逆匪尚未殲除。南來之賊又復竄擾臨清。該逆被勦窮蹙。難保不肆行奔突。山西與直豫兩省毗連。自應厚集兵力以備不虞。著盛壇即於綏遠城駐防兵丁及土默特各兵內挑選精銳二千名配齊軍裝聽候調遣。務當認真揀選速籌妥辦不得稍有遲誤。將此由六百里諭令知之。又諭勝保奏續撥川勇入城助守並豫籌防勦各情形。臨清城外糧米無多。該逆斷難久踞。東面及西北面俱有官兵扼截。惟西南竄大名之路如官兵追勦無橋可渡。該大臣已飭修館陶縣浮橋以備追勦。惟賊蹤飄忽靡常。該處既搭浮橋若不撥兵扼守。轉恐賊匪藉以偷竄。前據桂良

奏張殿元已抵大名。達年在開州東明一帶堵禦。並諭令該督即飭雙禧穆輅將所帶官兵二千名在清河威縣駐劄。即係臨清西面。該大臣均可酌量緩急就近調遣。桂明此時想已帶兵馳抵大名一帶。澤潞之兵亦已分起出山。並著飛催前進。李湘棻由蘭郊山路徑赴沂州。如已行抵東昌即可令在彼防勦。以杜逆匪南竄。其豐工蟠龍集地方已屢次諭令百勝王夢齡嚴密扼守。並嚴諭和春福濟於徐州前路加意設防。毋令逆匪續行北竄。此時廬州尚未攻克。勢難遽將兵勇全行撤退。已諭令秦定三帶兵駐劄正陽關。袁甲三駐劄臨淮。如果北路關隘實力扼守自可杜南賊續竄。現在臨清盤踞之賊必宜急圖攻勦。萬不可再令負隅堅拒。該大臣所帶之兵雖不甚多加以雙禧穆輅桂明張殿元達年及澤潞等處官兵均歸調遣亦不得謂之單弱。且據稱臨清城中米糧充足亦可設法

接濟軍食。該大臣惟當激勵將士。迅將此股賊匪就地芟除。毋令再有竄逸。將此由六百里加緊諭令知之。○又諭前有旨令恆春將綏遠城官兵一千名。派赴紫荆關駐劄。本日據恆春奏。遵旨迅飭前進一摺。現在阜城賊匪未就殄滅。而南來之逆。又復竄擾臨清。經大兵痛加勦洗。難保不亡命狂奔。該處雖距易州較遠。然亦不可不慎密防範。此項官兵計已馳抵紫荆關。即著奕訢。溥吉。德春就近

統轄。妥為彈壓。惟係駐劄紫荆關。豫備調遣之用。奕訢等務當隨時查察。不准率行徵調。稍涉張皇。並知照恆春。將此項官兵經費。妥籌支給。至易州旗營及綠營官兵。仍著認真訓練。毋稍疏懈。將此諭令知之。○又諭黃河天塹。為南北關鍵之區。節經嚴諭巡河督撫。及近河一帶管轄各地方官。加意防範。及逆匪北來。仍令偷越。殊堪痛恨。昨據桂良馳奏。開州拏獲奸匪。並張殿元所報該逆竟有催

令後起各賊。欲由蘭儀渡河北犯之說。本日勝保奏報情亦相同。並據逆供。現來之賊。係偽西王派來。尚有偽翼王。偽東王所派。現尚未到等語。是逆黨眾多。欲謀渡黃者。已非一起。朕前此早經料及。是以疊次諭令百勝。王夢齡。嚴防陸續偷渡。昨又諭令長臻。王履謙。楊以增。英桂。一體巡緝。惟賊情詭譎異常。或故作此虛聲。使我兵專注蘭儀一路。仍催趙後隊。由豐工下游續行竄越。均屬不可不防。

勝保請防蟠龍集等處。未為無見。該處係皖匪從前經過之地。著百勝等。懍遵疊次諭旨。嚴飭文武員弁。實力邀擊。不得任令賊匪渡河。又蹈覆轍。朕於百勝等業經諄諭再三。若再疏懈。惟有執法從事。勿謂徐州前路已有秦定三。袁甲三等在彼堵遏。百勝等遂得再邀寬宥也。將此由六百里加緊傳諭知之。○河南巡撫英桂奏省城防守情形。得旨。汝豈能株守省垣。著察看情形。或東路或北路。皆

應親往防堵○以福建臺灣道瑞璜為按察使○調貴州鎮遠鎮總兵官呂大陞為福建臺灣鎮總兵官○以前任雲南騰越鎮總兵官金剛保為貴州鎮遠鎮總兵官○乙卯

上幸西苑○御紫光閣○閣侍衛等騎射○諭軍機大臣等○文謙奏滄州為津南門戶○請飭僧格林沁分兵前往防守等語○前以靜海獨流賊匪雖竄往西南○而天津防守不容鬆懈○曾諭文謙督飭各路兵勇妥為布置○現在臨清

之賊亟欲救援阜城○除衝要各隘口○派撥精兵駐劄外○其餘鄰近各州縣○自應由各該文武各就地方情形○設法防守○並督飭紳民實力辦理團練○以期保衛城池○聯絡聲勢○茲據文謙奏稱○滄州等處居民惶惑○紛紛遷徙○請飭僧格林沁派兵前往○現在阜城圍勦正當喫緊之際○斷難分兵○滄州為津南門戶○亦不可稍有疏忽○著文謙仍遵前旨○飭令該處文武嚴密設防○勸諭團練○以固眾志○而嚴守衛

並著多設偵探○如賊匪果有竄擾消息○文謙即可相機出境堵禦○毋許觀望不前○致有貽誤○總之天津全郡防守事宜○朕已責成文謙督辦○固不能以請兵一奏○意存推諉○總兵特克慎署天津道錢忻和亦屬責無旁貸○僅文謙須往滄州等處郡城防守事宜○即責成該鎮道等妥籌布置○毋稍疏虞○致干重罪○將此由六百里加緊傳諭知之○又諭據文謙奏稱滄州為津南門戶○請飭撥兵扼守等語○僧

格林沁勦辦阜城賊匪○是其專責○無論該逆由何路竄突○該大臣均不能辭罪○正不獨滄州一處為然○况前次本有東面空虛之說○如果該逆伺隙而出○又將憑何勦辦○目下大營兵力能否酌分○應如何前勦後截○該大臣豈無成算○臨清東北一路○雖有勝保駐兵扼勦○而西南一面○與直境毗連之處○仍須防其闖入○若不將此股窮寇趕緊勦除○任其勾結會合○僧格林沁自問當得何罪○現在究竟如何

圍攻何日可以殲滅著僧格林沁迅即籌辦速奏勿謂屢次嚴旨皆屬具文遷延貽誤致干重罪也將此由六百里加緊諭令知之又諭載齡奏探聞臨清賊情請派兵防守東安一摺臨清東西南三面被圍經勝保督率官兵極力攻勦並屢次派令兵勇入城助守城內米糧亦尚充足俟各路徵兵到齊定可將此股逆匪掃除現在並無臨清失守之信惟逆匪意圖搶船來津如果被勦奔竄亦不能不防其四處衝突况阜城尚未收復尤虞勾結肆擾該侍郎所慮東路防兵單弱自係實在情形惟京營官兵萬難再行撥調載齡甫經出京亦必知之載堪所帶兵僅五百名著飭令嚴密防範勤加偵探並著載齡與文謙隨時知照互相聯絡如天津有警或令載堪酌量移營前進相機接應載齡前奏擬駐涿州於東路聲援不無遙隔京外東西各營統歸該侍郎節制著嚴飭各營多設偵探務

期節節有備稟報確實不得以訛傳無據之詞率行輕信何路有警即赴何路應援毋墮該逆聲東擊西奸計本日已諭令巡防王大臣悉心妥籌果須調兵援勦屆時自能派員馳往堵禦該侍郎既飭天津河間各郡嚴密防守仍著與僧格林沁勝保軍營聲勢聯貫妥為防範毋稍疏虞將此由六百里加緊諭令知之以騎射中箭六枝賞莊親王奕仁黃馬褂命乾清門侍衛德木齊扎布在御前行走乾清門侍衛肅順在御前侍衛上行走改鑄江蘇安東縣知縣印信從巡撫許乃釗請也予福建陣亡在籍員外郎楊繼勳知縣其昌何炳南縣丞李兆清蕭懋杰遊擊恆壽都司暨青雲守備范作霖把總朱伏豹吳玉枝黃清師音外委黃盛春八品銜文童陳潤渠祭葬世職文生崔爾芝等賞卹如例丙辰諭內閣勝保奏進攻獲勝大挫賊鋒一摺逆賊竄擾臨清地方於該州城外東西

兩面紮立木壘。意圖抗拒。經勝保於十二日督兵進攻州城東北之林家園賊巢。各隊兵勇爭先攻撲。當將鹿角柵拉開。賊眾情急紛逃。出木城東面。復擁出二三千人。前來接應。我兵排列隊伍。施放連環槍礮。立斃賊匪一百餘人。該逆敗退回巢。勝保復於十四日寅刻。派令副都統常亮等帶隊前行。直攻州城西北之彌陀寺。該大臣親督馬隊官兵。隨後繼進。逆眾傾巢出拒。官軍整隊相迎。用連

環槍礮。擊斃賊匪一百餘人。該逆抵死不退。我兵奮力合擊。無不一以當百。賊眾披靡。勝保復令開放神威礮。及隨帶二千斤鐵礮。向賊隊轟擊。立見賊旗紛紛倒地。賊黨挖屍潰奔。兵勇乘勢追殺。復斃賊無數。餘匪遁入壘中。我兵即時趕到。該逆未及開放槍礮。大兵一擁而進。撲入濠牆。復拋擲火彈。將該逆火藥簍引燒。賊眾自亂。士卒勇氣百倍。刀矛並舉。復殺斃賊匪數百人。餘賊伏匿濠內。百計

抵禦。我兵放火焚燒。將濠內之賊盡行燒斃。屍與濠平。其西關之賊擁出千餘。奔救。復經馬隊官兵馳往截殺。斃賊一百餘名。餘賊敗退。共計殺賊一千三百餘名。斬獲首級二百餘顆。生擒五十餘名。奪獲大洋鐵礮二尊。擡槍鳥槍刀矛器械。戰鼓火藥鉛丸。黃邊風帽。大小黃旗無算。其東北一帶亦經善祿督兵進攻。遏其救應之路。賊眾撲出。我兵開放槍礮。殺賊多名。並將餘賊擊回。使該逆東西不

能相救。此次攻破賊巢。大獲勝仗。勦辦尚為得手。著勝保迅即乘此聲威。督令帶兵各員一鼓作氣。務將此股逆黨就地掃除。仍嚴飭崇恩在城協力守禦。內外夾攻。以期殄滅淨盡。毋令窮蹙分竄。再滋蔓延。又諭桂良奏參帶兵官員不能約束兵丁一摺。委散秩大臣穆輅健銳營翼長雙禧管帶京營官兵赴清河威縣一帶防剿逆匪。乃於經過地方並不能嚴行約束。以致該兵丁等沿途騷擾。膽

敢搶劫衣物傷斃人命並有毆傷官弁情事實屬大干法紀著桂良迅即飭屬將滋事兵丁按名提省訊明後即行正法以肅軍律仍一面派員前往安撫居民妥為彈壓穆輅雙禧均著先行摘去頂帶交部嚴加議處仍暫留勝保軍營戴罪自效儻再不知奮勉著即嚴叅治罪所有穆輅雙禧原帶官兵並著勝保即行另委得力武職大員管帶毋稍遲誤○諭軍機大臣等勝保奏連日進攻獲勝並

布置各路情形一摺已於摺內嚴切批示矣所稱逆匪或仍盤踞或圖他竄均係尚無把握之詞軍情變幻靡常移步換形雖難豫定豈有全無定見能操勝算之理逆匪之不至北犯該大臣既以身任之其回竄東南西南之路僅能跟蹤追剿終非長策前據奏稱必應就地芟除自是正辦何以一經接仗又稱縱未能剋日殲除或不致大肆猖獗直似倖其南竄以為勉顧目前之計甚不可解現在

兵勇雲集著勝保即行乘勝進攻務將此股逆匪盡力殲除不准稍延時日逆匪精銳既膺集東北西北兩面我軍已將西北彌陀寺賊壘全平其林家圍賊眾勢已孤立何以善祿僅止擊賊回巢不即揮兵深入如果兩面同時並破則向南夾擊自能勢如破竹此亦該大臣力所能為並非朕苛於敦促也李湘茶所帶兵勇因追賊不及已折回徐州厲恩官已由在平折赴曹州勦辦土匪該大臣請

飭李湘茶進駐東昌而以包家樓蟠龍集等處責成厲恩官等此時似難照辦若改令厲恩官赴東昌李湘茶顧豐工較省往返之勞兩面亦均有裨益桂明抵洛陽後業已遵旨渡河若徑抵大名即可與張殿元等會合西面設防之兵無須如此之多應令何人進勦何人防守即著該大臣迅籌撥布單縣劉家口一帶未免空虛濟甯州知州黃良楷是否可恃若令該知州先往嚴防俟舒倫保行抵

河南即飭令舒倫保移兵進剿亦可防賊續來之路百勝等壘有嚴旨諭令嚴扼河干諒不敢再存玩泄一切機宜該大臣通籌全局當能緩急兼權也德勒克色楞所帶馬隊據僧格林沁十一日所發奏報已飭赴營何以至今未到著加緊嚴催不准再有延誤併將遲緩緣由具奏山西捐輸銀五萬兩昨已據戶部奏仍撥解勝保軍營並由部奏催山東撥銀十萬兩著該大臣即行提催以濟急需

摺內之批暨此寄諭該大臣若不畏國法竟可置而勿論朕自有辦法勝保想必知之將此由六百里加緊諭令知之欽差大臣勝保奏攻破彌陀寺賊壘并籌各路布置得旨仍應趕緊殲除不准稍遲時日若又令南竄更難收拾豈能待十餘仗後方可掃除爾又云有隙可乘必能速滅是真空言耳朕之焦慮汝亦應悉尚如是搪塞是直欲身干重罪難逃國法朕為汝愧朕為汝惜○江南提督

和春等奏連日圍剿獲勝情形得旨連日接仗斃賊不過五六百傷亡兵勇亦不少可見併未得手尚如是鋪張何為耶續有屢次寄諭嚴旨令汝等兼籌北路扼竄以固全局看來廬州實無克復之機此時移緩救急最為上策亦非俾汝等避難就易藉口耽延以直隸獻交河隆平沙河趙晉深七州縣城被賊竄陷革知縣劉富春吏目車志鎔龔啟後陳錦漪典史黃瀚劉肇昌祁世舒千總馮三略把總劉起鵬史連陞外委馮振清職均逮問并革把總何鈺朱元凱職州判蔡鴻勛等下部議處予安徽陣亡副將戴文蘭都司馬良勳把總陳紹貴唐正魁外委林世弼六品軍功楊烈光候選同知鄒漢勛府經歷艾延暉從九品陳理堂並已革布政使李本仁祭葬世職予山東陣亡知縣張應蘭祭葬世職如知府例未入流魯勉祭葬世職如知州例丁巳

上御乾清門聽政。○諭內閣本日閱看引見人員。刑部侍郎承芳跪拜錯誤。且行一叩之禮。殊屬非是。承芳著交部議處。○又諭全慶朱嶧奏運河隄工缺口。請飭籌辦一摺。上年秋間。北運河上游北寺莊地方。河隄被水衝缺。現在海運米石。將抵天津。轉運所關。自應趕緊堵築。以利漕行。著桂良派委妥員。詳細估勘。迅籌辦理。毋稍遲誤。○又諭慶惠文瑞奏遵議鑄錢立票章程一摺。戶工兩局鼓鑄錢

文向有舊章。此次准慶惠等捐銅鑄錢。原以協濟兵餉之不足。所請頒給印信。欽定局名。是欲於寶泉寶源兩局之外。另立一局。殊屬非是。著不准行。其餘各條。均著照所議辦理。宗人府主事鍾岱等。准其差委。毋庸添設監督名目。以符體制。慶惠文瑞務當認真督辦。以期有裨實用。不在鋪張名目。徒事虛文也。○諭軍機大臣等。前因張亮基奏。初九日出隊獲勝。斃賊千餘名。當經諭令勝保善祿崇

恩據實查明。是否欺飾。尚未據該大臣等覆奏。本日復據張亮基奏。稱連日進攻。每次斃賊數十人。十四日又轟斃賊目。並餘賊數十人。復在楊家橋一帶。親督勇目李朝俊手刃穿黃緞馬褂賊目一名。係偽冬官副丞相許姓。勇目馬進科手刃穿紅衣賊目一名。係偽檢點郭姓。奪獲大旗及黃旗擡礮刀矛雜械。不計其數。乘勝將九家村蔡家村兩處賊巢燒毀。約計斃賊二千餘人等語。所奏是否。鋪

張入告。攘功自居。仍著勝保善祿崇恩秉公確查據實具奏。不得以參奏在先。稍存迴護。張亮基原帶練勇二千人。諒已遵旨派員管帶。以資攻剿。張亮基現已發遣。該勇等必須統帶得人。方可隨時驅策。現在大兵雲集。德勒克色楞所帶馬隊。計亦到營。著勝保即督飭各路員弁兵勇。乘勝進攻。出奇直擣賊巢。與崇恩設法內外夾攻。務期悉數殄滅。不准稍稽時日。儻再藉詞延宕。惟有執法從事。決

不寬貸也將此由六百里加緊諭令知之
又諭前據駱秉章奏收復岳州賊船下竄曾
國藩已由長沙省城跟蹤追剿當經諭令台
湧派員提催不准青麐等截留原以楚南道
路雖通楚北賊氛尚熾必須乘勝東下將漢
江一帶賊匪全行殲滅以次肅清長江為埽
蕩東南之計非謂岳城既復即可置北省為
緩圖也本日據曾國藩奏揔捕湖汊並勦辦
崇通股匪各情是水軍雖已抵岳而馳赴下

游尚無確期現在湖北賊情喫緊不但漢口
漢陽亟應克復即孝感等處亦豈宜久任狍
猖況雲夢應城退竄之賊尚在涓口上下盤
旋台湧兵力過單未能兼顧襄陽武勝均屬
扼要之區既未便移兵助剿其前調松潘建
昌兩鎮官兵迄無抵荆消息佈克慎所帶東
路弁兵數止千名即陸元烺派撥羅玉斌管
帶之防兵五百名練勇五百名全到湖北仍
須有水路礮船方能夾擊據官文貴陞所奏

荆河已有逆匪船隻該處守城兵僅八百名
沿河沙市梭緝之馬步隊各兵亦不過千餘
鄂省兵勇如此單弱豈可仍在上游遲滯著
懷遵前次諭旨迅赴湖北先清江漢與台湧
等聯絡聲威毋再延緩其湖汊藏匿餘匪想
已無多著駱秉章嚴飭地方文武實力揔捕
崇陽通城各匪盤踞未久當易撲滅著即飭
胡林翼等分投勦辦曾國藩所統水勇既不
准青麐等留守武昌若駱秉章欲藉曾國藩
為保障任意牽留朕亦不能寬宥也將此由
六百里加緊各諭令知之 欽差大臣琦善
奏六合儀徵浦口賊船擊退獲勝並督攻瓜
州情形得旨汝在瓜州僅能扼其北竄恐日
久稍有怠玩所關非細著督飭艇師暨各營
將弁迅克瓜州俾南賊不能北駛為要又奏
探聞金陵賊船情形並嚴防奸細投誠批雖
各處情形未能盡同然觀汝在揚州尚無大
挫可見投誠難於盡信總在辦法得宜 參

贊大臣僧格林沁奏阜城東面一律撥防並設法解散脅從得旨覽奏雖小有斬擒而毫無把握豈竟待其逃竄耶僧格林沁自今年新正屢次追殺逆匪尚知奮勇迅速何近日頓易前轍飾詞搪塞現在王明等已運礮前往惟斤兩太重行走遲滯斷不准老師以待致誤機宜以國子監祭酒奎章為詹事府詹事降調工部右侍郎錫齡為光祿寺卿以防堵江南六合賊匪出力千總秦懷揚以

守備先用○戊午諭軍機大臣等勝保崇恩先後馳奏逆匪於本月十五日夜復用地雷轟陷臨清州城各一摺覽奏曷勝憤懣逆匪自竄入東境金鄉等縣屢遭蹂躪茲復攻陷臨清大肆猖獗該處為水路總匯幾於防不勝防儻該逆乘勢北犯雖有勝保等督兵極力阻遏而賊眾兵單勢難分投堵截刻下阜城之賊業經挖濠圍困因該逆堅匿不出竟至一籌莫展無計可施前據勝保奏曾調宛

平房山兩縣煤窑匠役於阜城東北村內令其開挖地道以便暗用地雷功尚未就密交慶祺妥辦未知究竟如何逆賊屢次攻陷城垣俱用地雷是其慣技何以我兵竟不能以此破賊僧格林沁務當通盤籌畫即將阜城餘匪設計殲除如能迅速奏功則督兵直赴臨清會剿非但可為勝保援應實所以保全大局儻藏事稍遲致該逆潛通消息或有勾連必致更難措手現已令王明等解礮赴營

計日可到僧格林沁自王家口追賊屢次獲勝洵屬奮勉何以抵阜城後勞師糜餉至於此極朕實不解時事至此猶不罷免圖功迅速藏事以顧全局該大臣平日以忠直自詡者固如是乎僧格林沁接奉此旨後應如何設法進攻直擣賊巢為移兵赴援之計使逆匪不得勾結為患籌畫萬全迅速具奏方不負朕倚任之恩也將此由六百里加緊諭令知之○又諭本日據崇恩勝保先後奏稱逆

匪用地雷轟陷臨清州城各一摺覽奏曷勝憤懣逆匪竄踞臨清城外經該大臣督兵進剿屢獲勝仗復添派兵勇入城助守且該州北門外並無賊匪儘可內外策應何至任賊復用地雷轟陷城池勝保善祿統領重兵救援州城豈得以無守土之責藉詞諉卸崇思本在城內不知督率文武兵民同心固守輒至城外勝保軍營意圖趨避致令闔城生靈慘遭荼毒該大臣等貽誤之罪均無可辭臨

清州城糧米軍械頗多逆匪勢必負隅久踞桂明行過蘭儀計日可到德勒克色楞已帶兵到營著該大臣等即督飭官兵設法進剿迅將城外賊壘盡數剷除勿令該逆恃為犄角庶可四面兜圍亟圖克復逆匪詭譎異常且意在救援阜城之賊勝保統領全軍尤應防其水陸北竄其東昌濟南一帶即責令崇恩嚴飭地方文武妥為布置該大臣等務當迅圖進剿以贖前愆儻不知奮勉致此股逆

匪久踞臨清或肆行竄擾國法具在豈能屢邀寬典耶城中文武下落及張亮基所奏勝仗著迅速查明據實具奏將此由六百里加緊諭知勝保並諭令德勒克色楞善祿崇思知之○又諭葉名琛柏貴奏粵省解部銀兩現已陸續啟程請飭沿途各督撫妥為護送毋得再行截留等語此次廣東解京銀兩係部庫急需之款該委員等業已陸續起解非由江西繞道浙江必須由楚達豫方能抵京

著湖南湖北江西浙江江蘇河南山東直隸各督撫於粵餉入境之時飭屬探明何路可行速即派撥員弁兵役妥為護送催趲前進斷不准藉詞道路梗阻擅行截留致誤要需將此由六百里各諭令知之○又諭前因逆匪北竄均由河岸偷渡屢經諭令沿河各督撫嚴密防範本日據勝保奏賊由豐工渡河用渡船及木筏偷渡十日之久始行渡竣官兵毫無攔阻等語黃河為天險要隘如果認

真稽查賊匪豈能飛渡現在皖省之賊竄擾臨清以致州城失陷北路軍情萬分緊急若南路賊匪續有竄逸畿輔地面何日得以肅清著王履謙長臻楊以增崇恩英桂及百勝王夢齡等懍遵疊次諭旨嚴飭地方及河工文武各員分段設防並著將每段派兵若干名列礮若干位繪圖貼說迅速具奏並聞賊匪偷渡時每起不過數百名乘零星半渡之時用礮轟擊不難盡數殲除何得藉口於賊

多兵少任聽從容紮筏陸續偷渡自此次申諭之後儻再稍有疏虞賊由何處偷渡即將該管員弁及各上司以軍法從事決不寬貸前次賊由豐工渡河該處何段係何員專管著楊以增等迅即查明指名奏將此由六百里加緊諭知王履謙長臻楊以增崇恩英桂並傳諭百勝王夢齡知之○又諭本日據裕瑞奏派兵接防復密陳防兵不可輕動各等語川兵節經徵調內地營分固有兵單之

患然謂赴楚無濟不如留川較為得用尚是區分畛域未識近日湖北情形連日接台湧官文貴陞等奏報漢口漢陽孝感等處賊勢甚屬猖獗即雲夢應城退出各賊船仍在涓口游駛其上游荊河一帶已有逆匪船隻且崇陽通城兩縣據曾國藩奏亦均被賊占踞是鄂省賊多兵少援應刻不容緩裕瑞奏請免調殊未顧及大局著仍遵前旨迅飭雙保福忻帶兵東下迅速迎剿該督既有接防之

議著一面與樂斌萬福等籌商飛派守備姚安邦都司何慶元管帶各兵歸傳崑德恩統領趕往巴東等處接辦防堵勿再游移更致延緩據奏該逆欲分股由金口竄擾天門由襄河竄擾荊宜則夔巫所屬亦應嚴防總之由楚入川途徑紛歧不但巴東利川為全蜀藩籬宜籌堵守也裕瑞務須外援鄰封內防土匪不得以兵力未能有餘藉詞推諉所有軍行器械火藥錢糧仍著督率楊培等悉心

籌備源源接濟以應軍需將此由六百里加緊諭令知之○又諭前因僧格林沁奏賊氛逼近請飭將各州縣罪犯迅速辦理當諭令桂良飭屬分別正法減等為先事豫防之計茲據奏酌覈犯罪情節其謀故兇盜拒捕殺人重犯法無可貸者擬即正法至情有可矜及例應緩決各犯擬即減等並將向擬情實免勾之犯開單請減均著照所擬分別權宜辦理本日據勝保等奏十五日夜賊用地雷

轟塌臨清州城失守直東毗連要隘必須加意嚴防張殿元駐劄大名並清河威縣各處防兵是否足敷堵剿此外扼要處所應如何添兵防守著桂良妥速統籌與勝保等隨時知照毋得稍有疏虞將此由六百里諭令知之○欽差大臣勝保奏請飭沿河地方分段嚴防得旨屢次有旨防河尚有此失若分段設防或可能抵續渡之賊○以山東臨清州城被賊攻陷革欽差大臣正藍旗漢軍都統

勝保綏遠城將軍善祿山東巡撫崇恩職命勦賊自效已未

上詣

壽康宮問

皇貴太妃安○諭內閣惠親王恭親王奕訢親王銜定郡王載銓奏試鑄鐵錢有效請旨辦理一摺現在戶工二局所鑄大錢業已暢行更得鐵錢相輔國用民生當可益臻饒裕著惠親王等悉心詳定章程添鑪鼓鑄總期與

現用銅錢並行不滯所擬設廠安鑪各款均著照所議辦理○又諭勝保代遞編修李載熙封奏時事十二條朕詳加披覽雖係按切時勢並無籌辦之法其尚堪採擇之處如請於近京要地屯劄重兵天津兵勇勤加操練及儲備糧食各條較有實際業已早見施行至所稱督撫但保省垣州縣但顧城池請嚴定入境越境罪名一條地方文武於賊匪竄擾之時若但知株守一城任賊過境斷不能

因其並未失陷城池。稍從未減著帶兵大臣。及各省督撫於賊蹤闖入處所。覈實嚴查。隨時叅奏。不得遲延疏漏。致不肖官吏得以掩飾彌縫。倖逃重罪。其堅壁清野一條。原為民間自為捍衛。朕諄諄誥誡至再至三。遇有辦理得力之員。破格超遷者。亦復不少。該編修所請妥議建築碉堡章程。著各省督撫嚴飭地方官紳。各就本地情形。斟酌妥辦。實力舉行。不得有名無實。視為具文。至中外大小官

員。徂於積習。巧飾因循。弊端百出。實堪痛恨。雖疊降嚴旨。力加整頓。四載於茲。尚未能盡革頽風。當此時事孔艱。爾大小臣工。尚復不知振作。洗刷精神。食祿苟安。天良安在其所。稱下罪己。以激忠義。一滿漢以示大公。一事權以重責成。求賢才以支大廈。類皆空言激論。無補時艱。朕即位之初。下詔求賢。廣開言路。復特頒手詔。痛戒因循。原期中外臣工。咸喻朕孜孜求治之至意。力挽積習。以副委任。

總之。事事惟求實際。並不願以言感人。崇尚虛文也。滿漢臣工。從未嘗稍存歧視。委任將帥。簡畀封疆。亦皆信任勿疑。何至事權不一。至所稱由科第出身者。讀書明理。斷不至或生異心。即他途入仕之人。亦應稍知臣節。稔知利害。何至甘心從逆。自取滅亡。覽奏殊堪詫異。朕賞功罰罪。一秉大公。該編修之奏。何由而出。此委係心有所疑。故為此語。徒博虛名。又所稱酌用挑賣井水之夫。稽察奸慝一

條。尤屬不成事體。可笑之至。其餘所稱。亦多窒礙。均毋庸議。該編修本無言事之責。所奏又非機密重情。輒遞封章。並以記名御史列銜。實屬有乖體制。嗣後不應奏事之員。有必須上陳事件。仍著懍遵前旨。具呈本管官代奏。不得率行封口。致違定例。○又諭前據載齡奏。拏獲土匪張海龍。訊出夥犯。開單請飭查拏。一摺。當交順天府嚴拏務獲。解交載齡軍營訊辦。茲據該侍郎奏稱。迄今二十餘日。

並未解到一犯亦無回文聲覆等語以特文查拏之案如此因循疲玩其平日之緝捕廢弛已可概見著順天府兼尹府尹仍遵前旨嚴飭所屬將此案逸犯趕緊嚴拏務獲解往訊辦無任一名漏網儻仍前玩誤致令該犯等聞風遠颺即將該地方官從嚴叅辦毋稍瞻徇○諭軍機大臣等昨據勝保崇恩先後馳奏逆匪於十五日夜用地雷轟陷臨清州城各情形覽奏焦灼之至已將勝保善祿崇

實錄卷一百二十四

聖

恩即行革職仍令戴罪自效迅即督兵圍剿嚴扼北犯並嚴諭僧格林沁務將阜城窮寇及早設計殲除免致逆匪勾結惟賊勢猖獗至此北路情形萬分緊要京外東西各營統歸載齡調遣著該侍郎隨時審度機宜統籌守禦尤應多設確切偵探隨地密拏奸細毋致稍涉空虛方為妥善文謙前奏天津滄州一帶兵力單弱並著載齡設法兼顧仍與僧格林沁勝保桂良等聯絡聲援妥籌布置文

瑞業經馳赴固安所有載齡現審未結案件著俟文瑞抵營後即移交審辦其關涉軍務事件仍歸載齡節制以一事權軍情變幻靡常該侍郎應否移營防堵務須熟籌緩急斟酌辦理將此由六百里加緊諭令知之○又諭載齡奏拏獲習教人犯拒捕逃脫請飭嚴拏懲辦等語據稱盤獲習教人犯傅降一名供稱給胡林村鮑四即鮑飛送信業經官兵將鮑四拏獲不料胡林村匪徒竟膽敢聚集

實錄卷一百二十四

聖

多人將官兵打傷奪回鮑四實屬不法已極該犯傅降由安肅縣前來據供安肅寶坻等處俱有習教之人難保無賊匪暗相勾通窺探消息此等邪教固不可操之太蹙亦豈可因循疏縱養癰貽患著桂良密派得力員弁前赴胡林村將鮑四及打傷官兵之匪徒緝拏務獲歸案嚴行懲辦其安肅寶坻等處習教民人並密飭地方官隨時查訪妥為彈壓消患未萌載齡原片著鈔給閱看至該督所

請飭令吳廷棟赴永定河道本任之處現在
阜城賊匪尚未殲除河間地方甚關緊要吳
廷棟著仍留河間辦理防堵團練事宜俟直
隸軍務告竣再行交卸所有永定河道員缺
著該督派員暫署即飭督辦漫口工程勿稍
貽誤將此由五百里諭令知之又諭載齡
奏官兵拏獲習教匪犯仍被奪回請飭嚴拏
等語據稱拏獲習教人犯傅降一名供稱給
胡林村鮑四即鮑飛送信經載齡派兵前往

奏案書

李

宛平固安接壤之胡林村將鮑四拏獲被該
村匪徒聚眾奪回並將官兵打傷實屬目無
法紀著賈楨楊需督飭所屬將鮑四即鮑飛
並奪犯毆差各犯迅速嚴拏務獲歸案審訊
按律懲辦至傅降供稱安肅寶抵二縣均有
習教匪徒畿輔重地豈容此等奸匪潛行溷
跡著賈楨等密飭寶坻縣嚴密查防固不可
操之太蹙亦不可諱飾消弭釀成後患原片
著鈔給閱看將此諭令知之○以兩淮鹽運

使譚廷襄為山東按察使暫留直隸辦理天
津海運事宜

奏案書

李

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百二十四

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百二十五

嚴修總裁官廨避日講起居注官太子太保王壽彭師傳文淵閣領閣事翰林院掌院學士稽奉鈞上諭事件臣聞文淵閣總裁官武英殿

大學士管理兵部事務加十三級紀錄十四次臣費禎棠奉總裁官擬議官大夫太僕寺少卿開事武英殿總纂官督心書士體仁閣

大學士管理戶部三庫事務管理刑部事務四十三號光緒十六次臣周祖培題教習太子少保管理內閣書房事務對引大臣李榕入任

鎮撫旗滿洲都統戶部尚書管理理庫事務加四級隨帶加五級紀錄十二次臣等竊維朝廷官位雖高以爲德威教習清文者達官崇煥請

遼國史館職官正藍旗蒙古都統程部尚書管理太常寺鴻臚寺寺務司二級軍功加四級隨帶加八級紀錄五次
佐什補布等奉

救修

咸豐四年甲寅三月庚申諭內閣自逆匪竄

擾以來所過州縣村莊無不慘遭蹂躪曾經
疊降諭旨令各省紳民辦理團練既可保衛
身家又可隨同官兵勦賊近月以來屢覽軍
營奏報各該處紳民人等或殺賊被害或殉
節捐軀實屬深明大義均堪憫惻著各路統
兵大臣暨各該督撫等迅速查明凡逆匪經
過地方鄉團紳民人等有能奮勇勦賊者隨
時分別保奏朕必立加優獎其陣亡鄉勇除
隨同官兵打仗例得請卹外其有激於義憤

殺賊隕身者。無論防勦逆賊土匪。悉准令紳民於路該地方建立總坊一併題名。並從祀各州縣忠義祠。以昭激勸。將此通諭知之。○又諭和春福濟奏督兵進勦連獲勝仗一摺。自二月初四日該提督等移營三里岡之後。疊據奏報。均經獲有勝仗。每次殲斃逆匪自一千數百名至三四百名不等。本日復據奏稱本月初十日派撥兵勇分門進攻。和春與秦定三往來督戰。福濟帶領官兵各路接應。

該逆突於北門衝出五千人勢甚兇猛官兵分三路迎擊金玉貴親督中路官兵左路鄭魁士右路江忠信復分投抄襲熱河宣化密雲吉林各兵併力向前擊殺賊眾大敗潰奔入城十三日北門逆匪復乘官兵開挖營盤突出四千人直前攻撲秦定三一面於營內連放大礮一面出營攻擊和春復飭鄭魁士等由後路抄襲會合一處併力攻剿斃賊無數該逆復從東門撲出千餘人意在乘

虛窺伺。福濟當飭遊擊嵩瑞等直前迎勦。斃賊數十名。統計兩日。奪獲旗幟。礮械鉛藥等項不下四五百件。廬州逆匪連次被勦。勢已漸蹙。復經此次痛創。逆膽已寒。著和春、福濟、迅即督飭兵勇克復郡城。毋再遷延。時日總兵金玉貴、守備江忠信等。均能不避矢石。身受重傷。實屬奮勇可嘉。果能始終出力。迅奏膚功。朕必加以懋賞。逾格施恩也。○又諭崇綸、青麐奏武昌擊賊獲勝一摺。賊匪盤踞漢

陽漢口一帶。疊經崇綸等督令兵勇焚毀。江面賊船多隻。先後斃賊無算。該逆復於初四日。游駛渡至半江。即經已革總兵楊昌泗出隊迎勦。崇綸等登城督飭兵勇施放連環槍礮。逆賊頭船膽敢冒死登岸。經崇綸等飛調川勇截殺。齊聲吶喊。立斃長髮賊二百餘人。割取首級十餘顆。奪獲器械多件。江面各船亦被槍礮擊燬多隻。其漢陽以上鸚鵡洲賊船亦經遊擊侯鳳岐、千總陳慶有用礮船全

行擊退。初五日。復經崇綸、青麐密飭侯鳳岐等督帶大小礮船渡江直撲對岸賊船。連放火箭火彈。賊眾驚潰。撲水溺斃者甚多。兩次水路合擊。勦辦尚屬得手。即著青麐會同崇綸嚴飭帶兵員弁併力進攻。以殄妖氛。所有在事出力人員並准酌量保奏。毋許冒濫。○又諭桂良奏查明駐防官兵婦女殉難請卹一摺。上年賊陷滄州。城守尉德成力戰陣亡。業已降旨優卹。其防禦四員。驍騎校四員。副

驍騎校八員均同德成力戰陣亡。德成之妻同時殉節。又披甲兵四百十名。養育兵十名。閑散三百九十名。殉難婦女一千八百三十七口。幼丁四百八十名。或臨陣捐軀。或殺身全節。義烈之氣可泣鬼神。婦孺何辜罹茲兇慘。滿洲旗僕深明大義。臨難效忠。毅然不奪。嘉歎之餘尤深憐憫。均著加恩交部從優議卹。以獎忠烈。其現存兵丁仍著照舊支給錢糧。妥為安置。筆帖式雙魁既查無捏飾規避

情事著毋庸議○又諭袁甲三奏勦辦擒匪連獲大勝一摺安徽潁州各屬經粵匪竄擾之後各路擒匪糾約嘯聚偽託粵賊豎旗謀亂所有河南永城與亳州蒙城及外來各擒首合為大股以義門集為總巢臨湖鋪為分窟恣意焚掠橫行無忌聲言三月初六日焚燒張村鋪經袁甲三先期趕到飭派同知朱維屏等出其不意直擣臨湖鋪巢穴先於湖口安設槍礮分兵繞湖行走逆匪三十餘人於集北排列抵敵該文武督率兵勇一擁向前撲進賊隊該匪四路奔竄我兵追趕十餘里殺賊三百餘人該給事中帶兵進逼匪巢之南探聞雉河集與義門集擒匪聲息相通於初九日整隊直抵雉河集該處擒匪先行逃往義門總巢我軍聲言移向他處是晚仍復潛回雉河該匪果由義門乘夜直撲雉河軍營並分股欲由河北抄襲兵勇之後該文武先將船隻挽繫南岸候補直隸州張家駒

等一面守護糧臺一面備敵河岸候補參將朱連泰等分督兵勇出集至馬家樓地方匪眾萬人蜂擁而來我兵分三路迎擊該匪抵死不退復於南北分股前來抄襲意圖圍襲勢甚危急該文武督飭兵勇各按各營分路撲殺自辰至午鏖戰兩時之久人人奮勇爭先殺賊二百餘人該匪力不能支向後撤動兵勇奮力窮追約計二十餘里刀矛並進復斃賊六七百名內有騎馬執旗擒首二十餘名前後奪獲大礮擡礮六十七尊擡槍刀矛擋牌火藥鉛丸無數偽太平天國金四正將軍大旗一面將帥龍虎等旗二百餘件追至渦河渡口該匪爭渡自相踐踏及落水死者不計其數復擊殺一百餘人生擒十三人兵勇受傷者僅二十三名義門賊巢勒洗一空餘匪藏匿寺兒集觀音堂等處為數無多屬擒匪經此大加勦辦獲訊犯供首要多已就戮匪眾聞而膽寒該給事中督辦有方所

有在事出力文武員弁及團練紳民義勇均著准其酌量保奏。現在徐廣縉已將永城以南皮家集蘇家閣一帶擒匪勒敗著該給事中知會聯絡搜捕餘匪務期淨盡勿留餘孽。○諭軍機大臣等勝保奏十七日進攻賊壘殺賊情形一摺前因臨清失守將勝保等革職責令迅圖克復該大臣前奏反復辯論總以並無守土之責為詞尚謂不分畛域迥非平日勇於自任所向無前氣象姑予薄責不即加罪原冀其稍知愧奮刻即圖功乃本日所奏十七日進攻東面賊壘不過斃賊二百餘名迨將濠內賊匪全數殲斃亦未將賊壘及時攻奪空言積憤於事何濟且據稱城內倉廩及積糧處所均為知州張積功都司武殿魁焚燬該逆失望仍分聚城外關廂是城中賊匪無多所賴關廂村莊為犄角之勢若不趕緊設法將城外賊巢盡行平毀使該逆不能互相援應則州城終難克復頓兵日久

師老力疲又必復蹈故轍勢將不可收拾桂明於十八日已抵大名仍著勝保飛調到營並分催各處大礮迅速運到查照前降諭旨另派得力大員將雙禧穆輅之兵迎提統帶酌量地方駐守扼賊竄路計各路徵調之兵將次到齊德勒克色楞崇恩分駐西南及東路其東南一路必應顧及況東昌郡城亦商賈輻輳素稱饒裕之區豈可稍有疏失必俟該逆竄往再籌盡力追擊已落後著前諭以

李湘茶業經由沂州折回即令防守豐工蟠龍集一帶厲恩官帶兵北行即飭馳赴東昌該大臣可以就近調遣察其兵力是否足資扼截今即堵守臨清東南之路總之該大臣固當嚴扼賊匪北竄仍須面面兼顧迅即力圖攻剿收復州城毋再遲延致干重典琦善奏賊匪假冒官兵各情不可不嚴加查察以免墮賊奸計原片著鈔給閱看將此由六百里加緊諭知勝保並諭令德勒克色楞善祿

崇恩知之○又諭琦善奏三汊河官兵未能撤回山東並勦毀老河影泗源溝匪巢各摺片現在賊陷臨清所調各路官兵將次到齊已命勝保等盡力攻勦迅圖克復若俟山東官兵調回亦屬緩不濟急且淮北情形喫重雖有袁甲三秦定三分駐臨淮正陽仍令和春福濟統籌兼顧力杜逆匪北竄所有河州西甯官兵未必能調赴揚州其張亮基請調回山東官兵亦著毋庸調回仍留三汊河交琦善調遣此項山東兵前據張亮基奏據安勇等稟稱日久並未見仗情切思歸現經仍留汝營能否奮勉殊難豫料著隨時激勵用之逆匪竄踞瓜州為日已久豈不能迅速埽除稍紓朕南顧之憂耶其老河影泗源溝兩處梟匪此次大加勦捕辦理尚屬得手著該大臣嚴飭李志和等趁此聲威埽除淨盡勿留餘孽至江面艇船並著隨時調度水陸合擊前據葉名琛奏廣東雇備之紅單礮船已

飭令陸續放洋此項船隻一入長江更可助勦得力矣將此由六百里加緊諭令知之○又諭向榮奏金陵疊次籌攻請調廣東福建官兵助勦並鎮江兩次攻勦情形各等語現在阜城逆匪未除皖豫之賊復由豐工渡河連破金鄉等處直竄臨清本月十五日夜聞州城失守北路情形萬分緊急惟望金陵及早收復埽穴擒渠茲聞向榮奏報金陵疊次籌攻均未得手鎮江亦不得謂之勝仗該大臣務當先就現有兵勇設法進攻將金陵及鎮江城池次第速籌收復則皖豫賊匪有所牽制自不至續行北竄北路勦辦較易為力向榮身膺重寄具有天良豈得藉口兵單聽大局之敗壞致干重罪將此由六百里加緊諭令知之○又諭昨據崇綸青麇等奏武昌連日擊賊獲勝一摺漢陽漢口一帶逆踪遊駛江面意圖直撲武昌此次水陸交戰尚能稍挫賊鋒省城現存兵勇約有萬餘兵力不

為單弱。青麀等惟當鼓舞士氣，激勵民心。一面妥籌守禦，一面設法勦洗。乃疊次奏報，總以外援不至為詞。且以台湧未能由德安分兵到省，徒深焦灼。該撫等祇知顧一省垣，其江北肆擾股匪，豈可置之不辨耶？台湧隨營兵勇收合堵城，殘敗不過二千餘名，以之分勦雲夢、應城、孝感等處賊眾，僅能以少擊多。萬一趨兵南下，而該逆伺隙北窺，全局所關與武昌一省孰輕孰重？況江面全為賊踞，該

督又豈能飛越而渡？即令統此二千兵勇，全數赴鄂，視省中現有官兵所增亦屬無幾。青麀等於軍情緩急機宜，何不加忖度如此？朕統籌大局，總以肅清江面為要。但使江路一通，不獨武昌南北兩岸聯為一氣，即上下游紛竄逆匪亦易於次第殲除。台湧節制兩湖，無論何路勦匪事宜，均應熟籌兼顧相機而行。荊州一帶籌防是否嚴密，孝感、漢陽等處如何督率進攻，佈克慎以獲咎大員，特恩派

令帶罪殺賊者，即飭令分投進剿，以期稍贖前愆。本日青麀單銜奏報，亦不過滙陳勦辦逆匪之難，毫無實濟。現值賊匪猖獗處處，勦辦皆屬緊要。豈獨武昌然耶？青麀身任巡撫，責無旁貸。崇綸係特留幫辦防剿之員，亦豈能置身事外？務即審度事勢，堵剿兼籌，仍設法與台湧聯絡聲援，及早掃蕩。儻稍有疏虞，或藉詞豫為諉卸地步，朕必重治其罪，決不寬貸。至屢次奏稱所發摺件均未接到諭旨，

著台湧迅速就近飭查，是否驛遞遲延。青麀亦當設法差人迎提，飭催豈能宴坐以待？致誤事機。將此由六百里加緊諭知。台湧、青麀並諭令崇綸知之。又諭和春、福濟奏連日進剿獲勝一摺，此時克復郡城固為該提督等專責，而逆匪攻陷山東臨清，扼賊續竄，尤關緊要。前經疊降諭旨，令和春等撥兵交秦定三迅赴正陽關、霍邱一帶嚴杜賊匪西北竄路，並令袁甲三進駐臨淮以遏東北賊衝。

諒和春等接奉前旨。必不敢遷延遲誤。本日據袁甲三奏。遵旨馳赴臨淮。摺內有探聞霍邱土匪披猖。該縣勒捕被害。僅有典史閉門固守之語。如果屬實。則霍邱危在呼吸。儻逆匪乘釁勾結。勢必不守。該縣與六安接壤。為正陽關之犄角。此處一有疏虞。則正陽亦難固守。現據和春等奏報勝仗。秦定三尚在行間。是直坐擁重兵。竟置全局於不顧。著即派撥兵勇。迅交秦定三。剋日統帶啟程。不准稍有耽延。儻令逆蹤再有竄越。或致六安之賊竄及霍邱。彼時再以正陽難守為詞。朕不但將秦定三立正軍法。卽和春福濟亦必從重治罪。現在六安舒城桐城安慶等處。逆匪均不甚多。祇因大兵專顧廬州。人無固志。以致該逆肆意往來。若秦定三移兵正陽。或援霍邱。或攻六安。時時出賊不意。懾以兵威。不但賊難他竄。卽廬城攻剿亦較易得手。前有旨令青州副都統常清將所帶青州駐防兵進

劉黃河兩岸。本日據向榮奏。已於初八日派貴州兵一千名。前往徐州。自係未知秦定三進防正陽。此項官兵若徑赴徐州道路又形紆折。著和春等飛提迎催。卽交秦定三統帶。但不可坐待此兵。致誤事機。仍著先撥官兵數千。速令秦定三馳往。不准稍有遲延。又據琦善奏。逆匪改換服色。希圖他竄等語。著和春等隨處盤查。嚴加防範。毋墮該逆詭計。原片著鈔給閱看。將此由六百里加緊諭知和春福濟。並諭秦定三知之。○又諭袁甲三奏遵旨進防臨淮。並統籌全局一摺。皖省情形敗壞至此。專恃廬州城外一軍。卽使計日克復。亦已驟難收拾。該給事中所奏援潁郡以固正陽。實係緊要關鍵。本日已嚴諭和春等多派精兵。交秦定三統帶前往。復諭英桂卽飭牛鑑進駐潁州矣。袁甲三現辦擒匪。如大勢儘可聯絡。鳳陽定遠等處土匪均著隨地

勦辦亦不必專駐臨淮致成株守至淮河上下如何設法疏通總當力籌妥辦不得諉之正陽阻滯下游徒勞無功也現據和春等奏已飭署臬司恩錫督帶兵勇前赴臨淮所帶之兵究係若干就現在情形而論似臨淮之兵多於正陽而正陽之防重於臨淮該給事中既能統籌全局即可與秦定三和衷商榷互相策應據稱近日正陽關以南民情被賊煽誘竟至有甘心從逆之輩總由安慶舒桐

六安一帶官兵不能兼顧土匪乘機勾結以致脅從日久幾與逆匪相安此時惟有力遏廬州臨淮正陽霍邱等處要隘以圖進攻大軍風聲所到不特杜賊北竄即從逆匪徒亦可聞風稍為斂跡轉移之術惟在隨時相機籌辦不可諉之時事難為也至奸細接濟廬州之賊必應嚴為斷絕著即督飭帶兵文武實力擒拏不准疏懈據琦善奏逆匪改易服色希圖他竄難保其不隨處溷跡尤應實力

防範以免墮賊奸計原片著鈔給閱看將此由六百里加緊諭令知之○又諭據袁甲三奏皖省霍邱一帶土匪披猖其地距潁州甚近郡城緊急之至請飭牛鑑進駐潁州以壯聲威等語牛鑑本在陳州前經諭令英桂督飭該員等嚴防要隘現既潁郡喫緊若有疏虞則皖豫處處可通歸陳等處亦甚可慮著英桂即飭牛鑑帶領兵勇剋日馳赴潁郡以資防勦袁甲三現赴臨淮庶彼此聲勢聯絡

固皖省之藩籬即以保豫疆之門戶桂良前奏有賊催後起由蘭儀續渡之說已諭該撫與王履謙長臻等嚴飭梭巡慎密防守現在賊陷臨清勢甚猖獗阜城餘匪亦未殲除若蘭儀河口再任賊匪續渡該撫自問當得何罪又據琦善探得賊匪有改換服色頂帶偽充官兵希圖竄擾鄰省等語著英桂嚴飭地方文武員弁分兵哨探認真查察不可墮其奸計至彰德衛輝等處近接大名距臨清不

遠亦當趕緊設防。昨據邵燦奏彰德地方官民團練尚堪自衛。其衛輝地面則團練寥寥殊不足恃。著即督飭該處文武嚴密防範。並督率紳民實力團練。毋稍疏懈。英桂現時究竟曾否出省。併歸德信陽兩路防堵情形。作何布置。著即統籌全省大局。隨時奏報。斷不可株守省垣。致滋貽誤。琦善片並著鈔給閱看。將此由六百里加緊諭令知之。○又諭。昨經降旨諭令曾國藩。迅由岳州統領舟師。馳赴楚北。為肅清江漢之計。原以該省軍情緊要。不獨上游荆江一帶。籌防至重。而孝感等縣賊勢方張。屯踞漢陽漢口。逆眾仍復肆意游駛。此股一日不除。武昌一日不能解圍。疊據青麇等奏報各情。僅知專顧省城。能否分兵渡江。以勒為防。迄未籌計。及此台湧帶兵督勒雲夢等處竄匪。兵力甚屬單弱。即漢陽一帶。尚未能力埽兇氛。更難渡江援應武昌。大江南北。任賊往來紛突。非亟籌廓清江面。

何以為擣穴擒渠之計。著曾國藩迅即遵照前旨。剋日帥師東下。迎賊所向。併力殲除。此時得力舟師。專恃曾國藩水上一軍。儻稍涉遲滯。致令漢陽大股竄踞武昌。則江路更形阻隔。曾國藩惟當權衡緩急。相機速辦。朕既以勦賊重任。付之曾國藩。一切軍情。不為遙制。應如何與台湧青麇等聯屬聲威。互相援應。並著隨時妥籌。毋誤事機為要。將此由六百里加緊諭令知之。○引見六部保送考試御史人員。得旨。薛鳴皋。陳鴻翊。侯雲登。方培之。吳世驥。張駿。吳祖昌。金鈞。韓錦雲。劉琨耀。張興仁。甯曾綸。俱著記名。以御史用。○予湖北漢陽縣殉節知縣劉鴻庚祭葬世職。○調福建廣東兵各二千名。赴江南軍營勦賊。○辛酉。諭內閣。嗣後冊封皇貴妃。貴妃。及妃。應製金冊。金寶。冊封嬪。應製金冊。均著改用銀質鍍金。著為令。○又諭。載齡奏審明從賊打仗逆犯。定擬罪名一摺。前因拏獲形跡可疑。

人犯金有供出多人當交載齡留營審訊茲據訊明該犯曾在固安充當練勇膽敢投入賊營從逆打仗殺害官兵實屬罪無可逭金有即照所擬斬決梟示固安縣知縣吳燾於該犯自涿州解回並不悉心研鞫究出實情任聽楊升等保釋已屬草率復稱該逆素有疾迷之症顯係藉詞掩飾吳燾著交部嚴加議處○諭軍機大臣等前有旨令舒倫保將防守潼關之兵移劄豫省黃河南岸以為歸

德等處援應茲據台湧奏德安雲夢相繼失守已催令舒倫保帶兵速赴武勝關與台湧合力攻剿惟潼關一帶空虛必須重鎮方足以資防守本日已有旨令扎拉芬署理西安將軍著即督兵駐劄潼關籌辦防堵其毗連湖北之商雒等處仍著與王慶雲隨時咨商辦理毋稍疏虞將此由六百里加緊諭令知之○又諭前有旨諭令舒倫保帶兵馳赴黃河南岸擇要駐劄實力防剿本日據台湧奏

賊匪竄撲德安雲夢等處相繼失守該督統赴武勝關遏其竄路徐圖克復等語台湧所帶兵勇本係收集潰敗之餘復經挫折更屬單弱武勝關為楚豫交界要隘且由德安至信陽一帶徑路紛歧必須扼要嚴守方能遏賊竄逸著舒倫保迅速督飭原帶官兵馳赴武勝關與台湧聯絡聲勢防剿兼施總以堵賊北竄為要現在阜城未復臨清又陷萬不可再令逆匪續行闖入豫境致滋蔓延將此

由六百里加緊諭令知之○又諭怡良許乃釗先後馳奏圍攻上海賊匪並夷人焚燒營盤兵勇潰散各摺片逆匪占踞上海久未殲除前據該督等奏稱洋涇濱一帶追賊兵勇曾被夷人阻撓是其暗中袒護逆匪已非一次朕早料其從中阻我兵機諭令該督等迅速攻剿免致別生枝節乃本月初七日該夷果乘我兵追賊喫緊之際竟用火器擲燒營盤以致帳房被焚兵勇退散據稱吉爾杭阿

等堅守營壘大局尚能保全該夷因吳健彰詰責自知理絀頗形畏懼等語該夷說誦性成當此賊氛未靖固不可激生事端但一味遷就致該夷窺我虛實陰與上海賊匪勾結為患勦辦更難得手著怡良許乃釗督飭吳健彰設法羈縻妥為控制仍當責以大義杜其奸謀一面趕緊設法攻勦迅圖克復儻再有延誤國法具在豈能再從寬宥耶將此由六百里加緊諭令知之○又諭台湧奏賊眾抄撲郡縣相繼失守一摺覽奏曷勝憤懣該督自上年十二月馳抵德安接辦防堵迄今數月之久自應先事豫籌妥為布置前此克復黃陂正望其督兵進勦何以所帶兵勇遇賊即潰以致德安雲夢孝感應山等處相繼失守據稱兵勇多係收集潰散之餘將士亦無固志何以不能多方激勵坐視潰敗僅欲以一死塞責於事何益逆匪竄入德安其勢甚張此時總以扼守要隘杜其北竄為第一

要著該督現駐武勝關該處與豫省毗連務即督飭佈克慎帶兵實力堵禦勿令逆匪闖入河南境界該督統轄全省責無旁貸雖事處萬難仍當熟計兼籌以冀保全大局豈可專恃血氣再以鹵莽償事此次潰散兵勇著查訊明確即行正法以肅軍律德安等府縣文武下落並著查明具奏將此由六百里加緊諭令知之○又諭據台湧奏兵勇潰散郡縣相繼失守請飭豫省撥兵助勦並據英桂奏信陽一帶布置情形各一摺湖北賊匪連陷雲夢德安等處勢甚猖獗台湧已督帶官兵繞至武勝關遏賊竄路該處為由楚入豫扼要之區果得精兵鎮守逆匪自難竄越台湧自兵勇潰散之後所帶官兵為數無多實屬難資堵勦著英桂速即挑選精兵二千名派委得力員弁星夜馳往聽候台湧調遣總兵柏山已經英桂派赴武勝關著即飛催前進不得稍有遲誤德安等處與豫省交界處

所路徑紛歧仍著隨地嚴密防堵毋任賊匪繞越英桂現雖患病布置尚屬得宜一切防剿必須盡心籌畫以副委任林揚祖經該撫派令帶兵出省是否得力仍當隨時察看毋誤事機將此由六百里加緊諭令知之○又諭本日據台湧奏賊匪竄擾德安等處郡縣相繼失守並英桂奏飛咨柏山馳往信陽堵剿各一摺楚北賊匪連陷郡縣勢甚猖獗現在惟有嚴守武勝關要隘防其北竄最為要著柏山由固始督兵前進相去較近著即迅統官兵星夜馳抵武勝關隨同台湧等實力堵剿儻行走不能迅速督戰不知奮勉致賊匪闖入豫境該總兵恐難當此重罪也○湖廣總督台湧奏賊眾抄撲德安郡縣失守得旨何至一無攔阻任賊長驅聞風及臨敵潰散情形殊出意外初十日德安失守十四日應山失守彼時何不趕緊馳奏直待至十七日始由六百里具奏又無加緊字樣豈已昏

憤糊塗耶想汝由德安敗走狼狽已極○山東巡撫崇恩奏臨清州文武各官殉難情形得旨該文武力保危城終遭慘禍汝身任封疆亦稍知愧憤否○河南巡撫英桂奏皖楚賊氛逼近派兵堵遏竄渡得旨飭令柏山前往堵剿甚是惟豫省東西兩路固皆為緊要而南路空虛尤其本日已有寄諭令舒倫保速進南路迎剿歸德一路可責成林揚祖督飭徐廣縉嚴密防範○以喀什噶爾領隊大

臣扎拉芬署西安將軍○以湖北德安府及雲夢應山縣城被賊竄陷革湖廣總督台湧職仍留任○以勦辦上海賊匪延玩摘江蘇巡撫許乃釗頂帶○予山東臨清州殉節知州張積功副將慶德參將吉興遊擊王用安阿克東阿慶順都司武殿魁希奎千總馬誥祭葬世職並建專祠○壬戌上幸瀛臺○御紫光閣閱侍衛等騎射○諭軍機大臣等僧格林沁等奏連日進攻情形一

摺逆匪竄踞阜城尚有萬餘分占關廂村莊四處我兵屢次誘敵仍不過小有斬獲總未能痛加剿洗該逆負隅抗拒又已月餘臨清逆匪近據勝保奏稱十七日進攻僅斃賊多名亦未能將賊壘即時攻克且稱該逆仍分踞城外關廂恃為犄角是該大臣等剿辦兩處賊匪均未能剋日奏功尤恐頓兵日久師老力疲致南北之賊聯為一氣防剿更形棘手昨據台湧奏湖北逆賊連陷德安雲夢應

山等處該督繞赴武勝關已諭令舒倫保柏山等帶兵馳往堵剿該處與豫省毗連能否杜其北竄尚難豫必此時阜城之賊儻能及早克復或與勝保分路進攻或大軍合力併剿聲威既壯自可漸就肅清若再事遷延致敗竄餘匪牽掣我軍北路全局尚可問耶前調大礮諒已運到著該大臣等督飭官兵迅速進攻不可畏難自阻賊眾既願投出即當設法解散以孤賊勢仍須嚴密防範不可大

意致墮奸計並飭慶祺趕緊設法開挖地道以備轟擊前據琦善奏賊匪每假冒服色希圖溷跡等語著該大臣嚴飭各營實力稽查毋稍疏忽原片著鈔給閱看將此由六百里加緊諭知僧格林沁並諭西凌阿托明阿知之○又諭惠慶奏廣西團練日壞請急籌挽救一摺逆匪自粵西竄出以後蹂躪數省近復逼近畿疆尚未撲滅前曾疊次諭令各省實行團練保衛地方並諭勞崇光惠慶通籌

全省大局親往督辦本年三月貴州學政黃統奏柳州慶遠百色等府廳盜賊肆行沿邊地方戒嚴復經諭令勞崇光與惠慶督飭文武趕緊剿除並勸諭團練以助兵力旋復據勞崇光奏剿辦各屬土匪情形並稱調兵措餉實已智盡能索一籌莫展該撫在粵有年於該省情形自應熟悉所有勦匪辦團各事宜何至毫無把握迄無一定章程如惠慶所奏省外團練多為伏莽之數兵至則為團兵

去則為賊敗壞至於此極實堪痛恨近日各省情形皆由於官民各不相洽團練藉資紳士假令地方官妥為勸諭委任得人自能著有成效若辦理四年之久地方賊黨愈多咎將誰諉者勞崇光惠慶酌量地方情形妥為籌辦總期官民相安庶不致多生枝節並著揀派賢員隨地隨時督率公正紳耆會同妥辦儻令滋生事端該撫等自問當得何罪耶至所稱龍啟瑞朱琦總辦團練何以不能認真經理所有獎勵紳士開單濫保並有擅作威福遇事把持等語著勞崇光惠慶秉公查察破除情面其有藉團練為名假公濟私必當嚴行懲辦若紳耆中公正有為者亦必當隨時激勵勿令解體該撫等務當統籌全局使官民上下同心協力以除奸宄而靖地方惠慶原摺著鈔給勞崇光閱看將此由六百里諭令知之○新授湖北巡撫青麐奏報謝恩得旨汝既為巡撫尤不可專顧武昌一城

崇綸已有暫留之旨○廣西提督惠慶奏廣西團練日壞以致盜匪日多現擬設法挽救得旨所奏皆係真情堪為浩歎各省團練勇懦不一然尚不至若廣西之敗壞已極變態百出現在直東逆氛正熾粵省又豈忍置作緩圖但汝摺中對句太多殊覺落套雖辭蘭意達終屬厭觀○以騎射中箭六枝賞乾清門頭等侍衛托雲在御前侍衛上行走○癸亥諭軍機大臣等雷以誠奏設法勸捐以助兵餉一摺據稱防守東路以來軍餉各項皆取給於裏下河十數州縣之捐輸上年秋冬及本年二月間曾疊次撥解琦善等營軍餉現擬將所募練勇酌量裁減即以裁減餘項接濟琦善各營官兵之用仍極力勸捐專事籌餉等語所奏自係因時變通之法尚屬籌辦得宜著琦善即飭雷以誠將裏下河一帶商民諄切曉諭實力勸捐俾該商民等咸知捐輸接濟兵糈即所以保衛身家自能踴躍

急公不至遷延觀望至仙女廟邵伯鎮等處各村集既據雷以誠奏稱所築土圍礮樓砦堡一律完整並附近要隘所團各鄉勇亦頗有技藝著琦善仍飭令該革員認真查勘毋得始勤終怠所有捐輸團練事宜即責成雷以誠悉心妥辦為要該大臣務當督率水陸將弁迅將瓜州餘匪悉數埽除毋再遷延老師糜餉致干重罪將此由六百里諭令知之○又諭雷以誠奏試行捐釐助餉業有成效

請推廣照辦以裕軍儲並開列章程呈覽一摺粵逆竄擾以來需餉浩繁勢不能不借資民力歷經各路統兵大臣及各直省督撫奏請設局捐輸均已允行茲據雷以誠所奏捐釐章程係於勸諭捐輸之中設法變通以冀眾擎易舉據稱裏下河一帶辦有成效其餘各州縣情形想復不甚相遠著怡良許乃釗楊以增各就江南北地方情形妥速商酌若事屬可行即督飭所屬勸諭紳董籌辦其有

應行變通之處亦須悉心斟酌總期於事有濟亦不致滋擾累方為妥善雷以誠摺單均著鈔給閱看將此由六百里各諭令知之○又諭和春福濟奏酌派已革總兵赴正陽關防勦等語該提督等圍攻廬州固不可緩而西路空虛必須得力大員帶兵扼要防勦以堵賊匪續行北竄現既不能迅克廬州徒使大兵為賊牽綴實屬昧於事機已於摺內嚴切批示矣郝光甲前在山西追賊遲延迨催

赴直隸軍營又復觀望不前其居心巧滑殊不足恃霍邱土匪情形前此寄諭已經詳示正陽關為賊匪自西竄北必經之路該提督等乃稱為形勢稍緩派令不能得力之員前往防勦何不知緩急若此著和春福濟仍遵前旨即將所派官兵交秦定三管帶剋日馳赴正陽關督同劉玉豹認真防勦其霍邱等處均責成秦定三嚴遏賊匪北竄並相機進攻六安與和春等聲勢亦可聯絡郝光甲仍

行撤回廬州軍營隨同打仗其應否仍用陝甘官兵之處亦著和春等妥速籌撥毋稍延誤。現在賊匪雖據探稱盡返廬州其六安亦必有賊黨占踞且既由正陽關回竄安保其不去而復來。設正陽關霍邱一帶防勒委任非人致令賊匪又復乘閒北竄則東豫兩省處處喫重關繫大局甚為緊要該提督等豈可一誤再誤耶。將此由六百里加緊諭知和春福濟並諭秦定三知之。○又諭英桂奏請

展緩秋審一摺現在豫省防堵緊要自可展限辦理惟近日賊竄處所輒先開放獄囚藉為嚮導此等罪犯既得脫羈囚又復甘心從逆益恣兇悍前以賊竄直境曾諭令桂良將各屬重犯分別正法發遣以為先事豫防之計著英桂督飭司道將各州縣監禁各犯詳覈案情凡斬絞重犯法無可貸者立即隨地正法其情有可矜及例應緩決者即行減等辦理應發遣者亦即審結起解至秋審雖擬

情實向例免勾之犯並著開單請旨總期獄無留滯以免疏虞其軍流以下各犯有年力精壯可用殺賊者該撫酌量收錄俾得效力行閒立功贖罪此係權宜辦理仍當詳加體察毋致別生事端至南路賊情尤須勤加偵探現在如何布置並著隨時馳奏英桂現在省城病體曾否漸痊本日已有旨令楊需馳驛前往協同該撫辦理防勒事宜務當於皖楚豫省交界地方嚴密防堵仍須相機進剿

與鄰省聲勢聯絡毋稍疏虞將此由五百里諭令知之。○又諭盛璵等奏酌派土默特蒙古兵丁聽候咨調一摺前調之綏遠城駐防兵丁一千名經恆春遵旨派赴紫荆關一帶扼要駐劄現在南來逆匪復陷臨清而阜城窮寇尚未殲除山西與直豫毗連處所仍應厚集兵力以備徵調據盛璵等奏稱該城滿營官兵現已不敷分撥惟有歸化城土默特撤回歸屯官兵七百五十名堪備晉省咨調

並前經該撫調省訓練之滿營精壯閒散二百七十名。足數一千之數。著恆春即將各該兵丁等。應需軍裝器械鍋帳口糧等項。及減半製裝銀兩酌量籌辦。以備續行調撥。仍期覈實搏節辦理。毋致虛糜。將此由六百里諭令知之。○江南提督和春等奏奪毀賊壘獲勝情形。得旨。所奏俱悉。現在廬州固應及早克復。為是。但北路門戶已開。任賊來去。汝二人惟知緊攻廬州。並不兼顧北竄。由正陽回

六安之賊。並非窮蹙奔回。設該逆留少賊以牽汝等大兵。別分多賊由西路繞出。或西或東。非仍循蕭碭即旁竄河南。汝等又不能分身。雖立正典刑於全局。何濟現雖逆聚廬州。正是說謀不測。避實擊虛到處牽綴。汝等反謂可聚而殲。旃踞廬之逆。閱數月尚未克復。今添賊反有把握。其誰信之。郝光甲朕總慮其巧滑。汝等何昧於事機。昏憤若是耶。○命順天府府尹楊需馳往河南協同巡撫英桂

辦理防勦事宜。以刑部左侍郎李鈞兼署順天府府尹。○予安徽陣亡衛千總韋運雖祭葬世職。○甲子諭內閣。前因勝保奏參張亮基欺飾冒功等情。當經降旨將張亮基革任。發往軍臺效力贖罪。嗣復據張亮基奏報本月初九十四等日勝仗均交勝保善祿崇恩秉公確查具奏。茲據勝保等奏查明張亮基於初九十四日兩次進攻賊壘。雖皆獲勝。每次殺賊僅一二百人。練勇亦有傷亡。該革員信任典史陳韜。但憑其言入奏。於打仗情形尚多不實。現在張亮基染患目疾。請給假醫治等語。張亮基於軍務重情。不知詳細。考覈輒聽信委員誇張之詞。率行入奏。實屬罪有應得。著仍遵前旨發往軍臺效力贖罪。並著勝保等派員即日押令起解。不准藉病請假。致任逗遛。湖北棗陽縣典史陳韜雖臨陣尚知奮勇。而性喜誇張。語多不實。且行文出示。輒以監軍自稱。謬妄已極。著交部議處。所有

兩次接仗出力之勇目人等仍著勝保等查明具奏○又諭勝保等奏進攻賊壘續獲勝仗一摺逆匪自轟陷臨清州城仍占踞城外關廂負隅抗拒勝保慮及該逆乘虛西竄與德勒克色楞密商設伏之法出其不意以期制勝即抽撥黑龍江蒙古馬隊多名派委總管平海二等侍衛榮全協領巴依胡朗帶領前往西南一帶扼要潛伏夜間大股擁至意圖竄突我兵遙聞聲息寂然不動俟其行近

齊聲吶喊直前截殺槍箭並發該逆猝不及防無能抵禦旋即亡命奔回賊隊大亂我兵奮勇追殺斃賊四五百人該逆黑夜之中彼此不能認辨自相踐踏擊殺及情急投河者不計其數其裹脅之眾經官兵解散並乘亂逃出者不下三四千人此次設伏邀截斬獲甚多勝保等務即乘勝會合兜圍一面嚴扼紛竄一面迅籌攻剿收復城池盡殲逆黨毋任遷延貽誤自干重罪○諭軍機大臣等前

據英桂奏河南省應運咸豐三年漕糧因運河梗阻請將粟米麥豆均按每石一兩二錢五折銀報解聽候採買當經戶部以京倉米石不敷支放奏令運道稍通即速催運北上茲復據戶部覈議基溥等所奏請將豫省漕糧折銀作為採買之本等語該省每年起運漕糧例限於三月初十日抵通現在時日已遲而河道仍多梗塞京倉支絀採買米石最關緊要著英桂鄭敦謹督飭糧道將本屆

應運正耗米麥豆石按數折銀除薊糧項下應撥保定等處兵俸等米一萬五千餘石照例定每石八錢之數劃出徑解直隸藩庫外其餘並著按照戶部所議全數批解到部以備採買資本並將輕齎銀款一併照例解通該撫等務當迅速妥辦毋任稍有延緩致誤要需將此由六百里諭知英桂並諭鄭敦謹知之○又諭前諭載齡俟文瑞到固安後應否移營斟酌辦理並經載齡奏擬赴雄縣駐

劉茲據文瑞奏稱痼疾益甚懇請開缺已降旨准其開缺調理矣。固安地屬扼要載齡駐此居中調度各路官兵聲勢可期聯絡現文瑞既未能前往該侍郎即毋庸移營他處。雄縣防堵事宜亦關緊要即著該侍郎派委得力員弁帶兵前往駐劄。前所請添派精兵之處已諭巡防王大臣照數調撥。此時阜城餘匪尚未殄滅臨清現又失守逆跋鴟張時思竄逸京外東西各營守禦萬分喫緊載齡總

統諸營務宜熟籌緩急嚴飭各路帶兵大員實力防範斷不可稍有疏虞。所有現審未結案件仍著載齡迅速審辦分別定擬具奏。將此由六百里加緊諭令知之。○又諭勝保奏連日焚燒浮橋並設伏誘賊疊獲勝仗各摺前降諭旨謂勝保幸賊南竄原因該大臣前奏於西北一路則稱以血戰當之於回竄東南西南則稱惟有跟蹤追剿是以責令就地芟除以仍係該大臣前此自行具奏之語且

所稱東昌豐工劉家口等處應行布置之處無不一一指示並未嘗令該大臣抽撥進攻之兵分防南竄之路。乃此次奏報轉稱過其北竄已覺大費躊躇直似北路尚無把握南竄更不待言顯係有心剖辯試思逆匪若竟由南竄紆折西向何處不可繞越北犯該大臣之意以為沿途截殺較之頓兵相持易於得力此亦實在情形屢次奏報無不以此為長策然自獨流賊竄之後一到阜城又復負

隅抗拒殲滅無期該大臣所自信者尚不能收效於前朕豈能不為顧慮。上次硃批所謂若又南竄更難收拾該大臣豈以為無足重輕耶。至牽涉前此諭令進駐德州之旨尤屬非是賊氛初入東境阜城距德州較近朕豈能料善祿張亮基之不能要擊致令逆匪折而西竄若使當時逆匪竟由大路北竄繞出臨清則德州正當其衝該大臣進兵清河不又轉在賊南乎況緩兵徐進之語豈亦諭旨

中所有緩急機宜原在統兵大臣身在軍營者隨時斟酌朕亦未嘗因該大臣不駐德州責其違旨該大臣乃以諭旨為口實曉曉置辯於事何濟至所稱局外疑謗豈得盡無即如張亮基密陳各片雖係一面之詞斷不能動朕之聽而所稱出隊時毫無知會撤隊時始派接應按之本日該大臣覆奏練勇接仗摺內各情節似亦不盡虛誣朕此時但以勦賊為重該大臣果能力挫兇鋒迅殄妖氛即

有性情偏僻之處朕亦不遽加以譴責總在該大臣平心自問有則改之無則加勉自能閒執讒口若事事負氣不能深籌熟計致逆匪日久稽誅國法具在不待他人之叅奏也桂明已抵館陶移輅雙禧之兵據桂良奏報亦已到防即著迅速督催併力進勦大名一帶復經桂良添派駐劄正定之大同兵五百名前往協防著一併歸該大臣調遣至軍餉一節復據戶部奏請將山東漕項折價留為

勝保軍需等語著諭知崇恩安速籌辦此係京倉正款因軍餉緊要特照部議以濟急需該撫仍當嚴飭藩司糧道按數改折以備支給僅出入之間不免折耗即酌量將米石撥營備用覈實報銷仍著先將銀米數目分晰具奏並咨明戶部以憑查覈戶部片一件並張亮基片二件均著鈔給閱看將此由六百里加緊諭知勝保並諭德勒克色楞善祿崇恩知之○又諭王慶雲奏潼關防務緊要請

飭總兵豐紳先赴該處並請飭甘省派兵備調等語本日已諭知易棠飭令豐紳迅即帶兵赴潼關防禦並著易棠在甘省各營內豫派兵一千名以備徵調矣至該撫奏先赴潼關與豐紳會同籌辦俟布置就緒再往商維一帶察看要隘並請令文俊署副都統缺辦理旗營事件所擬俱是文俊即著署理西安左翼副都統省城團練防堵事宜即飭該員與文武各員弁認真辦理其潼關防堵事務

著該撫與扎拉芬先行妥籌布置俟豐紳到後更可會同商辦務當嚴詰奸細慎密設防斷不可令匪徒假冒難民乘閒闖入前據琦善奏稱逆匪竟有假扮官兵衣頂冒渡關津者尤應加意稽查萬勿墮賊奸計至商雒等處並著嚴飭徐之銘陳景亮等悉心防範俟甘省兵到仍照所請以一半分撥舒倫保行營並陸續籌解軍餉以資接濟該撫統轄全省責無旁貸務當彼此兼顧毋稍疏虞將此

由六百里加緊諭令知之○又諭據王慶雲奏舒倫保帶兵赴豫防剿請飭延綏鎮總兵豐紳馳赴潼關接辦防務惟該處派防官兵經桂明舒倫保前後統帶出境約計三千四百名並須俟易棠指派到關之甘肅兵二千名內再派千餘名赴舒倫保行營是潼關一帶防兵無多著該督即飭現署提督豐紳迅赴潼關並飭豐紳於該提鎮兩屬內再派得力官兵七八百名赴關協同防禦現因湖

北孝感雲夢德安應山相繼失守已飭舒倫保馳扼武勝關要隘距陝愈遠陝境兵數徵調不少西安滿洲營事務雖飭扎拉芬署理將軍文俊署理左翼副都統而王慶雲又將親赴潼關會同豐紳籌辦一切所有遠近防守官兵仍恐不敷調遣著易棠再於甘肅各營內豫派精兵一千名備齊軍裝器械以便臨時徵調並於護甘州提標永固協事漢中左營遊擊蕭鳴章署西甯鎮屬歸德營遊擊事督標後營遊擊魏常安西甯鎮屬永安營遊擊吳仕珍護涼州鎮屬永昌協事西甯歸德營遊擊郭思忠護涼州鎮屬新成營都司降調千總李大成署涼州鎮屬水泉營守備涼標前營千總徐晉六員內酌派三四員飭令迅速啟程馳赴陝西交王慶雲差委毋稍遲誤將此由六百里加緊諭令知之○又諭駱秉章奏賊匪由陸路復竄岳州現籌省城防堵一摺前因湖南勦辦由陸路南犯賊匪

獲勝。疊經諭令曾國藩統領舟師出境埽除江面賊踪。乃因蒲圻新到賊眾甚多。升用同知直隸州王鑫迎勦於羊樓司地方。拒戰失利。折回岳州。該匪全股直撲郡城。曾國藩督率各員帶勇轟擊。城內各勇乘賊勢稍却。絕城而出。曾國藩遽率水勇礮船回省守禦。致賊舟前隊已至距省百五十里之白魚磯。覽奏曷勝焦灼。現在長沙省城防守自關緊要。該撫已飛調江忠濟募勇力疾赴援。復添調

辰州官兵來省。並與曾國藩布置內外水陸各地方文武紳勇聯絡聲勢。當可力保省垣。惟岳州為南北要隘。上則屏蔽長沙。下則援應武昌。咽喉重地。豈可置之不顧。仍著曾國藩酌撥船礮設計迎截。並著繞道飛飭胡林翼塔齊布斷賊後路。一面分撥兵勇於平江益陽兩路前攻岳州。使該匪復背受敵。則省城之勢不至危急。而胡林翼等一軍亦較有接應。且可相機水陸兩路援應武昌。曾國藩

所統礮船勇多餉足。原為肅清江面。今既未能迅速下駛。亦豈可株守長沙。坐俟逆賊之至。而不為南北兩省通籌大局耶。鮑超豹提督全省軍務。何以並未出省。勦辦賊匪。著與駱秉章等熟籌防勦。一面保護省城。一面相機進攻。曾國藩仍應統帶舟師下駛。或分撥船勇派委得力將弁併力攻擊。俾湖南境內賊氛埽蕩。庶可為援救湖北之計。現在黃州上竄之賊已疊陷孝感。雲夢。德安。應山。北路

情形萬分喫緊。非有大隊水軍駛至漢陽江面。無以牽綴該逆。之後。別無釜底抽薪良策。駱秉章曾國藩當如何急籌奏功。為兩湖全局計也。王鑫輕進失利。著即革職。該員平素勦匪尚屬奮勉。著准其留營帶勇效力贖罪。將此由六百里加緊各諭令知之。○山西巡撫恆春奏請將帶兵防堵守備康麟。張會川暫緩引見。得旨。張會川仍著送部引見。其餘各員如有帶兵出省及實在得力者。隨時奏

請礙難一概展緩○刑部右侍郎文瑞因病解任以正白旗滿洲副都統基溥為刑部右侍郎○河南巡撫英桂因病賞假以布政使鄭敦謹暫署巡撫○以攻勦山東臨清州賊匪獲勝賞協領巴依胡朗花翎防禦滿達拉瑪等藍翎餘升賞有差○予山東陣亡千總蔡英輔路受若虎士德把總郭玉良易寶林外委郭必仁田福馬起發祭葬世職把總龐玉祭葬世職如守備例均建專祠○乙丑

上詣

壽康宮問

皇貴太妃安○諭內閣前因全慶等奏北運河上游北寺莊地方河隄被水衝缺當令桂良委員估勘辦理現在海運將次抵津所有北寺莊隄工著改派賈禎李鈞就近派員勘估設法捐辦務即趕緊興修毋稍延誤○諭軍機大臣等桂良奏請將習教滋事民人分別妥辦一摺安肅等縣向多習教之人此時逆

匪未平難保不互相勾結惟該民人尚無不法實跡自應分別辦理毋致激生事端所有胡林村奪回鮑四人犯著該督仍遵前旨派委妥員嚴密查拏務獲懲辦其餘習教之人既未為匪即不得概行株連致滋擾累並飭地方官隨時稽查妥為彈壓另片奏稱千總薛玉堂盤獲西洋人孟鎮升一名即著該督派員詳訊確供據實具奏將此由五百里諭令知之○又諭前據福濟奏參江蘇山陽縣在籍中書丁晏藉辦團勇斂錢擾害當經降旨將丁晏革職交福濟督同臬司查文經審擬具奏嗣因查文經革職福濟調任安徽巡撫復奏請提案到皖審辦茲據都察院奏丁晏之子戶部候補主事丁壽昌以代父鳴冤等詞赴該衙門呈控並鈔錄丁晏寄給伊子控告呈詞有舉人鮑桂生及其父鮑掄彥因挾宿嫌勾串高潤懷陳步榮砌詞誣陷鮑桂生前充漕幕現又在安徽巡撫幕中等語丁

晏捐錢辦團。是否擾民肥己。鮑桂生有無挾仇陷害情事。高潤懷等係案內要證。何以一經提訊。輒敢藉病潛逃。均應徹底根究。以昭信讞。丁壽昌已飭令回籍候質。此案著仍交福濟提集人證。秉公審訊。據實具奏。不得以參奏丁晏在前。並因鮑桂生現充該撫幕友。稍有瞻徇迴護。原摺並呈二件。均著鈔給閱看。將此由六百里諭令知之。○閩浙總督王懿德奏報到任日期。並請覲得旨。著不必前來。

俟今歲冬閒。或明年秋閒。酌量地方情形。再行奏請。卿之心地才幹。朕深知之。必能勝任。尤應時加振作。緩緩必有起色。閩省文武積習。斷非一朝所能挽回也。○以詹事府詹事奎章。充日講起居注官。○撫恤琉球國遭風難夷如例。○丙寅諭軍機大臣等。僧格林沁奏連日誘賊出巢。官兵屢獲勝仗。一摺。逆匪竄踞阜城。堅匿不出。總未大受懲創。二十三日。經該大臣設計誘賊出巢。該逆突出四

五千名。直撲南面。顯係奪路奔逃。欲與臨清之賊互相勾結。現在大礮業已到營。著該大臣即督飭員弁。趕緊進攻。以期迅速。肅清本日據勝保等奏。乘夜進攻。焚燬賊巢三處。惟城外賊巢尚有十餘處。城內賊匪亦復不少。軍營馬隊無多。不敷遏截追剿。請將穆輅所帶之兵一千名。撥赴阜城。於僧格林沁軍營內明慶烏凌額所帶馬隊官兵酌撥一千名。或八百名。速赴臨清。聽候調遣。各等語。著僧

格林沁即於明慶等所統馬隊官兵內酌量調撥。穆輅所帶之兵。雖未經戰陣。惟均係火器營勁旅。該大臣素所深悉。驅策必能得力。總期統籌全局。毋誤事機。該大臣勦辦阜城賊匪。責無旁貸。固不可令與臨清逆賊聯為一氣。若令突圍而出。再致滋擾他處。朕惟該大臣是問。將此由六百里加緊諭知僧格林沁。並諭西凌阿。托明阿知之。○又諭勝保等奏。乘夜進攻。焚燬東關外賊巢三處。斃賊多

名一摺逆匪竄踞臨清經勝保等督兵攻剿屢獲勝仗勦辦尚屬得手惟賊巢尚有十餘處城內之賊亦復不少必當乘此聲威迅圖殄滅固不可任其奔突致與阜城之賊勾結亦不可令其負隅死守牽掣我師本日據僧格林沁奏稱連日誘賊出巢屢獲勝仗而阜城尚未克復此時該大臣自應先就所帶官兵妥為籌辦毋誤事機至穆輅雙禧所帶之兵何以日久尚未到營著勝保查明如有意

延宕不遵調遣即行嚴叅逆匪疊受懲創其勢已挫我兵於西北一路必能力遏賊衝其東南西南正南僅抽撥馬隊三百名渡河分剿尚恐不敷堵剿該大臣務即統籌全局激勵弁兵迅將此股逆匪就地勦除勿令蔓延將此由六百里加緊諭知勝保並諭德勒克色楞善祿知之○又諭本日據文謙奏請飭撥馬步官兵駐劄津郡一摺當有旨令巡防王大臣酌量籌畫具奏據惠親王等奏稱載

齡所統防兵未能抽撥京旗各營亦未便調發等語阜城臨清兩股逆匪疊經僧格林沁勝保等連次攻剿均獲勝仗賊膽已寒當可扼其北竄惟津郡為畿南門戶滄州又為天津南路藩籬皆應加意防範載齡統領之兵並無馬隊且又分布涿州良鄉固安黃村楊村等處京營勁旅雖多亦多係步卒京師根本重地巡防喫緊均未便再行外撥津郡所屬多與山東地面大牙相錯其運河迤南一

水直達若該逆勢窮思竄或由閒道北犯文謙總當督同鎮道府縣激勵將士就現有兵勇擇要防堵勿令闖入滄州鄉勇既有數千人著飭令地方官勤加操練以濟兵力之不足青縣慶雲鹽山南皮等縣亦當一律辦團不得以兵勇單薄為詞稍滋疏懈載齡現駐固安距津不遠儘可就近策應著文謙多設遠探遇有緊急即行飛報巡防王大臣並知會載齡以便撥兵應援毋稍大意致誤事機

將此由六百里傳諭文謙知之○調甘肅西甯鎮總兵官雙銳為直隸天津鎮總兵官○以攻勦山東臨清州賊匪獲勝賞協理台吉阿拉坦第布花翎恩騎尉龔鉢以千總補用○以攻勦直隸阜城縣賊匪獲勝賞二等侍衛達崇阿穆騰阿頭等侍衛千總王堃藍翎復佐領錫齡阿職○調吉林黑龍江兵各一千名赴山東軍營勦賊○調甯夏兵五百名赴河南軍營勦賊○撫恤琉球國遭風難夷如例○

上以孟夏時享

太廟自是日始齋戒三日○丁卯諭內閣本年輪應年班之御前乾清門上行走內扎薩克蒙古王公等著仍行來京外其在外行走之内外扎薩克蒙古王公台吉呼圖克圖喇嘛等俱著停班一年○又諭勝保等奏乘夜焚燬賊壘殺賊無數克復臨清州城一摺逆賊攻陷臨清後節經官兵截殺堅匿不出復經

勝保用大礮晝夜向賊巢轟擊二十五日勝保派令桂明桂齡孔廣順等帶兵由西北進攻善祿雙禧帶兵由東南進攻已革藩司張集馨帶練勇與侍衛恭鈺等由西面攻擊三面同時並進勝保親督馬步官兵在城北列陣以待時西北風微作我軍銜枚疾走至二十六日丑刻西面練勇潛行過河向賊巢拋擲火彈齊聲吶喊賊眾驚亂急開槍礮抵禦我兵奮力撲入大隊一擁而進燒斃槍斃賊

匪枕藉於地約計三千餘名我軍追殺直抵南面賊巢賊隨拒隨逃向南竄散城內之賊不敢竄出猶於城上開放大礮經崇恩帶領協領久祿等合力進攻我兵踴躍先登立斃城上賊匪多名臨清州城登時克復兵勇分投搜殺復斃賊三百餘名裹脅之眾逃散者不下數千名奪獲贏馬火藥槍礮刀矛旗幟無算德勒克色楞善祿克興阿魁福綿洵等當即督兵追勦勝保亦即督帶馬隊繼進逆

賊由皖豫竄擾東境勢甚猖獗此次殺斃及擊散之賊不下萬人勦辦尚為得手勝保善祿崇恩前次摘去頂帶革職處分均著加恩開復德勒克色楞著賞還花翎並開復降留處分所有在事出力員弁兵勇等著勝保酌量保奏候朕施恩現在賊匪南竄必須盡力追勦悉數殄滅著勝保等督率各路官兵趁此聲威一鼓殲除毋令餘匪紛竄○又諭曾國藩奏岳州水陸各軍接仗情形並自請治

罪一摺此次岳州水軍雖獲小勝惟因陸路失利以致賊匪復行上竄曾國藩統領水陸諸軍調度無方實難辭咎著交部嚴加議處仍著督帶師船迅速進剿克復岳城即行赴援武昌毋得再有延誤○諭軍機大臣等陸元烺奏戰船將此竣工急需礮位請飭廣東趕緊籌解等語昨據葉名琛等奏續購夷礮一百尊派員解楚並令副將懷塔布查探如有夷船續到當再行購買運送楚省現經飭

令曾國藩於搜捕湖南逆匪後即日統師東下肅清江面茲據陸元烺奏稱除已造各船並雇備漁船百餘隻外尚擬添造戰船四十隻為上下游夾擊之計惟舊有之礮不敷撥用前曾咨會廣東省購買請飭速行解往自應亟為籌撥著葉名琛等迅速酌量情形如解往楚省之礮位四百二十尊及駛赴江南軍營之紅單等船礮位約可敷用即將續購夷礮配齊礮架礮具等派委妥員帶同演礮弁兵刻即解赴江西以資攻剿並將續購夷礮已有若干尊及如何分撥之處先行馳奏將此由六百里加緊諭令知之○又諭和春等滙陳皖省賊勢現在籌勦情形一摺覽奏祇言攻勦廬州為急務仍未分兵令秦定三移劄正陽為扼守北路之計和春等僅知圍一廬州朕不能不通籌全局此次由皖北竄之賊長驅直入逼近畿疆北路軍情何等緊急該提督等自抵廬接辦軍務以來果能及

早攻克各城。先事布置北路各要隘。該逆又焉能冒險北犯。如此狡猾。節經降旨嚴飭秦定三移兵進剿正陽關。並上次批回摺。詳晰指示。總須兼顧北竄。原以正陽霍邱一帶門戶洞開。全軍為廬賊所牽掣。儻再墮賊奸計。復令伺隙北趨。勢更不可收拾。自應分兵嚴扼北路為緊要關鍵。並非謂廬州可不必攻。亦非令秦定三帶兵株守正陽。遂不進剿六安賊匪也。試問該提督等克復廬郡。有無一

定把握。若廬州不能即復。雖擁眾兵為賊牽掣。亦與株守之防兵何異。若能於正陽霍邱一帶扼其要隘。相機進攻六安。舒桐等處。亦即可以防為剿。不但遏賊北竄。且與廬州大軍聲勢聯絡。輕重緩急。機宜該提督等何不一加審度耶。郝光甲若果足資捍衛。何以不留於廬州。可見不如秦定三之得力。以賊匪衝突要路。委任非人。儻致再有疏失。誰當其罪。著和春福濟仍遵疊次諭旨。即將郝光甲

撤回迅速酌撥精銳官兵。飭令秦定三剋期統帶前往正陽關。督同劉玉豹嚴密設防。扼要堵截。其六安霍邱一帶逆賊土匪均責令秦定三相機防剿。儻有疏虞。或遷延貽誤。該提督等厥罪維均。朕斷不能稍從寬宥。和春福濟仍即督率將士設法攻剿。廬州不得藉口兵分力單。徒事株守。一面與秦定三袁甲三等聯絡聲威。以資援應。至所稱近賊處所民情率多從逆。尤堪憤恨。總由被脅日久。官

軍未能兼顧。以致勾結為患。並著該提督等嚴飭各屬團練。激勵紳民協助兵力。庶期化莠為良。匪黨漸知斂跡。將此由六百里加緊諭知和春福濟。並諭秦定三知之。○又諭前據駱秉章奏。賊匪復由岳州上竄。曾國藩退保省城。並塔齊布一軍懸駐崇陽通城一帶。聲勢隔絕。已諭令駱秉章力保省垣。曾國藩仍分兵進剿。並飭鮑起豹不得安坐省城。致成株守。本日據曾國藩奏岳州陸軍敗潰水

路小勝。並船隻遇風沈損。各情形已將曾國藩交部嚴議矣。曾國藩所統各勇。為數過多。既須勦辦粵逆。又須搜捕土匪。即如所奏。有撥赴平江通城者。有撥赴臨湘蒲圻者。又有不能依限前進者。散布各處。照料既不能周。勦辦自難得力。一有敗衄。人無固志。似此何能力圖進取。此時肅清江面。專恃此軍。曾國藩一人。誠恐不能處處照顧。著即與駱秉章妥為商榷。不論文武大員。在籍紳士。有可協

同帶勇之人。即著一函具奏。一面飭令來營管帶。以資攻勦。四川鹽茶道夏廷樾。現已留於湖南。勸諭捐輸。著即幫同帶勇進勦。曾國藩初次接仗。即有挫失。且戰船被風沈損多隻。何事機不順。若是究竟所損各船。有無器械餉需。為賊所得。著即查明據實覆奏。駱秉章所調兵勇。諒已陸續到省。曾國藩師船總以進復岳州兼籌東路為要。現在湖北待援孔急。若逆匪久踞岳州。分屯益陽。我軍阻隔

省河。日久相持。下游愈形喫緊。曾國藩以在籍紳士。若祇知專顧湖南。不為通籌全局之計。平日所自許者。安在。鮑起豹本係水師大員。何以不令督帶舟師。勦辦賊匪。是否不能得力。且該提督何以陸路亦未帶兵前進。著駱秉章等查明具奏。將此由六百里加緊諭令知之。○又諭御史載馨奏請飭稽查奸宄一摺。京師為根本重地。當此巡防喫緊之際。豈容奸宄溷跡。漫無稽查。茲據該御史奏稱。

近見街市往來。多有長髮及寸之人。衣服長短不一。口音又非本地。難保非奸細溷跡。意圖窺伺。著步軍統領衙門。順天府五城一體嚴密認真稽查。固不可任令差役人等藉滋事端。亦不准互相推諉。稍疏防範。果查有改裝易服。意圖窺探。及行蹤詭秘。人犯立即密拏。從嚴懲辦。將此諭令知之。○又諭本日據勝保奏。克復臨清。督兵追勦一摺。據稱賊已南竄。更慮其說詐。百出。從旁繞越北犯。著僧

格林沁迅即確探消息嚴密防範前諭該大臣將明慶烏凌額所統馬隊調赴勝保軍營此時是否啟程如賊果南竄離阜城較遠即著此項馬隊趕緊馳赴臨清協同追剿儻賊有北犯之意無論大名及山東東昌德州一帶均著該大臣迅派馬隊迎頭截擊萬不可稍事耽延仍著嚴飭軍營將弁一律嚴防並與勝保桂良載齡等隨時知照毋稍疏虞將此由六百里加緊諭令知之○又諭勝保奏

李

攻克臨清州城餘匪南竄一摺所稱賊匪乘隙出街向南紛竄並無確實去向難保該逆不繞越他竄此次逆匪大股北來其意圖北犯之勢甚決斷不肯因連次敗挫即折回故道臨清西南緊接大名廣平由東南而北直抵德州距阜城之賊甚近本日已諭僧格林沁確探賊蹤儻逆賊果向南奔即將明慶等所帶馬隊迅速調往隨同追剿儻有旁竄北路之信即飭此項馬隊隨處迎剿勝保亦可

前後夾擊該逆說謠百出或精銳早已潛竄而留孱弱裹脅之眾以當我兵威則雖克復州城仍非了局該大臣等務當乘勝窮追使該逆不得喘息自不至再有蔓延勝保屢以追賊獲勝此正可以得手之時若能迅殄逆氛立清畿輔不特前次處分可一併開復尚當崇膺懋賞也崇恩著即留於臨清督辦善後事宜東昌一帶頗形空虛即賊蹤未曾擾及亦不可稍疏防堵勝保隨營軍餉即著崇

李

李

恩飛速運解毋稍落後將此由六百里加緊諭知勝保並諭德勒克色楞善祿崇恩知之○又諭本日勝保等奏臨清州城已於二十六日克復殲斃賊匪不下萬餘該逆向南奔竄現在德勒克色楞等已督帶馬隊官兵跟蹤追剿勝保隨後督兵繼進惟賊匪既拌死北犯必不肯甘心南竄已諭知僧格林沁加意嚴防著載齡嚴飭各路帶兵大員慎密防守勤加偵探與僧格林沁勝保桂良隨時知

照嚴拏奸細。毋稍疏虞。將此由六百里加緊諭令知之。又諭本日據勝保馳奏二十六日攻克臨清州城。殺賊萬餘。賊壘全行焚毀。餘匪向南奔竄。惟未經指明賊蹤所向。恐該逆詭詐百出。仍留裏脅之眾。誘我窮追。而潛分精銳之賊。繞越北犯阜城之賊。尚未殲滅。該逆既意在來援。必無甘心回竄之理。其由德州繞竄之路。僧格林沁尚可兼顧。至大名廣平一帶。距僧格林沁軍營較遠。誠恐得信稍遲。著桂良嚴飭張殿元。確探嚴防。毋任賊蹤闖入。即賊蹤四散狂奔。未入直境。亦可酌量帶兵出境迎勦。不必拘定專防大名。僅勝保追勦得手。而該署提督不能截扼。朕惟張殿元是問。仍著桂良與僧格林沁載齡隨時知照。多設偵探。不得稍存大意。將此由六百里加緊諭知桂良。並傳諭張殿元知之。○浙江巡撫黃宗漢奏。欽承訓示。謝恩得旨。汝尚未深悉朕意。仍看成訓誡之詞。予湖南陣

書錄本

六

委

書錄本

六

亡衛千總鄒國彪祭葬世職。○戊辰浙江巡撫黃宗漢奏。海運放洋。聞警改期。現在趕緊裝兌得旨。所奏甚屬詳明。又奏海運餘耗米二萬一千餘石。留浙糶變。批著照所奏。仍留浙以濟民食。又奏逆匪竄陷安徽祁門防堵情形。並擒獲奉化地方逆匪洪世賢。又批賈堪嘉尚。洪逆一案出力人員。迅速查明保奏。○命惇郡王奕諒管健銳營事。○命貴州長壩營守備丹桂發往欽差大臣勝保軍營差

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百二十五

實錄卷一百二十五

六十三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百二十六

監修總裁官經筵講起居注官太子太保工部尚書總纂修臣徐鴻儒等奉 諭旨纂修欽此臣等謹將
本朝高宗純皇帝實錄卷一百二十五次實錄續纂修臣等謹將本朝高宗純皇帝實錄卷一百二十六次實錄續纂修臣等謹將
本朝宣宗成慶皇帝實錄卷一百二十五次實錄續纂修臣等謹將本朝宣宗成慶皇帝實錄卷一百二十六次實錄續纂修臣等謹將
本朝穆宗毅皇帝實錄卷一百二十五次實錄續纂修臣等謹將本朝穆宗毅皇帝實錄卷一百二十六次實錄續纂修臣等謹將
本朝宣宗成慶皇帝實錄卷一百二十五次實錄續纂修臣等謹將本朝宣宗成慶皇帝實錄卷一百二十六次實錄續纂修臣等謹將
本朝穆宗毅皇帝實錄卷一百二十五次實錄續纂修臣等謹將本朝穆宗毅皇帝實錄卷一百二十六次實錄續纂修臣等謹將
本朝宣宗成慶皇帝實錄卷一百二十五次實錄續纂修臣等謹將本朝宣宗成慶皇帝實錄卷一百二十六次實錄續纂修臣等謹將
本朝穆宗毅皇帝實錄卷一百二十五次實錄續纂修臣等謹將本朝穆宗毅皇帝實錄卷一百二十六次實錄續纂修臣等謹將

敘修

咸豐四年甲寅夏四月己巳朔享

太廟

上親詣行禮。○諭軍機大臣等。據勝保奏。追剿
臨清竄匪。續獲勝仗一摺。逆匪由臨清南竄。
占踞李官莊。經勝保等督兵斬殺。尚有一二
萬之多。若不趕緊殲除。又必致負隅抗拒。昨
有旨諭令僧格林沁。確探嚴防。並飭令迅撥
馬隊。馳赴勝保軍營協剿。本日據奏。已挑選
精捷馬隊八百名。俟穆輅帶兵來營。即飭明
慶帶領馳赴勝保軍營。穆輅之兵。何以尚未

趕到。著即派員一面催提。一面飭令馬隊官兵兼程前進。李官莊追勦喫緊。該大臣自必統籌全局。以期無誤事機。據勝保奏。生擒賊匪。供稱該逆本欲犯大名東昌。因畏官兵緊追。不敢肆志前進。且謀屯聚村莊。再想竄路等語。李官莊與東昌大名等處俱有大路可通。該逆詭譎異常。難保不繞越思竄。該大臣仍當確探賊蹤。妥籌防範。至阜城之賊。仍前死守。何日始能蕘事。玉明等所送礮位。早到軍營。又將何所藉口。本日奏報。抽撥馬隊等語。於賊匪現在情形。該大臣如何布置。設法乘機攻取。並未敘及。朕宵旰焦勞。日盼捷音。早至。乃一味遷延。不能迅奏膚功。朕於該大臣倚任不為不專。恩遇不為不厚。若頓兵日久。師老無功。該大臣尚有何顏對朕耶。著僧格林沁督飭將弁兵勇。剋期將此股賊匪。一鼓殲除。毋留餘孽。並著與勝保。桂良。載齡等隨時知照。毋稍疏虞。將此由六百里加緊諭

知僧格林沁。並諭西凌阿。托明阿知之。○又諭勝保等奏。餘匪潰竄。官兵追勦情形一摺。二十六日。我兵攻克臨清州城。餘匪向南奔竄。雖經勝保等督兵追勦。殲斃多名。而逆眾尚有一二萬之多。全股盤踞李官莊。該處四面空闊。道路分歧。我軍分剗各路。惟正南一帶。僅撥馬隊扼截。布置尚未能周密。本日已諭令僧格林沁。速派馬隊。前赴勝保軍營。以資調遣。至雙禧之兵。業已到營。而穆輅所帶官兵。究竟現在何處。據僧格林沁所奏。亦未行抵阜城。何以如此延玩。著該大臣。迅即查明。仍遵前旨。嚴叅懲辦。逆匪現踞李官莊。尚有餘存木柵濠溝。未經平毀。明係臨清之賊。恃有此處窟穴。決計潛竄。我兵追擊雖速。斬殺雖多。恐仍係裹脅之眾。其長髮老賊。又已漏網。此時若不乘其喘息未定。迅速進攻。痛加勦洗。必致敗竄餘匪。又成負隅之勢。據稱宅築濠牆。催調大礮。若待布置數日之後。再

行進攻。豈不又落後著。該大臣統兵勦賊。總未殲除淨盡。若再令此股倖脫。更滋蔓延。必將勝保從重治罪。決不寬貸。其大名廣平等處。與東境毗連。張殿元現駐大名。前調之山西澤潞防兵一千名。計日亦當趕到。著該大臣隨時嚴飭張殿元。實力防勦。毋稍疏懈。致干重罪。將此由六百里加緊諭知勝保。並諭德勒克色楞善祿知之。○又諭長臻奏請飭沿河州縣廳汛各官。合力堵截等語。黃河形勢散漫。前此屢諭沿河督撫。嚴飭所屬員弁分段巡防。及至賊由豐工結筏。乘虛偷渡。地方官既未聞阻遏於前。復不能追擊於後。皆由各州縣區分畛域。而廳汛各員。亦不肯會籌合勦。致該逆陸續北來。如入無人之境。長臻所稱分防河口。不如各就地方聯絡扼截。較有憑藉。亦不為無見。就一州縣而論。兵勇固屬無多。若合數州縣之兵勇。遇有警報。互相策應。尚足以資堵勦。且地面相距近或五

六十里。遠亦不過八九十里。儘可朝發夕至。為側擊旁攻之計。現在臨清股匪。經勝保等克復州城。該逆勢極窮蹙。回竄李官莊。尚未能盡數殄滅。安徽賊匪。有欲由蘭儀偷渡。再行北犯之說。河南山東沿河地方。防範總宜嚴密。庶未雨綢繆。不至臨時茫無所恃。長臻已將蘭儀擺渡船隻。全行裁撤。並在陳橋鎮扼守柳園等處口岸。王履謙亦前赴虎牢關一帶。查驗練勇。惟桂明現在山東軍營勦賊。舒倫保飭赴豫楚迎勦。其劉董各口。及豫東所屬上下游河岸。均慮空虛。王履謙係特派巡河大員。長臻身任河督。英桂崇恩有地方之責。鄭敦謹雖暫時署篆。均屬責無旁貸。著即嚴飭沿河州縣廳汛各官。務須聯為一氣。偵探賊蹤所在。如有窺伺河口者。飛即咨會籌商。各出兵勇。設伏出奇。毋令一匪偷渡。儻不遵照辦理。立即從嚴叅劾。至防河正以防匪。修守甚屬緊要。長臻另摺奏稱黃河各廳

承辦歲儲。因司庫錢糧未能接濟。致展限屆期。仍難購竣等語。著英桂、鄭敦謹、崇恩等嚴催藩運兩司。迅將河工料麻價銀及幫價。撥不敷等項。趕緊籌款。星速起撥。毋再延緩。致誤工需。將此由六百里加緊諭知王履謙、長臻、英桂、崇恩。並諭鄭敦謹知之。○欽差大臣勝保等奏。臨清餘匪竄踞李官莊。現在設法圍剿。亟圖殄滅。得旨。誠可謂狡兔三窟。必又要攻之不易。曠日持久。○河東河道總督

長臻奏。嚴防河岸。收集船隻。並會商舒倫保、桂明。妥籌分布。得旨。汝身任河督。責無旁貸。自應嚴防辦理。舒倫保飭赴豫楚迎剿。桂明已在軍營打仗。均不能改撤。○命都察院左副都御史文彩。前往通州。會同倉場侍郎朱樽。驗收海運米石。○予山東臨清陣亡千總王吉。把總焦元。祭葬世職。○予東河殉難主簿韓怡。吏榮曾。祭葬世職。家屬幕友等。旌卹如例。○庚午。諭軍機大臣等。曾國藩奏。勦辦

崇陽通城賊匪。續獲勝仗一摺。前因逆匪復由岳州上竄。諭令曾國藩統帶師船。由長沙進復岳州。兼籌東路。不得專顧湖南。致誤事機。本日據台湧奏稱。江北賊情猖獗。鄂省情形。萬分緊急。曾國藩務當通籌全局。迅圖克復岳州。直抵湖北武漢之間。以資救援。至陸路帶兵員弁。道員胡林翼。副將塔齊布。均能勦匪獲勝。即飭由崇通一路痛加勦除。與師船聯絡聲勢。以期與鄂省會合進攻。毋得稍

有延誤。前在崇通勦賊獲勝各員。著擇其尤為出力者。酌保數員。毋許冒濫。台湧餉匱已久。情形危迫。他處撥款甚難。且亦緩不濟急。著曾國藩與駱秉章速商。迅撥銀數萬兩。妥速解往。以應急需。將此由六百里加緊諭令知之。○又諭。前因德安等處失守。諭令舒倫保帶兵馳赴武勝關。並諭英桂。挑選精兵二千名。馳往聽候。台湧調遣。茲據台湧奏稱。江北賊情猖獗。請飭迅撥勁旅。並速接濟糧餉。

以資進勦等語。應山之賊。由間道竄往隨州。希圖斷絕荆襄聲息。總由該逆。知我江北兵勇無多。故敢於東北西北兩路。肆行奔突。曾國藩因岳州失利。退保長沙。現已諭令仍督舟師。自岳州赴援。南昌協副將羅玉斌。所帶兵勇。復諭陳啟邁。飭令由麻城黃安一帶。直赴台湧軍營。但此兩路官兵。趕到尚需時日。恐難濟急。松潘建昌兩鎮官兵。亦未據奏。啟程。本日又嚴諭裕瑞。飛催前進矣。舒倫保。已

於上月二十四日啟程。計日當可到關。總兵柏山。相距甚近。何以尚未趕到。著即飛速迎提。合力進擊。毋任藉詞延宕。該督所調武勝關黃土關。陝甘兵共一千名。加以柏山所帶官兵。約有二千餘名。務當激勵將士。設法相機進攻。力遏賊匪北竄。斷不可令其沾染楚兵。恇怯習氣。致誤事機。其荆襄一帶。仍須與官文等。聲息相通。互為策應。所需軍餉。已諭令裕瑞。王慶雲。曾國藩。設法接濟。本日據官

文等奏。添派官兵防堵。懇酌撥銀兩等語。該將軍現添派防兵一千二百餘名。口糧不敷支放。自係實在情形。著台湧知照官文等。准其於四川解楚餉銀內。酌量截留。以濟要需。惟不得全數留用。致台湧軍營。益形支絀也。將此由六百里加緊諭令知之。○又諭前諭英桂。挑選精兵二千名。派員管帶。迅赴武勝關一路。聽台湧調遣。並飛催總兵柏山。星馳前進。本日據台湧奏。江北賊勢。日益披猖。所

帶兵勇。俱係驚潰殘卒。萬難得力。若不速將應山股匪。挫其兇鋒。致令賊眾肆竄。大局更難措手。著英桂。鄭敦謹。仍遵前旨。將挑選官兵二千名。速即派委得力員弁。即日管帶啟程。赴台湧軍營。聽候調遣。總兵柏山。先經英桂。派赴信陽州。復有諭旨。令其星馳前進。何以尚未趕到。此時台湧。兵單勢孤。專恃此軍。以助勦辦。似此軍情緊急。豈容任令遷延。著英桂等。飛催柏山。迅速帶兵前進。毋稍遲緩。

至武勝關防兵五百名。現經台湧札調出關助勦。該處為楚豫要隘。應如何嚴兵扼守之處。並著英桂等妥籌辦理。不得稍有疏虞。本日已有旨。催令舒倫保督兵趕緊馳赴信陽州。武勝關扼賊北竄之路。所有沿途夫馬車輛。即飭地方官妥速應付。毋誤軍行。將此由六百里加緊諭知英桂。並諭鄭敦謹知之。○又諭。前有旨令舒倫保督帶官兵速赴武勝關。與台湧會合勦賊。茲據台湧馳奏。現在賊勢披猖。該督由武勝關進勦。兵力單弱。不敷調遣。情形萬分緊急。舒倫保接到此旨。無論行抵何處。即著星夜督兵兼程前進。會同台湧合力兜擊。杜賊北竄之路。萬不可稍有耽延。致誤事機。將此由六百里加緊諭令知之。○又諭。鄂省逆賊日肆猖獗。台湧扼守武勝關。餉絀兵單。情形極為急迫。前經疊諭裕瑞飛調建昌松潘兩鎮官兵星馳往援。迄今尚無抵鄂消息。楚蜀壤地相接。豈可坐視鄰封

緊急。任意稽延。著裕瑞嚴催此項官兵迅赴楚北。聽候台湧調撥。再於川省各營內添撥精兵。遴選將弁管帶。剋日啟程。赴台湧軍營備調。以期埽蕩妖氛。不得但顧川防。致湖北賊匪益難收拾。前令四川籌撥銀十萬兩。協濟軍需。想已遵照辦理。現在台湧所統征兵練勇。口糧支絀。著裕瑞再行寬為籌畫。徑解江北台湧營中。以資接濟。裕瑞簡任疆圉。目覩時艱。自應通籌全局。酌量緩急。懍遵疊次諭旨。於兵餉兩事。悉心計議。迅行撥給。毋誤事機。將此由六百里加緊諭令知之。○又諭。楚北逆匪鴟張。軍情萬分喫緊。而餉項匱絀。實有不支之勢。著王慶雲設法籌畫。速於陝省無論何項。即行撥款。派員起解。務由豫省取道徑赴江北台湧軍營。以資接濟。舒倫保帶兵馳赴楚省勦賊。曾諭令該撫陸續籌濟軍餉。並俟甘省官兵到陝。分撥舒倫保軍營。該撫諒已一切豫為籌備。至潼關商雒等處

防禦如何布置之處。務須隨時妥籌。毋稍疏虞。將此由六百里加緊諭令知之。○又諭青慶奏庫款空虛。請飭部撥餉銀。速行籌解一摺。前因湖北兵餉孔亟。經戶部議令江西省籌措銀十萬兩。解往以資接濟。至今尚未解到。鄂省情形萬分緊急。各營兵餉專待此款支發。著陳啟邁迅即先行籌撥銀五六萬兩。解往接濟。其餘部撥銀兩。仍著陸續籌解。毋稍延誤。又據台湧奏請飭赴楚援勦之南昌

協副將羅玉斌。由麻城一帶前進等語。羅玉斌現在義甯勦辦土匪。是否事竣。著陳啟邁即飭羅玉斌迅領原帶兵勇一千名。由麻城黃安等處繞出賊前。迎頭截擊。該撫務當權衡輕重。移緩就急。萬不可稍有延宕。致誤事機。將此由六百里加緊諭令知之。○又諭青慶奏請催撥餉銀一摺。已有旨令陳啟邁於部議籌撥銀十萬兩內先解五六萬兩。迅速啟程矣。現在江北盼望援兵。情形緊急。甚於

武昌。統計調撥應援之兵。均屬緩不濟急。該撫防堵武昌。所擁兵勇已逾萬人。若但用以守禦省垣。試問江北再有疏虞。武昌豈復可恃。辦賊之事。雖專責之督臣。巡撫亦職任守土。不能辭咎。著即酌派將弁抽撥兵勇赴台湧軍營助勦。若請餉則藉口於兵多。赴援則推諉於兵少。貽誤之罪。豈能寬宥。所稱連次批回摺件。均未收到。已諭軍機大臣查照辦理矣。惟是軍報緊要。偶遇道途梗阻。即當豫

籌改設驛站。以免貽誤。豈可漫無稽察。聽其遺失。至地丁漕糧。係惟正之供。湖北未被兵處所。現在地丁錢糧徵存若干。漕糧改折若干。未見該省奏報。此項正款亦可就近催提應用。豈能專藉他省協撥。總之應徵之款不得藉口延誤。捐輸之款亦須實力勸諭。惟在守土大吏統籌全局。設法籌辦。何得以萬難措手為詞。一籌莫展也。將此由六百里加緊諭令知之。○辛未諭軍機大臣等琦善奏水

陸兩路獲勝情形一摺。此次艇船由焦山上駛連日接仗。雖經擊沈賊船多隻。轟斃逆匪多名。仍未能痛加勦洗。進攻陸路賊匪亦屬小有斬獲。該逆蟻聚瓜州。屢誘不出一遇官軍進仗。輒復退回死守。似此狡猾詭譎。若再令其負隅抗拒。勦辦何日蕆事。琦善督師日久。朕之倚任。不為不專。著即嚴飭統帶水師鎮將。迅速管領各項艇船。設法駛進瓜州。併力環攻。與陸路官兵會合夾擊。毋得藉口火藥缺乏。再事遷延。若能剋日將該處餘匪。掃數殲滅。則該逆雖有復取揚州之說。亦將何計可施。該大臣惟當力圖攻取。以勦為防。無待朕之諄諄訓諭。至由皖北竄之賊。眾至數萬。直犯臨清。經勝保等屢次截殺。克復州城。仍有一二萬賊。竄踞李官莊地方。且阜城餘匪亦未能一律肅清。畿輔情形。萬分喫緊。而皖省分踞廬州安慶各匪。負固如常。上竄湖北逆眾。久踞漢陽漢口。復由雲夢孝感。屢陷

德安應山。進逼隨州。其由金口紛竄之賊。又擾及楚南。再陷岳郡。各路賊情。狡猾至此。朕昕夕焦急。寢食難安。琦善應如何通籌全局。為朕分憂。蕞爾瓜州。攻勦如此費手。亦豈不知滅一股。即少一股。庶可分兵策應。為漸次廓清東南之計耶。將此由六百里加緊諭令知之。○又諭據琦善奏。清江籌防局。本為養勇而設。應由楊以增另行籌款支發。不得因該處籌防局。係宿遷糧臺分設。復由宿遷撥解等語。著楊以增。即飭將籌防局應支用之項。另款收發。以清款目。其徐州防兵練勇。應由徐州糧臺支應。宿遷防堵官兵。統歸文煜支應。庶不致彼此牽混。轉滋影射之弊。原片著鈔給閱看。將此由六百里加緊諭令知之。○又諭。昨據台湧奏。催調黃土關陝甘官兵。已有旨諭令英桂。迅飭帶兵各員。出境赴援。乃本日據英桂奏報。竟有飛咨台湧。暫緩調撤武勝關黃土關守兵之語。何昏憤若是。調

兵進勦。豈得謂之調撤。前次諭令該撫。挑選精兵。星夜前進。並催總兵柏山。星馳赴援。原令其出境迎勦。該撫乃以遵旨嚴防交界要隘為詞。並欲俟舒倫保。柏山。抵信陽後。留兵駐關。方可前進。似此必致兩處貽誤。著英桂。鄭敦謹。仍遵前旨。飭令武勝黃土兩關陝甘官兵。剋日前進。總兵柏山。亦當兼程前進。台湧現駐應山縣境之東旺店。距豫省較近。所有調到豫省之兵。即著台湧相機督率進勦。此時賊勢披猖。固不可孟浪輕進。亦豈可任賊北竄。毫無布置。其舒倫保赴援之兵。即係柏山之後路。仍著英桂沿途飛催。並飭經過地方。妥為應付。總期兵力厚集。以勦為防。朕所以屢催豫兵赴楚者。正為嚴遏前路。即以固豫省藩籬。該撫所奏。何以尚未深悉朕意耶。另摺奏陳州勦捕喫緊。請留牛鑑暫緩赴潁等語。現在皖豫交界情形。較楚豫交界地方。稍有不同。著准其暫留陳州。督辦土匪。若

潁州一帶有警。仍應出境會勦。不得區分畛域。致誤事機。皖楚兩省軍情。仍著英桂隨時確探速奏。將此由六百里加緊諭知英桂。並諭鄭敦謹知之。○河南巡撫吳桂奏。嚴防楚豫交界要隘。守關弁兵。未能撥赴湖北。得旨。覽奏實堪詫異。豈已昏憤若是耶。舒倫保柏山。均赴楚北。尚虞單薄。豈能又留兵駐關。方可前進。必致兩處貽誤。凡汝所謂可靠處。正是漫無把握處。○以散秩大臣連成為鑲藍旗蒙古副都統。○以河南紳董辦團出力。賞廩生竇鉦等藍翎。○賞故鑲藍旗蒙古副都統穆騰額銀三百兩治喪。○壬申上詣大高殿行禮。時應宮拈香。○御紫光閣。閱侍衛等騎射。○諭內閣。朕寅承大寶。時以法祖為念。去歲冬至。南郊大祀。未克躬親。今正

祈穀。又酌減儀文。雖因骸疾未愈。升降恐致失儀。然慚愧縈衷。實有不能以言喻者。茲逢

雩祭屆期。幸賴

天恩。朕躬步履如常。一切典禮。仍應照舊舉行。因思至敬無文。禮昭明訓。前期詣

壇祇謁。暨恭視

壇位典禮。允宜遵循。勿替益申儼恪之誠。其閱

視籩豆牲俎。非關大典。嗣後仍遣員閱視。勿

庸雙請。祭日禮成後。仍在降輿處乘禮轎出

廣利門。永為例。○又諭

壇

廟大祀。鉅典攸關。所有王公以下。及文武百官。

例應陪祀人員。均應恪恭將事。以昭誠敬。乃

近日陪祀各官。人數無多。總因視稽查為具

文。怠惰偷安。罔知儆畏。著再行申諭宗人府

禮部。都察院。各堂官。嗣後凡恭遇

壇

廟祭祀。其應行陪祀人員。如有無故不到者。即

著各該衙門。指名查叅。以重祀典。○又諭勝保奏逆匪南竄。追殺獲勝一摺。臨清潰竄餘匪。自經官兵屢次痛勦。伏匿李官莊。經勝保等四面圍攻。該逆情急。亟圖潛逃。於三月二十八日黎明。全股向西南衝出。我兵分兩翼追殺。逆眾且戰且走。德勒克色楞魁福綿洵克興阿。急督馬隊進勦。勝保自帶馬隊。遏其旁竄之路。該逆自知難脫。抵死回拒。我兵益加奮勇。槍箭刀矛。同時並進。追殺三十餘里。

沿途斃賊二千餘名。半係長髮真賊。餘匪竄至冠縣。迤北清水集。占踞村莊三處。善祿督帶步隊。登時趕到。縱火焚燒。斃賊五六百名。立將三村奪回。統計是日殺賊二千數百名。生擒二百餘名。解散及投出裏脅之眾。不下二三千人。奪獲大礮十二尊。槍械旗幟牛馬車輛火藥無數。此次逆匪奔竄。占踞清水集地方。復經我兵痛勦。已屬殘喘苟延。著勝保督飭官兵。盡力圍勦。務令就地埽除。毋任再

有竄逸。○諭軍機大臣等。僧格林沁奏。初二日攻擊賊匪。獲勝一摺。此次逆匪由阜城南面撲出。被地雷轟擊。殲斃甚多。復向北面衝突。又經官兵擊退回巢。逆勢窮蹙。急圖竄逸。該大臣已四面安設地雷。正當乘此機會。誘令出巢。悉數殲除。惟該逆詭計百出。一經受創。恐另圖繞越之路。或奸細潛通消息。知我地雷處所。設法揭破。不可不防。該大臣務即懍遵。疊次諭旨。迅督各路官兵。將此股賊

匪盡行掃蕩。收復阜城。毋令竄出。致與東境賊匪會合。本日勝保奏。二十七等日。將李官莊賊匪痛剿。沿途擊殺五六千名。追至距冠縣四十里之清水集。該逆占踞三村。立即奪回。復又焚斃多名。賊匪現在屯聚清水集。必須併力圍攻。而德勒克色楞額受槍傷甚重。不能督帶馬隊。平海亦項受槍傷。計該逆所最畏憚者。馬隊官兵。當此得力之時。無人管帶。且不敷追剿。著僧格林沁。於接奉此旨

後。即日飭令明慶。將挑選精銳馬隊官兵八百名。統帶啟程。前赴勝保軍營。隨同勦辦。勿庸俟穆輅到營。再行換撥。轉致遲誤。該大臣即將明慶啟程日期馳奏。穆輅自桂良奏參後。不知行抵何處。殊堪詫異。著僧格林沁迅速檄提。仍一面查明。如有沿途逗遛情節。據實嚴參。從重治罪。將此由六百里加緊諭令知之。○又諭勝保等馳奏。官兵截勦竄匪。大獲勝仗一摺。此次逆賊被勦窮蹙。向南奔竄。

經勝保等督兵分路截殺。追勦擒斬。約有五六千人。辦理尚屬得手。惟該逆被創情急。現復竄踞清水集地方。南距冠縣僅四十里。若勦辦稍遺餘力。又必致負隅拒守。以老我師。且壤地緊接大名。此時自以嚴扼西北兩面為緊要。斷不可任令逆蹤肆意奔突。仍復擾及畿疆。即東南一路。亦須周密布置。盡力追擊。總期就地芟除。迅籌妥辦。免致餘燼復熾。所請添調馬隊。本日復諭令僧格林沁。迅即

飭明慶統帶前次選出精銳八百名。剋日啟程。即著勝保派員飛檄迎提。以期迅速。所有蘭儀及豐工各河口。節經嚴諭各該督撫鎮道等多撥兵勇。防守要隘。該大臣仍當督率帶兵各員。乘此股竄匪喘息未定。一鼓作氣。聚而殲旃。方為不負委任。若再延時日。又致該逆竄擾他處。但以追勦獲勝為詞。而不計南北大局。貽誤之罪。更將誰諉。德勒克色楞忠勇之忱。朕所深悉。疊次勦賊獲勝。均能奮不顧身。尤堪嘉尚。此次親督馬隊進勦。於黑夜之中。被賊槍打穿左髀。血透重衣。覽奏之餘。實深懸繫。已明降諭旨。加恩賞賚。并特派乾清門侍衛恩全前往看視。用示恩眷。仍著勝保先行傳旨嘉慰。令其一面加意調攝。俾得及早就痊。與勝保等同心勦力。殄此妖氛。朕方懸不次之賞。為該大臣等褒獎勲勞也。仍著勝保將德勒克色楞及總管平海受傷輕重情形。隨時馳奏。以慰朕懷。至賊匪自竄

入山東境內。連陷州縣。地方文武總未能實力堵截。即如李官莊。賊竄過後。其木壘濠牆。地方官任令留存。並不平毀。可見平日團練防守。盡屬空談。現在賊匪被勦。又將回竄冠縣。或東西分竄。著勝保傳旨崇恩。厲思官。嚴飭地方文武員弁。激勵兵勇。四面堵擊。以助官軍追勦。若守土之官。漫無布置。仍前貽誤。即著該大臣指名嚴叅。以肅軍律。將此由六百里加緊諭知勝保。並諭德勒克色楞善祿知之。○又諭前因逆匪由豐工渡河。降旨令楊以增將該處河段專管之員。指名叅奏。本日據該河督覆奏。籌防徐州。並防堵清淮情形。於查叅河段官員一節。僅以現在催查。分別奏叅一語了事。該地方文武。於屢奉嚴旨。防河之後。仍敢視為具文。致逆匪紮筏偷渡。豈尋常疏於防範可比。即律以軍法。亦屬罪無可逭。該河督既不先行嚴叅。迨奉有諭旨。猶復視同泛常。僅照查叅例摺聲敘。實屬不

知緩急。著楊以增。迅即查明。此次豐工河段。專管之員。據實嚴叅。不准再有遲延輕縱。至李湘荼。雖係三品頂帶。現無職守。何得輒行奏事。徐州地方。現有革職暫留之鎮道百勝。王夢齡。於軍情緊要事件。儘可隨時奏報。何必更待該員會銜。所有徐州防堵事宜。即著百勝等。督同李湘荼籌辦。不准會銜奏事。現在臨清賊匪。屢經痛剿。漸次南奔。僅潰敗回竄。或續有南來逆匪。希圖偷渡。均著楊以增。

嚴飭文武員弁。奮力截殺。若再有疏虞。必將該河督。並地方文武。一併從重治罪。決不寬貸。將此由六百里加緊諭知。楊以增。並傳諭百勝。王夢齡知之。○兩江總督怡良奏。庫款支絀。請將本年大運絀緞。暫緩織辦。得旨。此項絀緞。實為內務府必用之物。並非可緩。宮中每歲終用度。儘可節減。惟外藩賞項。所用實多。現已屢將庫存別項。抵用數次。後必更無所出。汝等外邊。實不能深悉內府用度。然

藩庫無款。亦係實情。又不能暫行緩辦。著設法變通。先解一半。或少半。以濟急需。○以攻勦江蘇上海賊匪出力。賞布政使吉爾杭阿。知府石景芬。副將豫祺。守備馬富花翎。從九品仲孫楸。藍翎。餘升敘有差。摘疏防營壘主事鄭濟美。道員吳健彰。守備余允祥。都司銜陳一銘。頂帶。○以追勦山東李官莊竄匪。獲勝。鑲藍旗蒙古都統德勒克色楞額。總管平海。得旨。獎賚。並賞德勒克色楞額。及驍騎校米雅。

明阿。巴圖魯。名號。委營總托克通阿。章京穆克登額。塔布囊莫德齊。佐領賽音圖。花翎。委參領常林等。藍翎。餘升敘有差。○以追勦直隸阜城賊匪。獲勝。復已革總兵官德坤。遊擊格洪額。職。協領柏林。頂帶。○癸酉。諭內閣。太常寺奏。遵旨呈進。

關帝廟圖式一摺。

關帝顯佑我朝。神威屢著。上年加崇封號。升入中祀。一切典禮。悉照中祀舉行。前據太常

寺奏請展拓廟制以示尊崇朕思致敬之道以實不以文

闕帝廟崇奉有年若遽易舊規轉不足以妥神靈而昭誠敬所有廟宇規模著悉仍舊制無庸增拓樂器一切均照本年春季陳設至拜跪禮節僅行二跪六叩雖係照中祀例然滿洲舊俗於祭神時俱行九叩禮嗣後親詣致祭亦著定為三跪九叩禮用伸儼恪之誠○諭軍機大臣等有人奏山西省各縣徵收

錢糧辦理不善洪洞縣知縣因民心不服親自帶兵赴鄉彈壓襄垣縣有民人負農具交官之事襄陵垣曲等縣亦因徵糧擾民等語地丁錢糧係國家惟正之供地方官果能辦理得宜輸將自能踴躍若如所奏抑勒浮收肆行擾累斂怨於民必致激成事端亟應嚴查懲辦著恆春按照摺內所指各縣確切訪查如有前項情弊即著據實嚴叅毋稍徇隱原摺著鈔給閱看將此諭令知之○新授四

川提督萬福奏謝恩請覲得旨川省正當緊要之時著不必前來聞汝在署提督任內尚知振作務須黽勉為之不准日久因循○甲戌諭內閣勞崇光吳福年奏請將補行鄉試再行展緩一摺廣西省辛亥壬子兩科文武鄉試前經展至本年特開一科舉行茲據該撫等奏稱各屬土匪尚未淨盡士子等辦理團練保衛鄉閭勢難赴省應試著照所請再行展至咸豐五年乙卯科及咸豐八年戊午科分別歸併舉行乙卯科照本科定額及辛亥科定額廣額取中戊午科照本科及壬子科定額取中以示體恤而廣登進○諭軍機大臣等桂良奏覆訊咈蘭西夷人供詞一摺直隸安肅縣一帶向多傳習天主教疊據該督奏稱該處民人尚無不法實跡是以諭令分別辦理不可操之太蹙惟既據孟鎮升供稱來至中國已久言語衣服皆與華人無異其傳習邪教必非僅止安家莊一處直隸首

善之區。豈容此等邪教。搖惑人心。既經查出。斷難令其久踞。著桂良俟軍務稍平。即照向辦成案。將該夷人孟鎮升。解回廣東。毋許逗遛。以靖畿輔。仍嚴飭該地方官。會同在籍候補訓導張錫綸。隨時察訪。妥為彈壓。以期消患未萌。總之有犯必懲。毋得養癰貽患。固不可過於苛求。以致別生枝節。亦不得諉為不知。使傳習邪教者。肆行無忌。務須隨事隨時。妥籌辦理。將此諭令知之。○又諭王茂蔭奏。

請將皖省徽郡。暫歸浙江管轄一摺。徽州據浙上游。為浙西屏蔽。前次皖賊攻陷祁門。竄赴黟縣。並聲言欲至屯溪查船。經黃宗漢添派兵勇。分路防堵。祁黟賊匪。旋即聞風退竄。茲據王茂蔭奏稱。徽浙有唇齒相依之勢。保徽即以保浙。并因徽郡距廬郡遠。江路不通。恐皖省控馭不及。欲請暫歸浙省管轄。雖係因時制宜。惟地勢情形。仍須詳加體察。現在該逆雖暫舍祁黟而去。亦恐復來竄撲。黃

宗漢平日辦事認真。不分畛域。前已於嚴衢各屬。節節設防。刻下徽郡有無賊蹤。著飭令該府達秀等。隨時偵探。飛速稟報。遇有警急。即著迅飭前派之將弁兵勇等。出境進剿。總以外援鄰封。內保本境。為第一要著。其防剿一切事宜。諒該撫自能籌畫萬全也。至王茂蔭所請運解錢糧等款。由徽解浙。即由浙報撥等語。亦著斟酌緩急。並隨時知照福濟辦理。原摺著鈔給閱看。將此由六百里加緊諭

令知之。○又諭崇恩奏。營兵不敷分派。請飭催山東省官兵。馳回防堵等語。駐劄揚州三汊河之德州營參將安勇等。所帶官兵。前據琦善奏稱。未能撤回山東。已另派官兵。馳赴徐州協同防堵矣。至該撫據許乃釗咨稱。南股賊匪五六萬人。已入蕭碭境內屯聚。日內並未據徐州等處奏報。是否即係前此豐工渡河之匪。抑係另股續來。著該撫迅速確查具奏。官兵克復臨清。復於李官莊痛加勦洗。

該逆業經南竄。距臨清漸遠。一切善後事宜。已據該撫妥為辦理。此時逆匪尚在山東境內。其餘土匪。亦未肅清。該撫職任封疆。自應體察情形。緩急查探。何路緊要。即往何路勦捕。或赴勝保軍營。隨同攻勦。不得株守臨清。或徑回省城。致有貽誤。至黃河口岸。必應扼要嚴防。務當設法妥為布置。不得以兵勇無多。藉詞延誤。張亮基前帶壯勇。人數不少。何至全無下落。此等壯勇。散則為盜。豈可漫無稽覈。致滋他變。著該撫一併確查。妥為彈壓。毋令滋事。所有籌借藩運兩庫銀八萬兩。以備提取。著准其暫行借用。惟此項正款銀兩。與前次部撥山東餉銀十萬兩。均應先儘勝保軍營支用。其省城防堵款目。豈能借此開銷。而以接提坐支歸補空言。為異日濫銷地步。著該撫嚴飭藩運兩司。於應徵正款外。其餘應扣應追。及勸捐各款。均須實力籌辦。設法補苴。不得但以借動正款為詞。一籌莫展。

也。將此由六百里加緊諭令知之。○以惇郡王奕諒署鑲黃旗漢軍都統。○調福建建甯鎮總兵官慶寅。為廣東高州鎮總兵官。廣東高州鎮總兵官伊什扎木蘇。為福建建甯鎮總兵官。○予廣西陣亡知縣江載愷。守備劉天才。祭葬世職。○旌表守正捐軀山西寧縣民婦王劉氏。○乙亥。

上詣

壽康宮。問

皇貴太妃安。○諭軍機大臣等。本日玉明等。回京呈遞阜城軍營形勢地圖。朕詳加披覽。布置尚為周密。賊匪自初一日。被地雷轟敗。初二日。復因撲濠被勦之後。連日作何情狀。曾否出撲。此時誘賊離巢。痛加勦洗。固為要策。但據玉明等面奏。僧格林沁。曾帶親兵數人。輕騎誘賊。為賊匪大股抄圍。勢甚危急。大兵隨後趕到。始獲全勝。按之該大臣二十六日所發奏報情節。適合。該大臣因逆匪堅匿不

出急欲圖功。輕於一試。固屬不得已之苦衷。惟統帥為一軍之主。國體攸關。非如偏裨將弁。專以衝鋒陷陣為功。前此該大臣在王慶坨時。輕騎前往天津。朕即有硃批詳示。並非教以畏葸。輕敵冒險。究非統帥所宜。該大臣務飭將士。將阜城賊匪。設計殄除。於勇往之中。仍寓持重之意。庶免朕心懸繫。至圖內所繪。阜城東面紮有董占元營盤。該革員前在懷慶打仗。即不甚得力。數月以來。直隸軍報。

從未敘及該革員隨同打仗。究係何時留於該大臣軍營。是否尚堪驅策。著即認真察看。毋稍遷就。現在山東逆匪。經勝保連日追殺。竄往冠縣一帶。本日據報所餘之賊。不過數千。冠縣與大名接壤。已諭勝保嚴飭張殿元。達年等。實力堵剿。防其西竄。惟據擒獲生賊。挖出阜城逆匪書信。仍有催其迅速救援之語。是阜城一日不淨。賊心一日不死。儻再有續來逆匪。勢必又肆鴟張。僧格林沁固不可

恃勇輕進。亦不可專恃長圍。致延時日。也將此由六百里加緊諭令知之。○又諭勝保奏。追擊南奔逆匪。大獲勝仗一摺。并以營帳被焚。請旨議處等語。業於摺片內詳晰批示。該大臣接奉後。返躬自問。當如何益加儆畏。此次逆賊。假冒官軍鄉勇。焚燒帳房車輛。並引然火藥。何以事前毫無覺察。如果步伍嚴整。奸細何由得入軍營重地。又豈可以昏夜稍弛防閑。乃至後隊官兵。及隨營糧臺。紛紛撤

退。想彼時擾亂情形。幾欲貽誤大局。焉知不由該大臣屢次戰勝。心高意滿。有此疏虞。若僅將勝保。挂明議處了事。轉足以釋該大臣等疏失之愆。而無以見朕諄諄訓誡。速望成功之意。且初二日。追剿逆賊。奪回各村。亦尚勇往。勝保等姑免置議。著將南竄冠縣之餘賊六七千名。責令盡數殲擒。該大臣既令魁福馳往截剿。能否不令該逆占踞縣城。何以既稱該逆不能再踞。復稱如果踞守。自當

設法圍剿。可見魁福之能繞出賊前與否。該大臣尚無把握。該處緊接大名。果係縣城空虛。逆賊無所繫戀。尤防其西竄直境。復為北犯之計。仍與阜城賊匪會合。該大臣應即飛飭張殿元等。一面嚴守要隘。一面督兵迎擊。與大軍合力夾攻。較易得手。仍不得任令該逆肆意南奔。一味尾追。縱有斬挫。而餘賊愈竄愈南。官軍愈追愈遠。北路之援應不靈。南賊之勾結更易。大勢轉為牽掣。何以迅就肅清。

清。本日已將阜城逆信中。催令後隊渡黃等情。傳諭百勝。王夢齡嚴密防堵。仍著該大臣速將冠縣境內逆匪剋日掃蕩淨盡。朕方懸賞以待。正不必先予議處也。勉之。懍之。將此由六百里加緊諭令知之。○又諭。前因天津紳勇於上年九月間。保守城池出力。曾降旨。將在事文武員弁紳民兵勇等。分別獎敘。復諭文謙等。將其餘各員弁及出力之紳董商民。俟事竣再行請獎。迄今已逾數月。聞該郡

各紳勇。於逆匪竄踞獨流之時。每幫同官兵打仗。其中奮勇殺賊。赴義捐軀者。頗不乏人。並聞該處附城紳董。多出貲募勇。晝夜嚴防。使逆眾不能乘間闖入。實屬同心敵愾。奮勉堪嘉。著文謙即遵照前旨。將未經保奏之出力官紳兵民等。迅速查明。奏請恩施。以昭激勸。並將節次陣亡各勇。按名詳查。咨部議卹。以慰忠魂。現在阜城之賊。尚未殲除淨盡。天津為近畿重地。不日海運漕糧將到。更應防

範加嚴。毋令匪徒涸跡。仍著文謙等。諄勸紳民認真團練。保衛鄉閭。並懍遵前旨。飭令所屬各縣。一律辦團。儻能始終奮勉。眾志成城。朕必將該郡紳民。優加獎勵。正無慮勞績不能上達也。○又諭。前屢降旨。飭令百勝。王夢齡等。於河口各要隘。分段嚴密設防。毋任逆眾再有偷渡。昨據崇恩奏。接江蘇巡撫許乃釗咨稱。逆匪分三股陸續北竄。本日又據勝保奏稱。訊據賊供。並拏獲逆信。果有囑令後

隊渡黃。多帶火藥口糧。來北接應之語。是北賊之情。急求救。南賊之希圖續渡。已屬顯然。僅堵禦再有疏虞。復致墮賊聲東擊西奸計。直以天險要隘。棄之不扼。任令逆蹤南北衝突。復肆狁猖。該鎮道等有心玩視。一誤再誤。罪豈容誅。著百勝。王夢齡。於接奉此旨後。迅速認真籌辦。一面飛探賊蹤。相機迎剿。一面嚴扼險隘。使之無隙可乘。仍與秦定三。袁甲三。隨時知照。聯屬聲援。先事防備。即將布置

情形。隨時由驛馳奏。李湘荃帶勇駐守郝家集。並著百勝等察看。果否得力。如有疏失。朕一併重治其罪不貸。總之此股北竄逆賊。該鎮道既疏防於前。若南匪復有偷渡情事。朕惟有治百勝。王夢齡。以貽誤之罪。決不寬貸。○欽差大臣勝保等。奏謝開復處分。賞還花翎。恩得旨。功賞罪罰。惟汝等自取。賞還頂翎。不過策以將來。破臨清時。果能殲戮渠魁。埽數勦滅無遺。豈止開復而已也。又奏賊竄冠

縣。追剿獲勝情形。批。朕猶慮其由東而北奔竄。汝云揆盡餘匪。即行追殺。恐又係分股南奔。以圖牽掣。汝屢次報獲勝仗。正在得手之際。不可心高意滿。尤不准稍蹈欺飾不實之名。又奏賊燒帳房車輛。請與桂明一併議處。又批。前隊有警。後隊不但不救。轉退至數十里之外。各不相顧。何怪乎總未成功。著查明先退者。正法數人。以警其餘。汝從前軍法尚嚴。何歷練日久。頓改初心。豈有所迴護。恐人

挾制。不敢振作耶。朕非疑汝。出此數語。汝可返躬自問。有則速改。○暫革湖廣總督台湧奏。遵查兵勇潰散。及德安等府縣文武下落。除參將隆安等。暫留軍營差遣外。餘俟彙查確實。再行奏明。得旨。覽奏備悉。惟府縣失守城池。各文武除不知下落外。其猶生者。豈能晏然無事。並不叅辦。著迅查真情。不准任其捏飾。正法數人。或概予正法。亦無不可。雖暫時留營。果能自效。方准免罪。○丙子諭內閣。

僧格林沁等奏逆匪突圍思竄現督官兵截
勦一摺。阜城賊匪久經官兵圍勦窮感思竄
於初六日夜間乘風撲出重濠向培成等營
盤拋擲大彈噴筒焚燒帳房雖經僧格林沁
催調各營馬隊合力截擊斃賊無數該匪死
拒濠邊尚未竄出究屬防範不力培成著摘
去頂帶烏凌額因擊賊受傷免其置議僧格
林沁未能先事豫防著傳旨嚴行申飭仍著
該大臣督飭各路官軍盡力圍勦務將此股

逆匪悉數殲除毋任竄逸○諭軍機大臣等
僧格林沁奏逆匪乘風撲過重濠現在力籌
截勦一摺。阜城軍營濠牆樹柵層層布置已
有月餘之久何以逆匪撲出竟無攔阻致令
焚燒營盤直抵濠外抗拒不回是連日安設
長圍全不得力其防守官兵所司何事實堪
痛恨今該逆死踞濠邊雖未全竄已在長圍
之外防堵愈難且該逆屢出竄撲皆向東南
一帶顯係欲從景州德州等處潰逸與南來

之賊勾結現在臨清賊蹤雖已漸遠仍在冠
縣境內距直隸大名甚近若任令向東南竄
出由景州故城循運河而南便可合為一股
即使我軍能向東南力截又恐大兵全聚一
隅該逆窺我他處空虛陽撲東南潛向東西
北三面突圍衝撲處處皆可竄出尤為可慮
僧格林沁不能迅速奏功此次失利轉以人
力難施為解看此光景直似束手無策若不
能將撲出之賊全數截回極力殲戮致令稍

有疏虞朕自能將僧格林沁從重治罪不僅
以議處了事所稱前截後襲不任遠颺等語
亦係毫無把握之事總以就地殲滅為要至
此次撲出賊眾是否係阜城內全股突出抑
城關兩村仍有賊匪聚伏我兵以全力扼其
東南設該逆窺我空虛處所分股奔突轉致
我兵疲於接應又墮賊聲東擊西之計該大
臣務當通籌布置毋稍大意將此由六百里
加緊諭令知之○又諭據僧格林沁奏稱阜

城逆匪撲過重濠。當經官兵奮力截擊。未容突出。現仍設法攔截等語。此股兇悍餘匪。被圍日久。顯係窮蹙思竄。冀圖與南賊會合。現既大股向東南衝撲。萬一防勦稍疏。則該逆必致伺隙南奔。其由景德二州折而西南。至臨清冠縣之路。不過數百里之遙。一經奔突。句結勢必復肆鴟張。而勝保一軍。轉有腹背受敵之患。冠縣逆眾。不過六七千人。若此股迅就殄滅。即移得勝之師。向北迎截。庶勦辦

可期得力。該大臣務即速籌南北兼顧全策。先將現辦之賊聚殲淨盡。免致稽延時日。並應如何堵截北路竄匪。以勦為防。總期計出萬全。毋墮該逆聲東擊西奸計。崇恩身膺疆寄。本屬責無旁貸。且現駐臨清。距直境較近。若阜城之匪。竟致突圍而出。該撫帶兵迎擊。亦甚便捷。儻敢畏縮不前。或藉詞株守一隅。朕必治該撫以貽誤軍情之罪。其由慶雲鹽山。至山東武定。並清河大名。與山東交界處

所。均著崇恩嚴飭各該地方。實力籌防。以資堵勦。如守土之官。仍前玩誤。即著隨時嚴叅懲辦。從重治罪。將此由六百里加緊各諭令知之。○又諭。本日據僧格林沁馳奏。賊匪乘風撲過重濠。意圖竄出等語。此次阜城賊匪大股衝突重濠。勢甚猖獗。雖經該大臣等督兵堵截。現在死拒濠邊。尚未回巢。難保不分股四出紛竄。該處東通連鎮。北達獻縣。東南與景州。西南與武邑。衡水。均屬壤地毗連。最

關緊要。著桂良嚴飭各該地方文武員弁。嚴密防範。斷不可令賊蹤乘間闖入。至臨清餘匪。昨據勝保奏。現已竄至冠縣。又經官兵殲戮甚多。亦須嚴防其竄入大名等處。著該督仍飭令張殿元。懍遵前旨。盡力截扼。或酌量帶兵出境迎勦。不得專事防守。仍著桂良。與僧格林沁。勝保。載齡等。互相知照。並多設偵探。將界連阜城各地方情形。隨時迅速奏報。毋稍疏虞。將此由六百里加緊諭令知之。○

以成郡王載銳署鑲黃旗領侍衛內大臣大學士裕誠署正黃旗漢軍都統刑部尚書德興署正藍旗滿洲都統○以兵部左侍郎李萬暫署倉場侍郎○

上以常雩祀

天於

圜丘自是日始齋戒三日○丁丑以

神靈護衛城垣頒直隸天津

河神廟

御書匾額曰靈施惠貺

火神廟

御書匾額曰離德赫若○諭軍機大臣等勝保等奏連日督兵追剿賊匪一摺此股逆匪屢經我兵追擊所餘不過四五百人其勢已極窮蹙惟由冠縣莘縣及陽穀一路竄赴梁山復由梁山南竄賊勢剽疾異常必須乘其喘息未定奮力窮追尤應派員管帶馬隊設法繞出賊前兩路夾擊庶可聚而殲旃若徒事

尾追轉恐該逆沿途裹脅逆蹤復張或占踞村鎮又成負隅之勢勦辦終無了局著勝保即督飭馬步各隊迅速追剿總期四面兜圍為一鼓蕩平之計官兵追剿賊匪糧草必須先為籌備馬步各兵晝夜奔逐又豈能枵腹荷戈該大臣務督飭糧臺各員隨地隨時廣為豫備斷不准藉詞耽延致誤事機即偶爾不能趕到於所過各處飭令地方官無論草豆米麵均可暫時接濟以利軍行逆匪由梁山南竄究竟欲往何處著該大臣迅即確探賊蹤痛加勦洗勿留餘孽至投誠裹脅之眾該大臣擇其有技勇者留於軍營效力自為解散賊勢起見然必須加意防範前次勝保及桂明營盤被焚安知不有此等奸匪內外勾結賊情詭詐異常務當慎密周防不可因屢獲勝仗稍涉大意致有疏虞將此由六百里加緊諭令知之○又諭據勝保等奏逆匪於初三日夜由冠縣向僻路奔竄經官兵於

莘縣陽穀等縣追殺數百餘名。初五日該逆又竄鄆城。占踞附近村莊。官兵乘風縱火燒斃賊匪。不計其數。餘匪奔上梁山。復經官兵追殺數百名。賊復南竄。勝保親督馬隊乘夜馳追。惟所過之處。皆係兩次被賊蹂躪。人馬無從覓食。忍飢而行。已經兩日。現仍竭力窮追等語。前有旨諭令崇恩查探何路緊急。即往何路勦捕。或赴勝保軍營協勦。不得株守臨清。誠以該撫統轄全省。賊匪尚在東境。自

應統籌兼顧。藩司厲恩官與濟甯州知州黃良楷駐劄東昌。東南一路。務即酌量情形。嚴飭該員等分兵截勦。濟甯為水陸要衝。該處團練甚多。尤須分布要隘。防賊紛竄。不得以勦賊有勝保等在前。稍存諉卸。至勝保督兵追勦。糧臺每致落後。該撫尤須一面派員迎提糧餉。一面嚴飭沿途地方官。無論乾糧米麩草豆。皆當設法接濟。以利軍行。不得稍有延誤。將此由六百里加緊諭令知之。○又諭

本日據勝保奏。初三等日。賊由冠縣竄出。沿途追殺斃賊無數。現復由鄆城縣之梁山地。方南竄。此股賊匪。經勝保等督帶官兵跟蹤追勦。勢窮力竭。必至南向狂奔。僅有續來股匪。又將句結為患。徐州與東省交界。百勝等統兵防堵。當一面力扼河岸。不可使南來賊匪乘間偷渡。一面仍當確探北路賊蹤。如勝保等追擊漸近。即著提兵前進。與勝保等合力兜勦。毋稍遷延。儻南匪或有偷渡。北匪竄

至該處境內。並無官兵攔阻截勦。朕惟百勝等是問。○又諭琦善奏。連日進攻瓜州。並賊船屢擾江浦六合。現籌防勦情形一摺。此次官兵由三汊河東西兩岸分路進勦。仍不過小有斬獲。該逆一經挫敗。即堅拒不出。似此曠日持久。以蕞爾瓜州。竟不能出奇制勝。力破賊巢。該大臣貽誤遷延。罪將誰諉。至浦口六合兩處。屢有賊船駛至。甚至登岸焚掠。雖經官兵擊退。而該逆狡獪異常。必仍思乘隙

肆擾。該大臣務當嚴飭武慶等實力防勦。不可稍涉大意。儻布置未能周密。致該逆竄過北岸。則賊勢愈張。勦辦更形棘手。此時總以設法迅克瓜州。不得以難辦為詞。徒令一隅逆匪。掣我全軍。竟置大局於不顧也。水師艇船。專為肅清江面。前此駛至黃天蕩。頗為得手。正可乘機上駛。將江面賊船盡數掃除。豈可藉口於候風修船。致誤事機。據稱七號口以上賊以鐵鍊攔截。此等伎倆。豈能阻我舟師。不過故作難詞。耽延時日而已。細閱該大臣所奏。於瓜州則云賊匿不出。於江浦則謂防不勝防。勦辦事宜。毫無把握。試思該大臣統領諸軍。在揚已逾一載。老師糜餉。日久無功。若再事遷延。不知振作。朕惟執法從事。不能屢邀寬典也。將此由六百里加緊諭令知之。○又諭琦善奏請調水師副將以下各官管帶師船等語。江南賊船在瓜州一帶江面遊駛。經琦善督飭水師鎮將於老河影沙漫

洲等處。屢加攻勦。正當喫緊之際。現在統帶師船鎮將多係革留及護理之員。蘇松鎮總兵葉常春近又多病。其餘將領亦少出色人員。設有更換無人可委。著王懿德、黃宗漢、葉名琛、柏貴迅即於閩浙廣東水師副將以下各官內遴選數員。飭赴揚州。琦善軍營聽候調遣。幫同管帶戰船。毋稍延誤。前據葉名琛等奏飭委總兵謝焜督同署副將梁顯揚統帶拖風船。吳全美、陳國泰督帶紅單船前往江南。諒早啟行。仍須於此數員外另揀得力數人。迅飭前赴揚州。不得以無員可撥藉詞推諉。將此由六百里加緊各諭令知之。○又諭蔣蔚遠奏獨山州匪徒勾結滋事。現調官兵勦辦一摺。獨山州與廣西思恩等處毗連。沿邊時有匪徒出沒。亟應早為防範。何以遽令匪徒聚集至二千餘眾之多。現據該撫調集各鎮協營兵。委令彭長春承齡前往勦辦。著即嚴飭該鎮道務將此股匪徒乘其初起

迅即實力捕除淨盡。我兵調集三四千名。計亦足敷勦辦。彭長春身任專閫。承齡現已留黔補用。均屬責無旁貸。儻有遷延貽誤。致該匪日久蔓延為患。該撫等豈能當此重罪耶。至所需兵餉。准其碾動倉穀。並於司庫防堵經費內。分別支應。此案起釁根由。是否地方官辦理不善。並著查明據實具奏。將此由六百里諭令知之。○江南提督和春等奏。連日圍攻廬州。及現在籌辦情形。得旨。惟有切盼

捷音之至。雖廬城克復。安慶等府縣尤須費手。況聯成一片。盡為賊有。恐克復廬郡。亦祇空言。儻即日克復。撫卹一切。固應急行捐辦。然到處皆賊。福濟斷不能安坐省垣。○長蘆鹽政文謙奏。貢物被竊。賊久無獲。請將看守不慎。承緝不力各官。交部議處。得旨。費茂林。錢萬青。均著先行議處。錢忻和。文謙。均著寬免。官物被竊。例有處分。惟直目為御用。亦覺過當。○戊寅

上詣

南郊齋宮齋宿。○諭軍機大臣等。向榮奏。節次籌攻金陵。並請飭催楚粵礮船師船一摺。向榮自前次奏調閩粵官兵後。日久未據奏報軍情。朕睠懷南服。焦灼難名。乃本日閱該大臣所奏。仍不過敷衍塞責。於攻勦各情。毫無把握。至余萬清進攻鎮江。雖斃賊多名。並未

能即時克復城池。且總兵劉開泰等。均各受傷。官弁兵勇陣亡者亦復不少。顯係我兵接仗失利。尚欲設詞掩飾。是誠何心。向榮統領全軍。攻勦金陵鎮江逆匪。是其專責。乃屯兵日久。師老餉糜。並不能出奇制勝。埽穴擒渠。似此觀望遷延。自問當得何罪。江南勦賊。必須力扼長江。為水陸夾攻之計。廣東所備船礮。昨已諭令琦善派員迎提。為攻勦瓜州之舉。此項船隻。專為肅清江面而設。該大臣與琦善。雖分勦江南江北。而所辦實係一事。況江路一通。使南北之賊。聲勢不能聯絡。則該

大臣等。勦辦均可得手。所有廣東各船。並著向榮。與琦善會商。飛速分提。以資攻勦。本日據駱秉章等奏。賊勢全注湖南。曾國藩現仍在省城防勦。是楚南情形。此時頗為喫緊。湖南舟師。一時不能駛赴下游。該大臣惟當就現在兵勇。並飛催前調之閩廣官兵。迅速設法籌勦。一面嚴飭余萬清督率弁兵。剋日收復鎮江。毋得株待。湖南船礮。致誤事機。另片奏。請飭和春帶兵馳赴山東。與秦定三會勦。

奏奉

奉

等語。自係因逆匪渡河肆擾。恐廬州之匪。牽掣我軍。為移緩就急之計。惟皖省情形。勦辦正當喫緊。若必將和春調赴山東。轉恐我兵一撤。廬州之匪。乘隙北竄。不如仍令和春等遏賊北竄。較有把握也。將此由六百里加緊諭令知之。○又諭。駱秉章。曾國藩奏。賊勢全注湖南。請調黔粵等兵。並截留湖北餉銀各摺片。賊匪前由湖北復擾岳州。陸路官兵失利。曾國藩遽率水勇礮船。回省守禦。疊次諭

奏奉

奉

令與駱秉章。熟籌防勦。相機進攻。不得株守長沙。原以楚北賊勢猖獗。肅清江面。專恃南省水軍。茲據奏稱。該逆水陸並進。大舉南犯。賊船數千號。分泊靖港。樟樹港等處。距省數十里。陸路之賊。由靖港取道甯鄉。直趨湘潭。是該匪已繞越省城。何以毫無阻隔。曾國藩所帶礮船。練勇甚多。何以未經與賊接仗。胡林翼塔齊布。所帶各兵。現在何處勦賊。該撫前調江忠濟募勇赴援。並添調辰州官兵。計日約可到省。且鎮筵鎮標兵丁。素稱勁旅。並辰沅道所轄屯兵。亦可酌調來省。著駱秉章。曾國藩。即就本省弁兵。設法布置。迅速掃蕩南省賊氛。至廣東兵勇。調出甚多。實屬難以再撥。貴州獨山州土匪。現亦勾結粵匪滋事。本省防勦緊要。恐兵力亦難再分。總之上竄賊匪雖多。大半裹脅之眾。若能水陸兩路。設計夾攻。殲厥渠魁。餘匪自易勦辦。紛紛徵調遠兵。勢亦緩不濟急。至湖北餉缺兵單。情形

萬分危急。粵餉十萬餘兩。現雖道路梗塞。亦豈可盡數截留。置大局於不顧。著駱秉章於此項銀兩。酌留三四萬兩。餘著派員迅速統道解赴台湧軍營。以資接濟。萬不可心存畛域。稍事遷延。蔣徵蒲所捐錢文。催解到省。除就近酌留外。其餘亦可兩省通融濟用。本日據青麇奏。武昌兵食缺乏。請由南省交界州縣撥運米二萬石。解往湖北等語。並著駱秉章趕緊設法。將湖南州縣徵存米石。酌量派

實錄卷二十六

十一

員撥解。以濟軍糈。將此由六百里加緊諭令知之。○湖北巡撫青麇等奏報。渡江勦賊。獲勝情形。得旨。此次並非大勝。何必如是鋪張出力。人員姑念其處於賊心。處處棘手。且固守多日。省垣暫可無虞。著准其擇尤保奏數員。以示獎勵。又奏。據探德安失守。由督臣撤回各路將弁。以致賊勢日張。批。德郡之失。固台湧之罪。然潰散情形。出乎意外。汝在彼時。幸賊未竄。至設該逆已撲德安。汝豈能守。現

雖憤惋已無及矣。汝摺云不敢不豫為陳明。太不成話。不過希冀免處分起見。亦覺小氣。朕非臆度於事後實時勢所必然也。○改鑄湖廣總督關防。從巡撫青麇等請也。

實錄卷二十六

十一

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百二十六

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百二十七

監修 我官經這日講起居注官太子太保上書學總師傳文淵閣領閣事翰林院掌院學士稽察欽奉上諭事件處國史館纂修武庫殿

大學士管理兵部事務加十三級紀錄十四次臣貴格蒙本總督官經筵講官太子太保文淵閣領閣事武英殿侍讀學士等處一併一體仁開

大學士管理戶部三庫事務管理刑部事務加二十三級紀錄十六次臣周祖培跪奏爲太子少保管理兩端書房事務對引大臣軍機大臣

集賢堂滿洲都統戶部尚書管理三庫事務加四級隨帶加五級紀錄十二次臣寶熙總教習經筵講官弘德殿教習清文館進士書考校

遼南文館總裁官正監撰蒙古都統禮部尚書管理太常寺鴻臚寺事務加二級軍功加四級隨帶加八級紀錄五次臣倭什坤布等奉

叔修

咸豐四年甲寅四月己卯常雩祀

天於

圜丘

上親詣行禮○詣

關帝廟拈香。庚辰諭軍機大臣等勝保奏連日追賊情形一摺。該大臣前奏逆匪奔上梁山乘夜南竄計節次擊斬所餘不過四五千。人我兵步隊縱或不能趕到何以跟蹤追擊之馬隊亦不能極力扼截致令徑由鉅野金鄉竄入豐縣。我兵忍飢追趕晝夜馳騁誠

屬實情而該逆於鉅野穿城而過金鄉不敢入城沿途皆曾被蹂躪之區諒亦無可擄掠以窮蹙喪膽之眾其行轉疾於得勝之兵殊不可解豐縣緊接黃河設再令由偷渡處所依舊南奔該大臣但事尾追竟不能將此窮寇埽除淨盡但謂河北肅清豈遂可以塞責若令久踞豐縣又復築壘它濠我兵但事圍攻如靜海阜城故事久且仍令逸出與皖省賊匪復圖勾結勦辦何時蕝事據奏沿途勦

殺多名現存不過三千餘賊急應嚴催後隊官兵迅速到齊盡數殲除該縣前經賊匪竄擾復疊經諭令百勝王夢齡嚴防河岸不准南來之匪續行北竄即不得令北路之匪回竄而南何至一無準備縣城復為賊踞是否該縣文武先期逃避該處土匪勾結開城該鎮道專轄河工地方何以不派兵迎截與該大臣追兵合力夾擊著該大臣查明速奏並先將畏葸逃避之員即於軍前正法至所稱

乞降脅眾三百餘名。既已蓄髮數寸。豈得因其詞意懇至。信為商賈村農。墮其奸計。其甘心久於從賊。即應概予駢誅。且金鄉甫被滋擾。民心未固。又以此項降眾多名。安置該縣。焉保其不故技復萌。為河北留此餘孽。暫令薙髮。豈能革面洗心。並恐豐縣城內。即有似此匪徒。先行潛入。以致迎賊失陷。該大臣務須濟以嚴明。不事姑息。將此股餘匪。勒殺無遺。迅即收復縣城。萬不得令復行渡河滋擾。

致干罪戾。將此由六百里加緊諭令知之。又諭前據琦善奏賊船駛至江浦六合登岸焚掠。當諭令該大臣嚴飭武慶等實力防勦。儻徒以難辦為詞。致延時日。朕必執法從事。本日據該大臣奏報。仍係賊撲浦口等處。及移設糧臺調換官兵等事。於瓜州攻勦情形。毫未敘及。如果瓜州賊匪。該大臣能剋日掃除。則浦口一帶。縱有賊蹤。儘可分兵赴勦。何至調撥如此掣肘。賊之慣技。總以一隅牽掣。

大軍而分股肆行竄撲。如金陵廬州皆其奸計。蕞爾瓜州。並非堅城重鎮。琦善以全力相搏。日久無功。無怪逆匪窺其無能。分股旁擾。前次賊在揚州。並未大受懲創。不過從容遁去。朕僅將琦善革職。稍示薄懲。猶復畀以勦賊重任。原冀琦善愧奮圖功。尚知晚蓋。乃自事權歸一以後。仍不能迅克瓜州。於艇師推諉藥鉛缺乏。則事事歸過於人。於接仗進攻。則不過小有斬獲。遷延至今。轉稱瓜州浦口。

兩處皆當要衝。竟似有不能兼顧之勢。數月以來。所布置者。安在總之。琦善所統之兵。如何調撥。應防應勦。朕皆不為遙制。但以瓜州之賊能除。浦口之防無誤。為真實憑據。若僅以抽撥隊伍。拏獲奸細。數日一奏。或懾於虛聲。束手無策。儻賊匪果有再撲揚城之事。琦善即陳奏在先。遂得諉為無罪乎。著即嚴督水陸各軍。趕緊進勦。並浦口續辦情形。迅速馳奏。不得再有延誤。致干重罪。另片奏請飭。

英桂撥回陝甘官兵等語。現在湖北德安一帶賊勢猖獗。豫省官兵調赴南路居多。若令此項官兵僕僕道途。誠恐彼此皆不得用。已諭知英桂酌量籌辦矣。將此由六百里加緊諭令知之。又諭據官文奏賊擾監利力籌勦辦一摺。該處接壤江陵。為荊州要衝。亟應及早殲除。免致蔓延為患。官文現復添派弁兵前往協勦。合之守備福興等管帶進勦之兵勇一千二百名。是否足敷勦辦。駐劄巴東之建昌松潘二鎮官兵。節經諭令裕瑞迅飭帶兵之總兵雙保。福忻飛速前進。何以尚未趕到。著官文等趕緊派員迎提。毋任再有延宕。一面就現有兵勇督飭在事文武員弁併力截勦。剋日收復縣城。貴陞統兵駐劄荊郡水陸要隘。自係為嚴密籌防起見。仍須探明逆蹤所向。相機迎擊。力扼賊衝。總期該逆無由上竄西北。則荊州要地庶可無虞。其竄回岳州之賊。大舉南犯。已由甯鄉直趨湘潭。是

南北軍情均形喫緊。既不能斷賊江面往來之路。尤不可不防其乘虛窺伺。闖入荊江。並著官文激勵城守兵丁。妥為布置。以固藩籬。舒倫保早經行入豫境。不日即可抵武勝關。本日復傳諭柏山。一俟該將軍到關後。即會商督兵前進。與台湧合力進攻。所有竄入隨州賊眾。目下能否稍挫其鋒。分踞應山等縣各匪。如何次第勦洗。前調之武勝關及黃土關各兵。已據英桂奏報。飭令啟程。台湧惟當乘此兵力漸集。迅圖攻克各城。仍隨時與英桂聯絡聲威。遏賊北竄之路。並設法知照青麇等。互為援應。方為周密。粵東應解台湧軍餉十餘萬兩。昨經駱秉章等奏稱。因道路梗阻。暫留湖南。當諭知該撫等祇准酌留三四萬兩。餘仍解赴楚北。以濟急需。其四川解楚餉銀亦准官文等酌量留用。但不得全數截留。轉滋貽誤。即著台湧分委妥員迎提。濟用。又據官文等片奏川勇滋事情形。此項潰散

募勇沿途擄搶復敢抗拒官兵施放槍礮尤屬目無法紀著官文等迅即查拏為首滋事者正法數人以儆其餘仍一面派員妥為彈壓毋致別生事端將此由六百里加緊各諭令知之○又諭英桂奏遵飭武勝黃土等關帶兵各員馳赴楚北進勦並飛催舒倫保柏山赴援等語現在台湧駐劄應山之東旺店督兵將應山之匪截擊本日據柏山奏賊已分股竄往隨州南陽府屬之桐柏唐縣一帶

與隨接壤台湧已令該總兵帶兵赴桐唐堵禦是台湧與柏山現已分路勦辦兵力仍形單弱必得舒倫保赴援之兵迅速前進為柏山後路策應方足以資攻勦前日據舒倫保奏初一日督兵行抵河南府城即由該處趨程赴武勝關堵勦其續調陝甘官兵此時計亦陸續趕到仍著英桂沿途飛催並飭地方官將夫馬車輛妥為應付至豫省守關各兵既已赴楚信陽邊境空虛歸陳兩郡防兵不

多自應妥籌捍衛毋得顧此失彼惟現據琦善奏調換廬州軍營之陝甘兵二百名因護送督篆至豫經該撫截留在陳州防堵請仍飭英桂令該官兵赴揚助勦等語此項官兵係琦善將鎮軍兵對調原應馳赴揚州現在豫省防兵不敷著英桂酌度情形如此項官兵非十分急需即著飭令赴揚如必需留在陳州助防仍著妥籌酌辦另片奏擬於河口派兵安設礮位嚴遏賊蹤並於柳園渡口酌

留小船數隻遞送文報惟賊匪偷越渡口往往假扮難民不可不細心查察如有民船過渡務飭地方文武並沿河州縣實力稽查毋稍疏懈楊需現已由京馳赴豫省著該撫會同籌酌近日豫省各屬防堵情形並楊需應駐劄何處扼要布置隨時迅速奏報無少遲延將此由六百里加緊各諭令知之○又諭前此逆匪由豐工竄越黃河長驅北犯百勝王夢齡近在徐州防河是其專責乃任令逆

眾從容紮筏偷渡已屬形同聾瞶比經勝保由臨清扼截追殺該逆果即亡命南奔節次嚴諭楊以增並百勝王夢齡等加意嚴防毋令南賊續行偷渡北賊乘虛竄入該鎮道等應如何實心堵禦稍贖前愆茲據勝保馳奏由鄆城之梁山一路追勦直至金鄉以南沿途斬擒無算下餘逆賊二三千人竟於初七日竄入豐縣城中是直以厯奉嚴旨視為具文殊堪痛恨該逆負隅死守乃其長技豐縣一城為南北衝要西與豫皖接壤尤不可不防其會合勾結致令廬州六安之賊接踵而至復肆鴟張著楊以增嚴飭百勝王夢齡一面就現有官兵練勇督令隨同勝保協力進攻一面分防南北河岸毋令該逆復又乘隙竄突儻賊匪不能剋期勦滅堵禦仍有疏虞朕必將百勝王夢齡立予正法斷不能再從曲宥楊以增職司總河亦不得以該處距清江稍遠謂可置身事外希冀倖邀寬典也懍

之勝保追賊迅速糧臺未能隨營前進並著飭令附近各地方官隨時妥籌接濟毋誤餉需將此由六百里加緊諭知楊以增並傳諭百勝王夢齡知之又諭柏山奏馳抵防所一摺楚北賊匪竄擾隨州柏山自固始馳赴武勝關與台湧晤商復帶兵駐劄桐柏唐縣一帶自係為扼賊北竄起見惟分兵遠堵總不如盡力迎勦舒倫保統帶官兵現已由河南府督兵前進日內應已抵武勝關該將軍到關後著柏山即將隨州應山兩路應如何分投進攻之處與台湧舒倫保悉心商酌剋日帶兵前進勦賊毋得株守致誤事機至南陽府屬毗連楚境處所徑途歧雜該總兵現既駐劄桐唐一帶自應多設偵探隨時嚴密防範儻有賊蹤闖入惟該總兵是問據稱泌陽裕州舞陽等處探有捻匪蠢動並著柏山飭令該地方文武設法嚴拏毋任蔓延致與楚匪勾結以恭親王奕訢為宗人府右宗

正。惇郡王奕諒為鑲黃旗漢軍都統。以戶部尚書文慶鑲白旗漢軍都統奕山為內大臣。以大學士裕誠為閱兵大臣。以司經局洗馬龔寶蓮檢討畢道遠署日講起居注官。賞太醫院院使樂泰四品卿銜院判張鎮五品卿銜。命莊親王奕仁帶領侍衛十員往奠故順承郡王春山茶酒。予祭葬。謚曰勤。辛巳。

上詣

壽康宮問

皇貴太妃安。諭內閣羅惇衍奏請將被脅打仗傷人未死之犯照原辦發遣一摺。巡防處疊次拏獲形跡可疑人犯。經該王大臣等審明定擬具奏。朕覈其情罪較重者即立正典刑。其實係被脅愚民或情節稍輕未嘗不量從末減。若實係甘心從逆之犯既有打仗殺人重情亦不能曲宥。乃該侍郎奏稱被脅打仗傷人未死乘間逃出各犯以前各案均擬

發黑龍江。後因陳敬汶一案奉硃批再訊遂以立決定讞等語。被賊裹脅之人聽從逆匪打仗拒傷官兵罪狀已屬顯然所傷之人亦安知其不死豈能遽聽該犯等一味狡展避重就輕若該犯等如果實有冤抑羅惇衍亦係巡防大臣即不應隨同畫橐何竟待數月之後始為此奏又稱李春業尚克明李四兒鄭惻華四案皆傷人未死亦從嚴照陳敬汶一案辦理是該侍郎以此四案之擬結均照

陳敬汶案辦理情罪多有未當如果屬實該侍郎又何不於定案時單銜具奏據理建白且既以該犯等不當立正典刑又何不隨時奏聞俟有四案之多數月之久始行入奏假使死者果有含冤已無救矣羅惇衍平日毫無定識徒好虛名已可概見至所稱屢懷是念欲言而止者再三尤不成話試思身為大臣秉心如果忠正又有何避忌而不言耶至解散脅從等事現在僧格林沁勝保等每遇

裏脅之人。無不隨時解散。妥為安置。以孤賊勢。並非一概駢誅。使蚩蚩之氓。無逃生之路。大小臣工。陳奏事件。辭尚體要。古今時勢。豈能強同。該侍郎徵引事實。意在誇多。按之寬猛相濟之道。殊多未諳。另片奏請飭湖北學政馮譽驥。仿照孫銘恩幫辦防勦事宜等語。馮譽驥經朕特簡湖北學政。該員才具能否辦事。朕心自有權衡。又豈待該侍郎保奏。始能上達。至稱伊係文慶門生。文慶亦素相推許。並有學臣間居無用。不如幫辦青磨軍務之語。羅惇衍若深知馮譽驥之才。又何必牽涉師生。致蹈援引標榜惡習。所奏尤屬非是。羅惇衍著傳旨申飭。又諭御史英匯呈進金陵被難記。並請照刊。散給廣勸團練一摺。各省賊氛竄擾。地方辦理團練。保衛鄉間。本係禦賊要務。前已疊降諭旨。並將嘉慶年間團練章程。刊刻頒行。原期薄海臣民。共見共聞。遵行罔懈。若該御史所進金陵被難記。不

過巷議街談。敘述一地一時之事。民間流傳。原所不禁。若必官為刊刻。尚復成何政體。至逆匪擾害地方。慘酷詭詐情形。凡罹其毒者。孰不恨深刺骨。志切同讐。奚待刊刻此書。家諭戶曉。始能振興民志耶。英匯所奏。殊屬冒昧。原摺及所進金陵被難記。均著擲還。又諭前因李湘荼並非現任大員。冒昧具摺。當降旨降為三品頂帶。今又具摺謝恩。亦屬非是。著傳旨申飭。覽該員奏摺。前載硃批。有朕謂其遇賊接仗。大獲全勝。方准專摺具奏。今並未見賊。猶以大員自居。且銜名寫出。降為三品頂帶。明係負氣狂妄。李湘荼著革去頂帶。仍責令協同勦賊。又諭色克通額等奏。和伯克賽哩土爾扈特親王策林喇布丹等情願捐輸馬匹。呈請代奏。請旨一摺。據稱和伯克賽哩土爾扈特親王策林喇布丹副盟長扎薩克頭等台吉喇特那巴咱爾。扎薩克頭等台吉圖布慎克什克等。因南省逆匪跳

梁現在官兵前往攻勦需用馬匹願共捐馬五百匹實出至誠洵屬可嘉惟此項牲畜該王等藉資養贍其所捐備馬五百匹著即停止以示朕矜恤蒙古之至意 諭軍機大臣等前因文謙奏蘆商疲敝請頒官票一百萬兩寶鈔制錢二百萬串發商生息十年後每年繳本一成經戶部議以為數甚鉅繳本限期過寬請令該商來京收買官票寶鈔按成完課已依議行矣茲據文謙奏體察情形急

宜設法補救請照現行額引借官票銀六十萬兩按引勻配發商生息三年後每年拔本一成歸還原款等語現在經費支絀商情竭蹶自不能不權宜辦理著端華全慶按照摺內情形逐加體察據實具奏務期裕課恤商兩無窒礙方為妥善原摺著鈔給閱看將此諭令知之 又諭慶惠文瑞奏採買銅斤請分別查辦等語向來偷漏官銅原干例禁若如所奏實係民間舊藏銅器及商人積蓄

情殷報效者若概以私銅目之勢必至隱匿不出轉無益於捐買銅斤鼓鑄之事著都察院步軍統領衙門順天府按照所奏分別詳查如果商民所呈之銅並非官物地方官不得概行禁止亦不得假手吏役從中訛詐以杜弊端而裕鼓鑄原片著鈔給閱看將此各諭令知之 又諭僧格林沁奏逆匪被勦南竄官兵追擊情形一摺據稱該逆於初九日夜全股南竄一股抗拒官兵分股竄至連鎮

搭造浮橋占踞東西兩鎮及附近村莊我兵繞至東光縣地方始得渡河十一日督兵進攻該逆敗退回巢我兵縱火焚燒該逆復向西奔竄此次追勦賊匪雖有斬獲而我兵傷亡亦復不少該逆竄據阜城已幾兩月朕疊降嚴旨諭令埽穴擒渠不准再有竄逸於該大臣調兵調礮無不立允所請原冀僧格林沁及早將此股賊匪殄滅以保全朕倚任之恩茲閱該大臣奏報卒令潰圍撲出復踞連

鎮我兵追勦。又落後著。該大臣屢次所謂布置者安在。僧格林沁前次追賊。尚屬迅速。何近日遲延貽誤。若斯之甚。且逆匪亡命狂奔。毫無阻滯。我則必須繞越渡河。使該匪得以從容設備。該大臣貽誤之罪。夫復何辭。連鎮地方。分據運河兩岸。西南可達景州。東南可達吳橋。由河而北。又距泊頭鎮不遠。若不就地殄除。又恐蹈獨流故轍。勦辦何時歲事。昨據勝保奏。臨清逸匪竄入豐縣。該大臣督兵追殺多名。餘匪不過二三千名。不日即可殲滅。惟追勦逆匪。不分晝夜。利於遄行。馬隊多有疲乏落後。不敷攻擊。前次諭令僧格林沁。迅飭明慶帶兵助勦。原有刻不容緩之勢。乃該大臣此次奏報。猶有十一日。明慶督兵壓賊之語。是並未遵旨。令該副都統前往勝保軍營。又不能迅速。將此股逆匪殲滅無遺。專力南注。兩失機宜。朕實不解該大臣之意。僧格林沁接奉此旨。後仍飭令明慶督兵南下。

無再延誤。此股竄匪。務當乘其喘息未定。督飭馬隊官兵。實力截擊。悉數殲除。儻再令該逆又在連鎮地方久踞。或又竄踞他處。朕必治僧格林沁貽誤之罪。別亦無可再諭矣。將此由六百里加緊諭令知之。○又諭。本日據文謙奏。稱連鎮距天津三百餘里。一水可通。該逆亡命狂奔。津郡較為喫重。現存兵勇。實屬單薄。請添兵協防。當交惠親王等。速行酌擬具奏。茲據奏稱。載堪帶兵駐守楊村。距津較近。派令先行赴津。合力防守。著載齡。迅即飭令載堪。將駐守楊村官兵五百名。即日管帶馳赴天津。與文謙合力守禦。毋得稍有遲延。如確探該逆東竄。仍著載齡。派兵接應。以資攻勦。再前據桂良奏。嗣後如拏獲天主教審係實無別故。酌量釋放。此等習教愚民。如果滋生事端。自不可稍形寬縱。若查無為匪實跡。亦不得過事株連。著載齡於獲犯時。分別辦理。毋枉毋縱。為要。將此由六百里加緊

諭令知之。○又諭文謙奏賊竄連鎮津郡籌防請就近移兵一摺。阜城賊匪竄踞連鎮跨占運河與天津一水可通。自應豫為嚴密防守。該郡存兵分撥各處殊虞單薄。載堪帶兵五百名駐守楊村。該處情形現在不甚喫緊。而與津郡相距較近。已諭載齡派令載堪將所帶之兵由楊村移赴天津。會同文謙合力守禦。本日據僧格林沁奏賊踞連鎮經我兵趕到圍剿。疊有斬擒。惟所獲賊供逆匪是否

在此盤踞抑或他竄尚在未定等語。賊蹤剽疾異常。南北奔竄均未可知。津郡尤為賊所覬覦。且去冬曾經攻撲。尤不可不加倍嚴防。著文謙就現存兵勇與載堪慎密妥籌。並激勵紳民同心勦力。幫同巡緝以期先事豫防。其由靜海移赴滄州之兵為該郡前路屏蔽尤宜督飭帶兵將弁與地方文武會同防剿。不可稍涉疏虞。並多設遠探將前路軍情及地方布置情形隨時具奏。○又諭據陸元烺

奏義甯州武甯縣匪徒勾結長髮賊匪攻撲城池經官兵擊退一摺。義甯州等處毗連楚省。此時崇陽通山一帶逆賊聚眾肆出滋擾。該匪等被創逃回難保不復行勾結再圖竄擾。陸元烺辦理此股賊匪尚為妥速。陳啟邁到任後著即督率文武員弁不分畛域實力進剿。將崇通賊匪盡數殲除。既可固江省之藩籬即可為楚省之應援。至赴楚援剿之帶兵官羅玉斌現在行抵何處並著飛催前進。

儻查有畏葸情弊即行嚴叅治罪毋稍姑容。至應撥部款並江南湖南軍餉各款據另片奏分別籌解惟江西上年地丁等款據戶部奏稱未完銀兩竟有一百四十餘萬其中即有蠲緩亦何至延欠如此之多且漕米變價及漕項等銀為數亦鉅何以部撥銅本鉛本銀兩概未起解。陳啟邁甫經到任著嚴飭藩司按款分年實力催提以濟要需。儻查有虧那情弊即著嚴叅究辦將此由六百里加緊

諭令知之○以太常寺卿王履謙為都察院左副都御史廣西布政使吳鼎昌為太常寺卿○以每年進貢貂皮無誤賞烏梁海總管奇察罕花翎○予江西陣亡府經歷湯道增祭葬世職武舉黃得雨勇目譚錦福張得官賞卹如例○予直隸陣亡委參領恭訥楚克委護軍參領和連祭葬世職○壬午

上詣

壽康宮問

皇貴太妃安○諭內閣本日勝保等由八百里馳奏官兵勦辦賊匪殄滅淨盡首逆伏誅一摺逆匪占踞豐縣倡脅居民起築木城意圖拒守初九日勝保督飭兵勇分攻四門拋施火罐噴筒木城之內西南北三面同時延燒賊眾大亂避匿入城勝保知該逆勢難久踞飭令帶領馬隊各員分路布置該逆果乘夜向西南竄出見我兵列隊甚嚴折而東竄我兵追及斃賊數百名賊勢不支拋棄槍械向

前奔竄我兵追殺已抵漫口支河河水陡漲湍流甚急騎馬賊眾千餘名均陷於泥淖我兵槍箭齊施殲斃無數逆眾百餘圍繞逆首旋轉河岸因我兵連放槍箭斃賊數十人無可倖逃全數躍馬入水所有偽丞相曾立琯許宗陽均已淹斃廣西老賊悉數殲除並無一名漏網逆匪由豐北渡河竄入東境勢甚猖獗經勝保等督兵迎勦克復臨清州城屢獲勝仗該逆勢窮力竭亡命狂奔復經該大

臣督率馬步官兵晝夜窮追馳行數百餘里於豐縣漫口支河將潰竄餘匪二千餘名全數殄滅辦理甚為迅速深堪嘉尚勝保著加恩賞加太子少保銜並賞還花翎開復降級留任處分並頒賞御用冠一頂巡幸褂一件御用鈕帶一分大荷包一對小荷包四箇珊瑚帽頂一箇白玉巴圖魯翎管一枝德勒克色楞善祿均著賞穿黃馬褂並頒賞黃馬褂各一件大荷包各一對小荷包各二箇白玉

巴圖魯翎管各一枝以示優獎所有在事出力之文武員弁兵勇著該大臣等查明保奏候朕施恩現在阜城賊匪竄踞連鎮經僧格林沁督兵攻勦屢有斬擒著勝保酌帶馬步兵勇迅速會勦掃蕩妖氛肅清畿輔以慰朕望○諭軍機大臣等昨因勝保追賊遙行馬隊多有疲乏不敷攻勦復催令僧格林沁迅飭明慶督帶馬隊官兵助勦本日據勝保馳奏勦辦臨清竄匪於初九日在豐縣黃河北

岸殄滅淨盡因聞阜城逆匪全股撲出擬酌帶馬步各隊官兵分兩岸前進確探賊蹤相機迎截等語此時明慶所帶馬隊著毋庸再行前進仍留營中以資攻勦該大臣惟當懍遵疊次嚴旨速將連鎮盤踞賊匪就地殲除無留餘孽不得因勝保督師折回稍存觀望致失事機刻下大江南北尚未蕩平皖楚賊氛甚熾朕睠懷南服深切隱憂而阜城之賊圍攻兩月尚未能悉數殲擒又令他竄爾等

帶兵大臣當如何愧憤焦急迅圖蕝事勝保勦辦臨清竄匪能將全股殄除辦理甚屬迅速本日已降旨嘉獎以勵各省軍營惟遽稱河北一律肅清竟以紅旗報捷跡涉矜張殊失朕望此時連鎮餘匪再加以勝保得勝之兵自無難剋期殄滅僧格林沁秉心誠樸不尚虛文朕所素知即日連鎮全股賊匪殄滅亦不必以紅旗報捷致涉鋪張該大臣務當與勝保合力同心迅奏膚功共膺懋賞也將

此由六百里加緊諭令知之○又諭勝保奏追勦逆匪殄滅淨盡並懇請陞見各摺復片奏安置步隊親督馬隊各兵迎勦阜城竄匪等語該大臣轉戰經年力挫兇鋒茲復從臨清追賊直至豐縣將此股逆匪悉數掃除自宜渥沛恩施以酬勞勩並令各省軍營將士知所感奮迅奏蕩平惟楚皖逆氛方熾大江南北首惡稽誅東南民生顛連困苦之狀朕每一思之難安寢饋即阜城窮寇現復南竄

連鎮思為困獸之鬪。未能即時廓清。肘腋之患未除。宵旰之憂彌切。乃勝保遽以紅旗馳報河北肅清。不知朕所期望於該大臣者。至大至遠。似此鋪揚過甚。殊覺跡涉矜張。該大臣承受朕恩。益當加以敬畏。軍士從征勞苦。致器械衣履不齊。即飭趕緊備辦。仍一面加意拊循。至步隊各官兵著照擬暫令駐劄曹州。派善祿統帶。揆捕餘孽。彈壓土匪。就近與百勝等。連絡聲勢。嚴防南匪續行北竄。並可

為豫楚一帶援應。該大臣既令馬隊官兵緩赴大名。親自統帶。分兩岸前進。迎勦阜城竄匪。即當與德勒克色楞兼程北行。會同攻勦。此時斷難來京陛見。昨據僧格林沁奏。該匪於初九日夜。全股南竄連鎮。此股不即殄除。恐蹈獨流故轍。著勝保於沿途確探賊蹤。所在迎頭兜擊。與僧格林沁合力夾攻。不准該逆蔓延他處。並不得令久踞連鎮。重煩兵力。務期迅速勦除。朕方拭目以待。該大臣等肅

清河北。同膺懋賞也。朕於疊次諭飭勝保之旨。訓勉之中。恩眷備至。該大臣果能時刻懍遵。與面承方畧無異。亦何必亟請入覲。始能稟受機宜。且朕既信任該大臣。畀以統師重任。該大臣既知無不言。朕亦悉如所請。不為遙制。尚何虞有所隔閡。總以羣醜悉就殲滅。寰宇均獲乂安。為該大臣之不負朕望耳。將此由六百里加緊諭知勝保。並諭德勒克色楞善祿知之。又諭袁甲三奏。臨淮布置情

形。並籌辦土匪一摺。前據和春等奏。令秦定三統領郝光甲、劉玉豹官兵。赴正陽關扼截。並兼顧壽州、霍邱等處。以固西北門戶。現在秦定三已抵鳳陽。袁甲三亦進駐臨淮。正可聯絡聲威。杜逆匪續竄之路。其臨淮以南地勢。既以總鋪為定遠北路要衝。且可通鳳陽、五河。即著飭令吉連等。擇要劄營。藉壯聲援。和春等在廬州。已連毀賊營。直逼城下。計日當可克復。惟攻克後。潰匪奔突。不可不扼要

截擊。毋令遠竄。又擾他處。鳳臺擒匪。擾至該縣西鄉。業經袁甲三撥派兵勇趕往堵擊。仍須嚴飭附近州縣一體殲捕。庶免蔓延。至解散脅從。固為辦賊要著。但欲化莠為良。必當察其情偽。真能悔悟。方可免罪入團。斷不可令匪類潛蹤。致墮奸計。臨淮為大營運餉必由之路。著多派兵勇隨時防範。永亳一帶。素多積匪。刻下義門集等處匪徒雖已擊散。尚恐餘燼復燃。徐廣縉現在歸陳各屬辦團。著

令該革員就近梭巡。不時出哨。為防患未萌之計。將此由六百里加緊諭令知之。又諭據袁甲三奏。臨淮地方有小船蜂聚。以貴價購米。所買米石。探係運入洪澤湖歸併大船。駕船人多係湖北口音等語。洪澤湖周圍廣闊。交通江河。賊蹤最易潛藏。若如所奏。有小船運米入湖。顯係接濟逆匪。該地方官何以毫無覺察。現在淮揚等處逼近賊氛。奸細潛蹤在所不免。必當嚴加搜捕。勿令窩藏。著楊

以增。迅即密派妥員於洪澤湖上下及緊臨湖岸之盱眙縣一帶嚴密稽查。如有此等形跡可疑船隻。著即查拏究辦。本日勝保奏豐縣賊匪業已追至河邊。殲除淨盡。該縣民人重被蹂躪。深堪憫惻。著楊以增就近妥為撫綏。俾無業窮民不致流而為匪。此股逆賊雖經大兵勦洗。尚恐有逃散餘匪與土匪乘間滋事。且恐南來匪徒續行偷渡。並著該河督嚴飭百勝王夢齡及地方河工文武員弁實

力巡查防堵。不得稍有疏懈。致干重罪。將此由六百里加緊諭令知之。欽差大臣勝保等奏勦辦北犯大股賊匪殲除淨盡得旨。覽奏全勝各情。稍符素望。感懷交綯。豈能欣慰。然勝保等迅將此股逆匪全數殲除。厥功甚偉。實軍興以來所未有。朕即有恩旨。酬汝等之績。以勵各省軍營。以四川按察使胡興仁為廣西布政使。四川鹽茶道夏廷樾為按察使。以江南豐縣報捷。賞奏事官郎中保

成員外郎文恆花翎主事壽齡藍翎以勦擒睢甯匪首李三閹賞都司羣壽花翎外委李萬仁等藍翎餘升敘有差予山東陣亡守備劉承翼把總王寶慶空花翎定福祭葬世職癸未諭內閣昨日新授國子監滿洲司業蘇勒布具摺謝恩因繕寫伊名不成清語當令軍機大臣傳旨詢問該員於本人之名既不知講解即摺內字句亦均不能認識司業為課士之官有考試清文之責且該衙

門摺奏文案應用清文之處亦復不少若一字不識憑何覈辦蘇勒布身係旗人竟忘本業可惡之至著仍降為編修以示薄懲八旗人員騎射清文是其本務即使於清文義理不能精通亦豈有不曉清語不識清字遂得自命為旗人之理道光年間特奉

諭旨停止駐防文試專考繙譯原期返樸還淳俾我八旗子弟咸知本業乃近日八旗人員仍有專習漢文於清語清字全不講求沾染

習氣徒驚虛文實堪痛恨嗣後無論何項出身人員均宜練習清文通曉講解即由文鄉會試入仕之員及兵丁子弟亦應一體練習不准怠惰偷安以務根本經朕此次訓諭之後若再蹈從前惡習或於文字之間經朕看出或遇有詢問奏對茫然朕必將該員從重懲處不止如蘇勒布之從寬降調也八旗大臣務當仰體朕意認真訓迪毋得視為具文仍前玩泄將此通諭知之諭軍機大臣等

據王慶雲奏出省籌防並請添調官兵一摺現在楚北賊氛方熾所有陝西潼關迤南商雒一帶毗連壤地自應嚴密堵禦以資扼截本日已諭知扎拉芬於潼關防務盡心督辦並諭令豐伸迅即馳赴商雒一帶辦理防堵事宜惟該處防兵本形單弱舒倫保新調之二千名並王慶雲續調之五百名除分撥舒倫保行營一千外其餘一千五百名撥防潼關商南等處實屬不敷分布前經奏請甘肅

備調之官兵一千名。著易棠迅速揀派得力將弁管帶及早啟程馳赴西安省城聽候王慶雲等酌量調撥毋稍遲誤。王慶雲現已行赴潼關一切防守機宜即與扎拉芬妥為籌辦其商南等處應如何擇要布置並著與豐伸會商慎密設防總須多設偵探嚴拏奸細俾匪蹤無由闖入為要。省垣現無大員駐守王慶雲於察看要隘後應否即行回省仍當權衡緩急通籌兼顧與扎拉芬豐伸等隨時

知照互為策應毋致少有疏失將此由六百里加緊各諭令知之。又諭本日據王慶雲奏探聞楚北賊匪漸近棗陽請飭豐伸馳往商雒一帶督辦防務等語是陝省現在情形商雒等處甚關緊要前據扎拉芬奏已於本月初三日馳抵潼關籌辦防堵並咨王慶雲迅催續調之兵赴關協防惟商雒等處各要隘尚無武職大員督防不足以壯聲援豐伸接奉此旨著即帶兵馳赴商雒一帶扼要駐

劄督飭地方官嚴密設防毋稍疏懈其潼關防務即責成扎拉芬悉心辦理妥籌布置本日復諭知易棠將備調官兵一千名迅速飭令赴陝並諭王慶雲俟此項兵到即與扎拉芬豐伸隨時知照商酌撥防該將軍等務當體察各該處防堵情形妥為籌辦總期內練兵勇外絕奸萌於關津要地一律加意嚴查毋令奸匪乘間濶入仍著豐伸於到防後迅即奏報毋稍遲延將此由六百里加緊各諭

令知之。又諭前據恆春奏由綏遠城調赴紫荊關官兵需用口糧應由何處給發請旨遵辦當交戶部速議具奏茲據奏稱請由直隸供應現在直隸省局供應大營及大名等處軍餉需款浩繁若將此路官兵口糧責令供應深恐無款可籌或致貽誤山西省距紫荊關較近此項官兵每月口糧約須數千兩為數亦非甚鉅所有調赴紫荊關之綏遠城官兵一千名每月應需口糧等銀著恆春於

各項雜款應解銀兩內酌撥支應無許推諉遲誤仍著查明該官兵等每月實需口糧銀兩若干覈實撙節發給先行專案報部備覈將此由六百里諭令知之○又諭奕劻等奏山西綏遠城官兵到防一摺前調山西綏遠城官兵赴紫荊關據帶兵官協領鶴齡擇在塔崖驛地方屯劄所需經費已諭令恆春迅籌應付矣此項防兵不過為豫備不虞之計既有帶兵員弁查看彈壓自不致別滋事端

奕劻等擬請輪班前往彈壓該處距官署百里有餘若僕僕道途似涉張皇於公事仍無實際轉多周折奕劻等不必親往仍著嚴飭鶴齡妥為管轄隨時認真察看毋得疏懈另片奏籌擬搭放寶鈔等語著照所擬辦理將此諭令知之○黑龍江將軍英隆奏挑選黑龍江官兵一千名咨令副都統清安統領啟程得旨清安現時精神若何能得力否著察看速奏○陝西巡撫王慶雲奏盤獲奸匪文

維澄訊明正法匪夥楊士淋等飭緝另辦得旨楊士淋等務期速獲陝省現雖安靜如常恐該逆分遣偵探斷不止此數人亦非由一路潛窺稍涉大意貽患不小著嚴密認真緝拏豫消內患斷不准事涉張皇即由汝處寄諭扎拉芬知之○欽差大臣琦善奏報浦口官兵獲勝情形得旨武慶屢次出力實屬奮勇著傳旨嘉獎○甲申月食○諭內閣本年近畿一帶春澤未霑自入夏以來望雨尤切

朕朕念民依行當虔禱所有本月二十日升殿著即停止○諭軍機大臣等僧格林沁奏馬隊官兵攻賊退縮一摺逆匪竄擾連鎮跨河營壘若待其布置已定勢必至如獨流故事攻勦難以得手該大臣與西凌阿托明阿分劄東西兩岸並密防該逆回竄西北之路復將天津船隻停泊下游使賊眾不得擾及津郡逆匪自阜城竄出並非窮蹙奔逃一到連鎮即死守抗拒該大臣於東南兩面挑濠

築壘誠恐兜圍嚴密益堅該逆負隅固守之心此次馬步官兵雖極奮勇而賊巢仍未攻破且致伊勒東阿臂受槍傷是其明證不如誘令離巢設伏以待一俟該逆撲出迅即合圍兜擊俾該逆不得回奔入巢再以奇兵將賊隊衝斷勦洗更易得力著該大臣等酌量辦理萬不可專恃勝保兵到致延時日前據桂良奏張殿元達年駐守大名之兵移營南樂原以防東境冠縣朝城諸處竄匪現在該

處情形無關緊要已諭令桂良將該署提督等所帶官兵移向景州交河一帶著該大臣察看何處緊急派令協防藉資堵勦前此因德勒克色楞接仗受傷特派乾清門侍衛恩全前往看視本日已諭令勝保迅飭恩全馳赴連鎮察看軍營情形回京覆奏該大臣務將現在賊情及一切布置告知恩全即飭令回京以慰朕念將此由六百里加緊諭令知之又諭阜城逆匪竄踞連鎮僧格林沁督

兵進剿僅獲小勝想勝保沿途已有探報本日已諭知僧格林沁如逆匪死拒難於得手即設法偪令出巢以便南北夾擊勝保當亦豫計及此該大臣所留曹州步隊官兵三千餘名原為備辦軍裝聽候南征之用此時皖省軍務節經朕指示機宜分派袁甲三秦定三嚴防臨淮正陽兩路和春等進攻廬州兵力亦不為單薄惟楚豫交界自應山德安先後失守賊又北撲隨州西擾安陸台湧原帶

之兵復疊次潰失幾不成軍河南武勝等關防兵甚少著勝保即將留駐曹州之陝甘官兵酌撥一千名或一千五百名交桂明統帶星速馳往武勝關或防或剿隨時酌度辦理該提督與舒倫保所帶之兵均係陝甘勁旅自可聯絡得力其餘官兵仍留曹州以備調遣現在楚豫交界較之皖豫交界尤為喫重勝保統籌大局定能熟審機宜也張殿元達年所帶官兵現駐南樂原以防臨清逆匪西

竄大名。今東境肅清。而阜城逆匪。勦辦喫緊。即應飭令該署提督等移兵進逼。以為兜勦之計。著勝保飛催前進。不准耽延。前次派往看視德勒克色楞之侍衛恩全當已早抵軍營。著勝保即將該侍衛帶赴連鎮軍營。或即令該侍衛先行馳往。速將該處形勢軍情詳細查勘。於回京時據實覆奏。總以迅速為要。朕日盼畿疆綏靖。早奠民生。該大臣等務當合力同心。殄茲窮寇。無負朕之厚望也。將此

由六百里加緊諭令知之。又諭前據桂良奏張殿元等帶領官兵移營南樂原為臨清賊匪竄至冠縣朝城而設。現在東境肅清大名一帶。毋須重兵駐守。阜城匪眾竄踞連鎮。又已數日。設令相持日久。恐該逆拒守益堅。耗我兵力。著該督即行飛飭張殿元達年等將此項官兵迅速統帶北行。向景州交河一帶探明賊蹤。就近偏攻。仍飛咨僧格林沁酌量何處緊要。即將此項官兵派撥防勦。毋稍

遲延。將此由六百里加緊諭令知之。又諭台湧奏應山賊情並催調官兵助勦一摺。所稱賊眾心懷疑懼。不敢冒險北竄。現因兵力單薄。恐一戰弗克。啟賊輕視之見。自係實在情形。因思提督桂明前帶陝甘官兵二千餘名。隨同勝保勦辦北竄。臨清逆匪追至豐縣。業將此股全數勦除。經勝保派令暫駐曹縣。以備調遣。本日已諭令勝保迅即飭令桂明將此項得勝之師調撥一千名或一千五百

名。即由該提督剋日統帶啟程。間道馳赴武勝關。協同台湧併力進攻。為移緩就急之計。舒倫保前奏於初七日由汜水督兵前往。計日亦可趕到。英桂挑撥之河南精兵二千名。尚未據報啟程。恐一時未能湊集。其江西羅玉斌赴援之兵。著該督飛檄迎提。即由麻城黃安一帶直趨進勦。庶兵力漸集。辦理可期。得手至曾國藩所領水師。現為重竄岳州賊匪牽制。四川松潘等處援兵亦恐緩不濟急。

台湧惟當就現有兵勇防勦兼籌一面懾以聲威使該逆無從窺我虛實肆行竄逸西路安陸荊州緊接襄陽與豫省毗連處所路徑紛歧不獨東路信陽桐柏一帶應防其偷越北竄該督尤須妥籌兼顧總兵柏山前赴桐柏唐縣防守現在該處是否適當賊衝並著台湧嚴飭該總兵相機出境迎截毋許株守一隅致誤事機將此由六百里加緊諭令知之○以馬隊官兵勦賊退縮革營總佛恩恩

祿職枷號示眾○予直隸陣亡台吉屯賴札木蘇察葬世職○旌表守正捐軀四川邛州民陳遇隆妻石氏○乙酉

孝端文皇后忌辰遣官祭

昭陵○諭內閣德齡奏奉旨會議事件遲延自請議處一摺葉爾羌喀什噶爾和闐回布變通折徵前經降旨交德齡會同奕山等查明議奏自應迅速妥議奏聞茲據奏稱該將軍等往返咨商遲至一載有餘迄無定議奕山

與德齡會辦此事均屬玩延奕山德齡著交部分別議處葉爾羌等三城每年回布應如何變通折徵之處著現任葉爾羌參贊大臣常清會同奕山妥速籌議由奕山奏明辦理毋再推諉延宕致干重咎○又諭德齡奏遵旨明白回奏一摺前聞葉爾羌有建立德齡生祠旋被兵民毀像等事批令德齡明白回奏茲據奏稱咸豐二年葉爾羌商民捐貲立祠實不知情訪明後即將原像拆毀等語部

民為本官建立生祠例干嚴禁德齡既未能先行禁止迨訪明拆毀後彼時又不據實具奏實難辭咎德齡著交部嚴加議處○又諭已革湖北巡撫龔裕前因藉病回籍飾詞巧避當降旨發往新疆效力贖罪茲據楊以增奏稱該革員因病未能起解捐餉贖罪懇請免戍等語龔裕係曾任巡撫大員特旨發遣情節較重楊以增冒昧瀆請殊屬非是龔裕著不准捐輸仍遵前旨即行發遣○諭軍機

大臣等。昨因楚豫交界。防勦緊要。諭令勝保將留駐曹州之陝甘官兵。酌交桂明帶赴武勝關。會同舒倫保台湧等。相機堵勦。茲據勝保奏於十三日。與善祿督帶馬步官兵。由運河兩岸。同赴東昌。探賊迎擊。其桂明所帶陝甘官兵。暫駐曹州等語。曹州地方。當南北之衝。固屬緊要。惟此時楚豫交界情形。甚為喫重。自應仍飭桂明帶兵或一千名。或一千五百名。迅赴武勝關。以資防勦。善祿既帶步隊官兵。由金鄉一帶前進。其留駐曹州之兵。應派何員統帶。著該大臣酌量情形。迅速妥為布置。至阜城逆匪竄踞連鎮。跨河營巢。若我兵攻勦稍遲。賊匪勢必負隅死守。又蹈獨流故轍。勦辦何時歲事。昨諭僧格林沁誘賊離巢。設伏以待。若該逆果向南潰竄。該大臣等由運河兩岸前進。正可迎頭截擊。儻仍伏匿連鎮。該大臣務與僧格林沁合力夾攻。就地鏟除。勿留餘孽。兵貴神速。斷不可再有耽延。

致誤事機。此次保舉單開各員。並無蒙古官兵。是否該官兵於克復臨清時。勦賊未甚出力。抑或有遺漏之處。著該大臣迅即查明具奏。蒙古列在藩服。儻著有勞績。尤應破格請獎。斷不可令其湮沒不彰。至軍營打仗。衝鋒冒險。武職居多。勝保將文職開列在前。亦屬非是。統兵大臣首在賞罰平允。即輕重先後之間。亦須權衡至當。始足以鎮服軍心。慎勿蹈重文輕武積習。稍有偏倚也。將此由六百里加緊諭令知之。又諭和春福濟奏勦賊獲勝情形一摺。連日移營築橋。督兵進勦。燒燬賊營。雖擒斬尚多。仍未能將廬州克復。實深焦灼。現在勝保已將續行北來賊匪於豐縣地方全行殲滅。廬州之賊自必聞風膽落。該提督等正當乘此督率將弁兵勇。迅復郡城。不得再事延緩。奏定三計日已抵正陽關。即飭令督同郝光甲劉玉豹等勦辦六安霍邱一帶賊匪。嚴防北竄。毋稍大意。安慶舒桐

等處刻下賊勢如何。亦須設法激勵地方紳民。散賊黨與。斷賊接應。前據琦善先後奏稱。賊船屢擾江浦六合等處。多端窺伺。皖省和州地方。與江浦接壤。急須派兵扼要駐劄。嚴行防範。既可固本省之藩籬。又可為江浦之聲援。著即相機布置。隨時與袁甲三。秦定三。知照援應。不可稍有疏虞。將此由六百里加緊諭令知之。○又諭據勝保奏。山東土匪四起。館陶一帶尤甚。前次該大臣追剿逆匪。所

運車馱鍋帳等項。沿途土匪肆行搶奪。賊擾臨清時。勝保派委吉林委參領阿昌阿防禦。盛安委驍騎校額勒德恩佈等三員帶兵二十一名。善祿派委盛京驍騎校札音阿帶兵二名。俱係密赴南路伺探賊蹤。現聞在臨清以南姜家油房等處。均被土匪搶劫戕害。毀滅屍身。當此勦捕喫緊之時。各處土匪竟至如此橫行。地方官所司何事。實堪痛恨。且大兵在境。軍營所派官弁兵丁。輒被劫害。其平

時盜賊暴橫行旅居民慘遭荼毒者更不可勝計。巡撫職在戢暴安良。平日即應督飭所屬講求捕務。刻下豐縣之賊雖除。而阜城餘匪尚在連鎮屯踞。意圖他竄。若山東境內任令土匪搶掠。不但擾害閭閻。且恐嘯聚成羣。與逆匪勾結。為患著崇。恩嚴飭文武官弁認真查拏。務將此項土匪全數弋獲。盡法懲治。毋任一名漏網。致貽後患。如該管官承緝不力。任令戕劫官兵之犯遠颺。或僅拏獲數名。

以圖塞責。即著從嚴叅辦。崇恩前在山東亦因緝捕廢弛。獲咎。若再不力贖前愆。何顏仰對。

皇考及朕耶。將此由六百里加緊諭令知之。江南提督和春等奏請將陝西解撥揚州餉銀三萬兩先解廬州得旨。汝等自知汝等大營需餉甚急。總未慮及別處尚有甚於此者。以克復山東臨清州城。賞總兵官孔廣順桂齡提督銜。副都統常亮。巴圖魯名號道員。

桂清參將張文照遊擊穆隆阿都司蕭濱守
備徐璋沈鳳鳴白鳳龍副參領陸維城佐領
玉衡花翎千總尤光組等藍翎准已革布政
使張集馨免戍留營餘升敘有差 以攻勦
安徽廬州賊匪出力復副將鄭魁士職 丙
戌倉場侍郎朱嶠因病解任以吏部右侍郎
江蘇學政何桂清為倉場侍郎未到任前仍
以兵部右侍郎李菡署理以內閣學士張祥
河為吏部右侍郎 命詹事府詹事奎章提

督江蘇學政 丁亥

上詣

壽康宮問

皇貴太妃安 諭軍機大臣等承志等奏密練
備調精兵嚴防海口一摺此項官兵係挑備
進征之用自應勤加操練以期精熟遇有徵
調即當如數啟程此時臨清逆匪已經勝保
追至豐縣全數殄滅阜城勦辦逆匪兵力尚
厚所有該處備調官兵著暫准其分撥一千

名防堵海口儻遇奉旨調派之時仍著書元
統帶全數啟程不得藉口海防兵單奏請酌
留此時既無調派之旨該將軍等但當密為
訓練不可稍涉張皇致令人心惶惑其調赴
海口時亦不得另請開銷帑項致同一備調
之兵而支領兩歧總以慎重操防撙節經費
為要將此由五百里諭令知之 以江南徐
州紳民防勦出力賞州同銜王維嶽藍翎餘
升敘有差 戊子命於

大高殿設壇祈雨

上親詣行禮 詣

時應宮拈香 遣恭親王奕訢詣

覺生寺惇郡王奕誥詣

黑龍潭醇郡王奕譞詣清漪園

龍神廟成郡王載銳詣靜明園

龍神廟惠親王綿愉詣

宣仁廟莊親王奕仁詣

凝和廟怡親王載垣詣

昭顯廟拈香 諭軍機大臣等前以阜城竄匪復踞連鎮諭令僧格林沁酌度情形如能誘令出巢設伏兜勦庶易為力數日以來未據奏報不知該大臣作何布置朕心焦切萬分以此股賊情而論顯係伏匿抗拒意圖耗我兵力且牆垣堅厚米糧充足一經負隅久踞復蹈獨流故轍又將何以著手該大臣前奏挑濠築壘止於計及兜圍並未能迅速攻勦朕以勦賊重任畀之僧格林沁事權不為

不專大營兵力不為不厚何以任令久困之賊突圍而出復不能乘勢掩殺為前後邀截之計迨竄入連鎮後又不能即時勦洗任其從容布置該大臣貽誤遷延罪將誰諉現在勝保善祿統兵於運河東西兩岸分路北趨由東昌會齊前進若該逆果向南竄僧格林沁惟當竭力追殺勝保等亦正可迎頭截擊僅仍伏匿連鎮則勝保計日趕到即可合力進攻僧格林沁亦不得專待勝保到後始圖

勦辦總之此股窮寇一日不滅畿輔一日不安朕急切苦衷該大臣豈不知之著即體察機宜嚴飭各路帶兵各員速籌進攻無論合圍攻擊或竄出截殺總期悉數殲滅迅速辦理朕斷不能再為該大臣寬予限期也其張殿元達年由南樂北行之兵並桂良由省派往協勦之宣化兵五百名均著飛催前進相機調遣藉資堵勦並著隨時知照勝保迅速馳抵連鎮合力同心將此股竄匪勦滅淨盡

不准再有耽延致干重罪將此由六百里加緊諭令知之 又諭勝保奏餘匪淨盡督兵由東平一帶相機迎勦一摺該大臣於十五日即抵濟甯十七日發摺後始行啟程尚須相機再進是直以班師自詡按轡徐行殊屬非是現在自阜城竄踞連鎮之賊即係該大臣去年由豫晉追勦至直之賊並非另有一股此賊一日不滅即該大臣一日不得辭責豈恃東境無賊為全功而以應辦未了之事

諉之他人耶。據奏阜城賊蹤竄向何方。尚無確耗。何偵探遲滯至此。連鎮之賊跨河營巢。死拒不出。幾與獨流相等。僧格林沁濠築壘。分劄官兵於東西兩岸。並將天津船隻停泊下游。布置雖周。而進攻總未得手。所殺逆匪不過數十名。且有伊勒東阿烏凌額受傷之事。該處地勢。河東較河西尤固。勝保現從東岸進兵。即當迅速馳抵連鎮。一面飛催善祿由西岸星速前進。同抵該處合力進攻。若任意遲延。徒以休息兵力為詞。自問何顏對朕功。自功罪自罪。斷不能希圖相抵也。另片奏知州黃良楷知縣盧朝安在籍侍衛。田在田各帶練勇。擒殺潰匪。賊匪等語。自應亟行獎勵。所有帶勇各員及出力團長練勇人等。著准其歸入豐縣勦賊出力各員內一體保奏。候朕施恩。該大臣此次追勦賊匪。如此迅速。若馳抵連鎮。將阜城竄匪與僧格林沁合力同心。迅殲醜類。肅清畿輔。方不負朕委任。

之恩也將此由六百里加緊諭令知之。予山東金鄉縣殉難知縣楊鄭白祭葬。世職妻邵氏並二女及合署親丁幕友書役人等旌卹如例。

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百二十七

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百二十八

監修總裁官經筵講官直學士李鴻藻等奉
命纂修

太子太傅禮部尚書李鴻藻等奉
命纂修

太子太傅禮部尚書李鴻藻等奉
命纂修

太子太傅禮部尚書李鴻藻等奉
命纂修

太子太傅禮部尚書李鴻藻等奉
命纂修

敕修

咸豐四年甲寅四月己丑諭內閣予告大學

士潘世恩立品端方學問醇正由乾隆癸丑

科一甲一名進士授職修撰自翰林洊擢正

卿

皇考宣宗成皇帝深加倚畀超登揆席簡任綸

扉總理部務入直上書房夙夜宣勤

特命肩輿入直晉加太傅

賞戴花翎並

賞用紫韁

賞穿黃馬褂

恩眷益隆服官五十餘年小心謹慎克稱厥職

道光二十九年因腰脅作痛懇請開缺疊蒙

恩諭慰留朕即位後因其年逾八袞寬予假期

俾得從容調養嗣因陳懇肫切勉從所請准

其致仕並賞食全俸又因重與鹿鳴恩榮筵

宴疊加賞賚用昭篤眷方冀長承恩澤永享

遐齡茲聞溘逝悼惜實深著加恩賞給陀羅

經被派怡親王載垣帶領侍衛十員即日前

往奠醊並著入祀賢良祠任內一切處分悉

予開復應得卹典該衙門察例具奏伊孫國

子監學錄潘祖同著賞給進士准其一體殿

試翰林院編修潘祖蔭著以翰林院侍讀候

補監生潘祖保著賞給舉人准其一體會試

用示朕軫念耆臣之至意尋奏上予祭葬諡

文恭○諭軍機大臣等向榮奏軍餉遲延請

設轉運局並籌解火藥各摺片已諭令陳啟

邁等迅速籌辦矣該大臣擬請在浙省添設

轉運局即令彭玉雲駐劄督辦專司催趲自

係為軍餉緊要起見。惟以現在情形而論。浙江係完善省分。尚可設法接濟。江西軍務甫竣。辦理已難應手。至廣東協撥各處餉銀。需用浩繁。又豈能專顧江南。且道途遙遠。斷不能剋期解到。該大臣並不於江蘇地丁鹽關稅務及捐輸各款內籌辦。以本省之銀供本省之用。惟知坐待鄰省接濟。且本日奏報並未將近。日如何攻勦情形。據實具奏。似此曠日持久。克復無期。雖竭數省之財力。猶不足

供該處之軍需。老師糜餉。是誠何心。朕於該大臣倚任。不為不專。於調兵籌餉諸事。無不立允所請。此次江西廣東等省應解餉銀。並籌撥火藥。均經降旨飭催。該大臣當知愧知懼。奮勉圖功。迅將金陵鎮江次第收復。庶可稍贖前罪。若徒以兵單餉絀。藉口耽延。是該大臣自貽伊戚。不能承受朕恩。斷難幸邀寬典也。前調之閩廣官兵。現在行抵何處。廣東紅單各船。曾否駛入長江。著該大臣與琦善

飛速分提。一面督飭將弁兵勇。剋日水陸進攻。並嚴飭余萬清。迅即克復鎮江。毋再遷延。致干重罪。將此由六百里加緊諭令知之。又諭怡良。許乃釗奏籌辦漕糧軍餉。並上海攻勦各情形。逆匪占踞上海。半載有餘。許乃釗督師勦辦。日久無功。貽誤遷延。已屬罪無可逭。本日據奏南北兩營連日進勦情形。雖小有斬獲。仍未能擣穴擒渠。立將縣城收復。若再令該逆肆行他竄。或擾海口運道。更滋蔓延。該撫自問當得何罪。據稱該逆內無接濟。外無應援。正當乘此機會。督飭各路將弁兵勇。合力圍攻。迅圖克復。毋得再事稽遲。貽誤現在地方不靖。咪喇哩兵船到滬。亦不過欲圖窺我虛實。逞其詭謀。惟當不動聲色。絕其覬覦之漸。怡良既與該夷酋接晤。務當明白開導。諭以大義。令其前赴廣東。聽候查辦。一面知會葉名琛。一面查探夷酋所議各情。迅速具奏。至京倉支絀。疊次諭令該督撫等

籌辦採買。由海運津。並將所餘折色銀兩。即行解赴部庫。該督等宜如何設法趕辦。以濟要需。乃買辦漕糧。既無一定確數。而於徵收折色銀兩內。竟復撥借二十六萬餘兩之多。空言設法補苴。於事何濟。各處勒匪。若能速行戡事。又何至師老餉糜。至於此極。此時京倉需米甚殷。部庫籌餉孔亟。該督等亦當緩急兼權。何得止顧江省。現在浙漕已由海運抵津。該督等務即督飭委員。趕緊採辦米石。跟蹤放洋北上。所餘折色銀兩。一併催齊解部。不准藉詞延宕。本日據王懿德覆奏籌辦臺米情形。擬仍援照成案。捐輸米石。運津交納。派員勸諭紳士。或將認捐之銀。改令捐米。或令未捐之戶。以米代銀等語。閩省既能如此籌辦。江省亦何容畏難推諉。該督等如果竭力妥籌。諒可辦理有效也。將此由六百里加緊諭令知之。○又諭。向榮奏請籌撥軍餉。火藥各摺片。並許乃釗奏陳上海夷情等語。

各省協濟江南軍餉。就江蘇浙江已解之數。支放正二兩月口糧。尚有帶欠餉糈。不繼關繫。非輕廣東省每月籌解銀兩。即道途稍遠。亦應竭力催趲。現於浙江省城添設轉運局。令彭玉雯在彼督辦。派員馳往常山守候。葉名琛柏貴。務須將每月籌撥銀數。剋期啟程。解往江西。即由該省委員轉解常山。交轉運局員接收。毋稍延緩。致誤急需。至廣東所調紅單等船。將次入江。火藥必應多為籌備。著葉名琛等。先就各營所存提解十萬斤。即日派員亦由江西行走。運赴江蘇。以備分撥。琦善向榮軍營。為水陸夾攻之用。上海迄今未能克復。許乃釗據吳健彰等所稟。有味喇哩夷酋。因逆匪擾踞滬城。海口商務虧損。該酋欲往鎮江等處。察看賊情。並欲整頓商務。如督撫不准會晤。便繕具奏章。賫往天津投遞。等語。夷情叵測。當此賊氛不靖。難保不萌覬伺之心。已諭令怡良。明白開導。並援照成案。

令赴廣東聽候欽差大臣查辦葉名琛於該夷到粵後務當曉以大義於撫慰外夷之中仍當堅持定約萬不可聽其別有干求致生枝節又據王懿德奏接琉球國王世子來咨以暎夷久羈該國並句引咪喇噤兵船到國索取物件起廠收煤強留該國夷眾及中國人與咱噠吟同居多方騷擾等事暎夷羈留該國有年疊經葉名琛勸諭在粵夷酋咨辦現尚在彼逗遛又有咪喇噤夷人句引漢奸

藉端滋擾若不諭令撤回非所以示懷柔著葉名琛即向該夷領事剴切曉諭俾令將現在琉球滋事之船全行回國勿致別生事端將此由六百里加緊諭令知之又諭向榮奏請飭解軍餉並籌備火藥等語前因江南勦賊緊急令浙江江西等省每月協濟餉糈刻下金陵鎮江軍務喫緊上海亦未收復萬一接濟不及餉匱兵譁所關非細現已准向榮所請於浙省設立轉運局責成彭玉雯督

辦催趨並揀員往常山守提轉輸較為便捷著黃宗漢陳啟邁各照每月應解銀數剋日起解毋令委員任意延宕其廣東撥解未到之餉並著陳啟邁遴選委員前往贛州一帶迎提一有抵江消息即行委解常山縣城交轉運局派往之員接收徑解杭州江西餉銀亦應仿照辦理至軍營後路糧臺仍由鹽法道熊裁就近支放倘委員等託故畏難逗遛不進即著從嚴叅辦至攻勦首資火藥現在

廣東紅單船即日入江需用火藥尤多亟應寬為籌備據向榮奏請飭廣東江西貴州三省各調解十萬斤已諭令葉名琛柏貴蔣霽遠等照辦著陳啟邁亦如數購辦先就各營提解剋期啟程其黔粵兩處火藥均由江西取道運往金陵並著飭沿途地方官妥為防護毋稍疏虞將此由六百里加緊各諭令知之○又諭據向榮奏金陵鎮江攻勦緊要請飭貴州等省籌解火藥等語向榮軍營現存

火藥無多著蔣霽遠即於黔省各營內提取火藥數萬斤剋日派委妥員由江西一帶解赴向榮軍營以濟急需毋稍延誤將此由六百里諭令知之○兩江總督怡良等奏上海夷情安帖並吳健彰訪聞俄夷兵船情形得旨速行探明具奏斷不可為其搖惑事事張皇○江蘇巡撫許乃釗奏滬賊屢撲各營均經痛勦擊回現在嚴飭將士勒限蕨功得旨賊勢並未漸窮克復實無把握許乃釗日久

無功藉此敷衍甚屬可惡若以此報冀仰慰朕心適增朕之憂也○浙閩總督王懿德奏籌備臺米擬請設法勸捐運津交納得旨著照所擬辦理總以迅速為妥又奏廈門商力困敝年進燕窩懇請展緩批著緩一二年查看情形再進○調禮部右侍郎萬青藜為吏部左侍郎仍留浙江學政未到任前以內閣學士陶樞署理以內閣學士許乃普為禮部右侍郎工部左侍郎杜翰兼署右侍郎兼管

錢法堂事務○庚寅諭內閣軍興以來屢經降旨諭令各督撫飭屬團練鄉勇原期眾志成城人心自固該地方官果能實力奉行紳民人等定必踴躍用命自衛身家於勦匪事宜大有裨益本日署河南巡撫鄭敦謹奏據羅山縣探報湖北黃安縣南沙河地方有賊匪竄至經該處鄉民斃賊數百並約會河口等處鄉民殺賊五六百人奪回逆船六百餘隻並米糧衣物等件該縣合境居民聞風爭

奮約眾追殺復斃賊數百人該民人等合力同心捍衛鄉閭甚屬可嘉若賊匪竄擾之處地方百姓皆能如此齊心禦賊何至任其蹂躪慘遭荼毒然總須地方官實心勸諭倡率有方遇有出力紳民即行據實詳報上司隨時奏請獎勵庶使羣情觀感協助官兵盡殲醜類所有此次黃安縣南沙河等處擊退賊匪之居民人等著台湧先行傳旨嘉獎並著查明出力紳民據實保奏現在被兵省分屢

據奏報各屬紳民實能團練殺賊保衛地方者亦復不少著各路統兵大臣及督撫等嚴飭各府州縣勸導紳民一體實力團練果能辦有成效如近日天津饒陽單縣等處力挫賊鋒保全城邑者即著隨時奏聞定當格外施恩以獎忠義將此通諭知之○又諭崇恩奏請將疏防縣城被劫之員弁撤任摘頂一摺山東鄒縣地方於本年二月間有賊匪乘夜劫掠錢鋪一案迄今賊盜未獲該地方員弁既未能防範於前事後又不能迅速弋獲實屬捕務廢弛鄒縣知縣吳奏言專汛把總袁大順均著撤任摘去頂帶留於該地方勒限一個月協同緝拏賊盜務獲究辦如逾限不獲即著嚴叅現在逆氛未靖各處土匪乘機竊發疊經諭令各省地方官勸導紳民力行團練自衛鄉閭其有本地匪徒及外來賊夥乘間搶掠者並准該紳民等格殺勿論其辦理團練著有成效者准該督撫隨時奏請

獎勵該地方官果能實力奉行何至土匪搶劫之案層見疊出著再申諭各該督撫嚴飭所屬團練紳民遇有匪徒滋事擾害良民聚集多人肆行搶掠者除由地方文武迅速查拏外並准紳民人等自行捍衛格殺勿論惟不得挾私逞忿致滋弊端總期官民一體消患未萌用副朕除莠安良之至意將此通諭知之○諭軍機大臣等僧格林沁等奏連日督兵進攻斃賊多名並據勝保等奏撥兵赴楚防勦即日馳赴連鎮會勦各一摺該逆於連鎮窵濠築牆意圖久踞我兵惟用大礮轟擊仍不能出奇制勝力破賊巢似此曠日持久勦辦何時蕆事勝保於十九日行抵莊平計日已可行至連鎮兩軍會勦兵力較厚該大臣等務當協力同心迅圖攻勦儻該逆負隅死拒我兵不難四面兜圍為就地剷除之計設勢感南竄仍可設伏以待出其不意一鼓殲除軍情變幻靡常惟在該大臣等相機

妥辦迅速奏功。斷不可再延時日。附近連鎮村莊。是否有賊占踞。萬勿任其裹脅居民。並當嚴斷接濟。使該逆援絕勢孤。攻勦自易得力。東北一帶。尤應加意嚴防。毋令搶掠船隻。再滋延蔓。至勝保請仍飭張殿元駐守大名之處。前因東境肅清。諭令桂良飭令張殿元達年赴景州交河一帶。就近偪攻。現據僧格林沁札調張殿元在吳橋達年在甯津帶兵屯劄該員等諒已遵辦。前調山西澤潞官兵

現在行抵何處。若尚未到營。即可令此項官兵駐劄大名。以資防守。如必須張殿元等折回該處。著僧格林沁勝保斟酌妥辦。無以有用之兵。置之無用之地。至東路鹽山慶雲一帶。與山東武定毗連地方。防守官兵勢尚單弱。著僧格林沁勝保妥籌。應如何撥兵扼要堵截。並知照崇恩嚴飭地方文武。與紳民人等實力防堵。萬不可稍有疏虞。至賊匪乘間竄逸。該大臣等務當統籌全局。合力進攻。總

期早滅妖氛。肅清畿輔。毋負委任。將此由六百里加緊各諭令知之。○又諭。前據台湧奏賊擾應山等處。當經諭令防勦兼籌。堵賊偷越北竄。茲據鄭敦謹奏稱。應山逆匪於初七日全數竄回德安。隨州之賊亦竄回漢武襄樊一帶。尚無賊蹤。並聞黃安縣之南沙河居民及河口等處鄉民。約殺賊匪多名。該逆現猶盤踞德安等語。著台湧查明出力紳民人等分別獎勵。以昭激勸。本日已諭令英桂等

於楚豫交界地方督率員弁兵勇實力嚴防。著台湧即就現在兵勇相機勦辦。總兵柏山已由桐柏唐縣一帶進勦。舒倫保計日已抵信陽。會同勦捕。據勝保奏稱已遵旨飭令桂明帶兵二千名由曹州直赴許州一帶。探明賊蹤迎頭截擊。著台湧即督飭現帶官兵與各路赴援之兵合力堵勦。不得專事株守。致誤事機。將此由六百里加緊諭令知之。○又諭。鄭敦謹奏探明豫省南路賊匪均已回竄。

並皖省擒匪竄擾戕官各情逆匪於初七日由應山竄回德安。隨州之賊亦回武漢一帶。總未大受創懲。仍當防其窺伺。再圖北竄。該撫等已飭南汝光道余炳燾等扼要設防。並有柏山及舒倫保等在信陽一帶堵剿。現在各路官兵不為單弱。正當乘機勦辦。迅殄賊氛。英桂現雖告假。仍當與該署撫鄭敦謹合力同心。妥籌布置。楊霽計已抵豫。務即確探楚豫交界處所。何路緊要。即帶兵馳赴該處駐劄。協同防剿。至安徽霍邱縣擒匪李兆受等竄入商城。王家院牆地方。膽敢聚眾撲營。致戕害署副將春明。及備弁兵勇多名。現仍在卜家店地方嘯聚。亦難保無逆匪在內。勾結為患。該撫等既飭牛鑑督帶兵勇二千餘名前往勦辦。著即責成該員督飭弁兵並勸諭地方團練實力兜剿。以期盡數殲除。勿留餘孽。署商城縣知縣郎仲連於鄰省匪徒滋擾戕官毫無准備。玩泄已極。郎仲連著先行

革職。仍責令隨同勦捕。如查有畏葸先逃情事。即著從嚴叅辦。陣亡被害各員及傷亡兵勇一併查明分別具奏請卹。此股賊匪據稱係由安徽霍邱縣竄入豫境。霍邱與正陽關毗連。為皖豫扼要之地。秦定三現帶兵在正陽關一帶防剿。著英桂等隨時知照合力夾擊。斷不可互相推諉致誤事機。將此由六百里加緊諭令知之。命醇郡王奕譞帶領侍衛十員往奠故內大臣璧昌茶酒。贈太子太保。予祭葬。謚勤襄。辛卯諭軍機大臣等。本日據青麀奏賊匪到處勾結請飭就近省分速發精兵赴楚援應等語。現在湖北應山德安等處均為賊踞。近又北撲隨州。西擾安陸。賊勢猖獗。湖北情形萬分緊急。楚蜀壤地相連。豈可坐視鄰封危急置之不顧。況松潘建昌兩鎮之兵自上年十月以來疊次諭知裕瑞迅催前進。至今已將半載。尚無抵鄂信息。實屬任意稽延。不知緩急。著裕瑞飛飭帶兵

之雙保福忻將駐劄巴東利川之兵。剋日馳赴楚北。聽候台湧調遣。協同勦賊。毋得稍存畛域。致誤大局。至接濟楚北軍餉等事。仍著該督遵照前旨。悉心籌備。並著將此項官兵赴楚日期。迅即奏報。毋稍遲延。將此由六百里加緊諭令知之。○又諭青麐奏武昌危急。懇速撥兵餉。並請飭台湧赴省會勦各摺片。前以派赴楚北各兵。漸可齊集。諭令台湧分投迎提。迅飭勦辦。茲據青麐奏省城萬分危

急。惟請令台湧速行赴省之處。尚未知江北實在情形。逆匪由漢黃等府擾及德安。時復窺伺荆襄。其意方欲以蹂躪各屬。使武昌勢成坐困。則我軍亦惟有以勦除各屬賊匪為救援武昌之策。此時台湧豈能置江北羣賊於不顧。即佈克慎所帶之兵。均係收集潰散兵卒。亦豈能衝賊而過。直達武昌。且武勝關為入豫要隘。台湧自以遏賊北竄為要。一面催提續調各路官兵。為進援鄂省之舉。現據

勝保奏報。已遵旨飭令桂明帶陝甘官兵二千名。自曹州啟程。渡河馳赴許州一帶。探明賊蹤。兼程前進。四川援兵。本日已諭令裕瑞飛催東下。舒倫保於初七日由汜水啟程。剋日亦可抵關。與台湧會合。前調之羅玉斌。勦辦江西匪徒。現已蒞事。亦可馳抵黃安一帶。著台湧迅速催提。並著就現有之兵。設法分路攻勦。自德安進徧漢陽。庶省垣重地聲勢聯絡。不致坐困。青麐此時惟有督飭將弁兵

勇激勵紳民。嚴拏奸匪。極力守護省垣。毋稍疏忽。青麐身任巡撫。全省之事。皆應熟籌兼顧。正不得以株守省城。坐待援兵。為卸責地步也。將此由六百里加緊諭令知之。○又諭駱秉章等奏官軍水陸獲勝。克復湘潭縣城。又曾國藩奏靖江水師潰敗。自請治罪各一摺。此次湘潭水陸連獲大勝。殺賊甚多。惟大股雖已殲滅。而靖江賊巢。並未能同時攻破。曾國藩復以輕進。遭此挫衄。若不亟圖勦辦。

恐該逆負隅抗拒必致牽綴我師阻扼南北要衝駱秉章等現既移軍回勦務即與塔齊布等乘此聲勢分帶兵勇水陸夾攻為一鼓成擒之計斷不准任令該逆踞巢死守再肆鴟張所稱由湘潭上竄下竄餘匪究竟奔突何處亦須探明趨向分派將弁竭力搜捕其由醴陵將竄萍鄉一股並著迅飭江西交界各文武一體嚴密堵剿毋任蔓延曾國藩統領舟師屢有挫失此摺所陳紕繆各情朕亦不復過加譴責現在所存水陸各勇僅集有四千餘人若率以東下誠恐兵力太單該革員現復添修戰船換募水勇據稱一兩月間當有起色果能確有把握亦尚不難轉敗為功目下楚北賊蹤由應山竄回德安隨州之賊亦回武漢是鄂省望援甚急該撫等務當督飭水陸各軍迅將此股敗竄之匪殲滅淨盡兼可赴援武昌以顧大局鮑起豹以提督大員安坐省中一無布置該撫等屢次奏報

打仗情形均未敘及該提督之畏蕙無能已可概見本日降旨將鮑起豹革職不准留營特命塔齊布署理提督全省水陸各營皆歸統轄該署提督責無旁貸即著統領各路將弁相機進剿以期迅掃賊氛毋稍延誤將此由六百里加緊諭知駱秉章並諭塔齊布曾國藩知之○又諭曾國藩奏請飭廣西臬司許祥光右江道張敬修候補知府李孟羣統帶水勇來楚以資合剿等語現在廣西土匪勦辦正當喫緊而湖南水勇戰船又亟須大員統帶本日據曾國藩奏潯梧一帶雇募水勇業經該撫咨覆交李孟羣管帶其許祥光張敬修二員能否赴楚助剿著勞崇光酌度緩急毋得顧此失彼妥籌辦理將此由六百里諭令知之○降調前任禮部侍郎曾國藩奏靖江水師潰散請交部從重治罪得旨此奏太不明白豈已昏憤耶汝罪固大總須聽朕處分豈有自定一拏問之罪殊覺可笑想

汝是時心搖搖如懸旌漫無定見也○以株
守無能革湖南提督鮑超豹職以雲南騰越
鎮總兵官常存為湖南提督未到任前以湖
南補用副將塔齊布暫署以廣東順德協副
將通安為雲南騰越鎮總兵官○以湖南水
師失利革前任禮部侍郎曾國藩職仍戴罪
勒賊○以克復湖南湘潭縣城賞副將塔齊
布總兵銜巴圖魯名號守備周鳳山千總楊
載福花翎餘升敘有差革前疏防知縣劉建
德守備傅步雲職○壬辰

上詣

壽安宮西所問

如皇貴太妃安○諭軍機大臣等麟瑞奏帶兵
進關請旨遵候調撥等語此項吉林官兵一
千名既據該副都統管帶於四月二十一日
行抵山海關內由天津一路行走即著僧格
林沁勝保派員飛檄迎提催令速赴連鎮軍
營聽候調遣應於何路設防何處助剿並著

該大臣相機辦理連鎮近日賊情何如我軍
如何進攻勝保計日趕到務即乘此聲威與
僧格林沁戮力同心亟圖勦滅不得稍有遷
延再滋貽誤將此由六百里加緊諭令知之
○又諭前因台湧軍餉缺乏諭令裕瑞迅籌
銀十萬兩速解湖北台湧軍營諒已遵照辦
理本日據裕瑞奏請飭浙江江西鈔錄籌濟
江南軍營章程咨川參酌等語部撥各省協
濟軍餉係為移緩就急起見該督惟當就現

在情形設法籌撥豈可拘泥他省章程致誤
事機著裕瑞即遵照前旨籌撥銀十萬兩速
派妥員解往台湧軍營毋得再有延誤至巴
東利川之兵赴楚協剿若待續調漢屯官兵
接防始行啟程必致有誤應援著迅飭帶兵
員弁即日前往不准耽延軍營兵餉必應迅
速籌辦該督此奏畏難推諉殊屬不知緩急
懍之戒之將此由六百里加緊諭令知之○
癸巳諭內閣袁甲三奏革員帶兵駐守任賊

竄逸等語已革漕運總督李湘棻統帶兵勇駐劄郝家集當東境逆匪經勝保等督兵追剿時早應嚴密布置遏賊竄路若如所奏此次敗逃餘匪由豐縣竄入蕭縣境內經該縣文武督飭團練兩次接仗而李湘棻駐兵南岸並未擊殺一賊該革員本係獲罪之人經朕棄瑕錄用宜如何激發天良力圖報效乃於防剿喫緊之際任賊竄越懦怯無能實堪痛恨即著袁甲三查明該革員如何遇賊退

避情形據實嚴叅毋稍徇隱○諭軍機大臣等朕聞阜城逆匪竄出時察哈爾官兵並未知覺迨將防濠之礮那向營盤轟擊始知賊出兵已大亂林鳳祥爬越濠溝平毀濠牆賊眾跟出以致焚毀營盤搶去帳房百餘架馬匹駝隻數百匹傷亡兵丁數十人前據僧格林沁奏稱逆匪於初六日子刻撲出重濠然燒帳房僅請將培成摘去頂帶烏凌額尚請因傷從寬免議迨逆匪竄至連鎮始奏稱培

成營盤陣亡官兵八十餘名並未將培成失事實任情形及被賊搶去帳房駝馬火藥各情詳細入告是該大臣前次奏叅培成顯有不實不盡逆匪竄踞阜城疊據僧格林沁等奏稱挖築濠牆杜賊竄逸乃初六日賊踞濠邊初九日全行南竄此數日中竟不能設法堵剿以致該逆竄踞連鎮餘燼復燃重煩兵力可見該大臣平日布置盡屬空談毫無把握至各營帶兵大員均歸該大臣節制有功

則賞有罪則懲毫釐不容假借儻有失事之員即當據實嚴叅又豈可諱敗為功所有培成營盤如何被燒逆匪如何撲出培成及該營兵丁是否在營何以毫無知覺帳房等件被賊搶去若干著該大臣迅速詳查據實具奏儻有一字虛捏是僧格林沁自蹈欺罔之罪斷難逃朕洞鑒也該大臣於軍營一切事宜自當秉公酌辦方足以折服人心不可稍有瞻徇迴護致負委任朕又聞該大臣延覓

喇嘛在營諷經設醮此雖係蒙古素所崇奉但當勦賊喫緊之時恐兵丁等專務此事於防勦或有疏虞豈此事所能補救也該大臣惟當力盡人事不可以不急之務致懈軍心將此由六百里諭令知之尋奏遵查該逆前撲出站牆乘風縱火將培成營盤帳房燒燬失去駝馬百餘匹培成及營兵等當時俱在營盤未能救護得旨培成著革職留營效力贖罪○又諭袁甲三奏豐縣餘匪渡河南竄

現飭各路兵勇堵剿一摺逆匪由豐縣竄出經勝保等督兵追剿斬擒殆盡據稱徐州鎮道亦各督兵勇截殺餘匪渡河時人馬並不甚多何以竄至蕭縣境內尚能與兵勇兩次接仗且由蕭永一路沿途竟至裹脅二三千人竄擾蒙城前據百勝王夢齡奏稱分剽豐工南北兩岸扼賊南竄又有李湘棻在南岸郝家集一帶防堵何竟任賊竄越到處裹脅所謂督兵截殺者安在該給事中既派遊擊

李成虎等與臧紆青統帶兵勇會同勦辦著即督飭帶兵文武員弁迅將此股逸匪即在蒙城就地殲除斷不准再令他竄致滋蔓延前有旨諭令秦定三於抵正陽關後督飭郝光甲劉玉豹等勦辦六安霍邱一帶賊匪並諭和春福濟於和州與江浦接壤地方防賊窺伺原恐金陵及廬州逆賊再行分股北來續圖援應該提督等務當於各處要隘實力嚴防毋得稍涉大意李湘棻在南岸郝家集

駐劄未能堵賊已明降諭旨令袁甲三查明奏該革員所帶之兵一千餘名必須妥為安置著交百勝王夢齡就近調撥並著袁甲三迅即揀派得力將弁前往管帶以資防勦勝保由臨清追賊南下除沿途擊殺賊眾其餘匪逃散偷渡者為數亦必不少且皖省逆賊聞風亦難保不續來勾結為救援之計此時總宜嚴遏南來之賊並速將渡河回竄餘匪勦洗淨盡若稍遲延令與逆匪糾結又圖

北竄。惟該提督等是問。將此由六百里加緊諭知。和春、福濟、袁甲三、秦定三並傳諭百勝、王夢齡知之。○署西安將軍扎拉芬等奏查看潼關形勢。以風陵渡、金陵關為水陸鎖鑰。現在會籌扼要布置。得旨。布置一切俱是。惟有時加察看。酌度緩急。勿致顧此失彼。為至要也。○甲午。諭軍機大臣等。蔣霽遠奏勦辦獨山匪徒。連獲勝仗一摺。此次獨山州土匪陸阿潰等勾結粵匪楊元保等滋事。抗拒官兵。攻撲州城。業經護古州鎮總兵彭長春候補道承齡督派副將彭壽署守備王敦倫等帶領兵勇馳往應援。疊獲勝仗。並將首犯陸阿潰擒獲。餘匪散竄。勢已窮蹙。惟播讓等處山硎叢雜。若不悉數殲除。仍恐廣西及本地不逞之徒互相勾結。再滋蔓延。該撫務當督飭彭長春等乘此聲威。併力兜拏。務將首犯楊元保擒獲。盡法懲治。並將此股匪徒迅速就地殲滅。勿留餘孽。一面飭令紳士等分赴

各寨安撫居民。整飭團練。以為官兵聲援。所需軍餉。准其於防堵經費內撥銀四萬兩。搏節動用。事竣核實造報。毋許浮冒。將此由六百里諭令知之。○貴州巡撫蔣霽遠奏派員帶兵馳赴湖南援勦。請將圖塔納等留黔以重地方。得旨。圖塔納著仍飭令赴湖南軍營。馬清傑等均著留於貴州。○以御前侍衛肅順署正紅旗滿洲副都統。○內閣學士盛桂因病請開缺。允之。○乙未。命再於

大高殿設壇祈雨

上親詣行禮。詣

時應宮拈香。○遣恭親王奕訢詣

覺生寺。惇郡王奕誥詣

黑龍潭。醇郡王奕譞詣清漪園

龍神廟。成郡王載銳詣靜明園

龍神廟。惠親王綿愉詣

宣仁廟。莊親王奕仁詣

凝和廟。怡親王載垣詣

昭顯廟拈香○諭內閣端華全慶奏遵查總兵畏蕙各情一摺據稱訪查天津鎮總兵特克慎平日不能約束兵丁聲名平常上年經勝保派赴得勝口劉營堵禦迨逆匪退後天津地方各官均趕至勝保大營助勦該總兵並不赴獨流靜海等處隨同勦賊仍株守得勝口地方竟至三月之久其畏蕙無能已可概見特克慎即留於天津亦屬無用著即行來京交部帶領引見新任天津鎮總兵雙銳到任尚需時日著桂良迅即另委妥員署理○又諭前據文謙奏請酌借官票發商生息當經降旨交端華全慶體察情形據實具奏茲據奏稱以承借之票作為應交之款名為奏銷無絀實則減課五成不但借項歸款無期且恐有妨正課該鹽政所請承借官票之處著不准行至蘆商疲敝亦係實在情形嗣後應交各款著照端華等所議准其五成交銀五成以制錢二千作銀一兩交納如此變

通辦理恤商即以裕課該鹽政務當督飭運司於該商等應完課款認真稽覈隨時提解毋得任令各商藉口疲敝再有延誤○諭軍機大臣等僧格林沁勝保等奏連日進攻連鎮賊巢一摺所奏毫無把握逆匪起立木城分踞村莊如此容易我兵但知挑它長濠又不能剋期蕞功及連日進攻殺賊不過百餘名數十名而我兵傷亡亦復不少似此曠日持久何時始能殲滅茲閱該大臣等奏報殊出情理之外賊於初九日夜間竄出占踞連鎮我兵緊接跟追何以遲至二十二日尚任該逆從容占踞西岸村莊且稱另行擇地它濠是此十日之內所辦之工全歸無用僅逆匪愈占愈廣我兵濠塹亦將愈挖愈遠自來困賊有此下策否若濠塹果有可恃原不妨計日以待阜城覆轍已可概見尚復沾沾必出此策朕畀僧格林沁以如此重任不料其束手無計一至於此朕實為之深愧勝保已

抵該處步隊亦即日到齊自當力籌進攻與僧格林沁和衷速辦此股逆匪本係勝保專辦不得一味諉過於人前此寄諭業已詳示若勝保竟恃山東勦賊為莫大之功於連鎮勦辦事宜輒視為有人分任徒事遷延斷不能逃朕洞鑒前此所諭誘賊出巢設伏出奇等事能否遵辦即著相機妥籌若任其負隅死守朕度該大臣等才力亦必不能剋日奏功也。綢關胸受槍傷實屬奮勇著發去白玉四喜搬指一個玉靶小刀一把大荷包一對小荷包四個交該侍衛祇領所需火藥已諭巡防王大臣如數撥解矣將此由六百里加緊各諭令知之。二品頂帶順天府府尹楊需奏報抵豫日期並籌辦汝光等處防勦情形得旨。布置皆是迎勦實勝於防分防難扼竄逸自軍興以來各省徒有防堵之名並未見防其奔入堵其條來反因兵分力單啟其覬覦無異授賊以隙也。向後應如何酌量調

實錄卷二二八

十一

度及汝應否移駐之處再行具奏。○予直隸阜城縣陣亡佐領達渾色楞拉什護軍校達哈布郭仲祭葬世職。○丙申。

上詣

壽康宮問

皇貴太妃安。○諭軍機大臣等官文等奏擊退攻撲荊州賊匪一摺。此股逆匪由隨州棗陽直趨安陸荊門進逼荊郡經官文貴陞分派遊擊王國才協領功額訥等督兵由東北二

路奮力迎擊連獲勝仗勦辦尚為得手惟安陸荊門係荊州前路屏障何以任令逆蹤先後竄踞尚未據台湧奏報此時固以力保荊郡為要仍須乘勝相機迎截為前後扼勦之計該將軍等務即嚴飭帶兵員弁迅圖截殺使該逆無由乘虛回竄方為上策其逃散餘匪亦應加意搜捕免致蔓延勾結至潛江沔陽監利一帶肆擾土匪既據奏稱派委員弁分投進攻亟須激勵兵勇次第殲除庶荊州

一郡不致腹背受敵而防勦均易於為力江路現尚阻隔湖南賊匪亦難保不旁竄句結青磨坐守省垣恐有不能兼顧之勢台湧籌勦北路賊匪現擬由應山進攻德安等處所有荊郡一切勦辦機宜該將軍等務當隨時知照互為策應豈得以驛路阻塞為詞遂不思設法疏通為彼此援應之策耶另片奏請截留川餉以濟軍需即照所議辦理其餘二萬五千兩仍著趕緊委員繞道解赴台湧軍

營應用毋稍延誤將此由六百里加緊諭令知之○兩江總督怡良奏麥苗堅執求見當於接見後仍令赴粵聽候查辦得旨隨時妥為辦理固不必激其另生枝節尤不准遷就了事萬不能示之以柔露有羈縻之形適足啟該夷之要求也○大學士裕誠等議覆戶部奏擬變通部庫放項章程一凡關繫

壇廟大典及外藩蒙古俸餉恩賞並貧民賑卹各

項應仍實發現銀一官員領項照俸銀折給制錢一串寶鈔一串一兵丁匠役領項照餉銀折給制錢二串一各衙門公費及折價等項發給銀票各半一工程等項減半發給一運腳盤費採買等項折給制錢二串一物料工價米折等項折給制錢一串五百以期均平畫一從之○調鑲藍旗蒙古副都統連成為鑲紅旗漢軍副都統以內閣學士崇實為鑲藍旗蒙古副都統○丁酉

孝慎成皇后忌辰遣官祭

慕陵○諭內閣給事中張祥晉奏請將欠交房租補行徵足一摺前因軍餉浩繁於京師地面暫收房租原係一時權宜之計據該給事中奏稱數月以來租數減少請將欠交之租定限勒追等語所奏殊屬鄙瑣不惟無此政體轉恐別滋弊端且該給事中即係巡城如果所屬地面官商民戶抗不交租當時何難覈實嚴查催令完交迨既經停止之後始奏

請令八旗五城勒限補追徒增擾累有何裨益所請著不准行○諭軍機大臣等琦善奏官兵分路進攻各情並艇船將弁延玩等語本月二十一日琦善分督官兵由東西兩岸進剿瓜州賊匪雖殲擒數百名或數十名而我軍將弁亦傷亡不少勦辦仍未能得手且西岸官兵設法攻撲之時該逆竟由鎮江突出賊船數十隻互相援應雖經開礮擊回江面仍毫無阻隔總由水師戰船未能得力之

實錄卷一百二十九

奏

故琦善統帶水陸各軍葉常春等均歸節制如該革員等竟敢始終疲玩託詞延宕致誤事機即當以軍法從事以肅戎行前調閩廣水師人員尚未到營著即飛催啟程現在該大臣營中如有得力之員亦可暫行派令管帶俟紅單等船到時再行酌量派員更替至該匪以鎮江為巢窟欲清江面必得於克復瓜州後以水師南擣鎮江與余萬清水陸夾攻若能克復鎮江則水師船隻可以直達金

陵俟柁風紅單等船到江事機不可失也其儀徵浦口等處均有逆船窺伺雖俱經擊退仍當加意嚴防扼其北竄毋得稍存大意將此由六百里加緊諭令知之○革職留任江南河道總督楊以增奏淮北票鹽自上年粵匪竄擾商販裹足辦理極為棘手得旨亟應講求整頓若先有一難字在胸中斷無起色之日矣○以內閣學士肅順為工部左侍郎○改鑄河南涉縣廣西北流縣知縣印信從

實錄卷一百二十九

奏

巡撫英桂勞崇光請也○戊戌命江蘇學政何桂清回京赴倉場侍郎任○補行咸豐二年廣東軍政卓異官四員罷輟官三員年老官一員才力不及官五員

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百二十八

實錄卷一百五

主

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百二十九

此修德齋經題曰題唐法官太子太保上書唐祖師傳文淵閣領事翰林院掌院學士稽察館奉工部事件尼國文館總管武英

大學士管理兵部事務加十二級紀錄十四次
賈瑄奉命巡撫宣太子太保文淵閣領事武英殿總纂官教習戶部主事體仁閣

大學士管理戶部三庫事務管理刑部等部如二十三次紀錄二十六次臣周維垣總辦官太子少保管理內膳書房事務對引大臣黨樹大臣

鎮江鎮洲都院戶部尚書管理三庫事務加四級隨帶加五級紀錄十二次臣實登總教官經筵講官弘德殿教習清文誦讀二書庶幾

遼國史館編纂官正藍旗蒙古都統禮部尚書管珪太常寺鴻臚寺署書加二級軍功加四級隨常加八級紀錄五次臣潘律陳邦等奉

救修

咸豐四年甲寅五月己亥朔諭軍機大臣等

陳啟邁奏籌辦戰船五十隻。因廣東解礮未到。募勇未足。請俟曾國藩舟師駛出楚境。再行約會夾勦等語。此次江西籌辦戰船為數無多。以之遠出赴援。雖形單弱。若以備本省防勦之用。儘敷調遣。現在賊擾湖南。曾國藩舟師恐一時未能東下。據該撫另片奏有賊船轉入饒河之語。該省毗連湖北湖南處所。均有匪徒出沒。所有本省各隘口需用水師之處。正復不少。著該撫即將已造船隻配齊。

礮械派員督率兵勇駛赴本省要隘以資防
勦仍一面督飭趙如勝等趕緊訓練水勇一
面於現造各船外陸續添造總期聲勢聯絡
相機進勦不得株守一隅置礮船於無用之
地至廣東購備礮位並著該撫與葉名琛等
妥商速辦以濟急需將此由六百里加緊諭
令知之○工部右侍郎載齡奏天津布置嚴
密情形得旨天津防堵既臻周妥汝著不必
移駐仍在固安隨時偵探賊情相機辦理○

江西巡撫陳啟邁奏甫經到任請將大計展
限舉行允之○江西九江關監督恩齡奏九
江兵力單弱情形得旨各省軍務皆關緊要
豈能祇顧一江西而江省中又豈能專顧九
江一郡雖地屬扼要奈無閒兵可撥○調荆
州左翼副都統慶如為金州副都統以興京
城守尉載增為荊州左翼副都統○予安徽
祁門陣亡知縣唐治徐毓寶巡檢鍾普塘千
總劉開甲祭葬世職武生翟登雲賞卹如例

○追賜浙江定海陣亡總兵官葛雲飛原籍
專祠

御書扁額曰忠藎可風○緩江西九江關資貢
○庚子諭內閣諄齡奏遵旨查明承辦第穆
寺事務達賴喇嘛請旨賞給名號一摺承辦
第穆寺事務喇嘛濟克美當木垂人誠實明
白徒眾心服辦理寺中事務妥協著照諄齡
所奏濟克美當木垂著賞給管理事務扎薩
克喇嘛名號以服眾心而資管束○又諭諄

齡代奏察木多帕克巴拉呼圖克圖之呼畢
勒罕西瓦拉呼圖克圖因賊匪擾害各處呈
請祝禱頌經以祈速滅賊匪等語帕克巴拉
呼圖克圖等因賊匪擾害各處情願帶領眾
呼圖克圖喇嘛在察木多地方所有廟內專
心念經祝禱速將賊匪殲除實屬出於至誠
朕甚嘉悅著加恩賞給帕克巴拉呼圖克圖
西瓦拉呼圖克圖哈達各一塊交駐藏幫辦
大臣轉行賞給帕克巴拉呼圖克圖等○諭

軍機大臣等諄齡奏廓爾喀國王呈遞表文請派兵隨同勦賊已檄諭該國王恪遵定制毋庸派兵助勦自應如此辦理該國王以邊外小邦情殷敵愾其惆恍亦自可嘉但內地小醜跳梁從無借助外夷之理著諄齡再行檄知該國王諭以表文業已上達大皇帝亦獎其誠悃惟念該國王久列藩封不忍令其派兵遠道跋涉且內地匪徒滋擾天朝兵力所加指日即可殄滅亦無須該國王派兵助

勦務使寬嚴得中俾該國王內知感戴外絕覬覦自不致別有干求所呈表底各件均著留存將此諭令知之○以內閣學士崇實署戶部左侍郎兼管三庫事○以正藍旗蒙古副都統景壽署鑲藍旗護軍統領○以西藏辦案出力賞糧員楊尚炳花翎餘獎敘有差○以修西藏敏珠爾倫濟珠布貝廟工竣賞噶卜倫旺曲揭布虛公爵紅寶石頂頒給御書廟額曰宗乘不二（辛丑）

孝誠仁皇后忌辰遣官祭

景陵○

上詣

壽康宮問

皇貴太妃安○諭內閣成郡王載銳奏請添局捐鑄錢文一摺現在京師各項錢文除戶工兩局加卯鼓鑄外復經惠親王等捐鑄鐵錢慶惠文瑞請鑄大錢以資搭放屢次推廣變通錢法足敷周轉若復於各局外再行設局徒事鋪張有何實濟且各局紛紛鼓鑄必有奸商謀利營私甚至官局私鑄漫無稽查於局務轉有妨礙載銳所奏著不准行○戶部尚書孫瑞珍因病解任調刑部尚書朱鳳標為戶部尚書工部尚書趙光為刑部尚書以禮部左侍郎彭蘊章為工部尚書轉禮部右侍郎許乃普為左侍郎以內閣學士陶樸為禮部右侍郎○以吏部尚書協辦大學士賈楨為翰林院掌院學士○以戶部右侍郎翁

心存為武英殿總裁官。○以直隸天津防堵出力賞同知鍾瑞花翎守備陳克明等藍翎餘升敘有差。○以江蘇豐縣勦賊出力賞副都統綿洵魁福協領托克通阿那爾胡善平海巴圖魯名號印務章京察隆額保常佐領富新常林參領巴圖隆阿防禦圖克唐阿知府馬文鐸知州洪貞謙等花翎印務章京定保等藍翎餘加銜升敘有差。○予直隸陣亡外委徐亨祭葬世職。○予山東冠縣等處陣亡前鋒參領德祥護軍校額哩賀祭葬世職六品勇目尚喜賞卹如例。○壬寅諭內閣崇恩奏請飭前任學政幫辦勸捐一摺向來各省辦理捐輸事宜責成在籍公正紳士幫同地方官勸辦原以該員等素習民情為里黨所推服可免吏胥擾累等弊候補廕子殷壽彭曾任山東學政與該省紳士不同各省學政係特簡之員考試是其專責並無管轄地方之任若特派該員前往山東勸捐不但無

此體制且與各省責成在籍紳士勸捐辦理亦屬兩歧甚至轉有擾累閭閻崇恩所請著不准行其應如何勸諭捐輸之處仍著該撫慎選賢員會同各該地方公正紳耆妥為辦理。○諭軍機大臣等僧格林沁勝保等奏合勦逆匪情形一摺賊匪竄踞連鎮已越兩旬仍未殄滅朕心實深焦急據奏四月二十九日僧格林沁督兵進攻賊巢東北西北二面勝保進攻西南賊營雖各殲擒賊匪百餘名及數十名而我兵傷亡亦復不少勦辦仍未得手不過數衍入奏毫無把握勝保統帶得勝之兵於二十三日馳抵連鎮已及十日正當欽遵疊次諭旨與僧格林沁同心協力設法進攻以期迅殲羣醜如能遏令奔竄務當前截後擊設伏以待斷不准令該逆再踞他處致滋蔓延現據英隆奏稱副都統清安已於四月二十日帶兵出境該副都統年逾七旬到營時著僧格林沁等察看該員精神若

何能否得力據實具奏勝保另片奏請將山東折漕銀兩一半解部一半仍留軍營等語已據戶部奏明除將此項劃撥銀十萬兩解赴順天糧臺外其餘折漕銀兩為數尚多仍即解部以備分撥勝保軍營及京餉要需著即飛咨崇恩遵照辦理毋許延誤本日又據崇恩奏稱上年兗州糧臺奏借銀兩已經動支無存前請籌借藩運兩庫銀八萬兩又遵旨先儘軍營支用所有現辦臨清撫恤銀兩

著准其另行籌備作正開銷仍當飭屬認真辦理務期實惠及民不得任聽官吏藉端侵冒並嚴飭經手兗州糧臺各員迅將支發各款分晰造冊送部毋任延宕將此由六百里加緊諭知僧格林沁勝保並諭崇恩知之○又諭勝保等奏逆匪被攻情急南竄一摺據稱逆匪於五月初二日子刻帶騎馬賊二千餘名從正東突出由甯津大路分竄勝保親督馬隊跟蹤截剿該逆由吳橋柘園鎮一帶

折向東南竄去德勒克色楞亦帶蒙古馬隊跟追逆匪分股南竄僧格林沁近在連鎮何以未據奏報勝保所奏僅云在平原恩縣一帶賊蹤究在何處亦未能確實指明逆匪詭譎異常又係騎馬逃竄其勢剽疾必須探明追剿迅速殄滅勿令占踞村鎮以致牽掣我軍逆匪係由連鎮東竄該處有培成那敷德在彼堵禦何以毫無知覺任令該逆肆行奔突培成營盤前在阜城被賊焚毀此次又復

失事著僧格林沁確切查明培成那敷德如何貽誤情形據實嚴叅迅速具奏連鎮賊匪既已分竄其勢益孤僧格林沁正當督飭將弁乘勝進攻為一鼓殲除之計如該逆全數南竄務即督帶馬步各隊奮力追剿斷不可稍涉觀望致誤事機崇恩現派協領久祿由德州東南一路追剿候補參將定順等在恩縣一帶擇要設伏該撫現在德州仍當探賊所向相機截剿毋得專事株守其兗沂曹濟

等處務當嚴飭地方文武迎頭截勦遏賊竄路則大兵跟蹤追擊更可得力逆匪竄後勝保已由德州馳奏而僧格林沁既未撥兵進勦又未將如何竄出情形迅速入告此時若不趕緊將連鎮餘匪剋期殄滅自問當得何罪將此由六百里加緊諭知僧格林沁勝保並諭德勒克色楞崇恩知之○又諭前因金陵籌攻緊要諭知王懿德於漳州雲霄等營挑兵二千名前往向榮軍營聽候調遣茲據

王懿德奏漳浦雲霄各處雖屢獲勝仗而詔安銅山餘匪未清各營兵丁勦捕尚形單弱未便抽調並閩省現在勦辦情形各一摺福建廈門克復後各州縣漸次蕩平惟地方新定人心未安非兵力彈壓鎮定不能弭變所奏自係實在情形該處官兵不敷分撥自應移緩就急以資勦辦逆首黃有使與林俊同居帽頂一寨屢被官兵擊敗所餘不過數百人著該督即飭胡應泰鍾寶三等督兵進勦

務將首逆黃有使林俊擒獲盡法懲治毋得徒事防守致該逆等乘閒免脫至廈門餘匪黃位等游駛海中往來窺伺經李廷鈺等督飭師船跟蹤痛勦究未能悉數殲除所稱該逆等招納亡命意圖復擾並有赴援上海攻犯乍浦之說該逆等被勦勢窮難免勾結他竄著該督等即飭水陸文武各員剋期勦辦毋令蔓延為患一俟閩省軍務完竣即遵前旨將前調官兵飭赴江南軍營交向榮調遣

毋得藉詞延宕致誤事機將此由六百里加緊諭知王懿德並諭李廷鈺知之○以山西辦團出力賞在籍御史王通昭等加銜獎敘有差○予山西平陽等處禦賊被害布政司經歷王殿魁巡檢趙裕典史吳宣訓導王萬昌高一元許涵章教諭韓激王恩耀蘇廷紳席必端千總楊萬春陳魁把總陳墉趙續宗董朝華杜得煒衛咸中許富外委郭文煥楊廷槐陳永發祭葬世職貢生何麟壽等四十

八名口旌卹如例○緩徵山東臨清冠金鄉鉅野鄆城陽穀莘朝城八州縣被擾村莊新舊額賦賑臨清冠難民一月口糧○以山西夏芮城和林格爾三廳縣糧價增昂命發倉平糶緩右玉保德甯遠陽曲太平曲沃虞鄉臨汾霍靈石十廳州縣買補倉穀○癸卯諭內閣富勒敦泰奏備訊之員捏詞挾制請派大員訊辦一摺山海關鑲紅旗防禦科興阿前在都察院呈控書役侵稅舞弊當交奕興等審辦嗣該員母故回旗猶復挾拾多款遣人在該處街道廳呈控已屬意存挾制迨經富勒敦泰催赴盛京候訊又以缺乏盤費為詞抗不赴案尤屬居心險詐科興阿著先行革職解往盛京交承志恆毓文蔚親提人證將前次所控情節一併審明按律定擬具奏○又諭袁甲三奏遵查李湘茶遇賊退避情形等語革員李湘茶前由山東境內折回奏明駐守郝家集乃到徐後僅撥兵勇數百名

前往該處自帶兵勇安坐徐州迨餘匪渡河奔竄百勝邀該革員同往追剿該革員仍不肯前往僅以五百名勇付給百勝該勇行未數里即已潰散李湘茶本係獲咎之員經朕棄瑕錄用前次奏報乖謬節經革去頂帶示懲復加訓飭尚冀其激發天良奮勉圖報乃防賊則遠避鋒鏑追賊又畏葸不前貽誤事機實堪痛恨革員李湘茶著即發往軍臺效力贖罪其所帶之勇即交百勝主夢齡派員管帶並著察看各勇能否得力分別去留酌量調遣○又諭袁甲三奏叅巧猾貪鄙劣蹟昭著之護理道員請旨革訊一摺安徽護理廬鳳道廬州府知府立誠於上年舒桐被陷廬郡危急之際輒將家眷送出自帶存城兵勇前往正陽置廬郡於不顧本年霍邱縣捻匪戕官兼以賊氛甚近紳民等赴關籲請該員並未親往彈壓道署募勇無多該員捏報至九百餘名侵吞制錢至一萬餘千並以巡

撫委令清理河道於懷遠地方以包送鹽船過三河尖為名按包斂錢約計制錢一萬餘千臨淮關浮橋為兵勇往來要道疊經袁甲三飭令修復並未辦理種種巧猾貪鄙實出情理之外若非嚴行懲辦不足以儆官邪立誠著即革職拏問交福濟袁甲三提同丁役人等逐款嚴訊按律定擬具奏尋奏訊據該革員供認搬移家眷延誤橋差屬實向鹽船斂錢一節事出有因惟募勇以少報多冒領

口糧至二萬三千餘串雖未入己究屬有心侵蝕擬請從重發往新疆效力贖罪下部議從之○諭軍機大臣等昨據勝保奏賊匪由東面突出南竄當經諭知僧格林沁將堵禦東面之培成那數德查明貽誤情形嚴叅速奏並詢該大臣何以並未撥兵追剿且不將竄出情形入告茲據僧格林沁馳奏稱係該逆由連鎮南面逃竄勝保會同德勒克色楞善祿帶同培成那數德督帶馬隊官兵跟蹤

追擊與勝保所奏不符是否培成前因失事獲咎此次與那數德防堵東面恐負罪更重遂以賊由南面竄出飾詞具報該大臣不察虛實據以入奏且勝保於二十三日連鎮後其善祿帶領步隊於何日到營未據僧格林沁等奏及此次勝保摺中亦不言會同善祿跟追培成那數德不能遏賊竄逸任令該逆由甯津吳橋直奔恩縣平原一帶勝保亦不言就近帶同該二員南追之事該大臣雖

駐兵連鎮北面相距非遙何以所探情形毫無確信可見該大臣與勝保共辦一事聲勢絕不聯絡以致圍攻不密該逆得乘閒脫逃蔓延他處實所不解至該大臣分撥馬隊在東南西南列隊防賊續竄固屬要著惟不可徒事分防毫無把握甚至區分畛域以追剿委之他人冀圖卸責該大臣等均經朕特簡辦理軍務若不能和衷商榷迅速剿捕何日始能了事該逆精銳既已南竄且賊目亦已

逸出所存連鎮餘匪著該大臣督率各營剋日籌攻務期悉數殄滅萬不可再令分股奔突冀直境肅清便謂可以塞責仍將諭詢各情形詳查速行奏聞該大臣秉性質直勿為人所蒙蔽率行入告致負委任將此由六百里加緊諭令知之○又諭袁甲三奏江甯賊船竄擾和州一摺琦善向榮雖分勦江南江北而所辦實係一事自應無分畛域設法疏通江路使逆賊聲勢隔絕庶勦辦較易得手

乃金陵賊巢迄今負嵎如故瓜州殘寇又復牽掣我師而由揚州江甯竄皖之匪大股仍踞廬州其舒城桐城等縣攻克亦尚無期現復連艘上駛竄入和州並分股擾及含山又於江浦縣張貼偽示煽惑人心該州為南北衝要距廬州定遠均屬相近萬一與廬賊會合併圖北竄勢將不可收拾此時總以合力扼截遏其竄路為第一緊要琦善前次留防宿遷之馬步官兵一千餘名本為防山東竄

匪而設現在已酌量撤回著琦善即將此項官軍迅飭原帶之都司羣壽副都統德崇額等全數統帶馳赴和州相機防勦江浦六合防兵亦可就近援應毋得遷延貽誤致失事機向榮近在對岸應如何酌量分兵渡江至滁和一帶截勦務即迅速籌辦不得以株守堅城遂置江北大局於不問現在各路賊情狡獪至此該大臣等坐擁重兵任令逆蹤紛突肆竄是徒有勦賊之名實甘蹈縱賊之罪

天良尚在能勿捫心自愧乎將此由六百里加緊各諭令知之○又諭袁甲三奏賊船駛擾和州請飭琦善向榮撥兵防勦一摺據該給事中所奏逆匪分擾含山是和州地方已為賊踞和春等前奏僅稱已飭該州金寶樹嚴加防範毋任闖入於賊船駛擾情形尚未敘及和州陸路直達廬郡水路直逼巢縣即定遠等處均有僻路可通若竟被該逆占踞不但江南文報阻隔更恐其北竄店埠柘皋

斷絕廬州餉道。和春等頓兵堅城於皖省全局。輒稱不能兼顧。致令逆賊來往自如。甚至將廬州米石任意運往金陵。該提督等毫無杜絕之策。實堪痛恨。琦善派防宿遷官兵折回。後能否全赴滁和一帶。向榮軍營官兵屢經分撥赴皖。能否再撥均未可定。江南江北固應不分畛域。本省軍務又豈能專恃援兵。著和春、福濟一面迅圖克復廬城。一面酌量撥兵策應和州。庶可與琦善向榮所撥之兵。

實錄卷百九

六

前後夾擊。儻仍專顧廬州。致和州賊又負隅自問。當得何罪。袁甲三現駐臨淮。距關山甚近。惟當酌量緩急情形。派撥兵勇進剿。以遏逆賊北竄之蹤。亦不可專待琦善向榮撥兵致滋貽誤。將此由六百里加緊各諭令知之。○又諭據柏山奏南陽防兵單弱。擬即帶領官兵馳赴新野要隘。駐劄防堵。一摺。現在湖北應山之賊已回德安。隨州之賊攻撲荊州。業經官文、貴陞等督兵擊退。舒倫保已抵武

勝關。自可與台湧合兵進剿。而豫省南陽一帶僅有襄城營防兵三百名。兵力實形單弱。柏山所帶之兵既據奏稱僅有二百七十名。即出省剿賊亦屬無益。著英桂等即飭該總兵於豫省邊界扼要駐劄。嚴密防堵。新野、南陽等處為毗連楚省要地。即責成該總兵竭力防守。斷不准令楚北賊匪乘間闖入。儻有疏虞。惟柏山是問。仍飭該地方文武團練民勇合力設防。毋稍鬆懈。前據楊需奏連日操

實錄卷百九

九

演官兵擬先往信陽。並即赴光州、南陽周歷履勘等語。是否已經啟程。著於楚皖豫省交界之處察看何路緊要。即赴何路協同防剿。不可株守一隅。顧此失彼。英桂現雖告假。仍當懍遵前旨。與署巡撫鄭敦謹協力同心。統籌全局。柏山究應駐劄何處。即著英桂等妥籌調遣。並將近日豫境情形隨時奏報。毋稍遲延。將此由六百里加緊諭知英桂、楊需、鄭敦謹。並傳諭柏山知之。○三品卿銜兵科給

事中袁甲三奏帶勇之同知臧紆青難以駕馭得旨隨時駕馭妥為之若稍有觀望及失利之處著照去歲雷以誠辦錢江故事行可也○以安徽鳳臺縣練勇勦賊出力賞文生王恩綬等職銜獎敘有差○甲辰諭軍機大臣等勝保等奏竄匪奔入高唐州請飛調大營步隊官兵各摺片昨有旨續詢僧格林沁何以並不撥兵進勦並令將連鎮餘匪趕緊肅清此時竄匪已於初三日突入高唐州城

實錄卷百元

二十

閉門拒守勝保帶到馬隊不過數百餘名沿途殺斃長髮老賊數百名跟蹤趕至該州東關街內截殺因該州兵勇無多並未準備城門大開致該逆得以占踞現在培成那數德雖已帶馬隊與德勒克色楞趕到分布城廂四面惟訊據獲賊供稱有占踞東昌濟甯之意必須迅速添兵勦辦方不致再有蔓延並據賊供此股係逆首李開芳帶賊先行林瀾詳尚在連鎮而勝保進勦之兵並無步隊亦

無礮位著僧格林沁迅撥步隊精兵千名星夜趕赴高唐飭令剋期到齊不得稍涉遷延應帶礮位亦即設法攜帶並著飛飭善祿仍令馳往勝保軍營會勦並可統領步隊前行至連鎮賊匪尚有逆首在內尤當迅籌攻克不得更令乘間免脫本日據載齡奏探初二日賊眾係向東面逃竄是連鎮東面堵禦不力確有可憑該大臣當嚴飭各營面面兜圍風雨昏夜尤應加意防範總期即日掃除淨

實錄卷百元

三

盡勿留餘孽為要將此由六百里加緊諭令知之○又諭勝保德勒克色楞奏追賊至高唐州逆匪入城抗拒現籌攻勦一摺該逆乘馬逃竄雖甚剽疾究在恩縣腰站均有逗遛崇恩所派參將定順遊擊文英設伏之兵何以未見要擊高唐州城兵勇雖單該州知州究在何處何以我兵在關廂殺賊尚不知閉門拒守殊出情理之外此股竄匪無論有無逆首在內總宜迅速勦滅若稍事耽延使賊

喘息已定不但南奔濟甯東昌為可慮即該州城內之人被其裹脅勦辦亦已不易且恐連鎮之賊再有續竄勝保大軍必至腹背受敵現在已諭僧格林沁照勝保所請迅撥步隊前往接應善祿步隊官兵於何時馳抵連鎮此次曾否折回南路疊次奏報未據敘及令勝保處既急需馬隊即可令該將軍統帶前往仍合為一軍以資得力連鎮至高唐州尚有二百餘里恐步隊行走稍遲所調就近

李林甫

圭

地方兵勇著崇恩星速撥往不准片刻遲延附近各處有存營大礮比之大營調運較為近便者亦著飛調解往總以神速為要東昌濟甯皆係繁富之區水陸衝途極關緊要崇恩現在德州所有東昌濟甯防守事宜即責成崇恩督飭屬恩官黃良楷等嚴密防備多設偵探一聞賊蹤入境即與大軍前後夾擊儻有疏失惟崇恩是問不得專諉之地方文武也本日復諭百勝王夢齡酌撥兵勇渡河

迎截著勝保一併飛催前來統歸調遣其高唐州文武下落即著迅速查明如有逃避情事即行嚴叅治罪將此由六百里加緊各諭令知之○又諭本日復據勝保等馳奏該逆於初三日竄至高唐州入城堅拒經勝保等派撥馬隊馳赴莊平設伏截勦惟逆勢剽疾利在奔突若堵勦稍遲該逆由山湖兩路直趨而南則豐沛一帶適當其衝一經乘虛偷越渡河必致復肆鴟張仍圖北犯此時惟當

實錄卷百五

圭

前後夾擊務將此股兇悍老賊就東境截殺無遺方為上策百勝王夢齡前奏備防兵勇尚不單薄各屬紳耆自練民勇亦均可協同攻守著百勝等於接奉此旨後一面派撥兵勇嚴扼黃河要隘一面飛探賊情相機渡河於北岸迎勦總期併力兜圍毋任再有竄逸儻河防稍有疏虞堵勦不力任令賊蹤闖入朕惟知以軍法從事勿以節次嚴旨視同具文也懍之○又諭陳啟邁奏赴楚援兵遇賊

接仗失利。折回義甯州城。現籌防勦等語。前因湖北崇陽通山一帶。賊眾肆擾。其地與義甯接壤。疊經諭知該撫。迅催帶兵赴楚之羅玉斌。星速前進。茲據奏稱。該副將於江楚交界。遇賊接仗失利。折回義甯。是楚省賊匪已闖入江西邊境。著即嚴飭羅玉斌。督兵竭力固守。萬不可令該處州城再失。致干重咎。該撫所派贛州兵勇。馳往協防。務當飛速前進。不准稍有延誤。俟將竄入江境之賊。擊退淨盡。

仍飭羅玉斌。帶兵赴楚。將崇通匪徒。協力勦除。以為楚省援應。所有解往湖北餉銀。並應解金陵兵餉。均著悉心籌畫。設法運往。不得因道路梗阻。任意稽延。致誤要需。至各省照例陳奏之事。自應專弁齎京。不准擅用驛遞。該撫奏報軍情。將按月例奏之事。附入實屬有違定例。嗣後務當分別緩急。不准因內有一二件。關涉軍餉之事。一概擅用驛報也。將此由六百里加緊諭令知之。○又諭。王懿

寶錄卷百九

五

德奏鈔法不宜紛更。並請停鑄鐵錢鉛錢。各摺片。據稱戶部咨令各省殷實之家。捐貲助餉。有不願邀議敘者。由官照數發給銀票。准俟軍務完竣後。赴各省司庫領銀。雖為廣勸捐輸起見。惟事涉紛更。恐於鈔法有礙。所奏自屬實在情形。京局鐵錢。現經試鑄。因滇銅運解道路梗塞。採買銅斤。為數無多。不能不權宜辦理。以廣鼓鑄。而濟兵餉。至鉛錢京局現未鑄造。該督奏稱。恐致私鑄日增。物價驟長。諸弊亦不為無見。該省即著毋庸鼓鑄鐵錢。至該督前奏福建省城開設官錢鋪。試用銀錢票。並擬於廈門等處。添設官鋪。一切章程。尚屬周妥。仍著王懿德督率。在事人員等認真經理。各省情形不同。補偏救弊。要在隨時隨地斟酌籌辦。現在度支匱絀。而京師放款尤多。非廣鑄大錢。疏通鈔法。無以濟急。該督果能悉心講求。於該省行之有效。朕方且以該省章程。推行各省。非獨於事有窒礙之

處不強該督以所難也將此由四百里諭令知之○湖廣總督台湧奏賊匪竄回隨州迎頭堵截得旨現在湖北情急勢迫總以扼其北犯及上竄荆襄為要○以不諳清語革

福陵總管西拉布職○乙巳諭內閣奕山奏庫

爾喀拉烏蘇土爾扈特盟長守護郡王印信

喀屯鄂勒緞德勒格爾情願捐輸馬匹呈請

轉奏請旨一摺土爾扈特盟長守護郡王印

信喀屯鄂勒緞德勒格爾呈稱內地現有軍

實錄卷百无

三

務因伊子郡王巴圖尚未及歲未能前往軍

營效力情願捐馬三百匹以備軍需實屬出

於至誠殊堪嘉尚惟念該王等自係賴此項

牲畜過度所捐馬三百匹著毋庸賞收用示

朕體恤蒙古至意○諭軍機大臣等僧格林

沁等奏逆匪連日攻撲長濠經官兵擊退一

摺據稱初三初四等日該逆乘夜攻撲東南

長濠經西凌阿明慶督率官兵奮力擊退逆

匪亟思潰圍南竄此次雖經我兵擊敗回巢

而賊情詭譎仍恐聲東擊西再圖乘虛竄逸現在賊踞高唐州城雖經勝保等跟蹤追剿已成尾追之勢設連鎮逆匪再行竄出不惟勝保一軍腹背受敵且恐沿途裹脅兇猷復張勦辦又形棘手該大臣總當督飭將弁迅將此股餘匪就地殄除即使誘令離巢亦當設伏要截斷不可任其四路狂奔或另踞村莊以致蔓延為患勝保所帶官兵全係馬隊此時逆匪竄踞城池必須步隊官兵協力攻

實錄卷百无

三

勦著僧格林沁仍遵前旨迅撥步隊精兵一

千名酌帶礮位即交善祿統帶星夜趕赴高

唐州與勝保德勒克色楞合力攻擊萬勿遲

延致誤事機將此由六百里加緊諭令知之

○又諭長臻奏嚴守河口並分別辦理各犯

一摺逆匪北犯以來到處勾結土匪裹脅良

民為數不少經大兵痛勦潰散餘黨除長髮

老賊罪在不赦亟應立正典刑外其沿途被

賊裹脅亦須覈其情罪迅速分別辦理據長

臻奏。審訊各犯。取有親友的保。分別遞籍管束。並籍隸各省道路遙遠。暫時羈禁。請飭各督撫酌定章程。遵行等語。所議未免拘執。即如現在河口盤獲之楊姓一犯。既經熬審明確。的為兇渠罪魁。即應就地正法。立予梟示。若仍照尋常重犯押解開封。輾轉道途。或致疏脫。豈不因拘泥轉致貽誤。嗣後如有拏獲此等罪犯。均著隨審隨辦。無庸轉解。其餘情罪輕重不等。亦難酌定章程。若遠道行查。徒

實錄卷百元

天

延時日。亦未必盡屬可憑。且概行羈禁。人數眾多。防範稍疏。轉恐滋事。現在逼近賊氛。各省所拏首從各匪犯。惟在隨時研訊確情。分別懲辦。即罪應末減。或發遣。或遞解釋放。亦須立時辦理。豈能一律監禁。仍待行查耶。長臻現駐陳橋。為柳園蘭儀二口策應。盤查奸匪。責無旁貸。近日連鎮逆賊。分股騎馬竄至高唐。勝保已督率馬隊跟蹤追剿。沿河一帶尤當嚴防偷渡。該河督即飭河工地方文武。

併力搜捕。毋稍疏懈。致干重罪。將此由四百里諭令知之。○又諭。前據袁甲三奏賊船竄擾和州。諭令和春福濟酌量撥兵策應。並迅圖克復郡城。茲據該提督等奏稱。設法進剿。仍未得手。並請撥河南餉銀等語。逆匪占踞廬州。已幾半載。福濟統轄全省。和春專辦廬州軍務。若能將逆匪及早殲除。何至籌餉撥兵毫無善策。現在北竄之賊。尚未殄滅。楚豫交界處處設防。各路軍營需餉甚鉅。即江西各處亦多道路梗阻。所撥餉銀亦恐緩不濟急。著福濟等仍在本省設法勸捐籌辦。嚴覈兵勇數目。撙節動用。並將皖省應徵錢糧及淮北鹽課趕緊督催。以濟急需。若坐擁重兵一籌莫展。又不問鄰省情形。專待協撥。設有貽誤。和春福濟豈能諉罪。將此由六百里加緊諭令知之。○又諭。和春福濟奏請撥皖省餉銀十萬兩。以應急需等語。廬州兵勇為數較多。所需餉銀自當源源接濟。現在山陝等

實錄卷百元

末

省撥款已極浩繁勢難再行動撥汴省距皖較近鄰省軍糈自應協濟且捐輸及上忙錢糧等項當已徵有成數著英桂等接奉此旨後不拘何款即籌撥銀五萬兩迅速派委妥員趕緊啟程解交和春軍營一面仍著飛咨和春派員迎提毋稍遲誤前據張之萬奏上年賊擾豫省懷慶許州等處守城防勦之紳耆久未保奏恐民心易怠等語該處紳民堵禦勦匪早經諭令該撫等奏請鼓勵何以日

奏案卷百九

事

一

久未據保奏著英桂等迅即查明該府州守城禦賊出力各紳民據實具奏無稍遲延將此由六百里加緊諭令知之○又諭廬州軍營需餉孔急自當速籌接濟著陳啟邁籌撥銀五萬兩迅速派員解往廬州以資接濟江西省雖亦辦理防堵然就現在情形自較安徽為緩該撫接奉此旨務當妥速措辦起解毋稍遲延將此由六百里加緊諭令知之○先是馬蘭鎮總兵官慶錫奏請暫緩採辦例

進鹿隻據奉宸苑議奏存園鹿不敷用恐誤祀典得旨著照限送交南苑不准藉口推諉現在

東陵之防兵已陸續裁撤儘可趕緊採捕慶錫受屬員慫恿罔知緩急率行請旨著申飭○守護

東陵貝子載容等奏畿輔肅清請裁撤加添守護

東陵兵丁允之○江南提督和春等奏設法進

實錄卷百九

三

勦廬州賊匪情形得旨仍應盡力攻擊迅圖克復汝二人責在全皖今一處之賊尚不能勦盡亦何顏對朕耶○以山東高唐州城被賊竄陷巡撫崇恩下部議處○丙午

上奉

皇貴太妃幸養心殿進膳○欽差大臣勝保奏派兵圍攻高唐逆匪情形得旨布置俱是迴非前在豐縣自詡氣象勝保真可教也勉力妥速勦辦以副朕委任之苦衷也又奏防連

鎮之賊續行南竄於要路設伏可以痛加懲創批殊不可料之太易○予山東陣亡都司范立亨守備彭廷讚千總張樸外委姚正本未入流涂鳳誥祭葬世職○丁未諭內閣端華全慶奏天津紳民具呈請繳銀錢兌換官票錢鈔一摺著照所請於天津設立分局令該紳民等徑赴該局呈繳銀錢領取票鈔毋庸由縣轉呈以歸簡易所換票鈔准該紳民等遵照戶部章程於交納地丁鹽課關稅及

實錄卷百无

三

一切交官款項內搭交五成所收銀錢暫存運庫作為收買海運餘米之用其餘銀兩仍報部候撥此事即著文謙悉心經理務期於倉儲鈔法兩有裨益○諭軍機大臣等前以京倉關繫緊要節經諭令怡良許乃釗將該省應徵漕糧妥速由海運津乃於額徵之米僅止籌辦白糧五萬餘石迄今尚未咨報放洋日期而於徵收折色銀兩買米海運亦未據將趕辦情形具奏似此輾轉遲延必致貽

誤正供該督撫等所司何事現在浙省海運

米石陸續連檣北上江蘇省應行起運白糧何以尚未全數兌收其折色銀兩究竟徵收若干採買米石若干何日放洋著怡良許乃釗於接奉此旨後迅速籌辦即日奏報並將餘賸銀兩催齊解部不得再事延宕將此由六百里諭令知之○又諭裕瑞奏遵派防堵巴東利川之松潘建昌兩鎮官兵並添派練丁赴楚迎勦所有糧臺事宜請歸湖北派員經理等語此項官兵著台湧嚴催前進其應行支發款項即歸台湧軍營派員經理俾與湖北進勦官兵不致歧異其川省兵勇所需糧餉仍由四川籌項源源接濟並著台湧隨時知照裕瑞撥解毋稍遲誤再本日據裕瑞奏已撥銀十萬兩於四月初八日領解啟程赴德安襄陽一帶投交著台湧派員迎提妥為護送此外各省應撥湖北軍餉現已解到若干該督糧臺現派何員經理均著附報具

實錄卷百无

十一

奏將此由六百里加緊諭令知之○兵部奏鄭魁士開復副將可否免繳捐復銀兩得旨鄭魁士著免其加捐嗣後凡原在軍營之人偶獲愆尤旋因奮勉保奏著不必加捐其因別項革職後自赴軍營投效者不得援以為例○參贊大臣僧格林沁奏覆查連鎮撲出之賊仍被擊回並連日進攻情形得旨連鎮之賊豈容其負隅日久又作詭謀現在兩逆已分首尾不顧正是

天佑我滅賊也若株守不上緊進攻待至已出之賊復回連鎮連鎮之賊或奔竄句合無論其裏脅又多勦辦棘手遷延時日餉項何堪著速破逆巢盡殲醜類或誘之使出追殺截勦俾盡無遺斷不能再寬限期也○江甯布政使文煜奏宿遷糧臺移至揚州報聞○以廣東紳士捐助紅單船經費永廣廣州府文武學額各四名○戊申

上詣

大高殿祈雨壇行禮

時應宮拈香○遣惠親王綿愉詣

天神壇恭親王奕訢詣

地祇壇成郡王載銳詣

太歲壇怡親王載垣詣

覺生寺惇郡王奕誼詣

黑龍潭貝子載華詣清漪園

龍神廟鎮國公奕湘詣靜明園

龍神廟克勤郡王慶惠詣

宣仁廟

凝和廟

昭顯廟莊親王奕仁詣密雲縣

白龍潭拈香○諭軍機大臣等逆匪由金陵

揚州上竄湖北湖南旁擾江西安徽皆以擄

船為事沿江一帶毫無阻截琦善向榮僅於

陸路進攻又不能剋期收復致令賊踪來往

自如若不急圖肅清江面何日始能蕲事朕

聞逆賊又有搶奪商販木筏造船添礮情事

如果屬實。江面賊船愈眾。瓜州艇師船既無多。且在下游。湖南江西師船又皆為本省賊匪牽掣。聲勢不能聯絡。因思廣東所調紅單船。日內當可駛入大江。若將此項船隻與現存各船分作三起。前起駛過金陵。駐泊兔兒磯。以截江安往來之賊。中起駛赴瓜州以上。駐泊土橋。與琦善大軍合剿瓜州。後起仍泊焦山。以防下竄。瓜州一經克復。即將後起之船上偪五龍山觀音門一帶堵剿。中起之船

上實錄卷五十五

十一

上泊兔兒磯。與向榮大軍夾攻金陵。前起之船駛赴攔江磯。安慶一帶進剿。並知照和春。福濟。瀕江設伏。為暗燬賊船之計。似此節節堵截。使賊不至肆行無忌。陸路諸軍方可得手。若瓜州廬州兩處克復。一路自鎮江沂流而上一路自安慶沿流而下。會剿金陵。傾其巢穴。自不難逐漸掃除。琦善向榮頗兵大江南北並未攻克一城。為朕分憂。朕博採眾論。審度機宜。非用水師橫擊江面。不能制賊之

命。現在紅單船隻為數不少。礮勇均可得力。著琦善向榮於接奉此旨後。妥速會籌。迅即密商布置。此係江面全局。非專為東南三城起見。該大臣等如有善策。較此辦法尤為扼要者。亦著速議奏聞。總期水陸兼籌。不分畛域。以清江路。而殄妖氛。將此由六百里加緊各諭令知之。○又諭據官文等奏。宜昌失守。荊州情形緊急。一摺。逆匪前撲荊州。經官文等督兵堵剿。獲勝。乃於三月二十日。分三股

實錄卷五十六

十二

攻撲宜昌府城。該鎮府等出城轟擊。斃賊多名。旋即上城守禦。賊眾於次日聚至三千餘名。二十二日。城身因雨塌卸丈餘。賊匪即由缺口突入。因而失陷。此股賊匪。是否即由荊門荊州而來。抑係湖南潰敗之匪。沿江而上。統計三十餘名。其中土匪勾結。與裏脅良民。數必不少。是長髮真賊無多。若不趕緊掃除。恐愈聚愈眾。致令上竄襄樊。於北路關繫尤為喫重。且該郡為由川入楚門戶。此時各鄰

省接濟餉需調撥兵勇均屬緩不濟急惟四川相距較近可以藉資援應裕瑞所奏駐劄巴東利川之兵於四月中旬尚未據報啟程赴援本日復降旨嚴催裕瑞迅飭此項官兵兼程前赴宜昌俟此股賊匪掃蕩後再行酌量何處緊要派往調遣仍由官文就近派員迎提如帶兵之總兵雙保福所有意遷延不進即由該將軍嚴叅治罪台湧青麀均有地方之責雖距該處較遠亦當妥籌兼顧豈得

實錄卷百九

十一

專管一隅於荆襄險要情形竟置不問楚境賊匪壘陷郡縣若再令蔓延該督撫自問當得何罪昨據裕瑞奏撥餉銀十萬兩於四月初八日啟程赴楚現在川楚道塞著官文台湧派員繞道迎護催提毋稍疏虞本日王慶雲奏籌銀一萬兩由商南轉解襄陽著一併迎提以資接濟將此由六百里加緊諭令知之○又諭前以楚省賊氛甚熾諭令裕瑞將派防巴東等處之松潘建昌兵二千名令雙

保等統帶赴楚助剿正月以來疊經嚴諭飛催已不下五六次昨始據裕瑞奏稱遵旨派往仍未將啟程日期奏報川楚壤地毗連剿楚省之賊匪即以固川省之藩籬裕瑞於奉撥官兵延不催令前往是於事勢緩急未審度且此項官兵若於奉撥後即行赴楚協剿則安陸荊門等處不致失事又何至賊匪擾及宜昌裕瑞既已遲誤於前若復心存畛域罪將誰諉現在荊州待援甚急著裕瑞迅

實錄卷百九

奏

飭雙保福所統帶前項官兵即日兼程前進所派赴台湧軍營之練丁一千餘名並著飭令先赴荊州聽候官文調遣本日已諭令官文將此項官兵飛檄迎提若再有遷延情事即將雙保福所等嚴叅治罪以肅軍令其官兵練丁等糧餉仍著源源接濟毋許遲誤前次撥往湖北省餉銀十萬兩並著飛催委員妥速解往知照官文派員迎提毋稍遲誤該督接奉諭旨後著即將該官兵練丁等出境

到楚日期及如何派撥已東利川接防官兵之處迅速由驛馳奏將此由六百里加緊諭令知之○又諭陳啟邁奏湖北逆匪竄擾武甯現籌援剿一摺前據奏稱逆蹤甫經退出湖口復又擾及九江而楚北崇通等處逆匪闖入江西邊境羅玉斌赴援楚省之軍致遭挫衄折回義甯覽奏已深焦急茲閱陳啟邁陳奏各情武甯縣境又有由楚竄入逆匪勾結肆擾勢甚披猖該處逼近義甯界連楚北

實錄卷百无

卓

各要隘現在全楚賊氛方熾而江西袁州瑞州九江等屬均有賊匪分竄若剿辦稍有稽延致該逆愈聚愈眾南昌省垣重地亦不免因而震動該撫身膺疆寄務當計出萬全迅籌扼剿之策一面添撥兵勇分投堵截一面激勵紳團協同守禦尤應隨時隨地嚴緝土匪盡法懲治以免到處勾結庶可消患未萌其近省水陸要隘並著嚴密設防以固根本仍嚴飭勸辦團練及帶領兵勇之林懋勳陶

望等設法固守武甯縣城務將此股竄匪相機殄滅勿令蔓延所有此次陣亡之已革知

府劉熾昌等並其餘員弁著確切查明一併請卹另片奏九江德安及萍鄉等縣匪徒合水陸兩路滋擾情形該撫仍須妥籌策應並分飭所屬實力堵剿不得稍涉疏虞將此由六百里加緊諭令知之○參贊大臣僧格林沁奏遵撥兵勇派善祿帶赴勝保軍營報聞○直隸總督桂良奏永定河隄工合龍報聞卡報聞

實錄卷百无

里

○署固原提督豐伸等奏商雒要隘安營設

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百二十九

實錄卷一百二十九

聖

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百三十

大興王實錄卷一百三十一
大興王實錄卷一百三十二
大興王實錄卷一百三十三
大興王實錄卷一百三十四
大興王實錄卷一百三十五
大興王實錄卷一百三十六
大興王實錄卷一百三十七
大興王實錄卷一百三十八
大興王實錄卷一百三十九
大興王實錄卷一百四十
大興王實錄卷一百四十一
大興王實錄卷一百四十二
大興王實錄卷一百四十三
大興王實錄卷一百四十四
大興王實錄卷一百四十五
大興王實錄卷一百四十六
大興王實錄卷一百四十七
大興王實錄卷一百四十八
大興王實錄卷一百四十九
大興王實錄卷一百五十
大興王實錄卷一百五十一
大興王實錄卷一百五十二
大興王實錄卷一百五十三
大興王實錄卷一百五十四
大興王實錄卷一百五十五
大興王實錄卷一百五十六
大興王實錄卷一百五十七
大興王實錄卷一百五十八
大興王實錄卷一百五十九
大興王實錄卷一百六十
大興王實錄卷一百六十一
大興王實錄卷一百六十二
大興王實錄卷一百六十三
大興王實錄卷一百六十四
大興王實錄卷一百六十五
大興王實錄卷一百六十六
大興王實錄卷一百六十七
大興王實錄卷一百六十八
大興王實錄卷一百六十九
大興王實錄卷一百七十
大興王實錄卷一百七十一
大興王實錄卷一百七十二
大興王實錄卷一百七十三
大興王實錄卷一百七十四
大興王實錄卷一百七十五
大興王實錄卷一百七十六
大興王實錄卷一百七十七
大興王實錄卷一百七十八
大興王實錄卷一百七十九
大興王實錄卷一百八十
大興王實錄卷一百八十一
大興王實錄卷一百八十二
大興王實錄卷一百八十三
大興王實錄卷一百八十四
大興王實錄卷一百八十五
大興王實錄卷一百八十六
大興王實錄卷一百八十七
大興王實錄卷一百八十八
大興王實錄卷一百八十九
大興王實錄卷一百九十
大興王實錄卷一百九十一
大興王實錄卷一百九十二
大興王實錄卷一百九十三
大興王實錄卷一百九十四
大興王實錄卷一百九十五
大興王實錄卷一百九十六
大興王實錄卷一百九十七
大興王實錄卷一百九十八
大興王實錄卷一百九十九
大興王實錄卷一百一百

咸豐四年甲寅五月己酉

皇貴太妃慈壽節

上詣

壽康宮行禮侍膳○諭內閣勝保等奏督兵攻
剿賊匪復勝一摺據稱逆匪竄踞高唐州城
立柵築壘意圖堅拒經勝保督飭兵勇直攻
東關德勒克色楞進攻南關培成那數德進
攻西關將木柵全行焚燒賊黨敗竄入城等
語此次逆匪南竄經勝保等督帶馬隊跟蹤
追剿該逆不暇分踞村莊全股奔入高唐州

城我兵復將城外關廂賊壘盡行燒毀逆眾死踞孤城其勢已極窮蹙著勝保等乘此聲威督飭弁兵迅將此股賊匪就地殲除毋令再有竄逸○諭軍機大臣等勝保等奏督兵進擊焚燬木柵斃賊多名一摺逆匪困守孤城其勢益蹙正可乘機設法進攻勿令乘間脫逃致勦辦又形棘手連鎮南路空虛該逆知我軍圍攻高唐必亟思南竄以冀兩股會合該大臣現已咨調吉林馬隊五百名並抽

撥正定固原等營兵一千餘名趕赴高唐其連鎮南路仍當設法兼顧斷不可使北賊續來致我軍有腹背受敵之患昨據僧格林沁奏稱善祿已於初九日馳往勝保軍營此項官兵應於何處防勦著該大臣迅即籌畫總期扼要堵截毋得顧此失彼勝保近日奏報尚無矜張自滿之意身為統帥自應如此戒慎嗣後益當加勉毋稍大意汝既知無待督責即當實踐斯言以副委任是所望於該大

臣也另片奏請將徐州兵勇擇要據守等語著即傳旨飛飭百勝王夢齡於兵勇渡河後即在豐沛所屬及黃河口岸扼要嚴防聽候調遣將此由六百里加緊諭知勝保並諭德勒克色楞知之○又諭向榮奏金陵疊次堵勦情形並飛催紅單戰船先清江面一摺我軍自四月十八日起連日攻打太平朝陽各門並轟擊雨花臺賊營雖小有斬擒而該逆恃其壁壘高厚濠塹重疊總欲堅匿以老我

師若但以陸路兵勇與堅城犄角相持殊非籌畫全局之策該大臣因勦辦未能得手欲先淨埽逆船肅清江面斷賊應援擬先勦洗瓜州趁勢南向夾攻克復鎮江至金陵賊船尤眾必須大幫戰船方足痛加掃蕩所奏機宜朕亦豫見及此是以昨諭琦善向榮將前調紅單船隻並現存各船酌量布置俾瓜州鎮江等處以次克復方能直駛上游制賊死命與和春等會合同搗金陵破其巢穴該大

臣既接葉名琛咨會。知紅單船計日可到。著即與琦善籌商。速行專弁往上海迎提。並一面飛咨閩浙江蘇各省督撫。轉飭沿海文武。催趲進口。其水陸各路。應如何併力夾攻之處。著與琦善協力同心。毋得區分畛域。再誤事機。至上海賊匪。燒毀我兵營盤一節。前據許乃釗奏。因該處游匪。勾結夷人所致。經吳健彰勸諭後。夷情尚屬安帖等語。朕聞上海起釁。實由我處兵勇。戲侮夷婦。並有搶奪米

船等事。致夷人激憤生變。該撫坐船先退。致令兵勇潰散。許乃釗前奏。是否有心掩飾。著向榮確查密奏。不准稍有瞻徇迴護。自干咎戾。將此由六百里加緊諭令知之。○又諭據向榮奏。連日進攻金陵。總未得手。即鎮江攻勦情形。亦屬毫無把握。現在飛催紅單船。一入吳淞口。即駛赴瓜州。以資琦善遣用。並擬分提二十隻。赴金陵上游助勦等語。據奏布置各情。與昨降諭旨。大略相同。即著琦善與

向榮妥籌辦理。逆匪竄踞瓜州。久未克復。總緣舟師不能得力所致。此時紅單船指日入江。自以先復瓜州為第一要著。鎮江金陵。即可次第進勦。紅單船隻礮勇。均可得力。仍須駕馭合宜。自可扼要制勝。琦善與向榮。雖分駐大江南北。實則共辦一事。總須彼此聲勢聯絡。隨時知照。務當乘此機會。力挫賊鋒。肅清江面。若能迅復瓜州。併力進攻鎮江金陵。斷賊南北兩岸分竄之路。自不難一鼓成功。

也將此由六百里加緊諭令知之。○河東河道總督長麟奏。遵覆王履謙所奏。河工糜費。現在力杜浮用。逐年撙節。得旨。覽奏尚有有限制。然浮冒之處。恐終不免。言之匪艱。行之惟艱。必應力求撙節。覈實辦理。近來河員習氣。若何。凡汝之不肯明言。及向來未經入奏者。著一一據實密奏。○以山東協勦豐縣賊匪出力。賞知縣陳顯彝。盧朝安。花翎。知州吳煒等。藍翎。餘升敘有差。○予山東高唐州殉難

知州魏文翰祭葬世職○庚戌

上御乾清門聽政○諭內閣內閣侍讀學士德奎奏請於南苑開墾屯田辦理團練一摺南苑為我朝肄武之地屢經禁止私墾乃德奎率請招募民勇辦理團練並請將隙地准令民戶耕種所奏顯係受人慫恿巧藉團練之名以遂其牟利營私之舉且明知御史嵩齡曾有開墾南苑閒地之奏交部議處輒敢詭詞瀆請罔上濟私尤屬膽大德奎於上年違

例保舉降調副指揮朱森並請查收旗戶絕產種種乖謬屢經降旨申飭乃不知悛改仍敢逞私妄言狡詐已極德奎著交部嚴加議處原摺著擲還○又諭內閣侍讀學士德奎奏南苑附近地方有佃戶劉瑞芝等耕種等語南苑為講武重地理宜嚴密劉瑞芝等是否在南苑禁地私行耕種著奉宸苑查明具奏○以三品卿銜兵科給事中袁甲三為都察院左副都御史內閣侍讀學士雙福為通

政使司通政使吳若準為太僕寺卿仍留江

西學政任○以頭等侍衛國瑞署京營右翼總兵西拉布署鑲白旗滿洲副都統○以貝子慶敏署右翼前鋒統領○辛亥

上詣

壽康宮問

皇貴太妃安○遣官祭

關帝廟○諭內閣京師入夏以來雨澤稀少節經降旨設壇祈禱並親詣

大高殿

時應宮拈香復派惠親王綿愉等分詣

三壇虔禱雖得雨數次尚未深透近畿一帶望澤尤殷朕宵旰焦思時勤修省因思清理庶獄真可感召

天和所有刑部及順天府現在收審人犯或因日久未經定案囹圄羈禁以致疾病顛連情殊可憫著該衙門督率承審各員將已結未結各案逐一清釐其有情節可矜甚至含冤

莫伸。務當悉心推求。即予平反。至問徒以下輕罪人犯。以及干連傳案待質者。立予清理。省釋。毋任稽滯積壓。挖累無辜。此外尋常案件。並著速行審結。免致遷延。庶期翕應祥和。甘膏渥沛。該衙門即遵諭行。○又諭。將霸達奏。官軍進勦獨山匪徒。疊獲勝仗一摺。獨山州匪徒楊元保等。前經官兵擊敗。後仍占踞下司地方。經署參將英志會同委員署通判韓超等。統帶兵練進勦。直搗播讓拉旺賊巢。

斃賊數十人。賊匪退據懸巖石硐。官兵奮勇前進。殺斃硐中賊匪百餘名。生擒六十名。維時下司匪黨來援。即用知縣徐河清游擊楊廷柱分隊迎擊。斃賊百數十名。餘匪竄赴四寨等處。復經千總任得貴縱火焚巢。生擒匪犯十七名。燒斃六十餘人。訊知楊元保及其子楊亞三。均已逃竄。英志等即飭委員侯雲沂前往汪龍勦捕。殲斃匪黨百餘名。楊亞三正奔竄間。被練總周承恩擒獲。正法。其另股

匪徒竄往猺化猺琴等處。經荔波縣知縣李琛遊擊馬清傑協力圍勦。斃賊無數。生擒李老椿等二十六名。另有粵匪數百名。自洪水江順流而下。為楊元保應援。亦經羅斛州判劉昇平督同練總羅屏藩等督兵殺斃數十名。餘俱竄回粵西。該匪徒等勢已窮蹙。著將霸達飭令在事文武。乘此聲威。迅將首犯楊元保拏獲。其餘匪黨務須一律殲除。毋任竄逸。以靖地方。○諭軍機大臣等。御史伍輔祥

奏。楚蜀接壤。請飭川省扼要防堵一摺。現在湖北逆匪擾及宜昌。該郡所屬之巴東地方。與四川夔州府所屬之巫山縣界連。又湖北恩施縣與川省萬縣亦有陸路可通。均為入蜀門戶。最關緊要。著裕瑞迅派得力將弁調撥精兵。於各該處扼要防守。斷賊入蜀之路。仍責令各處緊要地方。曉諭居民。實力團練保衛鄉閭。仿照嘉慶年間川省堅壁清野之法。一律辦理。以冀消患未萌。該御史原摺著

鈔給閱看。將此由六百里加緊諭令知之。○又諭。蔣霽遠奏。官軍進剿獨山匪徒。疊獲勝仗一摺。此次官軍進剿。雖各路疊有新獲。而首逆楊元保。尚未就擒。既據楊亞三供稱。潛赴附近地方。復圖勾結。是其竄伏必不甚遠。亟應設法擒捕。以絕根株。若稍有遷延。必致兩地勾通。此剿彼竄。廣西兵力。既不能及。貴州兵勇。又不能越境窮追。日久蔓延。剿捕愈難得手。著蔣霽遠嚴飭彭長春。承齡等。督同

在事文武。迅將首逆拏獲。總以密速籌辦為要。至楊元保。本係廣西人。移居獨山。其本籍地方。必有奸黨散布。南丹地方。距廣西省城較遠。即著蔣霽遠。就近札飭慶遠府文武一體擒捕。不得稍分畛域。儻有疏縱。不論是粵是黔。均著蔣霽遠。據實嚴參。將此由五百里諭令知之。○山東巡撫崇恩奏。通籌南北全局。一律嚴防。並遵查參將定順等。帶兵追剿不及。尚非意存延避。報聞。○壬子。諭內閣。端

華全慶奏。天津捐輸米石。請變通辦理一摺。前因天津紳民。請繳銀錢。兌換票鈔。已有旨。著文謙將所收銀錢。作為收買海運餘米之用。茲據端華等奏稱。除勸諭捐米外。仍請以收買餘米。盈餘銀錢。採買米石等語。著文謙一併悉心體察情形。妥為辦理。○又諭。台湧舒倫保奏。勦辦應山賊匪。大獲勝仗一摺。湖北逆匪。經台湧疊次勦除。並收復德安雲夢等處。該逆旋由安陸竄至隨州。復由隨州回

竄應山。本月初五日。台湧督率兵勇。於縣北八里冲一帶。相度地勢。派都司平德帶領陝甘兵為頭隊。都司葉永泰等帶領湖北兵為中隊。舒倫保親率西安等兵為後隊。復派署應山縣知縣聶光鑾帶領鄉勇。分為左右兩翼。防賊旁抄。並派帶勇之增生王熙。於楊家岡地方。僻路埋伏鄉勇。防賊偷竄。是日賊眾有四五千。由東北山後。蜂擁而來。直撲官軍前隊。我兵亦分為五路。勦殺。應山鄉勇。從

後追擊賊眾拋棄馬匹四散奔逃。我兵殲擒賊匪無數。其逃脫者由楊家岡僻路偷竄。適遇伏勇截殺多名。並經鄉勇擊斃無數。統計鏖戰六時之久。經我軍痛加勦洗。殲擒殆盡。所有在事文武員弁兵勇著台湧舒倫保擇尤保奏。仍著台湧等督飭官兵乘勝進攻漢陽漢口。務將楚北賊匪悉數埽除。毋任再滋蔓延。諭軍機大臣等。台湧舒倫保奏隨州賊匪回竄應山。經官軍勦殺殆盡。現擬分兵進勦一摺。此時賊匪以漢口漢陽為巢穴。武昌省垣重地。聲息懸隔。急望救援。而安陸荊門宜昌均已失陷。該督專駐應山。誠為非計。現據奏稱擬由德安進兵。為直搗漢陽之舉。自應迅速進勦。以通大江南北之路。台湧另片奏出力官兵請格外獎賞等語。弁兵打仗出力。自應由統兵大臣隨時激勵。或指名保奏。或賞給翎頂功牌。均無不可。斷無請旨定一賞格之理。所有此次出力官兵除明降諭

旨准其酌保外。其餘仍著台湧舒倫保自行酌獎。以勵軍心。崇綸現已革職。所請飭令舒倫保與佈克慎合兵速勦漢陽之處。即著台湧等按照此次寄諭各情妥商籌辦。將此由六百里加緊各諭令知之。又諭據台湧舒倫保奏會勦隨州竄回應山之賊。殲擒殆盡。一摺。該督等即由德安一路移兵南向。為進攻漢陽大股賊匪之計。現在楚北逆眾仍踞漢陽漢口為巢穴。自應直搗賊巢。破其堅銳。方能解武昌之危。本日已諭令台湧舒倫保相度機宜。督師前進。惟武勝黃土等關。為由楚入豫要隘。桐柏唐縣各屬亦緊與楚境毗連。大軍一經南指。則北路門戶空虛。且前次由棗隨下竄逆匪仍踞擾安陸荊州一帶。均不可不嚴密籌防。以固豫省藩籬。英桂現已銷假全豫防守。事宜責無旁貸。楊需有協同防守之責。前據奏稱察看何路緊要。即往何路嚴防。著即統帶現有兵勇。剋日馳赴武勝

關一帶扼要駐守。妥籌堵剿。柏山係本省專閫大員。前以兵力單弱。不克出境迎剿。仍駐新野縣屬防禦邊界。並著英桂、楊需隨時酌量調遣。不得任令該總兵飾詞巧避。貽誤事機。其歸陳光固一路與皖楚交界處。所仍責成徐廣綰、牛鑑、認真堵截。務須聯絡聲勢。以期周密。至連鎮分竄高唐之匪。仍恐伺隙南奔。冀圖裹脅。沿河各要隘尤宜嚴飭文武營汛分督兵勇實力巡防。不准稍涉懈弛。令該逆偷越渡黃。致干罪戾。將此由六百里加緊諭令知之。○以留防託病革前任湖北巡撫崇綸職。○癸丑諭內閣。京師入夏以來雨澤稀少。屢經降旨設壇祈禱。未獲渥沛甘霖。昨復降旨清理庶獄。冀可感召和甘。現在節逾芒種。膏澤尚未覃敷。朕念切民依。益深憂惕。允宜再行敬謹祈禱。以期甘澍優霑。朕於本月十九日親詣天神壇虔申叩禱。○諭軍機大臣等。許乃釗

奏轟塌上海城垣。因遇雨未能攻克。一摺。覽奏。曷勝焦急。許乃釗攻勦上海賊匪。師久無功。吳健彰所帶挖濬夾板等船。未能得力。徒以雨勢過猛。退潮奔放。不能上駛。為詞。是水陸兩軍均屬毫無把握。似此糜餉。老師日復一日。貽誤遷延。罪將誰誣。據稱逆匪股數既分。頭目遂多。宜於用間等語。可見該撫於勦辦事宜。漫無定見。不過藉此耽延。希圖搪塞。前次誤聽撫議。致失事機。該匪詭譎異常。豈可再蹈覆轍。該撫惟當督飭水陸兵勇奮力進攻。萬不可墮賊奸計。怡良等另摺奏軍餉緊急。請飭於各省籌撥銀四五十萬兩等語。現在各省亦多辦理軍務。紛紛請餉。豈能專顧江南。該督撫仍當於江蘇省地丁稅課設法徵提。勸諭捐輸。妥為經理。現在京師兵餉均以錢抵銀支放。添鑄各項大錢。開設官錢局通融接濟。福建省亦係瘠苦之區。經王懿德查照京師辦法行之。頗有成效。江蘇情形。

雖屬緊急。豈尚不如福建。該督撫若毫無籌畫。於錢漕關稅。鹽課等款。任其逋欠。但以一籌莫展。空言卸責。恐坐待餉需。適以自誤。朕不能為該督撫稍從寬典也。將此由六百里加緊諭令知之。○又諭賡福奏。陝甘省綠營每年應補馬匹。向由伊犁等處調取轉運。請變通辦理一摺。陝甘每年應補缺馬一千五百六十四匹。向由該督移咨伊犁塔爾巴哈台調取運至烏魯木齊。轉運至巴里坤牧放。再運

至肅州赤金湖地方。由口內各營派撥弁兵分領。據稱道里相距五十餘站之遙。帶牧帶解。耽延幾至一年。中途經歷多係沙漠戈壁。及運至赤金湖。倒斃損傷者不少。領馬官弁恐干賠補。往往就地變價。帶回買補。輾轉解送。徒費鹽糧兵力。而所缺馬匹。仍係變價買補。該都統擬將此項馬匹。即由伊犁塔爾巴哈台隨地出變。令各營領價自行買補。自係為節省運費起見。但口外應如何變價。口內

應如何買補。亟應酌立章程。無滋流弊。方為妥善。著奕山、易棠迅就該都統所奏體察情形。妥議具奏。毋稍遲延。原摺著鈔給閱看。將此各諭令知之。○以浙江杭嘉湖道崇恩為福建按察使。○以江蘇常州辦團出力賞在籍布政使汪本銓花翎。餘加銜升敘有差。○甲寅諭內閣。易棠奏請招募獵戶堵禦番賊。並試採金砂以資口食一摺。上年甘肅西甯一帶番賊窺伺邊卡。節經該督飭令各屬招

募獵戶人等隨時擊退。提督索文於察漢俄博營所管之亦斯們沁地方招募獵戶一千名。並令淘挖金砂自濟口食。現在邊疆靜謐。辦理業有成效。復經該督派委鎮道會同該提督詳細履勘。因察漢俄博營地處卡外。南山與甘涼邊界中隔一山。僅於亦斯們沁安設獵戶。各隘口尚難兼顧。擬請於迪西之野牛溝。迪東之沙金城兩處各招募一千名。與亦斯們沁互相堵禦。並因該三處均素產金

砂令所募獵戶一半淘試金砂一半防禦番匪並籌議約束稽查及升科各章程等語近年番賊入卡搶掠雖經該提鎮等隨時撥兵勦辦往往掩捕不及致令遠颺既據該督與該提督等查明獵戶人等熟悉路徑用以協助官兵可資得力著即照所請於亦斯們沁野牛溝沙金城等處共安置獵戶三千名責成總管練總人等實力稽覈毋令混冒其開採金砂發給獵戶口糧外並酌定課額年限均著照所議辦理○諭軍機大臣等僧格林沁等奏連日進攻賊巢該逆仍堅壁死守即誘令出巢亦不過小有斬獲總未能埽穴擒渠覽奏實深焦急該大臣統領重兵勦辦此股賊匪是其專責乃軍營布置不過用礮轟擊及兩岸挖濠而已逆匪堅匿不出我兵即束手無策似此曠日持久糜餉老師勦辦何時蒞事所稱東南兩面兵力單薄若逆匪衝撲恐難攔截等語可見該大臣於西北一帶

布置尚屬嚴密而東南兩面竟毫無把握設該逆乘虛竄逸與高唐州賊匪聯為一氣則勝保一軍勢必腹背受敵且恐賊眾另踞村鎮恃險負隅攻勦更形棘手著該大臣等務即督飭各路將弁迅將此股賊匪就地殄除或先於附近設伏誘令該逆出巢四面兜擊一鼓殲滅斷不准任令該逆乘間免脫又致蔓延總之此股逆匪一日不滅畿輔一日不安數萬之兵竟未能埽除數千窮寇他省兵勇精銳未有過於此者人眾未有多於此者該大臣渥承恩眷統領全軍頓兵糜餉日久無功尚有何顏對朕且恐我軍為此股賊匪所牽掣南下無期儻皖楚之賊再行來間偷渡黃河句結為患又將何以禦之此時若不趕緊圖功肅清畿輔寬典不能屢邀該大臣其自量之將此由六百里加緊諭令知之○調陝西漢中鎮總兵官珠克登為甘肅西甯鎮總兵官以雲南廣南營參將孝順為陝西

漢中鎮總兵官○以鳴贊錯誤革掌儀司贊禮郎王慶職總管內務府大臣裕誠等下部議處○以帶兵遷延福建總兵官鍾寶三顧清漣孫鼎龍分別革職勒休○予山東臨清殉難知縣呂升蕃都司徐廣勇魏明恩騎尉莫德寬守備王萬林王國泰學正單為憲府經歷文增縣丞史積潤巡檢戴應魁吏目戴葆光千總田玉等二十員祭葬世職知州張積功幕友沈哲等三十三名○旌卹如例並

分別附祀臨清專祠○乙卯諭內閣官文等奏官兵進剿監利賊匪疊獲勝仗收復縣城一摺逆賊占踞監利縣城經官文等派兵往剿獲勝復派令四川廩生張于銘等帶勇前往協剿四月二十五日守備宗維清督同把總吳鵬程等由中路前進守備福興等在後接應張于銘等由東路前進文生李光榮等由大江水路策應鹽經歷吳振鏞等由西路前進同知湯譽光等督勇接應二十七日於

太馬河地方會齊出隊殺賊一百餘名賊匪敗走兵勇追至劉家鋪地方遇埋伏賊匪數千名我兵槍礮齊施鏖戰三時之久轟斃黃衣賊目一名殺斃一百餘名生擒十五名賊匪敗退入城二十八日復傾巢而出分五路圍撲我兵宗維清等亦分頭迎擊李光榮抄至賊後督勇登陸掩襲殺斃賊目四名賊匪一千餘名生擒二百餘名撲水淹斃者不計其數其被脅之眾五六百人均即釋令歸農

賊匪大敗逃竄宗維清等當將監利縣城收復三十日復拔營追剿於中車灣地方殺斃兇隄築卡賊匪數十名生擒賊目一名吳鵬程等由隄下抄出賊後復殺斃五十餘名生擒十餘名餘匪竄逸此次殲擒賊目夥賊前後統計共三千餘名溺斃賊匪無數立將縣城收復並燒毀木卡奪獲大礮刀矛鳥槍擡槍多件辦理尚為得手即著官文等督飭帶兵員弁紳士乘勝將各路賊匪迅速殲除毋

任延蔓。又諭蔣霽遠奏請將拏獲榔匪之官紳量加鼓勵等語。貴州甕安縣榔匪滋事。經該管地方官及委員紳士等設法解散。盡力查拏。將首惡要犯擒獲嚴懲。辦理雖屬安速。惟地方官專司緝捕。未能先事豫防。致匪徒滋事。已有應得處分。既經拏獲破案。功過尚足相抵。平越直隸州知州曹興仁。署知州邵鴻儒。署甕安縣知縣徐河清。所得處分均著加恩寬免。無庸再加獎勵。至委員紳士等督率兵練。擒獲巨匪多名。均屬著有微勞。著該撫擇其尤為出力者酌保數員。毋許冒濫。諭軍機大臣等。前據袁甲三奏賊船駛擾和州。於東門外搭蓋木城。慮其負隅抗拒。曾經諭令和春等酌量撥兵策應。本日據和春福濟奏和州賊船於四月二十六日全行下竄等語。該逆由江浦上駛和州。並未大受懲創。忽又潛行下竄。其中顯有詭謀。據稱該州練勇設伏逆匪聞風畏懼。恐亦未必盡然。前

諭琦善酌撥宿遷防兵赴關山一帶。未知能否分調。今賊既下竄江浦六合。又形喫緊。且難保其不再竄和州。該提督等仍當督飭該州激勵練勇認真守禦。一面知會琦善於下游沿江處所設法攻截。一面知會袁甲三於上游滁州等處豫籌扼守。毋任賊踪來往自如。至大營兵勇該提督等屢以無可分撥為詞。總由不能計出萬全。以致最爾廬城曠持不下。著即迅圖克復。即行分兵沿江進剿。以

為奠安全皖之計。至所稱廬州南鄉居民雜髮集團攻復桃鎮一節。皖省沿江各屬民多蓄髮。自因官兵不暇顧問。被賊偏脅所致。一經示諭即行薙髮效力。是其不甘從逆。已可概見。朕念其被脅之苦。不忍咎其既往。若果能殺賊出力。該提督等加以獎資。原無不可。總宜妥為羈縻。堅其歸正之心。鼓其自衛之氣。使不致為奸匪煽惑。再有反覆舒城如能克復。亦可橫扼廬桐之衝。斷賊接應。有機可

乘萬勿坐失其六安霍邱等處仍著傳知秦定三設法進攻不得專以扼守正陽防賊回竄為詞致成株守將此由六百里加緊諭令知之○又諭官文等奏收復監利縣城一摺此次分督兵勇水陸進攻當將監利縣城收復斬獲亦復不少辦理尚為妥速其與沔陽江陵交界地方土匪未靖仍應防其與逆黨勾結煽惑復滋蔓延現既飭令參將佟攀梅會同旗營官兵駐守了角驛扼要勦辦務須速籌殄滅並與守備宗維清等將敗逃餘匪竭力搜捕毋任此勦彼竄目下監利沿江一帶情形較緩所稱俟此股土匪辦竣後即飭佟攀梅赴援武昌自係為慎重根本起見惟天門潛江等處是否尚有賊蹤安陸荊門兩屬逆勢多寡何如西路獲勝之軍能否汴流而上惟在隨時相機籌辦台湧與舒倫保於收復應山後由德安一路南行為次第攻克漢陽之計是西南荆安兩路該督等不能兼

顧而荊州一郡四圍皆賊若非亟籌勦洗則該郡必致面面受敵前踞宜昌之匪現竄至宜都枝江二縣該處界接楚南貴陞已統帶協領依西布遊擊王國才所領官兵出境堵勦並知縣陳均遠等派帶各勇分路前進扼賊竄路著即嚴飭該員弁等合力圍勦並飛咨駱秉章等飭屬一體兜擒勿令與湘潭靖江回竄之賊會合勾引致多棘手四川官兵刻下當已趕到著官文相機調遣以資攻勦

實錄卷一百三十五

仍就荊州現在存城兵勇竭力捍禦隨時確探賊情豫籌布置務當計及全局不得顧此失彼致涉疏虞所有帶勇出力之官紳宗維清張于銘等均著先行酌予獎勵以示激勸將此由六百里加緊諭知官文並諭慶如貴陞知之○江南提督和春等奏環攻廬州獲勝得旨進攻雖銳然機謀不慎每為賊覺斬殺並不甚多果能計出萬全何至蕞爾廬城曠持若是耶又奏各官弁勞績請擇尤保奏

批勇者固應先行激勵懦者尤宜隨時懲辦者姑從所請擇其超眾者數員保奏不許過優仍察看情形如可計日克復則稍遲數日案保更覺簡便而杜冒濫西路官兵既不甚得力著先行查明奏不准待至克城以後以功過相抵為開脫地步○江南徐州鎮總兵官百勝等奏連鎮逆匪南竄現籌布置情形得旨李湘茶安坐徐州並未迎擊逆匪汝二人雖徃於外官習氣必入其名亦是常事

惟入奏不實自問當得何罪前次逆匪偷渡致滋蔓延未將汝二人正法尚冀奮發有為今如是負恩雖立置重典毫無可惜處現踞高唐逆匪若任令竄過河去必將汝二人軍法從事別無可諭也○貴州威甯鎮總兵官常山奏報到任日期得旨邊疆重地操練最關緊要朕尤恐汝專務虛名罔循實際去歲汝抵京時正值朕疾故未能諄諄面戒也○以廣西新泰協副將樊燮為湖南永州鎮總

兵官改鑄江蘇蘇州府知府印信從巡撫許乃釗請也○丙辰諭內閣戶部奏遵議摺節

東陵庫款一摺著依議行其

西陵廣恩庫用款並著妥細等體察情形悉心籌擬覈減章程奏明辦理○又諭前經戶部奏請令各省開設官錢局推行官票添鑄銅鐵錢及各項大錢當經降旨允准原以經費支絀全賴錢法鈔法流通無滯庶足以利民而濟時艱乃迄今日久僅據福建山西陝西各督撫奏明遵辦其餘各省並未將現辦情形奏報該督撫等如果悉心經理何至遷延一載迄無定章福建素稱瘠區辦理已有成效各省情形雖有不同亦何難設法籌辦總由地方官吏畏難苟安怠玩因循實堪痛恨著各省督撫將軍都統府尹等查照戶部原奏督飭所屬酌量地方情形迅速設立官錢局並設法籌款開鑄加鑄俾錢法與鈔法

相輔而行一面妥議章程奏明辦理如有廉能官吏認真辦有成效准該上司據實保奏以示獎勵將此通諭知之又諭勝保奏革員李湘荼呈訴冤抑等語李湘荼前在清江浦帶兵往援徐州知賊匪紮筏渡河並不躡蹤追剿率稱由濟甯一帶抄出賊前明係避賊東趨迄未與賊接仗猶以空言入告曾經降伊頂帶示懲旋稱追賊不及折回豐工徒以所帶兵勇僕僕道途尚謂江南之兵久防山左並非上策逞其吟域之見行其詐妄之私嗣將伊頂帶革去責令勦賊乃仍不知愧奮經袁甲三奏參降旨發往軍臺效力贖罪茲復以沈寃莫雪等詞曉曉置辯該革員防守郝家集當勝保追賊至豐縣時並未見該革員前往協同打仗其南岸逃竄零匪有徐州一帶兵勇搜捕截殺多名亦無該革員專領一軍擊賊勝仗僅據伊一面之詞謂曾在豐工轟退賊匪且以專防重地不敢遠離自

為掩飾居心尤屬巧詐李湘荼著仍遵前旨發往軍臺即由該地方官迅即起解毋許逗遛諭軍機大臣等前因僧格林沁奏進攻賊巢情形仍未能得手當降旨諭令迅督各路將弁四面兜擊以期一鼓殲滅近聞該處軍營所以不能得力之故總由帶兵各員不思齊心進剿而僧格林沁空握總統之名不肯破除情面令在必行甚至任令兵丁占居民房營盤之中所餘無幾且所究之濠盡在北面而南面空虛任賊行走我兵剗營率皆在數里之外虛張聲勢徒費鉛藥似此疏懈耽延毋怪逆匪屢次竄出而僧格林沁毫無知覺總於數日之後始行據稟入奏各路帶兵官員究竟能否用命若積習相沿不遵號令必當從嚴叅辦僧格林沁身受重恩非尋常統兵大臣可比亦復何所瞻顧而不肯破除情面將士不能用命即係該大臣無能之罪雖與士卒同甘共苦亦不過小節微長豈

朕所期於該大臣者。著僧格林沁嚴督各路將弁。逼近進攻。若再以恐傷官兵為詞。不肯努力進仗。即以軍法從事。僧格林沁於將弁可以姑容。朕於僧格林沁斷不能以姑息示。恩。僧格林沁撫衷自問。當亦知之。儻日內不能將逆匪殄滅。致令又向他處占踞。朕亦別無他諭。自有懲辦之法。至蒙古官兵勤勞久著。值此天氣漸炎。於水土節候不甚相宜。必須及早奏功。庶得凱旋休息。該大臣務當仰

奏

奉

體朕心。傳諭諸軍同心協力。迅速蕩事。共膺懋賞也。將此由六百里加緊諭知僧格林沁。並諭西凌阿。托明阿。知之。○又諭勝保奏進攻情形一摺。賊匪占踞高唐州以來。已將半月。連日未接奏報。正深殷盼。茲據勝保奏稱。於十五日分隊進攻。兵勇陣亡受傷者九十餘名。現籌趕造攻具。並催調兵勇礮位。再圖克復。是辦理殊未得手。覽奏曷勝焦灼。該城周圍僅八九里。收復本易為力。惟遷延日久。

則賊之守衛愈密。而我兵之銳氣漸挫。且連

鎮賊匪時思越濠遠遁。若竟全股南竄。與高

唐之賊聯絡。則勝保一軍。前後受敵。勦辦更

致費事。經朕疊次申諭。豈勝保身在行間。竟

未慮及。昨據僧格林沁奏。該大臣咨調之吉

林步隊五百名。及武成永固礮位。已飭令副

都統麟瑞管帶。即日啟程。濟甯州練勇。想亦

即可趕到。統計隨營步隊兵勇。亦不為單。著

勝保督同各員弁。迅籌進攻。務將州城即日

奏

奉

收復。並將此股逆賊就地悉數殲除。毋得以

竄出之後。較易勦殺為詞。致賊蹤蔓延他處。

至攻戰器具。未容拘泥古法。所稱製造呂公

車。是否即可應用。若以此耽延時日。更無是

理。勝保素稱勇往。想斷不因小有挫折。遂至

畏葸不前。以兵力單薄藉口也。將此由六百

里加緊諭知勝保。並諭德勒克色楞善祿。知

之。○又諭。據曾國藩奏。靖港賊踪下竄。請飭

署提督塔齊布。先赴岳州等語。前此回竄楚

南之賊節經曾國藩會同塔齊布等於甯鄉
湘潭痛加勦洗阻扼兇鋒所有竄踞靖港餘
匪現已全數竄往下游是南境情形稍緩而
鄂省望援更急所稱六溪口倒口金口等處
支河小湖船隻皆被該匪占踞並於口門築
造礮臺兩岸修築土城欲為抵拒之計顯係
該逆阻我前進要路復圖牽掣官軍自應隨
地勦除先將此股滅盡方能整軍出境為順
流夾擊之計曾國藩添募水陸兵勇及新造
重修戰船既據奏稱已可集事則肅清江面
之舉仍藉此一軍以資得力現在楚北大股
逆蹤尚踞漢陽漢口一帶其隨州應山等處
匪黨經官軍勦殺後台湧與舒倫保即由德
安一路督兵南趨莫可漸次解武昌之危而
由安陸荊門奔突宜昌逆眾復又下竄宜都
枝江縣屬賊勢如此延蔓若勦辦再有稽遲
東南大局不堪設想塔齊布膽識俱壯堪膺
勦賊之任著駱秉章即飭統領弁兵迅速出

境與曾國藩會合進攻務須酌度機宜隨勦
隨進方能次第殲除曾國藩與該署提督共
辦一事尤應謀定後戰務期確有把握萬不
可徒事孟浪再致挫失該署提督等仍當兼
籌全局與官文台湧青麐等聯絡聲威藉資
援應所調粵東紅單等船月內應可由海入
江已節次諭令琦善向榮飛速迎提分起布
置以備汴流而上為沿江節節堵截之用將
此由六百里加緊諭知駱秉章並諭塔齊布
曾國藩知之○欽差大臣勝保等奏糧臺遷
移無定俟高唐賊匪辦結趕緊彙報得旨所
奏尚係實情著照所請○予山東高唐州陣
亡把總蕭良芳祭葬世職如守備例○丁巳
上詣
天神壇祈雨行禮
關帝廟拈香○遣惠親王綿愉詣
地祇壇恭親王奕訢詣
太歲壇惇郡王奕誼詣

覺生寺成郡王載銳詣

黑龍潭貝子載華詣清漪園

龍神廟鎮國公奕湘詣靜明園

龍神廟克勤郡王慶惠詣

時應宮

宣仁廟

凝和廟

昭顯廟拈香○遣莊親王奕仁詣

關帝廟豫親王義道詣

實錄卷五

五

城隍廟致祭○戊午諭內閣前因京師入夏

以來尚未得雨節經降旨設壇祈禱猶未渥

沛甘霖本月十九日朕復親詣

天神壇虔禱並派惠親王綿愉等分詣各處

致祭拈香即於是日酉刻濃雲密布雷電交

作甘澍滂沱仰蒙

昊慈垂佑朕心實深寅感從此渥澤優霑更冀

頻邀

鴻貺允宜敬謹報謝用答

天庥○又諭吏部奏遵議用兵省分知縣改就

教職一摺嗣後用兵各省知縣無論現任候

補如有自行呈請改就教職者著照部議按

其出身應得教職以對品佐雜留於該省補

用以杜規避俟軍務告竣仍復舊制所有此

次呈請改就教職之江蘇試用知縣張蓋即

著以府經歷縣丞留於該省候補○諭軍機

大臣等徐州係江南重鎮南北要區據黃河

之險實力防守足以扼賊往來之路現在連

實錄卷五

五

鎮之賊亟思南竄即高唐逆匪亦因守孤城

糧食火藥無所搶掠勢難久占大兵圍剿即

能就地斬擒仍難保無零星散匪捨命南奔

復向豐工一帶晁水逃生而廬州之賊尚未

殲滅更恐分股北犯希圖援應是徐州之緊

要較前尤甚該處文武員弁果能與大軍前

截後擊更可得手傅振邦署理徐州鎮總兵

到任需時即著興慶暫行代理該參將距徐

較近且係曾經行陣之員著邵燦等飛飭來

徐以資堵禦。徐屬練勇七千餘人。前此已自請前驅殺賊。士氣尚為可恃。若加以鼓舞振作。使與將弁官兵同心勦賊。定能得手。況黃流湍急。能於南北岸及上下游等處層層布置。該逆豈能飛渡。邵燦初膺外簡。楊以增久任河防。於該鎮道等之能否勝任。均應據實入告。如興慶抵徐後。未可深倚。即當隨時奏聞。毋稍迴護。若連鎮高唐之賊被勦窮竄。正可迎頭截擊。斷不准再任偷渡。復肆鴟張。該督等務當認真督率。毋得稍存大意。將此由五百里各諭令知之。○以防勦畏蒞。已革江南徐州鎮總兵官百勝發往新疆效力贖罪。以貴州定廣協副將傅振邦署江南徐州鎮總兵官。

實錄卷百三

三六

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百三十

實錄卷百三

三七

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百三十一

監修總裁臣等謹將本年內各官所請開列於後

大學士管理戶部三庫事務管理刑部事務加三級紀錄一次

周祥麟職官太子少保管理內務府事務加三級紀錄一次

鑲黃旗滿洲副都統內務府管理庫事務加四級紀錄一次

鑲黃旗滿洲副都統內務府管理庫事務加四級紀錄一次

教修

咸豐四年甲寅五月己未

上詣

壽康宮問

皇貴太妃安○諭內閣王茂蔭奏脅從人犯情節可矜請飭從緩定擬一摺逆匪自上年北犯以來到處勾結煽惑其被脅鄉民良莠本自不齊疊經近畿各路軍營及步軍統領衙門五城拏獲形跡可疑人犯均由巡防王大臣等審明虛實覈其情罪重輕分別定擬具奏朕權衡至當其實係甘心從逆之犯斷不

能為之曲宥如係愚民被脅原未嘗概予駢誅亦非以烙印為憑定為從逆遽置重典乃該侍郎輒請從緩定擬試思執法貴在持平明慎期無留獄如使輾轉遲延案多積壓轉非清理庶獄之意至所稱各處拏獲人犯先用煙薰取供一節著問刑各衙門查明如果屬實即將原拏承審之員指名叅辦○軍機大臣恭親王奕訢等奏遵議滄州城守尉福海奏陳查明駐防現存兵丁設法安置章程請將京城正白鑲白滿洲蒙古四旗二百一十三佐領下各撥馬甲一名移補滄州駐防兵丁缺額從之○署湖南提督塔齊布奏報到任日期得旨汝統師東下以打通岳州速救武昌為要然一切機宜總應隨時變通汝初膺重寄恐有拘泥諭旨處故諄諄諭也○庚申諭內閣慶惠文瑞奏鑄錢續有成數一摺旗營兵餉係搭寶鈔二成開放現有此項錢文抵撥著戶部無庸搭放寶鈔其內務府

三旗及五旗包衣並照所議俟鑄錢續有贏餘再行酌辦○又諭向榮怡良許乃釗奏遵旨查覆提督陣亡情形一摺上年朕聞江南提督福珠洪阿於江甯省城失陷時奮勇殺賊力竭捐軀當經降旨交向榮等查明具奏並將福珠洪阿先行交部從優議卹茲據該大臣等奏稱上年二月初十日金陵儀鳳門初破該提督帶松江兵三百餘名馳往救應斃賊多名賊即四竄復聞通濟門危急轉至南門見賊匪大股紛紛上城與滿漢官兵接仗該提督親督官兵登城迎擊因眾寡不敵身受重傷所帶兵弁大半傷亡勢難抵敵猶復手刃數賊罵不絕口旋即被害福珠洪阿孤忠亮節可憫可嘉著該部查明該員已得卹典應如何再加優卹之處妥議具奏○又諭英桂奏請將催科不善之知縣革職嚴訊一摺河南封邱縣知縣杜宇昕催徵上年民欠未完錢糧未能設法勸諭致刁民劉超舉

糾眾焚搶衙署遺失印信殊堪詫異其中顯有別情必應徹底根究杜宇昕著即革職拏問交英桂提同現獲犯證嚴訊確情究明起釁根由從重懲辦未獲各犯仍飭趕緊嚴拏務獲歸案訊辦○又諭官文等奏收復宜昌府城一摺逆匪於上月占踞宜昌府城經署宜昌鎮總兵訥欽署宜昌府知府吳開陽等統帶兵勇水陸進剿連獲勝仗傷斃賊匪甚多生擒逆首胡得義曾大範等七名五月初一日復分路進攻當將府城收復訥欽等乘勝追殺斃賊百餘名並燒毀賊船九隻現在餘匪被勦南竄著貴陞督飭各員弁水陸並進分頭堵剿務將此股逆匪悉數殲除毋任延蔓○諭軍機大臣等僧格林沁等覆奏軍營近日情形一摺僧格林沁勦辦直境逆匪日久無功經朕查知疏懈耽延各情降旨嚴催進兵於督責之中曲寓矜全之意該大臣宜如何感激厚恩速圖奏效以贖前愆乃據

奏稱各營步隊倍著艱辛。因傷亡較多。不免
恒怯觀望。該大臣不忍繩之以法。僅以善言
開導。仍不能無玩梗之人。試思行軍紀律。首
貴嚴明。若以該官兵曾經身冒鋒鏑。偶爾臨
敵退縮。遂置不問。各營紛紛效尤。何以處之。
且各路軍營所調官兵。孰非久經行陣之人。
勇敢者賞。退怯者誅。斷難稍涉游移。如不能
用命。即當查明。首先退縮之人。立以軍法從
事。庶足懲一警百。儻一味姑容。致各兵丁習
以為常。所謂素稱勁旅者。安在。僧格林沁總
統全軍。不能破除情面。嚴督馬步各隊。剋日
攻勦。但以焦灼空言。懇恩重懲。該大臣亦思
似此萎靡不振。糜餉老師。豈屢次請罪所能
塞責。僧格林沁著先行傳旨申飭。各營既經
逼近賊壘。南面亦不空虛。該匪無所逃避。即
著該大臣親督大軍。實力進勦。攻破賊巢。一
鼓掃蕩。將弁官兵中。有抗不遵令者。無論滿
蒙各旗及綠營漢兵。即在軍前正法。不得再

以可惜不忍等詞。瀆奏。如該逆仍前竄出。致
與高唐一股會合。惟僧格林沁等是問。將此
由六百里加緊諭知。僧格林沁並諭西凌阿。
托明阿知之。○又諭琦善奏遵籌師船布置
機宜。並瀝陳水師疲玩情形。一摺。既據該大
臣與向榮函商。將紅單船隻分提上駛。並知
會江蘇督撫委員迎赴吳淞。即著飛催辦理。
現在此項船隻尚無過浙信息。其為沿途逗
遛。誠所不免。鎮江師船既不得力。廣東戰艇
又復遷延。江面何日肅清。覽奏實深焦灼。前
此諭令該大臣如李德麟等。始終延玩。即以
軍法從事。先就本營得力之員。派令管帶。俟
閩廣鎮將到時。酌量更替。今覽所奏。該革員
等狡玩情形。實堪痛恨。該大臣自稱委蛇隱
忍。頗費苦衷。究竟如何能令振作。亦須迅籌
良策。一味姑容。豈能濟事。該大臣前於鎮算
官兵不服約束。尚能設法駕馭。獨於此項
水勇束手無策。若不亟圖整頓。將來紅單船

隻入江相率效尤愈難得力著琦善一面飛催閩廣前調將弁一面嚴督李德麟等剋日進攻疊次所降諭旨已甚明晰該大臣自可毋庸顧慮至紅單船需用口糧前據葉名琛奏由該省紳士勸捐籌辦隨時分解著該大臣迅速咨催葉名琛酌量情形或由海道或由江西轉運赴蘇仍責成怡良許乃釗就近籌畫以資接濟不得恃有廣東捐項置之不問其火藥一項已諭廣東江西貴州各備十萬斤解赴江南雖不專為紅單船之用亦可於此款到時酌量分撥該大臣與向榮共辦一事總當妥速會商迅圖克復瓜州再行次第進剿不得專以將弁疲玩為詞冀可自卸遷延之罪也另片奏請飭索文來營助勦等語此時甘肅調出將弁已多邊疆重地番匪出沒靡常該提督斷難遠離且道路寫遠一時恐難趕到該大臣助勦需人即著於鄰近省分提鎮大員內擇其夙稱勇敢為該大臣

所深悉者奏明請調數員亦無不可將此由六百里加緊諭令知之○又諭官文等奏收復宜昌郡城賊匪南竄一摺此股由安陸荆門分竄宜昌之匪現經該地方官督率兵勇分投攻擊已將府城收復惟該逆被勦渡江南遁擾及枝江宜都並闖入松滋縣境該處逼近楚南本日已諭令駱秉章迅即飭令署提督塔齊布會同曾國藩率領水陸兵勇相機迎頭截勦貴陞現飭千總畢金科廩生張于銘先行繞越往截並自行統帶依西布王國才滿漢各軍渡江追襲計所帶兵勇尚不單薄務即一鼓作氣將此股烏合匪眾無分水陸四面兜拏既不可使之伺隙南犯尤不可不防其被勦窮蹙復行回竄軍情變幻靡常必須隨時察看何路緊要即趕赴何路截勦勿令再滋蔓延為要荊州上游雖已肅清其安荊一帶及沔陽潛江各屬是否尚有賊蹤官文於沿江要隘駐兵設防杜賊回竄尤

應兼籌西北兩路妥為守禦四川松潘建昌兩鎮官兵何以如此遲延所有帶兵之總兵雙保福忻著官文等遵照前旨查明如係有心逗遛貽誤事機即著據實參辦一面仍檄提到營或防或剿均可擇要調遣其川省應解餉銀已據裕瑞奏報啟程並著飛速催提以濟要需至宜昌收復之後一切撫綏彈壓著即督飭該地方文武體察情形妥善辦理以期激勵民心藉可協同固守將此由六百

里加緊諭知官文並諭慶如貴陞知之○又諭前因湖北逆匪奔突宜昌復竄宜都枝江縣屬當經諭知駱秉章即飭塔齊布統兵出境與曾國藩會合進攻隨勦隨進本日據官文等奏稱宜昌郡城已於本月初一日收復賊眾竄擾松滋地方聞荊州兵勇水陸並進遂渡江南竄現在大江南岸支河以內彌陀寺地方搶擄船隻希冀水陸分竄是湖南與湖北交界之處情形甚為喫緊著塔齊布迅

即帶領精兵前往與曾國藩所帶船勇水陸迎頭截擊並著駱秉章嚴飭岳常澧道及地方文武各員弁撥兵擇要堵截萬不可令賊匪乘間復竄南省致滋延蔓現在台湧舒倫保已由德安一路督兵南趨駱秉章塔齊布務當與官文台湧舒倫保等隨時知照彼此併力夾擊將此股逆匪悉數殲除昨據塔齊布奏報即赴岳州已於摺中批諭速救武昌一切機宜總應隨時變通該撫等接奉此旨

務即速籌勦辦毋稍遷延致誤事機將此由六百里加緊各諭令知之○欽差大臣琦善奏遵籌宿遷防兵未能撤赴和州報聞○以湖北龍會橋等處勦匪出力賞協領功額訥佐領玉貴貴鳳防禦額爾格春參將文明等花翎把總王廷魁等藍翎餘升敘有差○追予江甯守城殉難在籍已革巡撫鄒鳴鶴道銜祭葬世職○辛酉

孝恭仁皇后忌辰遣官祭

景陵○諭軍機大臣等有人奏叅特交重審久未覆奏一摺此案河南陝州知州邱文藻藉差濫派交代並不覈實報明又借工科罰縱容家丁並署知州劉學誠袒庇控案罰錢私肥於上年六月降旨將該員等革職拏問交河南巡撫嚴訊懲辦諭令如有貪汙實蹟即行查抄並令接任之員按款揭報陸應穀革職後自應移交後任辦理該撫於貪汙不職之員亟應從嚴訊究以儆官邪若如所奏該

革員邱文藻等於拏問之後尚復安寓公館宴會嬉遊其門丁王木范三任令散除刑具並未收禁而甲長趙吉田等自上年八月鎖押解省後僅止過堂一次現仍繫縲省垣似此任意稽延置重案於不問實堪痛恨著英桂迅即將此案親提嚴鞠按律定擬具奏不准稍有徇隱並將派審遲延各員先行查取職名送部議處毋再延宕將此諭令知之○又諭奕綢等奏請裁撤備調官兵並令練丁

歸營各等語前次備調之山西綏遠城官兵一千餘名經奕綢等派令協領鶴齡管帶前赴紫荆關外迤西之塔崖驛地方屯紮原以豫備不虞現在連鎮賊勢窘蹙分竄高唐僧格林沁勝保等督飭將弁奮力兜剿計可盡數殲除塔崖驛等處並非扼要且每月需餉五千數百餘兩若仍令在彼聚剽是置兵於無用之地而餉項虛糜著奕綢等即飭令鶴齡等將此項防兵全數裁撤歸伍無庸減留

其在東口子門外屯練之八旗馬甲餘丁三百名亦著飭令仍歸本營交該總管翼長等勤加訓練毋令曠廢將此諭令知之○又諭向榮奏賊擾太平府城聞援先遁並連日攻勦情形一摺據稱逆匪於四月三十日竄入太平府城滋擾經該大臣派鄧紹良帶兵前往截勦該逆聞風先遁竄回金陵已將郡城收復等語太平府城與東壩相通為入蘇捷徑此次雖聞我兵進勦退出郡城而該逆詭

謫異常難保不復圖窺伺且上游賊船千餘隻相率東駛是江上賊船往來自由意在乘隙肆擾此時總以肅清江面為最要機宜昨據琦善奏水師疲玩情形實堪痛恨已諭令琦善嚴督李德麟等剋日進攻並飛催閩廣前調將弁以備攻剿該大臣與琦善共辦一事如果李德麟等始終延玩即當奏參以軍法從事仍與琦善酌量派員更替斷不可稍涉隱忍致誤事機紅單船尚無過浙信息其

為沿途逗遛已可概見著該大臣飛速迎提一俟此項船隻駛入大江即遵疊次諭旨妥為布置儻能將江面賊船次第肅清則勦辦自可得手至金陵逆匪雖經我兵連日誘敵仍不過小有斬擒該大臣統領全軍曠日持久不能克復一城師老餉糜罪將誰諉余萬清攻勦鎮江賊匪是其專責據奏節次稟報不過逐日打仗未能克復余萬清本係獲罪之員著該大臣迅速確查如果該革員不知

奮勉即行據實嚴參無稍徇隱太平府城失守情形並前任學政孫銘恩下落著一並查明具奏將此由六百里加緊諭令知之○四川總督裕瑞奏嚴辦赴楚練丁何玉澄等肆行搶奪得旨未行尚爾桀驁可知抵營後能否得力猶看統馭若何○壬戌諭內閣和春福濟奏勦毀廬州賊營並連次大獲勝仗情形一摺逆匪占踞廬州府城雖經和春等明攻暗襲屢有斬擒而南門外賊營尚多釘椿

樹柵抗拒官兵五月十二日和春福濟派吉順鄭魁士蘇勒芳阿帶領湖南宣化各兵進攻賊營並派何朝亮等攻北門常清等攻東門珠克登等攻得勝水西兩門以分賊勢鄭魁士等冒雨揮兵奮勇進攻直抵濠邊立將大股賊營攻毀適南門突出逆匪二三千人分路來撲和春等令鄭魁士蘇勒芳阿帶兵迎擊立斃賊匪多名追至城下大東小東兩門又各出逆匪二三千人分投來奔欲抄我

兵之後復飭常清嵩瑞德鈞與鄭魁士兩路夾攻餘匪敗逃入城南門外尚存賊營數處鄭魁士等分途攻擊復將賊營三處平毀自辰至申斃賊一千餘名十三日和春福濟復派官兵分攻各門三面夾擊斃賊三四百名其水西得勝兩門亦各出賊匪數百人經珠克登等督率兵勇斃賊數十名該逆敗竄入城匿不敢出逆賊久踞廬城恃南城外營壘以為犄角此次經我兵奪毀四處各門斃賊

亦復不少該逆大受懲創著和春福濟激勵將士乘此銳氣迅復郡城毋再延緩又諭易崇奏隴西匪徒謀逆立時勦滅淨盡地方肅清一摺甘肅隴西縣匪徒石沅應等聚眾謀逆占踞山堡創立偽號經告養在籍四川候補知縣祁嗣唐前往曉諭解散該逆膽敢向前擒裏祁嗣唐忿恨斥罵致被截傷斃命該府縣等聞報即商令護遊擊馬成等帶領兵勇會同該縣典史許炳輝馳往勦捕祁嗣

唐之堂弟告假在籍候補同知祁克雇募壯丁隨同前往該逆猶踞堡抗拒兵勇奮力直前攻破堡牆殲斃逆匪二百餘人生擒逆首石沅應等九名餘匪自行焚燒堡房紛紛投火自盡復於近村搜獲餘犯三十餘名地方一律肅清辦理尚屬迅速該地方文武各官於匪徒惑眾謀逆即時召募壯丁會同兵役悉數擒勦不致蔓延功過尚足相抵均著免其議處又諭王慶雲奏陝局鼓鑄大錢進

呈錢樣一摺陝西省局鼓鑄當十至當千各種大錢既已漸次流通商民便於行用著即照所議辦理其南山一帶銅鉛等礦並准民間開採惟不得招集外來游民致令奸宄潛跡著王慶雲妥定章程督飭所屬認真稽察以裕鼓鑄而杜流弊又諭奕山等奏據庫爾喀拉烏蘇土爾扈特副盟長貝子普爾普噶丹呈稱情願捐輸馬匹懇請轉奏請旨一摺土爾扈特副盟長貝子普爾普噶丹聞內

地現有軍務因不能親赴軍營效力情願捐馬一百匹以備軍需等語實屬出於至誠甚屬可嘉惟軍營所需馬匹已足數用著奕山等轉諭普爾普噶丹伊所捐馬一百匹著毋庸賞收以示朕體恤蒙古之至意諭軍機大臣等英桂奏解京銀兩銅斤請飭直隸派員護送接解等語據稱豫省漕糧變價銀九萬兩銀票一萬兩已委候補知府高應元管解啟程赴部交納惟連鎮逆匪尚未掃除直

豫交界地方自應嚴密防護著桂良即派委幹員飭營遴撥弁兵至安陽縣豐樂鎮協同該委員妥慎護送毋稍遲誤其運京銅斤豫省現已雇備船隻由內黃裝載飛速輓至直隸大名縣屬之龍王廟地方交直隸委員協同接解計日當可解到並著桂良派員速赴該處兌收協同原運之員接解赴部不可稍有遲延致誤要需將此由四百里諭令知之○又諭和春福濟奏督兵焚毀賊營大獲勝

仗一招逆匪占踞廬州屢經我兵攻勦獲勝此次復焚毀賊營四處大挫兇鋒惟城外賊營不止此數必須激勵將弁乘我兵銳氣方盛四路圍攻為一鼓殲除之計至六安逆匪與廬郡之賊互為犄角雖經該署知州茅念劬督率紳勇奮力截擊斃賊多名而州城尚未克復逆匪仍可往來自如該提督等奏稱必須設法先復六安則廬州克復較易自係最要機宜著和春等一面迅攻廬州一面知

照奏定三督飭茅念劬激勵兵勇剋期收復六安則廬城賊勢益孤勦辦更可得手該提督等務當勦力同心相機進勦斷不可再事遷延致干重罪另片奏各營兵勇共二萬餘名日久餉銀未到等語本日已諭令袁甲三酌量兩處情形通融辦理其江西河南所撥皖銀各五萬兩琦善截用皖省銀六萬兩均著分投催提惟現在各路軍營需餉甚鉅專待鄰省撥解亦恐緩不濟急福濟身任巡撫

仍當於皖省應徵錢糧及淮北鹽課趕緊督催毋得株待協撥致誤要需至楚勇因領餉不足喧鬧此等刁風亦斷不可長並著和春等嚴飭帶勇各員妥為駕馭毋令別滋事端將此由六百里加緊諭令知之○又諭據和春福濟奏廬州各營兵勇二萬餘名日久缺餉袁甲三甫經截留銀三萬二千兩茲於山西解到餉銀路過臨淮又截留一萬兩所贖無多不敷支放等語現在廬州勦匪喫緊兵

勇為數較多需餉浩繁袁甲三所帶兵勇為數較少自應權其輕重先儘廬州兵餉不得紛紛截留前據袁甲三奏稱設法勸諭捐輸已有成數部頒執照亦可隨時收捐以資接濟現在和春軍營待餉孔亟著袁甲三酌量兩處情形通融辦理以顧大局當此兵餉支絀之時務當協力同心先其所急庶不致貽誤事機將此由六百里加緊諭令知之○樂部奏

關帝廟樂章應否另撰得旨著翰林院敬謹撰擬祈雨報謝樂章此次著暫用春季樂章○以甘肅隴西擒獲逆首出力在籍同知祁克下部議敘予被戕在籍知州祁嗣唐祭葬世職○以巧飾欺蒙已革河南南陽鎮總兵官柏山發往新疆效力贖罪以直隸通永協副將邱聯恩為河南南陽鎮總兵官○

上以夏至祭地於

方澤自是日始齋戒三日○癸亥以甘霖渥沛

上詣

大高殿行禮報謝

時應宮拈香○遣惠親王綿愉詣

天神壇恭親王奕訢詣

地祇壇成郡王載銳詣

太歲壇惇郡王奕諒詣

覺生寺怡親王載垣詣

黑龍潭貝子載華詣清漪園

龍神廟鎮國公奕湘詣靜明園

龍神廟克勤郡王慶惠詣

宣仁廟

凝和廟

昭顯廟莊親王奕仁詣

關帝廟豫親王義道詣

城隍廟散秩大臣恩醇詣密雲縣

白龍潭報謝○諭內閣和春福濟奏克復六

安州城一摺逆匪占踞六安以來經官軍疊

次攻勦和春等密飭該署州茅念劬妥為布

置挑選壯勇二百餘人進城與城中百姓約

為內應令各紳勇分路前進距城五六里劄

營並派吏目梁繪事等分帶紳勇堵遏要路

本月十五日茅念劬督率紳董舉人李元華

等統帶練勇萬餘人分三路進攻賊眾出拒

各勇槍礮齊施斃賊無數屍橫遍野將城外

賊營全行平毀十六日各勇併力登城砍殺

守陴賊匪甚多即開東門一擁而入該匪由

南門逃竄復經茅念劬等督勇追擊將餘匪

悉數殲除即將該城克復該署州茅念劬督

率練勇奮勉出力該練勇等同仇敵愾忠義

可嘉均應優加獎勵其餘出力紳民及陣亡

練勇著和春等分別查明請獎並咨部議卹

○諭軍機大臣等和春福濟奏克復六安州

城一摺此次六安鄉團協助官兵奮勇殺賊

立將州城克復該處紳民洵屬深明大義殊

堪嘉尚亦由該知州等素得民心一經激勵

鼓舞即能人人用命奮勇殺賊和春福濟等

惟當加以策勵堅其固守之心藉可協同撥

勦目下廬州大股經官兵屢次攻擊獲勝逆

膽已寒著和春等一面迅督將士乘銳進攻

廬城及早克復一面知會秦定三此時西北

情形較緩即行移兵南向並酌帶劉玉豹忠

泰所領各兵近逼南路賊巢探賊所向分投

勦辦若能乘勢將舒桐一帶逆眾掃數廓清

則廬州安慶之賊自可一鼓蕩平至正陽關

霍邱穎上一帶土匪能否斂跡六安收復以後是否仍須兵力均著該提督等相機籌辦如茅念劬始終可靠即責成該知州辦理一切撫綏彈壓事宜和春福濟仍應通籌南北全局毋令該逆乘虛北竄將此由六百里加緊諭知和春福濟並諭秦定三知之○又諭王履謙長臻奏請將防河出力各員獎勵一摺當此軍務喫緊之際賞功罰罪首貴持平此次賊陷永城夏邑後繞道豐工雖未由河

南渡口偷越而現在占踞連鎮蔓延東境之賊皆係上年由汜水搶渡而來使當時巡防果屬認真何至縱賊北犯即謂此次保奏各員不在上年偷渡處所亦應俟河北肅清方能量加甄敘今河防未撤逆賊方張豈能即加破格之恩致同冒濫各該員中如果遇賊接仗勦辦出力原可隨時保奏即如單內所開廬朝安一員因帶勇隨同殺賊業經降旨以同知直隸州用並賞戴花翎朕於恩施初

無所吝總須賞當其功方足以昭激勸所有此次單開各員著王履謙長臻先行存記如能始終奮勉將來軍務告竣南省之賊不至再有偷渡北省之賊不至再有回竄始准將出力各員酌量請獎儻有始勤終怠之員亦即隨時奏參不得因有記存之案稍存遷就原單著一併發還將此諭令知之○馬蘭鎮總兵官慶錫奏酌撤薊州等處防兵報可○以克復安徽六安州城署知州茅念劬知縣

李元華實授升敘有差○甲子諭軍機大臣等戶部奏邊餉浩繁協撥不繼亟宜變通以期經久一摺前據奕山等遵議變通新疆兵制及豫籌經費各條經軍機大臣等議以所奏未能覈實請諭令詳細覆奏未據該將軍等奏到現在內地軍務未竣度支告匱所有新疆各城經費及協甘兵餉幾至無從籌撥若非設法變通斷難經久著奕山等各就地方情形悉心籌畫將各城兵制應如何變通

所需經費如何設法覈減不致以兵餉匱乏難繼別滋事端此係邊疆緊要關鍵務當通籌全局迅速詳細馳奏毋得互相推諉敷衍塞責一奏了事戶部摺著鈔給閱看將此各密諭知之○又諭戶部奏各省協濟滇黔款項不能如期解往請飭該省督撫設法豫籌等語雲貴兩省歲需銅鉛本銀及應發兵餉向俱由鄰省協撥接濟現因軍餉需用浩繁各省應解滇黔款項往往請改請緩即已經

起解者經過用兵省分亦多截留不能如期解往自係實在情形惟該省兵餉及應辦銅鉛工本俱屬緊要之款若因各省撥解稽遲致誤要需關繫非淺著羅繞典吳振械蔣蔚遠通盤覈算按照戶部所奏添鑄大錢設局開捐並酌減支放各款悉心籌畫酌量妥辦務於協餉未到以前迅速布置豫籌接濟庶不致臨事周章此外或尚不敷用並著照該部所奏貴州則咨商四川雲南則咨商廣東

於應撥協餉之外復在空白部照捐輸項下各通融湊撥銀十萬兩先行接濟仍於各省協撥銀內劃扣歸款該督撫等務當趕緊籌辦毋得畏難諉卸專待撥款致有貽誤原片著鈔給閱看將此由五百里各諭令知之○又諭勝保奏攻城驟難得手情形覽奏曷勝憤急高唐蕞爾州城逆匪不過千餘何以一經踞守進攻即如此之難據奏西面兵勇業已登城且經奪獲賊旗如果迅速接應何難

立時攻入培成那數德劄營正在西面並不揮兵繼進是何居心且賊在連鎮即由培成等營盤撲出迨竄踞高唐又屢向培成等列隊處所奔突是培成等始終不能得力實堪痛恨業於摺內批令查明參奏如有心觀望即在軍營正法該大臣務當破除情面嚴申軍律萬不准稍事姑息致所屬將弁漸啟玩心督催愈難得力所稱製造呂公車尚須數日而我兵又無護身器具似此遷延何日始

能了事。藤牌擋牌。皆係步隊攻城必需之物。該大臣在獨流連鎮督攻已久。豈皆未經備辦。即謂此次倍道南追。不能多帶。亦何至僅有藤牌數十面。又皆不能適用。似此耽延時日。必致貽誤事機。崇恩昨奏城中逆匪多半薙髮。暗造青布號衣。欲假冒綠營官兵潛蹤竄逸。儻我兵攻具甫成。而賊已潛遁。僅賸空城。我兵即欲追襲。亦須處處分撥。愈難兼顧。該大臣又何以處之。地方文武之盤查固不

容緩。軍營將弁之防禦。尤不容疏。總宜剋日籌畫。立破州城。使逆匪不暇施其詭計。方為妥善。至西南兩門官兵。既已逼近甕城。焚毀木柵。是其地洞通透之處。已無遮護。或設法塞毀。或用火藥填轟。均可相機速辦。另片奏請撥款接濟軍餉等語。現在山東漕折銀兩。已准一半解京。一半留備該大臣軍營之用。著崇恩再於應解漕折銀兩內酌量撥給。以濟要需。其撥出後應解京餉若干。仍著崇恩

趕緊籌解。勿任貽誤。將此由六百里加緊諭知勝保。並諭德勒克色楞善。祿崇恩知之。○又諭樂斌。裕瑞。萬福。奏籌辦川疆防堵情形。此時楚北賊氛方熾。雖分竄宜昌一股。全行南遁。惟仍擾宜都枝江縣境。儻逆眾乘虛回竄。或伺隙西奔。川省邊防關係最要。現據奏稱。由提督萬福統帶兵勇。前赴萬縣。夔巫一帶扼要駐劄。即著該提督隨時確探賊情。督率先後派防各官兵。分守要隘。實力堵截。儻須出境迎剿。亦即向機而行。斷不准以防堵為名。致成株守。如有緊要情形。即著萬福專摺馳奏。一面飛咨裕瑞。毋稍延誤。前派赴楚之兵練一千餘名。現既未出川境。著准其截留在川。一併歸萬福管帶調遣。但此項練丁。於未經啟行之先。即敢在省搶劫滋事。其為目無法紀。概可想見。已據裕瑞奏明將首犯懲辦。尤應嚴飭帶兵各員。嚴行約束。妥為駕馭。方不致別生事端。至駐劄巴東利川之松

潘建昌兩鎮官兵由雙保福所分帶駐守節
經嚴諭飭催帶赴荊州宜昌協同防剿迄今
數月之久仍復遷延不進該總兵等畏蕙無
能已堪痛恨而裕瑞亦復遲延至今始以屢
催罔應等詞數衍叅劾該督節制全省於帶
兵之員不能調度尤屬形同聾瞶朕實為之
汗顏署松潘鎮總兵綏甯協副將雙保著革
職暫行留任建昌鎮總兵福忻著先行摘去
頂帶均仍責令上緊帶兵啟程前赴荊州將

軍官文軍營聽候調撥儻敢再肆稽延即行
從嚴叅辦按律治罪將此由六百里諭知裕
瑞並諭樂斌萬福知之○欽差大臣勝保奏
高唐驟難攻克現仍設法籌勦得旨覽圖曷
勝憤急地洞木塞何成之若是之易呂公車
固可酌改適用然我有以制之彼必有以應
之徒勞無益藉口耽延終無了期已屢次登
城已奪賊旗豈有不能攻進之理明係接應
遲誤各不相顧培成那數德著查明叅奏如

有心觀望即在軍營正法○都察院左副都
御史袁甲三奏清理淮河道道路並勦辦定遠
土匪情形得旨所奏淮河上下游漸可肅清
仍應加意嚴防不致再有嘯聚方妥○閩浙
總督王懿德奏漳州勦匪漸有頭緒擬撤粵
兵歸伍報聞○命四川升任按察使胡興仁
留辦防堵○命在籍翰林院編修段廣瀛庶
吉士張錫榮辦理江南團練○以直隸大名
勦匪出力賞提督張殿元道員聯捷花翎遊

擊牛浩然等藍翎佐領墨爾賡額等升敘加
銜有差○以安徽潁州勦匪出力賞遊擊袁
學忠千總連丕甲花翎通判顏培高等藍翎
餘加銜升敘有差○乙丑夏至祭

地於

方澤

上親詣行禮○詣

雍和宮行禮○詣

火神廟拈香○諭軍機大臣等台灣奏現籌

勦賊各情並遵保應山打仗出力員弁兵勇一摺逆匪盤踞漢陽漢口大江南北形勢阻隔亟須設法進攻以期為武昌援應該督現擬分兵兩路由孝感之楊店驛應城之長江埠隨勦隨進直達漢陽漢口著即與桂明舒倫保迅速督率將弁分路進兵並著舒倫保飛催所調後起官兵趕緊由豫入楚以資攻勦仍須嚴防黃州陸路賊匪乘虛北竄大兵勦辦得手能與武昌聲息相通即知會青麐

速行派兵為兩路夾攻之計毋得稍事遷延前據青麐奏孝感練勇得力飭令該縣李殿華抽撥二三千名由楊店驛進勦並據官文等奏飭令參將佟攀梅會同旗營官兵駐守了角驛扼要勦辦俟土匪辦竣即令赴援武昌該督等即可就近飭令該員等督飭兵勇合力夾擊以期迅殄賊氛將此由六百里加緊各諭令知之○盛京副都統承志奏查照成案暫停冬圍搏節經費得旨著准暫停一

年隨時制宜有不得不然之勢而武備尤應隨時講求○以湖北應山勦匪出力賞防禦貴勇驍騎校訥勒亨阿都司平德葉永泰成福守備棟成等花翎驍騎校鳳寬等藍翎餘升敘有差○以聲音洪亮賞贊禮郎春志花翎五品頂帶○丙寅

上詣

壽康宮問

皇貴太妃安○諭內閣刑部奏司員將次銓選

援照舊案請留部補用一摺各部由庶吉士散館司員例有銓選本班從前刑部雖有奏留成案然須辦事認真行走有年者方准奏請豈得因曾有成案率行援引本日該部奏請留部之候補主事周道治朱夢元資俸尚淺據稱於刑名例案俱能悉心講求現在周道治即有承審存豐翻控案内降級處分可見該堂官所稱講求例案者未可盡信且於周道治前案處分並未聲敘更屬含混周道

治朱夢元均不准奏留仍著照例銓選刑部堂官著傳旨申飭又諭僧格林沁等奏連日進剿斃賊多名一摺逆匪竄踞連鎮經僧格林沁等移營逼近賊壘二十五日該逆撲出多名僧格林沁親督各營官兵乘機勦洗斃賊三四十名二十六日復飭派官兵平墊該逆濠溝逆匪大股出巢勢如蜂擁僧格林沁豫派黑龍江總管格綢額帶馬隊數十名設伏該逆離巢已遠格綢額督兵吶喊槍箭

實錄卷百五

十一

齊施斃賊四五十名該逆馬步數百人向我軍攻撲格綢額飛馬當先馬隊繼進將該逆擊回大隊賊匪搖旗衝撲我兵各路馬隊一擁直前達洪阿帶兵抄賊後路復斃賊五六十名該逆仍前抗拒復用大礮向賊眾轟擊斃賊無數達洪阿馬被賊傷復換馬前進我兵勇氣百倍直逼賊隊極力殄勦又斃賊百餘名計兩日斃賊二三百名內偽總制一名紅衣賊四名黃馬褂賊三名該大臣等務當

清 實 錄 咸豐四年五月下

激勵將弁迅殄賊氛毋再延緩又諭青麀奏進攻逆匪大獲勝仗一摺漢口逆船四百餘隻於五月初十日竄赴下游之磯窩地方砌築土城望樓意欲占踞要隘青麀派委都司周祿等各帶兵勇交已革總兵楊昌泗統帶前往攻勦復派副將書紳等帶領各標防兵續往接應副都統魁玉並飭委協領安貴等酌帶滿兵協勦將該逆土城轟倒該逆齊出抵拒適書紳等兵趕到我軍勇氣倍增復

實錄卷百五

十一

將賊營四處一律平毀並連拋火彈火箭焚賊望臺逆黨勢不能支奔竄回船我軍追至江邊勦捕計殺賊一千餘名溺斃者不計其數並奪獲大船二十餘隻焚毀七十餘隻擊沈三十餘隻磯窩一帶肅清其同日由漢口分撲塘角由鸚鵡洲分撲鮎魚套之賊船經侯鳳岐等疊開槍礮該逆仍冒死前進適楊昌泗由磯窩折回飛調礮船援應青麀亦於城上督開大礮轟擊塘角擊沈二十餘隻鮎

三三七

魚套擊沈九隻餘船退竄此次逆賊欲占磯窩要隘並於塘角等處駛船分撲均經官兵擊敗大挫賊鋒務當乘此聲威督飭該將弁等將沿江一帶逆匪迅速殲除毋任盤踞滋擾○諭軍機大臣等有人奏藩署劣幕舞弊請飭查辦一摺據稱福建藩司慶瑞署中有幕友鍾姓葉姓表裏為奸通同納賄凡州縣官初到閩省必將生徒推薦勒抑延請其生徒及素所熟識之人更有報捐州縣指省福建

實錄卷三十一

五

建以求護庇者因有鍾葉黨之名等語劣幕盤踞衙署向干例禁若如所奏藩司慶瑞幕友鍾姓葉姓在署把持任意招搖若不嚴行查辦何以清吏治而肅官常著王懿德按照所叅各情秉公嚴切查明據實具奏毋得稍有徇隱原摺著鈔給閱看將此諭令知之尋奏查該藩司幕友葉鎮鍾峻均屬安分尚無納賄徇庇勒薦館地情事及鍾葉黨名目所奏應無庸議報聞○又諭僧格林沁等奏軍

營近日情形並設法布置一摺據稱該逆防範甚嚴現募熟習路徑之人於夜間進剿意在攻其不備為一鼓殄除之計該大臣因東南兵力較單將西岸長濠收近隨令慶祺帶步隊官兵移剴西岸以期嚴密是我兵業經逼近賊壘若能四面合圍聚而殲旃不使一名漏網固為上策但該逆負隅死守是其慣技我兵既不能直擣賊巢而窠築長濠又未必能處處周密徒延時日迄無成功且我兵

實錄卷三十一

五

亦被長濠所阻進退不能自由前車可鑒設該逆乘間竄逸我兵又成尾追之勢似此曠日持久勦辦何能藏事此時逆匪被圍日久意在狂奔不若擇要設伏督兵進剿盡驅該逆出巢奮力截擊較之合圍坐守更可得力該大臣等務當悉心籌畫亟思勦除之策斷不可再事遷延各營屯剴河干低窪之處賊掘運河固屬可慮現在夏令雨水較多泥淖之中我兵攻剿豈能得力該大臣務當相度

機宜妥為布置早滅妖氛以副委任所需軍餉業於河南解交順天糧臺銀兩內借撥二萬兩著即飛飭天津道張起鵬迅速撥還歸款毋任延宕將此由六百里加緊諭知僧格林沁並諭西凌阿托明阿知之又諭青磨奏攻勦礮窩等處逆匪獲勝一摺此次漢口賊船竄擾礮窩並分撲塘角鮎魚套明係牽掣官軍冀占要隘為攻擾省垣之計青磨飭令楊昌泗等帶領兵勇合力攻勦立將賊營

實錄卷百三

三

數處平毀並擊退塘角兩處賊船勦辦尚為得手刻下宜昌荊門監利均已先後收復舒倫保桂明督兵已入楚境昨據台湧奏報孝感應城兩路水次尚有賊蹤該處湖河港汊甚多該督已擬分兵由孝感之楊店應城之長江埠節節設法隨勦隨進以期次第掃蕩漢陽漢口青磨即當移得勝之師迅將沿江一帶逆匪殄滅與台湧等會合夾擊不得因武昌可保無虞專務株守且石嘴緊對漢陽

沌口即礮窩等處地皆濱江仍恐該逆再圖分撲欲保省垣當以肅清江漢為要該撫務當統籌全局與台湧等同心合力不准各存意見致失事機至各省軍營勦賊出力各員應行獎勵者恩賞固所不吝然過於冒濫轉無以激勵戎行朕前因該將弁等著有微勞准青磨酌保數員茲披閱該撫保舉各單不但員數太多即擬保亦多過優之處姑念省城守禦日久將士辛勤此次均照所擬破格

實錄卷百三

三

施恩此後該撫必須謹慎覈實毋得任意濫保致蹈罪戾所有五月初十日打仗獲勝各員除另片所保已降旨加恩外其餘均毋庸再保青磨身任封疆務須賞罰嚴明以勵軍心而作士氣將此由六百里加緊諭令知之又諭葉名琛柏貴奏潮州遣回壯勇滋事戕官派兵籌勦一摺此次潮陽滋事匪徒多係遣散壯勇勾結土匪膽敢糾眾戕害大員實屬罪大惡極亟宜迅速勦捕以遏亂萌該

督等既於附近水師各營選調兵勇一千數百名派總兵謝焜等統帶分路進剿復委候補知府蔣立昂前赴潮陽會同吳均妥辦著即督飭在事文武合力進剿以期迅速殲除其與潮陽毗連各縣並著分飭嚴密防堵毋任逸匪分竄另片奏稱後幫紅單船與挖風等船未便遽令開行總兵謝焜帶兵勦辦潮匪出境無期江南專望粵省戰船肅清江面現在前幫船隻尚未入江後幫又復耽延於

實錄卷百三十一

三

江省大局甚有關係著葉名琛等趕緊另派鎮將赴潮勦賊仍飭謝焜速行管帶後起紅單等船駛赴江南以資攻剿毋得稍失事機至俄囉斯夷兵欲與暎夷尋釁難保不另蓄奸謀該夷蠻觸相爭與中國原不相涉該督等但當密飭各海口礮台將弁嚴行防守毋稍疏懈其米首麥蓮暎首咆吟同時更易據該督探知係因前在江南定約時有十二年後再行重訂之語是該夷意在要求尤當不

動聲色加之防範屆時惟有隨機應變以絕其詭詐之謀葉名琛在粵有年熟悉情形諒必駕馭得宜無俟諄諄詰誥也將此由六百里加緊諭令知之○兩廣總督葉名琛等奏遵籌採買京倉米石請與捐輸並舉報聞○以翰林院侍讀學士寶鋆侍講景廉左春坊左庶子龐鍾璐充日講起居注官○以兩廣總督葉名琛捐輸軍餉永廣本籍湖北漢陽縣文武學額各二名○以直隸連鎮勦賊出

實錄卷百三十一

四

力賞總管格綢額巴圖魯名號防禦旺齊克扎布等藍翎○以湖北武昌勦賊出力賞協領安貴遊擊玉山都司周祿把總劉兆魁花翎巴圖魯名號參將景輝栗襄恒泰佐領拉林遊擊侯鳳岐同知劉士哲李錦鑒等花翎千總朱正名等藍翎餘升敘有差○免已革總兵官楊昌泗罪仍留湖北軍營效力○以搶修湖北武昌城工賞道員延志參將穆克登布花翎同知靈濤等藍翎餘升敘有差○

以直隸連鎮軍營接應遲緩革副都統明慶職○予廣東潮陽陣亡副將膺保巡檢章坤千總朱英超把總廖振康陳勝華邱騰剛外委葉瑞元劉裕泰祭葬世職額外外委張雲龍黃恩超議卹如例○丁卯諭內閣易崇泰阿拉善蒙古地界產有銀礦請旨開採一摺甘肅甯夏迤西之哈勒津庫察山產有銀礦既據查係阿拉善蒙古地界著理藩院行文阿拉善王貢桑珠爾默特查照仍著易崇泰

實錄卷百三

聖

委道府大員會同甘肅提督索文前往該處帶同蒙古官員確切查勘如果礦苗豐旺堪資採煉即著酌定章程派委廉幹大員會同該提督妥為辦理○諭軍機大臣等景瀄奏俄囉斯船隻經過黑龍江境現在飭屬防範情形一摺此次俄囉斯乘船擁眾由黑龍江東駛其所稱與暎夷爭島之語未可盡信該將軍惟當密為防範豈可先事張皇○署黑龍江副都統協領胡遜佈竟將該國咨文接收

飛報殊屬不曉事體該將軍據咨奏聞輒將該國咨文錄呈亦可不必現在該國船隻究往何處是否已近三姓邊界該將軍既知照該副都統並阿勒楚喀伯都訥一體嚴防即著密為布置不可稍動聲色致啟該國之疑其船隻來蹤去跡祇宜勤加偵探不可率與該國交接尤不可輕給照會文移轉生枝節仍將密探情形隨時奏報如果該國船隻經過地方實無擾害要求情事亦不值與之為

實錄卷百三

聖

難也將此由五百里諭令知之○又諭前令王懿德於漳州雲霄詔安同安等營內挑選精兵二千名前往向榮軍營聽候調撥經王懿德覆奏以閩省地方新定人心未安須資兵力彈壓懇請免調當諭以金陵攻勦喫緊著該督於軍務完竣後即飭前調官兵迅赴江南茲據向榮奏金陵上游江面布置水軍必須有陸路官軍犄角屯劄方能得力而大營兵數分撥日少廣東現在勦辦潮州匪徒

所謂潮州等營官兵。諒難剋期趕到。福建各郡縣情形。諸就肅清。無須多兵留守。著王懿德於接奉此旨後。迅將前調之漳州各營精兵二千名。懍遵前諭。即日派委得力大員管帶。飭令兼程馳赴向榮軍營。毋稍遲延。該督務當統籌全局。勿存畛域之見。况前次調赴大江之紅單船隻。為閩省截留。後送回廣東。至今尚未聞駛入大江。已為閩省所誤。萬勿再事稽延。仍以該省未便撤防請也。該官兵

實錄卷百三

四

何日全數啟程。即著由驛覆奏。將此由六百里加緊諭令知之。○欽差大臣向榮奏遵覆分起布置師船情形。並催閩廣調兵飛速前來。得旨。專待鄰省之兵。緩不濟急。有旨諭閩矣。○山東巡撫崇恩奏。直東河路未清。京倉糧米。請暫緩買運。得旨。所奏尚係實情。著照所擬辦理。○江西巡撫陳啟邁奏。續造戰船將竣。委九江道恩齡督練水勇。報聞。○以山東曹單等處國防出力。賞把總唐玉輝藍翎。

訓導夏在庭等。加銜升敘有差。○追賞陣亡江南提督福珠洪阿。二等輕車都尉世職。○緩徵江西南昌新建豐城進賢清江新淦新喻峽江蓮花廬陵吉水永豐泰和安福鄱陽餘干萬年建昌安義玉山德化瑞昌湖口彭澤九江星子都昌永新浮梁樂平德安武甯興國高安上高義甯崇仁東鄉德興龍泉四十廳州縣被災被擾地畝額賦。並分別蠲免屯濠湖課等款錢糧。○賞江西浮梁縣被擾

實錄卷百三

四

難民一月口糧。並房屋修費。

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百三十一

實錄卷百三十一

四十五

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百三十二

監修總裁官禮部尚書文宗顯皇帝實錄館纂修官翰林院學士徐宗幹等奉勅撰修

大學士管理兵部事務加十三級紀錄十四次臣寶興等奉勅纂修官太子太僕寺卿開闢等纂修官原任禮部尚書

大學士管理戶部事務加十三級紀錄十六次臣周祖蔭等纂修官太子少保管理內閣事務加十三級紀錄十八次

鑲藍旗滿洲副都統戶部尚書管理左庫事務加十四級紀錄十二次臣寶興等纂修官鑲藍旗副都統管理鑲藍旗事務加十三級紀錄十五次

通國文館纂修官鑲藍旗蒙古副都統管理左庫事務加十四級紀錄十二次臣寶興等纂修官鑲藍旗副都統管理鑲藍旗事務加十三級紀錄十五次

欽修

咸豐四年甲寅六月戊辰朔諭內閣昨據惇

郡王奕誼等奏參鑲黃旗漢軍參領蕭鑑於
揀選公中佐領將新營房章京騎都尉惠麟
名牌駁不呈送經奕誼等傳訊猶復嘵嘵置
辯等語當諭令將該員如何置辯有無徇私
別情再行查訊具奏本日據奕誼等將該參
領剖辯之語聲覆又稱前奏草率奕誼自請
嚴議並劉鈺希拉布自請議處究竟該參領
蕭鑑有無徇私違例情事奕誼等何以奏參
於前又復自請處分於後著惠親王親王銜

定郡王載銓。東公查辦。據實具奏。○又諭。承志等奏。審明失察門丁書役。事後受贓之前任知縣。請旨革職一摺。所有前任奉天府承德縣知縣延瑞。及門丁樂昌等。應得處分罪名。均著刑部議奏。此案前經給事中賈世行參奏。聲稱聞有環慶隆錢鋪。將應交鹽課等銀。運送山西。被該縣差役攔回。罰銀擾累。現據承志等奏。有環慶隆錢鋪財東賈世行。現任御史之語。該給事中。以本身開設錢鋪。被

人訛索。何妨詳晰聲敘。據實具奏。乃輒以風聞入告。並不將實在原委陳明。實屬有心含混。賈世行著交部議處。尋議奏。賈世行。擬照含混題奏例。降一級留任。不准抵銷。得旨。賈世行。著改為降四級調用。以為言官居心巧詐者戒。○諭軍機大臣等。陳啓邁奏。賊匪竄擾德安建昌等縣。並另股闖入武甯縣城。一摺。武甯縣屬。前經逆蹤竄擾。此次復有另股土匪。乘勢撲入縣城。肆行搶掠。而由九江下

竄之匪。又復深入滋擾。建昌雖經退出。餘匪仍聚德安。若勒辦稍遲。一經會合。句結。必致蔓延為患。該撫現飭遊擊鐵林等。會剿武甯一股。並添派兵勇。令遊擊富克金。秦移建昌之師。進攻德安。務即嚴飭各該員。弁迅速相機前進。分投夾攻。總期立就殲除。不得以賊眾兵單。藉詞延誤。九江為該逆來路。所稱速集弁兵。由彼處躡賊之後。自為要著。果能扼守要口。絕其來蹤。庶截剿自易為力。義甯州緊連楚境。即為武甯前路。前派副將羅玉斌所帶官兵。能否扼要堵截。自應督飭該員。與先派防剿之已革總兵趙如勝。合力援剿。不得任令偷安。巧避。致誤事機。至各處土匪。乘機竊發。尤須隨時嚴拏懲辦。並著陳啓邁。飭屬認真擒捕。遇有匪徒聞風嘯聚。即行就地撲滅。若被逆賊句結。後始以兵力制之。辦理更覺費手。佛隆現已革職。新授九江鎮總兵居隆阿。到任需時。當此軍務喫緊之際。儻委

署無人。或暫令該革員隨同勘辦。亦無不可。但不准率請留營効力。為事後開脫地步。將此由六百里諭令知之。○以賊匪竄擾江西德安等縣。革總兵官佛隆。知縣劉希洛。景瑞。通判王宇英職。巡撫陳啓邁。下部議處。○撥戶部銀票四十萬兩。並淮安關銀四萬兩。解往南河。以備工需。○准吉林倉穀。每石作銀一錢。抵放官兵俸餉。○己巳諭內閣。每年遇朕萬壽。王大臣。均係穿蟒袍補褂七日。現在

直省逆匪未殄。若仍遵舊奉行。朕心殊覺慚。朕此次萬壽。王大臣。及在京官員。著於初八。初九。初十。等日。穿蟒袍補褂。其初六。初七。十一。十二。等日。均穿常服。○又諭英桂。奏參縣丞妄行出示。與知縣互相稟討。請分別審辦一摺。河南濬縣河工縣丞吳邦彥。係管河務汛員。於該縣徵收錢糧。率以拾見匿名揭帖。擅行出示。定價折錢徵收。以致完糧花戶。觀望不前。實屬任性妄為。且復列款稟討。該

縣。難保無徇私挾制情事。亟應嚴查懲辦。濬縣知縣澹臺繼夏。徵收錢糧。是否辦理不善。亦應徹底根究。吳邦彥著先行革職。澹臺繼夏著先行散任。一併交英桂。提集應訊人證。研審確情。據實具奏。○又諭英隆等奏參俄囉斯船隻。由黑龍江駛下。棄卡退回之官員一摺。俄囉斯毗接道路隘口。甚關緊要。允宜嚴加防守。乃駐劄烏蘇木丹卡倫之雲騎尉巴圖善。聞俄囉斯船隻。由黑龍江駛下。輒行

帶兵棄卡退回。實屬畏葸無能。巴圖善著革職。在卡枷號三箇月。滿日發伊犁充當苦差。兵丁著枷號二箇月。滿日鞭責一百。革去拜唐阿。巡查俄囉斯邊界之佐領。暫委協領桂慶等。並未前往堵禦。輒行退回。實屬不知奮勉。世管佐領桂慶。公中佐領鐵星。伊勒東阿。防禦色克精額。驍騎校訥保。均著交部嚴加議處。兵丁均著鞭責一百。革去拜唐阿。署理副都統印務協領瑚遜。係並未親率兵丁。前

往堵禦。查問俄囉斯船隻。亦屬輕視邊務。瑚遜布著交部議處。以為坐卡官之戒。○諭軍機大臣等。琦善奏。三次進攻瓜州。焚船殲匪。並催令舨師各船上駛一摺。連日攻剿東西兩岸賊匪。雖擊斃多名。仍未能克復瓜州。豈得謂大挫賊鋒。況夾板夷船。為賊礮轟燒。人多傷亡被擄。是水師已不免挫折。雖陸路疊有斬擒。焚燬賊船二隻。亦屬得不償失。現在艇船俱寄泊瓜州上游。究竟如何接仗。該大臣自應嚴飭該鎮等。飛速稟報。何至數日之久。尚未知接仗情形。據稱浙師各船。駕駛不能得力。且毫無紀律。水師疲玩積習。最堪痛恨。現在水師既歸該大臣節制。惟當激勵將弁。力圖振作。督飭各船。駛赴上游。力扼鎮江。金陵賊匪接濟之路。儻仍前玩泄。即遵疊次諭旨。將該鎮等從嚴懲辦。一面飛催紅單各船。剋期駛入長江。與向榮合力攻剿。務當督飭各軍。迅圖克復瓜州。毋再遷延。致干重罪。

將此由六百里加緊諭令知之。○又諭。前因江南焦山水營需用藥鉛。令由江蘇總局豫備接濟。乃本日琦善奏。水師情形。有所需火藥礮子。為數較多。該督撫未能應付等語。水師軍餉火藥等項。向由江南撥給。況目下阻截江面賊匪。全賴舟師。廣東所調紅單等船。亦將次陸續入江。更應寬為籌備。怡良。許乃釗。職任疆圉。於江省辦賊事務。均有責成。乃餉需一項。怡良等前次奏報。既以淮揚徐海各屬地丁錢糧。及鹽關課稅銀兩。業經撥解該大臣軍營。不能分濟師船。已屬不顧全局。而於應用火藥。亦復不肯籌撥。豈因琦善有節制水陸各營之旨。有心推諉。令其掣肘。且屢次陳奏。皆以供應金陵鎮江上海等處為詞。顯欲以瓜揚一帶。專付之該大臣。試問藥餉未能湊手。萬一舟師潰散。致逆賊從下游江口。乘間闖入上游。陸路官兵。豈能於水次遙為堵截。據琦善奏。現在營內火藥。均屬自

買硝磺派員監造斷不及再撥水營自係實在情形著怡良許乃釗督飭署藩司何俊查明從前動款購買之硝磺現飭近省各營製造若干即行儘數提撥迅速派委員弁解往應用不得區分畛域有誤急需亦不准局員託故遷延致干罪戾將此由六百里加緊諭令知之○又諭前據台湧奏賊踞漢陽漢口擬由孝感之楊店應城之長江埠分路進剿俟舒倫保桂明來至德安面商辦理當諭令

實錄卷三十三

八

該督等迅速分路進兵並催後起官兵以資攻剿茲據舒倫保桂明奏稱逆賊四處滋擾該將軍等即於武勝各關擇要防剿等語仍係前數日情形何以於五月二十四日具奏之時尚未接准台湧知會殊不可解現在賊踞漢陽一帶該督等務當通籌全局和衷共濟總以隨剿隨進援應武昌為要若株守武勝各關頻兵不進豈不貽誤事機現在楊需已帶兵馳往豫楚交界防堵舒倫保桂明自

應迅速進兵並催後路續進之兵趕緊前進與台湧相機進剿毋得遲誤致干罪戾桂明片奏請撥餉銀等語已諭令王慶雲再籌銀四萬兩迅解軍營舒倫保桂明與台湧同援武昌此項餉銀到營時務即不分彼此通融支用以資接濟本日據英桂奏稱前由張店退回麻城股匪在梅家樓地方滋擾該署知縣帶勇進剿至隴困橋遇害現在麻城並宋埠上中驛等處均有賊匪數千該撫現已飛

實錄卷三十三

九

咨楊需由信陽州馳赴光州督剿該督等督兵前進仍須懍遵疊次諭旨嚴防該逆乘虛北竄仍隨時知照楊需加意嚴防為要將此由六百里加緊各諭令知之○又諭寄諭黑龍江將軍奕格英隆奏俄囉斯船隻由黑龍江下駛進入內地由江直下一摺俄囉斯船隻已由黑龍江下駛該坐卡官員未能攔阻追趕不及該俄囉斯呈稱欲與啖咭喇侵擾請由大島經過等語該夷等彼此爭擾雖與

中國無涉。然其中恐有狡詐。著坐卡官員等。不時嚴密防查。儻俄囉斯等有擾及內地情事。該將軍等。惟當持以大義。辦理不可輕率。仍諭坐卡官員等。妥為防守。亦不可起釁生事。○又諭昨據英隆等奏稱。俄囉斯船隻。由黑龍江下駛。進入內地。由江直下等語。前據俄囉斯。屢欲遣人赴京。至理藩院。云有緊要事件。並未陳明實情。現在黑龍江交界等處。有俄囉斯船隻。逐一查詢。雖據稱。係與英咭

實錄卷三十三

十

喇等互相爭擾。其中恐有別故。著德勒克多爾濟等。遇便傳喚俄囉斯。面加詳詢。伊等船隻。赴東海大洋。究係何故。由何處行走。何如此緊急。詢明後。由該大臣再行密奏。原摺著鈔給閱看。○河南巡撫英桂奏。逆匪竄近豫疆。並查辦尉氏。許州。鄉民滋事情形。得旨。許州尉氏兩案。甚關緊要。固不可寬縱。差役尤不可遷就了事。致長刁風。為首倡謀之犯。盡法懲治。斬梟示眾。以儆其餘。○雲南學政楊

式穀奏。迺西歲試完竣情形。得旨。何文學甚詳。武學甚略。未免習氣太重。以後力戒之。○以扎薩克貝子諾木巴達拉呼子。二等台吉察克都爾扎布。襲爵。○黑龍江副都統清安。年老休致。以黑龍江協領富呢雅杭阿。為副都統。○命陝西巡撫王慶雲。撥銀四萬兩。解赴湖北。以備軍需。○賞連鎮及高唐軍營兵丁暑藥丸料。○貸福建陸路提標五營泉州城守營兵丁穀價銀兩。○庚午。諭內閣。副都

實錄卷三十三

十一

統達洪阿。自發往軍營以來。屢次打仗。皆以身率先。奮力獲勝。茲聞接戰。驟傷左肩。喀血。實屬奮勉可嘉。達洪阿著賞給馬褂料一件。巴圖魯玉翎管一箇。四喜搬指一箇。嵌珊瑚火鐮一把。大荷包一對。小荷包四箇。並加恩賞給伊姪孫滿洲火器營委參領富成。二等侍衛。以示鼓勵。○諭軍機大臣等。前因逆匪被圍日久。死拒不出。諭令僧格林沁等。擇要設伏。誘使出巢。痛加剿洗。乃本日據該大臣

等奏稱二十九日列隊進攻達洪阿身受重傷。兵勇陣亡三十餘名。顯係我兵失利。所稱各營馬步官兵將該逆擊退語涉含混。並未將是日接仗情形詳細聲敘。該大臣統領全軍。勦辦此股逆匪。惟恃它壕坐困。於攻勦事宜毫無把握。既未將賊巢剋日掃除。而我兵出隊復屢有挫折。似此日事遷延。老師靡餉。罪將誰諉。高唐竄匪尚未殄滅。設此股負隅久踞。牽掣我師。或紛竄蔓延。肆行勾結。其患

實錄卷百三十一

十三

曷可勝言。況皖楚賊匪難保不復圖北竄。畿輔一日不清。大兵即不能南下。朕宵旰焦勞。難安寢饋。該大臣身受重恩。亦當為朕分憂也。副都統松玉日久未見打仗。現在何處。劉營是否得力。著查明具奏。陣亡守備哈清魁。巡捕營把總常山均著咨部議卹。將此由六百里加緊諭知僧格林沁。並諭西凌阿。托明阿知之。○以黑龍江參領台桑阿為墨爾根城副都統。○予直隸阜城軍營病故副都統

烏凌額祭葬卹廕如例。○辛未補鑄江南江安督糧道倉庫大使關防。興武衛守備印信。從巡撫許乃釗請也。○壬申諭內閣。惠親王親王銜定郡王載銓奏遵旨查辦。惇郡王奕誼等。奏參領蕭鑑一摺。此案奕誼於該參領蕭鑑不准新營房章京惠麟送挑中公佐領各情。未能詳細聲敘。輒請將蕭鑑革職。已屬草率。迨經諭令查詢。有無徇私別情。乃於覆奏摺內。遽行自請嚴議。亦覺失當。且既將

實錄卷百三十一

十三

惠麟擬定第一。旋又將該員名牌撤下。尤屬自相矛盾。副都統劉鈺希拉布並未細心商酌。即行隨同畫稿。亦屬非是。參領蕭鑑雖訊無徇私情事。惟不詳查成例。輒堅執不准赴挑之詞。多方剖辨。實屬錯誤。新營房章京惠麟係例應挑選公中佐領之員。惟所稱該參領把持阻撓。並無確據。率行砌詞呈訴。顯係負氣忿爭。惇郡王奕誼副都統劉鈺希拉布參領蕭鑑。新營房章京騎都尉惠麟著交各

該衙門分別議處。惇郡王奕諒著毋庸管理。鑲黃旗漢軍都統事務。○浙江巡撫黃宗漢奏。廣東應行採買米石。由浙代辦運津。以實倉儲。得旨。所辦認真之至。如有未盡事宜。隨時請旨。○荊州將軍官文等奏。勦匪疊勝。荆屬漸清。酌撥川兵赴省應援。得旨。荆郡現可無虞。酌撤防兵。亦節省經費。安定人心。要著雙保等川兵。既可隨勦隨進。著嚴催速援武昌。官文等統籌全局。所見甚是。又奏。荊州官

實錄卷三十三

十四

兵俸餉無著。請隨時酌留四川解楚餉銀。以資接濟。批著照所請行。然不可漫無限制。仍應隨時具奏。○調鑲紅旗蒙古都統恭親王奕訢。為鑲黃旗漢軍都統。以都察院左都御史聯順為鑲紅旗蒙古都統。○癸酉。諭內閣。前因御史孟洋奏。山西洪洞襄垣襄陵垣曲等縣。徵收錢糧。不協輿情。當經降旨。交恒春確查。嚴叅。茲據該撫奏稱。委員查明。洪洞等縣。徵收錢糧。並無抑勒浮收。辦理不善之處。

該御史所奏。著毋庸議。言官例准風聞奏事。然不當以毫無影響之詞。率行入奏。況孟洋籍隸山西。奏本省事件。更應當見聞較確。何以經該撫飭查。所奏各款。無一確據。嗣後御史言事。務當訪查確實。不得以傳聞無據之詞。妄行彈劾。亦不得有意模稜。自甘緘默。至各省大吏。遇有特旨交查之案。尤當細心訪察。務得真情。不准袒護屬員。輒以查無實跡。一奏塞責。如御史有受人慫恿。挾嫌誣陷。督

實錄卷三十三

十五

撫有瞻徇情面。開脫消弭者。日後別經發覺。必治以欺飾之罪。將此通諭知之。○諭軍機大臣等。戶部奏。請飭催銅斤。由河運前進等語。據稱雲南委員周力壩。景堯春。二運銅斤。已由河南催抵大名之龍王廟地方。尚未准直隸總督咨報到部。京局鼓鑄需銅。甚為緊要。現值盛夏。大雨時行。設直隸陸運稍有阻滯。必致貽誤。若由大名陸運至冀州李家莊。雇備船隻。順流運至天津。轉輓抵通。較之長

途陸運尤為便易。並可節省經費。該二起運京銅斤。前經諭令桂良派員妥速兌收。趕緊解部。何以日久尚未據報由直起運。著桂良仍遵前旨。迅速催趲解部。其由冀州李家莊河運抵津。是否可期。迅速並著桂良酌度情形。速籌妥辦。無論水陸。務於七月內全數運京。不得稍有遲誤。至蔡傳樞一運銅斤。據山東巡撫於四月內咨部。上年在濟甯守凍迄今仍未奏報出境。實屬任意逗遛。著崇恩確

奏案卷三十一

十六

查該運銅船。現在行抵何處。飛速派員迎提。催趲出境。即道路偶有梗阻。亦須設法繞道前進。剋期輓運交局。毋稍稽延。將此由四百里各諭令知之。○補鑄湖南巴陵縣知縣印信。從巡撫駱秉章請也。○以克復湖北監利石首。湖南華容縣城。賞同知陳均遠。守備高騰。滿宗維。清花翎。四川廩生張于銘等。藍翎。餘升敘有差。○停徵河南鞏縣水占沙壓地畝五百三十頃有奇額賦。○甲戌。

上詣

仁壽寺

弘仁寺

時應宮拈香。○諭軍機大臣等。前因賊踞漢陽一帶。疊次諭令台湧等通籌全局。迅速進兵。援應武昌。茲據青麇奏稱。外援久盼不到。連日逆匪屢撲省城。復於距省上六十里之金呂下七十餘里之白湖鎮。正東六十里之豹子澗。分股盤踞。省城情形。日形危急等語。

奏案卷三十一

十七

前於五月初八日。即據該督奏稱。馳赴德安。相機進攻漢陽。嗣於五月二十一日。復據奏稱。擬由孝感之楊店。應城之長江埠。分兵進剿。自應與舒倫保桂明。趕緊督兵前進。並飛催後起官兵。迅圖攻剿。何以又隔多日。未見將攻賊情形。馳奏。朕心實深焦急。該督身任兼圻。履任之初。正值黃州兵潰。楚豫門戶。萬分緊要。自不暇兼顧武昌。此時舒倫保桂明。先後帶兵趕到。其雲夢應山等處。亦漸次肅

清。正當嚴飭官兵。會同前進。急攻漢陽漢口。以為武昌應援。刻下省城守禦日久。勢甚危急。儻稍有疏虞。該督貽誤之罪。豈能稍從末減。著即與舒倫保桂明迅速進兵。攻克漢陽。為救援武昌之計。或分路進攻。或合力會剿。惟在該督等酌量布置。豈可各存意見。遷延觀望。致誤事機。台湧與舒倫保桂明同援武昌。係共辦一事。屢次諭旨。均責成該督會同該將軍等籌剿。嗣後舒倫保桂明務與台湧會銜奏事。總期同心協力。勦賊肅清江漢。儻仍擁兵不進。藉詞延宕。致有疏失。朕惟執法從事。決不姑寬。將此由六百里加緊諭知台湧並諭舒倫保桂明知之。○又諭青麇奏省城危急。請飭舒倫保桂明救援一摺。前有旨令舒倫保桂明由應山遄發。不准在武勝各關頓兵不進。諒該將軍提督等即可與台湧先後進兵。應援武昌。本日復降旨。催令督兵前進。惟賊蹤靡定。江北之兵。利在速剿。亦須

嚴防賊匪乘間北竄。武昌勢固危急。亦須兼籌全局。豈可專恃外援。諉罪他人。青麇仍當激勵將士。以勦為守。或扼截該逆登岸之路。或於沿江上下。時出奇兵。明攻暗擊。總不可稍有疏懈。致墮賊計。前據官文貴陞奏荆屬漸就肅清。現飭雙保福忻督帶兵勇。由了角驛赴潛江。渡襄河。從仙桃鎮麥芒嘴等處隨剿。隨進。以援武昌。並將川餉二萬兩。及鹽課所易之銀五千餘兩。派荊州營千總黃家驥等護送。取道大江。順流赴省。是兵餉均已漸集。青麇即可派撥弁兵。前往迎護。至青麇稱屢咨督臣應援。數月不覆一節。前據台湧奏春間所覆兩函。均為賊得。並有來差艾榮。即係奸細。前曾入省充勇。有詐領藥丸。潛運賊營之事。賊情詭譎異常。嗣後來往咨函。益當嚴密。毋令該逆得知虛實。青麇與台湧均職任疆圉。並當和衷籌辦。不得各懷意見。致誤軍情。將此由六百里加緊諭令知之。○又諭

和春福濟奏連日攻勦情形一摺。我兵攻勦廬州逆匪。雖屢獲勝仗。而郡城總未克復。和春等辦理此股賊匪。已逾半年。前次賊踞六安。倚為犄角。現在州城攻克。我軍全力專注廬郡。何尚毫無把握。據奏賊眾千餘。向南行走。恐竄出之賊。尚不止此數。儻該逆大股潛遁。又擾他處。而以零星賊匪牽綴我師。即使收復空城。於事何益。和春節制全軍。福濟職任巡撫。均屬責無旁貸。總當設法進攻。及早

克復。不得再有延誤。致干重罪。另片奏。已革守備吳錫光。呈出陳啓邁信件。以江西需勇防堵。竟敢造言煽惑。私行帶去各勇一千餘名。實出情理之外。和春久歷戎行。自當嚴申紀律。方足以激勵軍心。乃於此等抗違不法之員。僅請飭令陳啓邁不得容留。並未嚴叅治罪。似此一味優柔。無怪將士不能用命。日久無功也。吳錫光所帶各勇。著和春迅派妥員。馳往管帶。並將吳錫光截回廬州。即在軍

前正法。但不可先行洩漏。致吳錫光脫逃。或煽惑各勇。又致激生事端。和春係朕特派督兵皖省勦賊大員。各路鎮將。均歸統率。如有遷延不進。即當隨時嚴叅治罪。何以珠克登等帶兵不能奮勇。直至接奉硃批後。始行奏。似此瞻徇惡習不除。何以統率將士。福濟自到軍營。屢次奏報。不過後路接應。亦未運籌決策。擁兵糜餉。日久無功。豈謂朕不能執法從事耶。失守太平府城之署同知李三捷。

署當塗縣知縣府經歷王乃晉著一併先行革職。仍留署任。學政孫銘恩。殉難情形。著查明具奏。將此由六百里加緊諭令知之。○賞四川總督裕瑞子治儀正岳林三等侍衛。在乾清門行走。○以湖北應山縣勦賊出力。賞佐領慶元。巴呢泰。防禦柯克僧額。花翎。防禦佛爾果春等。藍翎。餘升敘有差。○以安徽廬州勦賊無功。革總兵官珠克登。楊青鶴。副都統忠泰職。仍留營効力。○予湖北殉難署安

陸縣知縣萬成。祭葬世職。○乙亥。

上幸瀛臺。○諭內閣。王懿德奏。上游官兵擒獲

賊首。餘匪漸就肅清。一摺。福建永安縣會匪

江水。占踞岩洞寨。與陳簡等屢抗官兵。經護

延建邵道胡應泰。參將李煌等督兵兜捕。署

守備曹鳴鴻。將陳簡手刃斃命。李煌親督大

隊。將賊首江水。並助逆股首九名。同時擒獲。

分別凌遲處死。梟示。地方漸就肅清。該匪江

水。與林俊。黃有使。分股滋擾。現經胡應泰。李

煌等削平逆壘。擒獲賊首。辦理尚屬妥協。所

有在事出力員弁。及聯甲紳耆人等。著王懿

德酌量保奏。仍飭將林俊。黃有使。嚴拏務獲。

以絕根株。○以擁兵遷延。革福建金門鎮總

兵官鍾寶三任。仍留營効力。以廣東海安營

遊擊陳國泰。為福建金門鎮總兵官。○貸福

建金門鎮兵丁穀價銀兩。○丙子。

萬壽節。遣官祭

太廟後殿。○遣官祭

福陵。

昭陵。

昭西陵。

孝陵。

孝東陵。

景陵。

泰陵。

泰東陵。

裕陵。

昌陵。

昌西陵。

慕陵。○遣官祭

孝德皇后殯宮。○遣官祭

顯佑宮。

東嶽廟。

都城隍廟。○

上詣

奉先殿。

大高殿

壽皇殿

壽康宮前殿行禮後殿

皇貴太妃前行禮。御乾清宮。王以下文武大臣官員蒙古王貝勒貝子等行慶賀禮。○丁丑諭軍機大臣等。連鎮賊匪久未殄除。疊次嚴諭僧格林沁等。剋日進攻。迅殲羣醜。乃本日據奏。連日大雨。進剿仍未得手。並未將如何籌剿情形。詳細聲敘。朕心殊深焦灼。該大臣

統領全軍。日久合圍。且兼天氣炎蒸。日復一日。我師必致疲乏。若不及早進兵。任令該匪乘間逃散。萬一與高唐竄匪互相勾結。辦理更形棘手。老師糜餉。該大臣自問於心何安。著即趕緊督兵圍剿。毋再延緩。將此由六百里加緊諭知僧格林沁。並諭令西凌阿。托明阿知之。○又諭勝保等奏。連日逆匪乘夜撲擾。經官兵擊殺多名。未容竄出一摺。逆匪於二十三日以後。每夜潛出數百人。暗撲我軍。

顯係被圍情急。意欲乘間兔脫。雖經我兵隨時擊退。未容竄逸。而該逆負隅死守。殄滅無期。所造攻具。又因雨水不能得力。若再遷延時日。勢必師老力疲。坐待該逆潰圍而出。該大臣尚復何顏對朕。據稱現存之賊。數不盈千。我兵馬步三四千名。似已足敷圍剿。該逆雖兇狡異常。何至屢次暗撲。我兵毫無知覺。至官弁陣亡多名。可見圍攻日久。各營弁兵漸就懈怠。故逆匪得以乘虛潛襲。該大臣所

謂布置者。亦不過徒脫空言。希圖塞責。此等軍營積習。豈能掩人耳目。營中精銳之材。固應愛惜。亦豈得藉口耽延。該大臣統領全軍。勦辦此股敗竄餘匪。既未能克復孤城。又於賊匪潛撲我營。不能先時設備。且逆匪全數在城。並未分踞城外。我兵尚離城一二里。總未逼近賊巢。似此曠日持久。何時始克奏功。著勝保嚴飭各營將弁。一面迅速進攻。一面嚴防賊匪竄逸之路。務須相度地勢。設伏以

待斷不可任賊乘虛逃竄。至蒙古官兵不聽培成那數德約束。經赴連鎮。該員等統率無方。已可概見。若各營官兵紛紛效尤。尚復成何事體。著該大臣隨時嚴查懲辦。毋稍姑息。將此由六百里加緊諭知勝保。並諭德勒克色楞善祿知之。○又諭僧格林沁等奏請飭張起鵠折回連鎮籌辦支應等語。現在勝保勦辦高唐賊匪。尚未蒞事。張起鵠隨營已久。未便折回連鎮。僧格林沁軍營兵數既多。糧臺支應一切。款目繁雜。著桂良派委幹員前往辦理。毋稍遲誤。將此由六百里諭令知之。○又諭琦善奏陸路進勦情形。並水師大獲勝仗一摺。賊船占踞江面。必須水師衝擊。斷賊南北來往之路。勦辦方能得手。五月二十八日。及六月初二等日。水師連次獲勝。可見各路師船。如果調度有方。尚屬可用。江面遼闊。師船已提至瓜州以上。分泊南北兩岸。仍恐該逆乘虛窺伺。我師轉形單薄。惟在扼要

布置。隨時激勵。以少勝多。賊船屢次由金陵下駛。向榮株守城外。日久無功。即不能迅復堅城。亦當於陸路接應。扼賊分竄。向榮與琦善共辦一事。若先將瓜州賊匪殄除。即可次第進勦。會同克復鎮江金陵。著該大臣等於南北兩岸。嚴飭帶兵各員。於陸路要隘。併力截勦。與水師互為援應。毋得稍失事機。紅單船於二月由粵放洋。四月杪已由廈門起碇。何以至今尚無過浙到滬確信。顯係沿途逗遛。著琦善向榮飛催迎提。並查明統帶各員。在何處耽延。即行從嚴叅辦。將此由六百里加緊各諭令知之。○欽差大臣琦善奏連攻瓜州獲勝。水師在儀徵江面截勦賊船。焚奪殆盡。得旨。水師尚屬可用。隨時激勵用之。○以丁憂按察使瑞璜暫留福建。辦理善後事宜。○釋已革甘肅遊擊冷震東。發往琦善軍營差遣委用。○以江蘇瓜州勦賊獲勝。復已革總兵官葉常春。陳世忠。副將李德麟。遊擊

周士法張攀龍職○予山東高唐州陣亡營
總托克通阿侍衛恭鈺把總葛太平祭葬世
職

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百三十二

奏

奏

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百三十三

奏

咸豐四年甲寅六月己卯諭內閣御史薛鳴

皋奏形跡可疑人犯請從寬典審辦一摺前
因侍郎王茂蔭奏稱各處拏獲人犯多先用
煙薰取供當經降旨交問刑各衙門查明如
果屬實即將原拏承審之員指名叅辦並因
雨澤愆期特飭刑部及順天府將犯案悉心
推求逐一清釐原為人命至重斷不可以疑
獄即成信讞至殺不辜至巡防王大臣審辦
形跡可疑人犯數月以來分別問遣及開釋
者不下七八百人其情罪較重法無可貸立

置重辟者止數十人。且審訊時並未刑求。豈得謂有冤抑。該御史未知確實。輒以自拔來歸。請從寬典。不知此等重罪人犯。受賊指使來京。或探聽消息。或圖偷買火藥。或隨賊抗拒。戕害官兵。其非自拔來歸。已無疑義。若各處軍營所奏。自拔來歸。殺賊自效者。皆係確有憑據。不但開釋罪名。且破格施恩。以昭激勸。該御史所奏。照照為仁。漫無區別。豈以縱奸養惡。為好生之德。遂足消除冷氣耶。所奏

實不可行。著無庸議。○庚辰

上詣

壽康宮問

皇貴太妃安。○諭內閣。前因許乃釗。勦辦上海賊匪。遲延貽誤。曾經降旨革職。留任嗣復摘去頂帶。以示薄懲。冀其奮勇圖功。稍贖罪戾。茲據奏稱。勦匪情形。仍是空言粉飾。毫無把握。逆匪竄踞上海縣城。已逾半載。該撫督辦攻剿。勞師糜餉。日久無功。殊堪痛恨。許乃釗

著即革任。交向榮差遣。委用以觀後效。○又諭駱秉章奏。新授提督難期勝任等語。湖南提督常存。前在署總兵任內。帶兵赴長沙防剿。先經張亮基等派令。劄營河西。旋復改派往天心閣守城。據駱秉章此次所奏。係因該員移營江岸。遇賊不前。是以撤回。改派令其稽查兵勇出入。乃連日召見常存。詢以長沙守禦事宜。轉稱從前劄營江岸。亦有斬獲。嗣因天心閣防守喫緊。始將該員移往。於當日

緩急情形。任意顛倒。希圖欺飾。常存著降為副將。發往直隸。交桂良差遣。委用。儻仍不能得力。即著隨時察看。據實參奏。○又諭駱秉

章奏。勦辦崇通賊匪。連獲勝仗一摺。崇通賊匪業已大受懲創。其竄踞湖南之賊。據奏兇渠偽目。多已授首。敗殘餘匪。疊經各州縣兵勇圍聚。協辦截剿。湖南近省地方。現已一律肅清。著塔齊布等督領兵勇。乘勝追殺。毋留餘孽。迅即馳赴岳州。相機攻剿。所有截擊潰

匪。及此次平江勦賊獲勝之各員弁兵勇著該撫擇其尤為出力者彙入湘潭出力案内覈實酌保。候朕施恩。毋許冒濫。諭軍機大臣等。台湧奏派兵進勦阜市一帶賊匪並片奏將軍舒倫保逗遛不進各情。現在應城亦經收復。德安等處餘匪漸就肅清。而天門縣屬與該縣交界之阜市一帶尚有賊眾盤踞滋擾。台湧現派佈克慎帶兵馳往勦辦。此股賊匪無多。無難迅就殄滅。自無須大兵全數

久駐。該督移師德安以後。將及市月。仍未督兵南行。即謂必須計出萬全。方操勝算。亦不應似此遷延株守。致誤事機。此時黃州漢鎮大股負固如常。兼以楚南逆蹤全行下竄。皖江潰敗之匪紛紛駛入上游。武昌待援情形何等緊要。儻以援兵未到。致有疏虞。台湧又豈能置身事外。節次所降諭旨。既詳且備。著該督迅籌進攻之策。一面嚴飭佈克慎速將阜市一股滅盡。以為前路之導。一面統兵前

進。探賊所向。奮力殲除。總期節節打通。與省城聲勢聯屬。庶可為會合夾攻之計。桂明現已行抵德安。其所帶官兵一千八百餘名。皆係勁旅。或令該提督全數帶同進勦。或應留若干扼要設防。均由台湧酌量調度。至桂明如不得力。並著隨時察看。據實奏。舒倫保藉病稽遲。既屬不能助勦。著即傳知該將軍來京陛見。所有原帶之已到官兵。即歸台湧統帶。其未到之後。起各隊。仍著檄提來營。以

資攻勦。前據官文等奏。荊州各屬諸就肅清。已分兵由襄河入江。隨地勦洗。冀可直達武昌。是西路亦有應援。當此兵力厚集之時。台湧職任疆圉。膺茲統兵重任。事權既一。責有攸歸。惟在體察機宜。妥速籌辦。毋得再事迂緩。致干罪戾。將此由六百里加緊諭令知之。○又諭本日據許乃釗奏籌辦滬匪情形。並喚夷要求照會等語。許乃釗督師上海日久。無功處處為喚夷所挾制。此次率與照會。不

嘗授人以柄。尤屬不知大體。殊堪痛恨。已明降諭。旨將許乃釗革任。授吉爾杭阿為江蘇巡撫矣。上海匪徒。戕官踞城。瞬逾十月。調集官兵不少。早應迅籌攻復。以免金陵大營分兵掣肘。許乃釗初則誤聽撫議。墮賊奸計。繼則屢為夷兵所阻。不能奏功。此次啖夷至滬。求見。復不能折之以理。致令得肆要挾。且據奏稱。必須官兵復城。不藉外夷之力。何以遽行給發照會。僅令將戕官兩犯交出。其該夷

欲將賊匪帶往他處。並無一言阻止。但令豫為說明地方。種種悖謬。殊出意料之外。各夷立約通商。本有一定處所。地方公事。尚且不准干預。況用兵勦賊。豈得令其與聞。其並非通商之海口。向來不准夷船駛入。許乃釗片奏。啖夷船隻。於五月二十三日。駛入焦山江面。探稱欲至金陵。而前次琦善奏報。併稱接到許乃釗知會。有味喇堅夷船入江。囑勿開礮轟擊之語。是許乃釗信夷已深。毋怪該夷

恣意尋釁。以前上海夷務。皆吳健彰經理。此時該員復以偕咪國麥酋赴崑山謁見督臣。置身事外。難保非該員豫知夷情。有心趨避。即難保非吳健彰之不善駕馭。以受制於該夷者。即以之恐嚇許乃釗。故歷次奏報。惟以吳健彰之言為憑也。吉爾杭阿由監司擢任巡撫。未及一年。受朕特恩。膺茲重寄。宜如何感激圖報。著即督率各路兵勇。迅速籌攻。務將滬城剋期收復。所有首要各逆犯。必須悉

數殲擒。萬不准任該夷藏匿。致將來復擾他處。其劉林兩逆。有無內關。林阿幅是否航海遁去。許乃釗所恃閩廣鄉人。解散城中。黨與果否可信。其願為內應。導引官兵入城一層。該撫務當慎重斟酌。不可再蹈許乃釗招撫故轍。至啖夷現在作何計較。該撫當相機妥辦。萬不可輕易授之以柄。轉令有所藉口。如果吳健彰辦理不善。即行據實奏聞。茲已諭令葉名琛妥諭香港夷酋。曉以利害。令將咆

吟等速為彈壓。仍著該撫察看動靜。隨時具奏。儻不能迅復孤城。或致該夷別生枝節。朕惟吉爾杭阿是問。將此由六百里加緊諭令知之。○又諭。前據怡良等奏。咪夷船隻欲赴鎮江。面見總督。嗣據琦善奏。該夷船由鎮江徑泊浦口。且停駐瓜州。與逆匪往來勾結。而咪夷在上海。事事阻撓。狡譎尤甚。當我兵追賊之時。輒敢用槍將潮勇擊傷。轉向大營索取還槍之人。又稱欲將上海逆匪送往他處。

如果不允。即駛赴天津等語。中國海口。除通商五口外。向不准夷船駛入。乃近日夷船肆行無忌。或往鎮江。或往金陵。與逆匪相見。顯違成約。該夷既與中國和好通商。何故與逆匪往來。殊非和好之意。況當江中征戰之際。設或槍礮誤傷我兵。不能任咎。著葉名琛。向夷酋咆吟。賜德齡嚴詞正論。曉以利害。必能杜其奸萌。咆吟甫於三月十六日來粵。即於五月二十六日。帶兵船至上海。又別遣夷酋

麥華陀於五月二十三日。帶火輪船赴鎮江。如果實與俄羅斯構難。何能從容往來內地。其為包藏禍心。已可概見。葉名琛專司辦理夷務。著即責以成約。令其轉飭上海夷人。不得任意游駛。並諭以江岸海口。現在皆有重兵。若不遵約束。經我兵勇擊殺。是該夷自貽之戚。於我無尤。使該夷知我不以起釁為怯。方不致日肆鴟張。該督諒必能悉心籌畫。消患於未萌也。咪啡各夷。亦著一併剴切曉諭。

至俄夷近日作何舉動。粵省有無確耗。並著隨時具奏。將此由六百里加緊諭令知之。○又諭。前因王茂蔭奏。請將皖省徽郡暫歸浙江管轄。當經諭令黃宗漢將該郡防勦事宜。悉心籌畫。未據該撫將辦理情形覆奏。本日復據王茂蔭奏。稱徽州府知府達秀信任門丁李姓。並廩生潘炳照。於捐輸團練多方擾累。該處民捐錢文不下十數萬。因被經手人冒銷用盡。乃復立續捐局。按戶誅求。怨聲載

道所雇鄉勇多花會中人於祁門黟縣市鎮姦淫搶掠兩邑之民羣起公憤欲豎義旗以抗勇請飭黃宗漢就近查辦等語徽郡為浙省門戶脣齒相依現在安徽巡撫遠處廬州鞭長莫及王茂蔭所奏各情即著黃宗漢迅派明幹之員前往徽州嚴密查辦該府達秀如不勝任即著據實叅奏不得因隔省非其統轄稍存歧視原摺著鈔給閱看將此由四百里諭令知之○以江蘇布政使吉爾杭阿

為巡撫調山西布政使陶恩培為江蘇布政使賞已革大理寺卿恆福三品頂帶署山西布政使○實授塔齊布湖南提督以江蘇上海打仗奮勇賞都司世銘花翎○辛巳諭內閣前經降旨著各路統兵大臣暨各該督撫迅速查明逆匪經過地方陣亡鄉勇除例得請卹外其有激於義憤殺賊殞身者無論防勒逆匪土匪准令紳民於各該地方建立總坊一併題名並從祀忠義祠以昭激勸惟

向來建坊入祠之案例皆按年彙題由部覈覆未免往返需時所有各處紳民殺賊遇害既由各路統兵大臣及各該督撫查明著於該州縣申詳到時即行遵旨建坊入祠隨時咨部存案俾免稽延至有合家男婦同時殉難者並准照總坊例聽其自行另建一坊以示表異其婦女恐被玷辱捐軀明志者准其從祀節孝祠以慰貞魂○又諭達洪阿帶兵勦賊身受槍傷猶復裹瘡力戰實屬奮勇茲

又因傷患病著加恩賞給如意拔毒散交伊子戶部員外郎穆克金布齎往軍營看視○諭軍機大臣等前據僧格林沁奏連日大雨進剿仍未得手當經諭令該大臣趕緊進攻數日以來未見續報逆匪既分竄高唐則連鎮之賊其勢已孤該大臣於攻剿事宜何以尚無把握實深焦灼本日據琦善奏稱拏獲偽總制劉玉山供稱逆首楊秀青聞北路賊匪被圍欲派大股黨與從揚州清江北竄等

語。現在琦善大兵駐劄揚州。自可隨時堵禦。惟北匪一日不除。設南匪又從間道北竄。會合其事。更不可問。總之連鎮逆匪若能及早殄除。不但該逆不敢窺伺河北。大兵且可乘勢南下。皖楚之匪亦可次第掃除。若以敗竄餘匪牽掣大兵。曠日持久。深恐別滋他變。該大臣身受重恩。亦當籌慮及此。著即督飭各路將弁。剋日進攻。毋再遷延。致干重罪。將此由六百里加緊諭令知之。○又諭本日據琦

善奏稱。拏獲偽總制劉玉山。供稱逆首楊秀青因北賊被圍。欲派大股賊匪由揚州清江。北竄應援等語。琦善大兵駐劄揚州。自可隨時堵禦。但北賊一日不除。則南賊救援之心不絕。設或大股復來。剿洗更屬不易。此時高唐逆匪不足千人。該大臣督兵攻剿日久。無功。恐南賊聞之。有輕量我軍之心。勢必乘虛北竄。更肆猖獗。若能及早蕩平。可以杜其覬覦。著勝保等督飭將弁。一鼓作氣。迅將高唐

州城克復。此股既平。即可與僧格林沁合力。剿辦連鎮逆匪。既可肅清畿輔。兼可為南下之舉。若曠日持久。致令南賊續行北竄。餘燼復然。該大臣自問當得何罪。將此由六百里加緊諭令知之。○又諭琦善奏。艇師續獲大勝。並儀徵六合。剿匪情形一摺。我兵自前月攻剿。疊獲勝仗。葉常春等將水軍各船駛赴上游。燬船殲匪甚多。復於六月初二日。沂流迎剿。兩路追截。賊船不能下竄。遊擊照信等

及前任副都統富春等所帶兵勇。亦於儀徵六合沿江一帶。各有斬擒。軍聲大振。逆膽已寒。即可水陸夾擊。杜絕接濟。以孤瓜州賊勢。琦善因瓜州與鎮江密邇。中有金山賊壘。與為犄角。恐官軍戰艦難於扼斷。尚屬實情。然水師既能得手。亦須陸路設法直抵該逆瓜州土城。方為勝算。若如所奏初三四等日進攻情形。仍以閉營阻水為詞。當此夏令盛行。積潦狂風。江鄉常事。豈能待水退泥乾。方作

破巢之舉。况賊匪在金陵添造賊船。催調賊兵。必係別有詭謀。除紅單等船。悉力嚴提外。亟應迅速克復瓜州。能除一處賊巢。即可省一分兵力。勿再延緩。坐失事機。至浦口直對金陵揚州。近接袁浦。逆首楊秀青。以北犯之賊。屢被懲創。思欲分股再來援應。又因浦口有兵阻擋。安徽道路迂迴。欲徑走揚州。直奔清江。琦善身為統帥。久擁重兵。自應四面偵探。堵其北竄。然果能即克瓜州。則該逆寒心。

唬魄。必不敢覬覦揚郡。若但株守邗江。不復再謀進取。使賊眾輕視我軍。即連鎮高唐。一律肅清。亦恐另圖滋擾。琦善節制水陸各軍。何至於瓜州一股束手若此。舟師鎮將葉常春等前已開復原官。此次復能打仗出力。著傳旨嘉獎。如果再知奮勉。殺賊圖功。即著酌量保奏。候朕施恩。將此由六百里加緊諭令知之。○又諭據袁甲三奏。請嚴明賞罰。以勵人心。一摺。據稱此次克復六安。該州紳民不

假兵力。不資兵餉。即能克復州城。又聞合肥紳民。亦有糾眾助勦廬賊之說。請即立與恩施。並酌免糧賦。酌加學額。俾闔境同邀曠典。其捐糧督勇之人。請優敘官職。以資激勵等語。著和春、福濟確切查明。據實具奏。其六安營參將慶齡守備王連陞。把總陳法魁。於城陷後逃至山中。伏匿迨州城收復後。慶齡、王連陞先後進城。獨陳法魁尚不知所在。六安州知州宋培之。有無下落。著一併查明。分別

懲處。據奏有劣紳孔廣春、傅爾鈞、沈鑄奎等。豫輦財物。齎送逆賊等語。愚民食毛踐土。尚當義切同仇。况身列縉紳。乃敢迎賊送糧。情同叛逆。實屬法所難寬。如果查明屬實。即著將該劣紳等家產查抄入官。並查明有無甘心從逆情事。分別治罪。吏目梁繪事巡檢俞元齡。鍾恕賊至時。有無逃避情事。此次各督義勇分路攻勦。著有微勞。是否功過尚足相抵。並著查明具奏。至前護廬鳳道立誠。既經

改派恩錫會同袁甲三審辦。何以福濟。又將恩錫調赴廬州。此案久未擬結。著福濟明白回奏。將此由六百里加緊諭令知之。○壬午。諭內閣。豐伸奏。防兵脅眾。懇給餉銀一摺。此案界牌防堵之陝西固原兵丁張得魁馬蛟海。因應領鹽糧馬乾等項。折錢給發。輒敢糾約兵丁二十餘人。赴該署提督行營。懇請仍照舊例發銀。任意滋鬧。實屬藐法。兵丁張得魁馬蛟海。均著交王慶雲親提嚴訊。按律定

擬具奏。帶兵官署金鎖關都司世襲雲騎尉李忠。先事既未能明白曉諭。臨時又不能約束阻止。並恐有剋扣短發。授意要求情事。李忠著先行革職。一併交王慶雲確切訊明。據實具奏。○參贊大臣僧格林沁等奏。陰雨浹旬。河水日長。擬將沿濠修築套隄。以杜賊逃竄之路。得旨。以水為圍。專為杜其逃竄。不能制其死命。現惟利在速戰。惟恐其不出。何反使之不出耶。徒勞無益。曷若趕緊進攻。較有

把握。沿濠築隄。朕謂適啟其詭謀。汝出師半載有餘。未能殲茲小醜。屢次請罪。朕皆寬宥。若如是耽延畏葸。軍法豈能倖逃。懍之。○廣州副都統松玉緣病休致。以健銳營翼長雙喜為廣州副都統。○癸未。諭內閣。台湧奏。武昌省城失守一摺。逆匪竄擾湖北。漢陽漢口。屢次窺伺省垣。雖經官兵截擊。疊獲勝仗。而賊勢披猖。武昌待援孔亟。節經諭令台湧進兵策應。乃遷延日久。尚在德安。茲據奏稱。六

月初二日。賊由青山一帶。分撲塘角。洪山等處營盤。兵勇潰敗。營被焚燒。青麇派兵出城抵禦。甫經接仗。突見城中火起。城上賊旗分布。漢陽漢口賊船。渡江圍撲。官軍勢不能支。省城遽爾失守。覽奏曷勝憤懣。台湧職任兼圻。毫無布置。前次暫予革職。尚望其自贖愆尤。乃一味因循。貽誤大局。實堪痛恨。台湧著即革職。交楊需差遣委用。並著楊需馳驛速赴新任。統帶各路官兵。迅籌勦辦。務將省城

趕緊克復以次埽除各屬賊匪毋令該逆日久占踞用副委任所有武昌城內文武各員下落即著迅速查明具奏○又諭珠勒著著馳驛前往連鎮軍營聽候僧格林沁調遣所有雄縣一帶防堵事宜著載齡派員接管○諭軍機大臣等據台湧奏武昌失守巡撫等官不知下落一摺台湧頓兵江北屢次諭令進攻漢陽如果迅速前進即未能直達武昌亦何至省城倉卒失陷此時武漢之賊跨江分踞又有黃州之賊為之犄角其勢愈覺披猖楊需現授巡撫武勝關防守事宜已諭令英桂趕緊出省督辦所有河南防兵即留於該處交英桂擇要布置舒倫保先到之滿漢兵一千七百名已由小河驛進抵楊店台湧所帶之兵二千餘名加以舒倫保後起未到之兵數已不少即著楊需全行統帶迅速進攻從荊州下駛之四川官兵二千名桂明所帶陝甘官兵一千八百餘名均著楊需妥籌

調度阜市盤踞之賊為數無多佈克慎著即帶兵隨該撫前往武昌其阜市一帶即交桂明勦辦武昌此次失守係因奸匪內應其在城兵勇原不下萬人如尚可收用亟應妥為招集內有魁玉所帶之荊州駐防兵劉營洪山此次逆賊係由洪山直入大東門該副都統作何下落台湧摺內亦未敘及著與青麋等下落一併詳查具奏武昌省垣固宜迅圖克復而漢陽賊黨亦須防其北竄楊需攝任兼圻責無旁貸應如何設法兼顧相機進剿之處迅速馳奏本日復寄諭官文飭催四川官兵二千名並酌量添派荊州得勝之兵赴省又諭令塔齊布曾國藩由岳州督帶礮船東下直達武漢仍著楊需分別咨催聯絡一氣併力進攻速圖克復將此由六百里加緊諭令知之○又諭台湧奏武昌失守一摺武昌一郡關繫東南數省大局若不亟籌攻克必致日肆鴟張勢更不可收拾楊需在信陽

一帶防堵豫楚要隘本日已諭令該撫迅即啟程南下將台湧所領各路官軍全數統帶探賊所向速籌剿辦目下皖省賊匪尚復紛紛上竄楚南逆蹤亦全行下駛尤非上下游會合夾擊不能圖功曾國藩前奏添募兵勇修造戰船約六月初即可集事並稱塔齊布先已馳赴岳州一俟料理完竣即會同率師前進該提督等著於接奉此旨後即日督帶水陸各軍乘勢東趨或合力進攻或分投截擊總須隨剿隨進直達武昌迅復堅城滅此狂寇其應由何路進剿並如何豫為布置冀可計出萬全務即妥速籌畫隨時奏聞所有官文等派赴下游助剿之四川官兵由襄河一路前往並著塔齊布曾國藩互為知照以期聯絡聲勢一面隨時照會駱秉章在楚鄂交界處所妥籌防堵毋稍疏懈將此由六百里加緊諭知塔齊布並諭曾國藩知之○又諭現在武昌既失賊勢愈形猖獗非厚集兵

力難期收復前調四川松潘建昌兩鎮官兵據官文奏稱已於五月十八二十等日先後抵荊並飭該鎮雙保等由漢陽過江赴省此時武昌需兵萬分緊急著官文再行嚴飭該鎮雙保福忻統帶官兵星夜前進聽候楊需調撥毋許停留其所需糧餉鉛藥即著官文妥籌應付毋致遲誤至守備宗維清等前經該將軍派令分路覓船由洪湖一帶相機赴省此外有無可調將領並著官文酌量派往

武昌以資攻剿至貴陞所帶兵勇前據奏稱撤回虎渡口等處防守可否即由貴陞統帶前進以為楊需應援之處並著官文就目下情形熟籌商辦迅速馳奏荊州固屬緊要而武漢之賊一日不盡則荊州一日不能安枕該將軍定能通籌全局先其所急也將此由六百里加緊諭令知之○又諭現在武昌已失賊勢大熾難保不復圖北竄豫省南境萬分緊要著英桂即行出省馳赴信陽州一帶

往來調度其黃土平靖武勝各關布置是否嚴密光山商城等處應否添兵扼守著通籌全局迅速由驛馳奏有須應行親往督防之處毋得株守一隅坐視貽誤所有河南省城一切事宜著鄭敦謹小心防守妥為籌畫將此由六百里加緊諭知英桂並諭鄭敦謹知之○直隸天津鎮總兵官雙銳奏報到任日期得旨天津地方緊要一切營務尤應時加整頓汝曾署是缺自能熟習情形無待朕諄

諄訓飭也○調鑲藍旗漢軍副都統愛仁為鑲白旗滿洲副都統以委散秩大臣麟興為鑲藍旗漢軍副都統○以禮部左侍郎穆蔭為京營右翼總兵○以山東按察使譚廷襄為順天府府尹未到任前仍以刑部左侍郎李鈞兼署順天府府尹楊需為湖北巡撫兼署湖廣總督四川按察使夏廷樾為湖北布政使陝西潼商道徐之銘為湖北按察使廣西左江道文發為四川按察使山東登萊青

道昇福署山東按察使○命河南河北鎮總兵官花里雅遜布來京以河南荆子關副將崇安為河北鎮總兵官○命陝西巡撫王慶雲撥銀五萬兩解赴湖北巡撫楊需軍營應用○贈直隸連鎮軍營傷亡副都統達洪阿都統銜予祭葬世職如陣亡例諡武壯○甲申諭軍機大臣等有人奏江蘇蘇松太道吳健彰有侵吞關稅銀兩由海船帶回廣東並接濟海匪劉麗川等事本日已將吳健彰革

職拏問該革員原籍貲財家產著葉名琛柏貴迅即派員嚴密查封聽候諭旨毋得洩漏致有隱匿寄頓之弊至吳健彰有無由海船帶回銀兩數至累萬之多並著查明具奏將此由六百里諭令知之○又諭有人奏蘇松太道吳健彰通夷養賊一摺據稱賊首劉麗川曾為該道管理帳目匪黨皆該道練勇初起事時該道首先得信將眷屬寄居夷船所有道庫存銀三四十萬悉以遺賊所雇拖舂

船隻名為捐貲實取償於關稅並有舊識廣東貨船到滬免其納稅以致夷商不暇復將關稅銀兩隱匿由海道運回原籍又與人夥開旗昌行賊匪糧食藥彈即由此行接濟且與賊匪屢次在船會晤等語上海逆匪日久未滅喫夷又復遇事阻撓若非吳健彰句通要挾何至蕞爾滬城不能收復原奏所稱賊私各款已屬罪無可逭而通夷養賊情罪重大尤堪痛恨吳健彰著即革職拏問交怡良

吉爾杭阿按照摺內所參情節逐一嚴審定擬罪名具奏怡良於上海軍務本非原辦吉爾杭阿拒絕喫夷尚能持正必不致為吳健彰蒙蔽毋得稍有迴護開脫原摺著鈔給閱看將此由六百里諭令知之○又諭有人奏江蘇上海道吳健彰與賊首劉麗川同鄉近日賊匪每至船上與該道會晤等語如果屬實大干法紀著黃宗漢迅派明幹大員藉別項公事馳赴上海不動聲色按照摺內所參

各情節逐一訪查明確據實由驛馳奏毋許稍有不實不盡並嚴飭該委員等不得稍有洩漏致干重咎原摺著鈔給閱看將此由六百里諭令知之○又諭昨據台湧奏報漢陽大股逆眾於六月初二日攻撲武昌省垣失守等語漢陽本為賊踞此次武昌再陷賊匪跨江拒守其勢益張若不亟將此股殲滅則大局更不可問昨已諭令塔齊布等速即統領全軍星馳進剿以期直達武昌克復城池

諒必遵旨迅速前進著駱秉章再行酌撥官兵以為接應既可作後路聲援即以防逆賊回竄之路其需用兵餉亦須飭委賢員妥籌應付毋稍延誤楊霽由河南馳抵湖北統帶官軍前進惟自北而南中隔漢陽江面尚須繞道方抵武昌不若湖南兵勇可以直達該撫諒必能通籌全局一面飛催塔齊布曾國藩等速帶兵船東下一面再行酌調官兵以資策應與楊霽等兩路夾攻以期迅掃羣逆

也將此由六百里加緊諭令知之○裁江南河庫道庫大使員缺從總督怡良請也○以江蘇豐縣城被賊竄陷革知縣閔延亨○千總姬懷清典史蔡湘職○乙酉

上詣

水安寺拈香○丙戌諭內閣都察院奏候補道員條陳軍務呈請代奏一摺江蘇候補道陽金城所呈行軍末議八條均屬空言無裨實濟惟尚無違悖字句陽金城著仍回江蘇

交怡良吉爾杭阿察看該員年逾六十如精力就衰難期振作即著隨時具奏諭軍機大臣等前據袁甲三奏請就滯銷鹽引籌運濟餉一摺當交戶部速議具奏茲據該部覆奏交怡良袁甲三會同妥辦著袁甲三一面向將現擬章程委員妥辦一面將該部摺內所指各條是否確有把握迅速具奏並會同怡良通盤籌畫飭屬認真辦理所收課銀分解江皖各營接濟軍需仍分別綱數銀數由該

運司造冊詳報兩江總督報部查覈以免混淆袁甲三另片奏請將湖淮大小船隻分別編號官雇載鹽兵勇往來皆可搭坐等語著亦與怡良會商妥議戶部摺著鈔給閱看袁甲三原片二件並著發還將此由五百里各諭令知之尋左副都御史袁甲三奏遵查部覆各條均徵詳慎覈實惟商以暢銷為利但使皖豫兩省肅清自能確有把握現計一年可銷六七十萬包已委員恪遵新章妥辦下部議從之○盛京將軍英隆奏報到任日期得旨盛京地方緊要所有緝捕理刑等事俱當加倍嚴肅斷不可從寬辦理毋忘○丁亥諭軍機大臣等官文奏武昌失守速籌勦辦一摺並另摺奏稱調撥川兵防勦湖南股匪等語據奏賊眾由岳州旁竄常德現派福忻即帶川兵五百名渡江在公安澧州交界處所相機勦截杜賊北竄而監利潛江一帶仍有土匪勾結滋擾沔陽亦尚未復是荆郡防

守情形不可稍涉鬆勁。惟武昌一郡為根本重地。黃州、漢陽仍有大股盤踞。該逆跨江拒守。益肆狡猾。此時自以迅攻武昌為急。所有雙保原帶之川兵一千五百名。既由襄河一路前進。仍著該將軍飭令疾趨進剿。即將天門、沔陽一帶道路設法疏通。以期徑達漢陽。為迅速進攻之計。惟兵力尚單。所有劄營了角驛之佐領錫齡阿等所領兵勇。能否分派赴省。並此外有無官兵可撥。著官文等相機調度。速籌進剿。至上游防剿岳州、竄匪亦關緊要。四川練丁一千餘員。名既行抵宜昌。即毋庸令其折回。正可擇要布置。以助兵力。惟專待川省派員接管。亦恐緩不濟急。該將軍如有得力將領。堪以統帶之員。即著先行酌派督率前進。中途如遇楊需即可歸該撫統帶。設或此項官兵可先抵武昌。亦不必因楊需未到逗遛守候。致誤事機。官文等惟當統籌全局。方為不負委任。台湧業經革職留營。

其巡撫以下各官。前據台湧奏探係縋城而去。僅或逃至荊州。即著由驛具奏。將此由六百里加緊諭知官文。並諭貴陞知之。○又諭前據台湧奏武昌省城失守。本日據官文等奏。亟籌派兵隨剿。隨進以圖攻復。而湖南岳州又有大股賊匪旁竄常德。攻撲府城。荊江一水可通。已派兵赴公安、澧州地方防剿。需餉孔殷等語。裕瑞前經動撥津貽項下銀三萬兩解往楚省。現在道路梗阻。著飭知委員徑解荊州。交官文截收。設法轉運。免致疏失。並著裕瑞於川省藩道各庫項下。無論何款迅速籌撥銀數萬兩。趕緊續派委員即日啟程。解交官文軍營。以應急需。此外如有可籌之款。仍著源源接濟。其練丁一千一百餘名。據官文奏已抵宜昌。該將軍因兵力不敷。已飛咨該督另派大員赴楚統帶。即著照議辦理。毋庸拘泥前次諭旨。再令折回川省。將此由六百里加緊諭令知之。○參贊大臣僧格

林沁奏請添調蒙古馬隊官兵防賊北風得
旨巡防王大臣密議速奏該大臣所調之兵
有不敷再調者亦有難期得力者可斟酌妥
籌

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百三十三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百三十四
監修總裁官臣等謹起官太子太傅太子總師傅文淵閣領閣事翰林院掌院學士稽察欽奉二諭事併及國史館總裁官臣等謹
大略管理兵部事務加十二級紀錄十四次臣等稽察奉賜職官經選讀官太子太傅文淵閣領閣事武英殿總裁官臣等稽察
大學堂管理工部三庫事務管理刑部事務加十二級紀錄十六次臣等稽察奉賜職官太子少傅管理內務府事務加八級紀錄五次
領藍旗滿洲都統戶部尚書管理三庫事務加四級隨帶加五級紀錄十二次臣等稽察奉賜職官經選讀官欽差殿前營管帶清文讀司總辦
造園文苑總管官正藍旗蒙古副統理部尚書管理太常寺鴻臚寺事務加二級奉勅加四級隨帶加八級紀錄五次臣等稽察奉
欽修

咸豐四年甲寅六月戊子諭軍機大臣等現在連鎮攻勦喫緊亟需添派官兵迅將此股殘寇剋日殲除本日已派王明帶領圓明團八旗兵丁一千名前往連鎮軍營並著載齡卽飭所帶固安防兵一千名一併前赴連鎮軍營均歸王明統帶卽由載齡先行知會僧格林沁以備調撥所有雄縣防兵著載齡迅速馳往統帶扼要駐劄以為後路聲援一切防守情形隨時由驛馳奏將此由六百里加緊諭令知之又諭前因吳首在上海任意

要挾許乃釗辦理軟弱。當降旨交葉名琛轉諭廣東夷酋責以成約。令各口夷商不得駛入內地。茲據怡良奏。味酋麥蓮勒畢噠在崑山謁見該督呈遞國書照會。堅執十二年變通成約之說。欲往揚子江貿易。並藉口上海稅關改設吳淞。欲請拆毀其照會內所求各情節。皆係伊國夷書所無。且有措詞倨傲之處。怡良所給照會。據理照覆。尚不至如許乃釗之失體。惟各國通商事宜。向歸兩廣總督

專辦。怡良既將該夷國書照會等件鈔錄咨送葉名琛酌辦。卽著飭令該酋迅由崑山啟程前往廣東。不得恣意逗遛。致稽查辦。葉名琛務當堅持成約。嚴詞曉諭。杜其奸萌。本日據許乃釗奏上海逆匪及喫首近日情形。辦理愈形荒謬。並稱與該酋約期相見。果於中華有益。不敢稍存成見。是其意中早存一遷就之心。該撫業經革職。設或妄應夷酋受其愚弄。著怡良。吉爾杭阿正言拒絕。毋為謬論。

所惑。並著令其前赴廣東聽候葉名琛查辦。吉爾杭阿仍卽督兵進攻迅圖克復上海。毋再遲延。紅單艇船陸續已抵吳淞。卽著吉爾杭阿飛催前進。並知照琦善向榮酌量調運。至湖南防兵及塔齊布等出境赴勒之兵。需餉孔亟。據駱秉章奏稱藩庫支絀。地方凋敝情形。亦係實情。鄰近省分。惟川廣尚稱完善。著葉名琛於無論何款項下。迅速籌撥銀數萬兩。妥為解往。勿致遲誤。要需怡良摺許乃

釗片均著鈔給閱看。將此由六百里各諭令知之。又諭駱秉章奏餉需浩繁。請飭催川廣兩省速籌接濟一摺。湖南自本年二月後賊船連次竄擾。雖經擊退。而各路防守兵勇未能裁撤。每月需餉幾及十萬兩。現在武昌失守。曾國藩等急應統帶水陸大兵東剿。需餉尤鉅。藩庫並無存項。勸捐催徵均屬緩不濟急。自應急籌接濟。著裕瑞。惲遵前旨迅速妥籌。無論該省何款項下。有可動支者。立即

設措銀數萬兩派委妥員飛速解交湖南應用此後如何設法通融源源接濟並著將籌辦情形先行由驛馳奏川省尚稱完善比他省撥解較易斷不准區分畛域致誤要需將此由六百里諭令知之 以正藍旗蒙古副都統景壽署鑲白旗護軍統領 命御前二等侍衛薩克慎赴連鎮軍營交參贊大臣僧格林沁差遣委用 己丑

上詣

壽康宮問

皇貴太妃安 諭軍機大臣等琦善奏紅單船已抵吳淞請飭催上駛一摺本日已有旨飭令怡良吉爾杭阿飛催前進不准上海截留矣艇師各船兩次獲勝現已抵定上游金陵與瓜鎮水路業經隔絕吳全美等管帶紅單船五十隻於五月初六日全抵吳淞江口此項船隻駛赴上游扼要分布則水上一軍聲威已壯即可為肅清江面之舉著琦善向榮

飛催迎提督飭統帶水師各員與艇船合力攻剿毋稍延緩逆匪聞我水師雲集必亟思抗拒據稱楊秀青將湖南北等處賊船調回共攻艇師冀得打通江路自係意中之事惟在該大臣等妥速調撥乘賊船未集之時一鼓作氣庶可大挫賊鋒斷不可稍涉遲緩致誤事機該逆於當塗江面以舟載荻又於金陵城外趕造火攻船隻並多紮巨筏上安橫牌詭計百出必須先事豫防著向榮於當塗一帶設法破其奸謀並嚴飭葉常清吳全美等加意防範萬勿墮其奸計紅單船自上年奏調日久始抵長江廣東籌辦此事甚為費力琦善向榮必當加意慎重防護周密勿致稍有挫失陳金綬幫辦軍務近日琦善奏報未見該提督出仗獲勝能否得力並著琦善據實具奏將此由六百里加緊各諭令知之 又諭據琦善奏稱六月初六日紅單船五十隻全抵吳淞江口現已旬日尚未駛到等

語此項紅單船隻原為調赴金陵等處協同
剿賊現在水路艇師已經疊獲勝仗正可乘
此聲威肅清江面況聞該逆欲將楚省賊船
調回共攻艇師亟應豫為防範破其奸謀著
怡良吉爾杭阿迅即派員催令管帶紅單船
隻之吳全美等趕緊上駛毋得截留上海並
著將鉛子火藥等項即於吳淞口備齊以便
趕赴焦山會合水師藉資攻剿斷不准片刻
延宕致誤事機將此由六百里加緊各諭令

知之○又諭和春福濟奏連次剿賊情形一
摺廬州賊匪自前次環攻獲勝後又踰半月
所稱六月初一至初五等日派兵攻襲疊有
斬擒而我兵僅能追至城下所帶雲梯被該
逆滾木擲石所擲未能登陴賊能守而我
不能攻徒以堅伏不出及早有準備為詞於
攻剿事宜毫無把握前次所謂賊勢窮蹙者
安在若謂負隅死守是其慣技豈坐視逆眾
久踞郡城遂即束手無策三千斤大礮現已解

運到營即當趕緊轟擊一面別出奇兵立時
攻克若專恃礮力僅於城外遙聞驚惶鼎沸
之聲是直以膚詞搪塞遷延貽誤難逃朕鑒
秦定三所帶官兵於初四日馳抵鄧鎮合以
張靖所招紳團及音德布營內前撥兵勇兵
力已厚叢爾舒城無難收復著即飭催該提
督迅即進攻不得延緩其巢霍兩處賊匪擒
匪雖疊有新獲總未能痛加剿洗逆匪占踞
廬郡牽掣我軍而安慶舒城等處賊匪恣意

蹂躪無所顧忌似此遷延何時始能蕪事和
春福濟統領全軍日久無功徒以空言入奏
豈能辭貽誤之罪耶將此由六百里加緊諭
令知之○又諭前因已革守備吳錫光以江
西需勇防堵造言煽惑私帶各勇乘間出營
當即諭知和春等迅派妥員馳往管帶各勇
將吳錫光截回廬州即在軍營正法茲據和
春等奏稱該革員於五月十八日黎明帶勇
出營計已早抵江西此時如行文調回恐有

洩漏情事轉不足以肅軍令陳啟邁接奉此旨著卽將吳錫光嚴密查拏就近正法但不可先行洩漏致令聞風脫逃或煽惑各勇別生事端將此由六百里加緊諭令知之○以鑲藍旗滿洲副都統靈桂署正黃旗漢軍副都統○以鑲黃旗蒙古副都統國瑞署管保定等五處官兵事務○以克復安徽六安州城予吏目梁繪事等升敘有差殉難團首布政司理問銜朱殿甲並其父冠龍子武舉慶

恩祭葬世職○以安徽六安州士民捐貲團練出力免咸豐三四五年額賦永廣文武學額各一名○庚寅遣官祭

火神廟○諭內閣恩保奏移交庫款不接致差滿未能回京並奇克坦奏秦接收稅課數目不敷各一摺前任殺虎口監督恩保著卽親齎盈餘銀兩回京交納所有該員任內徵收稅課銀數比較前任短少二萬二千五百兩零應如何分別賠繳之處著戶部照例辦

理湖南巡撫駱秉章奏逆賊自湖北竄陷華容縣復句結賊船竄踞岳州分陷龍陽現調兵勇馳往援剿情形得旨失守城池暨殉難之文武各員著查明分別請卹嚴叅烏什哈雖非守土城陷猶存豈能任其趨避亦卽行嚴叅又奏衡陽清泉二縣錢漕請仍歸保甲催徵完納批會國藩前奏未詳始末故有應更易之批諭今觀汝奏朕始了然著循舊例不必更張○以乾清門侍衛恩醇署鑾儀

衛鑾儀使○以河南陳州勦匪出力賞前署按察使牛鑑按察使銜同知宋玉瑾花翎通判顏懷忠等藍翎餘升敘有差旌表守正被戕直隸薊州民蔣時妻劉氏守正捐軀山西孝義縣民馮有元妻李氏辛卯諭內閣前因親王銜定郡王載銓奏請酌擬私造大錢人犯罪名並御史林廷選奏請將私鑄人犯酌加枷號各摺當交刑部一併議奏茲據該部奏請嗣後審辦私鑄大錢之案無論是

否已及十千將為首及匠人俱從重擬以斬
監候等語現在私鑄之案層見疊出若不從
嚴懲辦必致私鑄日見充盈官錢日形壅滯
自應嚴定罪名以示懲儆嗣後私鑄大錢之
為首及匠人著即照刑部所議無論是否已
及十千俱從重定為斬監候至所稱此項斬
候之犯俟秋審時再行分別錢數次數酌辦
以及應擬軍流等犯先加枷號臨時再酌擬
限期等語所奏殊屬含混著該部分別情節

輕重再行叵議明定章程具奏 又諭僧格
林沁奏請將挑河貽誤之知州並督催不力
各員弁摘頂勒辦等語山東德州知州張應
翔浙江候補通判王曾棧京營都司李鴻寶
均著先行摘去頂帶予限三日趕緊挑挖儘
再遲延即著據實參奏 諭軍機大臣等前
據僧格林沁奏挑挖重隄為截水灌賊之計
朕早知其徒勞無益當經嚴切批示諭令趕
緊進攻嗣據僧格林沁奏報並未陳明進攻

之策但稱隄工已有就緒是直視挖一節
為可恃以成功而置萬餘重兵於無用之地
何玩謬若此今據奏南面河隄被水衝決雖
賊踞村莊間有浸沒而我兵東面營盤竟至
不能屯劄可見築隄截水不但未能制賊而
衝決浸灌我兵轉受其害更恐該逆乘機紛
竄泥淖之中我兵馬隊不能得力僧格林沁
以此等迂緩之謀視為上策朕實不解逆匪

銳蓄其奸謀而我兵力疲氣餒何日始能蕪
事若以軍律而論即將僧格林沁重治其罪
亦不為過第念連鎮之賊勢將垂斃若驟易
生手轉致啟賊詭謀是以僧格林沁奏請添
兵即將固安防守之兵悉數派往又派玉明
管帶圓明園官兵前往協勦著即懷遵前次
批諭以速戰制賊之命不得仍恃水圍徒延
時日若續派官兵均已到營僧格林沁仍不
能迅圖進剿國典具在不能再從寬宥勿謂

疊次諭旨可視同具文也將此由六百里加緊諭令知之。又諭有人奏廣東瓊州府屬瓊山文昌會同三縣有無賴游手糾集多人名為老洪會藉端訛索肆行搶掠雖被練勇格斃多名其分擾各縣亦均有搶戮而黨與尚多並各海口時有盜船停泊居民驚恐會匪勾引洋盜其患更不可勝言著葉名琛柏貴按照摺內所指各情檄飭該管道道府督率所屬地方官務將首要各犯嚴密查拏就地

正法無任一名漏網其被誘愚民著卽明白曉諭務使悔過自新成為良善俾海外黎民各安生業原摺著鈔給閱看將此諭令知之。江西巡撫陳啟邁奏克復德安縣城委臬司惲光宸等扼守要隘相機勦辦得旨尤應不分畛域越境勦洗不准只顧本境暫圖目前靖謐致貽後患於無窮也。湖南按察使清安泰因病解任調四川按察使文登為湖南按察使以貴州貴東道胡林翼為四川按

察使仍留湖南軍營。以江西南昌城守協副將羅玉斌署九江鎮總兵官。以四川辦理團練出力予同知葆符等升敘有差。壬辰修山東運河洳河捕河上河四廳隄工從河東河道總督長臻請也。癸巳諭內閣前因刑部奏私鑄大錢人犯定為斬監候俟秋審時分別酌辦所奏含混諭令再行覈議茲據該部將問擬斬候各犯分別情實緩決定擬具奏現在大錢壅滯皆由私鑄日多若如

該部所議私鑄僅止一次為數不及十千者酌入緩決奸民勢必避重就輕私鑄仍難禁絕嗣後私鑄大錢案內為首及匠人問擬斬候之犯無論錢數次數均著入於秋審情實至案內應擬遣罪及軍流徒各犯均著照該部所議辦理。賞故內大臣壁昌孫錫佩員外郎錫璋主事。甲午諭軍機大臣等吳桂奏遵旨出省馳赴信陽並請飭川陝酌移防兵一摺湖北與河南接壤武昌失守賊勢愈

張難保不冀圖北竄豫省防勦事宜英桂責無旁貸據稱一俟兵餉齊備卽馳赴信陽先於三關加意布置著該撫迅卽啟程俟抵該處後查看情形何路緊要卽親往何路督辦其歸德一帶土匪尚未淨盡且與皖省蒙亳捻匪勾結為患林楊祖現赴永城著卽督飭該員迅速查拏務期地方一律肅清毋任蔓延滋擾俟徐廣縉病痊後再令該臬司回省該撫出省後其省城防守及籌畫餉銀一切

事宜仍著鄭敦謹妥為辦理並確探湖北賊情隨時奏報毋稍遲誤將此由六百里加緊諭令知之又諭英桂奏湖北襄陽樊城為川陝通衢久為逆匪窺伺請飭將川省防邊官兵量移襄陽駐守由川省就近接濟餉糈等語賊匪占踞武昌難保不更圖旁竄雖宜昌已經收復而川楚交界地方尤應加意嚴防以資援應除前派赴楚兵勇業經前進外據該督奏稱派撥馬邊維州懋功等營漢屯

官兵二千餘員名交副將德恩等帶往巴東利川兩處接防此項官兵是否可以量移前進應行駐劄何處並此外有無可調之兵著裕瑞酌度情形妥籌辦理所需餉銀卽著該督設法接濟毋得稍分畛域致誤要需將此由六百里加緊諭令知之又諭前因陝省商雒一帶地形緊要令豐仲馳往辦防並與王慶雲會籌安營設卡各事宜現在王慶雲業經回省豐仲在彼督辦計歷月餘布置當

已周妥現在武昌失守楊需由豫赴楚英桂亦出省往信陽等處堵賊北竄襄樊一帶為陝省咽喉自應量移防兵前往扼守著王慶雲酌量情形卽傳旨飭令該署提督移兵前往襄陽擇要扼截勿但顧陝境致誤事機其與河南毗連之各隘口仍須照舊設立營卡巡防或卽飭督糧道陳景亮等督率縣營認真辦理至豐仲帶兵出境軍火餉需並著王慶雲飭令藩司源源接濟勿令匱乏將此由

六百里加緊諭知王慶雲並諭豐仲知之
以直隸永定河道吳廷棟為按察使 乙未
上詣

壽康宮問

皇貴太妃安 諭內閣蔣霽遠奏勦辦匪徒首
犯就擒一摺貴州獨山州土匪勾結粵匪滋
事前經官兵攻勦連獲勝仗該匪仍竄距山
洞負嵎抗拒四月十六七等日官兵連攻數
洞殲斃賊匪唐士達等數百名十八日參將

英志等督帶兵練馳赴董徐進攻賊壘殺賊
甚多該逆楊元保復帶傷逃逸竄往廣西昔
里山地方經英志等分路馳往偪緊圍捕將
楊元保擒獲解省正法該撫復飭在事文武
挖勦餘黨以冀一律肅清此股獨山匪徒滋
事已經兩月該鎮道等督率勦辦調度尚屬
得宜所有在事文武各員升擇其尤為出力
者酌保數員候朕施恩毋許冒濫 又諭阿
彥達著馳驛前往雄縣接辦防守事宜載齡

侯阿彥達到防後即日回京 諭軍機大臣
等勝保等奏陰雨連旬進攻未能得手一摺
高唐逆匪占踞已久勝保自六月初十日奏
報攻勦情形後幾及兩旬未見續報朕心正
深懸繫乃本日據奏又因連日陰雨槍箭均
不得力雖逆匪並未竄出而我兵多有傷亡
於攻克城池仍係毫無把握覽奏益增焦灼
環城積水甚深進戰固難得手當賊匪夜間
撲擾之時儘可設法殲殺此股逆匪數不滿

千固守孤城無從裹脅但能隨時斬戮自可
日亡日少何至任此數百殘寇久踞城池若
盡誣之天時地勢直欲坐待其斃何日始能
了事所稱城中糧草殆盡之語恐亦未甚確
實無論賊勢窮威與否總以剋日攻城殄滅
淨盡為上策不能專恃勇力之處即應設謀
用計妥速籌攻豈可坐待天晴始圖進取昨
據僧格林沁奏挑挖重隄因運河陡漲致有
衝決僅連鎮逆匪乘我兵泥淖難追併力南

竄勢必句連復熾勦辦愈難諒該大臣統籌全局必不敢有意耽延也另片奏商囑崇恩於武定德平一帶加意嚴防是否該撫親往抑係派員防守能否得力卽著妥籌具奏將此由六百里加緊諭知勝保並諭德勒克色楞善祿崇恩知之直隸布政使庚長奏報兼署臬篆日期得旨直隸省向來錢糧拖欠尚不甚多汝膺茲重任正當拮据之時現在徵解情形若何恐有不敢明言之處亦不妨

據實直陳著逐款詳細奏來若有迴護或意存模稜語涉含混朕必治汝欺罔之罪此次硃批可與桂良看著自行封奏桂良不必預聞特諭欽差大臣勝保奏聞連鎮軍營引水以灌賊營恐水潰賊竄已囑崇恩加意嚴防得旨亦不為過慮想連鎮之賊不日亦應竄出矣兩江總督怡良等奏江南焦山水營需用藥餉隨時接濟並無歧視得旨汝自到任以來何曾兼顧汝在彼何異於蘇州知

府又奏廣東紅單船口糧經費當設法那款墊發不敢遲誤批如此甚好若再有遲誤必照軍法懲之以廣州協領全泰為涼州副都統予山東高唐州陣亡二等他布囊布彥圖外委方金彪祭葬世職丙申熱河都統毓書奏遵旨籌款鼓鑄推行鈔法請官收銅百斤作銀十兩報捐者八十斤作銀十兩銅器百斤作銀十三兩並設立官錢局以逐卯所鑄之錢作為票本得旨所奏俱妥實無可再議卽照所擬行

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百三十四

四庫全書

辛

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百三十五

監修總裁官、監譯講起、唐法官、太子太保、上書、照師傅、文淵閣領閣事、翰林院掌院學士、積欽奉、上諭事件、同文館總辦、武英殿

大學書堂建於部書後四十一年紀錄十四次臣實積雲奉覽載官經道講官太子太保又滿閣領閣事武英殿總纂官教習庶常一體行

大學堂管理戶部三庫事務管理刑部事務加二十三級紀錄十六次臣周祖培跪職管太子少保管理內閣書庫事務對引大臣軍機大臣

鎮藍旗滿洲副都統戶部尚書管理三庫事務加四級隨帶加五級紀錄十二次歷蒙恩敘職官經筵講官弘德殿學士清文館總纂書唐鑑詩

遼國史館總裁官正藍旗蒙古都統禮部尚書管理太常寺鴻臚寺事務加二級軍功加四級進階加八級紀錄五次臣倭什輝布等奉

救済

咸豐四年甲寅秋七月戊戌朔享

太廟遣恭親王奕訢恭代行禮。修浙江海甯
仁和二州縣海塘各工。從巡撫黃宗漢請也。
己亥諭軍機大臣等。僧格林沁等奏逆匪
奔撲濠牆官兵截擊獲勝一摺。該逆竄踞連
鎮業已八十餘日。疊次諭令僧格林沁趕緊
進剿。不得專恃水圍。徒延時日。乃覽本日所
奏逆眾夜乘風雨。竟至奔撲東面濠牆。雖經
我兵極力擊退。而斃賊並不甚多。且弁兵亦
有傷亡。攻剿仍不得手。似此輾轉遷延。何日

始能了事該逆圍困日久必亟思逃逸若果全數竄出我兵截勦自可得力惟現在河水漲溢辦理已形棘手設逆眾四出奔逃我兵盡在西北一帶其東南兩面本覺空虛儻有疏虞官兵為水所阻更恐顧此失彼著僧格林沁熟籌妥辦計出萬全或移營逼近賊巢以便堵擊或設法誘出痛加勦洗務期迅滅妖氛肅清畿輔斷不准以賊眾堅匿不出我兵進攻徒折精銳等語一奏塞責如再不能

速戰滅此窮寇但以愚蠢自居尚欲懇恩寬予時日朕必治該大臣以有意耽延之罪別無他諭矣將此由六百里加緊諭知僧格林沁並諭西凌阿托明阿知之○又諭前因武昌失守特授楊需為湖北巡撫諭令統帶台灣所領之兵徑赴武昌復以阜市一帶尚有賊匪恐佈克慎不能分身令桂明作為後路替回佈克慎隨赴武昌原期迅速進攻力圖克復本日據台灣奏阜市盤踞之賊一律肅

清長江卑續來賊船亦已擊散佈克慎督兵折赴應城該處距江口較近正可催令趕緊前進為該撫先聲舒倫保桂明抵德安後遷延不進前有旨令舒倫保來京陛見並令台灣察看桂明如不得力即行參奏本日台灣摺內並未遵辦但稱舒倫保於十一日拔營十六日始抵廬官店距雙廟驛尚有七十五里桂明於十七日啟程十九日始抵四里廟距潯口尚有一百四里現在飛催等語湖北

軍情急於星火若皆似此耽延豈非有心貽誤楊需既由德安一帶赴任應如何布置即著節節妥籌以速為妙舒倫保桂明果係有意逗遛即著查明據實嚴參台灣請獎阜市等處勦匪出力人員並著該撫查明酌保毋許冒濫武昌省城文武下落仍著確查具奏將此由六百里加緊諭令知之○又諭台灣奏阜市賊匪勦盡並催兵前進一摺賊陷武昌已經卅月此時自以渡江速勦為妙乃台

湧仍復按兵不動舒倫保桂明亦復節節耽延覽奏實堪痛恨台湧以獲罪之員經朕法外施恩責令殺賊自效原冀其感憤圖報藉贖前愆若仍株守德安直待楊需到後始圖隨同進攻豈不更致貽誤應城早經收復阜市一股現已剿滅是由湖達江之路已就疏通台湧及佈克慎現統之兵為數不少儘可督同迅速進攻著台湧於接奉此旨後迅即督兵直達武昌以圖克復仍一面飛催舒倫

保桂明之兵由東南一路星速進行以為楊需先路之導儻再有遷延貽誤情事軍法具在豈能倖逃另摺批示嚴明台湧宜如何倍加愧懼力籌勦辦耶將此由六百里傳諭知之又諭恆春奏勸捐情形一摺據稱晉省富戶均經僉商現在辦理捐免充商其捐貲尚未交清所有發給官票約借歸還之舉應請緩行等語尚屬實在情形惟南北軍務未能藏事籌餉之難日甚一日勢不能不借資

民力晉省素稱饒富雖已捐者不少而情殷報效者自必尚不乏人且該省民風淳樸地方官果能諭以大義定可踴躍從事著恆春悉心體察情形除捐免充商銀兩予限呈交候撥外仍督飭所屬竭力設法妥為勸諭其有好義急公者務即隨時奏請恩施俾該紳民等聞風興起該撫具有天良定能顧及大局不致意存推諉至屬員中有辦理不能妥善者並著嚴行叅奏不准稍涉瞻徇致滋擾

累將此由四百里諭令知之○已革湖廣總督台湧奏謝革職仍留差遣恩得旨汝之辜恩溺職至矣盡矣此次寄諭並未看明亦未令舒倫保來京昏憤若是無怪乎昧機失宜以後如果能力刷精神奮勉出力尚不難再承恩眷若一味擁兵自衛從旁掣肘是真一老廢物也朕必將汝軍法從事無待於楊需叅劾汝曾歷戎行效力多年若末路不能自保如博勒恭武之貽笑天下朕甚為汝惜○

補鑄山西太原鎮標中軍遊擊關防從巡撫
恆春請也○以辦理直隸通州團練出力予
翰林院庶吉士汪承元等升敘有差○予直
隸陣亡委參領伊郎阿祭葬世職○庚子
上幸西苑○戶部議准署閩浙總督有鳳疏報
福建古田縣開墾荒田一項五畝有奇照例
升科從之○以山東館陶縣守城出力予知
縣陳顯彝同知直隸州升用○辛丑
上詣

壽康宮問

皇貴太妃安○諭內閣向榮奏請飭各直省嚴
緝逃兵等語據稱募補新兵間有遠去無蹤
經該大臣各行通緝日久犯無一獲軍營兵
丁豈容擅離營盤甚至私行逃脫於行軍紀
律大有關繫著各直省將軍督撫府尹遇有
各路軍營各拏逃兵即照單開年貌趕緊緝
拏務獲就地即行正法毋任漏網以肅戎行
○又諭刑部等衙門具題審擬傷死大功兄

罪名一案陝西醴泉縣民人曹金旦因索討
木椽毆傷大功兄曹金居身死該部擬以斬
立決聲明尚非有心干犯夾籤請旨自係照
例辦理惟詳覈案情該犯被曹金居撲毆避
至牆角順取鐵鋤往上抵格已難保非有心
回毆且原驗傷痕深至骨損顯係情急逞兇
所稱曹金居持棒下打該犯舉鋤上格勢猛
力重不期鋤刃適值曹金居右肘肘是以傷
痕深重等語情節支離殊難憑信服制重案

罪名出入攸關非詳加根究不足以成信讞
著王慶雲督同臬司文俊再行悉心研鞠務
得確情毋枉毋縱○諭軍機大臣等有人奏
廣東江面土匪充斥來往船隻尤多奸徒假
充緝私差役乘空搶掠其自省城至韶州府
一帶沿江村鎮半係鄉市無賴之徒聚為盜
賊請擇公正紳耆就近稽察並令州縣官於
報劫各案勒限拏緝營員帶兵分段扼守等
語緝捕盜賊地方官應辦之事如果平日認

真查拏何至江面上下游等處均有匪蹤三五成羣擾民為害應如何嚴立躡緝章程並考覈功過抽辦團練之處著葉名琛等按照摺內所陳體察地方情形飭屬妥為辦理原摺著鈔給閱看將此諭令知之○又諭向榮奏管帶川兵乏員請飭選派鎮將赴營等語前次調往江南軍營四川官兵五千餘名據稱現歸江甯將軍蘇布通阿統帶其幫同分帶之虎嵩林業經調往上海瑞格亦飭赴太

原鎮升任僅有明安泰一人分領川東官兵一千名其鎮江軍營川兵亦僅有遊擊各員管帶自應豫籌統領之員以資攻剿著裕瑞即於該省實缺鎮將內揀選明練得力之總兵副將二三員馳往向榮軍營聽候調遣毋稍延誤將此由五百里諭令知之○又諭前因武昌失守當經諭令駱秉章迅催塔齊布等飛速帶兵東下以資援救嗣據該撫奏稱湖北賊匪竄陷華容龍陽等縣常德一路緊

要已飭胡林翼統帶各路兵勇取道益陽馳赴龍陽相機進剿本日復據奏稱賊船由滄港白沙市駛進五月十六日攻陷常德府城覽奏憤懣之至常德與岳州對峙重湖賊勢猖獗亟宜迅圖克復胡林翼既由益陽取道黃土店自桃源武陵繞道前進著即催令統領周鳳山李朝輔閃雲所帶各兵勇迅速進剿圖復郡城毋得再有延誤湖北自省城失陷後援兵甚少賊勢方張尤為喫緊著塔齊

布飛速統兵前進為收復武昌之計楊需此時未知曾否渡江該提督由湖南東下較為便捷著即與楊需知照兩路夾攻勿稍延緩致干咎戾曾國藩所帶戰船既以修造竣事李孟羣所募水勇業經到省著即催令曾國藩迅帶頭起師船進援常德與陸路兵勇合力夾擊儻能將岳常兩郡收復即可乘勢進攻武漢其澧州一路文報不通並著確探情形檄飭地方文武加意防守常德府與湖北

貴州毗連州縣並著一體嚴防毋稍疏懈將此由六百里加緊諭令知之○以故三等伯李長庚子已革提督廷鈺襲爵○以廣西荔浦陽朔二縣城被賊竄陷革知縣王康濟申詳典史吳金彥蔣志儒千總閻鳳章把總唐元吉職○以勦匪遷延革福建臺灣鎮總兵官呂大陞巴圖魯名號花翎都司陳上國花翎頂帶○以拏獲廣西修仁縣首匪古三勝出力賞勇目黃清藍翎○予湖南常德府殉

節知府景星副將富勒敦祭葬世職○予廣西陣亡把總謝忠縣丞洪錫恭典史陳勛之祭葬世職○准湖南平江縣動支漕米一千石接濟勇糧○蠲緩廣西永福永甯荔浦修仁象融柳城來賓宜山武緣遷江桂平平南貴武宣宣化橫崇善養利左永康甯明二十二州縣暨萬承龍英都結結安佶倫全茗茗盈鎮遠下石上龍憑祥江羅白羅陽十四土州縣被賊被蝗災區新舊額賦○癸卯諭內

閣前據戶部奏請停鑄當千當五百大錢並慶惠等奏請停鑄當二百三百四百大錢均經降旨允行原以折當稍重恐於民間日用不無妨礙是以斟酌時宜准其停鑄至當百以下大錢子母相權整散互易通行遠近尤為便民乃據戶部奏稱訪聞近日當百大錢又有奸商折算等弊請飭嚴禁等語錢法損益朝廷自有權衡如果於民生稍有不便不難隨時變通若法本盡善而廛市小民妄肆

阻撓任意折算實屬目無法紀此風斷不可長著戶部步軍統領衙門順天府五城一體出示嚴禁嗣後商民行使當百以下大錢儻敢不遵錢面數目字樣妄行折減使用甚至造言煽誘抗不收使以致愚民相率猜疑即行拏交刑部從重治罪此等奸商阻撓錢法必應從嚴加等懲治著刑部迅速定擬罪名具奏至私鑄大錢人犯業經刑部奏定加重罪名此後私鑄當百以下大錢者並著刑部

再行嚴擬罪名具奏仍著步軍統領等衙門認真查拏交部按律懲辦總之法在必行斷不能任令市僧把持妄冀變更成法也○甲辰湖北學政馮譽驥奏行抵信陽知武昌失守擬暫駐外府得旨駐劄處所隨時斟酌現在德安無事汝可暫駐德安以後應再為移駐之時再行奏聞又奏請將湖北省城移設襄陽控制全楚批所籌分路進剿之策尚不盡非惟移省襄陽則斷不可行朕並非豫為逆億汝之此奏明係自便身圖又奏逆賊踞有長江必不輕棄克復恐難剋期又批豈可待其自棄雖克復後撫輯不易豈能畏難不辦自顧一隅任其披猖全楚尚可問乎○以江蘇官紳辦理團練出力賞前任大理寺卿萬貢珍布政使銜餘升賞有差○乙巳諭內閣和春福濟奏圍剿廬州賊匪連獲大勝並舒城獲勝情形各等語六月十八日和春等督飭各營於寅刻四面合圍齊抵廬州城下

賊匪於得勝門出三四千人三路分撲音德布等亦分途迎剿斃賊無數逆匪敗退入城二十一日南門內出賊二三千人鄭魁士等帶領湖南宣化青州各兵兩路出擊殲斃甚多我兵追殺直抵城濠始行收隊連日逆賊祇思堅守我兵現由紫金埂等處設法進城其舒城股匪秦定三於十六日移兵進剿逆眾突出千餘人在三連橋一帶巡遊經秦定三督率郝光甲鮑雲翥等帶同兵勇直前迎剿該逆紮住不動秦定三即揮兵三面夾攻賊眾敗走生擒偽指揮徐從新一名立即正法隨即移營楊家店至三角井二十五日進至五里橋遇賊二千餘人來撲當令郝光甲鮑雲翥等三面夾攻擊斃無算餘賊敗匿城內皖省逆賊久踞廬城又分占舒城一帶和春等進剿廬州節次擒斬已逾萬名奪獲賊巢多處連日復大加痛剿郡城指日可復著即乘此軍威剋期攻克其舒城一縣現已剿

辦得手並著飭令秦定三迅圖克復再行移營前進埽蕩兇頑毋稍延緩○諭軍機大臣等和春等奏連日攻勦獲勝並勦辦舒城賊匪情形各摺片此次攻勦廬州逆匪惟十八二十一兩日殲斃賊匪尚多此外不過用礮轟擊我兵設計攻城均為賊覺該提督等雖疊次獲勝而郡城未能即時克復於攻勦事宜仍屬毫無把握秦定三攻勦舒城賊匪已移營楊家店至三角井該處是否逼近縣城

我兵連次獲勝正可乘此聲威迅圖克復著和春福濟懍遵疊次諭旨督飭各路兵勇剋日進攻斷不准以該逆堅守不出為詞遷延時日致干重罪秦定三勦辦舒城賊匪是其專責並著秦定三嚴飭郝光甲等併力進攻其巢霍兩處賊匪擒匪仍飭催忠泰劉玉豹等趕緊勦辦以期漸次廓清毋稍延緩將此由六百里加緊諭知和春福濟並諭秦定三知之○又諭前據駱秉章奏逆賊自五月十

三日竄陷龍陽後由滄港白沙市駛進十五日攻撲常德府城十六日午刻城陷本日據官文等奏統籌全局摺內有賊撲常德經官兵擊退復竄岳州等語該將軍此摺係本月初二日拜發去常德失守之日已一月有餘何以官文等尚未得有確信殊不可解駱秉章前奏胡林翼周鳳山等由益陽取道黃土店自桃源武陵邊境直抵常德曾國藩亦由水路前進此後並未續報該將軍所稱常德

澧州賊皆下竄究竟竄往何處亦未詳細敘明澧州與荊州連界道路並非寬遠何以未將實在情形探明具奏該將軍所籌全局尚係為圖勦武漢之計現在賊陷常德距荊州甚近逆蹤靡定尤應加意嚴防該將軍務當體察緩急情形隨時設備一面確探賊匪是否現尚盤踞常德抑係竄赴何路迅速奏聞毋稍遲緩楊需此時諒已馳赴湖北督兵前進所有四川赴援兵勇即可歸楊需調遣其

荆襄一帶防守事宜即責成官文貴陞實力督辦並與楊需隨時知照互相策應軍情變幻靡常惟在該將軍等偵探明確相機布置毋稍大意據奏青麀魁玉楊昌泗收集潰兵數千名繞至長沙有來荆之說殊堪詫異青麀等兵潰後何以徑行遠赴長沙再來荆郡此信如果屬實著俟青麀等到荆後即專摺迅速入奏聽候諭旨其所帶兵勇統歸官文等派員管帶潰散之餘固應收集准台湧前

在德安即因潰兵失事此等潰散兵勇本不足恃且恐與賊匪暗相勾結該將軍等務須悉心詳查分別去留毋致再蹈前轍將此由六百里加緊諭知官文並諭貴陞知之○又諭官文等奏籌勦武漢賊匪請飭撥餉銀火藥設局應付一摺據稱川餉解荆尚需時日現在進勦武昌漢陽等處兵勇口糧及荆郡防堵之旗兵糧餉已經匱乏前次由川解楚銀十萬兩僅止截留二萬兩該將軍等前咨

川省撥解火藥十萬斤火繩十萬盤並另咨提督萬福撥解火藥二三萬斤均係急需不容遲緩著裕瑞籌款接濟並協濟火藥火繩趕緊撥解以備攻勦之用並著萬福即照官文等所咨於附近各營內提撥火藥就近迅速解往毋稍遲延將此由六百里加緊各諭令知之○又諭勝保崇恩奏武定防堵喫緊現籌布置情形一摺前因運河陡漲恐連鎮逆匪乘隙紛竄諭令崇恩於武定德平一帶

嚴防茲據奏稱於本月初三日帶兵三百餘名自高唐赴省布置再赴武定等語此時勦賊正在喫緊之際儻連鎮賊竄而該撫轉迂道省城豈不有誤事機且高唐距省百有餘里一切事宜豈竟毫無聞見必須親往布置方可放心耶現在紳士等管帶練勇在齊河劉營扼要駐守雖奸細供欲窺探省垣難保非聲東擊西故智該撫豈可株守省垣致墮奸計著崇恩於到省查看後不准逗遛即速

出省督兵擇要扼守所有山東與連鎮接壤地方均著飭屬一體嚴防至德州一路仍當隨時督飭姚錫華等小心防範以杜逆匪紛竄之路該撫既知統籌全局即當權衡緩急毋得避難就易自蹈罪戾將此由六百里加緊諭令知之○以辦理山東臨清州善後事宜出力賞知縣董步雲等藍翎餘升敘有差

丁未

孝懿仁皇后忌辰遣官祭

景陵○諭內閣刑部奏遵旨加等嚴定私鑄大錢罪名並奸商阻撓錢法從重治罪一摺近來私鑄日多官鑄大錢日形壅滯復有奸商任意阻撓抗不行使於國用民生均有妨礙若非嚴行懲辦何以肅法紀而儆奸頑著照所請嗣後私鑄當百以下大錢人犯如係為首及匠人數至十千以上或未及十千而私鑄不止一次者即於斬候罪上從重請旨即行正法其私鑄僅止一次為數又在十千以

下者仍照前擬定為斬候入於秋審情實至為首阻撓任意折算之商民人等即照所擬杖八十徒二年再加枷號兩箇月為從杖六十徒一年枷號一箇月均於犯事地方枷號示眾以示懲儆其私鑄人犯既已嚴刑懲治官局各項大錢尤應加工鑄造磨鑿精工以期經久無弊並著各該管錢法堂官嚴飭該管監督司員認真查驗儻有偷工減料攪雜沙土及模糊破碎等弊除將鑪頭工匠按律

治罪外並將該管堂司各官一併懲處不貸以守禦江西省城出力賞知府崔登鼇知縣高夢麟花翎知州楊秉鏞等藍翎餘加銜升敘有差○予直隸陣亡委參領索柱(保和)英春托恩東額烏爾袞泰安壽委防禦烏爾西蘇雙明德明阿來升委驍騎校石成烏林泰德升阿富順貴慶奇恩文凌西郎阿永全巴壽喜升烏海等祭葬世職○予直隸深州等處殉節知縣姚學蘇州同劉鳳巢州判顧

皇后千秋節宮內行禮如儀停止筵宴及在外福晉命婦進內行禮○諭軍機大臣等琦善奏督兵水陸夾擊殲賊多名並紅單船接仗情形一摺七月初二日我兵陸路攻勦瓜州雖轟斃賊匪數百名而該逆避匿不出仍未能即時克復覽奏實深焦急至紅單船駛入大江初次與賊接仗雖銳意進攻尤應妥為布置何以賊船僅十餘隻輒稱賊於船後及土城內施放大礮紅單船即被洞穿兵勇亦多受傷是否陳國泰帶領頭進船隻未能得力吳全美率二起戰船雖連燬金山礮臺逼近賊隄究竟斃賊多寡亦未詳敘琦善節制水軍務當實力督率斷不可任聽該總兵吳全美等稟報致誤事機此項船隻前次諭令琦善與向榮分提原因金陵鎮江瓜州皆係濱臨大江該大臣等共辦一事何處攻勦緊要即應先其所急據琦善奏向榮專札催提吳全美船隻已飭該員帶領二十五隻駛赴

上游聽候調遣現在向榮攻勦金陵如果必須水師協剿自應分撥前往但該船上駛亦必經由瓜州若先併力攻克瓜州再行節節進剿則船多勢壯更可得力該大臣等務須體察現在情形扼要布置合力兜擊斷不准稍存畛域之見琦善現飭陳國泰所帶船隻於瓜州稍上駐泊其陳世忠所帶艇船現泊儀徵之泗源溝葉長春等所帶局艇廣艇在上游攔截江面著琦善即嚴飭該員等認真扼截不得因紅單船到稍有推諉至焦山在鎮江之下必須兼防賊匪竄擾北岸該大臣飭令周士法回駐焦山所辦亦甚合機宜至覈減艇船雇價及水勇雇值不惟可節糜費兼可杜其紛爭所辦甚是乃向榮因聞石埭橋各艇水勇不欲減價輒囑琦善調停將就殊屬非是身為統帥遇事依違何以整飭戎行著向榮與琦善悉心商榷斟酌妥辦儻有不遵法令者即從嚴懲辦毋得任令該水勇

等藉端挾制致貽後患將此由六百里加緊各諭令知之○欽差大臣琦善奏水師船勇擬照紅單船給價分別撤裁得旨所奏是照所擬辦理如有不遵法令即可正法若當斷不斷必貽後患於無窮也○直隸總督桂良奏閩省米船請援案免稅二成餘貨照例納稅得旨所擬實不為刻自應如是辦理○甯古塔副都統巴東阿因病解任以前任黑龍江副都統富春為甯古塔副都統予故原

品休致副都統特爾清額祭葬賞銀三百兩

○庚戌

上詣

壽康宮問

皇貴太妃安○諭軍機大臣等載岱奏參德州防禦揆制上司一摺據稱防禦松阿達於德州城守尉瑞成到任時詢問營內事宜出言頂撞公務廢弛該署副都統派青州佐領豐仲額前往查訊該員實有蒙混抗違情事請

將松阿達革去防禦發往崇恩軍營效力並有明白札知瑞成等語所奏殊屬顛預松阿達經手事件果有廢弛即應指實參奏其語言如何不避亦應詳晰聲敘且既連具五稟控告瑞成其稟內所控何事俱應徹底根究至瑞成出言不慎如何致令屬員輕慢亦未明晰敘及載岱既請將松阿達革去防禦又請發往崇恩軍營效力不但無此辦法且恐有意調停瑞成既有不合即應附參乃僅以

明白札知一語了事亦屬含混著崇恩按照摺內所奏情節東公查訊明確分別參奏至松阿達稱巡撫有城守尉言語粗率令其勸阻之言該撫是否果有此語著一併據實覆奏原摺著鈔給閱看將此諭令知之○又諭有人奏通州河西務一帶奸民聚眾私鑄竟敢於白晝鬧市之中公然設鑪製造地方官畏其人眾不敢查問請飭嚴密訪拏等語通州等處地方密邇京畿現在賊氛未靖奸宄

尤易涸跡。若如所奏。奸民聚眾盤踞。私鑄大錢。毫無忌憚。恐日久別生事端。亟應趕緊查拏。以杜奸萌。著步軍統領衙門。順天府。一體派委幹員。迅往該處嚴密查訪。務將為首各犯。按名拏獲。毋得稍有漏洩。以致吏胥勾通賄縱。聞風遠遁。原摺著鈔給閱看。將此各諭令知之。○河南巡撫英桂奏。奉撥京餉。實在短絀情形。得旨。仍應設法籌解。斷難任汝等備述窘狀一奏了事。○蜀緩河南祥符陳留。

杞。中牟。鄭。滎。陽。汜。水。密。商。邱。甯。陵。鹿。邑。柘。城。睢。武。安。涉。河。內。濟。源。武。陟。溫。鞏。確。山。西。平。遂。平。羅。山。臨。潁。鄆。城。長。葛。永。城。夏。邑。虞。城。沈。邱。項。城。正。陽。安。陽。湯。陰。臨。漳。內。黃。三。十。七。州。縣。被。賊。村。莊。新。舊。額。賦。○辛。亥。

上幸瀛臺。○諭軍機大臣等。慶錫奏遵議設局鑄造大錢章程各摺片。所請先鑄當百當五十。當十大錢。以期暢行。著即先行鼓鑄。其錢背應鑄局名。即查照舊例。用清文寶齣二字。

至五字百字。毋庸添寫人旁。以歸畫一。其餘各條。均著照所議辦理。該總兵即督率委員。招匠試鑄。以備搭放兵餉之需。僅因銅斤支絀。或成本過重。未能獲益。即著停鑄。如果大錢流通無滯。所有部領鈔票。即行暫存官局。另為設法變通。著慶錫隨時體察情形。奏明辦理。將此諭令知之。○又諭。自六月二十八日。接據勝保奏報之後。又逾半月。並未續有奏報。甚不可解。豈連日以來。竟未接仗耶。朕

聞高唐賊匪。於七月初一日。由南面竄出。將吉林馬隊衝散。又由南面竄至西南面。我兵勇多有傷亡。該逆又復竄至勝保營後。吉林馬隊亦被衝散。帳房被賊用刀矛全行挑爛。僅賸兩架。並聞逆匪於朝西等城牆。用布挽做軟梯。南城牆下穿有地道一條。其餘三門俱用土木為壘。僅留缺口一處。以便出入。據此情形。勝保頓兵城下。不但不能剋日進攻。直併該逆出入。亦不能防。殊堪詫異。該逆每

撲一處馬隊總被衝散兵勇總有傷亡甚至大營之後亦被任意衝撲準備毫無可見所稱晝夜列隊悉力合圍者全係虛應故事又聞城中逆匪僅有三百餘名勝保以全力制之何難悉數殲滅軍心懈怠竟至於此勝保近日豈復蹈驕矜故習耶著於接奉此旨後即將連日情形據實覆奏不准稍有掩飾並即督率兵勇悉力進攻早圖克復儻仍似此疏懈攻既不能圍又不密老師糜餉坐令窮寇稽誅勝保等玩誤之罪斷不能曲為原宥也將此由六百里加緊諭知勝保並諭德勒克色楞善祿知之○又諭前據官文等奏統籌全局各情專為攻剿武漢起見並未敘及常德失守情形茲閱所奏仍未將澧州常德一帶實在賊情探明奏報殊深懸念此時漢陽武昌大股固應迅圖剿滅該將軍等先後撥去官兵練勇前有旨令歸楊需調遣著即催雙保福忻等飛速前進至常德府城失陷

岳州龍陽等處賊勢尚張荊州近在對江儻因備豫稍疏致逆眾乘虛北竄或旁擾宜昌上窺襄樊均不可不嚴密籌防以杜該逆奔突之路目下荊州僅有旗兵分撥防守是否足數堵禦派令帶兵接應之副將王國才佟攀梅等能否扼守要隘官文等惟當斟酌緩急先事防維斷不可稍涉疏虞致有貽誤現在長沙至澧州一路文報不通駱秉章前次奏報即係由江西繞越行走該將軍尤須就

近偵探南路軍情隨時馳奏以期便捷所有前駐岳州之塔齊布一軍已有旨令該提督相機東下曾國藩所統水師想亦分起進剿並著官文等知照聯絡以助聲援總期熟計兼權毋致顧此失彼將此由六百里加緊諭知官文並諭貴陞知之○以克復湖北潛江縣城並辦理團練出力賞道員羅遵殿知府多山協領依西布全瑞湯蘇泰雙音泰佐領錫齡阿祥慶德發依吉斯洪阿噶爾桑阿庫

猛額赫爾精布防禦吉德喜祥勝魁吉成強
瑞霍綸泰遊擊常德守備恩保阿中保等花
翎防禦春瑞等藍翎餘升敘有差○壬子中
元節遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵○遣官祭

孝德皇后殯宮○遣官祭

端慧皇太子園寢○

上詣

奉先殿

壽皇殿行禮○詣

壽康宮問

皇貴太妃安○諭內閣前任湖北巡撫青麐自
簡任封圻以來正當黃州漢陽賊匪充斥之
際武昌兵單餉匱本屬實情朕以青麐在學
政任內保守德安郡城念其勤勞畀以重任

疊據奏報省垣布置屢次擊賊獲勝計八十
餘日中困苦艱難所奏原無虛假朕方節次
嚴催各路援兵前赴武漢救應但以道途多
阻未能迅速趕到青麐於六月初二日大股
賊匪攻城時業已派魁玉楊昌泗帶兵連踏
賊營五處但能督率官兵感激眾心竭力屢
戰何至省城遽爾失陷即使嬰城固守坐待
援師亦望解圍有日方當宥過敘功縱或力
盡捐軀不失城亡與亡大節褒忠有典豈不

心跡光明。乃本日接到青磨奏報稱於武勝門督戰時。見城內黃旗皆出。土匪內應。兵勇潰散。率與魁玉楊昌泗擁眾遠避。為移師就餉之謀。徑赴長沙。直是棄城而逃。曷勝痛恨。儻青磨為收復武昌計。或就台湧軍營併力進取。或從官文乞師前來。戴罪圖功。亦可為之曲諒。長沙則去武昌甚遠。並非青磨所轄之地。越境偷生。何詞以辯。若再加之寬典。則疆吏守土之責。幾成具文。何以對死事諸臣。

耶所稱沿途攻剿。擬抵荊州。皆是任意鋪張。希圖掩飾。與前奏不敢畏葸。巧避置城池人民於度外。大相逕庭。朕賞功罰罪。一秉大公。豈能以青磨前此尚有微勞。稍從末減。青磨著俟到荊州時。交官文即行傳旨正法。中外臣民當知朕倚任青磨之念甚切。而青磨喪心負恩。自取罪戾。國法具在。豈能曲為原解。涼州副都統魁玉駐兵洪山。賊由該處衝入。咎無可免。惟前赴長沙。係由青磨率同偕往。

且非守土之官。罪止失律。著即革職。與在籍已革總兵楊昌泗均交楊霽軍營酌量差遣。仍著隨時察看。儻該革員等不知愧懼。並查有臨陣退縮。巧飾推諉情事。即一面據實奏聞。一面以軍法從事。○又諭前因御史范承典奏請將出土銅斤覈實辦理。當經派令阿靈阿會同該御史前往確查具奏。茲據阿靈阿等奏前往銅廠查驗後。隨赴該局將銅斤試行煎鍊。經文瑞攔阻。謂其不應擅入。並據

文瑞奏稱。阿靈阿等私自至局煎鍊銅斤。恐啟偷漏之弊。實屬膽大妄為等語。阿靈阿范承典經特旨派令將出土銅斤查驗。該尚書等於赴局查驗後。因銅色不一。即攜銅至該局煎鍊。自係為辨別銅色。期於覈實起見。況廠中之銅業已運往局中。即為該尚書等應查之件。阿靈阿范承典並無不合。文瑞於奉旨飭查事件。竟敢藉詞攔阻。聲言不應擅自入局。輒以阿靈阿膽大妄為。奏已屬荒謬。

且欲勒令該尚書等寫給是金是銅字據。尤屬負氣任性。有乖體制。文瑞著交部議處。○諭軍機大臣等。有人奏豫省辦理錢糧。未能妥善。請飭設法豫籌一摺。據稱中州兵差絡繹。民力凋疲。自交納錢糧。有半銀半錢之章。而官之取於民者。依然是銀。民執章程。以請命。官即以為刁抗。民所以不能甘心。致滋事端。至州縣官亦因錢二千作銀一兩。則耗銀無出。辦理錢糧。必至棘手。應豫籌官民兩便之方。消患未萌等語。所奏均係實在情形。著英桂督飭藩司鄭敦謹。按照所奏細心體察各情。相機妥辦。務當籌畫全局。力求變通之法。庶使官民不致交困。至被兵處所。已有旨分別蠲緩。其餘應徵錢糧。如有抗不完納者。必當擇尤懲辦。毋得因循畏事。以致釀成大患。該撫前奏許州尉氏兩案。業經於摺中批示。將為首倡謀之犯。盡法懲治。現在此案是否辦結。並著一併覆奏。無稍遲延。原摺著

鈔給閱看。將此由五百里諭知英桂。並傳諭鄭敦謹知之。尋奏尉氏已將首犯王添佑拏獲。并獲從犯多名。許州亦經拏獲要犯報聞。○又諭。前以喫咪各夷酋。於蘇省求見督撫。任意要挾。當經諭令葉名琛嚴諭該酋等。遵守成約。以杜奸萌。茲據怡良奏稱。接喫咪包哈公文。稱前在粵東時。欽差大臣酬以無禮。並接咪酋麥蓮勒畢。噲照會。有擬與喫咪同赴天津等語。夷人詭譎性成。明知通商事宜。

胥歸粵東辦理。輒赴各海口。妄肆要求。現已諭怡良令該夷酋等。前赴粵東聽候查辦。著葉名琛仍遵前旨。設法開導。諭以堅守成約。斷不容以十二年變通之說。妄有覬覦。並諭以天津海口。現因辦理防堵。兵勇雲集。儻該夷貿然而來。船隻或有損傷。轉致自貽伊戚。至該督接見夷酋等儀文。仍當恪守舊章。無得以該夷等有相待稍優之請。少涉遷就。以致弛其畏憚之心。前據葉名琛奏。探聞俄夷

與暎夷訂期交戰。並於香港地方將伊等貨船搶去。該夷等方有戒心。何以轉與中國為難。傳聞之詞。或多不實。該督辦理此事。尤應格外慎重。萬不可以俄夷方與該夷等構釁。一切稍存大意。所有近日如何查辦情形。即著由驛馳奏。湖北武昌。漢陽。城池。亟圖克復。需餉孔急。著葉名琛迅速酌籌銀數萬兩。派委委員陸續解交楊需軍營。以資接濟。毋稍延誤。怡良摺著鈔給閱看。將此由六百里加

緊諭令知之。○又諭怡良奏現辦夷務情形。據味酋有欲偕暎酋赴津之說。該夷等藉端要求。是其慣技。其所言亦不過虛詞探試。本日已諭知葉名琛。堅明約束。妥為查辦。該督即飭夷酋等。前赴廣東聽候辦理。勿生枝節。至吉爾杭阿。接任巡撫。責無旁貸。即應督兵迅圖克復上海縣城。以副重任。本日據該督所奏。尚未提及攻剿上海之事。殊深懸念。著吉爾杭阿。迅即督率將弁。設法環攻。總期一

鼓殲除。毋致該匪蹈隙他竄。別滋延蔓。將此由六百里加緊各諭令知之。○又諭前據官文奏。據聞青磨有繞至長沙。前赴荊州之信。覽奏已堪詫異。當諭令該將軍。如果實有其事。即行專摺馳奏。候旨辦理。乃本日竟據青磨由長沙發來奏報。妄以移師就餉等詞。飾其棄城而逃之罪。披閱之餘。憤恨何極。青磨以巡撫大員。職任守土。賊至既不能嬰城固守。迨省城失陷。尚復忍恥偷生。輟轉越境。種

種悖謬荒唐。殊出情理之外。朕權衡至再。若不立正典刑。無以肅軍律而昭炯戒。著官文於接奉此旨後。若青磨果至荊州。即著就地正法。儻青磨繞越他處。即揀派道府大員。嚴密迎提到。由該將軍宣示諭旨。即將青磨正法。不得稍有漏洩。致稽顯戮。至前竄常德之賊。現據駱秉章奏稱。已全數回竄岳州。於該郡城外修固溝壘。欲圖久踞。本日已諭知駱秉章。仍即迅飭塔齊布。會國藩趕緊進攻。

以期殲滅此股。後為率師東下之計。並著官文等遵奉疊降諭旨。妥籌防守。荆郡毋稍大意。將此諭令知之。○又諭楊需奏通籌楚北全局一摺。朕詳加披覽。所稱安陸肅清。則荆襄鞏固。然後可圖進取之語。自係審度情勢。為先保江北起見。但此時賊踞武昌。以漢陽黃州為犄角。若不亟圖進取。則該逆日久盤踞。根蒂愈固。攻克愈難。自以迅速進兵。直達武昌。為第一要策。桂明。佈克慎。台灣所帶之

兵計已不少。所駐之應城。長江埠。楊店。皆已逼近漢江。台灣前奏已飭劉富成覓船渡兵。兩月以來。常有就緒。該撫既有三路進兵之議。即應趕緊前進。著楊需即督桂明。佈克慎。台灣各帶官兵。分道速剿。至雙保一軍。前據官文等奏。已飭由沔陽州之仙桃鎮。漢陽縣之蔡店。直搗漢陽。如已啟程。則該署總兵已就近抄出漢川黃陂前路。桂明等所帶官兵。夾江並進。愈不可緩。儻因安陸土匪。又令雙

保折回北境。誠恐愈形迂緩。該撫但當以速克武昌為急。不可稍涉遲疑。舒倫保前已有旨。飭令來京。陛見。所帶官兵。即著該撫統帶前進。後起之兵。何以至今未到。顯係沿途逗遛。即著飛飭嚴催。以資攻剿。另片奏請將被賊蹂躪各州縣。分別辦理等語。地方被賊肆擾。州縣文武罪名。原不准稍從末減。姑念湖北現在委用乏人。各該州縣中。如果情有可原。尚能戴罪圖功者。著暫准其量加寬典。其

平日居官庸劣。及毫無準備。畏葸退縮之員。即按律重懲。斷無足惜。此係權宜辦理。該撫務當確覈功過。信賞必罰。不可徒為委員開脫。所保之黃安縣知縣許慶藻。已明降諭旨。以湖北知府升用。先換頂帶。並賞戴花翎。因思黃州府知府周炳鑑。該省奏報中。從未敘及黃州府為扼要重地。如知府得人。各屬團練用命。不但為楚省屏障。兼可為皖豫聲援。該府周炳鑑。此時儻尚未到任。即可將許慶

藻升補是缺。即使業已到任。而才力或有不逮。亦可撤回。以許廣藻奏補。如實係無須更調。即將許廣藻暫留黃安本任。毋庸開缺。均著該撫察看具奏。將此由六百里加緊諭令知之。尋奏周炳鑑現署鄖陽府。請將許廣藻署黃州府。仍兼攝黃安縣事。從之。○又諭。岳州一郡。為南北衝要。屢經逆眾竄踞。此次該逆復由常德。全數退竄。該郡城外。欲為久踞之計。塔齊布。曾國藩。水陸各軍。皆為所牽掣。不能出湖東下。圖攻武昌。此時常德回竄之路。固不可不防。而岳州大股。必須迅圖剿辦。以扼其吭。所有添撥塔齊布之湘楚各勇。數已不少。曾國藩頭起師船。亦經啟行。正可乘此聲勢。迅圖水陸夾擊之策。惟須面面兼顧。使逆眾不能來往自如。方能掃除巢穴。斷不可輕於一擲。再致損我軍威。諒塔齊布與曾國藩同辦此事。必能和衷商榷。計出萬全也。楊需現由德安一路進攻武昌。並著駱秉章

等設法隨時知照。俾彼此互相應援。其湖北難民。應如何安撫資遣之處。並著該撫迅籌辦理。毋令別滋事端。將此由六百里加緊諭知駱秉章。並諭塔齊布。曾國藩。知之。○又諭。據駱秉章奏。請籌撥餉銀等語。現在湖南岳州一帶。賊船紛紛占踞。剿辦喫緊。需餉浩繁。該省庫款支絀。無從設措。據稱江西應解湖北餉銀十萬兩。因道路梗阻。尚未解到。著陳啟邁。迅即派委妥員。將五萬兩趕解湖南。其餘銀五萬兩。仍行解往湖北。交楊需軍營。以資接濟。毋稍遲延。將此由六百里加緊諭令知之。○直隸布政使庚長奏。遵查各屬錢糧徵解情形。得旨。覽奏。尚係實情。今年下忙徵收若何。豈敢豫定。兢業之念。無時或失。尚或恐精神有不到之處。若妄冀將來是先存一自滿之念。大不可也。著隨時與桂良。悉心商酌。實力籌維。近來各省習氣。動請部撥。試思部庫焉有若是之多。款供天下之用也。大都

封疆大吏。未必不知京餉支絀。姑為是請。以圖省事。蓋因平時漫不經心。安榮處優。坐享其成。及至束手無策。非請撥無以為計。若肯晝夜孜孜。視地方之事。如一身一家之事。然豈有痛癢相關之切。不盡心救藥者乎。此旨與桂良看。○以辦理湖北黃安縣團練出力。予知縣許廣藻。以知府用。賞花翎。○癸丑。諭軍機大臣等。皖省廬郡攻圍日久。未能克復。秦定三帶兵。勦辦舒城逆匪。雖屢經獲勝。亦

尚未攻克。本日據和春等奏。復有大股賊匪。由英山霍山竄至六安。並因舒城攻勦緊急。賊眾由金陵桐城安慶前來接應。是皖省勦賊情形。極為喫緊。且各路派員防堵。以及勸諭捐輸。設法籌餉。在在需人經理。已革刑部侍郎雷以誠。現在襄下河駐劄。著琦善即傳諭該革員。迅速前赴安徽和春福濟軍營。幫同辦理籌餉防堵各事宜。其所帶襄下河募勇。並經手事件。著琦善另派得力幹員。前往

接辦。毋稍疏虞。將此由六百里加緊諭知。琦善並傳諭雷以誠知之。○又諭前因和春福濟奏。請部撥餉銀二十萬兩。經戶部議給十萬兩。在廣東提解部庫銀二十萬兩。內撥給本日據和春等奏。請飭將廣東前撥京餉二十萬兩。全數撥解廬州。並請飭四川亦撥銀二十萬兩。各等語。據稱皖省兵勇。現無十日口糧。正當攻勦喫緊之際。自未便令軍士枵腹荷戈。致生他變。該省捐輸錢糧。均不足恃。

自應協力籌撥。以備要需。惟各處軍營請餉紛紛。不止安徽一省。該提督等所請數目。至二十萬兩之多。亦恐四川廣東兩省。未能照數撥給。粵省正二兩月業已分批啟程。川省各款亦須兼顧。京餉未可拘泥辦理。著裕瑞葉名琛。柏貴各就地方情形。力能籌解若干。兩即行批撥。飛速委員。徑解廬州。藉資接濟。不得以無項可撥覆奏。致誤要需。本日據王慶雲奏。陝兵出境。前赴襄樊防剿。請飭四川

籌餉協濟。並著裕瑞與王慶雲酌度緩急。通融辦理。毋得稍存畛域。將此由六百里加緊各諭令知之。○又諭和春、福濟奏添兵助剿舒城逆匪。並逆匪竄至霍山。攻撲六安各摺片。逆匪屢次攻撲。雖經秦定三督兵攻擊。疊獲勝仗。而該逆以大股抗拒。並於入城要隘築壘阻我進路。羅大綱復帶賊眾由金陵安慶桐城前來救援。是該逆大股踵至。不但欲救援舒城。兼欲解廬州之圍。以圖北竄。秦定三。現在兵力甚單。自應添撥兵勇馳往協剿。和春等現派音德布帶雲南、四川及開化兵勇一千六百名。並撥川勇四百名。均歸秦定三節制。自應如此辦理。逆匪現由霍山攻撲六安。難保不窺伺北路。正陽關僅劉玉豹帶兵數百名。殊嫌單薄。儻秦定三因攻剿舒城深入重地。而該逆竄擾六安。則我兵必有腹背受敵之勢。英霍一帶。又與湖北蘄水接連。設該逆乘北路空虛。肆行奔突。為害更鉅。著

秦定三察看緩急情形。一面攻剿舒城。仍應兼顧後路。以杜逆匪北竄。袁甲三現駐臨淮。和春已咨調該處兵一千名。馳赴正陽關。著袁甲三即飭帶兵各員迅速前往。仍著隨時偵探賊情。相機堵剿。務期聲勢聯絡。以遏賊衝。並嚴飭劉玉豹等實力堵禦。毋稍大意。和春、福濟仍當察看西路情形。如須再添兵。立即速撥往應援。現在高唐連鎮逆匪尚未肅清。若令南賊續行北竄。朕惟該提督等是問。另摺奏皖省軍餉緊要。請飭廣東、山東、陝、甘、解。又片奏安徽被賊蹂躪。地方凋敝。無款可籌。自係實在情形。惟錢漕為國家惟正之供。藩司職任度支。所有未被兵州縣。應如何遴選賢員設法徵收。以濟軍餉。豈得盡仰給他省。束手無策。和春、福濟但慮兵潰由於餉絀。而不計及餉糜由於師老。若各路帶兵大員攻剿迅速。何致虛糜如此鉅款耶。至淮北滯引。前據袁甲三奏設法疏銷。此項鹽課。如果辦

理得宜。亦可陸續接濟。大營軍餉。著袁甲三統籌全局。與和春等通融辦理。以濟急需。將此由六百里加緊各諭令知之。○又諭。和春。福濟。奏。皖餉緊急。請分飭撥解一摺。前因安徽需餉孔急。令和春等仿照金陵協濟章程。約計兵勇數目。每月需銀若干。就近咨商各督撫。按月供給。並准戶部所議。令山陝兩省。月濟皖餉各五萬兩。以應支發。茲據和春等奏。需餉情形。甚為急迫。現在廬州舒城等處。

奉 奉 奉 奉 奉

奉 奉 奉 奉 奉

正值攻勦喫緊之時。若令餉絀。兵譁。軍心渙散。關繫非輕。著恆春。王慶雲。遵照前旨。設法通融。按月撥給銀各五萬兩。迅速起解。趕赴和春等軍營應用。毋稍遲誤。本日據王慶雲奏。陝兵出境。赴襄樊防勦。請飭山西籌餉協濟。並著恆春。與王慶雲。酌度緩急。通融辦理。將此由六百里加緊各諭令知之。○又諭。王慶雲奏。襄樊需餉。請飭山西四川等省。協力籌濟等語。本日已寄諭該督撫設法籌解矣。

襄樊與宛鄧毗連。荆襄兩郡。均為川東夔巫門戶。裕瑞等自應力籌接濟。惟襄樊移調之兵。陝省為多。且商雉均資屏蔽。若專待他省協撥餉需。誠恐緩不濟急。仍著王慶雲。盡力籌撥。以期源源接濟。不可稍分畛域。致誤要需。至襄樊兵力。是否足敷布置。即著該撫隨時知照。楊需酌量移撥可也。將此由六百里加緊諭令知之。○又諭。崇恩奏。馳抵武定。布置大概情形一摺。連日以來。未接僧格林沁。

奉 奉 奉 奉 奉

奉 奉 奉 奉 奉

勝保軍報。未知高唐連鎮。如何攻勦。聞高唐城內賊匪。不過三五百名。而屢出撲擾。我兵時有傷亡。連鎮賊匪。又時有潛竄之意。是高唐攻勦。與武定設防。均關緊要。該撫所稱。平原樂陵兩路。為扼賊南竄要隘。已有厲恩官等兵勇。並典史葉壽海。所辦聯莊團練。似足以資保衛。而該撫全隊兵勇。又皆留在高唐。正須兼顧。妥籌。庶不致徒勞往返。著崇恩體察情形。如果武定之防。實在可恃。現在積潦。

橫途足限賊竄之路。即仍赴高唐督兵協剿。僅該郡防堵。尚須親身督辦。即暫留武定。將防務布置嚴密。再往高唐。亦無不可。著崇恩於接奉此旨後。即將應駐何處情形。由驛馳奏。總期的度緩急。確有把握。不得僕僕道途。空有履勘之名。於督勦籌防。轉致毫無裨益。將此由六百里加緊諭令知之。○以會勦安徽舒城賊匪不力。革雲南鶴麗鎮總兵官音德布職。以廣西梧州協副將薩炳阿為雲南鶴麗鎮總兵官。○予安徽陣亡把總吳大春祭葬世職。○甲寅。參贊大臣曾格林沁等奏。轟擊連鎮賊巢情形。得旨。朕日盼捷音甚切。汝豈不知此次所奏各情。尚係毫無把握。朕實不解。功罪惟汝自取。朕亦無可再諭矣。又奏。請將已革發遣漕督李湘簪留營差委。並先繳臺費。批。李湘簪著准其留營差遣。如不得力。即行正法。或仍行發遣。惟不准免罪。亦不准先繳臺費。以昭核實。○乙卯。諭內閣。桂

良奏。請飭運代購銅斤。以資鼓鑄。一摺。直隸現鑄大錢。需銅孔急。據查有道光九年分。江蘇省代購銅斤二十七萬斤。直隸未經領運。著怡良。吉爾杭阿。即行查明。此項銅斤。派委妥員。迅附海運解津。其銅價銀兩。由直隸分年解還。並著酌定運費。先由該省暫墊。此外仍著寬為籌畫。以應要需。○命已革山西太原鎮總兵官烏勒欣泰。往連鎮軍營。交參贊大臣曾格林沁差委。○丙辰。

上詣

壽康宮問

皇貴太妃安。○諭內閣。戶部奏。請發寶鈔。易換當十。當五百大錢等語。此項大錢。或令換鈔。或於捐輸等項內。分成酌量收回。著戶部再行妥議具奏。尋奏。當十當五百大錢。甫經行使。即形壅滯者。以折當過多。私鑄益眾。利之所在。法難盡除。既停鑄。以清其源。必收回以防其弊。而尤在收之迅速。使私鑄無隙可乘。

則不禁自絕。前議以寶鈔收回大錢。少則旬日之間。多亦不過一月而止。不致遷延滋弊。捐輸之搭收大錢。與大錢換鈔。殊途同歸。而一速一遲。不無區別。仍請將寶鈔發給錢行經紀。驗明局鑄大錢。如數收回。以昭便捷。從之。○又諭。德通奏。保留年滿筆帖式一摺。烏什印房筆帖式麟祥。既據該大臣奏稱。行走已歷多年。且通曉清漢文義。為辦事可靠之員。乃本日德通清字謝恩摺內。多有脫漏錯

書卷三十五

三

誤之處。該筆帖式既在印房當差。即有繕寫校閱之責。其於清文不悉心講究。已可概見。麟祥著仍撤回本城。毋庸留於烏什幫辦章京事務。○命扎魯特扎薩克貝勒諾爾布林沁。在乾清門行走。○丁巳諭內閣。雷以誠奏。土匪聚眾焚搶。派員勦撲。擒獲首要各犯一摺。揚州府東鄉地方。土匪董文瀾。李大坤。傅萬祥等。藉霸租為由。聯絡各莊。飲錢聚眾。經雷以誠訪聞。即傳知留營差委之已革揚州

府知府張廷瑞。督同文舉人李寅清。赴遠近村莊。妥為勸諭。先後解散者五十餘莊。六月二十五日。董文瀾等。鳴鑼糾眾。分起搶掠。當即派委直隸州知州銜陳錫麟。揀選知縣任桂。會同張廷瑞。帶勇分路進剿。該逆紛紛逃竄。並經琦善。飭令揚州營參將玉德等。帶兵會剿。任桂帶勇。追至董文瀾所住之官劉莊。勦斃匪犯多名。並將其巢穴房屋焚毀。旋於孫家墩。將董文瀾擒獲。復追至六甲地方。將

書卷三十五

三

李大坤等。住房拆毀。即會同州縣營汛。將李大坤。傅萬祥。兩首犯。拏獲。並知情同謀之要犯劉長明等十八名。另股糾搶要犯陳加桐等七名。先後拏獲到營。均於訊明後。就軍前正法。東鄉各屬。現已安靖。此案東鄉土匪聚眾肆擾。經琦善等。派委員弁。勦撫兼施。立將首要各犯。悉數擒獲。辦理尚為妥速。所有在事員弁。著琦善。雷以誠。擇其尤為出力者。酌保數員。以示獎勵。各該地方州縣營汛。各官

雖經失察於前。尚能協緝於後。所有應得處分。均准其寬免。其東鄉一帶地方。仍著琦善派委要員。隨時稽查。毋稍疏懈。○諭軍機大臣等。有人奏廣東省每遇歲科考試。州縣官所取案首。多係以財行求。瓊州府屬尤甚。往往於未考之先。即已講定。多則洋銀七八百圓。少則四五百圓不等。甚至自第二名至第十名。非用洋銀數十圓。亦不能得。儋州文昌縣各文童。每因考試不公。有毆官毀署情事。

廣東省志

三

陋習相沿。任意賄賣。學政所得棚規程儀。由各州縣攤派。是以瞻徇情面。將案首全行錄取等語。童試為士子進身之階。似此散法營私。若不嚴行參辦。何以儆貪吏而挽士風。著葉名琛。柏貴嚴飭各管道府。於所屬州縣認真查察。每遇歲科考試。務當擇其文理優長者。置之前列。如有前項積弊。即行據實嚴參。如學政瞻徇錄取。亦即查明參奏。毋稍隱飾。原摺著鈔給閱看。將此諭令知之。○又諭吉

爾杭阿奏三次轟坍滬城大獲勝仗一摺。逆匪占踞上海縣城。我兵攻圍日久。總未能掃穴擒渠。此次三處地雷同時舉發。疊次環攻。雖殲斃賊黨一千四百餘名。而該逆於城中豫築土壘。挖掘內壕。以致未能即時克復。縣城且我軍傷亡弁兵亦復不少。失此機會。殊覺可惜。該逆經此懲創。或仍負隅死拒。或意圖他竄。均未可定。著吉爾杭阿仍嚴飭各營將弁迅速進攻。務將縣城克復。首夥各犯悉

廣東省志

三

數殲擒。毋令乘間竄逸。吳健彰現已拏問所帶水師。必須揀派得力將弁統帶。以期水陸夾攻。剋期收復。毋得再事遷延。致干重咎。前據怡良奏。味首有欲偕啖苗赴津之說。該苗狡詐百端。此時情形究竟如何。著怡良吉爾杭阿隨時密探。據實具奏。另片奏紅單船駛入長江。鉛子火藥已委員解送等語。此項船隻現已入江。攻剿正當喫緊之際。所需鉛藥刻不容緩。著怡良等督飭在局各員源源接

濟母令缺乏將此由六百里加緊各諭令知之○予江蘇陣亡副將清長都司世銘千總丁占先祭葬世職

書錄

書

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百三十六

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百三十七

秋修

咸豐四年甲寅七月戊午諭內閣前有旨嚴

定私鑄當百以下大錢並阻撓行使各罪名各該衙門諒已遵旨出示剴切曉諭俾兵丁商民人等一體懍遵矣因思大錢製造之初民間極知寶貴嗣因私鑄充斥真偽難分以致商民猜疑錢法不免壅滯茲已降旨停鑄當十當五百大錢但鑄當百以下各項大錢與制錢相輔而行輕重相權均勻搭配便民利用必可暢行惟官局製造若不精良仍恐私鑄得以淆混著該管錢法各堂官嚴飭監

督司員等督率工匠所鑄常百以下大錢務須加工磨鑿色澤光潤俾私鑄不能相混而市儈奸商亦無所藉口。儻查有偷減工料及攙雜破碎者卽行嚴叅懲處。其奸民私鑄及官局偷漏等弊仍著步軍統領順天府五城嚴拏務獲。按照新例從重治罪。至各直省鼓鑄大錢亦著各該督撫嚴飭局員認真查驗。如有前項弊端立卽查明從重懲辦毋稍疏懈。○又諭陳啟邁奏勦辦武甯匪徒疊獲勝

仗收復縣城一摺。江西武甯縣被匪竄擾經陳啟邁派委浙江處州鎮遊擊常海等帶兵往勦並令南昌府知府史致諤前往督辦。六月初四日馳抵該處會同已革署武甯縣事通判王宇英分撥兵勇堵賊竄路。初七至十七等日五次進攻多有斬擒。其由紫鹿嶺敗逃賊匪亦經義甯靖安官兵勦殺獲勝復於十九日派湖南邵陽縣知縣劉馨朝等分投設伏。王宇英等分為四隊史致諤常海督同

臨川縣知縣馬永熾等管帶兵勇往來策應。於是日已刻出隊分撲賊營該逆突出二千有餘向前迎拒。常海親督兵勇槍礮齊施眾軍左右衝突刀矛繼進自己至未鏖戰三時之久賊匪紛紛敗竄我軍收復縣城並將南西二面賊營一律踏毀。敗逃餘匪多被劉馨朝等伏兵所殺。城內城外賊屍枕藉長髮居多黃衣紅衣賊目亦復不少統計斃賊不下千餘其追逼落河及翻山跌斃者不可數計。

生擒冷紹仁等二百三名均卽審明正法。此次勦除武甯匪徒收復縣城辦理尚為迅速該撫仍當嚴飭該文武等接勦逆匪勿留餘孽。所有在事出力員弁兵勇及陣亡士卒紳勇卽著查明彙案覈辦。南昌府知府史致諤例有應得處分惟勦捕出力克復縣城功過尚足相抵著加恩免其議處。另片奏司道各員平日辦事實力實心且股匪皆由湖北竄入並非本地奸民會匪請免處分等語。藩司

陸元煥督糧道鄧仁瑩均未督辦。臬司惲光宸雖帶兵出省。亦未前赴武甯勦捕。應得處分。未便概予抵免。仍著該撫咨部照例辦理。○諭軍機大臣等。前據琦善奏向榮催提紅單船隻。當諭令該大臣等體察情形。扼要布置。茲據向榮奏稱。艇師扼駐六合江面。江鎮賊已不通。而上游逆艘往來。必應趕緊布置。斷其接濟。已指調吳全美船二十五隻。迅圖進擊等語。所奏各情。自係因上游緊要。欲將

此項船隻徑赴太平一帶扼駐蕪湖。為往來勦洗之計。惟分提二十五隻。即再配師艇二隻。為數尚不甚多。是否足資堵擊。且該逆在夾江趕紮木穽。並增築礮臺及火攻船隻。是逆匪已有準備。此項紅單船隻。或宜分攻。或宜合勦。前已有旨令琦善向榮妥商酌辦。該大臣等惟當扼要攻勦。務令上下游船隻聲息相通。互為策應。斷不可稍分畛域。致誤事機。該逆詭計百出。尤應嚴飭統帶水師各員

加意嚴防。毋稍疏懈。至向榮奏稱逆匪因瓜州難守。欲歸併鎮江。現已陸續竄往。築造石城。此時瓜州賊情究竟如何。若因我兵攻擊甚緊。又復全數竄赴鎮江。如揚州潛竄故智。余萬清所帶兵勇恐難抵禦。著琦善督飭將弁迅攻瓜州。仍嚴防該逆竄路。毋令與鎮江之匪合而為一。並著向榮嚴飭余萬清迅圖克復。不准再事遷延。師船既扼截江面。則陸路防勦更宜嚴密布置。浦口一帶與上下游

師船是否聯絡。恐該逆由此路乘虛北竄。該大臣等務須統籌全局。迅掃賊氛。以慰廑念。將此由六百里加緊各諭令知之。○又諭據向榮奏飭催續調船隻一摺。此時江省水師疊獲勝仗。紅單船已於七月初二日擊至瓜州之上。亟宜乘勢進攻。肅清江面。茲據向榮奏稱續調紅單等船至今尚無到江信息。似此遷延。必致貽誤大局。著葉名琛等即飭將紅單等船兵勇口糧及一切應用火藥等項

趕備齊全。催令謝焜飛速管帶直赴江南。不准稍有遲延。並著沿途閩浙各督撫。於該師船過境時。迅即催趲前進。前此紅單船由粵抵閩。經王懿德截留。勒辦匪徒。不但遲延。時日未能迅速駛入長江。而船隻器械多有損壞。又回粵東修理。節節耽延。至今始到金陵。應用已屬緩不濟急。此項後起船隻。開行後斷不准截留遲延貽誤。致干重咎。入江以後。著怡良、吉爾杭阿查看口糧火藥齊備。即令

上駛。聽候琦善、向榮調遣。俾得併力攻勦。至紅單挖風各船所需經費。仍著葉名琛等設法籌備。派員解往。以資接濟。毋稍遲誤。將此由六百里加緊各諭令知之。○又諭陳啟邁奏收復武甯縣城。擒勦餘匪一摺。江境各股賊匪。前經官兵痛勦。將德安、建昌二縣次第收復。此次復攻克武甯。斃賊無數。辦理尚屬得手。惟敗竄逆眾。仍糾合餘匪。在橫路等處屯聚。並有往招武昌賊夥。欲圖報復之說。刻

下勦辦機宜。更不容緩。亟應將餘孽勦除淨盡。勿令醜類踞隘負隅。再成滋蔓之勢。該撫已檄調遊擊富克金、泰等帶勇由德安前往會勦。著即嚴飭史致諤、常海等乘勢撲滅。若進勦稍遲。難保不勾引武昌逆匪越境為患。此股逆黨。本係由九江闖入滋擾。是九江為該逆來路。必須堵截。前次所稱派集弁兵在彼處躡賊後蹤。是否足恃。臬司惲光宸前赴九江布置。是否周妥。如仍須大員在潯督辦。

則該臬司不必急急回省。地方情形緩急靡定。務須隨時偵探。妥籌兼顧。勿稍大意。義甯一州緊連楚北所屬之梁江、蒲口等處。均係由楚入江要隘。自趙如勝等焚毀港口賊巢之後。近日如何接仗。有無賊蹤屯踞。雖該處鄉團齊心守禦嚴密。亦應飛飭帶兵官弁趕緊殲除。方免後患。前此陳啟邁奏陳堵勦情形。曾經批諭該撫不分畛域。不准祇顧本境。暫圖目前靜謐。現在武漢賊氛。仍前猖獗。楊

霽雖已馳抵德安郡城。其能否進逼漢陽。直抵武昌。尚未可定。而武昌黃州各州縣皆密通江西。即湖南岳州一帶亦皆犬牙相錯。陳啟邁務當外殄寇氛。內除土匪。毋得專顧一隅。稍有疏懈。將此由六百里加緊諭令知之。○署陝西提督豐伸奏。由商南防所移兵。遵赴湖北襄陽扼截。得旨。抵襄後一切情形。詳細入奏。汝既能不分畛域。甚好。○賞扎魯特扎薩克貝勒諾爾布林沁雙眼花翎。○己未

諭內閣。和春福濟奏。連日攻勦廬州舒城逆匪。大獲勝仗。一摺。皖省賊匪困踞廬州。並擾舒城。七月初九日。經和春等督率官兵前赴得勝門。盡力擊殺。賊勢大潰。官兵追殺直至城下。統計斃賊一千餘名。十二日黎明復令楚勇於得勝門外誘敵。突出賊匪千餘人。各勇迎擊。後路官兵馳至。斃賊二三百名。舒城逆匪剽駐橫嶺。經秦定三於七月初六初七初八初十十二日。督同郝光甲等分勦。斃賊

無數。廬州舒城逆匪屢經痛勦。勢更窮蹙。仍著和春秦定三等督飭將弁兵勇。乘此聲威。剋期收復。毋稍延緩。陣亡兵勇咨部照例議卹。另片奏請將疊次進勦出力之文武員弁兵勇鼓勵等語。著擇其尤為出力者酌量保奏。其堵勦出力之紳耆團勇並著從優保奏。以昭激勸。○諭軍機大臣等。勝保奏遵旨覆奏高唐進攻情形。覽奏殊多粉飾。以馬步兵勇列營分布。攻此孤城。不能迅速滅賊。專事

晝夜巡防。直是反客為主。勝保帶兵轉戰經年。何至如此不知振作。培成那敷德等係屢經嚴諭飭令查叅之員。既稱不能得力。即應從嚴甄別。何以一味姑容。不行叅奏。轉以尚非退縮畏葸等詞。為之開脫。軍營人員必須隨時察看。方能一人得一人之用。若委曲遷就。徒事瞻徇。無怪將驕兵惰。日久無功。所稱鑄造大礮。以為轟城之具。尤屬無此辦法。已於摺內詳晰批示。勝保前此進攻高唐。月餘

之久始稱步隊未有藤牌。今又越月餘始擬鑄造大礮。竟似進攻之始。毫未計及。僅鑄成之後。又似呂公車之不能適用。勝保又將何所藉口。至覆奏吉林帳房被賊挑破一節。諉為造飯帳房尤屬含混。外省覆奏事件。每多避重就輕。朕方且力加整頓。軍營之中。豈容有此習氣。其所稱過蒙寬恕優容。即不免人言藉藉之語。更屬非是。勝保果能剋日奏功。即有人言。從何而入。況經朕訪聞。特旨詢問。

之件。而勝保敢為此語。將必使朕毫無聞見。以遂其遷延掩飾之私耶。所請籌撥餉銀。此時籌餉之艱。勝保諒所深悉。即有指撥之款。亦恐不能剋期解到。自應仍由東省籌畫。就近供支。亦豈能任聽該省。以不能接濟為詞。專待他省協撥也。將此由六百里加緊諭令知之。○又諭前據駱秉章奏常德賊匪全竄岳州。欲圖久踞。當以該郡為南北衝要。諭令駱秉章並諭塔齊布。會國藩速將此股逆賊。

合力殲除。方可出湖東下。為進攻武昌之計。連日未據續報。朕心懸念殊深。此時盤踞武昌之賊。仍恃黃州漢陽為犄角。楊需行抵德安後。能否即日渡江進剿。尚未可定。而岳州大股。又成負隅之勢。塔齊布所領各兵。早由湘陰一路直趨前進。嗣復添撥練勇三千六百名。兵力尚不為單。一切勦辦機宜。是否確有把握。曾國藩後起師船。如已布置停妥。亦應跟蹤疾進。以圖併力環攻。前派赴龍陽常

德援剿之升任臬司胡林翼。所帶楚黔各勇。亦有二千餘名之多。目下常德賊匪退竄西路。情形較鬆。即可飛催該臬司。迅即移歸岳郡。隨同塔齊布等相機協剿。其由平江進剿崇通之江忠淑一軍。前奏早抵湖北。儻勦辦得手。亦可由通山咸甯一路馳赴武昌。攻賊之背。並著該撫等酌度情形。妥速籌辦。值此兵力厚集之時。該提督等惟當迅圖攻剿。毋致坐失事機。所有緊要軍情。即由塔齊布、曾

國藩隨時由驛馳報。不可稍涉拘泥。本日據勝保片奏。在高唐州城外。擒獲偽總制一名。供稱逆首楊秀青。籍隸湖南耒陽縣。住城外西鄉三角坪地方。伊父楊大朋犯罪。早經明正典刑。家中尚有親屬等語。著駱秉章。迅即遴委妥員。密速馳往查訪。如逆首楊秀青。實係耒陽縣人。即將逆族親屬。盡行拘拏到省。盡法懲治。並將該逆祖父墳墓。查明後發掘焚燒。以除孽種。將此由六百里諭知駱秉章。

塔齊布。並傳諭曾國藩知之。○欽差大臣勝保等奏。連次進攻高唐州賊匪。均未得手。現在設法勦辦。得旨。屢次進攻。總有傷亡兵勇。殊堪痛恨。勝保負恩貽誤。即在軍前正法。亦屬罪有應得。姑念汝以前尚知奮勉。暫觀後效。懍之。又奏籌措經費。擬鑄萬餘斤大礮。轟城。批。藉此遷延時日。斷無此辦法。即使造成。能放。何以運轉靈活。朕聞汝等營盤離城有十里外者。覽此。益徵萬餘斤大礮。非近攻之

具。不過冀其猛烈。實先存畏蕙之心。勝保近日習氣已深。朕為汝惜。利害太分明。身家之念重。朕為汝恨。○以山東高唐州勦賊。遷延。拔欽差大臣勝保花翎。○予山東陣亡從九品銜張翊莊。祭葬世職。○庚申諭內閣。駱秉章。曾國藩。奏。水師克復岳州。湖南賊踪全數殄滅。一摺。逆匪自復踞岳州以後。多添城壘。設卡毀橋。並將攻陷常德。逆匪悉數收回。屯聚該郡。意圖負隅久抗。經駱秉章。曾國藩。於

水師戰船齊備後。即派令道銜山西候補知府褚汝航等。管帶頭幫師船。進泊鹿角。並調升用知府羅澤南等。各帶練勇。會同塔齊布。所派陸路官兵。約期並進。六月二十九日。水師分隊設伏。先遣文生何南青。以疑兵佯敗誘賊。逆船蜂擁出追。即補守備楊載福。即選知縣彭玉麟。伏兵齊起。褚汝航坐船亦到。立將手執黃旗大賊目一名。轟斃。賊船潰亂。自相撞擊。我軍乘勝進追。沈燬逆船百餘隻。奪

獲三十四隻。斃賊三百餘人。生擒六十二人。逆匪窮蹙宵遁。當將岳州府城克復。七月初三日。逆匪復率賊船三四百號。悉銳來犯。甫過城陵磯。卽與我嚮導小船相遇。褚汝航與升用同知夏鑾。催船齊進。槍礮兼施。先將該逆頭船奪獲。並將戴紫金冠黃繖龍旗之賊。轟擊落水。彭玉麟由湖西抄尾而來。礮子所至。洞中賊船。冒火衝煙。奮力追殺。斃偽丞相一名。生擒賊匪三十五名。楊載福由湖東沿岸斜進。親執長矛。將身披黃袍之偽丞相汪得勝。登時刺殺。眾礮齊發。賊眾紛紛落水。逆匪三路皆敗。褚汝航等親督大隊乘勝窮追。將此股賊船全數殄滅。斬首二百七十二顆。生擒一百三十四名。燒斃溺斃者不可數計。奪獲船七十六隻。大小鐵礮五十餘尊。槍械鉛藥旗幟衣帽無算。其由陸路來犯之賊亦經塔齊布派都司彭三元等沿岸截剿。斃賊目一名。餘匪百餘名。生擒四十五名。由

水路敗竄上岸者。悉被斬殺。此次克復岳州。大獲勝仗。湖南逆船業就肅清。江路已通。重湖無阻。卽著塔齊布。曾國藩。曾公督水陸兵勇乘此聲威。迅速東下。力擣武漢賊巢。以冀蕩平薶醜。至此。次督戰獲勝之卽。補知府褚汝航。綜理水師營務。疊著戰功。著以道員歸部。儘先選用。升用同知夏鑾。輕舟誘賊。不避危險。著以同知歸部。遇缺卽選。並賞戴花翎。卽選知縣彭玉麟。親點大礮。立燬賊船。著賞加同知銜。並賞戴花翎。補用守備楊載福。手刃賊目。裹創力戰。著以都司留於本省。遇缺卽補。並賞給彪勇巴圖魯名號。藍翎軍功文生何南青。嚮導得力。誘賊有功。著以主簿歸部選用。其餘員弁兵勇。著駱秉章等擇其尤為出力者。覈實保奏。候朕施恩。○諭軍機大臣等。御史伍輔祥奏。錢法新定章程。請飭速為曉諭。以期疏通一摺。京師糧食最關緊要。據該御史奏稱。近因京外各處販賣糧食來京。

者不肯使用大錢致外來糧食日少糧店紛紛歇業至銀市以錢買銀大錢制錢價值懸殊且天津通州等處私鑄甚多潛運入京以致大錢愈賤各等語前經疊降諭旨停鑄當千當五百大錢其當百以下大錢飭令通行已由戶部步軍統領衙門順天府五城出示曉諭京城內外現已遵行收使惟京外順天直隸所屬地方尚未能一律周知鄉民販賣糧食來京者恐仍不免疑慮以致京師糧店

不能以大錢收買糧價日昂於錢法仍有窒礙著賈楨李鈞桂良飭令所屬將前奉諭旨於城鄉等處徧行曉示並諭以現鑄當百當五十當十當五各項大錢於便民裕國之計實屬權衡至當行之永久決無變更俾小民知當百以下大錢可以久遠存儲自必爭相實用遠近通行如糧市經紀有把持阻撓等弊卽著嚴拏懲辦務使京師糧食無昂貴之慮而大錢亦無壅滯其銀市以錢易銀亦著

嚴飭經紀大錢與制錢均勻配搭毋許稍分輕重任意折抵庶錢價平而百物之價俱平至私鑄罪名業經加重仍恐差役等有得錢賣放之弊著順天府兼尹府尹直隸總督飭令所屬於私鑄大錢人犯務應嚴密查拏毋任漏網天津通州等處私鑄甚多並著嚴飭各屬認真查拏按律懲辦如有奉行不力者卽據實嚴參毋許徇隱將此各諭令知之○又諭賂東章曾國藩奏克復岳州一摺此次

收復岳州得力全在舟師塔齊布於陸路亦有斬獲覽奏稍慰朕懷據稱該匪敗竄後率皆自相仇殺可見此等烏合之眾一經官軍勦洗無不立就殄除若乘此機會設計誘擒又何患勦辦不能得手惟逆眾既經宵遁越日復有大股續至雖經我師將逆船全行沈燬其竄往下游之匪為數尚多究竟遁歸何處褚汝航現在督令大隊追至臨湘縣對河該處已臨近大江所有此股逆匪是否下趨

武漢抑或上竄荊州。亟須探明賊蹤。追躡其後。隨地勦滅。方不致令該逆復肆。鴟張塔齊布所統陸路諸軍。著即迅速管帶啟程。由間道馳赴武昌。遵照節次諭旨。為協同攻克之計。曾國藩已率領後起水師。自長沙啟行。務即趕緊出湖東下。會合水陸兵勇。沿途察看情勢。遇賊即勦。以期節節打通。直達鄂省。僅須先攻漢口賊巢。或用舟師橫截江面。斷賊往來接濟之路。則攻勦武昌。較易為力。惟在

體察機宜。妥速籌辦。以副朕望。仍隨時知照。官文嚴防荊襄上游。並知會楊霽迅速督兵進攻武漢。南北夾擊。毋稍延誤。至湖南省雖無賊踪。而岳州一郡。屢陷屢復。幾為該逆來去自由之地。著駱秉章迅飭胡林翼督帶練勇。嚴密籌防。仍極力挖捕餘匪。俾地方一律肅清。毋致再有疏失。將此由六百里加緊諭知駱秉章塔齊布。並傳諭曾國藩知之。○又諭駱秉章曾國藩奏水師攻勦急需洋礮接

濟請飭廣東省將應行續解之礮。趕緊解楚等語。前據葉名琛等奏。因江西戰船將次竣工。急需礮位。已將本擬續解楚省之夷礮一百尊。改解江西。茲據駱秉章等奏稱。水師克復岳州。湖南賊船全數殄滅。曾國藩即日統師東下。江面攻勦。必須洋礮陸續接濟。廣東先後所解之礮。俱甚得力。惟現止解到六百尊。尚屬不敷分配。自應由粵省續行解往。以資攻勦。著葉名琛等迅速設法購辦。將應行續解楚省之夷礮數百尊。配齊礮架礮具等件。派委妥員。剋期分起解赴湖南。毋稍遲延。將此由六百里加緊諭令知之。○又諭駱秉章曾國藩奏請調候補知縣等赴楚造礮等語。浙江候補知縣龔振麟及其子龔之棠。著黃宗漢即飭該員等攜帶鐵模。迅赴湖南。以資鑄造。將此由六百里加緊諭令知之。○前任禮部侍郎曾國藩奏。親督後起水師啟程。得旨。覽奏稍慰朕懷。汝能迅速東下。藉此聲

威或可埽除武漢之賊。朕日夜焦盼。憂思彌增。護船陸勇。終恐未可深靠。○江蘇巡撫吉爾杭阿奏報到任日期得旨。現在上海未復。攻勦正在喫緊。汝既任巡撫地方之事。應一面兼顧。汝外任不久。尚無因循習氣。趁此時奮發有為。或不致動輒迴護。以後但須竭力辦理。莫負委任。○辛酉。諭軍機大臣等。前因勝保圍攻高唐逆匪。日久未能克復。降旨拔去花翎。以示薄懲。高唐賊匪不及千人。我兵

將及萬人。何以蕞爾孤城。進攻兩月。竟不能迅埽妖氛。殊不可解。朕聞勝保有倏連鎖告捷後。高唐即刻報捷之語。尤堪詫異。勝保與僧格林沁雖分勦兩處逆匪。實則共辦一事。朕宵旰焦勞。日盼北路肅清。捷音速奏。若該大臣果有此語。是直坐擁重兵。遲延觀望。深負朕恩。其心術尚可問耶。前聞七月初一日。賊由南面竄出。將吉林馬隊衝散。我兵多有傷亡。復竄至勝保營後。帳房被賊挑燬。當諭

令該大臣據實覆奏。昨據奏。吉林帳房被賊挑破一節。諉為造飯帳房。殊屬含混。崇恩於五月初間。即赴高唐。同勝保攻勦逆匪。本月初三日。始赴武定。與該大臣共事兩月。自必知之最悉。勝保初到高唐。究竟如何布置。屢次進攻。是否認真督辦。始則趕造呂公車。近復鑄造大礮。並稱炎暑大雨。不利軍行。高唐城外。積潦甚深。攻具難施。將士不敷分撥。限於兵力。該大臣有無藉詞搪塞。任意耽延。我

兵屢有傷亡。是否該逆撲出。抑係我兵進勦。致有挫失。勝保身膺重寄。崇恩責任疆圉。高唐賊匪。雖係該大臣總辦軍務。而該撫亦不能辭地方之責。逆匪早一日殄滅。東省即早一日肅清。於北路大局。關繫甚鉅。崇恩經朕垂瑕錄用。身受重恩。務須激發天良。毋負委任。該撫接奉此旨。即據實密奏。不准稍有隱飾。自干重罪。本日據奏。馳赴樂陵察看邊隘。拏獲奸細。供至武郡窺探虛實。並逆匪欲

東竄大柳鎮之說著該撫仍隨時體察情形何路緊要卽至何路堵剿並嚴飭地方官實力防範毋稍疏懈將此由六百里加緊密諭知之○山東巡撫崇恩奏遵覆軍需驛站情形得旨可稽之款雖有浮冒尚可參賠憑空捏報借領之款恐歸無著惟在汝激發天良任勞任怨○以驗收海運漕糧完竣予鄭親王端華署倉場侍郎全慶等議敘○壬戌仁宗睿皇帝忌辰遣官祭

昌陵

上詣

奉先殿

壽皇殿行禮○諭內閣官文等奏克復沔陽州城並連獲勝仗一摺逆匪竄踞沔陽州城經官文等派撥兵勇鄉團會同該州知州蕭陰恩併力收復其沔陽屬之洪湖賊巢亦於十五日經守備銜黃鵬程等督率勇船礮船四面合圍擊沈賊船六隻餘船敗走連日追剿

又陸續擊沈賊船數十餘隻殺斃多名十六日該州仙桃鎮地方有賊千餘上竄魚泛洪黑流渡等處署總兵雙保派署參將常德等於七月初七日帶領弁兵會合潛江縣知縣龔煥枝所帶壯勇前往截剿斃賊三百餘名餘賊奔逃復擒擒數十名沔陽地接漢陽此次各路兵勇協力進剿疊次獲勝並將州城迅速克復道路疏通著官文等卽飭令帶兵文武乘勝前進隨同楊需將武漢一帶賊氛全行掃蕩毋任蔓延○諭軍機大臣等官文等奏兵勇克復沔陽州城一摺又片奏京山縣土匪勾結天門縣粵匪復竄安陸府於六月二十八日失守等語與楊需前奏大略相同該將軍現派建昌鎮福忻帶兵馳往正可與該署督所調之雙保劉富成等會合攻剿福忻雙保等所帶兵勇均歸楊需調遣卽飭各該員迅將郡城克復毋稍延緩儻兵力不敷該署督並可酌量分撥兵勇馳往助剿總

期上游肅清則荆襄一帶可保無虞我兵進攻武漢亦不致為該逆牽掣前據路秉章等奏水師克復岳州惟下游之匪為數尚多難保不盡趨武漢此時褚汝航大隊追至臨湘縣對河已臨近大江曾國藩亦率領後起水師自長沙啟行塔齊布所統陸路諸軍已諭令由間道馳赴武昌該署督前有三路進兵之議即可趕緊督飭桂明佈克慎台湧等與湖南水陸大軍會合夾擊毋失事機並將現在賊勢及我兵如何布置情形隨時奏報以慰廑念又據蔣蔚遠奏委員趙鴻吉王敬烈領解癸丑年上運第一起下運第二起京鉛共計三百二十二萬三千一百七十餘斤又帶解營操黑鉛二萬斤因道路不通起存東湖縣庫宜昌失守所存之鉛是否全失未據湖北咨報等語此項鉛斤係京局鼓鑄要需宜昌雖經賊擾旋即收復所有存庫鉛斤當不至全行失去著該署督迅即派員確查毋

令不肖官吏藉詞隱沒查出存鉛若干著即設法由襄陽一帶起解運京毋稍延緩將此由六百里加緊諭令知之○又諭官文貴陞奏安陸府城失守派兵援勦等語六月二十八日京山縣土匪勾結天門縣逆匪復陷安陸府城現在沔陽雖已克復而安陸仍為賊踞荆州接壤地方該將軍即派員嚴為扼守不可稍涉大意調回張子銘所帶之勇五百名由荆門州進援安陸是否足資得力務須

妥籌布置岳州收復賊匪下竄沿江一路即督飭李光榮統帶義勇礮船嚴密堵截知會湖南追勦之兵相機協勦務將竄匪掃除淨盡毋任再有蔓延將此由六百里加緊諭知官文並諭貴陞知之○以江西防勦訓練出力免已革總兵官趙如勝遣戍軍臺○癸亥上詣壽康宮問皇貴太妃安○諭軍機大臣等有人奏地丁搭

收鈔票請嚴定章程。以杜侵欺。一摺。據稱。民間應完地丁銀兩。均係憑地完銀。其田地非在一處。典賣非出一時者。雖分起註冊。而交銀時。則准其總計交納。故有一人完銀數十兩。而串票多至數十張者。為數既多。則搭收鈔票自易。現在大興宛平二縣辦理章程。同戶各串者。均令各計各串。不准合計。以致鈔票無從搭交。是名為搭收鈔票。實則概徵銀兩。將來報解時。必復私買賤鈔搭交。請飭查

參。以杜侵欺等語。現行寶鈔章程。裕國寶以便民。豈容不肖州縣。從中漁利。著賈禎。李鈞。嚴飭大興宛平二縣。及所屬各州縣。於徵收地丁錢糧。務遵奏定章程。搭收鈔票。毋得軌法取巧。漁利病民。並著賈禎。李鈞。嚴飭各屬。徧行出示曉諭。並密查各州縣。如有前項情弊。即行嚴參懲辦。以儆官邪。原摺著鈔給閱看。將此諭令知之。○甲子。諭軍機大臣等。阿彥達奏請嚴飭地方查拏私鑄一摺。據稱當

百等大錢。現在行使。尚未流通。半係奸商阻撓。亦由私鑄過多之故。近日副都統都爾通阿。在霸州盤獲販賣大錢人犯二起。所帶當百大錢。至七八十吊之多。該副都統阿彥達營內。盤獲形跡可疑人犯劉得仁。攜帶大錢三十餘吊。供認販賣。並供出私鑄四處均屬新城縣地方。即經札飭該縣拏辦。尚未報獲一犯。請飭認真查拏等語。私鑄當百以下大錢人犯罪名。業經刑部從重定擬。並諭令步

軍統領等衙門。嚴行拏辦。至近畿一帶。於新定罪名。或未深悉。愚民無知。難免仍前盜鑄。著賈禎。李鈞。桂良。飭令所屬地方官。將新定私鑄大錢罪名。於城鄉等處。迅速徧行出示曉諭。並認真設法嚴密查拏。務期有犯必懲。毋任一名漏網。以重錢法。而裕民用。至新城縣地方。私鑄四處。經阿彥達札縣查拏。何以犯無一獲。著桂良。嚴飭該縣。速行按照犯供地方嚴拏究辦。儻該縣有意消弭。或任令吏

胥包庇賄縱。卽著從嚴叅奏。毋稍徇隱。將此諭令知之。○以兌收海運漕糧完竣。賞戶部員外郎成琦。王友端。花翎。餘加銜升敘有差。○乙丑。諭內閣。王懿德奏。生擒噶瑪蘭謀逆戕官首要各犯。地方安靖一摺。上年八月間。臺灣府屬之噶瑪蘭廳地方。賊匪滋事。通判董正官遇害。經代理通判署頭圍縣丞王衢。糾集壯丁團練。焚毀賊巢。並將暗為賊謀。假充義首之林汶英一犯。設法誘殺。會同都司劉紹春等。分投搜捕。殲擒多匪。惟首犯吳礪。及戕官正犯劉木等。同從逆餘匪。仍潛匿山內。通判楊承澤到任後。復與副將曾玉明等。入山搜勦。署淡水同知朱材哲。並偵獲逸犯吳大等多名。本年二月間。該管文武。探知賊蹤。帶兵圍捕。先後拏獲要犯劉木。沈鍾等。並殲斃夥犯十餘名。復督率營弁梁青芳。義首謝集成等。探明逆首吳礪。在中心崙地方。潛匿。揮兵直入。轟斃賊匪二十餘人。格殺十餘

人。將逆首吳礪生擒。並將吳礪。劉木。沈鍾。押赴被害之噶瑪蘭通判董正官柩前。凌遲處死。一併梟示。現在地方肅清。全臺民情鎮定。所有在事出力之文武員弁。義首。兵勇等。著王懿德。飭令臺灣鎮道。查明保奏。候朕施恩。○又諭。王懿德。奏。叅都司巡檢請革職提訊等語。福建噶瑪蘭營都司劉紹春。於通判董正官被戕。未及救援。復於廳署倉庫。不能派兵防護。致被賊匪搶掠。顯係擅離職守。畏葸

逃避。署羅東巡檢沈樹政。運送庫項洋銀一萬九千圓。該員輒稟稱。僅止提銀六千圓。送營。四千圓作為兵勇費用。數目多寡懸殊。顯有侵那情弊。劉紹春。沈樹政。均著卽行革職。交裕鐸親提嚴審。務得確情。按律懲辦。毋許稍有瞻徇。○又諭。崇恩奏。查明沂州府屬勦辦土匪出力官紳。請旨鼓勵一摺。本年二月間。江省徐海幅匪朱廣田等。乘逆匪北竄時。聚眾闖入蘭山。郟城。沂水。莒州。邊隘村莊。肆

行搶掠。經沂州府知府李維醇督率蘭山縣知縣陳紀勛等。並在籍辦理團練紳士丁守存等。派委員弁分路防勦。升任臬司厲恩官調派前署台莊營參將郝上岸。帶兵策應。會合各州縣督兵兜勦。屢戰屢捷。賊始退竄。贛榆縣歡登埠地方。經文武各員追勦。郝上岸督同署沂州協都司姜長清。開放槍礮。殲斃逆匪一百餘名。生擒七十餘名。匪首就戮。地方一律安謐。辦理尚為妥速。所有在事官紳

著崇恩。擇其尤為出力者。酌保數員。另片奏。曹州府屬節次勦辦土匪出力各員懇請恩施等語。曹州府文武員弁。挖捕逸匪。亦屬著有微勞。並著該撫覈實酌保數員。毋許冒濫。○諭軍機大臣等。僧格林沁等奏賊撲套隄。殲斃多名一摺。據稱所築套隄均高丈餘。周圍環抱。我兵立於隄頂防守。聲勢聯絡。該逆於二十五日夜。大股出巢。撲奔西面。扛擡長梯。向侍衛都興阿營盤段落套隄濠牆支搭。

該侍衛鎮靜以待。俟賊攀援將登。始開槍礮。斃賊甚多。並奪獲旗幟刀矛等件。逆匪被圍日久。其勢已窮。自必亟思奔竄。此次雖經我兵殲斃多賊。而該逆詭譎異常。難保不乘間仍圖竄逸。著該大臣等督飭各營將弁。一面嚴密防勦。仍一面設法力破賊巢。毋令負隅。久踞。屢據奏稱逆眾被圍情急。眾心漸離。且糧草均已缺乏。正可乘此機會奮力掃除。該大臣既知專恃大礮轟打。及零星擒斬。無濟於事。自應力籌進勦。為掃穴擒渠之計。不可因套隄築成。僅以防賊竄逸為詞。再延時日。前此批諭甚明。諒僧格林沁必能凜遵嚴旨。妥速辦理。以慰廑念。將此由六百里加緊諭知僧格林沁。並諭西凌阿。托明阿知之。○山東按察使昇福奏報到任日期得旨。一切公務務須件件從實。慎戒輕聽妄發。收心歷練。庶克有成。誌之。○實授扎拉芬西安將軍。○賞已革陝甘總督舒興阿二等侍衛。為喀什

噶爾領隊大臣○丙寅諭內閣。恆春奏棍徒阻止考試。請將辦理不善之知縣撤任審辦等語。山西浮山縣棍徒李進坤等。意圖抗糧。輒敢於該縣考試時。阻止童生投結應考。迨經查拏。復敢拒傷官役。逃逸。實屬目無法紀。著卽飭屬嚴拏。逸犯務獲。按律懲辦。該縣知縣鄧愛濤。徵收錢糧。是否任聽丁胥人等。交通舞弊。勒索浮收。以致抗糧滋事。均須徹底根究。鄧愛濤著卽行撤任。交恆春提同犯證。

研審確情。分別究辦。毋稍寬縱。○以辦理直隸糧臺出力。免道員海璣。失察屬縣失守處分。○予故西安將軍舒倫保祭葬。○命貝勒德木齊扎布。往奠科爾沁郡王僧格林沁故福晉茶酒。賞銀五百兩。○丁卯諭內閣。慶惠奏。遵查錢局捐鑄情形。並請飭嚴查冒充委員等弊一摺。現在通州一帶。私鑄甚多。難保無匪徒假充委員。商人將官銅私售鼓鑄等事。著步軍統領衙門。順天府。五城。一體嚴查。

如有假冒委員。招搖撞騙情事。查明並無札委者。著卽拏交刑部。從嚴懲辦。毋稍疏縱。○又諭。恆春奏。審明知縣被參各情。請飭回任一摺。前因降調給事中賈世行。奏參山西徐溝縣知縣賈聯芳。貪劣各款。當交恆春查明參辦。茲據奏。按照所參各款。逐一訊究。該員委無威逼勒掣。及官親書吏表裏為奸情弊。並據稱。該員平日居官謹飭。等語。賈聯芳著卽飭令回任。仍著恆春隨時認真察看。儻另有貪劣不職之處。卽行據實從嚴參奏。○諭

軍機大臣等。官文等奏。湖南賊船下竄。現派兵勇堵剿情形。又據塔齊布等奏。賊匪兩次復犯岳州。水師疊獲勝仗一摺。此時湖南師船已追至城陵磯下。與監利縣屬之白螺磯相距咫尺。若能聲勢聯絡。剿辦更易為力。著官文等。飛飭帶兵文武各員。務須協力夾攻。俾沿江一帶逆蹤及早殄滅。荆郡自能安堵。如賊匪全數下竄。卽可會同楚南官軍。順流

下擊。惟在該將軍豫籌布置。與塔齊布。曾國藩。互為聲援。妥籌策應。至安陸一股。既經楊需調兵進剿。該將軍復調回福圻。與張子銘分帶兵勇前往應援。目下攻剿能否得手。所稱石牌獲勝。是否確實。該郡緊接荆門。亦距襄陽不遠。尤須亟籌攻克。以固北路。仍著官文隨時知照楊需。迅將此股殲滅。後為移師武漢之計。毋致遲延。疏失。將此由六百里加緊諭知官文。並諭貴陞知之。○又諭。略秉章。

塔齊布。曾國藩奏。賊船兩次復犯岳州。水師疊獲勝仗一摺。賊匪疊犯岳州。其意總圖扼我重湖之險。塔齊布。曾國藩等。所派水陸員弁。均能奮勇出力。疊次獲勝。賊膽已寒。正可乘此聲威。順流東下。以期節節打通。直達武漢。此時沿江一帶。賊船鱗比。我水軍師船。既已進擊至城陵磯下。與荊州官兵聲勢已相聯絡。本日據官文奏。石首縣之調弦口。監利縣之白螺磯。已有派防兵勇二千餘名。並魁

王。楊昌泗。所帶官兵二千名。又有川勇一千名。暫駐沙市。以為後路。如該提督等乘勝進偏。則荊郡兵勇亦可乘勢下擊。該提督等如須此項兵力會剿。即與官文妥速商辦。原奏內稱與其坐待賊至。不若迎其未至而擊之。所奏甚合機宜。不獨擂鼓臺一戰。即楚省全局。皆應如此辦理。該提督等既能見及於此。即著迅速督兵前進。沿江攻剿。毋令坐失事機。武昌既為賊踞。其通城。崇陽一帶。是否梗

阻。塔齊布。陸路官兵能否即由此路前進。若能從此進兵。直攻武昌之背。水師順流而東。肅清江路。楊需所帶兵勇。直擣漢陽賊巢。則我兵愈眾。賊勢愈分。楚省賊蹤當可漸就掃蕩。至塔齊布。曾國藩督率水陸官兵。全赴下游。岳郡為南省咽喉。且衡州。長沙。兩廠接濟船廠。皆須由該郡出湖。不可無得力兵勇。擇要扼防。前有旨令略秉章。飭令胡林翼督帶練勇前往防剿。著即迅催該臬司。赴岳扼要。

七

較修

監修總載官經巡護起居注官太子太僕寺書房總辦傳文淵閣領閣事翰林院掌院學士稽察鈐筆處國史館總載官武英
大學士掌理兵部事務加十三級紀錄二十四次臣實補臺參總管經巡護官太子太傅文淵閣領閣事武英殿總載官教習原書士體仁閣
大學士掌理戶部三庫事務管理刑部事務加二十三級紀錄十八次臣周祖培總載官太子少傅管理內務府事務對引大臣奏擬奏文
儀監旗滿洲都統戶部尚書管理三庫事務加四級隨帶加五級紀錄十三次臣寶琮總載官少詹事領侍衛內大臣嚴敷清文誥達字書總辦
達爾文館總載官監旗蒙古都統管理內書管理大常寺鴻臚寺事務加級中功加四級隨帶加八級紀錄五次臣倭什理布等奉

7

清實錄
咸豐四年閏七月上

餘匪駢斬殆盡立將郡城收復等語著該署督一面酌留兵勇將竄逸餘匪盡數搜殺勿留餘孽一面親督大兵直擣武漢賊巢務將楚省逆氛迅速掃蕩諭軍機大臣等前有旨派令戴齡崇實馳驛前往陝西查辦事件計程當已行近陝境茲發去何紹基奏奏四川大吏收受陋規有礙辦公一摺並參奏該省辦理鄭懷江謀逆一案並無確據片一件著該侍郎馳驛徑赴四川將何紹基原奏各

情逐款確查秉公辦理所有裕瑞等奏知縣楊得質盛朝輔許告署藩司蘇敬衡案內摺三件單六件又南江縣監生鄭懷江謀逆案內摺二件片一件並疊次所降諭旨三道均著發給閱看將此由四百里諭令知之○又諭琦善奏紅單師船入江接仗以後迄今已及兩旬未據奏報朕心懸念殊深此項舟師經琦善提撥陳國泰所統一起扼駐瓜州迤上復經向榮分提二十五隻駛赴上游進扼

當塗蕪湖以便往來勦洗其儀徵上游一帶並有陳世忠葉常春艇局各船節節攔截沿江上下有此布置若能會合聯絡勦辦自必得手但江西賊艘一經被勦窮蹙勢必乘虛奔突所有北岸江浦六合各屬均不可不加意嚴防浦口為南北咽喉尤當衝要琦善派防之總兵武慶節經斬獲逆匪燒毀賊船於一切堵剿機宜尚屬得力當此江路攻剿喫緊之際尤須妥籌堵禦不得稍有疏虞即著

琦善嚴飭該總兵一面督令弁兵扼要截剿一面會集附近團練民勇協力保衛毋令賊蹤闖入致滋蔓延至關山一路應於何處協同防守即飭武慶就近知照袁甲三妥籌兼顧瓜州近日賊情及水師如何接仗該大臣務即督飭水陸各軍迅速進剿由驛奏聞仍隨時知照向榮會商夾擊以期及早肅清江面盡殄妖氛用副委任將此由六百里加緊諭令知之○又諭楊需奏克復安陸府城並

布置進兵情形一摺所籌三路進剿機宜頗為詳晰其西取漢川東取黃陂兩路兵勇已不為單安陸又經收復可無後顧之慮亟應迅速督兵前進不可再事耽延魁玉楊昌泗兵勇昨據官文等奏報已挑選二千名飭令統帶前往監利防堵楊需既藉此項兵勇為東西兩軍策應著一面飛速催提一面嚴飭襄陽府縣多備船隻迎候毋許稍涉遲誤昨據塔齊布曾國藩等奏報岳州克復以後復

疊獲勝仗湖南水陸各軍已行至城陵磯以下當諭令速行東下與該署督為三面夾擊之計並著楊需將如何會剿之處妥速咨商聯絡聲勢以期迅殲羣醜軍營情形變易靡常總須酌量緩急相機應變刻下雖船隻兵餉未能齊備亦當設法籌畫進剿不可坐待遷延致有貽誤將此由六百里加緊諭令知之○又諭前據官文奏兵餉拮据懇將四川解楚餉銀酌留二三成等語當經准其所請

並於摺內批諭不可漫無限制仍應隨時具奏本日據楊需奏糧臺存餉無幾新設之襄陽糧臺尚未收餉荊州解到川餉十萬兩經官文全數截留並將前解省城折回之二萬兩一併截留請飭官文將截留之銀速解襄陽以資接濟現在楊需軍營兵餉需用甚亟當此勦辦喫緊若餉需不能應手必致貽誤大局著官文查明解到川餉除奏明准留二三成外其餘銀兩迅即派委妥員剋期解赴

襄陽應用毋稍遲延以後川粵湖南各餉由荊州經過時均不得截留過多置楊需軍營要需於不問至魁玉楊昌泗二員據官文奏稱派往監利堵剿茲據楊需奏分路進兵情形其由漢水直下一路擬派楊昌泗等揀帶精兵二千由襄陽乘船順流下擊為東西兩路策應此次湖北省城赴荊兵勇共有六千餘名荊州兵力已不為單自無須盡行截留著官文飭令魁玉楊昌泗等按照楊需所咨

迅速帶兵前往毋稍延誤其應行派留監利防勦兵勇仍著該將軍妥籌辦理隨時奏報將此由六百里加緊諭令知之。又諭前因和春等奏賊竄霍山復撲六安請調臨淮兵一千名赴正陽堵勦當降旨令袁甲三飭令帶兵各員迅速前往茲據袁甲三奏霍山業已收復六安並無賊蹤現在臨淮更重於正陽其關山防勇經福濟遣散後又須派兵接守大致總在兵力單薄不能分赴正陽所奏

尚屬實在情形惟六安霍山等處如果全無賊蹤則西路固覺稍鬆此時湖北黃州麻城一帶全被賊踞英霍之賊儻亦如含山一路逆匪去而復來兩路仍形並重前所以令該副都御史與秦定三分割臨淮正陽者原為東西並扼本無畸重畸輕今秦定三既專力舒城是西路之防已較東路稍弱袁甲三亦當妥籌兼顧互為聲援不可因正陽距廬較近稍存諉卸之見至所稱近守關山尤須遠

防浦口所籌尚是浦口防兵及江浦六合民勇疊據琦善奏報殺賊毀船尚俱得力本日復諭知琦善令其加意嚴防該副都御史仍應於臨淮以南關山左右設法嚴扼清流古稱險要扼守尚非難事所奏整頓團練虛實互用不過防守之一策若純用虛聲斷難深恃未可專倚浦口為屏障遂置險要於不顧也將此由六百里加緊諭令知之。吉林將軍景瀋奏報開採煤窑分別封閉停緩得旨

可見從前固慶辦理含混非受人之欺即欲從中漁利也。熱河都統毓書奏開鑪鼓鑄各項大錢請定背面清文得旨戶部速議具奏該處所鑄錢文與馬蘭鎮事例相同著戶部將錢背面用何字樣擬定請旨。予安徽陣亡守備連丕甲祭葬世職。己巳諭內閣英隆等奏請將疏防海口盜船搶掠之防禦等分別嚴議議處一摺奉天牛莊沒溝營海口七月初三日突有賊船三隻偪索商船銀

物先於六月三十日在金州屬羊頭窪口外
地方滋擾並有燒毀商船拒傷舵工等事現
雖驅逐出洋海口安靜惟該防禦金毓璟帶
兵堵緝於盜匪入口時不能盡力兜勦輒先
退縮以致登岸滋擾實屬庸劣不職羊頭窪
守汛佐領記名驍騎校車復隆帶兵駐守觀
望不前亦屬懦弱無能金毓璟車復隆均著
即行革職水師營巡船緝捕賊匪是其專責
該總巡佐領韓兆鳳協巡防禦韓廣興未能

隨時追緝亦難辭咎均著交部嚴加議處○
諭軍機大臣等英隆奏牛莊金州二處海口
賊船搶劫情形一摺奉天沒溝營等處係商
船雲集之區豈容賊船肆行滋擾七月初三
日賊船三隻闖入沒溝營口岸膽敢向商船
鋪戶偏索銀兩焚燒商船並有賊匪三人登
岸兇鬧於初五日始被練勇等追逐出口何
以該處營汛各官毫無準備六月三十日羊
頭窪口外有賊船三隻搶劫商船初二日進

口停泊先被擊退何以復敢由船登岸竟有
三十餘人放火搶掠顯係官兵畏葸退避當
此逆氛未靖之時海口巡防甚關緊要著英
隆等即飭水師巡船設法勦截偵探匪船三
隻蹤跡併力追及盡數擒獲斷不准以駛赴
外洋藉詞支飾並嚴飭地方文武於各海口
要隘實力查拏仍督率紳民團練一體防緝
毋稍疏懈將此由四百里諭令知之○又諭
勝保等奏督兵攻城斃賊多名一摺七月二

十七日勝保等督率兵勇攻撲高唐於西北
城角用火箭然燒逆匪帳房五六架復開大
礮擊倒望樓延燒帳房逆匪燒斃斃甚多
其城南一面德勒克色楞亦親督各勇逼近
城關燒其城樓擊斃賊匪此次攻勦州城兵
勇尚屬奮勉惟逆匪先有準備以致未能克
復失此機會殊覺可惜該逆數僅千餘我兵
屢次進勦業經殲除十之五六若我兵四面
同時進攻使該逆不能互相救應必可擣虛

攻入據稱賊於危急時尚能將西南守城之賊抽赴東北抵拒可見我軍未能悉力合圍著勝保等激勵各營將弁兵勇同心協力埽穴擒渠有能先登者立予重賞叢爾孤城當不難即時克復務將此股逆匪就地殄除勿令乘間竄逸該大臣等圍剿已兩月有餘若再不知奮勉日事遷延以數百敗竄之匪牽掣全軍糜餉老師自問當得何罪現在軍營馬步官兵及各勇口糧積欠甚多即有他省

撥款亦恐緩不濟急當此攻剿喫緊之時自應設法籌辦以濟要需著崇恩嚴飭劉源灝無論何款迅速籌撥銀五六萬兩解赴勝保軍營毋再延誤將此由六百里加緊各諭令知之○以玩誤軍餉摘代辦山東布政使劉源灝頂帶 庚午

上詣

壽安宮西所問

如皇貴太妃安 詣

壽康宮問

皇貴太妃安

硃諭巡防王大臣等現在連鎮逆匪雖未殲除而直隸地方頗屬安靜所有雄縣霸州天津此三處防兵酌量應留應撤以節糜費以定人心再京師各門所添之兵為日已久苦狀難堪若不變通留撤以後更不成事此時所撤之京師防兵俟直隸事竣日再行題奏酌量加恩再團防處儘可裁撤惟步軍統領兩

翼總兵責任最重稽察緝捕固難多立章程反成虛套然終恐因時制宜有未盡善之處亦應妥籌以上各條著詳議三四日內具奏諭軍機大臣等駱秉章等奏水師失利陸路獲勝一招覽奏曷勝憤懣我兵克復岳州水師疊獲勝仗方冀乘勢東下直搗武漢賊巢該提督等雖經屢勝仍當於銳進之中力圖萬全之策乃因輕進失利致鎮道陣亡失去船礮甚多雖塔齊布陸路獲勝究屬得不

償失會國藩係在水路督戰於陳輝龍出隊時不能詳慎調度可見水上一軍毫無節制即治以貽誤之罪亦復何辭惟會國藩前經革職此時亦不必交部嚴議仍責令督飭水師將弁奮力攻勦斷不可因一挫之後遂觀望不前陳輝龍現已陣亡所有師船必須派員統帶李孟羣丁憂現在留於軍營即補遊擊楊載福屢次打仗出力即可派該二員管帶省城所造三板等船著駱秉章迅速催赴

岳州毋稍延緩城陵磯荆河腦既為水陸扼要之區亟應嚴密防守杜其紛竄之路塔齊布仍督飭將弁兵勇乘勝進勦以期水陸夾攻迅殄醜類並隨時知照官文楊霽一體截勦毋令賊匪紛竄為要將此由六百里加緊各諭令知之 又諭據駱秉章等奏岳州水師失利陸營大獲勝仗一摺現在武昌尚未克復亟須舟師下駛會勦統帶之員甚關緊要著葉名琛等即於水師內揀選得力鎮將

二三員飭令趕赴會國藩水營聽候調遣並將續購洋礮若干位配齊架具迅派委員一併解往備用至前諭籌餉數萬兩解赴湖北楊霽大營並諭撥解廬州餉銀楚皖勦賊正當喫緊之際需餉孔殷前撥兩省餉銀著即派委委員迅速解往以資接濟毋得稍緩致誤要需將此由六百里加緊諭令知之○以服闋江南蘇松鎮總兵官田浩然為山東登州鎮總兵官 以勦辦湖南城陵磯賊匪出

力賞守備童添雲等花翎子陣亡總兵官陳輝龍道員褚汝航同知夏鑾遊擊沙鎮邦千總何若澧府經歷唐燭祭葬世職 予湖北武昌府殉節道員李卿穀祭葬世職加等○辛未諭內閣宗人府奏承襲軍功世爵與現行例文不符請旨遵辦一摺已故奉恩輔國公崇錫所遺之爵著即作為奉恩輔國公世襲罔替 又諭前因端華等奏江浙海運正漕事竣請將戶部員外郎成琦王友端賞戴

花翎當經降旨允准茲據御史韓錦雲奏稱該員等所得保舉過優請將花翎撤銷等語本年江浙海運漕米抵津該司員等隨同端華等查驗起運一切事宜辦理尚屬妥速均屬著有微勞所有該御史請將成琦等花翎撤銷之處著毋庸議至所稱司員等獎敘既優恐致啟夤緣隨帶之弊亦不可不防其漸著戶部堂官嗣後於揀派隨同欽差辦理海運司員務擇辦事勤慎立品醇正者派任不得稍徇屬員干求以致貽誤公事至該司員等於奉派隨帶後果能實心任事較眾出力仍准欽派大臣酌量奏保以杜徼倖而昭覈實（又諭賂東章奏請將稟報勒賊不實之員弁革職一摺本年三月間廣西涼水井匪徒竄入湖南江華縣境焚掠民房經該處團丁擊散該縣知縣胡開勲不知偵探確實輒即張大其詞混行稟報又不將團丁出力情形據實聲敘飾詞邀功實堪痛恨著嶺東營

守備伍化蛟業經帶兵出城乃因匪徒已散並不督兵追擊任令逃逸亦屬畏葸無能胡開勲伍化蛟均著革職拏問交駱秉章提解來省訊明謊報逗遛情節從嚴叅辦諭軍機大臣等前因直隸賊氛未靖桂良奏請將各該州縣案犯酌覈犯罪情節其謀故兇盜拒捕殺人重犯法無可貸者即行正法至情有可矜及例應緩決各犯擬即減等並將向擬情實免勾之犯開單請減已經降旨允行茲據刑部議覆御史毓祿奏現辦軍務省分請變通辦理秋審一摺所有現在被賊滋擾之江蘇安徽山東湖北湖南等省雖據山東將本年秋審各犯題報到部外其餘各省均尚未具題到部若再令展限恐監禁之犯積而愈多兇狡之徒轉為賊用自應變通酌辦以期消惡未萌著各該督撫於接奉此旨後無論已題未題即將本年應入秋審人犯並上年停止各省分一概查照直隸省現辦章

程其例應情實者立予正法若情有可矜及例應緩決各犯即按照應減罪名先行減等發配至舊事情實免勾並新事例應情實向俱免勾各犯亦即由該督撫開單奏請減等仍將查辦原由迅速奏明遵辦總期獄無留滯毋得稍事拘泥致有疏虞本日據駱秉章奏石門等縣絞犯難以解勘等語即著遵照此旨辦理毋庸歸入下屆以昭畫一將此由五百里各諭令知之○新授福建臺灣道裕

鐸奏報到任日期得旨一切公事不准因循總以迅速為妙遠隔重洋豈能事事稟商○以克復湖南湘潭縣城出力賞都司彭三元守備郭煥濱花翎軍功倪長誥等藍翎餘升敘有差以捐造擡礮兵器賞山東守備榮金華藍翎以湖南澧龍陽二州縣城被賊竄陷革知州胡鏞署叅將張昕都司烏什哈職知縣文耀遊擊王政先恩泰都司程登科宋廣東革職逮問補鑄福建仙遊縣知縣

印信從署巡撫王懿德請也予湖南武陵縣殉節知縣朱元增高注縣丞秦維松把總鄒萬勝談金魁外委王俊祭葬世職舉人周之楨等賞卹如例予湖南陣亡守備張萬邦千總張宏邦祭葬世職壬申諭軍機大臣等琦善奏趕修多漿礮船圖克瓜州並瀝陳水師上下游情形各摺片所籌俱是粵省紅單船既形笨重自應多造適用船隻以期輕捷琦善既稱旬日之內可以竣工則北岸

水陸攻具均已漸次齊備正可乘勢力攻瓜州斷絕鎮江賊艘聯絡之路向榮前奏瓜州之賊有欲全竄鎮江之說本日琦善奏奸細供稱瓜鎮逆匪議分水陸上竄清淮等語大約賊情詭譎本無一定趨向瓜州攻剿緊急則歸併鎮江亦在意中焦山下游堵截嚴密則上竄清淮亦宜防範琦善向榮總當各就所有水陸兵勇或分或合悉力籌辦若處處專恃設防而金陵鎮江瓜州三處負隅如故

於大局仍無裨益著琦善於礮船造齊後即行設法力攻瓜州一面嚴飭余萬清進攻鎮江果能同時並舉賊眾雖多亦將應接不暇豈能肆其勾結奸謀至向榮所調吳全美紅單船並琦善續派上駛之挖魯船為數本不甚多以之防勦上游尚可扼守若竟恃有限之舟師微倖嘗試冒險深入設有蹉跌則上游既無機會可乘下游亦無以資控制著向榮即將現在調到各船擇要布置相機攻勦

總期嚴遏南岸賊踪旁竄之路使金陵之賊不能援救瓜州聯絡鎮江則下游勦辦自易得手毋庸多調船隻專赴上游一俟瓜鎮克復下游師船自能聯檣進勦船多勢壯攻擊方能得力也琦善向榮但當不分畛域合力妥籌毋得各執己見致誤事機將此由六百里加緊各諭令知之○河南巡撫英桂奏探聞麻城收復光州邊防稍緩仍駐信陽督辦堵禦得旨如是相機駐劄甚是 以收復福

建永春德化二州縣城出力賞知縣吳翊昌花翎千總歐陽斌藍翎餘升敘有差 癸酉諭軍機大臣等陳啟邁奏籌勦九江都昌賊匪一摺據稱大小賊船二千餘隻灣泊龍開河等處以潯城為巢穴並在西門外築城安礮都昌地方復有賊船數百隻駛入該縣鄉勇與賊接仗該逆即時颺去縣城得保無虞等語逆匪竄踞九江郡城賊艇多至二千有奇都昌退出之船亦難保不歸併九江為窺

伺省城之計然不嚴扼九江但知退守省垣殊非長策該撫前奏於南康府上下將新造戰船三十號小船百餘號配載水勇二千有餘擇要駐泊並備火攻舟筏復選陸路兵勇二千名分割兩岸為犄角之勢統計水陸兵勇約四千有餘其續造戰船二十隻及廣東夷礮諒已齊備該撫現又派勇一千餘名馳往助勦兵力已不為單此時自應嚴飭羅玉斌及候補知府元善統帶兵勇相機進勦破

九江之賊巢即可固省垣之門戶即使郡城未能迅速克復而湖口姑塘皆係扼要之區亦當撥兵據險以牽掣賊勢九江郡城屢被賊匪蹂躪紳民遷徙逃避而本城文武各員又不駐守城內以致賊蹤來去自由鄉民無所倚恃何以繫屬人心辦理團練此時必須有文武大吏帶兵扼要駐劄若湖口姑塘等處均有重兵足壯紳民之膽即可設法勸諭損貲募勇共圖禦侮有能出江擊賊之人即

立予重賞並添造船礮併力堵擊現由武甯一帶調回官兵壯勇亦可酌量派赴下游要隘以助防勦若能扼住潯陽不特該省之藩籬可固即長江全局亦可藉作聲勢曾國藩克復岳州旋因輕進失利此時湖南舟師能否下駛尚未可知該撫務當統籌熟計不得藉口於餉絀兵單竟置九江於不顧也另片奏已革守備吳錫光懇恩從緩正法等語吳錫光係獲罪之員既據該撫奏稱該革員頗

得勇心現充前隊著准其從緩辦理仍飭羅玉斌派令帶勇勦賊如能奮勉出力即據實保奏儘仍復不遵節制即遵前旨以軍法從事此旨前旨均不准先行洩漏致令該革員心懷疑畏別生事端將此由六百里加緊諭令知之江西巡撫陳啟邁奏勸導南昌等府屬辦理團練著有成效得旨隨時激勵為之陝西巡撫王慶雲奏餉絀兵飢請飭酌復舊例令各路糧臺運儲糧石得旨所奏甚

好足見謀國之誠其有未備及各就各省簡便之處著軍機大臣會同戶部速議具奏甲戌諭內閣前據易棠奏阿拉善蒙古地界產有銀礦當降旨著易棠委員會同索文前往查勘茲據理藩院奏阿拉善扎薩克親王貢桑珠爾默特呈請自備資斧開採銀礦等語所有哈勒津庫察地方銀礦著即由該親王開挖煎鍊並著易棠遠委大員前往會同確查酌定章程據實具奏戶部奏馬蘭鎮

鼓鑄錢文前奉諭旨背面用清文寶薊二字。至熱河則並無成案擬請仍用寶直清文得旨鐵錢背面著用寶德清文。江蘇巡撫吉爾杭阿奏遵查嘆夷動靜情形得旨總宜處以鎮靜斷不可受其要挾即咪酋一事雖有二十三日仍回上海之語恐係虛言恫喝也。江南提督和春等奏乘夜襲焚廬州賊巢斃賊多名得旨現在廬州之賊為數無多果能四面齊攻俾應接不暇自可得手和春久

歷戎行因何計不出此屢次觀汝等奏報未嘗不分路進攻然總未克復皆緣諸將勇怯不一未免先存觀望及至臨收隊時必趕至汝陣前以掩其畏葸汝則曰進攻某門未能得手同時趕到試思汝又未見其直薄城下焉能必其不能得手號令不嚴故曠持若是也又奏進擊舒城賊壘獲勝派撥兵勇迅圖克復批音德布雖已抵舒猶恐兵力尚單務須乘勝勦洗不可稍鬆一步此次獲勝實足

褫彼逆魄亦幸其無心戀戰也。以協濟官兵馬匹食用予郭爾羅斯後扎薩克輔國公楊三巴拉等議敘。以勸捐團練實力防堵予安徽全椒縣知縣陳麒昌升銜。予安徽殉節學政孫銘恩祭葬世職諡文節。乙亥上詣

永安寺拈香。參贊大臣僧格林沁奏連鎮逆匪撲濠圖竄疊次殄斃多名並陳已革副都統明慶愧奮出力得旨朕惟速盼捷音盡數殲除林逆若在連鎮斷不可任其潛逃明慶既屢次出力著開復原官。調戶部左侍郎全慶為倉場侍郎。轉戶部右侍郎瑞麟為左侍郎兼管三庫事。以內閣學士熙麟為戶部右侍郎兼管錢法堂事務。調正黃旗蒙古副都統肅順為正藍旗滿洲副都統。以總管內務府大臣存佑為正黃旗蒙古副都統。泰甯鎮總兵官德春因病解任以倉場侍郎慶祺為泰甯鎮總兵官兼總管內務府大

臣○以鑲紅旗滿洲副都統基溥為正藍旗護軍統領○改鑄江西萬年縣知縣印信從巡撫陳啟邁請也○丙子諭內閣兵部奏軍營保舉拔補人員查例請旨一摺嗣後各路帶兵大臣於軍營出力人員均著查照該部所奏定例分別辦理不得以各省所出之缺率請盡數咨送軍營升補以符舊制○諭軍機大臣等前據楊需奏三路進攻情形其居中一路擬派魁玉楊昌泗帶領前赴荊州官

兵由襄河直下當經諭知官文照楊需所咨飭令前往並諭楊需迅速催提以為東西兩路策應茲據官文奏雙保等督帶兵勇已於七月二十二日克復天門縣城沔陽州知州蕭蔭恩等亦於七月十五日將該州所屬仙桃鎮賊巢攻破已飭該鎮等速行前進聽候楊需調遣等語此即楊需所籌西路之師既經沿途攻勦距漢陽僅止三百餘里即著楊需催令迅速前進直取漢川與東路黃陂之

師力圖夾擊毋任再延至楊需所籌中路之師現據官文奏螺山一帶賊船甚多僅南岸攻勦緊急北岸礮勇千餘名尚形單弱魁玉楊昌泗已飭由監利馳往螺山隨勦隨進再達武昌意在重防荆岳交界此時湖南水師甫經挫衄螺山地方上通荆郡下接鄂省若必令魁玉等折赴襄河誠恐程途紆緩且難兼顧荊州果能與湖南兵勇沿南北兩岸夾攻而下亦仍不失三路進攻原議著即照官

文所請責令該革員等管帶兵勇與湖南水陸兵勇節節進逼毋任南北接壤之處稍有賊艘闖入楊需想已於日內進剗楊店即著迅督東西兩路官兵分道進勦至青麇原帶兵勇除魁玉等現在帶赴螺山四千三百名外其餘兵勇如楊需必須調赴襄河直入漢水仍著揀派得力將弁徑往迎提管帶前進以資協勦其克復天門及攻勦仙桃鎮出力之官紳兵勇著官文會同楊需酌量保奏將

此由六百里加緊各諭令知之 欽差大臣
向榮奏賊擾東壩派兵擊退追赴高渚得旨
覽奏情形甚為喫緊幸有傅振邦之小勝或
可暫遏兇鋒辦理尚合機宜以後福興等打
仗情形速速馳奏 江甯將軍蘇布通阿奏
收集駐防兵丁請准隨營打仗得旨現既可
成一隊又自請圖報朕甚嘉憫若仍令其休
息轉難慰我旗僕之心著准其隨營攻勦並
著蘇布通阿將此硃批明白宣諭 以捐輸

奏

奏

馬匹予喀爾喀二等台吉那木濟拉端都布
等獎敘 以辦理海運完竣予坐糧廳監督
工部郎中錫惠等升敘有差 丁丑

上詣

壽康宮問

皇貴太妃安 諭內閣欽差大臣琦善嘉慶年
間由部曹外任司道府歷封疆蒙
皇考宣宗成皇帝畀以兼圻重任晉贊綸康慶
經獲咎旋即起用朕御極後因其在陝甘總

督任內辦理番務未能允洽加以嚴譴旋因
粵匪肆擾特賞給三品銜署理河南巡撫並
授為欽差大臣賞給都統銜督兵赴江北一
帶進勦該大臣自抵揚州軍營後屢獲勝仗
賞戴花翎復因揚州竄出賊匪未能嚴防截
勦革去都統銜近日進攻瓜州賊巢復命統
領水師疊次獲勝一切調度均合機宜方冀
其克復瓜州肅清江面遽聞溘逝悼惜殊深
琦善著追贈太子太保協辦大學士並賞總

奏

奏

督銜即照總督軍營病故例賜卹並准其入
城治喪任內一切處分悉予開復應得卹典
該衙門察例具奏伊子員外郎恭釗筆帖式
恭鈞恭鏜百日孝滿後均著該旗帶領引見
用副朕篤念蓋臣至意尋奏上予祭葬諡文
勤 諭軍機大臣等陳金綬等奏琦善因病
出缺一摺已降旨授托明阿為欽差大臣馳
驛前往揚州督辦軍務矣托明阿未到任以
前所有勦辦事宜暫著陳金綬權行代辦並

諭令雷以誠仍在揚州隨同防勦現在瓜州賊匪負隅死守雖運河東岸有陳金綬穆克登額在彼剗營西岸有德興阿所統滿漢官兵三汊河一帶亦有參將安勇遊擊毛三元等專司駐守惟當此時軍無統屬逆賊得信必更肆其猖獗陳金綬勇敢雖著謀畧不足非統帥之才且自焦山以上及浦口六合儀徵等處各路水師正當攻勦萬分喫緊之際托明阿接奉此旨後即著星夜馳驛前往揚

州接辦到揚以後水陸各營均歸節制此次就道毋庸多帶官兵行走致有稽遲托明阿經朕簡畀重任即當勉奏膚功悉心籌畫與陳金綬雷以誠等迅殄妖氛以慰廑念至江防最為扼要金陵鎮江皆與瓜州一水相通抵揚後尤當與向榮等隨時咨商聯絡聲氣不可稍存意見諒該大臣必能計畫周至為朕分憂其連鎮之賊已被套隄圍困此時托明阿雖赴揚州並未多帶官兵前往連鎮窮

奏奉 聖旨

欽此

奏奉 聖旨

欽此

感之寇以鉅萬兵勇足數勦辦僧格林沁務即督率將弁剋期殄滅埽穴擒渠斷不准任其潛逃為患朕惟速盼捷音早至該大臣亦當上體朕心也將此由六百里加緊諭令知之○又諭昨據向榮奏賊船由蕪湖江口竄擾東壩派兵援勦一摺情形甚為喫緊當批諭將福興等打仗情形速奏諒福興等早已趕到必有續報在途東壩為蘇杭門戶亟須嚴為堵扼副將傅振邦等所帶兵勇二千雖兩次獲勝而探聞逆黨甚多必得飛催福興等合力進勦以期醜類肅清不至深入所稱趕調上海兵勇二三千名守護蘇州等語上海正當勦賊喫緊之際兵勇能分調若干著吉爾杭阿統籌全局酌量辦理怡良現駐蘇州距東壩較遠著即於常州無錫一帶擇要駐劄遏賊來路既可固蘇省之藩籬並可為福興等後路援應以壯聲威毋稍延誤前有入奏賊匪覬覦蘇常為糧米所出擬由徽甯

竄擾急宜防護且蘇省本年未經辦漕若年復一年浙之嘉湖近蘇諸郡勢必效尤請飭該督撫豫籌新漕事宜等語著怡良吉爾杭阿體察情形斟酌妥辦所有水陸軍營各事宜仍著向榮隨時咨商妥辦毋得稍分畛域致有貽誤將此由六百里加緊各諭令知之

又諭陳金綬等奏琦善因病出缺一摺覽奏曷勝悼惜現在瓜州賊匪尚在負隅該逆知琦善病故勢必乘隙窺伺水陸防勦萬分

奏錄卷百六

三

緊要托明阿抵揚尚需時日所有欽差大臣關防著交陳金綬暫行接辦雷以誠尚未啟程赴皖並著留於軍營會同陳金綬將防勦事宜妥為經理軍營一切文案翁同書即可毋庸代拆代行前據邵燦奏由陸路赴皖與袁甲三會審案件著陳金綬等即傳旨飭令該漕督行抵安徽後暫留該省辦理勸捐防堵事宜雷以誠駐劄萬福橋距大營較遠自應與陳金綬同在一處和衷商榷更為妥協

其裏下河練勇及經手事件即飭文煜趕緊接辦現在副都統德興阿帶滿漢官兵駐劄運河西岸托明阿未到以前即責成陳金綬雷以誠及該副都統督飭水陸將弁相機進勦迅圖克復瓜州毋得專待托明阿致延時日其浦口等處仍嚴飭武慶等實力防勦毋稍疏懈瓜州逆匪近日情形著陳金綬等隨時速奏將此由六百里加緊諭知陳金綬雷以誠並傳諭德興阿知之江西巡撫陳啟

奏錄卷百六

三

邁奏報六月分糧價及建昌等縣霖雨情形得旨被災較重地方著查明迅速辦理○命前任江甯將軍托明阿為欽差大臣馳往江南揚州軍營督辦軍務補鑄山東壽張陽穀二汛主簿條記從河東河道總督長臻請也○蠲緩直隸河間阜城獻交河大城天津東鹿邢臺南和唐山無極十一縣被擾村莊新舊額賦賑獻交河天津河間阜城五縣災民免直隸滄靜海交河三州縣暨豐財嚴

鎮海豐三場被擾竈戶舊欠鹽課

實錄卷百六

三十一

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百三十八

清 實 錄 咸豐四年閏七月中

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百三十九

秋

咸豐四年甲寅閏七月戊寅諭軍機大臣等

前據王慶雲奏各路糧臺運儲糧石一摺當
交軍機大臣會同戶部速議具奏茲據恭親
王奕訢等酌覈例案詳議覆奏現在賊氛未
靖各路軍營需餉浩繁部庫籌撥銀兩實形
支絀疊經降旨並由戶部奏明行知琦善向
榮勝保等軍營運儲米石以充軍食湖北等
省漕糧均准截留接濟山東折漕因恐出入
折耗令將米石撥營備用各屬倉社米穀均
准關支僧格林沁軍營亦屢奏勸捐糧草可

見銀糧兼支為現時要務與其空言撥餉支領不能應時何如就近籌糧兵丁得需實惠著各路帶兵大臣及各該督撫等嚴飭糧臺承辦各員查照舊章征兵每名日支口糧米八合三勺月支鹽菜銀九錢並於出邊口之日加給鹽菜銀四錢凱旋進邊口之日即行停止其各路防兵除隨時酌撤外其餘即照舊例覈支毋庸加給銀四錢以示區別務須各就地方情形迅速儲備糧石值此秋收之

時籌辦較易為力其有漕省分徵存未運漕糧均准各該糧臺就地動用並准碾動各屬倉穀其無漕省分均令於所屬倉穀項下酌量關支仍將動用各項糧石數目分晰報部以憑查覈至各處情形不同並著隨時體察或籌項採買或勸諭捐輸或由鄰省轉運務即通融籌辦各該大臣督撫等具有天良當此軍餉支絀之時均應趕緊設法儲糧抵餉以濟急需毋得狃於糧臺積習坐待撥款致

有貽誤將此由五百里各諭令知之○河東河道總督長臻奏工程水勢情形得旨今歲秋汛為日尚久尤應加意慎重○以戶部尚書文慶管國子監事○以勦辦江蘇揚州府屬土匪出力賞知縣任桂花翎餘升敘有差○已卯諭軍機大臣等勝保等奏近日圍勒情形並力籌進攻一摺所稱宣洩積水鑄造大礮均不免過於迂緩其遣人內應一節尤屬毫無把握此時總以四面齊攻立破州城

將該逆就地殲滅方為上策若任其突竄再圖追襲雖勦辦較易仍恐別有蔓延據奏飭令附近州縣刈割秋禾並將魏家灣船隻移撤下游均為豫防賊竄起見該大臣所籌多派馬兵分投探路現在該逆尚未竄出焉能必其經由何路徒分馬隊之力亦非良策崇恩現已回營德勒克色楞善祿等均已四面嚴扼即著勝保督飭各路兵勇迅速環攻務將該逆就地勦滅如有竄出零匪即著崇恩

嚴飭各該州縣汛兵練勇節節扼截以便馬隊跟蹤緊勦儻不豫籌布置致該逆再有踞城抗拒之事朕惟該大臣等是問將此由六百里加緊諭知勝保並諭德勒克色楞善祿崇恩知之○刑部奏審明李黑子等冒充差役向車戶索詐錢文按例從重定擬得旨李黑子著改發黑龍江給兵丁為奴董得兒王年兒馬太崔二格均著改發極邊足四千里充軍當此軍需緊要之際豈可稍有輕縱藉

端需索罪在不赦豈可尚分偶爾與否又斷云與實在棍徒屢次生事無故擾害者有聞更不成話彼例云棍徒者係指不安本分私相訛詐而言與此案之藉差役為名毫不相涉胡不斷云假差嚇詐致被詐之人自盡斬候上減一等正與此案相符爾部為刑名總匯平日堂司各官所講求者何朕為汝等愧極哈密辦事大臣明誼慶英奏遵議抵充銀數並裁減各款覆覈另奏得旨速行覆奏

部所定限原防各處延宕若能趕緊節減究屬有益豈有依限具奏之理實屬糊塗○命前任山東布政使劉源灝來京引見賞喀什噶爾領隊大臣舒興阿三品頂帶署泰甯鎮總兵官兼總管內務府大臣賞阿克蘇辦事大臣倭什琿布副都統銜為喀什噶爾辦事大臣以伊犁領隊大臣謙亨為阿克蘇辦事大臣賞二等侍衛珠明阿頭等侍衛為伊犁領隊大臣○戶部議准陝甘總督易棠

疏報烏魯木齊塔西河等處新增墾地一十頃八十畝照例升科從之庚辰諭內閣楊需奏先後克復京山等州縣城池一摺湖北京山縣城池被賊竄踞經安襄鄖荆道羅遵殿派委員弁會同該縣知縣杜嘉善督率紳勇進攻疊次殺斃賊匪千餘名擒獲長髮賊目等一百二十餘名於五月二十六日將縣城克復其竄踞孝感縣之賊經該縣知縣李殿華帶勇於楊店小河溪等處進剿先後獲

勝二十六次擒斬賊匪一千六百餘名七月初九日夜間於河干縱火焚燒賊船數十隻賊眾驚潰隨將縣城收復四川松潘鎮總兵雙保因天門縣被匪竄擾奉檄往勦隨督同署參將常德等於七月十九等日與賊接仗四次焚毀賊船八十餘隻殺斃賊匪四千餘名擒獲二百四十餘名餘匪溺水燒斃者無算二十二日將縣城攻克孝感縣知縣李殿華復會同甘肅遊擊孫學瀛在籍知縣喬綏福於七月二十三日將黃陂縣城攻克麻城縣踞城之賊經署黃州府知府許廣藻署麻城縣知縣賀榮黃岡縣知縣翁汝瀛督勇勦捕焚毀賊巢數十處遂進逼縣城賊眾於夜半竄出復被擒斬一百餘名該縣城池隨即收復湖北被擾各州縣先經官文等奏報將沔陽州克復茲復據楊需奏報克復京山等縣荊襄附近地方漸可肅清其竄逸餘匪仍著楊需嚴飭各該地方官迅速擒捕毋留餘

孽甘肅瓜州營守備鐵振國迎勦不力著即革職以示懲儆諭軍機大臣等向榮奏東壩肅清高渚克復並金陵水陸大獲勝仗一摺覽奏稍慰朕懷此次陸路殺賊不下三千餘人水師亦將賊船沈毀殆盡並擊斃逆首秦曰綱一名該逆狡猖已久經此大創洵足以寒賊膽而振軍威粵東紅軍船本係得力舟師一經調度合宜即可指揮如意所稱上游賊援一斷即陸路亦易得手此是一定之理向榮正可乘此聲威督飭吳全美等統帶師船迎賊所向往來勦洗一面親督陸路兵勇合力圍攻迅圖克復堅城殲擒首惡為次第肅清江面之計所有避匿高渚湖口賊船尚有一百餘號仍著嚴飭福興所挑水師兵勇竭力擒捕悉數埽除免致另圖滋蔓仍須督飭該處派防將弁嚴扼逆眾乘虛回竄之路至余萬清勦辦鎮江賊匪日久無功前經降旨飭查原惡其不能得力究竟該革員於

防勦事宜能否獨當一面著向榮隨時察看據實具奏毋得稍涉瞻徇自干重咎將此由六百里加緊諭令知之尋奏余萬清自抵鎮營統兵以後尚屬愧奮出力報聞又諭昨因新授欽差大臣托明阿到揚尚需時日諭令陳金綬暫行接辦並諭雷以誠仍留軍營會同辦理防勦事宜本日據翁同書奏瓜州賊情並請飭上游南岸州縣多募水勇以資夾擊等語逆賊跨江踞守原應無分南北會

合上下游水陸各軍協力進攻庶勦辦可期得手現在瓜州一鎮負隅如故鎮江賊踪勢必不能斷絕來往前經琦善修造多漿礮船即日竣工正可乘機扼勦以圖攻克著陳金綬雷以誠迅即督飭陳國泰統領紅單師船順流下駛並飭駐守焦山之周士法等所統各船同時泝流合擊不得因托明阿尚未到營致令該水師將弁頓形鬆懈儻有不遵調度者即著陳金綬等嚴叅治罪其陸路官軍

並著妥為調遣一面知會余萬清併力堵勦鎮江賊匪使該逆於南北兩岸不暇應接自不難一鼓殲除其回竄揚州及旁擾通泰各路並著與德興阿等嚴密籌防勿稍疏失武慶防守浦口尚屬得力近復截勦賊船屢獲勝仗著即由陳金綬傳知該總兵仍前防勦既須遏賊北竄之衝仍當督飭江浦六合民勇與向榮互為聲援合力廓清江面至翁同書所稱浦口水勇由本地團集不費口糧南

岸各州縣亦可仿照辦理著陳金綬等咨商向榮飭令該地方官相機籌辦以期聲勢聯絡眾志成城於攻勦更有裨益將此由六百里加緊各諭令知之又諭前因楊需軍營兵餉不敷諭令官文將川餉截留二三成外餘銀悉解襄陽應用本日據楊需奏接到官文來咨僅撥銀二萬兩並稱前解省城之項仍留作遣發武昌兵勇之用等語現在楊需軍營需餉甚急較荊州更為喫緊武昌兵勇

業經路秉章資給銀米無須多為留備該將軍截留川餉竟至十五萬兩之多實屬不知緩急著官文即按照楊需所咨如數迅速籌撥解往該署督軍營毋得稍有推諉嗣後各路解餉過荆斷不准截留過多專顧一隅置大局於不問至官文前奏螺山緊要派令魁玉等前往協勦茲據楊需奏此項兵勇留荆則中路無兵可派而吳振鏞等所帶兵勇復經官文改派則西路亦形單薄著官文迅飭

楊昌泗將原帶兵勇全赴襄陽勿稍延緩魁玉即著管帶所收武昌兵勇一千六百名留在荆州應往何處防堵並著官文妥為調遣其張于銘吳振鏞鍾埏分帶之練勇均令悉照原議不可再有更動參將王國才著官文即飭該員馳赴楊需行營以資差委總之此時攻勦緊急軍營號令須歸畫一若因彼此意見不同紛紛更調必致將弁無所適從所有進勦機宜均著統歸楊需妥籌布置該將

軍如有必須參酌之處即與楊需熟商籌辦不得稍分畛域將此由六百里加緊諭令知之又諭楊需奏克復京山等州縣並調荆州官兵軍餉及請飭江西派兵出勦各摺片現在京山等州縣均已收復惟漢川尚為賊踞江北大局已可粗有頭緒亟應乘勢進攻豈可坐令兵單餉絀致成株待楊需中路舟師由襄陽直達漢水原為東西兩路聲援嗣因官文奏螺山緊要恐魁玉等折赴襄陽轉

形紆緩是以准其所請令魁玉等沿北岸夾擊而下徑出大江即可攻漢陽之正面今據楊需奏此項官兵全留荆州則中路無兵可派而吳振鏞鍾埏等所帶兵勇復經官文改派則西路之師亦形單薄所籌均係實在情形著楊需即飛咨官文速飭楊昌泗將原帶兵勇全數帶赴襄陽毋得再有推諉其魁玉一員即著管帶荆州所收餘兵一千六百名留荆交官文調遣張于銘由鍾祥赴漢川之

勇吳振鏞等由朱河赴沔陽之兵鍾埭由沔陽赴漢陽之練丁均著悉照原議分路進剿不可再有更調當此軍務喫緊之時若號令不能畫一將弁無所適從必致貽誤大局此後楊需應如何調遣之處即著一面奏聞一面迅速布置不得因意見稍歧徒延時日所需荊州截餉即著咨明官文如數籌解儻有藉嗣推卸即行據實具奏參將王國才亦著迅調赴營以資差委至襄陽防兵需餉前已

屢諭王慶雲籌辦第該省供給皖楚軍餉為數不少此時司庫亦頗形支絀山西情形除撥各路軍餉外並須兼顧京餉即能酌量撥解亦恐未可深恃著楊需將所需銀數咨商各該撫酌辦仍飭該地方官設法勸捐接濟不論銀米但期足敷兵食較勝遠道轉輸襄陽為完善之區現又為司道大員駐劄處所勦辦當易為力安陸等處餘匪仍著趕緊搜捕務使一律肅清楊需亦不得因此零星遺

孽坐受牽掣致誤克復機宜也將此由六百里加緊諭令知之○又諭駱秉章等奏水陸官軍四獲勝仗一摺逆賊竄擾岳州屢經我兵擊退茲復經水陸官軍奮勇齊進四次獲勝洵足以寒賊膽正可乘此聲威直搗武漢著塔齊布曾國藩將城陵磯餘匪迅速剿除淨盡即日整師東下毋再延誤本日據楊需奏京山孝感等州縣先後收復現已派令佈克慎台湧帶兵由雙廟進剿並令雙保福所

等由天門進取漢川魁玉楊昌泗等由襄陽水路進趨漢口該署督亦即日統師前進此時南北兩路辦理均屬得手並經官文等奏報已添撥兵勇派同知銜李光榮等統帶由調弦口協剿當此官兵雲集應如何聯絡聲勢分投進逼之處並著塔齊布等與楊需官文函商妥辦無失事機至前諭塔齊布陸路官軍能否由通城崇陽一帶直攻武昌之背並著悉心籌畫隨時奏報塔齊布曾國藩自

帶兵以來既未嘗遇敗而怯定不致乘勝而驕總宜於安速之中持以慎重則楚省賊蹤漸可埽蕩岳郡地屬緊要前諭駱秉章飭令胡林翼督帶練勇前往嚴防該撫定已遵辦仍著將該臬司於何日抵岳如何設防之處迅速馳奏將此由六百里加緊各諭令知之

又諭前因逆匪竄踞九江郡城已有旨令陳啟邁嚴飭羅玉斌等統帶兵勇相機進剿茲據楊需奏稱武昌下通九江為省城第二

重門戶必須水陸並下會同江西兵勇以扼九江則楚北庶可肅清等語著陳啟邁速派兵勇一出九江以通江路之聲援一防義甯以遏陸路之竄越固江西之藩籬即可保長江之門戶該撫不得以兵單餉絀為詞置全局於不顧本日又據向榮片奏江西應解江南兵餉自三月以後並未解到現在金陵攻剿逆匪萬分喫緊需餉甚鉅著陳啟邁即將三月以後欠解各餉趕緊起解並著嗣後按

月協濟以供支應毋稍遲延將此由六百里加緊諭令知之

又諭向榮軍營餉需前經飭令浙江江蘇江西廣東按月籌濟茲據向榮奏稱廣東半載以來僅報解五萬兩遲久未到等語金陵水陸攻剿正當喫緊之時所有紅單舵舂各船需餉尤鉅必得按月協濟方不致滋貽誤著葉名琛柏貴迅將應解之餉源源接濟俾得及時支應以資進剿毋稍遲延將此由六百里加緊諭令知之

參贊

大臣僧格林沁奏賊匪梟水思遁迎剿續獲勝仗得旨逆匪實已窮蹙指日定可殲除猶不可稍涉大意致令竄延僧格林沁晝夜艱辛朕甚廑念著傳諭眾將士迅速成功同膺懸賞

以勦辦湖南城陵磯賊匪獲勝賞知府羅澤南花翎兵丁李榮華藍翎餘升敘有差予陣亡都司諸殿元千總劉士宜祭葬世職

辛巳諭內閣翰林院侍講清安奏大錢未能流通請嚴禁阻撓折算等弊一摺現在

行用當百大錢該商民等自應恪遵錢面數目照常交易乃近日以來竟有任意折算阻撓等弊以致未能流通著步軍統領衙門順天府五城悉心妥籌辦理務期一律暢行便民利用至現獲私鑄各犯並著刑部於訊明後按照新例迅速分別辦理不准稽延時日

又諭富興阿奏戶部順天府書吏以銀抵換鈔票請飭認真審訊一摺此案情節較重如果該官吏等有通同舞弊情事必應徹底根究從嚴懲辦著刑部堂官督飭承審司員秉公嚴訊務期水落石出不准稍有瞻徇並著將訊出大概情形先行具奏○以辦理團練出力賞陝西華陰縣知縣倪印垣等升銜優敘○壬午諭軍機大臣等有人奏河北銅山豐沛間有新起土匪頭目張彥李大選杜四杜五等聚眾千餘在水路擄掠為患現在江南徐州一帶正值防堵喫緊之時豈容此等匪徒嘯聚貽害地方若不乘其初起即行

掩捕將來蔓延日甚更恐與逆匪暗相勾結著怡良吉爾杭阿楊以增崇恩嚴飭該地方文武並酌派兵丁會同嚴密查拏該二省交界處所務當不分畛域一體拏辦俾絕根株毋任一名漏網將此由四百里各諭令知之

癸未諭軍機大臣等楊需奏籌畫進剿兵餉竭蹶情形一摺湖北收復京山等五縣之後大兵四路雲集亟須乘勝直趨武漢肅清蕪黃斷不能因餉需支絀致誤事機茲據楊需奏官文函稱川餉十萬兩先已動用所餘無多續到三萬兩亦復截留何至不知緩急若此荊州現在情形較之武漢孰輕孰重楊需統帶之兵較之荊郡防兵孰多孰少官文豈不知之乃不顧大局任意指留顯係心存畛域著官文將所有前此截留用贍款項悉數先行解交楊需大營並將以前如何支銷各項銀兩迅即查明詳細開單由驛具奏其川省以後解到第二三起銀六萬兩即由該

署督迎提改道當陽行走期於近捷不准截留荊州其川兵練丁之餉仍歸襄陽糧臺支發以清款目該署督仍當迅籌進攻並一面知會塔齊布曾國藩等速行東下會合勦辦不得坐待餉銀轉致遲誤官文前奏原任荊州府現調武昌府知府莊受祺護送巡撫學政關防前赴德安該員何時至荊其調署武昌曾否到任省垣失守之時該員是否先已離省其隨同青麀至荊之武昌府遺缺知府

祿勳等各員有無札調出省差使抑係藉詞隨同前往並已革巡撫崇綸實在下落及藩司岳興阿臬司曹楫堅等確實殉難各情節均著官文楊需速即詳查據實覆奏將此由六百里加緊各諭令知之 又諭楊需奏兵餉支絀請速飭籌解以資接濟一摺據稱現存兵餉不數十日之用山西陝西餉銀到楚尚需時日已函商英桂於河南暫借銀三萬兩俟山陝餉到歸還並請飭山西陝西撫臣

速即設法通融接濟以應急需等語逆賊竄踞武漢急應克復楊需現分三路進兵需餉浩繁自應於鄰近省分妥籌接濟著英桂速撥銀三萬兩卹日解往仍俟山陝餉銀過豫時扣存歸款並著恆春王慶雲於各該省無論何款項下迅速籌畫銀各數萬兩卹日遴委妥員解赴楊需軍營應用無許遲延並知照經過各地方毋許截留致有貽誤將此由六百里加緊各諭令知之 乙酉

上諭

壽康宮問

皇貴太妃安 諭內閣惠親王等奏本年王公大臣秋俸請變通抵放一摺著依議行惠親王應領俸銀前經奏請俟軍務告竣再行支領所有本年秋季俸銀著加恩賞給一半 諭軍機大臣等勝保等奏逼近賊巢劄營建築礮臺力籌勦辦一摺逆匪占踞高唐幾及四月早應移營逼近賊巢用礮攻擊該大臣

業經迂緩於前以致日久尚無把握此時惟有督率兵勇合力進攻迅圖克復仍當設法揀選精銳一鼓登城不得專恃礮轟別無善策儻該逆窮極思竄即可乘勢殲除斷不准再令蔓延擾害他處該大臣所帶兵勇為數不少果能明攻暗襲何至蕞爾孤城尚藉口於步隊之不能抽撥所有西南兩面並著趕緊逼近環攻以期盡殲醜類若再曠日持久勞師糜餉之罪豈能屢邀寬宥耶將此由六

百里加緊諭知勝保並諭德勒克色楞善祿崇恩知之○以山東鉅野鄆城陽穀莘四縣城被賊竄陷革知縣廖錫綸教諭宋源心張於棻訓導趙荆岩宋承慶典史韓景昌秦廷慶守備舒崑千總馮賜元把總楊三樂崔玉峯職均逮問○予山東鉅野等縣殉節知縣朱運昌文穎傅士珍任騰蛟教諭辛本枕李文綬顏懷蘭訓導公戴東郝庚虞典史葉國霖孫駿徐鳳階瞿濬千總崔福貴把總何秉

綸張永隆外委傅君平祭葬世職並建立專祠傅士珍家屬幕友等旌卹如例併附專祠

追予山東金鄉縣殉節知縣楊鄭白建立專祠家屬幕友等附祀○丙戌諭軍機大臣等前因翰林院侍講清安奏大錢未能暢行諭令步軍統領衙門順天府五城妥籌辦理本日據周祖培奏大錢壅滯之故由於使用私錢者未奉明禁以致官錢任意折算奸商官私並用壟斷出入故小民疾苦日甚請於

嚴拏私鑄私販人犯外明定章程禁絕使用私錢以杜銷售之路各部院及各旗營給發公費兵餉均有蠹吏奸役私行抵換官錢等弊尤為官私混雜之害並請嚴拏究辦各等語著步軍統領衙門順天府五城按照所奏悉心妥議奏明辦理並嚴拏私鑄私販不得任其肆行無忌阻撓圍法原摺著鈔給閱看將此諭令知之○又諭有人奏江蘇降調藩司倪良燿於應行督催之截留海運米石迄

今兩載延不完繳已革江蘇知縣余龍光在青浦任內重賦苛徵釀成巨案以致上海等處相繼失陷該員實為罪魁署嘉定縣知縣鄭揚旌青浦縣知縣張銘曉於城池失守後逃匿未獲署吳縣知縣張禮用劣役為心腹婪贓肥己縱盜殃民上元縣知縣岳崇恕貪污素著吸食鴉片不理公事請飭該督撫從嚴淘汰以肅官常等語現在該省賊氛未戢地方州縣禁暴安良尤關緊要若不亟加整頓致庸劣不肖之員濫竽充數貽害閭閻為患匪細至倪良燿應行督催米石前經勒限嚴追何以至今未據奏報余龍光前已有人叅奏交怡良等嚴究懲辦亦至今尚未覆奏此外失守城池及婪贓吸煙各劣員皆應及早叅劾著怡良吉爾杭阿按照所叅各情節逐一查明據實叅奏毋得稍有瞻徇自干重咎將此由五百里諭令知之又諭有人奏河南固始光州一帶捻匪數萬人立旗幟造

偽號以李士林為盟主任純學為謀主丁心田易天幅李瀾起劉結大四人為東西南北四路偽元帥並有著名捻首張全義朱鳴義等多人現充光州息縣總役該州趙登峻該縣陳棠貪聲素著反倚該役等為腹心以致捻匪聚黨愈多竟敢焚毀期思鎮馬岡集谷堆集等處並率眾數萬於二月間攻固始五月間攻商城已革南陽鎮總兵柏山擁軍坐視畏葸不前僅有固始縣知縣蒯賀孫職辦

捻匪尚有膽識反為趙登峻等所排擠等語河南光州等處民風强悍平時結捻械鬪地方官即應嚴拏懲辦況現在逼近賊氛更應肅清內匪以防勾結若如所奏地方官縱賊殃民固屬罪不容誅英桂統轄全省亦豈能辭咎著即趕緊嚴飭所屬文武員弁協力勦辦立將李士林等首夥各犯悉數擒拏盡法懲治毋令竄逸並查明柏山如何玩誤及趙登峻陳棠聚賊情形從嚴叅辦以靖地方再

商邱縣知縣宋錫慶在籍給事中陳壇前因商邱失守同時逃避曾經降旨令該撫查拏嚴辦迄今將及一年未據覆奏殊屬不成事體著即迅速查辦毋再遲延干咎原摺著鈔給閱看將此由五百里諭令知之○又諭陳啟邁奏逆船竄擾吳城建昌一摺並賊撲武甯戕害大員等語七月十七日賊船上竄將抵吳城鎮兵勇退守上游十九日復有賊船三四百號由渚溪駛入建昌縣界之山下渡距省均止百餘里該撫現飭革員趙如勝酌帶戰船水勇駛往下游並飭吳錫光等由山下渡陸路追擊是否足資截剿本日已諭令駱秉章酌調官兵並派員管帶馳往協剿惟鄰省調撥尚需時日誠恐緩不濟急而羅玉斌攻勦九江以分賊勢亦斷難撤回此時省城情形萬分喫緊必須司道大員帶兵出省相機堵截未可專待外援任其猖獗臬司憚光宸前曾帶兵出省並未馳赴武甯現在賊

氛逼近若仍株守省垣專恃趙如勝等帶兵勦辦勢必貽誤事機著陳啟邁即於司道中遴派得力之員統兵前往扼要駐劄為迎頭截擊之計其由興國州竄撲武甯之賊眾至二萬該縣甫經收復城內弁兵不過千餘不敷堵剿並著該撫嚴飭署鹽道王訓迅速帶兵馳往勦辦毋稍延誤江西與鄂毗連處所甚多若楊需等進兵攻勦前後夾擊更恐逆匪乘隙竄擾江西是內患未靖又須堵禦外來賊黨儻防勦稍疏勢必滋蔓難圖著該撫嚴飭帶兵文武員弁防勦兼籌不得稍涉大意並將逆匪情形隨時馳奏陣亡之遊擊富克金泰等著查明請卹將此由六百里加緊諭令知之○又諭據陳啟邁奏逆船竄擾吳城建昌逼近省城兵力不敷調遣請飭湖南仍令上年來江助勦之官紳朱孫詒羅澤南等管帶兵勇前來協勦等語江西賊勢猖獗省垣兵力單薄急須鄰省分兵援救著駱

秉章迅即選派精兵三四十名馳赴江西以資接應惟現在朱孫詒羅澤南皆帶兵勇隨同勦賊甚為得力該二員能否派往著該撫酌量緩急妥籌辦理如實在不能分撥即著另揀得力員弁管帶所挑官兵迅速馳往江西協勦毋稍遲緩致誤事機將此由六百里加緊諭令知之○江蘇巡撫吉爾杭阿奏籌勦上海逆匪情形得旨此時萬不可再令竄逸汝所籌機宜登駕馭夷人均屬妥當○以

焚毀江西九江賊船出力予民壯孫亮等并賞有差○予江蘇陣亡千總蔡夢麟把總張世珍祭葬世職○丁亥諭內閣戶部等衙門奏遵議通政使李道生條陳錢法一摺戶工兩局鼓鑄當百當五十等項大錢子母相權便民利用近因奸商阻撓以致大錢不得流通業經刑部定擬罪名由各該衙門剴切曉諭俾共知此項當百以下大錢永遠通行決無更改愚民不致妄生疑慮奸商亦不敢任

意阻撓以身試法其私鑄大錢人犯仍著步軍統領衙門順天府五城一體嚴拏照新定章程治罪○又諭刑部奏遵旨覈覆知縣罪名一摺前因已革侍郎雷以誠奏請將已革署江都縣知縣陸武曾應得斬監候罪名量從末減當交刑部覈議具奏茲據奏稱該革員於獲罪後尚知愧奮並帶勇殺賊身受重傷著有微勞陸武曾著准其減等發往新疆效力贖罪仍留雷以誠軍營差遣以觀後效

○諭軍機大臣等易棠奏遵議新疆變通事宜一摺據稱馬廠及歇槍之地均可開墾其不便屯兵之處可募民回墾種並招內地民人准其攜帶眷屬藉資開墾其兵制之可裁者如伊犁烏嚕木齊屯田可召民回承種屯兵即可撤令歸伍其南路各城換防官兵若改為眷兵則烏嚕木齊議添之兵可無須調往又各該處駝馬等既經變賣則經牧官兵亦可入伍各等語所奏俱係因時制宜為籌

畫經費起見惟口外情形究非該督所能深悉著奕山圖伽布常清春熙賡福按照所奏各條察看地方民情悉心斟酌妥速籌議據實奏辦總期通籌全局節省餉需而仍於邊防無損方為盡善毋得畏難推諉徒以一奏塞責原摺著鈔給閱看將此各諭令知之尋伊犁將軍奕山等奏稱伊犁土性寒薄難以開墾下軍機大臣戶部會議尋議奏伊犁開墾之案阿桂聞之於前松筠成之於後事在

必行以期地利無遺蒙古牧廠及官兵馬廠自應於水草茂盛之處廣為踏看分別撤屯但使可以省餉不必盡撤其人屯兵內有情願種地者即給與佃地而開其屯兵糧缺並於存營兵內添派換防抵減內地調撥經收兵丁亦如之不必遽有裁兵之名而已漸收節費之效以後停補減抽實於經費有益從之又諭向榮奏水師續獲勝仗並陸路防剿情形一摺逆匪自高瀋敗竄後疊經水師

軍船大加懲創江路賊援自可逐漸斷絕而太平賊船近復闖入丹陽湖內其窺伺東壩之心尚未竟絕現在福興一軍已經調回金陵其鎮江派防東壩兵勇亦經前赴大營協剿東壩防兵僅有鄧紹良及上海派往之兵勇約二千名小丹陽鎮一路僅有傅振邦及張國標所帶兵勇一千五百餘名誠恐不敷堵剿怡良前奏親督兵勇赴無錫常州一帶仍著速行前進不得因高瀋賊已敗退又復

中止向榮指調之上海軍營總兵虎嵩林亦著吉爾杭阿速飭該員前往怡良軍營協同進剿如該逆不敢再竄高瀋亦可迎賊所向沿途探剿此時江面水師正當得手之際若陸路官兵能繞出太平一帶抄賊後路夾攻更易為力至向榮所稱上游紅單挖督等船究嫌單薄等語亦係實在情形逆賊既屢屢敗其糾合皖楚逆黨大幫回駛固在意計之中且湖南賊船經我兵勇大加焚毀已追至

嘉魚境內僞武漢一經收復該逆潰竄下駛上游師船實當其衝下游戰船既有八九十隻分調十餘隻不至遽形短少著向榮卽知會陳金綬等如北岸無須多船卽飭陳國泰將所帶紅單船分撥十隻或十五隻迅赴上游協同攻勦不得稍存畛域藉詞留將此由六百里加緊各諭令知之 又諭塔齊布曾國藩奏沿江追殺賊匪水陸續獲大勝一摺前據楊需奏收復湖北京山各州縣並所

籌各路進勦各情業經諭令該署督迅速督兵馳赴武漢以期與上游水陸官軍會合勦辦現在塔齊布曾國藩自岳州城陵磯以下沿江追擊將二百餘里賊巢勦洗殆盡已追至嘉魚縣屬後起大隊官兵亦卽日跟蹤前進是楚南一軍愈偏愈緊漸可駛抵武昌楊需儼仍株守德安不卽統兵前往必致東下之師又成孤軍無援之勢於攻克武昌全局仍無裨益著楊需卽照前奏三路進兵之議

迅飭領兵各員分道進攻總以星速出江為要一面親率精銳由楊店進發直趨漢口會督各路兵勇與塔齊布曾國藩所統各軍協同攻勦乘此聲勢上下夾擊自無難一鼓殲除楊需與塔齊布等一經會合兵力更厚或先克武昌或併攻漢陽惟在隨時審察軍情相機速辦仍須四面兼顧不致該逆被勦窮蹙復有乘虛奔突之患此時攻勦喫緊楊需斷不可再事耽延塔齊布曾國藩亦應倍加慎重總期計出萬全肅清江漢毋負委任臬司胡林翼帶勇勦賊尚稱得力著卽隨同塔齊布等前往湖北毋庸留於岳州知府羅澤南本係隨營協勦之員亦著毋庸派赴江西所有岳州善後防堵事宜卽飭駐劄該郡辦理糧臺之藩司夏廷樾妥為籌辦將此由六百里加緊各諭令知之 又諭向榮奏請飭催前調福建廣東各官兵等語金陵大營分勦各路賊匪水陸口岸紛歧官軍不敷攻擊

係屬實情現在正當堵禦上游各口喫緊之時設因兵力不足致多掣肘何日始能竣事據奏前調福建漳州鎮屬雲霄同安詔安等營官兵王懿德以防堵粵界另調福甯等處兵千名前往該官兵恐未能得力此時福建軍務漸竣著王懿德迅遵前旨即行選調漳州鎮標及所屬雲霄詔安同安各營兵二千名如數揀齊派令得力將弁管帶剋日啟程前赴向榮軍營聽候調遣不得稍分畛域致滋遲誤其已調之福甯建甯邵武延平各兵即撤令回閩留防本省毋再藉詞推諉並著葉名琛柏貴查明前報啟行之潮州鎮壽山所帶官兵二千名何以遲遲尚未行抵江南迅速飭催即日兼程馳赴金陵庶期以速補遲可望早圖克復至葉名琛等前奏續派碭石鎮總兵謝焜管帶之挖風紅單船共四十隻尚未出洋此次江面剿除金陵城內竄出逆匪轟擊賊船不下數百隻連獲勝仗全藉

粵船之力惟上下游江面寬廣往來衝擊船數實屬不敷著該督撫等迅飭前項續調船隻趕緊開洋星速駛入長江以資協勦並著王懿德葉名琛柏貴將官兵船隻啟程出洋各日期一面具奏一面知會向榮為要將此由六百里加緊各諭令知之○陝甘總督易棠奏勘明隴西等州縣被災情形得旨此等事必須從實具奏不可稍有諱飾○命翰林院編修吳存義許彭壽在南書房行走○以

攻勦湖南城陵磯賊匪獲勝予湖南提督塔齊布優敘賞已革禮部侍郎曾國藩三品頂帶千總何越珽花翎府經歷李續賓藍翎餘升敘有差○以克復福建永安尤溪大田沙四縣城賞遊擊沙肇修等藍翎餘升敘有差

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百三十九

實錄卷一百三十九

三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百四十

奏准其免罪給予外委頂帶並著留於福建
由該督酌撥入伍以觀後效 諭軍機大臣
等有人奏蘇省徵收漕糧短絀請飭查整頓
一摺蘇省漕糧之重甲於天下近來日形短
絀雖因被兵被災民力拮据亦由地方官辦
理不善所致據稱上年冬業田之家佃戶抗
成豐四年甲寅閏七月戊子諭內閣王懿德
奏軍犯殺賊出力懇請免罪等語山東濟陽
縣軍犯馬能高在福建配所隨同兵勇打仗
屢次出力殺賊多名自應寬其既往馬能高
著准其免罪給予外委頂帶並著留於福建
由該督酌撥入伍以觀後效 諭軍機大臣
等有人奏蘇省徵收漕糧短絀請飭查整頓
一摺蘇省漕糧之重甲於天下近來日形短
絀雖因被兵被災民力拮据亦由地方官辦
理不善所致據稱上年冬業田之家佃戶抗

不交租地方官概不追比以致業戶完糧無從設措等語鄉民糾眾抗糧法所難宥該地方官自應痛加懲辦勿稍姑息至於佃欠業租既經該業戶控告亦應照例懲辦以儆刁風總期於漕糧無誤方足以資整頓前年倪良耀辦漕不善業經革職而上年海運止解白糧貽誤更甚似此年復一年伊於胡底著怡良吉爾杭阿先事豫籌今歲新漕勿致再蹈前轍另片奏長洲縣漕書顧桂岩係積年

巨蠹於奉到緩徵恩旨匿而不發被災各區仍令照常納糧民間畏其陵虐有顧老虎之目著該督撫按照所奏各情節確切查明從嚴究辦以除積蠹而安閭閻嗣後遇有災歉緩徵務當詳晰分數於十月內奏到以符定限俟奉到諭旨之日即行刊刻謄黃徧貼城鄉各處如有私行揭去希圖朦混侵蝕者即著嚴叅懲辦以期實惠及民原摺片著鈔給閱看將此由四百里諭令知之○閩浙總督

王懿德奏仙遊縣烏白旗匪首朱三陳尾始終助逆抗拒必須擇尤勦辦得旨既已出示在先乃梗頑難化斷不能稍示羈縻允宜痛加勦戮以期漸就廓清又奏莆田縣幕友姚懷瑞把持擅騙查拏究辦批此應從嚴懲辦者○以督辦通州城工完竣予倉場侍郎全慶朱崧議敘○已丑諭軍機大臣等現在連鎮賊匪經僧格林沁等設法圍勦勢已窮蹙指日當可殲除惟昨據僧格林沁奏稱該營

糧臺關支兵餉積欠甚多前經桂良撥銀五千兩亦屬不敷支發本日已諭戶部撥銀八萬兩解赴該大臣軍營當此攻勦喫緊之際若不寬為接濟何以激勵軍心直省藩庫情形雖極支絀然軍需孔亟總應設法籌措毋誤兵食著桂良督飭接辦糧臺之口北道錫祉悉心籌畫無論銀米速行撥解連鎮軍營俾支發得以裕如進勦益可得力將此由六百里諭令知之○又諭福濟奏逆匪窺伺徽

宵飭屬嚴防並由浙省派兵堵禦一摺逆匪因江面舟師截擊軼入南岸竄至青陽漸入涇縣因該縣民團得力復欲改由太平竄入徽甯二郡窺伺蘇杭儻有疏虞實關東南大局和春福濟現在攻勦廬州遠在江北不能分兵勦辦自係實在情形據奏黃宗漢已派杭州府知府徐榮等分赴徽甯並派兵勇二千名隨往防勦是該撫深知倂徽即以保浙故能不分畛域布置周詳且該二郡有山谿之險得此兵力自可阻遏兇鋒至福濟奏稱南岸之貴池銅陵繁昌蕪湖等縣皆為逆賊出沒之地浙江所派防勦之兵如能追賊出江宜擇緊要江口如蕪湖大通等處就近駐劄無遽回浙等語黃宗漢向來辦事認真著即統籌全局該省兵力能否外援鄰封內保本境斟酌辦理至太平甯國與金陵接壤並著向榮怡良吉爾杭阿體察現在情形酌籌防勦以期聲勢聯絡互相援應俾該逆不能

乘虛竄擾將此由六百里加緊各諭令知之又諭翁同書奏揚州軍餉缺乏情形自軍興以來各路軍需或由部指撥或由鄰省協濟或就本省辦理捐輸截留糧米以資支放朕眷念行間將士枵腹荷戈日勞宵旰無如用兵各省日久未能凱撤以致師老餉匱即如揚州一軍因瓜州未克屯劄江濱兵糈難於接濟致有欠放自係實情前經諭令琦善等准於淮揚徐等處漕項鹽課關稅地丁各款內提用現在托明阿尚未到營陳金綬代辦軍務著即飭令該地方官遵照設法提撥以應急需雷以誠辦理捐輸捐釐等事著有成效現已留揚亦著移緩就急妥籌辦理以固軍心而作士氣惟是竭力籌餉以濟兵食不如及早滅賊以節帑項蕞爾瓜州屢次圍攻尚未能埽除賊壘此外堅城頓兵日久更若恬不為怪思之實堪憤恨儻因轉輸不繼致成渙散情形豈堪設想著陳金綬等一面

籌撥款項以供支發仍激勵將士迅圖克復勿再遲延將此由六百里加緊諭令知之○又諭楊需奏督兵進剿變通調遣一摺並招安投誠各等語現在塔齊布曾國藩業已督兵進駐羅山該署督既於十八日移營前進著即遵前旨迅由楊店直趨漢口會合湖南得勝之師乘此聲威盡殲羣醜不得稍有耽延致失機會並飛催魁玉等統帶兵勇即行前進或由沔陽直攻漢陽或隨同塔齊布等

徑攻武昌毋許遷延觀望有誤事機逆匪自踞武漢以後未經大受懲創此次官兵前後夾擊該逆必四處奔竄以圖牽掣我軍分我兵力該署督務當統籌全局杜其紛竄為次第克復武漢之計斷勿令此勒彼竄為害他處也至從逆匪徒既已悔罪投誠原可予以自新之路惟須察其真偽暗相鈴制庶不至中其奸謀所有投誠之蔣昌梧李士林等二名即飭遊擊吳登鼈知縣李殿華等加意防

範如果不遵約束未能得力即不動聲色嚴密懲辦若能帶領壯勇殺賊立功亦可寬其既往酌量保奏惟在駕馭得宜自可獲效該署督諒能妥籌辦理也將此由六百里加緊諭令知之○又諭前因襄陽緊要諭令王慶雲派兵前往已據豐伸奏報於七月十六日帶甯夏等兵擇要駐劄矣本日楊需奏水路需兵改調陝西駐襄官兵一千名又挑選襄陽練勇一千名赴襄河下游為東西兩路策

應惟襄樊防守兵力稍單自應設法布置著王慶雲迅派商南備調之甘肅官兵一千名由荆子關順流赴襄與豐伸同駐一處以壯聲勢衛襄樊之腹心即可固陝省之門戶至商南等處應如何布置並著該撫隨時妥辦將此由六百里加緊諭令知之○江南提督和春等奏連日攻勦廬州賊匪情形得旨雖屢次得手總未克廬州此時更不可稍緩一步和春督師在皖已久且轉戰數省俾膺節

鉞何以叢爾孤城棘手若是耶 都察院左副都御史王履謙河東河道總督長臻奏稽查黃河南北兩岸督飭文武加意嚴防得旨果能如所奏各情自可扼其竄越惟恐日久懈生徒託紙上空談於事何益上游封禁各船自應明白曉諭若再有祈請萬萬不可准其所請胎患匪輕以勦辦安徽廬州舒城等處賊匪出力賞協領多隆武多廉桂成守備蕭開甲江忠信同知德鈞知州江忠濬花翎佐領倭紳等藍翎餘升敘有差 補鑄福建長泰縣知縣印信從總督王懿德請也○予江南揚州府殉節鹽大使武林運庫大使張式瑛運判周貽孫批驗大使陳大馨鹽知事恩善諸嘉祿孫紹恆鹽經歷王鴻漸經歷邵鏡教諭黃元灝八品職銜張文江祭葬世職廩生邵沅等賞卹如例予安徽桐城縣殉節在籍員外郎馬元瑞祭葬世職子監生星曙等賞卹如例並建專祠撥戶部銀八

萬兩解赴直隸連鎮軍營以濟要需辛卯上詣壽康宮問皇貴太妃安諭內閣上年賊擾揚州府城失陷當降旨將督辦防堵之漕運總督楊殿邦等及失守地方之鹽運使劉良駒等革職分別治罪旋經琦善福濟雷以誠各將該革員等奏請留營亦經先後允准昨據雷以誠奏已革揚州府知府張廷瑞已革江都縣知縣陸武曾均因勦匪出力請分別免罪減等並留營效力業經降旨允行惟該革員等失守城池罪名綦重僅予發遣已屬從寬若皆藉端保舉必致紛紛瀆請濫開僥倖之門且聞怡良昨奏揚城失陷之時候補微員尚有全家殉難者而該革員等或身為大吏或責在守土轉得偷息行間冀邀寬典何以慰死節而勵人心除陸武曾罪名經刑部議准減等改發新疆外其張廷瑞罪名亦著減等改發

軍臺效力贖罪著楊以增即行派員將該二員迅速押解啟程毋再延玩至楊殿邦現有應賠提用淮北鹽課銀兩著福濟飭令速行完繳如未能繳齊即行具奏遵旨發遣不得以籌措賠項為詞致滋延宕其但明倫劉良駒及此案內應行發遣各革員著一併迅速起解毋許逗遛並將起解日期即行具奏○又諭諄齡奏達賴喇嘛額請選派傳經正副師傅祈為代奏請旨一摺著照所請噶爾丹

赤巴羅卜藏清饒旺曲著為達賴喇嘛正師傅溫結色呼圖克圖阿旺羅卜桑托克邁丹澤恩嘉木錯著為達賴喇嘛副師傅諭軍機大臣等前據怡良覆奏袁甲三請將淮北滯銷鹽引籌運濟餉一摺當交戶部覈議具奏茲據奏稱請令楊以增會同怡良袁甲三查明酌辦等語此項淮北滯銷鹽引已逾奏銷尚未議定銷售章程若再令會議酌辦往返咨商徒延時日於課款仍無裨益怡良既

稱暫停代納淮南懸引一款可以維繫新綱又無害於釐局自必確有把握即著該督會同楊以增督同署運司設法辦理袁甲三著無庸會辦怡良職司釐務責無旁貸楊以增近在淮北稽查較便務當遴委賢員實力督銷不得以商疲引滯藉口致課款再有短絀將此諭令知之○又諭王慶雲奏提督營盤燒失餉銀坐扣兵糧作抵造冊捏銷據實奏一摺據稱固原提督桂明督帶防兵出省

迎勦由陝西省籌解餉銀五萬兩其第一次解銀二萬兩派委候補從九品沈恬管解赴營於三月十三日據該提督咨稱此項餉銀業已解到旋於四月二十六日又據咨稱被劫遺失復於七月初五日咨稱餉銀行抵臨清於移營之時被逆賊燒毀營盤查點餉車銀匣俱無遂將遺失銀兩按五十五日支放官兵口糧鹽菜馬乾等項坐扣捏造銷冊咨請報銷嗣據沈恬供稱營盤被燒失餉之後

該提督諭令隱匿。捏報土匪劫掠等語。前後情節不符。覽奏深堪駭異。現在桂明在楚。隨同剿匪。所帶員弁兵丁。均已赴楚。著楊需按照所參各情。就近提集應訊人證。確切查明。據實具奏。毋稍徇隱。王慶雲原摺。桂明咨文。沈恬親供。均著鈔給閱看。將此由五百里諭令知之。○又諭。王慶雲奏參提督營盤燒失餉銀。坐扣兵糧。作抵造冊。捏銷一摺。並鈔錄該提督三次咨文。及委員沈恬親供呈覽。桂

明奉派帶兵協剿賊匪。自應隨時隨事。處以慎重。並應加意體恤兵丁。以用其力。乃該提督於清水鎮地方。被賊燒失餉銀。並不據實奏報。復敢於官兵等名下。按日坐扣抵數。不恤該官兵之疾苦。任意扣抵。巧詐妄為。殊堪詫異。且於咨文內。有王慶雲僉差不慎之語。意欲挾制該撫。以便扶同捏飾。種種謬妄。尤出情理之外。著桂明按照所參各情節。逐層迅速明白回奏。不准再有欺蒙隱飾。致干重

咎。將此由五百里諭令知之。○又諭。王慶雲奏設法籌餉各摺片。自軍興以來。各路兵餉浩繁。計已撥解數千萬兩。現在部庫益形支絀。而各省應徵地丁漕糧鹽關各項。亦多不能徵解足額。其被兵省分。更屬竭蹶不遑。以致東南富庶之區。財源日竭。指撥無從。該撫自必深悉。陝省士風淳樸。節次捐貲報效。具徵急公好義之忱。與其捐自中人之家。集腋無多。不如捐自素封之戶。指困較易。王慶雲

平時辦事。甚屬認真。現既據稱。回籍省親之宗人府府丞梁瀚。素協鄉評。著該撫即行督率梁瀚會同。在籍紳士王篤等。體察情形。各於素稱饒裕之家。切實勸導。如能自一萬捐至數萬十數萬者。隨時按照銀數。立即奏請獎勵。儻有不願請獎者。並著王慶雲飭令藩司。按數給予借貸印票。分年給還。作正開銷。仍按照銀數多寡。分別建坊給扁。以示優獎。總期湊集成數。無論捐款借款。先以百萬兩

為準以後如能源源接濟更為妥善斷不准假手地方官吏致啟抑勒侵吞之弊如有藉端影射及騷擾需索以多報少各情事准該紳民等呈告治以應得之罪將此由四百里諭令知之 壬辰諭軍機大臣等有人奏廣東省城土匪滋擾請飭防勒一摺據稱潮州府屬之惠來縣於五月十七日失守知縣殉難廣州府屬之東莞縣因該縣派差勒索船規致匪徒聚眾於五月二十二日攻破縣城

知縣逃避都司兵丁等被害該匪即竄至佛山鎮放火搶掠六月十七日直撲省城南門繞赴北門並番禺縣屬之石壁石井地方尚有會匪數萬樹旗招夥欲攻省城等語該督撫等於五月二十四日奏報勒辦潮陽匪徒獲勝摺內但稱毗連之普甯惠來等縣在在堪虞而於惠來東莞失守情形迄今三月之久未據奏報豈竟毫無聞見即省垣被撲雖將該匪擊退而事勢危急亦未據該督撫奏

到著葉名琛柏貴按照所奏各情節迅速具奏並督飭文武員弁趕緊將惠來東莞各縣城剋期收復嚴拏土匪務期淨盡至省城現在人情是否安靜籌捐募勇足補兵力之不及該督撫尤當認真督率紳耆妥籌迅辦地方官吏激變殃民更應從嚴糾劾毋得稍涉瞻徇自干重咎原摺著鈔給閱看將此由五百里諭令知之 又諭有人奏河南陳州府知府朱師濂終日聚侶樗蒲不理公事聽信

幕友袁震在外招搖聲名狼籍辦理地方團練招聚百人充數捏報三百名之多為私肥囊橐地步又因節壽勒索屬員陋規甚至當面要求毫無顧忌等語似此軌法營私劣蹟昭著之員該撫何以毫無聞見況現在賊氛逼近陳州一帶時有土匪出沒尤須地方官正已率屬實力緝捕方足以資治理果如所奏是該員朱師濂種種貪劣貽誤地方實屬大千法紀著英桂按照原參各款逐一確切

查明據實叅辦毋得稍涉瞻徇自干咎戾原摺著鈔給閱看將此諭令知之尋奏被叅各情查無實據惟該員才具守經有餘應變不足人地不甚相宜請撤任留省察看從之○四川道御史孟洋奏清查保甲以杜私鑄得旨步軍統領衙門順天府五城循照向來章程認真酌量妥辦○以勦辦山東沂州曹州兩府土匪出力賞已革總兵官三星保五品頂帶遊擊郝上庠等花翎知州周正業等藍

翎餘升敘有差○展緩山東歷城長山齊河禹城平原東阿東平壽張單莒博平茌平清平樂安邱長清十六州縣暨德州臨清東昌濟甯四衛被旱被風被丹被賊莊屯新舊額賦○癸巳諭軍機大臣等載齡崇實奏沿途訪查晉省捐輸鹽課各情形據奏山西去歲續辦捐輸至今未算成數該侍郎等所過平定榆次徐溝平遙介休等州縣最稱殷實亦多遷延未交皆由各商民因貿易收歇藉詞

虧折捐款未免觀望如果地方官能善為勸導聯之以情而不迫之以勢嗣後尚可藉資接濟又稱河東鹽課現在官為辦運較之從前商運尚有把握惟銷路之暢滯視運道之險夷地方之肥瘠亦應通融辦理山西係饒富之區所有免商捐款著恆春嚴飭所屬開誠布公實力勸諭勿令該捐生等有所藉口其鹽課官辦應如何查明滯銷若干處暢銷若干處或就滯銷之處劃出若干融入暢銷處所代為行運該侍郎等所奏得自訪聞該撫熟悉情形著即詳加體察督飭河東道籌覈辦理將此諭令知之○正白旗漢軍副都統德興阿奏遵旨迅勦瓜州賊匪得旨朕聞汝在營奮勇當先管兵嚴肅嗣後益當竭力報效以副委任○參贊大臣僧格林沁奏連鎮賊匪窮蹙乘風雨撲營經官兵擊退得旨此賊豈肯坐以待斃俾攻撲必受傷固屬得手然我兵亦不能攻入似此相持何時藏事

現在汝是否胸有成算抑別有密策可速行奏來○甲午諭內閣吏部奏巡撫隨帶京員與例不符請飭回京當差一摺山西巡撫恆春前次奏請隨帶差委之理藩院員外郎瑞徵著即飭令回京當差○又諭刑部奏遵議王慶雲推廣捐例條款一摺嗣後發遣新疆黑龍江吉林等處官犯無論已未到戍如有捐請改發附近內地者著即查明該犯原案情節奏明請旨刑部所奏著毋庸議○乙未

諭軍機大臣等前因扎拉芬泰等奏稱採獲似銀等礦苗請飭部試鍊辨認當交戶部驗明具奏茲據該部詳細驗明遵旨覆奏現在銅鐵兼資鼓鑄需用浩繁必須廣為採辦以裕度支著扎拉芬泰等悉心體察情形一俟安肅道和祥到日即飭該員帶同熟悉礦苗煎鍊之人詳細查勘設法開採如辦有成效即酌量分鑄銅鐵各錢以資兵餉並著派員徧歷所屬地方將產銅鐵道多開礮硯以冀

採獲正礦如查有金銀各礦即速行籌議開採酌定章程據實具奏原片著鈔給閱看將此諭令知之○又諭前因楊需奏請飭調荆州官兵當有旨將魁玉一員留荆交官文調遣其餘楊昌泗等各員即令將原帶兵勇全赴襄陽悉照楊需原議分路前進嗣據該署督以魁玉楊昌泗之兵已行抵監利正可會合湖南官軍進剿奏請毋庸折回另調襄陽兵勇由襄河直下為兩路策應亦經降旨照

議籌辦軍情移步換形原不可拘泥從事惟在該署督隨時體察相機辦理本日據官文等奏稱魁玉楊昌泗一軍從大江北岸隨剿隨進已於初六日與即用道李孟羣兵船會合一處先將螺山以下兩岸餘匪挖盡即會同兩省兵勇順流下擊仍派李光榮水勇及湖南水師以為後應又令參將恆泰守備宗維清知縣吳振鏞等各帶兵勇取道新隄以扼水陸要隘並分勦倒口等處餘匪是荆郡

派勦官兵與塔齊布曾國藩水陸各軍已可沿江夾擊而下。不日即應進逼武漢。楊需前奏於十八日移營前進。所統兵勇已不為單。當此上游進攻得手之時。則下游進兵愈不可緩。無論漢川是否收復。亦不得因此牽掣全師。或應分隊。或應截勦。總期密速籌辦。以神速之兵。驅烏合之眾。上下夾攻。更易為力。該署督務即與楚南東下之師聯絡一氣。迅圖進取。魁玉已抵監利。即毋庸折回荊州。以

便督帶兵勇剋期會合。斷勿稍事迂緩。任令該逆久踞堅城。肆行滋擾。所有連日攻勦情形。隨時據實馳報。以紓廑念。將此由六百里加緊諭令知之。○以克復湖北安陸。沔陽。二府州城。賞守備陳得新等花翎。把總徐步雲等藍翎。餘升敘有差。○

上以祭

社稷壇。自是日始齋戒三日。○丙申。諭內閣。駱秉章奏。叅劾文武各員一摺。近來盜風日熾。

皆由地方文武官員不能實心任事。以致奸宄肆行。善良受害。兼之營務廢弛。緝捕盡屬虛文。如該撫所劾各員。聞其不職貽誤地方。殊堪痛恨。新升湖南岳常澧道謝鶴翎材質拘迂。辦事竭蹶。著即革職。新化縣知縣趙宗崙年力就衰。難期振作。著勒令休致。黔陽縣知縣彭寅庸懦無能。署嘉禾縣知縣永州府經歷紀煥詢性情麤率。署桃源縣知縣候補通判樊涇樸猥鄙糊塗。均著即行革職。靖州

協副將李璋年力就衰。著勒令休致。提標都司署鎮筵營遊擊景福性情狡滑。署永綏協副將撫標右營遊擊劉建綱卑鄙麤疏。均著即行革職。以肅吏治。而飭戎行。此外文武各官。併著該撫認真察看。如有劣蹟昭著之員。仍著隨時奏參。毋稍瞻徇。○又諭向榮奏克復太平府城。並金陵鎮江攻擊獲勝一摺。又片稱堵勦上方橋賊匪。連獲大勝等語。逆賊久踞金陵。沿江肆擾。自被師船疊次勦洗。進

扼三山營江面該逆水路不通盡將擄回竄回賊眾嘯聚太平府城以為巢穴並於金陵城外築營分踞以通太平往來之路經向榮調派副將傅振邦參將張國樑會合署太平府知府李三捷署當塗縣知縣王乃晉等率領團練繞道設伏分三路進攻於十四日黎明馳近賊營該逆擁眾迎敵伏兵即於城下縱火延燒連破賊營突有大股自城中衝出抵拒張國樑首先衝入賊隊下總楊萬青等率同伏兵一鼓登城張國樑等即督帶各勇乘勢入城分投截殺並將賊船延燒數里撲水焚溺者不計其數統計斃賊四千人焚毀大小賊船八百餘隻是日金陵之賊復出巢窺伺於上方橋隔河一帶連剽六營該大臣於十五日派令明安泰福興與將軍蘇布通阿會商進攻並派遊擊穆大本等帶領兵勇以扼通濟門雨花臺牽掣官軍之賊及參將張騰蛟等防賊抄襲川兵營盤後路蘇布

通阿福興親駐七橋窺橋頭指揮策應督令參將長桂都司何振標等分兩路攻擣賊營該逆左右迎拒我軍一齊施放火器縱橫焚擊連毀賊營二座逆眾驚潰敗走我軍爭先追擊斃賊一千有餘卡八日該逆從上游分三大股闖入高橋門欲圖分撲經向榮飛飭明安泰攔頭兜剿張國樑斷賊後路福興往來指揮已革副將巴圖督同何振標等橫衝賊隊殲斃數十人並將賊匪後隊擊動旋敗回高橋門我軍跟蹤追剿直赴上方橋水次逆眾紛紛擠溺落河河流盡赤統計斬溺賊匪不下四千人兩旬以來水陸分剿斃賊二萬餘人其鎮江逆匪於十四日出巢窺擾十五日復有賊船由瓜州駛來經余萬清分門埋伏攻剿並經劉廷瑛於西門江邊轟擊逆賊突由西門出二千餘人官兵齊起兜擊斃匪百餘人逆眾潰逃同時北門亦出賊千餘經兵勇勦斃七八十人餘即奔敗回城又由

北固山、甘露寺及東北兩門分賊五股衝出。余萬清與總兵劉開泰分投勦殺復分兵由江邊抄襲夾攻該逆大潰計斃賊四百餘人。此次金陵大軍連獲勝仗鎮江賊匪亦受懲創軍威既振逆膽已寒該大臣即應督率各路官軍並江面師船會合陳金綬等無分南北水陸並舉速籌攻復兩城肅清江路以紓朕宵旰憂勤毋再稍事遲延致負委任。○諭軍機大臣等向榮奏金陵鎮江連獲勝仗該逆受創亟思竄越於浦口之九洲洲八子溝等處築城並用木筏架礮聯絡船隻意圖阻我師船以窺江北是浦口情形萬分緊要該處雖有武慶在被扼而江北口岸分歧瓜州賊眾仍復盤踞牽掣向榮籌攻江鎮兩城並防東路處處喫緊深恐不及兼顧著托明阿迅即兼程馳往毋稍遲延抵營後即將布置攻勦情形速行具奏將此由六百里加緊諭令知之。又諭向榮奏克復太平府城並

金陵鎮江連次獲勝各摺片逆賊被勦愈急竄突之計愈狡蘇布通阿現受重傷上方橋西賊路尚未斷絕金陵大營仍屬在在堪虞正宜於屢勝之餘加以慎重明攻暗防不可稍存大意太平府城既經克復則吳全美師船即可乘勢上駛向榮所稱將鄧紹良駐劄高淳之兵移出並調甯國府浙江防兵出堵黃池河口與福濟前奏請調浙兵駐守蕪湖大通等處同為嚴扼南岸起見惟向榮之意慮賊由東壩而入蘇常福濟之意慮賊由青陽而入徽浙兩處並重亟應熟計兼權未可專恃浙兵致蹈各顧一隅之失浦口地方極關緊要既為扼賊北竄要衝又為江面師船往來必由之路前據陳金綬等疊次奏報逆匪於九洲洲等處築壘紮筏冀阻艇師已飭總兵李德麟帶兵上駛並咨會武慶札飭六合縣分路進攻與向榮本日所奏大略相同但據翁同書前奏十三日武慶督兵進勦僅

止小有斬獲並未能將該處賊營掃蕩殊為可慮向榮欲令陳金綬等分撥陸軍與武慶合剿而陳金綬以兵無可分為詞陳金綬等欲調吳全美等艇師回剿而此項師船又須進扼太平儻彼此推諉致賊壘築成我軍聲勢不能聯絡武慶所帶官兵僅止二千有餘設有疏虞所關匪細著向榮陳金綬雷以誠等飭令武慶與李德麟等水陸夾擊務使賊無立足之地此係緊要關鍵與平時防堵浦

口不同武慶素有膽略必能力遏賊鋒現在托明阿尚未到營向榮不得稍分畛域專顧江南是為至要浦口帶船之署副將周希濂前經武慶飭催輒以船單諉卸現在是否隨同李德麟等進剿如再藉詞觀望即著據實嚴參陳金綬等前奏已令陳世忠水師進駐段要口向榮現奏責成余萬清堵扼丹陽均著嚴飭各該員實力防剿以杜賊蹤窺伺蘇布通阿屢次督戰奮勇當先朕心正深嘉獎

茲因親自督陣被火燒傷甚至鬚眉皆燎猶復悉力指麾覽奏殊深懸念著發去如意拔毒散十料交該將軍祇領務即加意調攝冀得速痊共成偉績以慰眷廕將此由六百里加緊諭知向榮陳金綬雷以誠並傳諭武慶知之又諭駱秉章奏通籌防勦大局並飭紳民捐辦船礮各摺片前以岳州緊要疊諭駱秉章等飭令胡林翼帶兵前往防堵旋經曾國藩等奏請將該員帶往湖北復經降旨

允准其岳郡防守事宜諭令派員接辦茲據駱秉章奏稱岳州必須重兵駐守方為計出萬全湖南官兵之曾經戰陣者均已調赴湖北若胡林翼復行隨征則該郡實無可倚恃等語岳州一郡為湖南全省門戶即為四川滇黔等省藩籬逆賊屢次窺伺雖經擊退防範更宜嚴密且該處駐有重兵則曾國藩等統帥東下可無後顧之虞著駱秉章等即飭胡林翼仍駐岳州無庸隨往湖北併飭令督

率兵勇嚴密防堵以為曾國藩等後路聲援。若武漢賊匪被勦下竄岳州防堵較緩仍可飭令胡林翼出境隨勦惟在該撫等體察情形熟籌妥辦至製造船礮尤為防勦要務既據駱秉章奏稱該省紳士情願捐辦即著督同在籍學士丁善慶等速行購料興工將應用船礮等剋期造鑄並廣勸捐輸以期寬為籌備如所調之浙江知縣龔振麟等尚未到楚即著咨催廣東採辦夷礮以應急需此項船礮係由捐辦著免其造冊報銷其捐貲監造之紳民人等並准其照籌餉例請與獎敘以示鼓勵將此由六百里各諭令知之○以勦捕湖北應城縣賊匪出力賞遊擊吳登鵬守備石清吉等花翎千總黃顯讓等藍翎餘升敘有差予江南陣亡副將福賡遊擊穆大本都司何振標祭葬世職

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百四十

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百四十一

監修總纂官臣徐世昌等奉旨纂修

奉旨纂修臣徐世昌等奉旨纂修

奉旨纂修臣徐世昌等奉旨纂修

奉旨纂修臣徐世昌等奉旨纂修

奉旨纂修臣徐世昌等奉旨纂修

秋修

咸豐四年甲寅八月丁酉朔祭

先師孔子遣吏部尚書柏葰行禮○荊州將
軍官文奏截留川餉由總局分別支解得旨
所留餉銀雖非蒙混開銷然找領欠餉及資
遣回任回籍之用實非必不可緩之事况當
茲帑項支絀斷不能悉依舊制嗣後萬不准
視此為常漫無限制朕謂汝不知緩急實非
苛論○戊戌祭

大社

大稷

上親詣行禮○秋分夕

月於西郊遣豫親王義道行禮○詣

壽康宮問

皇貴太妃安○諭內閣桂良奏省局鼓鑄請借

銅斤等語直隸寶直局現在鼓鑄大錢需銅

孔亟著准其在於雲南委員蔡傳樞領運銅

斤項下借撥銅十萬斤以資接濟一俟江蘇

銅斤運到即行如數解京歸款○諭軍機大

臣等前因銅斤短絀改鑄各項大錢與制錢

相輔而行並諭令鋪戶軍民人等出入交易

均須大錢制錢均勻搭配原期利用便民通

行無滯慶惠文瑞等設局鼓鑄本係專鑄當

百以下大錢惟現在民間行使大錢漸形壅

滯該局如能兼造制錢於錢法更有裨益著

慶惠等體察情形悉心籌畫將該局能否兼

鑄制錢若干之處速行覆奏將此諭令知之

○又諭勞崇光奏龍州地方游匪竄擾戕官

一摺龍州廳地方游匪陸成泰等糾眾竄至

那渠等村。膽敢拒敵戕官。該撫現已飛咨鎮道督帶官兵馳往兜剿。著即嚴飭該員等。迅將首要各犯悉數殲擒。盡法懲辦。不准一名漏網。廣西土匪。本未盡絕根株。此股游匪。雖據稱原係烏合。業經四散。然不及早撲滅。難保不到處勾結。又致蔓延。該撫惟當督飭各該地方官認真緝捕。隨時懲辦。消患未萌。另片奏請暫留吳鼎昌。並請飭催道府等官赴任等語。已降旨允准。至地方緝匪安民。首以吏治為要。著該撫即於所屬各員中。秉公察看。如實有官聲才具。堪任道府者。准其開單保奏。其閒草不職之員。並著隨時甄汰。毋稍瞻徇。將此由五百里諭令知之。○署山東布政使景霖奏報到任日期。得旨崇恩帶兵在外。省城防守。即汝藩司責任。現在團練。汝既云整齊。稍慰朕懷。獎勤懲惰。自不待言。但不知此等團練之費。及獎賞之貲。係如何辦理。著據實專銜密奏。併將現在辦法及如何改

變之處。詳細聲明。不准一字欺飾。勿謂朕不知也。劉源灝因何即速調京。汝必料及。豈肯尚為迴護耶。○調四川按察使胡林翼為湖北按察使。陝西按察使文俊為四川按察使。河南按察使林揚祖為陝西按察使。以河南南汝光道余炳燾為按察使。湖南衡永郴桂道文格為廣西按察使。○以勦擒廣西永福游匪出力。賞遊擊王海清花翎。以參將升用。餘升敘有差。○予廣西陣亡署知府徐壻祭

葬世職。○已亥遣官祭

文昌帝君廟。○諭軍機大臣等。昨因大錢行使漸形壅滯。已諭令慶惠等體察情形。悉心籌畫矣。茲據戶部奏稱。現在大錢倍形壅滯。若以戶工兩局所鑄制錢配搭慶惠等所鑄大錢。不但數目多寡不敵。轉致戶工兩局所鑄大錢壅闕不行。請飭慶惠等自八月起。仿照戶工兩局章程。按成配造。以十成計算。鑄當百大錢二成。當五十大錢二成。其餘六成

鑄當十。當五並制錢。以便民用等語。如此變通辦理。當於錢法有裨。著慶惠等妥籌辦理。並著速行具奏。原片鈔給閱看。將此諭令知之。○又諭。前因有人奏河南捻首李士林悖逆焚掠各情。並光州知州趙登峻息縣知縣陳崇均有縱役募賊情事。當降旨令英桂查明參辦。本日據奏李士林竄匿息縣所屬烏龍集地方。皖豫官兵正在圍剿得手。該縣陳崇輒以兵單難禦為詞。經委員候補知府景

昌飭令添募壯勇。又以李士林已受楊需招安。向景昌蒙票。遽令該捻首徑行赴楚。以致沿途滋擾。跟追官兵均有傷亡。覽奏實堪痛恨。該捻首被勒窮蹙。飾詞投誠。本難憑信。該縣即一時被愚。亦應稟候英桂飭知再行遵辦。何以遽令率領多匪。竟往湖北。其為聽信通賊差役。有意縱放。已可概見。委員景昌輕聽該縣面稟。輒即准其投誠。汝甯府知府廖桂奉札追剿。不能實力堵截。均屬罪有應得。

陳崇著即革職拏問。交英桂嚴飭該革員將通賊之門丁差役悉數交出。嚴行訊辦。如該革員亦有通賊情事。即按軍律治罪。景昌廖桂均著摘去頂帶。責令將本省捻匪盡力搜捕。儻再不知愧奮。即著據實嚴參。至九里關地方既有鄉兵堵截。何以趙登峻追至該處。旋即折回。所稱運掉不及之處。尤不可信。著英桂一併嚴查。有無畏葸故縱情事。即行奏。不得稍有徇飾。至李士林一犯。如果實心

投誠。何以沿途猶敢抗拒官兵。甚至戕害帶兵武弁。狼子野心。不問可知。楊需前次奏到。朕即覺其事無把握。今沿途既有如此情形。但事羈縻終防變幻。該犯既在軍營。不難設法掩捕。著楊需仍遵前旨。不動聲色。嚴密查辦。不可因其小有斬擒。遽信為實心歸順。亦不可輕信屬員。遂謂駕馭得宜。當此軍務喫緊之際。若留此等匪徒在營。不但於楚北軍情有礙。且恐一有反覆。則賊中并得知豫省

虛實。又啟窺伺之心。所關匪細。楊需諒能體會此意。不至受人愚蒙也。將此由六百里各密諭知之。○又諭邵燦奏淮城防堵喫緊。勢難遠離一摺。前以雷以誠未能赴皖。諭令邵燦暫留安徽。辦理勸捐防堵各事宜。茲據該漕督奏稱。會審事畢。後已於閏七月間回署。現在瓜州賊匪思竄。兼恐土匪竊發。淮安地關緊要。難以分身赴皖。所奏自屬實情。邵燦著毋庸前往安徽。即將淮城兵勇督同該將弁等。勤加訓練。以資守禦。並將勸捐米石。行鈔鑄錢各事宜。親身督辦。至漕運為該漕督專責。本年蘇省海運僅止白糧六萬餘石。全漕不能起運。若年復一年。於天庾正供大有關繫。且東南連歲豐稔。小民豈不樂於輸將。聞蘇省有漕州縣。舊習相沿。仍事浮收勒折。刁生劣監。與胥吏因緣為奸。率致抗糧釀禍。大吏因循畏事。遂致漕務日壞。該漕督既稱轉瞬秋盡。須往蘇州督辦新漕。即著該漕督

破除情面。認真督催。儻地方官催科不力。或有藉口農民抗玩。意存侵蝕等弊。即著從嚴叅辦。務期來歲新漕。實力徵收。開春後迅籌起運。不致仍前貽誤。庶蘇省漕務可望起色。而浙省亦不致有效尤之患。安徽甯池太廣道何桂珍。有地方之責。已諭和春等。飭令速赴新任。該漕督所請留辦安徽防堵捐輸之處。著毋庸議。將此由六百里諭令知之。○又諭前因瓜州軍務緊要。仍令雷以誠會同陳金綬辦理。並有旨諭令邵燦於行抵安徽後。暫留該省籌辦勸捐防堵事宜。茲據該漕督奏稱。淮城防堵亦甚喫緊。勢難再行折回。皖省等語。所有安徽現在設防督勦及一切勸捐濟餉各事宜。仍著和春福濟會同袁甲三實心妥辦。既不可稍存意見。亦不得互相推諉。總期勤賊籌餉兩有裨益。各專責成。而免貽誤。安徽甯池太廣道何桂珍。簡任半年。有餘。何以遲遲至今。仍復羈留江北。公然以無

任可到為解。往來於廬州臨淮。妄以請兵策應等詞。紛紛瀆請。希圖苟安。竟置本任於不顧。現在太平府業經收復。地方善後諸事。及蕪湖關徵收稅課。在在均屬緊要。若任令該員藉詞逗遛。尚復成何事體。著福濟等即行嚴飭赴任。斷不准再事遲延。致干咎戾。至在皖辦理團練之道員趙昀。於上年十二月間。據袁甲三覆奏。因病由廬州回太湖縣原籍。現在該員是否病痊。究係逗遛何處。各路奏

報。何以迄未敘及。並著該提督等確切查明。如實有藏匿偷安情事。即行奏明辦理。將此由六百里各諭令知之。尋奏該道員趙昀病居太湖。趕緊調治。稍愈即赴行營報聞。庚子遣官祭昭忠祠。諭內閣陳啟邁奏。請將防勦不力之已革參將並候補知府分別懲辦等語。已革江西饒州營參將德保。前經張芾奏參發遣。復請暫留效力。茲經陳啟邁調派該革員帶勇前赴武甯。會同臨川縣知縣

馬永熾馳至橫路地方堵禦。途遇賊匪。馬永熾首先迎擊。力戰受傷。該革員不能竭力援救。實屬怯懦無能。候補知府元善帶領水勇數百名。赴都昌湖口等處擊賊。未能設法堵遏。致賊船駛入吳城。擄掠雖因兵單。究屬防禦不力。德保著即發往軍臺效力贖罪。不准逗遛。元善著摘去頂帶。以示懲儆。○諭軍機大臣等。陳金綬雷以誠奏。浦口防勦情形一摺。逆匪圖占浦口洲地。建築水營。業經疊次

諭令陳金綬等設法勦除。即陳金綬等屢次奏報。亦稱督飭武慶會同李德麟等水陸夾攻。何以此次武慶與江浦六合兩縣分帶兵勇進勦。而李德麟猶以阻風為詞。以致賊營築就。如果李德麟於奉札後。即時上駛。該逆斷無立足之地。何必專待吳全美葉常春師船回勦。始能杜其奸謀。今賊壘已成。李德麟既藉詞推諉。不能不如所議。飭令吳全美帶船駛回。但此時江面攻勦。正在得手。太平甫

經收復蕪湖萬分喫重吳全美師船折回後上游太覺空虛尤須嚴防皖楚賊艘大幫回竄著向榮一面飭知吳全美迅從上游順流夾擊一面妥籌太平蕪湖一帶布置機宜不可顧此失彼徒令得力師船往來行駛轉致兩無裨益至李德麟等所帶艇船上年株泊焦山幾及一年直至琦善嚴札催提始開赴瓜州以上協勦琦善一經出缺又復玩泄耽延屢催不進專待借力於紅單船隻試思紅

單船入江原為肅清江面節節進剿並非為帶艇各員藏身自固地步設吳全美回勦得手竟將賊營奪毀李德麟又將以協勦居功此等狡猾之員竟至不能驅策陳金綬等何賴弱至此耶洲地突漲江心必須水師圍剿不能專恃陸路官兵武慶既屢次進攻甚為奮勇葉常春趕緊回駛亦合機宜著再嚴飭李德麟先就現有之船剋日前進務將賊壘立時掃蕩若能迅速毀除則吳全美仍可專

力上游不至掣動大局儻再有心延宕即著陳金綬等據實嚴參不得稍存姑息琦善所造多槳快船現在當已竣工此項船隻以之進攻洲地賊巢較紅單船尤為便捷應作何布置之處亦著迅速具奏至江西應解金陵軍餉前據向榮奏稱自三月以後迄未解到曾經降旨飭催本日陳啟邁奏因湖南需餉甚急已將江南月餉四萬兩改解湖南現在九江時有逆船義甯等處復被賊擾本省用

款甚鉅而司庫存銀祇有萬餘所陳亦係實情已諭知該撫續有收款即行源源起解仍著向榮咨催葉名琛柏貴懍遵前旨籌款解赴金陵以資接濟將此由六百里加緊諭知向榮陳金綬雷以誠並傳諭武慶知之○又諭陳啟邁奏擊退賊船調兵援救武甯一摺前次由九江入湖下竄之賊經趙如勝等帶兵駛抵吳城立將逆船全數擊退其旁竄建昌賊匪亦被官兵鄉團擊敗逃遁近省一帶

雖漸肅清。惟該逆烏合之眾。一聞官兵進剿。遂即紛紛退竄。並未大受懲創。省垣重地。尤應刻刻嚴防。勿令賊蹤復行闖入。其武甯大股。屢次撲擾。現既進攻失利。又有分股潛竄義甯邊境。陳啟邁所稱派令吳錫光帶勇前往武甯會攻。並派千總楊錦斌等帶勇赴靖安。以堵為援。仍由省添撥官兵助剿。籌畫尚是。但不知該員弁等是否可靠。或須另派大員前往督剿。著隨時酌度妥辦。道員王訓所帶之兵。即飭令仍駐義甯。實力籌剿。此時塔齊布、曾國藩等東下之師。已追至嘉魚蒲圻一帶。恐楚境下游逆匪聞風潰竄。更向東南奔突。則義甯陸路邊界與下游九江門戶均當其衝。以目下情形而論。嚴防義甯要隘。迅解武甯城圍。嚴扼姑塘湖口。在在均關緊要。該省兵力雖單。他處亦無可調撥。惟當就本省兵勇船礮。或剿或防。妥為布置。仍責成趙如勝等督兵嚴備江防。一面迅飭義甯帶兵

各員妥速剿辦。總期熟計統籌。毋稍疏失。另片奏應解兩湖餉銀除解過四萬兩外。尚難即時應解等語。亦係實在情形。著准其俟續有收款。即行如數起解。該撫仍當督飭所屬設法催徵。毋得藉詞諉卸。致誤要需。將此由六百里加緊諭令知之。○參贊大臣僧格林沁奏嚴防賊竄情形。得旨。是時惟冀該逆攻撲。或可一鼓殲除。以後若有變幻情形。迅速具奏。○河南巡撫英桂奏請將河南駐防武

進士根齡隨營差委。得旨。根齡著即留於撫標學習。併留在河南拔補。他省不得援以為例。○荊州將軍官文等奏。官兵收復嘉魚蒲圻二縣。仍由清潭口進剿報聞。○命翰林院侍講學士廉兆綸提督江西學政。○以江西靖安都昌二縣紳士勦賊出力。予舉人舒孔安等獎敘有差。○予江西陣亡遊擊富克金泰千總李天鵬。把總陳世培外委金大鵬。鄧步雲。江國泰。鄧作棟。知縣劉馨朝從九品袁

荳林祭葬世職額外外委洪大春等賞卹如

例○命五城先期一月設廠煮賑○辛丑

上詣

雍和宮行禮○諭軍機大臣等勝保等奏連日

撥兵築壘並用大礮轟擊一摺逆匪竄踞高

唐堅匿不出該大臣等前次已逼近賊巢劉

營建築礮臺現復於正西北連築三營並

用大礮轟擊覽奏各情不過專恃礮力攻擊

仍未能明攻暗襲為一鼓殲除之計逆匪雖

係死黨而為數無多我兵圍剿已及四月亦

豈無隙可乘若始終遷延致敗竄餘匪牽掣

全軍師老餉糜罪將誰誣況該逆見我軍逼

近安營勢必亟思竄逸該大臣雖已分派各

路聞信追剿而能否杜其奔突必須先事豫

籌妥為布置斷勿令其蔓延他處致勦辦又

形棘手該大臣等惟當懷遵疊次嚴旨迅圖

克復務將此股逆匪就地殄除毋得日事耽

延致干重罪將此由六百里加緊諭知勝保

並諭德勒克色楞善祿崇恩知之○又諭袁

甲三奏皖省賊匪情形擬親自帶兵進剿並

辦理銷鹽各等語安徽賊蹤自廬州以南十

餘州縣均遭蹂躪現在俞家灣匪巢經官軍

擊破壽安一帶漸就肅清附近廬營無虞句

結此時若能出偏師繞赴南路斷廬賊接應

之道不但廬南各屬可望廓清且翦其逆黨

即廬郡勢成孤立亦易收復袁甲三既令紳

民方正等密行糾約多備糧米正當趕緊發

兵進駐六安糾齊義旅以為搏穴擒渠之計

著即迅速布置督率兵勇乘勢進取或應同

時並舉或先攻一二處袁甲三到六安後隨

時斟酌勿稍拘泥惟深入重地謀事尤當慎

密六安與臨淮一水可通即正陽三河尖等

處亦可就近控制所有臨淮防守事宜雖責

成廬鳳道張光第妥辦袁甲三仍應防勦兼

籌北路防守不容稍懈毋得顧此失彼其各

城被占均係本地紳民為軍帥旅帥著袁甲

三。查明從逆姓名。速行具奏。愚氓無知。被其裹脅。果能悔罪投誠。原可予以自新之路。若官紳忍辱偷生。甘為賊用。亦當隨時查明。嚴加懲辦。不得概以被脅非其本心。倖逃法網。淮北賊務。曾據怡良奏暫停代納淮南懸引。可以維繫新網。已有旨令該督會同楊以增實力疏銷。現在河路已通。鹽價漸起。仍歸怡良督辦。以期畫一。雷以誠已留揚州。其如何不令逆匪重擾。和含勾結廬州賊匪為患。著

知照和春等。擇要防守。另奏統籌全局一摺。水陸扼要。上下游併力夾攻。誠為得計。惟此時長江千里。皆為賊擾。布置為難。一俟武漢黃州等處江路漸通。即可擇要扼守。遏賊往來之路。原摺留覽。將此由六百里加緊諭令知之。○裁山西馬步守兵五千八百七十名。從巡撫恆春請也。○壬寅諭內閣。前因勝保圍攻高唐。未能克復。降旨拔去花翎。以示薄懲。原冀其感奮圖功。迅殄醜類。以贖前愆。乃

圍剿已及四月。我兵雖逼近賊壘。創營仍未能剋期收復。似此遷延。觀望糜餉。老師實屬大負委任。勝保著即革職。仍著督率將弁迅圖克復。儻再玩延。朕必從重治罪。○又諭。御史湯修泰。效力革員。不應遽請署缺。一摺。安徽已革知縣黃元吉。前在署鳳陽縣任內。失守城池。當經降旨。將該員革職。責令效力贖罪。復因防堵巢縣。打仗失利。交部議處。該撫遽委該革員署理知縣。實屬違例。現署定遠

縣知縣黃元吉。著即撤任。福濟著交部議處。○又諭。英桂奏請將外委革職等語。河南商城汛外委蘇文昇。於上年二月間。管解火藥火箭等物。由信陽啟程。前赴琦善大營。該員任意遲延。改由水路。復將藥箭寄存民房。實屬膽玩。僅予革職。不足蔽辜。蘇文昇著即革職。發往軍臺效力贖罪。○又諭。駱秉章奏請留廢員差委一摺。已革湖南永州府知府徐嘉瑞。著准其留於湖南差遣。委用。已革署道

州知州王揆。於該州失守時率眾禦賊。身受多傷。經部議於斬罪上減等。發往新疆效力贖罪。已屬從輕。王揆一著卽行發遣。不准留營。○又諭駱秉章奏審明已革遊擊並無縱兵滋擾一摺。前因雲南升任鶴麗鎮遊擊色欽額帶兵回滇。路過辰谿縣地方。於船戶指索水腳。兵丁逞兇傷差。當將該員革職。交駱秉章提同丁役人等嚴訊確情。茲據該撫訊明。該革員所帶兵丁與縣差口角爭毆。實屬起釁一時。並非有意縱容滋擾。色欽額著開復革職處分。發往雲南以都司降補。○又諭駱秉章奏官犯脫逃。分咨飭拏等語。已革前署河南荆子關副將歸德營參將高峻係發往軍臺效力贖罪之員。經該撫派員收管。輒敢私行潛逃。實屬藐法。著駱秉章英桂一體飭屬嚴拏。務獲究辦。已故湖南候補府經歷郎如珏奉委看守。並不小心防範。致令官犯脫逃。有無賄縱情弊。著駱秉章飭提該故

員家丁柳升嚴行審訊。照例懲辦。毋稍疏縱。○諭軍機大臣等。有人奏地方官貪酷殃民。廢弛公務。請嚴行查辦一摺。據稱順天府所屬通州知州蔣大鏞設立非刑。酷虐良民。有香河縣書吏殷姓。在州被押。非刑斃命。又妄拏賣魚之吳九。濫用非刑。偏認偷米罵官。擬軍收禁。又有雙埠頭地方周姓家。寅夜被劫。該州勒令事主改劫為竊。匿不通詳。至今犯無弋獲。該處北四莊河工決口。該州憚於修防。且私立班館。押集多人。以致被押者紛紛斃命。復與本地紳士李右文等勾串。苛派捐輸。李右文等早經部選知縣。並不赴任。輒敢在籍逗遛。以團練為名。苛斂肥己等語。地方官任性妄為。勾通紳士。漁利殃民。若不從嚴叅辦。何以肅吏治而安善良。著賈楨等按照所叅各情節。確切查明。據實叅奏。毋稍徇隱。原摺著鈔給閱看。將此諭令知之。尋奏遵查香河縣書吏殷姓。因案受賄。經東路同知何

蘭馨貴打手心。旋即因病身故。吳九慣竊漕糧。肆罵驗米大臣文彩。經何蘭馨照光惡棍徒例問擬。周姓被劫。並無改竊情事。亦係何蘭馨兼攝任內之案。均與蔣大鏞無涉。河工業已趕辦完竣。尚非憚於修防。亦無私設班館名目。李右文等係前兼尹翁心存等奏留報聞。○又諭前聞廣東土匪攻破東莞等縣。直撲省城。已諭令葉名琛等攻復縣城。嚴拏土匪矣。本日有人奏。五月間廣州匪首何老

六。袁玉山聚眾二萬。攻撲東莞縣屬之石龍鎮。縣丞卜兆鼇遊擊李鳴琛均已縣匿。知縣江肇恩彈壓受傷。逃至省垣。都司莫姓禦賊被戕。該處快蟹船巡丁半係三合會匪。因江肇恩急索陋規。致巡丁懷恨起釁。離省三十里之佛山鎮已被該匪搭括燒毀掠及南海順德各村莊。並有窺伺順德之意。兼恐各處會匪土匪互相勾結。更難撲滅。著葉名琛柏貴迅速查明該縣激變根由。從嚴叅辦。一面

設法搜捕匪首。並飭各屬認真辦理。團練毋致有名無實。原摺著鈔給閱看。將此由六百里諭令知之。○又諭有人奏幫辦糧臺之候補道卑鄙貪污劣蹟多端。請飭查辦等語。據稱連鎮幫辦糧臺直隸候補道黃德坊在涿州鑽謀留營差遣。嗣在軍營捐輸銀一萬餘兩。其所捐之項係直隸主簿胡彬承修道路在糧臺領銀三百兩。該員捏報伊捐輸用銀二千餘兩。又匠役花上林製造地雷賣給該

員。每尊價銀二十兩。捏報每尊用銀二百五十兩。計四十尊。用銀一萬兩。又本年甯津等州縣上忙錢糧均係批解現錢。該員暗行抵換。作為原解二成鈔票。並採買小錢交局攪和。又添造帳房捏銷錢文。又河隄漫口糧臺地方並無水患。該員雇覓大船三十餘隻。為水營糧臺。任意開銷。並在船狎優採買私硝私磺。招集私黨趙巖等在糧臺差委。通同作弊。以致總辦通水道海璣恐受其累。避匿大

營該員愈得把持侵蝕復與遊擊張秉鐸率領回匪多名各處砍伐樹株運營栽椿捏稱張秉鐸採買報效又伐邢姓大樹為經文岱帳前搭蓋天棚寬至數畝等語該員執法營私劣蹟昭彰若不嚴行查叅何以懲貪污而重軍餉著僧格林沁按照片內所叅各情提集應訊人證確切查明從嚴懲辦原片著鈔給閱看該大臣前此奏報逆匪被圍窮蹙已極且糧食將盡時虞突圍竄擾現在情形如何

賊匪有無撲竄已逾數日未據奏報實深懸繫近因勝保不能迅滅醜類降旨革職責令督兵自效僧格林沁務當激勵將士兵勇迅圖掃蕩妖氛肅清畿輔以慰廑念將此由四百里諭令知之○又諭勝保勦辦逆匪屢著戰功此次竄踞高唐之匪數僅千餘該大臣統帶重兵圍攻四月之久叢爾孤城竟不能剋期收復疊經嚴旨飭催並隨時指授機宜不啻至再至三乃昨閱所奏各情仍不過

添築營壘施放大礮於攻勦事宜竟毫無把握勞師糜餉日久無功該大臣中夜自思能無自愧朕聞逆匪初踞高唐勝保在城北十五里外劄營逗遛數日致逆匪得以從容布置復藉口製造攻具日事耽延所帶兵勇既漫無鈐制而所釋山東監犯竟有脫逃及投入賊營情事大營時有奸細探聽號令逆賊每假充官兵滋擾知州黃良楷帶勇登城勝保營中忽礮聲大震致賊驚覺執斃上城之

勇後遂無敢登城者又聞勝保接見文武慢不為禮與共事諸臣不能協和惟善祿善伺喜怒為勝保所袒護張起鵠黃緣拜為師生侍衛蘊秀編修楊翰候補知府馬文鋒知縣韓瑞東聲名平常皆所信任南河候補知府尹紹烈並未隨同追賊勝保竟以道員蒙混請獎營中兵勇漫無約束甚至出外淫掠誣指棉花張家莊為賊莊焚燒一空所差官弁兵勇需索供億日不暇給糧餉軍裝車馬兵

勇任意扣留官民交困種種款蹟未必無因朕亦不難從嚴查辦惟當此勦賊喫緊之時該大臣果能迅奏膚功盡殲醜類朕不惟不過事苛求兼可重加懋賞儻該大臣志氣驕盈以致軍無紀律捫心自問當得何罪該大臣其痛自省愆戾國珍冠如敢仍前玩泄朕惟有執法從事懷之將此由六百里諭令知之○又諭給事中毛鴻賓奏現辦防堵情形一摺並片陳勸諭捐輸及借款歸款等語山

東省自上年辦理防務以來其歷城縣四鄉及長清齊河兩縣要隘地方節經該紳士毛鴻賓等舉行聯莊糾約團壯藉助聲威並先後雇覓民勇約一千餘人在大清河東岸及齊河縣城西分設營盤三處並於歷城等三縣交界之數百村莊分期會哨崇恩前次由省城出勘東路防堵情形亦稱沿途一帶或扼河立營或挖濠設壘莊園俱極聯絡現在高唐逆匪攻圍四月有餘我兵礮臺愈形偏

近難保不鋌而走險所有大清河一帶各要隘為省垣門戶著崇恩仍飭紳團勤加訓練擇要扼守毋稍鬆懈至紳團借用藩運兩庫銀兩共計一萬六千兩本由捐局項下歸還據奏此時防堵正值喫緊勇眾口糧未能遽議裁減三營及防卡各項每月需銀二千八百兩仍須兩庫暫行接濟統俟勸捐歸款等語當此防務緊要固不能不先籌借領而經費支絀尤當嚴汰虛糜著崇恩督飭藩運各

司並該紳士等撙節經費竭立勸捐俾庫款不致虛懸於防務亦無窒礙方為兩全之策原摺片著鈔給閱看將此由四百里諭令知之○又諭有人奏陳棠與捻匪往來已革總兵柏山奉委勦匪並未開仗光州直隸州知州趙登峻都司楊鼎金藉詞逃避羅山縣知縣雷元昭與捻首趙廷羣換帖並借團練為名斂財入己等語該省捻匪橫行地方文武果能實力兜拏何至脅聚黨與至十餘萬之

多。英桂身任巡撫。戢暴安良。是其專責。若如所奏。地方不肖州縣。膽敢與捻匪交通。任其肆擾。吏治廢弛。至此實堪痛恨。著英桂按照所參各情。一併根究。務得確情。按律懲辦。毋得稍有徇隱。致干重咎。並據奏稱。署固始縣知縣。蒯賀蓀。勒匪出色。署商城縣知縣。秦茂林。屢保危城。甚有膽略。署羅山縣知縣。鄭元善。獲匪甚多。署太康縣知縣。祝塏。勒捕得力。息縣外委。海進忠。熟於勒賊。候補都司。馬春

華。緝匪認真。六品軍功。張亮齊。人甚驍勇。均著英桂。隨時察看。酌量委用。原摺著鈔給閱看。將此由五百里諭令知之。尋奏。豫省捻匪。疊次勒捕。地方較前靜謐。柏山。畏蕙。巧飾。趙登。咬。辦事竭蹶。陳棠。聽役庇匪。楊鼎。金始。勤終怠。已先後叅劾。撤任。雷元。昭尚在提訊。祝塏。蒯賀蓀。鄭元善。已擬保奏。海進忠。勒匪奮勇。馬春。華。頗著勤能。當隨時察看。委用。惟秦茂林。到任未久。並無屢保危城之事。張亮齊。

查無其人。報聞。○癸卯諭。內閣。前因大錢行。使壅滯。諭令慶惠。文瑞。仿照戶工兩局章程。分成配鑄。制錢。以便民用。茲據奏稱。制錢一項。因銅斤短絀。僅能專用鉛鑄等語。現在戶工兩局。於按成鑄造大錢以外。加鑄鉛質制錢。與各項大錢。相輔而行。已足以資周轉。慶惠等。因銅斤不敷。未能添鑄制錢。自係實情。其鉛錢一項。既有戶工兩局鼓鑄。毋庸另行鑄造。所有慶惠等。現設錢局。著即停止。並將

以前捐輸銅斤。及鑄錢數目。一併移交戶部。該部於寶泉局。或議添鑄。或議加卯。及工匠人等。分別去留。酌量辦理。嗣後捐輸銅斤。亦交該部收捐。以歸畫一。至慶惠等。設局以來。承辦各員。著有微勞。著擇其尤為出力者。與捐銅人員。一併覈實請獎。毋許冒濫。○又諭。僧格林沁等。奏。逆匪突圍。撲擾官兵。續獲勝仗一摺。連鎮逆匪。被我兵圍攻。疊次出巢。撲擾。本月初二日夜間。分四面放槍衝突。因官

兵嚴整以待。隨即退回。至初三日夜間。復分四面來撲。並有大股賊匪。乘坐大船木筏。蜂擁駛奔水口。經散秩大臣穆輅護軍統領珠勒亨等督兵開放槍礮。連環轟擊。並拋擲噴筒火彈。將該逆船隻擊沈燒毀。斃賊無數。併將偽總制廖姓轟斃。奪獲攔牌竹盔刀矛。火礮礮子等無算。逆賊困守連鎮。疊被懲創。窮蹙已極。著僧格林沁等督率官兵迅速進攻。無任久稽顯戮。穆輅此次擊賊。尚屬出力。著

賞還頂帶。仍帶革職留任處分。○諭軍機大臣等。前因金陵上游紅單船較少。特允向榮所請。令於陳國泰所帶船內分撥十隻。或十五隻。赴上游協剿。原以金陵以上江面遼闊。師船二十餘隻。不敷剿洗。下游紅單。挖冒廣艇等船。共有八九十隻。又有新造多槳快船。是以准其酌撥。嗣因逆匪於九洲地方占剽賊營。李德麟延不進剿。復諭向榮酌調吳全美帶船回駛。亦為先其所急。現在洲地賊

營。是否業已攻毀。向榮本日所奏調集師船與浦口六令練勇四五千。會齊夾擊。即著陳金綬等傳知武慶迅速進攻。不可再有延緩。至此次江面師船續獲勝仗。已近東西梁山。緣該處逆船甚多。又有夾洲遮隔。未便深入重地。固因船數較少。不得不加意慎重。但此項師船上駛之後。賊援已漸斷絕。若竟以船少勢孤。坐守采石。不能沂太平而上。進扼梁山。則江面要截之策。仍係有名無實。若因

下游船隻較多。添調助剿。固足以壯聲威。而浦口地方。現在又萬分喫緊。權其輕重。自以各就各船。分投進剿。為要策。前次既有准調陳國泰師船十隻十五隻之旨。即著向榮與陳金綬等遵旨妥辦。一俟兵力稍厚。即可由太平上駛。竟達東西兩梁山。掃淨賊踪。以圖次第攻剿。至上方橋賊營。萬不可任其久占。秣陵關通賊棚民。尤應迅速剿捕。該處關繫蘇常要隘。怡良是否已抵常州。著向榮知會

該督於漂陽金壇一帶加意嚴防不准稍有疏失將此由六百里加緊各諭令知之○甲辰

上御乾清門聽政○遣官祭黑龍潭

昭靈沛澤龍王之神玉泉山

惠濟慈佑靈護龍王之神昆明湖

安佑普濟沛澤廣生龍王之神密雲縣白龍潭

昭靈廣濟普澤龍王之神○遣官祭圓明園

惠濟祠

河神廟○諭內閣王懿德奏匪徒拒捕戕官現飭勦辦一摺福建漳浦縣古竹社地方有匪徒蔡姓聚族逞兇先因大兵克復漳州該匪四散逃匿撤兵後仍復嘯聚擄劫經署漳浦縣知縣陸友仁會同署左營遊擊黃文郁署守備李光生管帶兵勇馳往勦捕該匪等竟敢抗拒李光生手刃三賊致被賊眾砍傷並將陸友仁戕害李光生因傷殞命黃文郁

亦身受多傷土匪拒捕戕官罪大惡極亟應速行勦滅以伸國憲著王懿德即飭該鎮道等迅速統兵馳往勦辦務將首要各犯殲擒明正典刑以昭炯戒○又諭刑部等衙門奏遵議阿奇木伯克占地匿糧等罪名一摺伊犁阿奇木伯克頭等台吉哈里雅特以管轄耕種官地之員輒敢挾勢占種官地勒派屬下代完糧賦實屬肆意妄為哈里雅特著即照該部院所議退出乾清門革去散秩大臣銜並阿奇木伯克降為三等台吉交吐嚕番大臣嚴加管束以示懲儆其三等台吉著准其世襲○諭軍機大臣等陳金綬等奏瓜州逆匪糾黨分突官兵奮擊獲勝一摺江路逆匪自艇船上駛後援應漸斷惟鎮江瓜州兩岸逆匪聲氣尚通此次糾合死黨過江攻撲雖經我兵大加殲戮特恐該逆受創之後伏匿愈堅必須迅速設法破其巢穴鎮江與瓜州江口對渡瞬息可達果能乘此聲威剋日

進攻並飭余萬清同時並舉該逆自必急不相顧至江面師艇上駛者已至瓜儀以上停泊者尚在焦山以下雖云聲勢聯絡而瓜鎮兩口仍復任賊來去自由勦辦終難得力焦山迤上之象山北固山暨對岸之順江洲上下均有礮隄自被賊占踞後總未議及設法奪回金山賊築礮臺又復梗塞江路我兵戰船即有駛至甘露寺之時往往接仗即退不敢停泊是水軍終未占據勝勢無怪該逆日

久負隅著陳金綬等督飭將弁一面速攻瓜洲一面約會余萬清各派奇兵由間道暗襲礮隄使兩岸賊勢隔絕更屬易於得手浦口洲地賊營萬不可任其久占前此疊降諭旨均係緊要機宜著陳金綬等傳知武慶嚴飭李德麟水陸並進務期平毀淨盡不准稍有遷延陳金綬等前奏洲地賊營僅有一座據袁甲三奏有逆匪於附近北岸之新灘等處割營三座之語是否續被占割抑係分占各

洲總宜悉力進攻若再事耽延必至更難攻克陳金綬等不可視同泛常也奸民接濟火藥亟應嚴行斷絕前次陳國泰所獲運米資賊小船即有火藥槍子等件在內恐此外尚復不少著嚴飭水陸各營並附近地方文武明查暗訪一體撻拏毋任稍有漏網將此由六百里加緊諭令知之○以鑲黃旗蒙古副都統國瑞為內閣學士兼禮部侍郎銜○命前任福建按察使徐宗幹來京引見○命前

任正紅旗漢軍副都統托雲保前往山東軍營交欽差大臣勝保差委○以勦辦福建臺灣匪徒出力賞道員裕鐸總兵官邵連科花翎都司凌敬先藍翎餘加銜升敘有差○賞江西廣昌縣被水災民一月口糧○乙巳太宗文皇帝忌辰遣官祭昭陵○予福建殉難典史亢家驤把總吳邦翰外委王明輝許朝陽祭葬世職廩生劉玉華賞卹如例○丙午

上詣

奉先殿

壽皇殿行禮。諭內閣福濟奏革員具詞申辯。請將被揭知府解任質審等語。安徽已革署貴池縣知縣李沛蒼前因擅離職守。經福濟奏當降旨革職。交刑部定罪。茲據福濟奏稱該革員於被參後復以署池州府龔培元不知振作。本年正月該革員通報公出。赴金陵請兵。經護理道員潘筠基留辦防堵。龔培元並未代為聲明。遽以擅離職守揭報。以致被參革職。稟請查訊等詞。曉置虛實。均應徹底根究。署池州府知府龔培元著暫行解任。交福濟提同李沛蒼訊究確情。儻有被參誣揭情事。即著加等擬罪。又諭和春福濟奏晝夜環擊廬州賊匪。連次獲勝。並克復英山縣城各一摺。自逆匪竄踞廬州。屢被斬擒。閏七月十八日。經和春等督飭官兵紮筏過渡。用大礮向城內轟擊。該逆由南門突出。

二三千人來撲。吉順等帶領兵勇奮力攻擊。斬馘多名。常清等亦由大西水西各門趕至。三路夾攻。斃賊不計其數。二十二日賊匪由南門突出。千餘人。程智泉等帶勇迎擊。並會合嵩瑞常清等督兵攻勦。斃賊二百三十名。其由巢湖駛入之賊。經和春等親督官兵率同練勇奮力圍攻。約斃賊匪二百餘名。生擒偽軍帥周鴻江並著名賊目十二名。八月初一日常清等帶領兵勇進攻西門。得勝門。由城內突出賊匪千餘人。常清等三面夾擊。斃賊二百餘名。餘匪敗入城中。伏匿不出。此股賊匪屢被痛勦。勢甚窮蹙。著和春等督飭兵勇奮力進攻。迅圖克復。郡城無稍鬆懈。其竄踞英山之賊。經和春等派委六安州候選知州李元華候補知州博勒霍布。六安州知州茅念劬等相機籌辦。二十一日博勒霍布等督同紳勇直抵城北之竹絲嶺。前隊祝澂鑑等奮勇進勦。賊眾紛紛驚潰。生擒長髮賊九名。

二十二日。徐振清樊文鐸等。由北路越山直撲城下。將附郭民房燒毀。賊匪見北路火起。越城逃走。練勇追剿。殺賊二十餘人。江繼陶等由西南城垣。蟻附而上。殺斃守垛賊匪六人。樊文鐸等砍伐樹林。梯城而入。殺斃守城賊目四名。我軍一擁入城。將餘匪擒殺淨盡。並將逆首張和尚殺斃。立將縣城克復。該逆自上年冬間。竄入英山。盤踞蹂躪。經官紳團勇等奮力攻剿。殲斃逆首。克復縣城。辦理尚合機宜。所有在事出力官紳。並陣亡義勇著一併查明。分別奏請恩施。以昭激勸。○諭軍機大臣等。本日和春福濟奏。賊於草鞵夾。放船百餘隻。又在浦口北岸中路與八字溝各剗營盤。夾新灘亦添設礮位。其和州鉞魚嘴地方。並有賊船三百餘隻游駛。該提督等因夾江已有賊營。慮其由烏江一帶竄擾。復踞和合。接應廬賊。請飭雷以誠。於揚州軍營抽撥兵勇一千名。從儀徵六合。馳赴和州督率

嚴防等語。現在金陵上游水軍屢獲勝仗。南岸陸路經向榮分兵駐劄。江浦情形較前喫重。和春等所稱和州含山亟須堵禦。原係實情。惟昨據陳金綬等奏。攻剿瓜州賊匪。東西兩岸甫經得手。正當迅速督率水陸各軍。破其巢穴。托明阿啟程已久。計當抵揚。著通盤籌畫。雷以誠。是否能夠親赴和州。瓜州攻剿當喫緊之際。或於儀徵六合等處防兵內酌撥兵勇前往堵防之處。務須妥籌辦理。並將能否分兵之處。飛咨和春等。以免貽誤。不得顧此失彼。將此由六百里加緊諭令知之。○又諭。和春福濟奏。晝夜環擊。連次獲勝情形。並克復英山縣城。各一摺。逆匪占踞廬州。恃為巢穴。我兵攻剿。雖屢獲勝仗。擒斬甚多。究未能掃穴擒渠。剋期收復。據稱城內米糧尚足。該逆勢必負隅死守。此時總當出奇制勝。力破堅城。斷不可再延時日。英山既已克復。其舒城逆匪。仍著嚴飭秦定三。迅速進剿。桐城

廬江等縣紳民既願為大兵導引即當乘機鼓舞與官兵合力進剿儻能將該逆分踞之處次第收復則賊勢日孤剿辦自易為力另摺奏軍需緊急餉不能減兵無可裁等語前諭各路軍營查照舊章支放銀米原因現在軍餉浩繁若專待銀兩支放勢必貽誤要需故思變通之法銀米並放該提督等何得遽謂議減兵糧安省為有漕省分其未被兵州縣全在地方官設法固結民心徵收供餉何

實錄卷一百四十二

奏

得顯項了事總以漕糧倉穀不能抵餉為詞至現在勸捐已收米一萬數千石正陽關亦收至三千餘石可見籌餉之法全在經理得人自可源源接濟著和春福濟督飭藩司於地丁漕糧設法催提其闕草牧令速加淘汰更換能事之人並勸諭捐輸銀米並收斷不可畏難苟安束手無策所有各處防兵此時堵剿喫緊自未便遽撤仍著察看緩急隨時酌辦至勞師糜餉皆由曠日持久所致該提

督等統領重兵惟當將皖省逆匪迅就殲除則軍餉自可漸歸搏節至奸民接濟賊營火藥必應嚴行斷絕著嚴飭各營並地方文武明察暗訪一體擒拏毋任稍有漏網將此由六百里加緊諭令知之○以塔爾巴哈台參贊大臣色克通額署西安副都統○予安徽陣亡遊擊吉蘭泰恩騎尉湯霖祭葬世職

實錄卷一百四十二

四

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百四十一

監修魏鑑纂修官諸侯唐法宮太子太傅工書序魏師從文淵閣修纂翰林院院學一摺奏錄上諭下諭及國朝修纂官姓名
太子管理兵部事務加十三級記敘十四次臣等竊查魏鑑纂修官諸侯唐法宮太子太傅文淵閣修纂官姓名奏錄上諭下諭
大學士管理戶部三庫事務管理刑部事務加十二次級記敘十六次臣等竊查魏鑑纂修太子少傅管理內閣書序事務對引大臣奏職大臣
鑲藍旗滿洲都統戶部尚書管理三庫事務加四級記敘十二次臣等竊查魏鑑纂修官姓名諸侯唐法宮太子太傅文淵閣修纂官姓名
遼東文淵閣纂修官三庫旗蒙古都統提督內書管理太常寺鴻臚寺事務加二級奏錄十四次臣等竊查魏鑑纂修官姓名諸侯唐法宮太子太傅文淵閣修纂官姓名

咸豐四年甲寅八月丁未

太祖高皇帝忌辰遣官祭

上詣

壽康宮問

皇貴太妃安。諭內閣前因戶部順天府書吏以銀抵換鈔票一案情節較重降旨飭令刑部堂官督飭司員徹底嚴訊茲據刑部等衙門審擬具奏既稱據順天府三庫先後查出解部旗租各有弊端復任聽該員那瀛泰等

容以事出意外。稍涉推諉。茲據崇恩奏稱。山東省正雜額賦短徵之數。年甚一年。並將咸豐二年以後意外撥用銀二百三十萬餘兩。開單呈覽。似此多出少入。以致司庫短絀。亦屬實情。惟東省尚為完善之區。額賦係屬正供。豈容任意虧短。所有下忙正雜錢糧。著崇恩督飭各該地方官。實力催徵。總期比較上忙。為數增多。方見起色。儻有頑梗之徒。必當嚴加懲辦。勿稍寬縱。所稱二年及本年上忙。

短徵銀兩。著將各屬因何短徵。有無徵多報少之處。確切查辦。毋任蒙混。至東省民情淳樸。捐輸可期。踴躍並著崇恩。飭令各該地方官設法倡導。毋為勸諭。以期集少成多。藉資接濟。現在軍務尚未蒞事。勝保大營。及該省東西兩路派防兵勇。需餉急迫。該撫責無旁貸。務宜熟計妥籌。源源應付。毋得以設措艱難。為卸責地步也。將此由四百里諭令知之。

○刑部奏。審明書吏黃遇清等。用鈔換銀。定

擬罪名。得旨。著派載銓。花沙納。認真嚴訊。務期水落石出。豈能聽其避就。謂該司員等。盡不知情。其誰信乎。即黃遇清等罪名。亦應加等定擬。國帑攸關。敢於抵換。決罪無疑。若拘於例義。稍示寬假。紀綱尚可問乎。○幫辦軍務已革直隸提督陳金綬奏。紅單船礙難再撥。請俟浦口賊營勒完後。再飭艇船上駛。得旨。浦口賊營。斷難任其久踞。李德麟之疲玩。因何屢次奏報。總未嚴參。○署湖廣總督楊

需奏督催各路兵勇。勒辦情形。並派知縣李殿華。督同李士林。徑赴漢川。得旨。劉富成。雙保。福忻。豈可令牽綴一隅。既有襄勇千餘。自可無虞。昧機猛進。固屬不可。疑前慮後。未免有過當處。總在汝隨時斟酌情形。得進則進。為要。斷不可拘泥諭旨。李士林。狼子野心。恐非誠心悔過者。汝接到寄諭。自有辦法矣。○以山東防堵出力。賞已革河南布政使王簡。五品頂帶。○戊申。諭內閣。奕綱等奏。請變通

興修工程一摺

昌陵西朝房前坡五間。著照所擬。即行敬謹如式修蓋。所需物料工價。著作正開銷。毋庸捐辦。○又諭親王銜定郡王載銓。會同戶部。遵議疏通錢法條款一摺。近來大錢壅滯。皆由私鑄過多。果能嚴禁私鑄。隨地查拏。俾得淨絕根株。則販賣私錢之人。不禁自絕。即使用私錢之禁。又何必另立章程。若不正本清源。徒以嚴拏私販。紛紛擾累。適足以啟官役訛

詐之端。於禁私便民之道。轉多窒礙。著照所議。嗣後責成步軍統領衙門。順天府。五城。及各該地方大小員弁。懍遵疊降諭旨。於私鑄大錢人犯。實力嚴拏。其有拏獲大夥私鑄。及私造鑄錢器具。並鄰里軍民。首告得實者。應即給予獎敘。如官役有徇隱包庇。受賄賣放。挾嫌誣告情事。及奸民知情容隱者。尤應加等懲處。其所稱鄉民攜帶大錢。不准擅自搜查之處。並著步軍統領等衙門。一體出示曉諭。以免藉端滋擾。至官號為銀錢出入總匯。

儻有收買私錢。任意折算等弊。尤須從重懲辦。著戶部嚴飭該管司員。嚴密稽查。一經發覺。即將該商人等。拏交刑部治罪。不得稍涉瞻徇。致令市肆奸商。相率效尤。阻壞錢法。○又諭戶部議覆勝保奏。分別支給兵勇口糧一摺。所有在營滿洲蒙古駐防官兵。及綠營兵丁。應得鹽菜口糧。均著各照例定銀米數目。分別支給。其隨征鄉勇。亦著照勝保所請。

每名日給銀一錢五分。以資食用。至該部摺內所指防守鄉勇一項。本為定例所無。即不應有此名目。現在各省團練鄉勇。多係捐貲籌辦。其有隨時召募赴營者。均為隨營進剿。並不准其藉詞防守。任意開銷。若如該部所議。必至各省以防勇為名。例外濫請。所奏著毋庸議。○已酉。參贊大臣僧格林沁奏。連鎮賊匪。急思潰竄。現與各營將弁。悉心籌計。及早圖功。不敢稍事遷延。得旨。覽奏。曷勝焦急。

似此曠日持久。何時可期。藏事。現在該逆思竄愈急。正可迅速攻剿。失此機會。殊覺可惜。汝尚云不敢稍事遷延。則半載有餘。咎將誰執。功罪惟汝自取。朕亦無可再諭矣。○以西安將軍扎拉芬。兼署陝西提督。○庚戌。祭關帝廟。

上親詣行禮。○諭軍機大臣等。陳金綬等奏。官軍進逼賊巢。復獲勝仗一摺。瓜州賊匪。環城列壘。引水注濠。初五日。陳金綬督飭東西兩

岸官兵填濠搭橋毀其近卡礮臺斷其橫河鐵鍊並施放槍礮斃賊多名惟艇船因風微不能停泊夾擊以致未能得手瓜州濱臨江岸必須水陸同時進攻使該逆四面受敵始可乘勢力破賊巢此次水陸官兵已獲勝仗而陳國泰所駕礮船僅擊却靠江土城一處旋即退去所稱風色不利殊難憑信水師疲玩積習最堪痛恨著托明阿等嚴飭水陸各將弁務當乘此聲威同時並進剋期收復瓜

州儻此進彼退不能互相接應查明何路延緩即將何路貽誤之員嚴叅懲辦逆匪屢被攻剿難保不計窮思竄著該大臣等一面迅速進攻一面嚴防該逆分竄之路總期一鼓殲除毋令再滋延蔓逆匪於浦口江浦之間北岸又添數營並於西北開出路徑三條可達江浦縣城及和州全椒等處雖經調撥六合儀徵等官兵馳往防剿是否足資堵禦著飛飭武慶等督率水陸兵勇迅將北岸賊營

擊毀杜其北竄之路其焦山等處賊隄並著仍遵前旨設法奪回毋稍延緩致誤事機將此由六百里加緊諭令知之○河南巡撫英桂奏查辦廢弛捕務州縣並稱在籍給事中陳壇供情尚有不實不盡由司議擬亦未恰當復駁飭確審另詳得旨陳壇身任給諫又係奉旨回籍辦理團練乃如此喪心若不從嚴懲辦何以勸各省出力紳民著迅速奏來斷難任其避就欺罔倖逃法網尋奏陳壇並無隨同宋錫慶打斷關鎖先逃情事惟賊至不能捍衛輒因兵勇潰散隨眾逃避實難辭咎擬發軍臺効力贖罪下軍機大臣會同刑部議從之○以欽差大臣托明阿為江甯將軍未到任前以三品頂帶前任廣西提督福興暫行護理○以致祭

關帝廟禮儀祇肅予太常寺樂部堂司各官議敘○辛亥諭軍機大臣等勝保等奏連日擊賊偏城創營一摺並瀝情自陳等語覽奏

雖小有接仗。斃賊無多。我兵復有傷亡。未能得手。該大臣布置數月之久。乃至今日始知賊情。必思南竄。甫為完濠之計。而於南關外民居牆垣。竟未能及早拆毀。所築營壘。又未能一律趕緊辦齊。復嘵嘵以步隊不足為詞。殊不可解。用兵貴兼謀勇。豈能專藉兵力。古人以少擊眾。在乎審幾神速。切忌稍事遲疑。該大臣前此造雲梯。造呂公車。築臺鑄礮。輾轉因循。徒延時日。即以兵力而論。豈有鉅萬

兵勇。不能舉此孤城。而令千餘逆匪。得以負隅堅拒之理。明知連鎮官兵。不能再分。便不必宛轉解說。妄冀添調。豈將以遲延之咎。欲令連鎮大營分謗耶。果能迅籌攻克。俾東土人民。早登衽席。不但人心悅服。即軍士亦復騰歡。安得更有所言。該大臣就事論事。總以高唐之能否克復。此股賊匪之能否掃除。不至更令蹂躪他處為憑。與搢紳之跋扈何涉。遁辭。知其所窮。該大臣自問。能無羞愧。著勝

保與德勒克色楞善祿崇恩勸力同心。剋期攻復州城。盡殲醜類。毋得致令竄逸。若再耽延貽誤。國法具在。不能以該大臣曾有微勞。曲為寬宥也。將此由六百里加緊諭知勝保。並諭德勒克色楞善祿崇恩知之。○湖南提督塔齊布等奏。勦辦崇陽賊匪。大獲勝仗。官軍進駐金口。得旨。此時非徒知謹慎所能了事。汝等自湘潭大捷後。屢次得手。有此聲威。豈可自餒。惟利在速戰。莫待兩下相持。師勞

餉乏。大有可慮。塔齊布不致為崇陽一股牽

掣方好。○予山東陣亡副將吳燦祭葬世職。

○壬子。

上詣

壽康宮。問

皇貴太妃安。○諭內閣。端華等奏。官役賠項。繳齊。懇請寬免治罪一摺。大通橋經紀等應交賠補。徵變米石銀兩。現經全數繳齊。其應得罪名。自應按律問擬。惟據端華等奏稱。該役

等。此次承辦海運起見事宜。查無弊竇。尚知
愧奮。所有該經紀等。應得徒罪。著准予寬免。
嗣後不得援以為例。○江蘇巡撫吉爾杭阿
奏。上海獲勝情形。得旨。新營既成。因何並未
用礮彈。劉逆情罪重大。速行殲戮。不可令其
他竄。○以承辦錢局出力。予光祿寺署丞文
明等。加銜升敘有差。○予江蘇陣亡守備馬
富。祭葬世職。○癸丑。諭軍機大臣等。葉名琛
柏貴奏逆匪勾結日眾。郡縣相繼失守。請調

兵會剿一摺。覽奏曷勝焦急。江南逆匪。潛遣
夥黨回粵。勾結醜類。同謀滋事。各路匪徒。乘
機竊發。同時並起。以致高明。順德。惠來等縣
被陷。肇慶府城失守。並敢攻撲省垣。現在賊
勢猖獗已極。該督撫等平日所司何事。於逆
賊勾結肆擾。竟漫無覺察。殊堪痛恨。近省北
路賊匪。眾至四萬。東路之燕塘墟等處賊眾。
亦有數千。雖官兵攻剿。屢獲勝仗。而該逆以
佛山為老巢。並欲糾眾聚於省垣。此時省城

情形。更為喫緊。閩楚官兵到粵。尚需時日。該
督等。務當督率滿漢官兵。多募練勇。迅將近
省一帶逆匪。剿除淨盡。並設法力破賊巢。則
各屬匪黨。自必聞風解散。該省紳士。素明大
義。如果開誠布公。勸諭紳民。一體團練。較之
征調客兵。尤能得力。海陽等縣。賊匪蜂起。北
礮臺已被賊踞。潮州郡城。勢極危險。該督等。
務嚴飭該地方文武。實力防剿。一俟兵力可
分。即當統籌兼顧。該匪事起倉卒。必多烏合
之眾。該督等。務於水陸兩路。迅籌剿辦。毋令
日久蔓延為患。將此由六百里加緊諭令知
之。○廣西巡撫勞崇光奏。義甯武緣融。北流。
博白等縣。均有蝗蝻。已飛飭嚴行搜捕。得旨。
此事雖有成法可循。總應嚴飭督催辦理。○
以熱河協領哈福那。為京口副都統。○予江
南傷亡江甯將軍蘇布通阿。祭葬世職。如陣
亡例。○予江南軍營病故京口副都統長安
祭葬卹廕。○予廣東陣亡千總屈超羣。熊應

飛把總黎安瀾外委李芳春佐領李廷英防禦王國聰金茂揚祭葬世職額外外委嚴政朝等賞卹如例○調湖南福建兵各一千名赴廣東剿賊○甲寅諭內閣理藩院奏遵議諄齡奏已革諾們罕可否准回西藏一摺此案已革諾們罕阿旺扎木巴勒楚勒齊木前因貪婪營私種種不法有玷黃教發往黑龍江釋回後仍交地方官嚴加管束現在雖已免罪而所犯情節甚重著照該衙門所議不

准仍回西藏至該犯是否已回洮州並有無在外逗遛為匪不法情事著易常查明具奏○又諭駱秉章奏疊次攻剿通城賊匪克復縣城等語賊匪竄踞通城屢被官兵攻剿殲斃多名七月二十九日賊匪大股擁出江忠淑等督勇迎剿槍礮齊施殲斃賊匪二百餘名復出奇兵從後抄出斃賊百餘名並殺死偽軍帥蔡姓賊目廖四廖六等閏七月初七日夜賊匪潛開城門由北路逃竄江忠淑等

偵知帶勇四路截擊斃賊三百餘名奪門直入復斃賊百餘名生擒八十餘名奪獲槍礮旗幟多件米二千餘石立將縣城克復現在通城餘匪尚未淨盡著該撫督飭兵勇迅速搜捕務當盡數殲除毋留餘孽所有在事出力各紳勇著查明酌保毋許冒濫○又諭上年因廣西桂林湖南長沙及河南懷慶開封許州等處士民深明大義協同官兵擊退賊匪保全城邑業經降旨酌加學額以示獎勵

因思江西南昌府城上年被圍日久省會紳民嬰城固守至三月有餘秋間賊匪竄擾天津該處紳士捐餉集團力捍兇猷均屬義勇可嘉允宜破格施恩用昭激勸所有江西南昌府縣直隸天津府縣學額著該部查明酌擬加增額數具奏以作士氣而勵民心○諭軍機大臣等昨據葉名琛柏貴奏各路匪徒竊發高明順德惠來等縣並肇慶府城相繼失守近省北路東路匪黨甚多膽敢攻撲省

城廣東情形萬分喫緊。據奏兵力不敷。係屬實情。肇慶與廣西梧州一帶接壤。現在郡城被陷。逆勢猖獗。而省城又被賊撲。恐該督等調兵援應肇慶。有鞭長莫及之勢。廣西雖土匪未絕根株。省城又少大員。惟廣東軍務尤為緊急。不能不統籌兼顧。著勞崇光體察情形。設廣東因省城被圍。不能顧及肇慶。即著惠慶鎮守省城。該撫親帶兵勇出境勦辦。或另行揀派大員帶兵前往會勦。該撫先於毗連肇慶地方擇要駐劄。相機前進。斷不可稍分畛域。致該匪愈形滋蔓。至本省防勦事宜。即著該撫會同惠慶督同地方文武嚴密布置。不至顧此失彼。方為妥善。葉名琛等閏七月初二日所發摺件。係由海道遞至浙省。由驛馳奏。驛路梗阻。文報遲延。朕心實深懸繫。著勞崇光設法疏通驛站。並探明廣東近日賊情。隨時馳奏。毋稍延緩。將此由六百里加緊各諭令知之。○又諭駱秉章奏請飭升任

湖北藩司夏廷樾在川省督辦勸捐等語。現在曾國藩等統領水陸各軍。東下勦賊。疊獲勝仗。勦辦正在得手。惟需餉浩繁。湖南闔省捐輸尚難久支供億。湖北新遭蹂躪。亦恐籌畫維艱。廣東自七月以來。匪徒滋蔓。鄰省軍資更難令其接濟。四川省素稱殷實。果能實力勸諭捐輸。當可踴躍。著照駱秉章所請。即令夏廷樾在川籌辦勸捐。協濟兵餉。裕瑞接奉此旨。即傳諭該藩司認真督辦。惟夏廷樾甫抵川省。於該省情形未能熟悉。且各路勸諭亦必需人助理。並著裕瑞揀派公正賢員。幫同該藩司。要為籌辦。務須設法勸導。不可稍事擾累。一俟辦有成效。仍飭夏廷樾迅速回楚。不准在川逗遛。將此由六百里加緊諭令知之。○又諭本日據駱秉章奏現籌南路防堵情形。並探知東省仁化樂昌兩縣盜蹤蜂起。清遠英德乳源各縣亦被賊擾。韶州府城聞有圍攻之信。連州三江營並皆危急。雖

與葉名琛等。昨日所奏。詳略微有不同。而粵東賊匪猖獗。勢已蔓延。楚南所屬。如郴州。宜章。桂陽。興甯。臨武。一帶。地皆犬牙相錯。詔連以北。道路紛歧。誠有防不勝防之勢。該撫所陳。宜章一路。可以兼顧。臨武。桂陽一路。可以兼顧。興甯。即著照此辦理。激勵鄉團。據險守禦。現獲奸細。既有由楚取道之言。即當實力防守。確探匪蹤。毋令闖入。遇有可乘之機。尤當出境迎擊。方操勝算。其永明。江華。藍山各處。與粵西毗連。亦須兼籌堵禦。楚南當兩粵之衝。官軍不足。必與紳團聯絡。勦辦方能得手。粵東驛道梗阻。文報不通。此後偵明賊情。即速馳奏。以慰朕念。至通城。已經收復。曾國藩水師。近駐嘉魚。塔齊布亦往勦崇陽股匪。此路一通。當可直抵武漢。會合進剿。所有湖北糧臺事務。或即令胡林翼辦理。著飛咨曾國藩等。以免貽誤軍行。其從前湘陰失事之同城文武。著駱秉章查明下落具奏。將此由

六百里加緊諭令知之。○又諭。向榮奏。攻勦上方橋賊營。續獲勝仗。並上游師船。不能下駛。情形各摺片。金陵逆匪。自七月下旬。疊被官兵痛剿。此次上方橋賊營。復經向榮派撥兵勇。攻勦獲勝。逆匪屢受懲創。其勢已蹙。現在紅單船。扼駐采石磯。截斷江面。水路極為得手。惟東西梁山賊船。陸續駛回。已有二千餘隻。皖楚大幫。又將趕回。蕪湖。太平。現尚無兵駐守。金陵上游。為逆賊所必爭。吳全美。紅單船。僅二十五隻。葉常春師船。尚未趕到。該大臣奏稱。若調回攻勦。不特將來上攻非易。而賊船順流直下。又將蟻聚金陵。萬一北渡浦口。更屬可虞。所慮情形。甚屬周密。以現在而論。自應多撥船隻。扼住上游。使賊船不能下駛。為最要機宜。著托明阿等。仍遵前旨。於陳國泰所帶船內。分撥十隻。或十五隻。泝流而上。與吳全美師船。合力堵剿。至九洲地方。賊營距浦口甚近。陸路有武慶營盤。水路

有周希濂艇船。皆去賊營不遠。何以任其從容布置於前。又不能奮力攻勦於後。水師本極疲玩。自歸琦善節制。稍有起色。乃未久又蹈故轍。因循積習。實堪痛恨。所有浦口洲地賊營。著即責成武慶。由北岸進剿。李德麟現有船十九隻。亦足數圍攻。著托明阿等。即嚴飭該員等。迅速攻毀。儻仍前怠玩。不知奮勉。即從嚴叅辦。至下游紅單。挖督廣艇等船。共有八九十隻。又有新造多漿快船。如李德麟

各船。不能得力。並可就近將周士法。陳世忠之船。分撥協剿。托明阿現已馳抵軍營。著即統籌全局。與向榮和衷商辦。毋得稍分畛域。近日瓜州勒賊情形。並著托明阿等。速行具奏。昨據葉名琛等奏。廣東匪徒。同時滋事。肇慶府城。及高明等縣。均被賊陷。復敢攻撲省城。向榮前調之廣東官兵。能否前來。殊難豫定。該大臣務就現有兵勇。水陸兼籌。迅掃賊氛。毋稍延緩。奸民接濟賊營火藥。必應嚴行

禁絕。前已諭知陳金綬。雷以誠。著托明阿。向榮。嚴飭各營。並地方文武。明查暗訪。一體撥拏。毋稍疏懈。將此由六百里加緊各諭令知之。○禮部奏。殉難副將希郎阿。應否與諡。得旨。著毋庸與諡。入祠之處。亦不必行。該員係途中遇難。自應有所區別。以後似此者。應如何覈減。著爾部會議具奏。○江南河道總督楊以增奏。河北擒匪。業已擊散。仍分投搜捕。得旨。究屬餘孽未清。仍應按名弋獲。○署山

東布政使景霖奏。省城團練。一切經費。原係該紳民等。自行捐辦。前任藩司劉源灝。意在沽名。有求必遂。遂使省門各團。悉皆變為練勇。現擇其得力可靠。並要隘處所。酌留若干。不動聲色。隨時覈減。務使民團漸歸舊章。不至糜費。得旨。只可如此辦理。此摺及兩次硃批。均寄與崇恩看。○以湖南臨湘縣城被賊竄陷。署知縣姚湘芝。革職審訊。○以江蘇清江浦團練。勒匪出力。賞道員梁佐中。通判朱

善張花翎。運判許敦詩等藍翎。餘加銜升賞

有差。○予湖北通城陣亡守備徐統緒署千

總楊文元署把總王金福署外委楊登岸祭

葬世職。○乙卯

上幸西苑。○丙辰

上詣

壽康宮。問

皇貴太妃安。○欽差大臣江甯將軍托明阿等

奏。查看揚州浦口各營。並路過儀徵遇賊。水

師總兵陳國壽親帶將弁。齊駕紅單船。直攻

瓜州。並設伏獲勝。得旨。水師向惟紅單尚屬

得力。該鎮人亦奮勇。其餘艇師。皆疲玩日久。

習氣甚壞。前琦善耗盡心血。寬猛相濟。纔有

可望。汝惟有仿照琦善駕馭之法。加嚴用之。

不可稍鬆。懍之。○以練勇籌餉出力。賞廣東

通判陳寶齡等藍翎。餘升敘有差。○旌表守

正捐軀。河南永城縣民夏桂忱女沅姐。直隸

玉田縣民魏永來妻于氏。○旌表偕嫁捐軀

直隸東明縣民油廷祥女鳳姐

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百四十二

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百四十三

監修總裁官直隸總督臣李鴻章奏為臣等奉命纂修文宗顯皇帝實錄卷之一百四十三事謹將纂修緣由恭摺具奏伏乞聖鑒事竊臣等奉命纂修文宗顯皇帝實錄卷之一百四十三事謹將纂修緣由恭摺具奏伏乞聖鑒事

咸豐四年甲寅八月丁巳遣官祭賢良祠

命廣東布政使嚴正基以四品京堂候補按察使崔伺為布政使鹽運使江國霖為按察使戊午

上奉

皇貴太妃幸延春閣進膳諭內閣倭仁著授惇郡王讀諭軍機大臣等前因安徽和州堵禦喫緊而瓜州攻勦亦當緊要之際雷以誠是否能親往和州當諭托明阿於抵揚後通盤籌畫本日據和春福濟奏稱逆匪於八

月初九日水陸並進擾踞和州又於鍼魚背挑築濠塹並有賊船停泊烏江登岸抄掠直抵全椒南境已派署臬司恩錫統帶熱河等處官兵一千名赴全椒防勦請仍飭雷以誠赴和扼守烏江等語現在和州情形益形喫重堵勦之師刻不可緩雖有恩錫統兵前往恐攻勦尚難得力此時托明阿已抵揚州瓜州軍務自可督同陳金綬等妥籌辦理著雷以誠於接奉此旨後酌帶兵勇即日馳赴和

州扼要駐劄如瓜州軍營兵勇不敷分撥即將恩錫帶往之兵歸雷以誠調遣擇要布置務須悉力勦除毋任肆擾至江浦地方為南北咽喉若水陸兵勇協力同心及早攻勦何至任賊上竄以致重擾和州該大臣等務當懷遵臺次諭旨迅將九洑州等處賊營剋期攻毀並督飭武慶等嚴密防守不得再有疏虞將此由六百里加緊諭令知之又諭和春福濟奏皖省待餉孔亟請飭撥鹽課按省

分給一摺淮北鹽課前曾諭令接濟江蘇安徽兩省軍需自應按數分撥惟安徽現在需餉甚急兵勇口糧欠至三四月五六月不等且陝省按月應行協濟之款已據王慶雲奏明無可撥解江北地方被賊者十居七八徽甯應徵款項又因防勦緊急全數截留較蘇省情形尤為拮据江南軍餉尚有浙江等省按月撥解當不至有誤要需著怡良楊以增督飭所屬於淮北鹽課認真催銷收有成數

先儘安徽軍營酌撥應用務期源源接濟毋誤軍儲為要將此由六百里加緊各諭令知之又諭自逆賊竄踞金陵分擾揚鎮繼復攻陷安慶廬州等處蹂躪再及武漢長江之險半為賊占皆由我軍僅能扼截陸路而水師戰船不敷堵剿以致賊匪橫行江面恣其奔突近來紅單艇各船漸集瓜州等處即獲勝仗向榮所派之兵亦收復太平進剿至采石磯以下湖南曾國藩統帶兵船現已沿

江東下直抵金口距武昌僅六十里是勦賊兼賴水軍已有明驗惟近日逆賊竄近江西並恐另股由池州甯國進犯徽州窺伺浙境武漢以下金陵以上如安慶九江等處居中扼要之地尚無戰艦阻攔亟應廣籌製造上年曾諭四川湖廣等處雇匠造船嗣因張亮基駱秉章奏業已估買江船並鈞鈞等船是以僅令裕瑞籌助經費現在江面更為喫緊四川地方完善多產材木購料興工較為便

易著裕瑞督飭湖北藩司夏廷樾辦理戰船以資攻勦或在川購造或但購材木籌撥銀兩帶赴湖南製造與駱秉章迅速商辦前據駱秉章奏該員已由辰沅赴川此項戰船如由川之涪江取徑辰沅勢在曾國藩之後若由夔巫上游徑赴荆江直逼漢水當可與曾國藩會合俟江漢道通即可節節攻勦截斷安慶九江兩路賊船著裕瑞與夏廷樾悉心籌議將如何辦理之處迅速具奏至湖南應

備船礮前經紳士丁善慶等設局捐辦著即趕緊添造多多益善駱秉章務飭該紳士等分投勸捐庶可多修戰艦肅清江面以慰朕念將此由六百里加緊諭知裕瑞駱秉章並傳諭夏廷樾知之又諭和春等奏連日攻勦情形並皖餉緊急等語和春等攻勦廬州逆匪雖屢獲勝仗總未能埽穴擒渠頓兵日久籌餉維艱覽奏實深焦急據稱賊於八月初七日擾踞和州又於鍼魚背挑築濠塹賊

船停泊烏江登岸者四五千入四出抄掠直抵全椒南境與本日袁甲三所奏大略相同和州為廬營東障而全椒為餉道所經設有疏虞則滁定一帶全行震動於江北大局關繫非輕必須亟籌防勦該提督等即迅飭署臬司恩錫統帶熱河等處官兵前往全椒力遏賊衝毋稍延誤袁甲三因北路緊要仍駐臨淮現派參將吉連帶兵前往關山擇要堵禦並令廬鳳道張光第帶兵赴滁和各路鼓

勵團練亦可與恩錫聲勢聯絡互相援應該提督等務隨時知照袁甲三防勦兼籌以遏逆匪北竄之路福濟奏安徽被擾各州縣本年錢糧懇恩豁免並密陳時事維艱不得不收拾人心等語皖省被賊蹂躪地方共二十二州縣之多赤子何辜罹此慘毒每一念及寢饋難安該撫所請豁免本年錢糧原不難立沛恩施以紓民力惟各州縣土匪盡授偽職鄉民率皆從逆此時若徒博豁免之虛名

恐人心未必遽知順逆前此六安州士民克復州城朕即加恩豁免三年錢糧以示鼓勵著福濟先行出示曉諭俾被陷地方紳民人等咸知大義同心團練誓願殺賊效忠然後再頒恩旨豁免該州縣闔境錢糧庶幾順逆分明人心思奮俟奏到日再降諭旨至此未破兵州縣著仍遵前旨督飭藩司實力催徵以資軍餉不得顛預具奏置正供於不問而徒事仰給於鄰省也將此由六百里加緊

諭令知之。又諭現在逆賊竄擾沿江各處。吳全美師船已進逼東西梁山。其瓜州至焦山一帶。有紅單挖督廣艇各船。上下橫截。曾國藩水師亦駛至嘉魚金口等處。不日克復武漢。江路已頗得手。惟自安慶至九江中間。扼要之區。尚無師船攔阻。致賊黨得以任意往來。江西前造戰船。近日能否駛至九江。以資攻剿。該省素產材木。著陳啟邁督飭所屬購料加造若干隻。派委幹員管帶出江。與上下游戰船互相策應。為掃蕩賊氛。肅清江面之計。即如吳城等處賊船。前已被剿敗退。因我軍缺少船隻。未能窮追。可見水陸兩途。必當兼備。著陳啟邁趕緊設法。竭力籌辦。其義甯武甯近日賊勢若何。派往靖安各勇。是否足恃。務即隨時確探。前據葉名琛等奏。肇慶高明順德等郡縣被賊匪攻陷城池。其詔連各屬賊氛亦甚猖獗。江西與廣東接壤地方。並著一面嚴防。一面偵明速奏。將此由六百

里加緊諭令知之。都察院左副都御史袁甲三奏金陵逆賊意圖北竄。擬暫緩赴六安。得旨。所擬亦是。現已有旨令雷以誠迅赴和含。以後情形。汝自斟酌。略遲遲亦可。予安徽陣亡知縣張埴祭葬。世職。己未世宗憲皇帝忌辰。遣官祭

泰陵

上詣

壽皇殿行禮。旌表守正捐軀直隸赤峯縣民

于連蒲妹丑兒。庚申諭軍機大臣等。吉爾杭阿奏。噶咭喇。咪喇。嚙。喇。嚙。三國夷酋。先後駛抵上海。稱欲變通成約。因兩廣總督不肯接見。定期八月十八日前赴天津。經吉爾杭阿反覆開導。該酋堅執不移。勢難阻止等語。該酋等自五月以來。在廣東上海。屢以變通成約為說。該督撫不為允准。則總稱欲赴天津。大約皆虛聲恫喝。未必敢於出此。惟此次三酋合而為一。吉爾杭阿既有勢難阻止

之語難保其不徑行來津亦不可不密為防範著文謙雙銳於陸路地方及海口礮臺一體嚴密防備儻該夷船駛至海口即行一面星速密奏一面知會桂良妥商勸導之法務期不動聲色毋致居民惶惑至該酋來時或應與之接見總宜不亢不卑正言開導杜其覬覦之心津郡本非該夷應至之地前此喫夷麥華陀自江蘇前來該處地方文武尚有身與其事之人應如何布置如何拒絕即著

文謙等隨時熟商奏明辦理吉爾杭阿摺內所請萬不可輕向該夷議及恐轉致授之以柄也吉爾杭阿原摺及該夷所遞節略均著鈔給閱看此摺係八月十三日所發在該夷未經起碇之先儻該撫竟能阻止則旬日後必有奏報彼時再當續行諭知切勿先事聲張又諭寄諭直隸總督桂良吉爾杭阿奏上海喫咪啡三國夷酋欲同赴天津變通成約該撫反覆開導不能阻止等語吉爾杭阿

發摺在該夷未經起碇之先或能續行阻止亦未可定此時省城緊要該督原不必遽赴天津惟文謙平日辦理防守固屬認真而於夷務或未能諳習道光三十年夷人麥華陀抵津彼時在事人員必有現在省城者著擇其妥協幹練之員酌派一二人假以他事為名前往天津隨同文謙等豫籌防範此係先事密防當此畿輔未靖之時切不可稍涉張皇致生事端並著隨時密派妥員赴津查探情形據實馳奏原摺及該夷呈遞節略均著鈔給閱看將此由五百里密諭知之又諭吉爾杭阿奏喫咪啡三國夷酋聯檣駛至上海堅稱欲赴天津一摺前因喫酋在上海藉端要求經吉爾杭阿正言拒絕當將許乃釗革職授吉爾杭阿為巡撫諭令妥為駕馭嗣喫酋於崑山呈遞國書照會亦經怡良據理照覆該夷等理屈詞窮動以駛赴天津為恫喝從前兩次至津無不廢然而返此次喫酋

咆吟咪酋來連勒畢噲與佛酋布爾布隆聯
檣駛至上海堅執前說懇求變通貿易事宜
稱欲前赴天津擇於八月十八日起碇該酋
豈不知天津海口大船不能駛入且有仍令
飭回廣東伊等亦不敢即生異議之語。是此
間辦理情形該夷等亦能料及吉爾杭阿正
當剴切開導諭以來津無益徒勞往返豈能
遽信其驅賊補稅之言甚力遂謂其並無惡
意且謂不副所望必將另生詭計約計半年

可以集事是該撫信之已深直謂非允其所
求不可何以又稱所求儻或悖謬不妨直言
杜絕該撫身任封圻安內攘外責無旁貸獨
不可折之以理而必待欽派重臣朕又安用
汝等督撫為耶該撫復稱令其仍回廣東久
無成議該夷心未愜服終恐滋事是直要朕
以必得允其所請而後可是何言語該撫竟
出諸口覽奏曷勝痛恨披閱該夷照會極稱
上海官員款待之優並有關道與各領事官

酌議更正事款之句是該夷等此舉吳健彰
早預其謀確有可憑則該撫所奏各情未必
不受人要挾被人欺蒙也該道早經拏問不
得仍令干預軍務致多掣肘如該夷等十八
日之行或能中止仍著吉爾杭阿相機籌辦
示以綏撫之恩折其虛憍之氣俾不至更萌
妄念方為妥善如已經起碇恐鬼蜮伎倆聲
東擊西當此江面多事之秋著托明阿向榮
怡良嚴飭沿江帶兵各員密為防範於江路

下游圖山關一帶扼守海口毋令夷船闖入
致與賊匪勾結儻或窺伺江口固不可輕與
接仗亦必當設法攔截勿令肆行往來仍蹈
前轍怡良現在常州著仍與吉爾杭阿熟籌
撫馭之方以弭後患而安民心所有天津防
守情形已諭知直隸準備矣將此由六百里
加緊各密諭知之又諭陳啟邁奏擊敗義
甯賊匪添調官兵圍剿建昌德安另股匪徒
一摺該省德化縣城尚為賊踞既須力圖攻

勦嚴扼九江來路而義甯敗竄餘匪復由楚北句結逆黨於瑞昌武甯一路竄擾建昌德安經陳啟邁添調兵勇馳往夾擊自應嚴飭該帶兵員弁趕緊進攻先將此股匪黨悉數掃除即可與吳錫光所帶靖勇會勦武甯之匪該撫所籌布置各情即著照議相機妥辦惟水陸兩路面面空虛皖楚逆蹤誠不免伺隙奔突節次諭令該撫多備師船出江扼截以顧全局今既據稱所造船礮已有成數若

待湖南舟師東下始行出湖協勦未免迂緩即新募水勇未諳紀律亦應即速訓練遴委水師員弁剋日管帶出江俾資截勦斷不准屢以餉需支絀藉口遷延至廣東新起土匪勢甚猖獗韶連一帶毗連江西邊境尤應處處嚴防勿令匪蹤闖入長甯雖經獲勝仍須隨時飛飭各該地方文武員弁認真守禦要隘妥為籌防總之該撫責任封圻無論內匪外寇必當熟籌兼顧堵勦兼施方為無負委

任將此由六百里加緊諭令知之江西巡撫陳啟邁奏勸辦團練並籌餉練兵以期勦辦得手得旨若如所奏太覺遲緩雖餉項支絀亦屬實情然不應昧於事機若是也又奏臨陣畏怯之遊擊祥山請革職拏問批祥山著革職拏問訊明具奏此事未必盡實恐該勇等與賊通以此掩飾 辛酉

上詣

壽康宮問

皇貴太妃安諭軍機大臣等前據僧格林沁奏逆匪急思竄逸官兵擊退情形當批令迅速攻勦不可失此機會旬日以來未據奏報朕心實深焦灼賊匪竄踞連鎮五月有餘該大臣等果能督率將弁奮力進攻何至圍剿日久辦理尚無把握似此糜餉老師何日始能蕺事畿輔重地未能早就肅清朕每一念及寢饋難安該大臣身膺重寄獨不能為朕分憂耶昨據江蘇巡撫吉爾杭阿奏稱喫咭

喇咪喇啞嘖嘖三國夷酋先後駛抵上海稱欲變通成約並有定期八月十八日起碇前赴天津之語已諭桂良文謙等嚴密布置雖夷情詭譎其果否來津尚難豫料然當此賊氛未靖設再有夷匪前來縱未必遽勞兵力恐人心更難鎮定惟有速將連鎮賊匪剋日剿除俾我數萬重兵不致為其牽掣於防守機宜大有關繫著僧格林沁等迅即激勵將弁妥速進攻務將此股賊匪就地殲除勿留餘孽該大臣接奉此旨於夷務情形不可向軍營將士稍有洩漏致啟驚疑將此由五百里密諭知之又諭本日據楊需奏京山賊匪全數剿滅南兵已偪武漢恐賊全力北竄現籌堵剿一摺湖北賊匪自我兵克復安陸府城後竄回京山本月初間經楊需督飭官兵全行殄滅京山境內肅清天門餘匪亦已無多現由漢川一帶進剿湖南水師行抵金口接仗獲勝距武昌省城僅數十里計日

即可與北師會合攻克武漢所辦尚為得手惟是賊以南師日偪勢必全力北趨亡命鉅走亟應嚴為防備且漢川之賊又已竄入涇口窺伺之意顯然雖經楊需派令襄陽兵勇相機防剿並設法擬將湖中賊船焚燒而漢川黃陂一帶路徑紛歧賊匪均可竄逸北窺信陽等處襄陽兵勇既經調撥防守稍形單弱楚豫界連防守尤關緊要英桂現駐信陽疊據奏稱飭派兵勇在各邊境嚴密布置著即於信陽武勝等關加意嚴防毋許稍涉疏虞至豫省各屬捻匪日肆鴟張南汝光等屬毗連楚北匪徒出沒靡常尤恐地多伏莽亟應趕緊殲除先清內患以絕楚賊勾結觀覲之心前據該撫奏稱著名最要捻首尚有李兆受被剿逃回霍邱未獲任純學丁心田等據稱隨同李士林赴楚投誠如未確實均應根究查拏毋任疏脫至楚省情形仍應隨時偵探與楊需聯絡聲勢隨時戒備豫為併力

堵剿之計。毋誤事機。將此由六百里加緊諭令知之。又諭楊需奏賊撲楊店營盤。督剿獲勝。並剿滅京山賊匪各等語。此次逆匪分撲楊店營盤。經楊需督率弁兵剿擊。大獲勝仗。我軍追殺。直抵野豬湖邊。賊船現匿湖中。漢川之賊。亦由涓口入湖。該署督現飭遊擊趙鴻舉等。加意嚴防。並派兵接應。著即嚴飭該員等實力防剿。毋令竄入德安府。致滋延蔓。前經疊次諭令楊需迅速進兵。克復武漢。

現據奏稱賊勢全夥北趨。於漢川黃陂一帶水陸屯聚。武漢之賊。已為數無多。自係因上游剿辦得手。故該逆鋌而走險。意圖北竄。為牽掣我兵南下之詭計。楊需此時自應權其緩急。先將北路布置周密。然後節節進攻。固不可遷延觀望。坐失事機。亦不可深入重地。致該逆乘虛北竄。方為妥善。其武漢之賊。本日已諭令塔齊布會同藩水陸並進。迅圖克復。該署督亦即嚴飭魁玉、楊昌泗會同李孟

羣合力夾擊。如能克復武漢。則賊巢已破。剿辦自易得力。其湖中賊船。務當趕緊設法。全數燒毀。毋令久踞。至該署督所帶官兵六千餘名。各營情形。強弱不一。惟當實力訓練。信賞必罰。庶幾漸有起色。所挑精銳之兵。亦當分配各營。毋令疲弱之師。萃聚一處。致貽後患。荊州現在防堵情形較緩。楊需所帶兵勇。尚形單弱。所有前留荊州之四川練丁一千一百餘名。著官文儘數撥調。速赴楊需大營。

再留荊之防兵。能否抽撥助剿。並著官文酌量選派。以資剿辦。將此由六百里加緊各諭令知之。又諭前據塔齊布等奏羊樓洞剿賊大獲勝仗。並會同藩撥捕湖河進駐嘉魚。擬赴金口會剿各情形。當經批令速戰。勿令塔齊布一軍。為崇陽所牽掣。原以逆賊恃武漢為老巢。若能急破其窟穴。則漢江以下餘匪。自可迎刃而解。本日據楊需奏京山賊黨已被大軍剿滅。惟由白水湖竄駛野豬湖之

賊竟於八月十七日分三路攻撲楊店營盤。經官兵迎敵擊退。賊船伏匿湖中。並據探報。漢川逆眾。有從涓口入湖消息。大抵楚省賊情。南擊則北竄。鉞險狂奔。是其慣技。塔齊布等自十五日奏到後。迄今旬日。未見續報。朕心實深懸繫。據楊需奏。塔齊布陸路之師。尚在攻勦崇陽咸甯未下。現聞武昌漢陽賊眾無多。飛飭魁玉。楊昌泗會同李孟羣等。乘虛攻復等語。朕思崇陽一股。經普承堯羅澤南等攻破。賊卡後計已膽寒。惟曾國藩必俟此股藏事。方攻武漢。兩下相持。若逆匪另逞詭謀。則全勢北趨。恐楊需兵勇過單。未能遏其兇焰。而曾國藩所帶均係師船。水戰有餘。陸攻不足。務須與塔齊布妥籌兼顧。水陸並進。為克復武漢之計。該提督是否能親來督勦。或抽派陸路得力將弁。與曾國藩會合之處。均著迅速商辦。總以擣穴擒渠。不被牽掣。為要。李孟羣已抵金口。魁玉楊昌泗亦前往武

昌亟當乘此聲威。各路並舉。諒塔齊布曾國藩接奉此旨。必能趕緊進兵。勿但專顧一隅也。將此由六百里加緊諭令知之。又諭扎拉芬。王慶雲奏。潼商防務緊要。請添調官兵以備撥防一摺。陝西商南備調之甘肅官兵一千名。王慶雲已酌撥六百餘員名。馳往襄陽。交豐伸統帶。現在南北軍務未竣。潼商等處設防均屬緊要。著易棠即將派定之西甯甘州兵五百名。飭委妥員。即日管帶赴陝。交王慶雲督率操練。以備添防之用。再於陝甘兩省內。續派備調官兵一千名。聽候該將軍等隨時移撥。毋稍延誤。將此由六百里諭令知之。署湖廣總督楊需奏。賊眾攻撲楊店。督兵勦擊。大獲勝仗。得旨觀此情形。該逆急思北竄。正可趁其離巢。放手殲除。尤冀塔齊布等速復漢武兩城。以山東膠州協副將武隆額為四川建昌鎮總兵官。以勦辦湖北野豬湖賊匪。獲勝賞都司平德巴圖魯名。

號投誠勇目李士林以千總把總酌量補用

以湖北勦賊不力革四川建昌鎮總兵官福忻等職仍留營差遣壬戌諭軍機大臣等有人奏地方官縱容土匪水手肆擾請飭查辦一摺據稱江蘇吳江縣土匪陸孝中等以抗拒租糧為由斂錢糾眾聚集數千人設立公局製造刀槍火器兵役往捕即鳴鑼聚眾抗拒且賄通吳江縣知縣賀際運之門丁崔姓庫書費熙堂為內應震澤縣土匪蘇憲

章等擁眾滋事拒捕戕差焚毀震澤縣知縣坐船及巡檢衙署該署縣姚銳帶兵往拏該匪放槍迎拒旋獲蘇憲章等八人梟示陸孝中等聞風畏懼賄通門丁崔姓並送妾與賀際運以致壓案不辦匪黨嘯聚愈多入黨者納錢給予議單皆顧翦子即顧慶榮書寫尚有龐耀采等各分首從皆聽陸孝中調遣又漕船水手兇悍性成賀際運編充內壯凡索贓未遂之案令費熙堂率領水手往提擄掠

姦淫無所不至富戶陳姓監生張冶山等均被擄人搶掠浙江平陽營兵路過吳江興水手鬪鬪殺死浙兵二名該縣餽送浙營弁兵洋銀二千餘圓捏稱兵丁與百姓爭毆誤傷身死完案等情似此土匪水手恣意肆擾地方官縱暴殃民若不嚴加懲辦何以儆兇頑而安良善賀際運姚銳均著撤任交怡良等提同應訊人證嚴切根究從重叅辦並嚴拏土匪水手將為首滋事各犯即行正法以靖

地方另片奏吳江震澤兩縣紳民共捐制錢七萬餘串而解司者僅止二萬三千串其餘盡飽官吏囊橐等語著怡良等一併確切查明據實叅奏原摺片著鈔給閱看將此諭令知之○先是伊犁將軍奕山等奏遵議新疆兵制未易驟事更張下軍機大臣會同戶部議至是奏查原奏稱伊犁額設滿漢營及四部落官兵一萬五千六百員名分駐九城四愛曼及各卡倫地方控制夷回鎮撫邊圉最

關緊要未可驟更駐防滿漢之兵皆遠年內地移眷前來住經數代生齒繁衍遷歸旗籍所費不貲所奏均屬實在情形惟回疆八城換防之兵是否有可變通應令與各大臣等體察情形商同辦理從之以翰林院侍讀袁希祖侍講鄭瓊詔編修董似穀署日講起居注官癸亥諭軍機大臣等勝保奏進攻高唐漸可得手情形並繪圖呈覽已於摺內嚴切批示矣勝保圍攻此城已歷數月之久

此次殲斃之賊不過百數十名而我兵亦有傷亡竟不能以智謀取勝現既據稱機有可乘期於數日之間力圖克復該大臣自係確有把握儻令垂斃之賊伺隙他竄或仍留一路任其奔突又煩追剿勢必蔓延他處何時方能淨盡此時賊勢自非從前臨清烏合之眾可比彼時來之甚速故驅之甚易今則負隅日久必用全力以制之該大臣惟當妥籌就地剿除之法迅將此股逆眾聚而殲滅庶

可以功補過著即與德勒克色楞等乘此聲勢激勵各營將弁倍加奮勇剋日攻復朕惟盼捷音之速至也將此由六百里加緊諭知勝保並諭德勒克色楞善祿崇恩知之○又諭據文謙等馳奏英咪兩國船隻於駛抵大沽海口後經都司陳克明等登船詢悉情形詎英酋麥華陀忽又乘坐小船駛入口內行過礮臺半里有餘嗣經雙銳錢忻和等與之反覆理論該酋始將艇船退出礮臺停泊等

語該夷等在上海崑山屢次要求不遂輒以廣東不肯代為查辦為詞同時北駛而來究竟意欲何為總未明言況自上年逆賊入江之後該夷等曾先後駛往金陵鎮江與賊交接其心懷叵測已屬顯然現在文謙先令雙銳錢忻和前往接見俟夷船退出方與該酋見面自係為慎重體制起見但不知接晤時該夷能否帖耳而服文謙能否獨任其事該酋所稱天津官長再有輾轉即赴通州之語

原不可遽信為真。要亦不能不倍加防範。桂良於保定防守事宜。甚關緊要。務即遵奉前旨。隨時簡派妥員前往協辦。仍飛飭文謙率領該鎮道正言阻止。勿致別滋事端。為要。怡良前在崑山接見夷酋。立言甚為得體。原摺著鈔給閱看。將此由六百里加緊密諭知之。

○又諭文謙雙銳奏馳抵海口查辦夷船情形一摺。據奏啖咪二夷姓名。按吉爾杭阿原奏尚非該二國總酋。其為先遣通事人等前來探試窺我虛實。再行續有要求。已無疑義。雙銳錢忻和先往接見。特留文謙以為拒絕地步。所辦尚是我兵先行開礮。固恐激成事端。但海口礮臺及城內兵勇均須密為豫備。若稍示以弱。必致愈生要挾之心。轉難措手。該夷桀驁狡猾。夏間在上海曾經毀我營盤。又欲攜帶上海逆匪他往。斷非真有恭順懇求之意。即其屢稱變通成約。又不將意中欲言之事詳細指出。甚至欲派欽差大臣。頒給

便宜行事關防。尤為居心叵測。文謙等與之接見。務須折其虛憍之氣。杜其詭辯之端。萬不可輕有允許。所稱欲赴通州明係虛詞。恐嚇。斷不准為其所挾。六月間怡良在崑山拒絕啖咪酋之語。甚為得體。文謙等即可做其大意。斟酌措詞。先將該夷實在來意詢出。自能隨機折服。若專令駛回廣東。仍不能扶破隱微。使之嗒焉若失。則該夷雖去。終非了局。文謙等諒能體會此意也。內河造船設礮及節節攔截。均關緊要。天津練勇素稱整齊。不妨宣示該夷。使知一入內地。不但無益。而且有損。問出該夷實情。及文謙等如何辦理之處。即行密速奏聞。怡良摺著鈔給閱看。欽差大臣勝保奏攻剿高唐州賊匪獲勝情形。得旨。覽此情形。不難一鼓而下。惟恐又有竄逸。致蔓延為患。我兵既屬得手。務須掃數殲除。斷不准故留一路。以任其奔。雖有伏兵扼截。究非上策。直隸總督桂良奏接奉密諭。豫

防海口得旨現在夷船已抵海口汝必續有報來總宜處以鎮定不可張皇近處防備雖有洪志高達年雙銳等如有應添派之處豫行密籌洪志高雖在臺灣多年究恐衰老○賞署泰甯鎮總兵官舒興阿副都統銜為塔爾巴哈台參贊大臣以理藩院左侍郎綿森署泰甯鎮總兵官內閣學士國瑞署理藩院左侍郎○甲子諭內閣怡良吉爾杭阿奏知縣不能約束書吏致釀重案審明定擬一摺

江蘇已革署青浦縣知縣余龍光因催比錢糧致差役徐滯等糾同地保周立春聚眾挾制閹堂毆官迨經撤任協緝復未能將首要各犯立時拏獲以致周立春勾結土匪起意謀逆重煩勦辦雖訊無徵收應免錢糧及貪污實據惟周立春煽惑擾亂根由究因該革員庸劣不職所致余龍光著發往新疆充當苦差以示懲儆○諭軍機大臣等昨據文謙奏夷船駛赴天津海口一摺已諭令桂良及

該鹽政等妥籌防備總以正言拒絕為要前據吉爾杭阿奏稱喫咪喇三夷同時由上海起碇北上此次到津之船僅有喫咪兩國計大船三隻小船二隻人數不過三百餘名其來意無非欲改變通商成約此事斷不能行諒文謙等必可遵旨妥辦惟該夷等行蹤詭譎游駛無常一經文謙等勸諭回駛或又有續來船隻聯檣北上均難保其不沿海駛突所有盛京金州及山海關各口要隘均應先

事豫防以期有備即著該將軍副都統府尹等各於所屬海口一體嚴密防範並隨時派委妥幹員弁確切偵探據實密奏但不可稍涉張皇轉致民情惶惑其山東登州海面亦諭令崇恩如意準備矣將此由六百里各密諭知之○又諭昨據文謙奏喫咪兩國船隻駛抵大沽海口所奏該夷到津之船係大小五隻約計三百餘人難保無另有夷船續至且經文謙剴切曉諭後或即挂帆南駛於經

過口岸有購求食物等事亦未可知著崇恩
迅即嚴飭登州海口文武員弁督率兵勇豫
為防備務須節節攔截毋令夷船乘間駛進
當此多事之秋更恐鬼蜮伎倆聲東擊西明
知天津海口大船不能駛入即於他處逗遛
不去藉端要求該撫務當不動聲色飭令所
屬一體嚴密防範不可稍涉張皇轉致人心
疑慮並將近日海口情形先行確切查探迅
速馳奏將此由六百里密諭知之 以吏部

右侍郎愛仁署鑲紅旗護軍統領以直隸
紳民守城出力永廣天津府學額五名天津
縣三名以江西紳民守城出力永廣南昌
府學額五名南昌新建二縣各三名予故
前任浙江布政使汪本銓祭葬卹廕如軍營
病故例 乙丑諭內閣楊需奏各路勦賊疊
獲勝仗收復城池一摺湖北官兵自勦滅京
山股匪並擊敗楊店撲營各賊後復有賊船
四五百隻欲由劉家隔上竄遊擊趙鴻舉等

督率兵勇分三路迎擊殺賊二千餘人燒毀
賊船三百餘隻奪獲六十餘隻斬水縣知縣
際亨於八月初三日管帶練勇收復蘄水廣
濟二縣城池擒斬賊匪四百餘名羅田縣城
亦經知縣彭仲芳派勇收復其前次被勦伏
匿之野豬湖賊船經楊需派委員楊光澍會
同孝感縣知縣李殿華抄入湖中潛行縱火
將賊船焚燒風勢飄驟火光燭天劉富成之
兵復施放火箭湖心賊船驚駭四散竄出湖

口馬溪河一帶漢川縣繫馬口賊匪亦經沔
陽州鄉勇勦擊獲勝另片奏據報二十二日
水陸官兵進攻漢陽商民人等同往接應賊
眾驚潰即日將漢陽漢口收復並於二十三
日克復武昌等語著將克復情形詳細馳奏
並著楊需會同塔齊布曾國藩等盡掃妖氛
毋任逃竄其各路勦賊疊次出力在事文武
員弁紳士兵勇等著楊需擇尤保奏候朕施
恩以示鼓勵 諭軍機大臣等本日據楊需

奏克復武昌漢陽等語據稱探聞八月二十
二日官兵水陸進攻並商民等數千人馳往
接應即日克復漢陽漢口二十三日克復武
昌省城現在賊匪尚有一萬餘人分路逃竄
情形若何尚未據塔齊布曾國藩奏到該逆
被剿情急難保不亡命狂奔勾結皖省逆匪
蔓延為患著和春等派委得力將弁帶領兵
勇於安徽湖北毗連處所扼要嚴守加意防
範毋令賊匪竄入剿辦更難得手至廬州等

處賊匪被官兵屢次攻剿疊獲勝仗勢極窮
蹙著即督飭兵勇奮力圍攻務當一鼓殲除
迅圖克復毋致再有竄逸安慶一帶賊匪尚
未殄滅即著飭令秦定三迅速剿辦毋稍延
緩將此由六百里加緊諭令知之又諭本
日據楊霽奏稱探聞南北省官兵於二十二
日水陸並進糾約商民即日攻克漢陽漢口
二十三日克復武昌省城賊匪分路逃竄約
計尚有萬餘人等語覽奏稍慰朕懷想塔齊

布等亦即有捷報在途矣楚北賊匪本恃武
漢為老巢現已破其巢穴則下游餘匪自易
剿除惟據稱分竄賊匪尚有萬餘人塔齊布
曾國藩等水陸各軍如何剿辦此股餘匪究
竟竄往何處未據聲敘明晰該逆被剿窮蹙
豕突狼奔蹤跡靡定且漢川黃陂一帶賊匪
尚多尤慮勾結為患楊霽駐劄楊店現已諭
令進攻黃州趕緊克復並嚴防逆匪北竄塔
齊布剿辦崇陽一股是否已就肅清此時武

漢收復後即可會合曾國藩水師併力東下
廓清江面該提督等務當與楊霽妥商籌辦
勿令東下之師為楚省零匪所牽掣將此由
六百里加緊諭令知之又諭本日據楊霽
奏探聞克復武昌漢陽等語該匪被剿緊急
難保不乘隙竄入鄰省現在江西武甯等處
賊匪未就肅清九江尚為賊踞若該逆豕突
狼奔勾結蔓延為患甚鉅著陳啟邁於江西
湖北毗連處所迅即派委將弁督率兵勇扼

要駐劄加意嚴防毋令賊匪竄入境內致滋紛擾將此由六百里加緊諭令知之○又諭楊需奏各路勦賊獲勝收復蘄水等縣城池繕摺後復據報武昌漢陽均已克復由八百里加緊馳奏等語據稱潰逃餘匪既有四散之勢即須籌分路追勦並杜其北竄之計雖漢川之賊有常德堵剿長江埠新溝一帶趙鴻舉王國楨等防堵該署督又已分飭佈克慎進駐澠口桂明分駐馬溪河劉富成往

劉孝感楊世澤等往劄黃陂布置尚屬周妥而黃州郡城久為賊踞許賡藻所帶僅係鄉勇未必可恃以收復楊需即可調得勝之師前往黃州一路相機勦辦該處距孝感黃陂等處不遠即佈克慎桂明劉富成等四路截勦之師均可就近扼擊該署督統領全軍務當通籌大局將楚北餘匪悉數掃除其武漢江面應否酌留水師扼守之處並著與曾國藩等酌議布置並將攻克武漢情形迅速馳

奏至九江安慶尚為賊匪淵藪已諭令和春福濟陳啟邁加意嚴防仍著楊需不分畛域互為聲援毋稍大意此次八百里摺報附有紅旗是否確係該署督所發亦著附便奏聞將此由六百里加緊諭令知之○又諭寄諭直隸總督桂良前因喫味兩國船隻駛抵大沽諭令文謙等妥為曉諭不可輕有允許茲據文謙雙銳奏稱二十七日與該夷見面該夷麥華陀僅稱通商事宜有應行變通之處

仍未將意中之言詳細指出並有儻不為代奏惟有趕緊回本國銷差前立和約竟成廢紙之語此時咆哮等尚未到津麥華陀等不過通事之流竟敢以虛詞恫喝狡詐之情已可概見文謙等雖經反覆開導並未能義正詞嚴使該夷帖然心服輒請欽派大員赴津曉諭可見文謙胸中尚少把握從前條約天津原非該夷應到之地即各省督撫亦惟五口通商之處可與接見惟現在情形緊要該

督應否親往天津。抑或妥籌辦理之法。即飭文謙等遵照辦理。該督更事較多。必能於大局有益。即或親往天津。亦斷勿輕與該夷接見。仍令文謙等曉以利害。喻以情理。萬毋示之以弱。致該夷肆意要求。並勿使該夷知該督在津。方為妥善。該夷所稱非欲在天津通商。實有萬不得已之苦衷等語。究竟所求何事。必須令其明白指陳。奏明請旨。儻關繫大局。即當正言拒絕。斷不准先存畏蒞。如吉爾

杭阿之代為要求也。本日已將前任長蘆鹽政崇綸交該督差委。並即令前赴天津。該督即可飭令該員會同文謙等妥速籌辦。夷性雖極狡猾。果能堅持成約。折之以理。而又內嚴守禦。使無可覬覦。該夷即揚帆南去。亦復何所藉口。本日復據吉爾杭阿奏稱。該夷公使提督等欲播弄是非。於中取利。舊欠商稅。既不措繳。更慮釁端疊起。新稅亦費周章等語。細閱該撫所奏。意在遷就了事。冀可徵收

商稅。所見甚小。該夷此次到津。恐別有詭謀。未必專為商稅。如果因上海不靖。該夷等商稅。致有賠累。原不妨令怡良等查明覈減。以示懷柔。惟必待咆吟等出之於口。然後可明白曉諭。令該酋等駛回上海。聽候怡良查辦。此時該督不必告知文謙。仍就文謙所奏情形。先行悉心籌畫。定議後。即迅速密奏。文謙摺片。吉爾杭阿摺均著鈔給閱看。將此由六百里密諭知之。又諭前因夷船抵津。諭令

文謙等將該夷來意。詢出正言折服。本日據奏。已與該夷接見。雖經反覆開導。究未能正言阻止。並未將所商何事。一一詢明。輒請欽派大員前往。或令桂良赴津。曉諭。是文謙等接見該夷通事等。已詞窮氣餒。任其恫喝。至所稱令江省督撫查辦。未免意存推諉。希圖遷就了事。恒怯無能。於此可見。該夷欲變通成約。究竟如何變通之處。何難令其詳細指明。如關繫大局。礙難允許者。正言拒絕。我直

彼曲雖揚帆南去亦復何所藉口。儻事有可商亦不妨據實陳明候旨酌辦。豈該鹽政等不能具奏必待另派大員耶。况該夷狡猾異常。此次到津若不將其意中之言探問明確妥籌辦法苟且將就專顧目前該夷勢必日肆覬覦無厭之求何所底止。著文謙等一面向該夷剴切曉諭斷勿示之以弱一面聽候桂良酌辦其防守事宜仍應嚴密布置毋稍疏懈。桂良是否到津尚未可定即該督赴津

著李鴻章

上

亦不能輕與夷首接見。文謙等毋令該夷知桂良前赴天津更生要求之心為要。至咆哮是否到津抑祇遣麥華陀伯駕前來探試著文謙確切訊明密奏。本日已有旨令崇綸赴津著即與該員妥商辦理。○大學士祁寯藻因病乞休得旨卿宣力有年深資倚任著不必開缺仍在家安心調理亦不必限定假期總宜氣和心平勿生忿憤自可速痊過數月之後再行酌量。○以武備院卿文豐為正藍

著李鴻章

上

旗漢軍副都統。○以正藍旗漢軍副都統德勝為歸化城副都統並署綏遠城將軍。○緩徵山西曲沃縣被擾村莊舊欠額賦蠲免臨汾縣上年應徵額賦。○丙寅諭內閣常清法福禮奏回子聚眾滋事拏獲審辦一摺喀什噶爾罕愛里克莊回子沙木蒙膽敢糾合回眾詐稱玉素普霍卓後裔在愛吉特虎軍臺等處持械滋鬧燒毀房屋戕害兵民現經常清等派員查辦立將該犯擒獲與聽從使令之斯拉木等十八名一併正法辦理尚屬妥速。葉爾羌三品阿奇木伯克阿克拉依都事前毫無覺察本屬咎有應得惟派撥回兵並令親下幫同伯克挖拏賊匪多名尚知奮勉著免其議處。喀什噶爾三品阿奇木伯克邁瑪特設法拏獲首要各犯著交理藩院議敘兵丁李致和迎擊被戕著交部照陣亡例議卹。○諭軍機大臣等昨因喫味兩國夷船駛抵大沽桂良應否前往已諭令該督妥籌辦

理並將崇綸交該督差遣委用。夷酋不遵成約。肆意要求。該督如恐親往天津。致啟該夷覬覦之心。可以毋庸前往。即飭崇綸速赴保定。差委僕體察情形。必須親往。會同文謙商辦。即飛飭崇綸徑赴天津。俟該督到津後。斟酌妥辦。本日已面諭崇綸。聽候該督飭知遵辦矣。桂良務當仍遵前旨。如到津時。斷勿輕與該夷接見。以符體制。仍令崇綸等剴切曉諭。不得妄生枝節。將此由六百里密諭知之。

實錄卷一百三

克

○河南巡撫英桂奏。探聞克復武漢。仍飭各要隘兵勇防堵。得旨。昨已據該署督奏收復武漢。並未奏實在情形。朕總慮其全股逸出。盡力北撲。是豫省防堵。倍關緊要。加意慎重。方好。○以攻勦江南瓜州賊匪。獲勝。賞協領博奇。總管海全。副將鞠殿華。巴圖魯名號。協領隆強。佐領蘇勒善。奇徹布。常陞。斐興。阿夏爾杭阿。參將安勇。遊擊陳升。都司富倫布。劉琮。烏勒洪。阿守。備袁得名等。花翎。餘升敘有

差。○以湖北襄陽辦團防勦出力。予知府多山等升敘有差。○予福建陣亡署知縣陸友仁。署守備李光生。祭葬世職。○予湖北陣亡佐領添昌。防禦善亮。祭葬世職。

實錄卷一百四三

罕

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百四十三

奏。河南省咨報。歸德失利之涼州鎮官兵潰散陣亡情節互異。請飭查覈辦一摺。甘肅涼州鎮官兵五百一十八員名。上年在歸德府防剿遇賊失利。先經陸應穀以該官兵等打仗潰散。僅存把總馬忠等十五員名咨報續據報稱。該官兵等均屬陣亡。僅存外委范銘一員。兵丁五名。現經易棠查明。此項官兵除遊擊馬從龍已據英桂咨明陣亡外。其陸續投回歸伍者。實有五十名。與陸應穀先後咨

報數目均不相符。請飭查辦。著英桂將該官兵等究竟是潰是殲。把總馬忠是否被裏投回。此外有無在豫逗遛尚未歸伍之人。均即分別確查。咨覆甘肅。以憑覈辦。易棠原摺著鈔給閱看。將此由四百里諭令知之。○戊辰諭軍機大臣等。桂良奏籌議夷務並添派委員赴津會辦一摺。已將原摺鈔交文謙等即照所議明白開導。並節錄道光二十三、四等年通商條約一併給閱。如果文謙等能正言

開導使之剋日回帆。該督即無庸前往。亦足鎮定人心。崇綸想不日即可到省。應如何詳細飭知之處。即著向該員逐一指授。迅飭赴津遵照辦理。文謙等連日如何辦理情形。及能否妥協之處。著即隨時偵探密速具奏。若文謙等辦理有未妥之處。該督亦應赴彼藉鎮人心。此時稍緩亦可。蓋夷務之難。有由來矣。現雖兵戎未靖。若能隨時妥辦。自有轉機。若虛詞撫馭。將就令其回粵。是直為直省完

事起見。想汝尚不至若是糊塗。此次夷人逞擢後。若因別事再來。亦非汝之所能逆料。若仍因此次直省大吏付之不管。而來置辦不休。朕必治汝之罪。慎之。將此由六百里密諭知之。○又諭。前據文謙等奏與夷人麥華陀等接見後。連日未據續行奏到。究竟該夷能否廢然而返。抑別有藉端要求之處。殊深懸繫。本日據桂良奏籌議辦理情形一摺。用意措詞俱極周匝。文謙等如能照此開導。必可

折服該夷之心且原定和約所有貿易章程如須稍為變通俟十二年後再議一條味喇噶則定於道光二十四年七月噶喇吧則定於二十四年十月其互換條約均在二十五年距十二年後之期亦復甚遠該夷不當於此時妄行瀆請若噶喇吧和約條款內併無此文既稱萬年和約便當永遠信守即謂我朝有恩施各國准噶人一體均霑之語味喇二國已不能於未經屆期之先豫議更張噶

夷又何從為此效尤之舉文謙等正可據理回覆以塞該夷之口此次來津係噶味兩國通事其三國夷酋吧哈等是否仍須前來亦當查探明確並諭以海口事宜原議應由中國辦理外國事務之欵差大臣專辦該夷此來雖已據情入奏亦當仍向通商五口地方聽候查覆在此終屬無益則該酋等亦正不必違勞跋涉即該夷目等亦可知數次來津徒然往返以後便不必為此奔波也桂良現

擬暫緩赴津俟崇綸到省商酌後飭令先行前來即著文謙等妥速籌商相機辦理毋庸等候崇綸轉致遲誤一切皆作出自己意不必謂總督已有所聞是為要著可杜以後無厭之請并嚴飭地方文武員弁一面妥為防範一面密查沿海奸民毋令接濟該夷米糧食物並禁止購買洋貨銷售煙土等事庶可絕其覬覦俾令遏返所有日內辦理各情即著迅速馳奏桂良摺並三國通商條約內摘

出各條均著鈔給閱看○又諭前因和合一帶堵禦喫緊諭令托明阿通盤籌畫能否令雷以誠帶兵前往和州妥商辦理嗣因和州已被賊踞逆船停泊烏江直抵全椒南境復命雷以誠即日馳往扼要進剿原以和州當滁鳳之東南江浦當滁鳳之西南逆賊由浦口登岸由和州登岸路雖不同而其逼近滁州直撲關山為北竄之計則並無二致上年該逆北犯即由滁州未能嚴扼所致全椒地

方雖有恩錫帶兵一千餘名。仍恐力難堵遏。而參將吉連帶赴閩山之兵。僅五百名。廬鳳道張光第。帶赴滁州之兵。僅三百名。不能不專派大員。以資督勦。托明阿等。此次奏報。請令雷以誠。仍留揚州。自係未經接到續降諭旨。惟所稱勸捐助勦。必須熟手。亦係實在情形。雷以誠。即著毋庸前赴和州。至揚州之兵。誠難再分。浦口賊巢。亟應力圖攻毀。若徒稱扼守江浦。即以保障和合。豈尚不知和州失

事情形耶。雷以誠。既不能兼顧和州。即著托明阿等督飭將弁。將浦口賊蹤。迅速掃除。方為妥善。袁甲三前奏。有北路緊要。緩赴六安之語。著即體察情形。如須親往督勦。即著與和春。福濟。妥籌辦理。儻和春等專待揚州之兵。托明阿等。則仍令廬州籌撥。各存吟域之見。輾轉貽誤。咎將誰執。袁甲三前奏各情。尚合機宜。諒必能統籌全局。毋誤事機也。將此由六百里加緊各諭令知之。○又諭。王懿德

奏漳州等營官兵。因防勦喫緊。未能調赴江南一摺。覽奏。自係實情。即照所請辦理。至前令該督調漳泉兵一千名赴粵。當已接奉諭旨。廣東土匪蜂起。連失郡縣。省城四面受敵。萬分危急。閩粵壤地毗連。赴援較近。著王懿德遵照前旨。於該省各營內。迅速抽撥兵一千名。派委得力員弁管帶。剋日啟程。前赴廣東省城候調。毋須稍有遲誤。粵省待援急迫。與江南情形迥異。該督斷不准再有推諉。自

干重咎。所有該官兵啟程日期。並著即行馳奏。將此由六百里加緊諭令知之。○又諭。托明阿等奏請飭撥兵餉。以濟急需等語。所有入江助勦之紅單師船。本由粵東捐貲協濟經費。現在該省新起土匪。勢頗猖獗。近省之高明。順德等縣。相機失陷。恐難兼顧。及此至江南原募艇師各船。及陸路各營軍食需餉。亦甚迫切。當此江路攻勦喫緊之時。若因餉絀匱乏。致誤機宜。所關匪細。著怡良。楊以增。

於淮揚淮海淮徐各屬截漕項下並淮北應徵鹽課款內趕緊設法通融籌撥剋日解赴托明阿軍營協濟紅單船經費其陸路各營及艇師各船兵餉仍著該督等遵照前旨分飭所屬隨時撥款源源接濟以期無誤要需將此由六百里加緊各諭令知之○裁雲南各營步兵守兵三千九百八十二名從總督羅繞典請也○己巳

上詣

壽康宮問

皇貴太妃安○諭軍機大臣等楊需奏擊散賊匪漢川黃陂等處漸次肅清一摺並據塔齊布曾國藩奏克復崇陽旋在咸甯大獲勝仗等語馬溪河一帶湖中賊船經我兵勇合力勦擊擒斬甚多北竄賊匪均已擊散其由襄河漢口蔡店擁撲漢口賊船二千餘隻亦經曾國藩魁玉楊昌泗等水陸截勦斬殺焚溺不計其數南北兩軍辦理均甚得手楊需於

二十七日拔營赴省自可與曾國藩通籌全局為水陸並進之舉惟武漢新復應如何酌留兵勇防堵使賊匪不得乘虛覬覦方為妥善現派桂明帶兵馳赴黃岡一帶督同許廣藻等督率練勇鄉團堵剿如能收復黃州楚境一律肅清即可乘此聲威水陸並進會同江西兵船下攻九江直達安慶該署督等相機辦理務臻妥協至馬隊及甯夏延綏等營官兵留駐楊店即可為北路聲援前據楊需奏武漢克復尚有賊萬餘並此次竄出沙口之賊為數尚復不少此時攻勦下游仍須厚集兵力曾國藩等本日奏報尚係克復崇陽其攻勦武漢情形仍未奏到塔齊布陸路官兵此時諒與曾國藩水路合為一軍著俟楊需抵省後商榷挑選精兵水陸進剿朕日盼捷音之至也所有克復武漢情形著楊需塔齊布曾國藩迅速馳奏將此由六百里加緊各諭令知之○前任禮部侍郎曾國藩奏謝

賞三品頂帶恩。並以守制未終。陳情懇辭。得旨。殊不必如此。因執汝能國而忘家。鞠躬盡瘁。正可慰汝亡親之志。盡孝之道。莫大於是。酬庸褒績。國家政令所在。斷不能因汝請。稍有參差。汝之隱衷。朕知之。天下無不知也。○長蘆鹽政文謙等奏。續見夷人詢問來意。情形支吾。得旨。覽奏。足見該夷之虛詞恫喝。無甚伎倆。俟崇禴到後。務須和衷妥商。籌辦。續進夷艇。及該夷有何舉動。迅速密奏。○庚午

遣官祭

都城隍廟。○諭軍機大臣等。向榮奏。攻勦賊營。疊次獲勝。並督催師船上駛情形一摺。上方橋西賊營。經我兵連次攻勦。疊獲勝仗。仍未能破入土城。該大臣現飭鄧紹良。帶領兵勇。由慈湖銅津。沿江直取江甯鎮。進攻板橋。善橋。並抽撥楚兵。令傅振邦。帶往秣陵關。與參將長桂。齊赴江甯鎮。與大營聲勢聯絡。使上方橋賊巢。前後受敵。布置甚屬周密。至吳

全美。所帶紅單船二十五隻。本係向榮提赴上游。屢次接仗。甚為得力。自駐泊采石磯。後逆匪水路接濟已斷。故傾巢出戰。陸路復被大創。前因東西梁山賊船較多。是以諭令托明阿等。於陳國泰所帶船內。撥赴上游。已據奏稱。派撥十隻前往。與吳全美。合力堵剿。合計紅單船已有三十餘隻。兵力較厚。自當力扼上游。使賊船不能下竄。於勦辦機宜。最為緊要。乃據向榮奏稱。吳全美藉口於揚州大

營札調。回攻九洲洲。輒駛至浦口以下。經該大臣嚴行撤斥。復以待解糧餉子藥。及更換蓬纜為詞。種種推諉。實出情理之外。該總兵統帶師船。係歸向榮節制。各兵勇轟擊賊船。本極奮勉。若帶兵大員。意存退縮。勢必又蹈艇師疲玩積習。當此攻勦喫緊之際。豈容任意顛預。著向榮嚴催該總兵。迅赴上游。並著托明阿等。飭令陳國泰。將所撥紅單船十隻。飛速上駛。不准片刻耽延。儻再不遵調遣。即

著該大臣等從嚴叅辦。據楊需奏：武漢現已克復，湖南水師指日即可下駛。至黃州、九江等處，現在蕪湖業已收復。若兩路夾擊，梁山一帶賊船自可剋期殄滅。該大臣務當乘此機會，併力攻剿，毋稍遲延。其金陵逆匪接濟尤當設法嚴斷，毋令到處焚掠。涇太義勇收復蕪湖縣城情形，著查明具奏。向榮所獲逆書，已由軍機大臣呈覽矣。將此由六百里加緊各諭令知之。○又諭：前因江西武甯等處

賊匪未盡肅清，恐武漢克復後，餘匪逃竄勾結。令陳啟邁於湖北接壤地方嚴防。茲據陳啟邁奏：賊船復犯吳城，盡被官軍焚毀。惟由瑞昌翻山越竄之賊，雖被遊擊景星等追殺，逃回興國。其義甯西路苦竹嶺一帶亦經吳錫光擊回湖北。究恐去而復來，未可以目前小有勝仗，致疏防範。且江西地面北鄰楚省，南接粵東，現在韶連各屬粵匪紛起，竄擾長甯、龍南等縣，均經兵勇擊退。該撫仍當嚴飭

鎮道等迅速勒捕淨盡。其由楚入江路徑，不但叢山密箐，皆可伏匿。前此楚賊由崇通竄越，屢窺武義，即為前車之鑒。昨據塔齊布曾國藩奏：崇陽克復，咸甯大獲勝仗，係在攻克武漢以前。楊需亦奏稱：漢川、黃陂等處漸就肅清。是湖北勦辦得手，江西更形喫重。陳啟邁身任疆圉，粵匪楚匪均應籌防，不可稍形疏懈。至吳城賊船雖已勦淨，安慶江面灣泊尚多，即防陸防江亦須兼顧。若曾國藩等水

軍能與塔齊布各軍水陸並進，會同江西兵船前後夾擊，江面自可漸就肅清矣。昨已寄諭楊需等相機辦理。陳啟邁總當防勦兼顧，與楊需等互為聲援，勿稍疏失。將此由六百里加緊諭令知之。○直隸總督桂良奏：辦理夷務情形得旨，亦不必如此慌張。崇綸到彼自能妥辦。汝之出省與否，不可先露其意。即使出省，亦不便與夷酋相見，並不可俾該夷知汝抵津方好。如果須出省時，即調吳廷棟

到臬司任。庚長可代拆代行。○江西巡撫陳啟邁等奏。江西捐務。及協濟楚軍餉需。請歸併一局辦理。得旨。名目固不必另設。然不准盡供本省之用。指日舳舨東下。肅清江面。為數省安危之計。若餉項缺乏。致生意外。恐汝等不能當此重咎也。○以江西吳城勦賊獲勝。賞已革總兵官趙如勝。五品頂帶。餘升敘有差。○以江甯勦賊獲勝。賞三品頂帶護江甯將軍福興。二品頂帶。○辛未。

上辛瀛臺。○諭內閣。塔齊布。曾國藩。奏。水陸大軍。同日克復武昌。漢陽一摺。覽奏欣慰。上年江皖回竄之賊。重擾漢陽漢口。於今夏再陷武昌。臺經降旨。令塔齊布。曾國藩。於收復岳州後。分督水陸兩軍。掃蕩嘉魚。蒲圻一帶。沿江賊壘。會合荊州官兵。乘勝直搗武漢。茲於八月二十一二等日。塔齊布。由油坊嶺進扼洪山。曾國藩。等定沿江三路齊下之策。以陸兵分攻東西兩岸。水師從中路衝擊。遊擊楊

載福等。縱火將鹽關。並東岸花園賊船悉數燒毀。其花園陸路之賊。經知府羅澤南。知縣李續賓。文生李光榮等。分三路進剿。燒其湖邊划船百餘號。躍登木城。斬賊眾大潰。西岸魁玉。楊昌泗之兵。適攻蝦蟆磯賊營。衝進土城。亦縱火焚燒。計兩岸陸軍。擊殺賊匪一千數百餘名。生擒一百四十餘名。割取首級四百餘顆。焚死溺死者無算。道員李孟羣。督同楊載福等。乘勝直追。將沿江木柵燒毀。攻

破漢關。白沙洲。金沙洲。賊營三座。進攻鮎魚套。大燒賊船。江水為沸。李孟羣。率前營西渡。攻漢陽朝宗門。楊載福等。駛出賊前。燒毀賊船輜重。回舟與李孟羣入漢。焚其口內之船。魁玉。楊昌泗之兵。會合夾擊。將晴川閣下木柵。天別山下木壘。盡行攻毀。武昌逆賊。乘夜開東北門逃竄。仍留悍賊數百。在西南城上堅守。我軍於二十三日。用礮向漢陽望山等門轟擊。別遣壯勇。從僻處攀登。舉火為號。各

營擁入殺賊百餘人。生擒偽將軍陳昌貴。偽總制丁履之等二十餘人。漢陽城上之賊。方與水師對擊。楊昌泗已帶兵勇由南門梯繩而入。武昌漢陽兩城同時克復。武昌陸路竄匪經塔齊布在洪山一帶扼要設伏。殲斃賊匪一千數百人。二十四日塔齊布、曾國藩入城安撫遺黎。楊需亦拔營渡江。即著迅赴鄂垣與曾國藩等妥籌善後事宜。並會商分路追剿。肅清楚境。此次克復兩城三日之內焚

舟千餘。踏平賊壘淨盡。運籌決策甚合機宜。尤宜立沛殊恩以酬勞勩。楊需著補授湖廣總督。曾國藩著賞給二品頂帶。署理湖北巡撫。並加恩賞戴花翎。塔齊布著賞穿黃馬褂。並賞給騎都尉世職。廣西升用道李孟羣著賞加按察使銜。並賞給珠爾杭阿已圖魯名號。候選知府羅澤南著記名以道員用。候選知縣李續賓著以直隸州知州升用。並賞換花翎。遊擊楊載福著以參將補用。並賞加副

將銜。守備蕭捷三著以都司升用。並賞換花翎。都司彭三元著以遊擊補用。守備唐得陞著以都司升用。並賞換花翎。同知銜文生李光榮著以府經歷縣丞遇缺即選。已革副都統魁玉已革總兵楊昌泗均著加恩開復原官。其餘出力文武員弁兵勇著曾國藩、塔齊布查明保奏。候朕施恩。諭軍機大臣等塔齊布、曾國藩奏水陸大軍同日攻克武漢二城一摺。覽奏欣慰。已明降諭旨分別加恩。並

令將出力員弁擇尤保奏矣。此次兩城克復聲威大振。北竄餘匪復經楊需疊次剿殺。漸就廓清。是楚省大局已定。即應分路進剿。由九江安慶直抵金陵。埽清江面。曾國藩雖係署任巡撫而剿賊之事重於地方。自湖南東下水陸各路官軍必須該署撫與塔齊布會同調度方能人人用命。斷不能株守省垣。楊需昨奏已於二十七日拔營赴省。諒已與曾國藩塔齊布晤及應如何分兵前進如何留

兵防守當已計議周妥。楊需所稱會同曾國藩等。各選精銳。水陸下擊。湖北善後事宜。交臬司等妥辦。似該督亦擬督師出境。但此時黃州未復。胡林翼尚在岳州。曾國藩等水陸大軍。正在建瓴破竹之時。萬難坐待省城布置完善。再同該督前進。且大江風信靡常。逆踪回竄。固應嚴防。即崇陽等處餘匪。抄襲我軍之後。亦甚可慮。自宜酌留大員督辦。以為大軍後路聲援。若專委之臬司。誠恐呼應不

能。甚靈著楊需與曾國藩塔齊布。妥速商定。即行具奏。曾國藩以殺賊自任。必能謀定後戰。計出萬全。楊需遇事持重。審度精詳。諒不至孟浪同進。致令楚境空虛也。昨據塔齊布等奏。有崇陽餘燼復合。賊官踞城之語。是否所留鈕芳津等。荆勇續有控緝。陳啟邁昨奏。亦稱楚匪窺伺德安義甯。經江西兵勇剿賊。竄回楚境。難保不係此股回撲。著楊需迅即派兵前往撲滅。並飭桂明督同許譽藻收復

黃州等處城池。果能一律肅清。則桂明之兵。即可由黃梅廣濟一帶。開道斜出。仍與曾國藩等會合。庶英山太湖賊援亦斷。皖省勦辦。亦易得手。塔齊布所帶陸兵既畢。魁玉楊昌泗之兵。應否合為一軍。隨同東下。亦著曾國藩與塔齊布。妥籌調遣。並約會陳啟邁飛派兵船。礮船。由九江出勦。以為水路奇兵。勿令該逆旁竄鄱湖。又與義甯等處陸匪勾結。復致蔓延崇通一帶。總之江面必須急勦。餘匪

尤宜嚴撥。沿江勦賊之事。朕以責之曾國藩。塔齊布。楚省防賊回竄。及擒捕江北等處餘匪事宜。朕以責之楊需。該督等務當協力妥籌。不可稍存大意。即官文意有所見。亦可與楊需會商。慎勿各存成見。致誤事機。武昌漢陽殉難。及逃避文武實蹟。現在當可詳查。著即迅速查明。分別具奏。將此由六百里加緊各諭令知之。○湖南提督塔齊布。前任禮部侍郎曾國藩奏報。官軍克復武昌漢陽兩城。

得旨覽奏。感慰實深。獲此大勝。殊非意料所及。朕惟兢業自持。叩。

天速赦民劫也。○以湖南隨營出力。賞都司普承堯等。藍翎。餘升敘有差。○旌表守正捐軀直隸寶坻縣孀婦孫高氏。○壬申。諭軍機大臣等。前因夷船駛至天津。諭令富勒敦泰等。各於所屬海口。嚴密防範。毋許稍涉張皇。茲據富勒敦泰奏稱。派員帶領弁兵。晝夜偵探。一面出示安民。一面親赴海口。並飭備調及

防守官兵。常川操練。聽候調遣。種種舉動。直是有意聲張。而該副都統尚自謂密商密飭。於原奉諭旨。並未認真體會。何喜事至此。夷酋自到津後。經文謙等。正言開導。雖尚未回帆南去。諒亦不敢別生枝節。著富勒敦泰。仍於該處海口地方。嚴密確探。不准妄有舉動。即有夷船駛至。亦應密速馳奏。候旨遵辦。毋得鹵莽從事。以致民情惶惑。別滋事端。懍之。將此密諭知之。○又諭。文謙等奏。接據夷酋

照會。給與照覆一摺。前此文謙。指駁該夷之語。詞意尚屬嚴正。該夷酋等。匿不見面。難保不另有說謊。即使勉強南回。終係不了之局。文謙等。此次給與照會。令該夷向五口地方。聽候咨辦。仍係空言照覆。究竟令其駛回何口。廣東欽差大臣。現在辦理軍務。若一時未能查辦。必又藉詞北來。況夷酋前在上海。即有不肯駛回廣東之語。儻不於此處設法拒絕。杜其覬覦。斷不能折服該夷之心。欽派大

臣一節。萬難准行。崇綸。即係奉旨赴津查辦夷務之員。該夷酋。咆哮等果係任意妄求。即當曉以大義。正言拒絕。著崇綸。於接奉此旨後。密速確查。如果該酋。實係在船。或傳令來見。或設法與之會晤。即與文謙等。妥籌辦理。儻該酋。終不肯見。即諭以此次不能面議之故。咎在該夷。不得再以地方官不與接見。為詞。藉口。瀆訴。文謙前稱。欲出口。就見。恐失體制。所見。尚是。崇綸等。如何與之會晤。即著迅

速具奏。初二日續進海口夷艇是否即在前
次數內抑或另有續來著一併查明具奏。○
又諭蔣霸遠奏調兵勦捕相梓縣匪徒一摺。
貴州相梓縣匪徒楊馮等膽敢糾夥千餘人
擁入縣城打毀衙署監獄現經該撫調集官
兵前往勦辦著即嚴飭炳綱督同參將彭長
春迅速相機撲滅惟據稱匪黨僅有千餘何
以檄調官兵至四千餘名之多是否匪黨不
止此數該撫不肯遽行入告留為續奏地步

軍務重情豈可稍有粉飾著蔣霸遠迅將該
匪滋事實在情形究係因何起釁地方官有
無辦理不善以致激變之處及曾否蔓延他
處確切奏聞該縣文武下落並著速查具奏
將此由六百里諭令知之。○山海關副都統
富勒敦奏奏接奉廷寄派兵嚴防海口情形
得旨如此聲張尚曰密商密飭其誰信之汝
之喜事心性總不能改尚有諭寄汝矣。○以
貴州桐梓土匪滋事革知府朱石曾副將常

勝職。○癸酉諭內閣英桂奏請將升調臬司
各員暫留本任一摺。河南南汝光道新授河
南按察使余炳燾現隨該撫辦理防堵事宜
河南按察使調任陝西按察使林揚祖現有
經手秋審要案均著准其暫留本任。余炳燾
著俟新授南汝光道邊浴禮到任後即赴按
察使新任毋庸來京請訓。林揚祖俟余炳燾
到任後再赴陝西新任。邊浴禮著該部飭令
迅速赴任。○河東河道總督長麟奏報秋汛

安瀾命詣

河神廟祀謝並下部議敘出力員弁升敘有
差。○以河南懷慶許州守城出力實在籍前
太常寺少卿李棠階四品頂帶花翎同知徐
廷煊千總張鳴祿花翎知縣王官亮等藍翎
餘升敘有差。○緩徵河南光息淮甯三州縣
被水被雹村莊新舊額賦有差。○甲戌諭軍
機大臣等前因喫咪兩國夷船駛抵天津大
沽海口難保無另有夷船續至已諭令崇恩

嚴飭海口文武豫為防備。現在該夷在津藉端要求。不過虛詞恫喝。肆其狡詐。經文謙等正言拒絕。反復開導。該夷已理屈詞窮。無可置辯。儻在天津不遂所欲。難保不在東省口岸別有要求。著崇恩密飭登州鎮等探有夷船駛到。或呈遞書詞。別有希冀。一概不得收受。並嚴禁沿海居民人等。不准收買該夷煙土等貨。並接濟食物等項。該撫仍當不動聲色。嚴密防範。毋致人心惶惑。將此由五百里

密諭知之。○又諭僧格林沁等奏勦賊獲勝情形一摺。此次該大臣督派馬步各隊官兵分路進剿。雖已逼近賊壘。斬殺百餘。該逆敗回巢穴。拚死拒守。究未大受懲創。故敢於次日撲我營盤。逆匪占踞連鎮。僅係村莊。並無城郭之固。僧格林沁等圍攻五月有餘。究竟如何。據穴擒渠。尚無成算。且賊糧缺乏。僅食黑豆等語。朕耳聞已熟。若賊巢中果無糧米。則夥黨勢必瓦解。豈有仍以黑豆苟延數月

之理。僧格林沁性情誠樸。或不免受人欺蒙。現在賊匪製造呂公車。欲於初十日前後向北奔撲。即應加意防範。然與其防賊出撲。不如督兵進攻。先發制人。兵家勝著。該大臣等務當趕緊攻剿。勿但以小勝塞責。並以進剿過猛。恐傷精銳為詞。遷延時日至。軍士隨征已及一年。更宜加以激勵。迅將此股賊除。解甲釋戈。共相休息。如久令負隅抗拒。僧格林沁亦何以對各營將士耶。將此由六百里加

緊諭知僧格林沁。並諭西凌阿知之。○又諭托明阿等奏金陵賊匪木簪下駛。嚴飭水師勦除一摺。逆匪於金陵下閘駛出木簪二座。護以船礮。沿南岸下駛。經浦口兵勇將賊船擊退。而該匪木簪由江心大溜直奔下游。李德麟等帶領局艇。既不能奮力追擊。陳世忠督率師船在段要口。又不能認真截剿。所稱轟斃賊匪多名。攻塌木城瞭臺。殊難憑信。至陳國泰所帶紅單船。最為得力。何以於土橋

江面不能堵扼木簪尤堪詫異可見管帶水師將弁因循積習幾於牢不可破吳全美既不遵調遣駛赴下游陳國泰又不能攔截該匪木簪任其乘夜衝突直赴下游該大臣等統領全軍若不力求振作致令紅單各船亦如李德麟等所帶師船不能得力貽誤之罪又將誰諉現在逆匪木簪駛泊鎮江南岸必係窺伺完善之區尤為可慮自應一面嚴防金陵賊簪續行衝下一面將現在木簪用火

攻燬除儘陳世忠在段要口不能扼截張攀龍陳國泰等不能迅速攻剿即著該大臣等從嚴叅辦毋稍瞻徇九洑洲與南岸七里洲均有賊營該處江面甚窄兩岸賊砲對發又於中流排列巨艦橫互鐵鎖意在阻我舟師必應設法擊毀李德麟已折回浦口即著嚴飭該員等會同武慶速將洲地賊營概行轟洗毋再玩延並著督令余萬清實力防剿迅圖克復鎮江梁山賊船既多難保不乘勢下

駛向榮務當督飭吳全美力扼上游使賊勢不能聯絡瓜州逆匪仍著托明阿等於水陸兩路亟圖進剿毋得坐失事機雷以誠現赴焦山親督砲船與陸路諸軍會合環攻如將賊簪擊毀即著迅速馳奏以慰廑念將此由六百里加緊各諭令知之○又諭前以武漢克復水陸各軍亟應為沿江東下之計曹諭令楊甯等或分兵前進或留兵防守會商安辦本日據塔齊布曹國藩奏探剿襄河賊匪

以二十餘號戰船焚毀賊舟十餘隻現在河內逆船無多當可悉數殲除是上游如安陸襄陽南北支流如德安孝感沔陽荊州等處均可無虞牽掣曾國藩等可以揚帆東下肅清江面據稱細察大局尚有三端可慮等語自係實情武漢逃匪皆歸下游斬黃一帶賊尚數萬此次東出長江不得不加慎重況屢勝之下兵勇氣驕轉餉稍遲軍心渙散所籌皆思患豫防之策已諭令裕瑞葉名琛柏貴

陳啟邁籌款撥解以資接濟惟攘外必先安內此時黃州尚未克復崇陽亦有復踞之信均應酌分兵力剪除餘匪省垣善後事宜楊需固責無旁貸至曾國藩等以勦賊自任雖當乘此機會急思順流而下以次攻復沿江諸城然須計出萬全謀定後戰方無挫衄之虞著楊需等悉心布置地方之事朕既已責之楊需則嚴遏亂萌保護餉道該督必須節節妥籌曾國藩塔齊布方能專意勦賊其水

陸弁勇等務須開誠布公消其驕悍之心鼓其勇敢之氣策勵撫綏寬猛兼濟至出力將士尤須及時的保不可使有缺望曾國藩處事情詳必能與塔齊布妥為駕馭若能由九江安慶直抵金陵使長江數千里盡蕩妖氛則從征將弁朕必破格施恩以酬懋績將此由六百里加緊各諭令知之○又諭和春等奏連日誘賊出巢攻勦獲勝並舒城巢縣等處擊敗賊匪情形各摺片此次廬州得勝門

南門突出賊匪各千餘名經江忠潘等帶勇擊勦和春等復親督吉順嵩瑞等帶領兵勇三面合攻斃賊七八百名秦定三攻勦舒城賊匪亦有斬擒其由裕溪口來至巢縣之梁山賊船復經忠秦等督兵擊退覽奏各情仍不過小有斬獲並無制勝之策似此曠日持久雖屢報勝仗究於大局何裨昨據塔齊布等奏督飭兵勇克復武漢水陸各軍指日東下沿江一帶攻勦得手便可直抵安慶進扼

金陵該提督等務當隨時偵探塔齊布等統兵到皖時應如何派兵策應合力夾擊均須豫籌妥辦廬州賊匪經官兵屢次戰勦為數當已無多和春等務當激勵將士併力進攻聚而殲旃勿留餘孽一面嚴飭地方團練兵勇斷賊接濟尤為要著其關山一路雖經派有恩錫帶兵駐守該處為南北要隘該提督等仍當隨時查察並知照袁甲三先將烏江等處賊船盡行勦除庶下游賊踪不致續行

上竄秦定三。攻勒舒城。已經數月。總未能克。復縣城。著即飭令乘勝進攻。毋再多延時日。前據向榮奏。蕪湖城邑。現已收復。並經派兵駐劄該處。是否足資防堵。東西梁山賊船。屯聚尚多。難保不紛竄肆擾。並著嚴飭忠秦等。加意防範。仍迅圖攻復巢縣。不得稍有延誤。將此由六百里加緊諭令知之。○又諭。塔齊布。曾國藩奏。軍營需餉孔亟。懇請飭廣東四川飛速籌解等語。現在武漢甫經收復。攻勒

正當喫緊。若餉項少缺。致失機會。所關非細。湖南省庫。萬分支絀。曾國藩等因陸兵太多。尚擬添募兵勇二千。尤當豫籌接濟。著裕瑞。葉名琛。柏貴等。各迅速籌銀數萬兩。解赴曾國藩等軍營。以濟軍食。廣東雖現辦土匪。仍當於無可籌撥之中。設法措解。至四川省前由酉陽州解往之項。是否業已出境。並著裕瑞。嚴行催趲。毋任逗遛。前據葉名琛等奏。廣東土匪勢甚猖獗。致省城被圍。道路梗塞。日

久未據續報。殊深懸繫。著葉名琛等。將現辦情形。迅速具奏。以慰廑念。將此由六百里加緊各諭令知之。○又諭。本日據塔齊布。曾國藩奏。楚軍需餉緊急。請飭籌撥等語。塔齊布。曾國藩帶領湖南一軍。水陸並進。自岳州而下。克復武昌。漢陽。漢口。乘此破竹之勢。指日即可建瓴東下。由楚入吳。為廓清江面之計。當此事機緊切。軍行糧餉。尤必豫為籌備。江西鄰省。最為切近。著陳啟邁。在於該省。不拘

何項迅速籌撥銀八萬兩。即行派員。徑解塔齊布。曾國藩軍營。以應急需。該省於楚軍撥餉。前此計解過銀七萬餘兩。頗資接濟。此時軍威大振。乘勝直前。為萬不可失之機。且自九江湖口。轉戰而東。即可以為豫章全省屏蔽。其餉項沿途解送。亦極便速。該撫務當竭力妥籌。設法運濟。俾不至有停兵待餉之虞。斷不准以籌項維艱。藉詞推諉。將此由六百里加緊諭令知之。○以派員隨同湖南官兵

克復湖北省城予荊州將軍官文優敘予安徽陣亡千總吳映龍殉難訓導王福永祭葬世職並王福永妻孫氏子文童廷珍廷琮旌卹如例以安徽紳民捐貲勦賊出力免英山霍山兩縣咸豐三四年額賦並永廣英山縣文武學額各一名乙亥諭內閣御史唐壬森奏私鑄大錢情實人犯請量從末減等語所奏殊屬非是此等奸民趨利冒死明知禁令所在法不容寬猶復甘蹈刑章以

身嘗試該御史既稱處以情實誠足蔽辜又稱其情可憐請從末減何自相矛盾至此且該御史亦知新決已有數起私鑄仍未哀息是繩以重法猶恐未能盡絕奸萌乃稱齊民不專恃重典豈故示寬縱轉足以懲奸化莠乎即如所奏或令出錢贖罪或令致死殺賊尤屬不成政體定例納銀贖罪即徒杖以下均以有力無力為斷若新絞情實人犯則從無納贖之條該犯等私鑄圖利多係因貧起

意豈能責納罰錢託空言而撓憲典至此項人犯貪利玩法無論其不能悔過自新縱使真能效死而各路兵勇累萬盈千何至少此數十刑餘之人必欲藉其死力耶該御史所奏著毋庸議○革職留任江南河道總督楊以增奏河工平穩請擇出力人員覈實保奏得旨現在決口尚未堵築斷難准汝保奏河員且各廳節省錢糧分所當為豈能許其優獎沽譽見好可惡已極○賞四品宗室溥煦

一等鎮國將軍繼親王銜定郡王載銓為副

丙子

上詣

壽康宮問

皇貴太妃安○諭軍機大臣等勝保等奏初五日轟塌州城仍未能登時克復一摺所敘於東北一面獨詳其東南西南正西三面僅止拔柵豎梯無路可上數語逆賊止有此數豈能面面死拒若如所奏東北面進攻如此緊

急則其餘各門賊守必懈何至仍以槍礮阻
隔為詞上城兵勇已有四五十人何以不見
陸續攀登東西兩面賊礮既皆移於東北何
以不即從移去槍礮之處設法攻上明係兵
心未齊不能同時並舉以致先後參差彼此
觀望使賊得以面面設防殊為可恨轟開城
垣至五丈有餘缺口不為不寬帶隊各官屢
傷不退將心不為不奮此等緊要機會而顧
以煙濃路窄藉作俄延坐令垂成之功失之

實錄卷一百四

三

頃刻諉云蓄養銳氣以圖再舉試思我兵養
銳之時非即逆賊堵築修補之時耶設再舉
而仍復如此則克復當在何時數日總能克
復之語勝保已屢屢言之大言無效朕實為
之憤愧德勒克色楞善祿崇恩與勝保共辦
一事亦不能事事諉之主帥看此次分攻各
門情形德勒克色楞等不能接應之咎亦無
可辭若再似此貌合情睽致州城仍不能破
或破城之後餘逆分路竄逸何路疏懈朕必

重治何路督兵大員之罪勝保等勿謂朕不
能洞悉其隱也將此由六百里加緊諭知勝
保並諭德勒克色楞善祿崇恩知之○欽差
大臣勝保奏吉林佐領圖桑阿等受傷情形
得旨傳知該員等俟州城克復即予優獎以
昭激勸○賞親王銜定郡王載銓子溥煦二
等侍衛在大門上行走

實錄卷一百四

三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百四十四

庫司員等。均著查取職名。交部議處。兼管順天府府尹賈楨。於此案書吏舞弊。先行查出。著加恩改為察議。管理三庫之王大臣著一併察議。○四川總督裕瑞奏。黔匪攻陷桐梓。調派兵勇前往綦江等縣防堵。得旨。覽奏。改調添調防兵。及萬福等馳赴綦江各情。布置尚妥。以後情形。速行馳奏。現在賊數雖多。皆係烏合。不可稍涉張皇。○西甯辦事大臣吳必瀄奏。迎接哲布尊丹巴呼圖克圖呼畢勒

罕之庫倫蒙古官員。據青海左右兩翼正副盟長呈稱。蒙古連年被搶。無力派撥兵丁。現已雇募兵丁。護送赴藏。得旨。著照所奏。不必再行添派。以示體恤。○賞署湖北巡撫曾國藩。兵部侍郎銜。辦理軍務。以江蘇布政使陶恩培。為湖北巡撫。未到任前。以湖廣總督楊需兼署。賞己革刑部侍郎雷以誠。三品頂帶。為江蘇布政使。仍留揚州軍營。幫辦軍務。以江蘇蘇松太道楊能格署布政使。○以廣州

協領國蔭。為福州副都統。西甯辦事大臣吳必瀄。因病辭任。賞福州副都統東總副都統銜。為西甯辦事大臣。○賞幫辦軍務己革直隸提督陳金綬。三品頂帶。予湖北陣亡知縣吳振鏞。守備銜黃鵬程。驍騎校貴松。祭葬。世職加等。隊長李錦陞。監生王瑞芝。祭葬。世職如千總例。○己卯。

上詣

永安寺拈香。○諭軍機大臣等。向榮奏。太平

采石。連日獲勝。並下游水陸堵剿情形。一摺。詳閱原奏。鄧紹良。傅振邦等。連日采石之戰。斬獲雖不為少。但察看賊情。似非悍賊。死黨恐係以小勝驕我兵心。而兩梁山。及全柱閣等處賊船。復以大股突撲。該大臣既將傅振邦之兵。併歸鄧紹良統帶。即著飭令該員。加意嚴扼。能進則進。使上游對剿各賊營。不能安穩久踞。方操勝算。吳全美。葉常春。所帶兵船。擅自折回。本屬可惡。該大臣既稱嚴催該

總兵等速破九洲賊營立即上駛著即嚴催趙提若該總兵等藉詞延宕既不速攻洲地又不進扼太平或於埽清賊巢之後又託言協勦瓜州置上游於不顧即著據實嚴叅連前此不聽節制之罪一併重懲蕪湖為上游要口浙江兵勇既難得力自應以勁兵協守該大臣所稱檄調赴徽川兵往蕪湖而令甯國兵勇助勢意在酌量兵勢強弱為布置之先後蕪湖甫經收復兵力未充果能添兵嚴扼則徽郡之藩籬自固著將詳細情形知會黃宗漢妥籌辦理至所奏賊殲下駛等情與托明阿等前奏大略相同現在賊殲是否仍泊鎮江南岸抑又駛往下游雷以誠前赴焦山一帶福建派來之總兵孫雲鴻亦在該處能否相度情形迅將賊殲設法攻燬並著據實奏聞陳世忠在段要口能否得力李德麟已回浦口吳全美葉常春尚未上駛師船不為不多洲地賊巢不過兩三處何以不即

進攻瓜州已屬殲九洲地尤為狹小若逆匪每占一處即牽掣一路得力之兵何日始能肅清江面鐵鎖橫江之技該逆前此即已有之曾被我兵設法攻破此次豈不能照辦況師船全在江北托明阿等即責無旁貸著即迅速勦除使烏江之賊退無所踞自不敢上竄滁州等處關山全椒雖皆派有防兵若水路不斷則陸路終不能防此係南北緊要關鍵托明阿等豈可玩泄視之耶向榮摺內有現聞瓜州攻勦得手賊勢已窮之語托明阿等如何籌攻務當迅速進勦儻一勝之後輒復停兵數日或賊匪出撲始行督兵抵禦是賊逸我勞雖有勝仗終難攻克况上游紅單船業已折回現在金陵瓜鎮賊援復通使不先復瓜州豈非前功盡棄該大臣等萬不准再事耽延任令負隅死守將此由六百里加緊各諭令知之○又諭陳啓邁奏九江官軍進勦失利一摺楚北逆眾既經上游兵勇追

勦得手。則潰敗餘匪。紛紛下竄。本應及早籌防。九江一郡。為江路咽喉。久經該逆盤踞。此次復添集賊船。乘虛來犯。帶兵員弁多有傷亡。湖口彭澤一路。仍探有匪船多隻。揚言上竄。此時欲保守省垣。總以併力先攻九江。扼其來路為要著。鄰省援兵。一時難以徵調。曹國藩等水陸兩軍。雖可指日東下。然亦不能坐待此軍。任令逆蹙更肆猖獗。該撫現派臬司譚光宸。添帶兵勇。並飭吳錫光帶勇在建

昌會合。務令鼓勇直前。以勦為堵。斷不准逗遛建昌。致賊艇竄入鄱湖。更難措手。仍一面激勵官紳民勇。協同防剿。以助兵力之不逮。其趙如勝所領水師。與其徒令防守。究不如出湖迎剿。以遏兇鋒。至武甯股匪。尚未勦除。自應妥籌兼顧。若俟彼處賊匪勦除淨盡。再圖攻克九江。是否不致遲誤。該撫務當通籌全局。相機而行。毋令有用之兵。徒勞往返。另片奏。江南大營糧臺。仍飭原辦之員經理等

語。著照所請。所有向榮糧臺事宜。現有彭玉雯經理。其先後支用報銷。著卽責成鹽法道熊莪。督率經手委員。覈實造報。以免轉轉。將此由六百里加緊諭令知之。補鑄湖南龍陽縣知縣印信。從巡撫賒東章請也。○予山西平陽等處殉難外委韓榮壽。布政司理問銜仇恩。覃祭葬世職。貢生傅煜等十四名。賞卹如例。追予曲沃縣殉難知縣丁璜。建立專祠。官紳士民附祀。○予江西陣亡遊擊景星。

把總高光裕。外委黃貴珍。祭葬世職。○蠲免山西洪洞。垣曲二縣。並展緩襄陵。絳二縣。上年被擾地方額賦。○庚辰諭內閣。邵燦奏。訊明革員被叅各款一摺。此案已革在籍候補中書丁晏。先經福濟訪查。有藉辦團勇。斂錢擾害等情。奏叅革審。並有職員高潤懷等。列款呈控。案據如果。叅控皆屬虛誣。該革員何難靜候審結。以期水落石出。乃輒遣其子丁壽昌。在京控訴。鳴冤。復牽涉福濟。幕友鮑桂

生。挾仇陷害等情。既據邵燦訊明。該革員未能指出陷害確據。其為有心狡執。已屬顯然。又豈得僅憑該革員避就之詞。將訪單內所有各款。全為開脫。且福濟原奏。稱其挾詐求財。擾害閭閻。人所共知。而邵燦乃撫拾其辭。圓並無侵吞一語。代為迴護。似此頑劣之徒。若不嚴行懲辦。何足以儆效尤。著交江甯布政使文煜。將全案人證卷宗。就近提集。秉公研訊。定擬具奏。毋許稍涉瞻徇。致滋輕縱。○

諭軍機大臣等。羅繞典等奏。防堵緊要。仍請暫留署任總兵等語。并投廣西左江鎮總兵色克精阿。前因接替無人。暫准留署鎮遠鎮篆務。茲新任鎮遠鎮總兵金剛保。業已到黔。應即交卸。况現在廣西伏莽未清。土匪不時出沒。該省又無實缺總兵。正在需員督勦。著羅繞典。將霸遠。即飭色克精阿。速赴廣西新任。毋許再留黔省。鎮遠下游一帶。即飭金剛保。嚴為防範。該總兵於貴州情形。尚未熟悉。

並著隨時察看。如其人地不宜。即著該督等酌量揀員調署。總期營務邊防。實有裨益。將此由四百里各諭令知之。○又諭。昨據向榮奏。閏七月間。據黃宗漢以賊竄祁門。將抵徽郡。浙省危急。乞師救援。當經調撥四川兵一千名前往。嗣因賊匪退出。擬將川兵移撥太平蕪湖。乃為徽甯官民苦留等語。已諭令向榮。將詳細情形。知會黃宗漢妥籌辦理。但未據黃宗漢奏聞。不知徽州境內匪蹤。果否全行擊退。抑有未能淨盡。尚煩兵力之處。江面屢獲大勝。不能不慮及該逆旁竄。徽甯腹地固須防堵。而蕪湖為進口扼要之區。尤為喫緊。著黃宗漢與向榮。熟籌兼顧。總以不令賊船駛入內河為要。數月內。浙省摺報。並未到京。是否存途耽誤。抑該撫竟未暇拜發。殊深繫念。且粵東全省騷動。各路文報不通。前此葉名琛等奏報。即由浙江馳遞。此時浙江既久無摺到。粵東消息。更不知若何。著黃宗漢。

查明前此具奏事件。有無遺失。並探明廣東。如有由浙馳遞之件。飭屬趕緊轉遞。不得稍有遲延。仍將兩月來浙省布置事宜。迅速具奏。將此由五百里諭令知之。○漕運總督邵燦。奏陳審擬已革中書丁晏被參各情。得旨。若皆似此等訊結。朕任爾大員何為。不但該革員避重就輕。邵燦亦代為避就。似此劣頑之徒。尚如是迴護。不知邵燦尚有何顏立於天地之間耶。○貴州鎮遠鎮總兵官金剛保。

奏報到任日期。得旨。一切訓練操防。因應勤加講習。惟汝性情稍覺遲緩。不可墮於因循方好。○補鑄江蘇婁縣知縣印信。從巡撫吉爾杭阿請也。○辛巳月食。○諭軍機大臣等。崇綸等奏。味嘆二國夷酋。進口見面。詢出朱意。並酌辦情形一摺。十三日。崇綸等與夷酋麥達吧。吟接見。措詞尚屬得體。另片所陳各情。亦頗周密。至該夷呈出變通清摺。所開各條。均屬荒謬已極。必須逐層指駁。以杜其無

厭之求。即如與中國地方官交往一節。本有議定體制。地方大吏。各有職任。豈能於該夷所到之處。輕於會晤。至賃買房屋地基。運費貨物。亦應遵照舊約。斷難任其隨地建造。任意往來。況揚子江本非夷船應到之地。而海岸捕魚採礦等事。更於通商無涉。是直欲於五口之外。別生窺伺。侵占之意。向來納稅或用紋銀。或以洋銀折交。歷久奉行。從無用金之說。即中國錢糧。亦未有用金交課。又所稱

貨物暫存官棧。由該商與中國稅關看守。更無此理。京師為輦轂重地。天津與畿輔毗連。該商欲派夷人駐劄貿易。尤為狂妄。吧吟所稱鴉片納稅。及欲進粵東省城。尤為反覆可惡。其餘各條。較之味齒。更屬闕礙大局。務當按款正言駁斥。杜其妄求。至民夷相爭。原有成約可稽。近來地方官有無審斷不公。准其行查該督撫秉公辦理。上海匪徒滋事。貿易維艱。如果夷商因此賠累。欲免欠稅。朕撫馭

中外柔遠為懷原不難稍從減免但應如何
覈減之處亦須由該省督撫查明的辦至廣
東茶稅據稱濫抽每擔二錢天津亦無成案
可考必須由兩廣總督辦理以上三款尚可
允其查辦此外各款概行指駁崇綸等即作
為己意據理曉諭一面允其代奏一面飭令
回粵如該吏執意不肯折回亦可許其赴工
海由怡良等酌覈辦理但不得輕率允許總
以飭回廣東方為妥善並可云天津本非五

口可比此次該吏跋涉風濤是以姑允代奏
儻再反覆不遵嗣後復至天津斷不能如此
次以禮相待並將該吏所遞節略即行擲還
崇綸等指駁夷首後如何情形迅速馳奏並
嚴密防範以備不虞○以福建鹽法道瑞璜
署按察使○命浙江按察使黃樂之來京以
甯紹台道晏瑞書為按察使○壬午諭內閣
勞崇光奏匪徒竄擾縣城疊經勒洗殆盡一
摺廣西宣化縣匪徒梁大等膽敢竄至武緣

縣境肆行搶掠並入城滋擾經該縣知縣彭
昌集署思思營遊擊李成瑞派兵集團疊加
痛剿並攻破賊巢將首匪擒戮匪黨殲除殆
盡該地方文武於賊匪入城肆擾雖經設法
擊退並疊次痛剿究屬疏於防範彭昌集李
成瑞著即革職暫行留任以觀後效所有出
力員弁紳團人等著勞崇光擇尤保奏毋許
冒濫仍著督飭文武將在逃首匪陸九成等
嚴拏務獲盡法懲治毋留餘孽○諭軍機大

臣等楊需奏馳抵省城查看情形會籌追剿
並收復黃州府武昌縣城池各等語現在曹
國藩塔齊布水陸之師均已分起東下楊需
業飭魁玉楊昌泗福斯雙保與桂明會合同
往並咨江西安徽一律堵剿所等尚合機宜
前降旨賞給曹國藩兵部侍郎銜辦理軍務
毋庸署理撫篆誠以楚北兵威大振曹國藩
即可與塔齊布同出長江以次掃蕩九江等
處賊艘順流收復安慶各城不能復拘以職

守。即該督等所議以戰為守。一勞永逸之計。惟精銳俱出。內地空虛。夏廷樾已抵長沙。即著飭赴新任。無庸前往四川。武漢既復。岳州防務較緩。並可飭令胡林翼速來楚北。以資彈壓撫綏。曾國藩等專意東下。得楊需後隊之師。既可互相策應。如楊需督兵會剿。有夏廷樾等駐劄近省要隘。亦可後顧無虞。層層布置。總宜計出萬全。惟漢川應沔一帶。湖澤既漸肅清。襄陽即非喫緊之地。豐伸前此所

駐各兵。應移何處截扼。楊需務即咨商王慶雲。速飭豐伸。擇要移防。以便該督等出境剿賊。崇陽縣城復被賊陷。官文曾咨商楊需。與塔齊布撥兵往剿。該督務當戰守互資。內外兼顧。所稱省垣殘破。善後事宜。以造船鑄礮練兵儲糧為要務。自應次第舉行。該督責無旁貸。務當擇要駐兵。妥籌布置。總期沿江痛加剿洗。使該逆窺伺之心絕。則楚北之民安。至兵餉一節。已飭四川。山陝各督撫撥解。並

飭部迅發執照。以便勸捐。惟曾國藩。塔齊布。各營軍餉。向來取給於湖南。現在相距路遠。轉運更難。該督須隨時接濟。毋令匱乏。襄陽等處。尚屬完善。仍當設法勸捐。不得專恃鄰省。楊需以總督兼署巡撫。封疆應辦之事。當飭藩臬道府等。妥為經理。勦賊機宜。仍須與曾國藩等熟思審處。江皖毗連楚鄂。以後追剿情形。迅速奏報。以慰懸繫。將此由六百里加緊諭令知之。又諭。本日據楊需奏黃州

府。武昌縣均已收復。曾國藩。塔齊布。水陸之師。已分起下行等語。前此接剿襄河賊匪。曾國藩奏稱。細察大局。尚有三端可慮。當即諭令乘此機會。謀定後戰。誠以免復沿江諸城。在此一舉。必當計出萬全。斷不可稍有挫衄。現在黃州。武昌。次第收復。我兵水陸並進。其行抵何處。及如何布置情形。諒曾國藩等。必有奏報。在途黃州。賊匪水陸奔竄。大治。蘄州。興國一帶。江面賊船。聚泊尚多。我兵乘勝追

勦自必勢如破竹。惟黃州而下。卽係九江。該郡久為賊踞。前據陳啟邁奏。官軍進勦失利。湖口彭澤一帶。探有匪船多隻。揚言上竄。該撫雖已派臬司惲光宸。及趙如勝等。水路防勦。其能否克復九江。殊難豫定。若上游追勦得手。難保賊船不竄入鄱湖。設再蔓延江省。牽綴我師。不能順流直下。則勦辦又費周章。曾國藩等。務當統籌全局。一面迅速進兵。得江一面。知會陳啟邁。前後夾擊。以期一鼓殲

除。毋留後患。至皖省久遭蹂躪。安慶府城賊已踞為巢穴。勢必負隅死守。况廬州尚未克復。江北一帶。如無為和含等處。江南一帶。如池太所屬。多為賊踞。太平蕪湖。雖經克復。兵力尚單。逆匪屯聚東西梁山。及金柱關等處。每欲乘間窺伺徽甯。以現在情形而論。向紫派赴太平之兵。僅有二千餘名。滁州關山。及全椒等處之兵。亦僅有一千七百餘名。南北兩岸。兵力究嫌單薄。曾國藩前已賞給兵部

侍郎銜。毋庸署理湖北巡撫。既無地方之責。即可專力進勦。但必須統籌全局。毋令逆匪南北分竄。方為妥善。並隨時知照江皖各撫。及托明阿。向榮等。西路兜擊。以期直搗金陵。固不可遽延觀望。坐失事機。亦不可銳進貪功。致有貽誤。諒曾國藩等。必能兼權熟計。迅奏膚功也。將此由六百里加緊諭令知之。○又諭。勞崇光奏。請飭催四川。廣東原撥兵餉。速解廣西。以濟急需一摺。粵西兵丁待餉孔

殷。專望川廣撥解。藉資接濟。著裕瑞。迅將原撥銀十萬兩。委員星夜趲解。業名琛。柏貴。亦將該省應解本年餉銀十萬兩。迅速批解。毋再遲誤。以重軍糧。至廣東省土匪滋事。是否漸就撲滅。何以日久未據續報。並著業名琛等。隨時速奏。以慰廑念。正在寄諭間。復據楊需奏。黃州府武昌縣。次第收復。軍營餉需。僅數月內支發。請飭四川等省。協撥等語。現在下游追勦。甚為喫緊。鄂省蹂躪已久。無款可

籌。若因軍需稍有缺乏。致失勦匪機宜。所關匪細。著裕瑞於該省無論何款內。籌銀十萬兩。即日委員解赴楊需軍營。以濟急需。勿稍延誤。夏廷樾現抵長沙。已據楊需催赴藩司本任。所有前次諭令赴川辦理捐輸。及籌辦戰船各事宜。著裕瑞另委委員督同辦理。其撥餉起解日期。並著裕瑞葉名琛等。趕緊咨明勞崇光楊需。以便派員迎提。將此由六百里加緊各諭令知之。○補鑄廣西按察使印

信。從巡撫勞崇光請也。以廣西懷遠縣城被賊竄陷。革知縣孫志銘。參將福謙。典史孫畚職。○以廣西象州守禦不力。革知州盧承薰。把總郭岐。吏目俞承錫職。予殉難學正白杰。祭葬世職。貢生林歡培。生員羅禹颺。賞卹加等。○予湖北殉難布政使岳興阿諡剛介。贈署按察使李卿穀。布政使銜諡愍肅。均予祭葬世職。於武昌省城建立專祠。知縣俞恆瀄。祭葬世職。附祀李卿穀家丁樊升。一併予

卹附祀。旌表守正捐軀廣東新會縣孀婦鄧周氏。並嫡媳鄧歐陽氏。○命山西巡撫恆春。陝西巡撫王慶雲。各撥銀五萬兩。解赴湖北。以備軍需。○癸未。諭軍機大臣等。羅繞典等奏。桐梓逆匪分陷鄰縣。竄偏郡城一摺。此股匪徒。據蔣蔚遠前奏。夥黨不過千餘。何至十餘日閒。連陷兩縣。旋撲郡城。該地方官平日漫無覺察。臨事倉猝。以致文武員弁陣亡。實堪痛恨。該撫前調本省官兵。已四十一百

名。加以續調各路官兵三千名。兵力不為不厚。趙萬春既已先行馳往。蔣蔚遠亦即擬出省。著即督飭各路官兵。四面兜剿。迅速撲滅。此等烏合之眾。急則驚潰。緩則負隅。總須乘其未熾。雲集環攻。方不致蔓延為患。其蔣蔚遠請調之雲南精兵二千名。即著羅繞典如數調撥。選派得力鎮將管帶。星速馳往兜截。不得稍有延誤。至所稱軍需無款可籌。請由雲南藩鹽各庫內。撥銀二十萬兩等語。昨據

吳振械奏滇餉久絀自係實在情形惟黔省
瘠苦尤甚於滇他省又斷無可撥者該督與
吳振械妥為籌畫無論何款速行解往蔣爵
達不可不兼顧兩省坐耗鄰疆鉅餉也省城
布置事宜即責成炳綱妥辦毋得過涉張皇
以致人心搖惑將此由六百里加緊各諭令
知之○又諭前據裕瑞奏貴州桐梓縣城被
匪攻陷派兵前赴綦江等處嚴防並咨行提
督萬福等馳往督辦○又據蔣爵達等奏桐梓
仁懷兩縣失守並賊匪攻撲遵義府城各情
形現在蔣爵達與提督趙萬春親帶官兵前
往剿辦該處與四川之合江綦江等縣壤地
毗連賊匪係烏合之眾一聞大兵雲集難免
紛竄滋擾著裕瑞知會萬福並飭令曹澍鍾
督帶前撥官兵迅速分投馳赴各該處擇要
堵禦並著探明賊勢如果猖獗必須會剿即
令萬福等帶兵出境迎擊以勒為堵較之株
守本省邊界更為得力無得稍存畛域致誤

機宜其現在如何辦理之處即著隨時馳奏
將此由六百里加緊諭令知之○雲貴總督
羅繞典奏黔省營兵現多調派出征一時驟
難裁汰請展限辦理得旨所奏尚係實情著
照所請分別辦理○以恭親王奕訢為宗人
府宗令以鄭親王端華為宗人府右宗正
管理欽天監事○調鑲黃旗漢軍都統恭親
王奕訢為正黃旗滿洲都統○正黃旗滿洲都
統奕湘為鑲藍旗滿洲都統○鑲白旗蒙古都
統柏蔭為鑲黃旗漢軍都統以刑部尚書德
興兼鑲白旗蒙古都統仍兼署正藍旗滿洲
都統○以恭親王奕訢為閩兵大臣○以怡
親王載垣為總諸達○以惇郡王奕諒管理
武備院事○御前大臣僧格林沁管理奉宸苑
事務○追封故親王銜定郡王載銓親王○命
恭親王奕訢帶領侍衛十員往奠茶酒賞給
陀羅經被並銀五千兩治喪予祭葬諡曰敏
以其子一等鎮國將軍溥煦襲郡王爵○以

貴州桐梓匪徒竄陷仁懷縣城總督羅繞典巡撫蔣蔚遠提督趙萬春下部議處予陣亡知縣陶履誠容保奏遊擊保山把總王明安祭葬世職生員曾占魁優卹如例甲申上詣

壽康宮問

皇貴太妃安○諭內閣樂斌裕瑞奏土司控案礙難依照學臣斷擬一摺四川西昌縣土婦安安氏呈控一案本係地方事件與學校無

涉自應歸該管地方官秉公審辦學政何紹基輒於按試時據訴訊問咨請裕瑞從權辦理殊屬非是何紹基著交部議處所有安安氏原案仍著照該將軍總督所議辦理○諭軍機大臣等吉爾杭阿奏密陳夷情一摺所奏原為保全稅務起見然一味遷就即受其挾制之方夷船通商以道光二十四年互換條約之日為始現尚未滿十二年而該夷已藉口變通居心實屬叵測現在咆哮參運在

天津各邊節略情理悖謬萬難俯准之處不一而足而喫夷為尤甚其中惟民夷相爭請為伸理及上海滋事求免欠稅並廣東近年加抽茶稅每擔二錢欲請停止三款尚屬細故已諭知崇綸文謙等據理曉諭令回廣東或上海查辦其餘顯背成約一概斥駁乃該撫輒稱夷酋所求祇係請派欽差並非悖謬豈該夷所遞各條竟未向吉爾杭阿提及耶朕非以該撫代行陳奏為冒昧實以該撫不

能拒絕為無識此次崇綸文謙等一面擲還夷稟亦何嘗不一面入奏但其理論力爭之處皆係作為己意俾該夷知非分之求不能輕易上達即如以上所指三款並非即行允准亦仍令回廣東上海聽候查辦即此已是變通之法何必欽派大臣耶現在天津辦理稍有端倪儻竟遵諭南返怡良吉爾杭阿亦止准就此三款中妥籌辦理以示羈縻不准另生枝節想崇綸文謙等於該夷回駛時亦

必將連日駁詰情形詳細知會該督等悉心體察辦理也。將此由六百里各密諭知之。○又諭。曾國藩等奏統籌三路進兵直搗下游一摺。覽奏布置各情甚合機宜。以長江大局而論。楚北上游既已漸次肅清。則各路官軍乘勝東趨。自成破竹之勢。楊需前奏坐守不如進攻。擬親督後隊會合下擊。今曾國藩等定擬南北兩路。一由塔齊布進攻興國等處。一由楊需派令桂明等進攻蘄州一帶。曾國藩水師則由中路直下。似此三軍齊發。直搗賊巢。原屬制勝上策。但下游賊踪蟻集。我兵分道進攻。若非首尾相顧。聯絡一氣。則能分而不能合。殊非兵家所宜。所籌於黃州會合北軍。於田家鎮。富池口。會合南軍。雖聲勢不至隔絕。但兵機移步換形。賊情亦詭詐百出。總須出奇應變。步步為營。以免孤軍深入。方操勝算。其桂明一軍。較之楚南兵勇。強弱是否相當。儻彼強此弱。南岸被勒緊急。該逆必

至伺隙北渡。該督等曾否慮及。此次東下之師。關繫大局轉機。務期成算在胸。相機籌辦。能制賊而不為賊制。庶可次第廓清也。將此由六百里加緊諭知楊需。曾國藩。塔齊布。並諭桂明知之。○以湖南岳州等處勒賊出力。賞外委黃三清等藍翎。餘升敘有差。○命陝西巡撫王慶雲等銀二十四萬兩。解赴兵部侍郎銜曾國藩行營。以備軍需。○乙酉。諭內閣。諱齡奏。達賴喇嘛等以賊氛未靖。欲為降經。祈令迅就殄滅等因。呈請代奏一摺。該達賴喇嘛等哀懇實出。至誠朕甚嘉悅。達賴喇嘛著加恩賞給哈達一塊。念珠一串。呼徵阿奇圖呼圖克圖著賞給哈達一塊。交駐藏幫辦大臣轉給該達賴喇嘛等祇領。○又諭。諱齡奏。哲布尊丹巴呼圖克圖呼畢勒罕。可否從呼徵阿奇圖呼圖克圖受戒之處。請旨一摺。哲布尊丹巴呼圖克圖呼畢勒罕。向依達賴喇嘛受戒。惟達賴喇嘛既係現未及歲。且

又未受格隆大戒著照所請哲布尊丹巴呼圖克圖呼畢勒罕著即依從呼微阿奇圖呼圖克圖阿旺依什楚琛佳木參受戒傳習經呪○諭軍機大臣等前因廓爾喀國王呈遞表文請派兵隨同勦賊當即諭令諄齡檄知該國王無須派兵助勦該大臣接奉後自應將諭旨大意擇要宣示乃本日奏到檄諭擬底於寄信諭旨不知慎密全行鈔錄實屬糊塗不諳體制且所擬檄語是否已傳知該國王摺內亦未聲明更屬含混已諭軍機大臣代擬檄諭一道該大臣接奉後即鈔錄曉諭該國王儻諄齡所擬檄諭業已發去此道檄諭仍著恭錄宣示斷不可再將寄信諭旨告知外夷也將此諭令知之○湖南巡撫駱秉章奏粵匪攻撲全州調兵防勦獲勝得旨覽奏赴援獲勝各情均悉仍應不分畛域趕緊會合勦除又奏官軍由武昌東下請飭速籌協濟軍餉以利師行批曾國藩軍餉已有旨

實錄卷四百五

三

飭撥江西陝西兩省該營自有委員經理不必由湖南派往惟船礮實為要需務期趕造完竣迅速東下又奏遵旨調兵赴粵援勦又批所辦尚是若有委員可兼護提督仍應飭多順赴粵方好又奏遵查楊秀青蹤跡俟確詢明白後再行辦理又批去歲該逆自添禾乃師偽號與此相似著切實根究據實密奏梁永泰呈訴之語顯係畏罪自首○駐藏幫辦大臣諄齡因病辭任賞大理寺卿毓檢副都統銜為駐藏幫辦大臣○丙戌諭軍機大臣等邵燦楊以增奏洋匪肆擾趕籌會勦一摺據稱黃河海口有洋盜勾結濱海土匪肆行搶掠業經委員訪有洋匪五股每股數百人其頭目有王大老虎陳二將軍等名目時在洋面劫掠又於海灘築壘穴壕藏有槍礮器械等語黃河海口與上海海洋面相距非遙現在滬城尚未克復設此股匪徒乘間潛煽沿海一帶地方更難安謐且轉瞬辦理海運

實錄卷四百五

三

若海淤沙地被匪徒占踞更恐有意外之虞。現經邵燦等派委中河通判朱善張華蕩左營守備楊鎮華帶勇會同漕河水陸各營相機兜拏。惟兵力甚單。按捕恐難得手。著怡良、吉爾杭阿、卽飭狼山鎮總兵泊水陞督率水師會同勦辦。務將首犯王大老虎等按名弋獲。盡法懲治。以清海道。前有人奏吳江、震澤兩縣紳民捐款大半多飽官吏囊橐。當諭怡良等查明奏。本日復有人奏吳江、震澤兩

實錄卷一百四十五

三十九

縣紳民捐輸軍餉制錢八萬串。報解甚少。州縣及董事侵吞者三萬五千串。前署震澤縣知縣沈則可侵吞制錢七千串。現署震澤縣知縣姚銑。侵吞四千串。前署吳江縣知縣師宗絜。侵吞三千串。現任吳江縣知縣賀際運。侵吞一萬四千串。本邑董事吳懋政、倪彬、王禹源。侵吞七千串。並著怡良、吉爾杭阿一併確切查明。據實嚴參。毋稍徇隱。原片著鈔給閱看。將此由五百里各諭令知之。○又諭着

人奏慶祺所派勸捐委員車馬飲饌悉由州縣供給。每到一處勾串劣紳指戶挨索。富戶等有私餽委員銀錢者。卽瞞隱不報。不遂所欲。卽嚇派多捐。送州縣官勒追。州縣官不遂意。卽以阻撓為詞。委弁把總李德英在南滄等處自貼告示。並有宿尼縱酒及勾串劣紳蘭呂二姓私設捐局勒派等事。從九銜王錫在肅甯縣勒索孔姓規費銀兩。寄頓程典史署內。孔姓告發。典史畏累自盡。該委員又偽

實錄卷一百四十五

三十九

造慶祺咨札參稟藉以恫嚇官紳。河間劣紳陳擢之與該委員等朋比為奸。所捐銀兩有勾串紳士私索者。多半無從稽覈等語。軍營需餉固不能不藉資捐項。若令員弁等藉此勒索滋擾。侵蝕公款。以飽私囊。不但捐輸未能踴躍。且恐無濟軍需。徒滋擾累。況該委員在營既有月領薪水。又何以供費。皆取給於地方官。著僧格林沁、慶祺按摺內所參各款。秉公查辦。並將所捐銀錢有無侵吞。明查暗

訪。務得實情。以清弊竇。原摺著鈔給閱看。至連鎮賊情。前據僧格林沁奏。有初十前後出撲之語。現在如何設法進攻。未據續報。天氣將寒。若再事遷延。溝水凝凍。恐所挖重壕。未足深恃。僧格林沁等。務須趕緊攻擊。毋再延誤。將此由六百里諭令知之。尋奏。傳訊官紳。行查各州縣。咸稱勸捐委員。並無騷擾地方。勾串劣紳情弊。報聞。○改鑄山西聞喜縣知縣印信。從巡撫恆春請也。○撫恤琉球國遺

實錄卷四十五

三

風難夷如例

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百四十五

實錄卷四十五

三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百四十六

監修鳴鶴官廳道員清廷居士本係工部總辦請授河南開封府翰林院掌院學士稽察殿上諭事併處順化館總纂官武承
齡字管建北都事務加十二級紀錄十次唐賞積案奉曉諭旨陞議奏太子太保文淵閣領閣事武英殿總纂官於督署書體刊

大興字管理石三庫事務加十三級紀錄十次唐周叔培鳴鶴職貢太子少保管理理州縣書序事務對引入康運祇衣食

陳孟張滿州郡統帥尚書管理三庫事務加四級隨帶加五級紀錄十二次唐寶慶鳴鶴官廳道員清廷居士本係工部總辦請授河南開封府翰林院掌院學士稽察殿上諭事併處順化館總纂官武承

建國文館總纂官並監張家古郭德隆南尚書管理太常寺鴻臚寺事務加頭等功加四級隨帶加八級紀錄五次唐倭什堪布奉本

咸豐四年甲寅九月丁亥

上御懋勤殿。句到新疆雲南貴州廣東廣西情實罪犯停決。新疆絞犯一人。雲南絞犯一人。貴州斬犯四人。絞犯二人。廣東斬犯一人。廣西斬犯一人。餘五十六人。予○○諭軍機大臣等。載齡崇實奏遵查總督收受陋規一摺。並巡捕官具供後自盡等語。已有旨將裕瑞撤任聽候查辦矣。據奏裕瑞自實授總督以後。將各州縣向有陋規作為捐輸練丁經費。其司道規禮收存署內。為捐備槍礮火藥之

用誠難免假捐輸之名復陋規之實自應徹
底訊查以期水落石出第關通省大小官員
與受營私若紛紛提訊便有窒礙難行之處
該侍郎等宜息心靜氣逐款確查訊明實係
得受陋規以肥私囊各員無論總督司道及
屬吏之納賄營求確有升調證據者據實嚴
叅亦不得含糊了事至裕瑞以封疆大員不
自檢束致被糾劾該巡捕沈祖望供出實情
並無不合何以悔恨輕生且與謝家蘭供詞

相符何以彼此又相抱怨亦當向謝家蘭研
究其沈祖望初供捏飾係如何措詞所云司
員中有向伊聲稱想法供出與伊好處之言
究係何員如此訊問該侍郎等所接呈詞牽
涉監司大員者係何事由關繫輕重若何均
應詳晰聲敘著一併確查具奏惟川省陋規
已成錮習何紹基既據以入告則該學政按
試各棚有無收受各府州縣陋規之處亦當
密為訪查至欽差查詢事件必應十分慎密

何以該省官員輒先向總督告知即將總督撤任後又安能禁其不向藩臬告知仍致稽延隱飾該侍郎等所帶司員不過數人其公寓內外率皆川省官吏必須嚴絕窺探並防隨帶供事人等私通消息一有訊出實情即須迅速密提取定供詞便無游移變幻之弊各案亦可速行審結所有楊得質鄭懷江兩案均照該侍郎等所議即行提集審辦將此由四百里諭令知之○又諭袁甲三奏統籌

奏案卷一百零一

上

皖省全局分兵東西兩路夾攻一摺所籌俱是另片奏擬即親督官兵前往等語此時南路攻剿誠屬緊要而臨淮為南北鎖鑰關繫尤重經袁甲三督防數月聲威頗壯若遽令其督兵南往另派大員前往接辦一時殊無得力之員就近派委萬一分兵之後匪黨乘機竊發於北路關鍵大有妨礙既據袁甲三分派臧紆青張光第等各領兵勇前往西南東南兩路協力剿辦袁甲三即著仍駐臨淮

策應各路現在楚北東下之師曾國藩與塔齊布桂明定議分三路直搗賊巢一俟九江肅清即沿江而下會攻安慶著和春福濟一面嚴督官軍迅復廬州一面抽撥兵勇相機策應楚師既由西而東勢如破竹皖兵即應自北而南併力夾擊務須聯絡聲援會合一氣為埽蕩逆氛之計其全滁烏江一帶賊營尚多並著該提督等隨時飛咨托明阿向榮無分南北協力殲除斷不准稍存畛域失此

奏案卷一百零一

四

緊要機會也將此由六百里加緊各諭令知之○又諭張之萬奏亳州擒匪肆擾永城請飭嚴剿一摺安徽潁亳及河南永夏一帶擒匪肆行疊經降旨諭令各該撫等飭屬痛加剿捕總未能淨絕根株茲據張之萬奏亳州擒匪蘇添幅糾約就撫擒首張樂行等將及萬人於五月初十日向永城鄆縣各處焚掠數十村莊七月十九日復搶掠丁家集地方二十九日復掠天齊廟等處焚殺二十餘里

並殺兵勇三十九人。三十日焚掠澧源集一帶三十餘里。並殺兵勇數十人。閏七月初二日復北掠會亭驛。迤南數十里村盡為墟。似此捻匪橫行荼毒鄉里。徐廣縉以戴罪大員專辦勦捕。乃一任士民申訴。總以不可結讐為說。且將赴勦之遊擊率行調回。並有遇賊遠逃槍礮盡為賊有之事。該革員所帶兵勇不為寡弱。何至坐視捻匪猖獗甘心退避。著英桂迅即查明。如果該革員實有畏葸貽害

情事。即行嚴叅。並督飭地方文武及防堵員弁迅速勦辦。務將張之萬單開各捻首悉數捕獲。不准一名漏網。亳州為該匪老巢。該管地方文武斷不能以所掠地方係在豫境遂存以鄰為壑之見。著福濟嚴飭所屬一體實力搜捕。傾其巢穴。其應如何添兵會勦之處。即著互相照會。不分畛域。以免此擎彼竄。斷不准聽信浮言。任其仇殺。或遷就議撫致貽後患。張之萬原摺並單均著鈔給閱看。將此

由六百里各諭令知之。閩浙總督王懿德奏護延建邵道保泰等督勦仙遊會匪。並攻勦古竹社匪徒情形。得旨保泰等既能恩威並用。著趕緊勦洗。不可再令竄逸。○廣西巡撫勞崇光奏潯州等府屬捕蝗情形。得旨應認真辦理。不准稍有諱飾。欽差工部侍郎載齡等奏行入川境沿途控案分別札交親提各情。得旨亦應將牽涉監司大員之案簡明緣由具奏。汝二人初次出差。固不可含糊了事。若紛紛提訊。恐無了期。前任禮部侍郎曾國藩奏報謝恩並懇辭署湖北巡撫。得旨朕料汝必辭。又念及整師東下。署撫空有其名。故已降旨令汝毋庸署湖北巡撫。賞給兵部侍郎銜。汝此奏雖不盡屬固執。然官銜竟不書署撫好名之過。尚小違旨之罪。甚大著嚴行申飭。調兵部左侍郎李嵩為倉場侍郎。以內閣學士何彤雲為兵部左侍郎。四川總督裕瑞緣事解任。以浙江巡撫黃宗

漢為四川總督未到任前以成都將軍樂斌兼署○以倉場侍郎何桂清為浙江巡撫○戊子諭內閣和春福濟奏官紳督勇克復廬江縣城一摺廬江自上年被賊占踞經和春等密傳貢生吳廷香等與該處紳民同約定於八月三十日裏應外合兵勇一擁入城當將縣城收復撥斬逆黨三百餘人該處紳民等深明大義約會官兵克復城池洵堪嘉尚著和春福濟查明出力紳民練勇覈實保奏

所有該縣錢糧如何蠲免文武學額應行酌增之處並著迅速詳查具奏候朕施恩○諭軍機大臣等崇綸等奏嘆咪夷船起碇出口一摺想日內即可揚帆南返此次夷酋北來總以請派大臣為詞不肯明言來意迨經崇綸等與之接見再三開導始呈出祈請各條其悖謬窒礙之處不一而足經朕密諭崇綸等一概斥駁惟民夷相爭及上海欠稅廣東茶稅三條尚可允其查辦崇綸等復作為已

意照覆該夷酋猶以未曾入奏為疑崇綸等許以代奏令回南聽候查辦該夷始有起碇之信諒此次南返不至上海即回廣東所稱歸國請示之語不過仍屬虛詞著葉名琛怡良吉爾杭阿於各海口嚴密哨探如夷酋回駛再有要求即告以崇綸等已將近理各條代奏但欠稅係在上海茶稅係在廣東即民夷相爭亦總在通商口岸天津縱能代奏亦不能代辦已奉諭旨交上海廣東酌查自當

秉公為之辦理此外各款不但天津不敢入奏即應辦夷務之大臣亦不敢輕為奏請儻冒昧瀆陳奏事之員身獲重譴於該夷商務仍屬無益該夷惟利是圖來往奔馳其志不過在貿易稅務之事以此稍應所請當必帖然無說惟崇綸摺內所指揚子江通商一節仍當嚴行拒絕並不可使該夷知此意業已上達庶不致再以候旨候批為藉口該督撫總當酌量情勢妥為查辦其到口日期及接

見情形即著迅速密奏至暹夷哥士耆來津並不提及通商之事是否因啖咪兩夷仗倆已窮遂不復置辯抑實非為此而來崇綸等自能曉諭南返該督撫等隨時體察動靜設法駕馭可也本日崇綸等摺片各一件並八月二十九日九月初三十一十五等日崇綸並文謙等摺片七件及九月十五日諭崇綸等密旨一道均著鈔給閱看將此由六百里各密諭知之○又諭崇綸等奏指駁夷酋各

款開單呈覽並夷艇駛出海口情形所駁各條均屬正辦本日已諭令怡良葉名琛等於該夷南駛後妥密籌商祇能就准其查辦三款內酌量輕重妥為駕馭仍著崇綸等將現辦各情原委分別詳悉咨行兩江兩廣各督撫酌覈辦理至夷艇雖經起碇出口是否返權南行並著迅速探明由驛具奏另片奏暹夷備文求釋傳教夷人等語定例五口通商以外不准該夷擅入內地何以陝西藍屋縣

地方有該夷傳教之人果否被該地方官拘拏應如何覈辦之處即由崇綸等知照王慶雲查明有無其事遵照舊章妥辦仍一面正言拒絕諭令該夷人不得在津逗遛以免別生枝節○又諭前據英桂奏遵議徵收錢糧章程當交戶部妥議具奏茲據該部奏稱該撫於應入撥之地丁准搭官票於不入撥之耗羨仍徵實銀辦理實屬兩歧應請飭令遵照原定章程無論正雜錢糧一體搭交官票

等語所駁甚是近日創行官票既以濟帑藏之空虛亦以平銀價之昂貴原期於國用民生兩有裨益各省徵收錢糧搭收官票自應嚴杜抵換之弊以期小民得霑實惠該撫原奏內於地丁耗羨既有准搭官票與不准搭官票之分難保地方官不借此影射於徵收時則全收實銀解交時則換搭官票有心弊混不可不防著英桂就戶部指駁各情並斟酌該省地方情形再行詳細妥議具奏戶部

原摺著鈔給閱看將此由五百里諭令知之○又諭和春福濟奏皖省需餉緊急等語前因和春等請飭四川撥銀二十萬兩當諭令裕瑞酌看地方情形力能籌解若干即行速撥起解並令陝西按月撥給安徽銀五萬兩旋據裕瑞奏在津貼項下撥銀四萬兩解往廬州並據王慶雲奏撥銀二萬兩委解啟程現在皖營待餉幾於朝不謀夕據和春等奏稱陝西銀兩業已解到四川餉銀並未到皖

著樂斌迅即設法籌畫無論何款項下速行酌量湊撥數萬兩趕緊委員解赴廬州大營一面查明前解銀兩逗遛何處催令速行解往並著王慶雲仍遵前旨將按月解皖之款如數籌解務須源源接濟無誤要需將此由六百里加緊各諭令知之○江南提督和春等奏報舒城剿賊連獲勝仗得旨覽賊雖多究未能迅速攻復以克復安徽英山縣城予知州李元華等升敘有差殉難典史馮禮

彬祭葬世職文童張啟禮等賞卹如例○予安徽剿賊陣亡遊擊慶麟馬榮守備侯緒雲騎尉高步雲祭葬世職己丑諭軍機大臣等前因廣東肇慶失陷地與梧州接壤令惠慶鎮守省城勞崇光出境剿辦或另派大員會剿總以不分畛域彼此兼顧為要著本日據勞崇光奏提臣到省即可赴梧進剿並謂省城一帶可以無虞等語朕覽該撫所奏荔浦修仁陽朔永福永甯恭城灌陽全州等處

均有匪徒滋擾亦皆係切近省垣之地張敬修專辦陽荔賊匪尚不得手臨桂六塘大墟等處被匪屯聚若不趕緊撥捕所謂無虞者安在該撫因廣東軍務緊要出省不宜稽遲究竟出省後近省州縣匪徒作何辦法桂林根本重地恐非藩臬等所能鎮壓惠慶進省固須妥籌防剿事宜勞崇光亦須兼顧桂林各屬不得以親赴梧州辦賊置本境於不顧梧潯所轄各縣新起匪黨亦須督飭各該府

迅速撲滅勿令與東匪勾結更成滋蔓之勢廣東久無奏報前據駱秉章奏城外之匪漸次解散佛山匪眾散去亦多韶州道路漸通惟連州等城三江星子平石各市鎮仍有賊踞乃閱勞崇光此奏除肇慶順德高明惠來外尚有花縣德慶等十四州縣失守之事並聞省城尚未解圍是否傳聞異詞抑因道途梗塞偵探不確之故著即疏通驛道飛探速奏並將退回緊要公文設法投遞廣西地瘠

民貧久遭蹂躪催徵不易固屬實情然亦須督飭司道各官竭力徵收多完一分錢糧即多充一分經費豈能束手無策任令民間觀望勞崇光身膺疆寄總當內外兼籌不可顧此失彼惠慶職任提督亦屬責無旁貸該撫仍遵前旨會同該提督將本省防勦機宜嚴密布置毋得稍有疏失將此由六百里加緊諭令知之○以陝西延綏鎮總兵官豐伸署湖北提督○命已革貴州提督佈克慎發往

江西交巡撫陳啟邁差委○以廣西恭城縣城被匪竄擾知縣方銘賢典史陳其瑞把總路大廷革職逮問○以廣西灌陽全州勦匪出力賞把總蔣俊敬等藍翎餘升敘有差予陣亡巡檢晏泰把總潘勝榮祭葬世職生員唐毓芝賞卹如例○蠲緩廣西臨桂靈川陽朔昭平確容羅城賓蒼梧新甯永淳天保十一州縣及田上林白山興隆定羅舊城下旺那馬都陽古零安定十一土州縣司並何旺

堡被擾地方額賦兵米有差○准湖南截撥雲南運員銅斤配鑄大錢○庚寅諭內閣給事中張修育奏浙江地方緊要巡撫大吏未便更易等語所奏殊屬非是黃宗漢在浙江巡撫任內辦理各路防堵督辦海運漕糧及緝拏各處匪徒悉臻妥協朕嘉其忠勤正直久欲畀以兼圻重任是以於裕瑞撤任後特授為四川總督該省界連黔楚調兵籌餉為總督一人專責較之浙江巡撫尚有總督兼

轄者尤為繁劇乃該給事中既稱四川所慮者囑匪防堵粵匪查拏奸細為最要又謂連年安靖與浙江有輕重之殊持論更屬自相矛盾朕簡任封疆大吏無不為地擇人權衡至當若紛紛奏請未便更易大吏尚復成何政體張修育著傳旨申飭○諭軍機大臣等據樂斌裕瑞奏四川防堵緊要裕瑞擬帶兵親往瀘州堵禦黔匪並片奏出省後載齡等有應行查詢之處行文至行次咨查各等語

該處與黔省仁懷桐梓等縣毗連情形均關緊要惟計現調兵勇已有三千六百餘員名又有萬福等駐劄督辦似已足資堵禦裕瑞既經撤任且有應行詢查之件著載齡等察看情形如無須裕瑞前往即著咨行折回就近查問儻情形實在喫緊該侍郎等即會同樂斌斟酌緩急另派大員前往督辦至裕瑞此次添調懋功等營兵及各練勇仍飭令原派之參將高克謙等帶往瀘州等處聽候調

遣其黔匪由九壩入川之信及張貼偽示各情並現辦情形均著確切查明迅速具奏將此由六百里各諭令知之又諭勝保自前奏初五日轟塌州城以後久未將攻剿情形入告本日據奏二十八等日兩次進攻雖缺口之處該逆未敢堵築而拒守益力我兵輒中暗傷勝保等未能即時攻克又以添造攢牌各器具稽延時日朕覽奏之餘倍深焦急豈該大臣等身履行間轉漠然不知愧奮

現在攻具造齊已定剋日分三路並攻之舉若仍如前次奏報東北城垣已陷而各門不肯同時並進統帥之罪固無所逃即德勒克色楞等分任勦賊之責亦豈能屢從寬假逆賊能得夥黨之死力我軍即宜策各路以齊心據稱東北垣缺陷數丈該逆併力專注在此我兵進攻較易亦在此若此路可破自能一擁登陴然亦須於東南西南正西三門約齊備同破賊巢使逆匪奔救不暇則柵壘

雖堅必不能處處抵禦攻堅攻瑕隨時策應斷無以數百賊黨能為四面設防之理前此功敗垂成皆由帶兵大員彼此觀望所致一誤豈堪再誤朕於該大臣等屢次訓諭已極詳備若再遷延推諉徒以勦辦費手及不勝慚憤虛詞入奏豈該大臣等籌畫數月智計反不如賊耶論功罰罪惟該大臣等自取何路退縮即將何路統兵大員治以應得之罪亟圖克復毋失事機將此由六百里加緊諭

實錄卷一百六

十七

知勝保並諭德勒克色楞善祿崇恩知之又諭前因廣東土匪遽起閩粵壤地毗連諭令王懿德於該省各營內抽撥精兵一千名馳赴廣東聽候調遣諒已遵照辦理矣粵東賊匪擾及省城現在是否解圍葉名琛等日久未見續報雖經勞崇光駱秉章先後馳報偵探情形亦未確鑿殊深懸繫粵匪連陷郡縣攻撲省城亟應添兵援勦前此派撥之兵刻下未知能否抵粵因思粵東省城附近賊

氛四起鄰省援勦之兵或有未能直達且恐道途寫遠行走需時若由海道派兵前往可期迅速著王懿德於閩浙兩省水陸各營再行撥兵二三千名派委得力員弁迅由海道徑赴廣東省城協力勦辦前此派撥之兵一千名如未啟程亦可併由海道前往閩浙脅齒相依此時粵東情形緊要援勦之兵刻不容緩該督接奉此旨務當妥速籌辦以冀迅殄妖氛萬毋稍遲致誤事機將此由六百里

實錄卷一百六

十八

加緊諭令知之 辛卯

上詣

壽康宮問

皇貴太妃安 諭軍機大臣等慶錫奏籌備銅斤等語現在該處開鑪鼓鑄自以多備銅斤為要著照所請即飭永平府知府錫麟督率各該州縣妥為收買其承德府屬銅礦並著委員查勘如有可以開採之處即行奏明招商承辦將此諭令知之 又諭孫晉煒奏請

令考試童生捐輸報效錄取入學等語所奏
斷難准行該學政職司校士衡文是其專責
即偶有勸諭生童捐輸實為考試以外之事
始則以監生報捐教官為請業經部駁今復
以童生捐輸入學為請有意割辯冒昧瀆陳
該學政既知憑文取進人情所貴改為捐納
即非所願則此項捐輸入學豈能掩人耳目
况捐項則榜示轅門試卷則暗加圖記掩耳
盜鈴相率為偽士子初登庠序即以欺飾進

身尚安望學校之中敦品勵行乎該學政又
知報效之人不能各處必有則所得少而所
失多所謂廣儲經費者安在至以取進不能
如額每榜必有冒濫等詞公然形諸奏牘尤
不成話定例考試不敷進取原許缺額豈有
准其冒濫之理該學政既自居於冒濫之實
又貽士子以賄買之名仍無補於國家經費
似此謬論尚自稱成敗利鈍實繫乎此至以
請置極刑以謝天下自矢何不知大體若此

豈必如此措詞始能仰邀朕許耶所請著不
准行亦不准再有瀆請將此諭令知之 壬
辰諭內閣禮部奏遵議琉球貢使暫緩赴京
一摺琉球國王久列藩封該貢使等航海輸
誠具徵忱惻惟現在用兵省分尚未能一律
肅清若令繞越程途跋涉遠來轉非所以示
體恤著王懿德於該使臣等貢船行抵閩境
後即行宣諭朕意令其此次無庸來京仍優
與犒賞委員妥為護送回國所有進貢方物

即著賞收由該督等派員送京其應行頒賞
該國王世子及使臣等物件著該管衙門查
照舊章備辦發交該督等派員齎送轉給祇
領以示朕懷柔遠邦至意 癸巳
孝慈高皇后忌辰遣官祭

福陵 諭內閣僧格林沁等奏糧員被叅各款
訊明定擬並自請議處各等語前因御史伍
輔祥奏幫辦糧臺之直隸候補道黃德坊卑
鄙貪污劣蹟昭著當降旨交僧格林沁查辦

旋經該大臣奏請將該員解任嚴究茲據審明該員幫辦糧臺雖無侵漁抵換情弊惟製造軍器以少報多並有與投效之候選布政司理問徐城狎優等情更屬不自檢束黃德坊著即革職發往新疆充當苦差其隨同狎優之徐城著一併革職以示懲儆僧格林沁未能先行查叅著交部議處諭軍機大臣等僧格林沁等奏節次接仗殲斃多匪一摺十三日我兵進攻直至賊壘木城該匪衝出

意在抄圍經我兵奮勇痛勦傷斃賊匪多名此次接仗雖屬得手但僅僧格林沁一路進攻其各路帶兵大員何以不同時並進殊不可解况我兵受傷者亦復不少究竟如何接仗情形亦未詳細聲敘該逆一經挫敗即負隅死守已成慣技惟在我兵設法誘敵或潛師襲取四面環攻斷不能因賊不出巢遂至束手無策該大臣屢次奏稱賊糧缺乏何以數月之久尚能固守况賊中槍斃尚多可見

該逆米糧火藥並未斷絕且恐附近愚民暗中接濟似此曠日持久殄滅無期該大臣統領全軍貽誤之罪又將誰諉據稱逆匪決窵河隄引水東面欲乘船撲出是該逆已欲乘間竄突該大臣等務當剋日進攻一面杜其竄路毋得再事遷延致干重罪將此由六百里加緊諭知僧格林沁並諭西凌阿知之○又諭托明阿等奏上下游江面防勦情形並向榮奏金陵獲勝及截勦賊陣各等語詳覽

所奏金陵瓜州兩處均係陸路得勝而水路前次下竄之賊陣尚未毀滅該逆又從下關江口續行竄出木簰二座雖經吳全美李德麟等追至八卦洲並知會葉常春等各路師船一面分幫下追一面迎兜夾擊而賊簰一座業已駛至鎮江其在八卦洲擱淺者向榮有連日圍攻未能即毀之語托明阿等則稱於十九日夜間焚燒殆盡究竟是否焚毀惟吳全美等既未能盡數追勦葉常春及石埭

橋段要口高資港等處守口之船復不能實力扼截致該逆游行無阻現在下游十分喫重焦山水師以風色未順尚難上駛雷以誠因桂花莊為東路緊要之所業已折回著即嚴催孫雲鴻張攀龍等趕緊行駛將木礮極力勦除若謂木礮寬長堅厚師船不能攏近火彈亦難然燒我軍即束手無策安用此水營將弁為耶浦口洲地賊營久未殲除陸路急攻則由水路奔竄向榮已提紅單船十隻

到石埠橋與吳全美等船犄角也泊著即飭該鎮等設法斷其鐵線浮橋先清九洲洲之賊其段要口地面責之陳世忠等毋令再被竄下鎮江賊稗責之陳國泰孫雲鴻周士法等剋期攻毀儻再任意玩忽不知愧奮即著嚴叅懲辦此係南北關鍵最為緊要向榮托明阿等務當分催水軍及早肅清江面瓜州許久未能攻克雖疊報勝仗於事何濟該逆每踞一地我兵即多一路牽掣若托明阿等

不能迅破賊巢向榮亦不能攔截續竄之賊踪則統帥貽誤之罪與各鎮將相等朕亦必執法從事諒該大臣等不敢仍前玩泄也至托明阿等奏兵丁口糧每月每名照舊章支給外酌加銀一兩四錢謂比較近例已節省一兩有餘等語所奏殊未明晰兵糧給米原以濟餉之不足若各路軍營紛紛奏請酌加所謂節省者安在著該將軍等再行詳覈分晰具奏候旨遵辦將此由六百里加緊各諭

令知之○又諭前因廣東匪徒滋擾驛路梗阻該省發遞摺件經葉名琛等奏由海道便船專委差弁齎赴浙江由浙江撫臣交驛馳遞俟奉到批摺仍令原弁由海道齎回是以八月十七日批回摺件仍發至浙江轉遞黃宗漢接奉後想已妥辦本日葉名琛等摺報聲明仍由海道前來茲將該督奏摺並寄諭要件並交黃宗漢飭交原弁速附海船齎回此後粵東文報由浙經過並著飭令各該地

方官妥備海船迅速轉遞毋稍遷延惟黃宗漢數月未經奏事福建按察使崇恩在浙病故未據入奏直至該旗呈報始行簡放豈浙省摺報竟有遺失殊不可解徽甯防堵情形作何辦理均著黃宗漢詳細速奏以慰朕念將此由六百里加緊諭令知之○又諭葉名琛等奏賊匪攻撲省垣並東莞等處勦辦情形各摺此次摺件係七月初六日拜發因在清遠縣屬被賊攔截十七日由海道馳遞詳

奏

覽所奏各情均係七月初六日以前情形自接閱該督等閏七月初二日奏報後迄今兩月有餘未據續報屢次降旨詢問該督等近日賊情能否遞到亦未可知似此驛路梗阻殊深懸繫前據駱秉章奏省城佛山之匪漸次解散韶州道路漸通又據勞崇光奏稱除肇慶順德高明惠來失守外尚有花縣等十四州縣失守之事並聞省城尚未解圍所奏各情亦屬傳聞異詞並未能偵探明確究竟

此時省城曾否解圍各州縣賊匪如何勦辦殊難懸揣前有旨令福建湖南各調兵一千名馳往協勦近復諭令王懿德調閩浙水路官兵二三千名由海道駛赴廣東以資援應該督等即可飛咨閩浙迅速撥往以期厚集兵力將賊匪次第掃除該督等務當督率滿漢官兵並激勵紳團招集壯勇先將近省一帶匪徒撲滅則勦辦各路自易得手該逆事起倉卒裹脅雖多究係烏合之眾若能一面

奏

攻勦一面設法解散賊勢自孤但不可稍事遷延以致無從著手喫味夷船前至天津海口經朕密諭崇綸等將所請各條一概駁斥惟民夷相爭及上海欠稅廣東茶稅三條允其查辦該夷現已駛回如至廣東該督務當遵照本月二十二日密諭妥為辦理並將現在勦辦賊匪情形迅速馳奏以慰廑念所有八月十七九月初八十六二十二等日諭旨著再鈔錄一併寄去再據該督奏已派謝煜

赴普甯勦匪惟該總兵本帶師船前往江蘇
今金陵鎮江紅單等船不敷攻勦著該督或
仍飭謝焜統帶師船前往或另派得力將弁
帶船迅赴金陵毋稍遲誤將此由六百里加
緊諭令知之 以廣東東莞等縣被賊竄擾
革遊擊王平如同知彭邦晦知縣江肇恩典
史張玠職予陣亡副將崔大同都司洪大順
千總莫其亮把總林常春祭葬世職額外外
委周振光周名揚林以升賞卹如例 予廣

實錄卷四十六

三七

東惠來縣殉難知縣湯廷英遊擊辛鼎甲典
史黃維甸教諭彭瑞龍祭葬世職 予江南
江甯勦賊陣亡外委張玉升祭葬世職 撥
粵海關稅銀三十萬兩備廣東軍需、

上以孟冬時享

太廟自是日始齋戒三日 甲午諭內閣本日
詹事府少詹早保因署佐領圖記謝恩摺內
將伊名早保繕寫錯誤當時交軍機大臣等
傳伊辨認不獨不曉文理且不識字實屬可

惡早保身為滿洲世僕雖由文進士出身亦
應識認清字且佐領事務清字較多早保不
識清字竟將滿洲根本甘於棄捨早保著以
庶子降用其所署佐領圖記著該旗另行揀
員奏署早保著毋庸署理 諭軍機大臣等
前據載齡崇實奏遵查總督收受陋規並巡
捕官具供後自盡等語當降旨將裕瑞撤任
諭令該侍郎等逐款確查並將巡捕沈祖望
何以悔恨輕生各情確查具奏茲據裕瑞奏

實錄卷四十六

三七

稱沈祖望之妻曹氏呈控欽差徇勒親供以
致伊夫情急自盡詳閱所控原呈雖係一面
之詞但沈祖望既已供出實情並無不合何
以自行投井謝家蘭呈出沈祖望字條語多
含混是否另有隱情前據載齡等奏沈祖望
自盡後傳知成都府知府及成都華陽兩縣
知縣照例相驗該府縣奉總督面諭竟不相
驗而裕瑞則奏稱該侍郎等將沈祖望傳去
如何身死並未咨明與載齡等前奏亦不相

符所有沈曹氏呈控伊夫被傷情急自盡等情著交樂斌會同載齡崇實秉公查訊具奏毋稍徇隱其沈曹氏原呈內有欽差行至新都耽擱一日之語該侍郎等奉旨查辦事件何以中途逗遛並著載齡崇實據實覆奏裕瑞摺並沈曹氏原呈均著鈔給閱看將此由四百里各諭令知之尋奏沈曹氏於沈祖望死後誤聽傳聞猜疑具控並非有心誣指毋庸置議沈祖望投井自盡載齡崇實即行飭

實錄卷一百六

无

驗該府縣稟稱有隨帶司員諳習相驗並非裕瑞諭令不驗至驗明後即由該府縣具文通報故未知照總督至載齡崇實於八月二十五日行抵新都距省城五十里因前已行知二十七日抵省是以二十六日暫住一日報聞陝甘總督易棠奏遵旨請覲得旨現在甘省緊要之事甚多正資汝時時料理著不必來見仍俟履任三年再行照例奏請又奏沿邊番賊突出搶掠經兵勇擊斃割取首

級奪獲賊械仍飭所屬營汛認真巡防批野番出沒無常若深入窮追固為非計然似此小有斬獲實不足以示懲創獵勇尚屬得力亦非賞不行又概難繩之以律總在嚴將弁勇怯之賞罰審兵勇進止之得失隨時激勵辦理以靖邊圉勿寬勿忽乙未

孝敬憲皇后忌辰遣官祭

泰陵 福建巡撫呂佺孫奏報到任日期得旨

閩省疲玩情形甚於他省時時振作精神力

實錄卷一百六

三

求整頓之實 命通政使司通政使雙福為實錄館蒙古副總裁官以戶部右侍郎翁心存為兵部尚書調禮部左侍郎許乃普為戶部右侍郎兼管錢法堂事務轉禮部右侍郎陶樸為左侍郎仍兼署吏部左侍郎以通政使司通政使李道生為禮部右侍郎 命正藍旗蒙古副都統景壽帶領侍衛十員往奠故兵部尚書魏元烺茶酒予祭葬諡勤恪賞其子戶部員外郎亨琛郎中孫刑部學習主

事錫綸候補主事

實錄卷百四十六

三十一

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百四十六

清 實 錄 咸豐四年十月上

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百四十七

欽此
咸豐四年甲寅冬十月丙申朔享
太廟
上親詣行禮遣官祭
永陵
福陵
昭陵
昭西陵
孝陵
孝東陵
景陵

五七五

泰陵

泰東陵

裕陵

昌陵

昌西陵

慕陵 遣官祭

孝德皇后殯宮 遣官祭

端慧皇太子園寢 詣

壽康宮問

皇貴太妃安 ○頒成豐五年時憲書 丁酉諭

內閣吏部奏遵議效力革員請仍准署缺一

摺前據福濟奏稱安徽已革署鳳陽縣知縣

黃元吉緝捕勤能勦滅土匪著有成效請仍

准署缺等語當交吏部議奏茲據該部奏稱

革職人員委署地方本屬違例惟皖省甫遭

兵燹非尋常省分可比自應從權辦理黃元

吉著照部議准其署理定遠縣知縣嗣後如

再有貽誤除將該員嚴懲外並將該撫議處

其現署安慶府知府牛鎮太平府知府李三捷懷甯縣知縣馮元霍巢縣知縣邵啟元當塗縣知縣王乃晉蒙城縣知縣劉瀚階均照黃元吉一體辦理 又諭前因載崧奏參德州防禦松阿達於城守尉瑞成到任時出言頂撞並有公務廢弛等情當交崇恩查訊具奏茲據該撫奏稱訊明松阿達尚無廢弛公事及抗違不遜情狀惟挑補餘丁糧跡涉徇徇又於誤班兵丁輒為代求從輕發落實屬不合該撫僅請議處不足示懲松阿達著即革職德州城守尉瑞成曉諭屬員出言不慎致啟爭辯亦有不合著交部議處 參贊大臣僧格林沁等奏逆匪駕船奔撲經官兵擊退斃賊多名得旨該逆窮感情形並未甚著正可乘此機會迅速進攻 山東巡撫崇恩奏請將升任四川建昌鎮總兵官武隆額暫畱山東勦賊允之 戊戌

上御懋勤殿句到四川情實罪犯停決斬犯十

五人絞犯一人餘六十人予勾 諭內閣刑部奏遵議越獄重犯罪名一摺此案伯都訥民人聶田詳在齊齊哈爾城獄內脫逃雖係聽從斬犯呢瑪越獄但該犯原犯白晝搶奪贓重加等重案復敢越獄脫逃實屬藐法已極該地方現當嚴懲匪徒之時自應從重辦理該部擬以絞監候秋審時入於緩決尚屬情浮於法聶田詳著即行處絞 諭軍機大臣等前據羅繞典等奏桐梓逆匪分陷仁懷

竄近遵義提督趙萬春馳往督勦蔣霽遠亦即親赴軍營商同勦辦計黔省陸續調兵已七千六百餘名本日據羅繞典奏稱復由滇省近黔之鎮雄東川各協營共調兵八百名委副將白人鵬與鹽道王成璐同往遵義相機勦辦該督又派兵一千二百名為後隊以備親往等語貴州賊匪初起均係蟻附烏合大兵齊集定可盡數殲除據奏遵義之乾田喇螺螂堰豐樂橋等處連復勝仗況加以續

調滇兵數將滿萬足敷勦辦蔣霽遠已有出省之議著即將此股賊匪責成該撫與趙萬春等迅速殄滅雲南省垣緊要且距黔窩遠羅繞典即著無庸前往現在東川廣南甫經綏靖更宜持以鎮定該督惟當嚴催王成璐白人鵬迅速啟程並將派定之後隊兵一千二百名交該副將等帶領聽候蔣霽遠趙萬春調遣若謂區區小醜本省不能勦辦動須總督親往則該撫等身任地方所司何事貽

誤之罪責有所歸諒蔣霽遠等不敢遲延干咎也將此由六百里各諭令知之 己亥

上詣

雍和宮行禮

關帝廟拈香 廣西提督惠慶奏攻勦大墟股匪獲勝情形得旨近省匪聚實多汝亦難株守省垣隨時斟酌緩急出省督率勦辦庚子諭內閣戶部奏請飭應賠關稅各員按限繳錢寬免成數一摺戶部現辦捐銅事宜

係出自官生捐備尚可准其以錢鈔減成搭交至應賠關稅皆係各該員等虧欠帑項且所欠之數本係實銀豈能援照辦理內務府承辦工程雖有欠員認修寬免成數之案亦皆出自特恩並非著有成例若如該部所奏各欠員等既得以折算減交又得邀恩寬免是徒為欠員開僥倖之門於課帑轉形短絀該部既為速催賠項起見著即予限三箇月在京以奉旨之日為始在外以接到部文之

日為始飭令應賠關稅各員一體完繳實銀解交戶部限滿完繳若干再由該部奏聞請旨概不得混入捐銅章程致滋冒濫其逾限不交各員仍著遵照舊章辦理又諭羅繞典等奏進剿桐梓逆匪連獲勝仗一摺貴州桐梓縣匪徒楊淵等攻破縣城復敢分踞遵義府城外之雷台山等處經官軍分路進剿馳抵螺螄堰地方突出賊匪二千餘人分股來撲提督趙萬春等督飭兵勇分頭迎擊斃

偽元帥富姓並斃賊匪二百餘名賊勢潰敗並據報賊匪分撲遵義府城經副將彭長春等悉心堵禦轟斃賊匪三百餘人其分踞南門關之賊二千餘人復經遊擊烏爾滾珠等擊斃數百名賊即潰散復探知黃泥堡地方屯賊五六千人趙萬春督飭各營兵弁前往迎擊殺賊二三百名生擒十數名奪獲旗幟礮械無算該匪楊淵等連陷二縣復撲遵義府城勢甚兇狡此次攻剿屢獲勝仗尚屬得手著蔣霽遠趙萬春等迅即督飭將弁務將此股匪徒悉數殲除勿畱餘孽以靖地方諭軍機大臣等陳啟邁奏義武兵勇勦賊與長甯等處追捕粵匪並調撥兵餉援勦韶州各摺片前據駱秉章奏廣東攻撲韶州之賊約二萬餘人屯踞北路樂昌仁化均被賊占該處與南雄接壤既據該州稟請由江西調兵應援經該府飭道籌借餉銀先後派撥練勇前往援剿將竄擾馬子凹周由江口各處

匪徒擊斬獲勝直抵始興縣城該匪退回韶郡自宜乘勝進剿與湖南援粵之兵聯絡聲勢合力夾攻迅將韶州賊匪兜截殲除庶韶關以北道路肅清則信豐安遠定南等處自不致更虞滋擾所有應需口糧如關庫實在無可那借即准其酌提地丁銀兩應用但須嚴飭該道府督催帶勇之員迅速勦辦毋滋濫費惟曾國藩與塔齊布等分兵三路直搗下游計黃州以下賊匪勢必竄入江境武甯

雖已解圍其鄰楚水陸各境深防潰匪奔突且據該撫片奏星子縣屬神靈湖地方迎勦匪船餘匪逃竄出湖尤恐楚匪大股衝入陸路則句結義武餘黨經由修河水路則徑達九江湖口皆可入湖一經蟻聚勢更不可收拾該省兵力本單若處處分防愈嫌支絀惟有豫籌迎擊將義武各處嚴密布置後即令惲光宸督率吳錫光趕緊帶同兵勇馳往九江調集礮船一面由水路會合楚北之師沿

江勦捕一面督催陸兵環攻九江郡城迅圖克復時時與曾國藩等知會籌商萬勿株待楚軍轉致遲誤至吳錫光現已加恩給予頂帶如再能出力准該撫據實奏保始勤終怠或有貽誤重情即著該撫遵照前降諭旨辦理將此由六百里加緊諭令知之又諭羅繞典等奏八月二十八等日官軍進剿桐梓一帶匪徒連獲勝仗勦辦尚屬得手惟此股逆匪現仍盤踞遵義之南門關郡城尚未

解圍雖經官軍擊斃賊匪不少而援兵不能即到著該撫嚴飭彭長春等激勵將弁竭力堵剿將此次烏合之眾迅籌撲滅至黃泥堡地方屯賊五六千人業經官兵迎擊獲勝而賊匪分竄山箐藏匿更恐其潛竄他處阻遏要路著蔣霽遠趙萬春分飭各路官兵堵截要隘乘勝進攻或兜勦或分擊總期將奔竄逆匪悉數掃除淨盡迅解遵義郡城之圍並將仁懷桐梓次第克復不准稍事遷延致干

重咎其毗連遵義之黔西等處即責成貴西道福連扼要堵禦仍著羅繞典即飭赴黔之兵剋期啟行毋稍遲誤將此由六百里各諭令知之 以勦辦江西義甯武甯賊匪獲勝賞都司馬占魁花翎餘升敘有差 辛丑

上詣

奉先殿

壽皇殿行禮 諭內閣前因侍郎王茂蔭奏官

員兵丁打仗受傷應給糧俸例文互異當降

旨交兵部議奏茲據該部酌議奏請分晰給俸並明定例文以防冒濫各等語嗣後除受傷不及三處尚未殘廢仍不准給俸外如傷雖一處而實係殘廢者著各路統兵大臣及各旗營大臣並各省督撫確切查明取具冊結送部該部即援照受傷三處可否給予半俸之例奏明請旨 諭軍機大臣等勝保奏步隊官兵不敷攻勦請將前畱連鎮交桂齡統帶之兵來營調遣等語現在高唐圍勦萬

分喫緊自應厚集兵力迅圖蕝事著僧格林沁即飭桂齡統領原帶官兵一千餘名速赴勝保軍營聽候調遣或酌量分撥官兵以資攻勦署直隸提督張殿元前帶官兵二千餘名在吳橋防堵嗣經僧格林沁調赴天津此時夷船業經回駛張殿元自可無庸駐津著僧格林沁迅速將該署提督所帶官兵仍調回連鎮藉資協勦僧格林沁自十月初二日奏到接仗情形後迄今數日未據續報朕心

實深焦灼現當天寒水凍所築濠隄恐不足恃尤當趕緊進攻嚴防竄路近日如何設法攻勦之處即著速行馳奏將此由六百里加緊諭知僧格林沁並諭西凌阿知之 又諭勝保等奏連日加緊攻勦情形並繪圖呈覽一摺前據勝保奏稱高塘東隅城垣轟開數丈為賊併力專注之處我兵進攻之路亦惟此處較為得手當諭令該大臣於東南西南正西三門同時進攻原以逆匪負隅抗拒必

須四面環攻使該逆應接不暇庶可克復堅城乃本日據奏二十四日親督兵勇攻其西南復因地勢平行賊匪窰濠列柵不能再進欲開窰地道又謂距城太遠恐有意外挫衄仍在東北面進攻該大臣攻勦高唐業經數月自應胸有成算乃自謂移攻西南或可得手旋又在東北面進攻游移兩可毫無定見即以進攻東北而論亦止用礮轟擊而已所稱窰透賊濠再行籌辦試思數月以來所籌

辦者皆毫無成效不過每閱數日敷衍入奏以為搪塞地步似此庸懦無能殊堪痛恨賊匪在高唐城內出入自由並無阻隔其擄掠米糧招集黨與為勢所必至我兵曠日持久師老力疲而賊勢未衰勦辦何能藏事該大臣不思斷其接濟併力進攻惟以賊不出戰詭詐百出飾詞入告貽誤之罪豈能屢邀寬典至所繪濠塹圖於道路遠近形勢難易並未明晰該大臣在高唐已屢次進呈圖說究

於攻勦情形畧無裨益即此一端其不能事務實有意粉飾已可概見原圖擲還勝保接奉此旨後若再不知奮勉朕惟執法從事決不寬貸將此由六百里加緊諭知勝保並諭德勒克色楞善祿崇恩知之 兩江總督怡良等奏試用縣丞何煥緒於咸豐二年十月委署崑山縣縣丞日久未報到任彼時各該上司因軍務冗雜未及查察現查並無下落其為聞警逃避無疑應請革職拏問得旨

何曾因事冗未及查察大吏亦先期出城避匿復何顏再查屬吏此等處皆應從實豈謂朕不知耶 以故杜爾伯特扎薩克汗三都克多爾濟子犁扎勒拉布坦希哩朱特襲爵予山東陣亡前鋒參領博勒恭武副護軍參領倭什洪額守備張秉銳千總王遇亨祭葬世職 修廣東海口龍門各營水師戰船從總督葉名琛請也 壬寅以河南紳士辦理團練出力賞已革布政使王庭蘭四品卿

銜餘下部議敘 癸卯諭內閣定例地方文武員弁失察習教傳徒斂錢聚眾重案處分纂嚴原以無業莠民所在多有查拏不力每至釀成巨患是以嚴定科條使地方官自顧考成隨時覺察該管文武果能認真查辦消患未萌何至自蹈愆尤乃近來地方官往往規避處分因循諱飾其有舉發懲辦者該上司或又以遇事張皇轉加申飭遂致相率彌縫逆匪得肆其猖獗推原釀亂之由實堪痛

恨當此軍務未竣各省匪徒潛伏尚復不少若地方官恐干吏議仍存避就之心何以除奸慝而安良善著通諭各省督撫嗣後遇有匪徒潛匿及奸細勾結重案無論被人呈告或被鄰境查拏本地方官審有確據即行申詳嚴辦者准將應得處分奏請免議其本地方官自行訪拏首要逆匪及通賊奸細實有勞績可稱者並准其酌量鼓勵倘事前既不查察事發到官又復畏難徇隱即立予革

職治以應得之罪決不寬貸各該督撫務宜嚴加督率懲勸兼施痛改從前因循諱飾之錮習以期盡絕奸萌勿負朕諄諄誥誡之至意將此通諭知之 諭軍機大臣等文煜奏試鑄大錢以濟軍餉一摺現在江北軍營需餉甚急該藩司所請試鑄當百以下三項大錢以存銅捐銅為本借釐捐之費為鑄工器具之用即著照議趕緊開鑄鼓鑄其分兩式樣均照楊以增前奏一律辦理總期便民濟

餉兩有裨益其如何設法通行分成搭放之處俟辦有成效隨時奏聞另片奏糧員出力等語著准其擇尤酌保數員毋許冒濫 江蘇布政使雷以誠等奏訪獲通賊魏獻人犯王幅等訊有端倪得旨覽奏供情已悉著交文煜歸案嚴訊 以勦捕江西崇仁縣會匪出力予同知張賦林等升敘有差 予江西陣亡知府劉熾昌都司海通宋光玉守備吳金鼇把總鄧資揚從九品成鶴立祭葬世職

舉人余瓚馨等賞卹如例 甲辰

上御懋勤殿句到福建奉天情實罪犯停決奉

天斬犯二人絞犯一人餘三十九人予句

諭內閣僧格林沁等奏逆匪出巢奔撲官兵

連獲勝仗一摺逆匪於上月二十七日由水

路奔撲經我兵擊退二十九日夜間河西連

鎮出賊多名經瑞麟督兵轟擊並僧格林沁

伊勒東阿併力齊攻該逆三面受敵力不能

支紛紛奔竄踏動地雷斃賊無數本月初五

日東西連鎮復出賊千餘名分兩岸向南竄

撲經桂齡督率官兵開放槍礮賊匪紛紛倒

地餘眾詐作乞降我軍乃奮力攻擊賊始敗

退回巢至夜間復分兩股出巢被僧格林沁

開放大礮登時擊退其向正南撲擾之賊復

被玉明桂齡薩炳阿槍礮環攻未能竄出間

有零匪鳧水渡河悉經擊斃並奪獲刀矛多

件該逆疊次竄撲均被官兵擊敗斃匪無算

賊勢實已窮蹙著僧格林沁等迅速進攻悉

數殲除毋畱餘孽其防守不力之委參領武

寬著即革職發往新疆充當苦差以示懲儆

又諭向榮奏追剿竄出賊匪並鎮江連日

獲勝情形一摺此次逆匪分黨應接鎮江之

賊經大兵追捕全數剿除鎮江及金山之賊

又經官軍痛剿連勝是兩城賊匪不能互相

救援計窮思竄正當嚴密圍剿迅圖攻克該

大臣即統領各軍力籌收復金陵責令余萬

清克復鎮江毋再遷延致令竄逸余萬清本

係戴罪效力之員自到鎮江督兵以來尚知

愧奮所有原定罪名著加恩寬免以觀後效

兵丁張得祿著以把總拔補所有在事文武

員弁兵勇著該大臣擇其尤為出力者據實

保奏候朕施恩 又諭曾國藩塔齊布奏陸

軍克復興國大冶兩城水師進攻蘄州大獲

勝仗一摺楚省官軍於收復武漢諸城以後

由曾國藩等統帶全師分三路東下先攻南

岸興國賊巢羅澤南等於九月二十日馳抵

該州境內即截斷大冶賊匪歸路使不得合而為一該逆糾眾來撲我師分頭迎擊四面圍攻立斬賊先鋒數人賊即奔潰追殺十餘里共斃賊三四百名生擒五十三名次日羅澤南等督隊直抵州城城外盤踞之賊悉數狂竄官軍即由南門入城擒獲偽知州胡萬智一名凌遲梟示復按捕餘匪多名立予正法其大冶之賊經塔齊布督領阿達春王國才等分兵設伏進剿於該縣五里牌地方擊

殺多賊該逆仍抵死抗拒塔齊布怒馬衝陣登時擒斬逆首羣賊紛紛潰竄我兵乘勝施放火箭火彈立燬賊營二座敗匪拌死復來另有伏賊突起塔齊布令親軍數人向前刺取四路短兵相接賊勢大潰屍橫遍野我兵由北關追出南關分路扼剿斃賊一千餘名奪獲器械千餘件餘賊爭橋過河橋斷墜死者約百餘名落水溺斃又千餘名生擒一百三十四名概予凌遲以洩民憤各營水師分

劉蘄州上游楊載福等探知該州賊黨意欲伺隙來撲即督同秦國祿等分帶長龍三板各船自蒜花嶺出隊迎戰該逆先行開出百餘船放礮迎拒我軍奮勇轟擊逆船勢不能支盡行下竄我戰船一半追赴下游一半攻擊未開之賊船自午至酉酣戰數時將六十餘號船隻概行燒盡斃逆不可數計此次陸軍分途進剿同日克復兩城水師亦大獲勝仗即著曾國藩塔齊布乘勢激勵各路兵勇

沿江夾擊以次殲除餘黨迅靖妖氛所有在事出力員弁兵勇並著准其擇尤保奏候朕施恩諭軍機大臣等綿森奏查勘各山應換黃土栽種樹株一摺

昌西陵

後寶山兩砂山及對宮門南業山等處值本年栽種松樹之期既據綿森查勘所挖樹窩均係砂石自應換土築實以資壯茂估需銀兩准其動支廣恩庫

並由地租項下墊發及按成搭放寶鈔敬謹
妥辦務須填土充足將砂石刨挖淨盡以期
樹木蕃盛至

慕陵

後寶山各處栽種樹株總未暢茂恐砂石未
淨土性不佳風水所關亟應設法籌畫著綿
森敬謹查看應如何刨挖砂石換培黃土勤
加澆灌俾根深葉茂為經久之計著詳細勘
明並籌辦法迅速具奏將此諭令知之 又

諭僧格林沁奏連日獲勝各等語逆賊占踞
連鎮數月之久疊經嚴旨催勦總未悉力進
攻此次僧格林沁奏報雖據稱連獲勝仗仍
係待賊奔撲出巢始行轟擊我兵並未離營
一步實所不解該逆米糧斷絕前據僧格林
沁言之鑿鑿茲閱所稱撲擾情形豈逆賊飢
餓之餘尚然如此兇橫豈非該大臣等為人
所愚遽以入告耶此時河水凍合所築濠隄
斷不足恃且以因為勦總須餉精充足方為

可恃現在我軍既有凍餒之虞若再不速籌
勦滅是賊未困而我軍先困何時始能藏事
勢至此斷難再緩著僧格林沁等迅速設
法四面併力進攻萬不准再延時日若復以
損折官兵於事無濟等語巧為搪塞是該大
臣等有意遷延聽賊他竄貽誤之罪豈能屢
宥倘各路帶兵大員不知奮勉即著該大臣
嚴叅治罪至前諭飭令桂齡帶兵赴勝保軍
營候調並令張殿元仍回連鎮當已遵辦仍

實錄卷一百一十七

三

著將該提鎮啟程及到營日期隨時馳奏將
此由六百里加緊諭知僧格林沁並諭西凌
阿知之 又諭據僧格林沁等奏攻勦連鎮
賊匪疊獲勝仗亟須籌餉接濟一摺現在連
鎮地方草豆價甚昂貴各營駝馬漸有羸瘦
需餉甚急雖經僧格林沁設法勸捐並河南
陸續報解餉銀惟用項較繁尚虞匱乏必須
趕緊寬籌以資接濟著桂良迅即妥籌不論
何款項下寬為豫備咨明該參贊聽候提撥

毋誤要需將此由六百里加緊諭令知之
又諭向榮奏金陵逆匪分援鎮賊當經追勦
撲滅淨盡等情一摺據奏獲到奸細及逃出
難民僉供該逆有內竄之謠並據余萬清購
獲偽職唐省三一名供有楊逆函約鎮江逆
匪吳如孝並瓜州金山賊黨內撲蘇常之語
此股金陵分出之匪經官兵即時追殺悉數
埽除不得如期與鎮江之匪會合但該逆窺
伺蘇常蓄謀已久雖已大加懲創並余萬清

實錄卷一百四十七

三

復將鎮城與金山木渚之賊連日攻擊均獲
大勝該逆窮極思竄更屬可虞現在江路阻
截故該逆自金陵觀音門竄出先抵龍潭與
句容密邇可以徑達常州鎮江復與常州接
壤向榮固當乘勝併力攻取金陵仍當嚴絕
該逆分竄之路所有趕赴句容防截之游兵
是否足敷堵禦不可以此次竄匪勦除殆盡
不慮該逆故智復萌也怡良近駐常州尤應
設法嚴防該郡所練之勇足恃與否界連鎮

江之處如何扼守勦賊重任雖專責之向榮
而該督職守封圻尤不可令奔潰之餘匪突
入無事之境致遭蹂躪況上海匪徒尚未埽
除深慮該逆暗遣奸匪潛與句結更肆猖獗
蘇杭財賦重地尤不得稍滋驚擾著向榮一
面督兵剋期收復金陵一面與怡良力籌大
局設法堵截俾該逆無可旁竄毋稍大意余
萬清現已加恩免其前罪仍著該大臣責令
迅速圖功儻不能將鎮江趕緊克復甚至老

實錄卷一百四十七

三

師糜餉貽誤事機即著從嚴叅奏將此由六
百里加緊各諭令知之 又諭曾國藩等奏
水陸勦賊一摺並片奏籌攻鐵鎖情形此次
連克興國大冶兩城南岸賊巢已破而蘄州
賊勢尚眾水師既經攻勦得手何以桂明等
陸路一軍未能趕到該提督所統兵勇較南
岸能否得力前已有旨查詢且南軍攻偏緊
急則該逆必伺隙北竄亦經朕早慮及此今
覽所奏各情適與朕前旨相符曾國藩經朕

畀以勦賊重任事權不可不專自桂明以下文武各員均歸節制儻有不遵調遣或遷延畏葸貽誤事機者即著該侍郎專銜奏以肅戎行該逆現於田家鎮築城窺濠並於蘄州城外築壘安礮顯係欲圖久踞此時進勦之計自屬北重於南該侍郎等擬令南軍渡江會勦並籌攻田鎮對岸之半壁山設法燬賊鐵鎖即著相機速辦仍嚴檄催提北路官兵協同圍勦一俟蘄州收復應如何分兵南

實錄卷百四十七

三十四

下直擣九江安慶並著隨時體察情形統籌辦理以副委任將此由六百里加緊諭令知之又諭前據袁甲三條陳淮北鹽務並奏奏署運司郭沛霖運判許惇詩串通捏詳朦慫總督等語當交戶部查議茲據覆奏請將開綱徵課及籌補減免懸引事宜責成怡良辦理疏通銷路責成袁甲三辦理本年淮北啟徵距造報之期僅餘四月開綱已形遲滯若再不趕緊督徵必至課項日絀且減免懸

引數至三十一萬餘兩之多亦應迅籌歸補斷不能藉口商疲銷滯束手無策怡良前奏開綱章程摺內有引地阻長僅未能銷竣仍當隨時察看之語辦理似尚無把握該督總轄驍務責無旁貸著即嚴督屬員認真妥辦毋得任令劣員蒙混委卸至運判許惇詩署運司郭沛霖如果無營私舞弊情事何以於袁甲三批駁各條並不據實稟陳輒向怡良處捏詳蒙慫袁甲三所參該員等串通奸商

實錄卷百四十七

三十五

以廢票運無課之鹽及未報開綱暗收新課並不接濟軍餉輒稱動用無存淮北每綱外辦雜費二十餘萬兩均被侵漁且郭沛霖初到時本欲揭參因許惇詩拜認師生遂致通同一氣似此種種亂法實為鹽務之蠹怡良到任後總在蘇常一帶駐劄或因未曾親歷誤聽其言亦無所用其迴護著即揀派公正廉幹司道大員馳往淮北逐一嚴切根究據實參奏不准稍有徇隱其委員不得擅提課

銀一節著卽照部議辦理戶部摺著鈔給閱看將此由四百里諭令知之 又諭前據袁中三條陳淮北鹽務情形當交戶部查議茲據覆奏請將開網徵課及籌補減免懸引事宜責成怡良辦理疏通銷路責成袁甲三辦理袁甲三係防守臨淮一帶大員勦匪是其專責至疏通銷鹽道路必須地方文武協力緝私方能漸形暢旺淮北引地多在安徽境內福濟身任巡撫地方是其專責著會同袁

實錄卷四十七

三六

甲三督飭文武嚴拏私販籌畫疏銷務須查察弊端以期便民裕課不得以地方應辦之事概諉之袁甲三辦理袁甲三前奏在浮山口派員設卡此外如界連豫境之正陽三河尖等處亦當聯絡豫省兵勇一體緝私無分畛域其不准委員擅提課銀一節著卽照部議辦理戶部摺著鈔給閱看將此由四百里各諭令知之 以勦辦湖北賊匪疊次出力賞參將玉山守備鄧翼升等花翎縣丞趙啟

昀等藍翎餘升敘有差 以直隸官紳辦理團練出力予知縣李鏡瀛等升敘有差 乙

上詣

壽康宮問

皇貴太妃安 諭軍機大臣等前因高唐步隊官兵不敷攻勦諭令僧格林沁飭桂齡帶兵一千餘名赴勝保軍營聽候調遣茲據僧格林沁等奏稱桂齡在連鎮南面剗營扼要防

實錄卷四十七

三七

堵若一調動恐南面空虛等語所奏自係實在情形但高唐需兵甚急著卽於張殿元所帶官兵內選派二十名交署副將保衡剗日兼程馳赴高唐聽候勝保調遣毋稍遲誤其吳橋一帶仍飭張殿元帶兵駐守以為南路援應高唐逆匪本屬無多又添精兵二千名諒已足敷勦辦勝保務卽督飭各路官兵迅圖克復州城毋得再事遷延致干重罪將此由六百里各諭令知之 又諭托明阿等奏

連日攻勦情形一摺所敘九月二十五等日由觀音門陸路竄往鎮江之賊均被我兵勦盡與向榮昨日奏報畧同而該大臣等進攻瓜州賊壘逼近濠邊仍未能直擣土城致兵弁間有傷亡即從焦山進駛之水師亦不過專恃大礮擊塌賊屋數間賊隄數處似此遷延時日瓜鎮何時攻克該逆既連次乞援於金陵而金陵賊黨復連造木簰接續東下則其意欲窺伺蘇常已無疑義昨已諭令向榮

實錄卷一百七

三

等扼其分竄之路惟瓜州鎮江未能迅速克復難保救援之賊不去而復來況向榮兵力僅能截其陸路而鎮江前此竄泊之賊簰尚在即九洲洲賊營及鐵鎖欄江之賊船亦未勦除終無了局著托明阿等趕緊督率水陸將弁克復瓜州勿再遷延其浦口洲地賊營並著嚴飭武慶等併力攻勦以免牽掣昨據向榮奏拏獲賊匪供有楊逆函約鎮江逆匪吳如孝並瓜州金山賊黨內竄蘇常若我兵

能將瓜鎮賊匪殲除何至該逆敢肆其猖獗托明阿等與向榮雖各統一軍仍當聯絡一氣互相策應勿誤事機至此次擊焚船簰之水營將備等登岸協勦尚屬奮勇著即酌保數員以示獎勵各營弁兵如能奮勇殺賊亦必一體優獎儻玩誤畏葸令金陵賊眾與瓜鎮互相勾結或另股軼入蘇常亦必重加懲辦另片奏已革運司劉良駒但明倫現在購募水勇等語著即准其暫停起解儻仍不知

實錄卷一百七

三

愧奮著遵前旨即行發遣不得瞻徇情面自干咎戾將此由六百里加緊諭令知之 又諭和春福濟奏攻勦廬州逆匪連獲勝仗一摺據稱九月十八至二十八等日節次斃賊多名並平毀賊築土壘惟連日接仗均係該逆從各門突出我軍追勦亦止趕至城邊旋即收隊雖疊有斬擒而該匪一經入城我兵即束手無策該提督等圍勦廬州賊匪將及一年總未能出奇制勝立破賊巢貽誤遷延

罪將誰諉著即迅籌進剿之策督飭將弁克復堅城一面嚴催秦定三忠泰等速將舒城等處賊匪埽除淨盡毋再遲延干咎湖北興國大冶已經收復曾國藩等水陸各軍指日東下應如何聯絡接應之處並著統計兼籌以期會合夾擊速清醜類至潁毫土匪據福濟奏兵勇無可分撥請飭袁甲三就近撥兵勦辦亦係實情惟臨淮一帶關繫南北大局袁甲三駐劄該處未便令其遠離福濟身膺

實錄卷一百七

三十

疆寄豈可以本境勦匪事務專諉他人既知戡暴安良責無旁貸即當設法抽撥兵勇會合殲除著即督飭陸希湜等就現有兵勇極力撙拮務將單開各擒匪按名弋獲無畱餘孽其距臨淮較近之處袁甲三亦當分兵撙捕毋存畛域之見將此由六百里加緊各諭令知之又諭前因武漢等處先後克復水陸各軍需餉孔亟當諭令王慶雲迅籌銀二十四萬兩解赴曾國藩等軍營應用茲據該

撫奏稱已撥銀六萬兩於九月二十五日委員管解啟程由荊子關水路前赴襄陽現在楚氛甫靖曾國藩塔齊布統師進剿糧臺支應刻不容緩陝省解餉之員究未能熟悉道途儻有貽誤關繫非輕著楊需遴委幹員前往迎提護送至曾國藩等軍營聽候撥用昨據曾國藩等奏克復興國大冶南岸賊巢已破惟蘄州賊勢尚眾於田家鎮築城它濠並於蘄州城外築壘安礮顯係欲圖久踞已有旨令曾國藩等迅速籌辦該督係該侍郎等後路接應亦當籌畫進攻前奏分兵進剿近日行抵何處與一切布置情形著即隨時馳奏以慰廑念將此由六百里諭令知之

實錄卷一百七

三十一

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百四十七

實錄卷一百四十七

三十二

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百四十八

欽 修

咸豐四年甲寅十月丙午諭內閣何彤雲奏

請推廣捐輸條款等語向來各省舉人貢士
磨勘後罰停會試殿試者皆因試卷違式或
文理有疵原以慎重科場嚴防冒濫若准其
捐免殊乖覈實掄才之意至京官五六品實
缺人員捐免離任准其赴試一節曾經部議
奏駁何得再行瀆請近因軍餉浩繁所有捐
例業已遞加推廣至考試為取士大典豈容
擅改成例致開僥倖之門所奏著不准行其
世襲人員捐免赴部一條有無窒礙著兵部

議奏。又諭薩迎阿等奏遵旨查明已革湖北巡撫崇綸現赴陝西就醫一摺。崇綸經朕簡任湖北巡撫。上年賊擾田鎮。不能與前任總督吳文鎔共籌戰守。丁憂後留辦防勦。復與巡撫青麐不能和衷協力。共保省城。經朕革職示懲。宜如何愧奮圖報。乃當武昌失守。輒即逃往荊州。偷生避難。實屬昧良負恩。茲據該旗查明該革員現在陝西就醫。著王慶雲派員押解來京。交刑部候旨訊辦。尋奏崇

綸於陝西省寓病故報聞 丁未

上御乾清門聽政。○諭內閣。戶部奏遵議福建省欠款各員交米完納一摺。現在福建籌辦京倉米石為數較多。所有該省服官各員短完銀款及服官他省咨關追繳者。均著准其繳米完納。他省不得援以為例。至繳米合銀數目。著照該部現議章程辦理。不得援引各項捐輸之例八折申算。以示區別。○以順天府府丞張錫庚為太僕寺卿。○以防勦湖北

荊州賊匪出力。賞佐領有福圖勒炳阿長順。楚標裕陞防禦三音額貴。強斐齡。阿烏貞額。金瑞等花翎。知縣鍾齡等藍翎。餘升敘有差。予湖北陣亡在籍主事彭宗達祭葬。世職如知府例。 戊申

上詣

永安寺拈香。以驗收各省採買米石完竣。予都察院左副都御史文彩順天府府尹譚廷襄優敘。餘升敘有差。以辦理熱河礦務出力。賞道員裕恒花翎。 己酉

上御懋勤殿。旬到陝甘情實罪犯停決。斬犯六人。絞犯三人。餘三十人。予旬。緩徵吉林三姓歉收地方舊欠銀穀。庚戌諭軍機大臣等。勝保等奏逆匪屢撲各營兵勇奮力擊回。並力疾督辦一摺。覽奏。曷勝焦急。逆匪竄踞高唐數本。無多。該大臣等如能趕緊進攻。何至蕞爾孤城日久。未能克復。疊次嚴旨飭催。不啻至再至三。而該大臣於攻勦事宜。仍毫

無把握。本日據奏各情。竟至該逆乘夜屢次撲我營盤。雖經我兵擊退。亦間有斬擒。而弁兵傷亡頗多。玉秀營盤甚至為賊乘亂撲進。尤出情理之外。總由該大臣等頓兵日久。師老力疲。該逆窺我虛實。因而潛出肆擾。勝保統領全軍。既不能迅殄賊氛。復不能嚴飭各營將弁實力防範。數月以來。所謂布置者。安在我兵株守城外。仍不免於傷亡。何如及早進攻之為得計也。據稱賊糧將絕。我兵營盤

俱已那近。現在保衡所帶官兵二千名。計已馳抵高唐。該大臣務當設法進攻。將逆匪就地殲除。毋得藉病推諉。儻再事遷延。致賊勢復張。或竄擾他處。該大臣貽誤之罪。豈能屢邀寬典。山東候補遊擊玉秀帶隊出哨。致逆匪入營。傷亡弁兵。遺失槍礮。雖經奪回營盤。究屬防範不力。玉秀著即革職。仍責令戴罪自效。儻再不知奮勉。即著從嚴叅辦。將此由六百里加緊諭知勝保。並諭德勒克色楞善

祿崇恩知之。辛亥

上御懋勤殿。句到浙江、江西、山西、熱河情實。罪犯停決。浙江斬犯三人。江西斬犯三人。絞犯一人。山西斬犯三人。絞犯一人。熱河斬犯一人。餘二十八人。予句。諭內閣載垣等奏遵旨查訊揀選錯誤。請將都統等嚴議議處一摺。此案鑲白旗蒙古都統副都統揀選族襲佐領。並不遵照例案家譜房分。任意擬定。正陪實屬錯謬。鑲白旗蒙古都統柏後。署副都

統愛仁。副都統烏爾棍。泰著。交部嚴加議處。印務參領慶良。雖訊無蒙蔽情事。惟既知該堂官揀選錯誤。並不稟明更正。亦屬非是。著交部議處。至該佐領及雲騎尉世職著該旗另行秉公揀選。又據載垣奏柏後曾向載垣聲稱此事難憑一面之詞。或令出具親供。或令明白回奏等語。柏後於未經具奏之案。自應聽候查辦。輒向載垣負氣辯論。尤屬不合。柏後著再行交都察院議處。又諭曾國藩

塔齊布奏水陸兩軍大獲勝仗一摺。曾國藩等自克復興國大冶後。水陸並進。羅澤南等於初一日進劄馬領坳。距半壁山賊營不遠。逆匪突出萬餘人紛紛來撲。我軍從左右兩隄分隊衝出血戰三時之久。適升用直隸州知州李續賓帶勇踵至。兩路齊進。軍威益振。乘勝直逼賊營。從木椿竹籤中踰溝而入。縱火焚燒。煙燄蔽空。焚斃賊匪以數百計。遊擊彭三元都司普承堯分途截殺。圍住賊營。賊

眾情急登舟。我軍搶入舟中。殺斃千人。覆舟溺斃者浮屍蔽江。殲斃偽丞相林紹璋。偽將軍陳姓。偽指揮彭姓及偽官多名。生擒四十餘名。奪獲黃旗馬匹軍械無算。其水路一軍先經營官白人虎等管帶戰船駛近新城。該逆猝出船百餘號。乘東風大作。併力上犯。經彭玉麟楊載福等各率快蟹長龍大船逆風開鎗排轟而下。哨官任星元等復抄出蘄州以下之釣魚臺地方逆擊而上。將賊船裹入

中段。該逆倉卒不能退轉。遂各棄船登岸。我軍一面攢轟登岸之賊。一面縱火將上犯賊船悉數焚奪。計延燒賊船約八十隻。奪獲四十六隻。並獲巨礮六十三尊。各項軍械不計其數。此次水陸兩軍均獲大勝。將半壁山賊巢立時踏毀。我軍已占形勢。著曾國藩塔齊布督飭各軍迅速克復蘄州。順流東下。將潯皖各處賊匪悉數掃除。所有在事出力員弁兵勇著該侍郎等查明據實保奏。候朕施恩。

○諭軍機大臣等。托明阿等奏水師攻勦賊。獲賊船均獲大勝。各情此次金陵賊。續行下駛。經陳國泰陳世忠等各項師船奮力迎擊。斬獲甚眾。其由北固山進攻瓜鎮。擊毀金山木。獲並江浦兵勇擊退上游賊船。勦辦尚屬得力。可見逆眾雖聯為一氣。我兵果能無分南北協力環攻。該逆即有應接不暇之勢。若乘此機會。上下夾擊。成功更易。該大臣等。惟當併力攻勦。瓜州或用聲東擊西之計。先

將金山奪回去其犄角即可扼截鎮江斷其應援何得任令該逆堅匿不出不思力圖進攻其浦口洲地賊營負隅日久陸路既有武慶獨當一面水師復有李德麟等艇船若不嚴飭該總兵等實力勦辦仍前遷延貽誤托明阿亦斷難辭咎現在上游師船節節下偪皖江賊眾勢必紛赴下游即金陵大股亦必亟圖旁竄昨據向榮奏稱已將內竄秣陵關股匪殲滅淨盡而江面自浦口以下尤應嚴

密攔截以杜該逆奔突之路著托明阿等迅即攻克瓜州並飛飭武慶等疾擣浦口賊巢仍隨時與向榮會籌扼剿之策一面就近飭令余萬清圍攻鎮城嚴防逆眾潛竄常蘇並與江北官軍聯絡聲勢互相策應該大臣等務須通盤籌畫俾江路及早肅清以副朕望將此由六百里加緊諭令知之又諭曾國藩塔齊布奏水陸官軍續獲大勝一摺此次陸路官軍踏破半壁山賊巢雖已占據險隘

而蘄州未復田鎮未破兩岸賊眾尚有四萬餘人儻江西戰船一時未能出湖湖北後路官軍相距又遠曾國藩等以孤軍轉戰即屢次獲勝亦尚可虞前次楊需奏請親督後隊會合下擊至今未見啟程現在夏廷樾是否到省武漢等處布置事宜當已漸次就緒北路桂明一軍總未會合非楊需親督後軍前往接應恐此路輟弱則塔齊布以一路兼顧南北兩岸愈形支絀著楊需迅督官軍妥籌

進剿以為曾國藩等後路聲援下游九江一帶昨據陳啟邁奏已令趙如勝等各帶戰船堵截湖口豫備攻剿並飭居隆阿等先攻郡城儻該省戰船能出湖口沂流而上迎頭攔擊亦可為曾國藩等前路接應著即妥籌聯絡不可各防各境致湖南官軍前後無援是為至要另片奏請飭江西製造火藥鐵子鉛彈由湖口運解出江以資接濟等語著陳啟邁即行籌款製備趕運出江毋稍延誤昨據

陳啟邁奏。勻出大小礮位一百五十尊。咨商湖南撥船前來就近配駕。能否即由江西本省戰船帶解出湖。徑交曾國藩等軍營應用之處。亦著妥籌辦理。將此由六百里加緊各諭令知之。○又諭裕瑞奏。行抵瀘州日期。並續調官兵籌辦堵剿一摺。前以裕瑞有應詢事件。諭令載齡等咨令折回省城。如瀘州等處情形喫緊。或另派大員前往督辦。茲閱裕瑞奏報。黔匪攻撲石濠營盤。業經都司鄒鸞

章督兵擊退。前調兵勇均陸續到齊。提督萬福臬司曹澍鍾復由渝。前赴綦江邊界防堵。督辦有人似無須裕瑞親身在彼樂斌現署總督。該省堵剿事宜。責無旁貸。著與載齡崇實斟酌緩急。如裕瑞應令回省聽候查辦。即遵前旨咨令速回省城。無許藉詞逗遛。其所調之平安萬全義邊維州等營兵丁八百名。仍著飛催守備武聯陞王倬庭分帶。星夜前赴瀘州候調。至敘永廳合江一帶。與黔省僅

隔一河道路紛歧。情形喫重。現在蔣霽遠出省。勦辦應即催萬福訂期分路前進。以勦為堵。著樂斌與載齡崇實悉心籌酌妥辦。其各廳州縣團練。並飭地方官實心勸諭。以助聲勢。有能殺賊立功者。奏請獎勵。毋使黔匪闌入川境。致有蔓延。並將辦理情形隨時馳奏。將此由六百里諭令知之。欽差大臣江甯將軍托明阿等奏。轟毀九洑洲賊營。大獲勝仗。得旨覽奏。獲勝轟毀賊營情形。均悉。惟願

該鎮等不遺餘力。自可盡埽逆類。○予湖北武昌府殉節已革道員劉若珪祭葬。世職如同知例。○予湖北陣亡巡檢石熾然祭葬。世職營官白人虎千總何如海祭葬。世職如守備例。監生徐國本祭葬。世職如從九品例。○予子諭軍機大臣等。恒春奏續提籌防經費一摺。山西省籌辦防堵業經提用軍餉七十萬兩之多。現在又須續撥。當此經費支絀之時。自應權其緩急。以歸節省。著恒春將調防

固關官兵。即行裁撤歸伍。其澤潞等處防兵。並著體察情形。酌量裁減。所請續提餉銀。准其於司庫收存各屬捐輸項內。提銀五萬兩。以備支放。該撫仍飭經手各員。撙節動用。毋許稍有虛糜。將此由四百里諭令知之。○癸丑。

上御懋勤殿。句到朝審情實罪犯。停決斬犯四人。絞犯一人。餘三十三人。予句。○諭內閣。京城內外各門。設立營汛等官。原應實力巡查。

使奸宄無從溷跡。本日據御史楊重雅奏。每遇夜間進城時。並未見有兵役在街巡緝。僅在廳內擊柝。似此疏懈。各處營汛。幾同虛設。著步軍統領衙門。嚴飭值班官兵。務當認真巡查。不准稍涉鬆懈。如查有懶惰偷安。仍前玩忽者。即著從嚴叅辦。毋稍姑容。○諭軍機大臣等。廣東自會匪滋事以來。僅接葉名琛等兩次奏報。現在已踰三月。肇慶府城。並高明順德惠來等縣。是否收復。攻撲省垣之賊。

如何擊退。海陽自北礮臺被占後。作何勦辦。其花縣等十四州縣。有無另被賊踞。文報遲延。尚未據該督撫等續奏。本日侍郎羅惇衍奏大股賊匪。仍在廣州北門外三元里地方屯聚。英德已陷。肇慶所屬已失去十一州縣。廣州屬之順德。清遠。花縣。增城。亦皆淪沒等語。朕心實深焦灼。該侍郎請用勦撫兼施之策。欲慎選賢令。使之收復各城。並令紳士團練鄉勇。所奏不為無見。惟該省羣盜如毛。雖

勦之不可勝數。然非先懾以兵威。而遽議安撫。恐此等藐法之徒。未必帖然心服。至所謂離散黨與。以賊攻賊。或亦勦捕之一法。閩楚援兵。前據駱秉章奏。已調辰沅兵丁一千名。王懿德亦派福建省標。並漳泉各營精兵五百名。添雇漳勇二百名。委令總兵慶寅統帶前往。此兩項兵勇。計已陸續抵粵。其續諭王懿德再選閩浙兵二三千名。由海道赴援。諒亦不日可到。援師雲集。加以本省兵團壯勇。

足數攻剿著葉名琛等迅將近省賊氛盡數掃蕩并嚴飭各路統兵文武克復城池勿再遷延致令滋蔓該侍郎所奏并著察看情形斟酌辦理原摺鈔給閱看再前據陳啟邁奏監生周慶榕等管帶練勇會同南雄營兵深入粵境殺賊千餘已解韶郡之圍并聞仁化樂昌等處匪徒亦經湖南官軍剿滅葉名琛等務將剿賊情形迅速入奏以慰殷盼將此由六百里諭令知之○又諭戶部奏直隸各

州縣收納票鈔事宜請旨飭查一摺直隸地丁錢糧經戶部議准照桂良所咨自四年為始按銀七票三搭收扣至六年十二月為止以後仍按五成搭收各該州縣自應遵照辦理乃據永康等奏永濟籌備二庫地租改收三成錢文乃訪查各州縣所收仍屬實銀並無一分惠及百姓等語該地方官徵收錢糧並未按照定章分成收納所交藩庫之三成票鈔顯係減價賤買從中漁利無怪官票寶

鈔日形壅滯也著桂良明查暗訪如地方官有徵收錢糧不遵奏定章程仍向民間概收實銀者即行指名叅奏毋得稍有徇隱本日有人奏廣西左江道張祥晉貪黷營私現在逗遛天津干預訟事等語著桂良按照所叅各款詳細確查據實具奏原摺與戶部摺均著鈔給閱看將此諭令知之○雲貴總督羅繞典等奏遵查桐梓滋事情形並續獲勝仗得旨覽奏獲勝各情知道了起事緣由所奏

殊未明晰○甲寅諭內閣本年各直省辦理秋審人犯經刑部由緩決改情實者四川十一起貴州五起該督撫臬司等於秋讞重案未能詳慎覈擬著交部查明分別議處嗣後各將軍府尹督撫等務當督同所屬遵照定例酌覈案情悉心究擬固不可失之刻覈亦不可惑於救生不救死之說意存寬厚故從輕減總期執法持平無枉無縱用副朕明慎用刑至意將此通諭知之○雲貴總督羅繞

典奏統帶滇兵親往桐梓剿賊並將總督關防封交布政使收存另刊行營鈐記帶往備用得旨汝既赴黔督辦自必胸有把握著相機進止務期迅速歲事汝接到上次寄諭或另有斟酌惟汝刻木戳一條實為從來未有之事太屬不曉事汝為雲貴總督又非出境著仍用總督關防督辦軍務飭藩司用藩篆代拆代行○以繕寫員觀政要完竣右春坊右庶子袁希祖等賞賚有差乙卯諭內閣

托明阿等奏浦口水陸兵勇燬除洲地賊營一摺逆匪分股占據浦口九洲洲地結營抗拒節經托明阿督飭總兵武慶李德麟等無分水陸會合圍攻初八日武慶等督率官兵會同知縣溫紹原曾勉禮及把總馬福等各帶兵勇由金湯門外分五路前進該逆分股撲來我軍立斃手執黃旗賊匪多名武慶等乘勢指揮兵勇徑過新搭浮橋攻賊大營斃匪一千餘名馬隊分兩翼圍抄江浦六合各

勇亦分路協攻復殲賊三百餘名署把總馬馨等由西面徑登土城各兵勇施放火器即將賊匪大營攻破餘賊紛竄小營內死守對岸金陵賊眾駕船駛來援救經向榮派員蔡應龍協同李德麟吳全美等各帶紅單拖罈等船飛餞迎截擊沈賊船多隻殲匪無算初十日我兵鼓勇齊進陸軍圍攻賊營水師截剿賊船槍礮箭彈四面齊發賊勢潰敗不支兵勇直抵賊營攀援而上營內火光衝起該

逆竄突出營自相踐踏我兵沿途追殺伏屍徧地餘賊逃至江邊溺死者不可數計逆船亦被水師擊敗駛回奪獲礮械甚多洲地一律肅清賊營悉成平地所有此次在事出力文武著准其擇尤酌保數員毋許冒濫○諭軍機大臣等托明阿等奏攻毀九洲洲賊營並土橋四里鋪剿賊情形各摺片此次洲地賊營焚毀淨盡土橋四里鋪等處賊壘亦未容其剗定辦理尚合機宜惟上游太平蕪湖

一帶需船甚急前此吳全美葉常春等所帶各船擅自下駛因洲地攻勦緊要是以未加究詰今九洲賊營已除武慶陸路官兵及李德麟等師船足資控扼所有前項紅單艇船並續撥之陳國泰紅單船自應仍前上駛以斷金陵賊匪來路下關賊窺所以能陸續下駛者未必不因師船全力專注洲地以致毫無阻截著托明阿向榮等各遵前旨分別催提不准任其觀望鐵鎖攔江之賊船尤應

設法勦除我兵江路能通則賊眾之救援自絕金陵逆眾屢思南竄蘇常瓜州鎮江賊勢仍相聯絡金山木簕亦未攻毀此時上游形勢以師船進扼蕪湖為要下游形勢以師船力奪金山為要該大臣等總當激勵水師分投攻勦不可稍存畛域和州烏江一帶賊船本恃洲地為聲援今洲地已除該處是否尚有賊蹤亦著知照袁甲三妥為防勦浦口地方仍責成武慶等嚴加防範不許再有賊蹤

將此由六百里加緊各諭令知之○又諭前據英桂奏許州尉氏鄉民抗糧聚眾滋事當以案關緊要諭令將為首倡謀之犯盡法懲治以儆其餘茲有人奏河南省除許州尉氏外禹州滑縣封邱孟縣汜水輝縣等處均有抗糧聚眾之案請飭整頓等語豫省民風向稱淳樸近日抗糧重案層見疊出是否地方官辦理不善抑係刁民從中煽惑若不急為整頓深恐釀成事端著英桂即將起釁根由

確查陳奏並查有刁生惡棍把持挾制鼓惑鄉愚者即將首犯按律處治毋得將就了結致長刁風其各該州縣如有浮收勒折以致民情不服者並著嚴行叅劾毋稍徇隱原摺著鈔給閱看將此諭令知之○廣西巡撫勞崇光奏應補封儲監銀撥入勦捕土匪案內支用得旨著照所請行以後毋得視為成案任意截留○命兵部尚書翁心存刑部尚書趙光吏部右侍郎張祥河刑部左侍郎李鈞

工部右侍郎杜翰御前侍衛景壽正紅旗護
軍統領多爾濟那木凱正紅旗蒙古副都統
倫恭在紫禁城騎馬賞休致黑龍江副都
統清安半俸以克復湖北安陸京山天門
孝感黃陂麻城六府縣城賞參將常德遊擊
劉富成巴圖魯名號遊擊孫學瀛都司馬宣
守備施鴻恩馬成舉守備銜福爾登在籍員
外郎許本鏞等花翎千總賽固勝等藍翎餘
升敘有差予江南陣亡知縣都榮森參將

實錄卷一百八

三

照信署守備楊明經守備崔萬雲把總梁成
通委防禦凌福阿克吉哩外委祁登瀛宮立
幹張大鵬祭葬世職

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百四十八

實錄卷一百四十八

三

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百四十九

[illegible]

咸豐四年甲寅十月丙辰

上詣

壽康宮問

皇貴太妃安諭內閣兵部都察院奏遵旨嚴
議議處各一摺此案前任鑲白旗蒙古都統
柏葭等於揀選族襲佐領任意錯謬印務參
領賡良並不稟明該堂官更正迨降旨交載
垣會同刑部查訊柏葭復於未經奏結之先
輒向載垣負氣辯論均屬咎有應得柏葭著
改為降三級調用革去總管內務府大臣降

補都察院左副都御史署理藩院左侍郎愛
仁著革去侍郎副都統降為三品頂帶仍留
左翼總兵之任烏爾棍泰著革去副都統降
為三品頂帶在鑾儀衛章京上行走參領賡
良著改為降四級留任驍騎校雙謙現署佐
領既經瑞全向伊告知過繼情由乃有意希
圖承襲不為出結著即照部議革職○又諭
楊以增奏續獲洋匪勦捕淨盡一摺黃河海
口前有洋盜勾結濱海土匪肆行搶掠經楊
以增等派委員弁勦捕業將洋匪股首擒拏
懲辦茲據稱該匪股數甚多九月二十七等
日經淮安府知府恆廉等督率兵勇分隊追
勦直至海濱搜索賊巢格殺無數並生擒匪
徒數十名內有股首陳學恆等三名隨將賊
巢全行燒毀又轟斃股首王小老虎一名此
外另股匪首王永等四名悉數就擒餘黨均
已勦捕淨盡其外洋接應匪艇亦經候選同
知潘榮淮等募帶水勇赴射湖口夾攻擊沈

匪船三隻。淹斃匪徒甚眾。現在濱海股匪。一律肅清。勦辦尚為迅速。所有在事文武各員。弁著楊以增擇其尤為出力者。覈實酌保數員。候朕施恩。毋許冒濫。以戶部尚書文慶。為翰林院掌院學士。調工部尚書花沙納。為吏部尚書。以倉場侍郎全慶。為工部尚書。管國子監事。都察院左副都御史文彩。為倉場侍郎。調禮部左侍郎穆蔭。為吏部右侍郎。工部左侍郎肅順。為禮部左侍郎。以內閣學

士國瑞。為工部左侍郎。並署右侍郎。兼管錢法堂事務。調鑲紅旗漢軍都統文慶。為鑲黃旗漢軍都統。以已革盛京將軍奕興。為鑲紅旗漢軍都統。調鑲黃旗漢軍副都統西拉布。為鑲白旗滿洲副都統。以戶部右侍郎熙麟。兼鑲黃旗漢軍副都統。駐藏辦事大臣赫特賀。為鑲白旗蒙古副都統。以鑲紅旗漢軍副都統連成。署鑲藍旗護軍統領。予江南殉節總兵官程三光。署布政使涂文鈞。道

員陳克讓。副將湯貽汾。知府魏亨達。通判程文榮。知州曹森。知縣劉同。纓張行澍。袁傳陳第。誦李幼輿。林戴榮。遊擊沈鼎。都司吳攀鳳。守備包廷芳。王國賓。布政司經歷高鏡。州同婁家蘭。鹽大使張漣。教授歐陽晉。教諭夏慶保。訓導孫際雲。縣丞方若。夔黃曙。筆帖式圖桑。阿府。經歷顧璜。千總戴黼。廷江。繼勳。把總陳雲。韋馨。徐容。光。楊善。保等。祭葬。世職。文生倪德新等。旌卹如例。丁巳

上辛瀛臺。諭內閣。會國藩。塔齊布。奏水陸疊獲大勝。斃賊萬餘。斷賊江面。鐵鎖一摺。會國藩等官軍。自踏破蘄州半壁山。賊營餘賊。聚集湖汊。十月初二日。忽出數千人。搦戰塔齊布。隨督參將周鳳山等。兵擊退。焚燒富池口賊營一座。至軍山背。劄營。初四日。塔齊布遣人搭造浮橋。忽賊千餘人。前來阻遏。江中賊匪登岸。及田家鎮。賊約共二萬餘人。占踞半壁山。舊壘羅澤南。督兵堅持不動。賊眾屢次

來撲。我軍突起大呼衝陣連斃執旗賊目。餘眾盡靡。回奔半壁山。我軍乘勝追殺上山。殺賊千餘人。從峭壁之上墜下死者千餘人。餘賊奔江覓船。自行擠溺。及被我軍焚燒殲戮殆盡。我軍盡焚南岸賊營。並將賊橫江鐵鎖。及竹纜等盡行斫斷。是日塔齊布兵亦隔港分擊。斬獲甚多。我軍浮橋是夕始成。初五日。田家鎮賊三千餘人復渡江來犯。欲搶浮橋。塔齊布率遊擊阿達春等迎擊。羅澤南兵亦奮力衝截。賊始敗潰。該逆見我軍盡赴下游。開船百餘。從上游登岸。欲撲羅澤南營。彭三元等奮力堵截。沿江追擊。斃溺各數十名。焚毀賊船三隻。蘄州城下賊船經我軍屢次誘擊不出。初八日。彭玉麟蕭捷三等移營攻打。適逆船數十自釣魚臺下開竄。我軍追勦。燒毀二十餘隻。奪獲二隻。乘勝衝過賊營。進劄骨牌磯。此次水陸疊勝。將士用命。以少擊眾。殺賊逾萬。洵屬調度有方。著曾國藩等乘勝

即將蘄州。田鎮速行克復。順流直下。以次掃除。潯皖各賊。迅殄妖氛。○諭軍機大臣等。曾國藩塔齊布奏南路陸軍斃賊萬餘。斫斷江中鐵鎖。並水師屢獲勝仗。一摺。覽奏稍慰朕懷。此次我軍陸路奪取半壁山水師亦屢獲大勝。逆賊不敢復窺南岸。辦理甚為得手。惟蘄州之賊。堅匿不出。田鎮亦未克復。北岸情形。甚為喫重。據奏北兵不甚得力。究竟桂明一軍。現在何處。何以總未與南軍會合。殊不可解。前諭令楊霽親督後軍前往接應。此時是否已經啟程。久未據奏。曾國藩等孤軍深入。甚為可慮。著楊霽迅速前進。為曾國藩等後路聲援。不准稍有遷延。致滋貽誤。田鎮為皖省門戶。逆匪必圖久踞。設此股賊匪不能迅速勦除。則曾國藩塔齊布兩軍為其牽掣。不能乘勝下擊。辦理又多棘手。前此曾國藩等奏北路兵勇未能會合夾擊。當諭令曾國藩藩節制諸軍。如有不遵調遣。貽誤事機者。即

著專銜叅辦乃此次桂明等仍未會同勦賊如不得力即著會國藩嚴叅懲辦此時江面已可漸就肅清務當趁此聲威迅調南兵渡江會勦剋日收復蘄州田鎮即可分路直擣下游並隨時知照江西安徽水陸各軍互相策應毋失事機將此由六百里加緊各諭令知之○又諭袁甲三奏皖北軍情喫重並兵勇進駐亳境各情形現在豫省賊氛已遠永亳一帶界連三省素為捻匪嘯聚之區福濟等力難兼顧袁甲三派往馳勦之兵勇自應與河南官兵會同勦辦惟占踞廬州舒巢之賊久未就殲廬江復陷我師已有應接不暇之勢而南岸江防既密則北竄最為可虞六安現無一兵正陽兵力亦僅二百餘名北路空虛雖有袁甲三專駐臨淮恐不足以資控扼此時河南南路所撤防兵著英桂體察情形酌量派往六安正陽一帶相機截勦至豫東捻匪前據英桂奏亳州永城商邱等州縣

並有另股土匪肆擾官兵擒捕半有傷亡徐廣縉病難照料該撫已將信陽行營遣撤官兵添派一千名並加派壯勇八百名飭候補道張維翰就近幫同擒捕茲據袁甲三奏稱○派赴蒙城之兵勇現已駐亳惟永民怨恨亳民時以控拏匪首蘇添幅為名與蘇添幅所糾之眾每相殺掠此等兇悍之徒擾害良民豈得以民人自相報仇置之不問周天爵招撫之張樂行亦以保守雒河集為名實則狼子野心難保不暗中勾結土匪著英桂飭令帶兵文武將蒙亳匪徒相機勦捕並著袁甲三知會福濟嚴飭知府陸希提等帶兵前往會勦毋稍遲延其從賊紳民袁甲三欲稍寬查辦似為解散起見然此等喪心無恥之徒不使畏威豈能懷德正未可博寬大之名而受養奸之害也另片奏已革知縣黃元吉請予開復等語該革員屢經失事因有微勞遽請開復未免過優著俟該員再有勞績准其

酌保候朕施恩將此由六百里加緊各諭令知之○欽差工部右侍郎載齡等奏遵查學政何紹基並無收受陋規水禮得旨何紹基不收水禮一節未可信朕聞該員在川聲名亦甚平常著再確訪具奏○兵部侍郎銜會國藩等奏南路陸軍大捷覽賊萬餘斫斷江中鐵鎖水師繞出賊前屢獲勝仗得旨獲此大勝皆因汝等和衷共濟調度有方故能將士用命以少擊眾朕披覽之餘感慰莫能言

諭○都察院左副都御史袁甲三奏皖省北路喫重請迅賜籌畫以杜紛竄並刊刻告示解散脅從得旨覽此奏報汝是時頗屬張皇○命大學士裕誠管光祿寺事以理藩院尚書奕湘為內大臣御前大臣德木楚克扎布兼閱兵大臣○以陝西漢中鎮總兵官孝順暫署雲南昭通鎮總兵官○以勦辦安徽擒匪出力賞遊擊李成虎都司滕仲武富陞守備李玉珍等花翎把總韓文魁等藍翎餘升

敘有差○以攻勦湖北田家鎮賊匪獲勝賞道員羅澤南知州李續賓巴圖魯名號餘升敘有差予陣亡外委蕭世祥祭葬世職○予江南陣亡遊擊德麟守備曾廷舉千總芮大成班超保把總蕭振聲外委柳鳴鵠陳超邁祭葬世職額外外委楊熙仁等賞卹如例○旌表守正捐軀河南宜陽縣民間丙寅妻穆氏郊縣民王生媳閻氏○蠲緩湖南武陵桃源龍陽沅江澧安鄉湘陰七州縣被水村莊新舊額賦○戊午諭內閣京察為激揚大典舉劾並行即古三載考績之意向例各衙門保列一等人員皆有定額原所以防浮冒或不得其人即當任缺毋濫近來各堂官如數薦列從無缺額其上次一等人員如或始勤終怠原可改入二等乃近來往往盡列一等絕少更改至應列六法人員除年老有疾者各衙門尚有數人其填浮躁不謹等款者亦屬寥寥殊非慎重舉劾之道現屆辦理京察

之年著各衙門堂官認真考覈務擇操守廉潔通達治體之員列入上考不得以濫竽充數其庸碌無能及精力衰頹不堪造就者並著隨時淘汰毋任戀棧總期舉錯嚴明毋蹈瞻徇之習俾該司員等咸知振作以備簡任庶期真才輩出以挽因循將此通諭各部院衙門知之○又諭僧格林沁等奏誘賊出巢痛加勦戮續獲勝仗一摺十月二十日僧格林沁飭令參領穆騰額等設計分兵誘賊出

巢南面木城及連鎮之賊相繼而至我軍開放槍礮奮力痛擊殺斃逆匪無算奪獲大小黃旗黃衣刀矛烏槍多件此次逆匪受創思竄愈急著僧格林沁等乘其困蹙設法進攻就地殲除淨盡毋再遷延其誘賊出力之甯宗陽施紹恆均著賞給六品頂帶甯宗陽並賞戴藍翎以示鼓勵○諭軍機大臣等僧格林沁等奏設法誘賊出巢痛加勦洗一摺此次我軍虛作高唐之匪回援連鎮誘賊出巢

擒斬多名布置頗費經營但南面木城之賊全行撲來連鎮之賊亦相繼而至正可乘其不備四路進攻為一鼓殲除之計失此機會殊覺可惜該逆被圍日久思竄愈急既有造梯選勇由旱路奔撲之說該大臣務嚴飭各營一面實力進攻一面防其奔竄之路毋稍大意逆賊負隅死守總當出其不意力破賊巢若止能誘出而斃賊不多勦辦何能肅事况該逆狡詐百出此計豈能再行現在天寒

冰結我軍僅恃長隄萬一逆賊乘間突出貽害何可勝言該大臣等其迅圖勦洗斷不可再事遷延致滋他變將此由六百里加緊諭知僧格林沁並諭西凌阿知之以兵部尚書阿靈阿署鑲紅旗漢軍都統命伊犁將軍奕山伊犁領隊大臣德勒格爾巴里坤領隊大臣孟保吐魯番領隊大臣興泰古城領隊大臣恩慶回京調烏里雅蘇台將軍扎拉芬泰為伊犁將軍以鑲紅旗漢軍都統奕興

為烏里雅蘇台將軍賞二等侍衛罕彰阿頭等侍衛為伊犁領隊大臣三等侍衛多慧二等侍衛為巴里坤領隊大臣伊犁協領伊車蘇副都統銜為吐魯番領隊大臣內閣侍讀學士貴文頭等侍衛為古城領隊大臣○以辦理江北糧臺出力賞知府李樹穀等花翎餘升敘有差○以勦辦廣西大墟土匪出力賞勇目韓鳳等藍翎並升敘有差○以克復廣西懷集縣城舉人曾宏仁等升賞有差○予

殉節知縣史勳教諭何崇訓導龍恩寵守備李定邦陣亡從九品銜許志章祭葬世職○已未諭內閣葉名琛柏貴奏賊匪竄擾羅定州屬兵練進勦獲勝一摺七月二十二日賊匪陳榮等率眾五千餘人竄入廣東羅定州之大灣等鄉經署羅定協副將李仁安署知州郭汝誠督兵擊退仍占踞連灘分設五營閏七月初六日我軍亦分五路進攻該匪由蘭寨大寨衝出兵練槍礮齊施先後殺斃七

百餘名內有偽軍師甯亞雞偽將軍何幅等並生擒六十餘名初七日該匪復分夥二千餘人駕船五十餘隻由水路前進經兩壩團練開礮擊碎賊船三隻賊匪淹斃無數生擒偽元帥曾三奇偽先鋒甯亞七偽將軍孔陞三名當即正法初八日兵練奮勇進攻將首匪陳榮劉幗安殺斃並殺死偽先鋒甯輝劉亞庚劉開等餘黨四散奔竄復經各鄉練勇練丁殺斃一千八百餘名生擒六百餘名統

計前後斃賊三千六百餘名生擒九百五十餘名續獲偽元帥邱觀光偽軍師黎亞祥均即正法並擒獲陳榮等眷屬此股匪徒由肇慶分擾羅定經該署副將等督率兵壯紳團等合力夾攻將首逆全獲夥黨撲滅辦理尚為迅速各鄉紳練志切同仇尤堪嘉尚所有在事出力員弁紳勇著葉名琛等擇尤酌保毋許冒濫練目彭肇昌前以犯事飭拏現經捐貲帶勇殺賊多名如果始終出力准予保

奏其在逃餘匪仍著飭令該文武嚴密按捕。悉數殲除勿留餘孽。○又諭葉名琛柏貴奏。新興縣城被賊竄擾。旋即收復一摺。廣東附省各處前次匪徒四起。高明縣之合水墟地方。匪眾屯聚尤多。該處與新興縣界連。七月初八日。有賊匪四五百人。直撲該縣北門。經壯勇開礮擊散。該匪又分股七百餘人。突至西門。乘虛擁入城中。時該署知縣張經贊先已帶勇在外防堵。署把總劉湛江亦出北門追賊。嗣因賊入縣城。該署縣等即潛約城內練勇並紳士彭作桓等內應外攻。殲斃賊匪首夥多名。奪獲器械多件。即於次日將縣城收復。其稔村等處旋有恩平等賊匪分路竄擾。亦經紳士葉澤溥等督勇擊退。餘匪業已逃散。此次新興被擾。該署知縣張經贊署把總劉湛江本有應得之罪。姑念其即行收復城池。功過尚足相抵。著毋庸置議。其在事出力紳士著查明請獎。並將陣亡受傷各壯勇

咨部照例議卹。仍著葉名琛等嚴飭該地方文武員弁激勵兵勇分投按捕。務將該匪悉數擒拏。毋留餘孽。○又諭葉名琛柏貴奏。勦辦省城東北兩路匪徒。屢獲大勝。並撲滅東路匪巢一摺。廣東新起土匪於近省一帶踞巢肆擾。前經該督撫等添調水陸兵勇節次攻勦。獲勝茲復據葉名琛等會同將軍副都統戰守兼籌調集駐防及綠營官兵並所募壯勇與旗丁團壯飭委將弁管帶分路屯劄

於閏七月初五六等日將北路東路匪徒先後殲斃五百餘名。斬首三百餘顆。並撲至小北門之匪亦經官兵擊斃一百五十餘名。自初九至十三連日北路賊匪分股撲至三元里白雲庵等處。東路賊匪亦乘機撲近礮臺。均經參將衛佐邦候選同知林福盛等分督兵勇或以槍礮轟擊或用刀矛截殺。每次斃匪三四百名至七八百名不等。斬獲首級甚多。共計殲擒匪眾不下萬餘。其逼近東門之

賊以三寶墟燕塘為老巢。經該督密令衛佐邦等督兵往攻。隨勦隨進。乘勢搶入墟內。殲斃一千二百餘名。生擒五十四名。奪獲軍械馬匹偽印等件無算。當將燕塘賊巢奪毀。三寶墟餘匪亦即越嶺逃散。而北路賊匪又於十五日以後糾眾撲來。經兵勇殲斃數百人。十七至二十等日。經衛佐邦等併力進攻。斃賊又以萬計。此次勦辦各路匪眾屢獲全勝。聲威甚壯。兵勇齊心。良由該省紳民士庶素知大義。眾志成城。故能保衛地方。上為國家宣力。殊堪嘉尚。著葉名琛等乘機激勵將士鼓舞民情。務將此股匪徒剋期殄滅。以次綏靖地方。所有疊次打仗最為出力之員弁兵勇著准其覈實保奏。候朕施恩。又諭前因黃宗漢數月未經奏事。連次降旨詢問。昨據黃宗漢咨呈軍機處公文內稱。自七月起調兵籌餉。搶辦海塘。積勞成病。四箇月以來。未及拜發奏報。咨請軍機王大臣先為面奏等

語。各督撫應奏事件。從無積壓數月之理。黃宗漢平日辦事尚屬認真。雖因調兵籌餉。公事叢集。而海塘衝坍。關繫民生。即當迅速奏聞。況學政丁憂。臬司出缺。亦皆應行由驛馳奏之件。何竟憤憤若此。經朕垂詢後。尚不具摺陳奏。竟咨呈軍機處。懇請代奏。尤屬非是。有此辦理。咨臺之暇。何不可即行繕摺入奏。况云浙境現獲救安。該督病已漸愈。亦不至刻無閒晷。乃以遲延之咎。當自行請罪為詞。情節尤屬支離。殊不可解。黃宗漢著先行交部議處。諭軍機大臣等。前據樂斌裕瑞奏土司爭襲世職。未便照學政所斷辦理。當經明降諭旨。將土司安安氏控案。仍照將軍總督所擬辦理。並將何紹基交部議處。茲據何紹基奏此案自正月提省至九月尚未詳結。長官一日不回。吏情一日不安。等語。與樂斌等前摺所稱何紹基咨商各情大致相符。究竟此案安安氏有無不服吏情。安平康承襲

是否必須安安氏出具印結何以遲至半年有餘尚未辦妥著載齡崇實樂斌一面訪察該處夷人是否實有疑懼情形一面即遵前旨迅速辦理毋任日久宕延以致別生枝節儻體察夷情實有必須通融辦理之處亦著悉心酌辦勿致事後又多反覆何紹基原摺著鈔給閱看將此諭令知之○又諭黃宗漢平日辦事尚屬認真近來摺報遲延朕猶疑其中途或有遺失乃閱咨內所敘該省緊要

公事竟未發摺殊出情理之外浙省地方公務及一切防堵事宜縱使十分棘手亦何至數月之久竟無暇晷是否該督精神實有不能兼顧之處抑或辦事漸不如前即據咨內所稱徽甯二處現已平靖甯波夷務均已帖服海塘決口不甚為患趕辦新漕亦皆有把握正宜分晰奏報以慰朕懷何以仍復遲遲甚不可解著將原咨鈔給何桂清閱看於到省後將該督數月以來籌辦事宜詳細訪查

是否與所咨情節一一相符有無廢弛公事辦理竭蹶情形該省民情是否仍前翕服所稱患病情狀是否實形委頓能否前赴四川總督之任均著據實密奏不得稍有徇隱將此由五百里密諭知之○又諭葉名琛等奏勦辦攻擾省城各路匪徒並攻陷肇慶分竄羅定各賊匪及收復新興縣城等摺該省羣盜如毛分兵四出勦捕誠有應接不暇之勢惟省垣根本重地首宜肅清北路眾股賊匪

亟當設法掃除以通驛道江西兵勇既已直抵韶州立解城圍湖南官兵亦於仁化樂昌追勦得手該將軍督撫等正當乘省城兵勇大勝之時用紳士協助官軍之力與湖南江西赴援之師聯絡聲勢剋期勦洗先將省北各屬地方諸匪一律剪除便可專力為勦辦南路之計前經羅惇衍奏請勦撫兼施亦必須該匪徒懾我兵威方可加之駕馭所有北路潰散之匪恐潛匿他處復致蔓延應如何

馭之以術。俾不令仍為賊用。方為妥善。該督撫現奏。尚係閏月內軍情。其八九兩月如何辦理。尚未奏到。如果省北道通。則文報亦可迅速。至肇慶賊情猖獗。即當嚴飭調赴粵東之張敬修。趕緊籌辦。所調福建兵勇七百名。及續調之兵二三千名。亦著飛札迎提。務期由海道迅即赴援。其餘各州縣土匪。即可次第勦擒。所有近兩月來辦理情形。仍著迅速奏聞。將此由六百里加緊諭令知之。○兩廣

總督葉名琛等奏防勦喫緊。支應紛繁。請設立軍需總局。以專責成。得旨。著照所擬。籌節辦理。○調戶部右侍郎許乃普為吏部左侍郎。兵部左侍郎何彤雲為戶部右侍郎。兼管錢法堂事務。轉兵部右侍郎王茂蔭為左侍郎。以內閣學士卓樞為兵部右侍郎。○命大學士裕誠管上駟院事。○賞哈密辦事大臣明諒頭等侍衛。調庫倫辦事大臣。以署西安副都統色克通額為哈密辦事大臣。頭等侍

衛舒精阿署西安副都統。命鴻臚寺卿吳式芬提督浙江學政。○以廣東肇慶府城被賊竄陷。革知縣黃慶謏職。並逮問予陣亡道員李敦業。把總黃琴勝。祭葬世職。○庚申

上詣

時應宮拈香。○兩江總督怡良等奏。喫咪二首回滬。接見情形。並起碇赴粵日期。得旨。總宜事事鎮定。勿任其要求。尤在馭之以嚴。接之以禮。彼夷人伎倆。安所施耶。○以吏部尚

書花沙納為

實錄館總裁官。吏部右侍郎穆蔭為副總裁官。○辛酉。長蘆鹽政文謙奏。運河久阻。稅無來源。徵收日形短絀。逾時恐難趕補。得旨。覽奏尚屬實情。又奏滄州等處團練捐貲。紳民可否查明覈保。批著先行查明保奏。以期踴躍。○蠲緩山東臨清陽穀鉅野鄆城朝城冠莘七州縣被賊村莊新舊錢漕。緩徵山東歷城齊河鄒平長山新城禹城臨邑長清陵德

平臨淄博興高苑樂安平原東阿惠民青城。
陽信樂陵商河濱利津蒲臺汶上單城武觀。
城莊平館陶武城東平萊蕪滋陽甯陽陽穀。
濮荷澤范朝城聊城堂邑博平清平恩邱海。
豐霑化益都壽光昌樂平度昌邑濰高密德。
壽張定陶曹夏津六十州縣及德州東昌臨。
清濟甯四衛被雹被蟲被風莊屯新舊額賦。
有差○壬戌諭內閣恭親王奕訢等奏商人。
呈請措貲墊發寶鈔請旨遵行一摺商人白。

亮劉宏振等呈稱情願攤借資本呈報戶部。
以備收發寶鈔之用洵屬好義急公著照所。
請准該商等設立總局分開鋪面無論寶鈔。
新舊錢數多寡均許持鈔到局支取錢票現。
錢仍由戶部綜覈稽查以資流轉單開章程。
六條均著照議辦理○諭軍機大臣等勝保。
前次奏報擊回高唐出撲賊匪即以患病自。
解朕不加詰責冀該大臣等必能於數日之。
內力籌進攻良策本日據奏圍勦情形既藉。

口於調兵未到復託詞於兵力過勞並無出。
隊打仗之語仍以增挑濠塹加添樹柵遷延。
時日歷覽所奏直似智窮力竭計無所出據。
稱挑撥兵勇五千令其嚴加防守試問守而。
不攻逆賊豈有自斃之理統計勝保等各營。
兵勇為數已多即保衡所帶之二千名未能。
趕到亦已足數攻勦且白晝督攻則恐其過。
勞兵力豈深夜更番嚴守即謂之休息耶現。
在勝保脅痛已減若不迅速克復孤城必將。

屢次耽延統治以應得之罪天氣漸寒利在。
速戰日延一日非但兵餉虛糜抑恐遲則生。
變著與德勒克色楞等統率將弁設法進攻。
務將州城攻克勿得專待保衡所帶官兵更。
滋延誤本日有人奏候補道延齡在勝保高。
唐軍營委司稽查兵勇任聽家人擅作威福。
文武職官因公謁見十數往不得一面現已。
臥病委頓又有石雲在營專司兵勇賞卹事。
件乃安處村莊遇有兵勇損傷死亡必令擡。

至該委員住所。方與勘驗。至有經旬不得掩埋。傷亡不邀賞卹者。甚或官勇所乘馬匹。任其所欲。索取留用等語。軍營委用員弁。必須愜合眾心。若如所奏。延齡委任家丁。石雲不恤士卒。僅復留營差遣。聽其任性妄為。必至各軍解體。著勝保即按所參。確切查辦。不得以該二員係該大臣差委之人。瞻徇情面。稍從輕縱。將此由六百里加緊諭知勝保。並諭德勒克色楞善。祿崇恩知之。又諭前因四

川綦江瀘州等處。與黔省毗連。當諭令載齡等。嚴飭地方官。勸諭團練。以助聲勢。諒已遵照辦理矣。本日有人奏川省地形遼闊。請飭嚴密籌畫防堵。並臚舉勸民團練。修築堡寨。查辦土匪。秉公舉劾各事宜。原係地方應辦之事。惟各省情形不同。亦未可拘泥著載齡等。詳加體察。擇其可辦者。斟酌辦理。至所稱咽匪煙匪鹽梟。徧地皆有。自應實力查拏。亦未可操之過急。致激事端。其桐梓居民搬入

綦江縣白雲觀山居住。是否有土匪潛匿。若驟加驅逐。有無窒礙。並著查明妥辦。又另片奏。四川成都府知府題升建昌道俞文詔。夤緣貪鄙。與藩司楊培聯為一氣。為州縣代謀升調。收受贄禮。認拜門生。前在嘉定府知府任內。勒令各行戶另換行帖。索取陋規。辦理鹽務。隨帶知縣萬年清到處演戲。並得受鹽廠鹽商賄賂。宜賓縣知縣徐繼鏞與俞文詔親戚。不及一年。三調大缺。徐繼鏞公事不辦。

惟以吸食鴉片為事等語。道府知縣各有臨民之責。若似此貪污不職之員。豈容任令濫竽。著載齡等確切查明。據實奏參。毋稍隱飾。原摺片著鈔給閱看。將此由四百里諭令知之。又諭有人奏河南候補道員張維翰。前在河南候補知縣時。與前任開封府知府鄒鳴鶴之門丁張夔寶換帖。張夔寶現任汴梁往來甚密。又在鹿邑縣知縣任內時。將料價利派民間。又在衛輝府知府任內。需索屬員。

縱令官親胡姓在外招搖撞騙因恐前巡撫李德泰劾先求告病捐升道員又與因案脫逃現充勇目之劉老長即劉玉紀換帖希圖保衛身家懷慶告警該員首先逃出徙居劉玉紀所居之黃山洞以致衛輝居民遷徙一空現充總理軍需局所發薪水口糧每百錢祇發八十文致令鄉勇潰散眾口沸騰等語該員係候補監司大員前據英桂奏委帶兵勇一千八百名幫同徐廣縉勦辦永亳土匪

似此貪劣素著何以統轄兵勇鼓勵眾心著英桂即按原奏各款確切查明據實奏奏毋稍徇隱原片著鈔給閱看將此由四百里諭令知之○貴州巡撫蔣蔚遠奏兵餉不繼請將倉穀通融搭放藉資兵食下部知之○癸亥

上詣

壽康宮問

皇貴太妃安○諭內閣富興阿奏官錢鋪把持

壟斷有梅姓周姓勾串官吏侵吞銀兩等語著戶部查明據實具奏其乾豐官鋪控案有無鋪夥舞弊重情仍著刑部秉公嚴訊徹底根究毋任狡飾含混○命科布多幫辦大臣輯瑞來京以前任喀什噶爾領隊大臣特克星額為科布多幫辦大臣○甲子諭內閣會國藩塔齊布奏攻破田家鎮賊巢毀盡逆船收復蘄州一摺逆賊踞守田鎮老巢自我軍攻奪半壁山後仍於南岸富池口結營抗拒

復用鐵鎖橫江阻我舟師進逼之路我軍戰船於十二日進劄見峰背地方次日列船出隊南岸陸軍排列六千人以助聲威逆眾自牛肝磯悉銳來拒我水師第一隊急漿駛至鐵鎖之前賊用礮船護救第二隊環圍擊之逆勢退卻當將賊船鐵礮先行斬截繼以火具鎔化須臾鎖斷飛棹駛下逆眾登時潰亂倉皇竄逸維時陸軍亦從半壁山飛馳而來與水勇爭前刺殺即將富池口賊營燒毀逃

竄不及之匪。全數追逐落水。該逆見官軍衝過鐵鎖。悉數揚帆下竄。我軍且追且燒。卽穴以下賊船。又經官軍鼓櫂窮追焚毀淨盡。共計燒船四千餘號。並所奪賊船五百餘隻。一併燒毀。田鎮之賊。遂不戰而自潰。其分踞蘄州賊匪。於十三四日。兩次來撲官軍營盤。均經我兵奮力擊退。斬獲多名。旋聞下游賊勢大敗。老巢已破。亦即宵遁。官兵即時克復州城。曾國藩塔齊布自岳州統師東下以來。沿江攻克城池。殲除醜類。所向克捷。皆由同心戮力。調度有方。節次披覽奏章。朕心實深欣慰。在事文武員弁兵勇。亦能人人用命。奮不顧身。尤堪嘉獎。大軍現已追至九江。沿途焚擊賊眾甚多。該郡城外。已無賊踪。即著該侍郎等乘勝追勦。直達皖江。與下游金陵大營會合夾勦。以期肅清江面。淨掃妖氛。用副委任。○諭軍機大臣等。綿森奏遵查樹株情形一摺。

慕陵樹株據綿森查看平地及對宮門南案山

後寶山下層等處均屬一律蔥蒨其後一層並左右砂山各樹不甚壯茂日久深得地氣尚可望其長成此項樹株為數過多自未便全行剷挖普律另種惟有隨時查看如有枝葉萎弱不能長成以及回乾者務將樹窩沙石去淨換培黃土再行補種自可期其蕃茂不致旋補旋萎如此認真更換既與風水無妨而樹株亦日臻茂盛其餘各樹株並著綿森等督率司員加意澆灌培養以昭慎重而期經久將此諭令知之又諭據曾國藩塔齊布奏本月十三日官軍大破田家鎮賊防斫斷鐵鎖焚毀賊船四千餘號並將奪獲賊船五百餘號一併焚毀餘匪宵遁蘄州之賊聞信後亦棄城逃往廣濟黃梅一帶水師前隊已於十九日追賊至九江沿途續焚賊船百餘號九江城外現無賊踪城內亦無多賊

惟北岸僅泊有賊船八隻塔齊布已督率陸軍渡江而北等語楚境逆賊自半壁山大加誅戮之後田鎮蘄州又不戰而潰紛竄下游到處衝突勢所必至雖已飭令和春福濟等分兵接應楚師嚴防北竄要隘但據袁甲三前奏廬州舒城之賊復陷廬江四城犄角我軍有應接不暇之勢計會國藩等水陸兩軍可以沿江直下節節疏通而腹內各郡縣自難兼顧潛太一路固可由六安繞赴淮河其

全椒滁州等處皆逼近江岸所有鉞魚背駐馬河石蹟橋及烏江一帶數十里賊營聯絡直接東西梁山賊船停泊不可數計若非水陸官軍往上迎擊截其分支四竄之路即江面肅清其占踞陸地之賊與上游潰匪乘間奔突下而蕪湖太平各口岸固屬可虞上則踰淮而北其蔓延為患更不可問著托明阿向榮等和衷定計通籌全局一面趕緊攻克瓜州剿除金山北固賊巢一面督飭師船迅

速上駛與會國藩水軍會合由梁山蕪湖荻港以達安慶扼住南岸各要口仍嚴飭武慶等力守浦口不得更令遊匪登岸竄入並令與恩錫張光第聯為一氣將全滁和含境內賊匪併力攻剿該處兵力不敷應如何派撥協剿之處著托明阿等妥商調往能令廬州東境勦洗一空即可與臨淮袁甲三之軍會合聲勢聯貫逆匪自不敢復萌北窺之志南省轉機在此一舉該大臣雖各領各軍分駐

南北江岸實則共辦一事朕日盼成功以酬勞勩若坐待楚軍之至或致令該逆等紛紛竄逸釀成流賊之患責有攸歸該大臣等尚有何顏對朕耶將此由六百里加緊各諭令知之○又諭會國藩塔齊布奏大破田家鎮賊巢一摺覽奏欣慰此次燒毀賊船至四千餘號之多田鎮蘄州之賊潰敗奔竄皆由該侍郎提督等籌畫盡心和衷共濟即楊載福彭玉麟羅澤南等亦能人人用命制勝出奇

朕心實深廬念。現在水師前隊早抵九江。該郡城外已無賊踪。大隊舟師自可順流下擣。惟北岸之賊竄往廣濟黃梅一帶。止係聞敗潰逃。並未大受懲創。北岸一軍係桂明統帶。何以屢次奏報並未見其帶兵助剿。即扼堵蘄州之軍亦並無該提督在內。究竟逗遛何處。殊不可解。魁玉楊昌泗等遇賊即挫。猶是從前孱弱積習。如此軍威大振。尚不能鼓舞奮興。尤為可恨。今塔齊布已率羅澤南等渡

江而北。自係先其所急。為節節打通之計。但廣濟黃梅直接皖境。皖省西南一帶如潛山太湖等處皆為賊踞。一聞楚軍進剿。勢必悉力抗拒。若北岸一軍再有遷延。必致塔齊布等後路無援。殊為可慮。著會國藩等即行嚴飭桂明等迅速進剿。一面飛咨楊需督兵繼進。不得稍形觀望。袁甲三前奏已派參將劉玉豹舉人臧紆青帶領兵勇二千先趨潛太一路接應。不知會否行抵該處。如能剋期會

合。則塔齊布等前路亦有接應。可以沿江攻擊。直抵安慶。與水師會合。自成破竹之勢。會國藩大隊師船如能於日內駛過九江。則江面賊踪已無。回竄江西之慮。該省派防湖口之礮船一百五十隻為數不少。亦可令其出境隨征。以為後路聲援。較之遠待湖南接應。自覺順便。東西梁山為金陵第一門戶。賊船之多。賊壘之固。尚不下於田鎮。紅單艇船上駛者止三十九隻。僅未能突過梁山徑扼蕪

湖。必須厚集師船。方能上下夾擊。會國藩等務當加意慎重。妥籌辦理。廬州逆匪日久負隅。和春等不能迅圖克復。以致桐舒一帶兵力不能兼顧。若楚軍得勝之後。餘逆紛紛內竄。則旁通潁亳。上接淮徐。處處皆形喫重。會國藩等水陸各軍本為肅清江面。直擣金陵。豈能尾賊北追。致成隔絕。本日已諭知托明阿向榮隨處嚴防。撥兵協剿。著和春福濟即行分撥兵勇於沿江一帶接應。塔齊布之兵

仍知會袁甲三嚴扼臨淮南北要隘其六安正陽等處前已有旨飭調河南南路防兵出境堵剿著即飛咨英桂妥速調撥萬不准任令賊蹤踵至秦定三初到舒城尚形奮勇近來又復疲玩著和春等督飭該提督迅將該城克復則此路官兵接應楚軍尤為近便若處處為賊牽掣徒以兵力難分為解致逆匪被偏北竄和春等不能當此重咎也將此由六百里加緊各諭令知之○以攻破湖北田

家鎮賊巢賞副將楊載福總兵銜道員羅澤南按察使銜同知彭玉麟巴圖魯名號遊擊普承堯守備劉培元花翎外委洪定陞藍翎

○乙丑

上詣

壽皇殿行禮○諭軍機大臣等吉爾杭阿奏密陳上海各夷動靜並現在籌辦情形一摺詳覽所奏上海逆匪大抵藉夷人為藏身之固而該夷即以逆匪為挾制之端故於我兵在

北門外沿河築牆夷酋則陽為助順而領事人等則狡詐百出種種阻撓其實該夷與逆匪暗相勾結形跡已屬顯然所稱助順效忠毫不足信此時惟當督飭弁兵實力進攻迅圖攻克縣城正不必借力於該夷轉令有所藉口況逆匪占踞城池萬無不進攻之理豈能因夷人刁難遂觀望不前該夷犬羊性成畏強欺弱若我軍畏首畏尾不特上海之匪愈肆鴟張即該夷亦必別生詭計以現在情

形而論與其用柔而為所挾持轉不如用剛而使有所忌憚也大兵勦辦逆匪名正言順原與夷人毫無干涉即北門一帶亦係中國土地並非夷人疆界儻竟敢顯然抗拒則其曲在彼亦非釁自我開正言曉諭諒該夷亦不肯自敗成約該撫此次彙報攻勦情形皆數行塞責並無實際若藉詞於夷人阻撓不能力破賊巢貽誤之罪豈能屢邀寬宥也將此由六百里加緊諭令知之○予江南陣亡

署外委張曰德祭葬世職○蠲緩直隸保定。
東光寶坻安景天津磁武清薊甯河霸大城。
東安蠡雄東鹿高陽故城青南皮鹽山慶雲。
永年雞澤大名元城南樂清豐涿水蔚玉田。
武邑衡水武強平鄉邯鄲南宮任邱獻阜城。
靜海滄晉任隆平深文安四十七州縣被水。
被旱被雹村莊新舊額賦並賑保定東光二
縣被水災民○

上以冬至祀

實錄卷一百五十九

三十七

天於

圜丘自是日始齋戒三日○

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百四十九

實錄卷一百五十九

三十八

[illegible]

咸豐四年甲寅十一月丙寅朔諭內閣載垣

奏將多爾濟帕拉瑪。昨日並未站班。及因何未曾進內。各情遵旨查明叅辦。一摺。多爾濟帕拉瑪。昨係值班之期。竟自曠誤。乃以腹瀉為詞。實屬玩懈。著革去蒙古語達及蒙古奏事侍衛。仍罰俸二年。以為當差疏懈者戒。

又諭戶部奏山東河南應解京餉。請嚴飭解交一摺。山東河南兩省應解京餉銀兩。經戶部屢次奏催。日久未據報解。各該撫身任封疆。當此需餉孔亟之時。仍復任意遷延。實屬

疲玩已極崇恩英桂著先行交部議處仍著該撫等按照戶部所奏自本年六月為始將每月欠解銀五萬兩迅速派委妥員如數起解勒限於十一月內到部儻仍前延宕即著該部據實嚴叅以儆玩泄至山東省地丁銀兩積欠至一百七十餘萬尤屬不成事體前經降旨飭催報解並指撥東三省俸餉各款著崇恩一體迅速起解毋誤要需致干重咎又諭楊以增奏遵旨飭拏巨匪悉數就擒

一摺江南銅山豐沛地方有土匪張彥等聚眾擄掠先經徐州道王夢齡派員兜捕擒獲多名楊以增復派通判于贊等隨同怡良原派之候補知府毓彬會拏已將張彥杜四等先後於耿家灣鮑家樓等處擒獲並擊沈匪船多隻又經在籍團練之候補直隸州知州張夢麟署邳州知州焦肇瀛在銅邳交界地方擒獲逆首李大選均即正法該匪等結擒搶劫實屬罪大惡極現經該地方文武紳團

水陸兇拏悉數弋獲均屬著有微勞所有出力各員著准其擇尤保奏毋許冒濫諭軍機大臣等戶部奏庫款不敷支放請飭山西省籌款趕解等語上年因部庫積存不敷四年分支發之用經戶部奏明於山西省地丁項下豫籌銀一百七十萬兩嗣經該省解過銀八十萬兩現據該撫咨稱晉省藩庫無款可籌下忙錢糧尚未收有成數俟徵收後即行起解本年山西省接濟部庫以及指撥各

省軍需款項較多所稱藩庫支絀自係實情惟現在部庫應放之款需用浩繁仍著恆春悉心籌畫無論何款內暫行措銀四五十萬兩務於十一月內解京以供支放俟徵收下忙錢糧陸續歸款至捐免充商銀兩業經該省解過銀一百五十七萬兩其餘應繳銀兩並著飭屬催繳趕於年內解京將此由四百里諭令知之又諭沈祖懋奏徽郡防堵緊要需員督辦一摺徽甯為江浙門戶池州所

屬青陽石埭東流建德貴池等縣皆與徽郡西境接連前此逆船由大通河登岸並蕪湖賊船駛進內河俱經黃宗漢派令兵勇前往應援並派護杭嘉湖道徐榮前往徽州督辦防務茲據該學政奏稱黃宗漢欲令徐榮回杭而徽郡情形緊要必得統率有人事權方有專屬等語自係實在情形著黃宗漢何桂清仍留徐榮辦理徽郡防堵事務毋庸更易生手致有疏虞現在曾國藩等水軍已收復

蘄州追至九江即可直達安慶托明阿向榮和春福濟等亦皆諭令分兵扼要協力進剿該逆奔竄無路恐其由徽甯窺伺江浙必須嚴密設防未可稍存大意黃宗漢不得因擢任川督置身事外何桂清雖甫經到浙亦當悉心籌畫以副委任將此由六百里諭令知之 丁卯

上詣

南郊齋宮齋宿 諭內閣楊霽奏參帶兵官員

疏懈無能等語副都統魁玉總兵楊昌泗督帶兵勇駐劄蘄州之三道橋地方於敗匪潰竄之時不能奮力扼截致官兵有驚散情事雖經事後收集跟蹤追剿究屬約束不嚴疏於防範魁玉楊昌泗均著摘去頂帶以示薄懲儻再不知愧奮即著嚴叅懲辦又諭葉名琛等奏查明餉員回粵實情一摺廣東連平州吏目馮寶封試用從九品楊長慶前因領解江南大營軍餉並未解到輒行私自他

往當降旨將該二員革職嚴拏再行請旨茲據葉名琛等奏稱查明該革員馮寶封楊長慶委因輾轉改道路費不敷暫行回粵措資尚無規避飾卸情事惟不候湖南批回竟敢擅自回粵究屬不合馮寶封楊長慶均著開復原官仍交部議處諭軍機大臣等前因曾國藩等永陸官軍自蘄州直下逆匪敗竄廣濟黃梅當諭令托明阿向榮等撥兵向上迎擊截其分支四竄之路並嚴飭師船迅速

上駛乃本日向榮所奏師船尚在浦口守風逆賊橫江橋鍊尚未攻斷同一鐵鎖攔江伎倆何以該逆用之田鎮而曾國藩等一戰破之用之九洲洲而托明阿等屢攻不破殊不可解現在烏江一帶賊壘經袁甲三等派委恩錫張光第督兵進剿業已平毀無餘惟因水路無兵接應以致敗賊揚帆逃逸若吳全美葉常春能於攻破洲地賊營後即日駛赴上游自可水陸夾擊不但可為楚師接應並

可斷絕南北岸逆賊來往應援乃任意遷延水陸隔絕殊為可恨著托明阿向榮即行嚴飭該總兵等剋日起碇將前次指撥各船悉數開赴上游沿江剿洗直抵蕪湖毋許再有推諉至曾國藩等斬斷田鎮賊鍊係分船四隊以一隊專管燬斷鐵鎖以一隊圍攻其護鎖之船使之不能相救江路一開四隊戰船皆可分投焚剿下游江面較寬施展更易為力江南江北兩營師船之外尚有多漿快船

豈不能酌量分隊倣照辦理總由水師將弁
不思設法以致賊鍊未能即破而我師復自
為鎖纜攔截上游似此相持將使紅單各船
終無上駛之期徒以俟湖北師船一到合力
夾攻為詞豈湖北一軍之外各營水師人員
皆應坐視旁觀束手無策耶著托明阿向榮
等於接奉此旨後即將攔江賊鍊迅速攻破
斷不准再有遲延並將籌辦情形速行具奏
如水師員弁有意玩延即著嚴行叅奏其和
合等處應如何分撥兵勇與袁甲三所派兵
勇合力攻剿之處亦著托明阿等妥速籌辦
但能洗淨一處即少一北竄之路並非專顧
瓜州金陵遂為該大臣等職分已盡也將此
由六百里加緊各諭令知之 又諭袁甲三
等奏進剿沿江逆匪平毀烏江一帶賊壘並
勦辦逆匪懇請飭催河南援兵各摺片已寄
諭英桂趕緊撥兵赴皖相機進剿正陽六安
等處不得株守豫境矣據英桂奏現擬將信

陽三關防兵撥赴陳州歸牛鑑調遣為近駐
潁州遠扼正陽之計並稱信陽遣撤兵勇撥
赴歸德獨多派委道員張維翰接辦防剿袁
甲三酌量何處空虛亦可徑行檄飭牛鑑張
維翰迅速派兵前進如該員等心存畛域有
意逗遛即著袁甲三據實叅辦惟曾國藩等
水陸各軍即日可抵皖境沿江賊黨勢必紛
竄腹地袁甲三雖駐劄臨淮所有北路各州
縣均須面面顧到亦不得泥守一隅不復設
法籌及何處情形喫重即迅速督兵前往扼
截萬不准有賊蹤踰淮而北一面嚴飭陸希
澐趕赴市兒集一帶會同張家駒等迅將毫
州境內捻匪搜捕淨盡務將捻首蘇添幅擒
拿懲辦毋令日久稽誅又致勾結蔓延該員
職司守土無論所屬何處州縣伏莽未靖皆
不容有所推諉即豫省捻匪一有竄入境內
亦陸希澐防堵不力之咎著飭知該員與帶
兵各員務與歸陳各路調到兵勇聯絡聲勢

或應合勦或應分捕亟行協力商辦以期淨絕根株至全滁和含各處賊營聯貫直接東西梁山前已諭托明阿向榮等通籌分兵攻擊迅飭師船上駛由蕪湖荻港徑達安慶並令武慶等力守浦口兼與恩錫張光第併力籌勦本日復諭令設計斷賊鐵鎖以通江路和春福濟圍攻廬州日久無功已屬罪有應得若能與托明阿等派到兵勇互相接應將東路賊匪先行掃蕩則廬城賊勢益孤更屬

易於得手並須時時與袁甲三知會不得令勦餘潰匪潛謀北竄若頓兵城下以為藏身之固不復兼籌大局福濟巡撫皖省固已責無旁貸和春專勦皖賊並未能迅速辦理國法具在朕不能為該提督等稍從寬宥也將此由六百里加緊各諭令知之又諭曾國藩水陸大軍從田鎮進攻九江指日可抵安慶逆賊被勦緊急必由陸路紛竄皖省重兵聚於廬舒凡正陽六安等處均屬空虛袁甲

三雖駐臨淮兵力較單勢難兼顧河南南路現已撤防正可撥兵前往以資截勦茲聞英桂奏報僅將信陽三關兵勇撥赴陳郡其或進駐潁州或往扼正陽尚俟咨商妥辦是豫省之兵現在全未出境著英桂即將撥赴陳郡兵勇酌量調往正陽六安等處相機協勦至邱聯恩駐劄光州牛鑑駐劄陳州與其遠為聲援何如帶兵前進之較為得力並著英桂斟酌情形將該二處防兵如何分派赴皖

迅速籌辦該撫亦應出省防勦不得株守省城至歸德為上年逆匪北竄之路地方極為喫緊徐廣縉請假後張維翰是否可恃永毫捻匪現經袁甲三等派員追擊仍著英桂嚴飭該地方文武會勦務將捻首蘇添福等獲毋稍貽誤將此由六百里加緊諭令知之又諭金陵糧臺餉需缺乏前經降旨諭令廣東江西兩省籌款接濟茲據向榮奏稱迄今仍未解到現當堵勦喫緊之時兵勇鹽糧不

數支發情形甚為緊要著葉名琛柏貴陳啟
邁於無論何款項下趕緊籌撥數萬兩派委
妥員迅速解往向榮軍營不得以無款可籌
道途梗阻為詞致誤要需將此由六百里加
緊各諭令知之 以克復湖北武昌漢陽二
府城賞西安副都統伊勒當阿妥協領斐森
佈吉祥知府栗耀侯廷樾同知張曜孫守備
徐超平王家賓周德田德明等花翎守備鄧
長清等藍翎餘升擢有差 戊辰冬至祀

天於

園丘

上親詣行禮 詣

闕帝廟拈香 遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵 遣官祭

孝德皇后殯宮 遣官祭

端慧皇太子園寢 停次日朝賀 詣

壽康宮問

皇貴太妃安 命散秩大臣德懋委散秩大臣

松秀在乾清門侍衛上行走 己巳諭內閣

委散秩大臣公麟興散秩大臣公德懋委散

秩大臣伯松秀俱著仍值散秩大臣之班嗣

後由散秩大臣挑補乾清門侍衛者著仍值

散秩大臣之班挑補御前侍衛者再令值乾

清門之班 又諭兵部奏革員應否仍交向

榮軍營差委請旨遵行一摺已革廣東碣石鎮總兵王鵬年前據向榮奏稱現在蕪湖黃池一帶督兵勦賊王鵬年著仍交向榮差遣委用 庚午革職留任雲貴總督羅繞典奏帶兵抵黔並調集員弁會勦遵義逆匪得旨汝既擬赴遵義督勦著迅速辦理以期地方肅清勿糜餉糈 以陝西捐輸軍餉永廣朝邑縣學額七名涇陽渭南二縣各三名郃陽縣二名咸甯富平三原韓城蒲城岐山六縣各一名 辛未諭軍機大臣等前以上游楚師節節下偏誠恐潰竄之匪突入皖境於北路咽喉腹內郡縣均有關繫節次諭令和春福濟等迅速分兵接應並相機扼要嚴防以截該逆分支四竄之路茲有人奏籌辦皖省防剿此時安廬舒桐等處賊匪仍聯絡一氣江面既毫無攔截而陸路亦復處處虛賊情狡黠異常萬一糾合上下游潰匪蹈隙而來又將何以為計該提督等頓兵城下坐令

狂寇稽誅不但南路關山一帶應防金陵分股踵至且西路鳳潁所屬皆與豫境毗連一經勾結蔓延則防剿更形棘手昨復諭令英桂將信陽撤防兵勇調赴安徽協同堵剿著和春等就近知照袁甲三酌量迎提妥為布置以顧北路大局其烏江賊壘已據恩錫張光第等毀平數處務即隨時檄飭該司道等乘勢將沿江賊匪趕緊殲除而昭關清流關兩要隘亦宜豫籌兼顧和春等惟當竭力攻克廬州以次收復舒桐各縣斷不准株待曾國藩等行抵安慶後再圖會合進攻之計一面仍遵前旨撥兵四路接應至臨淮一路責成袁甲三專司防剿該提督等亦不得以督辦有人遂置之勿顧也原摺著鈔給閱看將此由六百里加緊諭令知之 壬申諭內閣御史尹國珍奏揀選族襲佐領請將控告上司之員扣除等語向來屬員訐告上司本有立案不行之例其或事經查辦情節虛誣亦

皆按律嚴辦原以儆刁風而維政體此案理藩院筆帖式瑞全呈控該旗都統揀選不公既經欽派王大臣等查訊確實是該筆帖式身負冤抑據情呈訴與事不干已肆行訐告者不同何得因負冤控告目為逞刁遽行扣除轉致不符定例所有瑞全及其子承綺等均著毋庸扣除仍著該旗都統等遵照前旨秉公揀選毋稍徇徇又諭慶錫奏籌辦鑄錢搭放兵餉一摺馬蘭鎮地方經慶錫試鑄

銅鐵各項大錢協濟兵餉現因鐵錢未能鑄造精工致兵丁行使未便著慶錫體察情形妥籌試辦並飭遵化州一體出示剴切曉諭總期兵民商賈交易流通毋得稍有抑勒致拂輿情仍督飭鑪役加工鼓鑄務須一律精良以便民用並隨時嚴拏私鑄按律懲治另片奏改鑄當十當五銅鐵錢文等語亦著會同該地方官悉心籌辦以奏報遲延降四川總督黃宗漢二品頂帶仍留任調浙江

兵一千名赴廣東剿賊癸酉諭內閣戶部奏遵議道員處分一摺山西歸綏道德齡著改為革職留任所有短收歸化城額徵正課盈餘銀一萬四千七百三十七兩盈餘錢一百三十七串零著勒限三年照數賠繳儻限滿不完即著革職監追諭軍機大臣等僧格林沁等奏逆匪出巢痛剿獲勝一摺賊匪自上次誘出以後該大臣等並未實力進攻即初一等日三次撲我營盤均經擊退亦不

過小有斬獲豈得謂兇猛之氣大遜於前該逆連日沿濠窺伺意圖出竄乃稱防守甚嚴不敢很撲似此遷延時日稍有鬆懈必至竄突他處現在天氣嚴寒各將士冒冷執戈朕每一動念輒為心惻該大臣僅以圍困為得計試問守而不攻豈能殲茲醜類況軍營衣領等項向恃捐輸若不趕緊攻剿勸捐斷難為繼連鎮並無城郭何至抗拒數月未能破其巢穴該大臣既知士卒艱苦情形即當激

勵軍心迅圖攻取若必待逆賊出巢始行轟擊豈堅匿不出即束手無策耶隆冬歲暮風雪在所不免此次既乘風奔撲則其狡譎伎倆必更伺我之隙肆其詭謀與其設計圍困不如迅速進攻該大臣等務當及早嚴事以慰朕懷不得自謂調度無能致令該逆久稽顯戮也將此由六百里加緊諭知僧格林沁並諭西凌阿知之又諭勝保等奏續調官兵來營連日接仗情形並擬明挖地道安用地雷合圍攻剿等語此次賊匪乘夜撲營拉開樹柵拋擲火彈雖經官兵擊斃甚多而礮營帳房業已被燒並於二十七八等日屢次出撲可見該逆思竄甚亟勝保等現籌明挖地道於城根安用地雷冀得轟開城垣著即迅速妥辦惟賊情既已窮蹙斷不肯束手待斃該大臣等一面籌挖地道一面仍當併力進攻勿徒恃有地雷轟擊復蹈從前呂公車等覆轍勞費無效徒延時日該大臣等務當

激勵將士速籌進取之計現在官兵業已到齊無可停待天氣沍寒士卒疲憊勝保以數月之功效此區區之城而不下從前勇敢之氣日就銷磨殊不可解著即迅圖克復出其不意四路合剿毋再遷延自干重罪將此由六百里加緊諭知勝保並諭德勒克色楞善祿崇恩知之先是閩浙總督王懿德等奏銅禁綦嚴諸多未便請收五斤以上銅器其五斤以下者速弛其禁至產銅之地不止雲

南一省陝西商州有人呈請開辦銅礦請飭該督撫認真採辦下軍機大臣會同戶部議至是奏收繳銅器應如所奏辦理五斤以下銅器仍准民間照常使用其產銅之區請飭陝西巡撫迅即委員確查以憑覈辦從之以江南水師勦賊出力賞遊擊張攀龍守備彭常宣等花翎把總夏定邦等藍翎餘升敘有差予河南歸德府殉難未入流蕭敬輿沈貴春家屬等旌卹如例並分別建祠附祀

甲戌遣官祭

先醫之神 諭內閣太常寺奏京察員數懇恩添保一摺太常寺滿洲寺丞贊禮讀祝等官向係三十六缺保舉五員現已增至四十二員嗣後辦理京察著准其添保一員又諭向榮奏已革提督屢立戰功懇請免罪等語已革江南提督鄧紹良前因在鎮江失守營盤降旨革職留營效力茲據向榮奏稱該革員自撤回大營後隨同帶兵攻剿本年馳

援東壩轉戰太平攻奪采石無不身先士卒出奇制勝尚知愧奮鄧紹良著免其治罪仍責令帶兵剿賊如果始終得力准其酌量保奏候朕施恩儻仍不知奮勉卽著據實嚴參毋稍瞻徇以江南水陸勦賊出力予總兵官明安泰優敘賞守備李定泰虎坤元巴圖魯名號花翎遊擊斯達耳吉都司玉興守備胡德順馮子材馮日坤等花翎守備梁克勳等藍翎餘升擢有差 乙亥

上詣

壽安宮西所問

如皇貴太妃安 詣

壽康宮問

皇貴太妃安 諭內閣福濟奏叅劣紳越境擾害擅殺妄為請革職嚴訊一摺安徽壽州捐納員外郎孫家泰膽敢在六安州地方冒稱欽差假託防剿私用官刑擅殺四命謬妄已極紳士辦理團練原以保衛鄉閭該地方設

有兇惡棍徒亦應鳴官究辦似此膽大妄為實屬大干法紀若不從嚴究治何以戢殘暴而儆效尤孫家泰著卽革職交福濟嚴行審訊按律懲辦毋稍寬縱 又諭各省紳士辦理團練或經特旨派辦或由督撫及京員保舉原為其熟悉情形禦賊保家可助官兵之不逮自軍興以來各省舉行團練紳士中實能秉公盡力捍衛閭閻者不乏其人乃本日據福濟奏安徽在籍員外郎孫家泰假託團

練擅殺四命殊堪詫異因思各省紳士團練原屬幫同地方官辦理即或職分較大總歸督撫統率如有惡棍土豪擾害地方仍應控官究辦何得擅自用刑罔顧法紀嗣後各省團練官紳務各懍遵疊降諭旨於一切勸捐練勇事宜均會同地方官和衷籌辦儻該地方州縣各存意見致相掣肘著該督撫嚴行叅奏若該官紳等藉團練為名營私擾累並著隨時稽查一併叅辦將此通諭知之○江

南提督和春等奏攻勦廬州獲勝情形得旨雖先後斃賊千餘名實未能大挫兇鋒似此曠日持久為最爾廬城牽綴大兵大覺不成事體明攻暗襲迄無成功汝等屢次奏報毫無把握負恩糜餉罪責奚辭著仍剋日攻復城池盡殲醜類勿再敷衍入奏也○西安將軍扎拉芬等奏湖北一律肅清應將商南防兵裁撤歸伍潼關所駐防兵並擬撤退其綠營官兵一千一百餘員名仍駐潼關現飭隨

時操練俟連鎮高唐各處賊氛蕩平一律續行奏撤報可

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百五十

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百五十一

監修 堀江玄延日講起書法官人十人保正書寫 辨傳文淵閣開闢 謝林阮事阮學生 符發銀春三翰事 仲處周史館 總教習 武英殿

大學堂總理事務第三十三次會議實錄
查本館前經議定太子太保人海內閣學士武英殿書長廣西體仁

人海遺珠 卷之六 康熙二十六年 周社培題 太子少保管理內務府事務引大臣軍機大臣

鎮江萬州都統戶部尚書管理庫事務副都統帶加級紀錄十二次唐寶琨職官經筵講官弘德殿外學士清文詣達上書名錄詩

是間又餘暇載官止其張家各鄉
 曉曉排衙書管稅太常寺鴻臚寺
 書協司一版築功四版版役帶口
 八版稅銀五次臣後下碑等奉

救修

咸豐四年甲寅十一月丙子諭內閣駱秉章

奏總兵未能得力等語廣東南韶鎮總兵多順以專閫大員心地既不明白又復性耽麴槃實屬庸劣無能多順著即行開缺交駱秉章再行查看是否尚堪降補據實叅奏又諭駱秉章奏叅疏防不職各員等語湖南署郴州直隸州知州楊恩紱性情浮妄於粵匪竄近邊界時毫無布置並將家屬遷避以致人心不固永明縣知縣吳純平日不協輿論並不能聯絡紳團致賊匪竄掠縣境一籌莫

展均屬庸劣不職升用遊擊蘇元林帶兵赴永州時適道州被圍該員援剿失利遽行退回尤屬庸懦不堪楊恩紱吳純蘇元林均著革職永不敘用署嘉禾縣知縣呂錫楨於奸匪焚毀衙署監犯乘機脫逃之時未能先事豫防亦非尋常疏忽可比著即革職仍留營效力○諭軍機大臣等駱秉章奏分路剿辦犯境粵匪獲勝一摺另片奏探防調援各情形此次廣東廣西兩省匪徒同時竄撲湖南邊界分擾桂陽道州等州縣猖獗之勢幾於應接不暇均經在事文武督率兵勇分投堵剿轉危為安該省官紳協力同心以少禦眾各員弁兵勇亦能人人用命破陣衝鋒具徵敵愾同仇實堪嘉尚現在本省大兵多半隨征東下而鄰省兵力亦無可分撥各路竄匪雖經擊退仍須隨時激勵鼓舞以期捍衛地方該撫籌防東西兩路以郴桂永州為重分飭江忠濟王鑫等統兵前往堵截彼此互為

策應所辦亦是。惟連州賊勢甚熾。韶郡現復被圍。其灌陽賀縣之匪。仍窺伺永明。江華一帶兩路並重。若專事籌防。自不如相機協勦。較易為力。前此調赴韶州援勦之辰沅官兵一千名。當已行抵該郡。能先將此股勦洗。不但驛路疏通。並可移此有用之兵。以次接應他處著駱東章妥籌全局。既須固守本境。藩籬勿令賊蹤復行闖入。仍應無分畛域。隨時飛飭帶兵文武。及各地方官。防勦兼施。實力

堵遏。其粵東省城。近日能否解圍。並此外各屬賊情。均著探明馳報。以慰廑懷。將此由六百里加緊諭令知之。○以雲貴督標中軍副將豐伸為廣東南韶連鎮總兵官。○以湖南防勦出力。賞同知王鑫守備周雲耀花翎。知州馮崑藍翎。餘升賞有差。○以勦辦湖南攸縣游匪出力。予千總王佐清等升補有差。○以勦殲湖北崇通賊匪出力。賞五品銜訓導江忠淑花翎。知縣趙啟玉等藍翎。餘升敘有

差。予湖南陣亡把總許紹棠黎景星周興朝賈聯元外委蔣景亨祭葬世職。軍功朱其武祭葬世職。如把總例。監生陳瑞海賞卹如例。丁丑命於

大高殿祈雪

上親詣行禮。遣惇郡王奕諒詣

宣仁廟

凝和廟恭親王奕訢詣

昭顯廟

時應宮拈香。○諭內閣。恆春奏勒休知縣私自出省請革職提訊一摺。勒休山西興縣知縣梁元槐。虧短錢糧至一萬餘兩之多。並未交代清楚。輒敢私往湖北樊城地方實屬膽玩。已極。梁元槐著先行革職。該員原籍廣東著湖北廣東各督撫確查梁元槐逗遛何處。即日派員押解山西交恆春提省訊辦。如查有侵那情弊。即著據實嚴參。戊寅聖祖仁皇帝忌辰遣官祭

景陵

上詣

壽皇殿行禮○以故扎薩克貝子伊達木扎布
子二等台吉車林多爾濟襲爵○己卯諭軍
機大臣等蔣霽遠奏請飭鄰省協濟軍餉一
摺貴州桐梓縣逆匪滋事蔓延及仁懷並攻撲
遵義郡城現經蔣霽遠等親往督勦征兵雲
集需餉孔殷著樂斌恒春王慶雲於各該省
無論何款項下各籌撥銀十數萬兩派委妥

員剋日起解前往毋稍延誤並一面知會蔣
霽遠等派員迎提一面將起解日期馳奏將
此由六百里各諭令知之○以江蘇勦辦洋
匪出力賞通判鍾照守備楊鎮華花翎同知
潘瑩淮等藍翎餘升敘有差○以江蘇清河
縣練勇出力賞知縣吳棠花翎餘升補有差
庚辰諭內閣楊需奏官軍克復廣濟黃梅
全楚肅清一摺楚北潰匪自田家鎮受創以
後句結安慶賊眾併入廣濟黃梅兩縣仍圖

乘虛竄擾當經塔齊布自南岸率領陸軍渡
江會勦魁玉楊昌泗亦跟蹤追擊行抵廣濟
塔齊布與羅澤南等由菩提壩南路進攻賊
勢潰散收復廣濟縣城餘賊仍竄往黃梅官
兵拔營追襲該逆分三大股迎拒塔齊布督
同周鳳山羅澤南等分中左右三路迎擊賊
眾披靡魁玉楊昌泗後隊繼至與塔齊布大
軍直抵賊營縱火焚燒即將黃梅縣城克復
楚北境地一律肅清其九江賊匪亦經李孟
羣彭玉麟等會同夾攻漸次勦洗該督現由
黃州移兵援應後路指日塔齊布與曾國藩
水師會合即可直達安慶齊擣金陵賊巢諒
無難一鼓殲除廓清餘孽也○諭軍機大臣
等楊需奏克復廣濟黃梅一摺所敘進攻九
江情形似該郡賊黨尚復不少塔齊布渡江
而北南岸官軍即不能得手是江西陸路兵
勇殊不足恃塔齊布仍須渡回南岸攻克九
江方能水陸會齊順流東下若塔齊布一軍

由宿松太湖徑抵安慶而南岸兵力較弱則九江不能即克水軍為所阻截未免聲勢隔絕此時曾國藩當已與楊需會晤籌商詳細情形諒經奏報在途著即南北兼籌勿致顧此失彼楊需摺內有逆蹤竄擾瑞昌之語未據詳晰聲敘如果係大股分竄則該逆仍欲上窺湖北興國大冶一帶尚未可恃以無虞楊需既駐黃梅廣濟之間與瑞昌僅隔一江自應酌量分兵渡江會剿先通水師之路然後能上保楚境下擣皖城該督前奏除桂明李光榮兵勇撤回外北岸兵勇尚不下一萬六千人與其分駐田鎮蘄州遙作聲援何如合力進攻杜其繞竄儻南北兩岸專恃一塔齊布奔馳追剿則湖北江西兩省官兵豈不均成虛設耶江西派出督剿之臬司譚光宸前任總兵趙如勝距省稍遠亦可由曾國藩等就近調度俾有稟承不可稍存畛域貽誤事機將此由六百里加緊各諭令知之○辛

已

上詣

壽康宮問

皇貴太妃安諭軍機大臣等英桂奏派兵赴

皖令牛鑑進駐潁州並招募兵勇赴陳督防

一摺該撫現已添調副將希拉布等所帶山

西兵赴牛鑑行營聽調加以前調赴陳兵勇

八百餘名正陽一路足資控扼究須與袁甲

三隨時知照聲勢方為聯絡卹聯恩兵勇既

未能全數赴皖即當飭令該鎮將霍邱等處

擒匪迅行剿滅不得以駐劄光州為名頓兵

安閒之地致所屬商固一帶匪黨橫行釀為

腹心之患六安現有添調之陝甘官兵前往

駐守雖情形未甚喫重然亦須相機協剿毋

但一意設防至該撫現擬抽兵募勇出省為

牛鑑後路應援惟歸德尚有擒匪未除或應

駐陳州或應赴歸德英桂當體察事機緩急

親往督辦但攘外必先安內賊氛不靖固當

示以兵威至地方偶有刁民聚眾滋事則專賴管轄之道府州縣善於彈壓平時撫馭有方必不致抗官滋事之案層見疊出若因抗納錢糧即須移兵動眾徒事煩擾且恐激而生變該撫當嚴飭蔣啟敬等究其起釁之由剛柔相濟總期分別良莠擇尤懲治不致釀成事端動勞兵力方為善策英桂統轄全省所屬稍有蠢動即係該撫之責不得稍存大意將此由五百里諭令知之 壬午以克復

平定縣志卷之十一

九

湖北武昌漢陽興國大冶蘄各府州縣城賞守備俞星元滕國獻等花翎把總劉三富等藍翎餘升擢有差 予湖北陣亡千總蘇勝把總鄭沐祭葬世職六品軍功李金樑祭葬世職如外委例 予湖北禦賊被戕州判魏作霖祭葬世職 癸未

上詣

大光明殿

弘仁寺

仁壽寺拈香 以河工穩固頒河南省城

河神廟

御書扁額曰榮光普護 先是塔爾巴哈台叅贊大臣英秀奏稱塔爾巴哈台原設綠營換防官兵一千二十九員名屯工七處耕種兵七百名差操兵三百名遵擬變通兵制酌裁浮費請於該處屯兵內酌撤兵二百一十名差操兵內酌撤兵九十名滿漢官兵內酌撤兵二百名共酌撤滿漢各營官兵五百名每年可節省本處鹽菜銀七千餘兩又本處官廠牧放羊隻不下數萬除酌留孳生外餘俱賞賣與蒙古官兵以時價合銀計可得價銀二萬四千兩即在蒙古官兵每年俸餉銀內扣留一萬二千兩作為兩年歸還並可裁撤牧羊兵二百名連前滿漢官兵共裁撤七百名通計每年可節省銀九千六百兩下軍機大臣會同戶部議至是奏滿營換防甲兵在途在防均有鹽糧借支等項既據該大臣等

酌量裁撤其一切鹽糧借支等項均可覈減於經費實有節省至羊隻變價以抵經費一節覈其所奏不但體恤蒙古官兵兼可撙節經費其節省銀兩應令該大臣於估調經費時聲明扣除以昭覈實從之○以江西勦匪出力並克復泰和安福三縣城賞都司馬福壽知縣楊昇楊曉昀花翎都司伊凌阿等藍翎餘升敘有差○以江西監造礮位火藥出力賞同知張賦林藍翎道員鄧仁堃等優敘

○予江西陣亡訓導劉芳槐典史王廷瑞八品軍功易澤選祭葬世職○予東河搶險淹斃外委辛得書祭葬卹蔭○甲申諭內閣吏部奏捐免試俸歷俸人員與京察保薦例義未符請旨定奪一摺此項捐免試俸歷俸人員既得提升截取已屬從優所有京察大典自不得與資深人員同登上考著各該部院堂官仍照舊章分別試俸歷俸年限辦理以符定制○又諭載齡崇實奏遵查川省大吏

收受陋規一摺各省規禮陋習例禁綦嚴原以懲貪墨而杜夤緣若上司不能廉潔奉公又安望其正己率屬吏治之壞實由於此四川一省自總督以及監司大員率皆通同一氣收受苞苴大吏以捐款為名復陋規之實司道以朘削所得為結納之資試思府州縣以取之於民者應司道之求司道又以索之於府州縣者飽督撫之欲似此營私肥己不顧廉隅無怪屬員之藉逞刁風公務之日就

廢弛甚至鑽謀賄囑朋比為奸尚復成何事體即將裕瑞以下與受各員從重按律懲辦亦屬咎所應得姑念其官非一任事非一年本日已將裕瑞併案革職其餘司道各員除另案查辦外已往之事姑予從寬嗣後該省一切陋規著永行禁革如有陽奉陰違仍蹈積習或另改名目暗復舊規者著該部從嚴定擬處分具奏以儆官邪並通諭各直省督撫督率監司大員務當簞簋自飭潔己愛民

毋得婪私黷貨自取愆尤。儻屢訓不悛，仍復罔知自愛，一經發覺，必即重懲，勿謂寬典可倖邀也。懍之。又諭載齡、崇實奏查明督臣訪辦謀逆重案，草率定讞，各情一摺。前據四川學政何紹基奏，總督裕瑞收受陋規，並於鄭懷江等謀逆一案，辦理錯誤，特派載齡、崇實前往四川查辦。茲據奏稱，鄭懷江等平日結會樹黨，橫行鄉里，復因糾眾爭奪解邦，潞石獅欲行械鬪，以致居民驚徙，實屬目無法紀，立置重辟，已足蔽辜。裕瑞輕信把總曾芝荃等偵探之詞，雖經各屬查明聲覆，仍固執己見，輒以謀叛定案。該督身膺疆寄，於民命重情，應何如詳審慎重？乃有意傳會張大枉坐人罪，非尋常錯誤可比。且據載齡等查明該督平日有收受屬員陋規確據，尤屬辜恩溺職。撤任四川總督裕瑞著即行革職。所有會審承審各員、四川候補同知沈英、候補通判趙友泰、署瀘州知州桂廷、署富順縣知

縣徐繼鏞、候補直隸州知州音德布琦齡並審轉未經結案之前，署按察使清安泰及勘詳之前任按察使升任廣西布政使胡興仁均著交部分別議處。其緝拏此案之知縣曠一清、守備李春錦、千總蘇光贊、前經裕瑞請予議敘著即撤銷。署南江縣知縣伊克精阿經裕瑞奏叅革職，茲既查明鄭懷江並無謀叛重情，惟該員於地方棍徒未能嚴辦，究屬疏於覺察。伊克精阿著開復革職處分，仍交部議處。又諭載齡、崇實奏叅道員聲名狼籍等語。四川建昌道俞文詔經該侍郎等訪查該員前在首府任內把持公事，自府廳以下各官均奔走其門，聲名狼籍，劣蹟昭彰，若非立與罷斥，不足以儆官邪。俞文詔著即行革職。又諭載齡、崇實奏請將逞刁藐法之把總懲辦等語。四川把總曾芝荃謝洪恩於載齡等查辦鄭懷江案情飭傳到案，畫供後輒復另遞親供，益用鈐記，經載齡等摘頂示

懲曾芝荃袖出小刀自行劃傷臥地嚷鬧謝洪恩亦直撲公案大肆咆哮似此兇橫藐法殊出情理之外。曾芝荃謝洪恩業經載齡等咨革著即發往新疆充當苦差。先於本地方枷號兩箇月以示懲儆。○又諭王懿德等奏參勒休知府挾制上司請從嚴懲辦一摺勒休漳州府知府金崇於被參後輒敢向該藩司肆意咆哮情同挾制若不從嚴懲辦何以儆刁玩而肅官箴。金崇著即革職勒令回京。

平定回疆方略卷一百一十五

十一

交該旗嚴加管束以示懲儆。○諭軍機大臣等載齡崇實奏遵查四川各案審明定擬各摺片該侍郎等前奏學政何紹基不收水禮一節殊難憑信當經諭令再行確訪並查該員聲名如何。未據該侍郎等覆奏。何紹基原參川省各員稱藩司楊培善諛嗣有人奏俞文詔與該司聯為一氣為州縣代謀升調拜認師生是楊培之不能勝任藩司已可概見有無別項貪污劣蹟並俞文詔索取行戶陋

規得受廠商賄賄各款均著再行查確據實參奏毋得稍有不實不盡將此由五百里諭令知之。○又諭勝保奏連日攻賊情形並統籌全局等語覽奏殊多支飾該大臣擁兵高唐城下數月以來未建寸功據奏攻其西門南門冀可出其不意是必偵知該兩門賊勢鬆懈可以一鼓而進方為確有把握乃不過誘殺廿餘人仍屬不能得手所開地道與安設地雷亦未見迅速辦妥復以賊濠頗深又待籌加鑲板賊情詭詐其堅拒之計既百出不窮而該大臣籌攻之具亦已多方均屢試而不效可見兵法所謂知己知彼者該大臣直未講求節次諭令速圖進取毋再遷延豈蕞爾孤城臨以鉅萬重兵竟無制勝之策該大臣自知慚憤不思設法剋期攻克以贖愆尤轉慮及於東南兵力之不能兼顧以楚軍南下賊勢必致旁竄防兵偪歲生懈為虞所言何嘗不中肯綮獨不知該大臣麾下將士

平定回疆方略卷一百一十五

十六

裏糧坐甲瞬偏殘年不能生懈耶現在楚境
蕩平曾國藩等掃除九江一帶賊匪後即可
直擣安慶南北各要隘早經諭知各路統兵
大員及各該地方大吏嚴兵扼守勝保所稱
南賊於年內果無蠢動則北路可望肅清是
直以南賊能否北竄為高唐能否攻復之符
驗舍己責人尤為鄙佞不知東境之賊不過
連鎮竄餘之匪為數無多一經勦洗則南賊
聞風膽落更不敢復萌北窺之心即連鎮賊
巢亦失其犄角之勢勝保束手無策遁辭飾
非清夜自思能無羞愧且聞該逆並未關閉
城門任意出入兵勇無人過問每於數十里
外搶掠村莊劫取糧食儻任其陸續宵遁茫
無聞知將來以收復空城入告糜餉勞師俾
逆賊蔓延他處勝保尚有何顏見朕耶著即
懍遵前旨速籌攻復毋得於數日後具奏軍
情一次以空言為塞責也將此由六百里加
緊諭知勝保並諭德勒克色楞善祿崇恩知

之○以勦辦江西長甯賊匪出力賞把總張

朝相等藍翎餘升補有差○乙酉命於

大高殿設壇祈雪

上親詣行禮○遣惇郡王奕誼詣

宣仁廟

凝和廟恭親王奕訢詣

昭顯廟

時應宮拈香○詣

壽康宮問

皇貴太妃安○諭內閣奕綢等奏長蘆應解息

銀請飭銀票各半解交一摺所有長蘆鹽政

每年應解廣恩庫息銀嗣後著銀票各半解

往以資辦公○展

西陵八旗兵丁應扣借支銀○緩徵兩淮富安

安豐梁垛東臺何垛丁溪草堰劉莊伍祐新

興廟灣板浦中正臨興十四場被水竈地新

舊額賦有差○緩徵甘肅皋蘭河渭源靜甯

隆德甯夏靈平羅八州縣被水被旱被雹被

霜節年舊欠銀糧及靖遠隴西會甯西和安化甯涇崇信靈臺九州縣新舊銀糧草束

實錄卷一百五十一

十九

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百五十一

清 實 錄 咸豐四年十一月下

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百五十二

教修

咸豐四年甲寅十一月丙戌諭內閣文彩李

函奏請飭催山東輕齋銀兩一摺山東省應解通濟庫輕齋銀兩已逾一年之久尚未解到實屬任意遲延此項銀兩為倉場衙門各項支放要需著崇恩督飭該糧道迅即籌完務於封印前解到毋再延玩諭軍機大臣等托明阿等奏水師軍餉短絀請飭江南督撫迅速撥解等語水師各艇兵勇口糧向由京口糧臺給發本年七月以來未領口糧至六萬餘兩之多屢次飭催仍未源源接濟現

六四一

當水師勦辦喫緊之際兵勇餉需萬分支絀情形極為緊要著怡良吉爾杭阿迅即籌款立將所欠之項派委妥員趕緊解往托明阿軍營不得以無款可籌任意積欠致誤要需將此由六百里諭令知之又諭曾國藩塔齊布奏官軍克復黃梅縣城並勦辦情形各一摺我軍克復廣濟之後於初四日收復黃梅是陸路一軍頗為得手惟大股逆匪尚聚於孔壘驛小池口等處我軍水陸兩路聲勢

未免隔絕況江西水師未能得力兩岸賊營甚多水陸抗拒曾國藩水上一軍介處賊營之中情形頗覺危險據奏所慮各端甚為周密此時自應於屢勝之後倍加慎重萬勿稍涉孟浪致誤事機僅將孔壘驛等處賊匪勦盡剽營江岸使水師與陸路互相聯絡然後相機進剿庶不致有顧此失彼之虞楊需現駐黃梅廣濟之間即應督飭魁玉楊昌泗等迅速進剿北岸一帶即責成該督實力攻剿

俾塔齊布羅澤南等可以全師渡江為圖攻九江之計若專恃該提督一人奔馳南北兩岸徒勞兵力更恐銳氣銷磨於攻勦轉無裨益江西帶兵之臬司惲光宸前任總兵趙如勝等已有旨由曾國藩等調度僅該員等不知奮勇勦賊即當嚴叅懲辦逆匪搶奪江省戰船四十餘號又在安徽造船三十餘號意在拌力死拒該侍郎等務當督飭水陸各軍謀定後戰設法迅圖克復九江郡城毋令逆

賊盤踞日久牽掣我軍將此由六百里加緊各諭令知之以克復湖北黃梅縣城賞千總周友勝花翎餘升補有差以守禦江蘇六合縣城出力賞守備秦懷揚花翎六品軍功溫綸等藍翎在籍翰林院檢討徐鼎等加銜升補有差以攻克江南浦口賊營出力加總兵官武慶提督銜賞二等侍衛伊興額頭等侍衛防禦魁霖巴圖魯名號佐領都隆阿花林布法波阿協領巴林保防禦烏爾滾

圖遊擊黃志配鄧鳳林都司富勒渾泰守備
韓金城景陽春蕭澄花翎驍騎校富順等藍
翎餘升擢有差予江南陣亡參領永陞驍
騎校榮貴祭葬世職予湖北陣亡千總王
映軫祭葬世職丁亥諭內閣戶部奏遵議
托明阿等奏酌加兵餉一摺所議自係照例
辦理惟念該營兵餉比較從前已經覈減若
驟復舊章該兵丁等未免拮据著仍照托明
阿等所請每兵每月酌加銀一兩四錢他處
不得援以為例其未經支發兵餉應行補放
之處著即照新定章程給發以示限制○諭
軍機大臣等葉名琛柏貴奏省城北路勦匪
連次獲勝一摺朕詳加披閱近省一帶辦理
似有頭緒該督等摺內所敘均係八月內情
形現在間時又將三月自必續有勝仗近省
各匪巢諒可悉數掃除該省滿漢官兵同心
協力紳士壯勇均能聯絡勇往正當乘此聲
威甚盛之時一鼓作氣肅清巢穴根本既固

然後安速布置將東西北三處匪徒漸次勦
辦著穆特恩托恩東額葉名琛柏貴督飭滿
漢各營將弁兵勇激勵在城官紳士庶迅速
將附城匪巢及所轄各屬賊匪全行撲滅毋
留餘孽以淨根株至東路潮州各屬據本日
奏報勦辦尚為得手但以本地之兵禦本地
之賊誠恐轉戰力疲若省城能一律救定則
移得勝之師分路四出東會閩兵援應潮州
西會廣西官兵攻復肇慶北會江西湖南兵
勇疏通南韶大路皆可措置裕如現在王懿
德所派漳泉兵勇二千名已交總兵慶寅管
帶由海道前進駱秉章所派辰沅兵一千名
已交署遊擊龍金源管帶於十月初四日由
長沙啟程陳啟邁所派南康練勇三千五百
名已由始興進勦勞崇光所派之右江道張
敬修計日亦可出境各路援兵四集必須本
省官兵大振聲威為之倡率方能合力兜勦
廣東民氣素強兵力亦足現雖各屬匪徒蜂

起一經辨有端倪諒不難次第剔除也將此由六百里諭令知之予河南商城勦匪被戕副將春明祭葬世職建立專祠守備郭建極千總馬萬圖屈凌霄抱總何映桂胡錦標外委馬梯雲卞向春劉殿榮祭葬世職並附祀予廣東傷亡知縣倪森祭葬世職戊子諭內閣惠親王等奏請飭山西省採辦鐵斤解交京局以資鼓鑄一摺現在鐵錢局四廠開鑪鼓鑄歲需生鐵一千二百萬斤僅就

附京地方採買不敷應用著山西巡撫卽飭藩司迅派廉能可靠之員如式採辦務於咸豐五年二月以前先將一半生鐵六百萬斤解交京局無得稍有短絀致誤要需所需工本運費即在該省藩庫錢款項下作正動用再由鐵錢局卯錢內照數劃出按月解交戶部以抵該省應解部庫之款其每年例解鐵斤既經停解仍將節省價腳銀兩解交部庫以清款目諭軍機大臣等將蔚遠趙萬春

奏安南匪徒滋事並督臣在營病故等摺片遵義大營調集滇黔兩省官兵為數不少正當攻勦喫緊之際而督師大員遽爾出缺軍情不無惶惑趙萬春以本省提督統轄全軍責無旁貸務宜一面鎮定軍心一面速籌撲滅若稍事耽延致令負隅日久雖遵義興義相距尚遙未必遽至蔓延勾結而南北兩路同時蠢動黔省餉絀兵單勢將不可收拾該撫現駐札佐距省城甚近雖云居中調度仍

不可一味株守以現在形勢而論遵義一路兵力甚厚且有川省之兵前後夾擊興義匪徒亦係烏合初起金剛保所帶兵已有一千五百名加以前調滇兵七百名亦儘數勦辦該撫務須統籌全省大局以先勦遵義為要興義一帶即責成金剛保福連迅速妥辦毋任遷延將此由六百里諭令知之以工部尚書全慶兼正紅旗漢軍都統以山西巡撫恆春為雲貴總督兼署雲南巡撫調陝西

巡撫王慶雲為山西巡撫雲南巡撫吳振械為陝西巡撫未到任前以工部右侍郎戴齡署理以塔爾巴哈台參贊大臣舒興阿為雲南巡撫以署察哈爾都統華山泰為綏遠城將軍署密雲副都統穆隆阿署察哈爾都統鑲黃旗漢軍副都統劉鈺署密雲副都統以塔爾巴哈台領隊大臣英秀為參贊大臣賞岫巖城守尉英蘊副都統銜為塔爾巴哈台領隊大臣命翰林院編修鮑源深提

督貴州學政以鑄錢濟餉予南河同知郭禮圖等升補有差以貴州安南縣城被賊竄陷革知府張鏌等職仍留任勦賊予故雲貴總督羅繞典祭葬卹廕諡文僖賞伊孫清浚舉人一體會試予故綏遠城將軍善祿祭葬卹廕諡勤壯予貴州安南縣殉節知縣朱右賢祭葬世職加等建立專祠已丑諭內閣袁甲三等奏進勦廬舒以南逆匪一摺並片奏續獲勝仗等語賊匪竄擾桐城

並於大小兩關踞險抗拒經袁甲三等派令參將劉玉豹等帶兵進勦該逆紛紛倒退回扼大關賊紆青等分帶兵勇三路進取賊眾擾亂我兵長驅入關窮追至白沙嶺計自午至酉連奪兩關餘匪竄奔桐城劉玉豹賊紆青等進薄東南兩門躍過濠溝直抵城下廬江賊匪會合安慶賊匪來桐救援賊紆青等復合力鏖戰餘眾竄入街內其竄出北街者復被郭錦及文生鹿慶商等銜殺賊紆青自

率大隊轉至賊後兜圍殲賊眾殆盡奪獲旗幟器械無算桐城為驛站通衢大小關為桐城要隘現已奪險薄城大兵所至沿途居民無不爭先迎叩鼓舞歡欣著袁甲三等即飭帶兵文武乘此軍威大振之時趕緊將桐城縣城克復以孤廬城賊勢所有出力員弁兵勇並著袁甲三等先行擇尤保奏候朕施恩又諭葉名琛柏貴奏勦辦省城北路股匪疊獲大勝攻毀賊巢一摺廣東省城北路

匪徒經疊次勦洗後仍於佛嶺市蕭岡龍潭觀等處踞險抗拒葉名琛等飭令參將衛佐邦濟山等各帶兵勇分路進勦千總王大帶帶潮勇首先攻入龍潭觀縱火焚燒賊眾驚潰蕭岡賊亦慌亂衛佐邦乘勢揮兵闖入賊巢該匪潰奔當將龍潭觀蕭岡兩巢蓬廠六百餘座全行燒毀我軍分路前進抄襲佛嶺市後道員沈棟輝揮兵乘勝圍攻火箭火毬打入賊巢蓬廠延燒我兵奮力抄擊該匪望

風披靡紛紛奔竄賊營二千餘座全行燒毀統計旬日之間連破賊巢共斃賊二萬有餘斬首三千餘級生擒五百六十九名所有疊次尤為出力之將備員弁著該督等覈實保奏近省北路賊壘雖已漸次勦除所有逃往石門石井各鄉餘匪著該督等務即乘此聲威全行勦滅以靖地方又諭奕山圖伽布奏籌議牲畜變價抵給餉項一摺所有察哈爾額魯特兩營官兵應領餉銀著照該將軍

等所請准其將伊犁現存牲畜估變銀五萬二千六百七十八兩零以抵該官兵餉需分作三年抵扣完款以示體恤諭軍機大臣等此次賊紆青劉玉豹等帶兵進勦廬舒以南奪回大小兩關直逼桐城賊已失其所恃辦理甚為得手惟該員等所帶兵勇不及二千餘人而桐城南距安慶西距潛山東距廬江相去皆不甚遠我軍深入重地三面受敵即使克復縣城亦恐兵力過單勢難守禦臨

淮等處既無兵可撥曾國藩塔齊布水陸兩軍現在圍攻九江該處賊匪尚多亦恐不能剋期抵皖賊紆青等攻勦桐城固不可遲延觀望亦不可銳進貪功致有失挫舒城距桐城僅一百二十里秦定三在彼督兵攻勦聲勢較易聯絡著和春等即飭該提督迅速抽撥兵勇駐劄大小關以為賊紆青等後路聲援該處為安慶廬舒往來之路今為我軍所奪不特舒城之賊勢已孤即廬州之賊亦必

氣奪和春等正當乘此機會一面督飭秦定
三。迅攻舒城一面嚴飭各營兵勇進勦廬州
如能克復郡城即可統兵南下與臧紆青等
合力進勦儻再事遷延致大軍為其牽掣和
春等貽誤之咎斷難倖邀寬宥逆匪在林毋
圩偷結賊營業經署臬司恩錫廬鳳道張光
第督率兵勇攻毀賊壘惟和州含山尚未克
復浦口一帶賊船往來麇集著飭該員等隨
時偵探相機進勦勿得株守一隅其上游敗

竄之匪並著實力堵禦毋稍疏懈將此由六
百里加緊各諭令知之○以職勦安徽亳州
擒匪出力加副將朱連泰總兵銜賞都司戴
世熙知府張家駒花翎○予廣東陣亡千總
歐炳釗外委黃文彪祭葬世職○庚寅

上詣

英華殿拈香詣

壽康宮前殿行禮後殿問

皇貴太妃安○命協辦大學士賈楨為正使禮

部左侍郎肅順為副使持節齎冊晉封

懿貴人那拉氏為

懿嬪冊文曰朕維椒庭翊化修婦職於六宮蘭
殿承暉備內官於九御特加命秩式煥彝章
咨爾貴人那拉氏秉質粹和從躬端謹佐禕
衣而協吉內則無違習瓊佩以迎祥蕃釐克
荷是用封爾為懿嬪錫之冊命爾其祇承綸
綍膺象服而攸宜益懋溫恭進鴻禧於靡既
欽哉○大學士祁寯藻因病乞休命以大學

士致仕○命協辦大學士賈楨為大學士管

戶部事充

實錄館監修總裁官○命大學士卓秉恬稽察
欽奉上諭事件處○調兵部尚書翁心存為
吏部尚書以都察院左都御史周祖培為兵
部尚書吏部左侍郎許乃普為都察院左都
御史轉吏部右侍郎張祥河為左侍郎調兵
部右侍郎卓樞為吏部右侍郎以內閣學士
匡源為兵部右侍郎○命吏部尚書翁心存

教習庶吉士 以御前大臣載垣署鑲黃旗
漢軍都統正白旗漢軍都統裕誠署正藍旗
漢軍都統 辛卯諭內閣軍興以來需餉浩
繁籌撥帑金已不下數十萬兩各直省辦理
捐輸頗為踴躍捐貲各生疊經降旨優加獎
勵陝西省素稱富庶且民風淳樸好義急公
前經王慶雲奏請捐借並行聞此時為數尚
屬無多固由民力或有未齊亦該地方官未
能設法勸諭所致現在楚中水陸大軍建瓴

東下由潯皖直搗金陵其餘各路軍營亦頻
經奏捷方期迅掃妖氛與吾民共登衽席軍
餉要需尤應寬為籌備所有陝西省捐借事
宜仍著責成該撫督率藩司飭令該地方官
會同特派勸捐之在籍紳士等妥為勸導俾
身家殷實者均得遂其輸將之悃一俟集有
成數即由該撫迅速奏報候朕優加獎敘儻
任令屬吏等抑勒侵漁藉端蒙混以致該紳
民等遷延觀望有誤要需惟該撫是問 諭

軍機大臣等前據曾國藩奏請飭陝西省撥
解軍餉二十四萬兩當諭知王慶雲如數撥
解茲據該撫奏稱除解過外尚欠解銀十二
萬兩請飭江西先行借撥等語曾國藩所統
水陸各軍現已漸離楚境進逼九江正當攻
勦喫緊之際若專待陝西湊足起解誠恐緩
不濟急著陳啟邁即於江西省無論何款項
下迅速籌銀數萬兩徑解曾國藩軍營應用
仍由陝西續收項下如數撥還江西歸款並

著楊需就湖北省現有之款先行設法接濟
該省亦尚有陝西欠解之餉俟陝西續收有
數亦可陸續解還也沿途水陸催趲及護送
迎提各事宜均著楊需陳啟邁派委妥幹之
員小心經理勿致稍有疏失將此由六百里
各諭令知之 又諭王慶雲奏各營豫支春
餉請俟司庫續收有款再行給領等語陝西
庫款支絀所有離省較遠各營兵餉若仍照
從前豫行給領實屬不敷支放該撫已將冬

李應發之餉先飭各標營給領其應領春餉著俟庫收有項屆時發給並著王慶雲扎拉芬札飭各營將弁妥為約束曉諭毋令該兵丁等紛紛具稟藉端生事將此由四百里諭令知之○壬辰諭軍機大臣等僧格林沁等奏擊退賊匪情形一摺連鎮逆匪屢次伺隙撲擾營盤該大臣等僅能待其出撲後擊退回巢並不思實力進攻此次所陳擊敗各情亦屬仍前敷衍斃賊多寡亦無確數據云年

內可望歲事即使實有此把握又豈得謂之迅速耶所奏賊多設伏以待不容我兵進前以數萬官軍勦此窮寇若竟任其死守不圖進取日久相持兵糧支絀思之憤悶所有投誠賊匪恐不可恃尤應留心駕馭勿墮奸計當此天氣沍寒士卒疲乏該大臣等惟當激勵各營文武趕緊籌攻斷不准再延時日致生他變節次批示並所降諭旨備極詳明別無可諭矣將此由六百里加緊諭知僧格林

沁並諭西凌阿知之○又諭連鎮軍營待餉孔殷著文謙無論於何款項下速行籌撥銀兩剋期派員解往以濟要需其前次派撥未解之款著一併速行起解毋稍延誤○以擊賊奮勉賞還副都統雙成總兵官董占元頂帶 癸巳

上詣

大高殿祈雪壇行禮○遣惇郡王奕誩詣

宣仁廟

凝和廟恭親王奕訢詣

昭顯廟

時應宮拈香 諭軍機大臣等本日據陳啟邁奏安慶逆匪分竄九江湖口擾及吳城一摺又據和春福濟奏楚北敗匪由太湖竄至英山縣城失守等語湖北逆匪經曾國藩等大軍痛勦之後餘匪竄入皖境本屬意中之事惟和春等攻勦廬州兵力不敷分撥袁甲三駐劄臨淮亦恐兵力較單勢難兼顧此時

安徽北路情形喫重楊需現駐黃梅廣濟之間該處與皖境毗連該督應即相機移師前進遏賊北竄之路著即悉心籌畫迅速辦理毋得以楚境肅清稍分畛域至安慶逆匪分竄九江擾及吳城江西兵勇業經失利既不能與曾國藩等會合勦擊且恐該逆深入江西牽掣我師則曾國藩等水陸諸軍亦難直抵安慶孔壑驛小池口等處賊匪是否業已殲除塔齊布等能否渡江攻勦潯郡此時該

侍郎等所帶兵勇雖不能分撥赴吳城協勦亦當設法兼顧毋令分竄總之上游攻勦得手則江西安徽皆匪蹤所必至楊需等務當統籌全局使水陸各軍聯為一氣將濱江兩岸賊氛以次掃除實深殷盼將此由六百里加緊各諭令知之又諭前因曾國藩等水陸各軍節次於蘄黃田鎮等處大挫賊鋒朕即慮楚軍得勝之後該逆必紛紛旁竄諭令和春等趕緊克復各城毋使大兵為賊牽掣

致逆匪被逼有北竄之慮乃本日和春等所奏廬舒舍山各營攻勦情形均不過小勝而博勒霍布等所帶兵勇雖入太湖縣城卒被敗匪攻陷英山亦復失守固由該提督等兵力未能兼顧亦因廬州等處未即攻克致竄皖之賊分支突入勦辦又多棘手現在舍山官渡烏衣鎮一帶雖有李鴻章恩錫張光第等在彼駐劄攻勦惟皖省土匪本多若再與逆賊勾結勢更蔓延現已諭楊需就近由楚

分兵前往堵勦而賊情飄忽該提督等仍當嚴飭秦定三迅復舒城以便移兵往勦如果事機緊急即著秦定三酌派弁兵馳往應援其六安一帶即飭知州茅念劬糾集鄉團以資堵禦其前調河南防兵一千名幫同玉崑防守正陽一節已據英桂奏稱飭牛鑑帶兵前往著咨會袁甲三迅速迎提扼守要隘和春等師久無功僅復不能遏賊北竄朕必重治其罪將此由六百里加緊諭令知之又

諭此次官兵進攻九江不能得手多有傷亡以致賊匪分股擾及吳城焚擄戰船八十餘隻逆蹤猖狂殊深憤悶吳城距省甚近設被賊久踞窺伺省城關繫非細本日已將江西緊急情形諭知曾國藩等令其斟酌辦理但曾國藩等攻勦江面賊船正在喫緊能否分兵助勦殊難懸定塔齊布等陸路一軍須攻克孔壘驛小池口之後始能渡江進取潯城此時陳啟邁惟當嚴飭帶兵員弁趕緊將吳城賊匪悉數殄除以固省城藩籬至九江兵力疲弱仍著責成居隆阿挑選精壯認真訓練以資攻勦勿專待楚軍援助致失機宜將此由六百里加緊諭令知之河南巡撫英桂奏歸德一帶捻匪自張維翰接辦後頗為得手惟輝縣刁民糾黨數千任情抗拒開封衛輝二屬人心亦覺浮動現當漕糧緊要擬暫駐省城就近調度俟情形稍定再行前赴歸陳擇要督防得旨一切情形均悉張維翰

雖已被叅然督防尚屬得力著斟酌留防亦可至輝縣一案不致釀成巨案方好予江南陣亡遊擊海明張攀龍都司色普哲訥葉舒青烏勒宏阿千總郭茂林常麟韓興邦李朝綱把總徐永外委譚光斗楊旺蕭永鳴何永興吳殿臣陳祥防禦西豐阿祭葬世職○予江西建德縣殉節知縣王開貽從九品嚴國佐祭葬世職六品軍功黃仙鎬賞卹如例撥河南司庫銀十五萬兩解往安徽以備軍需○甲午諭內閣京師入冬以來未霑雪澤疊經降旨設壇祈禱並親詣大高殿拈香迄今已逾旬日尚未渥沛祥霽朕宵旰焦勞時勤修省因思清理庶獄冀可感召天和所有刑部及順天府現審人犯或因未經定案久羈囹圄疾病顛連情殊可憫著該衙門督飭承審各員將已結未結各案逐一清理釐其有情節可矜甚至含冤待白者務即悉

心研鞠立予平反至問徒以下輕罪人犯以及干連待案候質人證訊明後即行發落省釋毋任稽遲積壓拖累無辜此外尋常案件並著速行完結以期翕應祥和用副朕欽恤惟刑之至意又諭前因御史楊重雅奏廣西左江道張祥晉私往天津干預訟事當經降旨將該員暫行革職交桂良查明具奏茲據該督奏稱該員前在天津因索欠逗遛尚無別項情弊惟於奉旨飭催赴任之後尚敢

實錄卷之百五十二

三十二

因私事日久逗遛實屬藐玩張祥晉著即革職諭軍機大臣等有人奏通州三河平谷密雲順義等州縣並不將搭交鈔票章程張貼告示以致小民將鈔票大錢交納書吏抑勒刁難不使搭交及解交部庫時必至私向市間收買鈔票按成搭交並辦差灘派多有浮冒需索情弊如果屬實是該州縣阻撓鈔法朘削民生飽其私橐大干法紀著賈楨譚廷襄嚴密訪查據實叅劾無稍徇隱又另片

奏三河密雲順義各縣有侵吞馬乾銀兩勒派車馬硝磺並酒行陋規甚至因案需索蠹役朋比為奸以致怨聲載道等語並著該兼尹府尹按照所奏各款一併嚴查叅辦以儆貪婪原摺片均著鈔給閱看將此諭令知之

以工部尚書全慶兼署戶部尚書以掇

獲土匪賞山東知縣張槃花翎

實錄卷之百五十二

三十三

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百五十二

芬泰等奏喀爾喀扎薩克圖汗三音諾顏二
部落汗王貝勒貝子公扎薩克台吉等及所
屬部落扎薩克郡王桑噶錫哩等現因逆匪
尚未剿除淨盡情願捐馬二千一百餘匹以
備軍營調用等因呈請代奏請旨一摺喀爾
喀扎薩克圖汗三音諾顏二部落汗王貝勒
貝子公扎薩克台吉等情願捐馬二千一百
餘匹以備軍營需用洵屬衷悃出於至誠實
堪嘉獎惟該汗王等悉賴此項牲畜度日且

各處逆匪業經官兵疊次獲勝殲斃多名殘喘么膺自可指日翦除著扎拉芬泰等將此傳諭該部落汗王等其所捐馬匹均著勿庸賞收以示朕嘉獎蒙古體恤世僕之至意○又諭柏葭奏職官鬻賣木植舉放利債牽涉總兵大員請解京審辦一摺己革內管領達魁達謹並案內牽涉人犯著一併解京交刑部會同宗人府秉公嚴訊按律懲辦馬蘭鎮總兵兼總管內務府大臣慶錫著暫行解任

來京聽候傳質 又諭山東學政徐樹銘奏
請將濟南府歲科文試變通辦理一摺山東
濟南府尚未撤防現在歲科並試為期較迫
自應酌量變通所有濟南府屬之長清齊河
禹城章邱等縣著准其暫行附入泰安府棚
考試齊東濟陽臨邑德平平原陵縣德州德
衛等州縣衛著准其暫行附入武定府棚考
試一俟該處撤防即仍照舊章考試○又諭
扎拉芬泰等奏戍兵期滿擬請暫緩更換一

摺著照所請烏里雅蘇台應行更換咸豐五年換防弁兵暫緩更換一班俟下屆應行更換之年再行照例更換以符定制 以都察院左副都御史柏蔭署馬蘭鎮總兵官兼總管內務府大臣 丙申諭內閣曾國藩等奏請將帶勇滋事之員革職治罪等語同知銜即選府經歷縣丞李光榮管帶川勇協勦於該勇等強坐民船不給船價並將船戶砍傷有心庇護迨師至漢口經曾國藩拏獲滋事

之勇派員審訊李光榮膽敢率眾持械奪犯復縱容該勇攔江索詐駕船搶賊並於羅澤南移營搬餉之時突往搶掠錢文傷斃長夫多名種種不法實出情理之外李光榮著即革職拏問交楊需嚴行審訊按律治罪毋稍寬縱 又諭曾國藩塔齊布奏水陸官軍續獲大捷肅清潯郡江面一摺逆匪自黃梅受創後糾合安慶新到之賊盤踞孔壠驛小池口一帶與對岸之九江賊巢聯絡抗拒本月

初七日羅澤南李續賓彭三元等由北岸督兵進至濯港地方突遇大股賊眾我勇分東西兩路衝殺賊勢潰敗追入濯港市內擊斃溺斃者賊屍山積其潰逃之賊經兵勇分投追殺並抄擊樹林中伏賊前後共斃匪一千四五百名生擒八十五名奪械無算十二日塔齊布率領全軍進攻孔壠驛三面環勦我兵勇不避槍礮一齊突入土城仍用長圍困逼逆眾溺入泥淖中死者千餘人被諸勇追殺者又二千八人因即縱火焚燒街市餘賊無一得脫生擒長髮賊七十九名偽丞相總制等多名孔壠驛既破小池口之賊亦即聞風先遁餘賊爭駕小划駛入南岸我軍乘勢追擊沈毀賊船多隻旋回柁北攻將北岸洲尾大木簞一座乘風燒毀餘船亦被焚燒復延燒洲岸賊營一座其新港地方又有大木簞一座彭玉麟揮眾躍入奪獲大礮十三位立將船簞盡行焚毀經十四日水軍一戰潯陽

江面遂就肅清。曾國藩駐軍九江城外，於十五日與塔齊布兩軍會合，西門出賊數百人。李孟羣率勇上岸追殺賊，即奔潰，毀其木城一座。彭玉麟等率大隊直下湖口，燒毀賊船四十餘號，又燒毀自縣城下竄賊船二十餘號，並裝載輜重之大紅船三號。現在大軍扼守湖口，內外要隘，九江逆匪首尾不能相顧。可期。即日掃除曾國藩、塔齊布運籌決勝，勦力同心，麾下將士率皆轉戰無前，爭先用命。

皆由曾國藩等調度有方，覽奏之餘，實堪嘉慰。曾國藩著賞穿黃馬褂，並發去孤鞍黃馬褂一件、白玉四喜搬指一箇、白玉巴圖魯翎管一枝、玉靶小刀一柄、火鐐一把，交曾國藩祇領。又白玉四喜搬指一箇、白玉巴圖魯翎管一枝、玉靶小刀一柄、火鐐一把，交塔齊布祇領，以示優獎。補用守備朱南桂冒險衝陣，連撲賊營，著免補守備，以都司補用。升用遊擊童添雲每戰摧鋒不避矢石，著以參將升。

用其餘出力員弁兵勇，即著查明保奏候朕施恩。諭軍機大臣等：曾國藩、塔齊布奏陸路兵單南北不能兼顧，朕已早慮及此，是以疊次降旨，命楊霽出省督勦北岸，命陳啟邁派兵出江夾擊，並有桂明等不能得力。准曾國藩單銜奏，及憚先宸趙如勝之兵均歸曾國藩等調遣之諭。原以皖鄂江西三省帶兵之員多有距本管督撫較遠而離曾國藩大軍轉近者，非事權歸一，則呼應不靈。儻隔

絕，推諉於軍情，大有關係。所有湖北臬司胡林翼所帶之勇、副將王國才、都司畢金科所帶之兵，均著楊霽飭令星夜馳赴曾國藩等軍營，悉聽該侍郎等調遣。其和春等派出之已革道員何桂珍、袁甲三派出之四品銜臧紆青等，現在桐城一帶，諒因英山失陷，是以未能南出。潛太著曾國藩即行飛飭催提，併歸一軍。如有將弁樂驚兵勇，孱弱者即行認真簡汰，不可稍存避嫌之見。致一軍中強弱

不齊轉費周折皖鄂毗連各屬昨已諭楊需移師前進迅速防勒著即懷遵辦理由宿望潛太一路次第進攻並防逆賊由瑞昌擾竄興國轉出曾國藩等大軍之後不得專駐楚境致成株守楊需帶兵出省後湖北省不免空虛著俟克復九江後即飭胡林翼帶兵回至楚境以資防堵江西逆匪昨據陳啟邁奏已於初五日竄聚吳城尚在此次楚軍獲勝之前明係我兵攻勒緊急該逆聞風內竄仍

堅踞潯郡牽掣大兵陳啟邁所請酌調楚師之處能否分撥著曾國藩等妥籌兼顧江西兵力輟弱至此年餘以來所謂訓練者安在憚光宸係督辦大員趙如勝亦曾膺專閫若再不整頓全軍迅將吳城逆匪擊退或致省城復有震動朕不能為陳啟邁宥尤不能為憚光宸等曲從寬典也曾國藩另片奏請飭江西製造夾布口袋一萬條每袋計可盛土百斤等語即著陳啟邁如數製備迅解曾國

藩等軍營備用毋稍遲延將此由六百里加緊各諭令知之 蜀緩山西歸化城清水河平魯三廳縣被雹村莊新舊額賦 丁酉上詣

壽康宮問

皇貴太妃安 鑲藍旗滿洲副都統西興阿因病解任調鑲白旗漢軍副都統多爾濟那木凱為鑲藍旗滿洲副都統以喀什噶爾領隊大臣倭什琿布為鑲白旗漢軍副都統 戊

戌諭內閣前因已革漕運總督楊殿邦有應賠提用銀兩曾經降旨交福濟飭令該革員如數賠足茲據該撫奏查明該革員實用銀數現未據經手各員報銷請飭河臣就近調集質算等語所有楊殿邦提用未銷鹽課銀十二萬餘兩即著楊以增調齊卷宗及領放經費之已革揚州府知府張廷瑞前淮北監掣同知李安中海州運判許敦詩與楊殿邦將用存確數逐一質算責令該革員等趕緊

賠繳母任藉詞延宕。又諭前因安徽六安英霍等州縣紳民捐貲出力殺賊克城當經降旨將該州縣咸豐三四五等三年地丁錢糧加恩概予豁免茲據福濟奏稱六安英霍之復藉資民衛之力居多請將漕米衛糧一體豁免加恩著照所請所有六安州英山霍山兩縣應徵咸豐三四五等三年漕糧南米及屯折津貼錢糧概予豁免該撫卽刊刻謄黃徧行曉諭務使實惠均霑毋任吏胥舞弊

用副朕嘉獎忠義有加無己之至意。又諭和春福濟奏克復英山縣城一摺前據和春等奏楚北敗匪由太湖竄擾英山當經諭令督飭文武趕緊勒辦茲據奏稱十一月初十日英山縣知縣蘇秀槐招集團練並商撥湖北羅田壯勇進剿殺斃守門逆匪奪入縣城殲賊無算逃竄之賊並經練勇截殺多名該縣甫經到任前因本城兵勇空虛被賊突竄旋卽克復城池尚知奮勉應得處分著加恩

免議湖北羅田縣知縣彭仲芳派撥壯勇逾境援剿洵屬得力著賞加知州銜以示鼓勵。諭軍機大臣等吉爾杭阿奏疊次攻剿逆匪轟坍城垣一摺上海逆匪屢次冒死衝突復於陳家木橋一帶興築礮隄挖地道十月十五日以後屢次出撲雖經我兵殲斃多名並於南門迤西挖地道惟僅能轟坍城垣仍未卽時攻克且兵勇傷亡亦復不少該撫督兵剿賊日久無功覽奏各情殊深焦急

至唏噓西國提督噶呢喇犂毀賊築礮隄並開礮擊賊是該夷與逆匪釁隙已成原可乘機攻勦惟夷人狡詐百出城中尚有習教之人且啖味兩夷仍與賊通此時駕馭之法惟在因勢利導斷不可專恃該夷之力儻信任不疑設夷情反覆與城中匪徒暗相勾結轉恐墮其術中該撫務督飭兵勇剋日進攻限於年內將上海縣城克復若曠日持久仗叢爾孤城為賊久踞該撫貽誤之罪斷難倖邀

寬宥也將此由六百里加緊諭令知之。又諭前據裕瑞等奏綦江等處派撥弁兵練勇委令提督萬福署臬司曹澍鍾前往督辦防勦黔匪。茲據吳振棧奏稱請飭四川兵勇合勦等語。現在仁懷桐梓賊匪尚未殲除。著樂斌即飭萬福等將綦江合江等處防堵之兵統帶前進。與貴州兵勇合力進攻。毋得稍分畛域。該提督等帶兵出省後。川黔交界處所應如何添派兵勇設防之處。著樂斌妥籌辦理。毋誤事機。將此由六百里諭令知之。又

諭吳振棧奏黔匪逼近滇省。現籌防勦一摺。貴州興義府匪徒滋擾。攻撲興義郡城。安南普安二縣相繼失守。本日據蔣蔚遠奏安南普安縣城業經收復。惟餘匪尚多。猶虞竄突。且興義匪黨尚未擊退。該處距滇甚近。亟宜嚴加堵禦。該撫現調曲靖尋甯兩營並昭通等兵派委參將鄂勒霍巴管帶前赴平彝會同署曲靖府知府賈洪詔妥籌辦理。務當嚴

飭該員等擇要扼守。毋令黔匪竄越滇境。吳振棧現署總督。兩省軍務均宜統籌妥辦。尤當持以鎮靜。不可稍涉張皇。再前因黔省軍餉緊急。當經蔣蔚遠奏准指撥雲南藩鹽庫銀二十萬兩。茲據蔣蔚遠奏稱滇省止能撥銀七萬二千兩。實屬不敷支放。著吳振棧查明前項奏撥銀兩。除已經起解外。其餘未解銀十三萬兩。仍行籌款撥解貴州軍營。毋誤要需。將此由六百里加緊諭令知之。又諭。

前以貴州南北兩路賊匪蠢動。諭令蔣蔚遠不得株守札佐。並諭趙萬春等先勦遵義匪徒。其興義一帶責成金剛保福連勦辦。本日據吳振棧奏賊氛逼近滇省。現於平彝等處設防。並據蔣蔚遠等奏收復安南普安兩城。金剛保督兵進援興義。賊鋒雖挫。府城尚未解圍。至遵義桐梓仁懷有無接仗。未據提及。該撫等前後所調官兵為數不少。茲已諭令賈東章由湖南調派勁兵一千名迅速赴黔。

並諭樂斌將綦江合江防堵之兵即行前進合力兜剿胡林翼現在帶兵由湖北追賊東下未能調回黔省該撫惟當懷遵前旨不得株守札佐即與趙萬春等就現有兵力迅將遵義等處賊黨全數痛殲勿得專盼援兵遷延時日其金剛保福連所帶兵勇亦恐單薄並著分兵協剿若興義竄匪擾入滇境朕惟蔣霽遠等是問有人奏桐梓之賊起釁根由並該撫等遷延畏葸以致賊匪橫行若如所

奏是該巡撫提督縱寇失機實堪痛恨著照所參據實覆奏勿謂貴州距京寫遠朕無聞知也原摺著鈔給閱看黔省需餉已令吳振棫趕緊籌解並有旨諭恒春即赴總督任矣閩門殉節之已革署普安縣崇璟已降旨議卹惟據吳振棫奏該革員係自縊殉難情節不符著蔣霽遠再行確查具奏將此由六百里加緊諭令知之欽差工部右侍郎載齡等奏遵查四川學政何紹基考規嚴肅無與

黃緣交結之人惟名士自居未免睥睨羣倫輿論尚許其公平官場競皆其乖僻得旨所諭尚為平允既無別項劣蹟著毋庸議以禮部右侍郎文清署鑲白旗漢軍副都統以左春坊左庶子麒麟署日講起居注官以陝西布政使司徒照暫署巡撫予安徽陣亡主事祝澂鑑知州博勒霍布知縣陳韶鳴劉東書祝昌奎張寶銘八品銜陳春暉縣丞俞元齡訓導沈周丙十總銜史克諧陳開

泰祭葬世職予貴州普安縣殉節知縣崇璟祭葬世職建立專祠眷屬賞卹如例以擊賊復仇克復貴州普安縣城予殉節知縣崇璟子于鍾毓以知縣用調湖南兵一千名赴貴州剿賊已亥諭內閣朕惟察吏所以安民守令之賢否與閭閻之疾苦呼吸相關各直省督撫於屬吏之循良者既宜覈實保奏其劣蹟昭著各員尤宜指款嚴參從重懲辦以儆效尤近日各督撫於地方官執法

營私貪污卑鄙往往未能破除情面嚴行叅劾卽或事經發覺難於掩護亦第以聲名平常年力衰老等語含糊入奏在被叅者既以所劾之不當轉肆恣睢其未叅者復以大吏之模稜愈無忌憚道府則收受苞苴州縣則爭為股削鑽營奔走朋比為奸吏治尚可問乎嗣後各直省督撫務宜正以持身使屬吏皆知畏憚廉隅自飭恪守官箴其有因循疲玩罔知自愛者必當據實指叅按律懲辦斷不准避重就輕僅予罷斥顛預了事用副朕勤求治理整頓官方之至意將此通諭知之

又諭慶錫奏借用庫款銀兩擬按市價折錢歸還等語著交柏後查明是否可行奏明辦理其所稱各商呈繳大錢請作為銅斤交局著一併查覈妥辦至慶錫前次奏請改鑄當十當五銅鐵錢文搭放兵餉當降旨飭令會同地方官試辦並著柏後體察情形悉心籌議以期兵民兩有裨益有無應行變通之

處卽行詳晰酌覈具奏 庚子

孝惠章皇后忌辰遣官祭

孝東陵 欽差大臣勝保等奏連日進攻逆賊死守堅城勢難得手惟俟地道開成出其不意方有把握得旨並無確實把握實深憤悶

欽差大臣托明阿等奏攻毀虹橋賊壘並設法攻取瓜州得旨此次獲勝尚屬得手惟逆情詭譎難保不潰而復聚總須慎重勒堵杜賊外援以期克復瓜州 辛丑諭軍機大臣等前因劉玉豹賊紆青所帶兵勇連奪大小關直抵桐城該處為安慶廬舒往來要路我軍一旅孤入恐有挫失曾諭令和春等飭秦定三分兵進剿關隘為賊紆青等應援茲聞袁甲三等奏十一月十三日以後連日轉戰情形先獲勝仗後因安慶潛山兩處援賊麇至城內之賊復分門出擾兵勇三面受敵以致賊紆青力屈身殉劉玉豹退駐六安垂得之城未能收復固屬可惜而軍威既挫廬

舒以南道路復梗於皖省大局甚有關繫和春等為廬郡之賊所牽掣日久未能攻克復不能派兵援應袁甲三坐守臨淮一籌莫展虛張聲勢名為兼顧大局實則畏葸自保思之實堪痛恨和春等厥咎維均桐城北達舒城南距安慶東西接壤潛山廬江均屬不遠和春等大營兵勇較多著趕緊抽撥前往策應以贖前愆若不肯踰越廬舒一步致令賊氛偏近豫境或由他處北竄惟和春福濟袁

甲三是問袁甲三扼守臨淮一帶豈不肯就近兼顧六安該處本有知州茅念劬糾集鄉團著飭劉玉豹重整聲威探明楚軍再圍進取張維翰現在歸德辦理勒匪事宜其前調河南防兵幫同崑玉防守正陽六安等處已據英桂奏統歸牛鑑管帶著袁甲三飛札提催毋任遲誤總之大軍為賊牽掣若更旁竄蔓延該提督等自問當得何罪爾等亦須統籌全局勿但專顧一隅也將此由六百里加

緊各諭令知之又諭本日據袁甲三等奏攻勦桐城逆匪臧紆青力竭殉難劉玉豹退駐六安係因安慶潛山等處賊匪分股往援是潛太一路賊已無多而安慶之賊分往桐城似有可乘之機現在曾國藩等水陸各軍相距尚遠著楊需督帶兵勇相機前進直搗安慶冀可斷賊援應克復城池該督務當妥計速籌趙程前進不可稍存畛域之見致失機宜將此由六百里加緊諭令知之又諭

前據英桂奏派令牛鑑帶兵赴皖並張維翰接辦歸德防勦尚為得力本日據袁甲三等奏官兵攻勦桐城逆匪轉戰數日以賊黨廣至致有挫失皖豫交界地方皆宜嚴加防範其與六安交界處所難保不乘機窺伺總兵邱聯恩駐兵固始原以策應六安即可飭令該員帶兵進勦或另行的撥官兵前往截擊以勒為堵至歸德一路尤關緊要張維翰帶兵駐劄該處勒辦擒匪是否已就肅清現在

皖省情形緊急著卽嚴飭該員確探前路消息相機進勦力遏賊匪北竄之路並著飭令牛鑑等帶兵迅速赴皖合力進攻所有輝縣抗糧一案著英桂飭令該地方官妥為辦理該撫務當卽日帶兵出省扼要堵勦毋稍延誤將此由六百里加緊諭令知之○予安徽陣亡四品頂帶舉人臧紆青三品銜蔡華世職加等千總任魁武把總卽廷揚外委李應祥縣丞銜文生蔣懋勛蔡華世職 壬寅

上詣

大高殿行禮 幸瀛臺 諭軍機大臣等昨因袁甲三奏安慶潛山賊匪分往桐城諭令楊需乘機前進直搗安慶賊巢既可牽制逆賊北竄並可為曾國藩等前路聲援此等機會萬不可失本日據楊需奏卽日進駐廣濟布置周妥由武穴至曾國藩水師營面商等語自係尚未接奉疊次飭令該督赴皖會勦諭旨此時得郡江面據曾國藩等奏業已肅清

塔齊布由小池口渡江劉營於九江東門外水師前隊亦堵扼湖口該督復派王國才帶兵四十馳赴黃梅由曾國藩等調遣胡林翼帶兵二千由瑞昌至南昌鋪攻九江之背大兵雲集不難克復九江郡城惟安慶至桐城一帶賊匪任意往來毫無堵截和春等既未能分兵截勦劉玉豹之兵又退駐六安此時北岸情形頗為緊要所有九江湖口之賊卽責成曾國藩塔齊布等勦辦該督務當懍遵

疊次諭旨迅速前進力破安慶等處賊巢並隨時知照和春福濟秦定三等合力兜擊以期肅清皖境並著該督飭令胡林翼等嚴防潯江賊匪上竄楚境以杜紛擾將此由六百里加緊諭令知之 又諭現在曾國藩已駐軍九江城外與塔齊布會合扼守湖口內外要隘又據楊需奏賊中兇悍頭目皆在安徽江西等處長髮老賊亦多上竄江甯等城勢必空虛請飭來機攻勦等語所奏不為無見

該逆死黨半在楚皖。今既疊受懲創。卽金陵等處賊匪亦必聞風破膽。若托明阿向榮等能將金陵鎮江等城攻破。並盡殲瓜州逆匪。卽上游竄匪必思還救。楚師從而壓之。自成建瓴破竹之勢。向榮前奏金陵賊黨仍踞上方橋。雖經兵勇襲破木柵。未聞續獲勝仗。余萬清在鎮江。僅能攻毀該逆礮臺。終未斷其往來之路。托明阿等攻勦瓜州。亦未得手。日復一日。伊於胡底。著該大臣等嚴飭水師攻

毀賊匪鐵鍊。埽除江上賊營。水陸並進。明攻暗襲。將金陵鎮江瓜州等處次第克復。如能先復一城。則賊匪已覺喪膽。而曾國藩等督兵東下。勦辦更易為力。托明阿等與向榮現已聲勢聯絡。當不致互相觀望。重負委任也。將此由六百里加緊各諭令知之。先是陝甘總督易棠奏擬哈勒津庫察開採銀礦章程。命軍機大臣會同戶部議奏。至是覆奏。哈勒津庫察地方開採銀礦。經該督委員會勘

議定章程。大致尚為妥協。惟所稱匠人工役口食由蒙古自行備辦。毋庸開銷一節。將來礦務日旺。需用日繁。工本腳價勢必不支。自應酌議開銷。方免該蒙古藉口苦累。別滋枝節。其鍊獲銀兩。據稱每砂百斤僅可得銀一兩。該處山場周圍二百餘里。開工伊始。即可容集千人。是礦苗之豐厚已有明徵。何至所出止有此數。非邊隅工匠煎鍊不能如法。卽係試驗委員意存隱飾。以為少報地步。應請

飭下陝甘總督轉行阿拉善親王再行會議詳細。妥善章程。不得任聽委員抑勒含混。得旨著易棠於兩司中派一人前往妥辦。俟議定後迅速覆奏。勿令不肖委員故意刁難。湖廣總督楊需奏擊獲謀逆賊目陳殿元。嚴行訊辦。得旨惟有就地正法。辦法最妥。以圖勦直。隸連鎮逆匪出力賞佐領烏徵阿等藍翎餘獎敘有差。撥四川籌備銀十萬兩。山西陝西籌備銀各五萬兩。解赴湖北以濟

軍需 科爾沁扎薩克圖謝圖親王色登端魯布等五人巴林扎薩克郡王那木濟勒旺楚克喀喇沁扎薩克都楞郡王色伯克多爾濟等二人教漢郡王布彥德勒格呼固魯克齊喀爾喀貝勒布彥巴達爾呼於神武門內瞻觀 癸卯諭內閣前因黃宗漢摺報遲延於地方緊要事件多未陳奏降旨將該督先行議處降為二品頂帶茲據該督以奏報久稽自請嚴加譴責並另摺聲稱海塘衝塌未能豫防學政丁憂臬司出缺未及馳報各請嚴加議處等語海塘決口關係民生雖經該督設法搶護堵築平穩究屬未能先事豫防至該省摺報稽延已久該督既已病痊即應趕緊入奏乃自上月具文咨報軍機處後又復遲至一月有餘亦屬咎有應得姑念該督在浙平日辦事本屬認真此次奏報雖遲於地方公事尚無貽誤業經降為二品頂帶以示薄懲所有自請交部嚴議之處著加恩改

為議處 又諭黃宗漢奏浙省各屬成災大概情形一摺本年六七月間嘉興等十一廳縣先後被風被雨金華等十一縣被風被旱至閏七月間仁和等五十餘州縣復疊被風雨以致田禾受傷秋收歉薄並因山水暴漲洪潮漫溢致有衝坍房舍淹斃人口之處雖經黃宗漢率屬勸捐量為撫恤惟低窪地畝能否即時涸復被災黎庶恐致流離失所朕軫念民依實深憫惻著何桂清迅速派員編行履勘即將成災地畝應行分別蠲緩之處奏明請旨候朕施恩 又諭邵燦奏請飭催海船裝運漕糧等語現在江浙兩省海運新漕均由劉河海口起運北上所有載運船隻亟應寬為雇備以免貽誤著盛京將軍直隸總督山東巡撫迅飭所屬將沿海各口停泊之上海甯波沙船蜆船並東衛各項船隻飭令剋日駕赴劉河海口以便收載新漕及早開洋北運儻該商船等居奇勒捐或中道逗

邇即著查照舊章懲辦。新授四川總督黃宗漢奏報謝恩得旨。汝非不能振作者。不料汝此次有意耽延積壓奏牘。雖降頂帶示懲。朕尚望汝痛加俊改。若抵川後。故態復作。是汝無福不能仰副委任也。調福建兵一千名赴廣東剿賊。准浙江台處等幫緩交賠欠耗米。蠲緩山東滕嶧魚臺鄒嘉祥金鄉章邱齊東濟陽陵十縣暨濟甯臨清德州三衛被水被風被兵災區。新舊額賦。蠲緩浙

江仁和錢塘富陽餘杭新城歸安烏程長興德清武康安吉海甯嘉興秀水嘉善海鹽平湖石門桐鄉臨安於潛諸暨臨海黃巖太平蘭溪湯溪龍游建德淳安遂安桐廬分水孝豐慈谿蕭山餘姚上虞甯海天台仙居金華東陽義烏永康武義浦江西安江山常山開化壽昌麗水縉雲青田松陽遂昌雲和景甯會稽新昌嵊六十二州縣並杭嚴嘉湖台州三衛被水災區。新舊額賦。蠲緩浙江仁和

黃巖杜清蘆滙四場被水竈地。新舊額賦。蠲緩江蘇橫浦浦東袁浦青村下砂頭下砂二三六場被擾竈戶。新舊額賦。甲辰諭內閣。前據御史伍輔祥奏。參四川道員知縣黃緣貪鄙各款。當交載齡等確查。奏。茲據查明。建昌道俞文詔需索陋規。得受賄賄。雖無實據。惟於首府任內。時常演戲。誼會。又為總督裕瑞所信任。遇有酌委等事。不免物議。以致聲名狼藉。宜賓縣知縣徐繼鏞。與俞文詔

交結甚密。歷調大缺。不協公論。萬縣知縣萬年清。隨同俞文詔辦理鹽務。遽請調劑。緊要署理。德陽縣事業。經撤任。該二員性情卑鄙。難膺民社。俞文詔徐繼鏞業經革職。無庸另議。萬年清著即革職。以福建汀州鎮總兵官張廣信署陸路提督。調山東兗州鎮總兵官德坤為雲南臨元鎮總兵官。

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百五十三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百五十四

教修

咸豐四年甲寅十二月乙巳

孝和睿皇后忌辰遣官祭

昌西陵○諭內閣刑部題駁竊犯拒捕致事主
失跌落河一案此案江西廣豐縣賊犯俞庭
學因行竊族叔俞寶之家經俞寶之驚覺起
捕追至村內河邊將該犯扭獲俞庭學情急
用力掙脫俞寶之鬆手跌落溪河屍身漂淌
無蹤時逾半載如果遇救得生斷無不歸之
理該撫擬以斬監候自係照例辦理惟俞寶
之屍身未獲是否實係溺斃必應確切查明

以成信讞。俞庭學著照該撫所擬斬監候秋後處決。仍著陳啟邁督飭司道及該地方官等查明俞寶之屍身下落。詳晰報部。毋稍含混。諭軍機大臣等吳振棫奏密陳趙萬春畏葸遷延情形。並請撤回滇黔調出征兵各一摺。該署督因近日兩湖賊匪肅清。欲將頻年奉調出征未經歸伍之兵丁一千數百名先行撤回。自為防勦起見。現在江皖等處勦賊正當喫緊。此項征兵無論勢難遽撤。即使

飭令撤回而跋涉道途耽延時日亦有緩不濟急之勢。本日據樂斌奏川省官兵攻勦黔匪壘獲勝仗。署臬司曹澍鍾總兵阜陞擬由石壕等處分三路進兵為夾攻桐梓克復仁懷之計。現又嚴飭萬福迅速前進加以滇黔兩省前後所調兵數遵義一帶足敷勦辦。惟安南普安雖均收復興義賊氛未退平彝羅平各要隘該署督務當勸集鄉練擇地設防毋令匪蹤闌入滇境。王國才現經楊需派令

帶兵取道黃梅馳赴曾國藩等軍營協同勦賊。此時亦未能即令回滇。吳振棫兼署總督統轄兩省著另選得力將領帶兵出勦毋稍貽誤。將此由五百里諭令知之。又諭前因辦仁懷桐梓賊匪諭令樂斌即飭萬福等合江等處防兵統帶前進合力夾攻。茲據吳振棫奏提督趙萬春畏葸遷延現在山臺山雖小有斬獲並未得手等語提督統轄全軍現當勦賊喫緊之際若臨事畏縮何

以使將士爭先用命況該撫等先後所調官兵為數不少各省籌餉亦數逾鉅萬若該提督一味退縮糜餉老師咎將誰執著蔣蔚遠即嚴查該提督現在帶兵勦賊布置能否周妥如有畏縮情弊即著據實嚴參不准稍有徇隱仍一面飛催萬福統帶川兵至黔合勦其前調湖南官兵並著一體飛催毋稍延誤將此由六百里諭令知之。以故輔國將軍奕綽子載寧襲奉國將軍。丙午

孝德皇后忌辰遣官祭

殯宮 諭內閣恭親王奕訢等奏遵旨會議載

齡等奏請查辦州縣侵吞捐項一摺各直省

勸諭捐輸原因軍餉浩繁藉資民力上年曾

諭令各督撫查有墨吏奸胥藉端擾累苛派

侵吞者嚴叅懲辦乃近來山西陝西四川等

省不肖州縣竟敢侵吞冒蝕累萬盈千甚至

小民捐輸銀錢並不詳報輒作地方公舉以

為開銷地步各該督撫或壅於見聞或憚於

舉發不肖官吏愈肆貪婪而小民急公好義

之心亦無由上達盡國病民深堪痛恨自應

嚴定章程以昭覈實著照所擬嗣後各直省

勸諭捐輸仍責成幫辦團練之紳耆會同地

方官妥為勸導各該督撫隨時稽查如有買

囑徇勒等弊即親提審辦有犯必懲所捐銀

兩按照戶部例定期造冊專案報部並照

廣東現辦章程分別奏報其有應加中額學

額之處並著該督撫迅速奏請恩施應領執

照著該部速行發給俾各捐生等早邀甄敘
庶幾踴躍輸將並可嚴杜侵吞之弊經此次
部定章程之後如地方官有動用捐款藉詞
修廟及地方公事開銷者照賊私例治罪仍
責令照數賠繳各督撫遇有侵吞捐項之員
自行查明叅奏即免其議處儻或扶同徇隱
別經發覺其應得處分即以私罪論決不寬
貸各該督撫等即將此旨刊刻謄黃徧行曉
諭俾比戶皆知以杜侵漁而資激勸○又諭

景壽基溥奏值班疏忽致令不知姓名人犯
涸入宮禁自請從重治罪一摺昨日申刻據
總管太監等奏拏獲外間不知姓名人犯一
名當有旨交巡防王大臣審訊供係正白旗
蒙古馬甲富升宮內重地門禁森嚴豈容閒
雜人等涸入景壽基溥昨日在景運門隆宗
門值班未能督率該班之章京護軍等認真
稽察所司何事可見平時值班漫不經心形
同聾瞶實非尋常疏忽可比景壽著先行革

去御前侍衛散秩大臣正藍旗蒙古副都統基溥著先行革去刑部右侍郎總管內務府大臣正藍旗護軍統領正白旗滿洲副都統景壽基溥一切差使並著全行革退俟定案時再降諭旨○欽差大臣勝保奏高唐賊情窮蹙足可就此殄滅現擬日內挑選兵勇乘夜進攻得旨仍是希圖搪塞可惡之至至較量連鎮高唐賊踞先後是自掩其失尤屬可笑○浙江巡撫何桂清奏報到任日期及浙

省情形得旨汝之才力精神不患不能整頓惟有循序辦理自有成效應速者固不可遲應講求者亦不可操之太急陝甘總督易崇奏遵查已革諾們罕阿旺扎木巴勒齊木在籍安靜得旨仍著嚴加管束丁未諭內閣仁壽奏叅失察溷入宮禁人犯之值班章京侍衛並自請嚴議議處一摺該犯富升擅入宮禁據供係由內右門潛行溷入該章京侍衛等未能及時查拏實非尋常疏忽可比

所有是日內右門值班之正黃旗章京文恆侍衛額爾格春文瑞彥淩文善德恆英祥額勒和訥承忠孫清剛穆玉成均著先行革職乾清門內左門值班之鑲黃旗章京惠增侍衛恩綬奕楓溥莊溥蘭德昂篤慶文瑞廣福蘇克東阿常林正白旗章京壽善侍衛訥蘇肯特保祥玉桂林伊鏗額和義海全慶祥張應登會英均著先行交部議處惇郡王奕訢怡親王載垣均著先行交部嚴加議處睿親

王仁壽鄭親王端華恭親王奕訢德木楚克扎布均著先行交部議處補進領侍衛內大臣班之理藩院尚書公奕湘並著先行交部嚴加議處是日進班之貝子載華散秩大臣松岫副都統都爾通阿太僕寺卿八十二著一併交部議處○調工部右侍郎載齡為刑部右侍郎未到任前以工部左侍郎國瑞兼署調工部左侍郎國瑞為右侍郎兼管錢法堂事務以鑲藍旗漢軍副都統麟興為工部

左侍郎○以禮部左侍郎肅順署鑲白旗護軍統領工部右侍郎國瑞兼正藍旗護軍統領鑲藍旗護軍統領托雲為正藍旗蒙古副都統調正紅旗蒙古副都統阿彥達為正白旗滿洲副都統以鑲紅旗蒙古印務參領雙齡為正紅旗蒙古副都統調浙江溫州鎮總兵官陳世忠為黃巖鎮總兵官福建水師總兵官吳全美為浙江溫州鎮總兵官以福建澎湖協副將韓嘉謨為南澳鎮總兵官實授周士法浙江定海鎮總兵官以緝捕懈弛革署浙江溫州鎮總兵官乍浦協副將池建功職仍留洋緝盜○以湖南平江縣紳民辦團出力永廣學額三名戊申以京畿雪澤未霑

上詣

天神壇行禮○詣

關帝廟

菩薩廟拈香○遣恭親王奕訢詣

地祇壇鄭親王端華詣

太歲壇行禮遣醇郡王奕譞詣

宣仁廟

凝和廟克勤郡王慶惠詣

昭顯廟

時應宮拈香○詣

壽康宮問

皇貴太妃安○諭內閣本日據軍機大臣面奏

章京吳台朗於昨日向恭親王奕訢等稟稱

章京程恭壽將柏後審辦影買木植案內達謹等供單私令供事鈔錄送與慶錫家人當將該員等傳齊質問委無確據提訊該班供事僉稱程恭壽並未令伊等另行鈔錄再三詰究吳台朗亦自認懷疑願甘息事復據程恭壽呈出自行鈔錄載齡等所奏沈祖望遺筆一紙而於此次鈔錄供單堅不承認吳台朗意存攻訐迨查無確據輒敢起滅自由謬妄已極程恭壽於此案犯供雖查無私鈔實

據其呈出之件亦係欽差查辦要案宜應鈔錄傳播其平日不知慎密已屬可見光祿寺少卿程恭壽禮部郎中吳台朗均著即行革職○又諭主懿德等奏琉球貢使額懇仍准入都一摺前以用兵省分尚未肅清諭令琉球使臣無庸繞道來京以示體恤茲據王懿德等奏據該國貢使等稟稱此次除例進貢物外尚有謝恩及恭賀表章仍祈准予入都藉達下忱等語該貢使等殷殷額懇其意實

出至誠若必令其毋庸來京非所以慰遠人之嚮慕著王懿德等俟來歲道路疏通即派員護送該貢使等赴京俾輸忱悃又諭恆毓奏參劣員妄遞稟呈請旨革職審辦一摺盛京戶部筆帖式覺羅全善於該堂官覈定京察等第輒敢具稟妄控意存挾制實屬膽大妄為全善著即革職交英隆會同書元嚴行審辦毋稍含混恆毓將筆帖式紹仁恩慶保列一等因其奮勉當差辦公詳慎並無不

合惟既知全善差使懶惰不識清文何不隨時叅劾直至該員稟計挾制始行叅辦亦有應得之咎著俟定案時再降諭旨○湖南巡撫駱秉章奏遵查廣東南韶連鎮總兵官多順未諳行陣心地不甚明白難期整飭得旨多順辦事糊塗著革職飭令回旗以管解礮械運赴浙江予廣東八品職銜潘仕豪等獎敘有差○己酉

上御乾清門聽政○諭內閣明年二月初六日

致祭

關帝廟著改派惇郡王奕諒行禮後殿遣常志行禮嗣後致祭

關帝廟朕親詣行禮之處著太常寺間次題奏請旨○諭軍機大臣等會國藩塔齊布奏水師破賊火船並陸軍圍偪潯城焚踏賊壘一摺我軍自肅清潯江進扼湖口以後滿擬九江郡城乘勝可克乃連日焚毀賊船踏破賊壘而該逆死黨仍負固拒守殊屬兇悍雖

此股逆匪多有由楚敗竄之老賊盤踞其中亦由江西兵力軟弱未能兩路夾攻以致驟難克復塔齊布雖已渡江與曾國藩會合劉營城外胡林翼之勇亦已分布要隘而岸邊之逆船既堅匿不出城中之逆眾亦設備甚嚴現在李孟羣欲放出賊船免分兵力彭玉麟欲嚴扼關隘聚而殲旃惟陸軍尚未到齊攻具亦未齊備賊情變幻靡常著曾國藩塔齊布相機籌畫不可稍有孟浪致誤事機吳

城賊未擊退該處距省甚近陳啟邁所派之惲光宸趙如勝等均係督勦之員何以自前月奏報籌辦會勦以後未據該撫續行入奏豈賊竄江境該臬司等竟敢置之度外專恃曾國藩等分兵應援耶著陳啟邁一面嚴密設防一面飭令惲光宸等迅速將吳城賊匪擊退以便與曾國藩等軍並圖攻勦曾國藩等即先勦湖口姑塘之賊翦其羽翼仍設法攻城以期收復此次冒險深入之員弁兵勇

等准曾國藩塔齊布擇尤保奏將此由六百里加緊各諭令知之○又諭向榮等奏軍餉不支請飭江西等省迅速籌解一招江甯鎮江兩處軍餉江西協撥之款欠解者四十萬江蘇雖陸續協濟為數無多本年尚有三月未放支絀萬分現當攻勦喫緊豈可稍使缺乏著陳啟邁迅將本年三月以後欠解之款設法即日籌解毋再遲延至江蘇勦辦上海賊匪及供支鎮江水陸各營墊給紅單船餉在在均關緊要並著怡良吉爾杭阿王懿德呂佺孫於閩省海關及江蘇浙甯關稅銀內每月各撥二萬兩按期委員解赴江南大營以濟要需該督撫等務當悉心妥籌源源接濟毋得藉詞推諉致誤軍儲將此由六百里各諭令知之○又諭向榮等奏大營軍火緊急請飭提解等語現在江甯大營水陸進勦正當萬分喫緊之際紅單舵各船均係大礮需藥尤多若不及早寬為籌備致軍火

不能接濟於攻勦事宜關繫甚鉅著山西陝西河南各巡撫各提撥火藥三萬斤配足鉛子火繩趕緊派委妥員解赴江甯軍營並將起解日期先行具奏毋稍遲誤將此由六百里加緊各諭令知之○以奉宸苑卿戴堪署正白旗滿洲副都統○以翰林院侍讀學士寶鋆鴻臚寺卿吳式芬詹事府詹事楊式穀為內閣學士兼禮部侍郎銜內閣侍讀學士李清鳳為通政使大理寺少卿聯奎為大理

寺卿○甯夏副都統伊勒當阿因病解任以散秩大臣奕櫟為甯夏副都統以辦理海運兌收米石出力予直隸副將洪志高優敘餘加銜升補有差予江西陣亡千總曾獻成把總周福友外委羅嘉典祭奠世職○蠲緩直隸安隆平甯晉河間任文安天津七州縣被水村莊本年額賦庚戌諭內閣前因貴州匪徒滋事攻陷桐梓仁懷擾及遵義其興義府屬亦有賊匪蠢動諭令該撫將肅遠

提督趙萬春督兵赴遵義進剿並諭該巡撫等嚴飭將弁趕緊將興義股匪全數殄除前據奏報收復普安安南兩處城池興義尚未肅清本日據樂斌奏稱提督萬福由合江進剿黔匪進至大瀾河賊首巢穴焚其住屋殲斃五百餘名生擒三十五名奪獲槍礮旗幟不計其數又於貓鼻巖經署守備劉華等追殺四十餘名生擒二十七名轟死者三百人遂即圍攻梁村礮火轟斃及砍斃賊匪七

八百名並砍死偽將軍曾六等三名乘勝直抵賊巢將火藥硝磺米石盡數焚燒參將高克謙署守備王偉庭等復在大雷坡三峰山大坪山一帶殲斃賊匪多名拏獲賊首夥賊一併正法各等語此股賊匪在貴州北境滋擾將肅遠帶兵出省駐守札佐趙萬春馳赴遵義勦辦均未得手以致餘匪竄近四川境者尚復不少該巡撫提督有統轄全省之責當該匪初起之時既未能即時撲滅及帶兵

勦捕又不能迅速。歲功致令蔓延。殊堪痛恨。蔣爵遠著革職留任。趙萬春著卽革職仍留軍營以觀後效。現在四川提督萬福已帶兵由蜀赴黔。所有貴州官兵均歸萬福統帶。著蔣爵遠會同萬福將遵義一帶賊匪迅速殲除。其興義匪徒並著該撫嚴飭帶兵文武剋期撲滅。毋再遲延。致干重罪。○諭軍機大臣等。阿彥達奏請飭直隸省裁撤防兵一摺。各路軍餉需用浩繁。所有分駐防兵之處自應

權其緩急。斟酌裁撤以節糜費。現在連鎖賊匪已極窮蹙。指日蕩平。直隸白溝河一帶地方距阿彥達行營不遠。聲息相通。無庸再駐官兵防守。著桂良即將分駐白溝河官二員兵一百五十名裁撤歸伍。此外直隸省各處防兵有可撤歸原營者並著該督體察情形酌量裁撤以息兵力而節餉需。將此諭令知之。辛亥諭內閣。前因馬甲富升濶入宮禁當將景運門隆宗門值班疏忽之御前侍衛

署護軍統領景壽刑部右侍郎護軍統領基溥差使全行革退並俟定案時再降諭旨。茲據巡防王大臣等將該犯富升審擬罪名具奏業經照擬處絞矣。景壽等疏於覺察咎無可辭。景壽著再罰額駙俸二年。基溥業已革職加恩著無庸議。宮禁重地理宜嚴肅曾經疊降諭旨申明門禁乃該班官兵等輒視為具文漫不經心可惡之至。經此次嚴懲之後所有內外各門值班及每日進班之王大臣

等務宜督率各該章京侍衛及兵丁等嚴密稽查毋許稍有疏懈。儻敢仍前玩泄致有閒雜人等濶跡出入必將是日值班大臣官兵等從重懲處不貸。○又諭有人奏叅河工道員營私玩視要工一摺。據稱河南開歸陳許道周煦徵於河工撥給之款撥多發少擅將現銀抵換官票所發官票折算制錢並將辦工要需扣除廳員節壽陋規及幕友節敬家丁門包等名目竟有要工一處應發帑銀三

千兩除所扣外祇餘數兩者廳員不肯具領在道署公堂爭論眾目共覩並信任幕友孫姓沈姓在外招搖生事以致物議沸騰等語河員浮冒積習已深當此庫款支絀之時宜如何潔己奉公力圖撙節乃以監司大員似此翫法營私實堪痛恨著英桂按照所參各情秉公確查據實叅奏毋稍徇隱○諭軍機大臣等寄諭欽差大臣托明阿等吉爾杭阿奏請挑選上海壯勇五百名前赴瓜州調換

吉林官兵等語此時上海瓜州均在攻勦喫緊之際吉爾杭阿營中壯勇不能嫻習烏槍固係實在情形而托明阿營中吉林官兵能否分撥殊難懸揣吉林烏槍兵丁素稱得力上海壯勇是否精悍可用兼恐兵勇雜處別滋流弊該撫既經備文咨商即著該大臣妥為籌畫如果尚無窒礙即行迅速調往儘未能分撥即一面咨覆一面具奏毋得稍存遷就致誤事機將此由五百里諭令知之○兩

江總督怡良等奏嘯嘯擊賊夷官杜龍等傷亡酌給卹賞並稱上海情形既披逆以為重逆又恃夷以無恐現已設法離間得旨只好如此辦理○江南提督和春等奏報攻勦舒城等處賊匪獲勝情形得旨三城未下日久遷延和春等擁兵攻勦廬州不能顧及他處自問所辦何事稍有天良亦知愧憤否安徽巡撫福濟奏年終密考請俟下年補奏得旨如有才能超卓者儘可隨時具奏○

以故二等子錫朗阿子恩佑襲爵○命已革江西巡撫張芾往安徽軍營交江南提督和春等差委江南壽春鎮總兵官金玉貴因病解職以候補副將鄭魁士署江南壽春鎮總兵官○賞前任陝西陝安鎮總兵官郝光甲三品頂帶署陝西陝安鎮總兵官○以勦辦河南歸德府屬土匪出力賞知府王憲都司蘇林遊擊全喜花翎守備杜廷珍等藍翎餘加銜升敘有差以勦辦河南許州賊匪

出力。賞參將伊里綱阿守備任榜元。花翎主簿朱溥之等藍翎餘加銜升敘有差。以守禦河南商城縣城出力。賞候選知州周祖頤。花翎知縣劉宗岱等藍翎餘加銜升賞有差。予安徽軍營病故總兵官楊青鶴祭葬卹廕。予安徽廬州府屬殉節知州李承恩。知縣伊經阿凌志召吳祥麟教諭王汝貴。汪炳寰訓導吳酉山。府經歷王炳瀛縣丞興祿楚寶賢主簿鄭連元典史蔣連科從九品沈朝

澍沈煥。楊錫祚祭葬世職舉人李文蔚等賞卹如例。○給江蘇銅山豐沛碭山邳五州縣並徐州大河二衛被水災民口糧有差。○蠲緩江蘇上元江甯丹徒上海高涇江浦儀徵太湖武進靖江崇明銅山豐碭山邳沐陽句容溧水長洲元和吳江震澤常熟昭文崑山新陽華亭奉賢婁金山南匯青浦川沙陽湖無錫金匱江陰宜興荆溪丹陽金壇溧陽山陽阜甯清河桃源安東鹽城高郵泰東臺

江都甘泉興化寶應蕭宿遷睢甯海通海門。太倉鎮洋嘉定寶山六十六廳州縣暨蘇州太倉鎮海金山淮安揚州徐州鎮江八衛被水被旱被擾莊屯新舊正雜額賦。○壬子諭內閣。桂良奏請飭催東商生息銀兩一摺。山東運司應解直隸生息銀兩關繫漕運剝船要需連年積欠銀至十七萬餘兩之多。本年應解之連閏生息銀二萬七千兩。又屢催未到。似此任意延宕貽誤非輕。著山東巡撫崇

恩嚴飭該運司即將本年應解銀二萬七千兩迅速如數籌解天津務於年內解齊。不准再有遲誤。其欠解節年銀兩亦著陸續解交以清款目。○諭軍機大臣等本日據王茂蔭奏大江南北捐局過多官私錯雜揚州以下沿江各府州縣設有十餘局苛斂行商過客假公濟私包送違禁貨物甚至聚眾斂錢以錢聚眾普安薛家港等局竟至互圖併吞大肆爭鬭商民無不受害等語。雷以誠創議捐

釐協濟軍餉原在揚州一帶辦理尚屬妥協何以普安等局竟有收捐未解糧臺之弊著托明阿等確切訪查如有奸徒藉端漁利藐法營私即著飭令該地方官嚴行究辦其在大江以南者並即移咨怡良就近查明如係私設即行嚴禁務期濟餉安民兩無窒礙原摺單著鈔給閱看將此由四百里諭知托明阿陳金綬雷以誠並傳諭文煜知之○又諭陳啟邁奏吳城賊匪退竄官兵進剿南康並廣東匪徒攻撲定南龍南勦辦獲勝各摺片此次賊匪黃夜退竄並非大受懲創即官軍追至南康斬獲亦不甚多該撫慮其去而復來欲嚴扼南康防其回竄吳城饒郡之路固為腹地緊要起見但賊踞九江湖口被我軍水陸堵截豈肯甘心就戮楚省兵勇轉戰已久昨閱曾國藩等所奏潯郡城池似尚未能即克該撫派往協剿之佈克慎恩齡所帶兵勇不過七百餘人能否自成一隊接應楚軍

吳錫光既能奮勇出力豈可轉使株守南康不令出湖夾擊著陳啟邁即行體察情形妥籌迎剿仍一面嚴守省城要隘防賊回竄不得以本省地方專委楚軍也韶州匪徒竄撲江西邊境雖經攻勦敗竄亦未能掃除淨盡該撫前奏挑選壯勇進駐始興救援韶郡嗣後情形未據續奏葉名琛前奏韶城於八月十四日解圍駱秉章探奏則稱十月初間府城又復被圍該撫此次所奏定南龍南勝仗已在十一月初間其為韶州兵力不能兼顧以致蔓延鄰省已屬無疑該撫前派往始興之勇現在何處務須飭令帶勇各員與廣東兵勇聯絡攻勦不得專防本境其由鄱湖入饒州水路及由安徽建德入饒州小路均著一體嚴防毋致顧此失彼另摺奏刁徒藉端訛詐現在出示嚴禁一摺即著照所議辦理地方刁悍之徒挾仇告訴在平時猶應嚴辦況當人心未定民氣未復之時豈可稍存輕

縱即實在甘心濟匪者亦應由地方官嚴密訪拏何得任其肆意搏噬魚肉善良著該撫嚴飭各屬遇有此等案件自應從嚴懲辦其或挾嫌誣告有意傾陷者亦當從重治罪以儆刁風而蘇民困將此由六百里諭令知之○兵部等衙門奏遵議失察富升擅入宮禁照例分別嚴議議處得旨悖郡王奕諒怡親王載垣均著加恩改為革職留任仍各罰王俸一年奕湘著加恩改為革職留任仍罰公俸一年革去內大臣所有此案失察之王大臣等應得處分均不准其抵銷○以兵部尚書阿靈阿為內大臣賞內閣侍讀學士滿慶頭等侍衛為巴里坤領隊大臣○命二等侍衛多慧往安徽軍營交江南提督和春等差委○以勦辦江西南康府賊匪出力賞都司吳錫光花翎外委吳邦柱等藍翎○緩徵直隸河間阜城三縣被擾村莊本年糧租並賞吳橋東光二縣災民一月口糧是日乙

卯年立春順天府進土牛春山寶座○癸丑諭軍機大臣等何紹基奏敬陳地方情形一摺據稱川省近年吏治廢弛前次錢糧津貼多徵少解者不下二三十州縣該學政衙門有控告安縣虧空倉穀一萬五千餘石會理州短解津貼銀四千八百餘兩之案又稱牧令中由科甲出身者不及一半一首廩兩首縣均係捐班州縣中文理明通者甚少致詞訟拖延不結考試錄送文童多未通順著名庸劣之玉鈞全順任其戀棧等語各省官員科甲固未必盡賢捐班亦不皆無用原在該上司隨時查察舉劾公明吏治自有起色至於徵解錢糧聽斷詞訟是其專責若如所奏多徵少解者竟有二三十州縣之多甚至積壓案件錄送文童未能通順該省公事廢弛已極若不力求整頓尚復成何事體樂斌現署總督無所用其迴護著照所奏情形確查具奏並查明玉鈞全順庸劣實跡據實嚴叅

無稍徇隱原摺著鈔給閱看將此諭令知之
尋奏錢糧徵多解少並未指明何州何縣會
理州安縣短解虧空各款均俟查明覈辦詞
訟並未積壓惟安安氏一案係已結復控業
經提省覆訊錄送文童已飭各屬嚴別棄取
玉鈞等均無實在劣跡報聞 賞睿親王仁
壽子德長二等侍衛在大門上行走鄭親王
端華子二等侍衛謙善在乾清門上行走科
爾沁郡王僧格林沁子布彥訥謨祜二等侍

衛花翎

在乾清門上行走

以兩淮鹽運使
崇綸為內閣學士兼禮部侍郎銜翰林院侍
讀學士廉兆綸為內閣學士兼禮部侍郎銜
仍留江西學政任 甲寅諭軍機大臣等勞
崇光惠慶奏匪徒竄撲全州經兵勇痛加勦
洗一摺此次灌陽恭城游匪經兵勇先後擊
敗復糾另股匪徒由興安竄撲全州經廣西
湖南兵勇會勦該州境內已一律肅清惟當
督飭地方官乘勢將餘匪搜捕淨盡毋令再

滋蔓延該省土匪充斥前奏荔浦修仁陽朔
永福永甯等處均有匪徒滋擾本日據奏永
甯義甯兩處賊匪均經擊退而荔浦等處如
何勦辦情形並未敘及大墟土匪已據該撫
等奏稱督兵擊退究竟近省一帶地方能否
安謐殊深慮念前有旨令勞崇光出境勦賊
惟此時該省各屬匪徒聚散無常必須迅速
撲滅省垣重地尤應妥為鎮撫勞崇光著毋
庸出省其梧州與廣東肇慶接壤處所即著

惠慶察看情形

緩急帶兵馳往勦辦

至本省
防勦事宜仍著與該撫隨時知照毋得顧此
失彼致令該匪日肆鴟張此次全州文武勦
力同心將大股賊匪迅速掃蕩湖南兵勇越
境會勦亦能不分畛域著勞崇光等擇其尤
為出力者酌量保奏候朕施恩將此由六百
里諭令知之○以廣西義甯縣城被賊竄陷
革代理知縣劉澐等職予陣亡訓導李宜春
州判梁贊國祭葬世職○以廣西興安縣城

源員外郎尚阿布並主事翟雲章均著不准
留於刑部仍歸吏部照例銓選刑部堂官著
傳旨申飭○諭軍機大臣等英桂奏遵旨馳
赴陳郡督防並派員進駐六安一摺皖豫交
界防堵據該撫所奏三路布置情形尚屬周
密惟袁甲三前派臧紆青等進攻桐城原以
接應楚師此時劉玉豹雖退守六安一俟添
有勁旅仍應迅速進剿英桂現派王庭蘭前
往而可撥之兵僅止一二百名並以前派赴
皖之兵傷病過多不過數十名可用擬令添
募壯勇等語皖省需兵甚急著英桂即飭令
王庭蘭速行召募統帶前進不得稍事耽延
至豫省各路官兵有無可以分撥交王庭蘭
帶往之處仍著英桂通盤籌畫其赴皖兵勇
口糧務須源源接濟毋得以庫款竭蹶任令
缺乏該撫即著前赴陳州居中調度至歸德
等處雖派令張維翰等分投駐劄英桂仍應
處處兼顧何路有警即往何處策應斷不准

株守一隅致滋貽誤輝縣抗糧之案仍嚴飭
地方官妥為辦理將此由五百里諭令知之
○補鑄江南江甯縣知縣印信從總督怡良
請也 補鑄湖北布政使鹽法武昌道武昌
漢陽黃州安陸德安五府知府各關防印信
從總督楊需請也 予江蘇陣亡六品頂帶
李升賞卹如例 予江蘇豐縣殉節知縣張
志訓導馮調鼎典史施積福祭葬世職眷屬
家丁等旌卹如例 丙辰

上詣

壽康宮問

皇貴太妃安 諭內閣朕之兄隱志郡王奕緯
尚無子嗣著將奕紀之子宗室載中過繼與
隱志郡王為嗣封為多羅貝勒 調任山西
巡撫王慶雲奏報交卸啟程日期得旨汝抵
任後一切吏治營伍自應妥協整頓惟當務
之急京師及各軍營餉項最關緊要若能源
源接濟庶不負朕之委任也 江甯布政使

文煜奏遵審已革在籍中書丁晏被衆各款。現已嚴催提審得旨。此案應從嚴懲辦。斷不准如該漕督之瞻徇情面。遷就了結。朕知汝尚非自顧身家。置是非於不問者。以勦辦貴州獨山州賊匪出力。賞道員承齡廕生薛文焄。同知直隸州用李琛。參將英志。都司楊廷柱。守備賈連升等花翎。知縣邱樹桐等藍翎。餘加銜升補有差。以東河搶辦險工出力。河道總督長臻。下部優敘。賞同知陸嘉言已。

花翎通判郭達瀛等藍翎。餘升敘有差。丁上御撫辰殿大幄次。賜蒙古王貝勒額駙呼圖克圖等宴。並賞賚有差。諭內閣。吳振械。將肅遠等奏。官軍擊散新城賊匪。並興義府城解圍一摺。貴州安南縣賊匪涂令恆等。先擾普安縣。分防新城縣丞地方。復分股竄撲興義府。及貞豐州二城。經吳振械等派令總兵金剛保帶兵赴援。先由新城順道進剿。斃賊

百數十名。十一月初三日。賊撲興義府城。知府張鏐與護遊擊守備汪光瑞激勵兵勇奮力夾擊。斃賊千餘人。生擒賊首偽大王李狗狗。偽元帥彭老三。鄭幗祥。及夥匪一百五名。其竄往北鄉。及地腳地方賊衆。經生員李士英等招集地腳鄉民將首逆涂令恆。及要犯王丙。熊喜。刺斃。並斬擒多名。二十日。張鏐會同金剛保。胡霖澍。兵練馳赴北鄉分路進攻。將該匪等圍至納勒地方。奮力轟擊。殲斃偽

元帥冉秉忠等七名。生擒偽元帥將軍汪二。生蕭樂和等五名。餘匪竄往卡戛寨。踞險抗拒。胡霖澍帶領敢死壯練數十人。密上山巔。將火箭火彈。燒焚賊寨。引動賊設地雷。斃賊無數。又貞豐州賊。於十一月初一日。徑撲州城。被兵練擊退。後復在教廠山負隅抗拒。知州蔣時瀄密飭兵練兜剿。斃賊數十人。生擒三十餘人。其另股賊匪在安南縣屬滋擾。蔣時瀄會營馳往督同鄉練。截殺數十名。生擒

偽將軍涂令言等當即正法。此股賊首涂令恆等膽敢聚眾圍攻郡城。該府張鏌督同文武竭力固守。於官兵未到之先。調練勒擊。立解城圍。並經生員李士英等將首逆設計殲斃。辦理尚為妥協。道銜興義府知府張鏌。前因屬縣疏防革職。暫留本任。著即開復原官。原銜。仍責令會同金剛保等。將興義府屬巴林一帶。另股賊匪。及新城。貝豐所有餘匪。趕緊勒除淨盡。以靖地方。○又諭前任駐藏大

臣諄齡。於廓爾喀國王正月內。遞到表文。遲至三月內。始行代奏。迨接奉諭旨。又復因病延擱。並不迅速檄諭。辦理實屬遲延。諄齡著交部議處。○諭軍機大臣等。侍順奏。迎接呼畢勒罕。請飭沿途派兵護送。並酌擬變通一摺。據稱該副都統。由西甯赴藏。行抵青海。兩盟官兵。均未出迎。及抵柴達木。亦無玉樹官兵護送。僅有青海所屬之扎薩克朗觀車林扎勒。帶兵五十名。照料等語。此次迎接哲布

尊丹巴呼圖克圖之呼畢勒罕。經過各地方。自應妥為護送。俟來春事竣。回牧。著易棠會同西甯辦事大臣。查照成案。派員帶兵。直抵西甯交界之通天河。駐候迎接。以備護送。其青海兩盟。及玉樹等處官兵。既據侍順奏稱。難期得力。即著毋庸揀派。該督等務當嚴飭各該屬。小心護送。毋稍疏虞。將此諭令知之。○又諭諄齡。奏接據廓爾喀國王來稟。分別擬辦。並鈔錄稟稿。檄文呈覽。及自請議處各

一摺。該大臣前接該國王呈遞各表文。並不迅速代進。辦理遲誤。咎有應得。已明降諭旨。將諄齡交部議處。惟詳閱該國王來稟。牽涉唐古忒所屬營官。不遵舊章。徵收稅課。及欺負搶劫。傷斃該國民人等事。自應秉公查辦。照舊貿易。不准例外。浮收任意欺壓。被搶案件。亦宜徹底根究。毋得徇袒。致該國有所藉口。上年察木多番商。與巴勒布番民。在藏鬪毆。既有卷宗可稽。何以有人在該國王處。唆

弄是非致令疑惑。是否唐古忒番官實有辦理不公之事。不難依案查究。以服該國王之心。至該國王因幫兵經費無出。要唐古忒代賠一節。尤屬居心叵測。該國欲派兵助剿。本與唐古忒無干。況尚未有旨允准。何得藉口兵費。從前廓爾喀欲與披倫打仗。曾經具稟求賞銀兩。經駐藏大臣孟保等正言拒絕。旋亦相安無事。該國與披倫用兵。中國可置之不問。唐古忒係我朝藏屬地方。豈容該國藉

端起釁。該大臣當據理開導。不可說明奏奉諭旨。即作為該大臣之意。方為妥善。所擬未行檄諭底稿。即照擬發去。務使各釋猜疑。免生他變。至所請援照嘉慶二十一年舊案。豫備軍械等語。未免已涉張皇。轉恐動其疑貳之心。諄齡只可不動聲色。暗地設防。毋得稍露防備之意。致多窒礙。將此諭令知之。○正黃旗漢軍副都統侍順奏報抵藏日期。得旨。想爾等一路甚是平安。明歲回去。事事小心。

以慰眾蒙古之企盼也。以勦辦皖豫交界捻匪出力賞參將胡松額都司李恆清花翎。餘加銜升敘有差。○以查拏江南銅山縣土匪出力賞知府毓彬花翎。遊擊常海等。蓋翎。餘加銜升賞有差。○予貴州陣亡幕友黃夢蓮賞卹如例。○戊午諭內閣。貴人他他拉氏著封為麗嬪。索綽羅氏著封為婉嬪。○又諭。袁甲三等奏查明知縣收復城池。懇恩開復等語。前因土匪竄擾。安徽鳳穎一帶當降旨。

將穎上縣知縣程鈺革職。交袁甲三嚴切查明。如有臨期逃避等情。即以軍法從事。茲據奏稱該革員親赴正陽附近地方布置防堵。不意賊繞他路。遽撲縣城。旋即星馳赴援。各鄉團練萬人。聞風踵至。立將縣城收復。實無臨期逃避情事。收復後復能屢挫賊鋒。捍衛地方。並查該革員素著循聲。民情愛戴。程鈺著准其開復。知縣原官仍留安徽補用。○諭軍機大臣等。袁甲三等奏派員駐劄英霍。相

機會合楚師一摺前因攻勦桐城未能得手。諭令和春等撥兵策應並諭袁甲三兼顧六安原因曾國藩等水陸大軍現攻九江若郡城克復赴皖甚速必須厚集兵力既可聯絡聲勢並可杜敗竄之匪乘間北窺况廬舒各城尚未克復宿望太潛等縣均為賊踞江北情形甚屬喫重袁甲三等現派何桂珍進駐英山招集鄉勇為進勦太湖之計劉玉豹等由六安進駐霍山一俟楚師抵皖即歸曾國

藩調遣自應如此辦理惟該員等所帶兵勇是否足資協勦臧紆青原帶各勇雖經袁甲三挑選能否得力和春等仍當隨時察看就近抽撥兵勇相機策應一面嚴飭該員等實力防勦探明楚師以圖會合夾擊前據英桂奏稱派王庭蘭進駐六安惟所帶兵僅一二百名尚須添募壯勇此項兵勇並著袁甲三飛速催提毋任延宕和春等攻勦廬州秦定三圍攻舒城均係坐擁重兵日久未能克復

前已於摺內嚴切批示儻再事遷延恐上游潰匪水陸虜至廬城賊匪勢更鴟張和春等自問當得何罪耶將此由六百里加緊各諭令知之以吏部尚書翁心存刑部左侍郎李鈞充經筵講官以大學士裕誠賈禎充文淵閣領閣事內閣學士寶鋆翰林院侍讀學士煜綸充文淵閣直閣事以勦辦安徽沿江逆匪出力賞署按察使恩錫協領托雲佈都司塔思哈劉鶴翔等花翎守備福坤等

藍翎餘升賞有差己未

孝莊文皇后忌辰遣官祭

昭西陵

上詣

慈寧宮

壽康宮前殿行禮後殿問

皇貴太妃安諭內閣載垣等奏直隸解款遷

延請飭催解並嚴定章程一摺直隸省應解

鑾儀衛庫租銀兩為備辦差務要需自應年

清年款豈容任意拖欠茲據載垣等奏該省歷年積欠竟至二十一萬四千餘兩之多而上年應徵租銀全數未交屢次奏催並未聲覆實屬延玩著桂良即飭藩司將本年應解銀兩迅速解交以重款項並將歷年積欠每年帶解若干一併酌定章程具奏至各該州縣催徵不力及徵多報少者亦應量予懲處俾知儆戒又諭兵部奏請飭催各旗揀發人員迅速啟程一摺各旗歷次揀發各省武

員據稱未報啟程者尚有三十餘員之多著各該旗查明嚴催如有無故逗遛即行各部叅辦此外各項武職及文職各員疊經降旨飭部嚴催並著吏部兵部按冊詳查無論揀發實任人員均即催令迅速赴省儻各該員等中途耽延藉詞觀望著沿途各督撫一體嚴查據實叅奏以重職守而杜規避諭軍機大臣等據御史孫觀奏安徽甯國府官紳團集練勇四千餘名月需經費萬餘賴有捐

項接濟本年捐輸甚不踴躍因上年已捐者未邀請獎且廬州捐局減成該處未見有准照請敘明文以致觀望又上年斬獲長髮賊及土匪百餘名經知府鄧瀛稟請奏獎而藩司輒轉駁查吝而勿予以致羣情渙散等語甯國府地連東壩為徽廣蘇杭等處緊要門戶該官紳等果能捐貲集勇實心經理自應給予獎敘以資保衛何以上年捐輸各紳民迄今尚未請獎其斬擒賊匪既經該府稟請

獎勵何以該藩司輒轉駁斥著和春福濟按照所奏迅速詳查將該郡上年以來捐輸經費各紳民即行分別請獎並照廬郡捐局章程一律辦理斬擒賊匪各官紳並著查明奏請鼓勵再據該御史奏徽郡捐輸亦以未邀議敘現在勸捐頗難著和春福濟一併詳查辦理毋許延緩原摺著鈔給閱看將此由四百里諭令知之實授柏後馬蘭鎮總兵官兼總管內務府大臣緩徵河南汲潯淇新

鄉項城延津輝陳留滑安陽內黃蘭儀湯陰。許沈邱考城扶溝獲嘉禹淮甯長葛臨潁商水偃師臨漳甯陵閭鄉祥符杞中牟鄭榮陽。睢河內濟源武陟溫涉洛陽鞏商邱鹿邑固始封邱修武汜水四十六州縣被水被雹被旱被賊村莊新舊額賦。庚申諭內閣楊需奏請開復帶兵官員處分等語前任四川建昌鎮總兵福忻綏甯協副將雙保前在漢川等處剿賊失利降旨革職候補副都統魁玉。

候補總兵楊昌泗前在蘄州三道橋地方不能扼截竄匪降旨摘去頂帶茲據奏稱該革員等被參後督兵打仗收復地方均能出力尚屬自知愧奮福忻雙保均著開復原官。魁玉楊昌泗均著賞還頂帶。又諭楊需奏遵旨訊明提督叅案一摺前經王慶雲奏參陝西固原提督桂明在清水鎮行營被賊燒失餉銀坐扣兵糧抵銷並令解餉委員沈恬捏報土匪劫掠當諭令楊需將此案就近提訊。

茲據訊明委員沈恬解餉到桂明行營被賊乘夜縱火餉銀遺失時值匆忙未能稟報明晰實無桂明捏令報為土匪劫掠之事所失銀兩桂明先後墊賠因兵丁感桂明相待優厚願將應領餉銀按日坐扣糧員閻玉敏等遂將所失之銀照常造冊報銷委無別項情弊惟該提督於失事之時並未即時據實具奏而所失之餉仍照報銷冊式造報究屬彌縫掩飾桂明著交部議處兼辦糧臺之平遠

協副將閻玉敏山丹營遊擊興貴委參領景和肅州營遊擊孫學瀛署山丹營遊擊高如岡辦理支發輒將所失之款作為兵丁已領之款以冀造報符數雖非有心蒙混亦屬不合著一併交部議處委員從九品沈恬管解餉銀尚無失誤亦無誣捏別情著開復原官。仍歸陝西照例補用。諭軍機大臣等楊需曾國藩塔齊布奏九江水陸獲勝各一摺逆賊以全力抗踞九江湖口而宿松之賊復分

股竄擾黃梅牽掣北岸之師若非迅復九江則水陸各軍不能會合非盡毀湖口賊船則九江不能即克覽曾國藩等所奏情形雖屢獲勝仗攻克城池尚無把握楊需既未能遽攻安慶而赴援黃梅之劉富成等又復不能得力北弱於南殊為可慮楊需所稱必須九江掃蕩後方能確定行止所見甚是湖南賊船自以不放出口全數聚攢為上策但恐江西力不能支一經內竄又分楚軍之力究應如何勦辦方免後患想曾國藩等已能籌畫萬全楊需現駐廣濟即著會合皖兵先取黃梅進取太湖宿松為節節打通之計湖北本境仍應兼顧不但防賊回竄即搜捕土匪安定人心亦關緊要小池口及田家鎮等處要隘有無防兵能否與南岸聯絡尤宜妥籌布置署提督豐紳已准其開缺該員所帶駐劄襄陽之陝兵必須派一妥員管帶即聯恩現在帶兵防堵固始一帶皖豫接壤地方甚形

喫緊河南帶兵武職現在乏人未便令該員離省署事該督自行酌量派員署理可也將此由六百里加緊各諭令知之又諭楊需奏施用水雷需用廣東水勇等語據稱仿製西洋水雷擊賊船筏頗為利器惟楚北水勇技藝不精廣東香山澳門一帶精於水性者現已咨行廣東選募著葉名琛等即照該督原咨速行選募剋日委員管帶赴楚交曾國藩等軍營應用毋得稍有延緩將此由六百里諭令知之又諭奕格奏俄羅斯船隻過境應否放行請旨遵辦等語俄羅斯與別國往來自應由外海行走不能聽其取道內地惟本年五月間該國船隻過境既經放行此時若阻其歸路該國不免藉口又滋弊端著奕格隨時查探如該國前此經過之船仍由黑龍江等處駛回果於沿途地方不致騷擾即著聽其歸國毋庸攔阻若再有續來之船並非前此經過船隻即著妥為開導告以

內地江面不能聽外國船隻任意往來。此後斷不可再從黑龍江行駛。致啟猜嫌。總以剴切曉諭。杜其將來為要。將此諭令知之。○湖廣總督楊需奏逆匪以江甯為根本。安慶九江為要害門戶。會同東下。必須兩省之兵。併力攻剿。方能有濟。斷不敢稍存畛域。惟兵事移步換形。不敢不於奮勵之中。稍事持重。惟有殫竭心力。會同曾國藩塔齊布等相機前進。得旨。所籌實甚妥當。○以工部左侍郎麟

興署理藩院左侍郎。○賞己革喀什噶爾換防總兵官豐伸泰藍翎侍衛為庫爾喀喇烏蘇領隊大臣。○以候補總兵官楊昌泗為陝西延綏鎮總兵官。以攻破福建蓋尾賊巢出力。賞還都司陳上國頂帶並花翎。○以修城辦賑。予山東同知陳顯彝等升敘有差。○以勦辦江西九江賊匪出力。賞守備劉國斌。孫昌國花翎。予陣亡參將童添雲把總葉楚南。外委楊玉芳六品軍功黃韻南祭葬世職。

加等武生陳烈姜凌浩祭葬世職。如把總例。

○上以歲暮。禋祭

太廟。自是日始齋戒三日。○辛酉諭內閣。國瑞奏局員辦公含混。任聽派頭剋扣匠役工銀。請旨分別懲辦。一摺。又另片奏據鑪頭等結稱。願自明年四月起。加鑄錢文等語。局員既有弊混。署侍郎杜翰何以不肯會銜。本日又未據單銜具奏。著杜翰一併明白回奏。○又

諭黃宗漢奏官兵徵調較多。未能歸入大閱。一摺。黃宗漢現赴四川總督新任。所有查閱浙江營伍。著即派何桂清侯征兵歸伍。即行逐一查閱。認真簡校。○又諭和春福濟奏攻勦含山賊匪。克復縣城。一摺。十二月初九日。編修李鴻章等督勇進攻。守備俞應彪等各帶兵勇。分東西兩路迎擊。賊勢大潰。十二日。聞賊在東門築濠。各兵勇及吉林馬隊分三路進攻。殲斃無算。計兩日殺賊六七百人。割

取首級數十顆。奪獲器械無數。十四日。遶派奮勇赴城下圍伏。知縣孔繼黃密約被脅民人。乘夜內應。十五日夜。攜帶攻具。梯繩直至城下。李鴻章等帶勇潛伏。復分打東西各門。忽南城縋賊百餘。李鴻章令談家寶暗處開槍逆屍。紛紛墮落。城內火藥忽發。延燒民房。賊自驚亂。兵勇攀登。擁進兜殺。賊由南門竄出。截殺一百餘名。孔繼黃等合力協勦。共斃千餘人。生擒十三人。隨即正法。奪獲旗槍刀矛等各數百件。鉛藥硝磺二千餘斤。救出脅從難民。即將含山縣城收復。所有此次出力員弁兵勇。著和春福濟。擇尤保奏。候朕施恩。知縣孔繼黃外委楊占發。隨同勦賊。尚知愧奮。所有應得失。陷城池處分。著加恩寬免。江蘇巡撫吉爾杭阿奏。籌辦移營築牆進逼上海縣城情形。得旨。覽奏。豈能釋朕憂懷。雖稍有定局。尚不知後事如何。惟冀迅復縣城。盡殲逆黨。免致再起風波。江南提督和春

等奏。廬州逆匪經節次痛勦。拒守益堅。得旨。何廬州一城。尚無克復之機。若是遷延太不成事。以捕盜出力。予江南狼山鎮總兵官泊承陞議敘。以辦理浙江海運出力。予署布政使黃樂之等優敘。餘加銜升補有差。○以克復安徽含山縣城。賞投誠勇目談家寶。六品頂帶。予江蘇陣亡都司鄧紹英外委謝登級。祭葬世職。蠲緩江蘇句容長洲元和吳江震澤常熟昭文崑山新陽華亭奉賢婁金山南匯青浦川沙陽湖無錫金匱江陰宜興荆溪丹陽金壇溧陽山陽阜甯清河桃源鹽城高郵泰東臺江都甘泉興化寶應銅山沛蕭錫山邳宿遷睢甯太倉鎮洋嘉定寶山海沐陽等五十一廳州縣被水被旱災區。本年漕糧。○壬戌。以歲暮。給祭遣官祭太廟中殿。後殿。○諭內閣。樂斌奏。川兵攻勦貴州下營等處賊匪。續獲勝仗一摺。貴州賊匪擾及川黔。

連界經樂試派令官兵踰境攻勦自溫水汎
勦洗賊巢獲勝後十一月二十五日署參將
蔣玉龍等兵勇進勦至楊杠臺突有股匪二
三千人迎拒被我兵進擊潰散直撲下營賊
巢槍礮齊施該匪退守我兵前後抄擊轟賊
無數當將賊巢焚毀餘匪竄匿署都司蕭聲
遠等亦在羅漢壩等處按殺賊匪數十名生
擒九名二十六日蔣玉龍等進勦糧米溝賊
巢賊約三四十人拒敵我兵施放火器轟斃
賊匪數十名生擒四十餘名奪獲旗幟礮械
數十件該匪竄匿巖洞我兵用火藥柴草薰
燒復斃二三百名將賊巢焚毀又署外委陳
正順等帶同紳團攻勦張耳村等處賊匪殺
斃數十名燒毀賊房數十間生擒首逆穆紹
元子等當即正法川兵踰境勦賊尚屬得手
著即督飭趕緊進攻克復桐梓仁懷以免蔓
延所有打仗出力及生擒賊首官兵紳兵勇著
該署督等擇尤彙案奏請恩施以昭激勸○

又諭昨據國瑞奏局員辦公含混並請加鑄
錢文因杜翰未曾會銜降旨令明白回奏茲
據杜翰奏稱加鑄錢文與國瑞意見不合國
瑞所奏該監督各款多係曾經稟明該侍郎
辦理等語著派賈楨全慶秉公查辦該監督
等有無弊混並加鑄錢文是否該局工匠自
願報效之處據實具奏○諭軍機大臣等托
明阿等奏浦口官兵擊賊並焦山艇師獲勝
情形一摺近日瓜州鎮江等處沿江勦賊雖

略有殲擒而南北岸匪蹤尚復時來竄撲上
下游賊船亦未斷絕往來江面豈能得手吳
全美等不能迅將攔江鐵鍊燒毀致該逆又
安列礮位劄成水營為守護之計若再令占
踞洲地浦口一帶堵勦更難武慶等連次接
仗均為賊礮所阻而攻鍊之水師尚須待風
行駛雖經奪獲賊牌擊沈賊船不過小勝豈
能遽慰朕懷著嚴飭武慶與吳全美等協同
攻勦勿再遲延貽誤至托明阿等進攻瓜州

僅能拋放火器使賊驚慌究竟或誘令出巢或設法進取並無把握即鎮江南北夾攻轟塌賊隄賊樓總未直逼城門擣其巢穴著托明阿等督率陸路兵勇剋期攻復瓜州一面飭武慶等實力勦除該逆水營方為勝算將此由六百里加緊諭令知之陝甘總督易崇奏請將軍營撤回甘省兵丁抵派操防暫停募補以節餉需得旨辦法甚屬簡便○以辦理江南軍營文案出力賞詹事府少詹事

翁同書花翎(癸亥)拾祭

太廟

上親詣行禮(遣官祭)

永陵

福陵

昭陵

昭西陵

孝陵

孝東陵

景陵
泰陵
泰東陵
裕陵
昌陵
昌西陵
慕陵○遣官祭
孝德皇后殯宮(遣官祭)
端慧皇太子園寢(遣官祭)

太歲之神詣

壽康宮問

皇貴太妃安○諭軍機大臣等僧格林沁等奏焚毀西連鎮賊巢逆勢益形窮蹙一摺覽此次進攻情形尚為得手西面賊營止存一座想不日即可掃蕩我兵全占河西地面以全力併注河東辦理較為力林逆既將東面槍礮移置河西則東連鎮賊巢愈形空虛我兵若能分路齊攻使該逆彼此不能相顧尤

為妥善各營官兵站牆巡濠固為以逸待勞。當此事機順利人心鼓舞之時亟應飭令疊戰環攻速行進擊不可專恃投誠人等之力。該大臣等務即督飭帶兵各員乘勝進剿。剋日殄除以副朕望將此由六百里加緊諭知僧格林沁並諭西凌阿知之。○又諭僧格林沁等奏軍餉不敷請飭天津鹽政再行籌撥等語現在僧格林沁等攻破西連鎮賊巢正在得手之際需餉甚殷前此撥解銀兩仍屬

不敷支發著文謙於鹽關道庫內再行籌撥銀五六萬兩迅即派委妥員解赴僧格林沁軍營以濟要需毋稍貽誤。以勸辦直隸連鎮賊匪出力賞佐領德貴等藍翎餘加銜賞敘有差予陣亡護軍參領松林祭葬世職。○朝鮮國使臣金緯等三人於午門外瞻覲。○甲子以辦理陝西商南縣團練出力予道員陳景亮等升敘有差。○是年旌表孝子直隸等省溫熙之等八十五名孝友河南等省王

榮懷等七名順孫江蘇省顧宗甲一名義士山東省千總成思泰一名孝婦江蘇等省吳唐氏等十一口孝女江蘇等省汪氏等五十口烈女江蘇等省張氏等十七口守節合例宗室慶福妻馬佳氏等二十九口滿洲馬甲伊林布妻張佳氏等一百三十五口蒙古馬甲福珠隆阿妻李氏等四十口漢軍馬甲丁玉妻任氏等四十四口內務府主事恆祥妻關氏等五口各省駐防閒散王紹祿妻劉

氏等二百六十一口奉天等省王修妻曲氏等四千五十七口夫亡殉節湖南等省夏世驗妻賀氏等四十八口未婚守志內務府披甲伊章阿妻王氏一口江蘇等省陳蘭生妻須氏等四十七口百歲壽民婦山東等省曲孝思等十三名口五世同堂直隸等省監生孫鑑等十三家七世同居浙江等省監生韓煜等三家捐金好義四川省武生張鵬飛一名均給銀建坊如例。○一產三男河南省趙

一林一家。會計天下民數。穀數。除江蘇。安徽。湖南。湖北。福建。廣東。廣西等省。未經造報外。直隸等省。通共大小男婦二萬九千八百一十五萬二千五百三名。口存倉米穀一千八百一十萬三千五百六十六石一斗八升三合九勺。

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百五十五

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百五十六

奉先殿行禮。○詣
堂子行禮。○遣官祭
太廟後殿。○詣
壽康宮前殿拈香。後殿
皇貴太妃前行禮。○御太和殿受朝。作樂宣表
如儀。○詣
大高殿
壽皇殿行禮。○御乾清宮。賜近支親藩等宴。○
欽此

咸豐五年乙卯春正月乙丑朔

上詣

奉先殿行禮。○詣

堂子行禮。○遣官祭

太廟後殿。○詣

壽康宮前殿拈香。後殿

皇貴太妃前行禮。○御太和殿受朝。作樂宣表

如儀。○詣

大高殿

壽皇殿行禮。○御乾清宮。賜近支親藩等宴。○

欽差大臣向榮奏據各路探報九江府城克復。曾國藩舟師已抵小孤山得旨若果九江克復曾國藩之奏報在途矣。彼時令江南接應籌勦再諭汝知。丙寅諭內閣托明阿楊以增奏籌濟淮河鹽船擬勸捐堵壩一摺。現在淮河水淺鹽船行走維艱必須蓄高洪澤湖水頂托淮流方能濟運業經楊以增籌款堵築山盱禮字河越壩三百餘丈尚有一百餘丈未曾堵合著准其先行借撥鹽款項下

銀兩趕緊購料辦理並飭已革臬司查文經督同海州運判杜文瀾勸諭捐輸俟有成數提還歸款。以貴州勦賊出力賞千總胡現龍等藍翎餘升擢有差。緩徵直隸保定東光寶坻安景天津磁武清薊甯河霸大城東安蠡雄東鹿高陽故城青南皮鹽山慶雲永年雞澤元城大名南樂清豐蔚玉田涿水武邑衡水武強平鄉邯鄲南宮任邱獻阜城靜海滄晉任隆平深文安吳橋河間四十九州

縣災歉村莊新舊額賦有差加賞保定東光民旗一月口糧 丁卯

高宗純皇帝忌辰遣官祭

裕陵

上詣

壽皇殿行禮 詣

闕帝廟拈香 以禮部右侍郎文清兼正紅

旗漢軍副都統 戊辰以工部尚書全慶充

經筵講官 緩徵山東臨清冠歷城章邱齊

山東

東濟陽長清德平惠民陽信樂陵濱濰化鄒

汶上單濮聊城堂邑茌平清平莘館陶博興

邱鄒平長山新城齊河禹城臨邑萊蕪海豐

商河利津滋陽陽穀壽張鉅野鄆城朝城高

苑樂安壽光平度昌邑濰高密濟甯滕嶧嘉

祥魚臺金鄉五十四州縣被災被擾村莊本

年上忙額賦及河漕攤徵各項並德州東昌

臨清濟甯四衛東平所屯莊永阜永利官臺

三場龜地錢糧

以上上辛祈穀於

上帝。自是日始齋戒三日。己巳諭內閣樂斌奏川省官兵克復桐梓縣城一摺。四川提督萬福督帶川兵抵黔。即能攻克桐梓。勦辦尚屬得力。即可乘勝進取仁懷。著蔣霽遠萬福督飭川黔兩省官兵協力攻勦。盡殲醜類。勿留餘孽。所有在事出力官紳兵勇著樂斌等擇尤保奏。候朕施恩。諭軍機大臣等。本日據樂斌奏川省官兵克復桐梓縣城。並請飭

貴州派員駐劄彈壓等語。川省官兵自得溫水之後。旋即克復桐梓縣城。辦理尚屬妥速。此時我兵銳氣正盛。自宜乘勝攻勦仁懷。以期迅掃賊氛。其業經克復之溫水松坎等處地方。均應揀派文武妥為撫綏。及擒拏餘匪。據奏節次飛咨蔣霽遠尚無一官到彼。黔省匪徒肆擾。該撫既不能迅即勦除。迨川兵克復地方。又未派員前往駐守。殊屬懈弛。現在川黔官兵均歸萬福統帶。著即督飭將弁迅

速攻勦仁懷縣城。其桐梓等處善後事宜著蔣霽遠刻即派員前往經理。毋再遲緩。川兵入黔。勦辦正在喫緊。應需餉銀必須寬為籌備。雲南欠解銀兩。前經降旨飭催。現尚未據奏撥。所有官兵需用餉項。蔣霽遠務當設法籌撥。毋使缺乏。樂斌亦應不分畛域。源源接濟。其興義府屬已陵一帶賊匪及新城貞豐等處餘匪。仍著嚴飭金剛保等趕緊勦除。毋任蔓延。將此由六百里加緊各諭令知之。○

緩徵山西臨汾洪洞二縣應補還倉穀。並貸汾陽臨歸化三廳縣倉穀籽種。庚午。

上詣

南郊齋宮齋宿。○諭軍機大臣等。勝保奏攻城數次未下。並籌辦地道情形一摺。據奏連日督帶兵勇進攻西南兩門。直抵城濠。該逆一味死拒。勢難力攻。復在城頭死守。誘之不出。詳覽各情。是我兵攻勦總未得手。該大臣等勦辦此股收竄餘匪。累月經時。仍屬毫無把

據似此貽誤還延殊堪痛恨至籌辦地道。它至一百數十餘丈何以尚未成功且恐該逆知覺。豫先防備則此舉又將徒勞無益。現在賊糧將盡。攜帶火藥。欲乘夜竄逃。若任其潰圍而出。再擾他處。則勝保等縱寇殃民。厥罪愈重。此時惟當乘其窮蹙。激勵弁兵。迅將賊匪就地殲除。斷不准令其免脫。僅藉口於賊守甚嚴。但以籌勦情形。數行入告。老師糜餉之罪。亦斷難屢邀寬宥也。將此由六百里加

緊諭知勝保。並諭德勒克色楞額崇恩知之。○又諭陳啟邁奏南康湖口九江勦賊獲勝情形一摺。此股竄匪自曾國藩等進攻潯郡以後。盡將賊船偏入湖口。該逆下游之路已斷。勢必由南康一帶上竄。阻我江西協勦之兵。兼以牽掣九江軍營後路。雖經吳錫光等四戰四勝。其奔擾潯漢之賊。亦經擊退。姑塘等處船筏。併被胡林翼等焚燒殆盡。辦理尚屬得手。但湖口賊匪尚眾。南康未可弛防。吳錫

光所帶兵勇雖單。而楚省派來都司蕭捷三戰船已抵南康城下。亟須水陸並集。以勦為防。江西所勝小船既難得力。務即嚴飭鄧仁璧趕緊仿照湖南船式。剋期添造。以助攻勦。其都昌通達饒州路徑。現已派遊擊馬福壽帶勇往剿。是否足資堵禦。尚應隨時防範。曾國藩塔齊布雖屢挫賊鋒。而該逆尚於九江門外。加築土城。它濠注水。為負隅抗拒之計。若吳錫光等能一面設防。一面沿途勦洗。則

江省保障益堅。即九江賊勢益孤。陳啟邁身任地方。即不得以勦賊委之曾國藩等。致令該逆往來肆竄。曾國藩等軍營所需礮位藥鉛。亦著設法運送出江。並著該撫飭令居隆阿。惲光宸等會合楚省兵勇。悉力圍攻。盡殲羣醜。毋再遷延干咎。將此由五百里諭令知之。○署江甯將軍福興。丁母憂。命仍留軍營署將軍事務。以江西武甯星子都昌建昌德化德安瑞昌湖口彭澤廣昌十縣被水被

援酌量平糶倉穀

上以孟春時享

太廟自是日始齋戒三日（辛未祈穀於

上帝

上親詣行禮（詣

闕帝廟拈香

世祖章皇帝忌辰遣官祭

孝陵（壬申諭內閣蔣霽遠等奏分督兵練連

日進攻雷台山匪眾潰逃生擒賊首陳良模

等多名各處賊巢概行焚洗遵義府城現已

解圍此次川省官兵攻克桐梓滇黔官兵攻

破雷台山同在十二月中旬數日之間各路

獲勝勦辦尚屬得手現在進勦官兵已有旨

均歸萬福統帶即著該提督退督三省兵勇

克復仁懷生擒逆首以期一律肅清並著蔣

爵遠速派文武員弁分赴被擾各地方撫輯

難民嚴撥餘匪毋得再存玩泄福建巡撫

呂佺孫奏閩省錢局鼓鑄乏銅籌議改鑄鐵

錢以充民用下部知之（癸酉享

太廟

上親詣行禮（遣官祭

太歲之神（詣

壽康宮問

皇貴太妃安（頒東河

朱河神祠

御書扁額曰榮光普護（湖廣總督楊需奏楚

北軍務未竣計典仍難舉行請再展限辦理

從之（賞定郡王溥煦三眼花翎在御前行

走貝子奕劻載容散秩大臣（甲戌諭內閣

前因袁甲三條陳淮北鹽務並奏參署運司

運判有營私捏詳等弊當有旨令怡良派委

司道大員嚴切根究茲據該督奏稱查明運

判許敦詩前請暫停懸引係因積鹽不銷起

見並無挾私舞弊署運司郭沛霖亦無扶同

捏飾等情西壩存鹽包數及口岸銷價銀數

亦查無不符之處惟該運判於袁甲三批駁

各條。延不稟覆。實屬咎有應得。許敦詩著交部議處。所有淮北開網徵課及籌補減免懸引事宜。著責成怡良認真整頓。袁甲三現在帶兵皖省。毋庸兼辦鹽務。其淮北一帶疏通銷路。著福濟協同怡良實力督銷。總期艱務日有起色。以實庫儲而裕課餉。戶部議覆。兩江總督怡良等奏稱本年蘇省起運交倉漕米。以河運錢糧作為海運開銷。自應就數運京。無庸籌補足額。惟查本屆江浙海運漕

米。合計兩省不及一百二十萬石。京倉支放攸關。應令該督撫等按照福建捐米章程辦理捐輸。附搭正漕。由海運京。其所稱剩船食耗等米。仍備帶本色。作正開銷。沙船食米抵通後。如有盈餘。應由驗米大臣給價收買。均應如所奏辦理。從之。以福建汀漳龍道魁聯為湖南按察使。乙亥。

孝全成皇后忌辰遣官祭

慕陵。賞巴里坤領隊大臣滿慶副都統銜。為

駐藏幫辦大臣。丙子諭內閣。賈楨全慶奏遵查局員叅款一摺。據稱寶源局監督桂榮王溥於收放銅價有數可稽。虧短工銀亦非新欠。其煎鍊鉛燥未經講定續報鉛斤未經請賞。均係回堂辦理。尚無別情等語。惟國瑞原奏請將該監督等懲處。及自請議處之處。摺內未經議及。國瑞杜翰有無應得處分。亦未隨摺聲敘。著賈楨全慶再行覈議。切實具奏。又諭吳振憾。蔣霽遠奏官軍收復城池。

追剿餘匪。並將賊首楊金拳獲。此次克復仁懷。餘黨窮蹙奔潰。該撫等即當督飭文武會同提督萬福合力兜剿。務盡根株。無留餘孽。所有團首雷昭然等。著該撫等查明具奏。候朕施恩。諭軍機大臣等。陶恩培奏總督營盤失利。退回漢口。恐逆蹤回竄武漢。請撥援兵來鄂等語。楊霽於上年十二月十七日。在廣濟發報。但言逆匪分擾黃梅。並無賊擾廣濟之事。何以忽有此敗。實所不解。究係皖賊

上竄抑或另有股匪突起楊需所帶兵勇為數不少何至遽爾失利即或小有挫失亦不應一退再退徑回漢口詳細情形著該督速行馳奏陶恩培所稱恐逆賊水陸上竄雖未必即有此事惟大兵全力專注九江該逆知楚省空虛北軍輒弱乘間回撲亦不可不防此時豫皖兩省均無兵可撥惟有曾國藩塔齊布之兵可以就近赴援著該侍郎提督迅即確探賊蹤如果實有此事即飛速分撥官

兵如胡林翼王國才所帶兵勇無論何人皆可令其折回迎剿既以保障鄂省且免九江官軍腹背受敵之患陶恩培既經抵省雖城中兵餉未充亦當力籌堵禦萬不可稍涉張皇以致人心愈惑楊需斷無竟回武昌之理現在作何行止本日已諭知官文酌撥荊州官兵順流下剿該督務即咨催會合前進以剿為防若武漢稍有疏失恐該督不能當此重咎也將此由六百里加緊各諭令知之○

又諭楊需在廣濟失利兵勇潰散退回漢口鎮已諭令曾國藩塔齊布分兵剿辦矣惟曾國藩等水陸各軍圍攻九江正當喫緊之際分兵少則不足以敷剿辦若分兵過多恐江西賊匪復肆猖獗且該逆或竟由廣濟上竄武漢正須迎頭截擊藉資得力荊州地居上游兵力較厚著官文調派精兵迅速沿江直下與曾國藩等分派兵勇會合兜擊毋稍延緩至官文應否親統官兵前進以壯聲勢如

未便遽離荊州即派委得力將弁統帶進剿著就現在情形妥籌辦理並迅速由驛馳奏將此由六百里加緊諭令知之又諭英桂現駐陳州著即確切偵探楚北情形迅速具奏儘武漢果有賊警所有楚豫毗連各處要隘著該撫妥速布置嚴密防範斷不可稍有疏虞將此由六百里加緊諭令知之又諭和春福濟奏淮北鹽課請仍飭迅速撥解安徽軍營以濟急需等語淮北課銀前經諭令

分解江蘇安徽兩省。接濟軍需。並疊飭怡良等。趕緊抽撥。先儘安徽此次戶部所咨。原係遵照向例辦理。惟現在皖省待餉孔殷。若令停解待撥。必致遷延時日。貽誤要需。著怡良楊以增。仍遵前旨。嚴飭海州分司。趕緊徵收。每次解皖餉二萬兩。再解揚州軍營一萬兩。以符前撥之數。毋庸拘泥戶部原奏。仍將每次撥解銀數。隨時咨報戶部。以憑查覈。將此由六百里加緊各諭令知之。又諭和春。福

濟奏請將進駐霍山官兵。改赴舒城等語。前此袁甲三派撥已革道員何桂珍。進駐英山。參將劉玉豹等。由六安進駐霍山。原為曾國藩等官軍接應。現在九江未能即復。楚師東下之期。尚難豫計。舒城逆匪。又有欲竄六安之說。和春等所籌。係為嚴扼北竄要著。即著照所議。派撥侯楚師將入皖境。應如何酌撥布置。再行妥籌具奏。該提督等。擁兵廬州。經年累月。動以無兵可撥為詞。以致各路皆為

牽掣。秦定三專辦舒城。亦逾半載。孤城未克。轉待添兵。似此遷延。何時蒞事。著和春等。迅督兵勇。剋期攻復廬城。不准再延時日。劉玉豹等所帶兵勇。既經改赴舒城。即歸秦定三督帶。儻該逆再有北竄。朕惟秦定三是問。何桂珍仍劄英山。能否進取太湖河南兵勇。是否已抵六安。均著相機調度。毋任株守一隅。徒延時日。將此由六百里加緊各諭令知之。又諭廣福。秦躡復銅鉛各礦。設局鼓鑄。以

濟經費。並進呈樣錢一摺。烏嚕木齊地方。向未開鑪鼓鑄。現經廣福督飭鎮迪道和祥等。於羅布淖爾三箇山等處。地方躡獲銅鉛兩礦。並以鼓鑄工本無款。可籌。擬請照熱河章程。暫開捐例。各等情。所籌尚屬周妥。著廣福即督同該道州委員等。照議實心經理。所有捐貲各生。准其隨時請獎。經理局務各員。如果始終奮勉。併准其酌量保奏。一切詳細章程。仍著妥議具奏。其局名著定為寶迪錢面。

清文即用寶迪字樣將此諭令知之。兼署四川總督成都將軍樂斌奏遵將革弁曾芝荃謝洪恩枷號發遣。詎謝洪恩來夜潛逃。現飭嚴拏務獲究辦得旨。該弁雖微末亦不應如是疏忽。顯有故縱情弊。著一面嚴審看守兵丁。一面趕緊嚴拏。烏魯木齊提督葉布沖額奏請借庫存銀兩接濟各營兵食從之。以擊退安徽霍山賊匪出力。予參將和寬等升擢有差。以勦辦安徽霍邱捻匪出力。予知府陸希湜等升敘有差。予安徽陣亡把總唐正魁外委關玉林祭葬世職。蠲緩湖南長沙善化清泉甯鄉湘陰巴陵臨湘華容武陵龍陽十縣暨岳州衛被擾被水災區新舊額賦屯餉有差。丁丑諭內閣楊霽奏叅知縣不赴署任藉詞規避一摺。並片奏。藩司駁疾未痊迹涉驕矜等語。湖北穀城縣知縣陳大煥經楊霽委令署理黃陂縣事數月未報到任。藩司夏廷樾以該員尚有經手捐

輸款項為詞另行改委。該員即有捐款未收儘可移交後任無庸守候清算實屬藉詞規避。陳大煥著即革職。夏廷樾於此等劣員不加申飭催令赴任轉行改委其為徇庇同鄉情弊顯然。且據該督奏稱該藩司辦事紕繆受人朦混。夏廷樾著交部議處。即著來京聽候部議。諭軍機大臣等前據葉紹春奏足疾未痊懇請開缺業經降旨允准。並令王懿德派員署理浙江提督。茲據何桂清奏稱三鎮水師總兵均係護理人員。浙洋巡緝事宜不可無人統率。現仍咨葉紹春妥為調度等語。葉紹春既經患病。雖據該撫咨令力疾從公。恐精神未能周到。現在浙江提督署任尚未有人。所有水師營務即著何桂清暫行管轄。督飭各該鎮認真巡緝毋稍疏懈。將此諭令知之。浙江巡撫何桂清奏地方應辦事宜暨各路防堵情形得旨。汝於地方一切事務實屬留心隨時認真籌畫言行相符以副

委任○以湖北按察使胡林翼為布政使調四川按察使文俊為湖北按察使以四川成綿龍茂道馬秀儒為按察使築浙江山陰會稽二縣塘隄從巡撫何桂清請也戊寅宣宗成皇帝忌辰遣官祭

慕陵○

上詣

奉先殿

壽皇殿行禮○諭內閣文彩李蕊奏北新倉米

數虧短請交部嚴訊並給事中啟文奏存倉米石有虧短情弊請旨究辦各一摺北新倉應存梗秬秠米虧短至數千石之多該吏役等偷漏侵漁藐法已極必應徹底根究以懲積蠹書吏田子春花戶孔泰張清仁均著交刑部嚴行審辦撤任監督廣勤尚政濟專司收放亦難保無扶同隱飾情弊均著先行交部議處仍聽候刑部傳質尋奏審明孔泰等應照監守盜倉庫錢糧入己擬斬監候田子

春等應照蠹役詐贓十兩以上擬發近邊充軍廣勤尚政濟查無扶同隱飾情弊應令回任聽候部議允之○又諭賈楨全慶奏遵旨嚴議局員參款切實具奏一摺此案寶源局監督桂榮王溥既據賈楨等查明辦公並無含混亦無任聽派頭剋扣匠役工銀等弊杜翰覆奏各情亦無迴護均著無庸置議國瑞到任未久於局務尚未周知輒將該監督嚴參又令鑪頭捐鑄錢文並非該鑪頭等自願率行入奏均屬不合國瑞著交部議處○又諭葉名琛相貴奏官紳兵勇攻克縣城一摺廣東鶴山縣城上年被匪攻陷畧典史馮家學與巡檢羅瀛等會合各堡紳士督率壯勇分路進攻斃賊七百餘名殺斃偽元帥宋亞宗等二名餘匪逃入墟內復被我軍四面合剿乘夜圍燒該匪四散奔逃統計燒斃擊斃賊匪四千餘名擊斃偽副元帥溫亞得一名雖時附城各堡義勇先後到齊合圍攻擊城

內紳士亦同時夾攻殺斃賊匪二千餘名即將縣城收復此次官紳兵勇克復城池均尚奮勇出力著葉名琛等查明分別請獎以示鼓勵諭軍機大臣等前據僧格林沁等奏焚毀西連鎮賊巢逆勢益形窮蹙朕即日盼捷音乃旬餘以來未據該大臣等奏報實深懸繫茲據巡防王大臣等所呈探報本月初二日我兵攻破電戶陳莊賊匪僅踞連鎮河東一處初三日復將賊築木城燒毀逆黨尚

有二十餘人我軍大礮已運進套隄並陸續投出之賊亦復不少辦理似屬得手乃初九日攻勦連鎮兵勇陣亡二十餘名受傷者四十餘人是該逆灰燼之餘尚思抵死抗拒探報情形是否屬實究竟此時如何籌畫攻勦大約何時始能蒞事該大臣有無確實把握著僧格林沁迅速詳細具奏以慰廑念將此由五百里諭知僧格林沁並諭西凌阿知之○又諭吉爾杭阿奏殲斃逆首克復上海縣

城一掃覽奏欣慰逆匪占踞上海經吉爾杭阿督率兵勇克復縣城首逆業已就戮全股盡數殄除在事員弁兵勇洵屬奮勇可嘉著該撫迅速查明保奏其善後事宜亟應妥為辦理著名惡逆陳阿林潘小鏡子雖經獲犯供稱殲斃是否確有實據仍應嚴密訪查毋使漏網該處兵勇有由向榮調派者此時自應仍歸金陵大營以資勦辦吉爾杭阿現在幫辦向榮軍務即著統帶前往其浙江兵勇在上海防勦頗為得力應否一併帶往金陵或令歸伍著向榮與吉爾杭阿悉心籌畫酌量辦理其餘兵勇或撤或留並著該撫妥為安置至佛蘭西提督喇呢喇首先助順喫咭喇領事喇喇亦聽憑官兵築牆剗營情形尚屬恭順上次佛夷並有陣亡受傷之人此時縣城克復應否將該二國夷官酌加獎勵以慰其心著怡良吉爾杭阿妥籌具奏務當斟酌盡善以示懷柔將此由六百里加緊諭

令知之○兩江總督怡良江蘇巡撫吉爾杭阿奏克復上海縣城得旨吉爾杭阿督師上海雖遷延於前尚能奮迅於後鼓勇先登資爾將士之力全股殲除俾勿蔓延實吉爾杭阿之偉績也○命江蘇巡撫吉爾杭阿馳往欽差大臣向榮軍營幫辦軍務○以克復江蘇上海縣城賞巡撫吉爾杭阿頭品頂帶巴圖魯名號拔兵丁賀大勝為守備賞花翎兵丁韋友瑤為千總賞藍翎○以撥兵籌餉不

分畛域予四川總督前任浙江巡撫黃宗漢優敘○予廣東開平縣守城殉難知縣慶樟典史林鏞把總關鎮安祭葬世職慶樟眷屬幕友等旌卹如例○予廣東龍門縣禦賊殉難知縣喬應庚典史楊宣祭葬世職喬應庚眷屬丁婢等旌卹如例○予廣東傷亡守備唐高崑祭葬世職○己卯○

上詣

大高殿

壽皇殿行禮○諭軍機大臣等兵部奏江西巡撫陳啟邁咨遞廣東南雄州知州孫福謙請撥兵餉稟函據情代奏一摺並將該州原稟鈔錄呈覽廣東韶州賊匪前經南康練勇擊退嗣據陳啟邁奏該匪於十月初十日復竄韶州當經諭令該撫仍派練勇會同廣東兵勇聯絡攻剿未據將辦理情形覆奏茲聞孫福謙稟稱賊匪自竄韶州後官兵雖屢次獲勝未能痛剿湖南兵勇復於十一月間接

仗失利情形危急省城消息不通請飭江西派勇援救並籌解餉銀藉資支放等情江西九江郡城圍攻未下兵力餉需恐難兼顧惟廣東現在道路梗阻韶州南雄等處待援孔亟能否於南康酌撥練勇並酌濟軍餉之處著陳啟邁妥籌辦理至崑崙駐兵韶州與廣東省城如果消息不通恐致貽誤著葉名琛等設法繞道接濟兵餉並將現在情形詳細具奏將此由五百里各諭令知之

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百五十六

實錄卷一百五十六

三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百五十七

嚴修武備。巡邏。稽察。法。官。李。太。保。等。奏。請。將。各。處。關。卡。添。設。兵。丁。以。資。稽。察。等。因。奉。上。諭。著。照。所。請。欽。此。
大學士。管理。部。三。庫。事務。管理。部。事務。加。三。級。紀。錄。十。次。臣。等。奏。請。將。各。處。關。卡。添。設。兵。丁。以。資。稽。察。等。因。奉。上。諭。著。照。所。請。欽。此。
大學士。管理。部。三。庫。事務。管理。部。事務。加。三。級。紀。錄。十。次。臣。等。奏。請。將。各。處。關。卡。添。設。兵。丁。以。資。稽。察。等。因。奉。上。諭。著。照。所。請。欽。此。
大學士。管理。部。三。庫。事務。管理。部。事務。加。三。級。紀。錄。十。次。臣。等。奏。請。將。各。處。關。卡。添。設。兵。丁。以。資。稽。察。等。因。奉。上。諭。著。照。所。請。欽。此。
大學士。管理。部。三。庫。事務。管理。部。事務。加。三。級。紀。錄。十。次。臣。等。奏。請。將。各。處。關。卡。添。設。兵。丁。以。資。稽。察。等。因。奉。上。諭。著。照。所。請。欽。此。

風

咸豐五年乙卯正月辛巳諭內閣前據奕山

等奏酌裁伊犁總兵並請另委兼任一摺當
交軍機大臣會同該部議奏茲據恭親王奕
訢等奏稱該鎮管轄營務訓練操防均關緊
要若驟行裁撤即令該處領隊大臣兼管綠
營事務深恐勢難兼顧等語伊犁鎮總兵著
仍循舊制無庸裁撤○又諭楊需奏賊由黃
梅回竄漢鎮現由德安相機進剿一摺楊需
督兵廣濟為楚軍後路致令逆賊回竄失利
節節退守實屬調度乖方楊需著即革職並

拔去花翎。暫留本任。仍著收集兵勇。相機進剿。以贖前愆。並著官文。曾國藩。塔齊布。迅速撥兵援應。毋令蔓延。○諭軍機大臣等。前因陶恩培奏。楊需自廣濟行營失利。退回漢口。當諭令曾國藩。塔齊布。於胡林翼。王國才。所帶兵勇中。酌量折回迎剿。茲據楊需奏。稱賊由黃梅。武穴。竄至漢鎮。該督現駐德安。嚴防北竄等語。更堪詫異。自十二月二十九日起。至本月初七日。計期不過一句。何以一退再

退。全軍挫敗。該督復退至德安。以趕調兵勇為詞。殊屬不成事體。曾國藩等。督師九江。楊需為其後路應援。現在九江尚未攻克。漢口又遭竄擾。督剿失利。在該督罪無可辭。而東下之師。腹背受敵。思之實堪痛恨。所有陝甘官兵。及宜昌鎮兵二千餘名。現已調赴德安。沔陽等處練勇。亦經調往。楊需斷無株守德安之理。著一面遏其北竄。一面相機進剿。其首先潰敗兵勇。並著從嚴懲辦。仍須於收集

之後認真防範。毋生他變。武昌省城著責成陶恩培。竭力保護。毋稍疏虞。惟湖北兵力既不足恃。賊勢又甚猖獗。亟須得力將弁。前赴援剿。著曾國藩與塔齊布。悉心商辦。或該提督親自督兵往援。或派羅澤南。胡林翼。李孟羣等。酌帶兵勇。星馳剿辦。總期掃除賊氛。使水陸各軍。均無後顧之慮。方為妥善。諒曾國藩等必能統籌全局。妥為辦理。至前命官文派兵會剿。本日又諭令迅速撥往。著楊需飛

催前進。以資協剿。將此由六百里加緊各諭令知之。○又諭。現在武漢情形。萬分喫緊。雖經續諭曾國藩等。迅即派兵前往截擊。仍恐兵力未厚。不敷剿辦。著官文將所派精兵。催令星速啟程。剋日馳往。會同楊需官兵合力防剿。無稍遲誤。至該將軍。應否親統官兵前進。著仍遵前旨。就現在情形。妥籌辦理。並著將官兵啟程日期。先行馳奏。將此由六百里加緊諭令知之。○又諭。湖北與豫境毗連。該

逆現踞漢口。難保不豕突狼奔。肆行竄擾。英桂駐劄陳州。相距較遠。前據奏。邱聯恩帶兵控制光商一帶。所有楚豫交界各要隘。即著責成該總兵。嚴密布置。確探賊蹤所在。相機堵剿。不得稍有疏虞。將此由六百里加緊諭令知之。○又諭。向榮奏。金陵穴城。轟勦並黃池。續獲大勝一摺。此次開挖地道。轟毀牆垣。我兵大隊。既未能擁入。自應迅速力攻。牽綴賊眾。使之應接不暇。方可再圖進取。而黃池地處蕪湖江口之內。關繫甯國廣德咽喉。該逆因楚師東下。圖擾江浙。自必力爭黃池。以肆其猖獗。雖鄧紹良一軍。續經獲勝。賊眾尚有欲分三路。再來內犯之語。該大臣所稱委千總楊萬青等帶勇馳往。歸併楊瑞乾管帶助剿。並咨吉爾杭阿。抽撥得勝兵勇往堵東壩高淳一路。均著照擬辦理。吉爾杭阿攻克上海之後。朕即諭令該撫。將向榮前此撥往各兵勇。仍歸金陵。或併帶江浙出力之兵勇。

前往勦辦。原慮金陵大營。兵無可撥。而各路防剿。皆應妥籌周密。著吉爾杭阿。飛速統帶兵勇。馳赴金陵。以資攻剿。並著該大臣等。知會何桂清。即將上海凱撤浙兵。移調徽甯一帶。分布要隘。所騰兵勇。仍著該大臣等。妥商調遣。水師各船。自十二月初八日。經吳全美。李德麟等督帶上剿。後日久未能揚帆斬鍊。若似此遷延。江面逆蹤。往來自由。勦辦何時始能得手。現在東風司令。兵船易於上駛。著即嚴飭該鎮將。激勵士氣。迅督戰船。分幫銜尾。一律進發。務將攔江賊鍊。即日埽除。若再遷延。著即從重叅辦。以為貽誤者戒。至鎮江一城。余萬清督兵已久。尚無克復消息。該大臣所奏連日皆有斬擒。不過小勝。豈能藉慰朕懷。著向榮一面嚴催余萬清趕緊攻剿。毋但以籌畫布置等詞。敷衍入告。一面妥探黃池等處賊情。及鄧紹良等。如何堵剿。迅速覆奏。將此由六百里加緊各諭令知之。○又諭。

袁甲三奏統籌全局宜先克廬州一摺詳覽所奏大意以廬州居江北腹地之中一日不克三城重兵為所牽掣江北防兵不能遽撤曾國藩等帶兵自南而北不如塔齊布統兵數千由六安一帶繞出廬舒以北先攻廬州以次收復舒桐順安慶袁甲三所籌各情自係為全局起見但於現在情形究未深悉此時九江尚未克復曾國藩塔齊布水陸兩軍互相援應攻勦正在喫緊而安徽上竄之賊又踞漢口揚需退守德安曾國藩等亟須分兵救援豈能繞出廬州以北此論不過徒慮將來於現在軍情難裨實用至克復廬州原為皖省軍務第一要著和春等統領眾兵累月經年尚未得手若再遷延師老力疲勦辦更難得力該提督等坐擁重兵豈能屢邀寬宥袁甲三既知北竄之路處處可通即當嚴密布置總期於事確有把握方為不負委任若止知徒託空言為他人慮而於親辦之

事一味鋪張毫無實濟豈能以此為卸責地步耶其廬舒等處仍著和春福濟督飭各路官兵迅速攻勦毋得再事遲延致干重罪將此由六百里加緊各諭令知之○都察院左副都御史袁甲三奏請將亳州知州郭世亨等開缺以知府用留蒙毫勦辦捻匪得旨著再與和春福濟妥商朕以為郭世亨既在宿得力何必多一番周折調署牧令亦非汝應干預○調山東兗州鎮總兵官常榮為伊犁

鎮總兵官以廣西平樂協副將富新為山東兗州鎮總兵官○賞三等侍衛海樸二等侍衛為巴里坤領隊大臣○以堵勦江南黃池並轟擊金陵逆匪獲勝賞已革提督鄧紹良三品頂帶並賞還花翎○壬午

上詣

壽康宮問

皇貴太妃安○諭軍機大臣等僧格林沁等奏近日連鎮軍營情形一摺逆匪退出竈戶陳

莊西連鎮賊巢已全行蕩平其勢極為窮蹙。惟該逆尚有二千名在東連鎮築砌木城數重為負隅死守之計。我軍沿河築壘並將大礮運進套隄高築礮臺轟擊正可併力進攻。將此股逆匪全數殄除大營兵勇數倍於賊。若因該逆礮火難近不思擣穴擒渠逆匪雖糧絕勢窮而狡悍異常恐致他變該大臣等務即督飭員弁兵勇奮力攻勦斷不可專恃坐困待其自斃仍一面嚴防分竄之路毋令乘間逃逸將此由六百里加緊諭知僧格林沁並諭西凌阿知之。○癸未

上御撫辰殿大幄次賜蒙古王貝勒貝子公額駙台吉及外藩使臣等食。○諭內閣河南學政張之萬奏知縣侵吞捐輸縱丁毆辱文生請飭查辦一摺。地方官辦理捐輸宜如何潔己奉公妥為勸導該員既侵吞捐項勒借銀兩復縱門丁毆辱文生似此藐法營私必應嚴行懲辦以儆官邪。汪曜奎著即革職拏問。

交英桂提同各案人證嚴行審訊按律定擬具奏。○諭軍機大臣等張之萬奏請通查積弊及裁汰雜派差錢各摺片所奏均係切中時弊現在豫省抗糧糾眾之案層見疊出固由官吏侵漁以致奸民有所藉口而一切無名雜費積習相沿弊在書差門丁者亦復不少該學政所奏但係大概情形其應如何逐細清釐自應由地方大吏慎選賢員通盤覈算務使州縣不能多取於民庶閭閻之困可

蘇而正供不致貽誤地方亦臻安謐著英桂按照該學政所陳揀派公正大員將各州縣一切雜費逐款詳查分別裁革妥議章程具奏該學政原奏尚有未備之處亦著一併詳查列入章程毋得稍有含混其尉氏許州等處從前滋事究係因何起釁嗣後如何酌定章程始得官民相安均著詳晰奏聞至差錢一項原不能盡數裁除而如原摺所指鋪堂棹椅下鄉供給等項則皆不肖庸員私立名

臣豈能任其肆意踵行。著該撫即行嚴飭屬員。各就地方情形。一一確查。留所必需。去其太甚。以期官民兩便。並將各屬徵銀買鈔之弊。嚴行查辦。據實奏。嗣後各該州縣。儻再蹈從前積弊。必當從嚴懲治。毋稍瞻徇。另摺奏。參侵吞捐項。毆辱文生之知縣汪曜奎。已有旨革職。拏問。著英桂秉公嚴審。按律定擬。不得因該員曾調首邑。意存迴護。稍有不實。不盡。原摺著鈔給閱看。將此諭令知之。尋奏。

尉氏許州。實因匪徒圖緩錢糧。及增添車價起釁。並非地方官辦理不善。其支應兵差車馬。已嚴飭該州縣。照例發價雇備。不准絲毫濫派。汪曜奎。在孟縣任內。訊無侵吞捐項。在祥符縣。亦無門丁毆衿情事。惟借捐銀兩。不催令各捐生開報職名。悉予議敘。究屬率忽。業經革職。應毋庸議。下部議從之。○甲申。諭軍機大臣等。托明阿等奏逆匪糾黨攻撲儀徵。截擊獲勝一摺。覽連日接仗情形。尚屬出

力。儀徵逆匪。既經全數遁回瓜州。亟應嚴密防堵。近日克復各處城池。往往旋克旋陷。總因兵過之後。守禦無人。處處必須留兵駐守。安得如許兵力。儀徵逆蹤既退。即著嚴飭該地方文武。實力備禦。毋任該逆再有竄擾。余萬清專辦鎮江。不能迅速攻復郡城。又不能奮力進剿。致逆匪屢次糾夥渡江。會合瓜州賊黨。四出竄擾。該革員所司何事。殊為可恨。焦山師船。所以不令上剿者。原為橫截下游。

江面。以斷瓜鎮賊援。覽該大臣等。另片所奏。周士法等。水師雖小有勝仗。並未督帶大船。聯絡進攻。徒用巡哨快船。遇賊追擊。以致兩處逆賊往來。不能阻截。厥咎維均。該大臣。既經嚴飭進剿。儻該鎮等。仍前疏懈。即著據實嚴參。至上海得勝兵勇。前經降旨。令將向榮所撥之兵。撥回金陵。並將浙兵移調徽甯。係為江南軍營兵力較單。各處要隘。不敷分撥。但此項官兵。數幾及萬。即酌撥一二千名。馳

赴江北不致過形短少。著向榮吉爾抗阿照托明阿等所請酌量分撥。江北江南同辦一事。不得稍存畛域。致誤事機。吳全美等所帶師船日久未能斬鍊上駛。屢經降旨嚴催。總以風色不順為詞。實屬遷延膽玩。現在上竄楚北之匪。又復占踞漢口。曾國藩等兵阻九江。連日尚無奏報。若再不從下游迎擊而上。則蕪湖以上沿江賊船。何時始能掃蕩。楚師腹背受敵。而江南師船從容觀望。儻有疏失。

實錄卷一百五十七

十一

咎將誰諉。著向榮等再行加緊嚴催。務令刻日上駛。其浦口師船。仍令擇要堵扼。不准互相推諉。各圖安逸。將此由六百里加緊各諭令知之。○又諭王懿德奏。浙江樂清縣土匪滋事。縣城失守一摺。浙江温州府樂清縣土匪聚眾倡亂。將縣城攻破。搶劫倉庫。縱放獄囚。業經王懿德於福建省標官兵酌調五百名派員統帶前往勦辦。何桂清諒已接到該鎮道稟報。著即酌調浙省官兵速赴樂清會

同勦捕迅圖克復。該縣密通府城尤宜分投保護毋稍疏虞。致令延蔓。樂清縣城內文武各員如何下落。併著該督撫確查具奏。將此由五百里各諭令知之。○以內閣學士廉兆綸為工部右侍郎兼管錢法堂事務。仍留江西學政任。未到任前。仍以左侍郎杜翰兼署。○以服闋侍郎杜翻署吏部左侍郎。○命吏部左侍郎張祥河提督順天學政。○以克復江西武甯縣城賞遊擊常海副將銜千總吳金鼈等藍翎。○以克復江西建昌德安二縣城賞通判程迪昌等藍翎。餘升擢有差。○予江南陣亡都司姜魁元守備李祿梁成環張喜千總范玉秀張福成王大倫杜永林張毓桂馬建海劉富貴邱長福王長泰把總陳永祿劉占鼈王茂桂劉元功劉天保李世濱外委張其彪趙祥鼎長清王來鳳楊汝林馬喜錢學魁祭葬世職。○乙酉。孝穆成皇后忌辰。遣官祭。

慕陵○

上以參贊大臣科爾沁郡王僧格林沁等紅旗捷報生擒逆首林鳳詳詣

壽康宮問

皇貴太妃安賀喜○諭內閣直隸地方辦理兵差民間供億繁多實形拮据朕不忍重勞民力是以兩年以來未經祇謁

山陵而眷念松楸時殷追慕因思展謁大典若久曠不行朕心實有未安茲於三月初三日

由京啟鑾初六日祇謁

西陵禮成後於初九日還宮所有應行事宜著各該衙門照例敬謹豫備○又諭本日據僧格林沁西凌阿奏克復連鎮生擒逆首全股賊匪埽數殲除一摺覽奏欣慰此股逆匪自上年竄踞東西連鎮並占踞附近村莊節經僧格林沁等督率各營將弁痛加勦洗自攻克西連鎮後該逆全數蟻聚東連鎮死守巢穴僧格林沁等令投誠義勇分割西連鎮及

竈戶陳莊並將大礮運進隔河轟擊逆首林

鳳詳難去長髮意欲乘隙潰圍逃竄賊勢萬分窮蹙十九日寅刻西凌阿瑞麟經文岱伊勒東阿珠勒亨達崇阿督帶馬步隊官兵在北面進攻慶祺綿洵穆騰阿巴揚阿在南面攻打瑞昌玉明雙成薩炳阿帶兵在河西扼截將士兵勇無不踴躍用命先將賊巢木城焚毀火光燭天斃賊無數林鳳詳身受重傷影匪卻退我軍攻破木城兵刃相接賊巢內

實錄卷五十五

十五

屋宇牆垣被火燒塌壓斃及投河死者不計其數奔逃餘匪殲殄罄盡奪獲大小礮十餘尊槍刀旗幟五百餘件林鳳詳於地洞內汙泥中潛藏被我軍搜獲並將偽總制偽檢點偽將軍等一併生擒實足以快人心而伸天討科爾沁郡王僧格林沁經朕授為參贊大臣督兵勦賊疊著勲勞此次攻克連鎮生擒首逆調度有方深堪嘉尚著加恩封為博多勒噶台親王伊子乾清門二等侍衛布彥訥

謨祜著在御前行走。察哈爾都統西凌阿。襄贊軍務。克奏厥功。著賞給伊精阿巴圖魯名號。並賞輕車都尉世職。現在畿輔地方。一律肅清。著僧格林沁等。即移得勝之師。前往高唐。督辦軍務。迅速克復州城。盡殲醜類。以副朕望。○又諭載齡奏。發遣新疆官犯。捐請改發內地一摺。已革湖廣總督程孟采。以帶兵大員。毫無布置。以致賊匪連陷城池。革職後。派辦糧臺。又敢藉病告假。情節較重。是以將

該革員發往新疆充當苦差。前經張芾代奏。捐貲助餉。懇恩免其發遣。降旨不准。程孟采著即行起解。所有伊子程福均。呈請捐貲改發內地之處。仍不准行。○諭軍機大臣等。高唐逆匪。數不盈千。勝保統領大軍。勦辦至今。尚無把握。叢爾孤城。不能克復。總由該大臣平日調度無方。以致各營兵勇。不能奮勉。圖功連鎮賊匪。十倍於高唐。僧格林沁。謀勇兼資。竟能悉數殲擒。無一漏網。勝保聞之。能無

自愧。現在大兵。即日馳赴高唐。若必待僧格林沁到後。始圖克復州城。尚復何顏對朕。著勝保督飭各路兵勇。迅即進攻。斷不准再事耽延。儻仍前玩泄。不思奮勉。以贖前愆。朕惟有執法從事。斷難再邀寬宥。將此由六百里加緊諭知勝保。並諭德勒克色楞。崇恩。知之。○又諭。本日已寄諭僧格林沁。命其帶兵馳往高唐。督辦軍務矣。該城餘匪。本屬無多。勝保自任欽差大臣以來。志驕氣惰。將士未能

用命。以致小醜數百。日久稽誅。被叅各款甚多。朕以簡任乏人。一時未即懲辦。疊降諭旨。令其改過自省。仍然不知愧懼。遷延日久。殊堪痛恨。著僧格林沁。於到高唐後。將防勦事務。布置妥協。即傳旨將勝保拏問。派員押解來京。一面訪查勝保劣蹟。並貽誤事機。各情節。詳細奏聞。如革職不足蔽辜。應從重治罪之處。即著迅速密奏。勝保所帶將弁。何人出力。兵勇。何營可用。詳加訪問。必能知其大略。

該大臣仍當隨時妥為駕馭。其有素不安分。擾害地方者。即著從嚴懲辦。以肅軍令。將此由六百里加緊密諭知之。○又諭陶恩培奏。賊擾漢鎮漢陽。並省城防禦情形一摺。前據楊需奏。賊匪竄回漢口。該督退駐德安。當經諭催官文。由荊州派兵與楊需調集之兵勇合力殲剿。並諭楊需相機前進。陶恩培保護省垣。曾國藩等撥兵援應。茲閱該撫所奏。李孟羣自下游帶領礮船四十隻。曾國藩亦派礮船八十餘隻。均經接續趕到。武昌當可無虞。惟該逆於漢陽濱江築壘。意圖抗拒。非水陸各路糾集兵力。迅速掃除。誠恐復成蔓延之勢。楊需既已挫師於前。若再株守德安。任令賊氛猖獗。更復何顏對朕。此時亟應重整兵威。與官文。曾國藩等。派往各兵勇協同兜剿。以贖前愆。陶恩培雖以堅守省城為要務。亦不能將宜昌陝甘各兵。徒為保衛武昌之計。置漢口漢陽於不顧。礮船雖到。而陸路尚

須精兵協剿。曾國藩塔齊布圍攻九江。若楚北賊黨未除。後顧甚有可慮。著再於陸軍內酌派赴援。惟此股賊匪。據陶恩培奏。俱係江南老賊。而英桂前奏。則云曾國藩等水軍於上年歲底。在九江兩次失利。戰船兵勇損傷甚多。以致該逆回竄黃梅廣濟等處。由蕪黃直達漢江。究係何路賊匪。九江近日接仗如何。朕心實深懸繫。著曾國藩等飛速奏聞。以慰殷念。楚北賊蹤復然。於曾國藩等剿賊機宜大有關繫。此時惟有會合各兵迎賊攻剿。使曾國藩塔齊布各軍無腹背受敵之患。方為妥善。四川陝西餉銀。本日已諭令該督撫趕緊籌解。到楚後著楊需陶恩培分濟軍食。不得全數留於武昌。致各軍有匱缺之慮。荊州援兵並著楊需等飛催前往。將此由六百里加緊各諭令知之。○又諭陶恩培奏。賊蹤回竄。請飭催兵餉一摺。前因楊需赴皖進剿。需餉甚殷。當諭令四川籌撥銀十萬兩。陝西

籌撥銀五萬兩。迅即解赴軍營。現在賊匪復行竄擾漢口。楊霈退守德安。陶恩培保護省城。集兵進剿。所需餉銀益形緊急。著樂斌載齡仍遵前旨。將指撥銀兩照數迅速備齊。即日派委妥員解赴武昌省城。並將起解日期先行具奏。毋稍遲誤。將此由六百里加緊各諭令知之。○以防剿江西南安贛州逆匪出力予知州楊豫成等升敘有差。○丙戌諭內閣。曾國藩塔齊布奏水陸疊次獲勝情形一

實錄卷一百五十七

平

摺。曾國藩等水陸各軍自抵九江。屢經獲勝。該城逆匪猶敢負隅死守。復於湖口設立水卡。與陸賊互相抵拒。著曾國藩等嚴督諸軍奮力攻剿。務即盡殲醜類。克復城池。○又諭。何桂清奏匪徒滋事。縣城失守。旋即收復一摺。浙江樂清縣虹橋地方匪徒瞿鎮海瞿鎮山糾黨二千餘人。闖入縣城滋事。當經該撫派撥兵勇分路會剿。隨將縣城克復。擒斬要犯瞿鎮海等四名。餘匪殲斃無數。地方已就

實錄卷一百五十七

平

安靖。此次匪徒滋擾樂清縣城。何桂清派兵剿辦。旋即克復。所有該撫自請議處之處。著加恩寬免。在事出力官紳。准其酌保溫處道俞樹風於所屬匪黨滋事。並不即時親往剿辦。毫無布置。著該撫查明據實嚴叅。署知縣康正基及同城員弁下落。均著確查具奏。○諭軍機大臣等。僧格林沁等奏連鎮軍務告藏。選帶馬步兵勇移營高唐。會剿一摺。覽奏與朕意適合。高唐賊匪數不盈千。該大臣現已選帶精銳兵勇八千餘名。諒已足敷剿辦。現定於二十一日移營高唐。辦理更為迅速。可見該大臣實心任事。籌畫周詳。必能乘此銳氣。克復高唐。盡殲醜類。至官兵分起遣撤。均派統兵大員管帶。自係為彈壓兵丁起見。但該大臣前往高唐。軍營中如需大員管帶兵勇。仍可酌量奏調。以資差遣。總兵薩炳阿現帶兵前赴揚州。著即飭該員迅速前往聽候。托明阿調遣。將此由六百里加緊諭知。僧

格林沁並諭西凌阿知之○又諭曾國藩等奏水陸剿賊情形並內河水師三獲勝仗各一摺此次我軍進剿梅家洲賊卡未能攻入小池口復先勝後挫是陸路尚未得手而水師銳氣過盛由湖口駛至姑塘以上長龍三板各船與外江師船隔絕雖四十里之內賊踪肅清但江艦板重小船不能相輔以致逆氛頓熾兩次被賊襲營辦理未為得手曾國藩自出岳州以後均能與塔齊布等協力同

心埽除羣醜此時偶有小挫尚與大局無損曾國藩自請嚴議之處著加恩寬免惟此時百餘輕捷之船二千精健之卒均在鄱湖內河中阻賊卡雖胡林翼羅澤南二軍業經調回九江亟應趕添民划以便運掉輕靈即蕭捷三等撥剿都昌之船亦須設法衝出俾內外會勦力破湖口一關攻勦方有把握陳啟邁前次派往協勦之佈克慎恩齡等兵勇本為接應楚軍即憚光宸吳錫光等亦應內防

腹地外籌協勦豈能坐聽蕭捷三等懸軍深入不為援應之理著陳啟邁嚴飭該帶兵官會合攻擊毋令稍有疏失曾國藩塔齊布並須步步為營層層相顧不得任令兵勇輕率債事不但外江與內河聲勢必須聯絡即陸軍與水營亦須互相依輔免生他變方為妥善前據陶恩培奏賊擾漢口漢陽曾國藩已派李孟羣等帶領礮船前往救援未知近日楚北情形究竟如何並著隨時奏聞以慰懸

繫將此由六百里加緊各諭令知之○命睿親王仁壽恭親王奕訢總理行營事○以直隸連鎮軍營出力賞三品台吉琅布林沁二品頂帶花翎護衛額爾德呢綽克托二品頂帶四品頂帶圖布德五品頂帶莫爾根特本花翎六品頂帶雅哈賴藍翎免已革漕運總督李湘荼遣戍賞六品頂帶○予江西陣亡都司史久立把總劉盛槐李子成典史潘兆奎祭葬世職文生葛榮冊軍功沈光霽賞卹

有差○丁亥

孝聖憲皇后忌辰遣官祭

泰東陵○

上詣

壽康宮問

皇貴太妃安○諭軍機大臣等勝保奏擬將投

誠賊眾假扮連鎮逆匪誘賊出城一鼓可以

殲滅等語僧格林沁於二十一日啟程約計

日內即可馳抵高唐連鎮蕩平之信賊中當

實錄卷五十七

吉

已聞知所有令投誠義勇誘賊出城之計據

勝保奏已與僧格林沁嚴密面商但此時情

形較異是否可行諒僧格林沁已有定見即

著妥籌辦理兵不厭詐原不妨用間出奇惟

仍須斟酌盡善確有把握方為計出萬全也

原片著鈔給閱看將此由六百里加緊諭令

知之○予山東高唐州陣亡衛守備定魁祭

葬世職○戊子諭內閣激揚大典允宜覈實

內外滿漢諸臣竭盡心力認真辦事者固不

乏人尸祿保位平庸躁妄者正復不少朕非
故為優容實望其或知悔改大廷風氣疲玩
實深茲屆三載考績故特宣朕意以示百僚
吏部開單題請朕依次詳酌工部尚書彭蘊
章吏部右侍郎穆蔭工部左侍郎杜翰夙夜
在公辛勤倍著均著交部議敘禮部右侍郎
李道生人甚平庸都察院左副都御史富興
阿年力漸衰性非安靜均著原品休致餘著
照常供職○又諭本年輪應查閱直隸山西

實錄卷五十八

陝西甘肅四川五省營伍之期直隸著即派
桂良山西著即派王慶雲陝西著即派載齡
甘肅著即派易棠四川著即派黃宗漢逐一
查閱認真簡校如查有訓練不精軍實不齊
即將廢弛之將弁據實劾參毋得視為具文
○又諭戶部奏遵議袁甲三奏兵餉減數太
多請仍照原奏分別裁減一摺該營兵丁現
當攻剿喫緊之際若按舊章籌給口食兵力
未免拮据著照袁甲三所請本省兵每月支

鹽菜米折銀二兩四錢九分。外省兵。每月支鹽菜米折銀二兩七錢九分。以示體恤。○諭軍機大臣等。崇恩奏。土匪拒捕戕官。現派文武大員帶兵往捕一摺。山東金鄉縣匪徒陶三相等在境內藏匿擾害。經代理濟甯直隸州候補知縣陳應元。於金鄉縣途次。就近帶領役勇前往查拏。被該匪等拒捕戕害。該撫已飭令道員達鏞並參將郝上庠等各帶兵勇迅往勦辦。諒不難剋期蕆事。現在高唐攻

實錄卷五十五

三六

賊正當喫緊之際。崇恩自當先其所急。如達鏞等帶兵足敷勦匪。即毋庸親自前往。仍嚴飭帶兵員弁並鄰近州縣一體兜拏。迅將首夥各匪悉數殲除。毋使漏網。署金鄉縣知縣許際清現在如何下落。並此案有無起釁別故。著該撫一併查明具奏。將此由四百里諭令知之。○兵部遵議陝西提督桂明因在清水鎮行營被賊燒失餉銀。仍造冊報銷。議以降二級調用。得旨。著加恩改為降四級留任。

拔去花翎。○以署吏部左侍郎杜翻為禮部右侍郎。仍兼署吏部左侍郎。○己丑。諭軍機大臣等。勝保奏軍餉積欠。亟需補給。請飭直隸等省籌解銀兩等語。現在高唐軍務不日即可蕆事。惟勝保所帶吉林黑龍江馬隊官兵直隸陝甘等省步隊官兵及各項練勇等應領口糧已積欠至數月之多。自應速籌補給。以資軍餉。著桂良崇恩王慶雲英桂易崇載齡於各該省無論何款項下各籌銀數萬

兩派委委員剋日解赴高唐軍營。該督撫等務即速行籌解。無誤要需。將此由四百里各諭令知之。○又諭吳振棧。蔣霽遠奏。勦辦黔西賊匪。州城解圍。並蔣霽遠奏。遵查被衆情節。各一摺。此次王成璐白人鵬等沿途進勦。疊獲全勝。黔西南北兩路股匪勢已窮蹙。近城一帶已無賊蹤。勦辦尚屬得手。惟首逆楊鳳王三扎巴等尚未就擒。大定平遠交界處所猶有餘匪嘯聚。亟應乘勝殲除。河北大小

二關雖已奪回而鴨池沿河各隘固當防其竄擾亦須痛加勦洗以靖邊隅蔣霸遠所奏桐梓匪徒起釁及賊偏郡城並趙萬春等回守烏江各情尚無畏葸不前等事趙萬春前已降旨革職現在會同王成璐等統領滇黔各兵隨後進勦力解黔西之圍著蔣霸遠萬福嚴飭該革員務將首夥各要犯悉數擒獲毋使渠魁漏網餘匪脫逃致釀後患若再不知奮勉自效即著蔣霸遠等從嚴叅辦黔境

實錄卷一百五十七

庚

現已漸就肅清蔣霸遠自請治罪之處並著加恩寬免該撫務當督率帶兵文武剋期肅事以贖前愆將此由六百里諭令知之○以勦殺黔西賊匪出力賞參將申有謀巴圖魯名號道員王成璐副將特克慎參將慶連守備劉攀桂花翎○庚寅諭內閣勝保勦辦高唐逆匪日久無功前經拔去花翎並降旨革職責令督率將弁迅圖克復原冀其感奮立功以贖前愆乃數月以來仍復遷延觀望以

致數百餘匪日久稽誅糜餉勞師厥罪甚重前經密諭僧格林沁傳旨將勝保拏問著即解交刑部按律治罪現在僧格林沁已馳抵高唐著督飭各路兵勇剋日進攻迅將此股餘匪悉數殲擒毋留遺孽德勒克色楞在勝保軍營幫辦軍務未能迅速肅功亦難辭咎姑念總統全軍責在勝保從寬暫免置議仍著隨同僧格林沁幫辦軍務以觀後效儻再不知奮勉惟有執法懲治決不寬貸所有高

唐軍營領兵大員自德勒克色楞以下均歸僧格林沁節制該大臣其申明紀律速奏膚功以慰朕望○又諭現在連鎮軍務告嚴所有凱撤歸伍官兵經過地方著統兵大員飭令帶兵員弁嚴加約束毋得稍有滋擾並著直隸總督順天府府尹派委妥員沿途查察儻有辦理不善應付遲延以致官兵過境藉口滋擾者即將該地方官從嚴叅辦○又諭駱秉章奏官軍勦賊獲勝並土匪滋擾均經

擊退一摺。湖南南路界連兩廣。賊黨竄擾土匪復乘機勾結。攻撲常甯等處城垣。經各路兵勇隨時擊斬。疊次獲勝。著駱秉章督飭帶兵員弁。迅將甯遠嘉禾兩縣土匪。掃數殲除。毋留餘孽。○諭軍機大臣等。僧格林沁奏遵旨密查勝保劣蹟。並現籌攻勦情形一摺。高唐賊匪負隅固守。總因將驕兵惰。紀律不嚴。以致數百小醜。日久稽誅。現在該大臣統領得勝官兵。接辦軍務。逆匪必已聞風膽落。正

可乘此聲威。一鼓殲擒。至申明約束。整飭戎行。尤為行軍要務。儻各營將弁。有不遵調度者。即著從嚴懲辦。毋稍姑容。德勒克色楞額與勝保共辦一事。日久無功。亦屬咎有應得。現既寬其既往。仍命幫辦軍務。尤當知感。知懼力贖前愆。儻再不知奮勉。即著嚴參治罪。該大臣務即激勵將士。力破賊巢。盡殲醜類。並嚴杜紛竄之路。無令逃逸。迅奏膚功。以慰廑念。勝保別項劣蹟。仍著查明奏。將此由六

百里加緊諭知僧格林沁。並諭德勒克色楞額。西凌阿崇思知之。○引見京察三品以下京堂各官。得旨。太僕寺卿八十二。身弱有疾。內閣侍讀學士德英。年力就衰。均著原品休致。餘俱照舊供職。○湖南巡撫駱秉章奏。永順奸匪嘯聚。攻撲府城。經官兵擊退。首逆自盡。現籌撥勦。得旨。勦辦情形。續行奏聞。○朝鮮國王李昇。遣使奉表謝恩。並賀萬壽。冬至。元旦。三大節。進貢方物。賞賚筵宴如

例。○以肅親王華豐為正藍旗漢軍都統。○命頭等侍衛都興阿。在乾清門行走。○以幫辦直隸連鎮軍營出力。賞侍郎瑞麟。總兵官慶祺。色圖。魯名。號。副都統綿洵。黃馬褂。均加都統銜。扎賚特貝勒。拉木棍布扎布。郡王銜。三眼花翎。公。棍楚克淋沁。雙眼花翎。在乾清門行走。○以攻克連鎮。生擒首逆。予宗人府理事官增慶。以副都統升用。副將史榮椿。以總兵官升用。賞總管珠爾格訥。格。額。額。協領

奎星保奇凌阿營總富泰烏蘭都副都統銜員外郎瑞禧恩承李祐道員海璣總管德楞額協領集爾哈布花翎餘升擢有差○以勦辦湖南藍山臨武宜章邊界賊匪並擊退甯遠嘉禾土匪出力予遊擊李輔朝等升擢有差陣亡外委劉康道把總唐崇先李德試鄭占元趙世達祭葬世職文生滕高閣謝廷玉賞卹如例○辛卯諭內閣羅惇衍奏近畿百姓疲於供億請飭直隸總督順天府府尹察

看情形將謁

陵大典暫緩舉行一摺前經降旨於三月初三日由京啟鑾恭謁

西陵誠以兩載以來未經展謁朕心依慕實深用特擇日舉行稍申誠悃至畿輔地方兵差絡繹民力未紓無日不在朕廬念之中上年被災被擾地方蠲緩錢糧恩施疊沛若藉口民力而致謁

陵大典久曠不舉非獨朕心不安於政體亦有

未協羅惇衍所奏著毋庸議○又諭刑部奏黑龍江辦理在配逃犯楊六一案與例不符等語此等免死發遣盜犯多係新疆改發情節較重又復在配脫逃實屬怙惡不悛嗣後遇有發遣吉林黑龍江免死盜犯在配脫逃一經拏獲著該將軍等於審明後即行正法毋庸候部覈覆以儆兇頑○諭軍機大臣等賈楨譚廷襄奏凱撤官兵應由何路行走請旨遵辦一摺連鎮凱撤官兵現皆由南運河

行抵通州除察哈爾官兵由通州取道昌平必須路過京城外其東三省密雲並哲里木昭烏達熱河各官兵若令一併來京轉多紆折著照賈楨等所請東三省官兵即由通州等處出山海關密雲官兵即由通州順義至密雲縣哲里木昭烏達各盟官兵並熱河官兵即由通州順義出古北口即著咨會伊勒東阿等就近分路撤遣毋庸到京其路過京城之察哈爾官兵著賈楨等照例辦理將此

諭令知之。○又諭曾國藩塔齊布先後奏報陸軍渡江勦賊並迎勦九江城中撲營逆匪及籌辦情形各摺覽奏殊深懸繫所稱辦理錯誤之處如水師衝入內河以致聲勢隔絕誠不免銳進貪功至武漢收復後未留後路聲援一節則其勢本有不及水陸兩軍全數進剿猶恐兵力單弱若彼時即分防武漢兵數愈少刻下更不知如何棘手以現在情形而論上竄漢口之賊現有楊需督兵江北李

孟羣等師船亦已駛抵武昌統計楊需收集及續調之漢川官兵沔陽等處練勇不下六七千名李孟羣戰船可用者亦尚有四五十號胡林翼等回援之兵復有三千餘名儘可相機夾擊曾國藩等既定直搗金陵之計即著迅速設法攻克九江合軍東下毋得再存顧慮該侍郎等營中糧餉軍資上賴湖南下賴江西接濟此時若輕舍九江回顧武漢不但江西之賊全行竄出即漢口之賊亦必愈

偏愈上兩路餉道皆梗孤軍尤屬可虞自以力攻九江為扼要之策蕭捷三等衝入內河之船雖屢經獲勝而輕舟散泊不能成軍殊非深算亟應設法接應出湖以為陸軍犄角外江大船現已全令上駛添船添勇自係緊要機宜但製造尚須時日而陸軍銳氣正盛覽所奏塔齊布獨當賊隊情形亦屬過於冒險曾國藩既擬視至吳城即著一面與陳啟邁商酌製船事宜一面諄屬塔齊布加意慎

重總須內河師船駛回與城外陸軍會合進攻方有把握曾國藩抵吳城後能將前項船隻即行帶出固為應手若一時未能全數出湖亦須察看軍情仍回大營免致與塔齊布內外睽隔居隆阿譚光宸恩齡等現攻九江趙如勝吳錫光等現攻都昌亦係內外分辦總宜速籌會合攻破湖口賊卡以通援應之路本日陳啟邁奏省城現造長龍三板而水營所需乃在大船著該撫即行趕緊添造毋

得遲誤。李孟、彭玉麟等武昌水營需用糧餉鉛藥及修整船隻經費著楊霈迅籌接濟。並知會駱秉章一體籌款撥解。不得推諉。楊霈自抵德安後未據續有奏報。現由何路進勦漢鎮。續調兵勇已到若干。荊州官兵是否即能下擊。均著迅速奏聞。該督節節退守。已屬咎無可辭。若再株守德安致逆賊負隅久踞。試問能當此重咎否耶。將此由六百里加緊各諭令知之。○壬辰諭軍機大臣等官文

奏漢鎮逆匪突入襄河。現在派兵防勦一摺。前因逆賊回竄漢口。楊霈退駐德安。疊經諭令官文酌派精兵速往會勦。並將能否親往之處速籌馳奏。茲閱所奏情形。該逆現已竄入襄河。擾及沔陽。是其意圖上竄。仍係上年故計。惟究係分股抑或全數西竄。摺內未經聲敘。官文所派兵勇既須先勦仙桃鎮。即不能遽抵德安。徑攻漢鎮。楊霈前調之陝西宜昌官兵皆近在漢川。自應早已到營。何以自

正月十一日發報後至今竟無續報。此股回竄逆匪雖不盡由北岸而來。究其所以得入楚境之由實因廣濟一軍不能堵禦所致。此次上竄沔陽又從漢川闖入襄河。該督豈竟毫無聞見。現在無論該逆全股分股。楊霈總不能株守德安。待援鄰境。儻該逆悉數奔突襄河。楊霈即應督兵上勦。儻漢鎮尚有大股盤踞。楊霈即應趕緊進攻。掣回賊勢。使不得上窺荆襄。旁犯武昌。若竟一籌莫展。徒以扼

賊北竄為名。獨不思沿襄河而上。安陸、荊門處處皆可上竄耶。官文所派兵勇不下四千餘名。如仙桃鎮賊匪擊退。亟應沿河東下。若因荊州緊要即於載增貴陞二人中酌派一人帶兵前往。該將軍能親自督兵進勦更足以壯聲威。至德安、武昌兩處兵餉前已有旨飭催四川前撥銀十萬兩。陝西前撥銀五萬兩。此項銀兩均由荆襄一路行走。所有官文一軍需用款項即著於此款內通融動用。將

此由六百里加緊各諭令知之○又諭本日據官文等奏漢鎮逆匪突入襄河已諭令官文楊霽等督兵堵剿矣該逆現由漢鎮分股至襄河搶船意圖上竄是豫省西路各要隘防堵最關緊要英桂前奏已於信陽州三關等處層層設備光商一帶責成邱聯恩嚴密防堵現在西路情形喫緊著英桂妥為布置嚴防逆匪乘虛北竄所有添兵募勇各事宜務須確探賊蹤體察事機迅速籌辦毋稍疏虞將此由六百里加緊諭令知之○又諭易

崇奏酌擬變通制錢分兩一摺甘肅省銅價甚貴且須兼鑄大錢若制錢分兩仍按每文重一錢二分鼓鑄非獨工料過重亦易啟奸民私銷改鑄之弊所有該省寶鞏局鼓鑄制錢分兩著照易崇所請酌量變通每錢一文減為八分每千以重五斤為率仍著督飭局員認真經理務期製作精良俾輪廓字畫分明不致有漏風缺邊等弊以重圓法而便行

用將此諭令知之○浙江處州鎮總兵官哈豐阿因病解任以金華協副將阿麟保為處州鎮總兵官○癸巳

孝儀純皇后忌辰遣官祭

裕陵○

上詣

壽康宮問

皇貴太妃安○諭內閣王懿德奏查明失守城池各員請寬免處分等語代理龍溪縣候補

縣丞蘇宗勤雲霄同知潘駿章代理雲霄廳照磨候補縣丞雷以鑄漳州府教授張正元訓導黃鳳儀龍溪縣訓導魏開鎔海澄縣教諭楊鏞訓導鄭朝元漳浦縣訓導蘇克誠自漳州府縣失守之後或勸捐濟餉或籌辦鄉團密約文武紳民奮勇殺賊克復城池功過尚足相抵所有該員等應議處分均著加恩寬免長泰縣訓導陳祖璿於賊匪竄擾縣城之時不能鼓勵紳民力圖保衛實屬咎有應

得陳祖璿著即革職。○諭軍機大臣等。昨據官文等奏。漢鎮逆匪突入襄河。擾及沔陽。本日楊需奏稱。賊由漢鎮分竄。漢川之麥旺嘴。經沔陽鄉勇截擊。餘匪窮蹙。仍思折回漢鎮。復經鄉團攔截。殲斃多名。僅賸四五百人。奔至侏儒山。未能竄出等語。與該將軍所奏情形不同。若如該督所奏。是襄河一帶賊勢尚不十分喫緊。但逆匪係分股上竄。希圖牽掣我兵。然仙桃鎮已被焚擄。所稱僅四五百人。

尚恐未確。官文已派兵勇前往勦辦。自應飛飭各員。確探賊蹤。迎頭截擊。漢陽漢口賊匪。不過六七千人。並未搶有船隻。李孟羣礮船已抵省城。王國才。胡林翼。陸路兵勇。彭玉麟。水勇。指日均可抵省。軍威已壯。武昌可保無虞。但李孟羣等亦斷無株守省垣之理。漢口賊匪尚多。攻勦漢口。即以保護武昌。況有胡林翼玉山。劉富成等。陸路兵勇接應。水師亦不為孤。著楊需飭令各該員等。先勦漢鎮。以

埽賊巢。勿任負隅久踞。至襄河一帶師船。能否駛入。該逆竄擾仙桃鎮。業經官文酌派滿洲兵四百名。並調團勇四千名。協同沔陽州知州蕭蔭恩。力圖攻勦。如果賊勢猖獗。兵力尚單。楊需仍須飭令李孟羣等水軍。設法追勦。並能否添派陸軍策應之處。相機酌辦。務將上竄之匪。盡數殲除。勿令滋蔓。官文奉到昨降諭旨。是否親自帶兵前進。諒該將軍必能斟酌盡善。妥為籌辦也。將此由六百里加

緊各諭令知之。○兵部左侍郎王茂蔭奏請收買銅斤。以濟部用。得旨。戶部查覈辦理。○以福建紳民克復漳州府城。及勦辦漳浦雲霄等廳縣賊匪出力。賞舉人陳元榜等藍翎。餘加銜升擢有差。

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百五十七

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百五十八

數分爲截，然題目講起唐注云：「太子太師傳入淵閣，閣事翰林院，院學士皆參政。」此一語，事涉國史館，雖載實錄，與殿

大學管理幹部重刊十三號紀錄十四次
賈柏豪本總教官經選講官太子太保文淵閣領閣事武英殿學士著德書主體仁閣

太政官管理第三庫事務管理刑部事務如二三級紀錄十六次
周根培總藏官入少保管理的秘書事務對引大臣軍機大臣

鎮鎮滿洲都統戶部尚書管理三庫事務加四級進奉加五級紀錄十二次臣實鑒職官故延請弘儒嚴恭賢文詞連書為聯珠

建國史館總裁官王世賢先生都統禮部尚書管理太常寺訓導寺事務如二戰軍功如破逆眾如八旗已錄名大臣優待環布等奉

校修

咸豐五年乙卯二月甲午朔遣官祭

先醫之神諭軍機大臣等賈楨譚廷襄奏
連鎮大兵移營山東糧臺支應應否仍由該
衙門備辦一摺僧格林沁大營糧臺支應向
由順天府派員承辦現在該大臣由連鎮移
營高唐督兵進剿所有帶往官兵應行支發
各款著即歸併山東糧臺支應仍派通永道
海璣會同辦理以資熟手賈楨等即行咨會
山東巡撫崇恩妥速籌備毋誤供支將此諭
令知之又諭王懿德等奏夷商販茶請准

租屋居住一摺。福建省因茶販不通暫開海禁。各國夷商多來貿販。該督撫為廣收茶稅。俯順輿情起見。准該夷領事承租南臺天安寺雙江臺後空曠地基。並准夷商等承租大橋以南觀音井下衙等處屋地六所。為儲貨棲身之地。均係民夷兩願。並立租約。蓋用印信。係照從前和約辦理。該夷等向化遠來。自應處以館舍。用示懷柔。惟民夷雜居。必須嚴加約束。且南臺一帶。逼近省垣。既已租與屋

地。著該督撫諭令該夷領事官金執爾等。稽查彈壓。務令與本地居人相安無事。免生嫌隙。方為妥善。其續到夷商需租房屋。並著飭令該地方官一律辦理。將此諭令知之。○荊州將軍官文等奏。遵調滿營精兵。仍由貴陞統帶。迅赴下游會剿。得旨。汝未便遠離荊州。自屬實情。惟貴陞能否得力。殊深繫念。川陝軍餉。已有寄諭。令伊等催解矣。湖北巡撫陶恩培奏。逆賊分踞漢口漢陽。水師獲勝。梟

司帶兵回省。現籌以戰為守之策。請迅撥餉銀以濟急需。得旨。各處餉銀已有旨令楊需官文等迅速分解。汝既知以戰為守。豈能聚集多兵。株守武昌。况逆匪現已分股上竄。更應追剿。○以直隸勸辦團練出力。予訓導張錫綸等升敘有差。○乙未諭內閣。吳振棫。將爵達奏。與義首要匪徒。殲除淨盡。地方肅清。勸辦尚屬迅速。所有雲南會勸官兵著吳振棫等酌量裁撤歸伍。至遵義府屬匪徒竄往

黔西。前經官兵疊獲勝仗。諒不難剋日蕩事。惟首逆楊源等尚未就獲。著蔣爵達嚴飭文武各員。迅速緝拏。務獲毋任漏網。稽誅。○諭軍機大臣等。御史伍輔祥奏。黔匪漸就肅清。請飭劃清黔蜀疆界。駐劄武弁。以資彈壓。一摺。據稱四川之綦江。貴州之桐梓。仁懷。該三縣疆界錯雜。最易藏奸。應將各處所插之地。分別歸併。無許犬牙相錯。各於交界要隘。酌駐武弁。其黔蜀本省有似此夾雜者。亦請一

律劃清等語。各省交界處所遇有盜賊。地方官互相推諉。原係向來惡習。該御史請明定黔蜀疆界。互相歸併。自為巡緝。奸宄使盜賊無可隱匿。著該督撫會同體察情形。如無流弊。即行酌量歸併。儻有窒礙難行之處。祇可仍照舊章。責成該地方文武。不分畛域。認真緝捕。儻有藉詞推諉。捕務廢弛者。即著嚴叅懲辦。原摺著鈔給閱看。將此各諭令知之。

又諭。和春、福濟奏。遵查甯國等屬捐輸防堵

各案。未經請獎。原委一摺。所奏自係實情。各屬勸諭捐輸。辦理防堵。如果實能出資出力。著有成效。原應亟與請敘。以獎其勞。茲閱另單開列各案。藩司輾轉駁查。以出有因。若以款目混淆之捐項。小有斬獲之微勞。率行臚列多人。紛紛給獎。誠不足以重餉項。而服人心。著和春等。即責成該藩司道府迅速查明。務使捐餉不致虛糜。而獎勵亦無冒濫。再行奏請恩施。儻所屬府縣有浮銷捐項。含混詳

報。以致輾轉飭查。遲延請獎者。即著據實叅辦。庶足以鼓舞人心。俾捐生不致藉口。另片奏捐輸防費及軍餉各項。請分別給獎等語。著照所請。所有捐輸防費之員。即照常例給予封典職銜。其偏近賊氛。捐資堵剿。著有成效者。仍照舊餉事例。給予職官。選補以示區別。將此由五百里諭令知之。

又諭。吉爾杭阿奏。酌擬夷人獎賞等語。噶爾阿投督喇呢。囑於官軍攻勦上海逆匪。情殷助順。吉爾杭

阿請賞給該夷綢四卷。銀一萬兩。以示懷柔。尚為妥協。著即照所擬辦理。將此諭令知之。

又諭。各省辦理捐輸。原以接濟兵餉。若任令不肖州縣。恣意侵吞。藉端需索。徒飽官吏之橐。無補餉項之實。誤國病民。深堪痛恨。前據河南學政張之萬奏。叅知縣汪曜奎。侵吞捐輸。業經革職。拏問。恐他省似此者。亦復不少。前次載齡奏。道經山陝。訪聞州縣多有吞捐冒銷等弊。是該署撫未到任時。早有見聞。

必應嚴杜弊端。以歸覈實。著載齡嚴密訪查。如有侵漁情弊。即行據實嚴叅。從重懲辦。將此諭令知之。江南提督和春等奏。官軍晝夜環攻廬舒巢等縣賊匪。屢有斬擒。得旨覽。奏不過小有斬獲。實難指日克復。汝等每次奏摺。率云斃賊數百。或不計其數。若果盡屬從實。何以愈殺愈眾。每至攻城。必為所覺。傷亡想亦不少。雖逆猷竭張。何官兵無能之至。瑣瑣贅言。全屬搪塞。和春福濟。并師皖境。一

載有餘。遲延萎靡之罪。百喙難辭。朕尚不處治汝等。原望奮勉圖功。以贖前愆。朕猶不惜諄諄手諭。若仍恃奏章為敷衍。則罪由自取。朕惟知以軍法從事。勿謂言之不先也。懷之特諭。賞宗人府理事官存誠。頭等侍衛。為哈密辦事大臣。以克復安徽含山縣城。賞翰林院編修李鴻章。知府銜。花翎。佐領輯順。多隆武。常壽。叅將扎隆武。守備俞應彪等。花翎。衛千總桂五等。藍翎。餘升擢有差。○以勦

辦貴州興義匪徒。地方肅清。賞知府張鏞。通判胡霖。澍。花翎。守備李成錦。藍翎。

上以祭

社稷壇。自是日始。齋戒三日。丙申。遣官祭

文昌帝君廟。諭內閣。德勒克多爾濟奏。喀爾喀圖謝圖汗。車臣汗。兩處汗王貝勒。貝子。公。扎薩克等。呈稱。因賊匪尚未蕩平。情願捐助馬匹。以備軍需。求為轉奏等語。喀爾喀兩處汗王。貝勒。貝子。公。扎薩克等。因賊匪尚未

蕩平。屢請捐助銀兩馬匹。實為出於至誠。朕甚嘉悅。若再捐助馬匹。朕心深為不忍。現在直省賊匪已竟殲除。河北賊匪亦就肅清。著德勒克多爾濟傳諭圖謝圖汗。車臣汗。兩處汗王。貝勒。貝子。公。扎薩克等。伊等所捐馬匹。著勿庸賞收。以示朕嘉尚體卹蒙古世僕之至意。○諭軍機大臣等。英桂奏。密縣土匪。戕弁焚署。並竄擾鄭州一摺。該州縣密邇省城。突有土匪竊發。何至如此。披猖蹂躪。該府縣所

稟又無起釐根由顯係地方官辦理不善意存諱飾現在河南東南兩面逼近皖楚賊氛甚關緊要而河北各屬聚眾抗漕之處尚復不少若不速將此股撲滅設有蔓延句結全省將不可問余炳燾出省勦辦所帶兵勇僅止數百名是否足資勦捕著英桂體察該省邊境情形儼安徽邊界防務稍鬆即添撥官兵星速馳往如牛鑑張維翰等無論何人皆可酌量派往崇安於輝縣之案如已辦結亦可

可帶兵會剿總以迅速殄除毋致釀成巨患為要仍著英桂查明此股土匪究由何處竊發因何起釐並余炳燾出省後如何勦辦情形迅速詳細具奏至楚省軍情據該撫奏報與楊霽所奏大致尚同惟塔齊布已到漢鎮之語未為確實竄擾仙桃鎮之賊是否已被荊州兵勇擊退亦未據楚省奏報著英桂一面嚴防信陽等處一面確切探明隨時具奏將此由六百里加緊諭令知之欽差大臣

向榮奏疊次攻勦鎮江賊匪並籌調兵勇布置上下游要隘得旨吉爾抗阿已有旨幫辦軍務自可督師迅克鎮江汝仍在金陵扼賊防竄為要一面嚴飭吳全美等速行斬鍊上駛以期水陸合擊上游師船已回武昌俟回竄楚北之賊勦滅淨盡方能再下九江潯郡安慶克復方能直搗金陵現在事機不順一至於此惟冀汝等協力和衷無論江鎮兩城先克一處庶幾漸有握勝之機也湖南巡

撫賡秉章奏賊竄漢口現籌造礮船添募壯勇為援勦之計得旨所造礮船仍應接濟曾國藩是為至要入奏請將已革道州知州王揆暫留軍營帶勇批王揆一復罪甚大汝今又欲令其帶勇以觀後效豫為將來保舉地步著不准行帶勇或武弁或紳士皆可亦何必須一革員耶命湖南按察使魁聯為候補按察使仍留湖南辦理防勦事宜調廣西按察使文格為湖南按察使以廣西右江

道張敬修為按察使。丁酉春分朝。

日於東郊遣恭親王奕訢行禮。祭。

先師孔子遣吏部尚書花沙納行禮。戊戌。

祭。

大社。

大稷。

上親詣行禮。詣。

壽康宮。問。

皇貴太妃安。引見各衙門保送京察一等官。

員得旨。此次京察一等圈出人員著各該堂

官再行出具切實考語。交吏部帶領引見。圈

出之滿洲蒙古中書筆帖式等官著歸入理

事同知通判內遇有缺出與舊記名人員一

體帶領引見。漢軍漢人著交部以撫民同知

通判等官分別選用。戶部員外郎宗室靈杰

起居注主事雅爾杭阿大理寺左寺丞國榮

太常寺寺丞兼贊禮郎特克什布內閣典籍

陳寯上諭處委署主事色勒宗人府委署主

事宗室英元寶泉局中廠大使祥禧。太常寺

贊禮郎富興額德瑞。太常寺讀祝官岡桑阿。

慶瑞。太常寺贊禮郎察杭阿。國子監助教諾

穆歡。布徐振鐸。鴻臚寺鳴贊文瑞。鑾儀衛鳴

贊鞭官祿祥。欽天監靈臺郎音德訥俱著交

部照例以應升之缺升用。戶部筆帖式阿寶。

著改為二等。所有內閣侍讀試越等二百六

十五員俱著准其一等加一級。己亥以舉

行仲春經筵遣官告祭。

奉先殿。

傳心殿。

上御文華殿經筵直講官麟魁趙先進講四書

為君難為臣不易講畢。

上宣御諭曰。書曰。后克艱厥后。臣克艱厥臣。自

古聖君未有不兢兢業業憂勤惕厲於上。百

僚庶司思日贊襄於下者也。夫子所謂為君

難為臣不易。其意尤深切著明。馬夫人君一

日萬幾。清和咸理。固覺難矣。至於離宮肅廟。

懷敬天法祖之心。旰食宵衣。屢知人安民之慮。有嚴有翼。無怠無荒。為開創之君。難為守成之君。尤難為蒙業承祚之君。難為持盈保泰之君。尤難。以此思難。難可知矣。若夫為臣者。思熙績亮工之不易。當毋蹈因循。思獻可替否之不易。當毋甘泄沓。思敬事後食之不易。當毋等素餐。勤職不易。受職無愧。愈不易。盡心不易。問心無欺。愈不易也。要之君之乾惕終日。難也。非不易也。臣之靖共夙夜。不易

也。非難也。在昔唐虞邺治。一堂交儆。百度惟貞。所由協和時雍。臻上理者。其難其慎之道得也。直講官穆蔭李鈞進講書經慎乃儉德。惟懷永圖。講畢。

上宣御論曰。昔成湯之表正萬邦也。不邇聲色。不殖貨利。以義制事。以禮制心。用能垂裕後昆。永保天命。何儉德若斯之盛歟。旨哉。伊尹之訓。太甲曰。慎乃儉德。惟懷永圖。所以承家法。即所以傳心法。誠千古不易之治法也。夫

必以茅茨土階為法。堯以飯糗茹草為法。舜則將捐金於山。藏珠於淵。以斯云儉。猶其跡也。所謂儉者。當以一身為天下臣民萬世子孫法。無從匪彝。無卽愆淫。始于家邦。終於四海。於時為之臣者。不至以位高祿重而忘儉。為之民者。不至以家給人足而忘儉。為之子孫者。不至以席豐履厚而忘儉。各守爾典。以承天休。尚何欲敗度。縱敗禮。三風十愆之待儆哉。良由君人者。克綏厥猷。檢身不及。以不

邇不殖者。杜其弊。以制事制心者。清其源。思艱圖易。永永萬年。被盛澤而大豐美。受厚福以浸黎元。無非此克儉之德。有以致之也。可不慎哉。可不慎哉。禮成。

上幸文淵閣。賜講官及聽講諸臣茶。復賜宴於本仁殿。遣官祭關帝廟。諭內閣。僧格林沁等奏設法誘賊出巢。收復高唐州城。逆匪南竄。現被痛勦。一摺。正月二十九日夜間。僧格林沁密令南面

站牆官兵分開列隊停止更募故作疏防之勢誘賊出巢該逆果疑城外無兵防守全股向南奔竄僧格林沁等督帶馬隊整隊窮追該逆拌死狂奔至荏平縣屬馮官屯入村踞守該處三村相連意欲死守抗拒本月初二日官兵一擁向前登時由西面撲入村中短兵相接痛加殲戮立將西面二村奪回殄斃逆匪二百餘名奪獲擡槍刀矛無數燒斃逆匪二百餘名生擒十餘名現僅餘匪五百餘名蟻聚馮官屯村莊東南一隅抵死抗拒現將大礮運到向內轟擊斃賊多名該大臣等務當激勵兵勇晝夜環攻立將醜類盡殲及早蕙事以慰朕望諭軍機大臣等僧格林沁等奏收復高唐賊竄馮官屯一摺該逆窮蹙餘生困守一隅大兵四面合圍諒不至再有竄逸現在大礮已經運到仰應盡力轟擊村莊設備雖為嚴密究不能如城池之堅固在城則利其竄出以便跟追在村則必須

實錄卷一百五十八

十一

實錄卷一百五十八

十一

兜圍以防奔突計自初二日進仗後又已數日當必更形得手務宜於奮勇之中加以慎重儻任其旁竄他處或困守村莊則又蹈從前故轍諒該大臣等必已早有成算不令釜魚檻獸日久稽誅也崇恩奏資遣裁撤練勇等語著即照所擬妥為籌辦刑部主事楊熙本由四川帶勇前來現在裁撤川勇需人彈壓著崇恩詳加察看如該員尚能約束即飭令管帶回籍毋令沿途滋事儻此外尚有帶勇之員無須該員管帶即飭令回京當差將此由六百里加緊諭知僧格林沁並傳諭德勒克色楞西凌阿崇恩知之先是葉爾羌參贊大臣常清奏籌畫新疆南路八城全局酌裁防兵以減經費並折徵加錢以濟兵餉命軍機大臣會同戶部兵部議至是會奏葉爾羌滿洲換防官兵二百五十五員名既議全行裁撤應令烏魯木齊都統於綠營兵內照數添派赴葉爾羌等城換防抵減內地調

派以節糜費。喀什噶爾滿洲換防官兵出隊得力。綠營換防官兵分守各城要隘。均無庸議。裁以重邊防。其折徵倉糧一節。既因各城倉糧儲積愈多。出糶不易。應自咸豐五年起。將正科糧石。徵收本色一半。折價一半。所收折價。由該大臣酌中定價。以示均平。至加銖原以裕餉。葉爾羌所屬及烏什喀什噶爾兩城。既經採有銅苗。可資鼓鑄。應令該大臣商同各城大臣。廣行開採。加鑄鼓鑄各項大錢。

實錄卷五十八

七

分成搭放兵餉。以濟銀兩之不足。從之。○以拏獲貴州寶安縣榔匪。予知縣楊承照等。升賞有差。○予山東高唐州陣亡頭等侍衛達崇阿。吉林協領豐山。參領豐玉。祭葬世職。○緩徵福建雲霄龍溪漳浦海澄長泰廈門同安安溪仙遊沙永安尤溪永春德化大田興糧莆田詔安平和南平馬巷晉江南安惠安南靖松溪武平二十七廳州縣暨羅溪縣丞所屬被擾地方。新舊額賦。庚子。

孝淑睿皇后忌辰遣官祭
昌陵。○辛丑。遣官祭

歷代帝王廟。諭內閣。王懿德等奏。仙遊軍務完竣。地方肅清。一摺。福建仙遊縣匪徒滋事。經該督派撥兵勇進剿。攻破賊巢。擒獲首要各犯。分別正法。惟逆首林俊尚未拏獲。據獲犯供稱。業已被火焚斃。是否屬實。仍著該督等確切查究。嚴飭搭捕。毋令漏網。現在該處匪黨盡殲。地方安靜。官兵悉數凱撤。所有

實錄卷五十八

七

在事文武員弁。著該督等擇其尤為出力者。酌保數員。候朕施恩。○諭軍機大臣等。文煜奏。逆匪竄撲沙頭等處。擊退竄回。現仍嚴密防堵。一摺。瓜州逆匪屢次攻撲沙頭營盤。雖經兵勇擊退。而該處為裏下河最要門戶。文煜所帶之勇。為數無多。設該逆乘虛竄擾。則下河一帶。在在堪虞。托明阿統領全軍。叢爾瓜州。日久未能克復。若再令該逆紛紛旁竄。致完善之地。復遭蹂躪。勒辦更形棘手。所有

沙頭等處各路要隘著該大臣等嚴密布置如有東竄匪黨即行水陸夾擊以杜紛擾薩炳阿現帶兵二千名馳赴瓜州軍營托明阿等得此精兵援應更足資分撥仍一面迅圖克復瓜州毋再遷延貽患所有此次堵剿出力員弁准其酌量保奏將此由五百里諭知托明阿陳金鰲雷以誠並傳諭文煜知之○以勦辦福建仙遊土匪出力賞遊擊張從龍花翎○士寅

實錄卷百六

六

上詣

壽康宮問

皇貴太妃安 改撥山東解部銀二萬兩山西

解部銀五萬兩解往山東高唐州軍營以備

要需 鑄給福建鳳山縣知縣印信興隆里

巡檢條記從巡撫呂佺孫請也 癸卯頒四

川華陽縣

關帝廟

御書扁額曰聖神文武 遣官祭昭忠祠○諭

內閣樂斌奏匪徒聚眾戕官攻城現已殲擒殆盡地方一律肅清此股匪徒因搶劫起釁膽敢戕官攻城肆行焚掠實屬罪大惡極除張老八等業經正法外所有現獲匪黨著樂斌督飭委員嚴行審訊從重按律定擬仍嚴飭各該地方官按捕餘匪務期淨絕根株毋任漏網○雲南提督榮玉材因病解任以四川松潘鎮總兵官文祥為雲南提督廣東羅定協副將瑞琳為四川松潘鎮總兵官

實錄卷百六

十九

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百五十八

監修總裁官類聚日譜起居注爲太子太傅上書題師傳又湖廣領事翰林院掌院學士稽察欽奉上前事件處副史館編纂官武興廐

大學士管理兵部事務加十三級紀錄十四次 實積臺本總藏官總之護官太子太保又湖廣總督事武英殿總藏官教習庶吉士體仁閣

大學士管理戶部三庫事務管理刑部事務加二十三級紀錄十六次臣周祖培跪奏為官太子少保管理內閣書序事務對引大臣軍機大臣

陳良祿滿洲都統戶部尚書管理三庫事務加四級隨帶加五級紀錄十二次臣官崇德殿官經筵講官弘文殿散官清文館進士書局題請

建國史館藏官正藍旗蒙古都統禮部尚書管理太常寺滿隆寺事務加二級軍功加四級加常加八級紀錄五次臣佐什羅布等奉

咸豐五年乙卯二月甲辰

孝陵○諭軍機大臣等本日據軍機大臣會同

戶部詳議鈔法章程一摺。民間完納錢糧。自

咸豐六年上忙起凡應搭官票改換寶鈔議

令直隸山東河南三省。先行遵辦。內如部頒

寶鈔令各省藩司編立號簿。蓋用印信。再行

解部所用騎縫印信篆文大略相同恐小民

難於辨認應否添設簡明標識之處著各該

督撫斟酌奏辦其各省收到寶鈔並准由各

周易啟勒指把持之弊至酌給羨餘一層應

由該督撫體察所屬情形通盤覈計酌立定

額固未可過於苛刻亦豈容稍涉冒濫立法

之始不厭周詳著桂良崇恩英桂各就該地

方情形悉心斟酌妥擬詳細章程迅速具奏

總期寶鈔得以流通而兵民亦藉紓困累原

摺著鈔給閱看。將此各諭令知之。○又諭僧

格林沁等奏連日勦賊情形一摺據稱賊匪

見馬宮也占牆屈也夫以連倉故一奔

現跡馮官屯沿將拔北少仗以過松礮一時

功巢尚未得手。詎逆竄出之後。屢初大兵。痛

巢所贖狂悖之賊諒已無多仍當滌厲兵勇

設法速攻以期及早蕪事尤須加意慎重

致窮矣乘隙竄突復據他處湖南人鑒自昨

係由連鎮撈獲之犯其所屬地均之注未免

曠日持久且該犯曾為賊黨將軍是否可恃

並著該大臣確加體察勿墮奸言絲之淵官

地勢之寬廣該大臣既能勦除連鎮大股悍匪豈有區區殘寇不能悉數殲擒猶待遷延時日耶所需軍餉已於直隸山西等省飭撥務當迅速奏功以慰朕望將此由六百里加緊諭知僧格林沁並諭德勒克色楞西凌阿崇恩知之○又諭袁甲三奏通籌皖省軍務請分撥北路勁兵數萬先復廬州一摺該省現在軍情自以急籌攻克廬城為要現當連鎮蕩平北路勁兵原可酌量抽撥但廬州郡

城自前年失守後已越年餘和春福濟所統官兵數逾鉅萬豈不能四面環攻迅圖克復必待北路分兵且連鎮官兵本無數萬之數除撥赴揚州外隨往高唐一帶者不過數千即使撥往安徽尚不能如和春等現帶官兵之多安得有如袁甲三所請之數耶和春等前此奏報進仗情形摺內朕已嚴切批示該提督等惟當就現有兵力迅速籌攻不准再事耽延以尚待添兵為藉口袁甲三既駐臨

淮皖省東北兩路有可進取之機亦宜隨時籌勦不得徒以籌畫剖析之詞空言入奏也至郭世亨王啟秀二員前據袁甲三奏請將該員等分別開缺調署朕所以批令與和春福濟妥商者原以調署牧令必須與督撫會銜並非不准袁甲三與聞舉劾乃閱另摺覆奏祇稱往返函商仍未聯銜具奏且援引前事嘵嘵置辯尤失敷陳之體袁甲三著傳旨申飭仍著福濟會同和春袁甲三詳細酌度

如郭世亨於潁毫地方辦理實在得力即將該員奏補實缺知府亦無不可其宿州知州應否即以王啟秀接署之處亦著一併會奏另片奏請將失察私鑄槍礮販買私硝處分分別變通等語其如何稽察如何拏禁總在地方官實力辦理如果於此等私鑄私販匪徒拏獲較多不但寬其處分並可酌量請獎若先將處分寬免是豫開一寬縱之條於緝捕轉無實際著和春福濟袁甲三嚴飭地方

文武員弁認真緝拏總以杜絕奸萌為要無庸另立章程將此由六百里各諭令知之○引見內務府京察保送一等官員得旨此次內務府三院等處京察一等圈出人員著各該堂官再行出具切實考語帶領引見圈出之堂主事常榮營造司委署主事慶林造辦處六品庫掌安奎苑副銜堂筆帖式慶裕福長贊禮郎銜堂筆帖式錫祉六品苑丞銜堂筆帖式繼英堂筆帖式麟瑞英聯六品苑丞

銜堂筆帖式連有堂筆帖式德隆都虞司筆帖式鍾福掌儀司筆帖式壽齡候升主事慎刑司筆帖式祥佑造辦處筆帖式明誠武備院備箭固山達文滙六品虛銜委署庫掌常德筆帖式忠廣奉宸苑主事恆恩圓明園六品苑丞年慶清漪園七品苑丞鍾潤俱著交吏部記名照例選用所有一等官員筆帖式達他等員俱著准其一等加一級○以直隸連鎮軍營出力賞護軍參領烏忠阿副都統

銜副都統們都巴雅爾綽伊色楞布勒呼明保玉木扎普巴克瑪特阿穆爾喇什林沁色森扎普總兵官薩炳阿營總祿山烏當阿參領西蒙額朱克多爾帕穆噶瓦桑協領海春頭等台吉鄂綽爾薩音特古斯達什拉二等台吉拉什呢木噶勒丹三等台吉霍羅達四等台吉巴彥珠魯赫巴爾底什哩德勒格喇桑格蘇克鄂勒濟布彥那噶瑪綽克托他斯哈壁里古達賚烏勒濟桑管轄章京特古斯

濟爾噶勒等花翎副參領張廷岳等藍翎餘升賞有差○乙巳諭內閣陶恩培奏請飭催道員赴任等語湖北荆宜施道雷維翰例限久逾延不到任著該部飭催迅速赴任並查明該員因何遲延逾限之處先行照例議處湖北督糧道金安清前經黃宗漢委令赴上海防勦現在該縣業已克復並著飭催迅速赴任此外部選及揀發該省各員著一併飭催並查明逾限人員據實奏調任湖北按

察使文俊著迅赴新任無庸來京請訓○諭軍機大臣等楊需奏克復漢川蘄水進攻漢口並截剿上竄賊匪一摺又據陶恩培奏逆賊勾結興國州通山縣土匪肆擾省垣喫緊並請飭曾國藩塔齊布回軍江漢各摺片詳覽楊需所奏現在劉富成等兵勇已至蔡店進逼漢陽與胡林翼等水陸夾擊漢川既經克復上竄岳口之賊與漢口之賊隔絕不通現派兵勇分路進攻惟該督駐劄德安原為

防賊北竄而陶恩培奏稱逆賊勾結興國等處土匪大肆殺掠省垣愈形喫緊該督與省城聲息隔絕此時總當迅速克復漢陽漢口為保守武昌之計該督萬勿株守德安藉詞延誤況該督由北路節節進攻距漢鎮僅二百餘里能否分兵兼顧武昌較之曾國藩等折回援應尤為便捷現在武昌兵力單弱督隊打仗僅胡林翼常恩二員設該省稍有疏虞貽誤之罪楊需豈能諉卸耶曾國藩等前

因戰船損壞全數開赴上游修理又因陸軍銳氣尚盛仍欲鼓行東下直搗金陵原以逆匪上竄牽掣我師若輾轉回顧不但前功可惜且恐兵勇之氣不能復振是以諭令該侍郎等攻克九江即合軍東下惟現在賊踞漢口漢陽武昌情形關繫緊要設有疏失該逆勢踞上游我兵仍係腹背受敵應如何設法協濟武昌而與攻剿九江大局仍無妨礙著曾國藩等體察現在情形或該侍郎帶兵自

行前往仍留塔齊布會同江西兵勇攻剿九江務當統籌全局斟酌辦理楊需曾國藩接奉此旨即將如何籌辦情形迅速具奏以慰廑念陶恩培仍當督飭胡林翼等以勦為防固守省垣以待援兵之至所需軍餉已飭鄰省撥解矣該撫片奏省城現任候補各員聞警逃匿等語實出情理之外著即查明叅辦金安清等已有旨飭催矣將此由六百里加緊各諭令知之○復引見京察一等圈出官

員得旨。宗室和潤著交軍機處記名遇有應升缺出提奏。崇芳。景桂。沆。壽。嵩。董。似。穀。吳。存。義。貢。璜。郭。椿。壽。寶。奉。家。文。玉。文。良。何。斌。崇。保。田。祥。耿。曰。椿。何。國。琛。王。友。端。覺。羅。桂。茂。恩。福。暹。福。鍾。秀。張。駿。麟。貴。柏。春。訥。勒。恆。額。顧。文。彬。安。奎。恩。祥。桂。榮。英。樸。蘇。彰。阿。賽。音。博。勒。格。圖。麟。趾。雙。麟。宋。廷。春。福。善。俱。著。交。軍。機。處。記。名。以。道。府。用。廷。曙。著。記。名。以。關。差。道。府。用。○丙午。

上詣

壽康宮問

皇貴太妃安。○遣官祭黑龍潭

昭靈沛澤龍王之神。玉泉山

惠濟慈祐靈護龍王之神。昆明湖

安佑普濟沛澤廣生龍王之神。密雲縣白龍潭

潭

昭靈廣濟普澤龍王之神。○遣官祭圓明園

惠濟祠。

河神廟。○諭內閣英桂奏請將副將留營差委並請飭催部推各員等語。廣西梧州協副將慶德著准其暫留河南差遣。委用俟軍務完竣再行赴任。其部推都司各員除河北鎮標左營遊擊普慶現在廬州軍營永城汛守備張邦瑞現在代理江蘇金山營遊擊外。所有推升陳州營都司杜集祥河南營參將成齡開封營遊擊蔡觀賢彰德營參將西拉布均著該部飭催迅速赴任。並查明該員等。如

有無故遲延致逾期限者。照例參處。○諭軍機大臣等。英桂奏遵旨布置楚豫邊防並密縣鄭州等處勦匪情形一摺。又片奏請飭調北路凱撤官兵更換豫省兵勇等語。河南省外禦鄰氛內捕土匪防勦兼施所有防堵正陽六安兩處及南陽新野唐縣信陽關各要隘。在在需兵。河北各屬匪蹤亦未淨絕。該撫欲請調連鎮得勝之兵二三千名赴皖以便豫省防皖各兵遣回更換。一俟高唐竄匪殲

除即行酌調赴皖。俾豫省防兵得以撤回。供本省之用。此時豫省勇多兵少。該撫惟當仍飭牛鑑等實力扼守。並飭張維翰等將近皖餘捻輝縣逃逆趕緊搜捕。鄭密禹州各境內藏匿匪徒亦應跟蹤追剿。盡絕根株。內患既清。便可專防邊隘。協濟楚皖。昨據楊霈奏克復漢川。蘄水。劉富成之兵已至蔡店。進逼漢陽。又據陶恩培奏逆賊勾結興國通土匪大肆殺掠。武昌頗屬喫重。襄河亦有匪踪。現雖南陽一帶未聞警報。防範仍須嚴密。光商一路該撫已派成景帶兵駐劄邱聯恩移劄信陽。藉以控制南陽。該撫現在陳州居中調度。務須隨時偵探。何路喫緊即往何路策應。毋稍遲延。署密縣知縣胡燕清前已降旨革職。著毋庸議。並責令隨同勦捕。不准稍留餘孽。將此由五百里諭令知之。○欽差大臣托明阿等奏焦山水師進剿連毀北岸賊隄屢有斬獲得旨。水師雖有斬獲。究屬小勝。仍應

趕緊督催。勿任疲玩。○丁未諭內閣。朕於三月初三日啟鑾後。著派惠親王。大學士裕誠。尚書翁心存。文慶。左都御史聯順留京辦事。○諭軍機大臣等。官文等奏。仙桃鎮擊賊獲勝。岳家口追賊失利一摺。詳覽所奏。賊蹤距荊郡不過百餘里之遙。該處官兵既須分布設防。又須沿河下擊。實有無可抽撥之勢。楊霈安坐德安。所帶兵勇至一萬七千餘名之多。於襄河之賊則稱為意圖牽掣。於漢鎮之賊則稱為勢難久踞。且應赴上游應勦漢口。尚在游移未定。究竟一月以來。所辦何事。該督摺內已有賊至岳口之語。則該逆之窺伺荊襄已無疑義。猶以收復漢川。蘄水。謂為賊匪聲勢隔絕。抑何憤憤至此。貴陞此次失利。誠不免孟浪失機。何以與賊接仗之時。僅有荊州官兵。而該督所派之李錦鑾。葛以敦。蔣立松等並未見隨同援應。是該督直置荊襄門戶於不顧。而終日籌畫。不出楊店。蔡店數

十里之間殊為可恨現在荊州緊急載增既已出城郡城重地亦不可無人鎮守官文所稱親督進剿之處務須斟酌盡善不可輕為嘗試楊需前派各兵著即飛催前進並於進攻漢陽兵勇內酌量改撥折赴上游以遏襄河賊勢若再事耽延是楊需屢次玩誤朕不能再以薄罰示懲也逆匪由江入漢竟分兩岸北趨顯係水陸並進昨據陶恩培奏賊船故入襄河口內為數不少且有我軍戰艦二

十餘隻是該逆無船可擄之說斷不可信李孟羣等水師僅在外江轟擊亦須追入內河方能破其藏匿之路其沔陽以上沿河船隻亦應一體撤赴上游方能絕其搶掠以武昌現在情形而論患不在江面而在興國通山一路土匪曾國藩等進攻九江連日不知勝負若何或酌分陸軍以救武昌東路或再添派水師沿江而上協濟李孟羣等之師使得進剿襄河則上游可冀得手於潯郡事機亦

有裨益著即妥為籌酌迅速奏聞貴陞實在下落仍著官文確查具奏將此由六百里加緊各諭令知之○又諭沈祖懋奏賊匪竄入徽境擾及黟縣一摺正月二十二十一等日賊匪大隊犯石埭之琉璃嶺霧露嶺四川遊擊周天受帶兵迎剿因眾寡不敵致失嶺隘賊由石埭擾及太平縣距歙縣不過數十里又分隊徑趨黟縣之羊棧嶺二十七八等日另股賊匪攻入黟縣有進犯休甯之信黟縣

至徽州府城祇一百四十里沈祖懋僅帶練勇二百名在漁亭堵禦此外惟徐榮在徽防堵兵力實形單弱何桂清想已接到該學政咨報著即撥兵赴徽援應堵賊內竄之路並著向榮速飭鄧紹良等撥兵由南路赴黟應援務須前後夾擊以遏逆匪猖狂之勢毋令乘虛深入徽郡為要將此由六百里加緊諭知向榮何桂清並傳諭沈祖懋知之○復引見內務府京察一等圈出官員得旨經文圖

松齡丈熊扎拉豐阿善寶嵩林德溥中福慶連福瑞鶴祖恆起俱著交軍機處記名○以山西太原城守尉富森為荊州右翼副都統○戊申吉林將軍景瀄奏委員會辦俄囉斯分界應備船糧等項借款墊辦得旨將墊用若干據實奏聞以杜含混○己酉諭內閣新任江西南贛鎮總兵劉開泰前經向榮奏留鎮江軍營管帶官兵現在江西防勦喫緊著該大臣即飭劉開泰速赴新任毋稍遲延○

諭軍機大臣等諄齡奏廓番舉動情形一摺廓爾喀國前欲唐古忒認出幫兵使費已屬有意尋釁現復私給干布康松汪堆頂翎到濟龍傳集村民欲接管營官事務巴勒布舊頭人熱瑪松達爾又欲進藏呈遞表章亦與由塘轉遞例案不符該吏居心叵測一切舉動甚屬謬妄惟先後呈遞該大臣稟內並無違悖之詞此次差人赴藏呈遞表章稟信亦似尚知名分此時辦理機宜總當不動聲色

嚴密設防該大臣現派噶布倫汪曲結布及糧務張祺等先後馳往後藏定日一帶藉查辦案件為名暗為布置如該夷呈遞表文即飛遞該大臣等照例譯閱如有悖謬干求之語一面據理駁斥一面迅速具奏萬勿示之以弱啟該夷窺伺之心所有藏屬要隘密加防範之處仍當處以鎮靜不得過事矜張將此諭令知之○又諭曾國藩塔齊布奏勦敗撲營賊匪並陳近日軍情一摺我軍圍勦潯

郡因該逆撲營設伏誘陷得獲勝仗而九江郡城未復都昌匪黨又恃湖口黨援肆行占踞前此水師之陷入內湖者輕舟百餘精卒二千亦久與外江聲勢隔絕曾國藩恐兵心潰散馳往南昌省垣親自安輯已與陳啟邁商定將江省現造之長龍三十號調撥應用惟江湖水盛既非巨艦不能壓浪若尚待都陽春漲始行冲出恐稽時日急宜與江西所撥船隻合力設法將支河賊踪勦淨駛出湖

口以便與外江戰舸聯為一氣則水陸會攻方能得力。現在水師已上援武漢塔齊布陸軍攻勦九江尤為喫重。陳啟邁擬造快蟹各船著即派員迅速督辦以便與湖南師船會同出江。吳錫光所帶兵勇既難資堵截亦應另行籌撥藉壯聲威。王國才業已由武甯回援武漢繞出興國之背。雖該州一帶土匪橫行王國才能否速到武昌尚難豫料而有此一軍勦捕土匪即可稍分武昌喫緊之勢。曾

國藩續由楚省招募水勇亦恐有需時日必得將湖內長龍一百餘號速圖駛出與塔齊布陸兵會合。迅殲醜類克復九江始能與武漢水師聲援聯絡所需軍餉並著陳啟邁就近隨時接濟為要。將此由六百里加緊各諭令知之。○又諭昨因官文等奏岳口失利當經諭令楊需將調派各兵飛催前進並於進攻漢陽官兵內酌撥改赴上游以遏襄河賊勢。諒已遵旨妥辦。本日據陶恩培奏賊由襄

河渡江直撲省城經官兵擊退水軍進攻漢陽未能得手。鄂省兵力本形單弱楊需現派兵勇一萬餘人由長江埠溝口新溝蔡店各路分兵進攻漢口漢陽著即催令楊昌泗等迅速前進至襄河一帶賊勢蔓延官文所派之兵能否迅抵武昌殊難懸定。楊需等惟有遵照前降諭旨一面進攻漢陽漢口一面抽撥兵勇折赴上游以遏賊蹤至興國通山土匪滋擾最為省城之患。茲據曾國藩等奏稱

現派副將王國才管帶兵勇三千餘人取道武甯繞出興國之背一路勦洗到鄂此項兵勇即著陶恩培就近迎探催提若興國土匪勦除淨盡於省城防勦事機亦有裨益。李孟羣等水師能否追入內地與陸兵會合夾擊襄河為賊鯨占踞荆郡情形喫重官文等督兵進勦務須熟籌妥辦並將近日情形迅速具奏。四川陝西餉銀前已有旨飭催此項銀兩均由荆襄行走解到時即著官文楊需陶

恩培均勻分用毋得專顧一處致誤軍需將此由六百里加緊各諭令知之又諭曾國藩等在九江水陸屢獲勝仗惟水師船隻被風損壞居多茲據奏稱擬再造巨艦並赴楚招募水勇等語駱秉章前奏已飭紳士丁善慶等趕造大三板艇五十隻並長龍快蟹等船此時自己造船竣工著與捐辦船廠一併備齊下駛以資曾國藩等江面攻剿毋稍遲誤將此由五百里諭令知之○又諭和春福

濟奏移營進剿廬州賊眾連獲大勝一摺廬郡賊匪向恃南路賊營為外援經我兵於得勝門外步步進逼擒斬三千餘眾踏破賊營八處並陣殲逆首陳宗勝等若再乘勢移營愈逼愈近孤城當可克復惟皖省賊勢蔓延附近廬州一帶如舒巢等處尚未克復廬州之賊雖被痛剿援應未必盡絕一面督兵迅圖攻克廬郡一面將七里站焦湖一帶分兵駐守毋令得而復失方為善策若賊去則收

復空城賊來則仍被占踞並或旁竄他處更肆鴟張和春等擁兵鉅萬縱寇往來獲咎更重據奏首逆就誅羣盜無主然該郡渠魁是否實係陳宗勝城中賊夥尚多克復有無把握和春等不得因有小勝稍存玩誤至前次賊攻廬州時朕聞實因已革知府胡元煒駐守北門總城逃出以致府城被陷巡撫江忠源殉難六安州失守時知州宋培之亦有開門迎賊之事胡元煒宋培之下落前經降旨

飭查未據和春等覆奏現聞賊匪偽示多有胡元煒宋培之兩人偽銜是其降逆已屬顯然和春福濟豈皆毫無聞見著迅速查奏並嚴拏務獲懲辦該撫另片奏鳳潁泗滁等屬錢糧未能輸納擬請儘徵儘解等語該省疊遭蹂躪民力凋敝自係實情准行軍以籌餉為先現在關稅鹽課等項既多支絀若地丁正項亦任令各州縣藉端惰徵軍需何所取給著除尚未收復奏請緩辦之安廬池太等

府州屬外其餘被災被擾較輕處所仍嚴飭地方官將應徵錢糧實力催徵如敢藉口遷延即行從嚴叅辦將此由六百里加緊諭令知之○派戶部右侍郎何彤雲倉場侍郎文彩前往天津驗收海運漕糧署戶部尚書全慶前往通州會同倉場侍郎李萬辦理驗收事宜○以克復湖北武昌漢陽蘄州廣濟黃梅府州縣城賞同知林源恩遊擊阿達春都司李新華張啟基守備李成謀陶藻等花翎

守備陳光勝等藍翎餘升賞有差○予安徽陣亡千總顏紹楚祭葬世職○蠲緩安徽鳳陽五河懷遠定遠蒙城亳鳳臺泗霍邱宿太和靈璧阜陽潁上天長盱眙壽全椒來安十九州縣被災被賊地方新舊額賦並屯坐各衛丁漕銀米有差○庚戌諭內閣前據載齡等奏強盜等案請從嚴辦理一摺當交惠親王恭親王奕訢大學士九卿等妥議具奏嗣據刑部遵議王慶雲請覈定搶案罪名及御

史唐士森奏請釐剔弊端各摺片均交原議王大臣等議奏茲據惠親王等詳議以聞朕惟立法貴乎因時安良必先除莠康熙雍正年間辦理盜案將法所難宥情有可原之犯分別正法發遣乾隆年間經大學士會同刑部議將夥盜曾經轉糾黨與等項仍問擬斬決參稽例意原於法外施仁之中仍寓除惡務盡之意立法本極周詳辦理無虞輕縱無如地方官奉行不善每辦一案把風接贓之

人常倍於入室挖贓之盜甚或將病故在逃之犯指為法所難宥現獲之犯歸入情有可原以致匪徒漏網無怪盜風日熾嗣後凡遇盜劫之案著照王大臣等所議仍依強盜已行但得財者不分首從皆斬本律俱擬斬決其中把風接贓等犯雖未分贓亦係同惡相濟著照為首之罪一律問擬此外實在情有可原之犯如年止十五歲以下被人誘脅隨行上盜者仍照本律問擬儻地方官仍蹈積

習或另設名目巧為開脫一經發覺即照諱盜例嚴行叅辦至搶奪之案總以人數多寡及有無兇器為斷如果糾眾夥謀持械搶掠兇暴情形與強盜無異若不從嚴懲辦勢必釀成巨案亦著照所議凡聚眾持械搶劫兇暴眾著者無論白晝昏夜均照強盜本律不分首從一概擬斬以儆兇玩而靖地方經此次嚴定章程之後各該地方官務當力圖整頓有案必懲用副朕執法持平明慎用刑之

至意其吏兵二部所擬獲犯保舉及諱盜處分均依議行至尋常盜犯業經就獲自應按律懲辦御史唐壬森請照格殺勿論之例准州縣便宜從事殊非慎重刑章之道著毋庸議○諭軍機大臣等前因有人奏吳健彰通夷養賊各款當降旨交怡良吉爾杭阿按照所參情節逐一嚴審定擬罪名具奏並諭黃宗漢派員訪查茲據黃宗漢奏稱查明吳健彰實與賊首劉麗川同鄉該逆起事時吳健

彰眷屬奔避夷館庫中存銀悉為賊有並與夷人夥開旗昌行及所雇船勇俱係粵人每有攻城之舉往往漏洩致船勇與滬城之匪暗通信息各情惟道庫存銀是否三四十萬吳健彰所雇挖曾船價曾否於關稅取償其徵收關稅有無捏報隱匿並與咪夷夥開旗昌行有無約據其上火輪船與逆匪如何談論貨船漏稅實有若干銀兩未得確據怡良近在蘇省見聞切近吉爾杭阿與吳健彰同

在上海日久更難諉為不知該道拏問已久尚未據該督撫將原叅各款查明具奏現在上海克復所有應訊人證不難傳集著即逐款查明並此外有無別項劣蹟一併確查據實叅奏毋稍徇隱原摺著鈔給閱看將此由四百里諭令知之○又諭黃宗漢奏遵查交辦事件並陳徽甯防勦情形一摺前因王茂蔭奏請將徽郡暫歸浙省管轄當經諭令黃宗漢悉心籌畫並查辦知府達秀被叅款跡

茲據奏稱該督在浙撫任內於該郡撥兵籌餉事宜皆經通融辦理若必改歸管轄於地方公事權難歸一自未便輕議更張達秀業經病故局務另行整頓嗣後收捐款項著何桂清飭令該府縣等認真覈實無任冒銷黃宗漢所奏徽甯防務已與近日情形不同前據沈祖懋奏股匪攻入黟縣聲言欲犯休甯當諭令何桂清撥兵赴援諒已遵旨辦理現在該處帶兵防堵有徐榮恩禧周天受等著

即飭令協同堵禦保徽即以保浙何桂清務當不分畛域力杜內竄之路所需軍餉仍源源協濟毋稍貽誤至徽甯兩郡每月防費不貲並著責令徽州府李毓甯國府鄧瀛等勸諭紳富實力捐輸所有錢漕正課設法徵收藉資接濟將此由五百里諭令知之○以山東鹽運使景霖為奉天府府尹○辛亥

上幸瀛臺奉

皇貴太妃詣

自在觀拈香陰清齋侍午膳○諭內閣惇郡王奕諒恭親王奕訢均著加恩賞穿黃馬褂○改派署戶部尚書全慶會同倉場侍郎文彩前往天津驗收海運漕糧順天府府尹譚廷襄前往通州會同倉場侍郎李鴻辦理驗收事宜○壬子清明節

上詣

奉先殿

壽皇殿行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵○遣官祭

孝德皇后殯宮○遣官祭

端慧皇太子園寢○諭軍機大臣等扎拉芬泰等奏尋獲金廠試行開採一摺據稱喀爾喀三音諾顏部落達拉圖噶順二處地方產有金苗業經該將軍等派員查訪得實惟礦

實錄卷一百五十九

七

苗是否豐旺未能深知現據盟長扎薩克多羅貝勒錦丕勒多爾濟詳稱自願捐備蒙古夫役數百名並辦供支一歲應需口糧糧帳以助開採著扎拉芬泰等詳加體察飭令該盟長隨同本處委員前往達拉圖等處覆勘明確試行開採如果礦苗豐旺應如何嚴防偷漏力除弊端著俟奕興抵任後會同妥議章程具奏將此諭令知之○又諭楊需奏進攻漢陽漢口獲勝並分勦繫馬口等處賊匪

實錄卷一百五十九

七

情形一摺官軍連日分投進剿雖據報各有斬獲而傷亡兵勇甚多漢陽漢口並未克復岳家口仙桃鎮之賊亦未能剿除淨盡賊勢各路蔓延亟圖上竄北岸天門等處僅有守備穆祖索朗等督帶兵勇剿辦殊形單弱著楊需飛飭楊昌泗帶兵與劉富成會合前進並著官文飭令魁玉錫齡阿會督兵勇無分南北岸併力夾擊杜賊上竄之路或尚須添撥兵勇俾敷攻剿仍著官文楊需妥為調派毋稍疏忽李孟羣等進攻漢陽均以賊匪抄襲未能攻入現駐武昌兵勇足資援應著陶恩培飭令胡林翼等斟酌情形渡江協剿以期及早收復此時兵勇既已分路進剿楊需自應飛速前進臨陣調度斷不准株守德安致滋貽誤另片奏請飭山西陝西四川按月籌餉五萬兩等語現已諭知各該省籌解仍著官文等於解到後分撥應用毋得專顧一處所請撥高唐兵丁俟竄往馮官屯之餘匪

殲盡當即酌撥前往。昨據軍機大臣議覆禮部侍郎杜翻奏請汰冗兵一摺。內稱各省徵調官兵未必盡皆精銳。應由各省督撫及帶兵大員於徵調之初到營之後認真簡閱。裁汰疲弱等語。自為搏節軍餉起見。著官文等按照所議認真辦理。毋得視為具文。原摺著鈔給閱看。將此由六百里加緊各諭令知之。○又諭逆匪回竄湖北。占踞漢口漢陽等處。現已厚集兵勇分投攻剿。所需軍餉刻不容

實錄卷九

元

緩。並省城戰守兵勇及添募水勇修理船隻等項費用。存在均關緊要。著樂斌王慶雲載齡安速籌畫。源源接濟。按月撥解。現當該省剿賊喫緊之時。斷不可以無款可籌。一奏塞責。致誤要需。其前兩次撥給湖北川餉。並著該督迅速催解。毋稍延誤。將此由六百里各諭令知之。○以採辦烏里雅蘇台科布多等處礦苗出力。予防禦依成額驍騎校格圖肯獎敘。○癸丑稽查普濟堂粥廠御史怡康楊

重雅奏普濟堂功德林恩賞銀兩因崇文門稅務短絀減半發給請俟稅務充裕再行照舊賞給從之。○荊州將軍官文等奏逆匪攻陷天門等處已添派兵勇堵剿旋經兵勇克復天門縣城擊退襄河兩岸賊匪報聞。○以守禦江西義甯州城出力賞道員王訓知州葉濟英楊秉鏞都司尹殿魁花翎千總黎榮起等藍翎餘升賞有差。○予浙江因公被戕鹽大使傅垣祭葬世職。

實錄卷百零九

三

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百五十九

兵力等語。現在塔齊布圍攻九江。並未撤兵。王茂蔭尚未知悉。且不知此時荆襄緊急。武漢兵勇不能得力。有不得不分兵援應之勢。其所稱由間道入江西。從南康星子。水陸橫衝而出。內外夾攻。亦尚未知曾國藩已抵南昌。蕭捷三等師船尚在都昌一帶。軍情移步換形。固不容專顧一隅。亦豈可處處受賊牽掣。著曾國藩塔齊布。仍遵疊奉諭旨。迅圖克復九江。則上下游江路自通。賊踪可斷。其應撥兵回援。及如何前後

兜勦之處。均著妥速籌辦。王茂蔭摺是否有可採擇。即著酌量辦理。又軍機大臣議覆禮部侍郎杜翻奏請裁汰冗兵一摺。內稱各省徵調官兵。未必盡皆精銳。應由各省督撫。及帶兵大員。於徵調之初。到營之後。認真簡閱。裁汰疲弱等語。自為撙節軍餉起見。著曾國藩塔齊布。按照所議。妥為籌辦。並知照陳啟邁一體。懷遵辦理。原摺各一件。均著鈔給閱看。將此由六百里諭令知之。命御前侍衛穆騰阿乾清門侍衛奕

斌兵部右侍郎春佑恭詣

西陵查勘紅椿。○命戶部尚書文慶教習庶吉士。○正紅旗蒙古副都統雙齡因病解任。調正紅旗漢軍副都統托雲保為正紅旗蒙古副都統。○綏遠城將軍華山泰因病解任。以金州副都統慶如為綏遠城將軍。升用副都統增慶為金州副都統。○以畿輔肅清。巡防出力。賞戶部右侍郎熙麟花翎倉場侍郎文彩等升敘有差。○丙辰

上詣

雍和宮行禮

柏林寺拈香。○丁巳。陝甘總督易棠奏。抽釐流弊滋多。甘省礙難辦理。得旨。既有窒礙。著不必行。○戊午。遣官祭賢良祠。○諭內閣。恭親王奕訢等奏。說明職官違例放債。並宗室大員借貸屬員銀錢各情。分別定擬一摺。此案已革內管領達魁達謹身係職官。輒敢舉放利債。指扣兵丁錢糧。復夥同木商承買木

植實屬目無法紀。達魁達謹均著從重發往新疆效力贖罪。所有該革員等查封財產及玉田縣地畝著一併查抄入官。已革外委司泳茂派辦木植變價。輒敢囑令木商短寫價值。欲行侵用。著從重發往軍臺效力贖罪。已革馬蘭鎮總兵宗室慶錫於司泳茂承辦木植起意詐贓。未能查出。已屬形同輩贖。復向達魁借用銀錢。種種乖謬。著從重發往黑龍江充當苦差。解任工部員外郎宗室耆英於

伊子慶錫在朝陽門外違例設立馬撥。並不阻止。復令遞送信件。實屬悖謬。著即革職。圈禁半年。仍罰養贍錢糧六箇月。解任通政司參議慶賢於伊兄慶錫差令官弁來家伺候劄營。違例容留。並給該弁銀物。殊屬不合。著交部議處。諭軍機大臣等。前因沈祖懋奏賊入黔縣。聲言欲犯休甯。諭令何桂清撥兵援應。力杜內竄。茲覽何桂清奏報漁亭失利。道員徐榮督戰陣亡。該逆雖未越過休甯。有

欲分竄屯溪之信。徽郡賊氛日偏。勦辦更形棘手。且此次接仗。實因徽勇先潰。以致逆匪與土匪乘機勾結。愈肆猖獗。未知該府縣兩年以來所謂設防者安在。實堪痛恨。現在嚴鎮有恩禧等駐劄七里頭一帶。有魁齡等堵截。當乘賊匪未越休甯之先。扼其來路。方不至旁竄屯溪等處。並飛飭赴徽之知府石景芬接辦防務。督率向榮前派之周天受。汪長貴等所帶川兵。及該撫續派之陳桂華等。現

有兵勇隨時確探。合力進剿。勿令深入內犯。以固浙省藩籬。徽州素稱富饒。兼有險隘可守。該地方官既不嚴督紳富實行團練。亦不豫籌濟餉。言守則專恃客兵。聞警則盡行遷徙。以完善之地任賊來去自如。該撫所稱必須主客同心。方能濟事。固屬實情。已諭令怡良和春福濟嚴飭該府縣等將練勇籌餉事宜。實心辦理。不得專恃鄰省撥兵濟餉。何桂清仍當不分畛域。力圖援應。其聯絡團練。勸

諭捐輸徵納錢漕等事。仍一面責令李純鄧瀛妥速經理。如該府縣仍前玩泄。並紳士等不肯協同籌辦。但顧身家。即著從嚴叅辦。將此由六百里加緊諭令知之。○又諭徽郡為南路要隘。疊經諭令該地方官會同紳士舉辦團練。如果平日辦事妥善。何至賊鋒甫至。即行潰散。可見該地方官於防勦事宜。並未悉心經理。徽甯紳富亦未能實心出力。保衛鄉閭。專恃浙省及江南大營分撥之兵。藉資堵禦。現在賊勢披猖。浙省既不能多撥兵勇。屢次代籌糧餉。即江南大營官兵亦勢難多撥。怡良福濟均有地方之責。著即嚴飭該管道府州縣及紳士等。激發天良。團勇集貲。協力堵勦。如有因循不振。貽誤地方者。即著從嚴叅辦。和春福濟攻勦廬州賊匪。前已踏毀賊營。附城合圍。即日諒可克復。此時徽郡情形萬分喫重。和春等務當悉心籌畫。設法援應。不得以南北隔絕。勢難兼顧為詞。自圖諉

卸。前據王茂蔭奏請飭已革江西巡撫張芾前往徽甯一路籌辦團練防堵事務等語。著和春等酌量情形。奏明辦理。將此由六百里加緊各諭令知之。○又諭楊需奏賊匪大股上竄。連日進攻情形。並扼要截擊一摺。覽奏實深憤急。該督自賊由黃梅回竄。節節退避。迨賊踞漢鎮。復株守德安。屢次諭令迅速進攻。而月餘以來。毫無布置。所派兵勇。遇賊輒潰。以致該逆窺我虛實。紛紛上竄。該督遷延貽誤。罪無可辭。此時逆賊欲窺伺襄陽。該郡北接河南。儻稍有疏虞。致逆賊勾結豫省土匪。肆行猖獗。為害愈烈。該督現馳赴隨州一帶。意在迎頭遏截。但賊勢剽疾。所稱派兵於山徑埋伏截勦。亦恐不足深恃。且賊情詭譎。往往避實擊虛。德安雖輕於襄陽。楊昌泗收集之兵勇。是否足資堵禦。楊需惟當確探賊蹤。就現有兵勇。酌量調度。以遏賊鋒。斷不可任賊蔓延。所調四川兵勇。已諭令樂斌迅速

派赴楚北。並諭扎拉芬帶兵由潼關前往。該督務即飛速迎提。再高唐裁撤川勇。已據崇恩奏。派楊熙等管帶資遣回籍。該督亦可酌量截留。以厚兵力。前據官文奏。襄河南北兩岸擊賊下竄。荆州情形。如果稍緩。亦可分撥兵勇。與楊需會合進剿。逆匪大股上竄。則漢陽漢口賊巢。自必空虛。陶恩培亦當督飭胡林翼。李孟羣。水陸諸軍。乘勢進剿。儻能得手。即可分投追擊。使該逆首尾不能相顧。勦辦較易為力。楊需督兵勦賊。既不能杜賊回竄。若再令該逆擾及襄陽。朕惟執法從事。決不寬貸。所有現在賊情。著該督等迅速馳奏。以慰懸繫。將此由六百里加緊各諭令知之。○又諭前因逆匪回竄湖北。占踞漢口。漢陽等處。疊經諭令楊需等厚集兵勇。分投攻剿。本日據楊需奏。進攻漢陽。官兵傷亡甚多。本月十三等日。有賊匪數千。竄至漢川。並竄新溝地方。其兇悍之賊。分道由漢川應城等處小

路上竄。儻直達襄陽。該郡恐為所襲等語。現在楊需由隨州一帶迎頭截擊。如上竄之賊。徑犯襄陽。該郡兵勇。為數無多。恐難抵禦。著扎拉芬接奉此旨後。即帶兵前赴湖北。與楊需等會同攻剿。探明襄樊等處。何路緊急。即由何路進攻。以勦為防。該將軍務當確切偵探。相機進剿。毋稍遲延。並著將帶兵啟程日期。及探報楚省現在情形。先行由驛具奏。將此由六百里加緊諭令知之。○又諭本日已諭令扎拉芬帶防守潼關官兵。赴湖北襄陽一帶援剿。所有楚陝毗連要隘。應如何嚴密設防之處。並著載齡確探賊蹤。相機調度。毋稍貽誤。將此由六百里諭令知之。○又諭楚北賊匪。由應城所屬西竄。拏獲賊眾。有該逆悉索兇悍之黨。意圖徑犯襄陽。欲與豫匪勾結等語。胡林翼。李孟羣等。水陸各軍。尚在沌口一帶。楊需派楊昌泗防守德安。自帶兵勇馳赴隨州。意恐該匪由應城間道竄出安陸。

天門之上。為迎前截遏之計。是襄陽十分喫重。該處地接河南。平曠無險。楊需等所帶兵勇。屢經潰散。果否能遏逆氣。尚無把握。而德安北邇三關。各屬上年曾遭蹂躪。城空地瘠。即楊昌泗兵力亦單。恐未能抵禦。英桂昨奏已飭南陽府會同在防。將備堵守。此時河南邊界。毗連襄陽德安兩郡地方。較前喫緊。該撫前派邱聯恩移師劄營信陽州之西雙河。居中調度。原為控制三關策應。南陽起見。著

即嚴飭該鎮將等將南路邊防。嚴密布置。一面偵探賊蹤。隨時援應。勿令逆匪北犯。英桂近在陳州。更應探明何路緊急。馳往堵剿。不得稍存大意。致有疏虞。將此由六百里加緊諭令知之。○予安徽陣亡道員徐榮祭葬世職。予湖北陣亡守備王榮千總李士林。將昌梧。把總施鴻德。祭葬世職。○調四川兵勇各一千名。赴湖北剿賊。○己未

孝昭仁皇后忌辰。遣官祭

景陵。○諭內閣慧成奏糧臺大員不應越分保

薦並密陳托明阿忠介勇敢。公正不阿。為緩急可倚之良臣等語。托明阿係朕特簡統帥。豈有不知其人。何待慧成保奏。至所稱托明阿保薦多而叅劾少。請朕加以策勉。則更為全才。尤屬膽大。慧成係革職自效之員。止應聽候該大臣差委。乃敢妄加評議。竟以監軍自居。有乖體制。謬妄已極。至糧臺藩臬大員。原准奏事。遇有本營軍餉事宜。及特旨交辦

事件。豈能一律會銜具奏。即間有保奏隨員之案。是否允准。朕自有權衡。何待該革員嘵嘵瑣瀆。慧成著傳旨申飭。○諭軍機大臣等。英桂奏楚北逆氛復熾。豫省邊防喫緊。一摺。逆賊占踞漢陽等處。官軍屢次進剿。未能得手。該逆由應城上竄。逼近南陽。豫省素多捻匪。儻逆匪北來勾結。貽患非輕。該撫現已由陳州馳赴信陽。相機布置。惟豫省兵勇。屢經調赴正陽六安。並以各屬土匪滋事。紛紛調

撥現在邊防萬分喫緊。在防官兵過於單弱。自應迅派重兵前往。遏賊北竄。著僧格林沁於所帶官兵及勝保前存兵丁內。挑選馬步兵三四千名。派委得力大員統帶。星速馳赴河南。交英桂調遣。毋得稍涉延緩。至調撥以後。大營兵力或恐不敷。東省官兵有得力可用者。即著歸併大營協勦。如東省官兵可以徑赴河南。亦著斟酌辦理。總期一律精銳。毋許稍有老弱。致滋貽誤。該官兵啟程日期。並著迅速馳奏。馮官屯餘匪無多。豈容任其久踞。十數日來未接奏報。實深焦念。著僧格林沁等督飭兵勇迅速進攻。務將該匪即日悉數殲除。俾南賊聞風膽落。不致再圖北竄。將此由六百里加緊諭知僧格林沁。並諭令德勒克色楞西凌阿崇恩知之。○又諭王履謙等奏稽查上下游渡口情形一摺。王履謙等所稱俟往平凱撤後再行奏請開渡。自係於現在情形尚未稔悉。黃河設防以遏賊北竄。

為重。所有上下游防務。未可遽行鬆勁。著王履謙長臻仍飭各口文武員弁。無分晝夜。實力巡查。遇有形跡可疑者。務須嚴加盤詰。勿令賊中奸細得以偷渡。王履謙等亦須於上下游各口岸。梭織往來。身親稽察。不准遽請開渡。致有貽誤。將此由六百里諭令知之。○又諭本日據英桂奏楚北逆氛復熾。現飭南路加意戒備等語。該逆由應城上竄。非西犯襄陽。即北竄南陽。楚豫交界。防堵萬分喫緊。邱聯恩雖現駐信陽。所帶之兵僅有七百餘名。各路防兵亦皆單弱。本日已諭僧格林沁等於大營內挑選精兵三四千名。派委大員管帶。並速馳赴豫省。聽候英桂調遣矣。該撫偵探賊蹤。何路喫重。即飛催帶兵大員馳往何處策應。斷勿令賊匪竄入豫境。勾結蔓延。惟北兵抵豫。尚需時日。英桂現赴信陽。具各路防兵有可移緩就急之處。或添募壯勇。激勵鄉團。務當妥速布置。加意堵截。不可專待。

北兵致誤事機。其德安失守之信。是否屬實。仍著確探速奏。所請接濟經費。已飭令戶部迅速籌議矣。將此由六百里加緊諭令知之。○又諭四川官兵。自克復桐梓仁懷以後。搜捕餘黨。深入黔地。隨營糧臺。自應貴州承辦。以便支應。所有川省糧臺。著即裁撤。統歸蔣蔚遠派員督辦。黔省餉糈本屬不敷。仍著樂斌籌項解往。源源接濟。不得意存推諉。致誤要需。其軍餉報銷。統由貴州造報。以歸畫一。

將此由四百里各諭令知之。○以川楚交界防堵出力。賞知府羅升梧花翎。餘升賞有差。○以四川綿竹等處捕獲匪徒出力。賞千總曾三超把總許天祿五品頂帶花翎。○予湖北陣亡荊州副都統貴陞祭葬世職。守備扎克當阿祭葬世職加等。○准湖北荊州隨營出力銷除旗檔官兵。仍歸旗檔補糧當差。○庚申。

上詣

壽安宮西所問

如皇貴太妃安。○詣

壽康宮問

皇貴太妃安。○諭內閣。前因袁甲三奏請將安徽署宿州知州郭世亨開缺。專辦蒙亳等處捻匪。並請以補用直隸州知州王啟秀接署宿州知州。朕以地方公事。應由該撫覈辦。批令會同和春福濟具奏。嗣據袁甲三奏稱。和春等函令單銜入奏。茲據和春等奏。袁甲三

接奉批摺後。仍堅持已見。無從會銜。並稱宿州地方緊要。請留熟手接辦。無庸更易。以期官民相安。自係實在情形。所有郭世亨王啟秀開缺接署之處。著無庸議。各省辦理防剿大員。遇有官吏廉能出眾者。原准保奏。貪污不職者。亦許糾參。惟於升補委署。總應會商地方大吏。豈容擅自更調。袁甲三。經朕屢次批諭。輒敢固執不遵。又敢飾詞具奏。以遂其專擅之私。實屬大負委任。都察院左副都御

史袁甲三著先行交部嚴加議處。即著來京候旨。至所叅袁甲三擅截餘銀。冒銷肥己等情。著和春、福濟確切查明。據實具奏。○諭軍機大臣等。和春、福濟奏。知州未可更調。並請飭臨淮前派兵勇。仍駐亳州。各摺片。陸希湜。於潁毫一帶勦匪事宜。既據該提督等察看。實能勝任。即著責成該府。會同張家駒認真勦辦。其郭世亨、王啟秀二員。已明降諭旨。毋庸更調。以資熟手。張家駒所帶兵勇。係由臨

淮派赴亳州。現在該處既有擒匪劫奪破位。甚至文武均各受傷。此項兵勇。著即留於亳州。務將此股擒匪。悉數殲除。免致蔓延勾結。臨淮控制全河。為南北要衝。雖據該提督等聲稱。距賊尚遠。而滁州全椒等處。路徑紛歧。前年逆賊長驅北犯。實因臨淮無人扼守所致。現在袁甲三已交部嚴加議處。飭令來京。其所帶兵勇。斷不可竟行裁撤。著和春等酌委得力大員。前往接替。毋得稍涉大意。廬州

賊情既形窮蹙。亟應趕圖克復。俾大兵得以分路控勦。毋再延緩。另片所叅袁甲三舉錯乖方各情。如浮支兵勇口糧。及油糶藏銀。寄回原籍等款。是否確有實據。著和春等確切查明。據實具奏。再前據軍機大臣議覆。禮部侍郎杜翻奏。裁汰冗兵一摺。內稱各省徵調官兵。未必盡皆精銳。應由各省督撫。及帶兵大員。於徵調之初。到營之後。認真簡閱。裁汰疲弱等語。自為撙節軍餉起見。和春等所帶

兵勇。已閱年餘。有無應行淘汰之處。著照所議。嚴查妥辦。原摺著鈔給閱看。將此由六百里諭令知之。○予安徽陣亡外委曾潘庭。祭葬世職。○辛酉。諭內閣。前據慧成奏。糧臺大員。越分保薦。有礙大體等語。朕因糧臺藩臬大員。遇有關涉本營軍餉事宜。原准奏事。慧成係革職之員。不應越分言事。且有評騭統帥大員之語。當經降旨申飭。本日據托明阿等奏稱。藩司文煜接辦糧臺。保奏李樹穀。有

意討好與慧成前奏適相符合顯係該革員從中慫恿此種詭譎伎倆難逃朕鑒托明阿身為統帥若文煜所保不公即當早行參奏何以遲至數月之久始行入告又稱文煜於沙頭案內奉旨准保各員係該藩司專摺奏請不敢妄參未議隱約其詞殊失大臣進言之體托明阿陳金綬雷以誠均著交部議處文煜保舉李樹勳旋經雷以誠奏參該員製造軍械草率取巧業經降旨革職可見所保不

實文煜著一併交部議處糧臺大員原准奏事惟自糧臺移設揚州與距大營較遠者不同嗣後文煜遇有舉劾糧臺各員著與托明阿會銜具奏此次沙頭案內准保人員係屬勦賊出力更非糧臺可比著托明阿查覈彙奏該大臣等當此軍務孔亟之時務須一秉公忠於事有濟毋得各執已見致干重咎○諭軍機大臣等僧格林沁等奏圖勦逆匪情形一摺逆匪竄踞馮官屯經我兵用大礮轟擊

房屋坍塌乃該逆在溝內窵窩潛藏以避礮火實屬狡悍異常該大臣現擬由上河廳三孔橋挑開引放運河以水灌賊此計未免迂緩且恐辦理稍不周妥或有泛濫旁洩之虞轉使該逆有險可恃該大臣務當斟酌妥善一面迅速辦理仍一面設法進攻毋令負隅久踞逆賊詭譎多端慣於勾結此次義勇雖將該逆擊回仍當隨時稽查奸細毋令潛相煽惑以致窺我虛實將此由六百里加緊諭

知僧格林沁並諭德勒克色楞西凌阿崇恩知之欽差大臣托明阿等奏定擬軍流入犯張懋德等被賊勒送禮物實因懼禍圖全並非甘心賂賊情願捐貲贖罪得旨現在賊氛正熾懲勸最宜分明該商等既肯贖賊何不捐貲保衛免死發遣已屬從寬所奏著不准行以已革刑部右侍郎基溥為太僕寺卿以已革御前侍衛景壽復為御前侍衛以翰林院編修衍秀署日講起居注官

壬戌諭內閣王茂蔭奏請暫緩臨幸御園一摺現在並未傳旨於何日幸園明園不知該侍郎聞自何人當令軍機大臣傳問王茂蔭堅稱得自傳聞未能指實殊屬非是在廷諸臣陳奏事件如果確有見聞朕必虛衷採納若以道路傳聞率行入奏殊失進言之體王茂蔭身任大員不當以無據之詞登諸奏牘著交部議處原摺擲還又諭文煜奏遵旨覆訊革員參款一摺此案江蘇淮安府已革

內閣候補中書丁晏雖訊無藉團練為名斂錢肥己威逼人命等事惟以在籍紳士充當局總輒敢於監生徐克俊聚賭之案代向該縣開脫罪名實屬恃勢囑託又將捐戶拘押情同抑勒復於奏革後不候審訊懷疑遣控均屬任性妄為丁晏著從重發往軍臺效力贖罪委員主簿陳緒芬因禮生顧禮堂不願加捐輒行責打著交部議處至聽受囑託故出徐克俊罪名之山陽縣知縣著交部查取

職名一併議處○諭軍機大臣等文煜奏兵餉緊要請飭山東河南二省將欠解銀兩如數撥解等語現在揚州軍營需餉甚亟催提州縣應解之款不敷支放據奏糧臺軍餉項下有山東省欠解銀十六萬八千兩河南省欠解銀六萬九千五百兩疊次奉撥未解經該處糧臺委員守提半載迄未報解現當攻勦喫緊之際各省應解軍餉豈容經年累月任意拖欠致誤要需著崇恩英桂迅將該省欠解銀兩勒限如數解赴揚州糧臺應用山東省欠款為數較多即未能同時起解亦須設法陸續籌撥毋再遲延將此由五百里各諭令知之

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百六十

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百六十一

光緒二十五年三月十五日奉旨著將前奉 諭旨開辦各處賑務各員著交吏部知道欽此
光緒二十五年三月十五日奉旨著將前奉 諭旨開辦各處賑務各員著交吏部知道欽此
光緒二十五年三月十五日奉旨著將前奉 諭旨開辦各處賑務各員著交吏部知道欽此
光緒二十五年三月十五日奉旨著將前奉 諭旨開辦各處賑務各員著交吏部知道欽此
光緒二十五年三月十五日奉旨著將前奉 諭旨開辦各處賑務各員著交吏部知道欽此
光緒二十五年三月十五日奉旨著將前奉 諭旨開辦各處賑務各員著交吏部知道欽此
光緒二十五年三月十五日奉旨著將前奉 諭旨開辦各處賑務各員著交吏部知道欽此
光緒二十五年三月十五日奉旨著將前奉 諭旨開辦各處賑務各員著交吏部知道欽此
光緒二十五年三月十五日奉旨著將前奉 諭旨開辦各處賑務各員著交吏部知道欽此
光緒二十五年三月十五日奉旨著將前奉 諭旨開辦各處賑務各員著交吏部知道欽此

咸豐五年乙卯三月癸亥朔

上耕藉詣

先農壇行禮更服至藉田所

躬耕三推復加一推

御觀耕臺命豫親王義道克勤郡王慶惠成郡
王載銳各五推吏部尚書花沙納戶部尚書
文慶朱鳳標禮部右侍郎杜翱兵部右侍郎
春佑刑部左侍郎李鈞工部尚書全慶都察
院左都御史許乃普通政使司通政使李清
鳳各九推順天府府尹率農夫終畝賞賚農

夫耆老如例。諭內閣現在記名水師總兵人員業經用竣著兩江閩浙兩廣總督於水師副將內遴選堪勝水師總兵者各保奏數員迅速送部引見候旨記名以備簡用不得以無員可保一奏塞責其水師參將遊擊都司守備各員如有材藝出眾可備器使者並著覈實開單具奏。又諭英隆等奏遵旨會審屬員誣訐上司從重定擬一摺此案盛京戶部已革筆帖式覺羅全善因京察未蒙保

薦妄稟堂官揀選不公迨經革職審問始自認糊塗似此膽大妄為若僅照例圈禁不足示懲全善著照擬從重發往吉林充當苦差盛京戶部侍郎恆毓既知全善差使懶惰不識清文未能隨時叅劾亦有應得之咎著交部議處。閩浙總督王懿德等奏閩省商茶擬請設關徵收下戶部速議尋議奏閩省崇安等州縣為產茶盛旺之區自閩省暫開海禁運道便捷各商赴閩愈多所請附省扼要

處所及界連粵東浙江等處分設關卡徵收茶稅應請准其照辦專款存儲三月奏報一次聽候部撥試辦一二年後奏明定額永遠遵行從之。廣西布政使胡興仁奏司庫支絀情形得旨著與勞崇光認真籌畫以顧大局朕非未悉粵西彫敝已極第各省用兵自應先其所急事在人為毋存遠怨之嫌果能破除情面自可漸有起色。甲子諭內閣葉名琛柏貴奏海豐縣城被匪攻陷旋經收復

一摺上年閏七月間廣東賊匪攻陷海豐縣城經署陸豐縣知縣陳景輅等帶兵往剿在平岡口等處疊次斃賊一千三百餘名收復縣城嗣竄匪糾眾復徧縣城經護碣石鎮總兵何芳等督飭員弁分路進剿斃賊無數生擒鍾阿夏等二十三名將橫山巷等處匪鄉盡行焚燒收復長沙礮臺署通判許錚身等分往太平勦捕亦斃匪三百餘名其鮎門礮臺亦經署都司蔡先攀等會同紳士克復各

路匪巢俱已一律焚毀。仍著該督等嚴飭文武員弁。按捕淨盡。毋留餘孽。○又諭葉名琛。柏貴奏番禺縣屬河面匪船闖駛省河。疊經擊退獲勝一摺。廣東省河之南。番禺縣屬沙灣。茭塘等司一帶。河面匪船滋擾。經葉名琛等派令守備黃彬等帶勇堵剿。該匪復敢駕船三百餘隻。駛進大石柵口。欲圖襲我勇船。黃彬及水師遊擊曾琪等。分投擊毀賊船各十餘隻。斃匪八百餘名。剿辦尚為得手。仍著

葉名琛等。督飭將弁兵勇。趕緊剿除淨盡。毋使蔓延。在事出力人員。准其擇尤保奏。候朕施恩。○又諭。向榮奏截剿分竄高資賊匪。蕩平賊壘一摺。瓜州賊黨。於二月初九日。由鮎魚套夾江竄至高資一帶。經余萬清。虎嵩林兩面分剿。擊殺賊目一人。並斃賊百餘人。該逆復於初十日。沿江築壘。我軍奮勇殺入賊陣。斬賊無算。立將敗眾二營踏平。賊匪竄至句容縣高家邊。復經向榮派總兵德安前往

攔剿。將賊營衝出之騎馬紅衣賊首。砍落馬下。餘賊慌敗。官兵直逼賊濠。虎嵩林等由東路攻至東方橋。斃賊多人。二十日。賊分五股。由北面撲營。並從江邊另股抄出。劉開泰親督兵勇。砍倒大黃旗數竿。追殺賊匪百餘人。生擒六名。其鮎魚套口賊。擄高資港內賊。亦經我軍連日拆毀。並轟沈賊船七隻。著向榮飭令余萬清。乘勝攻克鎮江郡城。並令虎嵩林等。實力會剿。毋令他竄。○又諭。前據刑

部議覆王慶雲奏發遣新疆官犯。准其捐輸。改發內地。當降旨。令查明原案情節。奏明請旨。原以發遣官犯。情節輕重不同。若概令犯罪較重之員。紛紛捐請。寬典倖邀。尚復成何政體。茲據載齡奏。請停止捐改內地章程一摺。所奏甚是。所有發遣官犯。捐改內地章程。著即行停止。○諭軍機大臣等。向榮奏南陵剿賊獲勝。並派兵馳援徽浙情形一摺。另片奏徽州失陷。令鄧紹良帶勇赴浙等語。逆匪

久欲窺伺蘇浙。現既竄擾徽州。逼近浙省。於東南大局關繫緊要。何桂清前派石景芬等帶勇馳往。此時當已抵徽。向榮現飭楊瑞乾帶領義勇。繞赴浙省威坪。會同堵剿。並於金陵抽撥川兵。交馬永清管帶。由蘇入浙。復令鄧紹良添帶楚兵。由黃池赴浙。統帶各路兵勇。自可與浙省合力救援徽郡。該郡為浙江門戶。著飭鄧紹良迅速馳往扼截。勿稍延緩。許乃釗准其前赴浙江。與何桂清會籌防剿。

事宜。至金陵兵勇抽撥較多。怡良著仍駐常州。扼守蘇杭前路。徽州距蘇尚遠。該督此時毋庸即行回省。仍一面嚴防金陵鎮江南竄之賊。一面多設偵探。察看情形。緩急再行酌量進止。吉爾杭阿雖在向榮軍營。亦可與怡良督飭在省藩臬大員嚴查奸細。以杜勾結。不可稍存大意。徽州賊勢及浙省現在如何布置情形。著何桂清隨時奏報。以慰懸繫。將此由六百里加緊各諭令知之。○又諭葉名

琛等奏省城北路殲賊殆盡。西路剿賊獲勝。並番禺海豐等處均獲勝仗。惠來竄出之賊亦經官軍截殺。廣東剿捕事宜似有頭緒。惟所奏情形尚係十一月以前。距今又逾數月。各屬匪徒想可漸次掃除。而此次摺內未據提及肇慶韶州潮州等處。作何剿辦。朕心實深懸繫。著穆特恩葉名琛柏貴迅即乘勝攻剿。盡殲醜類。並將各路軍情詳細入奏。其附近江西湖南一帶。是否尚有匪蹤。亦著隨時

確探奏聞。以慰殷念。本日據王懿德奏潮州等處道路已通。所有調撥赴粵之精兵一千名。現已飭令臺灣鎮總兵呂大陞統領。改由平和陸路前進。已於二月十一日全數啟程。其前次慶寅管帶官兵亦於上年十一月由海道赴援。著該將軍等飛速迎提。以期厚集兵力。早殄逆氛。現在英德清遠等縣驛路尚有阻梗。仍須設法疏通。勿再延緩。將此由六百里諭令知之。○直隸總督桂良奏永定河

凌汎安瀾報聞○予江南陣亡道員劉廷鑑都司許上達外委袁永忠齊東興六品軍功宮耀廷祭葬世職額外外委洪得議卹如例予廣東佛岡海豐等處陣亡知縣羅才綸林芝齡把總李春縣丞施道彬祭葬世職○予守正被戕山西黎城縣知縣李鍾杰妻鍾氏女蓉仙媳任氏守正捐軀太原鎮千總傅輝妻李氏外委傅煊妻席氏旌表如例○乙丑

上奉

皇貴太妃啟鑒恭謁

西陵詣

龍神廟拈香○詣

皇貴太妃行宮問安至還宮皆如之○諭內閣官文楊霈奏武昌失守撫臣殉難各等語覽奏殊堪憤懣逆匪上竄漢口武昌省城兵力本單嗣因胡林翼李孟羣等永陸赴援屢有勝仗方冀危城克保乃該逆遽由興國通山

沌口塘角等處四面攻撲官兵竟日鏖戰眾寡不敵以致省城失陷巡撫捐軀楊霈以總督統領全軍自退至漢口後屢次進攻毫無把握此次省城被賊環撲又不能迅速救援即按律懲辦亦屬罪無可逭惟現在江北一帶防勦需人該督業已革職著仍暫留本任戴罪自效如再不將回竄逆匪一律肅清迅圖克復致令逆蹤擾及上游或久踞武漢即行從重治罪決不寬貸○又諭僧格林沁等

奏勦叛逆匪情形一摺馮官屯賊匪於二十八日潛行出巢向西南奔撲經我軍槍礮擊回未容竄出次日該逆開挖地道撲上礮臺雖經該大臣等督兵奮擊仍退回巢惟兵勇陣亡三十餘名受傷者甚多實屬疏於防範僧格林沁著交部議處○又諭副都統德興阿奏叅革員擅用關防一摺慧成係革職人員在揚州軍營效力乃敢與欽差大臣托明阿等會銜行文並擅用辦理防勦事務閩浙

總督關防調遣帶兵大員。謬妄已極。慧成及伊子晉康著托明阿。一併飭令回旗。毋庸再留軍營。○諭軍機大臣等。僧格林沁等奏。勦辦逆匪情形一摺。馮官屯賊匪狡悍異常。雖人數無多。尚思竄逸。若不實力進攻。遷延時日。該逆轉得乘我之懈。肆其猖獗。何日始能蕲事。僧格林沁前奏。馮官屯屋宇均經轟塌。該逆僅恃空窖潛藏。以避礮火。豈尚容其久延殘喘。著僧格林沁等督飭兵勇一面奮力

圍攻。一面嚴密防範。斷不准任其竄出。再致滋擾。另片奏。遵旨挑選馬步官兵四千名。派副都統常亮等統帶赴豫等語。現在河南南陽信陽等處。在在喫緊。此項馬步官兵一俟行抵豫省。尚應速籌進剿。著僧格林沁等飛催該副都統等。星夜統帶前進。毋許稍有逗遛。致滋貽誤。將此由六百里加緊諭知。僧格林沁。並諭令德勒克色楞。西凌阿。崇恩知之。○又諭楊需奏。餉需緊急。請飭四川。山西。陝

西。迅即撥解等語。湖北賊氛復熾。武昌失守。漢川。應城。天門等處。均被滋擾。勦辦萬分喫緊。楊需營中之餉。早已不敷。據稱川陝報解餉數。僅有銀四萬五千兩。為數既少。計日尚遲。若使接濟不及。兵勇枵腹荷戈。殊為可慮。著樂斌。王慶雲。戴齡。無論何款。迅速籌撥。解赴楊需大營。以應急需。楊需兵勇屢經挫失。前飭樂斌。撥兵勇各一千名。派顏朝斌。陳有才。管帶赴楚。即著飛催前進。此外有無可撥

官兵。並著悉心籌畫。添派前往。以助攻剿。至陝西前次撥解楚省大錢。現在該省未能一律通行。無濟軍營之急。此次撥解湖北軍餉。毋庸搭解大錢。軍務緊要。該督撫等接奉此旨。迅速遵辦。毋稍遷延。致有貽誤。將此由六百里各諭令知之。○又諭官文。楊需奏。此次武昌失陷。雖因兵力飢疲。奸匪內應。究因漢川進攻之兵。不能得力。以致省城孤立無援。現在胡林翼等兵勇。尚在金口南岸。李孟羣

等師船尚割京山或不難攻復武昌斷賊南竄湖南之路而楊昌泗劉富成之兵遇賊即退萬分怯弱雖楊需續派兵勇前往為數僅止二千若再有挫失則德安迤北可以徑達信陽德安迤西又為徑趨襄陽之路逆勢蔓延豈堪復問官文所請酌添湖南官兵已諭駱秉章酌辦能否抽撥尚難豫計即使稍有接濟亦於北岸防剿無裨前諭僧格林沁抽撥之兵本日據奏已挑選馬隊一千五百名

步隊二千五百名即日啟程業經諭令英桂徑行催赴荆襄一帶楊需務當妥為調遣或力扼襄陽或進攻德安總以迅速剿辦為要不得再有疏失儻荆襄稍有蹉跎或該逆聲東擊西乘我兵力全注襄陽又從德安竄撲豫境朕必將楊需從重治罪決不能再邀寬典也前調四川兵勇各一千名本日復經降旨飭催此項兵勇先從荊州經過官文本轄兵勇如尚敷布置不可率行截留俟續有川

兵到時再行分撥會剿此時楚省賊勢南北蔓延幾至無從著手官文等分辦合辦同係一事大江以北朕統以責之楊需荊州防守事宜即責成官文布置南岸攻剿事宜即責成胡林翼妥辦其如何互相援應迅圖肅清之處該將軍等務當熟計兼權亦不能自分畛域也將此由六百里加緊各諭令知之○又諭據楊需奏胡林翼王國才石清吉等兵勇約計雖有六七千人惟糧餉缺乏川陝各

餉尚未解到若湖南就近可以接濟金口尚能駐劄則相機進剿若不能駐劄則設法渡江上扼漢川等處以固荆襄門戶等語著駱秉章悉心籌畫湖南兵勇儻有可抽撥即當派委得力將弁管帶赴下游速為援應所需糧餉就近設法接濟如或該省兵勇不敷抽撥而胡林翼等兵勇又復上扼漢川則金口一帶勢難兼顧恐逆匪乘虛上駛該省與湖北毗連在在可慮尤宜於南北交界處所水

陸要隘。加意嚴防。毋得稍有疏懈。將此由六百里加緊諭令知之。○以湖北布政使胡林翼署巡撫。按察使文俊為布政使。廣西平樂府知府李孟羣署湖北按察使。○予湖北殉難巡撫陶恩培祭葬世職。謚文節。署武昌府知府多山。遊擊陶得壽祭葬世職。○免蹕路經過宛平。良鄉。涿。房山。涑水。易。六州縣地方。本年額賦十分之三。○是日。駐蹕黃新莊行宮。○丙寅。頒給呼徵阿齊圖呼圖克圖寺宇。

御書匾額曰。翊贊宗源。○諭內閣。勞崇光。惠慶奏。勦辦龍州匪徒。將戕官首要各犯。殲擒殆盡一摺。上年六月間。遊匪陸成泰等。在太平府屬龍州廳地方滋擾。拒捕戕官。復敢糾約匪黨。疊次抗拒。經甯明州知州劉作肅。土恩州黃政業等。率同兵練。分投痛勦。將匪首陸成泰等。及戕官各犯。悉數殲擒。並將匪夥殲除殆盡。辦理尚屬妥協。在事出力文武兵練著該撫等。酌量保奏。毋許冒濫。其在逃零匪。

仍著嚴飭地方文武。實力撙拏。務期淨絕根株。毋留餘孽。○又諭勞崇光。惠慶奏。梧州艇匪被勦。竄遁並藤縣被擾。旋經克復一摺。廣西艇匪梁培友等。攻撲梧州府城。自上年閏七月初五日至八月十二等日。疊經署梧州府知府陳瑞芝等。督兵殲斃多名。該匪退泊三角嘴。分遣匪黨竄赴藤縣。知縣程登莪等。登陴守禦。因眾寡不敵。被匪攔入。二十四日。藤縣匪徒馮六。並廣東另股匪徒關亞巨等。

先後到梧。分水陸五路進撲郡城。陳瑞芝等。督帶兵勇分投截勦。該匪等仍退泊三角嘴。二十八日。按察使張敬修。帶兵抵梧。於三角嘴一帶。沿岸勦擊。先後斃匪四百餘名。擊沈賊船二十餘隻。九月初四。至十月初八等日。該匪疊由長洲。白馬廟。黃埠頭。趨水關等處登岸。向城攻撲。張敬修等。內外夾擊。奪獲賊船四十六隻。隨用大船裝載沙石。將三角嘴江面填塞。賊勢日蹙。猶於十二等日。悉眾來。

撲十六日夜官軍乘風縱火燒斃匪徒不計其數餘匪東竄兵勇跟蹤追擊竄匪於匯龍江口等處屯踞與藤縣城內匪徒互為援應經水陸兵勇會合剿捕生擒匪首莫木二圭公潘張斯文養歐亞泆葉大骨志等五名當將縣城收復零匪翻山奔竄此股艇匪黨多勢悍現經官軍剿除殆盡仍著勞崇光等飭屬將首匪梁培友等嚴密擒拏並將敗竄餘匪悉數殲擒毋任一名漏網在事出力員弁

並著勞崇光等擇尤保奏毋許冒濫○又諭駱秉章奏湖南省應入本年秋審各犯應否仍遵上年諭旨分別辦理等語現在賊氛未靖該撫籌辦防剿所有應入本年秋審各犯著仍遵上年諭旨查照直隸省章程辦理○諭軍機大臣等寄諭駐藏大臣赫特賀等諄齡奏接據廓番來稟擬先行檄諭一摺覽奏均悉在該夷之意不過欲與唐古忒尋釁藉口被其欺陵以為爭鬬地步是否為此二案

尚難憑信惟該夷既經以此為詞即不必別尋枝節豫將悖逆之意道破但當就案論案將此二事妥為勘斷如果實係唐古忒人理屈亦不宜意存袒護恐致該夷藉端糾纏諄齡此次所擬檄諭一面令其撤回番兵一面札拏行兇人犯儻該夷遵諭靜候即趕緊為之斷結總以徹底根究秉公訊辦為要即或該夷再有瀆稟亦止能就事剖斷以期消患未萌姑俟斷結之後察看該夷有何舉動再

行斟酌辦理至前次所奏已派噶布倫及糧員等先赴定日一帶暗為布置亦宜加意嚴密勿為該夷窺破轉致授之以柄勘辦情形仍著隨時速奏將此諭令知之○賞御前大臣固倫額駙德木楚克扎布黃馬褂○予廣西梧州等處剿賊被戕州同廣壽府經歷程承芳從九品何植光譚伯福未入流張寶麟祭葬世職殉節梧州協副將蔣福長妻張氏旌表如例○是日駐蹕半壁店行宮○丁卯

詣

永福寺拈香。○諭內閣葉名琛、柏貴奏克復佛山一摺。廣東匪徒自上年六月占據佛山鎮恣意橫行。經葉名琛派委員弁紳士水陸攻剿。大小二十餘戰。省城股匪屢被創懲。肇羅道沈棣輝於十一月初三日偵知該匪有放火延燒街市情事。即飛稟該督撫添調兵勇戰船督帶進剿。該道馳抵佛山。逆匪築臺列礮釘椿激水抵死抗拒。復於文昌鵬背兩沙屯聚多賊。以為犄角。初六初七日官軍陸路連獲大勝。將賊營次第踏平。初八至初十等日官軍水路進攻。復沈毀賊船無數。嗣後軍威愈振。沈棣輝隨即四面分布官軍同時進搆。所向披靡。統計一月內擊殺賊匪一萬九千七百餘名。斬獲首級三千三十餘顆。生擒五百十七名。其焚溺轟踏捆解遺散者不計其數。佛山全鎮一律肅清。沈棣輝應變知機。督勦卅月。即將負隅巨匪全股蕩平。實堪

嘉尚。著葉名琛等即行據實保奏。候朕施恩。其餘出力員弁紳士同心協力無戰不捷亦屬著有微勞。著一併查明分別酌保。無遺無濫。仍著該地方文武將剿殘餘匪一體認真擒緝以期淨絕根株。○又諭袁甲三奏叅被揭知州請革職提訊一摺。據稱安徽亳州義門巡檢胡裕烈因署亳州知州繡綸有侵吞捐項訛索平民賣放擒匪各等款。臚列稟揭事關地方官貪鄙害民虛實均應徹底根究繡綸著即行革職交福濟督飭藩司畢承昭提同丁役人等逐款嚴訊務期水落石出按律懲辦以儆官邪。其稟揭之巡檢胡裕烈著即撤任聽候提質。○停廣東端陽例貢。○賞看守黃新莊半壁店秋瀾梁格莊行宮弁兵半月錢糧。○以拏獲帶匪進卡夥同強劫各犯予布魯特五品頂翎阿哈拉克齊薩爾坦伯克等獎敘。○予廣東肇慶嘉應殉難道員任為琦守備杜佳才知縣榮桂祭葬世職。榮

桂妻董氏。幕友于文海。廩生吳淞。武童徐右讓。旌卹如例。○是日。駐蹕梁格莊行宮。○戊辰。

上恭謁

奉陵

奉東陵

昌陵

昌西陵

慕陵。俱未至碑亭。即降輿。慟哭。步入

隆恩門。詣

寶城。前行禮。躬奠哀慟。王以下。文武大臣官員。均隨行禮。○是日。回鑾。駐蹕秋瀾行宮。○己

巳。祭

先蠶之神。遣

嬪行禮。○以署西安副都統舒精阿。署將軍。署陝西巡撫戴齡。兼署提督。○以勦辦蜀滇。交界大乾河賊匪出力。賞副將占住。土司已國富。千戶喇文清。郎應升。花翎都司懷唐武。

等藍翎。餘加銜升敘有差。○是日。駐蹕半壁店行宮。○庚午。改鑄廣西懷集縣知縣儒學。營守備印信。條記關防。從巡撫勞崇光請也。

○是日。駐蹕黃新莊行宮。○辛未。

上奉

皇貴太妃還宮。○補鑄福建德化縣知縣印信。

從巡撫呂佺孫請也。○壬申。

上詣

壽康宮問

皇貴太妃安。○諭內閣。吳振械。將爵遠等。奏。兇。勦竄逃賊匪。殲斃黔西首逆一摺。此股匪徒。經官軍疊加勦洗。猶敢糾集餘黨。合力死拒。我軍追捕。奮力殲擒。並將首逆王三札巴。殲。斃。辦理尚為得手。惟首逆楊瀾。仍未就獲。該。撫等務當督飭兵練。搜捕務獲。無任漏網。並將竄逃餘匪。一律搜除淨盡。以絕根株。所有。在事出力文武員弁人等。著擇尤保奏。候朕。施恩。○諭軍機大臣等。現在逆匪意圖上竄。

湖北荆襄一帶情形緊要。官文駐劄荊州。兵力未免單弱。楊需一軍。又屢經挫失。自武昌復陷。胡林翼、李孟羣等所帶水陸兵勇。亦不免勢孤。殊為可慮。黃宗漢前奏。由河南陝西赴川。計此時將次抵任。著偵探荊州一帶情形。如賊蹤尚未掃除。即與樂斌商酌。督帶兵勇馳赴夔巫一帶。相機進剿。其四川總督事務。仍著樂斌署理。如探知楊需各軍。剿辦得手。逆匪不至上竄。該督即可無庸前往。仍飭前調兵勇迅速赴楚。毋稍延誤。樂斌、黃宗漢務當斟酌緩急。妥籌辦理。不得稍分畛域。將此由六百里各諭令知之。○江西巡撫陳啟邁奏。賊竄饒郡。請將堵禦不力之署饒州府知府曹燮坤、署饒州營參將文忠、都司常安、署鄱陽縣知縣林蔚革職留營差遣。以觀後效。得旨。曹燮坤等均著革職留營效力。饒郡內竄之賊。勿令蔓延。方妥。剿辦情形迅速馳奏。○以勦辦貴州桐梓。仁懷等處賊匪出力。

賞和縣王敬烈參將慶勳遊擊巴哈布烏爾滾珠等花翎縣丞白人傑等監翎餘升敘有差

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百六十一

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百六十二

此條係官修實錄臣等奉命纂修時因事關重大特將此條先行刊布以昭大信其餘各條俟續修時再行刊布

人等未經奉命纂修者不得隨意增刪或將此條先行刊布以昭大信其餘各條俟續修時再行刊布

人等未經奉命纂修者不得隨意增刪或將此條先行刊布以昭大信其餘各條俟續修時再行刊布

人等未經奉命纂修者不得隨意增刪或將此條先行刊布以昭大信其餘各條俟續修時再行刊布

人等未經奉命纂修者不得隨意增刪或將此條先行刊布以昭大信其餘各條俟續修時再行刊布

敘修

咸豐五年乙卯三月癸酉

孝賢純皇后忌辰遣官祭

裕陵○諭內閣何桂清奏請將廢弛防務之員

革職等語安徽甯池太廣道兼署徽州府印

務恩禧於徽州軍務既不實心辦理復扣留

捐項積欠勇糧以致兵勇不能用命實屬貽

誤地方殊堪痛恨恩禧著先行革職仍著何

桂清查明該員下落據實具奏○又諭何桂

清奏克復徽州歙縣郡邑兩城一摺逆匪攻

陷徽郡並將歙縣城池占踞經何桂清派知

府石景芬督飭勇目夏寶慶李恆淞並副將

魁齡等帶領槍勇台勇分隊攻打東南北三

門逆衆聞風喪膽逃竄西門我軍追殺十餘

里生擒賊目二十餘名土匪數十人均即正

法其轟斃殺死者不計其數立將徽州歙縣

收復現在向榮所派鄧紹良各軍將次雲集

著何桂清飭令鄧紹良督率乘勝進剿克復

休甯黟縣二城以清徽境在事出力員弁兵

勇著何桂清酌覈保奏以示鼓勵○諭軍機

大臣等何桂清奏克復徽州歙縣兩城並添

兵勇進攻黟休二城各摺片現在賊衆蟻聚

休黟二城必須乘此聲威迅圖克復此時鄧

紹良統帶兵勇諒已馳抵徽郡所有各路帶

兵員弁均歸鄧紹良調遣以專責成該撫即

督飭該員即日進剿休黟賊黨並酌留兵勇

防守徽歙毋令乘虛回竄再致蔓延其徽浙

各路軍務及一切支應事宜即飭臬司晏端

書實力督辦勿稍貽誤將此由六百里加緊

諭令知之○以勦辦河南擒匪出力賞總兵官邱聯恩副將希拉布參將慶瑞知州王詒等花翎知州鈕潘等藍翎知府徐繼鏞等加銜升敘開復有差○以修築英吉沙爾城垣工竣予主事慶恩等升敘有差○豁免河南永城縣被擾地方新舊額賦○甲戌諭內閣全慶文彩奏請飭催江蘇省海運經費速解天津一摺向例海運經費均由該省豫備先期解津應用茲據奏稱江蘇省本年應解經費欲於代辦直隸銅價內扣除勢必有誤轉運關繫甚重著怡良吉爾杭阿迅將海運應需經費銀兩派委妥員兼程解赴天津毋稍遲誤至直隸省應還江蘇代墊銅價仍照前奏定限二年解還總當各清各款毋得彼此牽混以免轆轤○諭軍機大臣等托明阿等奏籌防浦口兼顧北岸上下游全局一摺金陵逆首既有欲由浦口北竄並詐襲各岸營盤及裝載柴火圖燒師船之意則自揚城以

西儀徵六合浦口至江浦等處皆須節節嚴防而瓜鎮賊匪欲撲揚州三汊河樸樹灣一帶蓄謀亦非一日此時薩炳阿管帶之馬步官兵現已抵揚泊承陞所統柁營戰船已至焦山吉爾杭阿亦督率上海得勝兵勇助攻鎮賊自應南北進兵水陸並舉以陸路分攻瓜鎮以水路攻取金山使該逆三路不能兼顧方為上策浦口緊對金陵本為賊蹤往來之地江浦後路復可暗襲浦口武慶等兵力甚單托明阿所稱抽撥精兵僅止四百餘名是否足資堵禦江北屏障之區布置不容罅漏仍須責令武慶溫紹原等實力扼守其浦口以上梁山以下烏江一路本有恩錫張光第在彼駐劄亦可與該司道聯絡聲勢藉免後顧之虞惟攔江賊鍊賊獐日久未斷終恐衝突為患托明阿等與向榮雖各統各軍實同辦一事著即公同嚴督上下水師設法會勦先毀賊鍊遇有兩岸接仗迅速駛赴江岸

協擊以牽賊勢向榮前奏李德麟吳全美等紅單局艇各船俱有損傷刻下當已修整即應趕緊進剿不得以餞風欠靈日事延閣其五龍山江面雖設有攔鍊木檔而江漲日寬風濤撞激究未可恃至瓜州賊匪匿巢不出即築就長圍不過杜其出擾總宜亟籌戰取以覆賊巢吉爾杭阿早至鎮江亦著飭令余萬清等剋期攻克毋再遷延俾上下游南北岸漸就殲除方無他慮將此由六百里加緊

各諭令知之○又諭曾國藩塔齊布奏軍餉不支請飭閩浙二省籌銀接濟等語現在曾國藩等駐兵江西省城因湖北武漢一帶為賊占踞糧道已斷四川湖南之餉不能運解前往其水陸各軍兵勇口食僅恃江西一省捐項不敷支放必須鄰省通融協濟方足以資攻剿著王懿德何桂清於該省無論何款項下每月各籌銀二萬兩派委妥員解赴曾國藩等軍營應用該督等務當迅速籌解毋

誤要需將此由六百里各諭令知之○又諭曾國藩塔齊布奏統籌全局並請飭袁甲三募勇由麻城出黃州以全江北大局及籌撥餉銀各摺片詳覽摺內所論楚皖江西三省全局陸路須分兵四支水路須分兵兩支於勦辦機宜頗為明晰惟據楊需等奏現赴棗陽一帶防賊上竄荆襄而河南信陽等處亦極緊要幸胡林翼等兵勇尚在金口南岸李孟羣等師船尚劄京山均未挫失或可藉圖

收復節次諭令川陝撥兵赴楚湖南抽撥兵勇赴下游援剿並諭僧格林沁派馬步官兵四千赴荆襄一帶交楊需調遣楚豫交界地方統計兵力尚敷堵剿但武漢復遭蹂躪賊勢益張該侍郎等水陸兩軍已成孤立之勢現在賊竄饒州樂平分擾景德等處羅澤南已帶勇進剿著即飭該員趕緊克復郡城以次掃除昨據何桂清奏賊破徽州已經收復現擾休黟等處羅澤南如勦除饒州賊匪即

可相機前進攻勦池州安慶之賊塔齊布圍攻九江亦未便撤動仍當添募兵勇奮力攻擊以牽制逆匪使不得肆行奔突曾國藩師船並江西所造戰船尤須設法將湖口賊卡浮橋併力攻毀駛出大江與塔齊布在九江會合以圖克復袁甲三現已革職飭令來京臨淮兵勇本不甚多既不能撥赴麻城黃州若募勇訓練尚恐緩不濟急本日已諭令和春等酌量辦理其能否派撥進勦之處尚未

可定總俟山東軍務告竣不但兵力可分並可派員前往於江北一帶妥為布置至曾國藩等所需餉銀已諭閩浙兩省照數籌解但恐尚須時日著陳啟邁於四年漕折項下每月酌撥銀兩以濟要需四川湖南等處餉銀仍當設法催提俾資接濟正月初五初八二十七等日奏報所降硃批諭旨已飭鈔寄矣將此由六百里加緊各諭令知之○又諭前因袁甲三交部嚴議飭令來京其所帶兵勇

當諭令和春等酌委得力大員前往尚未奏報殊深懸繫臨淮控制全淮為南北要衝防守機宜斷不可稍涉大意本日據托明阿等奏浦口六合等處拏獲奸細有金陵逆首擬由水陸攻襲浦口大股北竄等供托明阿等攻勦瓜鎮賊匪正當喫緊勢難多撥兵勇赴浦口防禦武慶等兵力甚單設有疏虞關繫甚鉅浦口與皖省接壤其烏江一帶前經官軍屢次攻毀賊壘即著嚴飭廬鳳道張光第等實力防禦與武慶等浦口之師聲勢聯絡以杜賊匪北伺之意參將劉玉豹駐劄全椒縣屬之官渡亦可就近策應毋任稍有疏懈又據曾國藩等奏稱臨淮關由壽州光固以達麻城程途甚邇若令袁甲三由臨淮招募壽光二處練勇五千由麻城出黃州之背併力邀擊則蕪黃可復皖鄂兩省便可聲息相通等語該侍郎所籌自因江北一帶並無得力勁旅故擬添此一軍以資進勦惟臨淮防

堵亦甚緊要此時能否分兵前進著和春等酌度情形妥籌辦理廬州賊匪既已窮蹙官軍長圍已合何以日久尚未得手總須早復廬郡大兵便足數分撥務即迅圖克復毋再遲延將此由六百里加緊諭令知之○乙亥諭軍機大臣等和春福濟奏請飭怡良撥兵勇一二千名交張芾統帶赴徽甯一路督辦防勒等語張芾係發往軍營差委之員該提督等請明降諭旨令其馳赴徽甯調度各軍

於事恐為無益現在鄧紹良已行過浙境各路赴徽援勒兵勇均歸調遣昨復諭知何桂清督飭該員迅圖勒辦若再另派統率之人轉致事權不一張芾著仍遵前旨交和春等差遣委用是否令其即赴徽甯隨同攻勦並著何桂清酌量辦理至上海凱撤之師本係勇多兵少現已分赴金陵鎮江怡良駐劄常州帶兵亦屬無多徽郡兵勇經向榮何桂清派往者已有數千毋庸怡良等再事抽撥至

廬州軍營即使差委乏人亦何至專保廢員始收指臂之助福濟所請令黃恩彤赴廬州差委之處著不准行將此由六百里加緊各諭令知之○廣東水師提督洪名香年老休致以瓊州鎮總兵官吳元猷為水師提督○以安徽廬州勦賊出力賞副都統常清協領伊昌阿佐領塔斯杭阿慶保布克坦倭紳防禦全亮遊擊何朝亮玉崑都司章敬章守備田宗升李嘉萬冉廣興呂元侯吳秀鄒朝元

于昌麟胡運鴻知州蕭威遠花翎佐領瑞祥等藍翎總兵官珠克登等開復升敘有差○丙子

上御乾清門聽政○諭內閣怡良奏查明鹽船積弊並土匪私設鹽卡擾害票法一摺淮北綱鹽行銷皖豫二省日形壅滯據怡良查明因各販運經由阜陽霍邱固始三縣交界處所有船戶等肆行舞弊致虧客本又信陽羅山二處為行銷最暢之區光山係必由之路

聞該境私設鹽卡盤踞需索以致往來客販畏葸不前自應亟加整頓以肅鹺政著英桂福濟嚴飭各該地方官凡准鹽經過處所如船戶人等有敢行盜賣並水手攬和沙土等弊一經查出即行拏究毋得稍分畛域至土匪私設鹽卡尤屬大干法紀並著該撫等密速查拏從重懲辦斷不准稍涉疏縱以除積弊而裕國課○諭軍機大臣等前此僧格林沁故撤高唐南面之兵原為誘賊離巢追殺易於得手乃自竄踞馮官屯以後又已月餘該逆匪抵死堅匿而官軍竟無計可破前月二十九日之戰甚至傷亡兵勇遺失礮位似此情形轉不如任其坐困高唐猶得以糧盡制其死命該大臣所用水攻之法現已竣工惟聞該屯地勢微高逆賊在濠內添土築壘巧為抵禦是水勢雖形暢旺不過灌滿四面濠溝而止該逆在屯內仍能暗施詭計即現在掘濠岸灌自下而上亦難得力如果此舉

再無成效該大臣又計將安出以萬餘兵勇圍數百之賊百計經營迄無把握朕心實深焦灼著僧格林沁即將現在水勢若何攻剿能否得手及水攻儻不可恃應作何設法之處迅速具奏總期剋日蒞功以慰懸望至撥赴河南之馬步隊官兵四千名業經降旨令赴湖北迎剿河南兵力空虛防堵倍形喫緊前此諭知該大臣等如東省官兵可期得力即酌量歸併大營嗣據覆奏大營兵勇足數圍剿是山東官兵現尚可以抽調著僧格林沁會同崇恩即行選派三四千名派委得力將弁管帶前往河南交英桂調遣專備該省防堵之用仍咨明英桂沿途妥速迎提毋任稽留延緩將此由六百里諭知僧格林沁並諭德勒克色楞西凌阿崇恩知之○又諭前因襄樊緊急曾諭令扎拉芬帶兵迅赴湖北與楊需等會同攻剿本日據載齡奏請飭扎拉芬駐劄棗陽扼守由楚入陝要隘等語該

將軍帶兵赴楚。原為探明賊蹤。以勦為防。現在該逆上竄。尚無定向。若令扎拉芬專駐棗陽。轉成株守。務須確探賊蹤。若棗陽緊急。即會同楊需實力截勦。儻該逆紛竄他處。即當帶兵迅出賊前。迎頭截擊。切勿祇顧一隅。致誤事機。將此由六百里加緊諭令知之。○以禮部尚書麟魁兼署工部尚書。以翰林院侍講學士徐樹銘為內閣學士兼禮部侍郎。銜仍留山東學政任。通政使司通政使雙福。

太僕寺卿基溥為都察院左副都御史。翰林院侍讀學士龔寶蓮為詹事府詹事。光祿寺卿宋晉為宗人府府丞。以辦理山西省城團練出力。加在籍內閣侍讀學士郭景儔三品卿銜。餘升敘有差。○丁丑頒江蘇六合縣火神廟。

御書扁額曰靈威顯耀。○山東巡撫崇恩奏。委員李湘荼赴日照縣試開銀礦。鄉民聚眾阻撓等語。得旨實屬不成事體。李湘荼有無借

事滋擾。及抑勒情事。著一併確查。速奏。尋奏。勘明日照縣內並無礦苗。李湘荼查無滋擾。抑勒情事。擬請飭令回籍。從之。○陝西固原提督桂明因病解任。以山西大同鎮總兵官孔廣順為陝西提督。直隸大沽協副將鞠殿華為山西大同鎮總兵官。○戊寅。以追捕甘肅番賊出力。賞把總楊天興等藍翎。餘獎敘有差。○己卯。

上詣

壽康宮問

皇貴太妃安。庚辰。

上詣

壽皇殿行禮。以辦理伊犁雅瑪圖銅礦出力。

賞回子商伯克阿布都蘇爾花翎。餘升敘有

差。○辛巳。諭內閣。托明阿等奏。浦口各營獲

勝焦山水師攻獲賊糧。並向榮奏。師船斬鍊。

攻出上游各一摺。三月初七日。已革總兵王

鵬年會同吳全美李德麟督率各船分南北。

岸進至七里洲沙嘴攻該逆礮臺礮隄吳全美由南岸抄到轟沈賊船二十餘隻時九洲亦出賊船七八十隻李德麟自北岸兜截斃賊無數武慶亦督帶陸路官兵由三板棹直擣九洲賊船王鵬年復將護鍊賊船擊溺多隻葉常春周希濂分領浦口局艇從兩岸前來會合各勇由七里洲九洲夾攻接應紅單挖營各船全幫駛出上游將賊船擊沈焚毀自辰至申鏖戰五時斬鍊兩道焚擊

賊船三百數十隻斃賊無數焦山水師總兵周士法等亦同日進攻金山賊營時江面賊稗隱動北固山賊隄亦從內開礮我軍一面迎擊賊隄一面泝流上攻賊稗賊勢不支落水淹斃者無算著托明阿向榮等督飭各營水陸會勦克復瓜州鎮江並著將江面上下游賊船一律勦除此次出力員弁兵勇等准托明阿向榮擇尤保奏以示鼓勵○又諭何桂清奏克復休甯縣城一摺徽州賊匪自我

軍克復郡城後竄往休甯二月二十四日知府石景芬飭令勇目夏寶慶等帶隊進逼休城署休甯縣知縣唐寶昌密約紳士吳益文等帶領練勇同時進勦於初更時一擁入城賊匪驚竄殺斃甚多縣丞張奇炳署徽州左營守備汪連陞先後趕至隨同追擊三十餘里即將縣城克復著何桂清即行督飭石景芬等迅速進勦肅清徽境毋稍遲延在事出力紳勇著何桂清覈實酌保候朕施恩○諭

軍機大臣等本日據英桂奏稱前派馬隊一千五百名於荆襄一帶地勢不甚相宜請截留改撥等語此項官兵已據僧格林沁奏派副都統常亮等帶赴信陽防次業經啟程即可毋庸折回改撥其續調山東兵勇共二千名務即挑選精壯步隊飛催前進毋稍遲誤馮官屯賊匪為數無多我兵圍勦月餘尚未殄滅實深焦急本日據奏水攻之法尚須趕造水車用人力掣灌不免又稽時日總須著

力攻勦勿徒恃水攻方為妥善將此由六百里加緊諭知僧格林沁並諭德勒克色楞西凌阿崇恩知之○又諭英桂奏馳抵信陽添兵扼守關隘以資攻勦本日據僧格林沁奏選派兵勇共二千名前往河南交英桂調遣以防賊匪北竄俟此項官兵抵豫後或可與常亮所帶馬隊官兵互相調換以期得力現在賊踞德安南汝光商均屬接壤英桂已抵信陽即可就近調度邱聯恩現赴三關堵禦

平定縣志卷之三

十七

著飭令該總兵加意嚴防以固邊圉泥台敗竄擒匪雖經擒斬多名並須嚴飭該道府等淨絕根株勿令餘孽復萌致滋後患楚北軍情並著英桂隨時確探迅速具奏將此由六百里加緊諭令知之○又諭托明阿等奏浦口水陸各營大獲勝仗一摺並據向榮奏師船斬鍊攻出上游亟籌調兵由陸路接應並請調馬隊助勦各摺片紅單各船自駛入大江總未能痛勦賊艘此次水陸進攻斬斷賊

鍊兩道焚毀賊船三百餘隻水師初次得手正可乘此聲勢南北約會分攻瓜鎮兩城並嚴飭水師將弁勦除金山賊營以孤賊勢逆匪分踞瓜州鎮江全恃江面賊船往來接應此時師船既攻出上游即當節節進扼使南北兩岸之賊不能互相勾結則勦辦自易為力據向榮奏稱兩梁山尚有賊設攔鍊礮船林立蕪湖太平逆黨甚多必須亟籌陸路一軍沿江接應自係實在情形著即設法布置

平定縣志卷之三

十六

該逆現欲窺伺黃池甯國鄧紹良已帶勇趕回防勦如該逆不敢內犯鄧紹良即可進攻蕪湖以圖與舟師會合勦除梁山賊匪該逆經此懲創尚恐另生詭計以牽掣我師托明阿向榮仍當督飭水陸各軍一面進勦一面嚴密設防杜其奔竄向榮請調吉林馬隊一千名來江助勦如金陵大營需兵緊急可先於托明阿所帶馬隊官兵內商調數百名渡江協勦該大臣等雖分勦南北兩岸之賊實

則共辦一事務當統籌全局以期迅埽賊氛
將此由六百里加緊各諭令知之（前任江
南福山鎮總兵官孫雲鴻因病乞休允之○
以進攻江南九洑洲上游出力賞已革總兵
官王鵬年五品頂帶花翎以隨同克復安
徽徽州休甯府縣二城復知縣唐寶昌典史
申協烜職予殉難知縣廉驥元把總楊冠宏
黃萬魁外委彭玉貴祭葬世職）壬午以陝
西省城團練出力賞參將施鵬藍翎餘升敘
有差

實錄卷一百三

十九

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百六十二

實錄卷一百三

二十

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百六十三

監修總裁官前直隸總督臣徐蔭桓奉 上諭旨著徐蔭桓等纂修

大學士管理戶部三庫事務臣徐蔭桓奉 上諭旨著徐蔭桓等纂修

大學士管理刑部事務臣徐蔭桓奉 上諭旨著徐蔭桓等纂修

大學士管理工部事務臣徐蔭桓奉 上諭旨著徐蔭桓等纂修

大學士管理禮部事務臣徐蔭桓奉 上諭旨著徐蔭桓等纂修

欽修

咸豐五年乙卯三月癸未諭內閣惠親王恭

親王奕訢奏錢法亟宜整頓酌擬章程五條
呈覽一摺戶工兩局並鑄錢局鼓鑄當十大
錢凡官收民用均應恪遵功令一律行使近
以私鑄過多人懷疑畏銀市奸商並敢將大
錢與制錢各定價值任意軒輊兵餉民食攸
關自應亟籌整頓著照惠親王等所請嗣後
順天直隸山東山西等省徵收地丁錢糧凡
零星小戶及銀鈔尾零完納錢文者俱准呈
交銅鐵當十大錢並鉛鐵制錢如官吏書差

勒索挑剔不肯收納准該民人控告究辦其
餘較遠省分以次遞推遵照辦理其民間買
賣交易儻敢聽信奸商把持任意阻撓初犯
者枷號示眾再犯者發極邊煙瘴充軍遇赦
不赦其有故意刁難致大錢買物之價昂於
制錢者亦即照阻撓治罪至私鑄錢文本干
例禁尤宜嚴加懲治嗣後凡私鑄大錢人犯
拏獲到官除將該犯按新定律例訊置重典
外仍將該犯家產入官並准軍民人等首告

誣告者仍反坐所有一切詳細章程即照所
擬著巡防王大臣步軍統領順天府五城出
示曉諭並著近京各直省督撫等一體遵行
務期家喻戶曉藉導壅滯至錢文之鼓鑄閒
有未善則民間不知寶貴並著戶工兩部錢
法堂侍郎督率該監督等將兩局當十大錢
加工鼓鑄務使分兩均齊制作精良以重圜
法而裕國用 又諭羅惇衍梁同新奏塘遞
阻滯請將捐生執照改交差弁或由海道轉

遞一摺著該部查明未發執照速行頒給其應如何改道遞發之處即著速議具奏此外各省如有因道路梗阻未經遞到捐照者著一併查明覈辦至各省捐輸准加中額學額原以激勵輸將據該侍郎等奏廣東省應加額數尚未查明奏請實屬遲延著該部飭催該省迅即覈明捐數一面造冊報部一面奏請恩施其各省捐輸有應行加額者亦著一體飭催奏報俾捐生等及早霑恩以示鼓勵

○諭軍機大臣等惠親王恭親王奕訢奏請飭催鐵斤等語前經惠親王等會同戶部奏准令山西省每歲採辦生鐵一千二百萬斤解京交局先將一半生鐵六百萬斤於三月內埽數解到以濟鼓鑄本日據王慶雲奏僅起解片鐵一百萬斤現在局中存鐵無多若多延時日必致有誤要需著王慶雲督率藩司飭令該委員妥速籌辦除現解一百萬斤外再將生鐵五百萬斤星速解京其餘一半

並著及早採買源源續解至鐵價每斤三十文既經招商承辦以後不得再議加增以歸覈實其鐵斤起解日期即著咨報鐵錢局查覈毋得稍有遲誤將此諭令知之 惠親王恭親王奕訢等面奉

諭旨惇郡王奕誥著降為貝勒革去一切差使加恩仍著戴用紅絨結頂服用金黃蟒袍在內廷行走上書房讀書 河南巡撫英桂奏德安賊匪東竄現飭弁兵出關堵剿得旨覽奏曷勝焦急以後情形迅速馳奏汝能隨時相機調遣勿稍拘泥方妥 以故貝子慶敏子鑾儀衛雲麾使文謙降襲鎮國公爵 以四川提督萬福兼署貴州提督新授廣東南韶連鎮總兵官豐伸暫署雲南開化鎮總兵官 以雲南勦辦粵匪出力賞知府梁金詔副將明慶花翎府經歷許濂藍翎道員潘楷按察使銜餘升敘有差予陣亡遊擊明恆祭葬世職 甲申

上詣

壽康宮問

皇貴太妃安○諭內閣步軍統領衙門奏軍營撤回官兵攜帶幼孩查辦情形一摺軍營飢撤官兵沿途攜帶良民子女本有治罪專條此次該衙門查出官兵所帶幼孩均係被脅難民投營後隨從來京與沿途攜帶良民子女者不同既據該官兵交出自應妥為安置惟此項幼孩或故鄉被擾或親屬無存若概

行遞回原籍恐其中無家可歸者轉致流離失所著在京各旗營衙門一體查明除現在交出三名外凡有攜回幼孩均飭該官兵等按名呈出如有親屬可投及力能自還本籍者即著准其回籍毋庸官為遞送不願回籍者准其在京自謀生理○恭親王奕訢面奉諭旨貝勒奕誼著仍服四團龍補服內廷王公班次著在載銳之次王公班次著在奕綏之前○以成郡王載銳署正黃旗領侍衛內大

臣○以陝西漢中鎮總兵官孝順為貴州提督湖南常德協副將伊綿阿為陝西漢中鎮總兵官○以四川勦辦黔匪出力賞提督萬福巴圖魯名號花翎參將蔣玉龍巴圖魯名號總兵官卓陞副將德恩道員胡允林遊擊傅崑高克謙都司琦明懷唐武馬天貴趙應熊守備蕭聲遠等花翎經歷沈壽榕等藍翎道員曹澍鍾布政使銜在籍編修張正椿等加銜升敘有差○乙酉諭內閣多羅貝勒奕

誼第一子著命名載濂○又諭多羅貝勒載中著改名載治○諭軍機大臣等寄諭駐藏大臣赫特賀等諄齡奏接據廓爾喀國王先後來稟呈遞表章及邊界情形一摺並鈔錄表底檄諭稟底等件詳細披覽總由該國前此欲助兵勦賊該大臣不及早阻止並多收稅米阻攔商民各案未能趕緊秉公查辦以致該國藉口與唐古忒尋釁滋事其所遞表文尚未顯露悖逆之狀惟濟隴聶拉木兩處

邊界各有廓兵四五百名駐劄要唐古忒照
噶熱窩扎數目算給銀兩方能說和或照噶
熱窩扎銀兩之數算給地方亦是該國此
次動兵不過要求唐古忒給與銀兩亦未明
言與中國抗拒該大臣所擬檄諭逐層指駁
自應如此辦理但措詞必須得體如違悖天
朝要將疆土讓爾等語一經說破恐該夷轉
無顧忌唐古忒廓爾喀均隸我屏藩自來一
視同仁毫無偏袒如果唐古忒實有欺陵廓
夷之事必應迅速查辦使兩造平允該夷自
不能藉端起釁該大臣現在催調各路土兵
趕到邊界但當暗地設防不可稍露聲色定
日地方向設官兵稽查斷無另行遠駐之理
仍一面密查該夷如何舉動一面將所稟各
案妥為查辦以折服該夷之心總不得妄動
兵力致生枝節該國所遞表文毋庸給予敕
書該大臣即按此次諭旨大意檄諭該國令
將所派之兵趕緊撤回其唐古忒欺陵各節

允其查辦天朝撫馭外夷至大至公遇有兩
國爭競總以事理為斷固不但護唐古忒亦
不偏助廓爾喀該國久隸臣藩必能深明大
義也另摺奏護送哲布尊丹巴呼圖克圖回
牧一節此次因通天河一帶時有游匪搶掠
是以權令達賴喇嘛支應騎馱業經該喇嘛
遵辦騎馬馱牛派員帶往哈拉烏蘇交給漢
營官兵護送前進具見惻誠嗣後遇有差使
不得援以為例以示體恤將此諭令知之○

又諭有人奏江蘇吳江縣地方有惡僧福緣
即定慧又稱張三和尚勾串奸胥劣衿人等
把持漕糧暗通賊盜前此震澤縣知縣沈則
可下鄉徵糧係該僧主謀燒毀坐船復於浙
江秀水縣地方糾集土匪肆搶羽翼甚多窩
巢不少現在聞拏逃逸尚未捕獲等語著怡
良吉爾杭阿即飭該地方官嚴密查拏務將
該僧緝獲訊究如審出不法實蹟即行從重
懲辦並將匪類窩藏處所搜捕淨盡毋留餘

擊至吳江一縣錢漕累重據奏必得素有膽識之員如邳州知州左仁者始能認真辦案並著該督等體察情形遴委妥員辦理錢漕毋令小民藉端滋事又上年八九月間疊次有人奏吳江震澤兩縣侵吞捐項並土匪水手滋事等情當經諭令怡良等查辦迄今未據覆奏著一併確切查明據實參辦毋再遲延原片著鈔給閱看將此由四百里諭令知之○又諭御史宗稷辰奏大江南北設卡抽

釐收捐太雜出入總數毫無稽覈並有常鎮散勇與江面土豪在江濱距圖山關相近地方樹幟攔船肆行盤踞與營卡比列莫辨公私請將釐捐事宜責成江督經理等語江南省捐釐濟餉雷以誠創議於前文煜接辦於後原期集餉安民兩無窒礙其揚通一帶設立各卡均有章程可稽豈容任意添設若如所奏官收捐項已極繁瑣復有匪徒冒名勒索擾累行旅更屬大千法紀著托明阿等確

切訪查如有奸徒把持漁利即著從嚴拏究以靖地方至該御史所奏百里之間設卡過多應行歸併刪減之處著酌量情形奏明辦理其所請責成江督稽覈及簡員管理事多窒礙著毋庸議至官軍發項未能按期支給如果抽釐事務辦理得宜所捐款項悉歸實用於軍餉亦有裨益該大臣等務當悉心妥辦毋得擾害閭閻徒使奸徒中飽而於軍餉仍無實濟原摺著鈔給閱看將此由四百里

諭知托明阿向榮吉爾杭阿陳金綬雷以誠並傳諭文煜知之○丙戌諭軍機大臣等陳啟邁奏饒郡賊匪分竄合力堵剿一摺竄擾饒州之賊意在窺伺廣信撫建等屬此次連竄樂平德興復擄掠民船攻撲石鎮街雖經立時勒退興安一帶亦有官兵防守已由黃柏塘小路突入弋陽境內該邑為浙江屏障又與江西省撫建二府毗連賊勢紛竄腹地滋蔓堪虞況徽郡游匪雖據何桂清奏疊次

收復徽歙休甯府縣三城餘黨尚聚黟縣浙省不免戒嚴若再令由廣信逸出與徽賊勾結不但阻梗驛路更恐掣動蘇杭羅澤南所帶相勇並新募平江練勇馳往會同林福祥合勦著即責令該道府等迅掃妖氛饒州尚有股匪亦著陳啟邁飭令都司吳錫光就近渡湖以次攻復都昌直抵饒郡與羅澤南分路夾擊使該逆首尾不能相顧勦辦方有把握若令其四處紛突更肆猖獗大局豈復可

問該撫因徽浙防堵緊要將遊擊常海管帶浙兵六百名派往常山玉山一帶探明何處緊急即由何處應援自應如此不分畛域曾國藩一軍所需軍餉已飭部速議仍著陳啟邁竭力設法接濟毋使匱乏將此由六百里諭令知之丁亥諭軍機大臣等都察院奏河南商邱縣武生李景瑞等以逆匪猖獗等詞遣抱秦連起赴該衙門控告已交英桂親提研訊矣亳州逆匪蘇添幅等在永城夏邑

等處疊次搶掠該處民不堪命徐廣縉以戴罪大員專辦勦捕何竟置若罔聞署太康縣祝壇督率商邱等縣鄉團勦辦得手何以遽令調回此案前經學政張之萬奏參曾諭令該撫迅即查奏迄今尚未覆奏該撫接奉此旨著督同藩臬兩司將該武生等呈內所控各節逐一嚴查如果徐廣縉畏葸退避以致閭閻慘遭荼毒即著嚴叅治罪不得稍涉瞻徇其亳州歸德等處賊氛未靖著嚴飭張維

翰率同地方文武及防堵員弁迅速籌辦務將匪黨悉數殲除毋任貽害地方原摺原呈均著鈔給閱看將此諭令知之戊子

上幸瀛臺諭軍機大臣等寄諭直隸總督桂良全慶文彩奏海運漕船被劫一摺據稱孫德茂等沙船裝載江浙漕糧米石並公項銀兩於二月二十五日行至山東黑水洋石島地方被艇匪搶去銀米並有勒銀贖船情事已諭令山東江蘇各督撫嚴密防範並將疏

防之登州鎮總兵田浩然摘頂示懲矣本年海運米船已到者未及十分之二隨後各船尚有數百餘隻並有隨帶公項銀兩為數甚多著該督即飭天津鎮道率同地方文武員弁於附近口岸加意巡防儻有奸徒瀾跡乘間搶竊立即嚴拏懲辦毋稍疏虞將此諭令知之○又諭前據怡良等奏浙省及余山一帶洋面間有撐篷盜船游駛派令總兵葉萬清統帶師船於海運米船開行時往來護送並派副將侯攀鳳駕船先赴天津迎護進口兼飭參將黃登第等出洋巡緝以利漕行現在該船等經過東省既有被劫之事恐蘇省洋面匪徒難免聞風效尤海運漕糧關係正供現正源源北上之時自應倍加慎重著怡良吉爾杭阿飭令葉萬清於江蘇浙江海運漕船開行時務須督帶兵船梭織往來妥速護送以期匪徒斂跡不敢窺伺至洋面盜船本不容聽其滋擾並著責成黃登第等親身

出洋實力撙拏毋許稍有疏懈以免貽誤侯攀鳳係該督等派令隨同頭起米船赴津何以該船戶等失事之時並未見該副將督兵救護併著怡良等查明據實具奏將此由六百里諭令知之又諭前據崇恩奏報海運防衛事宜聲明內洋口岸責成登州府汪承鏞親歷各島稽查彈壓外洋巡哨責成登州鎮田浩然親督師船節節迎護是該總兵即應刻日出洋探明來船妥為防護乃據全慶文彩奏江蘇運船孫德茂浙江運船盛寶安均於二月二十五日在石島以南洋面被匪搶去銀米貨物江蘇運船宋源昌張協隆二號先被搶劫復於二十九日被匪截入島內勒銀贖船且有裝豆衛船數十餘隻同被擄困等語覽奏殊堪駭異石島為榮城縣所屬地方商舶往來必經之路即無海運船隻亦應認真巡哨以安行旅况海運為天庾正供甫入東境即被搶擄並未見有該省師船為

之防護任令艇匪肆行無忌殊堪痛恨該總兵田浩然於所轄洋面漫無防範著先行摘去頂帶責令將洋面艇匪盡數搜勒不准稍事耽延儻此後續過海運漕船再有疏失朕必將該總兵從重治罪即崇恩亦不能辭咎至石島海上煙臺俚島廟島等處均係海口要路並著崇恩嚴飭派出員弁實力搜捕其石島以南失事地方員弁並著查明叅奏將此由六百里諭令知之 以克復江蘇上海

縣城出力賞總兵官泊承陞都司姚麟楊雲驥守備王萬壽羅熙賢在籍翰林院檢討張修府刑部郎中盧應翔吏部主事鄭濟美知府繆梓同知李濟川知州段洪恩等花翎通判陳義華等藍翎副將豫祺總兵官銜授翰林院庶吉士張庭學為編修並各加銜升敘有差○己丑

上詣

壽康宮問

皇貴太妃安 諭軍機大臣等和春等奏逆匪外援驟至官軍攻剿立破賊壘一摺我軍攻勦廬州四面合圍逆匪兩次來援均經擊敗乃安慶賊匪及金陵之賊於西南各處連築營壘意在分我兵勢經該提督等督兵攻勦斬馘甚眾舒城巢縣逆匪亦被我兵擊敗辦理尚屬得手此時廬州之賊已勢孤援絕正可乘此機會督率各路兵勇奮力攻勦剋期收復其舒城等處並著嚴飭秦定三等督兵進攻毋得日久遷延致該逆又圖勾結另摺奏皖省兵餉支絀請飭山東等省按月協濟已令戶部速議具奏現在高唐餘匪竄踞茌平縣馮官屯地方經大兵圍剿尚未掃除淨盡能否協濟尚未可定該提督等仍當於本省地方設法籌撥以濟軍食毋得專待他省之款致滋貽誤將此由六百里諭令知之 河南巡撫英桂奏秋審屆期正值防堵喫緊援遵上年諭旨分別情實緩決先行正法減

等並向例免勾之犯開單請旨辦理得旨著照上年辦理以安徽廬州勦賊出力賞衛千總方意等藍翎並升敘有差予陣亡佐領瑞祥防禦穆精額驍騎校賽堪圖春慶六品頂帶談家寶殉難同知胡子廬知州童和豐遊擊德成都司廉祥千總張健嗣把總趙鴻猷余占鰲徐鵬程占魁訓導金上珍孝廉方正吳廷香等三十九員祭葬世職吳廷香於殉難地方建立專祠副榜饒本良等一百五

名口旌卹如例庚寅以直隸天津防守出力賞道員張汝霖花翎知府許之劭等藍翎並各升敘有差辛卯諭內閣吳振棫蔣蔚遠萬福奏逆首就殲官兵陸續凱撤一摺貴州逆匪楊鳳等經官軍屢次圍勦情勢窮蹙由羅斛地方竄入蘆山搭溝山等處經參將閃雲等督兵堵截斃賊百數十名生擒九十餘名該匪復竄擾大塘並由都勻獨山等地方竄撲麻哈州城經護貴東道鹿丕宗並署

知州何銳內外夾擊斃賊多名該匪復由平越竄安竄入餘慶縣屬之龍溪場地方署清江通判韓超雲南鹽法道王成璐等督率兵練四面兜圍於三月初七日分路齊進殺賊無數賊匪突圍敗逃官軍奮力追殺至石阡府屬之葛莊司河邊楊鳳先已渡河兵練梟水趕上立時殲斃並斃賊二三百名生擒一百餘名落水死者不計其數該逆楊鳳等聚眾倡亂擾害地方經四川雲南官兵會同貴

州兵練悉力勦捕俾首逆就殲餘黨解散地方漸就肅清辦理尚無貽誤貴州巡撫蔣蔚遠著開復革職留任處分仍著將在逃零匪悉數擒除毋得稍留餘孽其一切善後事宜並著督飭各該地方官妥為經理諭軍機大臣等吳振棫蔣蔚遠萬福奏官軍追勦賊匪陣斬首逆殲除匪黨地方漸就肅清一摺首逆楊鳳經官兵在石阡府地方殲斃並將匪黨屢次勦殺多名諒不至再有蔓延所有

川滇兵丁自應酌量裁撤以節糜費其善後一切事宜並著該撫妥籌辦理至川兵隨營糧臺前經諭令蔣霽遠派員督辦現在首逆業已伏誅貴州軍務將次告藏著照蔣霽遠所請軍營兵餉仍留川省委員支放其報銷各事宜並著責令該委員一手經理以歸畫一將此由六百里各諭令知之 又諭王懿德奏派兵赴浙防剿一摺該督因聞徽州警信派令總兵饒廷選護參將王煜遊擊高士

中集李奎

七

濬管帶閩兵一千名於三月初八日啟程前赴嚴州扼剿約計此時當可抵浙現在徽郡賊已敗竄浙江兵勇已進剿黟縣嚴州防務似可稍輕而江西之賊由樂平德興擾及弋陽逼近廣信浙江衢州一帶較嚴郡更形喫重雖經王懿德另派官兵四百名前往河口等處仍恐兵力單弱此項赴嚴閩兵自應急援江西為要著何桂清斟酌情形妥為調遣如果徽郡尚須添兵即飭饒廷選帶兵前往

會勦儻廣信賊情較緊即將該總兵所帶之兵調往廣信並可與江西官兵合力進剿饒州總宜何處喫緊即從何處進兵毋得株守一隅再據御史宗稷辰奏黃巖縣六品職銜黃萬年曾勦漁山海寇出力其人頗有才畧黃宗漢檄令募勇為遊擊王邦慶所阻等語著何桂清詳細查看如果實在可用即飭令帶勇隨剿亦可藉資驅策儻係有名無實亦毋庸率行收錄將此由六百里諭令知之○

中集李奎

七

直隸總督桂良奏報各屬甘霖普被麥田實有裨益得旨覽奏稍慰朕懷 以勦辦貴州桐梓黔西等處賊匪出力賞副將白人鵬巴圖魯名號參將申有謀遊擊呂飛鵬都司崔繩麾守備袁德華李上達道員福連知州葛良治等花翎把總胥恩詔等藍翎並各升敘有差予禦賊被害主簿孔廣幹祭葬世職生員趙懷賞卹如例

上以常雩祀

圜丘自是日始齋戒三日

實錄卷一百五十三

三十一

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百六十三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百六十四

蘇修德幾首題曰讀起居先生太子太傅上書及題師傳之詞閣閣事稍休院院學益有味欲求上諭事併乞國史館題嘉賓或於

大學士管理兵部事務加十三級到十四級
官員素不識教習^學步少保文淵閣領侍衛內大臣
威遠侯官教習原書士體仁

大學管理學——中央研究院社會學研究所編，一九八六年出版，瑞興出版公司，定價一百元。

鎮撫滿洲都統戶部尚書理藩部侍郎內務府理藩院卿
欽差大臣等奏為恭摺仰祈聖鑒事竊查前經奏准在案

通國吏官曉諭各郡縣程部尚書管轄太常寺鴻臚寺事務加二點半力加四點處加一
點半一次臣倭什輝布壽奉

救修

咸豐五年乙卯夏四月癸巳朔享

中集卷之四

太廟遣貝勒奕諱恭代行禮○

上詣

南郊齋宮齋宿。○諭內閣王慶雲奏。經管稅務不善之道員革職一摺。山西歸綏道德齡。前因短收課銀。降旨革職留任。勒限賠繳。茲據奏稱該員已收之銀分釐未解。輒指稱前項稅課係書吏侵蝕。希圖掩飾。並訪聞該員於所屬各村鋪戶勒令按年補稅。例外罰銀。又創收落地稅。以致該民人聚眾滋鬧。辦理實

屬荒謬德齡著即革職交王慶雲提省查辦如查有侵那稅課及違例征收重情即著嚴叅懲辦山東巡撫崇恩奏石島盜艇截劫浙江海運米石檄飭登舟鎮設法搜捕得旨田浩然前在江南朕未聞其捕務若何現在登鎮是否勝任有無捏飾稟報身體孱弱等情著迅速飭查據實復奏 甲午常雩祀

天於

園丘

上親詣行禮 詣

闕帝廟拈香 詣

壽康宮問

皇貴太妃安 乙未諭內閣何桂清奏遵查革員貽誤地方各情一摺已革安徽甯池太廣道兼署徽州府印務恩禧於賊匪竄擾徽州不能實力堵剿致府縣數城先後失陷實屬貽誤地方經學政沈祖懋於該郡失守後查恩禧尚無下落乃敢以由績溪間道往迎鄧

紹良會勦等詞希圖掩飾並於原叅扣留捐項積欠勇糧各情曉曉置辦更屬狡詐恩禧業經革職著即拏問交何桂清嚴行審訊按律定擬具奏○又諭何桂清奏克復婺源縣城徽境平靖一摺逆匪自休甯敗潰後由黟縣一帶糾同餘黨擄脅多人復竄陷婺源縣城鄧紹良石景芬接據探報各督率將弁拔營前進齊抵婺源縣境分投布置遊擊周天受等帶川兵進攻東門已革知縣唐寶昌等

帶勇由陸路前進石景芬等由水路前進直逼北門該逆見我軍初到大隊突出我軍奮力接仗自寅至辰鏖戰三時之久城中伏有練勇同時內應賊匪潰亂奔出官兵奮勇夾擊共擒斬五百餘名落水溺斃不計其數當將婺源縣城克復逆匪竄擾徽境疊陷城池經鄧紹良等跟蹤合剿全股掃蕩勦辦尚屬迅速所有出力各員著何桂清覈實保奏○諭軍機大臣等何桂清奏克復婺源縣城徽

州全境平靖一摺。逆賊竄擾徽郡。經官軍協力攻剿。月餘以來。將郡縣城池次第克復。辦理尚為迅速。此後防堵事宜。自應合徽甯兩府通盤籌畫。應如何派撥兵勇。扼守要隘之處。即著妥為布置。至逆賊之得以肆擾。總由土匪潛為勾結。除此次不法匪徒。亟宜密速搜捕。以淨根株。並著何桂清諭令石景芬等。勸諭該處紳士。辦理保甲團練事宜。內絕土匪之勾通。外杜賊匪之窺伺。務期實力舉行。

毋得有名無實。其餘一切善後章程。均著隨時奏報。廣德州捐輸。前經該撫奏明。照甯國府辦理。該州逼近賊氛。其如何辦理團練。以期聯絡聲勢之處。並著設法勸導。以期周密。江西省賊匪。由樂平、德興竄入弋陽。浙省衢州府情形喫重。該撫前後調派兵勇。約共五六千名。除留守徽州外。當尚足敷防堵。不致有內竄之虞。所有閩省派出官兵一千名。即著該撫遵照前旨。飭令前赴廣信。與江西官

兵合力攻剿。無稍延誤。將此由六百里諭令知之。○又諭。前因江浙海運米船在東省洋面被劫。曾諭令直隸、江蘇、山東各督撫。嚴密防護。本日據全慶文彩奏。續到米船。安穩抵津。並據押運紳董稟報。佘山一帶。有破艇船三四隻。遊駛洋面。石島地方。有艇船五六隻。停泊島外。並有官商各船。被截島內。又聞石島船匪。於勒銀後。揚帆南下等語。又據怡良、邵燦奏。江浙海運新漕。接續放洋。並追捕余

山洋面盜艇各摺片。現在海運米船源源北上。其石島艇匪。雖經遠颺。難保不沿途為害。破艇三四隻。據稱尚在洋面遊駛。是佘山一帶盜船。仍恐未能淨盡。著兩江漕運、江蘇、浙江各督撫。飭令承辦各員。諄諭放洋各船。務須同幫行走。彼此聲勢聯絡。俾免疏失。至本年蘇省水師。大半調赴攻剿。其巡洋護漕兵船。不及往年十分之三。勢難分赴山東洋面。協同防護。著崇恩仍遵前旨。嚴飭田浩然。並

巡洋員弁實力防範。不得因艇匪遠颺稍形疏懈。其石島地方艇匪截劫官商各船。並著一體嚴拏。以安行旅。將此由六百里各諭令知之。○浙江巡撫何桂清奏請留前任學政萬青藜辦理浙江協防局事宜。允之。○以克復安徽婺源縣城。賞知府石景芬。巴圖魯名號。復鄧紹良提督銜。餘升叙有差。○丙申。諭軍機大臣等。向榮奏師船進剿疊獲勝仗一摺。覽連日進仗情形。各師船甚為得力。大軍

沿江上剿。必須兩岸陸兵接應。該大臣已飭鄧紹良出剿江甯鎮三山營一帶。復令張光第進剿石碛橋。以圖進扼烏江。是南北兩岸官兵均可漸逼江岸。與水軍聲勢聯絡。此項師船自回攻九洲洲後。總未遇不順風。現在正值風利。業已打過三山江口。祇宜有進無退。如果因船少無援。則兩岸調撥陸兵或從下游併力急攻。均可分賊猖獗之勢。著向榮吉爾杭阿妥籌接應。務使師船節節上駛。突

過梁山以上。方能逐漸進剿。但師船愈上愈遠。三山兩岸屯聚賊船。轉在我船之下。必須痛加剿洗。庶免腹背受敵。賊中所有江西遺失戰艇。最為利器。儻該逆漸諳駕使。不特為紅單各船後路之患。卽內河亦防其衝突。總須設法埽除。其餘賊船雖多。便無足慮。諒該大臣等亦所深悉也。將此由六百里加緊各諭令知之。○又諭據向榮奏前次調到山陝等省火藥鉛子等件。所存現已無幾。除就近

由江蘇籌造接濟外。請飭直隸河南及江南河標各調火藥三萬斤。陝西調火藥五萬斤。山西省調鐵羣子一兩至三兩重共十萬斤。遣員解送軍營。以資接濟等語。現在江甯等處攻剿賊船。萬分喫緊。紅單等船需用火藥。又屬至多。必須源源接濟。方足以資轟擊。著該督撫等卽各照向榮奏請撥調之數。趕緊籌辦。遣委妥員陸續兼程解送江甯軍營。以備應用。不可稍令缺乏。致誤事機。將此由六

百里各諭令知之。○又諭前因葉名琛奏請派總兵謝焜赴普甯剿匪。當以該總兵係帶船赴江南助剿之員。著該督仍令統帶師船赴江。或另派得力將弁統帶之處。並著斟酌辦理。未據葉名琛將開行日期奏報。本日據向榮奏師船自三月初七日斬斷下關賊鍊上駛後。復疊獲勝仗。我船亦損傷數隻。現在三山江面。賊船甚多。並極堅利。意欲於石磧橋一帶截我糧運。勢甚猖獗。我船為數較少。

請催續調之廣東省紅單等船迅速來江助剿等語。江南師船剿辦賊匪正屬得手。惟賊匪船隻極多。且船礮甚為堅利。自應厚集兵力。以期併力攻剿。著葉名琛將前次奏明續雇之紅單船二十四隻。並挖風等船隻。剋日配齊弁兵器械。並將兵勇口糧等措備齊全。仍派令謝焜統帶迅速前赴江南助剿。毋許再延。儻謝焜以剿捕本省賊匪不能分身。即著遵照前旨。另派得力將弁管帶。總期即日

開行。毋誤剿辦。並著將開行日期速行馳奏。將此由六百里加緊諭令知之。○又諭四川學政何紹基奏。川省詞訟拖延。折辱士子等語。原片內所指合江縣廩生李暄通賊一案。又南溪縣廩生萬時恬被控謀叛一案。是否實無左證。抑或並無冤抑。何以輾轉耽延。日久未結。著黃宗漢確切訪查。親提研訊。據實具奏。該學政所稱上司袒護屬員。以致士風激成刁健等情。是否實有此種風氣。亦著查

明具奏。原片著鈔給閱看。將此諭令知之。○賞前任河南河北鎮總兵官花里雅遜布。二等侍衛。在大門上行走。○以克復福建漳州。雲霄府廳各城。並剿辦漳浦匪徒出力。賞參將祿魁。遊擊馬玉元。知州王肇謙等花翎。千總賴高翔等藍翎。餘免罪開復升叙有差。予殉節縣丞李彥清。章謙祭葬世職。○丁酉諭內閣。何紹基奏。縷陳管見一摺。所陳十二條。雖出不倫。或本有成例。或妄議更張。窒礙居

多。未能按切時務。惟皇史宬應洒掃潔清一條。該處尊藏。

列聖實錄。金匱莊嚴。所稱數年前見有塵土堆積之處。著該管衙門查看。隨時拂拭。以昭敬謹。至國史臣工列傳。雖乾隆年間曾奉

上諭。列傳體例。以人不以官。而以後仍限以官階。原以大臣列傳之外。尚有儒林。文苑。循吏等傳。苟其人事功品學。卓卓可稱。官秩雖卑。亦無虞湮沒。若如所奏。三品以下補行立傳。

無論二百年來。人數浩繁。蒐羅難徧。且必至憑史官之好惡。以為去取。非所以昭傳信。其請過奔競一條。人品不齊。卑諂夤緣。久干例禁。若謂兩書房清秘堂及各衙門。京察優等人員。多由昏暮營求。信口譏評。殊不足以昭公論。至丁憂人員。乾隆年間。既有

諭旨。不准主講書院。自應永遠遵循。若官員服闋。尚未葬親。即不准其服官。我朝並無此例。該員欲以魏晉之制。施之今日。尤屬泥古鮮

通。學政無論官階。悉與督撫平行。惟年終有學政聲名之奏。原係互相糾察。並非遂為統屬。學政苟稍知自愛。何至卑污要結。何紹基身任學政。而以此言入奏。尤屬非是。況欽差查辦事件。理應慎密。該學政以奏參各件。閤不使知。心懷不平。亦屬私見。又嘉慶年間。諭旨。准令道員奏事。係為勤求民隱起見。現在亦並未不准道員奏事。而該員等既無可數陳。亦不能強之陳奏。至捐納知府州縣考試

文章。向來皆延幕友閱校。將來去取。仍歸學政無關得失。其府縣兼管武營。前經有人陳奏。經部議駁。著毋庸議。各省駐防改試繙譯。原係

皇考崇實黜浮。造就旗僕之意。該駐防人等。果能弓馬嫺熟。清文通順。不患無登進之路。又添設繙譯翰林一途。不為不優。何至指為向隅。並牽涉倭仁。瑞常。直似八旗駐防。除此二人之外。遂無人才。實屬肆意妄言。不知大體。

况當科場年分。陳奏考試事宜。尤屬違例。何紹基著交部議處。此外各條。皆非學政分內之事。亦非今日救時急務。均著毋庸置議。○命御前侍衛景壽。在御前大臣上學習行走。○以散秩大臣載崇。為乾清門侍衛。○戊戌諭軍機大臣等。前因海運米船。在東省洋面被劫。並石島地方艇匪。截劫官商各船。疊經諭令崇恩嚴飭巡洋將弁。實力查拏。本日據匡源奏。三月十二日。有匪船五隻。約三四百人。在卽墨縣之金口。擄去商船五隻。勒銀回贖。又於膠州地面。開放大礮。擄船二隻。復駛至青島地方。開礮擊毀官民房數處。擄去水手數名。截劫貨船一隻等語。現在海運米船源源北上。東省沿海各處。水師員弁。不知認真巡哨。致匪船行劫。層見疊出。實屬不成事體。著崇恩迅將該處將弁。確切查明。從嚴叅辦。又據片奏登州營遊擊羅朝輔。於匪船誤陷淺沙之時。託病推諉。不卽帶兵轟擊。使匪

船得以遠颺。尤屬庸懦無能。並著該撫一併查明。據實叅辦。無稍徇隱。原摺片均著鈔給閱看。將此由五百里諭令知之。○補鑄廣西象州學正條記。從巡撫勞崇光請也。○己亥諭內閣。勞崇光惠慶奏。知縣遇賊被戕。現在查辦等語。代理廣西永福縣知縣洪運昌。因堵剿賊匪。在所屬四季嶺地方。猝被戕斃。據永福縣紳士指稱為臨桂團練所害。而臨桂西鄉團總。則稱賊匪假冒團練。突將該縣衝殺。各執一詞。自應確切查明。以憑拏辦。著勞崇光卽飭該二縣文武。迅將該員被害原委。切實查報。無任推諉。其戕官正犯。卽著趕緊查拏務獲。盡法懲治。以儆兇頑。○又諭勞崇光惠慶奏。游匪戕官踞城。經兵練會同楚省兵勇擊退一摺。廣西恭城縣匪徒。於正月十七日竄撲富川縣城。署知縣濟昌登陴守禦。因賊匪人眾。致被闖入。濟昌罵賊不屈。被匪戕害。旋經各路官兵圍練。合力圍剿。並湖南

候補同知王鑫等帶兵會剿。至二月二十九日。該匪潛行潰出。經兵勇截殺多名。堵回恭城。復被恭城團練殲斃五百餘名。餘匪向灌陽逃竄。廣西署富川縣事知州銜臨桂縣知縣濟昌。平日能得民心。因兵單力竭遇害。殊堪憫惻。著交部從優議卹。陣亡之富賀營千總秦德種。並著交部議卹。富川城守營把總毛色馨。著先行革職。其是否先期出城。抑係臨時逃避。著與不知下落之署典史宋履元。

訓導蔣晨藻。一併交勞崇光嚴查核辦。所有逃竄餘匪。並著督飭兵勇。實力擒剿。毋任延蔓。○諭軍機大臣等。本日據官文奏賊蹤不致西竄。荊州地方安堵。又據英桂奏賊復竄偏德安。河南邊防喫緊。各一摺。該逆自小河溪竄回武漢。本未大受懲創。其去而復來。固在意計之中。英桂所稱三月二十八日。劉富成等接仗失利。退至平林市地方。事在官文發報以後。此時江北情形。不得謂賊鋒稍挫。

楊需退劄隨州。其始意原為援應襄陽。今扎拉芬已抵樊城。與襄陽一江之隔。所帶陝兵。即可由彼直下。而楊需逗遛棗陽。日久未據。奏報軍情。觀其咨會官文。英桂之語。總欲俟北兵全到。方圖下擊。是坐擁多兵。徘徊於隨州棗陽之間。跡似居中調度。實則進退無據。前此奏報收復德安。不過撫拾各屬稟報之詞。均於大股賊匪無涉。此後賊回漢口。復竄應山。均未迅速入奏。豈江北一帶。遂可安然

坐鎮耶。現在常亮所帶馬隊。早抵南陽。計日當可與扎拉芬會合。扎拉芬後起官兵。想亦陸續趕到。即著該將軍整隊前進。與楊需合兵下擊。不得任令楊需藉口耽延。孔廣順所帶步隊。到信陽者已有兩起。英桂擬令徑赴德安。毋庸繞道隨州。所見甚是。楊需若仍在隨州坐待北兵。是故為紆折之計。置江北大局於不顧。自問當得何罪。荊州現在雖尚安堵。兵力仍形單薄。逆匪詭譎異常。難保不尚

圖窺伺。官文但當妥為防禦。力保荊郡。宜昌匪徒。尤當設法肅清。以通川兵。川餉入楚之路。所需餉銀。現在川陝兩省。均有續報。啟程之款。著官文專弁催提到楚。與楊需軍營通融分用。楊需何日由隨州進兵。扎拉芬何時與楊需會合。均著速行馳奏。南岸武昌一帶。據英桂探報。連日均有勝仗。而官文奏報常恩到荊州。並未述及。是否確有捷音。亦著迅速探明奏報。將此由六百里加緊各諭令知之。○又諭勞崇光。惠慶奏酌保出力官紳兵練等各摺片。均已明降諭旨。分別辦理矣。廣西省土匪蜂起。四處蔓延。卽如勞崇光等。本日所奏永福永甯陽朔臨桂荔浦等處。均被匪擾。恭城游匪攻陷富川。興平股匪並敢直撲省城。雖經官兵圍練。先後勦捕。或殲斃首逆。或登時擊退。而此勒彼竄。並未能盡絕根株。著勞崇光。惠慶督飭各該地方官。並帶兵員弁。將敗竄零匪。實力接除。毋得稍留餘孽。

至廣東。湖南。交界處。所如有匪徒滋事。卽知會該兩省文武。協同勦捕。毋任彼此勾結。致辦理愈難。措手張敬修。現經帶兵進攻肇慶。並著督飭兵練。相機接應。勿令孤軍深入。致有疏失。將此由四百里諭令知之。○又諭英桂。奏楚北逆匪復竄。偏德安。嚴防豫南邊境一摺。該逆前由小河溪退回武漢。因聞武昌官兵連獲勝仗。不敢上竄。復折回孝感縣楊店地方。分股竄擾。偏近德安。現在羅山之九里關。及信陽三關。情形喫重。該撫已派委員弁。添募鄉勇。分投防堵。布置尚屬周密。其孔廣順所帶步隊官兵。計日可全抵信陽。該撫現將此項官兵。暫屯關外。與卽聯恩互為聲援。並卽由信陽出關。徑取德安。毋庸繞道隨州。致多紆折。又因豫省勇多兵少。已將山東壯勇一千名截回。當俟馮官屯殘匪。掃數殲除。再行酌調官兵。赴豫協勦。楊需現在隨州。已諭令趕緊進剿。惟該督所帶兵勇。屢經潰

敗。恐難得力。著英桂卽催令常亮所帶馬隊。星速前進。趕赴楊需軍營。聽候調遣。仍嚴飭該鎮道等。於各處要隘。加意防備。斷不可稍有疏懈。其楚北賊情。仍著確切偵探。隨時具奏。將此由六百里加緊諭令知之。○以勦辦廣西近省土匪出力。賞同知王華封。知州彭正楷。守備姚成性。楊勝元。常國興等。花翎。千總庾文昌等。藍翎。餘加銜升補有差。○以擒獲廣西荔浦縣首匪黃亞居。賞園總章時顯等。藍翎。餘開復升補有差。○以堵勦廣西全州竄匪出力。賞署游擊王海清。巴圖魯名號。署知州蘇鳳文。副將明順。都司祥瑛等。花翎。把總蔡其昌等。藍翎。餘升擢有差。○予廣西陣亡知府劉繼祖。典史冉正棠。從九品李迪雲。祭葬世職。監生黃岳位等。賞卹如例。○庚子。諭內閣。戶部奏。請飭催豫東漕糧一摺。本年河南。山東。應運漕糧。經戶部節次行催。河南尚未報實徵數目。山東亦未報開兌日期。

現在節交夏令。已逾抵通例限。天庾正供。豈容任意延宕。著英桂。崇恩。各將該省應運漕糧。飭屬趕辦。剋期開行。務期以速補遲。毋得稍稽時日。儻再敢藉詞延緩。卽著該部嚴行參奏。以肅漕政。○安徽學政沈祖懋奏。請將徽州府。暫歸浙江管轄。得旨。尚有窒礙之處。汝未深悉。前據何桂清所奏。已允其請。仍歸浙經理。實與管轄無異。○辛丑。上詣壽康宮問皇貴太妃安。○諭內閣。駱秉章奏。湖南南路官軍。勦辦廣東廣西賊匪。疊獲勝仗。收復城池。並辦理本省土匪。擒獲逆渠匪目多名一摺。湖南南界。與兩粵毗連。各處賊匪。時虞竄越。經駱秉章派撥兵勇。疊次痛勦。其廣東連州之賊。猶竊踞城池。抵死抗拒。駱秉章派令卽補知府王葆生。卽補參將李輔朝。帶勇相機進剿。屢獲勝仗。焚戮無算。卽將連州及三江。

營城收復。樂昌之賊竄擾仁化。並分陷湖南桂陽縣城。署郴州知州戚天保。卽補知州趙啟玉等軍。會合堵勒。連獲大勝。旋將桂陽縣城收復。仁化之賊。犯擾桂陽縣東嶺等處。趙啟玉等。督率團勇擊退。大加擒戮。餘匪遁回。其廣西之賊。經湖南官軍。屢次越勒。本年正月。忽有股匪。自古城西嶺而來。攻陷富川縣城。委員王鑫。卽補參將周雲耀。各帶兵勇。由江華縣進勒。獲勝。賊復勾合連州敗匪。從龍虎關竄徧湖南永明縣城。王鑫等督率兵勇。搃甲疾趨。前往救援。奮勇衝殺。大加勒洗。共計斃賊約二千名。並賊目多名。窮追三十餘里。餘匪竄逃。其湖南本省土匪。與粵匪勾結滋擾。被勒紛竄。守備譚瓊林。帶勇追勒。至郴桂交界。會合團紳。分路夾擊。斃賊五六百名。生擒匪目譚光開等百餘名。嘉禾敗匪。全股肅清。其竄逸者。復經各國緝送百數十名。其最為著名之逆渠邱倡道。卽朱九濤尹石保。

二犯。經署郴州戚天保等於該州之周源山。及藍山縣。拏獲正法。辦理均尚妥協。著駱秉章。仍督該員弁等。實力堵勒。毋分畛域。並按緝餘匪。務期淨盡。所有打仗陣亡之武舉何魁。著照把總例議卹。文生侯東。著照從九品例議卹。武生黃騰驤。劉澍勻。六品軍功童生何皆善。何修善。均著照外委例議卹。卽選同知直隸州知州王鑫。勒辦富川股匪。尤為出力。著以知府遇缺卽選。以示鼓勵。其餘在事出力弁勇。著該撫擇尤保奏。候朕施恩。○又諭駱秉章奏請將失守縣城之署知縣參將分別免罪革職等語。湖南署桂陽縣知縣吳清鵬。於粵賊竄陷該縣後。卽督率鄉團。隨同帶勇委員。將縣城克復。屢次勒賊獲勝。功罪尚足相抵。吳清鵬著免其查辦。署桂陽營參將王殿邦。失事後。雖亦隨同打仗獲勝。惟膽技平常。難期後效。王殿邦著卽行革職。○又諭駱秉章奏請展緩鄉試一摺。本年湖南省

應舉行乙卯科及壬子科歸併文武鄉試。據稱該省現辦防勦體察情形仍難舉辦。所有本年湖南省乙卯科及壬子科歸併舉行文武鄉試著照所請均展至戊午辛酉兩科次第歸併分別額數加倍取中以昭慎重而廣登進。○諭軍機大臣等赫特賀諄齡奏廓爾喀兵侵占唐古忒地方並赫特賀擬親往後藏邊界請暫留諄齡辦理前藏事務各一摺廓爾喀國自上年十月屢次與唐古忒尋釁

現復擁兵數千占踞濟隴並奪去聶拉木地方狂悖之迹漸已顯露惟詳聞該國王稟底有唐古忒人將該國草廠民人等肆行殺戮並搶去牛隻之語復求將漢兵撤回不敢侵犯是該國專欲與唐古忒打仗並未聲言抗拒官兵雖夷情詭譎未可深信而該國既謂唐古忒欺陵即當依案查辦妥速了結使彼無所藉口赫特賀現借巡閱為名赴後藏邊界查看情形著即照所請辦理倘該國實有

屈抑即令派噶箕前來妥速剖斷使與唐古忒之人共釋嫌怨該國與唐古忒均臣服中國素稱恭順我朝撫馭外夷俱係一視同仁斷不肯稍有偏袒儻妄動兵戈侵占中國邊界亦斷難姑容赫特賀到彼即剴切宣示曉以大義使將濟隴聶拉木兩處之兵速行撤回聽候秉公查辦鎮撫外夷之法總以信義為主如能辦理平允該國具有人心冀其感悔所調乍了等各路土兵數雖盈萬但是否

健勇可恃現在只可一面防堵一面與之理論勿輕議征勦並著知照達賴喇嘛色呼本諾們罕朗結曲丕等善為設法開導以期息事安人全在該大臣隨時體察情形相機辦理前此諄齡於廓夷助兵一事輾轉遲延致彼得以藉端起釁辦理不善責有攸歸今赫特賀甫經到任正可恩威並用折服其心也濟隴營官四朗格勒於廓兵到時輒退至宗喀實屬怯懦無能著即革職仍留於該處差

遣以觀後效。諄齡著准其暫留辦理前藏事務。俟滿慶到任後再行交卸。將此諭令知之。○又諭寄諭成都將軍樂斌等。據赫特賀奏。廓番尋釁興兵。占踞唐古忒地界一摺。上年廓爾喀國王。因內地賊匪不靖。稟請助剿。當諭令諄齡等。諭以天朝剿匪。無需該國兵力。該夷因助兵不遂。藉口唐古忒所屬營官。不遵舊章。多徵稅課。及欺負搶劫。傷斃人民等事。欲行構釁。意在威挾唐古忒。賠出練兵銀兩。尚無別項逆跡。惟現在噶箕藏格巴都爾。已於二月初六十九日發兵。直越邊界。濟龍。聶拉木。兩處地方。守禦兵單。已被占踞。現有陽布之喇嘛。為該國說和。已據赫特賀奏。暫留諄齡辦理藏務。該大臣親往後藏邊境。借巡閱為名。察看動靜。本日已諭赫特賀等。以理曉諭。令其撤兵。並不露聲色。暗地設防。所有該夷與唐古忒起釁各案。妥為審理。該夷能否感悔。尚未可知。川境雖毗連藏界。然終

覺鞭長莫及。現在亦並未議及徵兵調餉之事。惟廓夷情形猖獗。該將軍等不可不知。著隨時偵探具奏。仍不得稍涉張皇。將此諭令知之。○又諭駱秉章奏。參將李輔朝等。於二月初二初八十一等日。進剿星子司。白虎墟等處賊匪。疊獲勝仗。連州三江營。均於十七日克復。此次打仗出力之該州文武員弁紳團等。著有微勞。著葉名琛柏貴查明保奏。以資激勸。現在該撫已飭李輔朝並會勦桂陽股匪之知州趙啟玉。乘勝越境。冀將乳源。仁化。樂昌。一帶賊眾次第翦除。葉名琛等仍須督飭地方官弁。激勵團練。協同勦辦。以通韶連道路。該省軍情。自克復佛山後。是否漸有頭緒。各屬賊黨。能否日就殲滅。實深懸盼。昨據勞崇光奏。張敬修赴封川防剿。已移兵攻克德慶州城。復會同署知府郭超。凡合勒肇慶之賊。該督等務將近日各路情形。迅速奏聞。藉慰殷念。又據駱秉章片奏。暫委朱岡司

巡檢張清鑣代辦連州知州篆務等語該處民謠雜處伏莽尚多急應迅將英德清遠一路廓清遣派幹員前往署理文武各缺以重職守而資彈壓將此由五百里諭令知之○湖南巡撫駱秉章奏籌畫防剿情形並楊需失機各條得旨汝所籌尚妥惟議楊需失機各條實屬妄談居多該督固為退縮有負朕恩尚不至如汝所言汝兩任南撫朕尚冀汝有為乃自陳衰老預為歸息地步無恥已極

實錄卷一百六十四

十一

又奏請飭楊載福等統領外江水營李孟羣回籍勸捐募勇等語批楊載福仍可飭令統率師船赴武昌軍營餘所奏俱不准○署湖北巡撫胡林翼奏添募兵勇分路進剿得旨覽奏分南北進攻並防旁竄布置尚合機宜總以實力防剿以分賊勢為要○以湖南勦辦兩廣竄匪出力予按察使文格優叙賞知州趙啟玉都司趙永年守備譙瓊林等花翎知縣張嗣康等藍翎餘升叙有差○追予河

南陣亡知縣孫惠霖於福建本籍建立專祠並予江世德宋廷銘附祀○予河南陣亡都司曹鵬彪把總胡廷瑞外委趙望韓愈淵呈鴻揚已革遊擊高行之祭葬世職並建專祠高行之子式方附祀○予河南捕匪傷亡守備盧文斗祭葬世職○壬寅諭內閣蔣爵遠奏請將疏防苗匪搶劫之地方官摘頂勒緋等語貴州台拱廳屬之藍家溝黃平州屬附近舊州之老里壩等處有苗匪糾眾搶劫重

實錄卷一百六十四

十一

案該地方文武未能先事豫防非尋常疏忽可比代理台拱同知候補府經歷張禮度署黃平州知州試用知縣楊承照分防舊州汛恩騎尉龍應貴均著摘去頂帶勒限一個月將案內賊賊及該廳州屬苗匪嚴拏務獲究辦毋任漏網如逾限不獲即著從嚴叅辦○諭軍機大臣等托明阿等奏疊攻瓜州兼築長圍一摺前此瓜州逆匪雖連被水師截擊斷其接應之路此次陸路官兵亦經托明阿

陳金綬等分東西路進攻賊眾均各敗竄而二十三日之戰鎮將陣亡殲賊雖多得不償失且分築長圍意在困其紛竄之路惟該處溝塍環阻非若平原曠野較易施工而沿江一面亦恐未能堵截托明阿等固不可輕進失機亦不可以慎重為名徒延時日惟有與吉爾杭阿等水陸合攻南北並舉使逆黨應接不暇庶可搆其巢穴至沿江洲地尚有賊蹤窺伺賊中又新添堅利戰船吳全美等復

實錄卷一百四

三

失去紅單船一隻為賊所得必至勢更披猖著托明阿一面飭令武慶督同曾勉禮等分段嚴防仍嚴催李德麟吳全美等實力環攻使江面漸就肅清則瓜州之賊自易剷除倘令水陸紛竄而我軍又屢有失挫則剷辦終無把握托明阿等務當悉心籌畫力求制勝之方毋負朕諄諄告誡之意將此由六百里加緊諭令知之○貴州巡撫蔣霽遠奏在籍檢討但鍾良捐勇防守乞代父籲懇免罪得

旨但鍾良捐貲募練實屬踴躍急公應如何獎勵之處著該部議奏其所請代父贖罪著不准行○以廣西平樂協副將福忻為湖南綏靖鎮總兵官廣西梧州協副將慶德為雲南臨元鎮總兵官○以勦辦貴州桐梓等縣逆匪出力予署布政使炳綱按察使孔慶鋤議叙有差賞道員王成璐承齡按察使銜同知楊書魁知州邵鴻儒遊擊伍勒登額富忠守備馬連科等花翎縣丞段志仲等藍翎餘

實錄卷一百四

三

升補有差○以辦理貴州糧臺出力賞道員承志花翎○以攻勦江蘇揚州浦口賊匪出力賞守備王之敬花翎千總李國鈞等藍翎餘升擢有差○予軍營病故雲南總兵官德坤祭葬卹廕○予江南陣亡總兵官錫綸著參將羣壽委參領恩林千總胡其振董至善把總張保寬郭慶成李萬仁外委王甘霖張士奇高鵬祭葬世職

極兇猛勇目劉蔣華持械躍過各兵勇相繼躍登痛加轟洗賊匪除殲檢外均撲江淹斃沈毀賊船無數駛逃各船復被遊擊唐國棟等奪獲多隻其已革總兵王鵬年一軍正在轟勦得手適吳全美李德麟兩軍齊至會同夾擊逆船支持不住悉行敗逃統計先後焚溺大小賊船二百餘隻奪獲大舵多槳快蟹等船二十五隻大小銅鐵礮位八十餘尊火藥四千餘斤軍械火器無算生擒偽先鋒陳

長順賊目孫元錢永章大中等六十一名其餘殲斃及焚溺賊匪不計其數總兵吳全美副將李德麟激勵兵勇每戰皆捷此次督船進攻大獲勝仗洵屬尤為出力著先行交部從優議叙藍翎兵丁梁正源前次首先斬鍊極為奮勇六品翎頂勇目劉蔣華奪獲大舵賊船最為勇往均著賞給五品頂帶並賞換花翎以水師千總補用其餘出力各員弁兵勇著向榮歸入前次出力各員內一併保奏

候朕施恩仍著向榮等督飭該總兵吳全美等統帶師船乘勝上駛以期肅清江面毋稍延緩又諭福濟奏革員具控被叅冤抑請旨查辦一摺已革安徽廬州府知府護廬鳳道立誠前經袁甲三以捏報募勇侵吞軍餉等款叅奏當經降旨革職拏問交邵燦會同袁甲三審訊嗣據審明定擬將該革員從重發往新疆效力贖罪茲據福濟奏稱該革員以袁甲三任意偏供問官李安中等威嚇改

供等詞具控是否逞刁妄訴抑或實有冤抑虛實均應徹底根究著交福濟督同署臬司恩錫提集全案人證卷宗秉公研鞫以成信讞承審官候補同知李安中候補知州朱維屏署鳳陽縣知縣姚德賓著一併解任歸案質訊諭軍機大臣等向榮奏師船進勦三山江面大獲勝仗一摺自上月初七日以後師船連日獲勝甚為奮勇出力昨據托明阿所奏南岸勦賊情形大略相同而北岸水師

葉常春等及江浦六合各勇焚奪賊船賊簿亦復不少果能如此兩岸齊心合勦不患江面不清惟三山礮臺阻我師船上駛之路非得陸路勁兵不能埽除鄧紹良此時是否已移師至江甯鎮即著向榮催令由三山一帶出勦將該逆礮臺設法攻毀使水師不致阻礙方能上扼東西梁山等處至上游烏江賊船甚多水師尚未能勦至該處而該處逆船轉得隨時援救下游之賊尤須陸路官兵牽

制其勢本日春等奏張光第已進劄張家集於三月二十日得有勝仗殺賊九百餘名該處地方距向榮前奏之石碇橋遠近若何是否已偪江岸亦著催令迅速扼勦二十七日續獲勝仗復經沈燬賊划賊艇腰蓬洲之賊當不敢與三山江面聯絡武慶防堵浦口之兵亦當在陸路接應與葉常春等共清洲地並著咨會托明阿等妥商籌辦此時水師連次得手正宜鼓其銳氣奮勇直上不可再

有停頓而陸兵接應尤為緊要著向榮等分飭各處江岸一體進偪水陸夾攻不得專恃師船致令深入無援也鎮江近日攻勦情形未據奏報焦山師船亦著吉爾杭阿催令乘時進勦金山瓜口一帶賊艇以為肅清江路之計將此由六百里加緊各諭令知之○參贊大臣僧格林沁奏馮官屯賊匪被圍俟小船撥到合力進攻得旨該逆竄踞馮官屯已兩月有餘何以屢次進攻並未殲除徒有損

折現雖長圍已合水灌亦未得手僧格林沁總統諸軍醜茲窮寇遲延日久朕實為汝愧憤務期乘機迅圖克復不准一名漏網以免南賊覬覦固北方之藩籬洵為至要○以江蘇句容縣辦理團練勦匪出力予知縣趙廷銘等升用有差○以江蘇拏獲邪教匪犯多名擢舉人孫勳烈為內閣中書○以協勦金陵竄匪出力賞知縣方錫恩等藍翎餘升選有差 予安徽陣亡都司珠蘭泰守備百善

十總慶隆李光觀外委楊金桃祭葬世職
甲辰諭內閣吉爾杭阿奏辦團人員應否起
復據情代奏等語江蘇丁憂在籍左副都御
史程庭桂前經諭令幫辦團練現屆服闋著
准其起復來京所有該處團練事宜即著丁
憂在籍之侍郎潘曾瑩會同地方官邀集衆
紳士認真接辦又諭各省保舉堪勝陸路
總兵人員現經用竣著各該督撫於陸路副
將內即行遴選曉暢營務堪勝總兵者酌保

數員送部引見候朕記名以備簡用並著各
路統兵大臣於軍營副將內察覈保奏其參
將遊擊都司守備各員如有材能出衆勇敢
有為者該督撫大臣等一併覈實開單具奏
予江南陣亡守備張金燦把總李鳳林外
委金殿邦布政司理問職銜韋楠輝祭葬世
職乙巳以本年鄉試考試應開列試差人
員於保和殿成都將軍樂斌等奏請催前
調兵勇赴楚並派員偵探賊蹤得旨所籌俱

合機宜四川總督黃宗漢奏報到任日期
得旨汝在浙尚恐汝過於急速今在蜀不患
失之於嚴惟患失之於緩汝之才力朕保汝
實稱川督更望汝驅使羣材自易覩效又奏
經過河南地方情形批覽奏均悉河南一省
實深為可慮丙午

上詣

壽康宮問

皇貴太妃安諭內閣前因王茂蔭奏請暫緩

臨幸御園朕因其以無據之詞率行入奏降
旨交部議處乃本日據御史薛鳴皋奏因見
圓明園奏修園牆工程以為臨幸已有明徵
並以在宮在園為敬肆之所分安危之當辨
所奏殊屬非是圓明園辦事本係

列聖成憲原應遵循勿替隨時修理補葺亦所
常有況未傳旨於何日臨幸乃該御史輒謂
衆議沸騰至今未已是欲沽敢諫之名而故
以危言嘗試也朕思敬肆視乎一心如果意

在便安即燕處宮中亦可自耽逸樂何必臨幸御園始萌怠荒之念耶當此逆氛未靖朕宵旰焦勞無時或釋無論在宮在園同一敬畏同一憂勤即如咸豐二年在園半載無非辦理軍務召對臣工何嘗一日廢弛政事該御史竟以在園為伴與優游不期肆而自肆所見亦屬淺陋敬思我

皇祖當莅政之初適值川陝楚教匪滋事彼時幸圓明園秋獮木蘭一如常時

聖心敬畏朕豈能仰測

高深設使當時有一無知者妄行阻諫亦必從重懲處朕豈忍徒博虛譽任臺諫淆惑衆聽置是非於不顧該御史本應治以應得之咎姑念其才懦性庸所見甚小薛鳴皋著撤去掌福建道仍留監察御史並著交部議處○諭軍機大臣等曾國藩等奏陳水陸軍情一招行兵之道合則力厚分則力薄自師船陷入鄱湖賊匪再擾武漢廣饒一帶復有賊蹤

竄突該侍郎等水陸兩軍實有不能不分之勢現在金口一軍相隔雖遠昨據胡林翼奏由湖南添船募勇兵威復振曾國藩若竟回勦楚北恐九江湖口小池口之賊勢必內犯江西而塔齊布陸軍亦無聲援至株守鄱湖徒糜軍餉自應乘此春漲由湖衝出惟出江後既未能遽合金口水軍復不能速勦安慶賊艇不如仍與塔齊布陸軍會合先行攻克潯郡再圖進取惟前此曾國藩師船遇風敗

挫漂失多隻現在金陵即有此等戰船必為賊匪所得愈以增其兇銳此時鄱湖師船出泊九江能否保護使無意外之虞惟在該侍郎酌度情形妥為籌畫設或九江難以停泊而武漢情形更為喫緊即分兵應援武漢曾國藩仍帶兵船居中策應江面得此一軍亦足斷賊匪往來之路該侍郎所謂千里馳逐不如堅扼中段所奏亦不為無見當此上下皆賊總宜計出萬全勿以浪戰失機勿以遲

回誤事一切機宜朕亦不為遙制該侍郎不可因挫失之餘遂至束手無策仍當激勵軍士踴躍用命謀定後動勿負初心以副委任塔齊布攻勦九江近日情形未據奏及豈為賊氣阻隔竟不能聲息相通耶並著隨時奏報以紓懸繫將此由六百里加緊諭令知之

又諭前因曾國藩等奏軍餉不支當諭令王懿德何桂清於閩浙兩省每月各籌銀二萬兩解赴曾國藩等軍營應用嗣據何桂清

奏四月分起每月藩庫籌銀一萬兩運司糧道庫合籌銀一萬兩已委員領解啟程本日據曾國藩等奏稱水陸弁勇有月餘未給餉者有兩三月未給餉者金口一軍口糧不繼即有潰散之虞現在該侍郎統兵出勦需餉愈殷必當力籌接濟毋誤事機著何桂清再照每月二萬兩之數籌濟兩三月餉需先行撥解江西曾國藩軍營以供支放俟彼處軍餉足資接濟再行按月坐扣至閩省應解每

月二萬兩尚未據王懿德覆奏並著迅速先籌一月餉銀解至江西曾國藩軍營毋稍延緩將此由六百里加緊各諭令知之

命翰林院侍讀鄭瓊詔提督四川學政以陝西辦理團練出力予道員孫治等升補有差

丁未浙江巡撫何桂清奏報江西廣信玉山郡縣失守衢州防勦情形並調福建金陵官兵得旨羅澤南已抵廣信自可追勦免致蔓延至省城一切暨撥兵籌餉汝之責無旁貸

尤當迅速妥辦

○以山東辦理團練出力予在籍給事中毛鴻賓等升敘有差

○以山東防堵出力賞布政使廌恩官花翎知縣魏振魁等藍翎餘升敘有差

戊申諭內閣朱鳳標等奏請推廣世職捐例一摺據稱八旗滿洲蒙古漢軍世職及內務府世職人員情殷報效請援照宗室之例一併議給侍衛等語

世職人員仕途本與宗室不同且挑選侍衛必須弓馬嫻熟才堪造就者方能稱職若因

捐輸經費即令一體當差勢必不能得力且與各項侍衛漫無區別所奏著不准行諭軍機大臣等楊需奏北路官兵尚留信陽懇請飭催一摺據稱賊匪復竄德安現會集各路兵勇分道攻剿惟孔廣順統帶之步隊二千五百名因途中阻雨於四月初二日始抵信陽復經英桂暫留並因兵丁口糧等尚未豫備以致未能前進請飭迅速來楚等語此項步隊官兵前經英桂奏稱於行抵信陽後

暫屯關外與邱聯恩互為聲援現在楊需擬令常亮等由馬平港進攻德安其漢陽一路派孔廣順步隊兵為頭隊扎拉芬馬步兵為二隊由漢川取道進攻已諭令照擬辦理豫省邊防固屬緊要惟坐守不如迎剿且山東續調之兵一千名即日抵豫足敷防堵所有孔廣順兵二千五百名著英桂飭令該總兵統帶即日啟程前赴漢川一帶會合進剿並將口糧等項剋期豫備毋得稍涉遲誤該官

兵啟程日期並著即行馳奏前因張之萬奏參徐廣縉不能得力並武生李景瑞控告該革員畏葸退避各情諭令英桂嚴行查辦昨復據黃宗漢奏稱徐廣縉在歸德督捕既有病容又與地方官不甚和協等語徐廣縉係戴罪效力人員既因病不能得力又與地方官不能和衷著英桂即將該革員撤回毋庸辦理剿匪事務至徐廣縉被控畏葸退避情節仍著查明參奏毋稍瞻徇將此由六百里

加緊諭令知之又諭楊需奏賊匪復竄德安統兵分道攻剿一摺逆賊竄踞德安驅逐民人修壘築臺顯係意圖久踞以為乘間北犯之計該督請以常亮訥欽楊昌泗等所帶兵勇由應山進攻德安而令孔廣順扎拉芬與該督現帶兵勇沿河進剿漢川意在先復武漢以為攻賊之所必救固應如此分道進攻惟訥欽在德安曾經失利致賊入城未可深恃扎拉芬孔廣順多係生力官軍以之進

勦漢川儘可得力。若該督再同往漢川則德安盤踞之賊又生詭計。非上犯荆襄即襲我漢川官軍之後。殊非善策。楊需著毋庸前赴漢川。即由隨州星速進兵。督同常亮等先復德安。將內河之賊節節掃除。再行進逼漢陽。其漢川一路即責成扎拉芬督同孔廣順等進勦。未到之川勇即作為扎拉芬之第三隊。兵力亦不虞單薄。楊需自正月以來節節退守。從未得一勝仗。逗遛隨州棗陽又復經旬。

弔月。現在德安賊勢漸堅。該督轉擬率兵南下。豈該逆盤踞堅城。後路之憂未靖。該督遂能克復漢陽。不慮腹背受敵耶。常亮已抵南陽。該督令其赴德安。則須繞道而東。孔廣順現在信陽。該督令其赴漢川。則又須繞道而西。取路未免不順。惟馬隊不宜於水路。不能不為此調撥。仍著催令趕緊趨行。或可以其迅速補其紆折。本日已有旨諭知英桂。令孔廣順即日出關前進。想不日定可馳抵京山。

一帶如果尚未到齊。即著扎拉芬嚴催前進。該督現帶之兵合之原派常亮等之兵不下八九千人。務將德安逆賊剋日勦盡。不准再事遷延。該督何日馳抵德安。並著迅速馳奏。至所需餉銀。現在川陝等省均有續報。啟程之款前經諭知官文專弁催提。與楊需通融分用。著該督一體嚴催。遵旨分撥。嗣後再有續解之款亦著照此辦理。將此由六百里加緊諭令知之。○己酉。

孝端文皇后忌辰遣官祭

昭陵

上詣

壽康宮問

皇貴太妃安○庚戌

上詣

壽康宮問

皇貴太妃安 諭內閣僧格林沁德勒克色楞西凌阿奏馮官屯軍務告厥首逆就擒餘匪

盡殲一摺覽奏欣慰此股逆匪由高唐竄踞馮官屯經僧格林沁等疊次殲勦引水圍困連日用礮轟倒賊巢房屋該逆計無所施於十三日已刻遣夥匪百餘名遁入難民內擁出鳧水投降並有逆首李開方心腹偽先鋒黃大漢一同投出我軍將逆衆全行渡出除荏平高唐難民外將賊匪一百四十餘名盡數伏誅我軍遂逼近土捻燒毀賊窟數處擒獲賊匪十名十四十五等日兵勇奮攻用大

礮轟擊該逆萬分窮蹙我軍奮勇向前槍礮齊施轟斃賊匪無數生擒逆首李開方及授有偽職之黃懿端謝金生並李添佑譚有涯韋名傳曹得相劉志澄等八名餘逆百餘名盡行正法其前次投入賊巢之偽土將軍劉子明一犯同時擒獲凌遲處死窮搜餘匪並無一名漏網實足以伸國法而快人心科爾沁博多勒噶台親王僧格林沁自授為參贊大臣後督師勦賊均合機宜忠勇之誠深堪

嘉尚前次殲滅連鎮賊匪即迅速移兵圍勦高唐迨逆匪竄踞馮官屯堅匿不出復多方設法將逆黨首要各犯悉數殲擒北路一律肅清厥功甚偉前經賞給親王著加恩世襲罔替並賞坐肩輿伊兄二品頂帶台吉琅布林沁著賞給輔國公伊弟四等台吉崇格林沁著賞給二品頂帶並賞戴花翎貝子德勒克色楞前在勝保軍營未能迅速奏功本有應得之咎自隨同僧格林沁幫辦軍務後極

知奮勉克成厥功著賞給貝勒銜並賞戴三眼花翎察哈爾都統世襲輕車都尉西凌阿幫辦軍務疊著戰功著賞給三等男爵所有在事出力文武各員並著僧格林沁等查明保奏候朕施恩現在馮官屯逆匪全數蕩平著僧格林沁挑選精銳官兵分起南下該大臣即馳驛來京陛見以慰廬懷又諭現在馮官屯逆匪全股蕩平北路一律肅清軍機大臣贊襄軍務夙夜勤勞允宜分別加恩以

昭優眷恭親王奕訢著交宗人府從優議敘
尚書彭蘊章侍郎穆蔭杜翰均著交部從優
議敘侍郎瑞麟著交部議敘致仕大學士祁
寯藻前在軍機大臣上行走懋著勞勤著一
併交部從優議敘其滿漢章京各員均著交
部議敘 又諭現在馮官屯賊匪悉數蕩平
北路一律肅清奉命大將軍惠親王總理巡
防一載有餘勤勞懋著著交宗人府從優議
敘惠親王之子奕詳著賞戴寶石頂奕詢奕

謨著賞給頭品頂帶均著加恩在上書房讀
書以昭優眷巡防王大臣除恭親王奕訢侍
郎穆蔭杜翰業經加恩外吏部尚書花沙納
都察院左都御史聯順戶部左侍郎羅惇衍
著一併交部從優議敘前戶部尚書孫瑞珍
著交部議敘 又諭陳啟邁奏進剿弋陽賊
匪大獲勝仗收復城池一摺江西饒州賊匪
分竄弋陽經甯紹台道羅澤南知府李續賓
等各帶兵勇分隊進攻在大水橋瓦石橋地

方斃賊多名其逃入村莊者以火焚之死者
無數復在橋外墜水者數百人生擒偽總制
程禮等多名復於陳家山大松林南北堵禦
鏖戰多時統計殺斃焚溺斃賊匪不下三
千餘人奪獲軍械無數於三月二十一日收
復弋陽縣城擒獲賊黨五百餘名各鄉又擒
殺長髮賊一千餘名勦辦尚為奮勉仍著陳
啟邁督同該員等跟勦逸匪悉數殲除署弋
陽縣知縣王蘭被匪破城咎有應得著即行

革職廣信府知府袁泳錫協同收復地方功
過尚足相抵著免其置議 諭軍機大臣等
本日據僧格林沁奏馮官屯軍務告蕩首逆
就擒一摺覽奏欣慰已明降諭旨分別加恩
並出力各員准其酌保矣此股逆匪窮蹙之
餘猶思負隅久踞經該大臣等勦力同心勦
除淨盡並將首逆李開方等檻送京師現在
北路肅清僧格林沁即請督兵南下具見忠
勇之誠惟該大臣督兵勦賊已歷年餘辛勞

倍著朕嘉尚之餘實深眷念僧格林沁著即馳驛來京陛見以慰廬懷所有各營官兵及投誠義勇自應分別留撤惟現在兵勇究有若干該大臣所挑精銳兵勇及應行裁撤各數目著詳細查明迅速覆奏西凌阿仍著統帶各營酌留兵勇暫行駐劄馮官屯聽候諭旨將此由六百里加緊諭知僧格林沁並諭西凌阿崇恩知之○又諭陳啟邁奏派勇赴粵援剿獲勝並籌餉接濟軍糧一摺廣東樂

昌仁化等縣匪徒因江西練勇前赴韶關援剿輒行攻撲始興冀阻官軍進路雖經周汝筠等督帶兵勇進剿殲擒二千餘名該逆已大受懲創而郡圍未解韶關賊匪尚多均自三水清遠英德而來勢頗猖獗韶州與江省毗連陳啟邁固應撥兵援剿其英德等處賊匪蜂聚葉名琛等亦應飭屬認真搜捕以斷詔賊應援至軍餉一節前已諭令葉名琛等設法繞道接濟未據覆奏現在江西籌撥赴

韶兵餉已有四萬六千兩後難為繼著葉名琛等迅速籌款繞道解韶以濟要需陳啟邁仍當不分畛域督飭周汝筠等實力進攻籌濟兵餉毋令缺乏將此由五百里各諭令知之○又諭前據何桂清奏江西廣信玉山郡縣先後失守逆氛逼近衢州當經批諭該撫將撥兵籌餉等事迅速妥辦本日據吉爾杭阿奏該逆於三月三十日夜攻陷開化縣城已將擾及遂安需兵甚急等語此股逆匪於

旬日之間連陷三城勢甚猖獗衢郡距杭不遠水路一帆可達必應於衢嚴一帶星速進兵堵剿兼施以杜其奔竄之路吉爾杭阿現已飛催虎嵩林都隆阿所帶之兵趕緊赴浙向榮亦另派鄧紹良管帶湖南精兵赴浙援剿自應如此辦理惟前據何桂清奏富勒興阿現駐兵常山之五里亭該處各隘口防兵尚形單薄羅澤南帶兵早抵廣信是否已撥兵勇赴常山會剿駐徽之周天受是否赴衢

均著何桂清迅即飭催會同截留之閩兵並金陵鎮江所撥勁旅合力兜剿務將攻陷開化之逆匪悉數殲除斷不可稍事遲延致令逆眾蔓延再竄他處至杭城防堵該撫已調乍浦駐防官兵至省並著妥為調遣協力堵禦蘇城兵勇較單魯占鼇所帶四川兵五百名即令暫留蘇州藉資彈壓仍著怡良吉爾杭阿嚴飭署藩司楊能格等認真督辦團練嚴查奸宄豫籌防守事宜以期有備無患其

奏奉

奉

鄧紹良虎嵩林等援浙之兵即著向榮等迅催啟程均聽候何桂清調遣布置並著何桂清等將近日常山等處勦辦情形隨時奏報以慰懸繫將此由六百里加緊各諭令知之
賞接遞捷報奏事官松齡兵部郎中扎克丹布花翎主事松秀等藍翎以勦辦江西武甯縣賊匪出力復已革知府林懋勳職補鑄江蘇揚州衛守備印信從巡撫吉爾杭阿請也予江西陣亡遊擊常海祭葬世職

如副將例千總易傳武喻能益把總張以德六品軍功吉慧祭葬世職加等 辛亥

上詣

壽皇殿行禮 詣

壽康宮問

皇貴太妃安 諭內閣崇恩奏請酌保軍務出力人員等語逆匪竄踞高唐州後經該撫督帶兵勇隨同僧格林沁等克復州城並派員經理善後事宜復分撥弁兵隨同團勦馮官

奏奉

奉

屯賊匪現在北路軍務業已告蒧所有在事出力文武員弁均屬著有微勞著准其分案擇尤保奏候朕施恩毋許冒濫 又諭桂良奏請將諱盜之文武員弁革職一摺直隸署天津縣知縣王德清等於地方強劫重案既未能將盜犯弋獲輒敢以強為竊希圖避就迨經該管上司查明始自行檢舉實屬有心諱飾署天津縣知縣王德清北倉大使兼西沽巡檢葉養度西沽汛經制外委王寶善均

著即行革職以示懲儆所有此案盜犯仍著飭令接任員弁嚴拏務獲究辦○諭軍機大臣等昨據僧格林沁奏各營官兵及投誠義勇分別撤留等語已諭知該大臣將兵勇數目及應挑應撤各數詳細具奏矣因思投誠義勇一項人非一省良莠難齊其中真心悔罪奮勉立功者固不乏人而勢感求生仍懷反側者亦復不少該大臣駕馭有方自不至別有他患以後管帶之人即恐寬猛兩難易

滋流弊況此項義勇南省人居多儻帶往南省而有劉子明之類溷雜其中尤為可慮現在該大臣如何挑選其挑選之後是否分隸各營抑仍令自為一隊應如何約束以懾其氣誠信以結其心即著該大臣於回京之先豫向管帶各員密授操縱機宜方為妥善或即分隸營伍使散而易制將來即令充補各營缺額亦屬安插之一法並著該大臣妥為籌辦至挑賸之勇昨據聲稱酌給川貲給予

免罪手照遣發回籍其是否呈繳軍械未經敘及儻該勇等原籍尚為賊踞或回籍後並無生業可謀又恐流而為匪加以結隊同行或恃有免罪執照沿途騷擾亦不可不防兼恐該勇等在北路軍營日久一旦投入賊營或熟悉道路或洩漏虛實尤屬可慮該大臣務於解散之中熟籌鈐制之法萬不可稍存大意致貽後患將此由六百里諭令知之○

壬子

上詣

壽康宮問

皇貴太妃安○御太和殿視朝王以下文武升轉各官謝恩

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百六十五

實錄卷之五

素

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百六十六

莊修遇載官經廷日講起居注官太子太傅上書親補漢文淵閣領事翰林院掌書諸欽奉工部事件及國史館編纂武英殿

大學堂管理其部事務約十五級紀錄十四次。臣等提臺本總裁官經提督太子太保文淵閣領閣事文榮顯職官教習原書士體仁

人學士管理戶部三庫事務管理刑部事務四十三縱紀錄十六次臣周紹禧職官太子少保管理內閣書庫事務引大臣軍機大臣

鎮江漢州縣既戶部尚書管理三庫事務加四級隨帶加五級紀錄十二次實錄載官歷詳官私統畧載清文諸達上書及親詣

是月文館賜給官正監撰蒙古部紀禮部尚書管理太常寺鴻臚寺事務加二級軍功加四級隨帶加八級紀錄五次遷侍讀學士奉

敕修

咸豐五年乙卯四月癸丑

上詣

壽康宮問

皇貴太妃安○諭內閣陳啟邁廉兆綸奏請展
緩鄉試一摺本年江西省應舉行乙卯科文
武鄉試據稱該省現辦防勦體察情形實難
依限舉行所有本年江西省乙卯科文武鄉
試著照所請准其展至戊午科歸併舉行並
按照兩科定額取中以昭慎重○又諭奕興
奏請停添演槍礮一摺烏里雅蘇臺地方每

月添演槍礮既據該將軍查明與陣式不合徒費火藥著即停止改為操演騎射其科布多地方添演槍礮亦著一律停止以節糜費而歸覈實○予江西陣亡知縣周鳴鹿抱總劉慶餘程學敘祭葬世職武舉李會瀛生員李鳴鐸童生李世安等賞卹如例○甲寅上詣

大高殿行禮○詣

壽康宮問

皇貴太妃安○諭內閣陳啟邁奏參虧短米價銀兩之知縣請革職等因一摺江西署進賢縣事坐補安義縣知縣潘尊賢經徵咸豐二三兩年漕糧短解米價銀至一萬五百餘兩之多疊經催提延不完解輒敢私自回籍實屬膽玩潘尊賢著革職等因交該撫提同丁胥人等嚴行訊究按律懲辦該員任所貲財及原籍家產著一併查封備抵○諭軍機大臣等曾國藩奏湖北兵勇不可復用一摺據

稱湖北督撫兩標之兵習於淫侈偷惰已久自粵匪竄擾該省全軍屢次潰敗習以為常請於襄陽鄖陽等處招選山民編入兵籍加以訓練使向來潰散兵勇不得混入然後可得勁旅等語武漢等處屢遭蹂躪可見該省兵勇毫不足恃曾國藩等克復武漢後楊需收集潰兵並招募楚豫之勇為數不為不多乃廣濟一敗幾不復振此時必應簡練士卒力挽從前積習惟該督所帶楚北兵勇甚多一時恐未能概行裁撤另募新兵全在該督等嚴飭帶兵將弁挑選精銳裁汰疲羸申明紀律信賞必罰庶可轉弱為強其首先奔潰之卒即應處以軍法不得少存姑息據該侍郎奏稱襄陽鄖陽民風樸拙招募該處鄉勇自可得力其宜昌荊州等處當亦可招募以資攻剿前經諭令該督督同常亮等先復德安節節進剿此時孔廣順所帶步隊官兵諒已抵楚此項勁旅尚屬可恃著即懍遵前旨

迅速進剿毋再遷延胡林翼前奏添募水陸兵勇分布南北兩岸進剿所募各勇能否得力著加意察看分別淘汰現在武漢等處如何攻剿情形並著隨時奏報以慰廑念原摺著鈔給閱看將此由六百里各諭令知之○成都將軍樂斌奏遊擊鍾琦等拏獲偽軍師吳三省正法得旨該犯罪大惡極似此明正典刑實足以快人心鍾琦等著存記俟有應升缺出酌量補用○以防勦貴州匪徒出力

賞四川總兵官文祥都司鍾海花翎守備吳定邦等藍翎餘加銜升補有差○乙卯

上詣

壽康宮問

皇貴太妃安○諭軍機大臣等僧格林沁奏馮官屯現存京旗吉林黑龍江綠營官兵六千餘名均交西凌阿統帶暫在該處聽候諭旨等語該處官兵除裁撤歸伍外尚存京旗兵若干名吉林兵若干名黑龍江兵若干名綠

營兵若干名係何省何營統計馬隊若干步隊若干著西凌阿分晰開單詳細具奏現在馮官屯軍務告竣直隸糧臺著即裁撤其現存官兵著暫留順天糧臺通永道覺羅海琛會同山東糧臺兗州府知府葉圭書辦理支應將此諭令知之○浙江巡撫何桂清奏報賊擾常山開化經官兵擊退竄往徽境現飭堵剿情形得旨該鎮是否退縮無能該道府等有無扶同捏飾著一併確查迅速覆奏勿

任貽誤地方○賞已革工部左侍郎培成三等侍衛在大門上行走○湖南綏靖鎮總兵官福忻因病休致以甘肅莊浪營副將松齡為湖南綏靖鎮總兵官○以勦辦山東馮官屯逆匪出力賞副都統托雲保那福德慶瑞佐領德春烏爾棍倉巴達喇貴他清阿鄂特色爾委參領佟格員外郎扎克丹頭等塔布囊賽音巴雅爾四等台吉巴圖爾等花翎佐領德容等藍翎餘加銜升敘有差○以挑挖

馮官屯引河出力賞員外郎德克津泰知府
劉衡通判沈康保花翎知府曹大綬等藍翎
已革布政使張集馨五品頂帶餘升敘有差
以守禦河南懷慶府城出力賞協領鶴齡
穆精阿佐領哈祿堪參領蘇珠克圖達爾濟
防禦卓凌阿薩明阿三音布花翎驍騎校奎
耀等藍翎餘升敘有差以四川東官紳
辦理團練出力賞遊擊顏朝斌花翎餘升敘
有差以貴州黎平府官紳辦理團練出力
賞參將慶瑞花翎千總王世章等藍翎餘加
銜升補有差○丙辰

上詣

壽康宮問

皇貴太妃安京口副都統哈富那因病解任
以頭等侍衛都興阿為京口副都統命翰
林院侍講殷兆鏞編修孫衣言李鴻藻在上
書房行走以勦辦安徽高資黃池賊匪出
力賞都司黃天偉巴魯圖名號花翎總兵官

都隆阿副將王懋佐領伊精阿都司劉瀛王
凱張威邦守備陳萬景等花翎都司杜照瑞
等藍翎餘加銜升敘有差以辦理江南糧
臺出力賞知州銘岳花翎餘升補有差○丁
巳

上詣

壽康宮問

皇貴太妃安諭內閣勞崇光奏請展緩鄉試
一摺本年廣西省應舉行乙卯科文武鄉試
據稱該省現辦勦捕仍難依限舉行所有本
年廣西省乙卯及辛亥兩科歸併文武鄉試
准其暫緩舉行著該撫於來春體察情形如
果地方安靖即行奏請於咸豐六年特開一
科將乙卯及辛亥兩科歸併舉行並按照定
額廣額取中以昭慎重○諭軍機大臣等扎
拉芬楊霽奏武漢賊匪上竄德安我軍進攻
並常亮失利退回扎拉芬被圍銜出受傷各
摺片覽奏實深焦急此次賊匪大股分撲平

林市長林岡楊昌泗等迎勦先勝後挫常亮所帶馬隊退回時反將步隊衝亂扎拉芬營盤被圍該將軍受傷潰圍而出現在逆勢猖獗已極襄陽一帶情形甚屬喫重前據樂斌等奏稱先後調派兵勇數千名歸顏朝斌統帶赴楚又據僧格林沁奏派劉衡等帶投誠義勇前往助勦此項兵勇諒已陸續抵楚著該督等迅速催提奮力攻勦扎拉芬現在是否由南路赴襄陽該郡係糧臺重地且尚有後起步隊該將軍到彼一面嚴密布置一面仍趕緊整頓與楊需諸軍合力進勦楊需屢次挫失若再不知奮勉致逆匪肆擾襄樊一帶自問當得何罪現在荏平縣馮官屯賊匪悉數殄滅投誠兩湖義勇僧格林沁已派員管帶回籍交該督等調遣並據該大臣現派勇目詹起綸等八名於到楚後暗探賊營設法解散該督即當隨時察看情形勦撫兼施妥為辦理將此由六百里加緊各諭令知之

又諭現在楚北賊勢披猖亟宜派兵策應著西凌阿於馮官屯駐劄官兵內挑選綠營步隊精兵二千名配齊軍裝器械揀派得力將弁管帶即日啟程前赴湖北楊需軍營聽候調遣並將該官兵啟程日期先行具奏毋稍遲延將此由六百里諭令知之○又諭本日據英桂奏探聞賊竄隨州一摺此次逆匪分股陸續上竄德安據河南所獲逆犯訊有欲由隨州棗陽竄往襄樊之供南陽一帶亟應加意嚴防現在扎拉芬於五里墩營盤被撲後是否赴襄整旅尚無確信楊需常亮均退去唐縣鎮駐劄賊勢逾張我兵更形單弱若襄陽有警豫省邊防喫重該撫已知會孔廣順即由關外拔營向應山進發急宜迅催該提督徑赴隨州會勦遏楚北賊鋒即以保護豫省邊界至常亮挫失半由所帶馬隊於地勢不宜不如飭令常亮將馬隊退劄三關以防豫境將此由六百里加緊諭令知之○

又諭英桂奏牛鑑在正陽關防堵現因患病請派員馳往接辦等語正陽關地方緊要牛鑑年衰患病恐致貽誤自應派員接辦惟據稱豫省鎮道大員俱分駐要地防堵一時無員可委自係實在情形著和春福濟迅即就近派委妥員馳赴正陽關接辦防堵事宜並飭牛鑑俟接手有人再行交卸以重防守將此由五百里諭令知之○以勦辦山東馮官屯賊匪出力賞四品台吉伯彥都古拉喜藍

翎護衛瑪勒洪阿奇蘇阿勒騰桑鄂奇爾額普圖花翎子陣亡三等護衛巴薩拉祭葬世職以湖北勦賊不力拔西安副都統常亮花翎 戊午

上詣

壽安宮西所問

如皇貴太妃安 詣

壽康宮問

皇貴太妃安○諭內閣和春福濟奏廬州連日

圍勦並外賊復至大加斬馘一摺廬州逆匪屢有外賊來援均經隨時擊退四月初七八九等日將水西門城牆攻陷丈餘我兵奮力進擊用連環槍礮佐以噴筒火箭斃賊甚多因值大雨城河水漲未能越過連攻至五晝夜該逆仍復死守十四日復有賊匪二千餘人在煙墩集之西萃廟地方剽營三座欲來接應和春等統兵馳往迎擊斃賊無算並殲騎馬賊二名餘賊奔逃官兵追殺一面將賊

營圍打營內賊匪越牆逃竄兵勇擁入盡力砍殺將賊營毀為平地趕殺十餘里約斃賊三四百名奪獲礮位軍械甚多廬城賊匪外援壘至均被官兵勦退城中餘匪情形已極窮蹙著和春福濟督率兵勇迅速合圍力圖克復毋再玩延○又諭前據福濟奏已革安徽廬州府知府護廬鳳道立誠呈控被叅各款袁甲三審訊時有偏供等情當降旨交福濟督同署臬司恩錫東公研鞠茲據該撫奏

稱現在督兵勦賊請改派大員審辦等語。所有立誠控案著交怡良親提人證卷宗東公研訊確情按律定擬具奏承審官候補同知李安中候補知州朱維屏署鳳陽縣知縣姚德賓一併歸案質訊。已未

上詣

壽康宮問

皇貴太妃安。諭內閣湖廣總督楊霽前因武昌失守降旨革職仍暫留本任責令戴罪自

效迨逆賊上竄德安該革督以防守襄樊為名由隨州以至棗陽節節退守屢經嚴旨催令進剿復以兵勇未集遷延觀望迨西安將軍扎拉芬由陝帶兵行抵隨州於五里墩地方與賊接仗被圍該革督坐擁重兵近在數里之間並不實力救援反催調相去較遠之揀發知府崔蘭馨等前往接應以致該將軍力竭陣亡實屬懦怯無能有心延誤該革督自廣濟兵潰以後湖北逆匪復肆披猖其貽

誤之罪何堪悉數朕僅予薄懲方冀其振刷

精神力贖前愆乃數月以來毫無布置辜恩溺職實堪痛恨楊霽著即革任仍交官文差遣儘再不知奮勉即行從重治罪西安副都統常亮昨因救援不力降旨摘去頂帶茲據楊霽查明該副都統於奉調往援時已遠赴唐縣鎮地方臨陣退避可惡已極常亮著即革職仍留營效力以觀後效。又諭陳啟邁奏攻勦饒州賊匪大獲勝仗收復郡城一摺

江西饒州賊匪自竄踞郡城以來負隅抗拒四出擾害經陳啟邁派令都司吳錫光等率領水陸兵勇前往攻勦三月二十八日吳錫光派候選府經歷縣丞胡應奎等督率戰船沿河進攻吳邦柱等帶領兵勇堵截山坳伏賊兼攻北門又令石玉等各率兵勇四面合圍逆匪突出五大股約有六千餘人蜂擁而來吳錫光率各路兵勇施放連環槍礮斃匪三百餘名逆眾敗退我兵乘勢衝殺入城該

逆分為七股。拌死巷戰。我軍亦分九隊截擊。殺賊一千二百餘名。餘匪由東門逃出。分路奔竄。即將郡城收復。此股逆匪自竄踞饒郡。以後分擾樂平、德興、弋陽等縣。經吳錫光帶領水陸兵勇分路進攻。大獲勝仗。克復郡城。辦理尚屬妥速。著陳啟邁督飭吳錫光等乘此聲威。移師都昌。相機進剿。以清江境。諭軍機大臣等。現在湖北逆蹤上竄。隨州、其荆襄等處及河南邊境地方。極形喫重。常亮所

帶馬隊官兵。現經楊需撥赴信陽三關。扎拉芬所帶官兵。多已折回棗陽。襄陽現尚無人統帶。著官文接奉此旨。星速馳往隨州。接印任事。楊需軍營兵勇。屢經潰敗。必得加意整頓。挑選精銳。裁汰疲弱。方足以資得力。前由僧格林沁軍營撥往投誠義勇。並著妥為駕馭。俾知感德畏威。以助攻勦。新授荊州將軍綿洵到任需時。所有將軍印務。著載增暫行署理。該處防守事宜。即著妥為布置。不得專

待西凌阿來荊。致形諉卸。至孔廣順所帶官兵。現經馳赴應山。協勦著即星夜趲行。一路勦洗。遏賊北竄。扎拉芬所帶官兵。即交孔廣順一併統帶。將此由六百里加緊諭知官文。載增並傳諭孔廣順知之。又諭現在湖北賊勢猖獗。荆襄情形甚為喫重。著西凌阿迅速馳赴湖北。就荊州、襄陽所有之兵。辦理荆襄一帶防勦事務。即將啟程日期。先行具奏。毋得稍有遲延。其馮官屯現存官兵。著西凌阿選派得力大員。暫行統帶。聽候諭旨。將此由六百里加緊諭令知之。又諭楊需奏。扎拉芬因傷身故一摺。扎拉芬於五里墩地方與賊接仗。楊需近在數里之間。並不實力救援。反因槍礮之聲。已息疑其已赴襄陽。迨經敗兵馳報。始知該將軍已因傷身故。種種貽誤。殊出情理之外。楊需現統兵勇為數不少。著將撲竄隨州之賊。迅速殲除。以期進攻德安。遏賊上竄。至扎拉芬所統陝兵。均屬勁旅。

除潰亡以外所存尚有若干並著楊需設法招集隨營攻勦不得俟孔廣順之兵到齊始行前進僅再不知愧奮則畏葸貽誤之罪斷難倖邀寬宥也將此由六百里加緊諭令知之調刑部右侍郎戴齡為戶部左侍郎兼管三庫事仍署陝西巡撫未到任前以都察院左副都御史基溥署理調工部右侍郎國瑞為刑部右侍郎以署戶部左侍郎崇實為工部右侍郎兼管錢法堂事務以翰林院

侍講學士景廉為內閣學士兼禮部侍郎銜以禮部左侍郎肅順為左翼前鋒統領調鑲藍旗漢軍副都統麟興為正紅旗滿洲副都統以刑部左侍郎承芳兼鑲藍旗漢軍副都統以荆州將軍官文為湖廣總督江甯副都統綿洵為荆州將軍未到任前以荆州左翼副都統載增署理以署荆州右翼副都統魁玉為江甯副都統以戶部左侍郎瑞麟為西安將軍以成都協領寶慶為西安

左翼副都統命理藩院左侍郎綿森管理寶坻等四處官兵以山東軍營辦理文案出力賞印務章京銜定魁花翎餘升敘有差以攻克江西饒州府城賞都司吳錫光巴圖魯名號把總艾連陞等藍翎餘免罪升補有差予湖北傷亡西安將軍扎拉芬祭葬世職如陣亡例謚武介並入城治喪廣西逆匪李開方黃懿端謝金生李添佑譚有淮韋名傳曹得相伏法庚申

上詣

壽康宮問

皇貴太妃安諭內閣武職大員有操練弁兵之責理應騎坐馬匹以習勤勞儻或自耽安逸平時出入違例坐轎一旦身臨行陣安望其奮勇爭先為弁兵表率向來武職坐轎例禁褻嚴犯者必加懲治曾於乾隆嘉慶年間

疊奉

聖諭訓戒明切自應永遠恪遵乃近年以來漸

就廢弛上年浙江黃巖鎮總兵湯倫即以擅坐肩輿被劾本日復據御史宗稷辰奏浙省武職大員類皆違例坐轎甚至閩省帶勇來浙之偏裨小校亦多效尤等語浙省如此他省亦恐不免現在粵匪未靖徵兵會勦各省武職大員應如何實心操練勤習技藝以期緩急足恃若惟知自圖便安不思振作將來營伍積弊更不可問著再行通諭各直省駐防將軍副都統等及提鎮各員儻有違例坐轎者一經奏參必治以應得之罪其駐防城守尉以下綠營副將以下犯者尤當從重治罪決不寬貸將此通諭知之又諭陳啟邁奏逆匪由興安竄入廣信旋經官軍克復一摺江西興安縣地方於三月二十日有逆匪萬餘人由安徽婺源縣竄至代理興安縣知縣狄上林因先期帶兵出城致被匪徒撲入隨會同遊擊謝必魁等督兵圍攻擒斬賊匪一百數十人當將縣城收復二十三日餘匪

竄至廣信署上饒縣知縣蔡中和嬰城固守因大雨不能然放槍礮被賊攻陷城池蔡中和巷戰被執罵賊殉難教授雷封並署廣信府經歷姚益謙等同時遇害維時廣信府知府袁泳錫正會同浙江甯紹台道羅澤南等克復弋陽縣城聞信後各帶兵勇馳至羅澤南與安慶府知府李續賓等創營烏石山下二十五日賊分三股來撲官軍奮力攻擊斃賊八百餘人奪獲旗械多件二十六日賊復分路來撲斃斃長髮悍賊數十人賊眾敗逃官軍乘勝追趕復殺斃千餘人偽尚書范姓等均被殲斃被焚及溺死者不計其數二十七日五鼓各營兵勇奮力進攻踴躍登城袁泳錫亦率兵衝入賊從東門遁去墮水死者無算適署撫州府知府林福祥帶兵趕至生擒偽師帥詹宗保等十名餘匪奔竄玉山被署知縣張鳴岐等擊退此股賊匪由婺源竄陷興安廣信郡縣城池經羅澤南等督率兵

勇剋日收復辦理尚為迅速在事出力員弁著陳啟邁等擇尤保奏無許冒濫仍嚴飭各該員弁等將逃匪挖除淨盡毋留餘孽○諭軍機大臣等御史宗稷辰奏參浙江署紹興協副將王邦慶捕盜不力廢弛操練又與文員馬昂霄逢迎干請致民間編有歌謠並稱該副將赴巡撫公署竟敢公然坐轎等情浙江現當防堵緊要之時紹興又係濱海要地豈容此等庸劣將弁濫竽貽誤著何桂清即

照摺內所參各情確切查明如果該御史所奏屬實即著從嚴叅辦毋稍姑息另片奏會稽縣知縣耿曰德不受差餽陋規民間訟案清簡山陰縣知縣顧準前在嘉善聲名平常現在新任復有衙役串詐及署中潛取陋規情事似此貪利縱役於吏治殊有關係著何桂清一併查明分別舉劾以示勸懲該撫到任未久無所用其迴護務期秉公據實詳細查奏不得稍存徇隱原摺片均著鈔給閱看

將此諭令知之○以江西廣信興安府縣二城被賊竄陷革知府袁泳錫知縣狄上林職均留任參將玉格革職逮問予陣亡知縣蔡中和祭葬世職並建專祠教授雷封府經歷姚益謙縣丞洪立誠典史江錫綸從九品黃依先沈岳齡從九品銜趙震范焜千總楊錦鳳把總周得鳳陳炳崇祭葬世職一併附祀雷封子發鳴等賞卹如例（辛酉）

孝慎成皇后忌辰遣官祭

慕陵

上詣

壽康宮問

皇貴太妃安諭內閣葉名琛柏貴奏省河剿匪水陸連獲大勝一摺廣東番禺縣屬匪船竄至黃埔長洲河面經葉名琛等派往東團烏涌堵捕之守備曾琪等督飭水勇分隊進擊水陸攻剿計燬船一百七十餘隻焚燒三村賊巢二千餘間殲擒溺斃將及萬計兇鋒

大挫出力文武各員。准葉名琛等覈實保奏。所有奮勇殺賊力竭陣亡之護理水師遊擊。守備曾堪。署水師守備千總曾鵬。高。歐。松。茂。外委朱耀宸。額外鄭洪魁。外委鍾光。均著交部從優議卹。又諭葉名琛。柏貴奏。勦辦省城西北一帶逆匪。疊獲大勝。水陸解圍一摺。廣東附近省城各匪。疊經葉名琛等督兵痛勦。上年十一月間。尚有匪徒萬餘人。在石井石門各鄉屯聚。十一月初四日至二十五等日。經署遊擊曾廷相等各員接仗二十餘次。先後斃賊共計八十餘名。生擒一百四十餘名。燬賊蓬寮六百餘間。並將石井墟等處賊巢一千餘間。一律焚燒。其石門等處賊船。亦經署守備尹達章等。疊次擊沈。共一百二十餘隻。又焚燒十八隻。奪獲三十四隻。並先後斃賊二千八百餘名。生擒八十名。匪船盡絕。河道業已廓清。省城水陸各路。同時解圍。居民安堵如常。勦辦尚為得手。仍著葉名琛等。

督飭文武各員。弁將附近省城各鄉餘匪悉數殲擒。擒捕淨盡。毋留餘孽。所有在事出力員弁。著擇尤保奏。候朕施恩。其傷亡兵勇。著一併查明咨部議卹。又諭葉名琛。柏貴奏。擊退高明縣賊匪。殲擒殆盡一摺。上年六月間。廣東高明縣城被匪闖入。經署知縣張作彥等調集團練。督率壯勇前後夾擊。斃賊二百餘名。閏七月初三日。各團齊集。復在附城要路。斃匪三百餘名。八月初間。該署縣等添募客勇。在三板村地方。殺賊一千餘名。十一月初二日。復會同署把總藍廷彪。帶勇至大平都。勦捕殺斃賊目杜錦剛。並賊黨四百餘名。三洲墟賊廠及海口大小賊船。均經焚燒。賊由陸路來撲。兵勇及伏勇齊出。斃賊二百餘名。賊目杜元一名。該匪逃至海口。溺斃。無算。地方一律安靖。仍著葉名琛等嚴飭該文武將。在逃餘匪。擒捕淨盡。無任竄逸。署高明縣知縣張作彥。署城守把總藍廷彪等。本有

應得之咎。惟旋經督率紳民兵勇合力擊退賊匪。殲擒殆盡。功過尚足相抵。均著免其叅處。又諭前據刑部奏旗民與宗室覺羅鬪毆重案。引斷未能畫一。請酌定章程。當降旨交宗人府查覈具奏。茲據恭親王奕訢等詳查覆奏。嗣後毆傷宗室覺羅至死者。著均照本律擬斬。以符例意。至從前引斷未能畫一刑名出入。豈容遷就。總應按例辦理。無例者始准援案。況例文所載。本屬明晰。其毆傷未

至死者。仍按下手曲直情形。分別辦理。該部所請添纂則例之處。著毋庸議。○諭軍機大臣等。本日據英桂奏。湖北賊竄隨州。逼近南陽。德安仍有賊蹤。請飭撥北路勝兵前往一摺。現在河南省南路邊防。極為喫緊。湖北攻勦之兵。尚形單弱。均非厚集重兵。不足以資勦辦。所有馮官屯軍營存兵。除步隊二千名。業經派員帶往湖北。並令健銳營內外火器營官兵分起回京外。其餘四千名。著西凌阿

迅即一併統帶。悉數啟程。路過河南。著截留一千五百名。交英桂調遣。以資防守。此外官兵該都統即行帶赴湖北。會同官文等合力攻勦。將竄踞隨州之賊。趕緊殲除。毋任蔓延。前僧格林沁奏。兩湖投誠義勇。派令候選知府劉衡等管解前往湖北。此項義勇。即歸西凌阿統帶。尤應妥為駕馭。不可稍涉大意。致貽他患。將此由六百里加緊諭令知之。○又諭英桂奏。探聞賊踞隨州。逼近南陽。德安仍

有賊蹤。請飭撥北路勝兵前往應援。一摺。豫省南路接壤楚北。自德安告警。信陽已形喫重。況隨州更被占踞。南陽密邇賊蹤。自應添撥重兵。以資捍禦。前楊需奏。扎拉芬於五里墩受傷後。旋即捐軀。已降旨將楊需革任。授官文為湖廣總督。帶兵馳往勦辦。現在楊需復退至棗陽。其浙河唐縣鎮等處賊勢蔓延。並於隨州迤北擄糧。昨已有旨。諭令西凌阿赴荊襄一帶防剿。本日復諭該都統迅速啟

程將留駐馮官屯各營官兵六千名全數帶往抵豫時留兵一千五百名著即由英桂派令相機堵禦加以常亮移劄三關之馬隊及邱聯恩等兵力儘可擇要分防此次西凌阿帶兵前往若能乘此得勝聲威不但鄂匪可望殲除兼於豫境邊防大有裨益英桂惟當竭力堵遏嚴飭在事文武勿稍鬆懈以固疆圉將此由六百里加緊諭令知之○予廣東陣亡知縣李福培與史趙應端祭葬世職李福培弟性培賞卹如例

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百六十六

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百六十七

恭親王等奏為請旨將前經奏准在案之廣東省城北路及佛山諸匪勒除後惟沙灣茭塘水陸各股匪

葉名琛柏貴奏勒辦沙灣茭塘水陸各股匪

擄洗巢穴省河通行一摺廣東省城北路及

佛山諸匪勒除後惟沙灣茭塘地方嘯聚賊

眾數萬猶肆猖獗葉名琛等督派兵勇疊加

較修

咸豐五年乙卯五月壬戌朔

上詣

壽康宮問

皇貴太妃安

上御養心殿參贊大臣科爾沁博多勒噶台親

王僧格林沁至

御座前行抱見禮

親加慰問賞朝珠一盤四圍龍補褂一件諭

內閣葉名琛等奏請展緩鄉試一摺本年廣

東省應舉行乙卯科文武鄉試據稱該省軍

務未竣不能依限舉行著准其展至咸豐六
年特開一科補行乙卯科文武鄉試 又諭

葉名琛柏貴奏勒辦沙灣茭塘水陸各股匪

擄洗巢穴省河通行一摺廣東省城北路及

佛山諸匪勒除後惟沙灣茭塘地方嘯聚賊

眾數萬猶肆猖獗葉名琛等督派兵勇疊加

勒洗正月十七八九二十等日水陸進攻大

石口斃賊三千餘名毀奪賊船軍械無算河

面及沿岸賊巢悉就蕩平乘勝進攻新造地

葉名琛奏

方斃賊三千餘名將賊老巢焚毀所有省河

南安南固礮臺亦即時奪回斃賊二千餘名

其餘匪船逃駛外洋糾合大幫救援我兵追

至柏塘洋面大加勒洗復斃賊一萬二千餘

名其溺死及各鄉擒斬無數現在省河東南

水路通行所有在事出力員弁紳勇著該督

查明據實保奏仍飭該文武等乘勢將近省

各屬河面餘匪全行掃蕩毋留遺孽 諭軍

機大臣等昨因逆匪竄踞隨州諭令西凌阿

帶兵馳赴湖北本日復授西凌阿為欽差大臣督辦湖北軍務所有馮官屯現存官兵四千名著該大臣挑選馬隊官兵二千名交克興阿都興阿史榮椿統帶仍駐劄馮官屯聽候調遣其史榮椿所帶巡捕營官兵二百餘名著即撤回歸伍其餘官兵該大臣即統帶前往由河南馳赴湖北會同官文等相機進剿毋稍遲誤至河南需兵防堵該大臣路過河南仍著留兵一千五百名交英桂調遣孔廣順所帶官兵計已早到統歸該大臣調度其劉衡等帶往之投誠義勇應如何示以恩信使之感激用命西凌阿在營日久必能妥為駕馭以助兵力湖北兵勇屢經潰散多不足恃必當加以挑選方可留營不至徒糜軍餉將此由六百里加緊諭令知之又諭昨據英桂奏探聞湖北隨州被賊占踞德安賊蹤未退本日已授西凌阿為欽差大臣統兵赴鄂督剿著桂良於直隸省挑選精兵三千

名崇恩於山東省挑選精兵二千名配齊軍裝火藥聽候調遣將此各諭令知之○命察哈爾都統西凌阿為欽差大臣馳往湖北督辦軍務命正紅旗蒙古副都統托雲保在御前侍衛上行走以翰林院侍講吳存義為雲南鄉試正考官江西道御史張守岱為副考官翰林院編修王祖培為貴州鄉試正考官錢桂森為副考官以甘肅秦州紳民捐輸軍餉永廣學額一名予廣東陣亡知縣許錚身把總李欽元張成光祭葬世職○癸亥命於大高殿設壇祈雨上親詣行禮遣惠親王綿愉詣宣仁廟凝和廟恭親王奕訢詣昭顯廟時應宮怡親王載垣詣清漪園龍神廟成郡王載銳詣靜明園

龍神廟。醇郡王奕譞詣

黑龍潭拈香。署湖北巡撫胡林翼奏請飭

四川續撥餉銀十萬兩專濟武漢兵食並分

遣官紳勸捐得旨戶部迅速查明具奏隨時

勸捐實為救急良策惟在辦理得人耳。命

喀爾喀扎薩克郡王鄂特薩爾巴咱爾在御

前行走賞戴三眼花翎。命荊州將軍綿洵

馳往湖北欽差大臣西凌阿軍營幫辦軍務

○以守禦江蘇太倉州城並克復南匯川沙

寶山三縣城出力賞同知蔡映斗守備周建

勳景又春同知銜李如緯花翎知縣竇塾等

藍翎餘開復加銜升敘有差。以追勦江西

廣信賊匪獲勝予道員羅澤南優敘。予江

蘇陣亡監生嚴桂馨祭葬世職如外委例。○

予湖北陣亡參將恆泰千總劉凝慶祭葬世

職。甲子

孝誠仁皇后忌辰遣官祭

景陵。

上詣

壽康宮問

皇貴太妃安。以鎮國公文謙為委散秩大臣

直隸大名鎮總兵官董占元年老休致以

京營中軍副將史榮椿為直隸大名鎮總兵

官。以甘肅按察使常績為布政使西甯道

明緒為按察使。鑄給湖南華容縣黃家穴

巡檢印信從巡撫駱秉章請也。乙丑諭內

閣毓書奏採買兵米請發實銀一摺熱河兵

米向在蒙古地方採買若照新章銀鈔各半

或折給錢文商力均有未逮自係實在情形

所有熱河採買兵米例價銀一萬九千八百

四十兩零內搭五成實鈔著直隸總督即飭

藩司更換實銀以供支放。又諭王茂蔭宋

晉奏團防撤局一摺現在北路肅清京城團

防局著即裁撤所有稽查事宜著該管衙門

循照舊章辦理該侍郎等請飭商民仍行守

助之處著無庸議。署雲貴總督吳振棫奏

永安協缺無員可升。懇飭部開單請簡。得旨。貴州永安協副將著特克慎補授。以後不得援以為例。以山東馮官屯軍營打仗出力。賞勇目尹可興藍翎餘升敘有差。丙寅諭軍機大臣等。李孟羣奏整頓水師請旨簡放臬司並派統領以資節制一摺。前因北岸賊匪復擾武漢。經曾國藩派令李孟羣回鄂援剿。現已由湖南添備礮船百餘隻。選募水勇千餘人。由金口進剿。軍山沌口一帶連獲勝仗。軍威復振。該員水軍本歸曾國藩統領。現在曾國藩戰船尚未駛出鄱陽。若一切奏報軍情及調兵籌餉等事。仍待曾國藩調度。鞭長莫及。難免貽誤。胡林翼現駐江夏縣屬袁家河。相距較近。李孟羣所帶船勇。即著胡林翼就近統帶。會齊兩岸水陸各軍。迅圖克復武漢兩城。直搗賊巢。正以牽制該逆。使不敢上竄。其湖北臬司員缺。仍著李孟羣暫行署理。將此由五百里諭知胡林翼並傳諭李孟

羣知之。追予福建陣亡知縣高鴻飛入祀京城昭忠祠。並於臺灣任所建立專祠。丁卯

上詣

壽康宮問

皇貴太妃安。諭內閣向榮奏官軍水陸會剿畫埽三山賊壘大獲全勝一摺。逆賊占踞三山阻遏舟師。上駛四月十三日竄至江甯鎮窺伺。被擊敗退。十六日總兵吳全美德安等

水陸官軍各分三路進剿。賊匪開礮抗拒。吳全美揮令紅單各船奮力衝殺。搶近賊隄。施放噴筒火箭。將賊壘哨樓延燒。陸軍乘勢搶上山。梁遊擊楊瑞乾首先躍登賊壘。兵勇一齊擁入水路弁兵亦由山右登岸。將壘內賊匪焚斬殆盡。其山脚賊營尚拌死拒守。德安督兵進逼。適李德麟水師攻近山脚。火箭射入賊營。火藥轟發。逆眾驚亂。陸軍呐喊掩殺。水師亦上岸助戰。賊匪大敗奔逃。山脚營卡

亦悉被官軍踏平。王鵬年復帶兵將蘆洲賊
陣縱火焚燒淨盡。三山江面一律肅清。統計
擊斬焚溺之賊不下二三千人。生擒齊可貞
竇文發鍾之淇魯志強等五十餘名。焚破賊
壘三座。賊卡十餘處。燬沈賊船七八十隻。燬
平礮臺七座。奪獲賊船二十餘隻。礮位旗械
等無算。餘匪於二十日復來陸營窺探。德安
督兵追擊斃賊多名。生擒江大順等五名。其
金陵逆賊亦於十八十九等日竄撲龍脖子

等處。均經官軍擊敗。該逆三山營壘既被官
軍掃蕩。水陸各軍正可乘勝上勦。著向榮督
飭在事各員弁相機設法步步進攻。俾江面
早就肅清。毋稍延緩。又諭西凌阿奏請將
管帶官兵不善各官從重治罪等語。現當湖
北軍務喫緊之際。該兵丁等派往堵剿。不思
奮勉前進。竟有私行逃散者。實屬目無法紀。
著直隸總督山東巡撫一體嚴拏。從重治罪。
其約束不嚴之候補參將張文照參將范維

清遊擊薩爾善蕙春均著革職。仍留軍營效
力。諭軍機大臣等。英桂奏光息等屬擒匪
肆擾。撥兵勦捕。並請催北路勝兵一摺。現在
德安隨州賊勢方張。河南邊防正在喫緊。而
湖北潛回擒匪竄擾。光息拒捕戕官。復有霍
印擒匪滋擾。該處與固始商城壤地毗連。亦
應豫籌堵剿。卽聯恩前勦擒匪既有成效。該
撫調回勦辦。係屬先其所急。著卽飭令該總
兵速將此股擒匪。勦盡免致與逆匪內外勾

結。但三關一帶防務有無得力大員。該撫駐
劄信陽。諒可嚴密布置。前諭西凌阿帶兵過
豫時。將所統官兵酌留一千五百名。交英桂
調遣。本日據奏已飭副都統麟瑞帶馬隊兵
七百五十名。並選山東兵五百名一併馳赴
河南。著英桂卽行飛提到防。擇要扼守。其前
此飭調之山東兵一千名。亦著一併催提。毋
任逗遛。至逆匪現踞隨州。本日據官文奏報。
已近唐縣鎮地方。有趨棗陽之勢。該撫已飭

崇安帶河北官兵馳赴南陽與慶德協力防堵即著催令剋日啟程如能進逼襄樊協同楚兵以勦為防亦即相機籌辦馮官屯軍營派往湖北投誠義勇人數眾多沿途能否安靜殊不可知今光息等屬擒匪肆行河南內患已可深慮若此項義勇經過豫境再有滋擾或稍形反側則河南全局將不可問著英桂一併妥為防範不可稍存大意息縣知縣劉宗岱下落及邱聯恩抵光州後如何勦辦

情形並著迅速查明具奏湖北軍情仍著隨時確探奏報霍邱勦匪事宜即照所請咨照福濟會同妥辦其彰衛各屬聚眾抗糧之處現時能否漸形斂戢崇安帶兵赴南陽後河北地方何人可資彈壓亦著統籌兼顧不可顧此失彼將此由六百里加緊諭令知之○以勦辦山東高唐州賊匪出力賞知府葉圭書岳齡博文協領久祿參將玉山定順遊擊文英守備溫長溥花翎候補知府來秀等藍

翎餘升敘有差予湖北陣亡同知林天真守備王芳訓導項煥巡檢吳秉忠從九品謝登瀛未入流張汝止把總潘德新外委楊映春千總銜陳炳元從九品銜舒占元祭葬世職加等軍功張械等賞卹如例

上以夏至祭

地於

方澤自是日始齋戒三日 戊辰

上詣

壽康宮問

皇貴太妃安諭內閣葉名琛柏貴奏勦辦惠州賊匪克復河源縣城一摺惠州賊匪經官兵於歸善縣擊敗後沿途勾結土匪潛赴上游河源縣境內於八月十七日闖入縣城經署惠州府知府陶澐派撥兵勇馳往勦捕斃賊三十餘名生擒八十餘名追至河源縣城外各匪退入城中堅匿自八月二十四日至二十八日官兵水陸進攻壘將賊匪擊敗殲

斃無數。焚毀賊船多隻。並調集練勇會合團
勦。十一月初八日。賊匪二千餘人出城抗拒。
經代理河源縣知縣曹廷章督率壯勇迎擊。
斃賊一百五十餘名。匪眾敗退入城。兵勇四
面圍攻。用雲梯奮勇登城。各賊紛紛逃出東
門。隨將縣城克復。此股匪徒經代理河源縣
知縣曹廷章會同官紳帶勇圍攻。克復縣城。
勦辦尚屬得手。所有在事出力之員弁兵勇。
著該督等查明保奏。陣亡之欽州營參將塔

明阿著交部議卹。又諭葉名琛柏貴奏勦
辦順德股匪連獲大捷。克復縣城一摺。廣東
賊匪占踞順德縣城。恃陳村為險隘。經肇羅
道沈棣輝派令候選同知林福盛等各帶兵
勇分隊進勦。把總蘇海等在三善河攻擊。當
將陳村賊營焚毀。我軍遂由橫門而入。備弁
兵勇奮力血戰。奪獲賊船及沈溺者不計其
數。二月二十二三等日。有匪船由潭州前來
撲營。馮元亮激勵兵勇轟沈大匪船五隻。該

匪駛回潭州。沈棣輝僅令各船仍由獅子洋
前進。擊沈賊船五十八隻。該匪飛棹奔逃。署
守備黃彬揮令頭艍船攔截。蘇海等帶船圍
合。將賊船二百餘隻全行焚毀。三月十七日。
官軍行抵板沙尾。進攻容奇。黃連勒流各匪
船。該匪拌命拒敵。當經擊退。惟九江鶴山各
賊船相戰四時之久。拋擲火毬火罐。延燒賊
匪自亂。跳水逃走。屍流數十里。十九日。水陸
官兵壯勇同時由大門窖直趨順德縣城。該

匪不能堅守。紛紛敗竄。經官兵追殺殆盡。當
將縣城克復。統計四旬以來。大小九戰。殲斃
焚溺賊匪三萬七千餘名。割取首級四百餘
顆。生擒一千餘名。轟沈燒毀賊船八百二十
餘隻。奪獲三百餘隻。此股賊匪經官軍痛加
勦洗。力將城池克復。辦理尚屬妥速。所有出
力文武員弁著葉名琛等擇尤保奏。以示獎
勵。又諭葉名琛柏貴奏賊匪復撲三水縣
城。續經官軍擊退。城圍已解。一摺。廣東竄擾

三水縣賊匪自上年九月經官兵擊退後復糾約波山艇匪及肇慶等處各匪船於十二月二十五本年正月十九等日屢次圍撲三水縣城均經署三水縣知縣沈亨惠署廣州協都司黃曜吉等督率員弁兵勇擊退復開城衝殺三面夾攻賊勢大潰官兵奮力追殺斬擒無算奪獲礮械甚多三月初二等日又有賊匪屯聚大壩園內楊梅墟亦經該署知縣等督飭把總黃鏞等剋日會齊四面圍攻

擒殺賊匪多名餘匪奔竄城圍已解此股賊匪屢撲三水縣城意圖占踞經該文武紳民奮力勦殺統計先後殲擒四千餘名辦理尚屬得手著葉名琛等督飭該地方文武實力接捕務期淨絕根株以靖地方其出力員弁紳士著准其擇尤保奏無許冒濫又諭葉名琛柏貴奏匪徒闖入陽山縣城旋即收復一摺上年秋間廣東英德清遠匪徒三次圍攻陽山縣城經該署知縣宮步霄督率兵勇

擊退嗣因力戰受傷又為另股賊匪抄截後路以致賊匪闖入縣城該署知縣密約紳團調集四鄉練勇一萬餘人連日進攻殺斃賊匪不計其數即將縣城克復該署知縣雖失事於前旋即收復於後功過尚足相抵署陽山縣知縣宮步霄著免其議處所有出力員弁紳勇著葉名琛等查明保奏諭軍機大臣等崇恩奏盜艇復來石島一摺據稱山東石島洋面前有盜船圖撲口岸被弁兵擊退

後至四月十五日復有盜船前來高大異常經副將沙兆龍等督兵迎擊我船被賊轟毀一隻次日復有盜船一隻與前船聯幫來撲該副將等開放大礮將盜船亦轟毀一隻賊始退卻山東師船無多請飭江南協勦等語江浙海運漕船現正源源北上盜匪意存窺伺深恐去而復來自應亟籌勦辦除已飭怡良等派兵協勦外著英隆斟酌情形如該處水師有可分撥即著揀選高大船隻配齊火

藥器械派員統帶由金口開行前赴石島洋面與山東江南各水師協力勦辦至盜艇在洋遊蹤跡靡定盛京濱海各口岸均應加意防範並著英隆嚴飭水師將弁於各該管洋面實力梭巡毋許稍涉鬆懈將此由五百里諭令知之 又諭崇恩奏盜艇復至石島請飭江南水師挑選高大戰船遴委鎮將統帶至石島地方押護漕船護該省師船不數分撥即由上海米局於上海一帶募雇艇船

十隻來東其經費由山東照數歸款等語前因山東洋面盜匪滋事經怡良等奏明責成總兵葉萬清等妥為護送並飭署遊擊張鳳翔管帶師船隨同尾幫漕船直至石島交替現在匪船與官兵接仗勢甚猖獗雖經官兵擊退難保不去而復來自應厚集兵力以資攻勦除署遊擊張鳳翔著怡良等飭令就現有師船管帶前赴石島毋許俟尾幫開行始行前進外仍著怡良等於水師營揀選高大

戰船配齊弁兵器械派委得力鎮將大員統帶即日前赴石島協同山東水師將該洋面盜匪設法殲滅以利漕行僅因水師戰船多赴江面勦賊不敷分撥即著飭令上海米局雇覓艇船十隻務期船身高大足以制敵者仍由該督等派委統帶剋日啟程其經費即由東省照數歸款毋許稍涉遷延致滋貽誤將此由五百里諭令知之 又諭崇恩奏洋盜燒毀戰船擬親往登州督勦一摺山東石

島洋面盜船去而復來竟敢擊毀戰艇阻遏漕艘自應亟籌勦辦以絕根株惟據另片奏此次盜船已向東南大洋遠駛南來漕船被劫米百餘石其餘尚無疏失是盜匪雖近猖獗業已遠颺無蹤即應責成該道府加意防堵一面飭令該鎮總兵認真巡勦該撫甫經回省一切積牘尚須趕緊清釐著毋庸遽行前往如果續有稟報海防實形喫緊或該鎮道等不能得力再行斟酌親往督辦此次水

師失利情形有無捏飾仍著查明具奏另片奏東省兵力較單請免派候調官兵等語固係實在情形但此項官兵係豫備調遣並非令其剋日啟程該省官兵即不能派足二千名之數亦必得豫備一千五百名聽候調遣如果湖北軍務得手河南防堵稍鬆即派出之後仍令歸伍亦未可定該撫即當仍遵前旨妥為挑選務期精銳可恃以備調遣將此由五百里諭令知之又諭翰林院侍讀周

壽昌奏廣西餘匪逼近湖南永州一帶請添兵防勦一摺據稱廣西富川恭城等處與湖南永州府屬各州縣壤界毗連該處賊匪肆擾請飭候補知府王葆生候補縣丞周金城移兵屯紮永州以固湖南邊圉等語永州府為湖南省西南門戶其界連廣西富川恭城等縣賊匪眾多自應實力堵勦惟界連廣東湖北等處逼近賊氛堵禦均關緊要王葆生等練勇得力未便專注一隅其應否移屯永

州之處著駱秉章體察情形妥為辦理仍須於永州一帶派員嚴密防範勿任該匪入境潛相勾結並密飭鄰境各地方官設法解散脅從是為至要另片奏湖南安福縣知縣薛湘縱容門丁駱福勒索捐輸解費加收耗羨經該撫查拏該縣匿不解交各情著駱秉章嚴密查訪如係官役通同舞弊即著據實嚴參毋稍瞻徇原摺片均著鈔給閱看將此由五百里諭令知之以廣東按察使江國霖

為布政使肇羅道沈棟輝為按察使予廣東陣亡千總余殿榮把總王昌華外委劉湛江巡檢劉光裕沈運昌祭葬世職庚午夏至祭

地於方澤

上親詣行禮詣

壽康宮問

皇貴太妃安奉

皇貴太妃幸永和宮。諭內閣麗嬪著晉封為麗妃。革職留任湖廣總督楊需奏克復隨州賊匪敗竄德安擬即分隊進攻得旨逆匪並未大受懲創分竄無定殊深慮。以湖北黃安等縣紳民團練出力賞知州蕭蔭恩等花翎在籍戶部主事李廷蕭等藍翎餘升敘有差。予湖北陣亡知縣翁汝瀛彭仲芳都司葛以敦祭葬世職。以紳民團練殺賊蠲免湖北黃安黃岡蘄水羅田沔陽黃陂孝

感七州縣舊欠額賦。辛未

上詣

壽安宮西所問

如皇貴太妃安。詣

壽康宮問

皇貴太妃安。

上御乾清宮奉命大將軍惠親王參贊大臣科爾沁博多勒噶台親王僧格林沁率從征侍衛官員恭繳大將軍印參贊大臣關防作樂

行禮如儀。諭內閣前因逆匪擾及畿疆特授惠親王為奉命大將軍並派恭親王奕訢等辦理京城巡防事宜復命科爾沁博多勒噶台親王僧格林沁為參贊大臣統兵進剿現在北省軍務告蒞河北一律肅清本日舉行凱撤典禮大將軍及參贊大臣均已恭繳印信關防所有京城辦理巡防事務著即裁撤其在事出力之司員章京等並著巡防王大臣酌量保奏以示獎勵。諭軍機大臣等

御史伍輔祥奏四川鹽匪橫行請將鹽法變通辦理一摺據稱川省鹽務近因引課倍加鹽價益貴以致私鹽暢行鹽梟蜂起不如變通鹽法將引課歸入竈戶可以戢奸裕課等語著黃宗漢按照所奏悉心妥議並遴委幹員赴各該產鹽處所察勘情形妥為辦理另片奏川省設有濟倉請於每歲年終將出入總數報部查覈如穀石有餘即將民間現捐津貼酌減又據稱廣安州知州陸敏杰署南

充縣知縣恆保富順縣知縣陳尚邵俱有侵蝕津貼銀兩情事。又總兵阜陞年老無能守備鍾淮縱容兵丁滋事均著照所叅款跡據實查奏原摺片均著鈔給閱看將此諭令知之。又諭易棠奏兵餉緊急請飭迅速撥解一摺據稱各省應解甘餉截至去年底止共欠銀六百餘萬兩自奏請飭催後不特欠餉仍前推諉即本年新撥各餉亦無報解之信前請撥運倉糧折放兵餉兵丁等以變賣折

耗太多紛紛爭執司庫匱乏無可籌墊迫切情形萬難支持請飭山西省先籌銀四十萬兩陝西省籌銀十萬兩山東河南二省各籌銀二十萬兩迅速解往以資接濟等語甘肅歲需兵餉經費約銀四百萬兩除口外需銀一百六十餘萬兩外計口內共需銀二百二十餘萬兩均應按日支放之款現該省司庫撥羅已盡自應速籌接濟著英桂等各按所請於山西省應解甘餉一百三十八萬兩內

先撥銀四十萬兩陝西省應解甘餉五萬兩外另籌銀十萬兩山東河南二省於欠解協餉內各先撥銀二十萬兩派委委員剋期解赴甘肅藉應急需此因各該省奉撥款項尚多准予通融辦理毋得再有推諉原摺著鈔給閱看將此由五百里各諭令知之。又諭前據和春福濟奏叅袁甲三擅截餉銀冒銷肥已並有油篋藏銀寄回原籍等情當交和春福濟查明具奏本日據都察院奏該革員

以被叅冤抑具呈控訴並將廬州臨淮支發軍餉不同情形開單呈請查辦該革員開銷勇糧按名統計是否於每名三百文外另有浮銷所稱視各勇之勤惰勇怯分別等差以贏補絀仍不及例銷之數是否確有實據其所收捐輸錢文是否均歸軍餉支用抑係實有肥已情事著怡良提同經管糧臺各委員逐款確覈秉公訊辦務期水落石出不准稍有徇徇至和春福濟原叅該革員油篋藏銀

寄回原籍並該革員現控和春等將參摺捏改他人等情及單開支撥軍餉與廬州不同之處著一併確查具奏原呈單並和春等原參片均著鈔給閱看將此諭令知之以軍營效力予哲里木盟長親王巴圖昭烏達盟長郡王那木濟勒旺楚克卓索圖盟長郡王色伯克多爾濟優敘（壬申）

皇貴太妃慈壽節

上詣

壽康宮行慶賀禮 諭軍機大臣等王履謙奏稽查上游河口並地方情形一摺現在北路逆匪雖已肅清河南邊界賊氛尚近河岸巡防仍未可稍形鬆懈該副都御史所請於官渡適中之區各酌設民渡一處撥給小船一二隻以供對渡之用係為便民起見著准其添設仍會同長臻諄切曉諭止准本地居民對岸渡送不得上下往來如有私自行駛者即行拏究並嚴飭地方河工各文武一體嚴

密稽查不准稍存大意南岸柳園蘭儀等口原設練勇亦著照所請即行裁撤此項練勇裁撤後或應遣散歸農或應調赴何處防堵著王履謙長臻會同英桂妥商籌辦至近來地方團練原以保衛鄉閭乃河南彰衛懷及開封等屬抗糧滋事之業層見疊出皆因聯莊會借團練為名糾眾抗官該府縣平日既辦理不善臨時又補救無方以致相率效尤後患何堪涉想著英桂督飭該地方官剴切曉諭不遵者嚴行懲辦庶幾地方日就安靜而徵收錢漕亦漸有起色現在北路軍務已平所辦聯莊是否可以裁撤並著該撫酌量辦理英桂現在防邊而於本省吏治民風亦未可視同泛常不思力求整頓設或於閩署毆官重案稍涉彌縫以致將來蔓延蠢動釀成大患恐該撫不能當此重咎也將此由四百里各諭令知之 以拏獲會匪出力賞甘肅知縣陳秉彝都司趙秉鑑花翎從九品金

淮等藍翎餘升賞有差蠲免江蘇橫浦浦東袁浦青村下沙頭下沙二三六場被賊竄戶上年額賦○癸酉

上詣

壽康宮問

皇貴太妃安○諭內閣杜翹國瑞奏查勘貢院應修處所有被人拆毀情形等語貢院為抡才重地例由大興宛平兩縣派役看守何至門窗牆壁均有拆毀情形顯係稽查未能嚴

平定李

奉

密致有閩雜人等潛入作踐偷竊物料實屬不成事體著順天府督飭大宛兩縣認真派役巡查並親往稽查查明拆毀偷竊之人嚴拏懲辦○追封科爾沁親王僧格林沁生父故四等台吉璧啟貝子○以內閣學士景蔭為福建鄉試正考官翰林院編修吳鳳藻為副考官○甲戌遣官祭關帝廟○封閉達拉圖噶順二處金廠從烏里雅蘇台將軍奕興請也○乙亥

上御乾清門聽政○諭內閣前因訥爾經額於賊匪由懷慶西竄後未能於直隸各要隘嚴密防守致該逆紛擾畿疆經惠親王等遵旨按律擬為斬監候已降旨照擬定罪該革員奉命督師毫無籌畫其貽誤事機實屬罪無可逭姑念其由懷慶折回帶兵無多各路所調官兵緩不濟急現值首逆就殲畿輔肅清用特寬其一綫之路以示法外之仁訥爾經額著改為發往軍臺效力贖罪○又諭巡防

平定李

奉

王大臣奏革員當差愧奮可否免罪等語○賽尚阿前以大學士奉命督師楚粵當賊匪困守山箐坐擁重兵不能立即撲滅及賊竄永安葺爾州城又不能剋期攻復嗣後赴援桂林力守長沙只能獲全二城未能扼其竄逸以致該逆蔓延數省荼毒生靈勞師五載有餘糜餉數千萬兩揆其貽誤情節較之其餘獲罪各員實為尤重惟現據該王大臣奏稱該革員自奉差委以來尚知愧奮自應量予

減罪以示法外之仁。賽尚阿著改為發往軍臺效力贖罪。又諭戶部奏河南等省欠解甘餉過多。請將巡撫藩司議處等語。甘肅省癸丑甲寅兩年兵餉。河南省欠解銀九十餘萬兩。山東省欠解銀二百餘萬兩。疊經行催罔應。實屬玩誤。河南巡撫英桂。布政使鄭敦謹。山東巡撫崇恩。布政使厲恩。官均著交部議處。以通政使司通政使李清鳳為都察院左副都御史。鴻臚寺卿周玉麒為光祿寺卿。翰林院侍讀學士煜綸為太僕寺卿。詹事府詹事奎章為通政使司通政使。仍留江蘇學政任。以辦理巡防出力。予都察院左副都御史李清鳳優敘。賞郎中椿齡員外郎安奎麟趾。文祥桂林主事常順。候補侍讀英秀。副理事官慶廉。營總春泰。毓秀侍衛崇岳。戴良。參領成慶。花翎餘升敘有差。以直隸防堵出力。賞戶部左侍郎載齡正白旗滿洲副都統阿彥達。花翎。予護軍參領伊綿阿等升

賞敘奉旨

三十九

敘有差。予安徽陣亡參將李成虎祭葬。世職如副將例。外委吳錫福。楊勝宗祭葬。世職。釋遣戍軍臺。已革山東巡撫張亮基發往湖北軍營。交欽差大臣西凌阿差委。丙子。調正紅旗漢軍副都統文清為鑲白旗漢軍副都統。以已革鑲白旗蒙古副都統烏爾棍泰為正紅旗漢軍副都統。熱河都統毓書因病解任。以馬蘭鎮總兵官柏葭為熱河都統。理藩院左侍郎綿森為馬蘭鎮總兵官。兼

賞敘奉旨

三十

總管內務府大臣。以三品頂帶京營左翼總兵愛仁為理藩院左侍郎。命正白旗滿洲副都統阿彥達管寶坻等四處官兵事。以河南光山息二縣被賊竄陷。革知縣張紹英。劉宗岱職。予陣亡照磨汪兆琛祭葬。世職。

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百六十七

實錄卷一百五十七

主

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百六十八

崇修經義官經筵日講起居注官太子太傅上書房總師傅文淵閣領閣事翰林院掌院學士稽察欽奉上諭事件處國史館總纂官欽定四庫全書

大學士管理兵部事務加十三級紀錄十四次臣賈積勳奉命經略官太子太保又調閩鎮閩事武英殿總裁官教習庶吉士體仁閣

大學士管理戶部三庫事務管理刑部事務加二十三級紀錄十六次
臣周祖培總纂官太子少保管理內廷書房事務引大臣軍機大臣

領蓋旗滿洲都統戶部尚書管理三庫事務加四級隨帶加五級紀錄十二次正實錄總纂官贈
儒殿教習清文詩連上書房總譜

建國文館總纂官莊詠家古都統禮部尚書管理太常寺鴻臚寺事務加二級軍功加四級隨帶加八級紀錄五次臣倭什琿布等奉

秋修

咸豐五年乙卯五月丁丑諭軍機大臣等前

因赫特賀奏廓爾喀尋衅占踞濟龍聶拉木
兩處地方川境毗連藏界諭令樂斌等偵探
夷情不得稍涉張皇本日據赫特賀奏該大
臣由前藏行次曲水白地知廓夷復於三月
十四日攻占宗喀所調乍丫察木多類烏齊
各處土兵尚未齊集請飭調川省五屯官兵
備勦等語藏屬額設番兵並催調各土兵計
數已有七八千名惟隘口甚多自應厚集兵
力以備調遣著樂斌黃宗漢於該省屯兵內

酌撥三千名。由樂斌管帶赴前藏察看情形。再定進止。至綠營兵是否相宜。著該將軍等酌量湊撥。不必拘定盡調屯兵。樂斌出省。所有成都將軍印務。即著副都統伊琿額暫行署理。至廓番雖侵占邊地。其構釁根由。起於唐古忒營官多徵稅課。及欺負搶劫等事。現在赫特賀已赴後藏。廓夷有派噶箕藏格巴都爾約於四月中旬來宗喀聽候剖斷之語。已諭令赫特賀妥為開導。若該番能知感悟。

退出所踞地方。兵端尚可止息。樂斌到前藏時。探知該夷情形。是否遵斷。相機辦理。將此由六百里諭令知之。○又諭赫特賀奏接據稟報宗喀失守。並廓番遵派噶箕至邊界聽候剖斷一摺。廓爾喀國前次擁兵數千。占踞濟龍並奪去聶拉木地方。狂悖之跡。漸已顯露。現又攻陷宗喀。其勢益張。經該大臣檄諭之後。雖據該夷揀派噶箕藏格巴都爾至宗喀聽候剖斷。但其桀驁詭詐之情。恐未能理。

諭俟該噶箕到協噶爾。該大臣即將該國王上年及此次所稟被唐古忒欺陵各案。逐件秉公查辦。並查明該夷與唐古忒因何起釁根由。務當準情酌理。折服其心。並曉以大義。使趕緊退出宗喀濟龍等處地方。設該國仍要唐古忒算給銀兩。讓給地方。該大臣務當據實駁斥。至此次情願備兵助剿。尚未有旨允准。何得云使費一切。已致無著。顯係藉端要挾。該大臣亦當與彼剖析明言。使該夷不

致再存妄想。仍知照達賴喇嘛色呼本諾們罕朗結曲丕等。妥為開導。儻恃眾抗違。不知悔。亦不能不懾以兵威。該大臣馳抵協噶爾後。與該噶箕會晤。如該國感悔撤兵。自毋庸輕議征剿。儻肆行猖獗。即一面奏聞。一面知照樂斌。相機前進。該大臣務當體察情形。妥為辦理。滿慶當已到藏。著即留住前藏。調度一切。另片奏札調土兵。屢催罔應。殊屬不成。事體現調川兵為數無多。仍須藏屬兵丁

會勦著該大臣查明所調各兵。如果有意抗拒。即行分別懲辦。將此各諭令知之。○又諭陳啟邁奏湖北崇通股匪圍攻義甯州城。抽調兵勇援勦一摺。自武昌失守之後。崇通等縣復為賊踞。裹脅日多。現有大股逆匪由古石嶺杭口竄入義甯州境。圍困州城。湖北大軍現在攻勦武漢之賊。崇通一帶逆匪其勢不能兼顧。以致賊勢蔓延。擾及江境。該撫先後派撥兵勇前往堵勦。現復札飭吳錫光帶

勇十名馳往援應。並飛飭知府林懋勳等統帶兵勇倍道前進。即著嚴飭該員等迅速進勦。以解州城之圍。如兵力不敷。仍當酌量添兵助勦。饒州業經克復。耆齡遮克敦布所帶練勇亦可察看緩急相機調撥。如勦辦得手。即當不分畛域越境追擊。以助湖北兵力之不及。務將此股逆匪盡數勦除。勿留餘孽。其德興等處餘匪仍飭羅澤南等極力摻捕。毋令餘燼復燃。將此由六百里諭令知之。○又

諭昨據英桂奏信陽防堵緊要並光州所屬勦匪情形。本日據張之萬奏光州一帶擒匪恐有粵匪勾結請旨分兵速勦一摺。據稱息縣及正陽新蔡等處均有擒匪聚搶。並州判典史被戕等事。業經英桂入奏。惟所稱地方官若加意勦捕原可即時撲滅。乃遷延月餘以致愈聚愈多等語。著英桂查明該州縣等何員遷延貽誤。據實嚴參懲辦。邱聯恩現在光山駐劄。著即嚴催該鎮督飭兵勇迅圖克

復縣城。毋稍遲誤。並將此股擒匪悉數勦除。免致與逆匪內外勾結。至赴楚之兵斷難再分。所有西凌阿過豫酌留官兵諒已催提到防。並楊需撥回馬隊均可分派擇要扼守。該撫總當通籌兼顧。先將光息等處擒匪勦除。以靖內患。方可專力防堵。不致牽掣。將此由五百里諭令知之。○直隸宣化鎮總兵官趙毓桂因病解任。以江西南昌協副將羅玉斌為直隸宣化鎮總兵官。○以造辦銅輪火藥

出力予福建道員英樸等議敘○以援勦廣東賊匪韶州府城解圍予江西知縣周汝筠知府補用○戊寅

上幸瀛臺○御勤政殿賜奉命大將軍惠親王參贊大臣科爾沁博多勒噶台親王僧格林沁並從征將士王貝勒貝子公文武大臣等宴賞賚有差○諭內閣楊需奏勦賊獲勝進攻德安一摺前據楊需奏遊擊常德等協同署知州嚴澍森等進勦隨州豐次獲勝適提

督孔廣順督兵趕到遂於四月二十九日克復州城茲據奏稱該匪敗竄後於應山縣屬馬平港長林岡一帶擄掠復被官軍襲殺初八日有賊三四十人上竄劉富成帶兵迎勦嚴澍森督團策應官軍與賊遇於中途劉富成手刃賊目數人兵勇屢戰復殺百餘名乘勝追至河邊山水暴發該匪被偏淹沒不計其數我軍過河追殺四十餘里計共殲斃千數百名生擒四十六名奪獲馬匹器械多件

賊鋒已挫著官文督飭孔廣順等迅速進攻德安毋稍遲延○諭軍機大臣等崇恩奏步隊官兵無可再調等語西凌阿前奏調山東步隊係交英桂調遣之兵現在該大臣勦辦湖北逆匪而豫省防勦尤為緊要著崇恩即於備調官兵一千五百名內挑選精銳步隊五百名派委得力將弁管帶馳赴河南一帶交英桂調遣毋稍遲誤將此由五百里諭令知之○己卯

上詣

壽康宮問

皇貴太妃安○諭軍機大臣等理藩院奏遣犯糾眾抗租請飭嚴辦一摺據該台吉等呈稱道光三十年間王柏齡等糾眾霸租吳保太煽惑動眾經欽差及盛京將軍帶兵查辦眾佃始行交租嗣經侍郎書元為吳保太奏請贖罪未准不知刑部何故於四年二月間放令回家並不起解以致前案逸犯霍義等復

糾合匪佃孟玉齡等結盟抗租自上年秋間開徵至今所收租項不及十分之三蒙古日形苦累等語吳保太既係擬遣之犯何以刑部於上年二月間放令回家並未起解著英隆迅速查明具奏並將吳保太即日起解毋許逗遛所有糾眾抗租之霍義等著迅速查拏嚴行懲辦以儆刁風原摺著鈔給閱看將此諭令知之尋奏據奉天府府尹咨稱咸豐二年二月盛京刑部咨送流犯吳保太當將

該犯遞回原籍開原縣收禁令其詳請定地發配嗣因直隸辦理軍務所有遞解人犯行令一體截留並非無故遲延亦無放令回家情事現已由省差押起解報聞○湖廣總督官文奏探聞賊竄府河調鹽道常恩帶勇赴潛江以為沔陽德安應援並現與荊州左翼副都統載增商籌防守得旨著飭令載增會同地方文武仍須妥慎防範○杭州將軍瑞昌奏乍浦軍政請俟軍務告竣舉行從之○

庚辰以勦辦湖北襄河賊匪獲勝賞協領恩夔全亮佐領依西布春昌防禦勝魁慶吉烏爾恭額都司蘇陞同知恩喜等花翎武舉松鶴等藍翎餘升敘有差○蠲緩直隸吳橋東光景阜城永年沙河任邢臺南和唐山隆平柏鄉河間獻青南皮靜海十七州縣被賊村莊應徵額賦賑吳橋東光景三州縣被賊災民辛巳諭軍機大臣等西凌阿奏督兵馳抵汴梁分起前進並籌撥軍需一摺前據楊

需奏四月二十九日收復隨州派兵進攻德安官文奏於五月十一日督兵啟程馳赴棗陽並探聞隨州德安之賊已陸續下竄出府河而至襄河逆匪奔竄無常總未大受懲創官文所帶川兵及該大臣所帶兵勇均係精銳之師必須趕緊會合探明賊蹤痛加勦洗力挫兇鋒兵貴神速斷不可稍涉觀望致誤事機僧格林沁前奏派勇目詹起綸等赴楚偵探賊情該勇目等如探明逆匪情形該大

臣查勘確實即可相機布置並將所探情形隨時附報具奏現派綿洵幫辦該大臣軍務業經啟程並帶銀四萬兩前往該大臣馳抵楚省所需軍餉可先與官文通融辦理也將此由六百里加緊諭令知之○又諭西凌阿奏馳抵汴梁籌撥軍需一摺該大臣此次所帶兵勇約數千名據奏由馮官屯啟程僅帶銀一萬七千兩若不豫為籌備稍有支絀所關非細現在河南藩司鄭敦謹已派候選同

知陳南金隨往行營辦理糧臺支應著英桂督飭該藩司無論何項迅速籌撥數萬兩解赴該大臣軍營以備接濟不得藉口於無款可籌致滋貽誤英桂現駐信陽距楚較近所有楚北近日賊情務即偵探明確飛咨該大臣以便相機進剿該大臣已留馬隊兵七百五十名步隊兵五百名飭令副都統麟瑞等帶赴信陽聽候該撫調遣即著英桂妥為布置毋稍鬆懈至各省解項行過豫境並著嚴

飭該藩司不得任意截留以至顧此失彼將此由六百里加緊諭令知之○予湖北陣亡荊州駐防文武舉人及兵丁等七百七十名賞卹如例○壬午諭內閣怡良等奏請展緩鄉試一摺本年江南省應舉行乙卯科文武鄉試據稱該省軍務未竣現在試期已近體察情形不能依限舉行所有本年江南省乙卯科文武鄉試著照所請准其展至戊午科歸併舉行按照兩科定額取中以昭慎重○

諭軍機大臣等托明阿等奏續攻瓜州並水陸兵勇勦賊獲勝一摺此次東西陸路官兵續攻瓜州逆匪雖殲斃多名究未能直搗賊巢剋期收復且該逆堅匿不出我軍仍無從著手必須設法進攻或誘賊離巢痛加勦洗斷不可再事遷延至上下游江面賊船往來無定復聞江陵逆匪多造船筏欲順流衝突為下援瓜鎮之計此時急務必應嚴飭水師各船合力堵勦使瓜鎮之賊不能互相援應

一面督飭陸路諸軍奮力進攻紅單挖魯各船分防各隘既屬過單續調挖魯五隻即飛調來江以資攻剿其儀徵六合浦口江浦等處均屬北岸扼要之區著該大臣等嚴飭帶兵文武各員實力防範毋令逆匪乘間竄越托明阿自到揚州督兵以來打仗未嘗不力然往往勝負參半蕞爾瓜州並無城池可守何至被賊久踞攻剿費力竟與堅城相等恐調度或未盡善抑帶兵諸將恃勇而不濟以

謀耶著托明阿會同陳金綬雷以誠悉心籌畫謀定後動務操必勝之算以慰殷盼毋得以小有斬擒數日一奏視若奉行故事也將此由六百里諭令知之○命河南布政使鄭敦謹來京以長蘆鹽運使瑛榮為河南布政使○以江蘇瓜州勦賊出力賞都司陳顯銘花翎○癸未諭內閣英桂奏勦辦光山擒匪收復縣城一摺河南擒首易添富等竄踞光山經邱聯恩統帶兵勇督同候補知縣廖慶

謀等合力進攻廖慶謀首先登陴殺賊多名餘匪奪門而逸立將縣城收復署參將成景等跟追竄匪至何家畝地方與該處團勇合擊復追至陳家寨計共斃匪四五百名生擒數十名該匪復由羅官店等處狂奔經署羅山縣知縣鄭元善兼理息縣知縣耿潛修率領鄉團沿途截殺殆盡此次擒匪初陷息縣經官兵收復後旋復竄踞光山豐被兵勇追剿旬日之間即將縣城收復辦理尚屬迅速

著英桂仍飭邱聯恩等將竄匿餘匪拏捕淨盡以靖地方○諭軍機大臣等英桂奏探報楚北賊情並收復光山縣城一摺所奏賊自隨州退出占踞德安情形與官文昨奏大略相同南陽防堵既已稍緩自應將崇安留駐河北以資彈壓現在光山雖已收復而所殺擒匪無多且首犯尚未就擒難保不與阜陽各匪勾結復致蔓延著英桂即飭邱聯恩等督率在事文武實力拏拏務將首犯易添富

等悉數弋獲。不准稍留餘孽。濟源縣抗糧之案。是否業已解散。如須威以兵力。亦即飭令崇安。安速辦理。聯莊會原以保衛鄉閭。今乃糾眾抗官。轉貽地方之害。此時河北肅清。是否可以裁撤。著英桂妥籌辦理。現在輝縣首犯未獲。濟源又復效尤。聞河北各府似此者尚復不少。必當執法懲治。不可徒以解散為事。致令毫無忌憚。至山東撥往馬隊。既據該撫奏稱。於豫省不甚相宜。著即撥出一千名。

飭赴金陵。交向榮調遣。其餘一千二百五十名。即撥赴安徽。交和春福濟分撥布置。常亮既不得力。已有旨飭令回旗。所有前項馬隊。即著統歸麟瑞管帶。俟馳抵安徽軍營。交明後。再將金陵軍營之一千名帶往。應由何處渡江。著與托明阿妥商前進。英桂即一面傳知該副都統。一面飛咨金陵。安徽。及沿途地方。以便趨行。將此由六百里諭令知之。○又諭。寄諭欽差大臣西凌阿。英桂奏撥赴楚北。

義勇。如有情願歸農者。請撤令回籍等語。據稱投誠義勇三千餘名。由山東撥赴楚北軍營調遣。頭二兩起。已過河南省城。行走尚屬安靜。惟楚北餉項支絀。恐該義勇因口糧不繼。別滋事端。其有情願歸農者。不若撤令回籍。以免他虞等情。此項義勇人數眾多。良莠不齊。原難保其必遵約束。惟現在楚北幾於偏地皆賊。該義勇等又恐無家可歸。若紛紛遣散。必致仍流而為匪。止可就其自願回籍。

者。遣之使歸。其願在行間者。或分派各營。使兵勇相輔而行。不致難於約束。仍須示以恩信。有功者酌加獎勵。以堅其自效之心。而消其反側之念。本日英桂奏報楚北賊情。與官文前奏大略相同。該大臣即遵本月二十日寄信諭旨。統帶精兵。趕緊會合官文。探明賊蹤。痛加剿洗。斷不可稍涉觀望。仍將勇目詹起綸等。所探逆情。並該大臣抵楚後。勦賊情形。一併迅速具奏。將此由六百里諭令知之。

又諭御史韓錦雲奏。知縣聞警先逃。以致城池失守。請旨革職。一摺。據稱廣東博羅縣賊匪黃槐花等。糾眾搶掠。經紳耆捐貲團練。其防守丁壯。自上年六月後。有事之日。每人給米一升。知縣謝玉漢。所借書院及當舖等銀兩。並未用出。至十月間。謝玉漢將守城壯勇裁撤。令蘇養才等管帶鄉勇。蘇養才等與賊句結。十一月初一日。賊眾來攻。該縣先已逃匿城外。以致人心倉皇。城池失守。迨知府

陶澐調兵赴援。縣城收復以後。該縣以修城為名。將倉穀三萬餘石。變賣肥己。該督撫並未確查始末。輒以功過相抵。准令回任等語。博羅縣知縣謝玉漢。於賊匪攻城時。聞警先逃。以致城池失守。著即行革職。所借書院膏火銀六百兩。當舖富戶銀一千餘兩。並糶賣倉穀銀兩。該縣如何侵漁肥己之處。著葉名琛。柏貴嚴查叅辦。毋許稍有不實不盡。至偏近賊氛地方。果使州縣得人。與紳民等力圖

守禦。則眾志成城。何至遽行失陷。迨城池既已失守。則該地方官之辦理不善。自無可辭。若於城池收復後。輒以該員係隨同進兵。功過尚足相抵。為詞。遽請將失守罪名。免于置議。則身任地方者。相率效尤。必至賊蹤所至。無人抵禦。廣東省失守各地方。現在漸次收復。所有該州縣如何辦理不善之處。並著葉名琛等嚴行叅辦。以儆其餘。原摺著鈔給閱看。將此諭令知之。○以翰林院修撰章鑒為

四川鄉試正考官。內閣侍讀孫楫為副考官。○以帶兵不力。命已革京口副都統常亮回旗。○正紅旗漢軍副都統隆慶因病解任。以內閣學士崇綸兼正紅旗漢軍副都統。○甲申。

孝恭仁皇后忌辰。遣官祭。

景陵。○予四川勦賊陣亡知縣劉康年祭葬。世職。○乙酉。欽差大臣向榮等奏。鎮江南路挑築牆溝工竣。移營逼近城垣。得旨。覽奏。布置

情形均屬妥協○以河南開封府辦理團練出力予同知寶善知府補用○丙戌

上詣

壽康宮問

皇貴太妃安○丁亥諭內閣刑部奏現審案內

有大員囑託並聲言承審司員聽情受賄請

欽派大臣審訊一摺著派賈楨穆蔭會同刑

部審訊工部右侍郎崇實因家人涉訟輒向

刑部堂官囑託並稱承審司員聽情受賄有

無實據著明白回奏○又諭恆春等奏兜捕

餘匪殲除殆盡一摺貴州逆匪自楊鳳伏誅

後餘匪竄至四川邊界復有逆黨舒太舒組

糾結死黨仍圖回竄經貴東道承齡聞信即

由桐梓進剿並派朱右曾等由仁懷木方等

處旁截四川參將蔣玉龍等由九壩綏陽一

路堵捕該匪脅聚五六百人竄至遵義西鄉

鴨溪一帶四月十八日官兵齊集於漆樹灣

地方偵知該匪均於土窩窩箐中潛踞兵勇

合力進攻殲斃賊匪二百餘名墜崖死者不

計其數奪獲槍械無算生擒首匪舒太等五

十餘名遵義等處地方一律肅清此次漏網

餘匪輒敢煽眾回竄經該處官紳協力將遺

孽立就殲除辦理尚屬認真著蔣肅遠等仍

嚴飭地方官弁實力堵捕以淨根株所有在

事出力員弁紳勇均著擇尤保奏候朕施恩

○又諭胡林翼奏攻剿武漢賊匪獲勝一摺

上月二十六日副將王國才等進攻漢陽西

門胡林翼亦於是日督隊力攻南岸賊營分

兵三路派千總何紹彩等分攻江邊白沙洲

並江隄八步街等處賊營該逆悉銳抵拒經

記名知府彭玉麟飭江邊陸師趕回橫截自

率水勇助戰何紹彩等三營亦飛馳援應兩

路橫衝將追賊三百餘名全數截殺其前路

衝鋒悍賊亦經岸上兵勇圍剿無一得脫計

共殺騎馬黃衣賊目五人斬獲首級二百三

十一顆生擒偽總制伍大潰等一十六名奪獲

馬匹軍械多件。另片奏初十一等日。武昌賊匪直犯金口。並下游另股賊匪循江上竄。經該署撫督同彭玉麟李孟羣等。分兵攻剿。水陸四戰共擒斬七百餘名。雜髮逃散者約千餘人。著胡林翼嚴飭水陸各營實力進剿。務將武漢分踞之賊殲除淨盡。迅圖克復。勿稍遲延。○諭軍機大臣等。朕聞雲南開化府屬有回匪聚眾抗糧之案。該省回民易於滋事。上年東川逆匪馬二花等戕官脅眾蔓延尋甸等處。以致重煩兵。此次開化抗糧之案。若不亟籌妥辦。難免不滋生事端。著恆春舒興阿將起釁根由密速查訪。務將首要各犯剋日拏獲到案。盡法懲處。並設法解散餘匪。以儆刁頑而靜邊圉。儻該地方官辦理不善。以致激成事端之處。並著嚴行叅辦。毋稍姑容。將此諭令知之。○又諭朕聞貴州台拱廳地方現有苗匪滋事。苗人素稱頑梗。儻或不能安戢。恐致貽害地方。況該省桐梓等處匪徒甫經殲除淨盡。若復有苗匪滋事。不及早

揅捕將來必致重煩兵力。著蔣霽遠趕緊查辦。毋得稍有迴護遷延。並將如何滋事情形迅速具奏。將此諭令知之。○又諭胡林翼奏武昌連次獲勝情形各摺片。覽所奏軍情。武漢賊勢尚形猖獗。該署撫所帶兵勇既嫌單薄。自未便再行分撥。摺內所稱擬選派精卒委臬司管帶渡江協剿。係恐賊由漢沔上窺荆襄。繞出水師後路。但此時隨州已復。沔陽一帶賊匪亦經擊退。孔廣順所帶官兵已由棗陽一路進剿德安。西凌阿所統官軍不日可出豫境。當可遏賊上竄。若李孟羣再帶兵渡江。恐該署撫兵力愈單。金口一帶不能堵截。轉致該逆沿江上竄。未為得計。所稱擬令李孟羣挑選兵勇管帶渡江之處。仍著該署撫酌量緩急相機辦理。塔齊布現在九江。未能即時攻克。萬不能分身來楚。孔廣順進攻北岸。必須德安之賊掃除。方能進擣漢陽。該署撫惟當就現有兵力速籌剿辦。如江北肅

清西凌阿等自能進兵與南岸夾擊也潰敗
兵勇隨時裁汰所辦甚是至所裁之數至一
千三四百名應如何添補助勦並著妥籌辦
理昨據御史張駿奏請實行鄉團以節糜費
等語並著該署撫飭屬妥辦如湖北黃州沔
陽等處鄉團頗能得力而河南各屬即藉鄉
團為名抗糧滋事總在體察民情慎選牧令
固不得視為具文亦不可拘泥成法原摺著
鈔給閱看將此由六百里諭令知之以前

任吏部右侍郎沈兆霖署吏部左侍郎命在
南書房行走以勦辦貴州遵義等縣匪徒
出力賞已革提督趙萬春都司團首王安國
等藍翎餘升敘有差戊子旌表城陷捐軀
貴州知縣朱右賢妻周氏女蓮芳己丑諭
內閣崇實奏遵旨明白回奏一摺崇實因家
人高世棟與朱二涉訟輒向刑部堂官囑託
並稱承審司員聽情受賄迨經刑部奏參降
旨令該侍郎明白回奏乃據奏稱承審官將

原告刑責改供難保無聽囑開脫情弊並未
確指為受賄並稱但以案情曲直向刑部各
堂官議論並無囑託私語與刑部所奏情節
不符捏詞摭拾實屬有意徇庇崇實著先行
交部議處至朱二訛詐高世棟錢物並徧寫
借字是否有設局詭騙搶奪情事著賈楨穆
蔭會同刑部研訊確情按律定擬據實具奏
盛京將軍英隆等奏請催各省欠解東三
省歷年俸餉得旨戶部迅速催撥勿任各省

延玩致誤要需○予江西陣亡外委吳家炳
祭葬世職○庚寅以順天府府尹譚廷襄為
刑部左侍郎直隸天津道張起鵬為順天府
府尹○以刑部左侍郎李鈞為河東河道總
督未到任前以河南河北道蔣啟敬署理○
予故河東河道總督長麟祭葬○辛卯諭軍
機大臣等戶部奏請飭催按月應解京餉一
摺京師按月應放兵餉不敷甚鉅前經戶部
奏明於山東河南每月解銀十五萬兩撥充

京餉該二省自接到部文後即應趕緊籌解何以並未據報啟程山東軍務業已告竣河南並無賊蹤上忙錢糧亦應徵足戶部祇令每月解銀十五萬兩辦理似屬無難若並此不解置根本於不顧任意遷延豈前奉諭旨該巡撫藩司竟敢視為具文耶著崇恩英桂嚴飭藩司將六月分應解京餉按每省十五萬兩之數無論何款先行提動限於六月二十日以前全數解到嗣後每月應解銀十五萬兩均以每月十五日為限悉數解部儻有遲延及交不足數以致兵餉貽誤朕必將該巡撫藩司執法懲治決不寬貸將此由四百里各諭令知之○又諭有人奏劣衿句串門丁包攬詞訟請旨飭查一摺據稱順天府所屬通州地方有劣衿李姓綽號冰窖李出入衙署句串門丁並與道署門丁施姓結拜弟兄包攬詞訟等語劣衿句結丁役包攬詞訟最為地方之害著賈楨將所叅各情密速訪

查從重懲辦該署道如有意徇庇並著嚴行叅奏毋稍寬縱原摺著鈔給閱看將此諭令知之○荊州左翼副都統載增奏接辦荊州防守事宜得旨西凌阿抵楚後專為勦辦逆匪礙難趨於無賊之地駐劄徒糜餉需綿洵亦係幫辦軍務尚無到任之期荊州防勦事務汝須照官文辦法勿稍廢弛仍可與該督往返函商也○江南提督和春等奏安徽廬州舒城獲勝情形得旨舒廬情形雖俱有獲勝惟總無克復之機曷勝焦急○雲南巡撫舒興阿奏報到任日期得旨事事務須加意審慎不可稍涉疏忽

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百六十八

實錄卷一百六十八

五十六

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百六十九

欽此

大學士理藩部三庫事務等因欽此

大學士理藩部三庫事務等因欽此

大學士理藩部三庫事務等因欽此

大學士理藩部三庫事務等因欽此

欽此

咸豐五年乙卯六月壬辰朔諭內閣崇恩奏

奏為

一

遵查海口被盜情形請將遊擊革職並自請
議處各等語山東登州水師前營遊擊羅朝
輔於所轄洋面被盜艇闖入既未能先事豫
防復稱病回署不出實屬庸懦無能羅朝輔
著即革職留營勒令出洋捕賊效力儻不知
愧奮即行嚴叅治罪崇恩雖因遠在軍營未
能親往督辦究屬疏忽著交部議處順天
府府尹張起鵬因病解任以四川鹽茶道蔣
琦瀉為順天府府尹未到任前仍以刑部左

侍郎譚廷襄署理以都察院左副都御史李清鳳署刑部左侍郎命山東登州鎮總兵官田浩然送部引見以五品頂帶前廣東碭石鎮總兵官王鵬年為山東登州鎮總兵官

癸巳

上詣

壽康宮問

皇貴太妃安○諭內閣崇恩奏請裁撤兗州糧臺並出力各員可否酌保等語現在山東征

兵俱已凱旋所有兗州糧臺著即裁撤責成藩司屬恩官認真覈實報銷以杜浮冒其承辦各員及辦理防堵之地方文武員弁紳士准其擇尤分案保奏毋許冒濫○山東巡撫崇恩奏軍務甫經告竣請將咸豐四年錢糧奏銷緩至本年年底造報如所請行○浙江巡撫何桂清奏請飭前任江南河道總督潘錫恩辦理安徽甯國府糧臺事務允之○以緝捕勤能賞山東嶧縣知縣倪夢麟升銜命

送部引見○予山東陣亡把總劉興武外委葛太平張起盛祭葬世職○甲午諭軍機大臣等上年有人奏河南開歸陳許道周煦徵扣發辦工帑銀並聽信幕友招搖等事當降旨令英桂確查奏○迄今將屆半年未據該撫將該員被叅各款據實奏聞監司大員散法營私聲名狼籍即應隨時叅奏乃既奉旨飭查仍復遷延時日豈該撫意存瞻徇欲為設法彌縫耶著英桂即照所叅該員劣蹟迅速查明據實覆奏如敢仍前疲玩或代為隱飾致有不實不盡經朕察出或被入糾叅必將該撫一併懲處不貸○將此由四百里諭令知之○先是陝甘總督易常奏哈勒津庫察開採銀礦章程酌議招商試採所需經費由阿拉善親王籌墊隨時酌定升課按十成覈算以六成歸商二成五分為正課三分五釐為耗銀一分五釐為運費其餘一成賞給阿拉巴圖當差其鍊盡白鉛亦擬照銀十成分

別正耗解交甯夏道庫備撥下軍機大臣會同戶部議至是議應如所奏辦理至所徵課耗應於年終奏銷一次課銀解存甯夏道庫候撥不得作為別項之用其鉛斤除抽課外官為收買不准商販仍嚴飭員弁兵役人等覈實妥辦總期礦務日旺於經費方有裨益從之○河南巡撫英桂奏察看河北三府情形遵旨裁撤聯莊會得旨覽奏殊深慮慮果能安靜解散固好若仍行抗拒更恐兵力不

敷彈壓尤應早為計及又奏光州所屬勦辦捻匪情形批易添富務須嚴拏必獲不准任其遠颺又奏籌撥西凌阿軍餉豫省情形支絀懇請飭部另撥又批戶部酌量續為籌撥○雲貴總督恆春奏報到任日期得旨朕授汝為雲貴總督因汝外任有年諸事歷練今而後務期振作有為毋蹈粉飾之習朕實有厚望焉○乙未諭軍機大臣等陳啟邁奏義甯州城失陷調派兵勇防勦一摺遊擊吳錫

光既經陣亡賊勢益熾恐南昌省城人情震動該撫飭調劉開泰帶勇前進兵力究嫌單薄吳錫光所帶之勇著劉開泰收集統帶藉壯聲勢前據向榮主懿德先後奏報逆匪於四月二十二日復陷休甯其饒廣一帶原未可稍形鬆勁惟此時省城急需兵力著即照該撫所請速調羅澤南一軍兼程來省以為後援省城布置周妥羅澤南仍當星速出省與劉開泰合兵進勦不可專以保衛為名致

成株守○曾國藩水軍近在吳城船隻業已齊備既不能迅克都昌扼賊往來之路即當保衛省垣先固根本豈可專恃羅澤南陸軍而置水軍於閒地著與陳啟邁妥速布置俾羅澤南到省後即可進攻義甯不致牽掣該處與湖北通城湖南平江等處均屬接壤萬不可令其日久負隅致三省聲勢隔絕勦辦愈難得手饒州一帶仍著該撫飭令趙如勝等妥籌防勦毋得稍有疏懈將此由六百里各

諭令知之。以山西防堵出力。賞已革太僕寺少卿徐繼畬五品頂帶。予江西義甯州禦賊殉難知州葉濟英陽秉鏞州同蔣啟華。吏目王泰州巡檢吳元理陣亡遊擊吳錫光。都司張全孝祭葬世職。均於義甯州建立專祠。葉濟英家屬同時殉難男婦等併附祀葉濟英專祠。丙申。諭內閣湖北學政馮譽驥奏請展緩鄉試一摺。本年湖北省應舉行乙卯科文武鄉試。據稱該省軍務未竣。防堵緊要。依限舉行恐趕辦不及等語。所有本年湖北省乙卯科文武鄉試。准其展至戊午科歸併舉行。按照兩科定額取中。以勸辦福建仙遊賊匪出力。賞在籍御史陳慶鏞遊擊王捷元守備耿元興花翎。知縣林玉樹等藍翎。餘升敘有差。以守禦福建興化縣城出力。賞知府張元祥花翎。餘升敘有差。以殲擒匪犯巡洋認真。復已革福建總兵官鍾寶三職。留福建補用。以擒獲逆首黃有使。予福

建文武官紳陳榮登等升賞有差。撫恤朝鮮國遭風難夷如例。丁酉

上詣

壽康宮問

皇貴太妃安。諭內閣前因逆匪竄擾浙江常

山開化邊境。當經諭令何桂清將該管鎮道咨報情形。有無扶同捏飾。確查覆奏。茲據何桂清奏稱。衢州鎮總兵富勒興。阿金衢嚴道劉成萬。自設防以來。於防勦事宜。尚知講求。

迨賊竄常開。該鎮道等駐劄五里亭。實緣道路分歧。不能兼顧。並非有心退縮。惟常山之不善。富勒興。阿劉成萬。均著交部議處。台州協副將豫祺。自玉山折回常山。調赴曹城防堵。又調赴威平衢州等處。所帶台勇。未能用命。沿途滋事。不能約束。豫祺著先行摘去頂帶。以觀後效。如再不知振作。即著從嚴叅辦。又諭何桂清奏官兵勦賊獲勝。克復休甯。

一摺安徽休甯縣城於四月二十二日復被逆匪占踞經周天受石景芬等於五月初八等日三次攻勦先後斃賊四百餘名賊勢稍卻十五日鄧紹良等督兵齊抵城下誘賊出城痛勦殺賊甚多偽檢點黃姓陳姓及賊目多人亦均殲斃鄧紹良隨派川楚浙兵連夜進攻賊勢不支於五更時潛出西門由黟縣一路奔竄當將縣城收復此次收復休甯尚為迅速仍著鄧紹良等盡力攻勦務將徽甯

之賊悉數殲除毋留餘孽所有在事出力官紳弁兵著查明保奏諭軍機大臣等官文奏行抵襄陽布置進勦情形一摺德安賊匪經官兵截勦意在下竄而天門京山賊已分股竄撲該處逼近安陸道路處處可通設竄入襄河句結肆擾不特荆襄可慮且恐由上游各處再圖北竄自應分路進兵為四面兜圍之計該督現派川兵先赴天門並催楊昌泗等由阜市前進葉椿所帶之勇飭赴京山

又留川兵二千駐劄安陸以為天門京山兩路援應相機前進布置尚屬周密西凌阿此時諒已馳抵楚境即當迅速前進按照官文所咨情形乘德安賊匪無多將郡城剋期收復使該逆不敢覬覦北犯庶可節節進逼由楊店一路進攻漢口該督即統帶兵勇由襄河兩岸水陸並進直擣漢川仍當與西凌阿胡林翼聲勢聯絡隨時知照合力兜擊以期克復武漢兩城該大臣等務須乘賊鋒甫挫

趕緊分路進勦毋得稍事遷延致失機會至投誠義勇仍著該大臣妥為約束毋令別滋事端將此由六百里加緊各諭令知之○又諭官文奏軍需緊要請飭各省按月籌撥等語現在楚北勦賊喫緊西凌阿官文等所帶兵勇需餉浩繁著黃宗漢英桂王慶雲趕緊設法每月各行籌撥餉銀五萬兩解往西凌阿軍營以濟兵食並將起解日期迅速具奏一面行知該大臣等派員前往迎提即未能

湊足五萬兩之數亦須按月撥解二三萬兩藉資接濟不得以無款可籌及另請改撥各詞遷延推諉致滋貽誤將此由六百里加緊各諭令知之○盛京將軍英隆等奏鐵嶺屬界木牙正金廠久經封禁近復聚集奸匪意欲淘金當即派委官兵捕獲首從各犯餘匪驅逐淨盡得旨此等匪犯必應嚴懲著英隆親提各犯訊明分別正法擬罪具奏○河南巡撫英桂奏豫省武職舉劾未能依限舉行請展至軍務告竣辦理如所請行○以守禦浙江開化常山縣城出力予同知馬椿齡等升賞有差以勦殲湖北鶴峯州竄匪出力賞遊擊劉廷麟花翎千總朱發科藍翎餘升敘有差○予浙江陣亡把總孟夢虎外委葉選祭葬世職○予安徽陣亡千總陳宗富祭葬世職○蠲緩湖南茶陵醴陵二州縣被水被兵災區節年額賦有差○戊戌

上詣

大光明殿

弘仁寺

仁壽寺

時應宮拈香○軍機大臣等奏遵議推廣捐輸章程擬將推廣事宜請悉歸火器營收捐其遵籌餉事例及現行常例報捐者仍歸戶部辦理以免輾轉從之○己亥

上詣永和宮恭奉

皇貴太妃幸後殿進早膳至漱芳齋進午膳○

庚子

萬壽節遣官祭

太廟後殿遣官祭

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵○遣官祭

孝德皇后殯宮○遣官祭

顯佑寺

東嶽廟

城隍廟○

上詣

大高殿

奉先殿

壽皇殿行禮○詣

壽康宮前殿拈香後殿

皇貴太妃前行禮○御乾清宮王以下文武大

臣官員蒙古王貝勒貝子等行慶賀禮○辛

丑諭內閣李嵩奏請飭催漕糧米石一摺本

年山東省起運漕糧迄今尚未據報開兌啟

行實屬疲玩著山東巡撫嚴飭糧道督催各

幫趕緊兌竣開行飛輓抵通以速補遞毋許

延緩其奉天省運通米豆並著盛京將軍奉

天府府尹嚴飭委員及早兌竣催令迅速開

行務於八月中旬全數抵津撥運毋稍遲誤

○諭軍機大臣等據載增等奏鄆家灣等處

勒賊獲勝探聞逆情圖竄荆襄並西凌阿奏

請飭督臣會勦德安及胡林翼奏籌攻武漢

各情形所籌均尚周密官文前奏咨商西凌

阿先復德安扼賊北竄令訥欽進兵以為後

應該督由襄陽親率各兵勇從襄河兩岸水

陸並進本為居中策應之法據載增等奏逆

匪窺探荆襄道路約會漢川賊匪分路赴襄

若由天門縣繞越仙桃鎮恐匪蹤橫出潛江

直竄安陸已飭常恩帶鄉勇就近兼顧其安

陸一路即著官文前調之楊昌泗葉椿各兵

移往駐劄惟官文以隨東一帶均經布置謂

北路可以無虞。又聞德安賊匪將欲下竄。而西凌阿則稱該逆死守。德安經劉富成等帶兵進攻。該逆滾木擂石。布置甚密。似無下竄之意。該大臣兵力單薄。不敷圍剿。請飭官文會同合剿德安。其天門、京山等處股匪。該督已分派兵勇堵剿。若德安克復。則餘匪不擊自退。現在西凌阿已於六月初四日由信陽赴楚。著官文一面飭令湖北糧臺將西凌阿軍營應需軍火等項隨時支應。一面酌量情

形。親自督兵與西凌阿會合。攻克德安。先清北面。以遏賊北竄之路。然後與胡林翼會合水陸進攻武漢。於南北形勢似屬相宜。著官文通籌大局。相機辦理。朕亦不為遙制。惟不可以德安一城委之西凌阿。致令兵力單薄。未能一鼓殲除。其沔陽、天門一帶業經載增等多調練勇。並飭署藩司常恩帶潛江鄉勇就近防堵。沙陽一路正當賊衝。仍著官文撥兵援剿。以免疏虞。胡林翼駐營金口。屢次勦

賊獲勝。惟無大兵會合。未能即復武漢。據奏欲攻漢陽。必以北兵於漢口蔡店扼其險要。並以水師橫出襄河之內。方可併力武昌。所見尚合機宜。該署撫擬商該督將南勇義勇及川兵之服習水土者。先行前進。著官文俟北路進兵。漸有頭緒。即應商同該署撫籌畫進攻武漢。迅奏膚功。以慰盼望。將此由六百里加緊各諭令知之。以勦辦湖北武昌漢陽賊匪出力。賞把總俞玉興等藍翎。餘升敘

有差。改鑄浙江山陰縣知縣印信。從巡撫何桂清請也。壬寅諭內閣。勞崇光奏請將應繳銀兩延不解完之同知革職。提追一摺。廣西候補同知曾紹程前承辦湖南行營糧臺。領過軍餉銀一百六萬餘兩。報銷時多有應追核減。及濫支浮銷各款。經該藩司駁飭分限完繳。嗣該員奉委赴湖北查探軍情。日久未經回省。所有應追銀兩延不完解。並聞該員已攜眷遠避黔省。實屬居心巧詐。藉差

宕延曾紹理著即革職拏問並著湖北貴州各巡撫查明該員現在何處迅即委員解赴廣西交勞崇光嚴行勒追如查有侵冒情弊即將該員家產查抄按律治罪諭軍機大臣等勞崇光等奏廣東肇慶府城業經克復匪徒駛竄潯州派兵防勦一摺據稱四月初六日廣東大隊兵勇由下游直擣肇慶賊巢擊沈匪艇殲斃匪黨無算將府城克復該郡城為賊占踞已逾半載茲經官兵攻勦克復

辦理已有頭緒惟該匪由德慶封川一帶向梧州竄駛攻撲府城雖經兵勇擊退而匪艇陸續由平南竄至潯州登岸攻撲東西兩門且潯梧一帶土匪最多難保不乘機蠢動據奏該督已撥淺水兵船八十餘號交張敬修管帶赴潯州進剿但匪黨尚多勢猶猖獗此項兵船仍恐不敷勦辦著葉名琛酌量情形再行添撥兵丁船隻前往潯州協剿務將此股匪徒悉數掃除至廣西地方兵單餉竭係

屬實在情形現在韶州解圍肇慶克復廣東勦匪漸有就緒葉名琛統轄兩省務即設法籌濟廣西軍餉不致顧此失彼方為妥善另摺奏游匪竄擾灌陽擊敗後竄至湖南東安等語著勞崇光惠慶派撥兵勇會同湖南文武員弁不分畛域實力兜勦毋任蔓延昨據御史張駿奏請實行鄉團以節糜費等語粵省土匪出沒無常幾於伏莽遍地如果地方官認真團練亦可濟兵力之不逮該督撫等

務當實力講求不得視為具文原摺著鈔給閱看將此由六百里加緊各諭令知之○以廣西灌陽縣城復被賊擾革知縣鄧樹榮任子陣亡守備夏文龍祭葬世職癸卯諭軍機大臣等曾國藩塔齊布奏水師獲勝一摺曾國藩等水陸兩軍必須聲勢聯絡方可得力自師船阻入內湖塔齊布一軍孤懸無助現聞賊勢猖獗而該處又無兵可撥甚為可慮曾國藩水師固應速出湖口而此時姑塘

青山一帶賊船蟻聚若非勦除淨盡則內患未除何以禦外著曾國藩督飭將弁先將湖內賊船盡力埽除方能出江與塔齊布會合至羅澤南一軍為賊牽掣未能即歸九江著俟義甯勦辦得手後即行調回與曾國藩塔齊布等併力會勦現在塔齊布兵力稍單總須攻守兼施不得稍涉大意致損聲威此外江西省有無可調兵勇並著陳啟邁悉心籌畫酌撥前往塔齊布軍營助勦以壯聲勢而挫賊鋒或先克九江或先將鄱湖賊船悉數埽除則水陸兩軍可併而為一庶幾逆氛漸就肅清不致如今日之掣肘矣該侍郎等務當通籌大局謀勇兼施以副朕望將此由六百里加緊各諭令知之○以光祿寺卿周玉麒為浙江鄉試正考官翰林院編修景其濬為副考官○甲辰諭軍機大臣等恆春蔣霽遠萬福奏貴州郎岱廳屬夷匪滋事及台拱等處勦辦苗匪情形各摺片該省上下游夷

苗各匪同時竊發各標營兵自未便紛紛調撥致有顧此失彼之虞現在既有未經歸伍之滇兵六百名黔兵一千五百名亦已足數勦辦著蔣霽遠萬福即飭派往之王成璐福連等迅將此股夷匪勦撫兼施務使一律安靖以免蔓延至台拱苗匪滋事前經特旨查詢現據恆春等奏雖聞有擒斬而此擎攸竄未就肅清致清平匪徒得以乘機肆擾該撫既派承齡前往督辦即著迅速勦捕毋稍延

緩郎岱台拱距省皆不甚遠蔣霽遠現在省城儘可督飭調度萬福尚未回川亦可就近督辦儻貴州兵力不敷著恆春酌調雲南精兵選派得力將弁帶往協勦該督即毋庸親自前往將此由五百里各諭令知之○予貴州陣亡外委李開元祭葬世職武生蕭洪發賞卹如例○乙巳

上詣

壽康宮問

皇貴太妃安。諭內閣葉名琛、柏貴奏封川縣城被匪攻陷現經克復一摺。上年閏七月間廣東波山匪船竄至封川地方。經都司楊雄超等督率兵勇迎剿。先後擊沈匪船四十餘隻。越日匪徒千餘人攻撲縣城。教諭傅光瑜署千總張榮輝等帶同兵練抵禦。因眾寡不敵。張榮輝被傷倒地。賊即蜂擁入城。十一月十五日。張敬修派外委方兆祥等帶領勇練水陸並進。用礮擊沈匪船。並生擒逆首張亞

丕、黃亞環、麥幅三名。當將縣城克復。餘匪逃路都樂都城。張敬修復督兵往剿。將都城都樂匪巢一併焚毀。此股賊匪業經大受懲創。仍著葉名琛等飭令張敬修等督兵追剿。悉數殲除。毋留餘孽。又諭葉名琛、柏貴奏官兵攻剿虎門匪船殲擒首逆地方安靜一摺。廣東股匪馮驥觀等糾黨駕船在虎門一帶村莊肆擾。經高州鎮總兵慶寅帶領閩省官兵趕往校椅環等處圍擊。環攻生擒逆匪黃

培基等七名。千總劉興邦生擒偽元帥馮驥觀。記委倪志祥生擒偽先鋒陳達賢。閩廣兵勇陸續擊獲偽軍師劉亞溫並夥匪李亞單等五名。共計殲擒淹斃賊匪一千餘名。虎門一律平靖。逆首馮驥觀等膽敢糾眾滋擾。攻撲礮臺。經慶寅等統帶閩省兵勇駛抵虎門。將首夥匪犯殲擒正法。辦理尚為妥善。所有此次出力文武弁兵著葉名琛等數實保奏。予廣東巡洋遇害總兵官韓嘉謨千總傅

廷高祭葬世職。予廣東陣亡六品軍功陳秋明等賞卹如例。予廣東封川縣禦賊殉難知縣德佑祭葬世職。家屬奉友等賞卹如例。免直隸天津河間交河三縣及豐財嚴鎮二場節年未完電課。丙午諭軍機大臣等崇恩奏盜艇蟻聚東洋請飭盛京直隸嚴防並飭兩江分撥舟師邀截一摺。據稱六月初三日有南來盜艇三四十隻占踞石島口門並有火輪船二隻在外洋游駛。又據即墨

縣報稱初五日有盜艇十七隻駛入該縣金家口外香島停泊探係上海縣勒散餘匪等語本年夏間山東洋面屢有盜船闖入窺伺漕糧現在石島口門盜艇聚至數十隻之多並有火輪船二隻恐該匪狡獪伎倆聲東擊西盛京直隸沿海一帶地方必須亟籌防剿英隆前奏飭水師營將弁於兩省接界洋面實力梭巡並令旅順守口停泊之船配齊軍火聽候調遣著即隨時偵探嚴飭各弁認真

堵剿並知照山海關副都統富勒敦奏一體嚴防毋稍鬆懈天津一帶口岸最關緊要此時海運漕船甫經報竣該處為商賈輻輳之地尤應加意防備著桂良督飭天津鎮道嚴密防範仍當示以鎮靜不可稍涉張皇怡良等前奏派署都司周建勛管帶營船五隻並挑雇高大艇船五隻派署都司景又春管帶赴東會同署遊擊張鳳翔及山東水師合力勦捕著即飛飭張鳳翔等星速駛赴石島一

帶奮力兜剿惟盜船聚至數十隻此項兵船尚恐不敷截剿著怡良等再行酌撥兵丁船隻揀派得力將弁統帶赴東會合兜擊總期一鼓殲除毋令肆行竄擾盛京直隸各海口如探有賊踪著一面嚴防一面據實具奏將此由六百里各諭令知之○又諭崇恩奏盜艇蟻聚東洋探係上海餘孽一摺既據探聞係上海餘匪有攻城擄掠之語必須迅速勦除勿使闖入海口該撫現因兵力不足僅能

於沿海口岸飭令文武員弁竭力防守自係實在情形已諭知怡良等分撥師船至東省洋面會剿崇恩現在省城如海防實形緊要該撫即斟酌親往督辦另片奏營兵無可再調請將備調河南兵一千名留於本省防堵等語現在湖北賊踞德安豫省防務亦未可稍鬆惟東省洋面既係喫緊著暫將此項官兵留於山東防堵仍著嚴飭署登州鎮郝上庠並登萊青道張鳳池等督率各弁兵認真

巡緝加意嚴防斷不可令洋面盜艇攏近口岸別滋事端俟江蘇師船一到即會同合力兜剿毋稍遲延將此由六百里諭令知之○又諭前據恆春等奏貴州郎岱夷匪及台拱清平苗匪滋事當有旨諭令蔣霽遠等就近督辦並令恆春酌調滇兵協剿覽該督撫前奏夷匪係因桐匪竄擾乘機搶掠清平匪徒則乘台拱黃平苗匪搶劫同時竊發本日有人奏楊鳳倡逆之始即句結該匪須報阿保

欽定大清會典事例

雷

松等藉開糧為名並起滋擾楊逆雖殲該匪等仍盤踞鎮郡及清平施秉各屬並湄潭甕安一帶大定興義各郡皆有土匪嘯聚竟有竄攻黃平州城之事是該夷匪苗匪早與楊逆勾通一氣互相煽惑與蔣霽遠等所奏情形不同該撫當楊逆起事之日並未知有各匪勾結情事已屬形同犢贖若不及早撲滅致令蔓延自問當得何罪著即嚴飭王承瓚福連承齡等趕緊剿辦應添兵力即著恆春

酌撥前往會同剿捕至該匪首須報等務即按照單開住址不動聲色嚴密查拏毋令免脫其如何起釁根由並著據實覆奏原摺單均鈔給閱看再御史張駿奏請實行鄉團以節糜費等語黔省各匪不靖此拏彼竄若果練團有效亦足以濟兵力之不及該督撫等務當實力辦理以期戢暴安良原摺著一併鈔給閱看將此由五百里各諭令知之○以驗收海運漕糧完竣賞工部尚書全慶花翎

欽定大清會典事例

宣

予倉場侍郎文彩優敘出力各員升敘有差

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百六十九

實錄卷一百六十九

壬

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百七十

欽修
咸豐五年乙卯六月丁未以湖南按察使文
格為布政使候補按察使魁聯為湖南按察
使 戊申諭內閣前據會議軍器王大臣等
奏請將捐輸人員獎勵當交該部速議具奏
茲據戶部奏稱此次捐生內有不應由火器
營收捐者礙難覈議等語所有遵籌餉例及
常例報捐之王震瀛等四名捐項著火器營
即行發還聽其自行呈請嗣後火器營辦理
捐輸著照新定章程凡遵推廣條例報捐者
准由火器營請獎戶部毋庸收捐其遵籌餉

例及常例報捐者。悉由戶部辦理以杜轉轄而免歧異。又諭前因全慶等奏江浙海運船隻在石島洋面有被匪搶劫情事。當諭令崇恩將失事地方員弁查明叅奏。茲據該撫查明被劫各案。請將水陸將弁嚴議議處等語。漕運經過洋面該將弁等並不認真防衛以致米船被劫事後又不能實力搜捕疲玩因循實非尋常疏忽可比。山東文登協水師署千總趙名揚署守備孫立彥副將沙兆龍。

均著交部嚴加議處。其管轄陸路之署靖海衛把總趙五雲協防外委遲殿魁均著交部議處。○諭軍機大臣等托明阿等奏截勦金陵接濟賊船並進攻瓜州情形一摺。此次金陵賊船裝載米石欲赴下游接濟雖經官軍水路截擊但擊沈大船僅止二隻奪獲划船亦不過十餘隻並未大受懲創而上游逆匪簞船尚復連檣聚官兵防不勝防又不能迅速攻克處處牽掣何時可了。據該大臣等

奏瓜州溝塹重重百計誘之不出直欲待江面肅清進攻始能得手。試思江浦等處賊踪所以不能肆擾者皆因未容登岸無險可踞故截勦易於為力。若瓜州賊巢能即攻破則雖有賊簞下駛亦易防勦。該大臣等不知賊船之敢擾北岸由於瓜州之不克而轉謂瓜州之難攻由於江面之未清豈得謂操勝算著即督飭水陸將弁設法速攻不得藉口天雨沮逆匪堅拒再事耽延亦不准待賊出

撲始行截勦總宜謀勇兼施迅圖克復毋得視為誥誡之虛文也。再御史張駿奏請實行鄉團一摺著該大臣等體察情形認真籌辦現在六合江浦等屬辦理均有成效此外沿江各州縣亦應一律倣行以資捍衛原摺著鈔給閱看將此由六百里加緊諭令知之。○又諭前因山東巡撫崇恩奏盜艇蟻聚東洋請飭盛京等處嚴防當經諭令英隆等隨時偵探堵剿並知照山海關副都統富勒敦奏。

一體嚴防本日據山海關監督成善奏稱五月十一日突有盜船十餘隻隨同商船進沒溝營口至搏木溝河面開放火礮劫擄商船將出進船隻截住勒索銀兩至二十七日始行退出海口現在是否遠颺尚無確信等語沒溝營口商船雲集稅課攸關豈容盜船停泊口門肆行擾害著英隆恆毓卽遴派得力將弁馳赴該處設法堵剿並著查明盜船是否遠颺駛往何處隨時相機嚴密防範將此

諭令知之貴州巡撫蔣霽遠奏謝開復革職留任處分恩得旨防患未然爾疆吏之要務卽有莠民煽惑總應於初起時迅速辦理據實入奏乃朕聞汝於桐梓之事有意彌縫迨不可收拾猶復不肯據實入奏近又有人奏楊逆勾結苗匪詎汝又分為兩事祇圖將就目前不慮貽害匪輕清夜捫心能無愧乎○正黃旗漢軍副都統侍順奏黃河迤南拉安族番人向善投誠請飭交督臣暨西甯辦

事大臣辦理得旨著咨行易常東純令其妥為查辦予廣東鶴山縣守城殉難知縣馬斌祭葬世職○予廣東陣亡都司陳綸千總孔超齡把總鍾瑞祥容騰龍陳良驥黃岐陞劉秉勝外委鄧紹昌簡廷亮陳志祥潘駒典史蕭道沆祭葬世職額外外委吳熊光等賞卹如例庚戌諭內閣何桂清奏官軍出嶺剿賊大勝克復石埭縣城其逃往祁門之賊亦經我兵追剿竄出各嶺徽州一律肅清此

股逆匪自休甯敗走復敢由黟縣竄踞石埭縣城窺伺甯國提督鄧紹良督兵出嶺追剿會合甯國官紳克復城池聚殲悍賊二千餘人不留餘孽剿辦尚為妥速鄧紹良著交部從優議敘其餘在事出力文武官紳人等著何桂清會同該提督查明分別保奏候朕施恩又諭前因粵匪滋事疊次諭令各直省督撫大吏督飭地方官會同紳士舉行團練比年以來各該省紳民人等均能深明大義

志切同仇其殺賊禦侮著有成效如直隸天津河南許州山東單縣及江南六合安徽六安等處經該督撫隨時保奏均經降旨嘉獎現在北路肅清直隸山東山西等省距賊較遠地方自應量予裁撤以息民力河南省除與皖楚毗連之州縣仍宜舉行團練藉資捍衛其餘各州縣所辦聯莊團練著該撫出示曉諭酌量裁撤俾小民各安農業無妨生計並著直隸山東山西各督撫各就地方情形

斟酌妥辦其辦理聯莊團練尤為出力者著各該省督撫查明酌量獎勵以昭激勸○兩江總督怡良奏遵訊立誠被叅各案及袁甲三訴辯各情現已飭提人卷分別行查訊辦得旨務期認真嚴訊萬勿稍有含混若將就了結朕必另派大員查辦需爾疆吏何為耶尋奏立誠並無冤抑李安中等訊無威嚇誘徇情事得旨朱維屏李安中均著送部引見○辛亥諭內閣前據刑部奏現審案內有大

員囑託等情當派賈楨穆蔭會同刑部審訊並因侍郎崇實明白回奏摺內情節與刑部所奏不符當經交部議處經吏部議以降三級調用茲據賈楨等會訊定擬具奏工部右侍郎崇實於此案尚未審結輒聽信家人高世棟訴說之詞向刑部堂官負氣辯論迨奉旨明白回奏復將高世棟被朱二詐去錢文指為伊所發給並將朱二挾嫌嚇詐情節稱為設局誑騙糾眾搶奪於高世棟飲酒遊蕩

則代為徇隱所奏與現審情節俱不相符是該侍郎既徇庇於前復掩飾於後崇實著照部議降三級調用並再行交部議處○諭軍機大臣等向榮奏師船上抵蕪湖陸軍會勘情形一摺此次師船由烏江直上突過東西梁山其江甯鎮一軍已收復太平黃池一軍又已進抵蕪湖沿江一帶似有起色但東西梁山賊營尚未全毀師船上駛僅係乘風衝突德安既剽營太平城外即應設法將東梁

山賊壘全數埽除一面會合和州烏江兵勇併力埽蕩西梁山賊壘則太平之守可固不至旋得旋失然後繞赴蕪湖與吳全美等水軍明安泰陸軍力籌攻克自可扼斷逆踪往來要路蕪湖當江皖之衝一經克復賊必悉力來爭萬不可稍有疏失重煩布置師船自入江以來大小數十戰始能上抵蕪湖正宜得尺則尺有進無退不得因風色稍差致有退駛鄧紹良已由石埭馳回甯國正在蕪湖之後著即督飭兵勇策應陸軍以為水師聲援本日復諭知和春福濟酌撥兵勇或由江北夾擊或徑渡江協剿如能合力齊攻自可剋期制勝就所奏情形而論沿江而上賊之礮臺愈多船簞愈密進攻固屬較難而攻克以後陸軍之屯劄師船之進止尤須步步留意始能乘勝長驅該大臣等務宜統籌全局與江北軍營聲勢聯絡為肅清江面之計北路得勝官兵前曾撥出馬隊二千餘名由副

都統麟瑞管帶以一千二百五十名交和春等分撥布置以一千名交向榮調遣此項官兵到營後應赴何路攻剿著向榮與和春等妥商分撥鎮江近日軍情未見奏報據吉爾杭阿前奏似已漸有把握能否即行克復連日是否進攻情形若何並著吉爾杭阿隨時速奏將此由六百里加緊各諭令知之（又諭向榮奏師船埽蕩乘風直上攻抵蕪湖急籌併力克復一招蕪湖為該逆往來要道若能攻克扼守斷絕賊蹤剿辦庶有把握惟該處為逆賊必爭之地援應甚多非水陸併力大舉恐難剋期攻復現在軍威頗振此機誠不可失恐陸路諸軍仍形單薄必須於江北速撥精兵接應會合夾攻可期決勝著和春福濟於皖省現有之兵就近迅速籌撥選派得力大員管帶星馳前往該處或在江北策應或令渡江協剿斷不可有誤事機前據英桂奏山東撥往馬隊於豫省不甚相宜已諭

令撥出一千名交向榮軍營其餘一千二百五十名交和春福濟軍營此項馬隊均歸麟瑞統帶前往諒已早抵廬州應如何分撥布置之處即著和春等妥籌辦理再御史張駿奏請實行團練一摺著和春等體察情勢認真籌辦以資捍衛原摺著鈔給閱看將此由六百里加緊諭令知之○以都察院左副都御史基溥為工部右侍郎兼管錢法堂事務內閣學士崇綸署戶部左侍郎兼管三庫事

○以理藩院左侍郎愛仁兼鑲藍旗蒙古副都統以翰林院侍講學士殷兆鏞為陝甘鄉試正考官編修羅嘉福為副考官○士子上詣

壽康宮問

皇貴太妃安 諭軍機大臣等前因山東省石島香島等洋面屢有盜船遊駛劫去海運米船銀兩復聚集多船意欲肆行擄掠並據山海關監督成善奏稱有盜船十餘隻進沒溝

口至擣木溝河面劫擄商船疊經諭令英隆恆毓桂良崇恩於各海口嚴密防範設法勦捕並諭令江南省撥兵會勦旋據英隆等奏已撥師船五隻駛赴牛莊沒溝營口外攻勦兼撥師船二隻於旅順口梭巡並據怡良等奏派委都司周建勛景又春管帶舵舂艇船各五隻前赴東省洋面會同前派護漕之遊擊張鳳翔協力攻勦此項師船當已陸續至東近日勦辦情形未據崇恩奏報朕聞奉天

牛莊等處現聚盜船至三十餘隻之多專俟商船裝豆南下乘機擄掠所有海運回空各船現俱不敢前往裝豆山海關貨船亦俱被匪船攔阻不敢駛出洋面似此盜匪橫行致令商船裹足有礙明年海運所關非細奉天水師兵力單薄恐不敷勦捕現在江南師船想已行抵石島洋面著崇恩就近傳諭周建勛等統帶各船前赴山海關及奉天等處勦捕若東省尚有盜船務飭該都司等實力攻

勅迅速嚴事直隸各口岸仍著往良督飭各該地方官周密嚴防毋許稍有疏忽至奉天省派出師船已否接仗未據續報著英隆、恆毓督飭該將弁等迅速籌攻俾通商旅不得恃有江南師船前往轉致遷延貽誤此項盜船多係閩廣艇匪如福建洋面巡拏緊急方可杜其來源著王懿德即行知照水師提鎮於閩省洋面實力勦捕以絕匪蹤不得稍涉大意將此各諭令知之又諭全慶文彩奏

海洋不靖恐妨新漕轉運請飭船商集貲雇勇自行護送一摺本年江浙米船有在洋被劫情事幸為時尚早損失無多此時奉天牛莊、直隸山海關、山東石島等處洋面各有盜船數十隻擄掠商船勒銀釋放以致抵津沙船未歸者不少如此情形恐誤來歲新漕自應及早籌畫據該尚書等奏稱海盜擄掠商船該商等志切同仇願出貲自衛請飭下江浙各督撫集紳董稅行妥為商酌令江浙兩

省往來山東直隸奉天等處船商公同出貲多雇水勇駕駛堅大船隻在洋護送所募水勇務擇熟習洋面俱有身家者取具保結再由該商等公舉熟習情形公正可靠之紳士數人管理一切所有出入經費均毋庸官為經理漕竣無誤即由該省督撫從優保獎等語自係為慎重新漕起見著怡良、吉爾杭阿何桂清妥為籌商如事在可行即酌定章程迅速具奏儻有窒礙難行之處亦即據實速奏再此項匪徒多係閩廣艇匪前經諭知怡良於周建勳、景又春所帶師船外再行酌撥兵丁船隻赴山東石島等處洋面截剿現聞該匪艇在山海關、奉天牛莊等處肆行擄掠著怡良等即飭師船於石島勦捕後迅赴山海關、牛莊等口外將匪船截擊以安商旅至江浙洋面如有匪艇行駛著各該督撫督飭水師將弁一體進剿以杜來源原摺著鈔給閱看將此各諭令知之甲寅遣官祭

火神廟。諭軍機大臣等前因山海關奉天牛莊等處聚有盜船多隻。諭令英隆等督飭將弁迅速籌攻。本日據英隆等奏五月三十等日沒溝營駛回盜船。又竄入復州娘娘宮海口。登岸搶擄貨物。並將戰船圍截。燒毀旋又駛至金州羊頭窪口外洋面。六月初十日復有盜艇三十二隻直入口內。撲岸經兵勇轟擊。斃匪多名。盜艇仍盤踞營口。以此項盜艇諒即係石島等處游駛之匪船。膽敢抗拒官兵。登岸劫掠。急應實力勦除。惟奉天師船不敷勦辦。著英隆等飭令各海口員弁兵丁嚴守口岸。毋任該盜艇再有登岸劫掠之事。並著崇恩仍遵前旨。探明江南撥往山東洋面之挖督等師船。現在行抵何處。飭令該都司周建勛等帶赴山海關。奉天等處洋面迎截匪艇。併力攻勦。務期迅速殲除。毋令逃逸。山東各口仍著崇恩飭屬嚴防。並著英隆等知照富勒敦泰於山海關口岸督兵防勦。待江

南師船一到即可會同夾擊。不使艇匪久踞洋面肆行擾害。將此由五百里各諭令知之。又諭前因廓爾喀占踞濟隴。聶拉木後復攻陷宗喀。諭令黃宗漢酌撥屯兵三千名。或於綠營兵內湊撥。由樂斌帶往前藏。迄今未據該將軍等將調派兵數並出省日期具奏。本日赫特賀奏馳抵協噶爾。據報補仁絨轄兩處營寨又被該番占奪一摺。夷情狡譎。前次具稟該大臣等雖有遵檄止兵並派噶箕赴藏聽斷之語。現又連踞兩處地面。是兵端能否遽息尚未可知。據赫特賀嚴詞駁詰。該噶箕與哈畢熱邦折等以該處領兵頭人尚未接到止兵知會為詞。有外委辜建勳一到宗喀。該大噶箕藏格巴都爾即將各路夷兵減撤大半。現在祇求將案情公斷。不敢妄動等語。及赫特賀將多收稅米阻攔商民及殺傷搶劫各款提證集質。並查照夷例。令唐古忒將浮徵稅米及牛價等銀賠繳。該噶箕亦

稱所斷公允毫無爭辯惟給予斷牌後未經
遵具圖記並稱請派漢官同見藏格已都爾
方可定議現經該大臣派都司戴廷超等往
與該國管事噶箕見面令其遵奉退兵但既
占去邊地五處之多如果遵領斷牌退出占
地原無事輕勞兵力惟該國稟內有求斷給
土地之語若仍藉端要挾則前藏一帶亦宜
先事豫防現已諭令滿慶等暗為防備著黃
宗漢即將諭調之兵照數撥交樂斌帶往如
所撥官兵已經出省樂斌亦已由省赴藏即
將行抵前藏日期及察看廓夷實在情形並
如何商酌進止之處迅速覆奏藉慰廑念將
此諭令知之又諭赫特賀奏廓番占踞補
仁絨轄現調到該國噶箕諭令撤兵一摺並
鈔錄該國王稟底及檄諭等件前此廓爾喀
擁兵占踞宗喀等處該國王有遵檄止兵之
語乃不候審斷復占踞補仁絨轄兩處營寨
番土官兵傷亡甚多猖獗已極該噶箕所稱

領兵頭人尚未接到止兵知會並將各路之
兵減撤大半等語殊難憑信該夷藉口與唐
古忒尋釁先後占踞五處並懇求斷給地土
是其恃眾要求貪得無厭已可概見屢次所
稟貌若恭順而中藏叵測所遣噶箕與哈畢
熱邦折等三名前來亦恐係探我虛實狡詐
伎倆尤不可墮其術中赫特賀馳抵協噶爾
後已將多收稅米阻攔商民及殺傷搶劫各
案從公斷令唐古忒賠繳銀一萬五千餘兩
該噶箕既稱所斷極公何以不肯出具遵斷
圖記種種反覆無常殊出情理之外該夷懇
派漢員同赴邊界赫特賀將斷牌交都司戴
廷超等前往與該國管事噶箕見面如遵照
所斷辦理並將濟隴宗喀聶拉木補仁絨轄
五處廓兵迅速撤回退出地方自可無煩兵
力儻仍肆意要求自不能不懾以兵威惟川
兵路遠勢難多調藏屬濟隴等處兵丁遇寇
即逃甚不足恃赫特賀前奏札調土兵現在

是否到齊務須挑選得力之兵方足以資攻
剿其有意抗延及臨陣退縮者著即從嚴懲
辦以肅軍律本日已諭令樂斌迅速帶兵馳
赴前藏相機前進並著滿慶諄齡偵探後藏
情形緩急密為防範赫特賀侯戴廷超等與
該噶箕藏格巴都爾會晤後將該國是否遵
照斷牌並各處夷兵曾否撤退一面奏聞一
面知照滿慶諄齡並樂斌等妥為布置儻該
夷不遵斷牌而川兵未到藏屬尚無準備仍

著赫特賀示以羈縻不得任其肆意猖獗將
此各諭令知之○以山西防堵出力賞參將
張會川等藍翎餘升敘有差 蠲免山西絳
曲沃二縣歉收地方節年帶徵錢糧並緩徵
潞城縣被雹村莊本年上忙錢糧 丙辰
上詣

壽康宮問

皇貴太妃安 諭內閣永康等奏請將兵役應
支米石仍給本色一摺

東陵兵役向支一半本色米石節經部議折銀

散放茲據永康等奏稱該處商販稀少兵役
糴食維艱自係實在情形所有該處兵役應
支一半本色米石著自咸豐六年起仍由東
豫漕糧內截撥給放毋庸改發折色○又諭
蔣啟敬奏下北蘭陽汎三堡漫溢請將疏防
各員分別懲處一摺本年黃河水勢異漲下
北廳蘭陽汎銅瓦廂三堡隄工危險六月十
八日以後水勢復長南風暴發巨浪掀騰以
致十九日漫溢過水二十日全行奪溜刷寬
口門至七八十丈迤下正河業已斷流下游
居民罹此凶災流離失所朕心實深憫惻著
桂良崇恩英桂趕緊派員籌款前往確查黃
水經由之處將被水災黎民妥為撫恤無令一
夫失所並著該署河督嚴飭道廳趕集料物
裹做盤頭毋使再行坍塌以致工程愈大糜
帑愈多所有疏防專管之署下北河同知王
熙文署下北守備梁美汎官蘭陽主簿林際

奏蘭陽千總諸葛元蘭陽汎額外外委司文端均著即行革職枷號河干以示懲儆兼轄之代辦河北道事務黃沁同知王緒昆著交部議處蔣啟敷以該管道員署理河督未能先事豫防實難辭咎著摘去頂帶革職留任仍責成趕緊督辦以贖前愆 諭軍機大臣等蔣啟敷奏下北廳屬蘭陽三堡河工漫溢一摺覽奏實堪痛恨當此軍務未竣帑項支絀民間兵燹流離已堪憫惻該文武員弁不知慎重修防以致河隄漫溢七八十丈之寬沿河一帶小民蕩析離居雖已將該署河督等分別懲處尚不足以蔽辜儻不能趕緊興築及早堵合伏秋大汛水勢正長漫溢各處該河督等自問當得何罪蘭陽北岸為黃河上游較豐北之距海較近者迥不相同據奏漫水微向西趨復折往東北是已直注直隸山東境內該河督等現議如何宣洩由何處導令入海即著迅速籌辦其漫口處所亟應

實錄卷百七

三十

趕緊裹築盤頭庶不致再有刷寬現在覈計興工約需用項若干著李鈞等督率熟悉員弁相度情形先行馳奏朕意須趕於年內合龍俾被災小民得早復業至工程需用浩繁當此經費支絀之時豈能任貽誤各員殃民糜帑應如何分別罰賠及設法勸捐協濟之處著該河督等迅即悉心妥議具奏並著查明此次漫口是否實係無工處所不得藉詞掩飾將此由五百里各諭令知之 又諭王

實錄卷百七

三

履謙奏黃河漫口下流漸涸無險可扼請飭直隸河南山東各督撫撥兵防守等語楚北逆氛未靖河防極關緊要現以銅瓦廂漫口下游漸成涸轍前派防河之山西朔州官兵及曹縣練勇不敷分撥自應添派官兵藉資堵禦著桂良英桂崇恩將濱河各屬現經斷流處所迅速查明各就情形輕重的撥官兵前往防守與王履謙聯絡聲勢嚴密稽查無許疏忽貽誤漫口地屬河南英桂責無旁貸

直隸山東均有備調兵丁自可足資分撥至
決口大溜現向何處旁趨被災係何州縣應
如何亟籌撫恤俾小民不至失所並著桂良
等妥速籌辦毋稍遲緩將此由五百里各諭
令知之又諭現在黃河漫口下游一帶無
險可恃已諭知直隸山東河南各督撫分撥
弁兵各飭所屬扼要嚴防其上游一帶仍應
嚴加防範不可稍涉大意著王履謙於河口
現有之兵體察情形分布屯劄嚴密扼守並

飭沿河文武員弁實力盤查勿令南路奸匪
乘隙偷渡將此由五百里諭令知之湖廣
總督官文奏由襄陽督師啟程會同南北兩
軍布置進剿得旨汝既與西凌阿會攻德安
務期迅速克復勿令旁竄為要布置以後進
剿機宜尚屬妥慎以己革山東巡撫張亮
基發往東河交河道總督李鈞差委丁巳
諭軍機大臣等托明阿等奏築圍添勇逼近
堵剿一摺瓜州賊壘既無城郭之固即應力

籌攻剿乃分圍則藉口於地勢沮洳進攻則
又苦於槍礮難近經年累月徒以無計不施
及堅匿不出等詞搪塞入奏遷延至今又欲
廣築長圍為坐困之計行軍要著總在因地
制宜瓜州濱臨大江非若高唐連鎮地勢平
坦可以專恃築圍雖該大臣等業於新橋等
處建築長圍並挑選善泅水勇分營駐劄又
欲於東岸施工一律興築但地方既極遼闊
未必能杜其竄越若不力圖進取徒恃坐防

則長江一面處處可通終難斷其接濟恐糜
餉徒勞於事無益著托明阿等一面設防一
面激勵各營齊心勦力鼓勇進攻當此夏秋
之交江鄉天氣風雨均所不免豈得以江漲
汪洋遂至束手無策現計該營兵勇較前已
有加增若復頓兵不戰遷延貽誤該大臣等
豈能當此重咎耶將此由六百里諭令知之
又諭昨因蘭陽汛三堡漫溢諭令李鈞等
趕緊堵合設法協濟並諭令桂良英桂崇恩

查明被水災黎妥為撫恤因思河工漫口向來暫開捐例以濟要工現在軍務未竣部庫支絀無從籌撥朕夙夜焦勞念及小民蕩析離居難安寢饋該河督等具有天良於堵築漫口撫恤災民一切事宜更應早為籌及斷不能以無款可籌遂至束手無策著李鈞與英桂崇恩悉心妥議於河南山東兩省設立捐局無論銀錢米麵及土方稽料皆准報捐米麵可備賑需土稽可供工用並著遴委妥

員分路勸諭紳商捐辦口糧接濟災民此外所屬各州縣如有可撥之倉穀亦可酌量動用總期被水災民不至流離失所方為妥善至辦工需用錢文即可勸諭民間捐輸銅斤設局鼓鑄以資支發該河督等接奉此旨後即將現在如何籌辦情形迅速覆奏以慰廑念並著蔣啟敬將蘭陽汎三堡漫溢處所繪圖貼說奏聞將此由五百里各諭令知之○又諭南河豐北決口堵後復壅至今未議堵

合現當東河漫口上游奪溜下游業已斷流豐北口門亦成陸地若趁此機會及時堵築必能事半功倍於經費大可節省著楊以增詳細履勘覈計興工購料約需用項若干先行馳奏至此次東河漫口據稱直注直隸山東境內未知是否灌入運河仍入江南境地並著查明具奏將此由五百里各諭令知之○戊午正藍旗蒙古副都統巴雅爾因病解任以哈密辦事大臣色克通額為正藍旗蒙

古副都統鑲黃旗滿洲副都統載堪署鑲白旗蒙古副都統 己未

上詣

壽康宮問

皇貴太妃安 諭內閣軍機大臣大學士會同吏部兵部議覆侍郎沈兆霖奏請暫設皖南巡撫一摺安徽徽甯池太廣五屬介在江南當此軍務繁多恐該撫鞭長莫及及自應專責文武大員俾資督率該侍郎原請暫設巡撫

既屬窒礙難行著即照軍機大臣等所議將安徽甯池太廣道暫改為徽甯池太廣道加按察使銜並添設皖南鎮總兵一員暫照臺灣鎮道之例准其會銜專摺奏事所有該四府一州地方軍務緊要機宜均著責成專辦俟軍務告竣道員仍歸舊制總兵即作為額缺以重地方而符定例至該處距兩江總督安徽巡撫駐劄處所較遠所有現在協防籌餉事宜仍著浙江巡撫不分畛域暫行督辦

其餘應辦事宜著該督撫分別妥議迅速具奏又諭恆春蔣蔚遠等奏官軍進剿夷匪連獲勝仗一摺貴州郎岱鎮甯夷匪以與漢民構釁遂假復讐為名肆行滋擾雖經攻擊獲勝現尚恃險負隅自應痛加懲創著恆春等嚴飭在事文武統帶兵勇迅速進剿務期埽穴擒渠毋留餘孽諭軍機大臣等侍郎王茂蔭奏徽郡急務請飭浙皖兩巡撫查辦一摺據稱徽郡自三年以後捐款至鉅隱存

甚多前任歙縣知縣劉毓敏攜帶捐冊逃歸山東原籍祁門存米未知作何用項並義練局之勒捐自收自用兼有置產寄頓者學政之收捐存銀甚多以及練首潘炳照等乘亂攫取公項庫款朋分逃散者不少各邑徵存應解廬州大營之項有數萬兩亦未起解以上六款歷歷可查又稱已故徽州府知府達秀誤以花會招作練勇糜餉殃民廩生潘炳照勾結門丁李作塘狼狽為奸並學政沈祖

懋信任潘炳照等縱容練勇聽其冒濫縱恣而不加禁甚至抽扣茶釐拜認門生至有學政一日不去徽禍一日不除之語著何桂清密飭妥員按照該侍郎所指各款嚴密查辦毋任稍有隱匿並將不法之李作塘等查明重懲儆該學政果有任聽花會為害地方並侵項納賄情事即著據實嚴參福濟雖遠在廬州亦不難於察訪並著派員密查具奏另片奏前署歙縣知縣博銘前任休甯縣知縣

唐寶昌都司江長貴三員聲名甚好。為民之望等語。並著該撫等查明與所奏是否相符。其博銘一員是否回至廬州。並著福濟查明具奏。原摺片著鈔給閱看。將此由五百里各諭令知之。○又諭蔣霽遠奏軍需待用孔亟。請飭催各省迅速撥解一摺。據稱黔省桐梓軍務已竣。善後急需籌款。獨山荔波界連粵西。均應留兵堵禦。近日上下游苗匪不靖。調集滇黔官兵勦辦。軍需待用萬分緊急。而庫款因連年籌墊。羅掘一空。無可籌畫。廣東、山東、江西、粵海關等處尚有部撥未解銀一百四十五萬九千餘兩。四川、陝西、山西三省尚有請撥未解銀二十七萬兩。著黃宗漢、葉名琛、柏貴、陳啟邁、崇恩、王慶雲、戴齡等將前項部撥及請撥未解各餉銀迅速籌款。飭委幹員起解。沿途如有阻礙。亦即改道通行。解至黔省。以濟要需。將此由五百里諭令各該督撫。並傳諭粵海關監督恆祺知之。○又諭景

澐奏會勘交界。請俟明春再辦一摺。此次會勘俄羅斯交界往返更改。為時已久。今該夷使既在松花江口等候。且吉林、黑龍江委員均已自格爾必齊河折回。其庫倫委員據稱七月中旬以後亦可趕到。是八月初三日以前各委員必可在黑龍江口會齊。若再行改期。誠恐該夷有所藉口。轉不能依期前來。此時原不必竟到東海。勘立界牌儘可先飭該委員等在黑龍江口會晤。將應議事宜詳細籌商。一面由黑龍江將軍知照俄羅斯在松花江等候。即可飭令該委員等迅速前往會晤。以便定議安立界牌。所有該將軍請俟明春再辦及先由理藩院豫咨該國之處著毋庸議。景澐接奉此旨著即知照。奕格遵辦可也。將此諭令知之。○貴州按察使孔慶鋤因病解任。以雲南迤南道桑春榮為貴州按察使。○予貴州陣亡外委方澍元祭葬世職。○上以孟秋時享。

太廟自是日始齋戒三日 庚申

上詣

壽康宮問

皇貴太妃安 諭內閣和春福濟奏賊陷英山

旋即克復一摺此股賊匪驟陷英山經羅田

縣官紳等不分畛域帶勇助勦俾得即行克

復實堪嘉尚所有在事出力及捐貲供應之

官紳義勇人等著和春等酌量保奏候朕施

恩已革道員何桂珍英山縣知縣蘇秀槐雖

經失守於前即能收復於後功過尚足相抵

均著免其議處 諭軍機大臣等和春福濟

奏逆匪外援屬至迎勦獲勝一摺覽所奏情

形外援之賊多至萬餘而城中出賊僅止數

百是廬城賊匪無多已有明徵自二月初間

經朕將賊匪斷無愈殺愈多之理嚴切批示

該提督等以後奏報總以外援為詞試思廬

城南面賊營既經焚毀官軍已四面合圍賊

援雖多皆從南路而來該提督等劄營三里

岡緊逼廬城東北何以不圖三面並舉力拔

堅城輒擁重兵坐待賊援之至耶此次大堂

店之戰和春既親身前往接仗福濟即應設

法攻城乃僅將出城零賊擊退聊以塞責無

怪賊情之猖獗也巢縣營盤失利已派吉順

等前往接應乃嵩瑞駐劄柘皋又因賊退撤

回設使該逆突竄店埠又擾廬州後路將何

以自固藩籬著和春福濟一面嚴堵賊援一

面乘城中賊少之時迅速設法力圖攻克儻

仍事遷延致逆匪復占廬城南面或下皋之

賊又竄店埠牽掣廬城東北彼時再以進攻

棘手為詞該提督等坐失機宜之罪不能曲

從寬貸也再安徽甯池太廣五屬遠隔大

江恐該撫鞭長莫及已允軍機大臣等所議

將安徽甯池太廣道暫改專轄五屬專摺奏

事並添設皖南鎮總兵一員所有本日簡放

之該鎮總兵豫祺是否能勝皖南要缺之任

著福濟悉心察看據實具奏將此由六百里

加緊諭令知之。以浙江台州協副將豫祺。為安徽皖南鎮總兵官。以通壩辦理轉運事竣。刑部左侍郎譚廷襄。下部議敘。餘升敘有差。予安徽陣亡遊擊何朝亮。千總汪熙恩。丁文有。祭葬世職。蠲緩江西武甯鄱陽樂平德興星子都昌建昌德化德安瑞昌湖口彭澤安義義甯浮梁南昌新建餘干玉山弋陽貴溪興安新昌東鄉萬年新淦永新崇仁興國豐城廬陵新喻峽江清江三十四州縣。及蓮花廳被擾地方。節年租課銀米有差。○辛酉。

上詣

壽康宮問

皇貴太妃安。諭軍機大臣等。官文奏克復雲夢應城兩城。籌攻德安一摺。該逆踞守德安。原圖牽我北路兵力。使不能與武漢之師會合。今兩處縣城均經收復。德安藏匪亦不過二三千人。正可迅籌攻克。惟長江埤賊船下

竄道人橋。雖經團勇擊敗。仍剗營以防回竄。並於兩岸河道均用木石截塞。當可絕其應援。仍應責成該縣王培厚等。實力堵剿。俾德安賊匪不至有豕突狼奔之慮。西凌阿於初四日。自信陽督隊啟程。綿洵行抵襄陽。已由陸路馳往大營。此時諒已會合官文。亦由水路進發。該大臣等務當趁此賊勢中斷之時。四路圍擊。謀勇兼施。擣其巢穴。至設法招降。令被擄之人作為內應。尤宜出以慎重。勿墮說計。如能先克德安。則進兵漢陽不致有後顧之患。漢川為通達府河之路。若所派兵勇隨勦隨進。逆匪勢成孤立。無難悉數殲除也。將此由六百里各諭令知之。又諭王慶雲奏刁民聚眾抗官。仍未解散。請量加兵力。一摺。山西陽城縣匪徒趙連城聚眾滋鬧。鹽糧拆毀民房。經該撫派冀甯道瑞昌前往該縣出示曉諭。許其赴官投首。乃該處刁民仍復懷疑負固。並敢於公文往來。攔阻拆看。復於

黃龍廟入村之路占踞把守情同叛逆自應酌調官兵圍捕以儆兇頑該撫現將換防官兵密飭該道酌量備調並將附近垣曲沁水各營兵丁妥為布置儻官兵既得黃龍廟要隘該匪畏懼兵威輸誠悔罪著將首犯從重懲治其餘無知愚民仍應設法解散俾安生業儻該匪等始終怙惡不悛該撫即飭該道督兵搜捕按律懲辦以免效尤晉省風俗素醇一經懲創自必聞風斂跡也將此諭令知

實錄卷一百一

三

之○欽差大臣向榮奏請飭調前任廣西右江鎮總兵官谷韞燦來營差委允之○以江南舟師出力賞總兵官吳全美巴圖魯名號副將李德麟等花翎千總陳家源等藍翎餘升賞有差○以江西武甯剿匪出力賞千總汪長春等藍翎並升敘有差○予江西陣亡把總鄒傳漢六品軍功丁爾雲祭葬世職○緩徵江西進賢廣昌餘干興國南昌豐城清江新淦新喻峽江廬陵吉水永豐泰和萬安

安福鄱陽萬年新建十九縣及蓮花廳被水災區新舊額賦有差並免廣昌縣應賠漂失倉穀

實錄卷一百一

三十五

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百七十

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百七十一

藍保親王嘗經日講，奉法當太子，及保王書，各點傳人，謂閣下聞事，翰林沈雲龍學士請，朕奉上前事，件處周文，猶賜成，武共，

大學士管理兵部事務加十五級紀錄十四次臣中積案未結職官巡迴講官太子太保又滿開領開事武英殿總纂官著原吉士體仁

大學士管理戶部三庫事務管理刑部事務加二十三級紀錄十六次臣周祖培謹奏爲太子少保管理內務府事務奉封引大臣

饒益滿洲都統戶部尚書管理三庫事務加四級侍衛加五級紀錄十二次臣等奏懇戴鴻慈超譯漢文儒教習符文楷連上書各懇修

達南館總戎官正藍旗蒙古都統禮部尚書管理太常寺鴻臚寺事務加二級軍功加四級進奉加八級紀錄五次

救修

咸豐五年乙卯秋七月壬戌朔享

中華書局一九五五年

太廟○

上親詣行禮○尊

康慈皇貴太妃為

康慈皇太后○

上詣

壽康宮行禮○諭惠親王綿愉等朕維禮緣於

義首重

慈聞之尊養。孝本乎誠。宜崇

母範之鴻稱欽惟

康慈皇貴太妃侍奉

皇考廿餘年

徽柔素著撫育朕躬十五載

恩恤優加雖

懿德撝謙而孝忱難罄今謹上

尊號為

康慈皇太后福履無疆長承

愛日之暄。

壽考有徵永協

中錄卷之二十一

2.

億齡之慶一切應行典禮著該部察例具奏○

諭軍機大臣等駱秉章奏兩廣賊匪同時犯

楚竄陷宜章等處請調回湘勇防勦並辰沅

兵丁堵禦不力各摺片廣東賊匪竄入湖南

境內宜章郴州先後被陷臨武桂陽等處亦

有粵賊肆擾每股動以萬計是廣東北路之

賊勢將全竄湖南廣西匪徒竄陷東安勢極

兇悍。雖經楚省官兵攻剿。迭有斬擒。而賊勢

蔓延○兵勇不敷○分布○自係實在情形○本日已

諭令葉名琛。柏貴。勞崇光。督飭兵勇。合力兜圍。毋令兩廣之賊。全數竄入楚境。並分撥官兵。協勦宜章等處賊匪。惟賊氛已甚猖獗。亦不能專恃鄰封。總須就湖南現有之兵力。與兩粵官兵。四面兜剿。盡殲醜類。郴城之失。因辰沅五營兵丁。欠發口糧。見賊退走。現已飭遊擊龍金源。撤回歸伍。著一面令派往韶州之弁目等。將應得薪水口糧。照數給發。一面將首先退走之兵丁。查明從嚴懲辦。以肅軍

清實錄

一

律。所請令羅澤南。帶勇赴楚。剿賊。已諭曾國藩等。酌量情形。辦理矣。據御史張駿奏。請實行團練一摺。著該撫飭屬實力舉行。以資捍衛。原摺著鈔給閱看。將此由六百里加緊諭令知之。○又諭駱秉章奏。湖南鄰省賊氛四逼。兵力不敷。請飭調回湘勇。以資防剿一摺。前因羅澤南一軍。為賊牽掣。未能即歸九江。諭令曾國藩等。俟義甯剿辦得手後。即將該道調回。與該侍郎等。併力會剿。茲據駱秉章

奏稱。兩廣之賊。竄陷郴州。東安等處。永州寶慶一帶。處處緊急。楚北之賊。復窺伺平江等處。又有黔匪滋擾西路。該省兵勇。既多調赴在外。不敷分布。必須羅澤南一軍。折回湖南。防剿。自係實在情形。惟昨據陳啟邁奏。現籌調集兵勇。進攻武甯。已咨羅澤南等。要速攻勦。該道能否即折回湖南。助剿之處。著曾國藩等。酌量現在情形。妥籌分撥。迅速具奏。至江省軍務。或先克九江。或先將鄱湖賊船掃

清實錄

四

除。仍著遵照前次諭旨。迅籌勦辦。將此由六百里加緊各諭令知之。○又諭駱秉章奏。兩廣匪徒。同時犯楚。籌辦情形一摺。湖南省東北邊界。自武漢再陷。崇通賊熾。江西義甯。又復告警。岳州長沙兩府屬。已有防不勝防之勢。乃據奏稱。廣東賊匪鄧象王。二潮等。竟由樂昌九峯竄入。攻陷委員趙啟玉營盤。後復分股由黃茆嶺竄臨武。歸併宜章。並間道竄撲嘉禾。復有逆首何祿等。率大股襲踞郴州。

城池廣西賊亦同時從全州灌陽攻破東安。雖該撫業經派員帶勇堵剿而兵力無可分布。急迫情形豈堪設想。現在桂陽縣屬亦有竄匪。動以萬計。所獲器械多有佛山蘆苞三水。中宿。白土。惠潮。清。英。等處地名。是賊勢已將全竄湖南。現在廣東本省辦賊已有頭緒。且兵力素稱强悍。必當堵截逆匪。毋令乘虛竄入湖南。即廣西兵力較單。亦不當以驅賊出境。遂為了事。著葉名琛。柏貴。勞崇光。各飭

廣東省城

上

廣東省城

上

該省帶兵將弁。嚴遏北竄。以清其源。越界分剿。以殺其勢。與駱秉章派出之兵勇前後夾擊。務殄羣兇。不致分竄為患。將此由六百里加緊各諭令知之。○以戶部承辦軍需出力。予郎中倪應觀等升敘有差。○予湖南陣亡知州趙啟玉。巡檢謝德慶祭葬世職。○癸亥上詣

壽康宮問

皇太后安。○諭內閣。曾國藩奏巡撫劣蹟較多。

恐誤大局一摺。自上年冬間賊擾江西吳城。本年二月復陷饒州。巡撫陳啟邁於疊次奏報摺內。歷敘已革總兵趙如勝陣亡遊擊吳錫光等戰功。於失事摺內。則稱趙如勝奮不顧身。竭力鏖戰。於克復摺內。則稱吳錫光奮力圍攻。斬馘數千。朕以封疆大吏。奏報軍情。諒不致有虛飾。茲據曾國藩奏吳城之失。趙如勝聞賊先逃。全軍覆沒。饒州之失。趙如勝敗逃三次。致賊破城。與該撫所奏已屬不符。吳錫光攻勦饒州。僅止殺賊數十。該撫輒鋪張入奏。甚至將撫署幕中之胡應奎。濫行奏保。而吳錫光縱勇慘殺。匿不奏聞。支領口糧。又稱為自備資斧。種種欺飾。實出情理之外。且於曾國藩軍營需餉屢次不肯發給。於水師戰船。則忽辦忽止。於羅澤南一軍。則任意改調。朝令暮改。反覆無定。並將各署官親幕友。及撫署幕友列入團練保舉。而義甯州實在捐貲出力之人。轉不得與。以致人心解體。

州城失守。上年賊竄萬載。該縣李皓棄城逃走。鄉民彭才三等。餽賊財物。該撫徇庇不辦。轉將首告之舉人彭壽頤。坐以誣告之罪。並不將該縣失守處分。據實奏。似此顛倒錯謬。堅僻自是。實屬辜恩溺職。江西按察使。譚光宸。於彭壽頤一案。不問曲直。將該舉人嚴刑陵虐。亦屬有意逢迎。陳啟邁著即革職。譚光宸著先行撤任。均聽候新任巡撫文俊查辦。該撫到任後。著即將曾國藩所參各情節。

書奏卷之五十七

七

逐款嚴查。據實具奏。不得稍有徇隱。○又諭。前據御史宗稷辰奏。浙江署紹興協副將王邦慶。捕盜不力。廢弛操練。又與知縣馬昂霄。逢迎干請。該副將並有違例坐轎情事。又山陰縣知縣顧準。前在嘉善。聲名平常。現在新任。復有衙役串詐。及署中潛取水菜陋規。各等情。當交何桂清。確查具奏。茲據該撫查明。王邦慶。前在署紹興協任內。停操之故。實因協兵一千餘名。除分防調撥外。存營祇有

六名。無可操演。並非廢弛。至該屬盜案。係責成都司守備。會同文員拏辦。自上年及今。已疊獲巨犯正法。王邦慶。並無違例坐轎。及與馬昂霄。逢迎干請情事。該御史所奏。著毋庸議。山陰縣知縣顧準。前在嘉善任內。催科尚為得力。其被參衙役串詐。及潛取水菜陋規。各情。查無實蹟。仍著該撫隨時訪察。儻有前項情弊。即行據實奏參。毋稍迴護。○又諭。曾國藩。塔齊布奏。水師獲勝一摺。江西湖內賊

書奏卷之五十八

八

匪。疊經曾國藩等。勦辦獲勝。五月三十日。賊船復至姑塘青山。由西岸渡向東岸。官軍陡合長圍。將賊船包裹。大礮攢轟。鏖戰至兩時之久。賊目張百長。被刺落水。餘匪被轟及撲水淹斃者無數。生擒長髮賊十六人。奪回挖罟大船。並奪獲長龍三板等船多隻。大礮十八尊。偽承宣胡鼎文等。紛紛脫逃。復被官軍追勦。擊斃二百餘人。逆賊經此次懲創。勢已窮蹙。著曾國藩。督率將弁等。迅將湖內匪艇。

悉數埽除。無留餘孽。○諭軍機大臣等。毓書奏匪徒聚眾復搶礦廠。派兵嚴拏一摺。據稱去年十一月。偏山綫礦廠有匪徒聚搶。拏獲多名。本年六月二十三日。突有匪徒大夥入山。施放槍礮。與山上礦夫交手。未定勝負。經毓書派令協領雙喜等帶兵。隨同熱河道裕恆前往查拏。並札飭喀拉沁多羅都楞郡王色伯克多爾濟派蒙古兵二百名。在霍里霍地方截其歸路等語。匪徒屢搶山廠。實屬督

卷一百一十七

九

不畏法。亟應嚴加懲創。著柏蔭到任後。督飭官兵認真搜捕。毋令漏網。並將所獲賊匪李茂興嚴訊確情。按律定擬。至此案起釁根由。是否無知匪徒恃眾搶奪。抑係礦廠各員有辦理不善之處。著一併查明。據實具奏。原摺著鈔給閱看。將此諭令知之。○以鑲黃旗護軍統領西拉布署右翼前鋒統領。○以署湖北布政使文俊為江西巡撫。未到任前。以江西布政使陸元烺署理。以江西吉南贛甯道

周玉衡為按察使。○以安徽徽州各郡勦賊出力。賞都司江長貴。已圖魯名。號雲騎尉羅承勳等藍翎。並各升敘有差。予陣亡千總國忠。把總吳湘。外委金品三。張正陞。按知事張潁濱。祭葬世職。追予道員徐榮。於漁亭地方建立專祠。知縣廉驥元等一併附祀。並旌表殉節徐榮妾伍氏。○予江西姑塘陣亡外委蘇光彩祭葬世職。○甲子。

上詣

卷一百一十八

十

壽康宮問

皇太后安。○諭內閣。英桂奏請將河南鄉試展期舉行等語。據稱河南南路尚未撤防。河工漫口。又須籌辦賑撫。本年鄉試勢難兼顧。自係實在情形。所有河南省應舉行乙卯科鄉試。著准其緩至本年十月。再行察看情形。奏明辦理。○河東河道總督李鈞奏蘭陽漫口請開捐輸。並請飭戶部主事濮慶孫赴二裏辦得旨。濮慶孫著該部飭令前往。惟所擬捐

輸成數有無與京局窒礙之處著戶部妥議速奏尋奏東河捐輸若照銅局章程辦理則與京局略無分別恐於京餉有妨擬准照軍營糧臺章程覈減二成每兩折收制錢一千六百文搭收官票三成既可以廣招徠而與京局亦不致有礙從之○以四川按察使馬秀儒為湖北布政使陝西延榆綏道祥奎為四川按察使○乙丑

上詣

壽康宮問

皇太后安○吉林將軍景瀄奏遵旨挑備官兵候調得旨著即豫備一千名此係備調之兵並非即刻所需如用時即著該營總等統帶○丙寅

上詣

壽康宮問

皇太后安○諭軍機大臣等賡福奏請飭催河南省迅解指撥銀兩一摺現在烏魯木齊兵

餉需用甚急據稱前經戶部指撥之河南省應還甘餉銀二十萬兩迄今尚未解到兵食攸關豈容任意延宕著英桂即將應解烏魯木齊銀二十萬兩迅速籌款派委妥員解往並將啟運日期先行知照該都統以安兵心而資接濟將此諭令知之○山東巡撫崇恩奏河南蘭陽汎北岸河溢由東明直注荷澤設法撫恤災民報聞○山西巡撫王慶雲奏太原鎮總兵官瑞格赴陽城督辦匪徒並留

降調參將保衡護理鎮篆得旨著傳諭該鎮

迅速妥為辦理勿令勾結蔓延保衡著暫留山西○以山東承辦軍需防堵出力賞知縣章文津藍翎餘加銜升敘有差○緩徵山東館陶邱二縣被旱被風田畝新舊額賦有差○丁卯

上詣

壽康宮問

皇太后安○諭內閣太常寺奏遵查

關帝先代封爵應否推崇加封請旨一摺前以

關帝神威顯佑特加封號並升入中祀茲據

太常寺查明

關帝先代封爵並應否援照

文廟

崇聖祠例加封請旨定奪自應敬謹加封以

示尊崇

關帝曾祖光昭公著加封為

光昭王祖裕昌公加封為

裕昌王父成忠公加封為

成忠王所有應辦事宜著該衙門查例具奏

○又諭理藩院奏土默特貝勒旗塔布囊齊

默特章京阿木嘎以盜匪糾眾疊搶斃傷人

命等情在該衙門呈控此案前經交熱河都

統飭屬拏辦何以三年之久未獲一犯著交

柏後會同恆毓親提人證卷宗秉公確訊並

嚴拏盜犯務獲究辦該縣知縣如有延案縱

賊情弊即著嚴行叅處○又諭王懿德奏願

請陞見一摺並陳患病情形懇簡任京職等

語王懿德著俟明年秋間再行奏請陞見該

督現膺海疆重寄不得以偶爾患病遽請改

任○以右春坊右庶子阜保充日講起居注

官翰林院編修貢璜署日講起居注官○以

廣東三江協副將張國樑為福建漳州鎮總

兵官○戊辰

皇太后聖躬不豫卯刻

上詣

壽康宮問安已刻復詣問安○諭軍機大臣等

寄諭成都將軍樂斌等前因廓爾喀尋釁占

踞濟龍等五處邊隘該處漢番官兵為數無

多赫特賀所調土兵又遲延不能得力是以

諭令樂斌帶兵三千名馳赴前藏原恐該夷

始終抗違則後藏需兵甚急內地徵調一時

不能應手不得不先事豫籌為緩急可恃之

計今據該將軍等奏稱已遵旨豫備屯兵一

千名。營兵二千名。惟本省兵力不敷。餉需不繼。沿途支應。亦有掣肘。藏地寒冷。進剿非時。所奏自係實在情形。現在赫特賀。有抵協噶爾。後派都司戴廷超等。與該噶箕藏格巴都爾。見面。令其退出占地。嗣後未據將該夷能否遵斷情形奏報。該將軍既諄囑滿慶。於到藏後。確查函復。著准其暫緩啟程。俟接到滿慶確信後。再定行止。如果該夷必欲占地索銀。此項川兵。即不能足三千之數。可酌派屯

清實錄

卷一百一十一

兵一千名。營兵一千名。由該將軍帶往。以壯聲威。至所稱官兵啟程時。行裝裹帶等項。現在各路軍營。均已覈減支發。所有行裝等項。亦著酌量覈減辦理。此時內地軍務方殷。原無暇顧及邊陲。所恐藏屬兵丁。多不足恃。或令該夷深入藏地。將來驅逐為難。實不得已。而出此。該將軍總督。既熟察情形。悉心計議。自宜通籌大局。暫緩進兵。滿慶函復後。情形若何。仍著迅速具奏。將此由五百里諭令知

之。欽差大臣向榮奏籌剿鎮江情形。得旨。看汝等布置進剿機宜。俱甚妥當。諒指日即可克復也。以籌辦海運出力。賞江蘇道員楊能格。花翎。知府喬松年等。加銜有差。以勦捕山東萊蕪洋面艇匪。妄報邀功。革福建在籍知縣李逢時等職。水師提督李廷鈺等。下部議處。予江蘇陣亡外委唐國勛祭葬。世職。藍翎勇目謝錫九。賞卹如例。撫恤琉球國遭風難夷如例。己巳。

清實錄

卷一百一十二

上諭

壽康宮問

皇太后安。諭內閣。向榮奏水陸連獲大勝。攻克蕪湖縣城一摺。水師總兵吳全美等。自六月初六日。擊退賊匪。火礮後。泊舟堵弋。該逆因我陸軍未至。初九日。分千餘賊。由蕪山出江築壘。經兵勇追擊。偪河淹斃甚眾。總兵德安。由太平黃山陸路進兵。攔剿千總楊萬青。首先衝隊。立斬執旗賊首一名。各將備復

連斬黃衣騎馬賊目。斃賊百餘名。總兵明安泰從黃池會約合攻。十二月。由清水河填溝前進。破卡直入。乘勢攻取蕪湖東西兩門。時德安亦襲破北門外卡。都司虎坤元等乘隙登陣。殺退守塔賊黨。砍開城門。三路齊進。明安泰等。各兵追斬。打破城外賊劄水卡。直至寶塔根賊營。將敗賊追撲落河。溺死無算。鄧紹良亦自施家渡出隊。截殺數十人。復移營老雅山。以聯聲勢。安慶賊匪復分萬餘。於十

平錄卷之百六十二

十一

六日。撲我營盤。經我軍分股擊斃數百名。淹溺內河。及潯港金山湖者。近七八百名。共斬取首級三百八十六顆。內有偽將軍指揮司馬。監軍等三十名。十九日。鄧紹良等復水陸大舉。明安泰先撲東南城隅賊營。越過濠溝壓進。連破犄角二壘。分攻東南兩門。該逆矢石槍礮齊下。又有賊船由西門城河衝擊。經虎坤元焚毀三隻。擊破四隻。斃賊數十人。城上賊俱奔潰。兵勇躍登城上。東南兩門同時

平錄卷之百六十二

九

攻破。德安督率把總曾魁等。攻進北門。楊萬青等躍上賊卡瓦屋。連破卡隘四重。與明安泰會合同出西門。都司陶茂森亦將南街賊卡五重攻破。並焚小河北賊營一座。寶塔根復出賊千餘。經兵勇斬斃執旗賊目三名。追淹百餘人。並圍攻小山上賊匪新營。焚斬數百。鄧紹良攻進河南賊營。與師船兵勇斃賊數百。踏破兩卡。餘匪竄登港口賊船。復焚燒四五十隻。此次明安泰於內河燒擊賊船百餘隻。吳全美等轟沈該逆大礮船數十隻。又燒擊賊船百餘隻。復燬沈數隻。力奪十六隻。李德麟焚沈賊船五六十隻。奪獲快蟹小划十五隻。計水陸四路。斃賊萬餘。賊船勦洗一空。蕪湖久陷賊中。地處江皖之衝。今既克復。縣城實為全局關鍵。各將弁冒暑從征。累戰克捷。奮勇可嘉。所有在事出力各員。准向榮。擇尤保奏。候朕施恩。諭軍機大臣等。向榮奏。官軍克復蕪湖縣城一摺。蕪湖久為賊踞。

經水陸官軍會合攻勦克復城池各路斃賊不下萬餘將賊船勦洗一空明安泰吳全美等督率兵勇大挫賊鋒實屬奮勇可嘉惟蕪湖當江皖之衝為逆匪必爭之地且賊壘尚有三處而寶塔根賊營用石包築緊扼河口我軍水陸會勦進隊甚難此時縣城雖復而賊壘未平設安慶逆匪分股來援仍恐得而復失自應一面亟籌守禦一面設法將賊壘盡數掃蕩其東西梁山之賊亦應趕緊勦除

曾集卷之百十二

九

則江面可次第肅清金陵之賊其勢漸蹙該大臣正當乘此聲威為掃穴擒渠之計昨據奏籌勦鎮江賊匪情形布置尚合機宜如能先克鎮江上可翦金陵之羽翼下可斷瓜州之援應於大局方有起色著吉爾杭阿即照昨奏情形先行設法攻取金山以遏賊勢則克復之機當有把握矣將此由六百里加緊各諭令知之○又諭胡林翼奏署湖北提督訥欽前經楊需咨調挑帶官兵防勦粵匪兵

不滿千坐索行裝銀兩費至萬金並有兵丁多人將埠頭范廷鑑等扭毆致傷該提標署都司多恩聽信兵丁偏勒水手聚眾逞兇沿河停泊各船多被滋擾所求不遂即將差總王安毆打傷痕徧體前西安將軍扎拉芬孤軍力戰該署提督近在咫尺並不發兵應援且所帶兵勇見賊先潰請飭查辦等語訥欽以專閫大員督兵防勦輒敢任意需索縱容弁兵肆行滋事據奏各情殊堪痛恨扎拉芬

曾集卷之百十二

十

督兵赴楚接仗獲勝因訥欽擁兵不救以致敗潰於軍務大有關係著官文確切查明從嚴叅辦毋稍徇隱並查明署都司多恩劣蹟一併嚴叅其不能得力之兵丁分別裁汰以飭戎行原摺著鈔給閱看將此諭令知之尋奏遵查訥欽高無婪索退避等情惟以統兵大員不能隨時防範致令後隊兵丁騷擾究屬失察業經革職請免其重議多恩不能約束兵丁請交部議處從之○兩江總督怡良

等奏。喚夷兵船。託言助勦。欲駛北洋。現已飭令停止。得旨。所辦甚妥。喚夷之船。豈能任其各處游奕。以捕盜為名。將又他有覬覦。撥河南信陽防兵一千名。赴湖北欽差大臣西凌阿軍營助勦。以太僕寺卿張錫唐為山東鄉試正考官。翰林院編修呂序程為副考官。編修張金鑄為山西鄉試正考官。李鴻藻為副考官。○庚午。

上詣

壽康宮。問

皇太后安。○

皇太后疾大漸。復詣愛日春長閣侍。已刻。

康慈皇太后崩。

上哀慟號呼。摘冠纓。易素服。詣

靈駕前奠酒。遣養心殿申刻。復詣

壽康宮。奉

大行皇太后靈駕至。

慈宣宮。

上翦髮成服。

皇后以下俱成服。親王以下。有頂帶官員以上。

公主福晉以下。侍衛妻以上。及包衣佐領等。

男婦亦俱成服。各按位次。齊集舉哀。

上哀慟深至。哭無停聲。王大臣等伏地環跪。懇

上節哀。酉刻。

大行皇太后大殮。奉安

梓宮於

慈宣宮正中。

上奠酒行禮。○奉

大行皇太后遺誥曰。予以薄德。侍奉

先皇帝。備位宮闈。迨今皇帝寅紹丕基。孝思不

墮。念撫育之舊勞。加康慈之徽號。問安視膳。

必敬必誠。昨復上尊號為皇太后。予雖謙讓。

未遑。而皇帝肫誠益篤。予見皇帝御極以來。

敬

天法

祖勤政愛民。宵旰憂勞。有加無已。方期南疆小

醜○即日殲除○寓內久安○時和歲稔○予得以頤
養天和○長延景福○詎意偶嬰微疾○寢至沈疴
皇帝每日省視○祈予速痊○不期延至初九日
已時○神思漸散○遂至彌留○予躬膺孝養○五載
於茲○墨音微稱○已無遺憾○惟念皇帝遭茲大
故○倍覺兢兢○且值軍務未竣○萬幾待理○務當
勉節哀思○一以國事為重○中外文武○恪恭厥
職○共襄郅治○予靈爽實與嘉之○其喪服酌遵
舊典○皇帝持服二十七日而除○

增續卷之三

三

大祀固不可疏○羣祀亦不可輟○再予向以儉樸
為宮壺先○一切事關典禮○固不容矯從抑損
至於飾終儀物○有可稍從簡約者○務惜物力
即所以副予之素願也○故茲誥諭○其各遵行○

○諭內閣○朕自

聖母孝全成皇后慈馭上賓以來○即荷

皇太后撫育○十有五載○

深恩罔極○莫報劬勞○臨御之初○

微稱聿晉○承

歡侍養○渥被

慈愉○數載以來○見朕因各省軍旅倥偬○焦勞宵

旰○每於

勉勵之餘○曲加體恤○本月初一日○謹上

皇太后尊號○方冀

億齡允協○

福履無疆○俾朕奉養晨昏○長承

愛日○不意舊疾難痊○寢至大漸○遽於初九日已

時○

增續卷之三

三

仙馭升遐○銜恤哀號○痛何能極○伏念

大行皇太后○懿德素昭○覆庇朕躬○恩勤備至○詎

意五年尊養○依慕正殷○今竟無由再仰

慈顏○悲懷曷釋○欽奉

遺誥○諭朕以軍務未竣○勉節哀思○一以國事為

重○敢不敬遵○

遺命○強加抑制○本日復據王大臣合詞○籲懇節

哀○請遵

皇考宣宗成皇帝成憲○著俯如所請○每日奠醊

後仍居養心殿所有

大喪禮儀著派恭親王奕訢怡親王載垣大學士裕誠尚書麟魁全慶敬謹管理一切應行事宜並著詳稽舊典悉心叢議隨時具奏將此通諭中外知之○自是日始

上居養心殿○辛未

孝懿仁皇后忌辰遣官祭

景陵○卯刻

上詣

慈寧宮

大行皇太后几筵前行朝奠禮午刻行午奠禮

申刻行夕奠禮自是

上每值供奠行禮哭必盡哀○諭內閣向來各

督撫將軍府尹及鹽政關差織造等例貢方

物著期年內暫行停止候傳○又諭

大行皇太后大事除輪應年班來京之蒙古王

公台吉等遣員進貢及唎經呼圖克圖喇嘛

仍著照例來京外本年應行來京之後藏呈

進丹書克堪布業經由藏啟程著仍行來京其餘年班之堪布內外扎薩克阿拉善歸化城杜爾伯特烏梁海土爾扈特浩碩特伊克明安等處之汗王貝勒貝子公額駙台吉塔布囊公主之子孫無論御前乾清門在外行走及回子伯克土司土舍廓爾喀等均過二十七月各按應來年分按班來京○又諭英秀等奏哈薩克汗阿拉坦沙喇現因年老願將汗爵移於伊姪台吉緯坦據呈轉奏請旨

一摺哈薩克汗阿拉坦沙喇現在年老不能

辦理哈薩克事務即著照所請將所遺汗爵

賞移於伊姪台吉緯坦以便約束所屬哈薩

克等辦理游牧事務○諭軍機大臣等前據

怡良等奏喚夷欲令兵船赴北洋幫捕海盜

已飭署蘇松太道諭令該夷毋庸前往本日

據崇恩奏稱七月初二日有三桅火輪船一

隻兩桅夷船二隻無桅火輪船一隻先後駛

至之宋島海口據稱上海甯波公雇火輪船

一隻外借夷船二隻。並呈出船照。及蘇松太道諭帖。旋即駛往奉天。追阻不及等語。嘆夷通商船隻。止准在五口往來。山東奉天洋面。皆非該夷應到之地。火輪船雖由商雇。究屬夷船。豈可任聽商民駕駛北行。致令夷船渾跡。怡良等既經諭知該夷領事。著即飭令將北駛船隻。迅速追回。即商雇之火輪船。亦一體撤回。不准擅向北洋開駛。甯波雇備此船。何以未據奏報。輒即給照開洋。蘇松太道諭

甯波雇備此船

奏

帖。既係給與勇船。何以又入夷目之手。甯波所雇火輪船。既係一隻。何以北來之船。竟有四隻。種種影射。此端一開。該夷任意遊行。何所底止。且內洋盜匪。自有師船勇船勦捕。何必借助外夷。致令將來藉口。著怡良。吉爾杭阿。即飭前調挖甯各船。迅速北上。與奉天山東。合力勦辦。嚴諭商民。不准率行借用夷力。一面將蘇松太道諭帖原委。據實查明具奏。甯波雇備火輪船。係由何人擅自給照。著何

桂清查明嚴參。不得曲為解釋。此項夷船。如仍在奉天洋面。即著英隆。恆毓妥為曉諭。令其恪遵成約。剋日南返。僅有邀求。務宜正言拒絕。不可稍事遷就。如現已駛回東洋。或山東洋面。再有續來夷船。即著崇恩飭令登州鎮道。一體諭令南還。勿再任其北駛。並分飭沿海各口岸。嚴密防範。是為至要。將此由五百里各諭令知之。○又諭。本日據王履謙奏。河北新鄉縣刁民糾眾圍城。請撥兵赴勦。並據英桂奏。河北土匪滋事。急籌勦辦。各一摺。新鄉縣刁民。膽敢在各鄉到處裹脅。聚眾圍城。並與輝縣。溫縣。原武。陽武等縣匪黨暗相勾結。實屬形同叛逆。若不大加懲創。必至毫無忌憚。該撫已調集各路兵勇。前赴新鄉。並新調直隸兵一千名。著即迅飭河北鎮崇安。剋期勦辦。萬勿稍延。現在豫省南路邊防。固屬緊要。而河北係腹心之患。尤當先其所急。邱聯恩。駐劄光州。邊浴禮。本駐信陽。著英桂

甯波雇備此船

奏

將南路防堵事宜責成該鎮道嚴密籌辦在防弁兵均歸調遣該撫即前赴新鄉厚集兵力將此股匪徒迅速撲滅其各鄉被脅良民務須明白曉諭令其自行解散免致懷疑生變並恐東結河工災黎西結陽城土匪糾集多人更形棘手不可稍存大意致使蔓延又英桂片奏西凌阿咨調防兵難以抽撥現在湖北勦賊喫緊新鄉刁民既調直隸兵一千名前往助勦仍當於南路防兵內酌撥楚北

廣東通志

卷

一千庶可彼此兼顧不致有誤事機將此由五百里各諭令知之○又諭據王履謙奏稱河北衛輝府新鄉縣聯莊會聚眾圍城並已糾合鄰近各縣希圖抗拒探聞原武邊境均有新鄉匪徒把守榮澤對岸亢村驛文報不通省垣兵力既虛防河兵勇及北鎮兵勇為數無多無可調遣等語因思防守下游固屬緊要而新鄉刁徒滋事尤為刻不容緩著桂良即將前調防河大名官兵一千五百名派

撥千名交該鎮道統帶就近取道衛輝前往新鄉相機助勦所有此項分撥官兵著即交英桂調遣將此由五百里諭令知之○予安徽廬州等處殉難通判許亦清等祭葬世職文生鮑雲鵬等三十九名口旌卹如例

廣東通志

卷

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百七十一

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百七十二

恭奉慈寧宮太后聖訓

大學士管理三庫事務

欽差大臣

欽差大臣

欽差大臣

奏

咸豐五年乙卯七月壬申卯刻

上詣

慈寧宮

大行皇太后几筵前行朝奠禮午刻行午奠禮

申刻行夕奠禮諭內閣朕讀

大行皇太后遺誥

諭朕持服二十七日而除朕追懷

撫育深恩何忍遽遵

遺命特命王大臣等悉心會議茲據惠親王綿

愉及恭理喪儀王大臣等合詞籲懇請酌遵

舊典於二十七日大祭後除服朕心終有未
安惟仰體

大行皇太后謙抑之懷矜恤之意不得不稍從

抑制以示遵循所有二十七日以外百日以

前朕詣

几筵前仍穿縞素在宮辦事及接見臣工勉御

青袍褂仍俟百日後再行除服其百日以後

應穿服色仍著惠親王綿愉恭理喪儀王大

臣御前大臣軍機大臣會同禮部妥議具奏

中書奏

又諭黃宗漢奏請查禁販運黑鉛一摺四

川雲南貴州各省多有產鉛之區所採鉛斤

半歸官賣半歸商銷向無例禁之文惟黑鉛

有關軍火若任令行店市商照常販運輾轉

銷售莫究歸宿流弊滋多必當嚴行禁止嗣

後除白鉛一項仍聽商人行運外其黑鉛著

四川雲南貴州各督撫分飭所屬地方各員

一律嚴禁不准出境並飭各廠員及水陸各

州縣各關隘口會同營汛查拏偷漏儻有抗

違照私販銷礦例加等治罪仍須人鉅並獲

以杜妄訐訛詐等弊廣西巡撫勞崇光奏

艇匪攻撲潯州現籌勦辦情形得旨所撥兵

數不盈千誠恐難期得力能否再行添調著

速速籌辦以失察汎弁包庇開竈泰甯鎮

總兵官慶祺下部議處蠲緩廣西臨桂陽

朔永甯永福雒容柳城來賓天河賓遷江恭

城荔浦修仁昭平永安蒼梧容宣化新甯橫

永淳龍州崇善養利左永康甯明天保二十

平集卷之百二十二

三

八廳州縣及忠上林田歸德果化羅陽萬承

思陵憑祥太平安平上龍茗盈結安佶倫龍

英都結江思上下凍向武上石西下石西思

城遷隆全茗鎮遠羅白白山興隆定羅舊城

下旺那馬都陽古零安定何旺三十八土州

縣司堡被擾地方額賦有差癸酉

上詣

慈宣宮

大行皇太后几筵前供奠甲戌

上詣

慈宣宮

大行皇太后几筵前供奠諭內閣朕蒙

大行皇太后撫育深恩十有五載是以崇上

尊號稍展孝思初九日痛遭

仙馭升遐一切典禮俱命該衙門敬謹豫備惟

念

升祔

太廟大典攸關

平集卷之百二十二

四

列聖相承具有定制朕不敢以一己之感

思致違

大行皇太后謙沖之盛德將來奉安

山陵禮成後恭奉

神牌黃輿還京敬謹

升祔

奉先殿以伸永慕所有應行典禮著該衙門屆

時查例具奏又諭

大行皇太后徽音懋著

懿德光昭覆庇朕躬十有五載

鴻稱疊晉尊養兼隆今茲

仙馭升遐朕心哀痛不能稍釋敬稽典禮宜隆

謚號以表尊崇著大學士九卿會同敬謹詳議

具奏○又諭戶部奏請截留豫東漕糧解賑

一摺現在東河下北廳屬黃流漫溢被水災

黎自應亟籌撫恤除各該督撫遵諭趕緊籌

辦外著照該部所請所有本年山東省未經

起運之漕米即著就近截留五萬石交崇恩

甘肅通志卷之二十二

五

確查被災較重地方速為賑濟一面咨查直

隸被災各屬酌量撥給其河南省應徵未完

漕米五萬餘石並著英桂督飭各該州縣趕

緊徵收於該省應行給賑地方隨徵隨放該

督撫等務當嚴飭承辦各員認真散放如有

州縣辦理不善及吏胥舞弊各情即著嚴行

叅辦用副朕軫念災黎至意○又諭蔣蔚遠

奏請展緩鄉試一摺本年貴州省應舉行乙

卯科文武鄉試據稱該省夷苗滋事辦理堵

剿勢難兼顧自係實在情形所有本年貴州

省乙卯科文武鄉試著准其展至戊午科歸

併舉行按照兩科定額取中貴州正考官編

修王祖培副考官編修錢桂森無論行抵何

處著即馳驛回京○諭軍機大臣等恆春舒

興阿奏滇省軍需緊要請飭廣東浙江兩省

迅解協滇餉銀一摺雲南省軍餉等款向資

各省協濟現因貴州剿匪喫緊滇省解黔之

餉先後已及十四萬餘兩司庫支絀無款可

甘肅通志卷之二十二

六

籌著葉名琛柏貴何桂清將該省奉部指撥

滇省協餉銀共四十五萬兩迅即籌款派委

妥員管解赴滇毋稍遲誤將此由五百里各

諭令知之○以福建捐輸軍餉永廣臺灣府

閩籍鄉試中額一名龍溪縣學額四名閩侯

官二縣各二名同安詔安永安三縣各一名

○乙亥

上詣

慈寧宮

大行皇太后几筵前供奠○諭內閣本月二十

一日奉移

大行皇太后梓宮於綺春園朕即居住圓明園

辦事以便恭奠

几筵用伸哀慕○丙子中元節

上詣

慈寧宮

大行皇太后几筵前行中元大祭禮○遣官祭

永陵

增補卷一百七

七

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵○遣官祭

孝德皇后殯宮○遣官祭

端慧皇太子園寢○諭內閣前以

大行皇太后百日後朕應用服色○諭令惠親王

綿愉等會同禮部議奏○茲據集議具奏自應

仰體

大行皇太后慈愛之心於百日除服即照二十

增補卷一百七

八

七月釋服禮舉行○惟

梓宮暫安綺春園朕當仍御青褂尋常袍俟奉

移

山陵後一切服色從吉其未經奉移

山陵以前所有

壇

廟祭祀齋戒以及朝會典禮服色即照釋服後

常例服用至臣工以下服色著該部再行覈

議具奏○又諭惠親王綿愉等奏酌議在京

民人等嫁娶作樂日期等語著照所請所有在京民人等著准其於一月後嫁娶作樂仍百日不雜髮並准其於百日後尋常宴會作樂○命倉場侍郎文彩恭理喪儀○以正白旗滿洲副都統阿彥達署倉場侍郎前倉場侍郎朱樽署吏部左侍郎署吏部左侍郎沈兆霖署工部右侍郎兼管錢法堂事務○以克復安徽徽州府城賞知府王有齡遊擊魁齡花翎縣丞程洪等藍翎餘加銜升敘有差

增錄卷三十三

九

○丁丑

上詣

慈宣宮

大行皇太后几筵前供奠○諭內閣西凌阿等奏德安逆匪分股竄撲勇隊營盤現在飭收兵勇以圖攻取一摺本月初二日德安府城賊匪分股竄撲三陂港等處參將劉富成帶勇迎殺總管德楞額率領馬隊接應槍箭齊施賊眾由兩旁抄襲勇隊營盤猝被燒毀西

凌阿等統兵督勦德安逆匪未能及時攻取致被賊撲營盤損失軍裝器械實屬調度乖舛西凌阿綿洵均著革職留任以示懲儆孔廣順訥欽未能帶兵接應亦屬怯懦無能均著革職留營效力以贖前愆賊匪現踞德安著官文迅速前進會同攻勦西凌阿總統諸軍毫無紀律頓兵不戰以致為賊所乘殊堪痛恨儻再不知愧奮必當重治其罪○諭軍機大臣等西凌阿綿洵奏逆匪竄撲步兵潰

增錄卷三十三

十

散一摺又據奏退回隨州收集兵勇相機前進等語覽奏實堪痛恨西凌阿統領諸軍勦辦楚匪乃抵德安後毫無布置並未督兵攻勦及賊匪撲出營盤輒被燒毀孔廣順訥欽所帶步兵望風而靡營盤亦被賊踞可見平日既調度乖方臨時又不能相機策應如果聯絡劄營互相援應何至遇賊即潰耶至五營義勇屢次諭令該大臣妥為駕馭乃竟有邢興未等率眾投入賊夥之事我軍虛實該

逆得以周知其患更甚。該大臣等因長林岡勢難久駐。退回隨州。所帶馬隊兵勇僅止三千。義勇二千餘名。兵力愈形單弱。本日已諭令都興阿將馮官屯官兵二千名帶赴湖北軍營。交西凌阿等調遣。以資攻剿。官文前奏督兵由襄陽啟程順流下擊。此次我兵失事。賊勢更形猖獗。該督自應趕緊馳赴德安。會同攻剿。使軍威復振。以遏賊鋒。至逆匪北竄。固不可不防。然能奮力進攻。該逆方自保之。

不暇。何能遠竄。若如西凌阿之以嚴防北竄為詞。以掩其節節退守之罪。是又蹈楊需故轍。國法具在。豈能屢邀寬宥耶。現在存營義勇是否足恃。潰散兵勇應如何分別留撤。該大臣等務當悉心籌畫。毋令再滋他變。將此由六百里加緊各諭令知之。○又諭英桂奏探聞德安賊匪突出竄撲。官軍失利。現籌嚴防。信陽三關並勦辦匪徒情形。一摺。前因河北新鄉縣刁民糾眾圍城。諭令英桂將南路

防堵事宜責成邱聯恩等籌辦。該撫即前赴新鄉。迅將匪徒撲滅。茲據奏稱。輝縣等處鄉民業經崇安等再三曉諭。不致暗相勾結。新鄉刁民其勢已孤。俟兵勇到齊。諒可迅速剿除。而楚北官軍現經失利。則信陽三關愈形喫重。必得在防文武嚴密戒備。不可稍形鬆懈。該撫應否親赴新鄉。或仍駐信陽防堵。著即酌量緩急。迅速覆奏。仍著嚴飭崇安、蔣斯崇等務將新鄉匪徒趕緊剿辦。並將首犯及餘匪擒捕淨盡。毋留餘孽。至西凌阿退駐隨州。兵勇潰散已多。不敷攻剿。本日已諭令官文帶兵前進。會同勦辦。並諭都興阿管帶駐劄馮官屯之官兵二千名。即日赴楚助剿。該副都統帶兵經過豫省所需軍火。並著英桂隨時接濟。毋令缺乏。將此由六百里加緊諭令知之。○又諭本日據西凌阿等奏德安城內賊匪分三股竄出。已革參將劉富成等督兵抵禦。因眾寡不敵。以致兵勇營盤被賊焚

毀占踞孔廣順所帶兵勇逃散居多。五營義勇並多投入賊營。該大臣現在退守隨州。嚴防北竄。楚北賊勢披猖。必得厚集兵力。以資勦辦。所有駐劄馮官屯官兵二千名。皆係勁旅。著都興阿即日統帶啟程。前赴湖北。西凌阿軍營聽候調遣。該官兵啟行時。所需軍裝口糧車輛等項。著崇恩迅速應付。毋誤軍行。並將啟程日期。先行具奏。將此由六百里各諭令知之。欽差大臣西凌阿等奏德安逆匪分股竄撲。兵勇潰散。自請治罪。得旨。聯絡劉營。何至若是挫敗。西凌阿到楚以來。並無大舉。遭此失事。軍威何日復振。豈事前漫無防範耶。○戊寅

上詣

慈宣宮

大行皇太后几筵前供奠。以刑部右侍郎國瑞管寶坻等四處官兵事。已卯

上詣

慈宣宮

大行皇太后几筵前供奠。以安徽巢縣勦賊失利。革鑲紅旗蒙古副都統忠泰職。以工部右侍郎基溥兼鑲紅旗蒙古副都統。庚辰

上詣

慈宣宮

大行皇太后几筵前行殷奠禮。諭內閣和春福濟奏。連日擊賊獲勝一摺。廬州逆匪疊經官軍痛勦。仍敢負隅抗拒。六月二十六等日和春督兵進攻。南路賊匪分股來撲。城內之賊亦由得勝水西等門出城接應。兵勇分路截擊。共斃賊七八百名。初七日官軍於大堂店築壘城內。逆賊由得勝門南門出撲。旋被擊退。斃賊多名。南路之賊復於初九日被官軍分途攻勦。屍骸枕藉。約斃八九百名。砍獲首級二十七顆。奪獲槍礮等械二百餘件。該逆等經此疊加懲創。自己膽落。和春福濟務

應督率將弁乘勝攻勦亟圖克復廬城毋得再涉延緩○又諭駱秉章奏南北兩路勦賊獲勝情形一摺湖北通山等處逆匪被湖南兵勇擊退後仍踞通城意圖南竄經魁聯江忠濟分遣楚勇出境迎勦自三月二十二日至二十七日連獲勝仗先後斃賊二百餘名及六七百名不等賊已敗竄復有崇陽逆黨及江西義甯賊匪分股再踞通城並由臨湘小路竄及新牆經江忠濟派出之守備徐志近郭漢雲等迎擊斃賊無數湘陰長樂團勇復會合四萬餘人分途進攻毀賊營棚八十餘架連日乘勝追殺沿途斃賊每仗不下數百人該匪全數遁歸老巢湖南北境邊防尚能堵禦著駱秉章即飭江忠濟等激勵團勇分投堵勦將通城交界各處聚匪併力殲滅以固藩籬至廣東竄匪占踞郴州宜章後復有另股圍撲臨武縣城及桂陽縣之文明司地方六月初七至十五等日臨武縣官紳各

督團勇攻守兼施斃賊五六百名賊眾敗潰遂乘勝追至宜章縣界斃賊數百臨武城圍頓解桂陽逆匪亦於六月十三日至二十三日經該署縣吳清鵬等調集團勇練勇合營圍攻每日斃賊數百生擒賊目譚昌幅等十六名賊仍敗竄廣東仁化縣境桂陽賊匪亦退其宜章縣城據奏業已收復郴州踞城之賊據奏連日分路進攻殺賊甚多該逆未敢分竄著駱秉章督飭參將李輔朝等迅速進攻力圖克復俾得次第掃除廓清南路其東安獲勝情形仍著查明具奏○諭軍機大臣等前因東河下北廳屬銅瓦廂黃水漫溢諭令楊以增將豐北口門乘機堵築茲據該河督奏稱興築經費勸捐難以濟事惟有督率疏防之道將府廳等將應行補還正隄工程設法籌款趕緊賠堵等語此項工程趁此機會自可節省經費著楊以增詳細履勘即在該道將等應行補還項下設法籌辦其餘應

辦埽工應估挑工所需用項尚多能否勸捐
接濟該河督務當實力辦理一俟捐項賠項
集有成數即行據實奏聞將此諭令知之
以託病擅離岳州防所降湖南按察使魁聯
為知府以浙江杭嘉湖道周起濱為湖南按
察使○予安徽陣亡驍騎校德慶把總蔣萬
福外委蘇興瓏湖南陣亡縣丞姚榮卿把總
林志祺等祭葬世職附生李文淳等賞卹如
例○辛巳辰刻

上詣

慈宣宮

大行皇太后几筵前行啟奠禮申刻復詣

几筵前行辭奠禮

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百七十二

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百七十三

此等親職官類是同謀起虐法官失子太保上書唐魏師傳文淵閣領閣事翰林院掌院學士稽察欽奉上諭事件處國史館總纂官武英殿

人學士管理兵部事務加十三級紀錄十四次以臣等相率本經憲官經延謫官太子太保大湖湖廣兩廣總督武英殿總管欽州保衛士體仁閣

大學士管理戶部三庫事務管理刑部事務加二十三朝紀錄十六次臣周祖培題職官太子少保管理內閣書庫事務對引大臣軍機大臣

鎮燕旗滿洲都統戶部尚書管理三庫事務加四級隨帶加五級紀錄十二次臣等鑒察總辦經筵講官弘祖殿教習清文法達士書唐紹綽

上諭文淵閣纂修五經文字通串臣等謹將各經所屬書目開列如左一經書功加四級通串加八級乙錄五次臣等謹將各經所屬書目開列如左

人參

戊○豐○五○千○一○卯○七○月○壬○千○卯○刻○恭○多

平康本一百七十三

行皇太后梓宮安奉綺春園迎暉殿

先於

筵前奠酒。慟哭盡哀。屈時

行升小輦出永康左門跪奉

宮什大輦

基夜方一出酉華月至上長街三座月苞送

王人五母一頁青

二十一年一月一日

上跪迎安奉

梓宮於迎暉殿。

上號泣行奠祭禮。王以下大臣官員俱舉哀行。

禮
○
頌

硃諭恭親王奕訢於一切禮儀多有疏略之處

著勿庸在軍機大臣上行走宗人府宗令正

黃旗滿洲都統均著開缺。並勿庸恭理喪儀。

事務。管理三庫事務。仍在內廷行走。上書房

讀書。管理中正殿等處事務。俾自知敬慎。勿

卷之三	三	三
卷之二	二	二
卷之一	一	一

再蹈愆尤以副朕成全之至意○命吏部尚

書翁心存恭理喪儀○命戶部尚書文慶在

軍機大臣上行走○以怡親王載璜為宗人

府宗令○調正白旗漢軍都統裕誠為正黃

旗滿洲都統鑲紅旗蒙古都統聯順為正白

旗漢軍都統以學習御前大臣景書為鑲紅

旗蒙古都統○以湖北分水背勦賊出力賞

守備李魁士等花翎外委胥超雲等藍翎餘

練出力。賞已革詹事府右贊善如山。花翎。五品頂帶。

上居圓明園。○癸未。

上詣

安佑宮行禮。○詣迎暉殿。

大行皇太后几筵前供奠。○諭內閣。向榮。吉爾

杭阿。奏。攻勦鎮江逆匪。疊次獲勝一摺。逆匪

困踞鎮江。恃金山為援。應其銀山。寶蓋山等

處。亦藏有匪徒。往來窺探。六月二十九日。吉

爾杭阿。調派知府劉存厚等。各帶兵勇。分路

進攻。時瓜州。金山。鎮江之賊。亦悉眾前來爭

踞各山。我兵奮勇直前。自寅至酉。痛加勦洗。

殺賊無算。七月初一。至初六等日。該逆麇聚

於寶蓋山頂。兵勇冒險攻擊。並搶銀山賊壘。

賊勢不支。紛紛退竄。其各路來援之賊。均經

官兵抄截殺斃。此次賊匪圖踞山梁。經各員

弁奮勇先登。奪據險要。該逆伎倆已窮。著向

榮。吉爾。杭阿。即知照。托明阿。南北合力。乘勢

克復城池。毋任久踞。○又諭。曾國藩。塔齊布

奏。水陸獲勝情形一摺。江西九江等處賊匪。

經曾國藩等。水陸進剿。疊獲勝仗。六月十一

日。塔齊布探知九江之賊。於新壩添築礮臺。

龍開河亦聚有賊船。遂於十三日。派升用副

將周鳳山等。進攻東門。總兵居隆阿。候補守

備長春。帶兵伏於三川嶺左右。塔齊布親督

兵勇。於四更時出賊不意。直抵新壩。拋擲火

彈。延燒賊船。賊始驚覺抗拒。城內亦出賊二

千餘人救應。官軍開放槍礮。斃賊極多。賊猶

死拒。塔齊布揮令兵勇退走。將賊誘過濠溝。

三川嶺左右。伏兵齊起。兵勇回旗夾擊。升用

副將玉山等。先伏於龍開河上之水府廟。亦

開大礮轟擊。賊眾大潰。約計殲斃賊匪三百

餘人。墜濠溺湖者無數。曾國藩水師。於六月

十三日。進攻徐家埠賊巢。並令試用知縣李

錕。帶領陸勇會剿。賊眾奔潰。燒燬賊船八十

餘隻。偽衙署望樓數處。糧館五處。賊糧數千

石。該逆經此水陸痛剿。自可剋期埽蕩。著曾國藩等督飭將弁兵勇。乘勝攻剿。以期力通江路。迅速東下。○又諭前據勞崇光奏。派員擊退分竄梧州餘匪。聲明廣東肇慶府城業經克復。茲據葉名琛。柏貴奏肇慶各匪與九江圍墩三洲等處互相援應。必須先將沿江各股匪。勒洗淨盡。方可直逼肇慶。經該督等督飭臬司沈棟輝轉飭各營員弁。分帶舟師。於四月初一日。先由九江河口。分投進攻。初

二日。直抵圍墩三洲等處。水陸並進。初六日寅刻。分路入峽。直逼肇慶城下。該逆力不能支。開門逃出。我軍分途截殺。即將郡城克復。等語。肇慶賊匪踞城半載有餘。經該督等次第籌剿。五日之內。克復郡城。奪獲焚燒賊船一千四百餘隻。擒斬逆匪不下三萬餘名。辦理尚為妥協。所有出力員弁官紳兵勇。著該督等擇尤保奏。候朕施恩。傷亡兵勇。查明請卹。○又諭葉名琛。柏貴奏官軍克復德慶州

城一摺。上年廣東肇慶府屬匪徒。由水路闖入德慶州城。該州屬之悅城鄉等處。復有土匪勾結竄擾。署知州吳保楨派令兵勇勦捕。殲擒無數。該匪徒等尚自往來河面。攻勦仍未得手。本年二月。復敢闖入城內。肆行焚掠。經廣西臬司張敬修。署肇慶府知府郭汝誠。兩路派員管帶兵勇援應。與吳保楨等內外夾攻。該匪登時敗退出城。兵勇奮追。殲斃生擒。共計四百餘名。匪船被焚多隻。旋即竄逸。

統計二月至四月間。張敬修等自圓頭沙河面及李村等處。屢次分路迎擊。先後轟沈匪船三百餘隻。殲擒首夥數千名。餘匪現竄梧州。著葉名琛等。速派員弁。乘此聲勢。肅清江西。毋留餘孽。德慶州地方文武員弁。協同克復城池。功過尚足相抵。著免其置議。○諭軍機大臣等。曾國藩。塔齊布奏。擬移潯郡陸軍。會勦湖口等語。該侍郎等。水陸兩軍。隔絕已久。湖口九江兩處。俱不能得手。自應速籌變

計以期制勝。惟據所稱擬將陸軍移至青山渡湖會剿湖口。意在力通江路。如能迅即攻破。則水陸兩軍分而復合。自是勝算。儻不能遽破。則上游賊勢方熾。豈能遽舍九江徑趨建德東流。不特潯郡逆匪乘我東下有牽綴後路之虞。即大軍移撤後。該逆四出滋擾。或竄入江西腹地。或上結湖北逆黨。均屬可慮。該侍郎等既已籌議及此。自必胸有成竹。著再詳細審度。如果確有把握。原可照議辦理。但不可顧此失彼。置九江於不問。現在下游師船僅止克復蕪湖。該侍郎等即由彭澤直下。相距尚遙。恐未能聯為一氣。必須通盤籌畫。方為妥善。義甯賊匪已由通城屢擾臨湘等處。雖經湖南兵勇擊退。而崇陽通山一帶尚與義甯之賊絡繹狍猖。羅澤南赴剿後未知情形若何。此亦該侍郎等後路之患。不可不兼權並計。期出萬全也。將此由六百里加緊諭令知之。○以克復廣東肇慶郡城復已

革知縣黃慶萱職。參將蕭英等均留任。仍帶革職處分。○以克復廣東廣甯清遠四會縣城。免知縣朱甸霖程兆桂。年考祥千總王勝彪典史孫鳳儀等處分。○予江蘇陣亡守備陳紹業。把總陳得勝。外委周大舍。江西陣亡守備黃明魁。千總洪建勳。把總李文田。廣東陣亡教諭胡逢榜。巡檢沈釐。把總熊永才。外委陳玉輝。歐大彪。祭葬世職。額外外委李襄成等。賞卹如例。○予廣東清遠縣殉節知縣程兆桂妾趙氏。旌表如例。○甲申諭內閣。理藩院奏。內外扎薩克蒙古王公等。本年年班可否來京。請旨遵行一摺。所有本年年班除蒙古王公等差人進貢。及念經呼圖克圖喇嘛進貢堪布等。著仍遵前旨。照例來京外。其內外扎薩克蒙古王公台吉等。俟明年再行按班來京。本年著毋庸前來。○又諭勞崇光奏收捐章程。請照京城捐銅局辦理等語。嗣後廣西省捐輸。著照籌餉例減三成辦理。並

准其以制錢一千五百文作銀一兩交納。該省為邊地瘠區。是以量予蠲減。他省不得援以為例。○又諭王慶雲奏。拏獲陽城縣滋事首要各犯一摺。山西陽城縣匪徒趙連城等。藉端糾眾。滋鬧鹽糧。負嵎抗拒。實屬情同叛逆。經該撫派委太原鎮總兵瑞格。冀甯道瑞昌。帶兵前往。即將首犯趙連城拏獲。並獲要犯李聚泰等數人。解省審辦。著即按律治罪。以昭炯戒。其實係鄉愚被脅。一經曉諭。即行悔罪解散者。概予省釋。未獲從犯李振河。王法國等。仍著飭令該地方官。嚴密查拏懲辦。毋任漏網。以儆刁頑而靖地方。○又諭西凌阿。綿洵奏。帶勇委員虛報餉冊。請飭赴營聽候訊辦等語。候選知府劉衡等。管帶馮官屯五營義勇。前赴湖北。到營後。所呈放餉冊籍。內有放給中營五月分口糧銀。及派勇偵探盤費兩款。與勇目施紹恆等。現供情節不符。顯有冒領侵蝕情弊。劉衡現已啟程北上。著

吏部迅即行文沿途各督撫。查明該員無論行抵何處。即飭令趕緊折回湖北大營。聽候西凌阿等訊辦。如查有知情冒領實據。即著嚴叅治罪。以儆貪邪而肅軍律。帶勇之遊擊徐廷楷。並著該大臣等。迅即催提到營。一併歸案訊辦。○又諭西凌阿。綿洵奏。查辦帶兵潰逃逾限回營之武弁一摺。已革遊擊蕙椿等。於德安賊匪撲營時。未能奮勇接仗。隨同兵丁潰逃。又遲久始行回營。實屬畏葸無能。除署固原提標守備朱起翰等十五名。業經該大臣等按律懲辦外。蕙椿著即按軍法從事。以申紀律。○諭軍機大臣等。官文奏。撥兵應援德安一摺。並西凌阿等奏。添調兵勇等語。該大臣等。現帶官兵尚有八千餘名。又添調隨州團勇萬餘人。兵勢不為不厚。據官文奏報。已派參將顏朝斌。撥帶川兵襄勇五千名。由應城進援德安。已斷逆賊歸路。西凌阿等。正可迅速前進。迎頭夾擊。使該逆進退無

路則德安賊勢必孤。再得官文一軍。取道天門。從中橫截。自不難於攻克。若但株守隨州。專待官文兵到。是臨敵既不能堵禦。進兵又專恃應援。安用此庸懦無能之將耶。所調鄖陽鎮兵一千五百名。竹山協兵五百名。著官文酌量調往。總以取道便捷為要。不必繞至隨州。轉致迂緩。官文既有先克德安。再圖武漢之議。亦著迅速前進。現在胡林翼既進攻蔡店。荊州兵勇又已將分水背一路打通。漢

川前後均有官兵。此正克復德安之機。西凌阿官文等萬不可稍事遷延。致賊守益堅。攻勦仍難得手。西凌阿等將潰逃將弁。請旨按軍法從事。已明降諭旨允准。湖北兵勇屢次潰散。非嚴行懲辦。不足以申軍律。覽官文所奏。官兵不戰自潰情形。殊堪痛恨。劉富成。訥欽。孔廣順。業經革職。留營效力。儻再不知奮勉。軍法具在。不能再邀寬典也。將此由六百里加緊各諭令知之。○山西巡撫王慶雲奏。

請俟來春查閱營伍。並補辦軍政。允之。○予湖北陣亡參將張文照。遊擊蕭濱。都司伊林泰。千總牛萬寶。蘇富貴。李清藩。把總王格。郭采章。李榮魁。外委劉綬。陳世昌。祭葬。世職。武舉。強效。乾賞。卹如例。○乙酉。

上詣迎暉殿

大行皇太后几筵前。供奠。○諭軍機大臣等。官文奏。移營岳口。已督催兵勇。分取漢川。德安一摺。據稱胡林翼於初九日渡江。十三日攻破蔡店。該督現飭李保邦等進攻漢川。直趨蔡店。仍飭顏朝斌等進攻德安。並親赴岳口地方。調度諸軍。布置均屬周妥。西凌阿一軍。昨經降旨。諭令迅速前進。克復德安。該大臣務宜力圖振作。以贖前愆。所帶兵勇。足資攻勦。不得專待官文所派之兵。遷延株守。更增罪戾。至隨營義勇。反側情形。疊經西凌阿奏報。現據官文奏稱。已密咨該大臣。嚴加防範。伺便即聚而殲。旗自係為亟除內患起見。惟該

義勇除投賊外尚存二千餘名人數眾多。賦除未易。儻因機事不密。竟致倒戈。為害非細。西凌阿前奏。飭令施紹恆等造具花名清冊。隨時查點。其願歸田里者。即行資遣。若能因此相安。自可逐漸解散。其心懷叵測。得有實據者。即行正法。以儆其餘。似此恩威並用。妥為駕馭。庶不致激而生變。官文所請飭催餉銀。已諭黃宗漢按月撥銀五萬兩。解至荊州。由該督酌量緩急。分撥各營。並諭崇恩將漕糧變價銀十四萬兩。速解西凌阿軍營。以資接濟。將此由六百里各諭令知之。○又諭本日據官文奏。投誠毛勇。恐其生變。回竄河南。請飭防堵等語。已諭令西凌阿妥為駕馭矣。此項義勇。前由馮官屯赴楚道經河南。路徑熟悉。現因官軍失利。投入賊營者。已有六百餘名之多。若輩狼子野心。萬一引賊北竄。亦不可不防。著英桂嚴飭文武員弁。隨時偵探。加意防範。毋稍疏懈。將此由六百里諭令知

之。○又諭官文奏。請飭催軍餉一摺。據稱胡林翼現已督兵過江。攻破蔡店。進逼漢陽。惟各大營兵餉久缺。急須源源接濟。方能無誤。要需自係實在情形。四川省應撥湖北軍餉。前經黃宗漢奏稱。每月祇可撥銀二三萬兩。但此時兵勇增多。不敷應用。著該督於續徵津貼條糧項下。仍每月撥銀五萬兩。派員解赴荊州。交署將軍載增咨會官文。分撥各營應用。山東漕糧變價銀十四萬兩。著崇恩迅派委員分起解赴西凌阿大營應用。現在黃流漫溢。儻道路有梗阻之處。務即設法繞道。迅速解往。毋誤軍需。將此由六百里各諭令知之。○丙戌。仁宗睿皇帝忌辰。遣官祭昌陵。○上詣安佑宮行禮。○諭內閣。現在大行皇太后梓宮。詎吉奉移。

山陵著派基溥前往

慕陵會同慶祺將暫安處所敬謹查看○又諭柏後奏請將礦廠辦理不善各員分別議處一摺熱河道裕恆於匪徒窺伺礦廠聚眾滋事並不確切查辦輒據署知州明通等稟復之詞信為並無匪徒以致礦山被匪焚搶迨該匪逃散後該道又稟請發兵實屬遇事倉皇毫無布置裕恆著與辦理不善之署平泉州知州明通捕盜營千總楊儒林先行退避

卷之三

六五

之委員理事通判穆翰候補從九品童遇春疏防搶犯之張三營巡檢盛祖培試用州吏目余初祿一併交部分別議處○諭軍機大臣等昨諭恭理喪儀王大臣傳知欽天監於十月底十一月初諏吉奉移

大行皇太后梓宮於

山陵本日復諭基溥前往

慕陵會同慶祺敬謹查看現在

大行皇太后梓宮奉移若暫安於

慕陵西配殿其寬深丈尺是否足數安奉著該侍郎等詳細丈量並將

隆恩殿西開一併敬謹勘丈據實具奏至將來大行皇太后奉安即擬以

慕陵妃園寢作為

山陵惟

寶城之後必須築牆一道以崇體制至圍牆亦須有路可通應於何處開門以便出入並著基溥慶祺會同相度詳細覆奏將此各諭令

卷之三

六六

知之○又諭李鈞奏查明漫水經由處所一摺據稱黃流先向西北斜注淹及封邱祥符二縣村莊復折轉東北漫注蘭儀考城及直隸長垣等縣村落復分三股一股由趙王河走山東曹州府迤南下注雨股由直隸東明縣南北二門分注經山東濮州范縣至張秋鎮匯流穿運總歸大清河入海等語黃流汎溢經行三省地方小民蕩析離居朕心實深軫念惟歷屆大工堵合必需帑項數百萬兩

之多。現值軍務未平。餉糈不繼。一時斷難興築。若能因勢利導。設法疏通。使橫流有所歸宿。通暢入海。不至旁趨無定。則附近民田廬舍。尚可保衛。所有蘭陽漫口。即可暫行緩堵。著李鈞即派張亮基帶同熟悉河工形勢之員。周歷查勘。繪圖貼說。詳細具奏。至被災之直隸。河南。山東各省。並著桂良。英桂。崇恩。各派幹員。會同查勘。統俟奏到時。候朕酌覈辦理。該督撫等。目覩災黎遍野。務當不分畛域。

光緒二十二年

上

熟計通籌。以期早為安輯。至於辦理之方。事屬權宜。該督撫等。如有所見。不妨據實敷陳。以備採擇。將此由四百里各諭令知之。○又諭。柏後奏。密陳熱河情形一摺。據稱熱河地方。將情兵疲。州縣官素不講習公事。欲將鼓鑄大錢行使。則民皆罷市。並有礦匪糾眾占踞山場等事。所獲犯供。有委員侵蝕商人擁利等語。匪徒偷挖礦苗。本應嚴拏。紅花溝礦匪。竟至聚集萬餘人。肆行滋擾。尤屬昏不畏。

法。著柏後督飭地方官。確切查辦。設法勦除。不得畏難苟安。養癰貽患。仍須相機辦理。不致別滋事端。方為妥善。至鼓鑄大錢。自應體察肆市情形。妥為籌辦。礦廠匪徒現雖逃散。難保不去而復來。仍須飭屬認真稽查。以杜後患。該都統身膺重任。考覈屬員。釐剔弊端。責無旁貸。務當挽回積習。痛戒因循。將不肖屬員。隨時叅劾。以肅吏治。而靖地方。將此諭令知之。○丁亥。

光緒二十二年

上

上詣迎暉殿

大行皇太后几筵前供奠。○詣清夏齋問

如皇貴太妃安。○諭內閣。官文奏崇通股匪屢

擾蒲圻縣境。疊經擊退。獲勝一摺。本月初二日。湖北逆匪。由崇通等處竄至蒲圻縣之中港地方。經該縣知縣孫守信等督帶團勇追剿。至盧家橋。殲斃逆匪數十名。初六日。該逆復糾眾千餘。分路直撲新店。該縣會同守備葉定國。千總樊文忠。帶勇分投迎剿。新店團

首等亦各帶勇助剿。鏖戰三時。賊眾披靡。乘勝追殺十餘里。殺賊百餘名。墜崖落澗死者無算。生擒偽司馬等五名。立時正法。奪獲槍器械多件。維時分水坳。胡家橋各有賊匪竄擾。亦經團首賀鵬搏等擊退。蒲圻為武漢金口後路。現在股匪擊退。該督仍當督飭文武紳團協力齊心。嚴加防堵。○又諭官文奏勦辦蘄水賊匪獲勝等語。湖北蘄水縣竹瓦店一帶。有賊千餘。由上巴河竄入滋擾。經署

平定縣志卷之二十三

七

麻城縣事蘄水縣知縣劉蔭派令兵勇迎剿。斃賊三百餘名。餘賊復集各路竄匪三千餘人。在朱泗橋等處築立土城抗拒。官紳壯勇分投進剿。復調羅田麻城等勇會合分路直擣賊巢。當將土城五座同時轟塌。計斃賊約二千餘名。生擒四十八名。餘匪亂竄。我軍又追殺百餘名。擊斃偽將軍卒長等多名。奪獲軍械無算。此次勦辦蘄水縣竄匪屢戰屢捷。各路官紳團練殺賊尚稱勇敢。著仍飭該地

方官紳嚴密堵剿。揔捕竄匪毋任蔓延。○又諭官文奏克復漢川縣城一摺。湖北官軍自攻破分水背賊巢後。於本月十四日。升用知縣李保邦等疾趨漢川。衝破賊營。逆匪將各門緊閉。我軍逼近城垣。槍礮齊施。該逆開礮拒敵。正鏖戰間。魁玉等督催後隊兵勇齊到。前隊兵勇乘勢登城而入。逆眾開東門逃奔。我軍進城揔殺。並在外尾追。斃賊無算。當將縣城收復。此次漢川攻克。南北兩軍聲勢已

平定縣志卷之二十三

七

可聯絡。著官文即飭該員弁乘勝迅赴下游接應。並飭該地方官安撫難民。揔捕餘匪。毋留餘孽。一面即會同西凌阿等收復德安。毋再遲延。○諭軍機大臣等。本日據羅惇衍奏江南泰州仙女廟設立捐釐總局。弁兵官紳多方阻滯刁難。侵欺商船。勒索挂號灰印等錢。稍不遂意。任意威嚇。恐商販裹足。與捐釐助餉章程有礙。又另片奏。鵬船販運米石。接濟賊營。鎮江潮勇訛索商民。包攬貨物等語。

江南省捐釐助餉。前據侍郎王茂蔭御史宗
稷辰奏稱局卡太多。當經降旨查辦。並據托
明阿文煜奏稱並無私設捐局等事。何以行
之日久。仍有官紳兵弁。借盤詰稽查為名。多
樹旗幟。巧立名色。侵欺商販。其為查禁不嚴。
致滋流弊。已可概見。著托明阿等嚴飭各路
員弁。如有藉端苛索者。即著從嚴拏辦。以免
擾累。至鵬船運米濟賊。尤屬大干法紀。亟應
杜絕。著托明阿向榮等飭令督帶水師各員。
嚴切訪查。如有前項情弊。即行嚴辦。以示懲
儆。至所稱按口授食。亦斷絕接濟之一法。著
該大臣等體察情形。妥籌辦理。鎮江潮勇雇
人頂替。自赴丹陽至上海一帶。索詐商民。又
包攬貨物過關。無敢顧問。實屬兇橫不法。著
怡良吉爾杭阿嚴密訪查。按律懲治。毋稍姑
容。原摺片著鈔給閱看。將此由四百里諭知
托明阿向榮怡良吉爾杭阿陳金綬雷以誠。
並傳諭文煜知之。○又諭本日官文奏克復

實錄卷一百七十三

三

漢川。並蒲圻縣境。擊退崇通股匪。又蘄水縣
擊退竄賊。各摺片。前因西凌阿督兵失利。疊
次諭令官文會勦德安。此時胡林翼已過江
攻破蔡店。李保邦等亦破分水背賊巢。攻克
漢川。我軍上下之氣已聯。官文正可乘此機
會。進勦德安。據奏先派顏朝斌前往應援。該
督親帶旗綠各營兵。赴下游接應。或進府河。
夾攻德安。或出襄河。進勦武漢。察看緩急。援
應等語。惟是德安未克。漢陽又為該逆老巢。
守之必力。該督徘徊於中路。恐有腹背受敵
之虞。況西凌阿兵威已挫。獨力難支。著官文
仍遵前旨。迅往德安會勦。勿再延緩。西凌阿
到楚後。並未打仗。兵勇業已潰散。駕馭無方。
思之殊堪痛恨。屢次諭令帶兵進剿。不得株
守隨州。坐待官文援應。現在曾否拔營前進。
亦未據奏到。儻再不知愧奮。立功贖罪。更有
何顏對朕耶。胡林翼著與李孟羣所帶礮船。
及魁玉常恩等各兵。聯絡聲勢。進取武漢。俾

實錄卷一百七十三

三

該逆南北不能相顧。庶勦辦可望得手。將此由六百里加緊各諭令知之。○以通政使司副使嚴正基為通政使。翰林院侍讀學士德璘為詹事府詹事。○以湖北蒲圻勦賊出力。賞千總樊文忠花翎。○戊子。

上詣迎暉殿

大行皇太后几筵前行初祭禮。○諭內閣。本年十月二十五日。

大行皇太后梓宮。由京奉移。

實錄卷一百七十三

三三

山陵所有應行典禮。並一切事宜。著各該衙門。及直隸總督。敬謹豫備。○又諭禮部。奏齋戒期內服色。援案請旨等語。八月初八日。社稷壇大祀先期致齋三日。初五日。尚在大行皇太后大事二十七日。期內。朕御素服冠。綴纓緯。帶齋戒牌。初六日。大祭後。及初七。初八日。朕俱御常服。戴緯帽。其省牲視牲。及陪祀執事各員。初五日。齋戒期內。均著素服。冠綴纓緯。初六日。大祭後。及初七。初八日。均戴

緯帽。常服不挂朝珠。其無執事人員。有赴園

奏事當差。及在紫禁城內當差者。俱著照執

事人員服色。○以奉天捐輸軍餉。永廣奉天

府屬之滿洲蒙古學額二名。漢軍四名。承德

縣六名。海城。開原。錦。甯遠。四州縣各二名。蓋

平縣一名。○己丑。諭內閣。昨據恭理喪儀王

大臣奏。

大行皇太后梓宮。擇吉於十月二十五日卯時。奉移。

實錄卷一百七十三

三四

山陵朕追憶

慈顏。哀愴靡極。允宜親送。

梓宮。藉伸孺慕。是日朕親詣

几筵前奠酒。跪送後。即行啟鑾。其沿途

蘆殿。跪迎奠酒。並祭告。

各陵禮儀。均照向例祇行。俟奉移

梓宮至暫安處。禮畢。回鑾。所有應行典禮。並一

切事宜。著各該衙門。及直隸總督。敬謹豫備。

○諭軍機大臣等。英桂奏京餉甘餉驟難報

解一摺。豫省每月應解京餉甘餉。均係要需。該撫乃藉口於河工決口。水旱成災。過事嚴催。恐致激成事變等語。河南錢糧甲於各省。即有偏災蠲緩。而應完之數尚多。總由該撫藩平日廢弛。以致河北三府。屢有聯莊抗糧之案。徵收日少。用項不敷。一經部撥。便已束手無策。其怠玩因循。已可概見。現屆下忙啟徵之期。若不嚴飭所屬。設法催徵。再有延宕貽誤要需。恐該撫等不能當此重罪。著英桂

實錄卷一百七十三

五

督同藩司瑛。檄於啟徵後。即將應撥京餉甘餉。次第籌畫起解。其未解安徽揚州各處軍餉。亦皆刻不可緩之款。並著源源接濟。不得以無可騰挪為詞。置餉需於不顧。自干咎戾。將此由四百里諭令知之。○以湖南辰沅各郡防勦出力。賞同知陸傳應花翎。知縣汪傳霖等藍翎。餘加銜升敘有差。○庚寅

上詣迎暉殿

大行皇太后几筵前供奠。○諭內閣。葉名琛柏

貴奏賊匪圍攻翁源縣城。官兵抵禦大獲勝。休殲匪殆盡一摺。據稱上年英德佛岡二廳縣。被匪竄擾。翁源係與接壤。七月二十六日。突有匪徒一萬餘眾。圍攻縣城。火燒南門。已被穿破。該縣知縣陳德銓。連次設法。以水傾灌城中。火旋撲滅。二十八日。匪分三門進攻。該縣督率壯勇。於東門開礮。自辰至未。轟斃六百餘名。西南門各匪。亦被壯勇轟斃四百餘名。嗣後該匪或深窵地道。或添造礮車。詭

實錄卷一百七十三

六

計不一。屢經該縣設法擊退。計城下殲斃之匪。不下七千餘名。潰圍後。經壯勇追勦。擊斃又不下三千餘名。境內現已肅清等語。此股匪徒。由英德佛岡分竄。翁源圍攻縣城。該官紳等合力固守。先後殲斃匪徒萬餘名。勦辦甚為得手。在事出力之官紳人等。准其擇尤保奏。候朕施恩。其傷亡壯勇。著該部查明照例議卹。翁源縣把總鍾煜。先期下鄉緝捕。迨賊匪圍攻。並不回城救援。著即查拏。嚴行懲

辦。○又諭葉名琛。柏貴奏。游匪疊擾陽春縣境。經兵練剿擒殆盡一摺。廣東陽春縣屬瓦盎村。石叢佛子坡等處。於上年七月間。突有匪徒竄至。肆行滋擾。署陽春縣知縣劉式恕。會同守備黃者忠。親督兵練堵剿。連獲勝仗。該匪黨駕船直攻縣城西門。經千總呂文光擊退。其東北一帶。分股來撲之匪。被劉式恕等截剿。敗竄白龍河。復被兵練分投堵擊。斃賊無算。黃者忠留守縣城。劉式恕。呂文光。督

實錄卷百三十三

三

同紳勇。親往東西兩路。按捕賊眾大敗。餘黨復糾眾擾及茅徑地方。當經擊退。風坳屯聚之股匪。並經兵勇擊敗逃散。零匪竄入陽江縣境。亦悉數拏獲。統計七月初六日。至九月二十三日。先後殲斃各匪。共七十餘名。生擒八百餘名。並將匪首嚴骨仔六等。殲獲殆盡。其被轟及溺斃匪徒。不計其數。該文武官紳等。齊心堵剿。辦理迅速。著仍飭該地方官。實力巡防。毋稍疏懈。○諭軍機大臣等。何桂清

奏遵議皖南添改鎮道事宜一摺。詳閱所奏。係為各專責成起見。此時徽甯兩府。甫就肅清。池太各屬。尚未悉數收復。地方公事。與軍務交涉者多。原不能過為區別。惟據奏稱。石景芬所帶兵勇。現已陸續裁汰。是以責令專任地方。而以防勒事宜。仍責現辦文武。亦屬因時制宜。即著照所議辦理。徽池防勒善後。既係張芾一手經理。該員現無職守。自可專心籌辦。若甯太兵勇。雖歸鄧紹良調度。而該

實錄卷百三十三

三

員四出征剿。並非專顧皖省之人。皖南既新設總兵。即應令其專司防勒。豈可以本境軍務。概委客兵。現在簡放之孫祺本。係浙江副將。何桂清必能深悉其人。著即詳加體察。該員於新設重鎮。能否勝任。如果明白勇往。則皖南軍務。儘可責令督辦。儻不能勝任。亦即據實具奏。不可稍存成見。總之皖南既特設鎮道。即不當專恃鄰省為依傍。惟事屬草創。需兵則不能不仰給於金陵。需餉則仍賴浙

江為協濟。惟在不分畛域。互相聯絡。使可戰可守。則地方日有起色。該撫如有所見。仍當隨時奏聞。將此由五百里諭令知之。○又諭葉名琛。柏貴奏遵旨查封吳健彰原籍貲產一摺。並聲明該革員並無由海船運回銀兩之事。此案前經黃宗漢查明覆奏。當降旨交怡良、吉爾杭阿嚴審定擬。現在上海早經收復。該革員被叅各款。無難訪查確實。迅速定讞。何以至今尚未覆奏。吳健彰是否養賊通

實錄卷一百七十三

三十九

夷。有無侵吞關稅。捏報隱匿各情。該督等前奏。委員確查。諒已得有端緒。著怡良等仍遵疊次寄諭。按照所叅情節。逐一嚴審。定擬罪名。即行具奏。毋再遲延。其由海船運回銀兩一節。有無寄頓。仍應嚴切根究。不得因廣東查無實據。稍涉遷就。將此由四百里各諭令知之。○以正紅旗蒙古副都統雙齡為廣州漢軍副都統。○以四川捐輸軍餉永廣鄉試中額五名。○鑄給廣西藤縣儒學條記從巡

撫勞崇光請也。

實錄卷一百七十三

三十九

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百七十三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百七十四

恭親王奕訢奏為恭摺仰祈聖鑒事竊臣等伏以

大學士曹振鏞奏為恭摺仰祈聖鑒事竊臣等伏以

大學士曹振鏞奏為恭摺仰祈聖鑒事竊臣等伏以

大學士曹振鏞奏為恭摺仰祈聖鑒事竊臣等伏以

大學士曹振鏞奏為恭摺仰祈聖鑒事竊臣等伏以

秋修

咸豐五年乙卯八月辛卯朔諭內閣十月二

十五日朕親送

大行皇太后梓宮奉移

山陵據王大臣等合詞具奏以直隸地方連年

兵差絡繹民力維艱懇請停止親送朕追念

慈恩方以執紼相隨藉伸哀慕況事關典禮何

敢簡略儀文惟念現在直隸地方撤兵未久

民困未蘇若再以蹕路經行重煩供億於心

實有不安朕仰承

皇考付託之重宵旰憂勞無日不以愛民為念

今必拘循常典轉非所以上慰

在天之靈不得不兼權時勢強抑哀思勉從諸

王大臣等所請停止親送所有一切禮儀著

恭親王奕訢前往恭代屆期朕於綺春園大

宮門跪送後仍步行恭送至紅橋所有應行

典禮各該衙門敬謹詳查酌覈具奏○又諭

官文奏官軍攻克漢鎮進圍漢陽府城並挖

捕漢川餘匪堵截德安竄逆疊獲大勝一摺

據稱本月十五日經胡林翼督飭知府彭玉

麟等用火龍船攻毀漢口浮橋衝出大江會

合胡林翼等大兵水陸並進該處民勇亦同

時接應殺賊無算立將漢鎮克復又渡河追

至漢陽將東西門外土城盡毀胡林翼親冒

矢石殺至龜山十六日該撫督率各路兵勇

齊攻漢陽又將四面賊卡土城盡行踏毀漢

川餘匪亦經李保邦等分投搜捕殘賊敗逃

無難次第撲滅其德安之賊屢次圖竄均經

官軍擊回等語此次胡林翼親督水陸各軍

奮勇渡江立克漢鎮復能不避艱險進逼漢陽辦理均屬得手著即乘此聲威激勵兵勇迅圖克復漢陽並著官文會同西凌阿將德安賊匪合力夾擊悉數殲除毋再延緩○諭軍機大臣等官文奏官軍克復漢鎮進圍漢陽現擬親往涇口相機進剿一摺此次漢川漢口先後克復漢陽逆匪亦已窮蹙德安賊援已斷其圖竄漢川者復經兵勇截擊殲擒若能乘此機會南北夾攻何患德安不克官

平定大子一

三

文所派顏朝斌等一軍現在全抵應城正當德安之西南該督親往涇口當德安之東南西凌阿若株守隨州不思進取豈將以攻復之事全諉之南軍耶況該大臣兵勇不下八千隨州團練數逾二萬北路聲勢不為不壯何以連日尚未進兵朕授西凌阿為欽差大臣原不專為德安計今併一德安亦不能克潰敗退縮任意遷延一至於此試問何顏對朕著即督率官兵團勇迅速前進與南路兵

平定大子一

四

勇前後夾擊務將德安府城剋期攻復不得再有耽延所統各鎮將內有畏葸不前約束不嚴者即行據實嚴叅進兵日期並著速行具奏官文現往涇口正可上援德安下應漢陽著一面會同西凌阿迅速夾攻一面與胡林翼聲勢聯絡以期肅清江北毋失事機再西凌阿前奏實存投誠義勇二千二百餘名現已造具花名清冊其竄入賊夥之六百六名係何姓名何處籍貫亦著查明造冊附報咨送軍機處呈覽將此由六百里加緊各諭令知之○又諭戶部奏請催商船回南兌運新漕一摺本年江浙海運漕糧於六月內一律抵津該商船等赴奉天裝運豆石後自應催令南下以備封雇著英隆恆毓桂良崇恩督飭沿海將弁凡有停泊海口之沙船蜆船並東衛各項船隻均催令迅速南行駛赴上海水次受雇毋許停留貽誤惟奉天山東洋面屢有盜艇往來恣行劫掠以致該商船等

不敢南駛前經諭令怡良吉爾杭阿派兵會
勘疊據該督等以挖督等船俱已入江現飭
蘇松太道雇覓高大船隻酌撥兵勇派遊擊
張鳳翔統帶仍飭署都司周建勛將原帶挖
督船五隻折回上海連檣赴東會勘現在海
口盜艇雖據英隆等奏稱業經駛赴外洋仍
未知其潛蹤何處自應亟籌勦捕以靖海洋
使商船得以遄行無誤上海受兌之期所有
張鳳翔等師船著怡良等嚴行催趲前進直

廣東通志

上

抵山東奉天勦捕艇匪並著英隆等探明該
師船行抵各海口時即飭沿海弁兵會同堵
擊務期洋面肅清無留餘孽至商船兌運新
漕募勇自衛是否可行著怡良吉爾杭阿何
桂清遵照前旨悉心妥議來年江浙漕糧仍
辦海運並著邵燦會同該督撫及早籌畫俾
得迅速起運將此由五百里各諭令知之○
署陝西巡撫載齡奏請以黃金定價抵銀行
使命軍機大臣會同戶部妥議尋奏該撫通

籌全局為裕國便民起見應如所請試行並
酌擬章程十二條一成色宜酌定一價值宜
酌中一交官之項分別覈辦一收納地丁於
串票內添註數目一解部之款與白銀並解
一協撥餉銀搭解黃金一各省放款視所收
之數酌量搭用一部庫放項視金數之多寡
隨時酌辦一出納按照向來收放定章一收
放黃金就現銀款內分搭一官銀錢號令各
省一體開設藉資兌換一產金省分宜令試

廣東通志

六

行開採從之○以防守東河口岸出力賞通
判王濯知縣童挺花翎通判陳丙昌等藍翎
餘加銜升敘有差○壬辰遣官祭黑龍潭
昭靈沛澤龍王之神玉泉山
惠濟慈佑靈護龍王之神昆明湖
安佑普濟沛澤廣生龍王之神密雲縣白龍
潭
昭靈廣濟普澤龍王之神○遣官祭圓明園
惠濟祠

河神廟○諭軍機大臣等托明阿奏長圍工竣並水陸進攻獲勝一摺覽所奏進攻瓜州情形僅止逐日出隊小有斬擒於克復機宜毫無把握所築土圍西連土橋東近虹橋距賊壘皆已甚遠僅能阻賊撲營為該大臣自固之謀豈能制賊死命若竟恃為長策不思設法進攻該逆雖不能東西旁竄而南面仍復通江亦復何益於事況吉爾杭阿既有南北並舉之議則鎮江得手之時瓜州即應實力攻擊乃初七日之戰亦止誘賊出巢奮力擊退旋因風雨復作撤隊回營仍不過數日一奏敷衍了事名為同時並舉有何出奇制勝實見功效之處遷延貽誤責有攸歸該大臣等清夜自思能無愧悚蕞爾瓜州久攻不下現辦築圍等事勞費無益克復之機不繫乎此若不擣其巢穴不足為該大臣等功績區區小勝何足以慰朕念耶托明阿營中尚多宿將非不能自奮者並即嚴行傳諭務各

奮勉圖功剋期攻克瓜州不得再有延緩其金陵下竄賊船即飭知葉常春等及陸路防堵之武慶等嚴加防範不可稍有疏虞覽此次所奏浦口水陸勝仗較之瓜州尚有實際仍著責成該總兵等實力堵截並隨時與陳國泰師船聯絡使西南兩面水師聯為一氣以杜該逆窺伺將此由六百里諭令知之○又諭前因曾國藩奏叅江西巡撫陳啟邁濫保員弁徇庇屬吏各款蹟當經降旨將陳啟邁革職令文俊於到任後將曾國藩所叅各情節詳查具奏本日據陳啟邁奏到遵保南饒勦匪出力員弁並革員功過相抵斥革控案舉人各摺片南饒勦匪出力員弁兵勇此次單開是否實係殺賊立功著有勞績堪膺保奏者著文俊按照原單詳細查明再行具奏已革饒州府知府胡正仁萬安縣知縣王家棟陳啟邁稱其收拾潰兵克復城池尚知愧奮援案請功過相抵該革員等是否如摺

內所稱情節亦著查明至舉人彭壽頤控告萬載縣知縣李皓一案前曾國藩摺內有陳啟邁徇庇該縣陵虐舉人等語著文俊確切查明該縣是否有棄城逃走之事彭壽頤有無冤抑一併提集人證卷宗歸案秉公研訊確情按律定擬具奏陳啟邁原摺單片均著抄給閱看將此由四百里諭令知之○又諭崇恩奏山東各州縣被水情形等語本年豫省蘭陽汎黃水漫溢直注東省穿過運河漫

平欽差二十四

九

入大清河歸海荷澤濮州以下壽張東阿以上盡被淹沒他如東平等十數州縣亦均被波及徧野哀鴻實堪憫惻前經諭令該撫亟籌撫恤並截留漕米五萬石先行賑濟以期及早安輯又令揀派幹員會同張亮基查勘水勢設法疏導使橫流毋再旁趨以保護民田廬舍諒已次第籌辦其曹州一帶捻匪併著嚴飭所委文武各員實力巡防毋稍疏懈至東省前撥甘黔廬揚各處兵餉均係刻不

容緩現在被災處所雖有十餘州縣其完善之區尚可催徵錢糧以資支應何得一籌莫展概置餉項於不問該撫豈不知部庫支絀各路待餉孔殷苟有天良應如何竭力籌畫共濟時艱耶所有欠解軍餉仍著設法撥解毋誤要需將此諭令知之○命太常寺少卿張煒為奉天府府丞兼學政翰林院編修呂序程提督山東學政岳世仁提督山西學政俞樾提督河南學政修撰孫如僅提督陝甘

平欽差二十四

十

學政編修張金鏞提督湖南學政詹事府詹事龔寶蓮提督廣東學政右中允沈炳垣提督廣西學政翰林院侍講吳存義提督雲南學政國子監祭酒吳保泰提督福建學政順天學政張祥河江蘇學政奎章安徽學政沈祖懋江西學政廉兆綸浙江學政吳式芬湖北學政馮譽驥四川學政鄭瓊詔貴州學政鮑源深均留任○癸巳上詣巡暉殿

大行皇太后几筵前供奠○遣官祭

文昌帝君廟○諭內閣

大行皇太后梓宮前自大祭禮後著原派奠酒之恭親王奕訢醇郡王奕譞鍾郡王奕詒孚郡王奕譔貝勒奕誼怡親王載垣成郡王載銳並值宿之豫親王義道肅親王華豐克勤郡王慶惠貝子載容公載莪每日輪班奠酒○又諭陳啟邁奏革員因病告假請令回籍等語已革總兵趙如勝前據曾國藩奏稱該

革員在吳城鎮聞賊先逃並防堵不力以致

二

饒州郡城失陷當降旨交文俊查辦趙如勝既有參款著不准回籍仍留江西聽候查辦○又諭陳啟邁奏勦辦義甯賊匪大獲勝仗現擬分路進攻一摺據稱義甯州城賊匪屯聚南岸豬婆灘及北岸州城西門坑鳳凰山等處約二萬餘人七月初五日甯紹台道羅澤南帶領湘勇行抵梁口知府林懋勳進剿三都山總兵劉開泰移營黃沙橋賊由梅嶺

分三路來撲營盤該道飭知府李續賓等帶領兵勇分投迎擊計殲斃賊匪七八百名溺斃數百名其敗逃浮江而過者被林懋勳兵勇殺斃七十餘名內有黃馬褂賊目一名南岸敗匪經羅澤南等追逐二十餘里生擒賊匪三十餘名奪獲軍裝器械無算此次勦辦尚為得手仍著該鎮道等乘此聲威攻克州城迅殄醜類所有打仗出力員弁著文俊查明保奏候朕施恩○諭軍機大臣等向榮奏攻擊蕪湖賊壘並連營進逼水陸合圍一摺我軍攻克蕪湖後濱江賊壘及小河南北兩賊營尚未攻破蕪湖之險仍恐未能堅扼自六月二十日後將弁兵勇皆能各出死力艱險備嘗而賊壘仍未攻破范羅山地方轉又添有礮臺賊守愈堅則上下游賊黨皆能往來援應我水陸兩軍深入重地甚為可慮即長山五營經二十餘日之久大小十餘戰甫能剷定據稱已可扼斷梁山之路絕該逆逃

竄之途尤不可不加意慎重以全力扼此關鍵著向榮督飭該水陸提鎮併力合謀先將寶塔根石壘埽平俾蕪湖險隘不致得而復失一面嚴飭水師各營豫防上游賊船乘隙下襲我軍據守險要然後乘勝上下勦洗庶幾肅清沿江大局得有把握矣將此由六百里加緊各諭令知之○又諭英隆等奏佃民抗租拒捕派兵緝拏一摺該犯霍義等糾眾抗租經委員帶兵往拏輒敢踞險拒捕實屬

軍機處存案

十三

啓不畏法各社佃戶被霍義等煽惑延不完租若非懾以兵威恐難解散英隆等現經添派弁兵往勦即著飭令該協領恆泰等實力搜捕務將該首犯霍義等拏獲從嚴懲辦仍設法解散脅從曉諭各佃照舊交租無任再被糾脅以期迅速嚴事將此諭令知之○又諭扎拉芬奏圖伽布奏喀什噶爾有賊進卡已派兵迎擊豫籌應援一摺本年六月間喀什噶爾所屬阿斯圖阿爾吐什莊回子拏獲

潛入卡內賊匪王散霍卓依善等十三名送城審訊該賊首鐵完庫里窩里罕等竟敢率眾入卡竄至玉斯圖阿爾吐什地方且有布孜爾罕隨後亦來之語業經倭什琿布商令總兵穆特恩泰帶兵迎擊扎拉芬泰等並行知烏什嚴密防堵若能即時嚴事固屬妥善儻賊數眾多兵力不敷即留法福禮在城防守著常清就近帶兵前往督勦務當併力迎擊將夷眾迅速殄滅毋任故智復萌滋蔓貽

軍機處存案

十四

患儻或賊眾猖獗有必須應援之處即著圖伽布馳往辦理並著酌帶領隊大臣一員隨同前往至該將軍等所籌先期布置一節自可有備無患惟須持以鎮靜不可稍涉張皇此股夷匪總須迅速撲滅葉城相去不遠調兵轉餉均屬甚便著責成常清等嚴堵速勦斷不可稍有縱弛以致重煩兵力將此由五百里各諭令知之○○緩徵江西安仁縣近賊地方上年額賦○甲午諭內閣英桂奏勦辦

光州所屬擒匪。擒獲首要各犯一摺。河南擒首易添富等。竄踞光山等處。疊經官兵收復。該匪復聚黨分路竄匿。經邱聯恩、廖慶謀等先後將逆首王黨等拏獲。正法並擒斬擒首陳贏子等共計四五百名。汝陽縣知縣金朝棟復督同勇目喻洪安等將逆首易添富擒獲。並格殺夥匪淨盡。嗣邱聯恩等復於黃家樓等處拏獲擒首黃五雷等多名。殲斃夥匪一千餘名。該犯易添富戕官踞城罪不容誅。

實錄卷一百七十四

十五

業已訊明正法。地方一律肅清。勦辦尚屬認真。所有在事出力員弁著英桂擇尤保奏。候朕施恩。○諭軍機大臣等。英桂奏新鄉解圍餘匪未散。擬親往督辦一摺。新鄉匪眾經崇安督兵進剿。立解城圍。分派將弁赴鄉搜捕。復斃多名。雖近城一律肅清。而餘賊退踞各鄉莊。為數尚多。並敢在龍泉寺地方挑濠抗拒。非痛加懲創。恐致勾結蔓延。據探德安賊匪無多。所有信陽防堵事宜著交邱聯恩接

實錄卷一百七十四

十六

辦。該撫即親赴衛輝督飭總兵崇安署臬司周士鏜並直隸派往之總兵史榮椿道員聯捷等合力勦捕。務獲渠魁。盡法懲治。其脅從餘黨並著妥籌解散。總宜恩威並用。戢暴安良。庶各屬徵收錢糧不致效尤。貽誤。諒該撫必能體察機宜。消除內患也。將此由五百里諭令知之。○調盛京刑部侍郎書元為戶部侍郎兼管奉天府府尹事。盛京工部侍郎善燾為刑部侍郎。以光祿寺卿錫齡為盛京工部侍郎。○以大理寺卿聯奎為都察院左副都御史。烏魯木齊都統賡福因病解任。以盛京戶部侍郎恆毓為烏魯木齊都統。○補鑄福建永安縣知縣。安砂湖口兩巡檢各印信。從巡撫呂佺孫請也。○展緩浙江定海廳被水被旱地方節年減徵額賦。○乙未諭軍機大臣等。扎拉芬泰圖伽布奏喀什噶爾擊賊獲勝。並添兵分路堵剿一摺。此次賊首鐵完庫里與窩里罕同時率眾進卡滋擾。業經

官兵沿途擊敗斃賊多名辦理尚屬得手惟該匪並未大受創懲難保不復來入寇或別擾他城該處兵力尚單若必待援於伊犁恐一時有鞭長莫及之勢著常清遵照前旨就近帶兵前往督勦設賊眾猖獗必須伊犁發兵援應圖伽布亦即馳往督辦務當合力兜擊將該匪迅速撲滅不致回民受其裹脅方為妥善至該匪入卡啟釁根由並著常清倭什琿布確切查明據實具奏仍一面知照烏

軍機處

上

付嚴密防堵毋令分竄將此由五百里各諭令知之○欽差大臣西凌阿等奏督兵分路前進並約期夾攻德安以圖進取得旨西凌阿等此次進兵若不能迅復德安國法豈能再宥耶○撫恤琉球國遭風難夷如例○丙申

上詣迎暉殿

大行皇太后几筵前行大祭禮○以大學士賈楨為順天鄉試正考官吏部尚書花沙納戶

部右侍郎何彤雲為副考官○以兵部尚書周祖培署兼管順天府府尹事戶部尚書文慶兼署吏部尚書禮部右侍郎杜翱兼署戶部右侍郎兼管錢法堂事務○丁酉祭

先師孔子遣兵部尚書周祖培行禮諭軍機大臣等都興阿等奏驛路被淹繞探赴楚一摺此項官兵赴楚攻勦刻難遲緩現因東昌一帶赴豫之路水勢浩大無可繞行該副都統擬繞至德州等處再行分起由直隸境

軍機處

上

界趕程前進所有軍裝口糧東省尚未運送到營著崇恩設法解送俾得星速遄行其經由直隸地面並著桂良飭令地方官備辦車輛接濟軍糧毋令缺乏致滋貽誤將此由五百里各諭令知之○又諭本日據和春等奏稱前奉部續撥浙江鹽課銀七萬四千兩協濟皖餉據何桂清咨稱無款動解惟皖省待餉甚殷自當力籌協濟著何桂清酌度情形不拘何款即行撥銀數萬兩派委委員解赴

廬州軍營以應急需將此由五百里諭令知之○江南提督和春等奏已革副都統忠泰患病請飭回旗得旨著即勒令回旗不准留營効力○以吏部尚書翁心存署翰林院掌院學士○以鑲白旗蒙古都統德興署鑲藍旗漢軍都統正白旗滿洲都統薩迎阿署正紅旗蒙古都統○改鑄浙江瑞安縣知縣印信從巡撫何桂清請也以堵勒安徽芝蔴港賊匪出力賞河南河北鎮總兵官吉順花翎予陣亡遊擊伊林布千總楊萬傑外委賀世鵬祭葬世職○予江蘇陣亡知縣鄧楚翹千總封度祭葬世職○戊戌祭大社
大稷遣睿親王仁壽恭代行禮○諭內閣朕仰承
大行皇太后慈恩履庇禮極尊崇
山陵大事亟應敬訊吉壤惟念
慕陵妃園寢為

皇考欽定位次即為
大行皇太后靈爽所憑自應恪守
成規藉安
慈馭謹將
慕陵妃園寢恭定為
慕東陵此次奉移
大行皇太后梓宮即暫安於
慕東陵正殿所有應行添建工程著派吏部尚書翁心存兵部尚書阿靈阿工部右侍郎基溥會同前往敬謹辦理○已亥
太宗文皇帝忌辰遣官祭
昭陵
上詣迎暉殿
大行皇太后几筵前行初滿月禮○諭內閣本日已舉行
大行皇太后初滿月祭祀嗣後王公官員等服色均著照百日後之例穿尋常袍青褂並戴緯帽其在京兵丁旗人等前經禮部奏請照

民人之例。於一月後嫁娶兵丁旗人與軍民人等。一月後既經嫁娶並著一體薙髮。○又諭湖南提督塔齊布由侍衛揀發都司游升遊擊副將在湖南勦賊疊著戰功朕知其忠勇奮發由副將超授提督上年帶領官軍克復武漢追賊九江身經百戰所向無前疊經朕賞戴花翎並賞給喀屯巴圖魯名號騎都尉世職賞穿黃馬褂該提督年力正壯方冀迅克殄郡淨妖氛渥膺懋賞本日據陳啟

奏

摺

邁奏該提督陡患心悸甫經半日在營病故披覽之下悼惜殊深塔齊布著照將軍軍營病故例賜卹准其入城治喪任內一切處分悉予開復應得卹典該衙門察例具奏並著該旗查明該提督子嗣百日後帶領引見候朕施恩尋奏上予祭葬諡忠武並於湖南省城建立專祠○又諭陳啟邁奏追勦義甯州賊匪疊獲大勝克復州城一摺逆匪自占踞義甯州城後南北兩岸近城險隘俱築營壘

以圖抗拒七月十三日浙江甯紹台道羅澤南移軍駐劄乾坑賊眾七八千人分路抄來該道率同候補縣丞蔣益澧等併力夾擊斃賊六百餘人生擒五十餘名十四日賊眾四五萬由鳳凰山等處進至鼇嶺我軍分隊截擊殺斃一千六七百人經各勇追殺又斃二千餘人其右路之賊占踞雞鳴峯巔四面被圍殺斃跌斃者甚多統計斃賊六千餘人生擒二百七十餘名奪獲大小旗三百餘面十

奏

摺

五日贛州鎮總兵劉開泰於南岸分路進兵直搗賊營殺斃三四千人斬獲首級五百餘顆生擒二百四十餘名是日午刻羅澤南復派兵於雞鳴峯等處截殺焚燒賊營賊眾大潰投水者千餘人十六日劉開泰羅澤南約同南北兩軍合勦各兵勇奮力登城州城登時克復殺斃賊匪千餘人生擒四百餘人此次勦賊連獲大勝克復州城辦理尚為得手羅澤南著賞加布政司銜劉開泰著交部從

優議敘安慶府知府李續賓著交軍機處記名以道員請旨簡放知州銜候選知縣李杏春候選知縣唐訓方均著以同知直隸州知州不論雙單月即選候補縣丞蔣益澧著以知縣補用並賞加同知銜候選訓導鍾世楨著以知縣升用候選從九品蕭積仰著以府經歷縣丞不論雙單月即選千總吳邦柱記拔千總即補把總吳邦樞候補千總孫衡山均著免補本班以守備補用守備林保戴正才均著以都司升用其餘在事出力員弁著文俊查明另行彙案奏請獎勵○諭軍機大臣等李鈞奏遵旨覆陳蘭陽大工情形一摺現因軍務未竣籌餉維艱蘭陽大工不得不暫議緩堵該河督已派張亮基前往被水各州縣會同履勘設法疏導其如何防護城垣村莊截流束水俾無支分泛濫之處著俟該委員等查勘明確即行繪圖貼說詳悉具奏至蘭陽汎口門以下各廳隄埽以及東境張

秋鎮穿運處所補隄挑河各工若查係必不可緩著該河督設法籌款次第辦理不可因大工有緩堵之議稍涉大意將此諭令知之○又諭陳啟邁奏提督塔齊布病故等語楚南水陸兩軍互為聲援全賴統領得人方可得力該提督遽爾溘逝雖據陳啟邁奏稱曾國藩現已親往潯營分別部署惟水陸兩路斷難以一人兼顧著曾國藩於江西軍營帶兵之文武官員中擇其謀勇並裕可為統帥者據實保奏並無論他省及各路軍營人員果為該侍郎素所深悉者均准奏請調往俾令統帶全軍藉資勦辦現在九江逆賊深恐奔突或致蔓延曾國藩諒能妥為防範並著速行奏報將此由六百里諭令知之○以陝西巡撫吳振械兼署提督○以荊州將軍綿洵暫署湖北提督○以四川建昌鎮總兵官武隆額為湖南提督成都中軍副將占泰為建昌鎮總兵官○庚子

上詣

安佑宮行禮○大學士九卿等遵旨謹擬恭上

大行皇太后

尊諡曰

孝靜康慈弼天撫聖皇后奏入

上宣諭曰欽惟

大行皇太后德懋溫恭儀昭恪慎

雍肅樹宮闈之範

慈祥垂覆育之恩

增補卷一百一十四

十一

大嫔難名

遺徽永著愴懷

摯愛宜極推崇昨以

仙馭遐升特命廷臣議崇

諡號茲據大學士九卿等會同集議敬謹擬上

尊諡並博考載籍酌覈以聞朕忍痛摠誠彌難

自己伏念緣情制禮

劬恩宜報以

隆稱酌古準今

盛典恪遵夫

成憲詳閱諸臣所奏援引古禮請於

尊諡之下不加

廟諡爰考曾典所載

太祖高皇帝三后惟

孝慈高皇后配祔

太廟

諡號稱高是別殿奉祀稱號宜殊非惟前代之

舊章實本我朝之定制今

增補卷一百一十四

十一

明裡鉅典朕不敢以感

恩之故稍越常經

景鑠鴻名朕何敢以盡孝之私致踰定禮自應

俯如廷議謹就

徽號康慈二字合之恭上

尊諡稱曰

孝靜康慈弼天撫聖皇后庶幾體

謙沖之至德億禩咸欽展尊敬之微忱環瀛共

諒上儀允洽茂典式符所有應行典禮該部

敬稽成例具奏○以辦理軍需出力予兵部郎中訥蘇肯等加銜升敘有差○辛丑

太祖高皇帝忌辰遣官祭

福陵○諭內閣恭理喪儀王大臣等奏秋分後

朝晡二奠時刻一摺

大行皇太后梓宮前每日朝奠著仍於辰初初刻晡奠仍於申初初刻供獻○又諭給事中蔡燮奏請變通籌餉事例一摺京察截取記名及應補道府各官報捐分發掣定省分後

實錄卷一百一十四

五

自應歸該省酌量補用藉資練習未容以他省之缺請簡至各省道府有因捐輸軍餉交軍機處記名請簡者奉旨後仍由戶部按奏定章程覈算該給事中請照捐升及分發銀數加倍報捐與奏定章程銀數亦屬懸殊所奏窒礙難行著毋庸議○壬寅諭內閣禮部

奏恭上

大行皇太后尊諡典禮請旨遵行一摺所有此次恭上

大行皇太后尊諡著欽天監敬謹選擇吉期具奏應行典禮事宜即遵照道光三十年成案辦理恭上

尊諡之日著派恭親王奕訢貝勒奕諒捧帛獻爵禮成後遇有書寫

大行皇太后字樣俱著敬謹書寫

孝靜康慈皇后該衙門知道○恭理喪儀惠親王綿愉等奏各路出征官兵經禮部奏准免其齊集舉哀制服不摘冠纓現當逆匪未平

實錄卷一百一十四

五

時有征調京營旗營綠營訓練操防與出征官兵同關緊要謹擬在京八旗之驍騎等營所有武職章京將弁自三品以下無論旗營綠營均准於一月後薙髮至外省駐防及綠營官員兵丁並軍民人等均照在京武職官員兵丁民人之例一律遵行其

大行皇太后几筵前執事各員及守衛

殯宮官員兵丁凡在檔木以內者仍俟百日後薙髮以昭區別從之○喀什噶爾領隊大臣

倭什暉布等奏喀什噶爾卡外賊匪起意滋事先期拏獲復有夷匪糾約布魯特竄入卡內滋擾經官兵迎擊獲勝餘匪逃竄遠颺官兵撤回歸伍現在嚴密防堵報聞○癸卯秋分夕	月於西郊遣豫親王義道行禮○	上詣	安佑宮行禮○諭內閣前有旨	大行皇太后奉安	山陵禮成後恭奉	神牌黃輿還京	升祔	奉先殿惟念	大行皇太后現諏吉於十月二十五日奉移慕東陵距永遠奉安之期為時尚遠若必俟神牌黃輿還京後始行	升祔典禮轉無以妥	先靈而伸敬禮所有
--	---------------	----	--------------	---------	---------	--------	----	-------	---	----------	----------

實錄卷一百七十四

三十九

大行皇太后神牌即著於綺春園敬謹製造並著欽天監於十月二十五日以前選擇吉期敬謹	升祔	奉先殿一切應行典禮著該衙門查例具奏○	甲辰	上詣迎暉殿	大行皇太后几筵前供奠○山東巡撫崇恩奏黃河分徙情形並籌堵漫口得旨張亮基抵東後汝再與之熟籌不可豫存成見○乙巳遣官祭	關帝廟
---------------------------------------	----	--------------------	----	-------	---	-----

實錄卷一百七十四

四

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百七十四

實錄卷一百七十四

三十一

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百七十五

欽修
咸豐五年乙卯八月丙午遣官祭昭忠祠
諭軍機大臣等英秀等奏土匪流民聚眾焚
燒俄囉斯貿易園子並劫貨物一摺已諭令
扎拉芬泰派員前往會同查辦矣該處土匪
流民將俄囉斯貿易園子焚燒搶劫貨物理
應將不法流民嚴行拏辦以期息事何遽張
皇失措紛紛咨調援兵現在該國並未率眾
前來即使該國果有入卡報復情事該大臣
等亦祇當妥密防範明白曉諭許以嚴拏土
匪從嚴懲辦切不可與之開仗致該國得以

實錄卷一百七十五

一

藉口。儻或不知輕重。妄啟邊釁。朕惟英秀等是問。為首流民五名。現已拏獲。未獲要犯。仍著嚴拏。並先行知照該國管貿易官。俟伊犁派員到時。會商妥辦。啟釁根由。並著查明具奏。該大臣等。惟當持以鎮靜。並曉諭在城兵民。無得慌亂。以安人心。為要。將此由五百里諭令知之。○又諭英秀奏土匪流民聚眾焚燒俄羅斯貿易園子。搶劫貨物等語。據稱現已知照伊犁派員赴塔爾巴哈台。會同籌辦。

軍機處

二

著扎拉芬泰。即行遴派明幹曉事之員。前往該處會同辦理。此係土匪流民聚眾搶劫。止應實力嚴拏。盡法懲治。以服該國商人之心。即使該夷商等率眾前來。亦止可以理曉諭。告以滋事人犯。現在趕緊查拏。遵照章程辦理。該夷商等亦必帖服。無詞。何至遽有調兵之舉。本日已諭知英秀。富勒胡善。持以鎮靜。不可擅啟兵端。著扎拉芬泰。即將現在嚴拏匪犯。及派員前往會辦各情節。就近知會伊

犁管貿易夷官。先安其心。一面飭令所派之員。將啟釁根由。確切查明。據實具奏。至英秀等現已添兵巡防。不知該夷商等是否已有知覺。儻該夷商等本無率眾入卡之心。因此轉生疑慮。尤不可不亟為解釋。著扎拉芬泰。妥速偵探。即密咨英秀等。妥為安頓。不可張皇。並曉諭該夷商等。現在添兵。係為查拏匪犯。並非別有緣故。庶可豫釋其疑。萬不可任令英秀等輕舉妄動。率行開仗。致釀事端。將

軍機處

三

此由五百里諭令知之。○以浙江捐輸軍餉。永廣鄉試中額一名。錢塘縣學額十名。山陰會稽二縣各三名。仁和餘姚上虞三縣各二名。嵊縣一名。○丁未諭軍機大臣等。御史張佑奏。州縣藉差冒銷一摺。據稱陵差經過地面。所費皆由各州縣協濟。並分段攤派。地方官不應再領辦道銀兩。乃前任宛平縣楊春和等報銷。竟至六萬六千餘兩。或八萬餘兩不等。又稱大興縣李朝儀被前署

柏鄉縣費懋德挾其冒銷底簿勒分銀一千兩宛平縣知縣何蘭馨被囚案擬遣之知縣高銜強欲抽分銀八千兩稟揭有案等語著順天府府尹直隸總督查明據實具奏此後差務報銷如何覈實樽節以重經費著查照舊案嚴定章程以杜弊混原摺鈔給閱看將此各諭令知之○湖南布政使文格奏報到任日期得旨汝才長心細朕知汝實堪勝任惟事事務實不染習氣以副朕恩○江南河

實錄卷一百七十五

九

道總督楊以增奏請將河標軍政俟軍務告竣再行辦理允之○戊申諭內閣葉名琛柏貴奏連州等城被匪攻陷先後克復一摺上年四月間廣東連州有遊匪竄入疊經官軍擊退七月間復有英德匪徒竄至並分股駕船於閏七月二十三日將三江城池攻陷署三江協副將博爾恭阿自焚殉難署都司光裕等亦皆陣亡賊匪併力攻撲州城知州張壽齡等出城抵禦匪由東門竄入張壽齡等

實錄卷一百七十五

上

隨往上水堡地方集團協勦鄉民赴援者數萬人署吏目沈華亭等亦招聚散亡兵勇先後趕到至本年二月十六日奮勇進攻連州三江城池同日克復斃匪二千數百名生擒七十餘名擊沈匪船十餘隻淹斃匪徒不計其數奪獲礮位旗幟等無算其連山廳城亦於閏七月二十五日被匪闖入張壽齡密飭巡檢史致熙勸諭團練合力攻勦斃匪一千餘名於十月初七日將廳城克復此股賊匪疊陷城池經兼理知州張壽齡等會督弁兵激勵紳團將三城次第收復並將通賊之毛永康當場殺斃功過尚足相抵張壽齡等均著免其叅處所有在事出力員弁紳民著葉名琛等酌量保奏○又諭葉名琛柏貴奏匪徒竄至永安縣圍城滋擾疊經勦捕獲勝一摺上年閏七月間匪徒等由歸善杉園地方竄至永安縣屬藍塘滋擾疊次攻撲縣城署永安縣知縣吳贊誠督率兵勇分投抵禦共

計殲斃五百九十餘名。負傷奔逃三百餘名。生擒五十餘名。餘匪潰逃。城圍立解。該匪復糾合夥黨。於鷓鴣塘藍塘墟黃塘欖樹圍等處竄踞肆擾。吳贊誠等督飭紳士兵勇奮力擊勦。計共殲斃三百餘名。生擒四十餘名。其屯聚鮎魚浦地方之匪。復被壯勇圍剿。擊斃三百餘名。生擒首夥匪犯七十餘名。餘匪旋即敗遁。本年二月。復糾黨二千餘人。滋擾藍塘。吳贊誠會同委員喬泰階等督率壯勇練

下分路迎擊。焚毀賊巢。自黃泥凹追至杉園地方。共計斃匪五百餘名。生擒五十一名。奪獲礮位器械無數。此股匪徒由歸善越竄永安。疊次滋擾。勦辦尚屬得手。著葉名琛等嚴飭在事將弁奮力追勦。務將醜類盡殲。勿留餘孽。該署知縣吳贊誠督同紳士嬰城固守。各路分勦。俱臻妥速。著該督撫覈實保奏。諭軍機大臣等。托明阿等奏兵丁零用不便行使大錢。請停收停放一摺。據稱揚州軍營

自五月以後兵餉均經搭放。大錢兵民零星交易。諸多不便。以致所領大錢概行存留。恐日久不免抑勒居民滋生事端等語。兵丁月領口糧按月零用。為數無多。所領大錢與民交易。既多窒礙。若聽其概行積存。必至日用愈艱。如強之使行。又恐激而生變。均係實在情形。此後兵餉著照托明阿等所請。毋庸搭放大錢。其練勇口糧。即照兵丁口糧一體辦理。著分飭各捐局委員停止搭收大錢。並咨

會南河漕運各總督。所有撥解軍餉。搭解大錢之處。一併停止。以免壅滯。其六合江浦等處。行令一體照辦。至兵丁積存大錢。應否收回。另行鼓鑄。著文煜酌量辦理。將此由五百里諭令知之。欽差大臣托明阿等奏。截勦金陵下竄賊匪。獲勝得旨。仍應迅圖克復。瓜城與鎮江軍營約期齊攻。實為要著。兩廣總督葉名琛奏。密覆寄諭。詳陳喫味。咈各夷情狀。得旨。覽卿所奏各夷情狀。實屬明晰。亦

能善體朕意示以鎮靜不但杜其無厭之求並免另生不測以致擾亂大局卿其永勵斯志忍待軍務悉平彼時餉裕氣復朕斷不任其狡獪嘗試時存窺測○以廣東始興縣城被匪竄陷革知縣舒隆守備張瀚典史張禔職○予廣東陣亡都司博勒恭阿守備光裕千總徐文光鍾官龍把總魏光輝外委何兆清甘積華曾殿標陳本淦譚長官曹典章黃金麟張廣壽教諭楊翊司獄常光鼎祭葬世職額外外委甘海龍等賞卹如例○予廣西陣亡外委方兆祥祭葬世職領催陳良濟賞卹如例○己酉

上詣迎暉殿

大行皇太后几筵前供奠○諭軍機大臣等昨據官文奏酌帶兵勇於初七日起分起折赴德安此時諒已陸續馳抵該郡與西凌阿等南北夾攻本日據西凌阿等奏已於七月二十九日移營長林岡八月初九日進攻府城

間有斬擒該逆堅匿不出覽所奏情形東西北三面尚皆聲勢聯絡惟南面一帶無兵截勦官文前派顏朝斌由應城取道前往會攻何以日久尚未見到該督現又將中路川兵派往顏朝斌處是該參將所帶兵勇較多著即嚴行札催飭令迅速前進截住德安南面俾該逆無從下竄則攻克較易為力而官文亦可兼顧水陸兩路據西凌阿等奏獲犯供出德安之賊竄回漢陽者三千名存城之賊不過五六千人並有已往金陵求救之語是該逆不能堅拒必圖南竄即死守待援亦必從南面勾結其漢川漢陽兵勇駛船雖有常恩管帶是否足恃魁玉等接駐仙桃鎮能否嚴扼中路並著官文妥籌布置德安府城固不可不以全力進攻胡林翼一軍深入無援亦不可不為接應庶免顧此失彼西凌阿此次進攻府城仍未見實有把握此時各營兵勇已步步進剿即著迅速設法務將城池剋

期攻復以便與官文合兵南下直擣漢陽不得因該逆現已不能北竄遂視進取為緩圖儻曠日相持賊援踵至該大臣等延誤之罪不能曲貸也將此由六百里加緊各諭令知之○又諭寄諭河南巡撫英桂有人奏知縣散法殃民請旨查辦一摺據稱河南署光山縣知縣張紹英於捻匪易添富等肆擾息縣時即將眷屬錢糧監犯搬至南鄉迨捻匪竄入境內該署縣竟與書吏等微服先逃以致

平定縣志卷之五

十

鄉勇潰散縣城失守直至官兵克復縣城後該署縣始行回署復搭括紳民銀錢指為乘亂盜庫概令入官又罰修衙署各等情著該撫即照所參各款逐一嚴查該署縣前以失守被參革職留任如果實有聞賊先遁魚肉民生情事即行據實嚴參毋稍瞻徇原摺著鈔給閱看將此諭令知之○以攻克湖北漢鎮擒斬賊匪蕭朝富等出力賞守備孫昌凱張榮貴王明山萬化林李濟清花翎外委喻

俊明等藍翎知府彭玉麟等加銜升擢有差予陣亡守備黃開進唐培植千總蔡宏元把總王席珍王席義外委張輔童玉庭陸洪福金芝龍祭葬世職○予湖北陣亡參將劉富成祭葬世職如副將例○庚戌諭內閣桂良奏請將那用地糧率請作正開銷之知州調省查辦一摺即補知府李麟遇前在直隸景州知州任內支發勇糧築修套隄動用銀錢數目與原稟均不相符且數逾鉅萬並未詳

平定縣志卷之五

十一

請奏咨率請作正開銷實屬荒謬該員現在湖北軍營著西凌阿飭令迅赴直隸聽候覈辦如查有浮冒情弊即著嚴行參奏○諭軍機大臣等扎拉芬泰等奏派員安撫夷人備兵策應一摺俄囉斯貿易夷人因與它金民人結讎致有焚燒園子搶劫貨物之事不過細故小嫌英秀遽行咨調弁兵不但無以折服夷心並恐激生事變經扎拉芬泰等派員前往查辦既據該夷官匡蘇勒呈稱辦法平

允該商人不散進卡私關英秀等惟當將未獲各犯趕緊嚴拏遺失貨物按令賠償庶不致構兵啟釁扎拉芬泰等雖豫備應援仍派員先往安撫不若英秀等之張皇失措正與前次諭旨相符辦理尚屬妥協本日已諭理藩院將現在嚴辦各犯情形咨行薩納特衙門該將軍等一面飭令協領圖們泰哈布齊賢明白開導並移付西畢爾令該吏商聽候訊辦勿得輕率貽誤將此各諭令知之○以

實錄卷一百七十五

一

京口駐防協領致祥署京口副都統○予江蘇陣亡都司黃天偉祭葬世職○辛亥諭軍機大臣等駱秉章奏軍餉緊急請飭四川速籌借撥一摺湖南南北兩路均屬喫緊防勦兵勇數至兩萬有餘欠發各營鹽糧有自月餘至兩月者司庫道庫提用無存情形實屬急迫四川為完善省分自應代籌接濟著黃宗漢於該省無論何款暫行借撥銀十二萬兩委員解赴湖南以濟急需俟湖南捐輸錢

糧徵收有款即行陸續撥還將此由五百里諭令知之○予湖南陣亡把總汪廷富外委胡首法夏士舉祭葬世職○壬子諭內閣禮部奏

升祔事宜請旨遵行一摺十月十九日

大行皇太后神牌

升祔

奉先殿前期三日告祭

天

實錄卷一百七十五

二

地

太廟後殿

社稷壇前期一日照例祇告

奉先殿其恭上

尊諡並

升祔禮成應行頒詔即遵照乾隆四十二年成

案於

升祔次日併作一次舉行所有應行事宜著各

該衙門敬謹辦理○諭軍機大臣等英秀等

奏俄囉斯夷商與民人啟釁情由。自請嚴議議處一摺。此案民人因它金構釁聚眾放火焚燒夷人房屋搶掠商物該大臣等即應立時查拏分別懲辦。前次奏稱徵調伊犁官兵已屬駭人觀聽。本日據奏偵探夷情細察哈薩克情形尚安游牧並敘述啟釁根由稱該民回等聚散無常似難一律嚴拏重治。是英秀等辦理此事實屬毫無把握。此輩匪徒若不嚴行拏辦無以折服該夷之心日久必開

大清宣統元年

十月

邊釁且匪蘇勒等是否往愛古斯一帶地方尚無確據難保其不聚眾前來報復所稱遠避無蹤實難憑信。英秀等於邊疆重地布置一切尚未合宜著扎拉芬泰諭令派往安撫之員幫同英秀妥為辦理即將未獲各犯設法拏獲秉公剖斷俾夷心輸服不致藉端生事而無業游民亦不至毫無忌憚務當持以鎮靜暗中防範毋涉張皇方為妥善將此諭令知之○賞喀爾沁頭等塔布囊察克魯克

扎布花翎在乾清門行走○癸丑世宗憲皇帝忌辰遣官祭

泰陵○

上詣

安佑宮行禮○以勦辦廣東省城北路賊匪出力賞都司衛佐邦巴圖魯名號協領來存主鎮雄佐領格綢額賈穗黃世藩防禦舒倫王槐承聯王光表李松柏參將濟山守備翟錦齡陳定邦同知銜林福盛雲騎尉林福緣等

大清宣統元年

十月

花翎騎校劉建斌等藍翎餘加銜升敘有差○甲寅諭內閣曾國藩奏水陸官軍進攻湖口疊獲勝仗一摺逆賊占踞湖口阻遏舟師候選同知李元度等統帶陸軍由南康渡湖分三路直趨湖口各守卡賊匪均被殺斃官軍乘勝入城遂進攻下鐘山賊壘水師見陸軍既至奮勇直前賊匪始猶負固死守繼遂蜂擁出巢師船乘勢衝擊駛出大江賊眾披靡二十四二十五日水陸各軍復疊有新

獲此股賊匪。經官軍水陸會剿。連獲大勝。統計轟毀賊船三十餘隻。殲斃賊匪一千數百名。擒獲三十餘名。並生擒偽總制劉得勝。蘇繡成。偽旅帥杜得勝等正法。辦理均屬得手。著曾國藩督飭各軍。迅將下鐘山。梅家洲等處餘匪悉數殲除。毋任久踞。所有在事出力員弁兵勇。並著曾國藩查明保奏。諭軍機大臣等。前有旨。令景瀉挑選吉林官兵二千名。聽候調遣。嗣據覆奏。遵旨酌備一千名候

平定大案卷五十五

一

調。本日復據景瀉奏。額兵無多。不敷移撥。且該處近有紅毛方斯等夷船往來。當思有備無患。擬請將候調之兵。留資本省防守等語。自係實在情形。所有此項候調官兵一千名。著准其留於該省。以資防守。惟北路設有緩急需用之處。該將軍仍當遵奉前旨。豫為籌備。勿致臨時有誤。調遣將此諭令知之。又諭。本日據陳啟邁奏。上忙錢糧請展限造報一摺。據稱江西地方。多被賊擾。農功盡廢。民

平定大案卷五十五

一

困未蘇。各屬完解分數短絀甚鉅。自係實在情形。著照所請。本年江西省上忙丁耗等款。錢糧准其展至八月底奏銷。惟現在軍務未蒞。籌餉維艱。其本省應用各款。並軍營糧餉。皆係迫不及待。若因展緩奏銷。概行停催。將來何以為繼。該省固多被擾地方。其完善之區。尚復不少。著文俊於到任後。體察情形。仍於應徵地方。嚴飭該州縣實力催徵。毋任藉端延宕。以濟餉需。將此由五百里諭知曾國藩。文俊並諭令陸元烺知之。又諭。載增奏。荊州門戶緊要。擬親往潛沔一帶督兵堵剿一摺。據奏。賊由府河竄出。常恩所帶兵勇。遇伏潰敗。傷亡甚多。胡林翼漢陽大營。被賊潛襲。兵勇驚潰。蔡店亦於初五日復失。魁玉在沔陽。僅止兵勇二百名。荊州門戶空虛。自係實在情形。該署將軍欲親往潛沔一帶。原為嚴扼中路之計。惟所稱前往該處代督官文。水陸諸軍。以便該督問道輕騎馳赴德安。似

欲將官文所統各軍留於潛沔而令官文往就西凌阿之軍所慮未為周密官文帶往德安之兵已於初七日啟程勢不能再令折回沔陽且進攻城池亦非可以單騎從事該署將軍到沔後所謂代督者仍不過魁玉蕭蔭恩兵勇其事保邦等漢川一路及顏朝斌由應城赴德安一路皆係官文所統均不能撥歸潛沔一帶如果沔陽等處魁玉竟不可恃必須該署將軍親往止可咨商官文酌量抽

實錄卷一百五十五

十八

撥兵勇以資堵剿其水陸各軍何路應駐漢川何路應赴德安仍由官文調度庶彼此皆能相顧方為妥善將此由六百里加緊各諭令知之○兩江總督怡良等奏查明火輪船赴北洋原委並諭喚夷不得再由北洋開駛一面曉諭商民捐貲募雇內地勇船出洋巡緝不准借資夷力報聞○予江西陣亡都司蕭捷三祭葬世職如副將例○乙卯諭內閣前據禮部奏遵議臣工服色並酌擬嫁娶宴

會期限各等語當將原摺片留覽除百日内臣工服色及兵丁旗人嫁娶期限業經降旨遵行外其百日以後王公大臣文武官員均著穿常服不挂朝珠至

几筵前仍穿青袍褂帽摘纓緯凡遇祭祀齋戒執事人員以及朝會各典禮照例俱用吉服所有本年十月二十五兩日仍用常服挂朝珠自奉移

山陵後服色一切照常至官員嫁娶期限無論

實錄卷一百五十五

七

近派宗室遠派宗室覺羅以及滿漢大臣文武官員均著於百日後准其嫁娶作樂俟奉移

山陵後准其尋常宴會作樂○諭軍機大臣等和春福濟奏攻剿西山賊匪獲勝並攻城情形一摺逆匪於大蜀山一帶偷築營壘經和春等督兵攻剿將賊營四座奪獲殲賊多名辦理尚為得手惟廬城未下兵勇連日環攻賊猶死拒現於南面要路開挖濠溝固可杜

賊紛竄之路。但於官兵進剿。有無隔礙。似非長策。現在外援之賊。殲擒不少。廬城賊黨。諒必無多。該提督等。當乘賊勢窮蹙之時。奮力進攻。迅圖克復。該省錢糧。既徵收不起。軍餉皆仰給鄰省。而各省概形支絀。未能隨撥。隨解。情形至為緊急。迫該提督等。尚不及早克復城池。曠日持久。伊於胡底。奏定三一軍。攻剿舒城。屢次附片陳奏。無非互有勝負。總未得手。亦屬延玩。並著和春等。飭令迅速攻剿。剋

實錄卷一百七十五

三

期收復。毋得任意遷延。自干咎戾。將此由六百里加緊諭令知之。○以故阿勒台烏梁海副都統車伯克達什子曼達拉。為阿勒台烏梁海副都統。○予安徽陣亡協領富呢雅翰。防禦富勒明額。王明。卓爾洪。阿雲。騎尉年常。阿駝。騎校伍爾滾。成順。達沖。阿委。駝。騎校薩炳。阿衛。千總阿全。豐盛。額護。軍校豐陞。阿遊。擊玉崑。把總黃斯畿。外委李際昌。從九品康兆蘭。祭葬世職。額外外委周琳等。賞卹如例。

○丙辰。

上詣迎暉殿。

大行皇太后几筵前供奠。○諭軍機大臣等。官文奏。金口陸營失陷。大江賊勢復熾。請增兵催餉一摺。胡林翼一軍。前由金口力戰渡江。進逼漢陽。茲因崇通股匪竄撲金口。李孟羣力戰四日。眾寡不敵。以致陸營失守。水師勢孤。胡林翼與李孟羣素來用兵。尚合機宜。現雖兵勇潰散。逆猷復熾。諒能重整隊伍。不致

實錄卷一百七十五

三

頓挫軍威。義甯州城業經克復。羅澤南帶兵擒捕股匪。已至崇通一帶。官文現已飛調前赴金口會剿。該處距武昌不遠。著胡林翼就近傳令迅速赴援。勿稍遲誤。蔡店上竄之賊。已經擊退。襄河似可無虞。該督布置中路情形。亦屬周妥。惟當會督兵勇。速攻德安。以期及早克復。然後合兵南下。則胡林翼一軍。不至孤立。而武漢各城。亦可次第奏功矣。本日據王慶雲奏。已籌撥餉銀三萬兩。於本月十

七日解赴楚北大營。其山東四川應解餉銀已諭令該督撫迅速撥解。並諭令陝西省速籌銀數萬兩解赴襄陽糧臺。交該督等分撥應用。將此由六百里加緊各諭令知之。○又諭官文奏金口等處官軍失利請飭催餉銀等語。胡林翼等水陸官軍因崇通股匪句結武漢賊眾竄撲金口以致兵勇潰散餉糈缺乏著吳振棣無論何款項下速籌銀數萬兩派委妥員剋日解往襄陽糧臺為胡林翼李

實錄卷五十五

三

孟羣水陸各軍支發兵餉之用四川山東兩省昨經戶部奏准令崇恩將漕糧變價銀十萬兩內撥銀五萬兩解西凌阿軍營五萬兩解官文軍營並令四川撥銀三萬兩解赴官文軍營著黃宗漢崇恩遵照前旨迅速籌撥除西凌阿軍營之五萬兩徑解德安外其餘應解官文各餉銀均著按照前撥數目派員解赴襄陽糧臺應用務期剋日起解無稍延緩致誤急需其起解日期並著先行馳奏將

此由六百里各諭令知之。○賞甘肅哈密協副將希拉布頭等侍衛在大門上行走。○予湖北陣亡府經歷胡炳奎祭葬世職如知縣例都司林春萱祭葬世職如遊擊例。○丁巳遣官祭賢良祠。○諭軍機大臣等英桂奏擊獲輝縣首犯並河北三府情形一摺匪徒楊景幅等均係滋事首犯現經先後拿獲正法該撫派令崇安等接捕餘匪並飭傳壽彤周士鏜等分赴新懷相機解散辦理尚屬妥協

實錄卷五十五

三

該匪徒等聯莊抗糧情同叛逆除未獲首犯嚴拿懲辦外其餘脅從之眾如果悔罪投誠概予免罪以省株連其林縣安陽等處聯莊現未解散亦當一面懾以兵威一面剴切曉諭寬其既往予以自新著英桂斟酌情形督飭該道鎮等妥為辦理總以迅速肅事不致重煩兵力為要另片奏皖省捻匪竄抵豫境現經兵勇援應等語張樂行蘇添幅二犯俱係著名捻首現復糾眾劫掠著飭令張維翰

王榮第添募壯勇會同皖省兵勇實力堵剿設法擒拏遊擊瑚圖凌額同赴歸德應援是否可靠參將達凌阿下落併著查明具奏將此由五百里諭令知之○河南布政使瑛榮奏報聯莊會聚眾滋事情形並蘭陽三堡漫口工程暨祥符等縣被災地方分別賑撫得旨應辦者次第趕緊務期妥速○己未貴州巡撫蔣霽遠等奏勦辦上游夷匪獲勝惟兵力尚薄未能迅破賊寨專俟滇兵到來前後

實錄卷一百五十五

三

夾攻得旨攻寨雖未能即破若果同時並進再分兩翼抄後必能立克不准專待滇兵以稽時日○調甘肅巴里坤鎮總兵官經文岱為涼州鎮總兵官涼州鎮總兵官明安泰為巴里坤鎮總兵官未到任前仍以福珠凌阿署理○以扎薩克貝子索諾木丕勒吉為青海右翼正盟長扎薩克貝子依達木林沁為副盟長○以守護貴州省城出力賞在籍知府黃輔辰花翎道員王珮等加銜升敘有差

○以防守貴州省城並辦理糧臺出力賞知府何冠英候選道佛爾國春花翎遊擊德俊等藍翎餘加銜升敘有差○以協勦貴州平越州屬賊匪出力賞訓導劉從矩六品頂帶餘升補有差予陣亡千總黃掄元外委劉映彪王雲龍梁占鼇祭葬世職○予貴州陣亡知州彭汝璋知縣陳毓書署遊擊盛修志守備銜黃施千總柴雲恩邢連科把總唐定魁署把總周國順土司何化隆祭葬世職○庚

實錄卷一百五十五

三

申諭內閣黃宗漢奏遵旨訊明要案請將道員革職知縣解任備質一摺四川南溪縣廩生萬時恬等被控謀叛一案日久未結經前任學政何紹基奏參當交黃宗漢確查提訊茲據奏稱訊明萬時恬委無謀叛情事告病永甯道汪瑩自認辦理錯誤業經該督將此案平反該道汪瑩訪拏重案並不細心推鞠幾陷無辜於重辟審斷錯謬實非尋常疏忽可比汪瑩著即革職卸署南溪縣榮昌縣知

縣麟動於該道飭拏匪犯雖訊無縱放情弊
惟未即將王心一獲解以致案延不結亦屬
怠玩麟動著暫行解任備質所有案內押覓
各命是否係該道妄拏濫押所致並該縣麟
動有無餽送該道銀物情事著黃宗漢提集
人證卷宗秉公研訊務期水落石出以成信
諭○福建漳州鎮總兵官張國樑奏報謝恩
得旨朕聞汝在軍營甚屬奮勇實堪嘉獎汝
其竭誠報效於勇猛之中加以慎重以副朕

實錄卷一百五十五

三六

恩○以巡防直隸省城出力予布政使庚長
優敘賞道員克明守備李天鳳花翎員外郎
治昌等藍翎餘加銜開復升敘有差○改鑄
江蘇長州宿遷二縣知縣印信從巡撫吉爾
杭阿請也

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百七十五

實錄卷一百七十五

三七

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百七十六

監修總藏官經煙日講起居注官太子太保上書總師傅文淵閣領閣事翰林院掌院學士稽察欽奉上諭事件處國史館副總裁武英殿

大學士掌理兵部事務加十三級紀錄十四次臣實積憂老親職官經筵講官太子太保文淵閣領閣事武英殿總纂官教習原書士體仁閣

大學士管理戶部三庫事務管理刑部事務四十三
三凱紀錄十六次臣周祖培鑄錢監官太子少保管理內閣書
事修齡對大臣軍機大臣

鑲蓋鎮滿洲都統戶部尚書管理三庫事務加四級隨帶加五級紀錄十二次在曾鑲蓋武官總辦詳官弘德殿教習清文詩道工書善懸針

遼國文館直學官正蓋模蒙古都統禮部尚書管理太常寺鴻臚寺事務加二級軍功加四級隨帶加八級紀錄五次臣倭什理布等奉

救修

咸豐五年乙卯九月辛酉朔諭內閣御史韓

賀年長一百七十一

錦雲奏請免究被裹難民一摺。京城為輦轂重地。平日稽查尚需嚴密。況現在各省軍務未竣。更難保無匪徒假冒被裹難民。希圖潤跡。自應認真盤詰。以靖奸宄。所有步軍統領等衙門。拏獲形跡可疑之人。如係被脅良民。訊明後。原准即予省釋。若因地方業已肅清。稽查遂致廢弛。殊不足以昭慎重。該御史所奏著不准行。又諭。西凌阿等奏請將畏罪在逃革員飭拏等語。已革遊擊蕙椿前因隨

同兵丁潰逃遲久始行回營當經該大臣等奏准即按軍法從事茲據奏稱該犯自隨州移營並未隨隊前至德安派員訪緝業已逃逸無蹤著直隸等省各督撫一體飭屬嚴拏務獲就地正法以肅軍令該營務處副將樂善並不加意慎防以致重犯逃逸非尋常疏忽可比著交部嚴加議處已革提督孔廣順專司管帶西凌阿綿洵係統領大員均屬失於稽查著一併交部議處○又諭何桂清奏

卷一百一十八

請將革員免罪等語。己革南河參將師長鑣前在揚州帶勇潰散。當經降旨革職發遣新疆。旋因楊以增奏准其前赴浙江效力贖罪。該革員自到浙後。歷經該撫委赴廣德清弋江等處防堵。並在杭州省城練兵彈壓。均能得力。尚知愧奮。師長鑣著免其發遣。仍留浙江効力以觀後效。○諭軍機大臣等。胡林翼奏金口兵潰回。勦麥山各勇。亦因餉絀潰散。請仍飭羅澤南來鄂會勦等語。金口蔡店等

處陸軍先後挫潰。胡林翼由蔡家嶺移劉大軍山。王國才亦引軍退駐。水軍勢成孤立。賊鋒猖獗。南北兩岸。胡林翼實難兼顧。前據曾國藩奏。官軍已入湖口。縣城師船衝出大江。惟下鐘山與梅家洲。賊巢未破。本日又據陸元烺奏。湖口連獲勝仗。馬受祐收復都昌。勦辦已有頭緒。此時武漢賊情。較為喫緊。著曾國藩仍飭羅澤南。迅即帶兵赴鄂。會勦。冀可轉敗為功。諒曾國藩必能妥籌全局。速飭應

援也。將此由六百里加緊諭令知之。○又諭。胡林翼奏。餉絀兵潰。請飭川督帶勇赴楚。並飭四川等省。按月濟餉等語。現因胡林翼陸兵潰散。水軍孤立。無援。戰守均形單弱。官文已赴德安。會同西凌阿督兵攻勦。萬一賊匪上竄。窺伺荊州。深為可慮。前有駐劄夔巫之署松潘鎮總兵德恩。帶兵二千名。著黃宗漢先令馳赴荊州一帶協勦。如該員不能得力。即於鎮將中另派妥員。帶兵前往。其夔巫等

處與湖北接壤。防堵尤關緊要。該督應否親自督兵駐劄。抑或另派大員帶兵防守。並著體察情形。酌量辦理。至胡林翼軍營餉糈缺乏。自應急籌接濟。前已諭令吳振械於該省無論何款。速籌銀數萬兩。解往襄陽糧臺應用。並著黃宗漢遵照前旨。迅速籌撥。該督等接奉此旨後。即悉心廣籌糧餉。按月各撥銀數萬兩。解赴襄陽糧臺。為官文、胡林翼等水陸各軍支發兵餉之用。務當源源解楚。毋稍

延誤。將此由六百里加緊各諭令知之。○又諭。胡林翼奏。收集潰軍。急籌防勦。各等語。此次賊匪由崇通興國撲我金口。陸營德安。應城之賊亦從上游分竄漢口。兵勇潰散。胡林翼暫駐大軍山。收集潰勇。加以裁汰。並募湖南得力壯勇。以振軍威。惟湖南募勇尚需時日。即川兵亦恐未能速到。著飭李孟羣、王國才等力圖整頓。不可挫折銳氣。使賊勢益張。並飭楊載福趕將船隻修捻。以資防勦。俟羅

澤南一軍到楚水陸均有策應庶大局尚可挽回前據載增奏常恩在柘樹口遇伏兵敗以致賊撲蔡店漢陽之匪亦突出抄襲該署將軍欲親赴潛沔堵剿已令官文妥籌兼顧著胡林翼等隨時咨商官文等不致顧此失彼方為妥善將此由六百里加緊諭令知之○以克復江西都昌縣城復已革縣丞馬受祜職○以湖北水陸各軍剿賊出力賞千總曾秉忠花翎五品軍功李文盛等藍翎餘升賞有差○以克復浙江樂清縣城予同知徐樹楠等升賞有差陣亡副將姚武成殉節典史趙映南祭葬世職○壬戌

上詣

大高殿行禮○還宮○諭軍機大臣等塔爾巴哈台參贊大臣英秀於俄囉斯交涉一案未免過涉張皇恐難勝邊疆大員之任本日已授明誼為塔爾巴哈台參贊大臣令英秀即行來京惟明誼到任尚需時日若令英秀暫

行留任恐辦理未能妥協著扎拉芬奏就近於伊犁斟酌委員前往署理即令英秀交卸來京該處搶案俄羅斯是否藉端起釁尚難豫料所派署任之員務擇明白曉事能合機宜者方足以資彈壓俟揀派有人一面奏聞一面即令馳往將此諭令知之○賞庫倫辦事大臣明誼副都統銜為塔爾巴哈台參贊大臣以正藍旗蒙古副都統色克通額為庫倫辦事大臣○以捐辦賑恤山東巡撫崇恩等下部議敘○癸亥以御前侍衛德勒克色楞為閱兵大臣○甲子

上詣

恩慕寺

恩佑寺拈香○還圓明園○諭內閣向榮奏河南解營火藥不堪應用等語軍營火藥最關緊要似此製造不精然放無力貽誤軍需可惡已極著英桂即將河南軍需局承辦各員查取職名交部嚴加議處所有造辦工價運

費等項均著不准開銷勒令各該員賠補以示懲儆嗣後該省續解軍營火藥如再不堪應用即著嚴叅懲辦又諭大學士卓秉恬由翰林科道洊擢正卿進秩綸扉克稱厥職朕御極後見其宣力有年老成持重方資倚畀前因患病疊經賞假冀其調養就痊長承恩眷遽聞溘逝悼惜殊深著加恩贈太子太保銜賞給陀羅經被派睿親王仁壽帶領侍衛十員即日前往奠醊所有任內一切處分

悉予開復應得卹典該衙門察例具奏伊孫監生卓景濂卓景洵均著賞給舉人一體會試以示優待耆臣至意尋予祭葬諡文端諭軍機大臣等向榮奏圍攻蕪湖賊壘情形一摺鄧紹良等自會攻蕪湖賊壘以來已近兩月雖進攻不為不力而賊壘陸續增添連日攻擊僅止破其弋磯山北一壘似此曠日相持賊援愈集勦辦愈難該大臣與何桂清添派兵勇計日均可到齊即著統歸鄧紹良

調遣以一事權務將蕪湖上下一帶賊壘全數埽除應先勦山西湖等處或由東梁山一路分兵進攻著該大臣飭知鄧紹良相機辦理長山連營既距師船扼泊處所尚遠水陸聲勢即恐不能聯絡並著傳諭鄧紹良與吳全美等會商總期水陸並舉方不致為賊牽掣將此由六百里加緊諭令知之又諭楊以增奏賠堵豐工舊口門定期興工一摺前因軍務未竣籌餉維艱蘭陽堵築漫口非數

百萬帑金不能集事恐一時難以興辦而橫流旁溢無所歸宿災民顛沛流離朕心不勝軫念業經諭令李鈞派委張亮基會同直隸山東河南地方官委員等詳細履勘將黃流漫溢之處疏導歸海蘭陽大工即可暫議緩堵現尚未據覆奏所有豐北口門亦應暫緩興築俟李鈞等定議如何再行酌辦至該河員等應賠款項不得以暫緩興工藉口觀望著楊以增飭令各按應賠成數迅速完繳並

著先行勸諭捐輸俾經費得以充裕一俟蘭

陽擇日興工即可同時並舉所有賠項捐項

均於集有成數後隨時奏聞不得那作他用

至蘭陽漫口議者有謂宜因勢利導使河流

徙歸北趨由大清河入海者此時命張亮基

等查勘祇為目前緩築之計若欲從此徙河

北流事關大局尚須特派大員詳加履勘非

可草率從事楊以增熟諳河務於古今治河

源流諒能通曉如有所見不妨據實數陳以

備採擇將此由五百里諭令知之○山東登

州鎮總兵官王鵬年奏報到任日期得旨一

切應辦之事與崇恩熟商妥辦○調兵部右

侍郎匡源為吏部右侍郎以兵部侍郎銜曾

國藩為兵部右侍郎仍督辦軍務未到任前

以署工部右侍郎沈兆霖兼署○命正白旗

漢軍副都統德崇額前往欽差大臣向榮軍

營統帶吉林黑龍江馬隊官兵聽候調遣○

乙丑

上詣迎暉殿

大行皇太后几筵前供奠○諭內閣葉名琛柏

貴奏師船出洋剿匪疊獲首夥各犯解省審

辦一摺廣東匪犯李亞快等先在內河聚眾

滋擾旋因官軍攻剿駛赴外洋肆行劫掠經

葉名琛等飭委升任提督吳元猷統兵出洋

勦捕燒毀匪船及轟斃溺斃匪徒無算並生

擒首犯李亞快等二百餘名解省審辦此股

匪犯李亞快等糾聚匪眾由內河擾及外洋

實屬罪大惡極所有現獲首夥各犯著葉名

琛柏貴訊取確供盡法處治其未獲各犯仍

責令吳元猷親督師船實力搜捕以期淨絕

根株毋留餘孽○諭軍機大臣等葉名琛等

奏閩省官兵奉調赴粵在海遭風等語據稱

福建詔安營遊擊崇端於上年奉調赴粵帶

同漳州等營官兵由海道行走中途遭風於

十二月間漂至越南國地方口糧用盡經該

國籌借錢米共計銀一千餘兩復幫同修理

船隻令弁兵搭坐商船至六月中行抵廣東省城所借越南國口糧銀兩已飭軍需局覈議籌還嘉獎等語該國久列藩封素稱恭順茲因官兵船隻漂風到境遣官慰問借資口糧設法送回實屬可嘉前據葉名琛奏該國貢使改道由廣東回國於本年四月間抵省因南風司令未能啟程此時該貢使如尚未回國著即給還所借口糧銀兩並著該督傳旨嘉獎至前次諭令調赴江南紅單船據奏

現飭李新明迅赴陽江等處趕緊封雇現在大江水師已勦至蕪湖以上江路較長需船更多著即作速雇備由該督親往查驗配齊軍火器械籌備兵勇口糧即令李新明管帶駕駛出洋前赴江南協勦不得以船少難雇為詞稍涉延宕致誤事機將此由五百里諭令知之○以御前大臣僧格林沁署鑲藍旗滿洲都統鑲黃旗漢軍副都統劉鈺為鑲紅旗漢軍都統頭等侍衛穆克登額為鑲黃旗

漢軍副都統烏里雅蘇台將軍奕興因病解任以理藩院尚書奕湘為烏里雅蘇台將軍未到任前以烏里雅蘇台參贊大臣哈勒吉那署理○以都察院左都御史聯順為理藩院尚書倉場侍郎文彩為都察院左都御史正白旗滿洲副都統阿彥達為倉場侍郎○予廣東陣亡縣丞李錫綬祭葬世職○丙寅諭軍機大臣等據曾國藩奏已革道員勦賊屢勝請令督辦皖楚交界團練等語已革

道員何桂珍於正月間克復蘄水五月間克復英山復在羅田各屬疊獲勝仗堵勦尚屬認真已降旨將何桂珍賞給六品頂帶其出力員弁紳勇准曾國藩擇尤保奏現在皖楚兩省軍務方殷其交界處所每為兩省兵力所不及如安徽之太湖宿松英山霍山湖北之黃梅廣濟蘄水蘄州羅田麻城土匪蠢起旋復旋失非有專責之員督辦團練嚴清土匪不能斷賊接濟之路既據曾國藩奏何桂

珍往來該處與各紳耆信義相孚頗資得力著即飭令該員督辦各該屬團練將皖楚交界土匪次第剿除已復地方責令勸諭紳民同心固守未復地方並令設法收復遇有賊蹤上竄湖北亦可從後要擊所需糧餉准其於各該屬勸捐動用如皖楚兩省稍有餘力仍著隨時接濟毋任飢疲潰散致誤事機至英山克復出力員弁前准和春等酌保著即咨明曾國藩與蘄水羅田各案一併保奏以

軍機處

上

軍機處

上

歸畫一將此由五百里各諭令知之欽差兵部右侍郎曾國藩奏塔齊布病故後尋軍統歸副將周鳳山督率極為出力惟新領此軍止重防守不圖進取賊亦不能內犯得旨周鳳山既能統屬仍應相機進取調鑲紅旗滿洲副都統基溥為正白旗滿洲副都統以署西安將軍舒精阿為鑲紅旗滿洲副都統以克復安徽英山湖北蘄水二縣城賞已革道員何桂珍六品頂帶以殲勦貴州

桐梓竄匪出力賞副將佟攀梅蔣玉龍總兵銜花翎知府曹興仁劉書年鹿丕宗汪申祿同知沈世良知州周夔參將慶連彭壽閃雲遊擊巴哈布都司張才花翎通判何鋌等藍翎餘升擢有差以貴州平遠綏陽二州縣辦團出力賞在籍翰林院庶吉士王作孚丁寶楨五品銜花翎予江西陣亡哨官葛維柱祭葬世職如千總例丁卯遣官祭都城隍之神諭內閣前因英桂奏請將河南鄉試展期舉行當經降旨准其緩至本年十月再行察看具奏茲據奏稱該省東南各路尚未撤防河工被淹各處籌辦賑撫體察情形仍難舉行鄉試著展至咸豐八年戊午科歸併舉行按照兩科定額取中以昭慎重諭軍機大臣等前據楊以增奏安徽亳州土匪竄擾夏邑縣城代理徐州鎮總兵興慶等已分赴碭山蕭縣等處扼剿本日據英桂奏該匪復繞至江南碭山大肆焚掠並燒搶

商邱縣之馬牧集。逼近歸德府城。派遊擊巴哈布等帶勇往剿。並飭臬司余炳燾馳往督辦。又據福濟奏。該撫已派往亳州兵勇二千餘名。必得英桂再撥重兵。三省會剿。方能一鼓殲除等語。惟河南衛輝等處抗糧匪犯。尚未搜捕淨盡。兵勇無可再撥。清江本無客兵。難望援應。此股捻匪。現已闖入碭山。儻因徐州兵力較單。致令蔓延。不特北竄可虞。即揚州後路。亦屬可慮。著托明阿於大營內酌撥

平定縣志卷一百一十六

十一

官兵一千。或數百名。派委得力將弁。取道徐州。馳往歸德一帶。會同皖豫兵勇。合力夾擊。毋稍延誤。至和春福濟奏。請調山東兵一千名。並請山西。山東按月解餉各等語。前據崇恩奏。山東現無可撥之兵。即京餉等項。亦以無款可籌。奏明十月間再行補解。山西應解京餉。楚餉。甘餉。為數甚鉅。亦不能按月籌解。已諭知怡良。設法籌銀數萬兩。先行解赴廬州。其所需之兵。俟豫省土匪肅清。即著英桂

酌撥官兵一千名。前往廬州協剿。此時和春等當就存營各兵。迅籌克復。不得以增兵汰勇為詞。致稽時日。將此由六百里各諭令知之。又諭廬州剿賊喫緊。兵餉久匱。情形實屬可慮。江蘇自上海克復後。關稅定有起色。此外有無款項。可以移緩就急。著怡良先行籌撥銀數萬兩。解赴廬州軍營。以資接濟。以後能否按月撥解若干。並著妥籌具奏。將此由六百里諭令知之。又諭吉爾杭阿奏籌

平定縣志卷一百一十六

十二

勦鎮江逆匪。請飭催續調廣東師船。剋日來江。協剿等語。本月初五日。據葉名琛奏。前派赴江南紅單船二十四隻。挖風船十六隻。已委總兵謝焜統帶前往。嗣因廣東勦匪喫緊。師船多已損傷。且謝焜久病甫痊。未能派往。現飭參將李新明往順德等處趕緊封雇。管駕啟程。已諭令該督作速雇備。籌辦軍火口糧。飭催李新明管駕出洋。赴江協剿矣。現在鎮江一帶。勦辦甚關緊要。著吉爾杭阿一面

咨催廣東師船迅遵前旨。來江協助。一面就現有船隻督飭上下游乘風轟擊。不得專待廣東續到師船。以致遲延。時日將此由五百里諭令知之。○又諭景瀄奏俄羅斯人船自松花江回行。由黑河口經過一摺。會辦俄羅斯分界事宜。前定於八月初三日會議。旋經景瀄以知會日期文書由三姓轉遞。深恐遲誤。當諭庫倫辦事大臣補行知照。勿庸改期。並據奕格奏稱庫倫吉林黑龍江三處委員已於七月初七日在黑龍江會齊。初八日啟程前往。現在該委員章京惠霖等究於何日趕到松花江。曾否面議。抑或於原定日期未能趕到之處。著景瀄於得有稟報後詳悉具奏。將此諭令知之。○以攻勦江蘇鎮江逆匪獲勝。賞總兵官虎嵩林巴圖魯名號。予陣亡佐領額哲赫祭葬世職。○賑河南蘭儀祥符陳留杞封邱考城六縣被水災民。一月口糧。○戊辰諭內閣福海奏請捐製軍械一摺。滄

州駐防籌添軍械。准其會同該地方官勸捐製辦。俟足數後即行停止。其本年軍政並准其緩至下屆一併舉行。○諭軍機大臣等西凌阿等奏督兵攻勦獲勝一摺。此次我軍分路進攻德安。該逆閉門堅守。迨義勇撤隊。該匪輒由地道擁出。並於濠內繞往接應。西門亦有賊匪突出撲營。雖經馬隊截擊。該逆並未大受懲創。兵勇且有傷亡。該大臣等統領大軍屢次進攻。總未得手。設下游賊匪紛紛上竄。賊援愈眾。則賊守益堅。安望即時克復。至隨州勇隊見賊退卻。義勇多人。又投入賊夥。似此漫無紀律。何以操勝算。而挫兇鋒。著該大臣等嚴申軍律。激勵將弁兵勇。迅圖克復郡城。毋再遷延貽誤。自干咎戾。官文此時諒已前赴德安。參將顏朝斌在城南劄營。兵力較單。恐未可深恃。該督務當趕緊前進。與西凌阿等四面環攻。以期力破賊巢。毋稍延緩。將此由六百里加緊各諭令知之。○又諭

給事中孫觀奏土匪復起團練解散請簡大員督辦防剿一摺據稱自袁甲三去後匪徒復起毫匪張樂行勾結河南巨匪蘇添幅蒙城巨匪宮德等聚眾萬餘七月間攻撲蒙城雙澗集等處數百里均遭焚掠近回雒河集招添捻黨欲聯絡各匪乘時大發民間團練偶斃一匪地方官必欲追究兇手擒匪等復句差控官以致萬眾解散或去而從匪現在自下蔡洛河淮流二百里內商賈斷絕鹽關課稅並抽釐捐輸等項要道皆為所斷等語擒匪張樂行等結黨滋事昨據福濟奏報已有攻陷夏邑之事分股四出勢將滋蔓如果各州縣平日實行團練並准令該團首等會同捕殺何至如此橫行無忌雖竄擾夏邑之匪已派陸希提等統兵會剿而雒河集巢窟未除匪黨甚眾著和春等飭令駐劄正陽臨淮之署臬司恩錫侍衛多慧等就近勦捕候補道員趙昀係安徽本籍著查明該員現在

何處或即飭令聯絡鄉團兼辦勸捐事務幫同恩錫等分投堵剿著和春福濟酌量辦理該員如堪委任並著酌撥官兵以資得力不得以廬州未復力難兼顧致令擒匪鳴張閭閻受害至民間團練原以助兵力之不足前有旨諭各省鄉團遇有賊匪准其格殺無論著和春福濟嚴飭地方官恪遵前旨再行出示剴切曉諭以伸民氣州縣中如有畏匪不辦轉受匪徒誣控挖累良民者即著從嚴叅辦原摺著鈔給閱看將此由五百里諭令知之 己巳

上詣迎暉殿

大行皇太后几筵前行月祭禮 諭軍機大臣等本日據王履謙奏自蘭陽漫口後下游已成涸轍下北缺口至曹單數百里徒步可行防不勝防設兵於無用之地不如調防於切緊之區請將防河兵勇酌駐豫皖交界等語直隸派防北岸本有大名鎮總兵史榮椿所

帶鎮標官兵一千名。並抽調正定鎮兵五百名。史榮椿已赴河北幫勦聯莊會匪。其直隸所調後起防河兵五百名。著桂良即飭前赴河南交李鈞酌量應令駐劄何處。以資防堵。又崇恩前奏交武隆額統帶之曹單募勇五百名。本為防河之用。並著該撫會同該河督察看情形。分撥防守。俟河北聯莊會辦竣。即著史榮椿帶領官兵由豫入皖。以勦為防。現在歸德亳州一帶。擒匪橫行。兵力尚嫌不足。

實錄卷一百七十六

二十一

得此一軍協勦。可以固北路藩籬。較之遙駐河干。更為得力。該督撫等均須通籌大局。勦匪防河。兼權並重。茲王履謙暫假省親。所有沿河應防各處。著李鈞妥為布置。毋稍疏懈。將此由五百里各諭令知之。庚午遣官祭歷代帝王廟。諭內閣德全奏參誤班官員。請交部議處一摺。八旗城上堆撥該班官兵。自應輪流值宿。以資巡邏。現在撤防未久。該佐領等竟敢擅離曠誤。實屬膽玩。僅予議處。

不足示懲。正藍旗蒙古佐領舒隆漢軍恩騎尉福全均著即行革職。以為玩誤職守者戒。又諭何桂清奏要缺總兵才不勝任請旨另簡。並保舉堪勝各員等語。新授安徽皖南鎮總兵豫祺於該處人地生疏。難勝重任。著即開缺。交兵部帶領引見。四川阜和營都司儘先遊擊江長貴著賞給三品頂帶。署理皖南鎮總兵。所有該鎮應行駐劄何處。並一切營制事宜。尚未據該督撫議定。著派何桂清。

實錄卷一百七十六

二十二

會同怡良、福濟妥議章程。迅速具奏。又諭英隆等奏請暫停捕打冬圍一摺。奉天捕打冬圍。既據該將軍等奏稱官兵甫經撤回。戍役勞苦。著准其仍暫停一年。以紓兵力。俟明年照例奏請舉行。諭軍機大臣等托明阿奏上下游水師連得勝仗。並設法進擄情形。一摺。據稱金陵賊船避泊草鞋夾口。八月初七日。大小賊船數十隻直撲浦口。經水師兵勇擊退。奪獲賊船多隻。內有四輪船一隻復。

先後在西江口瓜州等處擊賊獲勝焚燒賊
簞殲斃多名。江面賊船伺隙出竄。瓜州一帶
復有賊簞駐泊。此次雖經勦辦得手。而上下
游賊船往來無定。難保不另生詭計。仍應嚴
飭水師將弁實力勦洗。至瓜州久為賊踞。陸
路諸軍日久並未進攻。所築長圍僅能防賊
旁竄。而濱江一帶仍未能遏截賊蹤。若非水
陸併力進攻。勦辦何能蒞事。著托明阿等督
飭水陸大軍奮力夾擊。並約會吉爾杭阿同
時進攻鎮江。俾南北兩岸賊匪不能互相援
應。庶可直搗賊巢。盡殲醜類。該大臣等務當
力圖克復。毋得再事遷延。致干咎戾。將此由
六百里加緊諭令知之。○命戶部尚書文慶
兩廣總督葉名琛協辦大學士。仍留葉名琛
兩廣總督任。○以都察院左都御史文彩署
戶部右侍郎。熙麟內閣學士崇綸管錢錢局
事。

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百七十六

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百七十七

監修禮部尚書總纂修官太子太傅左都御史兼翰林院侍讀學士等官臣等謹將

大蒙古國理藩院事務加十三級紀錄十四次臣等謹將

大蒙古國理藩院事務加十三級紀錄十四次臣等謹將

領事官滿洲都統等事務加十四級紀錄十五次臣等謹將

遼東之官總督官正藍旗蒙古都統等事務加十四級紀錄十五次臣等謹將

秋修

咸豐五年乙卯九月辛未諭內閣奕訢等奏

恭請

和妃神牌繪圖呈覽一摺

大行皇太后梓宮奉移

慕東陵正殿所有

和妃神牌即著在

慕東陵正殿東次間敬謹供奉其安設隔壁各

事宜均著照所議辦理又諭奕訢等奏守

護事宜一摺

大行皇太后梓宮奉移

慕東陵暫安後著派奕訢溥吉督率總管翼長

等輪班值宿總兵慶祺率領遊擊守備等常

川進內周歷巡查其應行添派內務府八旗

綠營官兵並建設堆撥之處均著遵照舊例

敬謹守護○諭軍機大臣等本日據載增等

奏漢川復失賊偏沅潛荊州實形喫重一摺

據稱自夔山金口相繼失利後賊勢猖獗破

船陸勇均由黃陵磯大小軍山退至新隄嘉

魚兩岸分割與沔潛通連之蒲團侏儒山等

處皆為賊踞八月二十一日賊撲漢川城外

營盤常恩李保邦兵力不支漢川復失現退

回仙桃鎮鄔家灣等處駐劄胡林翼前奏暫

駐大軍山收集潰勇現復退至新隄嘉魚兩

岸是否與賊接仗及如何布置情形何以未

據該撫奏報官文此時計已馳抵德安自難

回兵援剿但賊偏沅潛荊州情形萬分緊要

常恩等駐劄仙桃鎮等處兵勇甚單設有疏

虞所關非細該督統轄全省其應如何設法

援應之處務即迅速妥籌與載增等所派兵勇併力截擊以遏賊竄荊州之路現命黃宗漢將駐劄夔巫之兵勇二千先行飭調前赴荊州以資援應但恐一時未能即到胡林翼兵勇雖已潰散仍當力求整頓以振軍威並飛催所募湖南新勇星速赴鄂羅澤南之兵如已馳抵大營即可會合兵力迅圖攻剿以遏兇鋒並嚴飭李孟羣等招集兵勇扼要堵截沔潛一帶經載增等分撥兵勇防賊紛竄

備錄卷之三

三

復於郡城附近抽調滿洲營精兵交魁玉督帶辦理尚合機宜著即嚴飭各該員實力防堵毋稍疏懈所有近日賊勢及官文胡林翼如何布置防剿務須隨時奏報以慰懸繫將此由六百里加緊各諭令知之○又諭據載增等奏漢川復失下游皆係賊巢情形較前倍覺喫緊前有旨令黃宗漢飭署松潘鎮總兵德恩管帶夔巫防兵二千名赴荆協剿並另派鎮將接辦夔巫防務如須親往駐劄並

著酌度辦理現在胡林翼之軍甫經挫敗官文前往德安未能兼顧而荊州兵力尚單恐該匪上竄未能抵禦湖北接壤蜀境惟有從夔巫上游派兵下壓庶堵剿較為力著將德恩防兵迅飭赴荆惟賊氛既極喫緊川兵僅止二千尚恐難資堵擊必須量添兵勇並另派得力大員統領方可藉挫兇鋒川楚唇齒相依能保荊州即以固川省門戶黃宗漢統轄全蜀自未便出境著察看情形於將軍

備錄卷之三

四

樂斌提督萬福三員中酌量一員派撥兵勇數千名即由夔巫一帶馳往荊州會合攻剿以資援應川省兵力何處尚堪調撥著該督酌度辦理並即迅速馳奏將此由六百里加緊諭令知之○命貝勒奕諒管樂部事○以理藩院左侍郎愛仁為滿洲繙譯鄉試正考官詹事府詹事德瑛為副考官○壬申諭內閣僧格林沁等奏酌添外滿洲火器營官兵操演陣式一摺著閱兵大臣將所添陣式閱

看具奏。又諭會議軍器王大臣奏職員呈請開採金礦等語。據稱未入流孫九鼎呈稱山東萊州府屬之平度州地方。雕化澗金山三座山等處發露金苗。周圍二十餘里。該職員情願自備資斧。試行開採。著崇恩酌派道府大員帶領該員孫九鼎。於所稱發露金苗各處親歷詳勘。據實具奏。尋奏平度州金礦得不償失。請仍封禁。報聞。○諭軍機大臣等會議軍器王大臣奏籌議開採蒙古金銀礦

實錄卷一七七

五

一摺。據稱蒙古地方向有金銀等礦。經僧格林沁等函詢該王公等現接覆信。知喀拉沁翁牛特所轄之伊瑪圖山等處均有礦苗。並將金銀砂費送到京煎鍊。均有所獲等語。口外產金產銀等礦。該蒙古王等情殷報效。果能開採得法。於經費不無裨益。惟於蒙古遊牧有無妨礙。著柏葰會同該王等將原摺所稱各該處親行履勘。詳加體察。如堪開採。即將一切章程妥議具奏。原摺鈔給閱看。將此

諭令知之。以籌餉出力。福建布政使慶端下部議敘。予福建陣亡在籍國子監學正王捷南外委劉陞騰林恩高祭葬世職生員蕭箕裘等賞卹如例。○癸酉諭內閣本年東河下北廳蘭陽汎黃水漫口。旁趨河南直隸山東各州縣。水勢汪洋。延及三省。被災黎庶蕩析離居。深堪憫惻。前經降旨截留河南山東漕糧各五萬石。分給賑濟。河南省業經該撫奏到。委員分投撫恤。並散放一月口糧。山

實錄卷一七七

六

東省經該撫奏先籌銀五萬兩。派員分路撫恤。直隸省被災較輕。亦經該督酌籌捐銀動穀委員查辦。小民諒可無虞。失所。惟念漸屆嚴冬。嗷鴻未輯。朕情殷保赤。彌切憂勤。著發去內帑銀十萬兩。交崇恩七萬兩。英桂三萬兩。以資撫恤。並將直隸繳回寶鈔二萬五千串發交桂良抵發賑濟之用。至被災較重處所尚需續籌款項接濟。仍著該督撫各就地方情形妥為籌辦。該督撫等即刊刻謄黃。徧

行曉諭務使實惠均霑。毋任吏胥舞弊。其被災各村莊。應蠲應緩之處。並著該督撫詳晰查明。迅速具奏。用副朕軫念災黎至意。○諭軍機大臣等。官文奏進攻德安獲勝。及中路現尚無虞。各情形一摺。所敘獲勝各情。與西凌阿前次奏報。雖日期稍有先後。而逆匪死拒情形。大略相同。該督既稱德安利在。速戰即應迅圖攻克。以絕該逆望援之心。顏朝斌駐劄府城西南。兵力甚單。即該督添派葉永泰帶往之勇。亦屬無多。若俟鄖兵瀘勇到齊。誠恐賊援大至。不但德安難復。且於大局更增棘手。其中路一軍。經此挫敗。萬難得力。常恩李保邦等兵勇。均已不可深恃。李孟羣既已趕赴沙湖。即可責令專辦中路。與載增所派防兵會同嚴扼潛沔一帶。以為荊州屏障。該督仍帶所調兵勇。與西凌阿迅速進攻德安。俟克復後。再與胡林翼等會合圖復武漢。不可再有延滯。本日又據胡林翼奏請飭川

省撥兵籌餉一摺。此時四川情形。欲每月籌銀十萬兩。實屬力有未逮。已諭知吳振棫於陝西續收捐輸項下。按九。十一。三箇月。每月解銀五萬兩。交該署撫軍營應用。其所需川兵。前已諭知黃宗漢先將署總兵德恩所帶夔巫防兵二千名。飭赴荊州。並於樂斌萬福二員中。酌量一員。添撥兵勇數千名。隨後繼進。此時中路官兵失利。荊州喫緊。甚於下游。必俟府河逆蹤掃蕩。此項官兵方可會合進圖武漢。當此賊氛復熾。漢川迤西。空虛尤甚。該署撫務當速整軍威。力圖進取。不可因此挫折。坐失機宜。將此由六百里加緊各諭令知之。○又諭湖北賊勢蔓延。現在調集各路兵勇。合力堵剿。所需軍餉。亟應廣為籌備。著吳振棫於該省續收捐輸項下。按九。十一。三箇月。每月提撥銀五萬兩。派委妥員徑解胡林翼軍營。務必按期如數毋稍延誤。所有此三月內應解京餉。即准其暫緩起解。將

此由六百里加緊諭令知之○又諭李鈞奏委員查明豫省地方被水情形一摺據稱河南祥符等六縣被水地方經張亮基帶同各委員分投徧歷逐細查勘並酌擬保衛之法三條俟水落後勸諭各地方紳耆妥為興辦等語此次黃水漫溢豫省北岸被淹各縣該紳耆等情願通力合作互相保護既係出於至誠自可眾擎易舉張亮基所陳各條尚合機宜一俟水落歸槽即可依法次第辦理著

實錄卷一百一十七

九

先行出示曉諭剴切勸導令各紳耆切實估計豫集料物並令印委各員屆期會同各地方官督辦務須俯順輿情切勿稍形抑勒一切工料銀錢統由紳董經理毋得假手吏胥致滋弊端工竣之日速予驗收所有出力出貲各官紳等著該河督會同該撫分別保奏候朕施恩將此各諭令知之○又諭李鈞奏河南州縣徵收錢糧不收票鈔並山東藩庫搭放票鈔不搭收票鈔各等語票鈔之設以

濟銀錢之不足屢經明降諭旨凡京外應收應放各款均准按成搭解以期暢行無滯凡官吏於收放等款敢於弊混者亦經吏部等衙門將應得處分罪名明定章程具奏茲據李鈞奏稱河南省州縣於徵收錢糧時專收銀錢不收票鈔解司之時則收買票鈔按五成搭解以致商民於票鈔不知寶貴現在票銀一兩實鈔一千均止易制錢四五百文河工領款係八成票鈔二成現銀所領票鈔難於行使每遇險工無從搶護山東省藩庫於各領款則照二成搭放而於州縣解款並不搭收致票鈔更形壅滯種種弊端該撫等何竟毫無聞見著崇恩英桂密速查訪凡州縣徵收錢糧如有前項弊端漁利病民及州縣領收票鈔而搭解之時道庫藩庫有意刁難致州縣不能搭收者均著嚴行叅奏毋稍姑容至奸胥蠹役把持舞弊尤屬不免務應嚴密查拏從重治罪所有票鈔收放章程並著

實錄卷一百一十七

十

崇思等再行出示。剴切曉諭。或有完納錢糧。州縣不肯搭收票鈔者。准該民人赴上司衙門控告。以通民隱。而裕國用。經此次訓諭之後。該地方官。如敢仍前玩泄。並不實力辦理。將來別經發覺。朕惟崇思英桂是問。將此各諭令知之。○改鑄湖北巡撫關防。從巡撫胡林翼請也。○改鑄貴州普安縣知縣印信。從巡撫蔣霽遠請也。○予湖北陣亡千總王三錫。吏目高術方。祭葬世職。○予江蘇陣亡守備李大鈞。祭葬世職。○甲戌。

寧遠志卷之三

七

上詣迎暉殿

大行皇太后几筵前供奠。○乙亥月食。○諭軍機大臣等。向榮吉爾杭阿奏。轟坍鎮江城垣。並犂毀賊壘。大獲勝仗一摺。據稱鎮城賊匪。自我兵劄營煙墩山之後。總未出巢。經吉爾杭阿先期調度。為明攻暗襲之計。於西南城下。開挖地道。擬先攻打銀山寶蓋山賊營。乘間轟破城垣。密約水陸各營。南北合剿。使賊

不能兼顧。八月二十九日。傳集各營。派定隊伍。專候卯正。然發地洞。各路一鼓擁入。不料被該逆火礮引燒。口門火線。將地洞先時轟發。城牆洞穿三丈有餘。浮橋未及搭成。勢難攻入。其守護缺口。及出城救應之賊。被我兵擊斃甚多。復將金雞嶺上賊壘。全行犂毀等語。此次攻襲鎮江府城。各路布置。已屬周妥。祇因轟破缺口。時刻參差。致我兵無橋可渡。未能得手。失此機會。殊屬可惜。惟該逆既受

寧遠志卷之三

三

大創。防守必更周密。應如何出奇制勝。克復鎮江。著吉爾杭阿督飭各營將弁。於奮勇之中。籌萬全之策。仍與江北聯絡聲援。同時攻剿。以期一鼓殲除。毋稍延誤。將此由六百里各諭令知之。○賞廣西陣亡總兵官董光甲子國賢。通判國良。文舉人通判景垣。同知。以勦捕江蘇海州洋匪出力。賞運判杜文瀾。花翎縣丞葉喬昌等。藍翎。餘升敘有差。○丙子。諭軍機大臣等。都察院奏山東陽穀縣武

生鄧光第遣抱告民人劉在田與文童許長河以知縣縱匪殃民等詞赴該衙門呈控已明降諭旨交崇恩親提嚴訊矣此案據控上年陽穀縣土匪肆行搶劫經鄰邑聊城縣知縣勦捕獲匪該知縣置之不理反將營員拏獲之犯乘間釋放並將搶案內被獲之犯由聊城要去又將聊城文生程金蓋送學詳革將團長楊武林拏究並虛令劉之楨傳齊團眾聽調致費多貲等情如果屬實該縣廢弛

實錄卷一百七

三

捕務縱匪殃民大干法紀著崇恩嚴叅懲辦並將許長河所呈各匪姓名按照單開飭屬一體嚴拏毋任一名漏網至所稱荷澤等州縣被災難民肆行竄擾搶案疊出恐與該匪等勾結著該撫一併查明嚴行懲辦仍遵前降諭旨妥為撫恤無令失業游民流而為匪原呈及名單均鈔給閱看將此諭令知之○山東巡撫崇恩奏在籍辦團侍郎車克慎服闋已久可否飭令起復赴京得旨車克慎著

來京○丁丑諭軍機大臣等御史宗稷辰奏請嚴查潰兵一摺自粵逆滋事以來各省旗綠營汛弁兵辦防助勦徵調之數甚繁其能奮勇出力者經該將軍督撫等奏保朕均不吝恩賞隨時量予獎敘至遇賊逃散本有應得罪名若因人數眾多誅不勝誅概不懲辦仍令覲然入伍濫食錢糧何以申軍律而肅戎行據該御史奏稱逃兵私歸本營請存記降黜分別汰留各營汛查明無軍營咨照者

實錄卷一百七

四

即呈明停支額糧等語似尚格外從寬當此賊氛不靖之時無論協勦鄰封備防本省均應嚴申紀律著各將軍督撫飭查逃回本營之兵丁覈其逃散情節輕重分別懲辦不得姑息容留聽其冒領糧餉至將弁私逃尤屬可惡即著嚴拏正法以儆其餘該將軍督撫等即將此項逃回兵丁應如何覈其情節分別懲辦之處嚴定章程妥議具奏將此各諭令知之○以大理寺少卿和潤為大理寺卿

○戊寅諭內閣陸元烺奏查明浮梁縣被擾情形一摺本年二月間安徽賊匪由江西饒州府竄至浮梁縣之景德鎮滋擾當經署知縣張方矩會營往剿致被弋陽敗匪乘虛撲入縣城焚掠該員等旋即聞警折回立時擊退剿辦迅速尚知愧奮惟城內業經被擾究屬防範不力署浮梁縣知縣張方矩署浮梁營都司揀發都司定凱均著革職留於地方差遣以觀後效署景德鎮同知朱錫均於賊

實錄卷五十七

十五

匪竄聚汎地旋即會同縣營剿退功過尚足相抵著免其置議○雲貴總督恆春等奏雲南賓川等州縣土匪先後糾眾滋事地方文武協同兵練捕剿懲辦迅速歲事功過尚足相抵得旨出力紳耆著查明酌量保奏各地方文武尚能剿捕迅速著免其置議○以廣東東莞縣紳士捐輸紅單船經費永廣學額二名○已卯諭內閣桂良奏請截撥山東起運漕糧以備賑需一摺直隸開州東明長垣

三州縣因河南蘭陽漫口被水村莊災黎待哺孔殷自當亟籌賑濟所需賑米二萬五千石著准其截留山東臨東前幫米麥豆三項共二萬二千二百餘石不敷米石即著該督設法籌撥或搭放折色以資接濟其山東省截留賑濟之漕糧五萬石毋庸分撥直隸賑需該督即刊刻謄黃徧行曉諭務令實惠及民毋任吏胥舞弊用副朕軫念災黎至意又諭李鈞奏節交霜降上游均已安瀾可否

實錄卷五十七

十六

酌保出力各員一摺本年東河蘭陽甫經漫口辦理堵築尚無就緒該河督何得以上游各工平穩為詞率請酌保出力人員李鈞著交部議處所奏著不准行○諭軍機大臣等內外扎薩克捐輸駝馬前據穆隆阿等奏請歸商都兩翼等羣牧放著於此項馬匹內挑選口輕膽壯者二千匹派委委員緩途解京交上駟院牧放其駝隻二千四百餘隻並著緩途悉數解京交上駟院牧放該署都統等

務飭委解之員沿途稽查。妥為管解。無誤。將此諭令知之。○河南巡撫英桂奏。亳州擒匪回竄。現飭鎮道嚴防。得旨。河北情形漸就肅清。斷不可草率了事。暫顧目前。以致貽患。將來撥都興阿軍營之弓箭。務須堅實。不准任不肖委員偷減工料。若如向榮撥回之火藥。無裨於用。朕惟汝是問。○

上以恭上

大行皇太后尊諡。自是日始齋戒三日。○庚辰

實錄卷五

七

諭軍機大臣等。西凌阿等奏連次殲賊獲勝一摺。所奏不過堵剿情形。並未實力籌攻。如初六日之戰。以已敗之賊背城反噬。幾被圍裹。初九日之戰。既傳知顏朝斌出隊夾攻。何以又未交戰。直至顏朝斌營盤被困。始於次日往援。十一日之戰。又以猝不及防。幾墮逆匪詭計。種種疏失。不但郡城不能攻克。即該逆分股出撲。亦僅勉強支持。每次傷亡兵勇。總有數十餘名之多。似此調度乖方。毫無把

握。安望其克復德安耶。仍著督飭各營將弁合力進攻。不得待賊出撲。始籌堵禦。官文由安陸京山一帶進發。為日已久。亦未免遲滯。此時諒已馳抵德安。西凌阿等於進攻機宜。尚未能操勝算。官文到後。務當妥籌布置。大振軍威。併力攻克府城。使江北之賊先絕根株。然後武漢等處會剿易於得手。諒該督亦必早計及此也。西凌阿等另片奏請調餘丁馬匹等語。吉林黑龍江兩處間散未必能如

實錄卷五

六

所請之數。已有旨。令景瀉等各豫備數百名候調矣。惟都興阿所帶馮官屯馬隊二千名。已於初九日由河南衛輝啟程。不日可抵德安。著官文與西凌阿等妥商。或此項官兵到後。毋須再調餘丁馬匹。或仍須添調。而數目可以酌減。均著迅速奏明。再行降旨。飭調可也。將此由六百里加緊各諭令知之。○改鑄福建臺灣縣知縣印信。從巡撫呂佺孫請也。

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百七十七

實錄卷一百七十七

十九

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百七十八

恭修實錄卷一百七十八

大學士管理戶部三庫事務加十三級紀錄十四次

大學士管理戶部三庫事務加十三級紀錄十六次

大學士管理戶部三庫事務加十三級紀錄十七次

大學士管理戶部三庫事務加十三級紀錄十八次

秋修

咸豐五年乙卯九月辛巳以恭上

大行皇太后尊諡前期遣官告祭

天

地

太廟後殿

社稷

奉先殿○諭內閣駱秉章奏郴州桂陽等處勒

賊獲勝一摺廣東竄入湖南逆匪分踞郴州

及桂陽州境經岳州府知府王葆生等分督

兵勇進剿雖未能克復州城而殲擒賊匪數

以千計。著即嚴督諸軍。剋期進剿。務將踞城之賊悉數埽除。毋任蔓延貽患。其桂陽州賊匪既經該處團勇疊次獲勝。賊已潰竄。並著該撫飭令該署知州梅震榮。紳士陳士杰等乘勝追殺。盡數殲擒。以清邊境。○又諭駱秉章奏賊匪自東安分竄祁陽新甯。進剿各獲大勝。生擒首逆。縣城解圍一摺。粵西逆匪竄踞東安。經即選知府王鑫等督帶兵勇誘賊出擊。復乘勝環攻。賊勢不支。竄出縣城。我軍

平定縣人言三八

二

追剿殲斃甚多。當將縣城收復。竄出之賊復與首逆偽定南王胡有祿合為一股。謀竄祁邵交界之四明山。王鑫等督兵分路抄擊。窮追二十餘里。賊眾紛紛敗潰。當將首逆胡有祿擒獲。統計殲斃賊匪二千一百餘名。其竄入新甯之賊。經江西補用知府劉長佑等督帶兵勇直抵賊巢。奮力攻剿。賊眾死傷狼籍。現已往黃沙河一帶逃竄。新甯城圍頓解。此股賊匪自廣西竄入楚境。疊肆猖獗。此次悉

軍機處言三八

三

就刑誅足寒賊膽。辦理甚為得手。著駱秉章仍飭在事各員弁於湖南廣西交界處所設法堵剿。務將朱洪英一股一併殲除。毋留餘孽。○諭軍機大臣等前因會議軍器王大臣奏稱蒙古喀拉沁翁牛特等所轄地方有金銀礦苗。可以開採。當經諭令柏俊會同該王等親行履勘。諒已遵旨妥辦。茲復據喀拉沁扎薩克塔布囊德勒格爾將該旗長杭溝察巴奇拉所產金銀礦苗鍊得金銀並鉛。貢送到京。經會議軍器王大臣轉咨軍機處呈進。此項金銀等著即發交柏俊閱看。其長杭溝等處礦苗是否可以試行開採。並著柏俊一併履勘。妥議具奏。將此諭令知之。尋接任熱河都統英隆奏稱蒙古各礦自會勘後辦理並無成效。應請封閉報聞。○以勸殲湖南東安竄匪。生擒首逆。擢千總蔣華榮為都司。賞花翎。知府王鑫等升敘有差。予殉節教諭周而溥。把總鄭玉恩祭葬世職。○予湖南陣亡

把總徐良積。從九品龍際時。祭葬世職。武生
龍虎臣。龍吟。六品軍功陳月星。賞卹如例。○

壬午。

上詣太和門。恭閱。

大行皇太后。

尊諡。

冊。

寶。行禮畢。還圓明園。詣綺春園。恭候。

冊。

寶至。

上詣。

大行皇太后几筵前行禮。恭獻。

冊。

寶。

冊文曰。

崇儀告備。薦玉策以申虔。

懿行垂光。勒瑤函而紀實。溯。

慈暉之煦育。報稱宜隆。獻。

寶錄之鴻稱。闡揚莫罄。欽惟。

皇妣大行皇太后。性成淑慎。

範表溫恭。華閨鍾祥。備。

坤儀而作則。

椒塗攝位。裏。

內治以宣猷事。

皇考者廿餘年。

恭謹常昭於在昔。

撫藐躬者十五載。

恩勤克媿於所生。虔思。

顧復之仁。

母儀無忝。聿展尊崇之典。

媿德宜彰。延年頌洽乎宸瀛。

晉位禮隆。夫罔極方冀。

慈闈篤祐。長承愛日之歡。何期。

仙馭升遐。遽抱履霜之感。追攀莫及。永慕彌深。

思。

懿範以如存。受。

大名而允當

孝彰柔順。夙嫺宮闈之儀。

靜協安貞。聿表珩璜之度。四海錫

康綏之祉。六宮承

慈惠之型。

宗社凝庥。邦家衍慶。僉言咸兪。眾善同符。謹奉

冊

寶。恭上

尊諡。曰

實錄卷一七八

六

孝靜康慈。弼天撫聖皇后。於戲。鏤赤文而煥彩。

宜特隆歸美之稱。錫寶冊而揚芬。庶稍展追

崇之悃。伏冀

慈靈默佑。

嘉德惟馨。

典冊常新。等彝章而並重。

隆名永協。垂億禩以無窮。祇備

上儀。茂昌景祚。謹言。○諭內閣。樂斌。黃宗漢。奏。

勘辦馬邊夷匪。疊次獲勝。地方肅清。一摺。四

川馬邊地方。夷匪為患。窺伺沿山漢地。搭蓋

夷棚。鄉民屢受其害。經樂斌。黃宗漢。委派文

武紳團。節次進剿。通計斃匪千餘名。燒毀夷

棚三千餘間。首逆就戮。各匪震懾。投誠救出

被掠難民。地方一律肅清。辦理尚屬妥速。所

有在事出力各員。弁紳勇均屬著有微勞。著

樂斌。黃宗漢。覈實查明。酌量保奏。候朕施恩。

○諭軍機大臣等。前因蔣蔚遠奏稱。軍需孔

亟。請催各省撥款。已諭令各該省。將應解黔

實錄卷一七八

七

省各款。迅速撥解。茲據蔣蔚遠奏。該省上下

游滇黔官兵練勇。以及各路防兵口糧。每月

所需甚鉅。而黔省瘠貧。無法可設。廣東。江西。

山東。粵海關等處。尚有欠解銀一百四十五

萬九千餘兩。屢催未解。餉需攸關。萬分喫緊。

自係實在情形。惟各該省支應各路軍營兵

餉。不一而足。恐未能將欠解之項。全行撥給。

著葉名琛。柏貴。文俊。崇恩等。於各該省。有可

籌撥之處。不拘何款。迅即籌撥銀各數萬兩。

派委委員解交黔省以應急需將此由五百里諭知各該督撫並傳諭粵海關監督恆祺知之○又諭四川戡邊營參將蔣玉龍曾經帶兵赴黔剿匪據該督奏稱該員謀勇兼優於黔省情形極為留心若令帶兵至黔剿辦苗匪可期得力著黃宗漢飭令蔣玉龍即日前往貴州交蔣蔚遠差遣至該撫奏下游苗匪蔓延請速調川南川東勁兵四千名一由思南前赴鎮遠一由遵義平越前赴都勻藉

實錄卷一百一

八

資會剿自因貴州兵單之故惟前經降旨令黃宗漢酌撥兵勇赴湖北助剿尚未據該督覆奏此時兵力是否足敷調遣著黃宗漢酌量抽撥即交蔣玉龍統帶前往至四川省已撥未解黔餉前經降旨飭催現據蔣蔚遠奏待餉情形急迫川省距黔較近能否撥餉數萬兩俾資接濟並著黃宗漢籌畫辦理將此由五百里諭令知之○又諭寄諭貴州巡撫蔣蔚遠貴州上下游苗匪蔓延滋擾該撫請

調川兵四千赴黔協剿本日已諭令黃宗漢酌量抽撥惟現在楚北逆匪勢其猖獗荆襄一帶防剿萬分喫緊川省官兵調赴楚北者已屬不少而夔巫等處尚須駐兵嚴防是川兵能否再行調撥尚未可定該撫惟當聯絡鄉團就現有之兵妥為布置至苗寨眾多當此兵單餉絀之時惟有勦撫兼施既懾以兵威使知畏懼並設法曉諭予以自新如能黨與解散漸就肅清稍省兵力而節餉需至各

實錄卷一百一

九

省例解黔省餉銀前已有旨飭催惟各路軍營需餉孔亟各該省均有協濟之款勢難專顧黔省該撫仍當於本省善為籌畫移緩就急其有解到之項尤須撙節動用不可稍有虛糜另摺保奏出力各員已明降諭旨分別加恩惟該撫自保舉黔西出力人員以來業經十餘次之多未免失諸浮濫嗣後軍營實在出力人員固當隨時奏獎激勵眾心特不可濫竽充數致開倖進之門將此由五百里

諭令知之○以克復貴州仁懷桐梓二縣城賞知州趙鴻吉參將鄂清都司施嘉賓花翎遊擊達冲阿等藍翎餘升賞有差○以勦辦貴州夷匪出力賞守備燕陞雲花翎雲騎尉胡萬清等藍翎餘升敘有差予陣亡把總甘起忠祭葬世職○予貴州陣亡通判沈世良千總陳秉哲外委張玉章羅映春從九品劉鍾洛祭葬世職練勇陳萬春賞卹如例○癸未諭內閣御史曹登庸奏天象垂警請恐懼

實錄卷一百七十八

十

修省以召祥和一摺比年以來粵匪竄擾河工屢決兵燹水旱民困未蘇朕念天人相感之理惟有勤求治術拯救吾民以冀仰邀昊眷斷不敢以罪己虛文空言警畏即籌畫軍務宵旰憂勤亦祇自懷淵衷不求臣民共喻茲據該御史以星見雷鳴災侵疊見請詔臣工亟言闕失以召祥和撥之古人遇災而懼之意何敢不益勵慎修惟應天以實不以文大小臣工遇事敷陳果能裨補時政朕必虛

衷採納見之施行其或喜事紛更徒滋煩擾迂疏寡效不切事情亦難博納諫之虛名而不計推行之窒礙感召之機豈專在是朕日理萬幾當此時事孔棘之秋虎尾春冰常存敬畏曷敢萌怠荒之志悅詔佞之言更望內外臣工勤思補袞於國計民生實求裨益以仰副朕側身修行之苦衷庶幾君臣交勉宏濟艱難不徒以下詔求言虛循故事遂可上逆天庥也將此通諭知之○又諭王懿德奏

實錄卷一百七十八

十一

閩省吏治敗壞叅員不知自愧轉若妄遭屈抑往往捏造謠言毀謗上司若不嚴加懲辦勢必挾嫌反噬等語所奏似有所指而又稱得自風聞尚須確查方能覈辦隱約其詞未知是何意見近來叅員挾制上司之案疊經懲辦該上司果能正己率屬舉劾秉公何必計及若輩之捏造謠言挾嫌反噬乎此等劣員各省俱有該督既有所見何妨指名叅處若云尚未查明何必先行陳奏豫為將來叅

効地步。王懿德著傳旨申飭。諭軍機大臣等。前因安徽亳州土匪竄擾夏邑縣城。當諭令托明阿酌撥官兵赴歸德一帶。會同皖豫兵勇合力夾擊。茲據該大臣奏撥吉林馬隊官兵五百餘員名。派頭等侍衛容照管帶啟程由清江取道徐州前往歸德。惟昨據英桂奏該匪張樂行等知兵勇雲集於本月初六日聞風南竄。是歸德一帶現無賊蹤。著托明阿轉飭容照即由徐州帶兵徑赴皖境探明。

【光緒二十七年】

上

擒匪現竄何處。會同該省兵勇奮力合剿。毋得株守一隅致誤事機。此項馬隊現既改赴皖省。所需軍餉豫省難以越境接濟。安徽軍營更覺支絀。殊難兼顧。著仍歸托明阿軍營糧臺由文煜委員前往供支。將此由六百里諭令知之。○又諭和春福濟奏稱皖省兵勇眾多。餉需專恃協濟各省報解者寥寥。糧臺支放已竭等語。怡良節制兩江皖省係其兼轄。設使餉竭兵飢。大局掣肘。亦豈能置身事

外。目前無論是何款項可以移緩就急。著怡良迅速籌商。於現在三四箇月內按月撥銀二三萬兩派員解赴廬州軍營。交和春分撥應用。並著楊以增於鹽課經費贏餘及淮北協貼淮南項下。就現在兩三箇月內按月撥銀二三萬兩解赴廬州以資接濟。務各按期如數無誤。餉糈將此由六百里各諭令知之。○又諭現在歸德擒匪竄回皖境已諭知托明阿飭令侍衛容照徑往安徽潁亳一帶會剿。所需兵餉仍由揚州糧臺支應。此項勁旅添調赴皖即可留於該省專辦擒匪不分畛域往來按捕。著和春福濟擇一扼要地方令該侍衛帶兵駐紮。或駐潁亳宿州或駐臨淮正陽等處與多慧互相聯絡酌定後即一面飭知容照移兵前往。一面具奏。至和春等請於浙江按月協濟餉銀此時金陵軍餉專賴浙江接濟斷難分撥。前已諭令怡良酌撥銀數萬兩以濟皖省軍餉。茲復諭知該督於此

數月內。每月籌銀二三萬兩。並諭楊以增。在於鹽課經費。及協貼淮南鹽課項下。亦於此數月內。每月籌銀二三萬兩。解赴廬州。該提督等。即遵旨催提。以應要需。該提督等。既目覩支絀情形。尚不思謀勇兼施。力圖補救。惟知以兵飢餉匱為憂。於事何益。著即飭令各營。迅圖克復廬州。秦定三等。克復舒城。庶可節次掃除。不致日久相持。籌餉愈難為繼也。將此由六百里諭令知之。○閩浙總督王懿德等奏。捕拏仙遊首逆林俊。仍無實在下落。現飭該管營縣。認真購拏。得旨。林逆一犯。於一月限內。務期必獲。若仍前懈弛。著即嚴叅。○以山東馮官屯軍務告竣。賞知府董步雲花翎。知縣范承祜等。藍翎。餘升賞有差。○以安徽廬州節次勦賊出力。賞協領保德。佐領常壽。金山。慶恩。防禦烏勒興阿。廣霖。都司施溥。尹善廷。守備熊天喜。李篤勝。王一枝。鄧善珍。陳周典。李璋。慶祿。阿克敦。穆恆德。花翎。在

籍員外郎鮑桂生等。藍翎。餘升賞有差。○予安徽陣亡參將劉玉豹。劉鶴翔。祭葬世職。○改鑄福建閩縣知縣印信。從巡撫呂佺孫請也。○緩徵山東高唐德莊。平博平。四州縣被賊屯莊。新舊額賦。並給一月口糧。○甲申。諭內閣。何桂清奏。請將經徵不力之知縣。飭部免議等語。浙江淳安縣知縣陶雲升。經徵咸豐四年地丁。未完六分以上。例應革職。雖據該撫奏稱。該員支應兵差。籌辦防堵。均屬認真。徵解錢糧。未能足數。實係迫於時勢。非尋常惰誤者可比。惟催科不力。究有應得之咎。未便竟予寬免。所有陶雲升革職處分。著改為革職留任。仍飭該員設法陸續徵解。以重國課。嗣後不得援以為例。○又諭。前因何桂清奏。已革安徽甯池太廣道兼署徽州府印務恩禧。廢弛防務。貽誤地方。並扣留捐項。積欠勇糧各情。降旨將恩禧革職。拏問。交何桂清嚴行審訊。茲據該撫奏稱。賊竄休甯。該革

員力戰受傷。迨府城失陷。往績溪向鄧紹良求援。中途傷發。耽延。並非棄城逃避。其經手兵餉勇糧。數目相符。所欠勇糧。由於府庫無款可墊。亦無扣留情弊。恩禧業經革職。著毋庸議。○又諭。勞崇光奏。請將丁憂副將革職等語。丁憂潯州協副將和勒賡額。當艇匪攻圍府城。並不稟報上司。且不候交卸。膽敢帶印潛行出城。似此謬妄庸懦之員。若不從嚴懲辦。何以肅營伍而儆效尤。該撫僅請

廣東奏稿卷之六

奏

將該員革職。不足蔽辜。和勒賡額著即革職。發往軍臺効力贖罪。○諭軍機大臣等。向榮奏。潮勇不易遣散。請飭廣東督撫嚴禁出境等語。潮勇性多獷悍。招募太多。易滋擾累。去年往投向榮軍營者。雖皆拒而不收。而接踵而來。為數不少。本年五六月。又有盈千累百。至自乍浦。上海等處。雖經地方官隨時資遣。惟潮人趨利若鶩。誠恐去而復來。雖有資遣之名。而無其實。除諭令廣東督撫設法禁止

出境外。所有蘇省未曾遣散之廣勇。愈聚愈多。恐貽後患。著該督撫設法。令其由海船回籍。或分配各營。使歸武員管束。不令滋事。並於沿海要口。嚴密稽查。杜其入境。使現在者其勢漸分。後來者無從湊跡。方為妥善。將此由五百里諭令知之。○又諭。勞崇光奏。艇匪攻陷潯州。力籌克復。一摺。艇匪由梧上竄。攻撲潯郡。既經廣東省兩次派撥舟師。交張敬修赴援。即應激勵士氣。迅速前進。與守城文

廣東奏稿卷之六

十七

武內外夾擊。以解重圍。該臬司遲延一月。始抵大黃江。又不實力攻剿。一戰而退。致令潯城被陷。覽奏實堪憤恨。該撫已調果勇一千名。由惠慶帶往武宣。與黃輔相。籌商辦法。張敬修業經革職。尹達章所帶師船。及謝效莊。協勒陸勇。亟應嚴加整頓。力圖克復。土匪胡金受。招撫後。即能與團總陳玉華。殺賊自贖。著即飭令該團總等。幫同堵擊。其平南。橫州等處。惟有厚集團練。藉遏賊蹤。毋令竄突。為

患該撫仍當飛商葉名琛添派兵勇前來會
剿庶可以生力之軍殲方張之寇劉體舒等
如何下落並著查明具奏將此由五百里諭
令知之○又諭本日據何桂清奏江浙海運
船商稟陳來年護漕事宜一摺本年盜匪嘯
聚北洋劫掠漕船沿海村莊並多擾累疊經
諭令各督撫認真兜剿茲據何桂清奏稱浙
省甯商購買火輪船節次在洋捕盜實為得
力現在上海商人亦買火輪船一隻請與甯
商火輪船來年在東南洋面巡緝一以截南
來盜艇一以護北運漕艘此項火輪船隻與
夷船相似是以不令駛至北洋既據稱買自
粵東並非買自西洋又係商捐商辦與夷人
毫無牽涉且在東南洋面緝護並不向北洋
開駛著即照所議辦理來年漕船北上時以
一火輪船帶同勇船駐泊江南余山以一火
輪船在南洋梭織巡護以清洋面而利漕行
並著照江海師船式樣書寫記號不與夷船

相混是為至要浙江新漕已定於十月開局
江蘇省亦應趕緊趲辦著怡良邵燦吉爾杭
阿嚴飭局員迅速封雇沙衛各船務於十月
內一律齊全以期年內趕緊受兌俟東南風
至即可開行毋稍遲誤將此由五百里各諭
令知之○欽差大臣向榮奏請飭已革布政
使張集馨來營差遣允之○命鑲白旗漢軍
都統奕山在御前大臣上學習行走○以廣
東雷瓊道黃鍾音為廣西按察使○予休致
陝西遊擊高殿鼐重赴鷹揚宴賞副將銜○
以殲擒廣西武宣會匪出力賞縣丞張鳳翔
藍翎○以廣西潯州府城被賊竄陷革按察
使張敬修職○予廣西被戕知縣翟登峨祭
葬世職○乙酉諭內閣德勒克多爾濟等奏
哲布尊丹巴呼圖克圖呼畢勒罕接受金印
叩謝天恩呈進哈達並欲特派喇嘛齋呈丹
書克等情乞為轉奏一摺哲布尊丹巴呼圖
克圖呼畢勒罕坐牀感戴厚恩捐銀四千兩

聚集喇嘛班第等將及萬眾虔奉皇經實屬誠悃可嘉著賞給哲布尊丹巴呼圖克圖呼畢勒罕大哈達一塊大荷包一對小荷包四箇黃緞二匹蟒緞二匹交德勒克多爾濟等曉諭哲布尊丹巴呼圖克圖呼畢勒罕祇領○又諭駱秉章奏官軍會剿湖北通城逆匪克復縣城一摺湖北通城等縣為賊首鍾姓糾黨屯聚意圖抗拒駱秉章札飭浙江甯紹台道羅澤南帶勇進攻縱火焚燒賊壘該逆

軍機處

下

奪門狂奔當將縣城收復其奔竄賊匪復為羅澤南伏勇截殺殆盡羅澤南帶領兵勇屢著戰功此次攻克通城尤屬奮勇可嘉著發去白玉翎管一枝綠玉四喜搬指一箇荷包八箇火鐮一把交羅澤南祇領仍飭會攻武漢迅殄寇氣所有羅澤南一軍在事出力人員著曾國藩覈明保奏其平江四營各紳勇並著駱秉章飭令羅澤南查明由該撫據實保奏以示獎勵○又諭前因湖北逆賊攻陷

德安特授察哈爾都統西凌阿為欽差大臣並命荊州將軍綿洵幫辦軍務統率各路精兵前往督剿如果布置得宜蕞爾郡城何難克復七月初二日因逆匪攻撲營盤損失軍裝器械朕僅將西凌阿綿洵革職留任稍示薄懲冀知愧奮乃本日據奏攻剿情形雖馬隊獲勝而步兵屢次潰散調度乖方毫無紀律實屬大負委任西凌阿綿洵均著即行革任仍留軍營交官文差遣以觀後效已革提

軍機處

下

督孔廣順革職留營後不知激發天良奮勉圖報藉詞受傷患病出隊時並不親自督帶以致兵勇潰散著即拏問交官文嚴訊確情據實具奏○又諭駱秉章奏請留回籍知府差委等語前因陳啟邁奏請飭催候補知府劉長佑赴江西差遣當降旨飭該員迅速前往江西交文俊差遣委用茲據駱秉章奏稱該員現在帶勇赴衡州聽調所帶楚勇俱能得力未便飭令遣散劉長佑著准其仍留湖

南勒賊毋庸調赴江西○諭軍機大臣等。本日據西凌阿等奏。馬隊官兵殺賊獲勝。步兵隊兵勇失利潰散一摺。並片奏孔廣順有意退卻等語。西凌阿。綿洵。總統諸軍。勒辦楚北逆匪。兵勇屢次潰散。調度乖方。毫無紀律。已將西凌阿。綿洵。革任留營。並授官文為欽差大臣。督辦軍務。英。官文接奉此旨。著即馳抵德安。妥籌攻勦事宜。西凌阿等所帶馬隊。尚屬奮勇可用。或仍令該革員等督帶。以贖前愆。至步隊募勇遇賊即逃。懦怯已極。投誠義勇一項。本有三千。今已止存六百。餘皆逃入賊營。此等情形。幾於不可收拾。官文接統全軍。應如何力加整頓。號令嚴明。信賞必罰。以期挽回惡習。轉敗為功。著即妥籌辦理。以副委任。都興阿。即日可到。所帶皆係勁旅。堪以制勝。本日據奏。顏朝斌一軍。在德安城南駐劄。屢挫賊鋒。現復添派兵勇助勦。至竄撲江家集之賊。雖經常恩擊退。究未能勦除淨盡。官

實錄卷一百一十八

三

文已檄飭李孟羣。與常恩會合。力圖蔡店。扼守要隘。布置均屬周密。羅澤南克復通城。即由崇陽一帶。乘勝前進。與胡林翼合攻金口。再圖武昌。所有南路軍務。諒可漸有起色。該大臣即馳往德安。先籌克復。然後統兵南下。迅掃逆氣。速奏膚功。以慰殷望。將此由六百里加緊諭令知之。○命湖廣總督官文。為欽差大臣。督辦湖北軍務。○以直隸天津辦理軍務出力。賞同知銜知縣朱溥。花翎。知州於恆吉。藍翎。餘升賞有差。○以克復安徽休甯。石埭。二縣。城。浙江巡撫何桂清。下部優敘。賞已革巡撫張芾。六品頂帶。遊擊馬永清。巴圖魯名號。翰林院編修呂錦文。知府程葆。守備王夢麟。貴廷芳。余永椿。吳偉奇。馬懷珍等。花翎。從九品廖士彥等。藍翎。餘升擢有差。○丙戌。上詣迎暉殿。孝靜康慈皇后几筵前。供奠。○御洞明堂。句到

實錄卷一百一十八

三

新疆雲南貴州廣西情實罪犯停決新疆絞犯一人雲南絞犯二人貴州斬犯七人廣西斬犯二人餘四十二人予勾○諭內閣曾國藩奏師久無功自請嚴議並保勞績較多人員等語兵部侍郎曾國藩督帶水師屢著戰功自到九江後雖未能迅即克復而鄱湖賊匪已就肅清所有自請嚴議之處著加恩寬免○諭軍機大臣等據曾國藩奏羅澤南帶兵援鄂距該侍郎軍營甚遠請令該道自行

軍機處

旨

奏報軍情並據李孟羣奏稱馳赴中路力圖整頓各等語自蔡店失利府河後路空虛常恩等兵勇遇賊卻退武漢賊勢愈肆狡猾官文前赴德安中路各軍必應有所統屬李孟羣已於本月十六日督同參將趙鴻舉等由沙湖至仙桃鎮所有中路各軍著官文即飭李孟羣就近調度所需軍餉並著飭令莊受祺由糧臺籌款撥解羅澤南移師援鄂業已克復通城即日當與胡林翼會合嗣後羅澤

南勦辦情形即著胡林翼奏報毋庸交曾國藩轉奏以省往返耽延將此由六百里各諭令知之○又諭曾國藩一軍需餉刻不容緩著陸元煊在江西漕項銀兩內每月籌撥銀三萬兩就近暫行接濟數月毋誤急需將此由五百里諭令知之○又諭赫特額奏廓番妄事要求請飭四川官兵進勦一摺前因廓爾喀占踞濟龍等五處地方諭令樂斌帶兵馳赴前藏防勦嗣據樂斌黃宗漢奏稱豫備

軍機處

旨

屯兵一千名營兵二千名惟該省兵力不敷餉需不繼且藏地寒冷進勦非時復諭令該將軍暫緩啟程現在都司戴廷超從陽布轉回並該國噶箕呈遞夷稟情詞愈加狂悖自應示以兵威杜其要挾但四川與楚北接壤辦理防勦正在緊要之際若復派兵前往後藏誠恐轉餉維艱諸多窒礙且節近冬令天氣嚴寒我兵斷難深入藏屬番土各兵既有萬餘挑選精壯堪用者扼要防堵不可擅啟

兵端亦不可不豫為防範。該大臣仍當據理
檄諭該夷。一切示以鎮靜。不必遽煩兵力。使
該夷轉得有所藉口。其扼要地方。即就現有
之兵。暗地設防。毋任肆行竄擾。仍隨時察看
情形。奏明辦理。將此諭令知之。○以江西督
辦軍餉無誤。賞在籍侍郎黃贊湯花翎。○以
克復江西廣信府城。鄱陽湖匪肅清。賞同知
蕭啟江。都司金世蓮。花翎。縣丞潘家馥等。藍
翎。餘升擢有差。○丁亥。

實錄卷一百一十八

壬午

孝慈高皇后忌辰遣官祭

福陵。○諭軍機大臣等。前因廓爾喀藉端滋擾。
占踞地方。當飭黃宗漢酌調川兵三千名。令
樂斌統帶赴藏。以備攻剿。昨據赫特賀奏。該
夷所遞稟詞。肆意要求。情詞愈加狂悖。請速
飭川兵前往攻剿。惟前因湖北需兵。曾諭該
督調撥。又漸屆嚴寒。揆之天時人事。尚難遽
議興兵。是以仍諭赫特賀嚴加防備。俟該夷
奉到第二次檄諭後。情形如何。再行具奏。儻

該夷仍肆無厭之求。甚至深入藏地。所有藏
屬番土各兵。能否堵禦。川省與藏地毗連。平
時多交涉事件。樂斌黃宗漢亦須豫籌布置。
樂斌曾至西藏。於該處情形。較為熟悉。且川
省必有素諳夷務之員。堪資探訪。著該將軍
等。悉心籌議。除需撥川兵前往攻剿。此外有
無他策。足以控制廓夷。迅速具奏。赫特賀摺
片。並檄諭稟底。及廓夷原稟。均著鈔給閱看。
將此由五百里諭令知之。○戊子。

實錄卷一百一十八

丁亥

上詣

大高殿行禮。○還宮。○調江南提督鄧紹良為
陝西提督。○以江蘇揚州府紳民辦團殺賊
出力。予知府吳雲等。加銜升賞有差。○
上以孟冬時享。

太廟。自是日始齋戒三日。○己丑。

孝敬憲皇后忌辰遣官祭

泰陵。○諭內閣。恆春奏黔省驛報遲延。請將督
查不力之員。先行議處等語。貴州各州縣緊

要公文限行兩日。竟有遲至十餘日始到者。殊屬玩誤。署貴州按察使承志著先行交部議處。所有遲延各州縣並著查取職名一併叅辦。○諭軍機大臣等。前據蔣霽遠奏黔省勦辦苗匪請飭調川兵等語。當諭令黃宗漢酌量抽撥交參將蔣玉龍統帶前往。茲據恆春奏滇省回民滋事並有土匪滋擾滇兵難以驟調懇調川兵二三千名赴黔勦辦。惟湖北賊勢猖獗防勦喫緊曾諭黃宗漢派兵助

實錄卷一百六

文

勦尚未據該督覆奏。至黔省所需川兵雖經諭令該督酌調其能否分撥尚未可知。現在蜜蜂壘苗匪經提督孝順等督兵勦殺殆盡此路可期指日蕩平。若上游地方已就肅清該提督等即可馳赴下游勦辦。其前調川兵著恆春等即飛咨黃宗漢毋庸調撥雲南東川曲靖各屬及蒙化景東等廳回民土匪紛紛滋擾著該督嚴飭各該文武多派兵練上緊緝拏及早肅清。蔣霽遠仍會同孝順督飭

承齡等勦辦貴州上下游苗匪迅速藏事毋得日事耽延致干咎戾將此由五百里各諭令知之。○命學習御前大臣奕山在紫禁城騎馬。○以堵勦湖北德安逆匪出力賞參將顏朝斌都司張萬祿巴圖魯名號。○以陝西訪獲奸匪拔兵丁馬振江為千總參將施鵬等下部議敘。庚寅撫恤朝鮮國遭風難夷如例。

實錄卷一百六

文

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百七十八

大清文宗協天翊運執中垂謨懋德振武聖孝

淵恭端仁寬敏顯皇帝實錄卷之一百七十九

蘇修總黨部通日語起居注宮太子太傅上書唐繼師博文淵閣閣事翰林院掌院學士稽察欽奉上諭事件及國文館總裁官武英殿

大學士管理兵部事務加十三級紀錄十四次歷官積勞卒總裁官經筵講官太子太傅文淵閣領閣事武英殿總纂官教習原吉士體仁閣

大學士管理戶部三庫事務管理刑部事務加二十五級紀錄十六次臣周祖培總辦官太子少保管理內務府事務引大臣軍機大臣

錄盛棋滿洲都統戶部尚書管理三庫事務加四版隨帶加五版紀錄十二次在實錄總纂官經筵講官弘德殿教習清文詩道上書原題請

達國文館編纂官正藍旗蒙古都統禮部尚書管理太常寺鴻臚寺事務加二級軍功加四級隨帶加八級紀錄五次在倭什哩布等奉

救修

咸豐五年乙卯冬十月辛卯朔享

平康本一百七十九

太廟

上親詣行禮遣官祭

永陵

福陵

昭陵

昭西陵

考陵

孝東陵

景陵

泰陵

泰東陵

裕陵

昌陵

昌西陵

慕陵○遣官祭

孝德皇后殯宮遣官祭

瑞慧皇太子園寢○頒咸豐六年時憲書○

諭軍機大臣等和春福濟奏三省會剿捻匪

卷之二 一百七十一

必得大員帶兵請飭新授湖南提督武隆額

帶兵前赴亳州等語。現在歸德擒匪竄回皖。

境在亳州河北一帶窺伺州城業經官軍殺

斃多名。惟陸希湜、朱連泰均在城外劄營以

兵力單弱。稟請撥兵接應。自應趕緊合力會

勦據奏河南江蘇安徽三省兵勇不下七八

千人急需大員統帶著崇恩即行傳旨今武

隆額由山東酌帶得力兵弁迅即赴亳州駐

劉所有三省會勦兵勇悉歸調度以專責成

如山東兵勇不能多撥。即著該撫酌撥數百名。交該提督統帶前往。至托明阿所派侍衛容照帶兵赴豫。前已諭知該大臣。飭令徑往潁毫一帶會剿。不得在徐州駐劄。其楊以增派往之代理徐州鎮總兵興慶等。並英桂所派張維翰等。及和春等派往之遊擊武全。所帶兵勇著統歸武隆額節制。武隆額赴皖後。曹州防河事宜著崇恩另派妥員接管。毋稍疏懈。仍著和春等嚴飭朱連泰等。就現有兵

平定縣志卷之九

五

勇上緊攻擊。毋得專待各路兵勇轉致遷延貽誤。將此由五百里各諭令知之。○江南提督和春等奏遵查宋培之並無開門迎賊情事。胡元燁尚無下落。得旨該犯隱忍偷生。無恥已極。姑念其身已斃。著毋庸議。胡元燁實在下落仍著確查。○以湖北漢陽剿賊出力實軍功劉得亮等。藍翎餘升敘有差。○追予安徽陣亡參將李成虎於全椒縣建立專祠。壬辰

上幸圓明園。○諭軍機大臣等。奕格等奏俄囉斯船隻凍阻內江一摺。俄囉斯上下往還船隻。於黑龍江城阻凍不能行駛。該夷人請借馬乘騎。由驛路分送伊國公文。據該將軍等以夷情詭詐。難保無窺探別情。若陸路程途復令通曉。設有事端。更難兩顧。所見甚是。所有俄囉斯夷人請借馬由驛行走之處。著不准行。惟該夷人既因阻凍在江邊居住。著奕格揀派幹員帶領官兵看守照料。所需口食

平定縣志卷之九

四

帳房妥為籌給。毋許該夷人擅離江岸。致有他虞。一俟春融冰泮。即令開駛啟程。至內地江面本不能聽外國船隻往來。前經諭令奕格曉諭該夷杜其行駛。此項夷船於來年開行時。即著奕格遵照前旨剴切曉諭。該國上下船隻不得再由黑龍江往還。以符定制。將此諭令知之。○以湖南常德協副將楊載福為湖北鄖陽鎮總兵官。並署湖北提督。湖北竹山協副將王國才署鄖陽鎮總兵官。○以

進勦湖北漢陽龍潭賊匪獲勝賞鹽法道常恩按察使銜○予河南陣亡參將達凌阿祭葬世職 癸巳諭軍機大臣等景渚奏遵旨挑派閒散餘丁一摺據稱已於阿勒楚喀等八處挑選熟習技藝餘丁共五百名並分派營員管領統帶其軍械軍裝均已豫為籌備候旨調撥即分二起前進等語辦理尚為周妥著該將軍即飭管帶各員將挑選餘丁勤加操練俟有諭旨調撥再令該員等管帶啟程趕赴湖北官文軍營聽候分撥至該餘丁等應給整裝養贍銀錢並管帶各員支借俸餉津貼等項均著照所議辦理將此諭令知之○甲午

上詣迎暉殿

孝靜康慈皇后几筵前供奠○以翰林院侍讀學士訥爾濟為光祿寺卿○乙未諭軍機大臣等邵燦奏請嚴扼北洋島嶼並雇船捕盜護漕一摺海船北駛以余山石島為寄碇之

所以牛莊為裝卸貨物之地盜艇伺劫多在該三處口岸必須嚴行扼守始能保護新漕前據何桂清奏甯波上海商人各雇用火輪船一隻以一隻駐泊余山以一隻在南洋梭織巡護本日復據邵燦奏由商捐雇網梢船二十隻與浙江商艇合力守駐余山是南洋盜艇當可絕其來源其北洋牛莊石島等處亦應豫籌扼堵著英隆書元崇恩嚴飭水師將弁實力巡哨認真勦捕務使匪船無從窺伺以利漕行至海運沙船自十激放洋後向派武職大員長途押護據該漕督奏稱徒滋糜費實則虛應故事自係實情此次海運即毋庸專派水師大員著怡良吉爾杭阿何桂清崇恩責成沿海水師逐程遞護何處見有盜踪即將何處水師員弁參辦不得互相推諉致有疏失再浙江新漕業於十月內開局江蘇漕務情形尚未據該督撫奏報前經催令趕辦於年內一律受兌著怡良等迅速遵

辦並將開局日期及起運米數先行奏報母
任再延將此各諭今知之○又諭寄諭安徽
巡撫福濟河南巡撫英桂張之萬奏永亳擒
首獨獬請飭皖豫兩省速行會剿一摺據稱
擒首蘇添福張樂行等逆鼓甚熾由歸德竄
回雒河集盤踞老巢河南之兵現集歸德而
豫省已無賊蹤皖省之兵漸集亳州而城下
已無賊踞恐兩省各分畛域苟且了事不思
合力勦捕殲厥渠魁請特派大員統領節制

光緒二十九年

並請飭皖豫各撫令祝塏陸希澐整頓鄉團
以助官軍等語前因三省會剿擒匪已有旨
令武隆額即赴亳州所有三省會剿兵勇悉
歸調度該提督不日即可抵皖著該撫等飭
令帶兵各員齊集亳境聽候調遣該撫等即
傳旨武隆額迅督三省兵勇務將該匪老巢
平毀著名擒首悉數擒獲以靖地方僅帶兵
各員有逗遛株守情事即著嚴行叅辦毋稍
姑容並著飭令祝塏陸希澐於歸潁兩府鄉

團實力整頓會同防剿兵勇於兩省交界地
方逐細嚴查勿任零星匪復行聚集並著妥議
章程於每月定期會查以為永安之計再此
次擒匪肆掠歸德亳州一帶慘遭荼毒被害
良民恐一時未能安業著各該撫等確切查
明有應行蠲緩錢糧之處即行具奏候朕加
恩將此由五百里各諭今知之 以廣東惠
州剿匪失利總兵官呂大陞慶寅下部議處
予陣亡把總曾名標王連輝外委黃在中蔡

光緒二十九年

葬世職 以廣東開建縣城被賊竄陷旋即
克復免知縣殷作梅等叅處 丙申
上詣

安佑宮行禮 以烏魯木齊都統恆毓署正紅
旗蒙古都統喀什噶爾辦事大臣倭什琿布
為烏魯木齊都統調阿克蘇辦事大臣謙亨
為喀什噶爾辦事大臣賞巴里坤領隊大臣
海撲頭等侍衛為阿克蘇辦事大臣三等侍
衛薩凌德二等侍衛為巴里坤領隊大臣

丁酉。

上御洞明堂。句到四川情實罪犯。停決斬犯十七人。絞犯一人。餘四十二人。予句。諭內閣。和春。福濟。奏克復廬州府城。將逆匪殲淨。盡一摺。廬州逆匪負隅抗拒。屢次外援之賊。均經我軍擊退。該逆猶死拒待援。我軍晝夜嚴攻。至本月初一日。和春等派總兵珠克登等。各帶兵勇。乘夜分攻各門。和春。福濟親督攻勦。鄭魁士帶同儘先守備馬昇平。朱承先等。潛至城根。豎立雲梯。都司熊天喜。余成蛟。帶兵突上北門。首先登城。槍箭並發。賊匪驚亂。適都司于昌麟。亦由小東門登城。燒賊更棚。副將嵩瑞等。由東門翻城殺進。同時各門官兵。均各緣梯而上。砍殺守城賊匪。該逆東竄西逃。悉遇官軍殺斃。適城中內應紳民王子願等。亦在各門放火接應。我軍乘勢衝下。槍礮齊施。逆衆塞路填衢。自相踐踏。合肥被擄百姓。歡聲動地。隨同殺賊。廬州府城。當時

克復。統計是日斃賊五千餘人。割獲首級二千餘顆。其賊首偽指揮陳姓。偽丞相王姓。均在城中賊館被焚。生擒三百零七名。內有偽師帥等十七名。均即訊明正法。奪獲礮械等件。不計其數。廬州府城被陷。將及二年。和春等帶兵攻勦。雖遷延日久。此次督攻奮勇。補過。俾堅城克復。醜類盡殲。調度有方。辦理尚為妥協。仍著該提督等。督率將士。將舒巢各屬賊匪。乘此聲威。次第迅速掃蕩。以靖逆氛。

實錄卷一七九

十

○諭軍機大臣等。和春。福濟。奏督率兵勇。乘夜克復廬州一摺。逆匪竄踞廬城。將及二年。經和春等督兵圍逼。乘機克復。俾江北關鍵之區。不至久為賊踞。惟舒城。巢縣。廬江等處。附近廬州。尚多賊蹤。沿江一帶逆匪。亦未肅除。必須乘此聲威。次第進剿。如能再克安慶。則金陵之賊。其勢已孤。我軍水陸進攻。勦辦自易為力。該提督等所帶兵勇。為數甚多。此時應即移師進剿。何處著悉心籌畫。迅圖掃

蕩逆氛。廬城陷賊已久。居民慘遭蹂躪。一切善後事宜。著該撫妥為辦理。該處紳民被賊裹脅。究能悔罪立功。為我軍內應。著該提督等。確切查明。擇其實在出力者。分別保奏。以勵民心。將此由六百里諭令知之。○又諭。前因向榮奏。潮勇在蘇州滋擾。諭令怡良等設法。令其回籍。或分配各營。歸武員管帶。諒已遵照辦理。茲據侍郎羅惇衍奏。稱蘇州閭門外。嶺南會館左右。潮勇盤踞把持。居民行旅

實錄卷一百一十九

十一

受其魚肉。惠潮無賴之徒。由海至蘇。日聚日多。人心震動。賴已革閩浙總督顏伯燾。善為勸導。請飭鎮撫等語。已明降諭旨。將顏伯燾交怡良等差遣委用矣。該革員籍隸廣東。現在流寓蘇州。如果能勸導潮勇。使不為匪。著即飭令會同地方官。妥為約束。設法辦理。能令其由海道回籍。毋使日久盤踞。方為妥善。惟該勇獷悍性成。趨利如鶩。尤不可有名無實。任其暫時避匿。去而復來。徒滋糜費。並著

於沿海要口。嚴密稽查。杜其來路。其分配各營之勇。務須嚴飭將弁。妥為鈐束。以期消患未萌。將此諭令知之。○又諭。楊以增奏。堵剿捻匪獲勝。現籌會剿一摺。前因江蘇安徽河南三省會剿。捻匪急須大員統帶兵勇。已諭知崇恩傳旨。令新授湖南提督武隆額。由山東帶兵。即赴亳州駐劄。各省兵勇。悉歸該提督調度。並諭和春等將楊以增所派興慶帶往之兵。一併歸武隆額節制。茲據楊以增奏。

實錄卷一百一十九

十一

該署鎮興慶。已於虞碭交界之處。疊次斃匪多名。探得該匪竄至商邱地方。並有率眾攻亳州之信。飛飭該鎮道固守藩籬等語。現在潁亳一帶。捻匪猖獗殊甚。必得趕緊會剿。方可一鼓殲除。著楊以增。即飭興慶。迅帶兵勇赴皖。與容照所帶吉林馬隊會合。前進聽候武隆額調遣。務將此股捻匪。迅速兜剿。毋稍遲延。將此諭令知之。○江南提督和春等奏。報克復廬州府城。得旨。汝等雖遷延於前。尚

能補過於後。俾堅城克復。盡殲醜類。當此兵勞餉乏之時。皆賴眾將士勦力同心。迅奏厥功。欣慰之餘。倍增憫念。以喀什噶爾辦事大臣謙亨為鑲白旗漢軍副都統。命已革閩浙總督顏伯燾赴江蘇軍營交兩江總督怡良差委。以克復安徽廬州府城。賞提督和春黃馬褂。騎都尉世職。巡撫福濟太子少保頭品頂帶。副都統麟瑞常清頭品頂帶。總兵官鄭魁士提督銜副將嵩瑞以總兵官用。參將陳智泉都司熊天喜江忠信守備余成蛟巴圖魯名號總兵官珠克登千總馬昇平花翎免合肥縣咸豐四五年額賦永廣文武學額各三名。以直隸永定河防汛出力予同知王仲蘭等升敘有差。戊戌諭軍機大臣等前因曾國藩奏江西舉人彭壽頤控告萬載縣知縣李崱棄城逃走鄉民彭才三等餽賊財物陳啟邁徇庇不辦轉將首告之舉人彭壽頤坐以誣告之罪當降旨令文俊

書錄全言卷九

十三

查辦具奏。本日據都察院奏彭壽頤遣抱告彭珠鳳以上年在籍辦理團練有誘民餽賊阻團縣官棄城避賊詐贓傾陷各重情並臚列巡撫失守不奏各款十四條赴該衙門呈控曾國藩前參陳啟邁各款均交文俊查辦。彭壽頤所控本在查辦之列著該撫於抵省後即將陳啟邁被參各款與此案一併查訊務須秉公研究毋得稍有不實不盡至文俊簡任江西巡撫已經數月該省尚多應辦之事著即趕緊前進迅速赴任毋再稽延將此諭令知之。引見翰林院保送考試御史人員得旨張桐何桂芬方濬頤毛昶熙李培祐張雲望吳焯朱文江邵亨豫均著記名以御史用。熱河都統柏葰奏阻撓礦務不服管束之蒙古婦人宗室氏請旨審辦得旨覽該氏呈詞受人指使要挾該王逞其私欲實屬不安本分。以廣東崖州協副將黃開廣為瓊州鎮總兵官。己亥。

書錄全言卷九

十四

上詣迎暉殿

孝靜康慈皇后几筵前行月祭禮○諭內閣鴻臚寺奏請於本月二十日照例升殿現在

孝靜康慈皇后梓宮尚未奉移

山陵著停止升殿○又諭戶部奏楚岸鹽斤抽稅章程久未奏報請飭查明聲覆等語前因湖南湖北借運川粵官鹽經該部奏准凡川粵鹽斤入楚時無論商民均許自行販鬻於楚省堵私要只專駐道府大員設關抽稅並

清實錄卷四十九

十一

令川廣兩省將商支外款大加裁減妥議章程責成湖南藩司熟籌妥辦現在川粵接濟楚省鹽斤辦理已經兩載該省如何議立章程按引抽稅之處並未據該督等詳晰覆奏著湖廣督撫等查明現辦章程迅速具奏毋再稽延○諭軍機大臣等戶部奏請飭湖南浙江各巡撫將該省鹽茶互運以充軍餉一摺據稱湖南為產茶之區近年銷路阻滯茶價極賤所缺者惟鹽浙省則存鹽尚多而茶

之銷路頗廣擬請由浙運鹽十餘萬引赴湖南易茶十餘萬道庶楚省無虞乏鹽而浙省之茶亦可暢銷應令各該撫設法籌辦等語現在軍餉浩繁籌撥維艱楚茶浙鹽既可彼此交易自應亟籌互運以便民用而裕餉需著何桂清駱秉章悉心斟酌各將成本運本設法籌備湖南省則將民間積存之茶收買十餘萬道運赴江西樟樹鎮地方浙江即籌鹽十餘萬引亦運至該處彼此豫行知照到

清實錄卷五十九

十六

時互相交割分路銷售如一時難於籌款各先運二三萬以後陸續籌運亦無不可至彼此銷售後除去成本運腳各費外贏餘銀兩即著覈實報部以備京餉及江楚之用該撫等務當揀派賢員盡心妥辦至沿途運解時各該地方官尤當派委弁兵小心護送毋稍疏虞並著何桂清等即將辦理互運章程妥速詳議先行具奏原摺著鈔給閱看將此由五百里各諭令知之○又諭前據駱秉章奏

採買淮鹽以濟民食並淮楚分岸納課以濟軍需一摺當交軍機大臣會同戶部議具奏茲據文慶等奏稱湖南長沙等府屬每年額銷淮鹽二十二萬餘引現在淮南片引不行楚南之民需鹽甚急請飭兩江總督備鹽十萬引解赴湖南並飭浙江江蘇巡撫派員實力稽查等語淮南鹽引自江路梗阻片引不行疊經戶部奏請設法疏銷力求整頓現在湖南鹽價日昂民間茹淡自應急籌運解

書卷八十一

十七

以濟民食而裕國課著怡良即督飭署運使郭沛霖迅速備鹽十萬引解赴湖南淮鹽成本甚輕雖運本較重而湖南鹽價極昂除完引課之外成本運本不患無著該督務必趕緊設法籌墊不得以無款可籌畏難推諉致誤要需其經過浙鹽引地侵灌之弊不可不防著責成督運之員嚴飭船戶不准片刻停泊並著吉爾杭阿何桂清分派委員於沿河扼要之處實力稽查不准疏懈路過江西時

並著文俊飭令該地方官一體照料毋誤進行原摺著鈔給閱看將此由五百里各諭令知之並傳諭陸元烺知之○命廣東巡撫相貴來京陛見以兩廣總督葉名琛兼署廣東巡撫○調廣東碣石鎮總兵官謝焜為閩粵南澳鎮總兵官以廣東龍門協副將余殿材為碣石鎮總兵官命新授雲南騰越鎮總兵官通安暫留廣東署南韶連鎮總兵官○以江西袁州臨江等府防堵出力予同知呂

書卷八十二

十八

紹奎等升敘有差○以江西靖安防堵出力賞千總藍占魁藍翎餘升敘有差○庚子欽差大臣向榮奏攻勦蕪湖賊壘情形得旨著嚴飭鄧紹良吳全美等兩岸迅圖掃蕩勿令該逆南北聲氣相通致師船進退兩難○以右春坊右庶子依奇哩翰林院編修桂清充日講起居注官右庶子袁希祖編修張桐許彭壽署日講起居注官○予江南陣亡守備胡德順祭葬世職記名外委翁欽軍功洪潮

和祭葬世職如外委例

實錄卷一百七十九

九

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百七十九

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百八十

較修

咸豐五年乙卯十月辛丑諭內閣哲布尊丹

實錄卷一百八十

一

巴呼圖克圖呼畢勒罕坐牀欲遣喇嘛呈進
丹書自係衷悃出於至誠惟念庫倫距京寫
遠著毋庸特遣喇嘛來京呈進丹書用示朕
軫恤之至意○諭軍機大臣等蔣蔚遠等奏
苗匪肆擾廳營失守一摺據稱漢苗賊匪於
七月二十五六等日由都勻府屬獨山州之
三腳壘汛攻撲都江廳城正在接仗突見城
內火起賊眾擁入八月十三四等日復有賊
數千竄至高舊地方攻撲營盤汛兵潰散遊

擊陣亡各等語。該處與都勻、八寨、荔波、獨山、古州、下江各府廳州縣毗連。凱里一帶已為賊阻。亟應嚴防竄越。現經該撫派貴東道承齡駐劄清平。斷其上竄之路。著即責成該道並各該管文武員弁督帶兵勇上緊攻剿。務將都江廳城剋期收復。不得專以防其上竄為詞。轉致遷延貽誤。將此由六百里諭令知之。○又諭。現在貴州勦辦苗匪。所調四川雲南兵勇陸續到齊。餉需更鉅。廣東土匪已漸

實錄卷一百一十

二

肅清。該省關稅一切諒有起色。著葉名琛等移緩就急。無論何款。籌銀二十萬兩。速解貴州。惟粵黔道遠。一時未能迅到。著駱秉章先籌銀數萬兩。就近解往貴州。俟粵餉起解過湖南時。即可照數截留歸款。該督等即遵諭迅速籌撥。毋誤要需。再前據向榮奏。潮勇在蘇州滋擾。去年至本年五六月。又有多名。至自乍浦上海等處。不易遣散。又據羅惇衍奏。蘇州嶺南會館潮勇盤踞把持。惠潮無賴之

實錄卷一百一十

三

徒由海至蘇。日聚日多。各等語。著葉名琛。柏貴。隨時設法嚴禁。並飭各海口嚴加稽察。毋令再行出境。致滋事端。將此由六百里各諭令知之。○又諭。奕格等奏遵挑餘丁候調一摺。據稱於齊齊哈爾城等處挑選精壯餘丁共五百名。並揀選協領等官管帶等語。所有挑出餘丁。著奕格即飭管帶各員勤加操演。俟有諭旨調撥。再行啟程赴楚。至該餘丁等應得整裝銀兩。據該將軍奏請暫由商賈各號那借減半發給。現在該餘丁等尚無啟程日期。此項銀兩著暫緩發給。前據吉林將軍景淳具奏挑選餘丁摺內所議給發整裝養贍銀錢並管領各員支借俸餉津貼等項章程似較周妥。著鈔給奕格閱看酌量比照辦理。將此諭令知之。又諭。前因湖北賊勢猖獗。荊州喫緊。曾諭令黃宗漢飭催署松潘鎮總兵德恩帶夔巫防兵二千名迅赴荊州防剿。並令再撥兵勇數千名。於將軍樂斌提督

萬福二員中酌量一員統帶赴荆以資援應。本日據官文奏漢陽逆匪傾巢上竄官兵失利漢川復失該逆竄至鄢家灣麥旺背一帶恐其窺伺荆襄大局攸關必得添兵防備德恩所帶防兵著即嚴催迅赴荆襄聽候官文調遣毋稍遲誤續撥赴荆兵勇究有若干樂斌萬福二員何人可往並著一面籌度一面迅速具奏又據蔣蔚遠奏貴州苗匪肆擾都江廳失守並陳兵單餉絀情形等語川省距

實錄卷一百八

四

黔尚近撥解可期迅速著黃宗漢再行籌畫儻可移緩就急酌撥銀十萬兩速解貴州以應急需前調四川參將蔣玉龍並著飭令迅速赴黔聽候蔣蔚遠差遣將此由六百里加緊諭令知之○又諭官文奏漢川復失中路官軍失利一摺前據該大臣奏中路情形尚可無虞又奏常恩帶兵進襲蔡店各摺似尚有把握何以數日之間遽有此失據稱漢川失守後鄢家灣之軍亦相繼潰挫逆眾已至

麥旺背盤踞是中路情形萬分喫緊李孟羣業於九月十六日由沙湖至仙桃鎮中路各軍已有旨令其就近調度何以此次摺內尚稱飛催該署臬司迅赴襄河該署臬司係專辦中路之員豈可任其久駐潛沔之間致下游賊蹤猖獗上竄著官文嚴飭李孟羣迅即前進所有襄河上下賊匪責令一力攻剿該大臣得以先顧德安不受牽掣該大臣自鍾祥京山一路行走至今尚未行抵德安亦未

實錄卷一百八

五

免過於遲滯著即迅速啟程一面接受關防督辦北路攻剿事宜一面兼顧中路並將潛沔等處妥為布置毋任顧此失彼常恩魁王錫齡阿不能實力堵禦著該大臣即將該員等潰敗情形查明具奏前次收復漢川是否派有駐守員弁此次失守亦著查明下落一併具奏將此由六百里加緊諭令知之○以貴州都江廳城被賊竄陷參將佛恩通判周汝椿革職逮問革知府鹿丕宗州同楊明千

總霍元發職巡撫蔣霸遠提督孝順總兵官桂林下部議處予陣亡遊擊興瑞祭葬世職○壬寅諭軍機大臣等官文奏德安府城於十月初四日克復現在督飭兵勇追剿逆匪擬即振旅南下該逆匪棄城逃逸如果下竄武漢則該大臣自應剋日南下跟蹤追剿俾武漢賊匪不致更增兇熾即可與胡林翼等迅圖克復兩城廓清楚境惟昨據該大臣奏稱漢川復失鄖家灣之軍相繼潰挫麥旺背

實錄卷一百八十

六

已為賊踞中路情形萬分喫緊儻此股逸賊竟由府河上竄為麥旺背等處賊匪援應則該大臣自不得遽行南下以致顧此失彼著官文確探賊蹤妥為斟酌飭令常恩魁王錫齡阿等實力堵禦毋稍疏懈並遵照前旨嚴催李孟羣迅速前進將麥旺背等處賊匪設法掃除毋令愈聚愈多轉難措手至此次南北各路官軍進攻德安何項兵勇最為出力並著查明具奏再本日復據胡林翼奏克復

崇陽並蒲圻官軍先勝後挫一摺崇陽縣城池於九月十四日經羅澤南帶兵克復本可即與該撫夾攻蒲圻惟逆賊石達開率眾數萬人上竄悉踞武昌南岸較羅澤南之軍多至十倍以致與胡林翼阻隔羅澤南所帶各勇雖僅五千餘人然皆精銳自江西饒州義甯轉戰無前遂能連克崇通今以數萬賊匪蜂擁相逼深虞挫失現在德安既經克復著官文酌量派撥精兵遴委得力將弁統帶前

實錄卷一百八十

七

進接應羅澤南之師以壯軍威胡林翼進剿蒲圻雖未得手小挫之後士氣尚能振作仍著胡林翼激勵將士速行進攻以期與羅澤南一軍剋期會合庶不至彼此隔絕致有疏虞將此由六百里加緊各諭令知之○察哈爾都統西凌阿等奏收復德安府城派兵追剿情形得旨德郡並非攻破實該逆有意竄逸難保無另有詭謀著即趕緊追剿毋稍鬆勁○湖廣總督官文奏謝授欽差大臣恩得

旨。汝節鉞督師。時時以迅圖埽蕩。毋負委任之專。為念軍務貴速。不可過於拘泥。寓慎重於機變之中。方妥。今續閱汝報。知德安已復。但未詳敘情形。料應奏報在途矣。○以

孝靜康慈皇后梓宮奉移

慕東陵。免所過宛平。良鄉。涿。房山。涞水。五州縣

本年額賦十分之五。易州十分之七。○癸卯

上詣迎暉殿

孝靜康慈皇后几筵前供奠。○諭內閣。戶部奏

實錄卷一百八

八

統籌節用事宜。並請飭各省實行鈔法錢法。各等語。現值度支匱乏。軍餉浩繁。開源節流。兩無善策。自推行鈔法。添鑄大錢以來。京城官號所存寶鈔。及戶工兩局。鐵錢局。所鑄當十當五大錢。均已日見流通。藉資周轉。而各直省於疊奉部文後。總未實力奉行。但以鈔票大錢。難以適用為解。各路軍餉。紛紛請撥。現銀。豈京外情形。遂如此懸絕。總由不肖官吏。有意延擱。非畏難苟安。即意圖中飽。而督

撫藩司。視為具文。聽其玩誤。於應設官號。因循不辦。以致寶鈔大錢。仍形壅滯。州縣官徵銀解鈔。轉得從中漁利。下無以取信於民。安能中外流通。推行無礙耶。著各省督撫。按照該部摺內所議。勒限三箇月。將應立官號。一律開設。並將官號章程。於接到部文一月內。先行奏報。其附近京城各州縣。應搭收當十大錢。著直隸總督。出示曉諭。務與制錢一律完交。儻有強分軒輊。勒捐不收之官吏。由該

實錄卷一百九

九

督據實嚴參。藩司不行揭報。亦即一體參辦。此外各省。並著照直隸辦理。至州縣收鈔不力。應如何嚴定處分。行鈔有效。應如何優與獎敘。並著吏部詳議具奏。其餘摺內所議各條。均著照所請。行知各該統兵大臣。及各省督撫。認真查辦。其有應行奏明遵辦者。並著迅速具奏。○諭軍機大臣等。李鈞奏。查明直隸省三州縣。被水情形一摺。河南祥符等六縣。被水地方。前經張亮基。徧歷查勘。酌擬保

衛之法三條。並勸諭地方紳耆。於水落後。妥為興辦。據李鈞代奏後。當即諭令該河督。會同英桂。照擬辦理。茲復據李鈞會同桂良奏稱。張亮基由豫入直。所有長垣。東明。開州。被水地方。均已分投徧歷。逐細探量。其辦法易地。皆然。且涸退處所。已有鄉民荷鍤攜筐。自築小堰。以衛田廬。可見取心樂從等語。蘭陽漫口。現擬緩堵。直隸被水地方情形。既與祥符等縣相同。著桂良督飭各該地方官。即照

實錄卷一百十

十

張亮基前擬辦法三條。勸諭各該州縣紳耆。集貲辦理。至順河築堰。遇灣切灘。堵截支流。諸策。用力易而見效速。實為該民人等保衛室家至計。非如阻遏正流。難以程功。並著桂良飭令各該地方官。出示剴切勸導。乘此水落歸槽之際。即令紳耆人等。估工集料。剋期興辦。仍不得稍有抑勒。一切工料銀錢。均由紳董經理。毋得假手吏胥。工竣驗收後。所有出力出貲各官紳。均著該督分別保奏。候朕

施恩。九月十三日。李鈞摺。並著鈔給閱看。將此諭令知之。○又諭。通政使司參議曾望顏。奏潮勇沿途截搶。請飭查辦一摺。據稱。江蘇丹陽縣屬。自新豐至月河一路。有潮勇結黨成羣。或十數人一船。或二三十人一船。船上俱插潮勇旗號。往來遊駛。遇有商民船隻。經過。輒假查船為名。過船撥翻。將行李銀物。搶掠一空。甚有連船被搶者。即官紳亦不能免。該地方文武。畏葸不敢查拏。大為行旅之害。

實錄卷一百十

十一

各等語。此項潮勇。若係軍營招募。自應約束嚴明。或係無賴游民。託名滋擾。亦當嚴行懲辦。豈容任其肆行搶奪。貽害地方。著怡良。吉爾杭阿。查明此等匪徒。派員帶兵拏獲。即在犯事地方。正法梟示。以杜亂萌。至此項潮勇。如有人管帶。並將該管員弁。嚴行叅辦。將此由四百里各諭令知之。○安徽巡撫福濟奏。陳稅契新章。實多未便。請仍照舊辦理。得旨。既屬有礙。著仍照舊章辦理。又奏請將欠餉

給票。聽其覓售報捐。批依議辦理。別處軍營。可否一律照辦。著戶部迅速咨行。由各該大臣督撫等酌量情形覆奏。○以署吏部左侍郎朱崢為戶部左侍郎。兼管三庫事。禮部右侍郎杜翹兼署吏部左侍郎。○以戶部尚書朱鳳標為順天武鄉試正考官。都察院左副都御史李清鳳為副考官。○甲辰。

上御洞明堂。句到福建。奉天。江西。情實罪犯。停決。奉天斬犯一人。絞犯一人。江西斬犯三人。

實錄卷一百十

十三

餘五十三人。予勾。○諭內閣。殷兆鏞著授孚郡王讀。○諭軍機大臣等。載增等奏。賊匪攻陷沔陽州城。旋經官兵克復一摺。沔陽為荊州門戶。雖經我軍收復。而仙桃鎮。鄢家灣等處。均為賊踞。自應趕緊堵剿。毋任上竄。德安已無賊蹤。該大臣即可由漢川一帶相機進剿。其夔巫防兵二千名。著即飛催赴荊。應即由荊至潛沔一帶。會同攻剿。著官文酌量調度。得此生力之軍。又有李孟羣所帶礮船八

十餘隻。在長湖駐劄。兵力不為不厚。著官文載增。即飭李孟羣與魁玉等。合力夾擊。先將仙桃鎮等處賊匪悉數殲除。該大臣即可統領全軍進攻武漢。羅澤南一軍。為賊阻隔。諒已遵旨派兵前往接應。沔陽州知州蕭蔭恩。是否先期出城招集團練。有無逃避情事。並著官文確查具奏。將此由六百里加緊諭令知之。○命翰林院編修張桐。丁培鑑。在上書房行走。○乙巳。諭內閣。滿慶奏達賴喇嘛聞

實錄卷一百十

十三

大行皇太后升遐。齊集喇嘛僧眾。奉經修齋。並欲專遣使臣堪布赴京。呈請代奏一摺。該達賴喇嘛自聞

大行皇太后大事。虔心奉經。並欲特遣使臣堪布等前來。可嘉之至。惟念西藏距京寫遠。且後藏年班使臣堪布就道方殷。若仍令前藏使臣堪布來京。則驛路往來未免艱辛。過甚。著滿慶曉諭該達賴喇嘛等。毋庸特遣使臣堪布赴京。以示朕曲加體恤之至意。○駐藏

辦事大臣滿慶等奏。商辦廓番夷務。並飭查
土兵潛逃情形。得旨。土兵原不可靠。既有為
首起意者。固應懲辦。餘可免其究辦。以安夷
心。○予江西義甯陣亡把總李懋勳祭葬世
職。○丙午以

孝靜康慈皇后升祔

奉先殿。前期三日。遣官告祭

天。

地。

實錄卷一百一

十四

太廟後殿

社稷。○諭軍機大臣等。景瀉奏。分界委員會晤
夷使。先行稟報情形一摺。吉林委員富尼揚
阿等。與庫倫黑龍江委員會合前行。途遇先
遣迎探之委官台恒等。回稱在闊吞屯地方。
會見俄囉斯夷人木里斐岳幅。取出伊國圖
式。指稱原定界址。自格爾畢齊河長起。至興
安嶺陽面各河長止。俱係俄囉斯屬界。欲將
黑龍江。松花江左岸。以及海口。分給該國守

護等語。黑龍松花兩江。皆係中國地界。何得
請給該國。顯有窺伺侵占之意。至該夷使所
稱。自格爾畢齊河長起。至興安嶺陽面各河
長止。俱係該國地界。有無確據。上年景瀉奏
欲令該委員等。前往東海。將立碑分界處所
查明。此時三省委員。會同前往。如果查明立
碑處所。即可杜其狡賴。至黑龍江松花江左
岸。其為中國地界。確然無疑。該夷膽敢欲求
分給。居心叵測。恐犬羊之性。難與理論。著景

實錄卷一百一

十五

瀉作為己意。告以中國法制森嚴。守邊大臣
於邊界事宜。違例奏請。即應革職治罪。斷不
敢據爾國無理之言。冒昧入奏。自干罪戾。其
闊吞屯所蓋房屋。既以防堵。喚夷為名。止可
暫行借住。至費雅哈人等居住年久。斷難令
其移居。景瀉俟會勘委員如何回覆。即一面
剴切曉諭該國。一面將辦理情形。密為馳奏。
切不可告以業經入奏。請旨辦理。以致該夷
妄生覬覦之心。一旦有旨拒絕。轉或滋生事

端。此事關繫重大。該將軍務當遵照此諭。斟酌盡善。相機妥辦。是為至要。將此由五百里諭令知之。○添造山東戰船二十隻。從巡撫崇恩請也。○緩徵陝西洋縣被雹地方。本年出易倉穀。○

上以

孝靜康慈皇后升祔

奉先殿。自是日始齋戒三日。○丁未

上詣迎暉殿

實錄卷百十

十六

孝靜康慈皇后几筵前行百日祭禮。並釋服禮。

○戊申。以

孝靜康慈皇后升祔。前期遣官告祭

奉先殿。○諭軍機大臣等。前據胡林翼奏逆首

石達開。率賊數萬上竄。早慮羅澤南兵單不

敵。恐有挫失。已諭知官文派撥精兵前往接

應。覽本日該署撫奏。羅澤南一軍接仗情形。

將士兵勇均能奮不顧身。以少擊眾。惟彭三

元。李杏春。俱衝鋒殞命。殊為可惜。雖二十六

日。羊樓洞之捷。尚能轉敗為勝。士氣不衰。究

竟傷損精銳。皆因兵單所致。胡林翼所統各

軍。既已力加整頓。即著與羅澤南會合。直抵

蒲圻。石達開。韋俊。均係著名悍賊。現既麇聚

咸甯。即應合力進攻。能將該逆殲戮。則咸蒲

一帶賊匪。自必瓦解。羅澤南之兵。本劄崇陽

羊樓兩處。今既併歸羊樓。則崇通後路。有何

接應。此時賊勢甚熾。攻剿機宜。固不在專守

城池。而此軍一移。誠恐得而復失。不特前功

實錄卷百十

十七

可惜。抑且後顧堪虞。應調何處兵勇。以為後

路接應。該署撫即與官文商酌。如荊州新到

川兵。及德安得勝兵丁。皆可分撥。著該署撫

飛咨官文迅速調度。羅澤南一軍。於勦賊極

有關繫。而崇通咸蒲。又為江西。湖南。四達之

衝。該逆既以全力來抗。我軍亦必併力會攻。

始能得手。此處關鍵一得。即可乘勝長驅。由

金口直趨武漢。切勿稍存大意。致誤事機。再

該署撫兩次摺內。均有岳州兵挫之語。是否

係湖南防兵。逆賊是否不至上竄。未見駱秉

章奏報。並著該署撫將詳細情形。附報具奏。

以慰廑念。將此由六百里諭知胡林翼。並傳

諭羅澤南知之。○贈湖北崇陽陣亡參將彭

三元。副將銜同知李杏春。知府銜千總彭獻

傑。把總胡元則。李元熾。蕭馥山。劉碧山。均予

祭葬世職。並附祀湖南提督塔齊布專祠。○

己酉。命恭親王奕訢恭捧

孝靜康慈皇后神牌入

實錄卷一百十

十八

奉先殿代行謁

列聖

列后禮奉安

孝全成皇后之次

上詣

奉先殿行升祔致祭禮。如大饗儀。禮成。命恭親

王奕訢恭捧

神牌奉安

後殿寢室。行禮如儀。○還圓明園。○庚戌。以恭

上

孝靜康慈皇后尊諡。並升祔

奉先殿。禮成。頒詔天下。詔曰。朕惟禮緣義起。式

型。彌切夫顯揚名並位尊。配食特隆。夫崇報

荷。翟禕之培育。用闡徽音。奉翠帟以憑依。恪

遵彝典。蓋懿號為寔區所敬美。而明裡宜假

廟以告虔。欽惟

康慈皇太后

德溥含宏

實錄卷一百十

十九

性符博厚

椒塗佐化奉

重闈而早得歡娛

蘭掖嫺儀

秉四教而深持雍肅。侍

皇考恪供夫內職。廿餘年

嫺著徽柔。念朕躬失恃於沖齡。十五載

恩隆鞠撫

淑音久播

柔嘉之德孔彰。

愛宇常依。

覆庇之仁尤篤。思稍申夫尊養。合九州萬國而

畢萃歡心。非峻極夫推稱。統四海一家而奚

颺

盛德。爰於咸豐五年七月初一日。崇奉

徽號為

康慈皇太后。

聖度罔倍。昭冲抑光著謙尊。純禧期自此引長。

實錄卷百十

三

福伴坤厚方冀

春暉駐景。總百祿而常集

慈闈。何圖秋露零霄。未一句而遽升

仙馭。縈哀思於此日。竭誠難答

深仁。溯定制於本朝。上

諡必歸盡善。

孝彰柔順。光彤史以長詒。

靜協安貞。煥黃裳其允吉。景鑠之名丕懋。馨香

之報並隆。是用敬擇良辰。肇稱殷禮。祇告

天。

地。

太廟後殿。

社稷於咸豐五年九月二十二日。率諸王貝勒

文武羣臣。恭奉

冊。

寶上。

尊諡曰

孝靜康慈弼天撫聖皇后。十月十九日。升祔

實錄卷百十

三

奉先殿。休揚

萱座。流芬垂宇宙之型。瑞藹

芝楹。承禧展歲時之享。欽

鴻名於有永。昭示萬年。被

駿惠於無疆。彌綸六合。既極追崇之義。宜推錫

類之仁。所有事宜。開列於左。一

歷代帝王。及

先聖先賢陵墓所在。地方官隨時察看。酌量

修葺守護。一。內外大小各官。除現在品級從

前已得封贈外。其升級改任者。著照新銜封贈。滿漢孝子順孫義夫節婦。該管官諮訪確實。奏聞禮部覈實旌表。在京各省軍流以下人犯。分別減等發落。各省儒學以正貢作恩貢。次貢作歲貢。貢監在監肄業者。免坐監一月。各省養濟院所所有鰥寡孤獨及殘疾無告之人。有司留心養贍。窮民無力營葬。並無親族收殮者。地方官擇地多設義冢掩埋。毋使暴露於戲。瑤檢晉稱。

實錄卷一百十

三

如幄顯劬勞之德。玉璽升祀。

軒宮宏佑啟之庥。布告中外。咸使聞知。諭軍機大臣等。扎拉芬泰等奏查明塔爾巴哈台民回燒搶俄夷情形。設法辦理一摺。該回民徐天堯等挾俄囉斯夷人阻止挖金之嫌。屢圖滋鬧。至七月十四日夜間。遂敢聚眾燒搶俄夷房屋貨物。迨該將軍等派令協領阿克達春前往查辦。徐天堯等輒敢投遞連名呈稟。控告章京薩碧屯等有通夷害人情事。若

非該章京等平日約束不嚴。臨時復辦理不善。何至該回民等肆無忌憚至此。且事經兩月之久。案犯未獲。尤屬不成事體。扎拉芬泰等奏稱。就其遞呈之由。將該回民等傳至伊犁研審。並先將該章京等參處。然後將究賊追贓等事。次第籌辦。所見均是。著照所請。塔爾巴哈台前署糧員即補防禦薩碧屯。管理夷商圍子筆帖式阿弼善。均著革職。委營長禧祿佐領薩炳阿。筆帖式和綢額。均著解任。

實錄卷一百十

三

交扎拉芬泰等歸案審訊。務將該回民等燒搶實情。嚴究懲辦。薩碧屯等如何辦理。乖謬之處。並著嚴行審究。毋稍寬縱。其揀派協領哈布齊賢等前往該處驗屍緝犯。查挖夷貨。及行文西畢爾衙門。並囑匪蘇勒官。從中解釋。令逃去之夷官夷商。仍來塔城會同委員清查貨物各事宜。均著照所擬辦理。事關民夷交爭。扎拉芬泰等督率委員分投查辦。務應從公斷擬。事事持平。使該夷人等誠心悅

服○勿因細故○致啟釁端○將此諭令知之○軍機大臣會同理藩院議駁烏里雅蘇台將軍奕興等奏○請將喀爾喀四部落○派往科布多蒙古屯兵撤回○擬以科布多所屬之杜爾伯特等旗充補○請飭曉諭該盟長等○仍遵舊章辦理○得旨○前雖有飭駁之案○第該處情形○今昔有異○恐致有名無實○徒滋苦累○著新任將軍奕湘抵任後○迅委妥員○前往查辦○或詳細札商○有無窒礙○據實覆奏○以恭題

實錄卷一百八十

二十四

孝靜康慈皇后神主○賞大學士賈楨○御用袍協辦大學士文慶○太子太保○以克復湖北德安府城出力○賞遊擊馬天貴○黑龍江總管德楞額○巴圖魯名號○都司張萬祿○守備張玉春○鄭維泰○防禦穆騰阿○蘇克金○巴彥都楞○委防禦漫達爾瑪等○花翎○把總趙飛雄等○藍翎○餘升敘有差○撫恤琉球國遭風難夷如例

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百八十

實錄卷一百八十

二十五

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百八十一

恭親王等奏請將各省奏請太子太保上書等語傳文宗親閱奉旨著照所請欽此

大學士等奏請將各省奏請太子太保上書等語傳文宗親閱奉旨著照所請欽此

大學士等奏請將各省奏請太子太保上書等語傳文宗親閱奉旨著照所請欽此

大學士等奏請將各省奏請太子太保上書等語傳文宗親閱奉旨著照所請欽此

大學士等奏請將各省奏請太子太保上書等語傳文宗親閱奉旨著照所請欽此

款修

咸豐五年乙卯十月辛亥

實錄卷一百八十一

上詣迎暉殿

孝靜康慈皇后几筵前供奠○御洞明堂句到

陝甘江蘇情實罪犯停決陝甘斬犯六人絞

犯三人餘三十九人予勾○諭內閣

孝靜康慈皇后丹闈著擡入正黃旗滿洲○諭

軍機大臣等前因皖省軍需孔亟諭令怡良

等於此數月內每月籌銀二三萬兩解赴廬

州嗣據怡良覆奏已於江海關代徵絲稅等

項下籌得銀二萬兩先行解赴廬營此後能

否按月撥解尚難豫定本日復據和春福濟
奏稱現已克復廬城亟圖進剿勢難停兵待
餉而本省既羅掘一空外省亦屢催罔應惟
向榮曾以抽釐餘銀分撥五萬兩解往該省
因擬請將浙江月撥金陵之款移解皖營其
怡良應撥皖餉即令就近解赴金陵等語浙
江按月接濟金陵軍餉已有定章若頓事更
張改令移解皖省必致轉多周折况金陵軍
餉亦有欠至三五月者除浙餉外別無指款

實錄卷一百八十一

二

本日業將不能分撥此款情形諭知和春福
濟矣惟是皖省餉需支絀亦係實情怡良統
轄該省責無旁貸著仍遵前旨詳悉籌商移
緩就急務須源源接濟按月籌撥銀數萬兩
解赴皖省以定軍心而資攻剿將此由六百
里諭令知之○又諭和春福濟奏剿辦捻匪
情形一摺據稱捻匪張樂行等同竄亳州經
朱連泰等會合兵勇夾擊該匪往東北竄逸
由雉河關入蒙城該提督等已飭都司戴世

熙等統帶兵勇先後赴援並飛催武隆額統兵進剿等語現在捻匪由亳州擾及蒙城勢殊猖獗若非趕緊圍攻實有蔓延之慮武隆額接奉前旨後當已帶兵啟程仍著崇恩飛催該提督星夜前進徑赴蒙城會合各該省兵勇實力圍攻毋令再肆竄擾至河南江蘇兩省派撥兵勇前據英桂奏稱河南兵勇三千餘名已由余炳燾王建泰張維翰會同參將成齡督帶前赴永城駐劄徐州鎮總兵興

平定人三二

慶等兵勇三千餘名現駐蕭縣之蘇家集侍衛容照之馬隊五百名亦即日可到永城專候武隆額調度攻剿武隆額一面前赴蒙城一面即可催令各該省官兵同時並進並著英桂飭令余炳燾張維翰等星速赴蒙上緊攻擊毋得稍涉遷延致滋貽誤至武隆額所帶東省兵勇應給口糧即照和春等所請著崇恩按月撥解其河南省兵勇口糧仍著英桂支應山東省本有奉撥應解廬餉此時既

須供應會剿兵勇口糧所有廬州軍餉該省能否兼顧著崇恩斟酌辦理再和春福濟奏廬州軍餉匱乏請將浙江每月解金陵之餉改解廬州其金陵餉銀改由怡良籌解等語金陵廬州兩處需餉緊急情形正復相似若必令浙餉改解廬州而金陵餉銀改由怡良支撥事涉更張轉恐貽誤現已諭令怡良每月籌銀數萬兩解皖接濟所請改撥浙餉著毋庸議自八月以來疊據陝西山東浙江江

實錄卷百三

四

蘇各省及向榮奏報均有解廬餉銀福濟等總當急圖進剿迅奏膚功勿再遷延將此由六百里各諭令知之○賞承恩侯恩齡委散秩大臣○以

孝靜康慈皇后升祔

奉先殿禮成予讀祝官圖桑阿等紀錄有差賞

恭請

神牌黃興鑒儀衛校尉銀○以浙江甯波捕匪出力賞舉人李厚建藍翎千總布興有等升

敘有差○予安徽軍營傷亡千總傅國保祭葬世職○蠲緩山東臨清。歷城。章邱。鄒平。長山。新城。長清。陵德。平原。青城。樂陵。陽信。蒲臺。汶上。朝城。聊城。茌平。堂邑。館陶。恩。夏津。邱。滋陽。甯陽。博平。清平。莘冠。武城。蘭山。郯城。費蒙。陰。沂水。益都。臨淄。博興。高苑。樂安。壽光。平度。濰。昌。邑。高密。德平。觀城。莒。昌樂。臨朐。滕。嶧。濟甯。魚臺。鄒。五十五州縣。並德州。東昌。臨清。濟甯。東平。五衛。及永阜。王家岡。官臺等場。被水災區。新舊額賦有差○展緩兩淮。丁溪。富安。安豐。梁垛。東臺。何垛。草堰。劉莊。新興。廟灣。伍佑。板浦。臨興。中正。十四場。被水。竈地。新舊額賦有差○緩山東買補上年備賑漕米○壬子以

實錄卷一百一

上

實錄卷一百一

六

孝靜康慈皇后梓宮奉移
山陵前期三日遣官告祭

天

地

太廟

社稷○諭軍機大臣等前據景瀄奏委員與俄囉斯會同辦理分境事件情形一摺當經曉諭景瀄現在此三處委員如果查明設立界牌處所即可決其狡詐之心黑龍江松花江左岸為我國所屬之地誠無可疑俄囉斯意欲分踞其心甚為詭詐著景瀄作為已意即言我國法制甚嚴若以交界事件違例奏請即當革職治罪斷不敢以爾國無理之言率

行入奏其在城鄉修葺房屋只為防堵暫且任伊等居住費雅喀人等居住年久礙難移往別處等情詳細曉諭俄囉斯斷不可告知已經奏聞此旨著分寄黑龍江將軍奕格庫倫辦事大臣德勒克多爾濟等併復諭景瀄仍遵前降諭旨酌量妥辦斷不可使別生枝節○以

孝靜康慈皇后梓宮由綺春園奉移賞添設值班兵丁二月錢糧墊道步甲等半月錢糧○

癸丑

上御洞明堂。旬到山東。山西。熱河。情實罪犯。停決。山東斬犯一人。絞犯一人。山西斬犯八人。絞犯三人。熱河斬犯一人。餘五十人。予○
諭內閣。朕惟愛民。實政薄斂。為先。近年以來。軍務河工。民生重困。朕不惜蠲租發帑。加惠黎元。猶恐苛累之條。蠲除未盡。因念河南省。有河工。加價一款。每年應徵銀四十餘萬兩。係從前馬營儀封漳沁等工。用過土方各項。

實錄卷一百全

七

加價。在於地糧內。按限攤徵之款。與錢漕正項。本屬不同。三十餘年。積欠累累。該省賦額。甲於天下。連年兵燹水災。差役繁重。而正供之外。復有此項攤徵。朕軫念閭閻。豈忍令其久為民累。所有此項河南省每年應徵河工。加價等銀。著自本年為始。加恩豁免。永不攤徵。俾小民得以專完正課。如有本年已徵在官者。著該撫查明。抵作今年正賦。至歷年積欠攤徵銀兩。昨諭戶部查明。除道光二十年

以前業經豁免外。其自道光二十一年起。至道光二十九年。共未完銀二百四十七萬六千二百九十六兩零。本係查辦豁免之項。尚未據該撫奏到。自道光三十年起。至咸豐四年。共未完銀一百七十五萬六千四百二十八兩零。係應行催追之款。著一併加恩豁免。此係朕博訪周諮。久欲加恩。該省者。特以莠民恃眾抗違。不知自愛。未便遽頒曠典。轉啟刁風。今河北頑梗之徒。均已伏法。其良民被

實錄卷一百全

八

累者。亦皆耕鑿相安。輸將日形踴躍。正宜恩膏特沛。咸與維新。該省士民。經此次加恩之後。錢漕地丁。止輸維正之供。民力既紓。國課不難早納。如有不肖官吏。仍敢浮收勒派。影射冒徵。或桀驁匪徒。把持煽惑者。朕惟執法嚴懲。決不姑息。該撫即刊刻謄黃。徧行曉諭。務使城鄉村堡。一律周知。用副朕念切民依。恩施格外至意。該部即遵諭行。○以勦辦廣東羅定州屬匪徒出力。賞知州郭汝誠都司

穆騰額花翎訓導張掄芳等藍翎餘升敘有差○追予河南殉難知縣潘樹霖在桐柏縣建立專祠○甲寅卯刻。

上以翼日

孝靜康慈皇后梓宮發引詣迎暉殿

几筵前行祖奠禮攀戀呼號備極哀慟王以下文武大臣均舉哀行禮申刻復詣

几筵前行辭奠禮○諭內閣奕綱等奏守護官兵等飯食銀兩請旨賞給等語

實錄本全

九

孝靜康慈皇后梓宮奉移

慕東陵暫安所有添設堆撥敬謹守護之值班官兵及執事差役應需飯食銀兩著照道光三十年成案賞給並著一體給放實銀○又諭新授湖南提督武隆額奏請陛見一摺前因安徽亳州等處捻匪滋擾已派武隆額酌帶山東官兵前赴亳州等處會剿所有江蘇安徽河南三省撥往員弁兵勇均歸該提督節制武隆額著即遵旨迅速馳赴蒙亳一帶

統領三省弁兵認真勦捕毋庸來京陛見○諭軍機大臣等前因貴州需餉急迫諭令葉名琛等速籌銀二十萬兩黃宗漢再籌銀十萬兩迅即解黔以濟急需本日又據蔣蔚遠奏兵餉愈急請嚴飭應解黔餉各督撫速籌起解等語現在黔省勦辦上下游苗匪指撥軍需急難應手實屬萬分支絀各省應解黔餉豈容撥解遲延致誤事機據稱廣東省共欠積年部撥協黔餉銀二十萬兩粵海關欠

實錄本全

十

稅銀五萬兩屢催罔應著葉名琛等即遵前旨先行籌銀二十萬兩趕緊解黔並著黃宗漢將前諭酌撥銀十萬兩迅即籌解川省距黔尚近當可速到至江西一省欠解協黔餉銀至一百十二萬九千餘兩之多雖因該省辦理軍務以致歷年積欠一時未能清還亦當隨時抽撥陸續分解何得心存膜視置若罔聞黔省地瘠民貧且僻處一隅緩急無從籌措各該督撫等務即設法接濟毋得稍存

畛域之見致有貽誤將此由六百里諭知葉名琛柏貴黃宗漢文俊並傳諭江西布政使陸元烺粵海關監督恆祺知之○又諭御史陳慶松奏請飭滇省大吏撫輯民回不宜過分畛域一摺據稱近來雲南省永昌腴田盡歸民人將回子驅逐徼外失其故業往往句結夷人沿邊滋擾自曲靖至永昌上下二千餘里民回雜處回子每思報復等語國家一視同仁民回皆係赤子地方官彈壓撫綏本

中興卷五

不應過分畛域况現在黔苗不靖雲南蒙化景東二廳均有刁民鬧糧土匪劫村之事若不妥為安輯恐致重煩兵力殊非綏邊之道前據恆春奏曲靖府屬之尋甸州東川府屬之巧家廳漢回互鬪首夥要犯尚未拏獲務當督飭文武隨勦隨撫趕緊嚴事毋令蔓延並飭地方官吏遇有民回鬪案必當秉公審辦固不可寬縱養奸亦不可偏私激變總期戢暴安良弭患未萌方為妥善原摺著鈔給

閱看將此由六百里諭令知之○又諭將爵遠奏兵餉急迫請嚴催起解一摺前已諭令廣東撥銀二十萬兩四川撥銀十萬兩趕緊解赴黔省本日復諭令廣東四川江西粵海關將欠解黔省餉銀不拘何款迅即籌撥解往該督撫等自必設法籌款陸續起解將爵遠即傳知各營將弁妥為約束兵丁毋令滋生事端茲據御史陳慶松奏滇省民回不宜過分畛域請飭大吏善為撫輯等語現在黔

實錄卷五

省苗匪不靖都江廳失守賊勢猖獗必應迅速進剿震以兵威既服之後應即隨時安輯勦撫兼施方不致重煩兵力該撫保舉軍營出力人員至十餘次之多其中實在出力者固不乏人但恐不肖員弁濫廁其間或至有意遷延希圖保舉亦不可不慮著該撫嚴加查察以杜弊端仍一面激勵兵丁剋期嚴事毋稍遲延將此由六百里諭令知之○以兵部尚書阿靈阿兼署刑部尚書內閣學士載

堪為兵部左侍郎○以御前侍衛德勒克色

楞署鑲白旗蒙古都統調鑲黃旗蒙古副都

統國瑞為鑲紅旗滿洲副都統以和闐辦事

大臣麟翔為鑲黃旗蒙古副都統戶部左侍

郎載齡署正白旗漢軍副都統○賞故兵部

左侍郎常志銀五百兩治喪○乙卯

孝靜康慈皇后梓宮發引

上詣

几筵前奠獻擗踊哀慟屆時奉移

實錄卷一百一

十三

梓宮升小舉出

綺春園宮門外升

大昇輦

上攀掖呼號步引至紅橋跪送祇候

梓宮過號慟不已王大臣等叩請節哀至於再

四

上乃盡哀悵立良久始還圓命恭親王奕訢恭

奉

梓宮奉安

慕東陵

隆恩殿○詣

安佑宮行禮○諭內閣官文奏遵查已革提督

請免治罪等語已革提督孔廣順前因在德

安軍營出隊時並不親自統帶以致兵勇潰

散當經降旨拏問交官文嚴訊確實具奏茲

據奏稱該革員向來帶兵尚屬得力此次實

因傷疾舉發以致兵勇潰散尚非藉病推諉

孔廣順著免其治罪仍留湖北軍營交官文

實錄卷一百一

十四

差遣以觀後效○又諭都察院奏直隸生員

牛聯斗以劣衿蠹吏包攬糧銀俱索實銀不

收鈔票等詞遣抱告牛進官赴該衙門控告

等語各省完納錢糧均准搭交鈔票前已疊

降諭旨令各該省督撫出示曉諭按成收納

不准不肖官吏漁利蒙混茲據該生員控訴

直隸南樂縣生員李彥彩與櫃書段倫夥開

銀號本年春季開徵俱收實銀不收鈔票折

價較市價加增似此刁生蠹吏阻撓鈔法該

管知縣何竟形同聾瞶毫無覺察難保無通同舞弊侵吞肥己情事必應徹底根究從重懲辦著桂良親提嚴訊按律定擬具奏○諭軍機大臣等前因德安克復逆賊由孝感逃回武漢諭令官文迅從漢川一路進剿並恐羅澤南兵力單弱令撥精兵接應昨據戴增等奏魁玉等攻克仙桃鎮鄢家灣等處中路漸就疏通該大臣正可督師南下乃覽本日官文奏報收復漢川縣城仍暫駐德安部署

一摺實堪詫異官文馳抵德安已在攻復郡城之後計今又逾半月不即乘此聲威趨程進發遠駐無賊之地似此有意遷延避難就易何以激勵軍心羅澤南以五千餘勇敵賊數萬因彭三元等勦辦失利扼駐羊樓事機喫緊急盼北路援兵會剿何以此次未聞籌及現在中北兩路均已得手即當統率官兵由北而南與襄河兵勇乘勢下壓約會胡林翼等為三面兜剿之計其西凌阿所帶馬隊

酌量留駐德安以固北路不得藉布置善後為詞致失機宜自干罪戾將此由六百里加緊諭令知之○欽差大臣湖廣總督官文奏報擊退襄河賊匪收復漢川並暫駐德安情形得旨汝又遠駐德安豈置竄逆於不顧耶前屢次諭令不可擇駐無賊之地若如是行止避難就易徒知收已成之功將何顏以對眾將士復何顏覲言入奏耶○以直隸天津道錢忻和為江蘇按察使○以收復湖北漢

川縣城予千總舒渭玉以守備升用○丙辰准截留山東新漕二十一萬石並上年勸捐兵糈穀八萬八千餘石省城防堵買存穀麥豆四萬七十餘石及各州縣應交津貼運費備賑被水災民○丁巳諭內閣道光三十年正月十四日

皇考宣宗成皇帝升遐朕與顧命大臣敬啟密緘欽奉

硃諭皇六子奕訢封為親王欽此朕祇遵

遺命於十七日降旨封奕訢為恭親王並於恭撰

慕陵碑文內敬謹敘述惟是中外臣民但知奕訢之封親王係朕即位後推恩未知係

皇考遺命不足以傳信後世著將此旨宣付史館於

實錄

本紀內將

皇考硃諭封奕訢為親王纂入道光三十年正

月十四日

遺命各條之次以昭信史○又諭國家設兵衛民非平日勤加訓練不足以資捍禦京旗各營尤以練習技藝為本務自宜亟加整頓以嚴武備所有健銳火器圓明園八旗各營以及前鋒護軍八旗漢軍等營應行操練兵丁著各該管王大臣認真訓練務使技藝精熟毋得有名無實並著閱兵大臣親往覈實校閱分別勸懲其如何定期簡閱之處即著閱

兵大臣妥議章程具奏○己未以

孝靜康慈皇后梓宮至

陵命恭親王奕訢遙向

祖陵並遙向

慕陵恭代行禮○遣官告祭

泰陵

泰東陵

昌陵

昌西陵

慕陵暨

后土

永寧山之神○

上詣

安佑宮行禮○諭內閣王懿德奏請將前捐穀

石碾放備賑等語據稱該督前在河南原籍

捐銀三千兩買穀存倉現在河南辦理賑務

此項穀石亦可稍資接濟著英桂即飭查明

趕緊碾放備賑至該省司備倉內除該督捐

項外如尚有積存捐穀亦著一併碾放以恤災黎○又諭本日貴州學政鮑源深由五百里馳奏貴州勦辦苗匪並軍營需餉情形均係巡撫蔣蔚遠節次奏聞業經降旨飭辦之事殊覺徒勞驛站各省學政職司考校地方公事本不與聞其或該省大吏廢弛不職措置乖方原准學政彈劾然非事機緊急亦止專差齎摺豈容輒由驛遞又如編修張金鏞由山西考官簡放湖南學政具摺謝恩亦由

實錄卷五十五

七

三百里驛遞尤屬非是嗣後各省學政除派辦防勦事務及實有緊要事件迫不及待者准其發報外其餘概不准擅用驛遞以示限制將此通諭知之○諭軍機大臣等恆春奏黔省勦辦苗匪請速撥軍餉並鮑源深奏苗患緊急請於鄰省撥兵籌餉並丹江失守援兵坐視各摺片前因蔣蔚遠奏餉需匱乏已疊次諭令葉名琛柏貴恆祺黃宗漢文俊將應解黔餉迅速籌撥該督撫等自當遵旨陸

續解黔藉資支放矣黔省苗寨眾多良莠不齊此次紛紛滋事除各寨為首頑苗必應痛加懲治其餘脅從苗人若能震懾兵威咸知畏罪自應設法解散妥為撫綏若紛紛徵調撥兵多則籌餉益難恐辦理愈形竭蹶所有四川官兵除派蔣玉龍酌量帶兵赴黔外其餘無須調撥仍著恆春蔣蔚遠斟酌現在情形如上游漸就肅清即可飭令孝順等移兵下游會同承齡等實力攻勦並設法解散以

實錄卷五十五

三

期迅速嚴事藉省兵力至丹江廳被匪竄擾及王定臣等兵勇阻隔情形雖經蔣蔚遠奏稱該員等委因兵力不敷並非畏葸不進惟丹江失守尚未具奏仍著查明帶兵赴援之署都司王定臣卸署龍泉縣知縣黃鳳把總黎朝勳縣丞陶文量等如有坐視不救等情據實叅奏俾行間員弁胥知儆惕不致貽誤事機將此由六百里各諭令知之○又諭官文奏馳赴中路督攻漢陽一摺據奏由蔡店

進攻漢陽之兵共一千九百餘名由楊店進攻漢口之兵共二千九百餘名由侏儒山進攻漢陽之南勇共三千餘名加以顏朝斌所帶川兵二千五百名數已逾萬果能分投並進併力會攻原不難力克漢陽聯絡南岸但閱該大臣所奏有催兵起隊後即日由德安啟程之語似全隊進兵尚需時日軍務貴速豈可空言布置遲遲不發著嚴督派出諸將剋日前進齊抵漢陽漢口不准稍有遲滯該

實錄卷一百八十二

三

大臣前此奉旨進攻德安在京山安陸一帶屢次耽延此次馳赴中路若專恃派出兵勇而該大臣又沿途逗遛深恐兵心懈怠無以鼓銳氣而奏膚功著即親統官軍趨程前進與各路兵勇同抵該郡以期迅速攻克夔巫防兵已諭黃宗漢飛催前進但恐緩不濟急該大臣惟當迅克漢陽則大江南岸聲息自通若北岸徒事遷延而以道路寫遠之兵指為接應南軍之用儻羅澤南一軍稍有挫失

該大臣亦不能藉口諉過也其侯鳳岐所帶官兵仍著該大臣嚴催速進毋許遲延將此由六百里加緊諭令知之○又諭前因湖北荊州喫緊諭令黃宗漢將前駐夔巫兵二千名令德恩帶往荊州至潛沔一帶會剿此項官兵是否啟程尚未據該督覆奏茲據官文奏稱川兵尚在待餉請飭迅速前進等語著黃宗漢即將兵餉撥給飭令該署總兵督帶飛速前進以資接應至黔省兵單餉絀情形

實錄卷一百八十二

三

喫緊現在都江廳城尚被苗匪竄踞著該督即飭前調赴黔之參將蔣玉龍酌帶勁兵前進毋任逗遛並將前諭該督籌解貴州之餉銀十萬兩迅速籌撥解赴該省俾資接濟毋誤急需將此由六百里加緊諭令知之○以福建擒獲艇匪出力賞參將陳應運花翎餘升敘有差

寶鑑卷一百一

五

救

咸豐五年乙卯十一月庚申朔恭奉

寶象末一百八十二

—

孝靜康慈皇后梓宮暫安

慕東陵

隆恩殿遣恭親王奕訢行饗奠禮

上詣

大高殿

壽皇殿行禮○還宮○諭軍機大臣等前據景

湟奏據勘分界委員稟報俄夷在閘吞屯地方住船蓋房以防備哄咭喇佛囉哂為名並欲自格爾畢齊河起至興安嶺陽面各河止

指為伊國分界。又欲將黑龍江松花江左岸以及海口分給該國守護等語。已諭知景瀄作為己意。曉諭該國。恐得重罪。不敢入奏。矣。本日據奕格等奏。俄夷不遵舊章情形。即係景瀄所奏之事。而聲敘較詳。如所稱興安嶺山陽流水之源。皆係中國屬地。山陰流水之處。始是該國地面。可見興安嶺陽面本非該國分界。即據該夷聲稱。亦知景奇里西里木的牛滿各河等處。為大國地界。惟因該夷陸

實錄卷一百八十二

二

路往來不便。故欲分給伊國。其狡賴情形。顯然可見。惟由理藩院檄諭。恐該夷明知業已入奏。設仍桀驁不遵。礙難辦理。仍著遵照前旨。作為奕格景瀄德勒克多爾濟三人之意。會銜公具文移。知照該國。告以此次勘定分界。只可將先前未設界牌之地。商酌勘定。若將已定界地。混行分撥。我等因此身獲重罪。於爾國亦屬無益。況薩納特衙門前次咨會。即係爾國來文。豈能作為應毋庸議所備公

文。即由庫倫交俄囉斯固畢爾納托爾轉交薩納特衙門可也。至現在該夷一味狡詐。固不可激切起釁。而吉林黑龍江庫倫邊界地方。仍宜不動聲色。密加防範。儻該夷續有情形。再行密奏。仍不可將業經入奏之處。使該夷聞知。至該夷所稱。喚喇兩夷兵船。常欲侵入江口。並著奕格景瀄密加查訪。是否實有其事。抑係該夷虛詞狡飾。奕格所稱。從前分界。以山陽山陰為斷。是否係界碑原文。該將

實錄卷一百八十二

三

軍等。即迅速會商妥辦。為要。將此各諭。令知之。○以勦除貴州羅朗股匪出力。賞武舉馬凌雲等藍翎。餘升擢有差。○以貴州丹江廳城被賊攻陷。革知縣黃鳳守備王定臣職。摘道員承齡參將圖塔納頂帶。巡撫蔣蔚遠提督孝順下部議處。○以貴州嚴門等處勒匪不力。革遊擊余瑞麟職。予陣亡守備黃朝珍千總左廷泰。劉世舉。把總甘一本。外委曾元惠。祭葬世職。額外外委姚起鴻。武生龍德實

卹如例○展緩吉林三姓歉收地方上年額賦○辛酉諭軍機大臣等邵燦奏州縣報歉分數過多擬親往各屬抽查一摺當此京倉支絀之時但能多運一石新漕即多備京倉一石之用豈容各州縣遷延觀望致誤正供該漕督所奏係為慎重倉儲剔除積弊起見惟所請親往各屬抽查報歉分數之處勢有難行無論三府一州之地非該漕督一人旬日之間所能徧歷且恐該地方官轉得置身

實錄卷十三

四

事外著怡良吉爾杭阿責成署藩司楊能格糧道書齡嚴督各屬將本年新漕趕緊徵兌不得援上年起運之數視為成例藉口觀望如各州縣有捏報歉分移改斗則侵漁肥己等弊即由司道據實揭叅司道徇隱即著怡良等嚴叅懲辦邵燦既駐蘇州督辦新漕起運是其專責著嚴催兌運封雇船隻俾得及早放洋儻各屬中有開兌遲延及米色不純船數不齊等弊即著該漕督嚴行叅辦毋庸

親赴各屬以免紛更○至該漕督奏稱蘇松常太各屬本年秋收豐稔所有海運米數自應比較上年大有增加方為覈實怡良等身膺疆寄諒不至見好屬員意圖省事亦不得以軍務倥偬遂置地方公事於不顧也將此由五百里各諭令知之○盛京戶部侍郎兼奉天府府尹書元奏報交代府尹印信日期得旨兼尹府尹同辦地方事務時以和衷共濟為念若各存意見則不能為屬僚法也慎之

實錄卷十三

五

與景霖看○命工部尚書全慶都察院左都御史文彩署正紅旗蒙古都統恆毓戶部左侍郎朱嶠工部右侍郎基溥在紫禁城騎馬○以湖南賊匪竄入江西永新安福縣城知縣華翼綸杜林革職效力摘總兵官阿隆阿頂帶參將柏英翎頂仍下部議處○癸亥上御懋勤殿句到本年朝審罪犯停決斬犯一人絞犯一人餘二十人予○諭內閣本年各直省辦理秋審人犯經刑部由緩決改情

實者奉天五起四川七起盛京刑部侍郎兼尹府尹及四川總督臬司等於秋讞重案未能詳慎覈擬著交部查明分別議處嗣後各將軍府尹督撫等務當督同所屬遵照定例酌覈案情悉心究擬固不可失之刻覈亦不可惑於救生不救死之說意存寬厚故從輕減總期執法持平無枉無縱用副朕明慎用刑至意將此通諭知之以克復湖北德安府城賞知府潘祥新知州王潞崔蘭馨遊擊

實錄卷一百八十二

六

定安都司雙慶佐領聯廣定成寶瑞貴順西穆訥布騎都尉恩壽等花翎府經歷張錫遠等藍翎餘升擢有差改鑄浙江諸暨縣知縣印信從巡撫何桂清請也甲子

上詣

永安寺拈香遣官祭

先醫之神諭內閣怡良吉爾杭阿奏遵查已革道員被叅各款嚴審定擬一摺已革江蘇蘇松太道吳健彰被叅各款經怡良等遵

旨嚴鞫雖訊無通夷養賊侵吞關稅各實據惟以現任職官與本管地方夷行商夥往來酬酢不知引嫌至賊匪攻陷上海該革員既不能堵禦復避居夷行捏報公出情節較重吳健彰著從重發往新疆效力贖罪又諭胡林翼奏羊樓洞官軍剿賊大勝一摺羅澤南分勦崇陽餘匪乘勝進駐羊樓洞十月初三日逆首韋俊石達開合悍賊二萬餘人自蒲圻分途來撲羅澤南派令李續賓等分投

實錄卷一百八十二

七

迎擊各路兵勇無不爭先用命奮力截殺共斃賊二千餘人賊衆大敗官兵追殺十餘里復生擒百餘名現在胡林翼已統軍與羅澤南會合著即併力進攻盡殲醜類所有殺賊出力員弁兵勇著胡林翼彙案請獎候朕施恩諭軍機大臣等胡林翼奏請飭購運洋礮等語據稱現在外江水師船多礮少取給湖南礮局暫可供用而模範較小不如粵東所購之洋礮上年曾經曾國藩奏請因道梗

未經運竣請飭購運以資利用著葉名琛柏貴趕即購運五百斤以上千斤以下洋礮六百尊派委兵弁妥為護送由湖南舟運解赴湖北胡林翼軍營俾資應用無誤要需將此由六百里諭令知之以

孝靜康慈皇后梓宮奉移

慕東陵暫安禮成賞恭理喪儀並恭送

梓宮之王公大臣文武官員各一級展緩江

蘇丹陽金壇溧陽三縣被兵鄰近地方上年

奏奉

人

未完額賦○乙丑諭內閣英桂奏河南省缺

額馬匹業已就近買齊請免赴口購買等語

該省缺額馬匹自應照例委員出口買補惟

據奏稱現辦防堵差遣乏人且業經買齊勢

難變價自係實在情形所有河南省缺額馬

匹既已就近買補著免其變價另買俟下屆

再行照例委員赴口購買○又諭書元奏米

豆運通較遲請緩期起運並將承辦之員交

部議處一摺奉天牛莊運通米豆向係八月

間起運九十月抵通交納近因洋面不靖直

隸船到較遲冬寒冰結難行此項米豆著准

其緩至來歲春融催令趕緊赴通交納以昭

慎重運員六品官恆光雖因船隻到遲究屬

辦理不善著交部議處又諭奕格等奏廢

員呈請捐輸奏明請旨等語已革御史文光

已革員外郎舒鼎均係案情較重發往黑龍

江充當苦差遇赦不赦之員前據該將軍等

以文光督辦團練出力奏請恩施已降旨准

奏奉

人

其俟咸豐七年奏明請旨該廢員等如果當

差出力原可據情入奏何得以報效微貲遽

為乞恩所奏著不准行○雲貴總督恆春奏

黔省苗匪猖獗請飭催兵餉並自請議處得

旨催調川兵已有旨諭黃宗漢矣飭撥餉銀

著戶部再行嚴催恆春著交部照例議處○

蠲緩山東荷澤濮范陽穀壽張單城武定陶

鉅野鄆城金鄉肥城東阿東平平陰齊東臨

邑利津雷化嘉祥禹城濱曹高唐惠民商河

濟陽齊河海豐二十九州縣暨東昌臨清濟甯三衛東平所永阜場被水災區新舊額賦有差加賑貧民一月口糧○丙寅諭內閣前因河南省正額錢糧之外有河工加價一款重為民累降旨加恩豁免茲據英桂奏河北三府自解散聯莊除暴安良剴切曉諭後地方一律肅清閭閻皆已樂業交納錢糧亦日有起色可見小民具有天良如果各州縣勤恤民隱原不難革薄從忠轉移風氣現在抗

糧首要各犯

十

業經按律懲治著該撫督飭所屬曉諭愚民所有從前被脅之人今既悔罪安分概行從寬免究如尚有督不畏法陽奉陰違者亦不得不嚴行查辦其或不肖官吏浮收勒派罔恤民艱並著該撫嚴叅懲處以副朕察吏安民之至意○又諭英桂奏教職不能約束士子釀成巨案請旨分別懲辦一摺河南杞縣教諭左鵬程署獲嘉縣教諭段承宣原武縣訓導王驤衡於該管士子聯莊

實錄卷一百八十二

十一

結會聚眾抗糧不能約束禁止以致釀成抗官巨案實非尋常疏忽可比左鵬程段承宣均著革職拏問王驤衡著先行撤任一併交英桂嚴訊確情分別究辦○諭軍機大臣等前因都司銜義勇頭目施紹恆差勇目彭繼輝張洪發來京投遞僧格林沁稟呈當將該勇目等交步軍統領衙門審訊本日據該衙門訊明供詞具奏勇目彭繼輝張洪發係僧格林沁派同詹啟綸等前赴湖北探聽賊情行至楚境因查驗護牌係功牌改寫經營弁拏獲看押旋即查明釋放其同行之陳洪亮等四人業經胡林翼營員弁拏獲正法此項義勇既已投誠自應妥為安置胡林翼因該勇目等護牌查驗不符疑為奸細尚屬有因惟據供稱西凌阿綿洵因義勇被賊裹去多今便不給口糧出隊時亦不為接應迨賊匪下壓馬隊開弓向義勇放射似此情形是統兵大臣不能善為撫馭恐將驅之從賊該義

勇等桀驁性成。本難駕馭。全在調度得宜。尚
可收搏噬之用。著官文按照所稟各情確切
查明。並令帶勇員弁。務當示以恩威。勿令有
所藉口。別滋事端。原稟著鈔給閱看。將此由
五百里諭令知之。○又諭本日據英桂奏請
飭和春仍派前項官兵。赴毫會剿擒匪等語。
擒首李兆受張樂行等在英山亳州等處肆
擾。前經和春派總兵鄭魁士帶兵一千五百
名。赴蒙城助剿。嗣因武隆額由山東帶兵赴

平定縣志卷之三

十一

皖。復咨明英桂將前項官兵停止前往。惟該
提督所帶東省官兵。僅止二百名。豫省及徐
州之兵。均在西北兩路。亳州以南。亦須重兵
堵禦。以為四面兜剿之計。著和春等仍飭鄭
魁士管帶前項官兵。赴亳州一帶。歸武隆額
調遣。以期厚集兵力。迅速蒞事。著英桂即傳
諭史榮椿。俟鄭魁士帶兵到毫後。史榮椿即
回本任。並將所帶直隸官兵二千名。撤回歸
伍。至所稱擒首李兆受。經王庭蘭兵勇平毀

賊巢。辦理正在得手。復經已革道員何桂珍
諭令招撫。以致鄉團不敢追剿。該匪居心反
覆。罪不容誅。必須認真勦辦。何以何桂珍率
行招撫。致該逆逃竄。英山著英桂查明該革
員如有辦理不善之處。即行參奏。毋稍徇隱。
將此由五百里各諭令知之。○又諭許乃普
奏請飭山東在籍大員會同紳士辦理賑務。
一摺。據稱歷來辦賑。皆由委員不能深悉地
方情形。致受蒙蔽。若以本地紳民辦賑。可杜

平定縣志卷之三

十一

影射之弊。今山東辦賑。請責成該省在籍侍
郎車克慎等會同公正紳士妥辦等語。現在
山東省被災之區甚廣。地方官苟稍有天良。
斷不至侵蝕中飽。惟佐雜胥吏從中染指。實
難保其必無。著崇恩嚴飭道府州縣等詳細
履勘覈實。散放不准假手吏胥。致滋弊竇。儻
或有名無實。致賑者未必貧。貧者未必賑。即
著該撫嚴參懲辦。至山東紳士除毛鴻賓應
赴湖北外。其餘各員亦未必皆能辦事。著崇

恩查明車克慎等何人能實心任事不避勞怨即奏請責成該員等會同地方官辦理賑務原摺著鈔給閱看將此諭令知之○又諭前據景瀄奕格等先後奏報俄夷欲分地界情形諭令該將軍等作為己意公具文移知照該國聽候勘定不可將入奏一層令該夷聞知致礙辦理茲據奕格等奏該夷阻冰登陸已由陸路回國等語夷情狡詐雖現在經過江面尚無滋事而聲言明年仍有船隻前來居心叵測仍須密加防範其留存養病各夷人著妥為照料毋致有所藉口至俄夷呈遞伊國字跡七紙並咨報理藩院公文一角姑暫存留俟該將軍等作為己意行文曉諭後再由理藩院給予回文亦祇可正言理諭令其遵照舊章如有非理之言理藩院衙門亦不敢據以入奏也至現在該夷由陸路回國恐其為偵探路徑起見抑或另有詭謀著奕格會同景瀄德勒克多爾濟暗地設防一

實錄卷一百八十二

十四

面將界碑原文勘定從前分界處所妥商辦理將此諭令知之○前任甯夏副都統伊勒當阿因病乞休允之○丁卯以詹事府詹事楊式穀為內閣學士兼禮部侍郎銜○戊辰諭內閣福濟奏訊明署知州叅案一摺已革署安徽亳州知州繡綸前經袁甲三奏叅該員貪鄙害民為巡檢胡裕烈臚款稟揭當經降旨暫革交福濟提訊茲據訊明該革員勸辦捐輸恐有弊端將局撤歸署內辦理迨經

實錄卷一百八十三

十五

調查捐簿又不檢送齊全以致物議沸騰屬員紳士列款稟控又於家丁買娶民婦漫無覺察雖訊無侵吞訛索情事而羈率疏漏咎無可辭繡綸著開復原官仍交部議處以示懲儆義門巡檢胡裕烈並未查明確據率行稟揭實屬糊塗著即革職仍留於亳州差委○江南提督和春等奏報攻剿三河舒城巢縣賊匪情形得旨進攻並未得手殊深憤悶若不趕緊痛剿何日方有轉機○以河北剿

賊出力賞四等台吉特固克濟爾噶勒花翎
○以克復安徽廬州府城出力賞都司于昌
麟巴圖魯名號協領圖桑阿佐領連臣格圖
肯白凌阿富僧額祥安保清呢柯佈彭齡雲
騎尉托精阿防禦德克德布保明多陞額瑞
志伊克唐阿參將錫昌喜瀛遊擊舒亮成桂
都司王定宇李家齊守備魯占魁等花翎佐
領俸昌等藍翎餘升擢有差○以辦理安徽
廬州糧臺出力賞布政使畢承昭知府全善

實錄卷百十三

十六

同知李宗義知州馬新貽花翎武生張邦傑
等藍翎餘升擢有差○以辦理安徽團練出
力予升用道員陸希湜等升敘有差○己己
諭內閣八公主著封為壽禧公主九公主著
封為壽莊公主○又諭壽禧和碩公主現已
指副都統熙拉布之子瑞林為和碩額駙所
有擬派偕婚大臣擇吉成禮之處著內務府
大臣照例辦理○又諭壽莊和碩公主現已
指一等誠勇公裕恆之子德徽為和碩額駙

所有擬派偕婚大臣擇吉成禮之處著內務
府大臣照例辦理

實錄卷百十三

十七

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百八十二

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百八十三

監修總纂官日講起居注官太子太保工部尚書總督學士副都統等官翰林院掌院學士詹事府詹事府卿等官

大學士管理吏部事務加十三級紀錄十四次管理刑部事務加十三級紀錄十四次管理戶部事務加十三級紀錄十四次

大學士管理工部事務加十三級紀錄十六次管理禮部事務加十三級紀錄十六次管理兵部事務加十三級紀錄十六次

大學士管理刑部事務加十三級紀錄十六次管理戶部事務加十三級紀錄十六次管理工部事務加十三級紀錄十六次

大學士管理工部事務加十三級紀錄十六次管理禮部事務加十三級紀錄十六次管理兵部事務加十三級紀錄十六次

大學士管理刑部事務加十三級紀錄十六次管理戶部事務加十三級紀錄十六次管理工部事務加十三級紀錄十六次

咸豐五年乙卯十一月庚午諭內閣英隆承

中書

一

志春查明水師疏防員弁分別叅劾一摺本

年五月間奉天沒溝營口外有盜艇行劫經

該將軍等飭調水師船隻駛往攻剿屢次行

催該巡員等延不前進以致盜艇乘隙竄出

口外實屬懦弱無能除委官隋承恩徐維翰

由該將軍等責革嚴辦外所有總巡佐領王

嘉德協巡駢騎校李志潤均著交部嚴加議

處協巡防禦韓興詩委官蘇明泰應得罪名

均著交盛京刑部嚴訊確情從重定擬其餘

差不慎之署水師營協領事務金州佐領李

克達著一併交部議處○青海扎薩克貝勒

那密勒大巴因病乞休以其子拉旺多畢依

襲爵○以青海追獲賊賊出力賞左翼扎薩

克台吉喇木貢策勒健勒雙眼花翎予署副

將陳智和等議敘○予江南陣亡把總李元

順祭葬世職○

上以冬至祀

天於

實錄

二

圍丘自是日始齋戒三日○辛未諭內閣赫特

賀奏色呼本諾們罕聞

大行皇太后升遐齊集喇嘛僧眾奉經設醮並

欲特遣使臣堪布赴京一摺色呼本諾們罕

朗結曲丕自聞

大行皇太后升遐虔心出於至誠齊集喇嘛僧

眾奉經並欲特遣使臣堪布前來請安實堪

嘉尚惟念本年班使臣堪布就道方殷若

再遣使赴京則驛路往來未免艱辛過甚著

赫特賀曉諭朗結曲丕毋庸特遣使臣堪布入都。以示朕曲加矜恤之至意。○諭軍機大臣等。赫特賀奏廓夷情詞愈肆狂悖。並聞增派夷兵。意圖撲我營盤。經噶布倫督兵進剿。於九月二十四日接仗。殺斃番賊數百名。立將帕嘉嶺賊巢平毀。現擬進攻聶拉木等語。廓爾喀狡詐桀驁。既不將所占地方退出。復疊次違斷不遵。情同悖逆。此次聲罪致討。實有不得不然之勢。惟藏地窩遠。山川險阻。進

平定回疆方略卷三

三

兵不易。終須勦撫兼施。本日已諭赫特賀。如該夷畏威退地。毋得深入貪功。致勞兵力。至前令川省豫備屯營各兵三千名。既據該將軍等奏稱。兵力不敷。餉需甚鉅。且藏地寒冷。征剿非時。難以徵調。原係實在情形。但帕嘉嶺既經接仗。乘勝進師。此時兵難中止。又恐力弱難支。著黃宗漢迅速籌撥銀五六萬兩。解往後藏。交該大臣作為犒賞之需。俾藏屬番土各兵鼓舞奮興。咸知用命。或可即仗本

地兵力。以禦外寇。無煩內地徵調。並著樂斌等。於川省文武官弁中。擇其熟悉番務。明白曉事者。管解前往。即留與赫特賀差委。再九月二十七日。因赫特賀奏番夷肆意要求。諭令樂斌。黃宗漢豫籌布置。並因樂斌曾至西藏。當悉夷情。令其悉心籌議。廣加採訪。應如何辦理之法。迄今日久。未據該將軍總督將籌議情形入奏。十月十一日。復因湖北漢川失守。四川續撥赴荆兵勇。究有若干。樂斌萬

平定回疆方略卷三

四

福三員何人可往。諭令黃宗漢籌度速奏。迄今一月。亦未據奏報。此皆軍務緊要事件。何以樂斌黃宗漢置若罔聞。並不即行覆奏。著即懍遵諭旨。趕緊籌辦。毋再遷延。自干咎戾。將此由五百里諭令知之。○又諭。前因廓番妄事。要求四川官兵。又因道遠天寒。一時不能派往後藏。諭令赫特賀就現有兵力。扼要防堵。本日據該大臣奏稱。廓番逾限稟覆。抗斷不遵。情詞愈加狂悖。防堵聶拉木一帶之

噶布倫聞廓兵陸續增添。並有乘間撲營之信。官兵各懷義憤。分路進攻。前後夾擊。殲擒多名。立將帕嘉嶺賊營平毀。現擬進攻聶拉木賊巢等語。廓番占踞濟隴等五處地方。妄事要求。經該大臣屢次檄諭。仍復抗斷不遵。此次因我兵義憤奮勇進剿。誠屬不得已之舉。惟兵力單弱。雖獲勝仗。未可深恃。惟有激勵該處番土各兵。實力堵禦。本日諭令樂斌、黃宗漢撥銀數萬兩。解赴後藏。並諭揀派熟悉藏務之員。隨同前往。並留藏差委。此項銀兩解到後。該大臣即擇打仗出力弁兵。優加賞賚。以資鼓勵。藏屬可用之兵。數尚不少。若能鼓舞眾心。皆知用命。即可仗本地兵力。以禦外寇。無煩內地徵調。更為妥善。至帕嘉嶺賊營。為我兵平毀。現在當已進兵聶拉木。如果得手。不可深入。致墮該夷奸計。儻能連次獲勝。該夷受此懲創。自知悔罪。退出占踞地方。仍當示以寬大。設法懷柔。以省兵力。若仍

實錄卷一百八十五

五

恃眾抗拒我兵。惟有扼要嚴防。相機進剿。惟不可因有勝仗。稍存大意。將此諭令知之。○以克復湖北蒲圻縣城。賞知州唐訓方。都司朱品隆等花翎。六品軍功李見榮等藍翎。餘升擢有差。○以攻剿湖北賊匪出力。賞浙江甯紹台道羅澤南。祖父母。父母。二品封典。記名道安慶府知府李續賓。鹽運使銜。並伊父母三品封典。○予江西九江陣亡參將童添雲。附祀湖南提督塔齊布專祠。○予湖北陣亡都司楊泰友。千總楊佐清。楊再佑。把總劉祥雲。易光榮。黃德榮。張九錫。外委韋順清。知縣銜劉蕃。從九品蔣文彬。郭祥基。祭葬。世職加等。○壬申。

實錄卷一百八十五

下

聖祖仁皇帝忌辰。遣官祭

景陵。

上詣

南郊齋宮齋宿。○諭內閣。英秀等奏。土爾扈特親王策林喇布丹等聞

大行皇太后大事。隨即齊集該游牧喇嘛僧眾
唵經。並欲於塔爾巴哈台城中寺院唵經等
情。呈請代奏請旨一摺。土爾扈特親王策林
喇布丹。扎薩克頭等台吉喇武那巴咱爾。自
聞

大行皇太后大事。虔心出於至誠。齊集該游牧
喇嘛僧眾唵經。並欲於塔爾巴哈台城中寺
院唵經。又呈捐銀兩馬匹。作為貢獻之用。朕
心實深嘉悅。惟該親王等。既於該游牧唵經

實錄卷五十三

七

四十九日。若令其捐輸銀兩馬匹。復唵經文。
轉非所以示體恤。著英秀等。傳諭策林喇布
丹等。毋庸呈獻銀兩馬匹。復於塔爾巴哈台
城中寺院唵經。以示朕矜恤蒙古臣僕之至
意。○江蘇學政奎章。因病解任。命大理寺卿
李聯琇。提督江蘇學政。○以克復湖北沔陽
州城出力。賞佐領哲勻等。花翎。領催玉福等。
藍翎。餘升擢有差。○癸酉冬至祀
天於

圜丘

上親詣行禮。○詣

關帝廟拈香。○遣官祭

永陵

福陵

昭陵

昭西陵

孝陵

孝東陵

實錄卷五十五

八

景陵

泰陵

泰東陵

裕陵

昌陵

昌西陵

慕陵。○遣官祭

孝靜康慈皇后暫安寢殿。○遣官祭

孝德皇后殯宮。○遣官祭

端慧皇太子園寢○停次日朝賀○以導引錯誤摘贊引官明康五品頂帶花翎仍在贊禮郎上行走○甲戌諭軍機大臣等陸元烺奏賊竄義甯總兵打仗陣亡並請飭部改撥滇黔各省兵餉及浙省應撥江西餉需請催解接濟各等語義甯為湖北崇通後路羅澤南之師自崇陽通城蒲圻一路進仗甫經克復三城而該州境內復被賊匪闖入不但旁竄內犯延蔓可虞兼恐牽掣羅澤南之後該

實錄卷一百八十三

九

道現與胡林翼合軍勢難返顧陸元烺已檄調贛南道耆齡署參將遮克敦布帶勇千數百名馳往援剿如能將義甯賊匪掃數殲除即著飭令耆齡等前往崇通一帶隨剿隨進與羅澤南互為聲援不可株守本境其袁臨各處賊匪並著該署撫與曾國藩商調兵勇以期次第殲除至滇黔甘肅等省待餉孔殷江西積欠至三百二十餘萬兩之多雖經費支絀係屬實情而四川等省近來指撥協濟

實錄卷一百八十三

十

各省軍餉為數已屬不少豈能復為江西代撥該署撫仍當於該省新漕地丁等項內酌量覈計陸續分解滇黔等省稍清積欠不得專顧本省致誤要需將此由六百里諭令知之○又諭前因曾國藩奏請飭浙江補解餉銀曾諭知陸元烺浙省無款可籌著於江西漕項內每月撥銀三萬兩就近接濟數月茲據陸元烺奏稱曾國藩水陸餉糈去冬至今均係江西支應兼以地方被賊處多分投防剿需餉益繁計截至年底尚需銀六十餘萬兩司道庫現僅存銀十三四萬不敷一月之用浙省應解江西軍餉每月二萬外尚有鹽課及酌提養廉等項共銀十二萬五千兩皆係戶部指撥解濟楚軍之款請飭浙省迅解江西等語現在浙省庫儲固亦支絀惟目前江西籌餉尤屬不易著何桂清設法措置將部撥鹽課等項陸續如數籌撥趕解江西以濟急需將此由五百里諭令知之○又諭裕

誠等奏。年例俸賞緞匹。不敷支放。請飭趕造等語。本年三庫衙門。奏派杭州等處織造。趕運大運緞匹。分別緩急。飭令依限解庫。以備開放各項賞需之用。現在定限已逾。甫據杭州織造。請部指撥款項。趕緊織辦。實屬玩延。此項緞匹。現屆盛京戶部請領賞需。及明年二月。例放外藩俸賞。為期已促。必須趕緊製辦。著何桂清督飭藩司。迅於藩關兩庫。設法湊撥銀款。交織造烏勒洪額。迅速辦運。務於

中華書局影印

五

年內解庫交納。毋誤要需。將此由五百里諭知何桂清。並傳諭杭州織造烏勒洪額知之。欽差大臣湖廣總督官文奏。漢陽賊隊撲營。連日拒戰獲勝。請將築營不堅之知縣李光榮等懲處。得旨。李光榮等均著摘去頂帶。此次雖小有獲勝。然情形迥異。恐攻拔未易也。署江西巡撫陸元烺奏。江西欠解雲貴甘肅等省兵餉。現因軍務未竣。請先由四川等省改撥。得旨。何得如是推卸。專顧汝之一

省不統籌全局。疆吏如此殊負委任。貴州巡撫蔣霽遠奏。請獎勵勦辦興義匪徒出力員弁。得旨。著再酌減人數。並所保等差毋許冒濫。俟奏到時候。旨行單發回。以山西平陽營參將嵩瑞為江西南贛鎮總兵官。予江西陣亡總兵官劉開泰。及伊子五品頂帶以亨。祭葬世職。並於殉難地方建立專祠。乙亥。

中華書局影印

十二

上幸瀛臺。湖南提督武隆額奏。報馳赴皖豫交界。察看情形。得旨。以後勦辦情形。隨時由汝馳奏。以克復廣東增城。縣城出力。賞在籍刑部主事陳維嶽。花翎守備列大魁等。藍翎。餘升擢有差。緩徵甘肅皋蘭河隴西固原甯夏甯朔靈中衛鎮原洮靜甯平羅渭源安定鹽茶甯靈臺十七廳州縣。被水被旱。被雹被霜地方。新舊額賦。貸福建金門鎮兵丁穀價銀兩。丙子。諭內閣。永康等奏。各州縣欠解庫本利銀。並庫租銀錢。請旨飭催各

等語。直隸遵化。薊州。每季應交永濟庫本利銀兩。向由各該州請領兵丁錢糧內扣收解庫。乃遵化州積欠銀五千一百餘兩。薊州欠交銀七百餘兩。又各州縣欠解永濟庫租銀三萬七千八百餘兩。籌備庫租銀八千三百餘兩。東錢三千五百餘吊。節經嚴催。該州縣並不趕解。實屬疲玩已極。著桂良轉飭藩司。勒限嚴追。務將前欠各項埽數解清。如限滿仍欠。即行嚴叅懲辦。○諭軍機大臣等。御史

實錄卷一百八十三

十三

倫惠奏。蠹役舞弊。有礙錢法。請飭查禁一摺。據稱地方官於民間交納錢糧。不收大錢。故近京百里以外。大錢不能行使。延慶州等處差役。以買草豆煤炭為名。按戶勒派。且勒令折價交納。至當五當十大錢。保安州行使已久。惟州署人役。每持票向鋪戶勒取制錢。運至張家口發賣。以致民間疑議等語。大錢與制錢相輔而行。地方官於民間交納錢糧。自應恪遵前旨。按成搭收。至胥役藉端科派。併

勒索制錢。販賣漁利。尤屬大干功令。著桂良嚴飭所屬各州縣。於民間交納錢糧時。務遵前定章程。將當五當十大錢。按成搭收。儻有陽奉陰違。不肯收受者。即著嚴行叅辦。其延慶州。保安州。懷來縣。差役舞弊。並著桂良按照該御史所叅各情。密速拏訪。盡法懲治。各該州縣等。如查有縱容包庇情事。併著嚴叅懲處。毋稍姑息。原摺著鈔給閱看。將此諭令知之。○以克復湖南茶陵。桂陽。州城出力。賞

實錄卷一百八十四

十四

都司朱南桂。千總田興恕。花翎。同知趙煥聯等。藍翎。餘升擢有差。○以湖南官軍勦匪不力。革湖南守備郭漢雲職。通判周金城革職。遣戍軍臺。○予廣西陣亡千總崔連陞。謝述衡。把總王榮德。外委李家駿。張廷龍。莫兆陞。黃昌。祭葬世職。○予湖南陣亡知縣李原濬。縣丞黃金鑑。從九品黃錫宇。吳憲武。陳鳳彩。把總何忠驥。外委黃承信。祭葬世職。監生李原漢。文生吳國安。童生李原博。李滋葵。何忠

主賞卹如從九品例。武生何敬椿。武童方向陽。賞卹如外委例。○丁丑諭內閣。崇恩奏在籍總兵調赴軍營。延不啟程一摺。丁憂在籍前任廣西右江鎮總兵谷韞璿。係發往向榮軍營差遣之員。經該撫遵旨飭催啟程。輒敢藉稱患病。飾詞逗遛。實屬有心規避。谷韞璿著即革職。仍著令前赴向榮軍營效力。○諭軍機大臣等。托明阿等奏瓜州逆匪圖竄截勦獲勝一摺。該逆窮極思竄。亦在意中。若不

實錄卷一百三

十五

設法破其巢穴。則下游焦山。上游土橋各處。幾於防不勝防。況此時四面兜圍。旣已嚴密。即使賊匿不出。亦不難於設法進攻。鎮江府城早聞可以攻克。吉爾杭阿大營。又力占勝勢。何以遲遲未見捷音。總因南北兩岸不能同時並舉。南岸得勝。則恐瓜州之賊下援。北岸得手。又恐鎮江之賊上救。以致兩相牽掣。日久無功。著托明阿。吉爾杭阿等。乘此賊勢窘促之際。趕緊籌攻。總以搗其巢穴為要。不

可徒以防竄為詞。金陵逆首。半載未出。近復屢遣騎馬賊隊出撲。其奸詭之謀。總在援應鎮江瓜州。如能先將二處克復。則金陵自成孤立之勢。萬勿以長圍為可恃。任賊從容自竄。歸併金陵。復蹈揚州故轍也。將此由六百里各諭令知之。○又諭托明阿奏餉需缺乏。請飭催兩淮鹽課。以資接濟等語。揚州軍營兵餉久缺。所有淮北新綱續徵課銀。著怡良飭屬解赴江北糧臺。毋許延宕。其淮南就場

實錄卷一百三

十六

徵稅及竈課折價銀兩。並著儘徵儘解。藉資支放。至協貼淮南一款。向係河工備用之需。前因廬州待餉孔殷。除准留南河備用銀十萬兩外。餘俱撥解廬州軍營。托明阿所請解赴該營之處。著毋庸議。將此由六百里諭令知之。○以江蘇瓜州勦賊出力。賞協領奇成額。佐領全永。巴圖魯名號。佐領慶春。索昌。富崑勝。瑞德通。防禦富隆阿。總兵官周士法。副將周希濂。都司富羣。守備王朝棟。馬興。秦兆

泰王雲慶鞠耀乾等花翎前鋒定福等藍翎
餘加銜升擢有差○以辦理山東糧臺出力
予同知許之瑞等升擢有差○賑山東濟甯
魚臺三州縣及臨清衛被水貧民一月口糧
○戊寅

上詣

大光明殿

弘仁寺

仁壽寺拈香○諭內閣英桂奏截留漕糧請

實錄卷一百三

十七

折色放賑一摺前因豫省被水災黎亟宜撫
恤諭令英桂將應徵未完漕米五萬餘石截
留該省於應行給賑地方認真散放茲據奏
稱體察民情咸願散給賑銀自應全放折色
以順輿情著照所請所有河南省截留滎陽
等十二州縣未完四年漕糧五萬三百餘石
除濟源縣已解本色四千六百餘石留備展
賑外餘著按照每石一兩二錢五折銀報
解該撫即飭屬覈實散給蘭儀等六縣被水

災民先於前發帑銀內動給俾窮黎早沾實
惠仍著該撫飭令各該州縣趕緊徵收以備
賑需無任遲延○諭軍機大臣等英桂奏豫
省兵勇擊勦捻匪獲勝永城解圍一摺亳州
捻匪回攻永城經余炳燾等督率員弁團勇
連挫賊鋒城圍已解惟各匪勢尚猖獗必須
會集兵勇四面兜拏以淨根株武隆額現駐
永亳交界雖徐宿一帶尚有容照等遙為聲
援而兵力尚單前諭和春等仍飭鄭魁士管
帶官兵一千五百名前赴亳州歸武隆額調
遣著即迅飭啟程助剿史榮椿所帶直隸官
兵前有旨諭令撤回歸伍現在捻匪鴟張如
武隆額兵勇不敷著暫留史榮椿帶兵協剿
俟鄭魁士到後再令該總兵撤兵歸伍又據
英桂奏捻首李兆受被王庭蘭擊敗辦理正
在得手忽聞已革道員何桂珍將該匪招撫
現聚英山城外餘黨尚數百人此等狼子野
心反覆無常何堪一誤再誤著和春福濟嚴

實錄卷一百三

十八

飭何桂珍務將李兆受擒拏正法。如再遷延貽誤。即將何桂珍嚴行叅辦。至湖北遣散義勇。有軍功向憲章張玉桂等。私行招集千餘人。聲稱赴安徽投效。由河南前往潁州。現經英桂飭令各州縣嚴密捕拏。並著和春福濟查明該義勇等。如有沿途搶劫不法情事。必當嚴拏懲辦。若實係投誠。堪資驅策。即著妥為駕馭。毋使激而從逆。致有他虞。將此由六百里各諭令知之。○又諭蔣霽遠等奏匪徒

實錄卷百三

十九

藉糧滋鬧。委員勦辦一摺。貴州銅仁府屬舉人徐廷杰等。糾集外來教匪。假稱上糧。戕官據城。實屬目無法紀。該撫現已派員帶練勇馳往該處查辦。務即迅飭拏獲匪犯。從嚴懲辦。並解散脅從。毋令延蔓。該匪等是否傳習邪教。有無勾結粵匪在內。如因鬧糧滋事。該府葛景萊平日辦理錢漕。有無不善之處。著蔣霽遠等將此事起釁根由。確切查明。據實具奏。其文武各官下落。並著迅即查明。至界

連銅仁各處。務飭一體嚴防。斷不可令該匪等遠颺勾結。再滋事端。將此由六百里諭令知之。○予貴州陣亡都司安如嵩千總趙鵬趙朝謨。把總何有順。張宣雲。騎尉張席珍。祭葬世職。武舉馬如珍。李助國。武監生安榮先。賞卹如例。○己卯。諭軍機大臣等。官文奏。前軍攻勦賊匪。連獲大勝。請留羅澤南助勦一摺。羅澤南自入楚境。連克三城。逆首石達開率其敗竄餘眾。逃回江西。其在武漢之賊。當

實錄卷百三

二十

必聞風窘蹙。此次官文前隊。已將漢陽出巢賊匪。痛加殲勦。軍情正在喫緊。據該大臣奏稱。江西欲令羅澤南回軍勦賊。自係因匪蹤闌入義甯境內。急籌堵禦。起見。惟該道一軍。甚為得力。若遽撤回江西。則楚軍攻勦武漢。恐難得手。羅澤南仍應由蒲圻進發。俾官文各軍得以專注漢陽。早圖克復。著官文。胡林翼傳諭該道。俟江漢肅清。再行回兵。援應江西。官文亦當乘此機會。速飭王國才。都興阿。

訥欽趕緊攻克漢陽府城為進擣武昌之舉至石達開著名兇悍既已竄擾義甯州界腹地亦應嚴防耆齡遮克敦布所帶賴勇一千七百餘名此時當已馳抵義甯周玉衡阿隆阿進剿吉安前已奏報獲勝如賊勢已衰即可移緩就急以援義甯其曾國藩軍營及陸元烺省垣各兵有可再行抽調之處並著妥商辦理不得專恃羅澤南一軍僕僕往返以致顧此失彼受賊牽掣將此由六百里加緊

實錄卷一百三

三

諭知官文曾國藩胡林翼陸元烺並傳諭羅澤南知之○又諭前因赫特賀奏官兵將帕嘉嶺番營平毀擬進攻聶拉木賊巢當經諭知該大臣如果進兵得手不可深入致墮該夷奸計本日據奏稱攻勦續獲勝仗克復聶拉木賊巢並圍攻宗喀情形勦辦甚合機宜此股夷匪盤踞聶拉木地方該噶布倫等旬日之間痛加勦洗將所失營寨次第克復足見弁兵等俱能踴躍用命該大臣當遵前次

諭旨俟川省解到銀兩後即擇其打仗出力者優加賞賚以資鼓勵現在我兵將宗喀外城攻破分兵三路擇要駐劄以防陽布應援之兵布置亦尚嚴密惟夷情詭譎仍當相機進攻不可因疊次獲勝稍涉大意儻該夷將占踞地方盡行退出即當示以懷柔毋須窮兵深入另片奏移營後藏等語定結地方為扎什倫布緊要門戶既有廓兵窺伺自應嚴加防範毋令乘間突入該大臣現擬移劄後

實錄卷一百三

五

藏居中調度即著妥為布置挑選得力之兵與前派戴琇等管帶番土兵丁聯絡聲勢體察情形相機辦理以免疏虞將此諭令知之○吉林將軍景淳奏報試辦捐釐以佐經費得旨著照擬試辦俟查看情形有無裨益再行奏明○欽差大臣湖廣總督官文奏鹽道常恩等在蔡店遇賊失利瀘勇致有潰挫旋即合軍擊退賊眾請予免議得旨既已查明或敗屬有因或功足抵過均著免其置議○

調禮部尚書麟魁為刑部尚書。仍兼署禮部尚書。以西安將軍瑞麟為禮部尚書。兼鑲白旗蒙古都統。○以鄭親王端華署鑲白旗蒙古都統。調正紅旗蒙古副都統托雲保為鑲紅旗滿洲副都統。以頭等侍衛綢閣為正紅旗蒙古副都統。○以戶部左侍郎載齡為泰甯鎮總兵官。兼總管內務府大臣。○以泰甯鎮總兵官慶祺為西安將軍。○命貝勒奕諒帶領侍衛十員。往奠故刑部尚書德興茶酒。

實錄卷百十三

三

予祭葬。謚文恭。

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百八十三

實錄卷百十三

三

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百八十四

蘇修曉諭官經通司講起居住官太子太保上書總冊傳文訓問領問事翰林院掌院學士指發欽奉工部事詳處問史館編纂官武英殿

大學士管理兵部事務加十三級紀錄十四次臣等積憂懇請官太子太保文淵閣領閣事武英殿總管欽此臣等謹將吉士體仁

大學士管理戶部三庫事務管理刑部事務加二十三級紀錄十六次臣周祖培謹教官太子少保管理內閣書局對引人臣求傑大臣

鎮江府志卷之四
郵政書管理三庫筆格加四級通帶加五級照錄十二次臣寶珍奏為遵旨辦理各款欽此伏查大清道光二十五年

建國史館鑒：敝堂正蓋誤蒙吉都親禮，仰面書堂理太常寺鴻臚寺事務，加二級軍功，加四級隨帶，加八級紀錄，五次陞行，理布等奉

救修

咸豐五年乙卯十一月庚辰諭內閣怡良吉

子集卷一百八十四

—

爾杭阿奏審擬已革各員叅款一摺已革江蘇候補知縣張衍疇等經前任布政使祁宿藻以該員等領銀逃避潛行出城奏叅革訊茲據怡良等審明張衍疇係前任巡撫楊文定委令解礮赴東西梁山安設發給銀五百兩復經前任總督陸建瀛將礮位截留令其巡查江面適於銅井鎮口猝遇匪徒將所領銀兩搶去尚無攜銀逃避情事惟被搶後並不設法緝匪輒以設措賠項藉詞渡江實屬

有心規避。張衍疇著。從重發往軍臺效力贖。

罪以示懲儆已革崇明縣縣丞徐承恩無錫

縣高橋巡檢童復原派在江甯差委旋經楊

文定改調前赴鎮江該員等並未稟明藩司

即行出城殊屬疏忽業已革職著毋庸議○

諭軍機大臣等昨據官文奏江西因匪蹤聞

入義甯。欲令羅澤南回軍勦賊。已諭知官文。

等傳諭該道毋庸撤回江西並諭令曾國藩

陸元烺酌量調兵援勦義甯矣崇陽通城係

卷一百八十四

—

江西湖北往來要路向為盜賊淵藪羅澤南帶兵不過數千現須由蒲圻進發與胡林翼會攻武漢而義甯州賊勢又熾可見崇通後路尚未肅清恐我軍不免受其牽掣因思江西升用知府周汝筠所帶南康縣練勇六千名上年經陳啟邁派往龍南一帶並廣東韶州勦匪現在廣東業已肅清江西南路情形較緩此項練勇著該署撫查明即令全數調赴崇通等處仍交周汝筠統帶勦賊以為羅

澤南一軍後路至周汝筠未到以前。江西有無可調之兵。著曾國藩陸元烺酌量先行撥往助剿。俟義甯克復後。即遵前旨。將耆齡等所帶兵勇一併飭赴湖北。既可固江西之藩籬。並可絕武漢賊黨之援。應於大勢當有裨益。將此由六百里加緊各諭令知之。○調禮部左侍郎肅順為戶部左侍郎。兼管三庫事。轉禮部右侍郎文清為左侍郎。以內閣學士寶箴為禮部右侍郎。○以署鑾儀衛鑾儀使恩醇署正白旗漢軍副都統。○撫恤琉球國遭風難夷如例。○辛巳。

上御乾清門聽政。○諭軍機大臣等。向榮奏。蕪湖北岸喫重。陸軍未能兼顧。請飭撥廬州官軍會剿一摺。蕪湖為南北咽喉。關係吳楚全局。經官軍收復後。該逆復以死力來爭。吳全美所帶紅單師船。祇能埽蕩江心。鄧紹良陸路官兵。祇能顧及南岸。江北無兵會剿。即難扼守蕪湖。於大局實有關係。現據向榮奏已

咨商和春調兵赴雍家鎮夾擊。日久未據咨覆。此係緊要機宜。豈容視同隔膜。著和春福濟即於廬州得勝兵內。選派得力將弁。管帶陸兵數千名。剋日馳赴裕溪口一帶。與蕪湖南岸官兵聯絡夾擊。現在廬州兵勇為數倍於金陵。即分出數千。兵力亦不為單薄。毋得藉詞推諉。致南軍或有疏虞。所有派往兵數及何員統帶。即著迅速具奏。並著向榮於撥到後。妥為布置。以資攻剿。至廬州克復後。巢

縣廬江自應次第收復。舒城一路有秦定三督剿。該提督等即應進圖安慶。不得坐擁重兵。虛糜餉糧。將此由六百里加緊各諭令知之。○軍機大臣等會同戶部議准。熱河都統柏後奏報。蒙古開採紅花溝等五處金礦。徵課每金一兩。作十成計算。五成歸商人工本。以三成六分為正課。三分為耗。金一分為解費。餘一成為阿拉巴圖當差之資。其長杭溝銀礦。仍照前蒙古銀礦升課章程。至錫蠟片

銀礦與遍山線本係一山。未便分兩處採辦。應仍照舊辦理。從之。○以光祿寺卿周玉麒為太常寺卿。○予浙江捕盜淹斃縣丞嚴錦堂祭葬卹廕。○緩徵新疆惠遠城歉收地畝本年額賦。○壬午。

上詣

大高殿行禮。○諭軍機大臣等。武隆額奏勦匪獲勝。請飭調官兵一摺。前因永毫一帶擒匪猖獗。恐武隆額兵力單薄。諭令和春、福濟仍

武隆額奏

上

飭鄭魁士帶兵赴毫。並諭武隆額暫留史榮椿管帶之兵。協同勦捕。茲據該提督奏稱。初九日在蔴種接仗獲勝。現在擒匪竄往鄧陽會亭之間。其雉河集老巢仍有賊踞。武隆額駐劄永毫交界。策應南北兩路。賊數不下三萬。兵勇僅有五千。眾寡懸殊。難資得力。著英桂即將前在衛輝勦辦土匪所調山東兵一千名。史榮椿所帶直隸兵一千名。調往備勦。至容照興慶所帶各兵。本歸武隆額調遣。著

武隆額奏

上

該提督相機調度。一面催調鄭魁士迅速啟程。以資勦辦。將此由五百里各諭令知之。○予安徽陣亡遊擊巴哈布祭葬世職。○癸未。諭內閣和春、福濟奏擒匪竄入英山。請將被戕各員議卹等語。擒匪李兆受、竄踞英山。詭稱投誠。已革道員何桂珍密約羅田等處團練會捕。謀洩被戕。英山縣知縣蘇秀槐署桐城縣事。候補縣丞任春和代理太湖縣。從九品婁業仕把總高長發。勇目賈奎龍同時被害。經委員劉兆彭調集羅田、英山各勇會合進攻。當將英山克復。匪首李兆受膽敢戕官踞城。實屬罪大惡極。著和春等查明該匪首是否殲斃。毋任竄逸。並督飭兵勇務將餘匪搜捕淨盡。以絕根株。○諭軍機大臣等。御史蕭浚蘭奏江西省南北被擾。請擇要嚴防一摺。據稱義甯毗連永新。以毛竹山為扼要。安福毗連袁臨。水通臨江。陸通袁州。北近義甯。以安福之楓田迤北沿河南岸為扼要。在籍

侍郎黃贊湯所帶兵勇及曾國藩營練勇四千名皆駐劄固江鎮僅顧吉安一面若賊匪滋擾袁臨句結義甯不但省垣震動兼恐蔓延袁臨存城兵弁無多樟樹鎮亦關緊要請飭江西巡撫統籌全局等語現在江西賊勢分竄可虞自應扼要防守未可專顧一隅著曾國藩陸元烺體察情形將黃贊湯所帶兵勇並各路派出兵勇應如何分布要隘勿令竄匪四出滋擾蹂躪完善之區至曾國藩水

陸各軍日久未聞接仗雖鄱湖以內一律肅清而九江終未克復該侍郎豈不知餉糈艱難日甚一日何堪頓兵不戰坐耗軍需耶著即激勵將弁迅籌破賊之策早克九江以孤賊勢毋再遷延貽誤原摺著鈔給閱看將此由六百里各諭令知之○又諭和春等奏請飭江蘇各關按月分撥皖餉等語據稱各省協撥皖餉久未解到月需餉銀萬分支絀自應就近撥給以濟急需著怡良即飭江海關

按月撥銀三萬兩許墅淮關按月各撥銀一萬兩解往和春等軍營應用此項撥款為數無多即趕緊籌備毋任遲誤江蘇既撥關稅協濟安徽軍營所有前命怡良籌解之款即行停止將此由五百里諭令知之○以安徽靈璧縣辦理團練出力賞在籍翰林院庶吉士張錫榮藍翎○以安徽三河尖勦匪獲勝賞候補府經歷任愷等藍翎餘升擢有差○予安徽陣亡已革道員何桂珍知縣蘇秀槐縣丞任春和從九品婁業仕把總高長發王聖武外委范得吉祭葬世職勇目賈奎龍賞卹如例○停緩河南孟津閿鄉二縣衝壓地畝額賦○甲申。

上 詣

壽康宮前殿行禮○詣

壽安宮西所問

如皇貴太妃安○諭軍機大臣等奕格等奏請將打牲八旗官兵及鄂倫春人等收取器械

分戶管束並請暫緩進貢貂皮一摺原為防備俄夷起見。但此時俄夷雖有詭詐情狀。尚未敢顯然違悖。只可暗地設防。若將打牲官兵及鄂倫春人等一概收回管束。並將烏槍等械查取存官。恐跡涉張皇。儻使該夷聞知。轉啟猜疑之意。況此項人等村居野處。專以打牲為業。亦不可令其失業。致形苦累。即進貢貂皮一節。現在黑龍江並無別項事故。何以無端免貢。明年若仍令進貢。又將何以為

詞。所請分戶管束及免貢貂皮之處。均屬窒礙難行。著該將軍即將此項人等如何設法稽查。加意防範之處。另議章程具奏。總宜示以鎮靜。不可先露防備情形。亦不可使鄂倫春人等失業。方為妥善。另摺奏官兵捐餉添備軍械。甚屬踴躍可嘉。惟念該官兵現年俸餉既未關領。補放之餉又行扣捐。未免太形拮据。該將軍等業已動用。亦只可照議辦理。已令盛京將軍於船規項下照數撥還。著奕

格等俟盛京解到時。即將此次捐款按名賞還。以示體恤。將此諭令知之。○蠲緩烏魯木齊奇台縣被旱歉收地畝。本年額賦有差。並貸貧民六月口糧。○乙酉。

上詣

雍和宮行禮。

關帝廟拈香。○諭軍機大臣等。石景芬奏。通籌皖南全局。仍請帶兵協勦一摺。前因石景芬所帶兵勇現已陸續裁汰。是以允何桂清

所請。令其專任地方。今據該道奏稱。本任應辦公事。布置已有頭緒。蕪湖賊壘未清。自請籌防協勦。皖南地方既歸該道專轄。地方軍務均屬責無旁貸。原無庸過為區別。著照所請。准其與江長貴相度機宜。協同鄧紹良等。沿江勦賊。以期肅清賊壘。仍將徽甯各屬防務認真籌辦。不得顧此失彼。至所請飭撥釣船六隻。八槳船十隻。著怡良。吉爾杭阿。何桂清。照數分撥。飭赴蕪米沿江一帶。交該道調

用雇船經費。即由該道籌款給發。又據石景芬奏。浙江儘先都司夏寶慶。儘先守備王夢彪。奮勇敢戰。並著何桂清。飭令該二員。帶同得力隊目。迅赴皖南。交該道差委。毋任遲誤。將此由六百里諭知。怡良。吉爾杭阿。何桂清。並傳諭。石景芬。知之。○廣東南韶連鎮總兵官豐紳。因病解任。以廣西平樂協副將訥蘇。肯為廣東南韶連鎮總兵官。○以辦理順天昌平州團練出力。予吏部主事夏家泰等。升

敘有差。○蠲緩湖南武陵龍陽沅江澧安鄉華容湘陰桃源八州縣。被水被旱。被擾村莊。新舊額賦。並原借籽種及限工銀。○丙戌。命伊犁參贊大臣圖伽布。領隊大臣特克慎。英吉沙爾領隊大臣安成。科布多參贊大臣特克慎。回京。調喀什噶爾辦事大臣謙亨。為伊犁參贊大臣。以伊犁領隊大臣文元。為喀什噶爾辦事大臣。賞已革正藍旗漢軍都統勝保。藍翎侍衛。為伊犁領隊大臣。以伊犁協領

巴哈善。為伊犁領隊大臣。賞已革山西太原鎮總兵官烏勒欣泰。二等侍衛。為英吉沙爾領隊大臣。調和闐辦事大臣麟翔。為科布多參贊大臣。以哈密幫辦大臣慶英。為和闐辦事大臣。賞大理寺少卿培成。頭等侍衛。為哈密幫辦大臣。○追予陣亡湖北遊擊李信。入祀忠義孝弟祠。從直隸總督桂良。請也。○旌表守正捐軀廣東開平縣民余超。妻謝氏。四川宜賓縣民黃受。麻妻劉氏。○丁亥。諭內閣。前因楊以增。奏請賠堵豐工舊口門一摺。當交軍機大臣。會同該部議奏。茲據文慶等。奏稱。南河豐工漫口以下。被水災區。四年以來。盡成澤國。現在上游東河蘭陽漫口。河流旁溢。豐工以下田疇。可期涸復。災民次第歸來。羣思及時播種。若不即為堵築。來年大雨時行。兩岸灘水。仍由口門下注。必致淹浸。民田。自應早籌堵合。以順輿情。著照所議。所有豐工舊口門。著楊以增。即飭已革臬司查文

經督催查辦責令該河員分段認工剋日興辦不得因賠堵之工任令草率偷減其護埽長河等項應需工料並著及早豫籌儻各該員等以乾口工程希圖易於集事而於埽工挑工毫無準備恐來年春漲下注或蘭陽堵築後大溜歸槽必至險工疊出則此次賠堵工程仍屬有名無實朕惟該河督是問至此次需用料物若干各員認辦若干著即查造估冊先行報部查覈並將初堵復堵動用錢

青島志

事

糧款目趕緊造冊報部仍由該河督嚴催賠款毋任遲延儻前項賠款未完即此次合龍亦不得遽為乞恩以杜牽混而重帑項協辦大學士兩廣總督葉名琛奏謝授協辦大學士恩得旨卿責重兼圻宣績閩外與襄贊綸扉何異朕雖未與卿謀面第往返批答不啻千里論心○戊子諭內閣官文胡林翼等奏水陸勦賊大勝克復咸甯金口一摺逆賊自蒲圻敗竄後復約興國大冶之賊廣聚咸

甯縣城本月十一日黎明羅澤南乘大霧壓城列隊賊瞥見旌旗林立登時大亂縱火焚燒橋亭兵勇分路急攻直逼城下鼓勇齊登當將縣城克復武昌城內復出賊八九千人於五里街等處修築木壘以扼官軍羅澤南乘賊壘未定與李續賓等分率各營於十四日直衝賊隊殪其前鋒數十人其伏賊復被蔣益澧等撥殺淨盡賊眾大潰楊載福督水師自六溪口拔營派都司鮑超等由南岸而

青島志

古

下遊擊李成謀等由北岸繼發十二日齊抵金口鮑超奮勇當先李濟清等分左右抄出鏖戰逾時鮑超中礮受傷進仗益力各軍火器齊發賊悉棄船而遁岸上羣賊即時驚潰計燒沈賊船大小數十號奪獲大礮六十餘尊焚斃賊匪無算楊載福遂將水師分泊金口率副將王國才等進屯沌口此次水陸獲勝大振軍威著官文胡林翼等即督各路勝軍迅克武漢○又諭胡林翼奏請飭在籍人

員迅赴軍營等語。湖南在籍知縣劉蓉係因親老回籍之員。惟據該撫奏稱該員熟悉營務足資襄辦。著駱秉章即飭劉蓉前赴羅澤南軍營。隨同辦理營務。○以克復江西義甯州城。賞在籍禮部主事甘晉直隸州知州李瀚章花翎。從九品謝景乾等藍翎。餘升擢有差。○以克復湖北咸甯縣城。並金口。勦賊出力。賞都司鮑超。已圖魯名。號把總吳玉清。藍翎。餘升擢有差。予陣亡千總李見榮。把總楊

重刊

上

琢珩。瞿高魁。黎立祖。從九品李開益。未入流。史友橋。外委汪永釗。熊紹德。黃鎮海。郭榮輝。劉百祿。李榮等。祭葬世職。○已丑。諭內閣。步軍統領衙門。奏陝西舉人權以巽。呈遞治安方畧二冊。赴該衙門求為代奏。該舉人所呈書冊。並無違悖字句。且能援古證今。尚屬留心時務。著毋庸遞回原籍。俾得留京候試。勉圖上進。○又諭禮部等衙門。奏在京蒙古王公等。應否頒給桌張一摺。本年蒙古王公年

班業經暫行停止。其在京之蒙古王公及各國使臣。應行頒給桌張食物之處。仍著照例頒給。○駐藏大臣赫特賀奏報。馳抵後藏。委員查看定結。並籌防禦。廓爾喀夷情形。得旨。定結防堵。不可稍疏。現雖無舉動。或如汝所言。乘間而發。或另有詭謀。俱不可不豫為之備。惟汝此次摺內。並無圍攻宗喀克復消息。豈並未發探。抑不甚得手。故作兩次奏報耶。

○以安徽民團勦賊出力。永廣。涇縣學額三

重刊

上

名。歙縣。太平。三縣各二名。

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百八十四

書錄全書

三

大清文宗協天翊運執中垂謨懋德振武聖孝

淵恭端仁寬敏顯皇帝實錄卷之一百八十五

茲於機密處通譯處法官太子太僕寺書總辦傳文閣編纂院掌院學士等處欽奉諭旨事臣等謹將欽奉諭旨各員開列

大學士管理兵部事務加十三級紀錄十四次臣等謹將欽奉諭旨各員開列太子太僕寺書總辦傳文閣編纂院掌院學士等處欽奉諭旨事臣等謹將欽奉諭旨各員開列

大學士管理戶部事務加十三級紀錄十四次臣等謹將欽奉諭旨各員開列太子太僕寺書總辦傳文閣編纂院掌院學士等處欽奉諭旨事臣等謹將欽奉諭旨各員開列

欽奉諭旨事臣等謹將欽奉諭旨各員開列太子太僕寺書總辦傳文閣編纂院掌院學士等處欽奉諭旨事臣等謹將欽奉諭旨各員開列

欽奉諭旨事臣等謹將欽奉諭旨各員開列太子太僕寺書總辦傳文閣編纂院掌院學士等處欽奉諭旨事臣等謹將欽奉諭旨各員開列

欽奉諭旨事臣等謹將欽奉諭旨各員開列太子太僕寺書總辦傳文閣編纂院掌院學士等處欽奉諭旨事臣等謹將欽奉諭旨各員開列

咸豐五年乙卯十二月庚寅朔

書錄全書

上詣

大高殿行禮○諭軍機大臣等奕格奏挑備餘

丁請停調遣一摺此項餘丁前經諭令該將

軍即飭管帶各員勤加操演俟有諭旨再行

啟程茲據奏稱黑龍江除帶傷征兵外僅有

兵四千餘名現在添派防堵不敷應用請將

挑備餘丁留存本省備用等語所奏自係實

在情形所有備調餘丁五百名著即停其調

撥留於黑龍江防堵以重地方其呼倫貝爾

副都統銜總管依成額既據該將軍奏稱年近七十恐致貽誤地方即著奕格於總管協領內擇其堪勝之員開單請簡將此諭令知之○禮部以明年元旦慶賀禮節請得旨照例行禮停止筵宴及在外公主福晉命婦進內行禮○調伯都訥副都統魁福為黑龍江副都統以黑龍江協領富隆額為伯都訥副都統○以江蘇揚州勦賊出力賞總兵官陳國泰巴圖魯名號○予江南軍營病故黑龍

集卷之三

三

江副都統富呢雅剛阿祭葬卹廕○朝鮮國使臣徐熹淳等三人琉球國使臣向中邦等二人於神武門外瞻觀○辛卯命於

大高殿設壇祈雪

上親詣行禮○遣惠親王綿愉詣

宣仁廟

凝和廟恭親王奕訢詣

昭顯廟醇郡王奕譞詣

時應宮拈香○諭內閣國子監司業崇福奏

捐鑪鼓鑄鐵錢一摺現在戶工兩局每月加

卯鼓鑄並添設鐵錢局以廣錢法足敷流轉

該司業與候選知縣紀蘭馨商人李世錦等

如果情殷報效或量力捐貲或捐備銅斤鐵

斤交局以資鼓鑄均可邀恩獎勵乃敢於官

局之外擅請設鑪百座添鑄鐵錢顯係假報

效之名希圖漁利必至私鑄充斥官錢壅滯

流弊不可勝言崇福著交部議處所奏不准

行○又諭怡良等奏請申明定例嚴飭沿海

平定卷之三

三

地方不准私船出海等語廣東潮州等府人民繁庶素性獷悍其失業游民每多覓食外省千百成羣近年以來以充當潮勇為名紛紛航海由乍浦上海等處登岸其中良莠不齊往往聚眾滋事本年蘇州地方即有搶奪行李之案雖將該犯馬泳風等拏獲正法而現在寄食游民尚復不少著該督等嚴飭地方官查明此項廣勇內有並非官雇不受約束或私販違禁貨物不安本分者責成地方

各官督同會館董事清查懲辦並著沿海督撫各飭所屬於海船出洋時務須悉遵舊例給與執照將在船商民年貌籍貫註明如有入照不符及照外夾帶即行查拏治罪並不准私造船隻渡載人口貨物責成守口員弁掛號驗照如有無照人民私自渡海者除將偷渡人船照例辦理外並將失察私造船隻之地方官查驗不力之守口員弁嚴參懲辦得賄故縱者從重治罪○以二等侍衛載鶯

實錄卷一百八十五

四

為內閣學士兼禮部侍郎銜○以正紅旗蒙古副都統綢閣署京口副都統未到任前以協領萬成暫署○以江蘇揚州帶勇出力賞知州張士楷守備吳功成花翎千總高玉龍等藍翎餘升敘有差○予故原任綏遠城將軍華山泰祭葬諡壯恪並賞銀三百兩治喪○蠲緩江蘇上元江甯丹徒高淳江浦六合儀徵江都上海句容丹陽金壇溧陽吳江震澤崑山新陽南匯青浦川沙嘉定寶山長洲

元和常熟昭文太湖華亭奉賢婁金山武進陽湖無錫金匱江陰宜興荆溪靖江太倉鎮洋崇明四十三廳州縣及蘇州太倉鎮海金山鎮江揚州六衛被兵莊屯本年額賦有差○壬辰諭內閣惠親王等奏鐵錢局四廠鑪座開設齊全將收支錢文採辦鐵炭及卯錢數目開單呈覽並請購買房間設立總庫各摺片均著戶部覈議具奏另片奏請由捐輸項下撥給錢文抵還正藍旗滿洲官房等

實錄卷一百八十五

五

語著依議行○以試鑄鐵錢有效惠親王恭親王奕訢下宗人府議敘都察院左都御史文彩戶部右侍郎熙麟內閣學士崇綸下部議敘○癸巳諭軍機大臣等有人奏近日銀兩昂貴物價陡加數倍聞通州所轄地方及長興店左近西山之內均有私鑪竊鑄當十大錢每銀一兩換私錢至十千有零故錢愈賤而銀愈貴其私設鑪座及收銀發錢並不在一處蹤跡極為詭秘恐衙門差役不無包

庇情事。請旨嚴拏。以平市價等語。私鑄大錢。罪名甚重。近日錢賤銀貴。自係私錢充斥之故。若不嚴行查辦。則市物日見昂貴。於閭閻生計。大有關係。著步軍統領衙門。順天府。直隸總督。按照摺內所指地方。各派幹練員役。會同地方文武。密速訪查。務將私設鑪座。鼓鑄大錢各匪犯。悉數拏獲。盡法懲治。毋許延誤。儻差役人等。有包庇營私等弊。並著嚴行懲辦。將此各諭令知之。○又諭有人奏。河南

實錄卷五十五

六

汝甯府屬之上蔡縣知縣黃衡。向在該縣署內多年。與地方生監往來漁利。報捐知縣。旋署上蔡縣事。調署確山。該員串通革生丁相成等。捏詞稟留。又於本年二月間。假酬神名目。科斂各鄉錢文八千餘串。有未遂其欲者。唆人誣告懲治。民不聊生。迨該撫路經該縣。恐被揭告。飾詞准抵正款。以杜眾口。事後仍不准抵。又借團練為名。勒捐民間制錢五萬餘串。均未詳請獎敘。內有年近八十之王全

仁。以長跪殞命。該員徵收錢糧時。勒令民間先完河工加價。以圖肥己。並在上蔡地方。置有地畝房產等語。此等劣員。貪污骫法。大為地方之害。亟應懲辦。以儆官邪。黃衡著即行革職。交英桂提同人證。按照摺內所參各款。逐層嚴訊確情。按律定擬具奏。毋得稍有其實不盡。致滋輕縱。原摺著鈔給閱看。將此諭令知之。○甲午諭軍機大臣等。載增。富森奏。中路空虛。亟須撥兵防守一摺。據稱。由襄河

實錄卷五十五

七

上竄之賊。雖經王國才。李孟羣等擊退。而沔陽。及監利。潛江。一帶。湖港分歧。恐賊情譎詐。以大股牽掣我軍。分股暗趨潛沔。各路請飭官文。酌撥兵勇。駐劄中路防守等語。前調四川兵勇。本為防守荊州而設。既經官文調赴大營會剿。則此時中路空虛。自應撥兵援應。著官文體察情形。如大營兵勇有可分撥。即飭赴中路。駐劄各要隘。以固荊州門戶。仍知照載增等嚴密防範。毋稍疏虞。將此由六百

里諭令知之。○又諭黃宗漢奏派兵堵剿黔邊賊匪。並續辦按糧津貼各一摺。前因蔣爵遠請調川省兵勇。諭令黃宗漢酌量調撥。交我邊參將蔣玉龍統帶前往。業經黃宗漢先派遊擊傅崐帶兵一千名赴黔聽調。嗣因桐梓仁懷逆匪餘黨揚言入川報復。飭傅崐折回仁懷一帶勦擊。現在酉陽秀山又有桐仁匪徒窺伺。該督因蔣玉龍熟悉川省情形。未便遽令赴黔。著即照所奏飭令蔣玉龍帶原

實錄卷一百八十五

八

派兵丁前赴秀山會同阜陞等相機堵剿。俟得手後再行前進。其夔巫防兵已經德恩帶往湖北。儻酉陽等處情形喫重。川省兵力空虛。即著咨商官文調回本省協剿。至該督以軍務未竣需餉孔亟。請於六年再辦按糧津貼原係不得已之舉。川民屢次輸將慕義急公。朕所深悉。惟既藉資民力。即應嚴防苛派侵蝕等弊。著黃宗漢悉心妥辦。毋令不肖官吏藉端需索致滋擾累。其邊苦州縣儻實係

民貧無力。即據實查明免徵以示體恤。又樂斌黃宗漢另摺奏稱參將塔芳阿等勦夷陣亡等語。業經降旨從優議卹。惟所稱建昌道郭惠先以兵練不熟路徑曾向塔芳阿阻止。及該參將由五里箐進剿。即派兵練馳往接應。情形是否確實。抑係該道應援遲誤。事後飾詞。並著確查具奏。毋稍徇隱。將此由五百里諭令知之。○又諭前因廓爾喀藉端滋擾。占踞地方。諭令樂斌黃宗漢於川省素諳夷

實錄卷一百八十五

九

務之員。悉心採訪。除撥兵攻剿外。有無他策足以控制廓夷。茲據該將軍等奏遵議控制情形。並酌擬六條。開單呈覽。廓夷與唐古忒構釁。經赫特賀屢次檄諭。乃抗不遵斷。肆意要求。占踞地方。此時業已用兵。克復聶拉木。攻破宗喀外城。其勢不能中止。惟辦理外夷總宜勸撫兼施。恩威並濟。該將軍等奏責成喇嘛噶布倫一條。據稱達賴喇嘛班禪額爾德尼總理藏務。其下額設噶布倫四名。管理

營官。此次廓夷因營官溢徵稅銀及搶劫斃命。宜責成喇嘛及噶布倫等。實力設法辦理。等語。西藏羣夷向背。全藉喇嘛宣講經典。以結親睦。前曾諭令知照達賴喇嘛色呼本諾們罕朗結曲丕等。妥為開導。現在川兵既不能驟調。設來歲春融。該夷復出。我兵不免單弱。著即諭令該喇嘛等。自相聯絡。密為防備。以助兵力之不及。至所請派令已革之諾們罕阿旺札木巴勒楚勒齊木赴藏一節。斷難

實錄卷五十五

十

准行。其噶布倫中之碧喜已往策墊。薩爾瓊四人。既稱為眾夷所稱仰。著該大臣等查明。如果可用。即令協同辦理夷務。其前藏至後藏中間江孜地方。後藏至定日。汎馬布加地方。均屬中道要害。著赫特賀與滿慶體察情形。添調番兵以資扼守。一面嚴飭攻勦宗喀之噶布倫等。相機籌辦。不可貪功輕進。致有貽誤。至該將軍等所稱將生擒夷人。擇其素為該夷所重者。留於營中。羈縻為質。其餘人

等。遣令回國。示以不殺之恩。啟其悔罪之念。即令遣回之人。往來修好。仍將前斷唐古忒溢徵銀兩。再予秉公斷給等語。實為辦理此事要著。著該大臣等。遵照妥辦。務使該夷知感。知畏。不致久勞兵力。樂斌等所奏六條。著鈔給閱看。將此諭令知之。○予四川越蕩廳陣亡遊擊塔芳阿。把總買有福。雲騎尉張銳。外委倪顯新。龍鳳春祭葬世職。○乙未孝惠章皇后忌辰。遣官祭。

實錄卷五十五

十一

孝東陵。○諭內閣。昨因太監丁得祿犯案。查出戶部員外郎桂祥與該太監書寫對聯。職官與太監交接。殊干例禁。桂祥著降一級調用。○又諭。理藩院奏。遵議多倫諾爾已革得木齊綽克扎勒呈控洞闊爾呼圖克圖各款一案。洞闊爾呼圖克圖。於應管倉存銀兩。欲試探有無虧空。輒託稱借貸。已屬不合。並揀選喇嘛各缺。辦理遲延。藉詞掩飾。均有應得之咎。洞闊爾呼圖克圖著即照該衙門所擬摘

去扎薩克達喇嘛印信。仍准其住京當差。以示薄懲。其預印空白文結之那旺海木楚克。著降補副達喇嘛。至該呼圖克圖所遺掌印扎薩克達喇嘛一缺。即著以阿嘉呼圖克圖補授。○諭軍機大臣等。向榮奏。逆賊大股內竄。殲除淨盡。攻勦觀音門賊巢。並獲大勝一摺。此次金陵賊匪大夥。分路圖犯蘇常。直趨棲霞東陽。復分黨牽綴我兵。經向榮派總兵德安。張國樑。與吉爾杭阿派來之虎嵩林。所帶各兵。於兩日間。截殺賊眾五千餘人。在觀音門窰築營壘之賊。亦經攻勦獲勝。足以褫賊魄而振軍威。惟該逆窺伺蘇常。已非一日。向榮以東陽鎮最為扼要。飭德安帶兵二千前往劄營堵遏。固足斷逆賊北面往來之路。據鄧紹良探報。太平金柱關匪黨。欲犯黃池。則高淳東壩一帶。均關緊要。著向榮與吉爾杭阿。隨時確探賊蹤。撥兵應援。一面飭德安。明安泰等。相機攔剿。毋令內犯。至該逆窺伺

實錄卷一百八十五

三

腹地。必先分布奸細。潛往勾結。怡良駐劄常州。原為扼要防堵起見。今該逆既有內竄之意。著嚴飭地方文武員弁。於丹陽高淳無錫一帶。嚴拏奸細。以消內患。設有警信。並著怡良就近撥兵策應。毋稍疏懈。將此由六百里加緊各諭令知之。○予江南陣亡千總黃繡。把總謝榮鑣。祭葬世職。○丙申。諭內閣。英桂奏。參聲名狼籍之知府。請旨革職一摺。署南陽府知府顧嘉衡。係特簡奪情。署理茲缺。乃始則剛愎自用。繼則藉勸捐募勇經費。輒遣親友前赴各屬。勒派滋擾。以致地方民人。紛紛呈控。並有縱勇擾民之事。且平時於上控案內。提審人證。往往抗不解省。案懸莫結。以致物議沸騰。實屬任性妄為。顧嘉衡著即革職。交該撫查明該員支發勇糧。如何浮冒。並提集各案應訊人證。研究確情。從嚴懲辦。以肅官方。○又諭。英桂奏。參辦理聯莊未善各員。請分別懲處一摺。河南彰德府知府戴鸞

實錄卷一百八十五

十三

翔於所屬安陽等縣。刁民聚眾毆官。並夥搶官員寓所銀錢等案。未能立時詳報。獲犯入地亦屬不宜。著即撤任。留於河南另行補用。前任輝縣知縣周勛。於匪首楊景幅等勾結滋事。並不及早查拏。以致釀成巨案。前署湯陰縣事。獲嘉縣知縣郭樹瀛。於會匪糾搶重案。延不獲犯。以致匪黨益肆橫行。均著即行革職。前署獲嘉縣事。沈邱縣知縣馮諫。於該縣聯莊被鄰境勾結。未能及早解散。實屬難

實錄卷八十五

十四

膺民社。著以府經歷縣丞降補歸部銓選。撤任安陽縣知縣劉棠蔭。查拏聯莊會匪。致被毆傷。不勝繁劇。著以簡缺知縣留省補用。湯陰縣知縣趙獻卿。濟源縣知縣谷暄。該二縣刁民因鄰境聯莊抗官。乘機勾煽。未能設法妥辦。均著撤任留省。遇有相當缺出。酌量補用。○諭軍機大臣等。陸元烺奏。瑞州臨江先後失守。請調湖南兵勇。並催浙江廣東軍餉一摺。已諭知駱秉章。趕緊派撥。並諭葉名琛。

柏貴何桂清。照數籌解矣。臨江距省城僅二百七十里。瑞州距省城僅一百二十里。均係一水可達。此時省城防兵。僅止二千餘名。緩急萬不可恃。曾國藩近在九江。所帶水陸兵勇。為數不少。數月以來。並未與賊接仗。九江既不能克。徒糜餉項。株守一隅。現在省城緊急萬分。豈可再行坐視。著即迅撥兵勇馳往瑞州。臨江二處。與本省兵勇合力勦截。以遏賊鋒。並著會同該撫等。分兵嚴扼要路。保護

實錄卷八十五

十五

省垣。毋稍疏懈。前諭令將黃贊湯所帶練勇四千名。分撥布置。原恐湖南湖北逆匪合而為一。擾及袁臨。今既已合股內竄。著陸元烺即將該侍郎所帶練勇。派委文武幹員統帶前進。與周玉衡周汝筠等合力攻勦。加以耆齡所帶兵勇。與曾國藩所撥兵勇。前後夾擊。庶不致擾及省垣。萬不可專待湖南之兵。致滋貽誤。本日復據廉兆綸奏。江西募勇約有一萬五六十。而名目繁多。竟有百餘人為一

隊者似此散而無紀遇敵何能制勝該學政所請裁去一切名號併為三四軍每軍可得四五千入派素有威望大員各統一軍責成勦賊較為得力即著陸元烺酌量歸併派員管帶此時南昌省城逼近賊氛一切守禦事宜甚為喫重新任巡撫文俊現抵何處著即迅速赴任與曾國藩妥籌勦辦毋再耽延文俊自楚省赴江已紆迴繞道至陝名為迎摺北上實則故意耽延勿謂朕見聞莫及也將

實錄卷一百八十五

十六

此由六百里加緊各諭令知之○又諭陸元烺奏軍餉緊急請飭鄰省迅籌協濟一摺據稱江西省獨力接濟楚軍月餉一載有餘羅掘殆盡現在瑞州臨江兩郡城被兩湖逆匪分股擾陷逼近省城添兵必先籌餉若非協助實難支持等語該省待餉情形自係萬分喫緊浙江省尚有未解部撥協濟江西餉銀十二萬兩廣東省有應行解還江西墊發救援韶關餉銀七萬三千餘兩著葉名琛柏貴

何桂清如數籌撥委員迅解江西俾資接濟毋誤要需將此由六百里加緊各諭令知之○又諭陸元烺奏賊擾臨江瑞州請撥楚兵助勦並請調劉長佑帶兵各等語湖北崇通賊匪並湖南茶陵州之賊竄入江西瑞州臨江兩府先後失守賊氛逼近省垣人情震動該署撫所稱本省兵勇不敷勦辦自屬實情湖南壤地相接應援較近著駱秉章選派精勁兵勇二千名即日前往江西助勦至候補

實錄卷一百八十五

十七

知府劉長佑前因該撫奏留湖南降旨允准並續據奏稱派令帶勇與王葆生等會勦鄱縣賊匪此時江西情形緊急必須勇敢之員藉資得力著駱秉章即將所派兵勇交劉長佑統帶剋日前赴江西協力攻勦儻劉長佑不能前往即著另派得力員弁統帶兵勇星馳前進其應備器械鉛藥口糧等項均著妥為籌備俾得迅速成行不致遲延貽誤將此由六百里加緊諭令知之○以江西瑞州臨

江府城被賊竄陷。革知府王嘉麟。知縣吳攸。之都司唐應魁。職署巡撫陸元烺。按察使周玉衡。下部議處。予陣亡知縣劉希洛。李銳。祭葬。世職。○予安徽傷亡訓導秦楠。祭葬。世職。○蠲緩直隸開東明。長垣。保定。吳橋。東光。寶坻。甯河。新城。雄安。高陽。天津。靜海。豐潤。玉田。武清。薊。霸。文安。大城。永清。東安。安肅。蠡。東鹿。河間。獻。任。邱。景。青。滄。南。皮。鹽。山。慶。雲。晉。南。和平。鄉。廣宗。鉅鹿。任。永。年。邯鄲。曲周。廣平。雞澤。

實錄卷百十五

六

磁。元城。大名。南樂。清豐。南宮。武邑。衡水。隆平。甯晉。深。武強。五十八州縣被水。被雹。村莊新舊額賦。並各項旗租有差。○丁酉。以祥雲渥沛。

上詣

大高殿行禮。遣惠親王綿愉詣

宣仁廟。

凝和廟。恭親王奕訢詣

昭顯廟。醇郡王奕譞詣

時應宮祀謝。○浙江學政吳式芬因病解任。命太常寺卿周玉麒提督浙江學政。○以鼓鑄鐵錢出力。賞前任奉宸苑卿德順。上駟院卿豫堃。內務府主事定善。花翎。餘升敘有差。○命陝甘總督易棠撥銀三萬二千四百四十三兩。解赴塔爾巴哈台。備咸豐六年經費。○蠲緩浙江海甯。富陽。新城。長興。安吉。臨海。黃巖。太平。龍游。建德。淳安。遂安。桐廬。分水。仁和。錢塘。臨安。於潛。嘉興。秀水。嘉善。海鹽。平湖。

實錄卷百十五

六

石門。桐鄉。烏程。歸安。德清。武康。慈谿。奉化。蕭山。上虞。新昌。甯海。天台。仙居。金華。蘭谿。東陽。義烏。永康。武義。湯溪。西安。江山。常山。開化。壽昌。麗水。縉雲。青田。松陽。遂昌。雲和。景甯。餘杭。會稽。諸暨。餘姚。嵊。浦江。六十二州縣暨杭嚴嘉湖台州三衛。鮑郎。海沙。杜瀆。三場。被水。被旱。被潮。新舊漕糧額賦有差。並除太平。龍游。二縣衝壓地畝額賦。○戊戌。諭軍機大臣等。邵燦奏蘇省今年秋成較前豐稔。稽覈各屬。

報歉分數過多。緣署藩司楊能格偏護屬員。遇事未能得力。每致辦理掣肘。現在起運新漕。約數九十餘萬石。若以年歲而計。尚可不止此數。總因州縣辦漕。利其徵少而浮收。往往捏報災荒。希圖肥己。甚至以重則註緩。輕則造徵。此等弊竇。相沿已久。等語。京倉支放。專恃南漕接濟。况徵多而輕納。於民間完數。無所出入。若徵少而浮收。則官吏藉以中飽。徒損於國。而無益於民。若如該漕督所奏。該

實錄卷百八十五

三十

署藩司於屬員捏報災荒。不能覈實剔除。意存袒庇。以致辦理掣肘。此風斷不可長。著怡良。吉爾杭阿。查明楊能格如有前項情弊。即行據實參奏。毋稍徇隱。自干咎戾。將此由四百里諭令知之。○以海運沙船迅速抵津。加封

天后為衛漕保泰之神。
風神為顯佑安恬之神。
海神為顯威濟運之神。並頒

天后廟

御書扁額曰恬波利運。○調福建海壇鎮總兵官邵聯科。為臺灣鎮總兵官。以已革福建金門鎮總兵官鍾寶三。為海壇鎮總兵官。○以江蘇辦理海運出力。予知府陳鎔等。加銜升擢有差。○以克復江西安福。分宜。萬載等縣。復總兵官阿隆阿。參將柏英。翎頂。革疏防知縣汪正準。李吉言。莊丙。熊職。仍留營效力。○予江西陣亡巡檢張育楠。千總胡殿魁。外委

實錄卷百八十五

三

王逢亮。樂捷元。傷亡府經歷張雲漢。祭葬世職。○予故福建臺灣鎮總兵官呂大陟。祭葬卹蔭。如軍營病故例。○截留江蘇漕米二十萬石。濟江南軍需。○蠲緩江蘇句容。長洲。元和。吳。吳江。震澤。常熟。昭文。崑山。新陽。華亭。奉賢。吳江。金山。青浦。江陰。宜興。荆溪。靖江。丹陽。金壇。溧陽。山陽。阜甯。清河。桃源。安東。鹽城。高郵。泰東。臺。江都。甘泉。興化。寶應。蕭。睢甯。通。泰。興。太倉。鎮洋。上元。江甯。高淳。江浦。六合。儀徵。溧

水。南匯川沙。武進。陽湖。無錫。金匱。銅山。碭山。
邳。宿遷。嘉定。寶山。海門。豐沛。六十三廳州縣。
暨蘇州。鎮江。淮安。揚州。徐州。太倉鎮。海。金山。
八衛。被水。被旱。莊屯。新舊額賦有差。賑豐沛。
邳。三州縣。並徐州衛。被災貧民。一月口糧。
己亥。諭內閣。禮部奏。琉球國使臣呈稱。該國
世子。此次恭進方物。懇照道光二年。咸豐元
年。准予賞收。免其留抵等語。該國世子。因慶
賀冊立大典。專遣使臣。呈進方物。前經降旨。

實錄卷一百八十五

三十二

留抵下次正貢。原以昭體恤而示懷柔。今據
該使臣等。呈稱伊等。臨行時。該國世子。諄囑
懇請准予賞收。免抵下次正貢。具見抒忱效
悃。誠懇可嘉。著照所請。此次所進方物。准予
賞收。下次正貢。屆期。該國遣使來京時。再當
優加賞賚。用昭柔惠。遠藩至意。該部即傳諭
該使臣。令於回國時。轉告該國世子知之。
又諭書元奏。盛京地方風俗。近來漸染澆薄。
一切公事。未便具摺陳奏。懇請陛見。面陳等

語。各省將軍。督撫等官。於地方公事。照例具
摺陳奏。即有緊要事件。或自抒所見。未便先
行宣露者。亦可專摺密陳。候旨遵辦。未有必
待面奏之事。書元著毋庸來京陛見。至該侍
郎兼管府尹。原有整頓地方之責。所有應奏
事宜。著隨時據實具奏。○盛京將軍英隆等。
奏請開復已革知縣延瑞原官。得旨。延瑞在
奉省。朕聞其聲名甚屬平常。汝等此次尚為
此優保。朕亦未便降旨。著即行送部引見。再

實錄卷一百八十五

三十三

降諭旨。○賞已革三等侍衛奕紀。四品頂帶。
○以奉天洋面防剿盜艇出力。賞協領剛安。
城守尉銳芬。防守尉錫齡。阿花翎。知縣鮑師
釗。藍翎。餘升敘有差。○以克復湖北通城。崇
陽。蒲圻。三縣城。賞同知吳坤。修花翎。舉人賀
霽。若等。藍翎。餘升擢有差。○以湖南永明。甯
遠。二縣城。被賊竄陷。革知縣曾德麟。外委楊
尚。紅。陳學枝。職。並逮問。予陣亡副將周雲耀。
參將趙永年。千總唐仁高。把總朱耀。周佑。祭

南省速撥銀數萬兩。山西陝西兩省於前撥餉銀外。再添撥銀二三萬兩解交。合之該省捐項錢二十餘萬串。為數已不為少。著該大臣派員分投迎提。一面將捐項設法催繳。江西瑞州臨江。相繼失守。省城危急。羅澤南軍餉已經陸元烺奏明。萬難兼顧。此項銀錢解到後。該大臣務與胡林翼羅澤南軍營通融支放。以濟要需。將此由六百里諭令知之。○又諭。官文奏督兵進逼漢陽。獲勝。攻破賊壘。並武昌各軍大獲勝仗。惟各營餉需皆有欠缺。勸捐之款。緩不濟急。懇飭催各省接濟等語。武昌漢陽兩路屢獲大勝。指日可期。克復若使軍餉有缺。恐致功敗垂成。河南與該省唇齒相依。接濟較近。且聯莊會匪。現已解散。徵納錢糧。必當踴躍。著英桂即飭藩司酌撥銀數萬兩。派委妥員解往。官文軍營俾得發給各路糧餉。迅圖克復武漢。不得藉口於無款可籌。致誤要需。將此由六百里諭令知之。

○又諭。官文奏餉需缺乏。請飭催撥款一摺。山西陝西疊經按月撥解湖北軍餉銀三萬兩。現在該省情形。必須寬為接濟。著王慶雲吳振械於每月應解湖北三萬兩之外。再添撥銀二三萬兩。迅速解赴官文軍營。俾資攻勦。毋誤要需。將此由六百里各諭令知之。○又諭。前因塔爾巴哈台流民燒搶俄夷貨物一案。日久未獲要犯。諭令扎拉芬泰等督飭派往委員哈布齊賢等妥為驗屍緝犯。查按夷貨務期從公判斷。勿啟釁端。尚未據將辦理情形覆奏。本日據德勒克多爾濟等奏呈俄夷咨行理藩院文一件。內有欲將被燒貨物作價賠償之語。此案擅燒該夷貨物。其曲固在民人。而該夷擅殺民人多命。亦不能謂非自取。總宜將燒搶要犯上緊拏獲。審明起釁確實根由。使民夷兩造均無可狡賴。方能相安無事。著扎拉芬泰即飭派往查辦之委員。速行查明兩造曲直。招回該夷匡蘇勒官。

妥為曉諭。其燒賸貨物。即應點清交付。其失去貨物。應俟獲犯追償。不可輕受該夷挾制。明誼計已到任。即著督同委員秉公查辦。並責成前此辦理不善之薩碧屯阿弼善二員。將夷貨夷房設法辦理。以贖前愆。儻該夷藉口要求。即惟該二員是問。俄夷原文著鈔給閱看。將此各諭令知之。○以辦理江北糧臺出力。賞把總戴奎藍翎通判宣維祁等升擢有差。○辛丑。

孝德皇后忌辰遣官祭

殯宮。○諭內閣。宗稷辰奏平寇需才。請保舉備用一摺。現在用兵省分。委用需人。如其才兼文武。膽識出眾之士。自應隨時採訪。或令隨營。或辦團練。以收實效。該御史所稱湖南之左宗棠。浙江湖州之姚承輿。江蘇常州之周騰虎。管晏。廣西桂林之唐啟華。才略各有所長。著江蘇。浙江。湖南。廣西各督撫悉心訪察。如其人果有經濟之才。即著出具切實考語。

送部引見。此外衡茅伏處。不乏英奇。並著各省督撫廣為諮訪。擇其素懷忠義。韜略過人者。據實保奏。一併給咨送部引見。候朕錄用。總期保舉得實。毋尚虛聲。將此通諭知之。○諭軍機大臣等。前因江西瑞州。臨江。同時失陷。省城危急。諭令曾國藩撥兵前往合剿。本日據曾國藩奏。已飭副將周鳳山。將九江全軍。帶往瑞州。復於青山水師內。撥船三十號。赴省河協防。自應先其所急。惟九江如何布置。未經奏及。設或周鳳山全軍赴省。而潯城逆賊潛躡其後。或擾江西腹地。或上竄湖北。下連蕪湖。隨在可慮。曾國藩現駐南康。存營兵勇。共有若干。能否嚴扼九江之衝。即著妥籌布置。不可專顧一路。羅澤南進攻武昌。正在得手。據胡林翼等奏。即日可期克復。未便遽行撤回。俟武昌克復後。該道或徑趨江西。或由崇通攻賊之後。再當酌量催調。至耆齡。遮克敦布。駐劄饒州之勇。既經調赴省城。再

令撤回亦多周折。惟該侍郎意在保全完善之區。亦不為無見。著陸元烺通盤籌計。將耆齡。邁克敦布二員酌留一員在饒。督同本地練勇扼要防守。其現調兵勇仍飭前往瑞州以期兵力厚集。至臨江路城之賊亦應亟籌分剿。現派兵勇均係前往瑞州尚未計及臨江。本日廉兆綸奏稱臨江竄匪漫無制遏。裹脅日眾尤恐其互相犄角牽綴我軍。況周汝筠練勇業經遣散尚須重募。劉長佑又未必

能來。所謂湖南兵勇亦恐驟難分撥。著曾國藩陸元烺妥籌兼顧。萬不可因有警信張皇失措。徒使兵勇有調撥之煩。轉授賊以可乘之隙也。將此六六百里加緊各諭令知之。○又諭前據樂斌黃宗漢奏遵擬控制廓夷情形。並單開六條當經諭知赫特賀滿慶體察妥為辦理。本日復據赫特賀奏噶布倫策墊帶兵往攻絨轄爾突有廓番七八十人由約木卡拉踰崖直撲聶拉木藏屬番土各兵寡

不敵眾致聶拉木營寨復被廓夷奪踞。絨轄爾雖經克復而防兵過單亟須援應。擬請添調打箭鑪以外之德爾格特章谷瑪斯孔薩畢日各土司兵以資協剿等語。外夷固宜勦撫兼施而既已進兵勢難中止自應量為添調。惟此項土兵能否得力該處雖距藏較近所需軍裝口糧等項諒亦不少較之川兵究能節省若干。著樂斌黃宗漢審度情形。儻事屬可行即著一面飭各土司將所屬土兵挑

選齊備派員管帶飛咨赫特賀等候調一面由驛奏聞。將此由五百里諭令知之。○又諭前據樂斌黃宗漢奏遵旨酌議控制廓夷六條當經鈔給赫特賀滿慶閱看。並諭令查照所議妥為辦理。本日據赫特賀奏噶布倫策墊分兵往攻絨轄爾以致聶拉木復被廓番奪踞請催調四川官兵及打箭鑪外各土司兵丁並已飛咨滿慶調前藏兵二十名赴策墊軍營協力防堵等語。廓爾喀前次占踞聶

拉木等地方。經該噶布倫帶兵克復後。方謂該夷自應畏懼悔禍。乃敢聚眾數萬。將聶拉木復行侵占。是撥兵剿辦。勢不得已。所有前藏挑備僧俗土兵。著照赫特賀所請。調派二千名。前赴通拉山策墊軍營。藉資防剿。應需口糧鉛藥。即著滿慶速為籌備。俾得剋日啟程。惟該夷情形。極為猖獗。聶拉木一路。既須進兵。宗喀等處。復須分設防守。恐赫特賀照顧難周。滿慶較為熟悉西藏情形。如前藏事務。尚有妥員。可以派令代折代行。不致貽誤。著滿慶即將調往兵丁。親自統帶。前赴後藏。與赫特賀會商一切。妥為籌辦。赫特賀所請調四川土司兵丁。現已諭令樂斌等商酌。如該土兵果能得力。即派員帶領一面奏聞。一面候調。至四川兵勇。現因湖北貴州兩省紛紜調撥。酉陽秀山。逼近賊氛。應籌防堵。越舊苗匪。復行滋事。亟須勦辦。勢不能再行分撥赴藏。該大臣等。惟當就現有之兵。分撥布置。

以資防剿。現當中原賊匪未平。兵餉兩缺。此次藏屬用兵。誠出於萬不得已。而控馭外夷之道。總宜恩威並濟。勦撫兼施。前樂斌等所奏六條內。如責成喇嘛設法開導。及將生擒夷人。羈縻為質等語。頗中竅要。此時雖業已用兵。是否尚有善策。使該夷悔悟罷兵之處。著赫特賀滿慶悉心籌議。如有所見。即行馳奏。噶布倫策墊貪功妄舉。咎無可辭。著即行革職。仍責令帶兵自贖。以觀後效。將此諭令知之。○又諭本日據常清等奏。審擬潛入卡倫賊犯玉散霍卓依善等罪名。已諭該部速議具奏矣。復據另片奏。浩罕伯克胡達雅爾轉求將該犯釋放。該大臣擬仍暫行拘禁。留以為質。令將滋擾卡倫之倭里罕霍卓等。擒送前來。再行釋放等語。倭里罕霍卓並鐵完庫里二犯。現尚倖逃法網。至玉散霍卓依善。雖心懷反側。究係聽從煽惑。既據浩罕伯克懇求釋放。自應相機辦理。以資控制。而示羈

廉著照該大臣等所議。如果胡達雅爾將倭里罕霍卓等送出。明正其罪。即可從寬。將玉散霍卓依善奏明釋放。儻若故違。別滋事端。即將該犯就地正法。以示懲儆。將此諭令知之。○江西學政廉兆綸奏。江西省危迫情形。請飭浙江甯紹台道羅澤南。回軍援剿。得旨。武昌克復在即。斷不能撤勁旅。適中賊牽綴之計。○陝西巡撫吳振棫奏。州縣交代。設法清釐。以裨庫款。得旨。覈實辦理。亦不得不如

軍機處三月十六

十

此。但不可過為遷就也。又奏。校閱省標營伍。批。責任疆圉。文武並重。當隨時留心者。○追予湖北陣亡都司葛以敦。附祀其父總兵官雲飛專祠。○命陝甘總督易棠。撥銀六萬八千八百一十兩。解赴喀什噶爾。備咸豐六年經費。○壬寅。

上詣

宣仁廟。

凝和廟拈香。○御乾清門聽政。○諭內閣奕

綱等奏。請將失察偷伐紅椿內樹株之統轄兼轄營員。仍留本任一摺。

陵寢重地。偷伐樹株。且在紅椿以內。該員等失察處分。難邀末減。白石口都司文安。左營守備魏際盛。左營千總康維烈。業經革職。均著留於該處協緝逃犯。所請仍留本任之處。著不准行。○諭軍機大臣等。前因黔省需餉孔亟。諭令葉名琛等籌備銀二十萬兩。黃宗漢籌備銀十萬兩。解黔接濟。茲據蔣霽遠奏。廣

軍機處三月十六

下

東解黔。繞道需時。迫不及待。請將廣東解黔之銀。解赴湖北。而以四川應解楚餉。改解貴州。轉移之間。取其便捷。惟四川應解楚餉。並無二十萬之多。又本有應撥貴州之十萬兩。若議再加。恐川省力難支應。現在黔省需餉緊急。著葉名琛。黃宗漢等。仍遵前旨。於廣東撥銀二十萬兩。四川撥銀十萬兩。陸續解赴貴州。俾得源源接濟。其廣東至貴州。有應行繞道之處。並著妥為護送。毋致遲延。將此由

六百里各諭令知之。○以正紅旗漢軍副都統烏爾棍泰為內閣學士。兼禮部侍郎銜。光祿寺卿訥爾濟為通政使司通政使。○予貴州陣亡守備馬連科。把總涂文舉。蔣國興。廖友榮。彭偉璋。吳大成。外委郭亮。疇楊士祥。鄧昌才。李瀛。祭葬。世職。額外外委蕭世珍。賞卹如例。○癸卯。諭內閣。勞崇光奏。勦辦東安。全州等處竄匪。殲除賊首。收復興安縣城。一摺。湖南東安縣及廣西全州等處匪徒。各路滋

實錄卷一百八十六

十二

擾。乘虛闖入興安縣城。經勞崇光募勇。徵團。與湖南副將周雲耀等兵勇會合。進剿。疊有新擒。勇目李萬興。選帶楚勇。遁入賊巢。猝將全州首匪趙雄。割取首級。復砍斃偽軍師蕭姓等。潰圍而出。賊眾驚擾。自相戕殺。各路兵勇。復繞城環擊。當即收復縣城。餘匪由淮陽縣竄往湖南永明縣境。勞崇光現派各路練勇。分途前往。與湖南兵勇合力勦辦。著即督飭各帶兵勇員弁。奮力兜剿。殲除淨盡。毋留

餘孽。此次出力員弁兵團人等。准其擇尤保奏。○諭軍機大臣等。勞崇光奏。兵丁藉詞缺餉。拒捕戕官。勾匪攻城。一摺。廣西兵餉支絀。未能按期給發。自屬實情。右江鎮標兵丁李鳳祥等。膽敢倡首滋事。雖李鳳祥旋即伏誅。而已革額。外委李現光。勾結土匪。攻撲城池。經官軍擊敗。仍踞村莊不散。藐法已極。各營紛紛效尤。尚復成何事體。著勞崇光即飭署總兵奚應龍。迅速掩捕。務將該匪悉數

實錄卷一百八十六

十三

殲除。毋令漏網。一面剴切曉諭。解散脅從。並將守法兵丁。妥為安撫。至該省餉匱兵饑。朕所深悉。惟此時部撥及指撥各款。未能隨時應付。該撫先當設法騰挪。移緩就急。以資接濟。而安兵心。毋使再生事端。將此由五百里諭令知之。○又諭文安奏。黔省攻撲鎮筰鎮城。現在堵剿情形。一摺。據稱貴州銅仁逆匪徐廷杰等。裹脅匪徒。攻撲鎮城。又有另股分竄黔屬思南。石阡。思州三府。先後失守。距該

省是州。沅州甚近。該鎮會商護辰沅道翟誥。派撥兵勇。分投堵剿。復調派官兵。赴是州沅州一帶防守。惟庫款支絀。軍餉不繼。請飭鄰省撥銀數萬。赴楚等語。銅仁逆匪。攻撲鎮筵。雖經文安督兵堵剿。疊次獲勝。而逆匪偏近。是州等處。設有疏虞。關係匪細。所請飭撥軍餉。已令戶部速議具奏矣。惟該處兵勇。需餉孔急。著駱秉章先行籌撥銀兩。趕緊解交辰沅道。以備支放。並嚴飭該處文武各員。實力

軍機處

十四

防剿。毋令黔匪肆行竄入。並隨時酌量緩急。添調兵勇。以資防守。毋稍疏懈。將此由五百里諭令知之。○廣西巡撫勞崇光奏。兵餉延欠太多。屢次喧譁滋事。得旨。祇言其難。豈能任其鼓譟耶。又奏粵西入冬。並無蝻孽。批。明春仍應先事飭查。及早撲捕。○兩江總督怡良等奏。遵查前署吳江縣帥宗塾現任吳江縣賀際運。前任震澤縣沈則柯。現署震澤縣姚銑等。所支各款。尚無侵吞情弊。惟賀際運

於門丁私娶娼婦。庫書帶勇催糧。失於覺察。姚銑於浙兵毆斃。緝兇無獲。應請一併交部議處。從之。○以廣西全州。潯州等處。防剿出力。准已革按察使張敬修。留營效力。賞知縣楊恩紱。李載文。都司唐文燦。花翎千總方源藍翎。餘復官升擢有差。予潯州殉難知府劉體舒。同知舒樺。府經歷宣元。煥。典史沈康。從九品馮鎔。傷亡未入流周濤。全州等處陣亡府經歷楊之申。從九品易有輝。千總劉潤新。

軍機處

十五

外委蘇勝。職員劉山。祭葬世職。舉人易煥圖等。賞卹如例。○予故福建臺灣縣知縣高鴻飛。雲南嵩明州知州邊鳴珂。浙江湯溪縣學教諭沈寶麟。入祀名宦祠。從巡撫呂佺孫。舒興阿。何桂清。請也。○予雲南故舉人解賓王。貴州故武舉劉奇揚。福建故泉州府學教授張冕。四川故通判熊建邦。入祀鄉賢祠。從總督黃宗漢。巡撫呂佺孫。舒興阿。蔣蔚遠。請也。○蠲緩廣西興安義甯全灌陽平樂賀縣桂

平。平南貴武宣象。小鎮安。十三廳州縣。及都康土州。被擾村莊。新舊額賦有差。○甲辰。諭軍機大臣等。陸元烺奏。查明臨江府城被擾情形。並催集兵勇。分路進剿。一摺。所稱防堵撫州。建昌兩處要隘。及派遮克敦布。赴樟樹鎮。協剿各情。布置均屬周妥。惟周汝筠一軍。自吉安兜剿而下。遲速尚未可定。聞該員所帶練勇。多已遣散。尚須重募。恐一時未能即到臨江。臬司周玉衡著俟吉安布置妥協。責

平南貴武宣象

小鎮安

令該地方文武。剋期剿洗。該臬司即回臨江。會督各軍。奮力進剿。曾國藩派往瑞州兵勇四千餘人。加以周玉衡先派之勇一千一百餘名。為數尚不甚少。乘此逆匪初到。守禦未堅。奮力攻擊。先挫兇鋒。則克復城池較易為力。石逆賊黨雖多。一經羅澤南痛剿。即連次挫敗。可見兵力不在多寡。全在統領得人。著曾國藩激勵在事文武。奮力圖功。殄此巨寇。至九江一路。陸元烺已咨商曾國藩酌撥一

軍。協同居隆阿。扼要守禦。究竟該侍郎軍營陸勇。除周鳳山所帶外。尚有若干。能否足資堵截。僅有疏懈。不特江西內地堪虞。並礙長江大局。該侍郎等不可顧此失彼。另片奏請責成。惲光宸。李桓。辦理省城防守等語。文俊現未到任。惲光宸既無應辦公事。即著准其辦理巡緝事宜。俟文俊到後。再行歸案查訊。其守城兵勇。即著署道李桓。總理鈴束。以專責成。將此由六百里加緊各諭令知之。○添

平南貴武宣象

小鎮安

設山西撫標左右兩營千總各一員。把總各一員。外委各四員。額外外委各四員。兵一千名。從巡撫王慶雲請也。○改鑄江蘇青浦縣新涇司巡檢印信。從巡撫吉爾杭阿請也。○以江西臨江府城被賊竄陷。革知府史麟書。知縣金漢。都司韓榮銓職。○撥淮安關稅銀一萬六千兩。賑給江蘇豐沛邳。三州縣。並徐州衛。被水災民口糧。○蠲緩直隸安。隆。平。甯。晉。河。間。任。文。安。天津。東。安。八州縣積澇地畝。

新舊額賦有差。○乙巳諭軍機大臣等寄諭大學士兼管順天府府尹賈楨協辦大學士直隸總督桂良等有人奏署直隸三河縣知縣王啟疆貪黷營私廢弛公事開徵錢糧一概不收鈔票有搭交者於紳士則嚴押之於平民則重責之任意勒索紳民同憤並廢弛緝捕致盜賊橫行旬日間該縣所屬黃家莊有搶劫鹽店之案夏塾村有搶劫客店之案馬起乏村又有夥盜搶劫官差銀兩重案其餘貪玩各款更難枚舉等語州縣為親民之官必須潔己奉公綏靖地方始稱厥職似此貪污廢弛之員實為地方之害著順天府直隸總督按照所奏各款嚴密訪查從嚴叅辦以肅官方毋稍徇隱原摺著鈔給閱看將此各諭令知之○又諭前因湖南鎮軍鎮總兵文安請撥軍餉當交戶部速議具奏本日該部奏請於閩海關徵存夷稅項下撥給並籌撥廣西軍餉等語貴州銅仁府匪徒分投竄

實錄卷百十六

十六

撲湖南經文安派兵堵剿需餉甚急廣西賊匪未平需餉久缺均應速籌接濟著有鳳王懿德於閩海關徵存夷稅項下撥銀十萬兩委員解往廣東並著葉名琛柏貴於該省無論何款項下先籌銀十萬兩即派委員解往湖南銀五萬兩廣西銀五萬兩迅速啟程並設法繞道行走毋稍遲誤統俟閩海關銀兩解到時歸款鎮軍鎮情形緊急駱秉章於此項餉銀解到後務即派員接解交該總兵應用仍遵前旨設法源源接濟並著駱秉章勞崇光派員分投迎提藉供支放將此由六百里各諭令知之○命大學士賈楨管工部事○命協辦大學士文慶為大學士管戶部事協辦大學士兩廣總督葉名琛為大學士仍留總督任○命桂良為直隸總督協辦大學士彭蘊章為工部尚書協辦大學士○以熱河都統柏葰為戶部尚書未到任前以工部尚書全慶兼署○以理藩院左侍郎愛仁兼

實錄卷百十六

十九

鑲紅旗滿洲副都統○調烏里雅蘇台將軍

奕湘為盛京將軍盛京將軍英隆為熱河都

統○補鑄江蘇崑山縣知縣印信廣西富川

縣儒學條記從巡撫吉爾杭阿勞崇光請也

○丙午諭內閣前據侍郎王茂蔭奏前任安

徽歙縣知縣劉毓敏攜帶捐冊逃歸山東原

籍練首潘炳照等乘亂攫取庫款勾結已故

徽州府知府達秀門丁李作塘狼狽為奸並

學政沈祖懋信任潘炳照等縱容練勇冒濫

實錄卷百十六

十

縱恣甚至抽扣茶釐拜認門生各情當降旨

交何桂清福濟嚴密查辦茲據何桂清奏稱

查明徽州府捐輸各款俱有文冊可稽府庫

被劫之銀係書院經費及贓罰銀兩為數無

多廩生潘炳照奉札赴庫提銀委非乘亂攫

取該學政暫管茶照並未沾染亦無執贄拜

認門生情事等語徽州府軍需防費一切錢

糧公項捐輸著該撫嚴飭地方官督率紳董

覈實造冊報銷如查有侵漁等弊即從嚴叅

辦前任歙縣知縣劉毓敏攜帶捐冊逃回山

東原籍實屬膽玩著先行革職並著山東巡

撫派員解赴安徽交福濟飭屬確查該員如

有侵吞情弊嚴行叅辦已革廩生潘炳照著

查拏務獲歸案審訊教諭江新祖舉人徐廷

鑑浮支捐款即著先行斥革以示懲儆○諭

軍機大臣等蔣霽遠奏下游各匪日熾請飭

川楚兩省帶餉會剿一摺貴州下游齋匪與

夷苗各匪勢日鴟張兵力不敷分派川楚地

實錄卷百十六

十一

界毗連自應以剿為防庶賊匪不至蔓延為

患現在蔣玉龍傅崑剿辦黔邊竄匪如已得

有頭緒著黃宗漢飭令該副將等相機進擣

與黔省官兵協力夾擊毋得區分畛域專顧

本境並飭提督萬福扼守川省門戶以為蔣

玉龍等後路聲援至窺伺楚境之賊雖經文

安擊敗惟該總兵探有思南石阡思州三府

先後失守之信見州沅州相距切近是否可

令文安督兵由楚入黔藉資堵剿並著駱秉

章。安籌調派。其思南等三府。是否已被賊擾。此次蔣霽遠奏報。未據提及。該撫身任封圻。令各匪日肆猖獗。咎已難辭。豈能專恃客兵。但以辦理竭蹶等詞入奏。著蔣霽遠嚴飭各屬文武。就現有兵力。迅圖撲滅。至廣東籌備銀二十萬兩。四川籌備銀十萬兩。前已諭令該督撫等。迅速撥解。諒已遵照辦理。其山東未解銀八萬兩。已諭戶部即行改撥矣。將此由六百里各諭令知之。○調正藍旗滿洲都

實錄卷百十六

三

統僧格林沁。為鑲藍旗滿洲都統。正黃旗漢軍都統端華。為正藍旗滿洲都統。以戶部尚書柏俊。兼正黃旗漢軍都統。○賞一等公恆山。三等公瑞興。委散秩大臣。○以西安副都統雙成。署甯夏將軍。歸化城副都統德勝。署綏遠城將軍。○以山西籌辦軍需。及潞澤防堵出力。予知府保齡等。加銜升敘有差。○以貴州苗匪竄入定番州境。革州判王問政。守備李應發。職。予陣亡知縣吳瑞生。蔣嘉穀。從

九品劉山。外委吳邦瑞。祭葬世職。練目宋貴。劉陞祭葬世職。如外委例。○准浙江杭嘉湖等府屬被災州縣。漕糧紅白私梗。各色兼收。○蠲緩山西永和縣。被水被雹。本年額賦有差。○免琉球遭風夷船進口貨稅。○丁未諭內閣。禮部奏查議湖北巡撫胡林翼。奏請生監准充牙行一摺。生監人等。例不准開設牙埠。胡林翼所奏。自因接濟軍需起見。惟生監既充牙行。若仍准其應試。漫無限制。與例不

實錄卷百十六

三

符。著照部議。所有捐充牙行之生監。均不准復行考試。如有情願報考者。先將牙帖呈明地方官註銷。咨部查覈。俟軍務告竣。生監仍不准續行捐充。以符定制。○又諭怡良。吉爾杭阿。奏。皖豫捻匪滋擾。請飭革員袁甲三。辦理徐州防務一摺。江南徐州一帶。現有署總兵傅振邦等。帶兵防剿。至已革左副都御史袁甲三。被參各款。雖據怡良查明。尚無賊私劣蹟。惟該革員前在臨淮防堵。辦理不善。致

招物議。若再派赴徐州。亦恐未能得力。所請著不准行。○又諭前據和春福濟奏。叅已革副都御史袁甲三擅截餉銀。冒銷肥己。並有油篋藏銀。寄回原籍等情。當交和春福濟查明具奏。嗣經袁甲三在都察院呈訴。被叅冤抑。並控和春等將叅摺捏改。他人各情。復降旨交怡良秉公查辦。茲據該督奏稱。查明袁甲三前駐臨淮。所發勇糧。照各路軍營奏定章程支給。其節省之項。亦充公撥用。並無冒

實錄卷一百十六

三十四

銷肥己。亦無油篋藏銀。寄回原籍之事。所叅強勒捐輸。民間冤恨。亦查無確據等語。此案業經和春等查明覆奏。復據怡良派員逐款確覈。實無賊私劣蹟。袁甲三業經革職。著毋庸議。候選同知李安中。委銷鹽斤。雖訊無強派勒售之事。惟奉行不善。致五河紳民嘖有煩言。著先行交部議處。委員朱維屏。楊春華。陳鵬等。暫行革職之處。著福濟督同藩司將各項捐冊。覈明具奏。袁甲三所控和春福濟

捏改叅摺人名等款。仍著怡良秉公確查。再行具奏。尋奏和春等叅奏袁甲三之後。經福濟劄委多慧密查。並無捏改叅摺人名情事。報聞。諭軍機大臣等。前據常清等奏。審擬喀什爾入卡賊犯一摺。當交刑部速議具奏。茲據該部定擬罪名。已明降諭旨。依議行矣。惟王散霍卓依善一犯。究係聽從煽惑之犯。如浩罕伯克胡達雅爾。果將倭里罕霍卓並鐵完庫里二犯送出。明正其罪。著常清等即

實錄卷一百十六

三十五

遵照前次諭旨。從寬將王散霍卓依善。奏明釋放。儻胡達雅爾。不將要犯送出。或別滋事端。該大臣等。即照部議。將該犯即行處絞。以儆兇頑。將此諭令知之。○盛京將軍英隆奏。派員保護

永陵明堂前隄岸工程。得旨。是關

祖陵發祥之地。每年認真查勘。不可視為例事也。○以刑部尚書麟魁署鑲白旗蒙古都統。正藍旗滿洲都統。瑞華署正黃旗漢軍都統。

都察院左都御史文彩兼鑲白旗漢軍都統
○調正白旗滿洲副都統玉明為正藍旗滿
洲副都統。正藍旗滿洲副都統肅順為正白
旗滿洲副都統。○黑龍江將軍奕格因病解
任。調伊犁將軍奕山為黑龍江將軍。○賞和
碩額駙瑞林德徽頭品頂帶並雙眼花翎。○
以湖北武昌漢陽勦賊獲勝復知州李保邦
知縣李光榮都司陳德新頂帶。予陣亡外委
劉魁和曹勝發把總賴洪興談金榜祭葬世

實錄卷一百六

二十六

職。○蠲緩河南河內洛陽內黃中牟鄭榮澤
榮陽汜水湯陰臨漳延津偃師淮甯沈邱扶
溝項城西華鄆陵尉氏柘城睢甯陵安陽淇
滑鞏汲濬原武密武陟許長葛溫蘭儀祥符
陳留杞封邱考城四十州縣被水被旱被雹
被兵村莊新舊額賦並賑蘭儀祥符陳留杞
封邱考城六縣貧民口糧有差。○蠲免貴州
興義大定二府黔西遵義桐梓仁懷普安安
南貞豐綏陽正安畢節興義十一州縣被擾

地方上年額賦有差。○戊申諭軍機大臣等
戶部奏遵籌貴州兵餉等語。貴州苗匪滋擾
需餉緊迫。所有部撥江西省餉銀一時未能
解往。自應急為改撥。著有鳳王懿德於閩海
關徵存夷稅項下撥銀十萬兩。剋期解交廣
東省城。即著葉名琛柏貴派委妥員迅速解
交貴州。勿稍遲誤。以應急需。至江西省節年
欠解貴州兵餉至一百餘萬兩。內甲寅年夏
秋冬並乙卯年春餉。原撥江西三四兩年地

實錄卷一百六

二十七

丁銀五十五萬兩。係該省常年協解之款。未
容藉詞推諉。仍著陸元烺趕緊催徵陸續起
解。其乙卯年夏秋冬餉。原撥江西四五兩年
地丁銀二十七萬兩。除現改撥銀十萬兩外
尚有未解銀十七萬餘兩。及丙辰年春餉。原
撥江西五年地丁銀三十萬兩。並著陸元烺
俟該省軍務辦有頭緒。即行設法解黔。以資
接濟。將此由五百里各諭令知之。○又諭前
據官文奏克復德安後西凌阿所帶馬隊尚

有一千名駐守該郡。本日據英桂奏。亳州擒匪竄偏歸德。武隆額駐守郡城。兵力單薄。歸德離省僅二百餘里。省垣存兵不過七百餘名。亟須添調兵勇等語。湖北濱江之地。港汊居多。馬隊未能施展。豫省尚多平原。堪資利用。現在該大臣等會攻武漢。此項馬隊止在德安防守。如可移緩就急。撥往河南。著官文仍派西凌阿管帶馳往聽候。英桂調派。僅尚須後路策應。不能全數調往。即著酌撥數百

實錄卷一百八十六

三十八

名派員管帶迅速赴豫。俾資防剿。毋稍遲延。將此由六百里諭令知之。○又諭前因廣西軍需喫緊。諭令有鳳將閩海關徵存夷稅銀五萬兩撥解廣西。該省勦辦股匪正在得手。未可稍形鬆懈。軍餉仍恐不敷。著黃宗漢將四川應撥京餉按糧津貼項下銀五萬兩迅速委員徑行解赴廣西。以資接濟。毋稍遲誤。將此由五百里諭令知之。○又諭英桂奏擒匪偏近歸德。請飭催兵援剿一摺。擒匪由夏

邑竄偏歸德。至有四五萬人之多。必得厚集兵力。方足以資攻剿。武隆額駐守府城。隨營兵勇不滿四千。除分防永城外。更屬無多。興慶容照所帶之兵。輒因接仗失利。退回江境。朱連泰等所帶之兵。又於亳州解圍後。株守州城。敗既不前。勝亦不進。任令該匪恣意焚掠。殊為可恨。武隆額既奉旨督剿擒匪。三省兵勇悉歸調度。何以自上月十八日。在永城發報後。並不將情形續奏。著即嚴催興慶容

實錄卷一百八十六

三十九

照等。由徐州進兵虞城等處。朱連泰等迅由亳州帶兵前至歸德。合力會剿。如敢藉詞逗遛。抗不遵調。即著武隆額據實嚴參。候旨懲辦。至安徽所撥鄭魁士帶兵一千五百名。前據和春等以該署鎮現在派剿三河。未便更易。當經批令酌量情形。另委大員統帶前往。旋據奏稱。已派參將塔思哈帶兵勦辦英山官兵一千二百名。馳赴宿州。至今並未見到。此時歸德情形喫緊。豈可以此等紆遠之兵

虛應故事。著和春福濟。仍將原派兵勇一千五百名。另委大員統帶。派往豫省。交武隆額調遣。不得再有推諉。至朱連泰等。何以久駐亳州。和春等。先派之。願州。徐州。中正勇等二千名。何以未見武隆額調到。並著和春等。嚴行查催。不准延宕。其保英崇安等所帶官兵。既經英桂調集省城。自應飭赴歸德等處。援剿。不應在省株守。本日復諭。知官文。於留駐德安馬隊中。酌撥一千。或數百名。赴豫交英

實錄卷百六十六

十一

桂調遣。此項官兵到後。加以該撫現調兵勇。為數不少。著即斟酌情形。飭令管帶之員。歸併武隆額軍營。相機會剿。此等烏合之眾。但能力挫兇鋒。餘黨自然解散。不可專事防守也。至各路需用糧餉。著英桂。妥為籌備。源源接濟。毋使缺乏。將此由六百里各諭令知之。○命賈禎為武英殿大學士。文慶為文淵閣大學士。葉名琛為體仁閣大學士。○以翰林院侍讀學士龐鍾璐。為光祿寺卿。○己酉。諭

內閣。何桂清奏。道員私心自逞。嚴叅請旨一摺。新設安徽徽甯池太廣道。原准專摺奏事。惟現在辦理軍務。自應聽候欽差大臣。及江浙督撫調度。該道石景芬。簡任是缺。適在徽甯克復之後。地方防堵善後事宜。業經何桂清奏請。交該員專辦。其蕪湖軍營。仍歸向榮調派之鄧紹良。江長貴等。辦理。乃該員連次具奏。總以統籌全局為詞。自請赴剿。且據何桂清查明。該員所招潰散台勇。有沿途滋擾

實錄卷百六十六

十一

情事。而該員仍在甯國招募無賴游民。既耗錢糧。又恐滋事。至所謂釣船。為數無多。亦與軍營無益。顯係私心自逞。有意邀功。石景芬著即革職。所有徽甯池太廣道員缺。著怡良。何桂清。於江浙兩省道府內。會同酌保一二員。奏請簡放。先行派員署理。以專責成。

珠隆阿管帶大名鎮官兵五百名現駐蘭儀北岸著該河督飭令前往歸德一帶交武隆額調遣並著崇恩督飭曹州等屬文武各員於緊要隘口嚴密防守務將被災飢民妥為鎮撫毋令勾結為患將此由六百里各諭令知之○又諭本日據武隆額奏賊匪大股圍攻歸德雖經該提督乘夜縋兵出城勦擊匪眾逃散其竄往何處尚未奏明著和春福濟即將原派之兵勇一千五百名仍飭鄭魁士管帶馳赴歸德或另派大員統帶前往以資協勦其托明阿前派容照所帶之兵業已接仗失利退回江境著托明阿嚴催赴援至揚州軍營馬隊尚多著托明阿調撥吉林馬隊一千名迅即赴豫如不能多撥即挑選數百名派往亦可其帶兵大員務須選派得力可靠之人至和春等前派都司戴世熙所帶充州兵二百餘名中正勇四百餘名並守備龔耀倫所帶徐州兵五百名遊擊武全帶潁州

兵五百名均未到武隆額軍營是否該員等畏縮不前並著和春等嚴行查催不准再有遲延將此由六百里各諭令知之○湖南提督武隆額奏歸德軍營情形得旨現雖三省會勦實覺軍情散漫○以堵截安徽蒙亳捻匪不力革都司慶福職仍留營○辛亥諭內閣火器營奏台吉捐輸馬匹等語錫林果勒盟阿巴噶扎薩克頭等台吉杜噶爾希木所捐馬一千二百匹著賞收並著於明年五月後將馬匹送交察哈爾都統查收牧放俟收齊後再行奏請獎勵○諭軍機大臣等陸元烺奏江西賊勢蔓延請飭羅澤南回軍兜勦一摺據稱賊踞瑞州臨江二府復分黨與一由新淦撲樟樹鎮一由峽江上竄吉水而湖南鄱縣之賊擾及永甯縣茶陵湖口墟之賊擾及蓮花廳又合為一股竄至廬陵之永陽地方兵力不敷請飭羅澤南剋日折回江省會同周鳳山勦除瑞臨巨寇再行進攻武漢

等語。羅澤南由崇通赴援武漢。現在帶兵進
劄洪山。勦辦正在得手。若遽令折回江西。恐
功敗垂成。墮賊牽綴之計。惟瑞臨兩郡失守。
而賊蹤又擾吉安。周鳳山一軍。兵力實形單
薄。著官文。胡林翼。迅攻武漢。早圖克復。以便
羅澤南回援江西。不致久延。有誤大局。陸元
烺仍嚴飭周鳳山等。就現有兵勇實力防勦。
不可專待羅澤南之軍。致有貽誤。將此由六
百里各諭令知之。○又諭。何桂清奏。江西廣
饒兩郡。宜扼要嚴防。請飭羅澤南統帶兵勇
馳赴江省。勦辦等語。現在羅澤南勦辦武漢
賊匪。正在得手。若遽令折回江西。深恐功敗
垂成。且江西賊勢蔓延。臨江瑞州。尚未收復。
吉安現又被圍。羅澤南即能馳回江省。亦須
先赴臨江等處。勦除大股賊匪。斷不能徑赴
饒廣一帶。為浙省防堵。著何桂清。即飭張芾
督飭地方文武員弁。嚴防徽屬婺源一路。其
衢州防堵。准其咨調蕪湖彪勇。星馳赴浙。以

資捍衛。至湖南臬司周起濱。因道途梗阻。現
在衢州。著何桂清。即飭該員。與在事文武。籌
辦防堵事宜。俟探明繞道處所。即飭迅赴湖
南本任。毋許逗遛。將此由五百里諭令知之。
○浙江巡撫何桂清奏。請飭袁甲三。協勦蒙
毫捻匪。得旨。該革員前在臨淮。辦理不善。近
據怡良等奏。請已有旨。不准行。○予廣西陣
亡知縣謝效莊。祭葬。世職。廣東陣亡監生黃
日新。賞卹如例。○壬子。諭內閣。英桂奏。湖北
遣散義勇。沿途滋事。審明懲辦等語。所有滋
事遣勇。及不能彈壓各弁。業經該撫嚴行懲
辦。此等遣勇。同籍之時。自應先繳器械。分起
行走。方不致漫無約束。乃此次遣勇。竟至數
百成羣。私帶軍器。沿途滋擾。該營又無冊籍。
豫行知照。經過地方。何從稽查防範。著官文
暨各路統兵大臣。嗣後遇有遣散義勇。先將
姓名年籍。造冊飛咨。經過省分。並原籍督撫。
豫飭各地方官。妥為彈壓。護送安插。並於離

營時飭令呈繳器械沿途分起過行。僅有攜帶軍器不遵約束。私自結隊橫行者。即著嚴拏懲辦。地方居民遇有各路散勇。過境擾害者。格殺勿論。以杜亂萌。將此通諭知之。○諭軍機大臣等。前因黔省餉需孔亟。節經諭令葉名琛。柏貴籌銀二十萬兩。黃宗漢籌銀十萬兩。迅解黔省。並將江西省應解黔餉。改撥閩海關銀十萬兩。由廣東解往該省矣。本日據恆春奏。黔省下游賊勢猖獗。擬親自督帶

兵練赴黔勦辦。兵行必先籌餉。雖率屬勸捐。而邊地瘠苦。斷難敷用。請飭就近設法籌撥銀數十萬兩等語。黔省餉需本係缺乏。現經該督添帶兵練前往。待餉尤殷。著葉名琛。柏貴將前諭籌撥之二十萬兩。黃宗漢將前諭籌撥之十萬兩。迅速派員陸續解赴黔省。俾恆春到時得以應手。不致停兵待餉。並著一面啟程。一面咨會恆春。俾得迅速前進。免致守候。其閩海關改撥之銀十萬兩。並著葉名

琛等俟撥到後。派員迅解黔省。以資接濟。將此由六百里各諭令知之。○又諭。恆春奏黔匪猖獗。擬親往督辦。並請籌撥餉需一摺。貴州上下游苗匪滋事。疊陷廳汛。銅仁府教匪徐廷杰等復戕官踞城。分竄松桃等處。匪勢鳴張。全省震動。疊據蔣霽遠奏報勦辦情形。實屬未能得手。該教匪等甘心叛逆。肆行煽惑。亟應將為首匪犯。即日殲擒。以免延蔓。至勦辦苗匪。固應勦撫兼施。亦須痛加懲創。使

皖豫日肆鴟張現已諭令英桂剋日出省督兵勦辦惟匪蹤飄忽恐致四出蔓延亟須馬隊官兵藉資得力所有駐劄德安之吉林黑龍江馬隊除遣撤歸伍外現存若干名著官文飭令全數星馳赴豫交英桂調遣並著托明阿遵照前旨挑選吉林馬隊一千名遴派得力將弁管帶前赴英桂軍營儘實不敷調撥即數百名亦可所有軍裝器械口糧並著托明阿官文速為豫備俾該官兵得以即日啟程不致遲誤將此由六百里加緊各諭令知之○又諭前據武隆額奏報歸德解圍情形未將賊竄何處偵探明確方謂數日必有續報乃本日該提督奏報軍情但稱賊眾兵寡請調京營馬隊並未確探賊蹤實屬漫無布置已明降諭旨將三省會勦事宜專交英桂督辦矣該撫前調河北南陽等處兵勇計已陸續到省即行統帶馳往並將武隆額所帶之兵併歸該撫調度探明賊蹤所在一面

馳奏一面撥兵追勦毋令肆擾容照所帶馬隊五百名現在徐宿一帶逗遛即著飛速調來先資攻勦惟容照統帶不能得力著該撫於就近軍營中察看何人勇敢即行派令管帶飭令容照仍回揚州軍營聽候差委其安徽江蘇兩省兵勇既歸該撫節制亦著飛飭嚴提及早會合前諭武隆額遇有逗遛抗違之員即行嚴叅而本日奏報尚稱急切不能萃集直似呼應不靈該撫務當從嚴調催勿任耽延如有疲玩不遵即行據實叅辦至省城應籌防守事宜即著責成英榮督同在城文武妥為籌備毋稍疏懈現在匪勢猖獗該撫萬不可株待調兵致形遲滯武隆額所請酌保歸德守城官紳並著英桂於到營後確切查明據實保奏將此由六百里加緊諭令知之○以協辦大學士工部尚書彭蘊章戶部右侍郎何彤雲充經筵講官○命河南巡撫英桂督辦三省勦匪事宜○命前任福建

按察使徐宗幹馳往河南幫辦勦匪事宜○
以辦理浙江海運出力予布政使韓椿等升
敘有差○以克復湖北漢川縣城並截勦德
安援賊出力賞遊擊趙鴻舉花翎知州程桓
升等藍翎餘升擢有差○予湖北武昌陣亡
佐領鳳祥果勒敏阿防禦觀保阿斯杭阿參
領蘇勒肯副將舒寬參將文全遊擊秀瑞守
備王世隆千總曾思義祭葬世職○甲寅
孝莊文皇后忌辰遣官祭

昭西陵○諭內閣惠親王等奏揀員請補監督
大使各缺等語鐵錢局設鑪鼓鑄前據惠親
王等奏定章程經戶部覈議奏准辦理所有
在局各員自應慎加揀選以重職守鐵錢局
滿洲督監二缺即著戶部郎中三壽刑部員
外郎德泰充補其漢監督二缺著戶部照例
咨取合例人員帶領引見候旨簡放大使二
十缺著照所請充補該監督大使分別二年
三年期滿之處均照所議辦理○江南提督

和春等奏報進攻五河舒城獲勝並添勇赴
巢縣勦賊情形得旨五河舒巢各處均屬小
勝若不趕緊催勦終虞日久詭生別滋蔓延
汝等久駐廬城亦應速定進取庶期漸次就
緒○金州副都統增慶因病解任以頭等侍
衛希拉布為金州副都統○以辦理天津海
運出力予知府蔡紹洛等升敘有差○
上以歲暮祫祭

太廟自是日始齋戒三日○乙卯諭內閣御史

宗稷辰奏請展緩謁

陵一年以恤民力一摺每年祇謁

山陵事關典禮朕惟有恪遵

祖制敬展慕思如果畿輔地方民力未逮亦必

權衡時勢暫緩舉行現在並未降旨何日謁

陵該御史輒以直隸南境間被偏災奏請間歲

展謁殊屬冒昧言官條陳時事匡救過舉如果

確有見聞朕必俯加採納若以揣度之詞率

行陳奏是徒博敢諫之名而無其實此風斷

不可長宗稷辰著交部議處○又諭奕格等奏官兵捐輸銀兩一摺布特哈總管佛爾慶阿暨該處官兵等公同捐銀四千二百兩為置辦軍械之用實屬急公可嘉惟念該官兵等藉資俸餉當差未便令其集資報效此項銀兩業經該將軍動用置辦軍械著盛京將軍於船規項下先行照數撥給賞還再由戶部酌撥盛京歸款以示體恤○又諭前因蘭陽漫口泛溢三省朕念小民蕩析離居急宜設法保衛又因軍務未竣籌餉浩繁一時驟難堵築疊經諭令桂良英桂崇恩各派幹員查勘並令李鈞派張亮基前往周歷繪圖貼說奏明辦理昨據李鈞奏經張亮基查明東省被水州縣及黃流穿運入海情形請飭地方官勸民築堰切灘堵截支河本日復據崇恩奏陳河患情形朕詳覽該河督等所稱漫溢處所被災較廣實深憫惻因念現置嚴冬水落歸槽海口雖屬暢消瞬屆春融水長各

河淤墊益高恐有潰決之患若議改河流由大清河入海雖取徑較捷而關繫民田廬舍亦屬窒礙難行宵旰焦思豈忍令大溜旁趨不籌補救以衛閭閻此時惟有遇灣切灘使河勢刷寬取直並順河築堰堵截支河為暫救目前之計據李鈞崇恩奏稱水勢淺緩之處居民皆築堰自衛濬渠分洩著即妥為勸辦並著直隸河南山東各督撫飭令地方官吏疏濬積潦剴切曉諭紳民等量力捐貲俟集有成數奏明請旨即由該河督擇節估計趕籌堵築其張秋迤北運河東西岸應堵缺口及西民堰等處應做裏頭護埝並於黃流倒漾處築壩收束著李鈞即飭該管廳營估定工需由山東藩庫籌撥銀款興辦歸於另案報銷其曹州府護城隄應加高培厚著寬籌加賑藉作工需定陶縣常堽廟各口應堵支流並著該督撫等飭令大名曹州二府會同查勘辦理該督撫等務當仰體朕意實力

督辦以蘇民困○諭軍機大臣等景瀄奏防夷情形並請撤回本省官兵守禦一摺俄羅斯與三姓等處邊界毗連兩年以來該夷以請分疆界為名陰懷叵測景瀄此奏實屬思患豫防惟此時粵匪未平正在攻勦喫緊之際調出官兵萬難遽行撤回祇可將備調餘丁勤加操練以成勁旅從來撫馭外夷惟有設法羈縻善為開導斷無輕率用兵之理該將軍既已洞悉情形定能處以鎮靜密加防範儻該夷來春復至別有要約務須妥為駕馭勿啟釁端並著嚴飭三姓等處官兵認真防守毋稍鬆懈將此諭令知之○伊犁將軍扎拉芬奏密陳所轄大臣考語得旨所出考語尚無虛套惟皆係四箇字祇一人是八箇字豈其平日所辦之事一無默識耶○丙辰以歲暮裕祭遣官祭

太廟中殿

後殿○諭軍機大臣等本日柏後因補授戶部

尚書謝恩摺內有據吏部文稱奉硃批字樣向來硃筆諭旨均由軍機處另繕仍寫內閣奉上諭字樣始行發鈐是日所奉上諭柏後何以知係硃筆現經軍機大臣調查吏部行文簿於十九日行文熱河係寫奉上諭字樣與柏後所奏不符顯係有人寄信通知柏後著即將通信之人據實指出明白回奏不准稍有掩飾儻意存諉卸稍涉含混別經查出必將柏後從重懲處將此諭令知之○又諭

英桂奏擒匪南甯柘城窺伺陳州現催兵勇進剿一摺該匪由歸德窺至柘城逼近陳州雖經兵勇擊敗其勢尚形猖獗臬司余炳燾兵本無多該撫派往陳州之王鳳翔亦僅帶兵勇一千是陳州情形較歸德尤為緊要該撫接奉前旨諒已料理啟程著即星速出省迎賊所向督兵勦截其所派馳往歸德之南陽鎮兵及武隆額原帶之兵該撫即應歸併調撥不可聽其株守無賊之地亦不可以調

兵未齊遲遲啟程該撫總以迅速出省調度為要。本日又據王履謙奏武隆額一味畏葸將永城兵勇調赴夏邑以為避賊之計。復聽信候補道張維翰議降。委員至徐州提前獲張樂行之姪送還以致該匪窺破虛實。大股進撲夏邑武隆額即退走虞城。匪至虞城武隆額復退保歸德。現在歸德被匪焚掠紳民切齒且擒匪十三日圍城武隆額所帶之兵於初十先已潰散等語似此布置乖方節節退守實屬恒怯無能著英桂即行確查據實參奏毋得稍有徇隱自干咎戾。將此由六百里諭令知之。○又諭崇恩奏勦辦曹屬擒匪及派兵防堵曹河並王履謙英桂奏報擒匪竄擾情形添派兵勇各一摺擒匪張樂行等肆行竄擾已諭令英桂帶兵督辦所調河標營兵三百名著李鈞認真挑選精壯交參將雙慶管帶赴豫候調所需軍裝口糧馬乾等項著崇恩即日豫備俾迅速啟程俟到豫後

即由豫省支應該匪情形猖獗河防極關緊要仍著王履謙李鈞督飭文武各員加意防範毋許稍涉疏懈至曹屬擒匪現經護總兵郝上庠將首要各犯殲擒而皖豫之匪擾及虞城等處與單縣地方逼近亟應嚴密防堵以免闖入崇恩現飭郝上庠等馳赴曹河並調德州等處官兵前往候調著即飭該護鎮就現有官兵扼要堵禦並與皖豫兩省兵勇聯絡聲勢相機進剿一面將開繼寬等餘黨密速搜捕毋令勾結致滋蔓延現在河南軍情喫緊恐不能兼顧東省僅郝上庠等所帶之兵不敷堵剿該撫即就本省官兵內酌量抽調以期得力仍將被水災民妥為撫輯勿令再致嘯聚將此由五百里諭令知之。○以查辦河南聯莊會出力授翰林院庶吉士傅壽彤為檢討復道員趙書升職。○丁巳裕祭太廟上親詣行禮遣官祭

永陵	福陵	昭陵	昭西陵	孝陵	孝東陵	景陵	泰陵	泰東陵	裕陵	昌陵	昌西陵	慕陵○遣官祭	孝靜康慈皇后暫安寢殿○遣官祭	孝德皇后殯宮○遣官祭	端慧皇太子園寢○遣官祭	太歲之神○命大學士文慶為正使署禮部尚書麟魁為副使持節齋冊封
實錄卷一百六十七										一八						

麗嬪他他拉氏為
麗妃冊文曰德贊坤儀蘭殿佐睢麟之治榮
膺異命芝泥揚暈翟之華寅承久協乎珩璜
申錫宜頒夫綸綍咨爾麗嬪他他拉氏柔嘉
秉性淑慎持躬拓館恭隨奉遽筐而分職椒
庭翼助修綢組以襄勤茲晉封爾為麗妃申
之冊命爾其祇承茂典允昭象服之宜式迓
蕃釐永荷龍光之譽欽哉命禮部右侍郎寶
璽為正使內閣學士載鷺為副使持節齋冊
封
婉貴人索綽羅氏為
婉嬪冊文曰六宮分職令儀式贊夫坤元九
御觀型淑範聿昭其異順播芳聲於圖史政
翊鸞帷晉茂秩於嬪嬙恩宣鳳綵咨爾貴人
索綽羅氏玉質含章金昭飭德佩珩璜而度
協修綢組而儀勤奉內治於中朝倍徵敬慎
著和衷於同列共表柔嘉茲冊封爾為婉嬪
爾其恪恭蘭掖益揚暈翟之華襄贊椒庭用

佐睢麟之化。欽哉。○欽差大臣托明阿等奏瓜州乘夜攻擣竄匪獲勝情形得旨。所云殲勦無算。並無殺斃賊數。足見過事掩飾。○湖南提督武隆額奏。歸德兵力單薄。請飭援兵助勦。得旨。汝兵雖單。亦應趕緊追勦。今惟株守歸郡。怯懦畏蒞。情態畢露。至汝所請飭催各兵。已有旨。惟京兵實不能輕出也。○以江蘇瓜州軍營築圍勦賊出力。賞知府方長澤都司趙樹棠等花翎。守備雷逢春藍翎。餘升

實錄卷一八七

事

擢有差。○予江蘇瓜州傷亡參將馬永泰祭葬世職。○是日丙辰年立春。順天府進土牛春山寶座。○是年旌表孝子浙江等省蔣元順等十二名。孝友。福建省林正楷等二名。義夫。四川省李存仁一名。孝女。浙江等省鍾七姑等二口。貞孝女。浙江省劉氏一口。守節合例。宗室純粹妻瓜爾佳氏等二十一口。滿洲松慶妻佟佳氏等一百三十八口。蒙古伊克金布妻鄒氏等四十四口。漢軍瑞芝妻黃氏

等三十九口。內務府德太妻許氏等五口。各省駐防雙福妻關氏等一百二十九口。奉天等省張佩文妻李氏等一千五百一十五口。夫亡殉節。浙江等省汪士熙妻施氏等十一口。未婚守志。安徽等省周錫標聘妻張氏等十三口。採訪貞節婦女。安徽等省汪學洲妻胡氏等二十七口。五世同堂。百歲壽民婦四川等省董學禮等三名。百歲壽民婦浙江等省李士備等三名。五世同堂。湖南等省王代秀等十一家。均給銀建坊如例。○會計天下民數穀數。除江蘇安徽湖北貴州未經冊報外。奉天等省通共大小男婦二萬九千三百七十四萬二千八百八十二名。口。存倉米穀一千五百二十萬四千五百九十九石三斗三升四合。


實錄卷一八七

事

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百八十七

實錄卷一百八十七

三十二

The background of the page is a light yellowish-tan color. It is decorated with several large, stylized cloud motifs in a darker yellowish-green hue. These clouds are rendered in a traditional Chinese 'wan' (vase) style, featuring swirling, rounded forms with pointed, flame-like edges. The clouds are scattered across the page, with some appearing as single elements and others as interconnected groups. In the bottom left corner, there is a line of text providing publication information.

統一書號:11018·1355—42

定 價: 52.00 元